

Bulu Ntam Pɔpwe



in cooperation with
Ghana Institute of Linguistics,
Literacy and Bible Translation

Bulu Ntam Pɔpwe

The New Testament with Psalms
in the Nkonya language of Ghana, West Africa
[nko]

1st ed.: 2009

Revised Edition
2017

Text:

© 2009-2026, Wycliffe Bible Translators Inc.
www.Wycliffe.porg

Ghana Institute of Linguistics, Literacy and Bible Translation (GILLBT)
www.gillbt.org

For more Scripture resources in Nkonya, visit
www.ScriptureEarth.org/nko

Creative Commons (by-nc-nd)
Attribution-NonCommercial-No Derivatives
<https://creativecommons.org/licenses/by-nc-nd/4.0/>

Bulu Ntam Pɔpwe Nwulɔ

<i>book</i>	<i>abbreviation</i>	<i>page</i>
Israel Uu	(Uu).....	1

NEW TESTEMENT

Mateo.....	(Mat.).....	163
Marko	(Mar.).....	213
Luka	(Luk.)	244
Yohane	(Yoh.)	295
Gyumagyihe	(Gyu.).....	332
Romafɔ.....	(Rom.).....	377
1 Korintofɔ.....	(1 Ko.).....	397
2 Korintofɔ.....	(2 Ko.).....	414
Galatiafɔ	(Gal.).....	426
Efesofɔ	(Efe.).....	433
Filipifɔ	(Flp.)	440
Kolosefɔ	(Kol.).....	445
1 Tesalonikafɔ.....	(1 Te.)	449
2 Tesalonikafɔ.....	(2 Te.).....	453
1 Timoteo	(1 Ti.).....	456
2 Timoteo	(2 Ti.).....	462
Tito	(Tito).....	466
Filemon.....	(Flm.).....	469
Hebrifɔ.....	(Heb.).....	471
Yakobo	(Yak.).....	486
1 Petro	(1 Pe.).....	491
2 Petro	(2 Pe.).....	497
1 Yohane.....	(1 Yoh.)	501
2 Yohane	(2 Yoh.)	506
3 Yohane	(3 Yoh.)	507
Yuda.....	(Yuda).....	508
Atɔ Lesunahe	(Atɔle.)	510

APENDICES

Asɔn Hianhe Ast Suna	531
Asɔn Dunkahe	542
Amáapɔ.....	545

Israel Ulu

Ɔwulo 1pu

(Israel Ulu 1-41)

Ulu 1

Aha Yile Bú Ansigi

- ¹ Ansi igyi ɔha ání ɔtamagyi aha lalahe asunso,
ɔtamabwe lakpan abwepu bwehe,
ɔtamatsia ahinla abweputɔ.
- ² Tame Nana Bulu atosunahesugyi tegyi mu ansi,
ɔtɔgywun mú tɔwɔ ɔpa-onye.
- ³ Ogyi fe oyiá boswie mú ntsu ɔwɔ,
itoswie abi mú swiebi,
itamakpa ate.
Togyitɔá ɔbwe tɔwa ale ha mu.
- ⁴ Tame aha lalahe butamanya mú alɔ.
Bugyi fe nteteá afu de mú tsun.
- ⁵ Aha lalahe buméenyɔ ɔlukpa Bulu asun ogyikpa.
Lakpan abwepu ε buméenyɔ otsiakpa yile abweputɔ.
- ⁶ Tsufe Nana Bulu tekpa yile abwepu,
tame lalahe abwepu mú béta.

Ulu 2

Owieá Bulu Layai

- ¹ Ntogyi su ɔmá-ɔmá banya ɔblo,
bwe agywun kuku kpali?
- ² Ɔmásv agyipɔ badida atɔ.
Wulu ahande batɔ aba fia,
kita agywun lalahe Nana Bulu mu ɔha amuv alada ofuli amusu.
- ³ Bodebli beɛ, “Mliha ale tɔwɔ le amú ibitɔ,
adali amú ɔhie asi.”

4 Aní Wie tsie ɔsɔsɔ mu owie-obiasɔ ɔde amú mɔsi,
bwe amú ahinla.

5 Mú ɔma a, ɔbébla amú asun ɔblɔsɔ,
wa iyin wa amú ɔbɛɛ,

6 “Mí mú nayaí mí owie
mí onuto íbɔ Sionsɔ.”

7 Owie amɔ ɔbɛɛ, nébla mlí asun ání Nana Bulu labli.
Ɖlebla mí ɔbɛɛ, “Mí Bì gyi fu.
Nde nabwe fu Sɔ.”

8 Kuli mí, nɔpɔ ɔsulɔsɔ ɔmá féé ha fu;
fégyi músu yeyi ɔyi ɔka.

9 Fɔpɔ datɔ bwiebwie amú
blublublu fé abua.

10 Mú sɔ awie, mlítin ansɔ.
lsɔ agyipɔ, mlíkɔ wanklaan.

11 Mlɔpɔ ifu sum Nana Bulu.
lwi ikpɔnkɔ mlí, amlɔnya ansigyí.

12 Mlɔba iwɔasɔ ha Bulu mu bí amɔ,
menɔ oméenyɔ ɔblɔ, mluméeta ɔkpatɔ.
Tsufe mu ɔblɔ tɔkɔsɔ wa iyin.

Ansɔ igyi aha ání butesɔ tɔnɔ mu.

Uv 3

Nana Bulu Ubtɔ Nkpahɔ Bɔ

Ikanfo-úvɔ Dawid lɔwa breá mu bí Absalom gya mu.

1 Oo Nana Bulu, mí alupɔ badɔbí!
Adɔn bakɔsɔ mɔsɔ!

2 Bɔdetɔ mɔsɔ bɛɛ,
“Bulu mɔ́hɔ mu ekekekeke!” lya.^a

3 Oo Nana Bulu, fulegyi íban wa mí.
Fugyi mí numnyam,
futotsu mí ansɔ́ fua.

4 Nosu kpɔlɔ Nana Bulu kɔklɔkɔsɔ.
Ɖlɔsɔ mí ɔhɔ tsu mu onuto íbɔ amɔsɔ. lya.

5 Nekledɔ didɔ.
Nalatsinkɔ,
tsufe Nana Bulu togyo mí iwɔ.

6 Alupɔ idu-lafa babomlí mí,

mméde amú ifu nya.

⁷ Oo Nana Bulu, kvsu. Mí Bulu, hɔ mí.
Tsufo futeɗa mí alupu le da,
kpa awuntɔlupu abin.

⁸ Nana Bulu, fu ɔbɔ nkpahɔ bu.
Ha fu oyula ɔba fu abisu.

lya.

Ulv 4

Nokpoli Bulu ɔtɔsɔ Mí ɔnɔ

Dawid kanfu-ulv ha ulv osunapu. Bɔpu ɔsankuo da mó.

¹ Oo Bulu, ní nosu kpoli fu a, sɔ mí ɔnɔ.
Futeha ntegyi asu!
Breá mbu ikplantɔ a, fele mí.
Wun mí nwe, afusɔ mí ɔnɔ.

² Oo anyankpɔsa, mluméesi mí kpɔ?
Mluméesi asun ání uma labi ɔma gya, si afunu buo?

lya.

³ Mlibiá Nana Bulu lale ɔha ání ɔtamakpa mu ɔma yat ha mu iwí.
Ní nokpoli mu a, ɔtɔsɔ mí ɔnɔ.

⁴ ɔbɔ ikita mí a, umáha amlubwe lakpan.
Ní mlɔda mí ɔklansu a, mlubwe diin amlɔɔ mí iklontɔ.

lya.

⁵ Mlibɔ afɔɗe wanklaan,
amlupu anɔ dinka Nana Bulusu.

⁶ Aha tsɔtsɔtsɔ buɗeblɔ beɛ,
“Ma ɔbɔbwe yile ha aní?”
Oo Nana Bulu, wa awɔɔle ha aní.

⁷ Faha anɔ lahiɛ gyi mí,
ɗun anɔ́ itegyí amú
breá amú atogyihe pú amú nta labusu.

⁸ Nékleɗi iwilwiiti, ɗɗi féé.
Oo Nana Bulu, fu nkule ɔbéha tɔtɔ mɔ́bwe mí.

Ulv 5

Nana Bulu Toyula Yile Abwepu

Dawid kanfu-ulv ha ulv osunapu. Bɔpu ɔtente fuɓi mó.

¹ Oo Nana Bulu, yaa asu.
Nu mí asun, afunu mí isu.

- ² Mı Wie pú mı Bulu,
nu mı isu, afgangı mı buale,
tsufe fu ndesu kpoli.
- ³ Oo Nana Bulu, baka fónu mı ɔme.
Nópu mı asun tswı fu ansıtɔ nyankı,
si ntsie nde fu ansıtɔ kı.
- ⁴ Oo Bulu, lalahɛbwe tamagyi fu anstı.
Fıtamafia lalahe abwepu.
- ⁵ Fıtamakleá fówun ıwı atsupu.
Fıtekisi lalahe abwepu féé.
- ⁶ Fıteyinta afunupu,
fıtekisi aha amɔpu pú aha amlepı.
- ⁷ Tame fu ɔdweá ıma ɔka su,
nébitiwie fu woyıtɔ.
Nópu ifu bun sum fu fu ɔtswekpa unı.
- ⁸ Oo Nana Bulu, fu asun da ɔkpa.
Mı alupu bɔdɔbu.
Mú su kpa mı, ambwe fu ɔdwela.
Suna mı fu ɔkpa, antsun músu.
- ⁹ Bıtamablı ɔnɔkwalı kuku.
Lalahe koun bu amú ıklɔntɔ.
Amú ɔnɔɔ asun blıhe tobon fe fuli ɔbɔɔ.
Bıtɔpu amú ɔnɔ mle aha.
- ¹⁰ Oo Bulu, ha amú ıpɔn!
Amú onuto agywun lalahe ıtı lowu ha amú.
Amú lakpan tsɔtsɔɔtsɔ pú alá bakusu lu fısu,
su gya amú le fu ansısu.
- ¹¹ Tame ha aha ání bıtɛsrı tanu fu féé abunya ansıgyı.
Ha amú abıwa ansıgyı ılv.
Bun amúsu, menı ansı bégyı fu adwepu féé.
- ¹² Tsufe Nana Bulu, fıtoyula yile abwepu.
Fu awıtɔle legyi ıban bomlı amú.

Ulv 6

Nana Bulu, Damli Kı Mı Afıtsa Mı Ulv

Dawid kanfu-ulv ha ulv osunapu. Bápı ɔsankuo ɔme ikwesi da mú.

- ¹ Oo Nana Bulu, máwa ıyın wa mı ɔblɔsu.
Mákuła ɔblɔ bıtı mı ısu!
- ² Nahıe pɔn, su wun mı nwe.

- Awutɔ de mi dwiindwiin, lawa mi ɔwonlin.
³ Oo Nana Bulu, ifu de mi ɔkla.
 Máha mú twa ɔpá asa afotsa mi ulɔ.
- ⁴ Nana Bulu, damli kɪ mi afuhɔ mi nkpa.
 Fu ɔdwe ma ɔka. Mú su le mi tsu lowutɔ.
- ⁵ Tsufe ɔha owu a, ɔtamatra kan fusu.
 Ma ɔbétali kanfu fu afulitɔ?
- ⁶ Ahumti de mi mɔ.
 Onyegyionye nekledi ntosu,
 fɔ mi sumue mɔn-mɔn-mɔn.
- ⁷ Mi alupu baha nasu alu,
 mi ansibi lapunya tin.
 Mmede atɔ wun.
- ⁸ Lalahe abwepu, mlunati teti misu,
 tsufe Nana Bulu lanu mi isu.
- ⁹ Alanu mi isu,
 ɔbɔɔ mi ɔnɔ.
- ¹⁰ Peli békuta mi alupu féé, ifu békuta amó.
 Bɔpu nsupa yinki ɔma ɔsasɔ.

Uu 7

Nana Bulu Gyi Aha Féé Ason Ogyipu

Benyaminyin Kus iwɪ awirehɔ-ɪlvá Dawid lɔwa ha Nana Bulu.

- ¹ Oo Nana Bulu, mi Bulu, fu nasri tanu.
 Hɔ mi, afule mi tsu aha ání budin misu féé ibitɔ.
- ² Ni megyi alɪ békuta mi,
 tuti mi fe gyata;
 mma ɔhɔpu.
- ³ Oo Nana Bulu, mi Bulu,
 ni nawa ibi lalahetɔ,
- ⁴ ni napu lalahe ka mi ba kɔ,
 nte nasisi mi olupu kuku kpali.
 Ni napu unɪtɔ ɪku gyi ɔku fiin.
- ⁵ Mumu ha mi alupu abudinka misu, abunya mi.
 Butsatsa misu,
 abusupa mi fuli.
- ⁶ Nana Bulu, pu ɔblɔ kusu lu.
 Mi Bulu kusu, mi alupu bawa iyin.

lya.

- Fulɔpu asungyi ba.
- 7 Ha ɔmá-ɔmá abubefia fu anstɔ,
afutsia fu owie-obiasu ɔsusu gyi amú asun.
- 8 Nana Bulu, fugyi ɔyitɔ aha féé asun ogyipu.
Oo Nana Bulu, gyi ha mi, tsufe mi asun da ɔkpa.
ɔlala ima mi iwɪ.
- 9 Bulu, ɔɔkwaliɔpu fugyi.
Futekali ant agywun pú ant uklɔntɔ asun.
Ka lalahe abwɛpu tin,
afuha yile abwɛpu abulu.
- 10 Bulu legyi iban wa mi.
Mutɔhɔ aha ání amú asun da ɔkpa.
- 11 Asun ogyipu ɔɔkwaliɔpu Bulu gyi.
ɔtele mu ɔblɔ suna ekekegyieke.
- 12 Ni bumetse amú itsiatɔ a,
ɔbéya mu ɔdayi.
Alabiti mu ɔbun dodo.
- 13 Alakula mu akɔtɔ akinkin tsan,
nuna mu mbun piɔn-piɔn.
- 14 Ki alitá banya lalahe ɔmé.
Lakpan ɔmé ide amú dwiin.
Bókwu afunu.
- 15 Butokwi ɔbɔ, loti móɔ klukluuklu,
amú onuto butekpa wie móɔ.
- 16 Amú onuto lalahe teyinki ba amúsu.
Amú owuntɔlɔn teyinki bobun amú nwunso.
- 17 Néda Nana Bulu ipan mu ɔɔkwaltwa su.
Nówa ulv kanfu Nana Bulu, ɔsusuusu mu Wie ida.

Ulv 8

Nana Bulu Ida Lɔkuku Moni

Dawid kanfu-ulv ha ulv osunapu. Bópu Gatfo ɔme wa mó.

- 1 Oo ant Wie Nana Bulu, fu ida lɔkuku moni ɔyitɔ o!
Fu numnyam lɔfva dafa nwulɔta.
- 2 Fasuna nyebi múa abi ɔɔbwe alitá bukanfu fu.
Ulaɔa fu alupu bawun fu ɔwɔnlɔn.
Mó su amúa aha ání butamasi ula kie bakpa ɔɔ bun.
- 3 Ni notsu anst ki ɔsusu, fu ibi ɔɔtɔ atɔ bwehe,
ɔtsra múa ntsrakpabiá ɔɔbwe dinka nwulɔtasu a,
- 4 ntefute mi iwɪ mbeɛ,

“Nto nyankpusa lɔkuku ogyi, su futɔgyiwun mu iwɔ alɔ?
Nto nyankpusa gyi, su futeki musu?”

⁵ Feba mu asɔ dɔn fu abɔɔp^b.

Fɔɔɔ numnyam pɔ obɔ dɔnka musu.

⁶ Fɔɔɔwe mu fu ibi ɔnɔ atɔ bwehe fɛɛsu ogyipu,
fɔɔɔ togyitɔ wa mu asɔ.

⁷ Akufa, nnantswie pɔ pututɔ-mbwɔ fɛɛ;

⁸ mbubwi mɔa ntsutso-aye
pɔ ntobiá bɔna ɔputɔ fɛɛ.

⁹ Oo anɔ Wie Nana Bulu, fu ida lɔkuku moni ɔyitɔ o!

Ulu 9

Nana Bulu Gyi ɔtanokpa Yile

Dawid kanfo-ulu ha ulu osunapu. Bɔpu obi-lowu ɔme wa mɔ.

¹ Nana Bulu, nɛkanfo fu tsu mɔ uklɔntɔ.

Nɛbla aha ofula akpɔnkpɔntá fabwe fɛɛ.

² Fu su anɔ bɛhɛ gyi mɔ.

ɔsɔsɔsɔ Mu Wie, nɔwa ulu kanfo fu ida.

³ Mɔ alupu bowun fu buteyinki ɔma,
dɔda wu,

⁴ tsufe asun ogyipu ɔnɔkwaltɔ fu gyi.

Fatsia fu obiasu, gyi mɔ asun wanklaan ha mɔ.

⁵ Bulu, fawa iyɔn wa ɔmá ání bɔmeyin fu.

Faha lalahe abwɛpu bata,
tsitsi amɔ ada le inu plɔplɔ.

⁶ Anɔ alupu kletɔ lata fɛɛ.

Fabwie amɔ awulu fɛɛ.

Bumɛɛtra tɔ amɔ ada ekekekeke.

⁷ Tame Nana Bulu tsie bre fɛɛ.

Alayaɔ mu obia ha asungyi.

⁸ Obɛgyi ɔyitɔ aha fɛɛ asun mɔ ɔkpasu.

Obɛgyi ɔmá fɛɛsu ɔnɔkwaltɔ.

⁹ Nana Bulu gyi ɔtanokpa kinkin ha aha ání bɔde amɔ hɛ.

ɔtanokpa kinkin ogyi ha aha ání bawie ukplantɔ.

¹⁰ Oo Nana Bulu, aha ání buyin fu ida butɔpu anɔ dɔnka fɔsu,
tsufe futamatswe fu adunkapu kpɔkpu.

- 11 Mlwa ulu kanfu Nana Buluá otsie Sion!
Mlida mu atɔ bwehe féé ɔkan ɔmagyiɔmáto.
- 12 Tsufe mɔteka ɔha ání alawa ibi obugyato ɔko.
Ɔtamakina ipian awunpu isu nu.
- 13 Oo Nana Bulu, wun mi nwe!
Kɪ altá mi alupu bɔde mi ipiantɔ wa!
Futele mi tsu lowu ɔbɔɔ,
- 14 menɪ nékanfu fu Sionfɔ ofiakpa.
Ansi bégyi mi, tsufe fahɔ mi nkpa.
- 15 Ɔmá-ɔmá bakpawie amú ɔbɔ kwiheto.
Amú onuto ayibi funihe lale amú.
- 16 Nana Bulu lale iwɪ suna tsun mu asunbua ɔɔɔkwalitɔ.
Aha lalahe amu onuto ibi ɔɔɔ gyumagyihe lale amú. *Mlifvli ikpe amu
kvklv. lya.*
- 17 Afulitɔ ida gyo ɔmá lalahe
pú Bulu akisipu féé.
- 18 Tsufe fúméetan ahianfɔsu bre féé.
Ipián awunpu ɔkpaki e umɔɔbwe kpali ekekekeke.
- 19 Oo Nana Bulu, kusu!
Máha nyankpusa ɔwa ɔkpayi fu anstɔ ɔbee, magyi tsu.
Ɔmá-ɔmá bɔgyi ipɔn fu anstɔ!
- 20 Oo Nana Bulu, pu ifu wa amúto,
abubíá anyankpusa keke bɔgyi. lya.

Ulu 10

Nana Bulu Gyi Owie Bre Féé

- 1 Oo Nana Bulu, ntogyi su fawa ifɔ alɔ?
Ntogyi su faɔɔain iwɪ breá anbu ukplantɔ?
- 2 Aha lalahe bapu iwɪtsu bɔgya ahianfɔ.
Ha amú agywun lalahe ibufa amúsu.
- 3 Tsufe aha lalahe butɔpu amú ɔwɔlt lalahe tsu iwɪ.
Butoyula aha asisipu, kpɔi Nana Bulu.
- 4 Iwɪtsu su butamapu Bulu bwe tɔto.
Amú agywun féé gyi, “Bulu ɔkɔku má unu.”
- 5 Togyitɔ tɔwa ale ha amú bregyibre.
Bulu asunbua lɔfua dun amú,
bumede mú wun.
Amú alupu bumegyí tɔto amú anstɔ.
- 6 Botebli wa nwuntɔ bee,

- “Tɔtɔ méele anɔ da.
Anumóowie ikplantɔ ekekeeke.”
- 7 Ulwu mɔ́a afunu pɔ́ asun-sunsun bli butegyi dɔ.
Asunkpan mɔ́a asun lalahe bli ma amó ɔpa.
- 8 Butɛɛnain abuasɔ mɔ́ aha ání ɔlala ma amó iwɔ.
Butete aha ání ɔkla ma amó ogya.
- 9 Butɛɛnain fe ɔtapu de ɔbwi te,
gyo apɔnpu.
Butefunɔ ayibi kita apɔnpu, butta amó natɔ.
- 10 Butɛda apɔnpu le da,
yia amó manta ɔsulɔtɔ mamaama.
- 11 Aha lalahe anfi butebli wa amó nwuntɔ beɛ,
“Bulu ansɔ mɛdɔn mósɔ.
Alabun ansibi. Omóowun mú ekekeeke.”
- 12 Oo Nana Bulu, wa ɔsa bitɔ aha lalahe isɔ,
afɔkaɔn iwɔɔsun awunpusɔ.
- 13 Ntogyi sɔ aha lalahe basi Bulu ɔmagya,
budebli wa nwuntɔ beɛ, “Ɖméesibiti anɔ isɔ?”
- 14 Tame togyitɔ ida fu ansitɔ,
tsufe fude iwɔɔsun pɔ́ ipian awunpu wun.
Futekleá fɔ́bua amó bregyibre.
Apɔnpu butɔpu ansɔ dunka fusu,
futegyi awumbi buale bregyibre.
- 15 Kpa aha lalahe anfi pɔ́ awuntɔlnpu iba.
Bitɔ amó lalaheá babwe isɔ
yɛfon breá bési bwe.
- 16 Nana Bulu gyi Owie bre féé.
Ɖmá bamba bata le mu ɔsulɔsɔ féé.
- 17 Oo Nana Bulu, futonu iwɔɔsɔ abapu isɔ.
Futɔwa amó ɔwonlɔn, yaa asɔ nu amó asun.
18 Futegyi ha awumbi pɔ́ aha ání bude amó hɛ,
menɔ nyankpusa gyi-wudɔ, gyi-nfɔli méetra wa amó ifu.

Ulv 11

Aha Ání Amó Asun Da Ɖkpa Obówun Bulu Ansɔtɔ

Dawid ulv ha ulv osunapu.

- 1 Nana Bulu nasrɔ tanu.
Ɖkpa mɔ́musɔ mlide mɔ́ bla mlɔaa,

- “Wa ɔsa sri ɔain,
fe alíá obubwi tofuli yɔ ibusu?
2 Tsufe aha lalahe bakli amú ita, buti mú.
Baɔain okluntɔ bótswi aha ání amú asun da ɔkpa.
3 Ní bobwie ntswiasí amu bun a,
ntɔ ɔha yile ɔbétali bwe?”
- 4 Nana Bulu bu mu Ɖtswekpa.
Otsie mu owie-obiasu ɔsusu.
Ɖde anyankpusa ání bubu ɔtnegyiɔtne ki.
Odewun tɔá budeɔbwe.
- 5 Nana Bulu tekapu yile abwepu pú lalahe abwepu ki,
tame otekisi aha ání butekle owuntɔlin.
- 6 Ɖbéha atonkodu múa agyawunuá ideho bótswie wuli lakpan abwepusu.
Lilitɔ afuá mú ɔno bu ɔnlin ɔbɔpununa amú.
- 7 Tsufe yile ɔbwepu Nana Bulu gyi.
Otekle yile.
Aha ání amú asun da ɔkpa obówun mu ansitɔ.

Uv 12

Nana Bulu Asun Igyi Ɖnɔkwali

Dawid kanfo-uv ha uv osunapu. Bɔpu ɔsankuo ɔme ikwesi da mú.

- 1 Nana Bulu, ho ani,
tsufe aha ání butama dali Bulu ɔma bata!
Ɖnɔkwaliɔpu ɔkuku tra ɔma ɔyitɔ.
- 2 Ɖhagyicha de afunu wa suna mu ba.
Bubu ɔnɔwanki.
Amú wulewule bogyoli nfi, batsula nana.
- 3 Nana Bulu, ka anɔwankipu
pú iwiatɔsupu itin.
- 4 Amútebli bee, “Ani ɔdandu béle ani.
Anibu ɔno, ma ɔbóɔɔn ani?”
- 5 Nana Bulu ɔbee, “Bude owuntɔlin wa ahianfɔsu,
aha ání buma tɔtɔ buɔdesu.
Mú su nókusu nya!
Négyi iban wa nkpa adunkapu.”
- 6 Nana Bulu asun igyi ɔnɔkwali.
Igyi fe sika fututuá baɔlain mú,
ɔnki ipi le mú ansitɔ tse sienu.
- 7 Oo Nana Bulu, gyo ani iwi,

afule aní tsu ndemba-abi anfi ubitɔ bre féé.

⁸ Aha bubuo lalahe.

Mó sv lalahe abwepu budetsuntsun.

Ulv 13

Mi Bulu, Damli Ki Mi, Afusɔ Mi Ɔno

Dawid kanfu-ulv ha ulv osunapu.

¹ Oo Nana Bulu, ɔmenke fédamli ki mi?

Fatan misu féé?

Ɔmenke féle iwí ɔwan suna mi?

² Ngyi awirehɔ mi kluntɔ yefun ɔmenke?

Ngywɔn ɔpa móa onye yefun ɔmenke?

Mi alupu bugyi misu yefun ɔmenke?

³ Oo Nana Bulu, mi Bulu, damli ki mi; afusɔ mi ɔno.

Ha mi ansɔ ɔtiti mi, mení mméedídi sin móto.

⁴ Meni mi olupu mééblí ɔbee,

“Nadun mu”,

ansí méegyí amó ání nadída.

⁵ Tame mi mó mi ansí idin fu ɔdweá uma ɔka amusu.

Ansi bégyi mi, tsufe fahɔ mi nkpa.

⁶ Nówa ulv ha Nana Bulu,

tsufe alawa awítɔle ha mi.

Ulv 14

Ansi Lhue Gyí Israelfɔ

Dawid ulv ha ulv osunapu.

¹ Aha mimlahe nkule de amó iwí bla bee,

“Bulu má unv.”

Bayinta. Bamli mbusuo abɔpu.

Ɔbakule kuraa médalí amóto.

² Nana Bulu tekí anyankpɔsa féé sisi tsu ɔsusu,

ki bee, ménya ɔtiansipu ɔkuá

otodunka mu ɔkpa.

³ Amó féé badamli ɔma ha Bulu.

Amó féé bafwí ɔkpa.

Yile ɔbwepu ɔkuku má unv.

Ɔbakule kuraa médalí amóto.

⁴ Mó sv lalahe abwepu bumóonu asun asi ekekekeke?

Bude mi aha wí fe iye budewí,

bvtamasu kpoli mi.

- ⁵ Tame ifu béhúe kíta amó unv,
tsufe Bulu buo yile abwepu.
⁶ Lalahe abwepu, mlteyinta ahianfó nhúe,
tame Nana Bulu gyi amó okpikplikpa.
⁷ Nhúe nde Nana Bulu kokoli mbée,
okv otsu Sionbúsv bókó Israelfó.
Ekeá Bulu óbélatsu mv aha kúsv a,
thúe wa Yakob abi-aná ódwe,
ansú thúe gyi Israelfó.

Ulv 15

Bulu Ótswekpa Otsiapv

Dawid kanfv-ulv.

- ¹ Oo Nana Bulu, ma óbósvu fv tati-obuto?
Ma obétsia fv onuto íbv amúsv?
² Óha ání ólala ma mv íwí,
óóbwe yile;
ótebl ónókwalí tsu mv íklúntó.
³ Ótamatsii aha,
ótamapv lalahe gyi mv aba.
Ótamatin mv aba ónó,
⁴ otekisi lalahe abwepu.
Mboun otobu Nana Bulu ifu anyapv,
ótamaka ntam yinki óma, ní lowutó igyi o.
⁵ Óha ání ótamafe kóba,
ótamatsula abuha mv nta,
ódamli óha ání mv asvn da ókpa asvn bun.
Tótó má unvá íbéha óha ání ogyi alí óbédúda ekekeeke.

Ulv 16

Nana Bulu Gyi Mí Ogyikpa

Dawid ulv.

- ¹ Oo Nana Bulu, hó mí;
tsufe fv nasrí tanv.
² Nabla Nana Bulu mbée, “Fúgyi mí Wie.
Mma itoyile kókúvko dvn fv.”
³ Bulu aha ání búbv ósúsvsv gyi anumnyampvá

mi ansı tēhie gyi amú iwı.

⁴ Aha ání bubuo ikpi

butekle asun tsotsɔɔtsɔ ha amú iwı.

Mmɔ́wa ibı amú afɔ́die obugyato.

Mmɔ́pu amú ikpi ada dinka mi ɔ́ɔsɔ.

⁵ Nana Bulu, fugyi mi ogyikpa

pú togyitɔ́á ibɔ́fun mi.

Fɔ́togyo mi ɔ́sɔlo ha mi.

⁶ Ɔ́sɔlo amɔ́v bɔ́bɔ ha mi amú legyi mi ansı.

Lele, mbu ogyikpa wanklaan!

⁷ Nékanfu Nana Bulu, mutosuna mi asun.

Mı uklɔn ε tɔ́tɔ kpla mi onye.

⁸ Mı ansı dın Nana Bulusɔ bregyibre.

Ɔ́lu mi gyɔ́pısv. Mú sv tɔ́tɔ uméele mi da.

⁹ Mú sv ansı tegyi mi,

mi ɔ́kla ε de ansigyı nya.

Tɔ́tɔ mēde mi han,

¹⁰ tsufe fúméesi mi wa afulitɔ́.

Mmɔ́kɔkpa fu ɔ́ma.

Mú sv fúméeha mmɔ́pɔlɔ́.

¹¹ Fósuna mi nkpa ɔ́kpa.

Fv wa ansigyı́á ulɔ́fun bu.

Fv gyɔ́pısv ansigyı́á uma ɔ́ka bu.

Ulo 17

Bulu, İjain Mı Fv Abambası

Dawid mpaı.

¹ Oo Nana Bulu, nu asun ání ida ɔ́kpa,

afɔ́nu mi isu!

Nu mi mpaı,

imotsu ofunupu ɔ́ɔ.

² Gyi mi asun ɔ́nɔ́kwalısv,

afɔ́pu ansı kı tɔ́á ida ɔ́kpa.

³ Fɔ́tetete mi klɔ́ntɔ́ kı,

fɔ́tesına mi onye sɔ́ mı kı.

Tame fúmɔ́kwun tsıtsa kɔ́kɔ mıɔ́.

Nahı́éá asɔ́kpan kɔ́kɔ uméedalı tsu mı ɔ́ɔ.

⁴ Fe alı́á aku butɔ́bwe a,

mi mú nde fv mblatɔ́.

Ntamabwe awuntɔ́lınpu bwehe.

- ⁵ Nna fu ɔkpasu bregyibre.
Mmækusrei dalɔ ɔkpa amɔsu.
- ⁶ Oo Bulu, nasu kpoli fu,
tsufe fɔsɔ mi ɔnɔ.
Yaa asu, afonu mi mpaɪ.
- ⁷ Le fu ɔdweá uma ɔka suna alɔ́a ibówa ifu.
Futɔpu fu gyɔpi hɔ aha ání basri tanu fu,
le amú alupɔ́a bakusu lu amɔsu ibitɔ.
- ⁸ Gyo mi iwɪ, fe alɔ́a futogyo fu nsibi klambi.
Ŋain mi fu abambasi.
- ⁹ Le mi tsu aha lalaheá bugya mi ibitɔ,
tsu adɔn ání bakafia mi ibitɔ.
- ¹⁰ Nwewun kɔku uma amótɔ.
Butɔtɔ iwɪtsusu.
- ¹¹ Basri gya mi, kafia mi.
Bude ɔkpa dunka ání béle mi da kpla.
- ¹² Baka gyo mi, fe gyata ání akɔn de mu.
Fe gyata ɔwɔnlɔpu lafuni ogyo ɔbwi.
- ¹³ Oo Nana Bulu, kusɔ lu mi alupɔsu,
afɔba amú asɪ.
Pu fu ɔdayi kɔ hɔ mi,
tsu aha lalahe anfi ibitɔ.
- ¹⁴ Pu fu tumi hɔ mi le aha anfi ibi.
Hɔ mi tsu aha anfi banya ɔyi anfitɔ siadie anfi ibi.
Amú lanyá iwɪ gyi sian amú abi,
ulasian ha amú aná.
- ¹⁵ Tame mi mú a, mi asɔn da ɔkpa. Mú su nówun fu ansitɔ.
Ni netsinki wun fu tsiatɔ a, nómwe.

Uv 18

Nana Bulu ɔkpa lɔfon, Mu Asɔn Féé Bu Mótɔ

*Dawid uv ha uv osunapu. Uvá Nana Bulu osumbi Dawid lɔpɔda
mv ipan breá ɔlele mv tsu mv alupu pɔ Saulo ibi.*

- ¹ Oo Nana Bulu, mi ɔwɔnlɔn ɔwapu;
ntehie dwe fu.
- ² Fugyi mi ibu fuahe, mi ɔɣainkpa kpikpli pɔ mi ɔlepu.
Mi Bulu, mi ibɔta ání ntesri tanu.
Mi iwɪ iban, mi ɔwɔnlɔn ání ɔtɔhɔ mi nkpa pɔ mi ɔtanukpa kinkin.
- ³ Ntosu kpoli Nana Bulu,
ɪkanfu mv wie.
ɔtɔhɔ mi le mi alupu ibi.

- ⁴ Lowu tfla lɔwa kɪta mi.
 Ntsuá ɪbu ɪyɪn lobun mi.
- ⁵ Afulitɔ ɔyɔ lemlɪ mi,
 Lowu lefɪni mi agbla.
- ⁶ Nosu kpoli Nana Bulu bréá mbu ɪkplan anfitɔ.
 Nɔkplɔn kpoli mi Bulu mbée, ɔle mi.
 Olonu mi isu mu ɔtswekpa unu.
 Mi okitikiti lɔtu mu.
 Mi isu lowie mu asutɔ.
- ⁷ Lnu ɔsulɔ lekan iwɪ, kpɪnkɪ.
 Abu tsitsi ε leka iwɪ kpɪnkɪ,
 tsufe ɔblɔ de mu.
- ⁸ Mu ɔwɔntutɔ ide ogyasi,
 ogya plɛnplɛn ání mú ɔnɔ bu ɔnlɔn dedalɔ tsu mú ɔnɔtɔ.
 Agyawunuá ɪdehɔ ledalɔ tsu mútɔ.
- ⁹ ɔlene ɔsusu, kplɪ ba ayasi.
 Oklun tuun bun mu ayabiasɪ.
- ¹⁰ ɔledɪnka kerubsɔ, fulɪ ba.
 ɔledɪnka afu bambisɔ ba hwim.
- ¹¹ ɔlɔpɔ oklun bun iwɪ.
 Nyankpɔ mɔ́a agyinde tuun lobomli mu.
- ¹² Mu iwɪ lɔwankɪ.
 Nsaintɔ lekpa ogya, atsufolibi lotswie
 tsu mu iwɪwankɪ amutɔ tsun agyinde amutɔ ba.
- ¹³ Nana Bulu leha ɔprada lɔputɪ ɔsusu.
 ɔsusuɔsusu Mu Wie ɔme leln.
 Nsaintɔ lekpa ogya, atsufolibi lotswie.
- ¹⁴ ɔlɔtswɪ mu mbɪn da mu alupɔ sain.
 ɔleha nsaintɔ lekpa ogya, begyigya.
- ¹⁵ Nana Bulu, fɔwa ɪyɪn, si ɔŋe da fwɪfwɪ;
 ɔpɔ bunkpato leya.
 ɔsulɔ ntswiasɪ ledɪ yaya.
- ¹⁶ Fɔtswɪ ɪbɪ tsu ɔsusu kɪta mi,
 bitɪa mi le ntsu kluklutɔ.
- ¹⁷ ɔlele mi tsu mi ɔɔvɔkplakpatɪ ɪbitɔ,
 le mi alupɔ ɪbɪ,
 tsufe budɔn mi.
- ¹⁸ Bowie mitɔ ekeá mbu ɪkplantɔ,
 tame Nana Bulu lɔbwe mi ɔma ɔlupɔ.
- ¹⁹ ɔlele mi, pɔ mi ba ɔteukpa,
 tsufe mi asun tegyi mu ansɪ.
- ²⁰ Mi yilebwe su Nana Bulu legyi mi buale.
 ɔlala uma mi iwɪ.
 Mú su ɔlɔpɔ yile ka mi ɪkɔ.

- 21 Tsufe nde mu asuntɔ.
Mmɔkuyinki mi Bulu ɔma yɔbwɛ lalahe.
- 22 Ntegyi mu mblasu.
Mmɔkusi mu amandɛ tswi.
- 23 ɔlala uma mi iwɪ mu ansitɔ.
Nteki mi ɔtsakpa, menɪ mmɛ́etsa mu mbla ɔkasu.
- 24 Mi yilebwɛ su Nana Bulu legyi mi buale.
ɔlala uma mi iwɪ.
Mó su ɔlɔpu yile ka mi ukɔ.
- 25 Futegyi ɔnɔkwali ha ɔnɔkwaliɔpu.
Fuma ɔlala ha ɔha ání ɔlala kuku ma mu iwɪ.
- 26 Futele fu iklontɔ wankthe suna ɔha ání mu iklontɔ lɔwankɪ.
Fuyin alɔ́ fɔtɔpɔkpa ɔha ání mu asun motswii.
- 27 Tsufe fɔtɔhɔ iwiasɪ abapu nkpa,
tame futeba iwɪ atsupu asɪ.
- 28 Lele, futeha mi ɔkandɛ tɔwankɪ.
Nana Bulu, mi Bulu, futeha mi oklun temli wankɪ.
- 29 Fu su ntetalɪ gyi adonsu.
lɪna fu su ntetalɪ fuli nyankɪ abuntisɔ
bwie awulu.
- 30 Bulu mú a, mu ɔkpa lɔfun.
Tɔ́ ɔlehɛ féé bu móto.
Otegyi iban wa ɔhagyɔha ání ɔlesɪ tanu mu.
- 31 Tsufe Nana Bulu ɔma a, Bulu ɔmɔmu bu unɔ?
Bulu ɔma a, buta mɔmu bu unɔ?
- 32 Mutɔwa mi ɔwɔnlun,
ɔteha ɔkpatɔ tolwii ha mi pisii.
- 33 Mutɔwa mi ayabi ɔwɔnlun fe nani,
ɔlɔpu mi lu ɔfɔakpa.
- 34 Mutosuna mi isa kɔ,
ɔtɔwa mi ubi ɔwɔnlun, ntetalɪ ne kɔɔbrɪ ita.
- 35 Oo Nana Bulu, fulegyi iban wa mi,
hɔ mi nkpa.
Fu gyɔpu ubi lekita mi lu.
Fulaba iwiasɪ, ha mi nabwe ɔha kpɔnkpɔntɪ.
- 36 Fɔtɔ ɔkpa ha mi,
mi otebi mɔtswɪ tsele.
- 37 Nedunka mi alupusu yekita amú.
Mmeyinki ɔma yɛfun breá beta féé.
- 38 Nobwie amú bun mi ayabiasɪ,
bumetalɪ tra kusu.
- 39 Tsufe fɔwa mi ɔwɔnlun ha usakɔ.
Feba mi adun asɪ, pu amú wa mi asɪ.
- 40 Feha mi alupu besanki amú yama sɪ.

- Nɔmɔ aha ání bude mí isa kɔ.
 41 Bosu kpolí, tame ɔhɔpɔ ɔkukɔ má unu.
 Bosu kpoli Nana Bulu ε, tame ɔmekpla amó.
 42 Nɔkwe amó pukupuku, fe otutu afu ansitɔ.
 Netsei amó wɔli, fe dɔnsu ipi.
- 43 Adɔn bɔkusu mɔsu, fɔhɔ mí le amó ibi.
 Fɔbwe mí ɔmá-ɔmá ɔkpapɔ.
 ɔmá ání mmeyin amó kuraa bosum mí.
 44 Benya nu mí ɔme pe begyi mósɔ.
 Afɔɔ bɔwɔ awunu mí ansitɔ.
 45 Atetɔ lowu amó,
 budekpɔnkɔ kpakpakpakpa dalɔ amó oɣainkpa.
- 46 Nana Bulu tsie nkpa!
 Bɔkanfɔ Bulu, mɔgyi mí buta.
 Butsu mí nkpa ɔhɔpɔ Bulu fɔa.
 47 Bulu teka mí alupɔ ukɔ.
 ɔteba ɔmá-ɔmá asɔ, pɔ amó wa mí asɔ.
 48 Mutele mí le mí alupɔ ibi,
 tsu mí fɔa dɔn amó;
 le mí le awuntɔlɔnpɔ ibi.
 49 Oo Nana Bulu, unɔ sɔ nékanfɔ fɔ ɔmá-ɔmá ansitɔ.
 Nɔwa ulɔ kanfɔ fɔ ida.
 50 Futeha fɔ owie usugyi akpɔnkpɔntɔ.
 Futele fɔ ɔdweá uma ɔka suna mí Dawid ání fada ofuli
 pú mɔ abi-aná bre féé.

Uv 19

Nana Bulu mbla lɔfɔn

Dawid kanfɔ-uv ha ulɔ osunapɔ.

- 1 Kɔ alá ɔsɔsɔ ide Bulu numnyam ɔwan le,
 pú alá nwɔlɔta lakukɔ ide Bulu atɔ bwehe le suna.
 2 Ekekegyieke ide mɔ iwɔ asɔn bli.
 Onyegyionye ε ide mɔ le suna.
 3 Bɔmede ɔbli kuku bli,
 bɔmedetɔ,
 tame anide mɔ asɔ nu.
 4 Amó ɔme towie ɔyɔtɔ féé,
 amó asɔn tɔyɔ ɔyɔ ɔka.
 Bulu labwe otsiakpa nwɔlɔtasɔ ha owi.
 5 ɔtedalɔ tsu unu fe ɔka pɔpwe otsiapɔ
 dedalɔ mɔ obutotɔ.
 Ansu tegyi mɔ fe ɔwɔnlɔnpɔ oyetsii ɔsɔɔ.
 6 ɔtɔkusu tsu nwɔlɔta ɔka yewie mɔ ɔka.

- Ɔtekplɩ yewie funka nyɔsi.
Tɔtɔ tamajain mu okunku.
- ⁷ Nana Bulu atosunahe lɔfun.
Lɔwa zha uklɔn ɔwɔnlɩn.
Mu ɔnɔle igyi ɔnɔkwali.
Lteha zha mimlahe tetɩn ansi.
- ⁸ Nana Bulu mbla ida ɔkpa,
lteha ansi tegyi zha.
Mu mbla lɔwankɩ.
Ltetutu zha ansɩsu.
- ⁹ Nana Bulu ifunya bu ale.
Lbu inu bre fɛ́ɛ́.
Mu asɔnbua igyi ɔnɔkwali.
Mú fɛ́ɛ́ da ɔkpa.
- ¹⁰ Lbu ibia dɔn sika pepe.
Lɔn sika pepe onuto-onuto.
Lbu ɔdwe dɔn ɔkwen.
Lbu ɔdwe dɔn akwatabitɔ ɔkwen.
- ¹¹ Lteda mi fu osumbi zla.
Músu gyi thie bu labi kpɔnkpɔnkpɔntɩ.
- ¹² Ma ɔbétalɩ wun tsitsa ání mabwe?
Si mi lalaheá mmowun kie mi.
- ¹³ Máha mi fu osumbi anɩ ankiansɩ bwe lakpan.
Máha mú igyi mɩsu, menɩ zɩlala méetsia mi twɩ.
Fówun mméegyɩ ɩɔn ání nabwe lakpan kpɔnkpɔntɩ.
- ¹⁴ Oo Nana Bulu, mi lbuta pú mi ɔkalepu,
ha mi ɔnɔtɔ asɔn pú mi asɔn susuhe
igyi fu ansi.

Ulv 20

Nana Bulu Ɔsɔ Fu Ɔnɔ Fu Ɔkplanke

Dawid kanfu-ulv ha ulv osunapu.

- ¹ Nana Bulu ɔsɔ fu ɔnɔ fu ɔkplanke.
Buluá anɩ nain Yakob losum ogyo fu twɩ.
- ² Ɔpu mbua sɩsɩ fu tsu mu otsiakpa,
ɔwa fu ɔwɔnlɩn tsu Sion.
- ³ Ɔkaɩn fu atɔ-abi-afɔɔɔɔɔɔ fɛ́ɛ́su,
fu mbwɩ tɔhe-afɔɔɔɔɔɔ ε igyi mu ansi. lya.
- ⁴ Zha fu tɔá fu uklɔn dedunka,
zha tɔá fuɔdekle iba mútɔ ha fu.
- ⁵ Fu ɩsugyi su abɔsvra okitikiti ansigyisu.

Abótsu aní ɔfranka fua aní Bulu idatɔ.
Nana Bulu ɔha fu fu atɔ kulthe féé.

- 6 Sei nabitá Nana Bulu tɔhɔ ɔha ání alada mu ofuli.
Ɖɔɔpu mu nkpaɔ tumi sɔ mu ɔhɔ,
tsu mu otsiakpa ɔsusu.
- 7 Aku butɔpu ansi dinka mponkɔsu,
aku butɔpudinka akekesu.
Tame aní mú aní ansi dín Nana Bulu, aní Bulu amv idasu.
- 8 Amú mú bétin da,
tame aní mú abókusu lu tikpa.
- 9 Oo Nana Bulu, ha owie ogyi ɔsu.
Asu kpoli fu a, sɔ aní ɔhɔ.

Uv 21

Ɖsusuvsu Mu Wie Ɖdwe lma Ɖka

Dawid kanfo-uv ha uv osunapu.

- 1 Oo Nana Bulu, owie lanyá ansigyí fu ɔsugyi sv.
Ki alá awutɔ lakɔku sanki mu.
- 2 Tɔ́á ɔlɔkuli tsu mu uklɔntɔ faha mu a.
Fumekina tɔ́á ɔleftte fu. lya.
- 3 Tsufe foyula mu, yile lefia mu.
Ɖɔpu sika pɛpɛpa bun mu nwun.
- 4 Ɖlɔkuli nkpa, feha mu nkpa tuntun;
obésia bré féé.
- 5 ɔsugyiá feha mu sv alahie nya numnyam.
Fapu obú dinka musu, tsu mu anstɔ fua.
- 6 Ee, faha mu oyula ání uméeka itin.
Fu wa tsia tehie kana mu,
- 7 tsufe owie lɔpu mu ansi dinka Nana Bulusu.
Ɖsusuvsu Mu Wie ɔdweá lma ɔka sv, ɔméeha mu ɔméedida ekekeeke.
- 8 Fu ibi béda fu alupu.
Fu gyɔpi bénya fu adun.
- 9 Ní feba a, fɔpu obuntɔ ogya hɔ amú.
Fɔpu ɔblɔ me amú, ogya bóhɔ amú.
- 10 Féha amú asi béta le ɔyitɔ.
Amú abi-aná buméetra tsia anyankpusatɔ ekekeeke.
- 11 Ní bosuan fusu,
nte kusu fusu a, buméetalu.
- 12 Fɔ́wa amú ifu, bésri;
tsufe fɔ́pu fu ɔbun svta amú.
- 13 Oo Nana Bulu, fu ɔwɔnlɔn sv, aha butsu fu fua.

Fv hayinhegyi sv abówa ulv, da akwe kanfu fv.

Ulv 22

Nana Bulu Bv Iwiegyi

Dawid kanfu-ulv ha ulv osunapv. Bópv baka nani óme wa mú.

- ¹ Mı Bulu, mı Bulu, ntogyi sv fakpa mı óma?
Nasu kpoli fv nwesu,
tame mı Óhópv Bulu, fawa ifó mı wa.
- ² Mı Bulu, ntokpoli fv óyikehe,
futamanu mı isu.
Ntamasi fv kpoli onye,
tame iwı molwii mı.
- ³ Tame fv mú funa ótsan.
Israelfó kanfu gyi fv obia.
- ⁴ Fúsv anı anain bópv anı dınka.
Bedınka anı fúsv,
fele amú tsu ikplantó.
- ⁵ Fv bosu kpoli, fele amú.
Fúsv bópv anı dınka,
pelı mekita amú.
- ⁶ Tame mı mú a, nyambi ngyi.
Mmegyi nyankpúsa.
lwı nyankula ngyi ha anyankpúsa.
Óhaa tamafia mı.
- ⁷ Óhagyıóha owun mı
ótóbwe mı ahinla.
Bútenyankpa ansıtó,
kpokpv nwuntó, bıı bee,
- ⁸ “Mv anı dın Nana Bulusu, óhó mv.
Mv anı tegyi mv iwı.
Mú sv óle mv!”
- ⁹ Fulele mı tsu mı yin opunitó.
Feha nópv anı dınka fúsv bréá ndenyópv.
- ¹⁰ Besi mı dınka fúsv tsu bréá bókwiı mı.
Tsu mı yin iputó ópá fvgyi mı Bulu.
- ¹¹ Máwa ifó mı iwı, tsufe ikplan latv mı ta.
Óhópv má mı uv.
- ¹² Mı alupv bakafia mı, fe nnantswie yinhe tsótsótsó.
Basan ómátó nnantswieá búbv ifu babomlı mı.
- ¹³ Mı alupv anftı bayaa ónó gblaun wa mı.
Fe gyata ótrapv dekpoun, óde óbwıá alakita ttı.

- 14 Mí ntsantsin yoyoyo, fe ntsu batsɛi wuli.
Mí uklun labwe fe okpin, ulanlain wa mí iwɛto.
- 15 Ɖwɔnlun lata muto fe planfo.
Mí ɔdandɔ lakli mí ɔntɔ.
Faha nda lowu ɔbɔɔ.
- 16 Akiatɛ bakafia mí.
Aha lalahe bada ɔbun wa mí.
Amó ayín lafuti mí tɛi pú mí ayabi fe gyata.
- 17 Nétalɛ kla mí awu féé.
Mí alupu bówun mí, le anɛi yi musu.
- 18 Beye mí atadɛ ha aba,
bɔtswi abi mí atadɛ tuntɔnsu.
- 19 Oo Nana Bulu, máwa ifo mí tɛi,
mí ɔwɔnlun ɔwapu, wa ɔsa bɔho mí.
- 20 Ho mí le ɔdayi ɔɔ.
Ho mí okla ɔkukunsu ɔkɔle le akɛi anfi tɛi.
- 21 Le mí tsu agyata anfi ɔɔ.
Tsu akpokpo anfi bubu tɛin anfi nsiebi ɔɔ.
- 22 Nékla fu bwehe suna mí apio.
Nékanfu fu anɛi ɔpasuato.
- 23 Nana Bulu ifu anyapu féé, mlukanfu mu.
Yakob abi-aná, mluwa mu numnyam.
Israel abi-aná, mlubu mu.
- 24 Tsufe ɔtamaki ohiani mu ipian owunke, ki nwun.
Ɖtamadamli ɔma ha mu.
Osu kpoli mu a, ɔtɔɔ mu ɔɔ.
- 25 Futeha ntekanfu fu aha tsɔtsɔtsɔ ansito anɛi ɔpasuato.
Néka fu ɛkɔá notsula fu ifu anyapu ansito.
- 26 Aha ání buma tɔtɔ bégɛi mwe.
Fu adunkapu békanfu fu.
lwa aɛ ha amó bre féé!
- 27 Nana Bulu, ɔyito aha féé békan fu, damli ki fu.
Abusuangyiabusuan bósum fu.
- 28 Tsufe Nana Bulu bu iwiegɛi.
Mude ɔmá féésu gyi.
- 29 Ɖyito tɛi atsupu féé béba tɛi sum mu.
Aha ání bowun ání buméetali ho amó tɛi nkpa féé,
pú aha ání bóbowu bósum sum mu.
- 30 Abi-aná féé bósum mu.
Béblɛ mu tɛi asun suna amó aná.
- 31 Béda mu yilebwe ɔkan suna aha ání bébelun ání mulabwe.

Uv 23

Nana Bulu Gyi Mı Okpapo

Dawid kanfu-ulv.

- ¹ Nana Bulu gyi mı okpapo.
Tɔtɔ mede mı hian.
- ² Ɔtekpa mı yɔtswı atɔ ogyikpa tfa mlɔɔtɔ.
Ɔtekpa mı ya ntsuá idetsɔn putɔɔ ɔnɔ.
- ³ Ɔtelawa mı ɔwɔnlun.
Ɔtekpa mı tsɔn ɔkpa wanklaansu, mu idatɔ.
- ⁴ Nı nna tsonkolitɔ, oklun tuuntɔ kɔraa a,
ntamanya tɔtɔ ifu.
Tsufe fɔbu mı wa.
Fɔtɔpu fɔ okpetin pú fɔ oyi yiahe gyo mı iwı,
ıklɔn tolwii mı.
- ⁵ Fatswı ɔpusu mı alupu ansıtɔ ha mı.
Faklı mı aba.
Mı onunwe labula, idetsitsa.
- ⁶ Ee, yile múa ɔdweá uma ɔka bóbuo mı, mı nkpatɔ féé.
Fɔ woyi ɔbɔbwe mı otsiakpa mı nkpatɔ féé.

Uv 24

Ma Ɔbɔɔv Nana Bulu ıbu Amv?

Dawid kanfu-ulv.

- ¹ Nana Bulu bu ɔsulv pú músv atɔ féé.
Ɔyi múa mútɔ atsiapu féé bugyi mu kle.
- ² Tsufe ɔlwa ɔyi ntswıasi dınka ɔpusu,
oleyi mú dınka ntsusu.
- ³ Ma ɔbɔɔv Nana Bulu ıbu amv?
Ma ɔbélu mu ɔswekpa unv?
- ⁴ Ɔha ání mu ıbi fɔtɔv, mu ıklɔntɔ letın;
ɔtamatswe ıkpı, nte pu ɔnɔlı ka ntam.
- ⁵ Mɔgyi ɔha ání Nana Bulu obóyula.
Mu nkpa ɔhɔpu Bulu ɔbéha asv.
- ⁶ Aha anftı gyi aha ání buɔe Nana Bulu dınka,
budekleá bówun Yakob Bulu amv mı. lya.
- ⁷ Bulu ɔswekpa aklɔn, mlɔfinki.
Bumbı ɔpá aklɔn, mlɔfinki iwı,
Numnyam Owie obitiwie.
- ⁸ Ma gyi Numnyam Owie anftı?
Mɔgyi Nana Bulu, ɔha yinhe pú ɔwɔnlun mu wie.
Nana Bulu, ısa ɔkɔpu otumıpu amv.

- ⁹ Bulu ɔtswekpa aklɔn, mlɔfinki.
 Bɔmbɔ ɔpá aklɔn, mlɔfinki iwɔ,
 Numnyam Owie obitiwie.
¹⁰ Ma gyi Numnyam Owie anfɔ?
 lsa ɔno ɔlɔpɔ Nana Bulu,
 gyi Numnyam Owie amɔ nɔ.

lya.

lɔ 25

Nana Bulu, Suna Mɔ Fɔ ɔtsɔnkpa

Dawid lɔ.

- ¹ Oo! Nana Bulu, fɔsɔ napɔ mɔ uklɔn dɔnka.
² Oo! mɔ Bulu, fɔsɔ mɔ anɔɔ dɔn.
 Máha pelɔ ukɔta mɔ.
 Máha anɔɔ igyi mɔ alɔpɔ mɔ sɔ.
³ Lele mɔ a, pelɔ méekɔta aha ání amɔ anɔɔ dɔn fɔsɔ ekekekeke.
 Aha ání butamagyi amɔ asɔn blɔhesɔ mboun pelɔ békɔta.
⁴ Oo Nana Bulu, ha mɔ ambɔ fɔ ukpa.
 Suna mɔ fɔ ɔtsɔnkpa.
⁵ Kpa mɔ ambuo fɔ ɔnɔkwali,
 afɔsuna mɔ atɔ,
 tsufe fɔgyi mɔ nkpa ɔhɔpɔ Bulu.
 Fɔ anɔɔ ndeki ɔyɔkehe féé.
⁶ Ant Wie Bulu, kaɔn fɔ nwewun pɔ fɔ ɔdweá uma ɔkasɔ,
 tsufe ɔbɔ nɔ tsu bɔmbɔ ɔpá.
⁷ Nana Bulu, mákaɔn mɔ nyebɔtɔ lakpan mɔa mɔ bwehe lalahe.
 Mboun fɔ ɔdweá uma ɔka pɔ fɔ wanklaan sɔ kaɔn mɔsɔ.
⁸ ɔha wanklaan Nana Bulu gyi.
 Mɔ asɔn da ɔkpa.
 Mɔ sɔ otosuna lakpan abwɔpɔ ɔkpa.
⁹ ɔtekpá iwɔasɔ abapɔ, butɔbwe yile.
 Otosuna amɔ mɔ ɔkpa.
¹⁰ Nana Bulu ukpa féé igyi ɔdweá uma ɔka mɔa ɔnɔkwali,
 ha mɔ nɔam pɔ ɔnɔá ɔlelesɔ agyɔpɔ.
¹¹ Oo Nana Bulu! Fɔ ɔda sɔ si mɔ lalahe kie mɔ.
 lɔbɔ mɔtɔá ilomoni dɔbɔ.
¹² Ma tenya Nana Bulu ifu?
 Mɔgyi ɔha ání Nana Bulu tosuna ɔtsɔnkpa.
¹³ Mɔ obétsia ɔdweɔtɔ,
 mɔ abi-aná bégyi ɔsɔlɔ amɔ.
¹⁴ Nana Bulu tele mɔ nwuntɔ asɔn suna mɔ ifu anyapɔ.
 ɔteha botebɔ mɔ nɔam.

- 15 Mı ansı dın Nana Bulusu bre fée,
tsufe mu obéle mı ayabi le ayibito.
- 16 Damli ansı kı mı, afuwun mı nwe.
Tsufe obakule ngyi.
Mı ıla bu nwe.
- 17 Mı kluntó awurehó utsó.
Le mı tsu mı ukplantó.
- 18 Kı mı ukplan pú mı asun wunhe,
afusi mı lalahe fée kie mı.
- 19 Kı alía mı alupu buhie butsó,
bapu owuntóln bude mı lu.
- 20 Kpla mı okla wa iwıtó, afule mı.
Máha peli ukita mı, tsufe fu nasrı tanu.
- 21 Fusu mı ansı dın, gyo mı iwı;
tsufe mı asun da okpa, olala ma mı iwı.
- 22 Oo Bulu, le Israelfó
le amú ukplan féeftó.

Ulv 26

Nana Bulu, Gyi Mı Asun Ha Mı

Dawid ulv.

- 1 Nana Bulu, gyi mı asun ha mı; tsufe olala ma mı iwı.
Fusu nopy ansı dınka, mmeki gyopy nte buna.
- 2 Oo Nana Bulu, só mı kı.
Kı mı kluntó, afokı mı nwuntó.
- 3 Tsufe fu odweá ima oka igya mı nkpa,
nna fu onokwaltsu.
- 4 Mıa afunupu anutamanatı.
Mmobuo apinabwebi abwepu.
- 5 Ntekisi aha lalahe ofiakpa ya.
Mıa lalahe abwepu anitamatsia.
- 6 Nana Bulu, ntófwı ıbı pusuna ání lalahe kuku ma mı iwı,
asa nteba bobomli fu afódie-óswı,
- 7 wa ulv kanfu fu kóklókóv,
pule fu ofula fée suna.
- 8 Nana Bulu, fu woyıtó,
igyi fu numnyam otsiakpa bu mı odwe.
- 9 Mámó mı manta lalahe abwepusu.
Mámó mı manta obugya atsitsapusu.
- 10 Amúgyi aha ání butógywun lalahe,
ñaintó-atóhó labula amú gyopy.

- ¹¹ Mí m'ó òlala ma mí iwí.
Gyí mí bualé, afúhò mí.
- ¹² Nlú òtantasv.
Nékanfv Nana Bulu aha tsòtsòtsò ansító aní òpasuató.

llo 27

Nana Bulu, Fv Ndedunka

Dawid llo.

- ¹ Nana Bulu t'òwankí mí òkpasv, òt'òhò mí nkpa.
Ma nénya ifu?
Nana Bulu ntesrú tanv mí nkpatò féé.
Ma òbéha opuni bétsii mí?
- ² Ní aha lalahe, alupv p'ú adv'v òk'usv beé b'ówí mí a,
b'ósutin d'ida kpla.
- ³ Isa ak'òpv bekafia mí kuraa a, opuni méétsii mí.
Ní isa ida m'isv kuraa a, n'òpv ansí d'unka Bulusv.
- ⁴ Tokv k'ule pe nde Nana Bulu k'vli.
M'ú òkpa négya.
M'úgyi; nétsia mv woyitò mí nkpatò féé,
pv mí ansibi wun al'ía òbv ale,
gyw'w'v m'ú iwí mv òtswekpa l'v.
- ⁵ Tsufe òb'òpv mí ñain mv otsiakpa mí òkplanke.
Obéñain mí mv woyitò.
Ob'ótsu mí d'unka íb'vta f'vahasv, mení mí alupv bum'énya mí.
- ⁶ M'ú sv négyi adv'v am'v bekafia mí klinklin am'vsv.
N'òpv ansigyí b'ò af'òd'v mv otsiakpa.
N'òpv òméá íbv an'ule wa l'v, da òsankuo ha mv.
- ⁷ Nana Bulu, nosv k'poli fv k'vkl'vkvsv a, nu.
Wun mí n'we, af'vsvò mí òv.
- ⁸ Mí íkl'v'v òbeé, "Dunka mv!"
M'ú mbéé, "Nana Bulu, fv ndedunka."
- ⁹ M'ápv ansítò ñain mí.
M'ápv òblò wuta mí fv osumbi t'vta fv iwí.
F'vgyí mí òbv'v'v.
M'átswí mí tsal'ífwí.
Mí nkpa òh'òpv Bulu, m'ákpa mí òma.
- ¹⁰ Tsufe mí sv m'v'v mí yin basi mí tswí,
tame Nana Bulu m'ú òb'òhò mí.
- ¹¹ Nana Bulu, mí alupv sv suna mí fv òkpa,
af'v'kpa mí ts'v'v òkpa tswíihesv.
- ¹² M'ási mí, ankpa wie mí alupv íb'v'v,

tsufe adansifo afunupu bakusu misu, bude mi huna.

¹³ Nahogyiá nówun Nana Bulu ale
asa nówu.

¹⁴ Dinka ansi Nana Bulusu,
afowa uklon. Nya uklon, afuki Nana Bulu okpa!

Ulu 28

Nana Bulu Towa Mu Omá Owonlun

Dawid ulv.

¹ Mi otanokpa Nana Bulu, fu ndesu kpoli.
Mátíla asu.

Ni fekpa onon bun a, nóbwe fe oha wuhe.

² Ni nosu kpoli fu a, wun mi nwe.

Ni netunku ibi sisi fu owankukpaton-owankukpa unu a, nu mi kokoli.

³ Mábútia mi tsia lalahe agyipu, lakpan abwepu anfito natu.

Amúá amú aba bekan wanklaan,

tame amú uklonton tepi ma ale.

⁴ Pu amú bwehe pu amú tsiaton lalahe ka amú ukon.

Susu amú ibi onon agyuma puha amú.

Ka amú ukon amú gyumagyihe onon.

⁵ Tsufe butamawun mu ato bwehe pu mu ibi onon gyumagyihe.

Obóbwiebwie amú bun, oméetra lapwe amú ekekeeke.

⁶ Ukanfu ibwe Nana Bulu kle,

tsufe alanu mi isu.

⁷ Nana Bulu gyi mi owonlun. Mutegyí iban wa mi.

Musu mi uklon din, otobua mi.

Ansigyi labula mi uklon, napu mi ulv nde mu ipan da.

⁸ Nana Bulu towa mu omá owonlun.

Mugyi otanokpa ha mu owieá alada ofuli.

⁹ Nana Bulu, ho fu omá!

Ha uwa ale ha fu aha, bugyi fu ogyikpa amu.

Bwe amú okpapu, afutsu amú pia bre féé.

Ulu 29

Nana Bulu Ida Bu Numnyam

Dawid kanfu-ulv.

¹ Osusu atumipu, mlukanfu Nana Bulu.

Mlupu numnyam móa owonlun ha mu.

² Nana Bulu ida bu numnyam, mlukanfu mu.

Mlida akpawunu ha mu, tsufe mu nkule lowanki.

- ³ Nana Bulu ome lalin opusu.
 Numnyam Bulu ome laputi fe oprada.
 Nana Bulu ome laputi ntsu akponkpontusu.
- ⁴ Mu owo bu onlun,
 ibu numnyam.
- ⁵ Mu ome tebiabia Lebanon ndum.
 Tebiabia Lebanon odum akponkponti blublublu.
- ⁶ Oteha Lebanon abu tofuli kpayi fe okufabi.
 Sirionbu e tofuli kpayi fe okpalabi.
- ⁷ Mu ome iputi a,
 ogya tedal.
- ⁸ Mu ome tputi kpinki adimbi osulo.
 ltekpinki Kades adimbi osulo e.
- ⁹ Nana Bulu ome tputi fiala ndum.
 ltekpakpa nyi ate.
 Mu otswekpa atsiapu fee butokplon bli bee, "Onumnyampu!"
- ¹⁰ Nana Bulu de iwiegyi ntsu bolahesu.
 Otsie mu owie obiasu bre fee.
- ¹¹ Nana Bulu towa mu oma owonlun,
 otapu iwilwii yula amu.

llo 30

Bulu Awitole Itsa

Dawid kanfu-ulva bowa pufinki Bulu otsiakpa owo.

- ¹ O Nana Bulu, notsu fu fua,
 tsufe folale mi, fumeha mi alupu abumosi mi.
- ² Nana Bulu, mi Bulu, nosu ti fu
 fetsa mi ulu.
- ³ Nana Bulu, fulele mi tsu afulito;
 fetsinki mi, mmowie oboto.
- ⁴ Mliá mlitamakpa mu oma, mliwa ulu kanfu mu ida,
 tsufe mliyin ani ogyi otsan.
- ⁵ Tsufe Bulu oblo tamawa opa.
 Mu awitole itsa oha nkpatsiatu fee.
 Oha tosu onye, tame otelamosi nyanki.
- ⁶ Breá ulowa ale ha mi a, nebli mbee,
 "Toto meetali mi."
- ⁷ Oo Nana Bulu, fu awitole laha nlu kinkiinkin fe ibu.
 Tame breá fopu fu ansito gain a, opuni letsii mi.

- ⁸ Nana Bulu, fu nosu kpoli.
Mí Wie, nokokoli fu mbɛɛ,
⁹ “Ntɔ labi mí lowu íbɔ́wa ha fu ní nɔ́yɔ afulítɔ?
Mí ɛsɛ bétalɔ kanfu fu?
Íbétalɔ da fu ɔ́nɔkwalɔ ɔ́kan?
¹⁰ Nana Bulu, nu, afuwun mí nwe.
Oo Nana Bulu, gyi mí buale.”
- ¹¹ Faha mí isu lamli ɛtsa.
Fakpa tati bibi le mí ɛwɛ, pɔ́ ansigyí dɛda mí.
¹² Meni mí ɔ́kla ɔ́mɛ́ɛkpa ɔ́nɔ bun, si ulv wa kanfu fu ekekeɛke.
Nana Bulu, mí Bulu, néda fu ípan bre féé.

Ulv 31

Ɔtanɔkpa Kpikpli

Dawid kanfu-ulv ha ulv osunapɔ.

- ¹ Nana Bulu, fu nasrɛ tanɔ.
Máha pelɛ ɛkta mí ekekeɛke.
Yile ɔ́bwɛpɔ fɔgyi, sɔ́ hɔ́ mí.
² Yaa asɔ́ ha mí, afɔ́wa ɔ́sa le mí!
Bwe mí íbɔ́ta ání nésrɛ tanɔ.
Oɔ́nɔkwalɔ kpikplíá íbɔ́hɔ́ mí nkpa.
- ³ Fɔgyi mí íbɔ́ta pɔ́ mí oɔ́nɔkwalɔ kpikpli.
Fu ɛda sɔ́ gya mí nkpa, afɔ́kpa mí.
⁴ Le mí le yibíá bafɛnɛ mɛtɔ́,
tsufe fɔgyi mí ɔ́tanɔkpa.
⁵ Napɔ́ mí ɔ́ɛ wa fu íbɔ́tɔ́.
Oo! Nana Bulu, Bulu Ɔ́nɔkwalɔpɔ́, fahɔ́ mí.
- ⁶ Ntekisi ɛkɛ atswɛpɔ.
Mí mú ntɔ́pɔ́ ansɛ dɛnka fu Nana Bulusɔ́.
⁷ Fu ɔ́dweá ɛma ɔ́ka sɔ́
ɛwɛ bésankɛ mí, nénya ansigyí.
Tsufe fawun mí ɛkplantɔ́, fabɛ mí asɔ́n wunhe.
⁸ Fɔ́mɔ́kɔ́sɛ mí wa mí alupɔ́ íbɔ́tɔ́.
Mboun fapɔ́ mí lu ɔ́ɛɛkpa.
- ⁹ Ao Nana Bulu, wun mí nwe, tsufe mbɔ́ ɛkplantɔ́.
Nasɔ́ pɔ́nya ansibi,
ɔ́ɛ lata mí.
¹⁰ Isu lagyi mí nkpasɔ́.
Nawa nwe mí nkpatɔ́ féé.
Mí lakpan sɔ́ ɔ́ɛ lata mí, awɔ́tɔ́ labwiebwie mí.

- 11 Mí alupu sv namli tǎá tǔ nyanya.
Nabwe ǎǎǎ mí aba ansitǎ.
Aha bowun mí brǎnusu busrǎ.
- 12 Batan misv fe ǎha wuhe.
Namli fe planfo.
- 13 Nanu mí iwǎ afunu tsǎtsǎtsǎǎ aha budewa.
Tǎá tǔ ifu labomli mí.
Bakan misv ǎní béka mí nkpa itin.
- 14 Tame mí mú a, Oo Nana Bulu, fǔsv mí ansǎ dǎn.
Ndeblǎ mbée, “Fǔgyi mí Bulu.”
- 15 Mí nkpa bu fǔ tǔtǎ.
Le mí tsu mí alupu pǔ aha ǎní budǎn misv tǔtǎ.
- 16 Wa awitǎle ha mí, fǔ osumbǎ.
Pǔ fǔ ǎdweá ǔma ǎka hǎ mí.
- 17 Nana Bulu, máha pelǎ ukǎta mí.
Tsufe fǔ ndekpolǎ.
Pelǎ ukǎta aha lalahe, abǔkpa ǎǎǎ bun yǎ afulitǎ.
- 18 Bǔtotsu iwǎ, bǔtǎtǎ aha yilesv, nya amú nyanya.
Mú sv kpa amú ǎǎǎ bun.
- 19 Atǎ wanklaan ǎní fapuyǎ fǔ ifu anyapv lǎkǔkǔ moni o.
Fapuha fǔ atanǔpv aha ansitǎ.
- 20 Féǎǎain amú fǔ wa si aha ǎní basusu amósv,
le amú le ǔla alepv ǎǎǎ.
- 21 Ukanfǔ tǔwe Nana Bulu kle,
tsufe ǎlehǔe le mv ǎdweá ǔma ǎka suna mí
breá adǔn bekafia mí wulu, mma tǎtǎ bwetǎ.
- 22 Inǔ opuni letsii mí neblǎ mbée,
“Alasi mí wa ǎkpa,”
tame breá nosu kpolǎ mv a, olonu mí ǎme.
- 23 Aha ǎní mlǔtamakpa Nana Bulu ǎma féé, mlǔdwe mv.
Bulu tekpa kpa ǎǎkwǎlpv iwǎsv ipǎ,
tame ǎtehǔe bitǎ iwǎ atsupv ǔsv.
- 24 Mǎ aha ǎní mlǔde Nana Bulu ǎkpa kǎ féé,
mlǔtomǎ, amǎlwa uklǔn.

Ulv 32

Aha Yile Anstǎ Igyi Bulu lǔwǎ

Dawid atosuna ulv.

- 1 Anstǎ igyi ǎha ǎní Bulu lasǎ mv lakpan kie mv,
bun ansibi mv lakpansv.
- 2 Anstǎ igyi ǎha ǎní Nana Bulu mǎhǎ mv lalahe,

afunu uma mutɔ.

³ Tsufe breá nekina mi lakpan le bli a,
nosu ekekegyieke alu wɔli le akankawu.

⁴ Tsufe febtu mi ɔvu ɔpa múa onye.
Ɔɲe leta mi awutɔ, fe alíá ntsu tekpi awikpanbi. *lya.*

⁵ Lnu nele mi lakpan féé bla fu.
Mmesi kuku ɲain fu.
Nebli mbee, “Néle mi lakpan féé bla Nana Bulu.”
Lnu fesi mi ɔvɔbtu kie mi. *lya.*

⁶ Mú sv ha aha ání butamakpa fu ɔma féé abusu kpoli fu, breá bétali nya
fu.
Mɛni ni ntsu ubula alíágyialá kuraa a, uméekita amó.

⁷ Oɲainkpa fugyi ha mi,
futogyo mi iwɔ ukplanbi.
Fale mi, pu mú ulv bomli mi. *lya.*

⁸ Lnu Nana Bulu lebli ɔbee,
“Nósuna fu asun-asunu pú ɔkpa ání fótson músu.
Nótɔi kpla fu, ki fusu.
⁹ Mábwe fe ɔpɔnkɔ nte afrimuá omeyin tɔtɔ.
Nketi fapu datɔbi múa mú iwɔ ɔfe wa mu ɔntɔ, bitia mu asa ɔteba fu
wa.”

¹⁰ Ɔha lalahe ipian ihie tsɔ,
tame ɔha ání ɔlɔpu ansɔ dinka Nana Bulusu a,
ɔbɔpu mu ɔdweá uma ɔka gyi iban wa mu.
¹¹ Aha yile, mli ansɔ igyi Bulu iwɔ, amlitswɔ ope.
Aha ání amó asun da ɔkpa, mlukplun kanfu mu.

Uv 33

Nana Bulu Asun Da Ɔkpa

- ¹ Yile abwepu, mliwa ulv ansigyisu ha Nana Bulu.
Ivu aleá aha ání amó asun ida ɔkpa békanfu mu.
- ² Mlɔpu nsankuo kanfu mu.
Mlida ufe idu ɔsankuo,
amliwa ulv dede ha mu.
- ³ Mliwa ulv ɔpɔwe ha mu.
Mlida ɔsankuo amv wanklaan,
amlukplun ansigyisu ha mu.
- ⁴ Tsufe Nana Bulu asun da ɔkpa.
Mu bwehe féé igyi ɔnɔkwalt.
- ⁵ Otekle yilebwe pú asungyi ɔnɔkwaltu.
Mu ɔdweá uma ɔka labula ɔyi.
- ⁶ Mu asun blihe ɔlɔpɔbwe ɔsusu,

- Ɔno keke ɔlele, ntsrakpabi féé bedali.
 7 Ɔlekpla ntsu féé wa tsukɔle bwe ɔpu.
 Oletin mú wa tsukɔle ha mu iwí.
- 8 Ɔsulɔsu atsiapu féé, bunya Nana Bulu ifu.
 Ɔyitɔ atsiapu féé, bubu mu.
 9 Tsufe ɔleblí, ɔleba mútɔ.
 Ɔlele ɔno, ɔlelu kinkiinkin.
 10 Nana Bulu teha ɔmá-ɔmá asun tesin amú ɔno,
 oteyinta amú nhuhietɔ.
 11 Nana Bulu asun mú ɔda bre féé.
 Mu nhuhie e bu unv yetv ɔha abi-aná féé.
- 12 Ansi igyi ɔmá oduá Nana Bulu gyi amú Bulu.
 Aha ání ɔlele pú amú bwe mu ogyikpa.
 13 Otowun atɔ tsu ɔsulɔsú kein,
 ɔde anyankpɔsa féé wun.
 14 Otsie mu obiasu ɔsulɔsú,
 ɔde ɔsulɔsú atsiapu féé wun.
- 15 Mɔlɔbwe okugyiɔku ɔklɔn.
 Mú sv otonu amú bwehe asti.
 16 Megyi isa ɔkɔpu ɔɔɔɔɔ teha owie tegyi isv.
 Megyi isa ɔkɔpu onuto ɔwɔnɔn teha mu ɔtɔyɔ isa ba.
 17 Ɔponkɔ megyi tɔtɔ isa ɔkɔke.
 Mu ɔwɔnɔn kpɔnkpɔnti amu uméetali hɔ isa ɔkɔpu nkpa.
 18 Kí, Nana Bulu ansi dín aha ání bɔtobu musv.
 Amúgyi aha ání amú ansi dín mu ɔdweá uma ɔkasv.
 19 Ɔbéle amú tsu lowutɔ,
 hɔ amú nkpa akunbi.
 20 Anide Nana Bulu ɔkpa kí.
 Mvgyi ani bualé ogyipv pú ani iwí iban.
 21 Mu sv ansi de ani gyi,
 ani ansi dín mu ɔda wankthe amusv.
 22 Nana Bulu, ha fv ɔdweá uma ɔka ibuo ani,
 fe alá ani ansi dín fɔsv.

llo 34

Kí Fv Ɔno, Imáwa Afunu

Dawid ɔlvá ɔlɔwa breá ɔlɔbwe iwí gbede ɔkɔpu Abimelek wa, olegya mu.

- 1 Nékanfv Nana Bulu bre féé.
 Mu kanfv méeta mí ɔno ekekeeke.
 2 Mu mí ɔkla tɔpɔtsu iwí.
 Ipián awunpv féé bɔnu, abunya ansigyí.
 3 Mlitsa mí awa Nana Bulu numnyam.

- Mliba abwe ukole, atsu mu ida fua.
- ⁴ Nosu kpoli Nana Bulu, ɔɔsɔ mi ɔnɔ.
Ɔlele mi tsu ifu kugyikutɔ.
- ⁵ Aha ání butodunka mu ansitɔ tetin.
Peli méékuta amú ekekeeke.
- ⁶ Ɔwɔlaba anfi losu kpoli mu, olonu mu ɔme,
le mu tsu mu ukplan féétɔ.
- ⁷ Nana Bulu-ɔbɔpu togyo aha ání butenya mu ifu iwɔ,
le amú le ukplantɔ.
- ⁸ Da mu ɔnɔ ki, afɔbɔ alɔ́ ɔbɔ ɔdwe.
Ansi igyi ɔha ání ɔtetanɔ mu.
- ⁹ Bulu aha, mlibu mu.
Tsufo tɔtɔtɔ tamahian aha ání butenya mu ifu.
- ¹⁰ Iwɔ tekli gyata kɔraa, akun tekita mu.
Tame itoyile kuku tamahian ɔha ání otodunka Nana Bulu.
- ¹¹ Mi abi, mliba.
Mliyaa asu, mi ansuna mli alɔ́ butenya Nana Bulu ifu.
- ¹² Mlitɔ ma de nkpa kle?
Ma nkpa tuntun tsia tɛpɛ ansɔ,
odekleá obégyi ɔdwe mu nkpatɔ?
- ¹³ Mɔmɔ ki fu ɔdandɔ, umáblɔ asɔn lalahe.
Ki fu ɔnɔ, umáwa afunu.
- ¹⁴ Si lakpan bwe, afɔbwe tɔ́ ɔbɔ ale.
Dunka iwilwii, afɔgya mú ɔkpa.
- ¹⁵ Nana Bulu ansɔ dɔn yile abwepɔsɔ,
otonu amú isu.
- ¹⁶ Tame ɔtɔkɔsɔ lu lalahe abwepɔsɔ.
Ɔbɔmɔ amú le ɔsɔlsɔsɔ.
Ɔhaa méetra kaun amúsu.
- ¹⁷ Yile abwepɔ bosu kpoli Nana Bulu a, otonu.
Ɔtele amú tsu amú ukplantɔ.
- ¹⁸ Ɔma ifɔ aha ání ɔlakpɔn amú wa.
Ɔtɔhɔ aha ání ɔkla lasɔ amú.
- ¹⁹ Yile ɔbwepɔ asɔn wunhe itɔɔ,
tame Nana Bulu tele mu le mú féétɔ.
- ²⁰ Ɔteki mɔsɔ,
mu iwu kule kɔraa tamabia.
- ²¹ Lalahe ɔbɔmɔ lalahe ɔbwepɔ.
Bulu ɔbéha ɔha ání otolu yile ɔbwepɔ ipɔn.
- ²² Nana Bulu tɔhɔ mu aha nkpa.
Ɔtamaha aha ání butesɔri tanu mu ipɔn.

Uu 35

Nana Bulu Oma A, Ohaa Má Inu

Dawid ulu.

- ¹ Nana Bulu, ohagyiɔha ání ɔdekɔsu lu musu, kusu lu musu.
Ohagyiɔha ání ɔde mi kɔ, kɔ mu!
- ² Kusu tsu fu akɔɔ,
afutin amú ɔkpa!
- ³ Tsu ikpan afufia aha amuu bɔgya mi amu.
Bla mi ɔkla fɛɛ, “Mɔgyi fu nkpa Ohɔpu.”
- ⁴ Supa aha ání budekleá bómɔ mi,
peli ukita aha ání bude mi lalahe dunka, abuyinki oma.
- ⁵ Bɔbwe fɛ nteteá afu de mú tsun,
Nana Bulu-ɔbɔpu ogya amú.
- ⁶ Ɔkpatɔ iklun wa amú.
Músu iwa ɔpli, Nana Bulu-ɔbɔpu ɔsrɛ gya amú.
- ⁷ Tsufe kɔku kpali bakwi ɔbɔ tswi mi,
fun ɔtsatsii^c wa móɔ.
- ⁸ Mbatahun iwie amú, abɔkpa wie amú onuto ɔbɔ kwihe amuto,
abuda yibi amuto.
- ⁹ Nana Bulu su anst bégyi mi.
Iwi bésanki mi, tsufe alahɔ mi nkpa.
- ¹⁰ Néle mi kluntɔ bli mbeɛ,
“Oo Nana Bulu, fu oma ohaa má inu.
Futele ɔpɔpɔ le ɔwunlɔpu ibi,
le ɔpɔpɔ pu ohiani le amú asisipu ibi.”
- ¹¹ Adanstɔ afunupu bakusu.
Itɔá mmeyin mú iwi bude mi fite.
- ¹² Bapu lalahe ka mi yile ukɔ,
baha nawa nwe.
- ¹³ Tame ni amú mú budelɔ a, ntɛdida tatida,
kli ɔɔ, ko nwuntɔ wa bɔ mpat ha amú.
- ¹⁴ Ntɔbwe fɛ mi pio, nte mi nyawie nde mpat bɔ ha.
Ntɔwa nwe fɛ oha ání ɔde mu yin su.
- ¹⁵ Tame breá nowie ikplanta a, ulɔwa amú fɛé ɔdwe.
Betsa bomli, bude mi ahinla bwe.
Aha ání mmeyin amú de mi ahinla bwe,
bude mi kpɔi kotoo.
- ¹⁶ Aha aplɔpu bɔbwe mi ahinla,
pɛi ayin suna mi.
- ¹⁷ Oo anɛ Wie, mási tsia ki amú.
Hɔ mi le amú ibi,

^c 35:7 Ɔtsatsii igyi yibi uku.

- afuhɔ mi nkpa anfi ntamatsula mósv anfi le agyata anfi ubi!
- 18 Fówun néda fu ɔpan fu aha tsɔtsɔtsɔ ansitɔ,
kanfu fu aha tsɔtsɔtsɔ ansitɔ anɔ ɔpasuatɔ.
- 19 Máha ansɔ igyi afunupová bude mi lu kuvu kpali.
Máha mi alupu abuki mi atin breá ndesu.
- 20 Tsufe butamabli iwilwii asun.
Buteha aba ɔɔ, ka asun dinka ɔsulv anfisv aha lwiibesv.
- 21 Batei amó ɔɔtɔ gblauun, budebli bee,
“Eheen, anɔ onuto anlavu ansibi wun mó!”
- 22 Oo Nana Bulu, ye fudewun.
Mása ntsu wa ɔɔ.
Mi Wie, máwa ifɔ mi wa.
- 23 Mi Bulu pú mi Wie, kuvu.
Kuvu lu mi ɔma, menɔ négyi asv.
- 24 Nana Bulu, mi Bulu, ɔɔkwaliɔ fuɔgyi.
Gyi mi asun ha mi.
Fówun ansɔ méegyɔ mi anyaba.
- 25 Máha amó abubli wa uklɔntɔ bee,
“Eheen. Inɔ anudedunka ni. Anlatu mu asɔ.”
- 26 Peli ukita aha ání mi uklan bu amó ansigyɔ.
Ha amv abugyigya,
peli móa nsupa itu iwɔ atsupv anfi bude iwɔ tsu suna mi anfi.
- 27 Ansɔ igyi aha amsv mi usvgyi bu amó ɔdwe amv.
Bokplɔn bli labli bee, “Nana Bulu lomoni.
Mu osumbi yile tegyi mu ansɔ.”
- 28 Néda fu yilebwe ɔkan,
kanfu fu ɔyikehetɔ féé.

Ulv 36

Bulu ɔdweá lma ɔka Lomoni

Dawid, Nana Bulu osumbi ulv ha ulv osunapu.

- 1 Lakpan tɔtɔ kpla owuntɔlnpu uklɔn.
ɔtamatepi nya Bulu ifu.
- 2 Tsufe iwitsv teha mu ɔtemle iwɔ.
ɔtamawun mu lakpan,
menɔ obési bwe.
- 3 Asukpan móa afunu sɔɔn tedalt mu ɔɔ.
ɔtamatra bwe ansitɔnla, ɔtamatra bwe yile.
- 4 ɔtɔgywun lalahe mu ɔklansv.
Bregyibre ɔleda iwsv ha lalahebwe.
Mó sv ɔtamakina lalahe kuvuvu.

- ⁵ Oo Nana Bulu, fu ɔdweá uma ɔka lɔfua wɔ ɔsusu.
Fu ɔnɔkwalt ɛ ulɔfua wɔ nwalɔta.
- ⁶ Fu yilebwe lɔfua fe abu akpɔnkpɔnti.
Fu asunbuato bu oklu fe ɔpu ibuntɔ.
Oo Nana Bulu, futekt anyankpusa múa mbwi féesu.
- ⁷ Oo Bulu, fu ɔdweá uma ɔka lɔkuku moni o.
Anyankpusa butɛɲain fu abambasi.
- ⁸ Fu woyito ato ihɛ tsɔ. Mú futɔpɔbula amú.
Futeha amú butonun fu ɔdwe-ntsu bregyibre.
- ⁹ Tsufe fu wa nkpa otsukpa bu.
Fu wankitɔ anitenya wanki tsu.
- ¹⁰ Ha fu ɔdweá uma ɔka itsia aha ání buyin fusu,
afubwe yile ha aha ání amú asun da ɔkpa.
- ¹¹ Máha iwɔ atsupu abutsatsa misu,
nte awuntɔlnpu abuwuta mi sisi.
- ¹² Kɪ awuntɔlnpu ɔdidakpa.
Amú bawuta da, kusu ma amú unu a.

llo 37

lwasɪ Abapu Obégyi ɔsulu Amu

David llo.

- ¹ Mákpla lakpan abwepu.
Lalahe abwepu tɔtɔ mápe fu ansi,
² tsufe umɔwa ɔpá kuku bóbu fe ifa,
wulu fe dimbi.
- ³ Pu ansi dinka Nana Bulusu, afubwe yile.
Tsia ɔsulu amusu, uwa ale ha fu.
- ⁴ Ansi igyi fu Nana Bulu iwɔ,
mentɔ ɔbéha fu tɔá fu uklɔn dekle.
- ⁵ Pu fu iwɔ wa Nana Bulu ibitɔ,
afupu ansi dinka musu, ɔbóbwe mú ha fu.
- ⁶ ɔbéha fu yilebwe ibéln ɔwan fe ɔyikehe,
fu asungyi ɛ ibɔwanki fe ɔpawɪ.
- ⁷ Nya uklɔn ha Nana Bulu, tsia gyo mu.
Nɪ ide ale wa ha ɔku,
nte ɔku ɔtsun ɔkpa lalahesu nya iwɔ a, mákpla mu.
- ⁸ Mánya ɔblo. Le ɔblokpan le futɔ.
Mákpla mu, utekpa ɔha wa lalahetɔ.
- ⁹ Tsufe aha lalahe béta,
tame aha ání bɔpu ansi dinka Bulusu obégyi ɔsulu anfi.

- 10 Uasi kpalobi aha lalahe buméetra tsia.
Fódunka amó fumóowun amó.
- 11 Iwiasí abapu obégyi ɔsulɔ amu,
twi béhie lwii amó.
- 12 Ōha lalahe tekan yile ɔbwepusu,
pɛɛ ayin suna mu,
- 13 tame aní Wie de mu mɔsi,
tsufe oyin ání mu nke lawie woyi ta.
- 14 Aha lalahe bale amó ɔfletɔ ɔdayi.
Babuti amó ita, budekleá béle ahianfɔ pú apɔnpu da;
abumɔ aha ání amó asun da ɔkpa.
- 15 Bulu ɔbéha amó onuto ɔdayi békpie amó uklun,
amó ita e bébiabia.
- 16 Atɔ kpalobiá ŋha yile bu legyi ansi,
dun aha lalahe tsɔtsɔtsɔ atɔ.
- 17 Nana Bulu tekpa lalahe ɔbwepu tba,
tame ɔtɔwa yile ɔbwepu ɔwonlun.
- 18 Nana Bulu tekti ŋha ání ɔlala ma mu iwɩsu ekekegyieke.
Mu agyapadie bétsia bre féé.
- 19 Ɔtamawa mu pelitɔ mu ikplanbi.
Akunbi kuraa a, ɔteha mu atɔ otegyi mwe.
- 20 Aha lalahe béta.
Nana Bulu alupu bɔgyi fe mbwɩ ogyikpa tfa ntswɩtswɩ.
Bwɩkɔsi fwi fe ogyasi.
- 21 Ōha lalahe ɔpan ɔtamaka,
tame yile ɔbwepu mú bu awɩtɔle, otekie atɔ.
- 22 Ōhagyíŋha ání Bulu oyula obégyi ɔsulɔ alaha mu,
tame ŋha ání Bulu ɔlwu obówu.
- 23 Nana Bulu tekti ŋha ayabi ɔtsakpa,
mu bwehe tegyi mu ansi.
- 24 Nɩ ɔdɩda kuraa a, ɔtamasin ɔsulɔtɔ;
tsufe Nana Bulu de mu tbi.
- 25 Tekti kebi ngyi bre amu, sei nadan.
Tame mmakonu ekekekeke beɛ, Bulu lakpa ŋha yile ɔma.
Nte mu abi bakulɩ atogyihe.
- 26 Yile ɔbwepu bu awɩtɔle.
Otekie atɔ, ɔtɔpu atɔ pan aha.
Mú su mu abi bénya oyula.

- 27 Si lalahe bwe, afubwe yile,
mentí fétsia ɔsulv amɔsv bre féé.
- 28 Tsufe Nana Bulu tekle asungyi ɔɔkwalsv.
Ɖméekpa aha ání butamayinki mu ɔma, ɔma ekekeeke.
Ɖbékuta amó kɔnkɔn ɪbre féé,
tame aha lalahe así béta.
- 29 Yile abwepv obégyi ɔsulv amv,
tsia mósv bre féé.
- 30 Nyansa asvń tedalɪ ɔha yile ɔɔ,
otegyí asvń ɔɔkwalsv.
- 31 Mv Bulu atosunahe bv mu ɪklvntɔ.
Mú sv ɔtamasrei dalɪ mu ɔkpasv ekekeeke.
- 32 Aha lalahe butete yile abwepv,
dunka ɔkpa ání bótsvń mósuv mɔ amó.
- 33 Tame Nana Bulu méesi amó wa amó ɪbitɔ,
nte ha amó abugyi ɪpɔń asvń agyípv ansítɔ.
- 34 Kɪ Nana Bulu ansítɔ, afukita mv mblatɔ.
Ɖbópv ɔsulv amv ha fv, pɔwa fv numnyam.
Fówun aha lalahe owukpa.
- 35 Nowun ɔha lalahe ɔkvá ogyi owuntɔlnpv, alatsv ɪwɪ fva,
yeyei fe Lebanon odum lenya ɔlukpa.
- 36 Tame nelakti a, alafwi.
Nodunka mv kuraa mmowun mv.
- 37 Hɪe yile ɔbwepv nsv, afvle anstɪ kɪ ɔha ání mv asvń da ɔkpa,
tsufe ɔha ání ololvii así békletɪ.
- 38 Tame mblasv magyípv béta.
Lalahe abwepv así bótv plɪplɪ.
- 39 Nana Bulu ɪbitɔ yile abwepv butenya amó nkpaɔ tsu.
Ogyi ɔtanvɔkpa ha amó breá bubv ɪkplantɔ.
- 40 Otege amó bvale, ɪe amó.
Ɖtele amó aha lalahe ɪbitɔ.
Ɖtɔkɔ ha amó, tsufe batanv mv.

Ulv 38

Lakpan Lebli

Dawid ɪkain-afɔdie ulv.

- 1 Oo Nana Bulu, mápɔv ɔblɔ wa ɪyɪń wa mɪ!
Mápɔv ansɪpepe bitɪ mɪ ɪsv!
- 2 Fv ɔbun lakpie yi mɪ,

- fayia mi manta ɔsulɔɔ.
- ³ Fu iyin su, iwi ma mi ɔnlɔn.
Mi lakpan su awuto labwiebwie mi.
- ⁴ Mi lakpan ladɔbi.
Ulabwe atɔ sraheá mmetali sra.
- ⁵ Mi mimla su
mi nlo laplo, idebon.
- ⁶ Naklo, nde ipian wun.
Nawa nwe, ndesu ekekegyieke.
- ⁷ Awuto ide mi okunku,
ide mi dwindwiin.
- ⁸ Ɔɔɔe lata mi féé, awuto labwe mi yɔyɔyɔ.
Mi klɔn de mi han.
Nasu kuklɔkɔv, ndekumi.
- ⁹ Mi Wie, fuyin tɔá ndedunka.
Tɔá svá ndesu wa iwito ida fu ansitɔ.
- ¹⁰ Mi klɔn deda ɔwɔnlɔnsɔ.
Ɔɔɔe lata mi, mi ansibi lapunya tin.
- ¹¹ Mi ilo su mi adwepu pɔ mi anyawie basri mi.
Mi abusuanfɔ onuto kuraa bawa ifɔ mi iwi.
- ¹² Aha ání bumede mi yile kle bafini mi ayibi.
Mi lalahe adunkapu e budekleá béle mi unu.
Ɔpa-onye bude mi iwi agywun lalahe susu.
- ¹³ Tame mi mú netila asu fe usutin.
Nekpa mi ɔɔɔ bun mwɔ fe omumu.
- ¹⁴ Nɔbwe iwi ɔha ání mu asu letin,
ɔtamale ɔla ɔɔɔ.
- ¹⁵ Tsufe Nana Bulu, mi ansi din fusu.
Oo mi Wie, mi Bulu, fu ɔbéle mú ɔɔɔ.
- ¹⁶ Mi asun ání nebli gyi,
“Máha ansi igyi mi alupu ni nesrei dɔda.”
- ¹⁷ Tsufe nna nde afu kɔ,
nde iwɔɔsun wun ekekegyieke.
- ¹⁸ Nale mi lakpan bli.
Ulahɔ mi ɔsun ání nabwe mú.
- ¹⁹ Iwi bu mi alupu ɔnlɔn, bɔbu ɔwɔnlɔn.
Aha tsɔtsɔtsɔ butolu mi kuku kpali.
- ²⁰ Aha ání bɔpu lalahe ka mi yile ikɔ bakusɔ lu musɔ,
tsufe yile ɔkpa nya.
- ²¹ Oo Nana Bulu, mákpa mi ɔma.
Mi Bulu, máwa ifɔ mi iwi.
- ²² Mi Wie, mi Ɔhɔpu,
wa ɔsa bɔhɔ mi!

Uv 39

Mási Mí Ha, Aha Mimlahe Abumasi

Dawid kanfu-uv ha uv osunapv Yedutun.

- ¹ Nebli mbee, “Néki mi natitɔ, menɔ tsitsa kuku móotsu mi ɔno.
Nówa mi ɔno ukan, tsufe aha lalahetɔ mbu.”
- ² Inúá nemli omumu, mmobwii ɔno,
nekpa ɔno bun yilesu o a,
twt mesankɔ mi.
- ³ Mɔ klun lebli ogya wa mi twitɔ pinpinpin.
Breá nde mú twi gywun kotoo a, iletsii ogya.
Mú sv nebli mbee,
- ⁴ “Nana Bulu, suna mi mi nkpa ɔfunkpa,
pú nkeá ulasi mi.
Suna mi alá mi lowu bówa ɔsa.
- ⁵ Kɔ, fɔbwe mi nkpa ifɔtɔ ibita pɛ.
Mɔ nke megyi tɔtɔ fu ansitɔ.
Lele mú a, nyankpɔsa nke
igyi fe ɔsawule ɔɲe fɔhe fu ansitɔ.” *lya.*
- ⁶ “Lele mú a, nyankpɔsa na ɔdetsɔn fe yiyi!
Lele a, ipian odewun kpali.
Atɔ ɔna odekle yaɔ, omeyin mú ogyipɔ.”
- ⁷ “Mɔ Wie, ntɔ ntsie ngyo?
Fɔsv mi ansɔ dɔn.
- ⁸ Le mi tsu mi lakpan féétɔ.
Mási mi ha, aha mimlahe abumasi mi.
- ⁹ Namli omumu, mma ɔno bwii,
tsufe fulaha mú ulaba alɔ.
- ¹⁰ Kokoli, mátra bitɔ mi isv!
Tsufe fu atswe ladɔn mi.
- ¹¹ Nɔ febitɔ nyankpɔsa isv mu lakpan sv a,
fɔteyinta tɔá ihɛ bu labi ha mu fe teple lawɔ tati.
Lele mu a, nyankpɔsa nkpa igyi fe ɔsawule ɔɲe fɔhe.” *lya.*
- ¹² “Oo Nana Bulu, nu mi mpat, afɔnu mi isu.
Mákina nu.
Tsufe ɔfɔ ngyi, ndeka tsɔn keke fe mi anain.
- ¹³ Kalaki ansɔ le misv, ansɔ tra kalagyi mi
asa mi anwu féé.”

Ulu 40

Bulu Lọpọ Mv Kanfu Ulu Pọpwe Wa Mv Ono

Dawid kanfu-ulu ha ulu osunapọ.

- 1 Nanya uklun tsia gyo Nana Bulu.
 Ọleyaa asu mi wa, nu mi asun, so mi ono.
- 2 Olotsu mi le lowu ọbọtọ.
 Ọlele mi le ọdiba makpiitọ.
 Ọlọpọ mi lu ibutasu.
 Ni nna a, ntenya anatle.
- 3 Ọlọpọ anu Bulu kanfu ulu pọpwe wa mi ono.
 Aha tsọtsoọtso bówun nya ifu,
 pu ansu duka Nana Bulusu.
- 4 Ansi igyi ọha aní ọlọpọ ansi duka Nana Bulusu,
 ọmọpọdunka iwí atsupu nte ikpi asumpọsu.
- 5 Oo Nana Bulu, mi Bulu, ofula tsọtsoọtsoá fabwe ha mi,
 pú atọá fahie ha mi lódubi.
 Tọtọ má uná nọpọkapu fu.
 Ni mbee, mbwii ono bli mú a, uma uklatọ.
- 6 Mbwiá batun amú bọ atọtọhe-afọdite tamagyi fu ansi.
 Faha nawun aní futamakle mbwiá bapu amú bọ ogya-afọdite pú
 lakpan-afọdite.
- 7 Mvu nebli mbee, “Mi Bulu, mi ni.
 Neba bọbwe fu ọdwela,
 fe aliá bọwanlun mi iwí asun wa fu asun wanlunhe amutọ.
- 8 Oo mi Bulu, ibu mi ọdweá nọbwe fu ọdwela,
 tsufe fu atosunahe idun mi uklunsi.”
- 9 Nada fu yilebwe okan fu aha tsọtsoọtso ansitọ anu ọpasuatọ.
 Nana Bulu, fu onuto fuyin aní mmọkọkpa ono bun.
- 10 Mmesi fu yile ọgain mi ukluntọ.
 Nekpali fu ọnọkwaliwa pú fu nkpahe iwí asun.
 Mmesi fu ọdweá uma okpa pú fu ọnọkwali ọgain fu aha tsọtsoọtso ansitọ,
 anu ọpasuatọ.
- 11 Oo Nana Bulu, mákina mi nwe wun ekekeeke.
 Ha fu ọdweá uma okpa pú fu ọnọkwali ikpa mi bre féé.
- 12 Asun wunhe tsọtsoọtso labomli mi,
 uma klatọ.
 Mi lakpan lamli atọ srahe ha mi.
 Ulahe ntra mmede atọ wun.
 Ito dun mi nwunsi-imi,
 ulakpon mi.
- 13 Oo Nana Bulu, tsula bọhọ mi!

- Nana Bulu, wa ɔsa begyi mi buale.
 14 Ha pelt ikita aha ání bude mi lowu kle,
 amó nwun ikotsoli.
 Ha aha ání bodekleá bópu lalahe gyi mi
 abupu nsupa yinki.
 15 Ha ansi iwu aha ání bude mi iwí asun bli bee,
 “Eheen, eheen, anilanya mu!”
 16 Tame ha iwí usanki aha ání butodunka fu féé,
 abunya fu iwí ansigyi.
 Ansi igyi aha ání fu nkpaḥo legyi amó ansi,
 abukplun bli labli bee, “Nana Bulu lomoni!”
- 17 Mí mó a, ohiani ngyi, mma tɔtɔ.
 Bulu, gywun mi iwí.
 Mí Bulu, fɔgyi mi buale ogyipu pú mi ɔlepu.
 Mási tsia músu.

Ulv 41

Ulotsa Mpaɩ

Dawid kanfu-ultv ha ultv osunapu.

- 1 Ansi igyi ɔha ání otosusu ɔpɔnpu iwí.
 Nana Bulu tele mu le ikplantɔ.
 2 Otogyo mu iwí, ɔteha mu nkpa.
 ɔteha utɔwa ale ha mu ɔsulusu.
 ɔtamasi mu wa mu alupu ibitɔ.
 3 ɔteki musu mu ulɔklansu,
 tsa mu ulɔ, ɔtɔkusv ɔna.
- 4 Mí mu ndeblí mbee, “Oo Nana Bulu, wun mi nwe,
 afutsa mi ulɔ; tsufe napv ula gyi fu.”
 5 Mí alupu butamabli mi yile dun
 “ɔmenke kuraa obówu, mu ida bɔfwí?”
 6 Buteba beki mi, fe amó ba.
 Tame bɔyɔ a, bapu mi iwí asun lalahe beya.
 7 Mí alupu amu féé butetsii mi,
 bli mi iwí asun bee,
 8 “Uɔ lalahe lada mu tswí.
 ɔméetra kusv ekekekeke.”
 9 Mí nyawie klakla ání mia mɔnyɔ anitɔwa ibí ɔlepetɔ kuraa
 lakusv lu musv.
- 10 Tame Nana Bulu, wun mi nwe, afutsa mi ulɔ;
 mi anka mi alupu ikɔ!
 11 Ulaḥa nawun ání futekle mi asun,
 tsufe fóméeha mi alupu abunya mi iwí ansigyi.

¹² Olala uma mi iwɪ, su fatsu mi lu tintin.
Faha ansɪ de miɣyi fu ansɪtɔ bre fɛ́ɛ.

¹³ Bokaŋfu Nana Bulu, Israel Bulu amv;
tsu breá itamata yefun breá itamata.
Ibá móto, itra laba móto.

Ɔwulu 2sɪ

(Israel Ulu 42-72)

Ulu 42

Bulu Dunka Ukplanbi

Kora abi atosuna ulv ha ulv osunapv.

¹ Alá nani tenati dunka abonkpatɔ ntsu a,
ali ntodunka Bulu ni.

² Bulu ɔmɛwuli de mi ɔkla.
Ɔmɛwuli de mi ha Bulu ɔkiankpapv.
Ɔmenke nówun mu?

³ Ntsú itsan mi ɔpa-onye,
tsufe mi alupv bude mi fite bregyibre bee,
“Nki fu Bulu amv me?”

⁴ Ni nekain aliá mu ɔdɔm buteyi opiansu a,
asv tehan mi uklɔn.
Tsufe ali bre amutɔ ntegya amó nkpa,
anɪtɔpv ipan móa ope yɔ Bulu woyitɔ breá ande nke gyi ni.

⁵ Mi ɔkla, ntogyi su asv de fu han ali?
Ntogyi su fawa nwe ali?
Pv ansɪ dinka Bulusu,
tsufe nélakanfu mi buale ogyipv ⁶pú mi Bulu.

Asv de mi ɔkla han.
Mó su nde Yordan ntsu ɔnɔ ɔsulv,
Hermon ibv pú Misar ibusu kain.

⁷ Faha ntsu labula wa mi, fe ntsuá ibv oklu deda,
nte ntsu bulaheá idekpayi ɔwvnlinsv.

⁸ Ekekegyieke ɔyikehe Nana Bulu tɔpv mu ɔdweá uma ɔka sɪsɪ mi.
Onyegyionye ntɔwa ulv kanfu mu.
Ntɔbɔ mpai ha mi Bulu. Muteha mi nkpa.

⁹ Nefite mi Bulu, ogyi mi ibvta mbee,
“Ntogyi su fatan misv?
Ntogyi su mi alupv buɔɔn misv,

- mó sv n'owa nwe natí tsuntsun?"
- ¹⁰ Ahinla ání mī alupu bude mī bwe,
bude mī fite bregyibre bee, "Nkí fv Bulu amv me?"
ulabwe ɔlɔ wa mī awuto, ide mī dwiin.
- ¹¹ Mī ɔkla, ntogyi sv asun de fv han alí?
Ntogyi sv fawa nwe alí?
Pv ansi dínka Bulusu,
tsufe n'elakanfv mī buale ogyipv p'ó mī Bulu.

Uv 43

Nana Bulu, Gyi Mī Asun Ha Mī

- ¹ Oo Bulu, gyi mī asun ha mī.
Kɔ ɔmá ání butekpa fv ɔma.
Le mī tsu afunupv p'ó lalaha abwepv anfi ibito.
- ² Tsufe fvgyi mī Bulu p'ó mī ɔtanokpa.
"Ntogyi sv fasi mī wa ɔkpa?
Ntogyi sv mī alupu budun misv,
mó sv n'owa nwe natí tsuntsun?"
- ³ Ha fv iwankí p'ó fv ɔnokwali ukpa mī ya
fv onuto ibv amsv igyi fv otsiakpa amsv.
- ⁴ Meni n'ɔyɔ Bulu afɔdie-ɔswi asi unv.
N'ɔyɔ mī Buluá ɔtehɛ ha ansi tegyi mī wa.
Oo Bulu, mī Bulu!
N'eda ɔsankuo kanfv fv.
- ⁵ Mī ɔkla, ntogyi sv asun de fv han alí?
Ntogyi sv fawa nwe alí?
Pv ansi dínka Bulusu,
tsufe n'elakanfv mī buale ogyipv p'ó mī Bulu.

Uv 44

Bulu, Kuv Gyi Aní Buale

Kora abi atosuna uv ha uv osunapv.

- ¹ Oo Bulu, aní onuto antlanu.
Aní anain babla aní gyuma ání fegyí
amó btsv bumbi amv.
- ² Fɔpv ibi gya ɔmá-ɔmá,
tame feha aní anain mó bele nlin.
Fobwie ɔmá-ɔmá,
tame feha amó mó beklei.
- ³ Megyi amó akɔtɔ bɔpɔnya ɔsulo amv.
Megyi amó ɔwɔnlun bɔpɔgyi isv isatɔ.

Futɔdwe amó.

Mó su fu tumi, fu gyɔpi pú fu iwíwankɩ legyi isu ha amó.

⁴ Fugyi anɩ Wie pú anɩ Bulu.

Tsula, Yakob ogyi isu.

⁵ Ina fusu anitele anɩ alupu da.

Fu idatɔ antetsatsa anɩ adɩnsu.

⁶ Antamapu anɩ duka anɩ itasu,

anɩ ɔdayi e móhɔ anɩ.

⁷ Tame fale anɩ anɩ alupu ibitɔ,

faha anɩ adɩn basupa.

⁸ Bulu, fu su anitotsu iwɩ ɔpa-onye.

Abéda fu ipan bré féé.

lya.

⁹ Tame sei fasi anɩ wa ɔkpa, anɩlasupa.

Fumekpa anɩ ya isa.

¹⁰ Faha anɩlakɔ sɩ.

Anɩ alupu balupa anɩ atɔ féé.

¹¹ Faha féé, butun anɩ fé akufa.

Fada anɩ saun wa ɔmá-ɔmátɔ.

¹² Fafe fu aha ibia pɔnhɛ,

fumenya tɔtɔ anɩsu.

¹³ Faha anɩlasupa apio aba ansitɔ.

Aha ání butsie bomli anɩ betsia mósi anɩ, bwe anɩ ahinla.

¹⁴ Anɩlemli blibi ha ɔmá-ɔmá.

ɔmá bambasufɔ bowun anɩ bakpɔkpu nwuntɔ, bwe anɩ ahinla.

¹⁵ Peli de anɩ ɔpa-onye.

Ulamli anɩ nsupa,

¹⁶ anɩ ahinla abwepu pú anɩsu apleipu ansitɔ;

anɩ alupu pú aha ání butamasi ɩla kie ansitɔ.

¹⁷ Anɩlotsun ɩni féétɔ.

Mó o a, anɩmɔkutan fusu,

nɩ kina fu ntamsu gyi.

¹⁸ Anɩmɔkudamli ɔma ha fu,

nɩ dalɩ fu ɔkpasu ekekeke.

¹⁹ Tame febiabia anɩ,

si anɩ tswɩ mkpataku otsiakpa.

Fesi anɩ wa oklun tuuntɔ.

²⁰ Nɩ anɩlatan fu idasu,

nɩ tsu ɩbi fua bɔ mpaɩ ha ɔmá bamba ɔkpi ɔku a,

²¹ Bulu, tekɩ fuméebi?

Tsufe foyin anɩ agywuntɔ asun nainhe kugyiku.

²² Ee! Fu su anitefia lowu ɔpa-onye,

fé akufa bapu beya ɔmɔkpa.

- 23 Kusu! Mú Wie, ntogyi su fudedidí?
Kusu, mádidí si aní wa okpa féé!
- 24 Ntogyi su fadinkí anísí anísu?
Fatan aní ipian pú alá aní alupu bode aní yia wa ntsu féé?
- 25 Tsufe bada aní leda osoloto tantaantan.
Aní oyulu late manta osulu.
- 26 Kusu gyi aní buale!
Fu odweá ima oka su ka le aní.

llo 45

Owie Okatsia llo

Kora abi atosuna llo ha llo osunapu. Dimbisv-saprada me bopowa mú. Odwe-llo.

- 1 Ulakita mú uklon ání
nówanlun owie wu llo.
Mú odandu bu asa, fe ató owanlupu ibi.
- 2 Nanain, zhaa má akule oyasubi fe fu!
Asun ání ibu anule bó fu oko.
Bulu layula fu bre féé.
- 3 Otumipu, tsu fu odayi tsan.
Kita fu numnyam pú fu iwiegyito.
- 4 Kita fu iwiegyito, afuko yo nkpa.
Ko ha okokwalt múa yilebwe pú iwiasiba.
Fu gyopi ile fu ofula owan.
- 5 Fu mbun pwoonon ifuti fu alupu klun,
omá-omá abuba iwiasí fu ansito.
- 6 Oo Bulu, fu owie-obia méeta ekekeke.
Okokwalt gyi fu akunfra.
- 7 Futekle yilebwe. Lalahewe mú a, futekisi.
Mú su fu Wie Bulu lada fu ofuli,
pu ansigyí bula futó dun fu aba.
- 8 Ohuam, pupu, ohien pú ató fanfan
ide ofan wa fu atadie tuntinto fanfaanfan.
Owie woyiá bopu srufó-isen hihie múto,
ndondo aná de múto tsia bu fu odwe.
- 9 Awie abi tsihe bobu fu akato.
Oktsiá owie detsia lówa Ofir sika ató wanklaan, olu fu gyopisu.
- 10 Oktsi, kí, yaa asu afonu.
Tan fu abusuanfo pú fu sí woyisu,
- 11 ment owie ansí bégyi fu wu.
Fu wie ni. Mú su ba iwiasí ha mu.

- 12 Tirofo bósura atokiehe ba.
Dyitw iwí anyapu bópɔɔɔ fu.
- 13 Owie mu bi tsuhe onumnyampv anfi tsie obutotɔ.
Dlɔwa atadie tintun ání bɔpu sika pepe lu mú.
14 Dlɔwa atadie tintun ání the bu akile, bakpa mu beya owie amv.
Mu aba mbitebi bubuo mu.
- 15 Ansigyí múa osejee
bapukpa mu beya owie woyitɔ.
- 16 Nanain, fu abi yinhe bétsia fu así mbiasv.
Féyat amú awie ɔmá-ɔmátɔ.
- 17 Bulu ɔbéha abi-aná féé békanfu fu idasv.
Lni sv ɔmá-ɔmá békanfu fu bre féé.

Ulu 46

Bulu Má ɔka Aní Wa Aní ɔkplanke

Kora abi ulvá bópva ulv osunapv. Bópv mbitebi ɔme wa mv.

- 1 Bulu gyi aní okpikplikpa pú aní ɔwunlun.
ɔma ɔka aní wa aní ɔkplanke.
- 2 Mú sv ní ɔyi lekpunkí,
abv lekpa yewie ɔpu nsune kuraa a,
anuméenyá ifu.
- 3 Ní ɔpu leda, bwe afu kpɔɔkpɔɔ,
ulekpunkí abv kuraa a,
anuméenyá ifu. lya.
- 4 Ntsu tsunhe ɔku ina Bulu wulu amotɔ, uteha unv atsiapu ansv tegyi amú.
ɔsɔsɔsɔ Mv Wie amv onuto otsiakpa ní.
- 5 Bulu bu wulu amotɔ, uméedida.
ɔbóbva mú bake.
- 6 Kpokiti leda ɔmá-ɔmátɔ,
iwie ogyikpa ledida.
Lnv Bulu lele ɔnɔ, ɔsvlu leɣlan.
- 7 Lsa ɔnɔ ɔlupu Nana Bulu bu aní wa.
Yakob Bulu amv gyi aní ɔtanukpa kinkin. lya.
- 8 Mlibekí Nana Bulu gymagyihe.
Alú alaha ɔsvlsɔv atɔ layinta.
- 9 ɔteka isa tin ɔyitɔ ɔtunegyíɔtune.
Otebiabia ita, kaka ɔkpantɔ anyɔ;
wa isa akɔtɔ féé ogya.
- 10 Mltsia diin, amlibíá mɔgyi Bulu.
Batsu mɔ fva ɔmá féétɔ.

Bawa mi numnyam cyitɔ fée.

¹¹ Lsa Ɔnɔ Ɔlupu Nana Bulu bu anɔ wa.

Yakob Bulu amu gyi anɔ ɔtanɔkpa kinkin.

lya.

Ulv 47

Owie Kpɔnkpɔnkpɔntɔ Bulu Gyi Ɔyitsɔ

Kora abi kanfu-ulv ha ulv osunapu.

¹ Ɔmá fée, mlɔpu ansigyɔ da apian,
amlɔtswɔ ope kanfu Bulu,

² tsufe Nana Bulu, Ɔsɔsɔsɔsɔ mu Wie amu iwɔ bu ifu.
Owie kpɔnkpɔnkpɔntɔ ogyi ɔyi féeɔsɔ.

³ Ɖtɛba ɔmá-ɔmá astɔ, pu amó wa anɔ astɔ.
Ɖleha anulegyi ɔmá féeɔsɔ.

⁴ Otekle anɔ Yakob abi-aná asɔn.
Mú sɔ ɔlele ɔsɔlɔá igyi anɔ ogyikpa ha anɔ,
anɔɔpɔtsu iwɔ.

lya.

⁵ Bulu lɔpu ansigyɔ dɔ ɔyɔ.
Nana Bulu lɔdɔ ɔyɔ, buɔde okitikiti, ukpe defɔlɔ.

⁶ Mlɔwa ulv kanfu Bulu, amlɔtswɔ ope ha mu.
Mlɔwa ulv kanfu anɔ Owie.

Mlɔwa ulv kanfu mu,
⁷ tsufe Bulu gyi ɔyi fée Owie.

Mlɔwa ulv sunahe ha mu.

⁸ Bulu tsie mu onuto owie-obiasɔ,
ɔde ɔmá féeɔsɔ gyi.

⁹ Ɖmáɔsɔ agyɔpu bafia.
Abraham Bulu aha bafia,
tsufe Bulu bú ɔyitɔ awie fée.
Batsu mu fɔa ɔtɔnɛgyiɔtɔnɛ.

Ulv 48

Bulu Otsiakpa Sion

Kora abi kanfu-ulv.

¹ Nana Bulu lomoni.
Ulekana ání béhiɛ kanfu mu.
Békanfu mu mu wulutɔ,
igyɔ wuluá ɔdɔn mu onuto ɔbu amɔsɔ.

² Sion ɔbu lɔfɔa, thiɛ bu akilɛ.
ɔbu ɔyitɔ aha fée ansigyɔ.
Sion ɔbu igyi Bulu otsiakpa.
Igyi owie otumipu kpɔnkpɔntɔ wulu.

³ Bulu onuto bu awie amu woyitɔ.
Alale tɔw ɔwan ání mugyi ɔtanɔkpa kinkin ha mó.

⁴ Kɪ, awie betɪ aba fia,
kusu yɔ wulu anft ɔkɔkpa.

⁵ Tame breá bowun mó a, opuni letsii amó.
Begyigya, yinki sri.

⁶ Bekpɪnkɪ kpakpakpakpa,
fe tkwu de ɔtsɪ dwiin.

⁷ Fɛ alɪá atsfu totsɪ owi ɔdalukpa bobwiebwie
Tarsisfɔ ɔpusɔ-ayen.

⁸ Asun amɔv anɪlonu amv anɪlawun a.
Isa ɔnɔ ɔlupɔ Nana Bulu wulu nɪ.
Anɪ Bulu amv wulu nɪ.
ɔbéha ibélu kinkin bre féé.

lya.

⁹ Oo Bulu, anɪde fɔ ɔdweá uma ɔka tɔw gywun
fɔ ɔtswekpa unv.

¹⁰ Oo Bulu, alɪ amɔv fɔ ɪda bu ɔtɪnegyɪɔtɪne amv a,
alɪ ken bɔtekanfɔ fɔ yetɔ ɔyɪ ɔka nɪ.

Yilebwe labula fɔ gyɔpɪ.

¹¹ Ha anɪ igyi Sionbɔsv atsiapɔ,
anɪ igyi Yuda awulu,
tsufe futobua asun ɔnɔkwalsɔ.

¹² Mɪnati tsuntsɔn Sion.
Mɪki bomli mó féé,
amlɪkla mútɔ mbu fuahe.

¹³ Mɪle anɪ kɪ mó abunti wanklaan.
Mɪkɪ awie-woyi amv wanklaan.
Fówun mlɔpɔbla mlɪ abi-aná mlɪaa,

¹⁴ “Alɪ Bulu gyi nɪ.

Mugyi anɪ Bulu bre féé.

ɔbékpa anɪ yefɔn anɪ owuke.”

Uv 49

Nyankpɔsa Onya Atɔ Alɪgyialá Oméetsia Nkpa Yɔ

Kora abi kanfɔ-uv ha uv osunapɔ.

¹ Mɪ ɔmá féé, mlɪnu asun anft!
ɔyɪtɔ atsiapɔ féé, mɪyaa asv.

² Nyebi-ahande,
tɔw anyapɔ pɔ ahianfɔ féé!

³ Tsufe neba bebɪ nyansala,
mɪ nwuntɔ asun ibéha asun-asun.

⁴ Nýyaa asu nu ayebi.

Nópu ɔsankuo le ɔte kutuklu asi.

⁵ Ni nowie ukplantɔ,

mɪ amlepɔ bekafia mɪ a,

ntogyi sɔ nénya ifu?

⁶ Iwɪ anyapɔ anfi bapɔ ansi dɪnka amú inyasɔ,

budepɔ amú atɔ tsɔtsɔtsɔ tsu iwɪ.

⁷ ɔhaa méetali ka le mu pio.

ɔhaa méetali ka Bulu ukɔ, pɔhɔ mu pio nkpa.

⁸ Tsufe ɔha ka le ibia mɛda asi.

Mátepi bwe mú iwɪ agywɪn,

⁹ fɛɛ, ilehian ání ɔha obétsia nkpa bre fɛ́é,

ɔmɔɔɔ fuli-ɔbɔɔ ekekekeke.

¹⁰ ɔhagyɔɔha towun ání anyansapɔ butowu.

Aha mimlahe pú aha gyɪmɪhe ε butowu,

si amú atɔ ha aha bamba.

¹¹ Ibu mútɔ́á butɔpɔ amú ada dɪnka amú ɔsulɔsɔ,

tame ntsantɔ gyi amú otsiakpa bre fɛ́é.

¹² Nyankpɔsa ɔhɪɪ iwɪ alágyialá a, oméetsia nkpa yɔ.

Ogyi fe ɔbwi, ɔtɔkɔsi wu.

¹³ Alɪ uteba ha aha mimlahe anfi,

pú aha ání butegyɪ amú asunsɔ ni.

lya.

¹⁴ Bugyi fe akufa. Amú ɔɔkpa gyi afulitɔ.

Lowu ɔbɔ́bwe amú ɔkpaɔ.

Aha ání amú asɔn da ɔkpa bégyi amúsu nyankɪ.

Amú ɔyɔlɔ bɔ́plɔ fɛ́é, iméetra dɪ amú ɔsulɔsɔ.

Afulitɔ ɔbɔ́bwe amú woyi.

¹⁵ Tame mɪ mú a, Bulu ɔbéka le mɪ afulitɔ,

tsufe ɔbɔ́hɔ mɪ.

lya.

¹⁶ Ni ɔku atonyahe imoni,

numnyam iba mu woyisɔ alágyialá a,

umáhan fu.

¹⁷ Tsufe ni owu a, omóotsu kɔku nati.

Mu numnyam ε iméekpa mu ya.

¹⁸ Ni ɔtekiá mɔbɔ ansigyitɔ ɔyi anfitɔ,

aha butekanfu mu ání oyin mu iwɪsɔ kɪ kuraa a,

¹⁹ obówu yɔ mu asitɔ.

Oméetra wun wankɪ ekekekeke.

²⁰ Nyankpɔsa ɔhɪɪ iwɪ alágyialá a, oméetsia nkpa yɔ.

Ogyi fe ɔbwi, ɔtɔkɔsi wu.

Uv 50

Ipan Gyi Afɔdɛá Bulu Tekle

Asaf kanfu-uv.

- 1 Bulu, Otumipu, Nana Bulu detɔ.
Alatɔ tɪ ɔyɪtɔ aha féé,
tsu owi ɔdalɪkpa yeyi mú ɔkplɔwɪekpa.
- 2 Bulu tɔwankɪ tsu Sion,
wuluá ɪbu akɪle ɔyɪtɔ féé.
- 3 Anɪ Bulu ɔba, ɔméekpa ɔnɔ bun.
Ogya plenplen gya mu nkpa, ɪde ntobi hɔ.
Afu kinkiinkin lekafia mu.
- 4 Alati ɔsu múa asɪ befia
ání obégyi mu aha asun.
- 5 ɔbɛɛ, “Mɪkpa aha ání bɪtamakpa mɪ ɔma wa abato ha mɪ.
Aha amuv bɪtɔbɔ afɔdɛ, ka ntam ha mɪ amu!”
- 6 ɔsusɪ ɪde mu ɔnɔkwali ɔwan le,
tsufe Bulu onuto amu gyi asun ogyipu. lya.
- 7 “Oo! mɪ ɔmá, mɪnu asun ání nébli.
Israelfɔ, néle mɪ ɪwɪ asun bli.
Mɪ anft gyi mɪ Bulu nɪ.
- 8 Megyi afɔdɛá mlɪdebo ha mɪ ɪwɪ asun ndeblɪ.
Mɪ atɔtɔhe-afɔdɛ ɪbu mɪ ansɪtɔ bregyibre.
- 9 Tame hɔ mmɔɔhɔ mlɪ nnantswie
múa mlɪ akpala,
- 10 tsufe pututɔ múa abusɪ mbwɪ féé
bugyi mɪ kle.
- 11 Mɪbu afutɔ mbubwɪ pú mbwɪá buna ɔsulɪsɪ féé.”
- 12 “Nɪ akun de mɪ a, mméɛbla mlɪ,
tsufe mɪbu ɔyɪ múa móɔtɔ atɔ féé.
- 13 Ntamawɪ nnantswie aye,
ntamanun akpala obugya.
- 14 Pɔ ɪpan bɔ afɔdɛ ha mɪ,
afuka akɔá fotsula ha mɪ ɔsusɪsɪ Mu Wie.
- 15 Kpoli mɪ fɔ ɔkplanke, néle fu;
afɔwa mɪ numnyam.”
- 16 Tame Bulu de ɔha lalahe mú fɪte ɔbɛɛ,
“ɔkpa ɔmɔmu sɔ fude mɪ amandɛ bli,
nte pɔ mɪ ntam dɪnka fɔ ɔnɔsɔ?
- 17 Tsufe fu mú futamaklé ntswii fu.
Fɪtɔtswɪ mɪ asun ɛ tsalɪfwɪ.
- 18 Fowun owikplu fakpla buo mu.
Fɔa mbua atɔpɔ bu mba.
- 19 Asukpan kugyiku tetali dalɪ fu ɔnɔ.

- Fuhie fubu afunu.
 20 Futetsia ası blt fu pio ıwı asun.
 Futetalı kpı fu yin mu bi kuraa.
 21 Lıuá fude ntobi anft fée bwe
 mmekpla fu su a, fuki fee, ngı fe fu.
 Néle mó fée blt,
 wa ıyn wa fu ngya.”
- 22 “Mısv atanpu, mlyı unı oyıbi.
 Nı megyı alı nétıtlı mlıtı pransapransa,
 ıhıpu ıkuku má uná ıbıhı mlı.
 23 Oha ánl ıtıpu ıpan bı afıdıe ha mı
 lawa mı numnyam.
 Oha ánl ına yılebwe ıkpasu a,
 mu nıhı nkpa.”

Uv 51

Iwtasunu Mpat

*Igyı kanfu-lv ha uv osunapu. Uvıá Dawid lıwa breá Bulu ınısv
 ıtıpu Natan leba mu wa, mu Batseba kle ına.*

- 1 Oo Bulu, fu ıdweá uma ıka su
 wa awıtıle ha mı.
 Fu nwewun su tsıtsı mı lalahe.
 2 Fwı mı tsıtsa le mı ıwı,
 afıgyıra mı le mı lakpantı,
- 3 tsufe nyin lalaheá nabwe.
 Mı ansı dın mı lakpansı bregıyıbre.
 4 Fu nkıle, fu nkıle pe napı ıla gyı.
 Nabwe ıtıá igyı lalahe fu ansıtı.
 Mó sv fubu ıkpa ha mı ıtıın,
 ıhaa méele fu ıla.
 5 Negyı ıtıın breá bıkwı mı.
 Breá mı yın de mı ıme kuraa a, lakpan ıbwepı ngyı.
- 6 ınıkwalıtá ıtsu ıklın ıtıtı futekle.
 Mó sv suna mı ıklın ıtıtııtı nyansa.
 7 Pu ayı gyıra mı, mı ıwı ıtın.
 Bıe mı ntsu, mı anlın fe atsıfolıbı.
 8 Ha mı annu asun ánl ıbéha ansı bégyı mı.
 Ha ansı igyı mı awıá fıabıabıa.
 9 Bun ansıbı mı lakpansı,
 afıtsıtsı mı lalahe fée.
- 10 Oo Bulu, bwe ıklın ánl mıtı lıwankı wa mıtı,

- afulapu ɔɲe pɔpweá ibv ɔnɔkwali wa mitɔ.
- 11 Mátswi mi tsalfwi.
Máho fu Ɖɲe Wankihe le mi ibi.
- 12 Lapu ansigyiá ibv fu nkpahɔtɔ wa mitɔ.
Ha fu asvnsugyi ibwe mi ɔdwela.
- 13 Nósuna aha ání butamagyi fu mblasu fu ɔkpa,
lakpan abwepu béyinki ba fu wa.
- 14 Oo Bulu, mi nkpa ɔhɔpu Bulu,
natsitsa obugya, sikie mi.
Meni nówa fu nkpahɔ ɔkpayi.
- 15 Mi Wie, bwii mi ɔnɔ,
mi antswi ope kanfu fu,
- 16 tsufe afɔdie tamagyi fu ansi.
Ni nɔbɔ atɔtɔhe-afɔdie ha fu kura a, fumedekle.
- 17 Afɔdieá futekle gyi uklɔn ání ulanu iwiasɩ.
Oo Bulu, futamakɩ ɔha ání alanu iwiasɩ si lakpan bwe, ki
nwun.
- 18 Bwe yile ha Sion, afugyi mu buale.
Layinki yi Yerusalem abunti.
- 19 Mɔmɔ anɩ afɔdie yile ibégyi fu ansi,
abɔbɔ atɔtɔhe-afɔdie pú atɔ ogya-afɔdie,
labɔ nnantswie-afɔdie fu afɔdie-ɔswɩsu ha fu.

Uv 52

Bulu Asvngyi Pó Mu Awitɔle

Dawid atosuna uv ha uv osunapu. Ɖlɔwa mú breá Edomyin

Doeg leyebɩa Saulo ání ɔbv Ahimelek woyitɔ.

- 1 Ɖha yinhe, ntogyi su fude twi adabi da,
lalaheá fudepuɲgyi Bulu aha su?
Ekekegyieke ɔyikehe féé, ² fude lalahe susu.
Ofunupu olembiapu,
fu ɔdandu bu ogya fe ɔdayibi.
- 3 Futekle lalahe dun yile,
futekle afunu ε dun ɔnɔkwali. lya.
- 4 Ofunupu, asvɔkpan ání ibéti lowu ha fu aba futekle.
- 5 Tame Bulu ɔbéda fu le da,
fuméetra kusv ekekeke.
Ɖbéle fu le fu tati-obuto,
puli fu le aktankpapu ɔsvlusu. lya.

- 6 Aha yile bówun, nya ifu.
 Bómɔstí fú blí bée,
 7 “Kí, ntó de ɔha yinhe anftí bwe?
 Ɖtamasrí tanv Bulu,
 inyasv ɔlɔpv anstí dínka,
 pv atonyahe bwe mv ɔtanvka.”
- 8 Tame mí mú ngýi fe ***olif-oyiá**^d ulayeyei,
 ulu Bulu woyítɔ.
 Mí anstí dín Bulu ɔdweá uma ɔkasv bre féé.
 9 Oo Bulu, nékanfv fú bre féé,
 fú bwehe sv.
 Néda fú ida ɔkan aha ání butamakpa fú ɔma anstí,
 tsufe fubv ale.

Ulv 53

Aha Lalahe Bée, Bulu Má Inu

Dawid atosuna ulv ha ulv osunapv. Bówa mú nwesv.

- 1 Aha mimlahe nkvlé de amó wí bla bée,
 “Bulu má inu.”
 Bayinta, bamli mbusuo abɔpv.
 Ɖbakvlé kúraa médalí amótɔ.
- 2 Nana Bulu tekí anyankpɔsa féé sísí tsu ɔsvsv,
 kí bée, menya ɔtansípv ɔkúá otodunka mv ɔkpa.
- 3 Amó féé badamli ɔma ha Bulu.
 Amó féé bafwí ɔkpa.
 Yile ɔbwepv ɔkúkv má inu.
 Ɖbakvlé kúraa médalí amótɔ.
- 4 Nana Bulu ɔbée, “Mú sv lalahe abwepv bumóonu asvñ así
 ekekeke?
 Bude mí aha wí fe iye budewí,
 butamasu kpolí mí.”
- 5 Inu ifu békúta amó ɔtíneá ifu uma,
 tsufe Bulu ɔbéda Israelfɔ alupv awu saín.
 Peli békúta amó, tsufe Bulu lakpa amó ɔma.
- 6 Nhíe nde Bulu kokoli mbée,
 ɔkv otsu Sionbusv bóhɔ Israelfɔ.
 Ekeá Bulu ɔbélatvu mv aha kúsv a,
 thíe wa Yakob abi-aná ɔdwe, anstí thíe gyí Israelfɔ.

Uv 54

Bulu Gyi Bviale Ogyipu

*Dawid atosuna uv ha uv osunapv. Olwa mó breá Siffó beyebla
Owie Saulo ání alabegain amó wa. BÉda mó osankuosv.*

- ¹ Oo Bulu, pv fu ida hɔ mi,
afɔpv fu ɔwɔnɔlɔn gyi mi asɔn ha mi.
- ² Oo Bulu, nu mi mpat.
Yaa asv afɔnu mi kokoli.
- ³ Afɔɔ bakɔsv lu mɔsv.
Awuntɔlɔnpv́á Bulu mégyi tɔtɔɔtɔ amó ansɔsv
bɔdekɔléá bɔ́mɔ mi.
- ⁴ Kɪ, Bulu gyi mi bviale ogyipu.
Mɪ Wie de mi nkpa ɪbɪtɔ.
- ⁵ Pɔ mi alupv lalahe ka amó ɪkɔ.
Fɔbv ɔɔkwalɪ ha mi, sv mɔ amó.
- ⁶ Nɔ́bɔ mi apɛtɔ-afɔdɪe ha fu.
Nana Bulu, nékanfv fu ida, tsufe fɔbv aɛ.
- ⁷ Fale mi ɛ ɪkplan kugyikɔtɔ,
nagyi mi alupsv.

lya.

Uv 55

Mɪ ɪwɪ ɔ́blɔ Laha Bɔde Mɪ Lu

Dawid uv ha uv osunapv. Bɔ́pv osankuo da mó.

- ¹ Oo Bulu, yaa asv afɔnu mi mpat.
Mákiná mi kokoli.
- ² Yaa asv nu mi isu, afɔɔɔ mi ɔɔɔ.
Mɪ asɔn wunhe ladɔn mi.
Nagyigya,
- ³ mi alupv asɔn blihe
pú aha lalahe asɪ́á bɔde mi ba sv.
Tsufe bapv ipian dɪnka mɔsv,
mɪ ɪwɪ ɔ́blɔ laha bɔde mi lu.
- ⁴ Mɪ ɪklɔn mɛdɪ mi asɪ.
Opuni de mi tsii, ndekle anwu.
- ⁵ Ifu de mi, ndekpɪnkɪ kpakpakpakpa.
ɪwɪ mesi mi kpɪnkɪ.
- ⁶ Aɔ! Tɛkɪ nɪ mbv aɛ fe brɔdɔma a,
tɛkɪ nɔ́fulɪ yɛda ɔkpvɔsv ɔtɪnekv.
- ⁷ Ee, tɛkɪ nɔ́yɔ tsutsuutsu,
dimbɪsv ɔtɪnekv.
- ⁸ Tɛkɪ nɔ́kɔsv dɪnka oŋainkpa ha ɪwɪ,
si afu móa alankpɪla anfi.

lya.

- ⁹ Mɪ Wie, ha amú abugyigya, amú ɔdandɔ imlimli,
 tsufe owuntɔlun mɔ́a ɪkɔ gyi tɔ́a ndewun wulu amɔ́tɔ.
- ¹⁰ Butobomli wulu amɔ ɔpa-onye,
 lalahaebwe mɔ́a asun wunhe ɔɔn bu mɔ́tɔ.
- ¹¹ Asɔkpangyi bu wulu amɔtɔ.
 Ahamle pú ahasisi tamakpa mú dunsɔ.
- ¹² Nɪ mɪ olupu de mɪ supa a,
 teki nótomɪ.
 Nɪ mɪ olupu de ɪwɪ tsu suna mɪ a,
 teki nódunka ɪwɪ ɔwakpa.
- ¹³ Tame fu mɪ ba, mɪ nyawie
 pú mɪ ɔbɪsufeá nhɛ nyin fu, deɓu ɪwɪ gyi mɪ.
- ¹⁴ Teki mɪa fɔnyɔ tebla aba anɪ awuntɔsɔ,
 natɪ buo ɔdɔm yɔ Bulu woyitɔ.
- ¹⁵ Mɪ alupu lowu ifwie amɔ́tɔ.
 Bɔyɔ afulitɔ amú ansɪ buya,
 tsufe lalaha labɔla amú woyi pú amú kluntɔ.
- ¹⁶ Mɪ mú nɔ́su kpoli Bulu.
 Nana Bulu ɔbɔ́hɔ mɪ.
- ¹⁷ Nyankɪ, ɔpa, ntɔpwe féé
 nɔ́su kɔ́kɔkɔvɔ bla mu mɪ asun,
 obónu mɪ ɔmɛ.
- ¹⁸ Aha tsɔtsɔɔtsɔ bɔde mɪ ɪsa kɔ,
 tame ɔbéle mɪ le amú ɪbɪ.
 Tɔ́tɔ́tɔ mɔ́ɔbwe mɪ.
- ¹⁹ Bulu de iwiegyi tsu bɪmbɪ ɔpá. lya.
 Obónu mɪ ɪsu, ba amú asi.
 Tsufe mɪ alupu amɔ butamatse,
 butamanya Bulu ifu.
- ²⁰ Mɪ nyawie lakpa mu nyawie ɔma.
 Alatun mɪa mɔnyɔ ntam.
- ²¹ Mu asun blɪhe bu ɔdwe dɔn ɔkwen,
 tame ɪsakɔ asun bu mu ɪkluntɔ.
 Mu asun lɔpɔn dɔn adɔmpɔ,
 tame igyi fe ɔdayiá bapio mú le.
- ²² Pɔ fu asun féé wa Nana Bulu ɪbɪtɔ, ɔbékpa fu.
 ɔméesha ɔha yile méedɪda.
- ²³ Tame fu Bulu, fɔ́tswɪ aha lalaha amɔ wa ɔbɔ kluklu amɔtɔ dodoodo,
 asa amú nke ɪbéta fun.
 Tsufe fékpa aha amɔpɔ pú afunupu tsitsa,
 tame mɪ mú nɔ́pɔ ansɪ dɪnka fɔsɔ.

Uv 56

Bulusv Ntɔpu Ansv Dinka

*Dawid uv ha uv osunapu. Bɔpu ɔmɛá igyi fe abɔɔdoma ání ɔdɔn tsutsu
ɔme wa mú. Dawid lɔwa mú breá Filistifo bekuta mv Gat wuluto.*

- ¹ Oo Bulu, wun mi nwe, tsufe aha batsatsa misu.
Alupu bude mi yia manta ɔyikehetɔ féé.
- ² Mi alupu batsatsa misu ɔyikehetɔ féé,
aha tsɔtsɔwɔtsɔ bude mi kɔ iwitsusu.
- ³ Ni ifu ikita mi a,
ntɔpu ansv dinka fusu.
- ⁴ Bulu asɔn ntekanfu.
Bulusv ntɔpu ansv dinka,
ifu tamakita mi.
Ntɔ nyankpɔsa ɔbétali bwe mi?
- ⁵ Butetse mi ɔnɔ ekekegyieke ɔyikehetɔ féé.
Mi twi agywun lalahe kotoo butɔbwe.
- ⁶ Bakpa aba bude mi te,
bude yabi kugyikuá ndele ki.
Bodekleá bómɔ mi kokooko.
- ⁷ Amú owuntɔlɔn sv ka amú ikɔ.
Oo Bulu, pu ɔblo le ɔmá-ɔmá anfi da.
- ⁸ Fuyin mi ukplan féé.
Svta mi ntsú wa fu otuntutɔ.
Megyi fu ɔwulutɔ mú féé bu?
- ⁹ Mumu ekeá nokpoli fu a,
mi alupu féé béyinki ɔma.
Nhiɛ nyin ání fubuo mi.
- ¹⁰ Bulu asɔn ntekanfu.
Nana Bulu asɔn ntekanfu.
- ¹¹ Bulusv ntɔpu ansv dinka, ifu tamakita mi.
Ntɔ nyankpɔsa ɔbétali bwe mi?
- ¹² Oo Bulu, ilehian ání néka akɔá notsula ha fu,
pu ipan bɔ afɔdɛ ha fu.
- ¹³ Tsufe fele mi tsu lowutɔ.
Ee, fumeha mmosutin.
Mú sv nétali natɔ fu ansitɔ,
fu wankiá uteha nkpatɔ.

Uv 57

Buluá Ɔtɔbwe Togyitɔ Mɔ Ɔnɔ

Uv ha uv osunapɔ. Dawid ulá bɔpɔ “Máyinta atɔ” ɔme wa mó.

Uvá Dawid lɔwa breá ɔlesri si Owie Saulo ibwi-ɔbɔtɔ.

- ¹ Wun mi nwe. Oo Bulu, wun mi nwe!
 Tsufe fɔgyi mi ɔtanɔkpa.
 Fu abambasi nanjain,
 yefun breá alankpla anfi ulaka itin.
- ² Ɔsɔsɔsɔ Mv Wie ndesu kpoli.
 Buluá ɔtɔbwe togyitɔ mɔ ɔnɔ ha mi ndesu kpoli.
- ³ Ɔbɔ́wa tsu ɔsɔsɔ bɔhɔ mi.
 Ɔbɔ́sɔpa aha ání bɔde misɔ tsatsa. lya.
 Ɔbɔ́wa mu ɔdweá uma ɔka pú mu ɔnɔkwali sɔsi.
- ⁴ Alupɔ́a bɔgyi fe agyata nsune nkplan.
 Amótetɔti nyankpusa aye.
 Amú ayin gyi fe ikpan mɔ́a mbɔn.
 Amú ɔnɔ bu ogya fe ɔdayi.
- ⁵ Oo Bulu, tsu fu iwɔ fɔa dafa ɔsɔsɔ,
 afɔha fu numnyam ɔbɔla ɔsɔsɔ fɛ́é!
- ⁶ Baftɔ ayibi mi ɔtsunkpa.
 Awɔrehɔ lada mi tswɔ.
 Bakwi ɔbɔ mi ɔkpasɔ,
 tame amú onuto bakpawie mútɔ. lya.
- ⁷ Fu nkɔlesɔ mi ansɔ dɔn.
 Oo Bulu, mi uklɔn dɔn fɔsɔ.
 Nɔ́wa uv, ee nɔ́wa uv kanfɔ fu.
- ⁸ Mɔ ɔkla, tsinki.
 Akwe mɔ́a nsankuo, mlɔtsinki.
 Nétsinki bake.
- ⁹ Mɔ Wie, néda fu ɔpan ahɔtɔ.
 Nɔ́wa uv kanfɔ fu ɔmá-ɔmátɔ.
- ¹⁰ Tsufe fu ɔdweá uma ɔka lɔfɔa dafa ɔsɔsɔ.
 Fu ɔnɔkwali lɔfɔa wɔ nwɔlɔta.
- ¹¹ Oo Bulu, tsu fu iwɔ fɔa dafa ɔsɔsɔ,
 afɔha fu numnyam ɔbɔla ɔsɔsɔ fɛ́é!

Uv 58

Bulu Tegyi Aha Asun Osolsu

Uv ha uv osunapu. Dawid ulá bǎpu "Máyinta atǎ" ɔme wa mó.

- 1 Atumipu, lele mlitebli asun ání ida ɔkpa?
Mlitageyi asun ɔɔkwalsu ha aha?
- 2 O-o, lalahe bu mli uklntǎ.
Owuntǎlnla mlitǎbwe ɔsolsu.
- 3 Lalahe abwepu bubu iwǎ, bǎfwǎ ɔkpa.
Tsu amú ikwubi ɔpá buna budetsuntsun,
bude afunu wa.
- 4 Bubu elin fe iwǎ.
Bugyi sapa ɔkuá oletila asu.
- 5 Ɔfapu ɔkplǎn wa mu, ɔtamakpla.
Ɔfapvá ɔlehie bli ɔfa mu, utamakita mu.
- 6 Oo Bulu, kpakpa lalahe abwepu anfi ayín.
Oo Nana Bulu, tsii gyata-abi anfi ayín-kítatǎ!
- 7 Ha aburǎ fe ntsu kphie.
Ni bebúti amú ita a, amú mbun ɔɔ iwu.
- 8 Bwbwe fe obien ání ɔna ɔdekpikpi.
Bumáwun owi fe ɔmetsitsa.
- 9 Fǎpu ɔblo fei amú fǎé tsitsa ɔsasú,
ɔun alá ntsuá idun abotodua ogyasu tǎkǎsi fu.
- 10 Ɔha yile ansi bégyi mu ni owun ɔha lalahe ukǎ ɔkakpa.
Ɔbǎfwǎ mu ayabi ɔha lalahe obugyatǎ.
- 11 Aha bébli bee, "Lele, yile ɔbwepu bu mu upanda.
Lele, Bulu bu unvá otegyi aha asun ɔsolsu."

Uv 59

Bulu, Le Ml Le Ml Alupu Ibitǎ

*Uv ha uv osunapu. Dawid ulá bǎpu "Máyinta atǎ" ɔme wa mó. Ɔlǎwa
mú breá Saulo leha aha bogyo mu woyi, méní bǎmǎ mu.*

- 1 Ml Bulu, le ml le ml alupu ibitǎ.
Gyi iban wa ml tsu misu akusulupu ibitǎ.
- 2 Le ml le lalahe abwepu ibi.
Hǎ ml le obugya atsitsapu ibi.
- 3 Ki, bogyoá bǎmǎ ml.
Awuntǎlnpu bafia ml nwunsu.
Nana Bulu, megyi lalahe kuku nabwe,
nte asukpan ukú nagyí.
- 4 Tsufe megyi ml bwehe kuku su

- busrɪ bɔdɛ iwɪsɪ da.
Kɪsɪ kɪ tɔ́á ɪdɛ mɔ́sɪ yɔ, afɔbɔa mɪ.
- ⁵ Isa ɔ́nɔ ɔ́lɔpɔ Bulu, Nana Bulu, fɔgyi Israel Bulu!
Kɪsɪ afɔbɪtɪ ɔ́má anft fɛ́é ɪsɪ.
Máwun aha atɔpɔ lalahe ɔ́kɔkɔ nwe. *lya.*
- ⁶ Bɔteyinki ba ntɔpwe,
bɔdekplɔn fɛ akɪaɪ, bomli wulu amɪ.
- ⁷ Kɪ, bɔtekpakpa asiabi bun.
Amó ɔ́nɔ klakla fɛ ɔ́dayi,
bɔdeblɪ bɛɛ, “Ohaa medenu.”
- ⁸ Tame Nana Bulu, mɔ́sɪ fɔdɛ amó,
fɔdɛ ɔ́má anft fɛ́é ahinla bwe.
- ⁹ Mɪ ɔ́wɔnɪn, ndɛ fɔ ɔ́kpa kɪ,
tsufe fɔ Bulu gyi mɪ ɔ́tanɔkpa kinkin.
- ¹⁰ Mɪ Bulu ɔ́bɔpɔ mɪ ɔ́dweá ɪma ɔ́ka befia mɪ.
ɔ́bɛ́ha nówun altá nagyi mɪ alupɔsɪ.
- ¹¹ Mámɔ amó, menɪ mɪ aha Israelfɔ buméetan mɔ́sɪ.
Pɔ fɔ ɔ́wɔnɪn da amó saɪn, afɔfɪn amó da.
Oo anɪ Wie, fɔgyi anɪ kɔtɪ.
- ¹² Amó asɪn lalahe blɪ, amó ɔ́nɔ asɪn sɪ
ha amó iwɪtsɪ ukpa kɪta amó fɛ agbla.
Amó ɪlwɪ pɔ́ amó afunuwa sɪ,
¹³ pɔ ɔ́blɔ mɔ́ amó.
Mɔ́ amó plɪplɪplɪ.
ɔ́yɪtɔ́ aha fɛ́é abɔwun ánɪ Bulu dɛ iwɪɛ gyi Yakob ɔ́má sɪ. *lya.*
- ¹⁴ Bɔteyinki ba ntɔpwe,
bɔdekplɔn fɛ akɪaɪ, bomli wulu amɪ.
- ¹⁵ Bɔna bɔdeki dunka atogyihɛ,
tame nɪ bɔmɔmwe a, bɔtɔkplɔn.
- ¹⁶ Tame mɪ mó nówá fɔ ɔ́wɔnɪn ɪwɪ ɪlɔ.
Nyankɪ-nyankɪ nɔ́pɔ ansigyɪ kplɔn wa ɪlɔ, fɔ ɔ́dweá ɪma ɔ́ka sɪ.
Tsufe fɔgyi mɪ ɔ́tanɔkpa kinkin pɔ́ mɪ ɔ́ɔainkpa mɪ ɔ́kplanke.
- ¹⁷ Mɪ ɔ́wɔnɪn, nówá ɪlɔ kanfɔ fɔ,
tsufe Bulu, fɔgyi mɪ ɔ́tanɔkpa kinkin.
Fɔtele fɔ ɔ́dweá ɪma ɔ́ka suna mɪ.

Uv 60

Bulu, Pɔ Fɔ Tumi Ha Anɔ Agyi Iɔv

Dawid atosuna ulv ha ulv osunapv. Dimbisv-saprada ntam ulv. Olɔwa mɔ brɛá mva Aram-Naharaim pɔ Aram-Sobafɔ bɔkɔ, Yoab leyinki bɔmɔ Edomfɔ isa akɔpɔ mpum duanyɔ Nfɔli ɔpɔ bunkpɔtɔ.

- ¹ Ao Bulu, fasi anɔ wa ɔkpa, fabwii tɔi anɔsɔ.
Fanya ɔblɔ wa anɔ, lakpa anɔ wa.
- ² Fuleha ɔsɔlv lekpɔnkɔ, tlebababa.
Yinkia mɔ tsa aba, tsufe idekle ɔmain-main.
- ³ Faha fɔ aha bahɛ wun ipian.
Faha anɔ nta anɔlanun bɔ, anuna anɔde ntinta bɔ.
- ⁴ Fulayi ɔfranka ha fɔ ifu anyapɔ,
menɔ bɛsrɔ yɔ mɔ asɔ,
amɔ alupɔ mbɔn mɛɛda amɔ. lya.
- ⁵ Pɔ fɔ tumi ha anɔ agyi iɔv, afusɔ anɔ ɔnɔ,
menɔ fɛle fɔ adwepɔ.
- ⁶ Bulu latɔ tsu mu otsiakpa ɔbɛɛ,
“Néye Sekem wulutɔ ansigyisɔ.
Nɔsusu Sukot tsonkoli, ye mɔtɔ.
- ⁷ Mɔbɔ Gilead pɔ Manase.
Efraim gyi mɔ kutɔpa.
Yuda ɛ gyi mɔ akunfra.
- ⁸ Tamɛ Moab gyi mɔ atɔ ɔfwɔkpa.
Edom gyi mɔ ntukɔta ɔwɔtswɔkpa.
Filistifɔsɔ ntɔwa ɔkpayi.”
- ⁹ Oo Bulu, ma ɔbɛkpa mɔ ya wulu kinkin anftɔ?
Ma ɔbɛkpa mɔ négyi Edomsɔ?
- ¹⁰ Bulu, megyi fulasi anɔ wa ɔkpa?
Fasi anɔ akɔpɔ kpa.
- ¹¹ Tsa anɔ agyi anɔ alupɔsɔ.
Nyankpɔsa mbua mɔ kpali igyi.
- ¹² Anɔ hayinhebwe itsu Bulu wa,
tsufe mu ɔbɛtsatsa anɔ alupɔsɔ.

Uv 61

Dɔnka Owie Nkesɔ

Dawid kanfɔ-ulv ha ulv osunapv. Bɔpɔ ɔsankuo da mɔ.

- ¹ Oo Bulu, nu mɔ isu.
Yaa asɔ afɔnu mɔ mpai.
- ² Nlu ɔsɔlv ɔka tsutsuutsu, ndesu kpoli fɔ.

- Asun ladun mi klun,
tsu mi lu buta fvahevu.
- ³ Tsufe fugyi mi otanokpa,
obu fvaheá iletri mi alupu sv.
- ⁴ Ha mi antsia fu otsiakpa bre féé!
Mi anya otanokpa fu abambasi. lya.
- ⁵ Tsufe Bulu, fanu ikóá notsula ha fu.
Fapu aha ání butenya fu ida ifu ogyikpa ukv ha mi.
- ⁶ Dinka owie nkesu,
mu abi-aná abudan tu mu.
- ⁷ Oo Bulu, ha mu ogyi iwie fu ansitw bre féé.
Ha fu odweá uma oka pú onokwalu ikpa mu.
- ⁸ Meni nówa ulv kanfu fu ida bre féé,
breá nde mi ikóá notsula ka ekekegyieke.

ltv 62

Odweá lma Oka Igyi Bulu Kle

Dawid kanfu-ulu ha ulv osunapu Yedutun.

- ¹ Mi okla labwe diin, ode Bulu ansitw ki wule,
tsufe mu ibitw nénya nkpahw tsu.
- ² Mu nkule gyi mi ibuta,
mi nkpa ohopv pú mi okpikplikpa.
Mú sv mméédida ekekeeke.
- ³ Omenke mlési mi nkule han?
Mli féé mlidekleá mléle mi unv,
fe bunti nte iban bwiehe?
- ⁴ Lele, mlulabwe agywun kule, mlékpli mi obiasv.
Afunuwa bv mli odwe.
Mlitopv onw yula mi,
tame mli iklontw mó lwu mlide mi. lya.
- ⁵ Mi okla, tsia diin afvki Bulu ansitw;
tsufe mu okpa ndekt.
- ⁶ Mu nkule gyi mi ibuta,
mi nkpa ohopv pú mi otanokpa kinkin.
Mú sv mméédida.
- ⁷ Mi nkpahw pú mi numnyam itsu Bulu wa.
Mvgyi mi ibuta kpekple pú mi okpikplikpa.
- ⁸ Anyankpusa, mlipv ansí dinka musv bregyibre.

Mlile mli ikplan féé bla mu,
tsufe mvgyi aní okpikplikpa.

lya.

⁹ Lele, nyebi-ahandé bugyi fé afu.
lwi anyapu é bumegyí tótó.
Kali amó afukí.

Amó aku anyó anfi féé bugyi fé dantapu.
¹⁰ Mápú ansi dínka adufudíe atósú.
Másusúá fénya tóku tsu owító.
Ní fú ató ikléi kúraa a,
mápu ansi dínka músú.

¹¹ Bulu lató,

nanu mú lanu ání móbú tumi.

¹² Mí Wie, ódweá uma óka igyi fú kle,
tsufe futeka nyankpósa íkó mu bwehe ónó.

Uv 63

Bulu lwi Omewuli De Mí Okla

Kanfu-úlvá Dawid lówa bréá óbú Yuda dimbisú.

¹ O Bulu, fúgyi mí Bulu. Fú ndedúnka.
Fú wí omewulí de mí ókla.
Fú dúnka laha wí labwe mí yóyóyó,
fé ósulú wúlthe de ntsu dúnka.

² Bré íkútó nowun fú fú otsiakpa unú,
nowun fú tumi pú fú numnyam.

³ Fú ódweá uma óka bú alé dún nkpa.
Mó sú nékanfú fú.

⁴ Nékanfú fú mí nkpató féé,
tsu íbí fúa kpolí fú ída.

⁵ Mí ókla lagyi ató wanklaan mwe.
Nówa ansigyí-úlv kanfú fú.

⁶ Ní nda óklansú oo ntekain fúsú.
Ntógwun fú wí onye féé,

⁷ tsufe fúgyi mí óbúapu.
Fú abambasí olulukpa ntówa ansigyí-úlv.

⁸ Mí mú natru kúta fú.
Fú gyópi de mí kinkiinkin.

⁹ Tame aha ání búde mí lowu kle
bóyó afulító.

¹⁰ Bésin ísa,
pututó-mbwí bówí amó.

- ¹¹ Tame Bulu su owie ansí bégyi mu.
 Aha ání bwtǝpυ Bulu ıda ka ntam
 bǝpυ mu tsu iwı,
 tsufe ǝbékpa afunupυ ǝwǝ bun.

Ulv 64

Bulu, Gyo Mı Iwı

Dawid kanfu-ulv ha ulv osunapv.

- ¹ Oo Bulu, nu mı kokoli. Mbu ikplantǝ.
 Gyo mı iwı, menı mı alupυ bwmǝwa mı ifu.
- ² Ƴain mı, menı awuntǝlnpǝá batsu agywun lalahε misu
 buméenya mı.
- ³ Baya amú ǝwǝ klakla fe ǝdayı.
 Bama amú ǝwǝtǝ asun kutakıta fe mbın.
⁴ ButeƳain tswı ǝha ání mu asun da ǝkpa.
 Butǝtswı amú mbın hwim, butamanya ifu.
- ⁵ Bude amú agywun lalahεtǝ kinkiinkin.
 Buteblá bǝfınu agbla Ƴaintǝ,
 btefıte iwı bee, “Ma obówun anı?”
- ⁶ Butǝbwe agywun lalahε bli bee, “Anılahıε bwe agywun wanklaan!”
 Tsufe nyankpυsa kluntǝ múa mu agywuntǝ bu oklu.
- ⁷ Tame Bulu ǝbǝtswı mbın wǝ amú,
 bǝpılan ǝtsawvle pe.
- ⁸ Amú onuto ǝwǝtǝ asun blihe su bédıda.
 Amú awunpυ féé békpinkı kpakpakpa.
- ⁹ Anyankpυsa féé bénya ifu.
 Béle Bulu gymagyıhe bli,
 gywun mu bwehe iwı.
- ¹⁰ Aha yile bénya Nana Bulu iwı ansıgyı, sıı tanv mu.
 Aha ání amú asun da ǝkpa féé bukanfu mu.

Ulv 65

Ansu Igyı ǝha Ání Bulu Lale, Kpıa Mv Manta Iwı

Dawid kanfu-ulv ha ulv osunapv, ulv wahe.

- ¹ Oo Bulu, ıbv aleá békankfu fu Sion wulutǝ.
 Béka ıkǝá botsula ha fu unv.
- ² Mpat onupv,
 fu wa anyankpυsa féé béba.
- ³ Anı lalahε legıı anısv,

tame fesikie ani.

⁴ Ansi igyi zha ání fale,

kpa mu manta wu, otsie fu wunsunesu.

Fu woyito, igyi fu onuto ɔtswekpa unu
ato wanklaan ibómwe ani.

⁵ Oo ani nkpa zhoɔɔ Bulu,

fɔsɔ ani zno, bwe ofula le ani.

Fu ɔkpa ɔyito aha budeki.

Amóá bubu ɔpu ɔbun kuraa.

⁶ Fu ɔwɔnɔn ɔɔpɔha abu lelu kinkiinkin,

ɔɔpu ɔwɔnɔn saba.

⁷ Futeha ɔpu móa atsufuá mú zno bu ɔnɔn

pú ɔmá-ɔmá okitikiti tɔɔva.

⁸ Aha ání bubu ɔyi ɔka féé

butenya fu osuna ifu.

Futeha aha ání bubu owi ɔdalukpa yedali owi ɔkpluwiekpa féé
butɔkplun ansigyisu.

⁹ Futebeki ɔsulɔ, wulu ntsu músu,

ha mú itɔwa nfo.

Futeha ntsu tɔɔɔla fu abɔnkpa,

uteha amú atɔ-abi tɔwa ale.

Tsufe ali fehie mú ni.

¹⁰ Futeɔwulu ntsu amú flesu, ha mú itɔwɔɔ.

Futeha nyankpɔntsubi tɔwɔɔ mútɔ aklun.

Futoyula amú atɔ-abi, itɔkɔsi dan.

¹¹ Atɔ-abi tsɔtsɔɔtsɔ futɔɔpɔmɔ ofi zno.

Fu oyula tɔwulu fu ɔtsɔnkpa, unu atɔ tɔwa ale.

¹² Mbwi ogyikpa ání ibu dimbisu kuraa bu nfo,

ansigyí teba nkukusu.

¹³ Akufa baklei bula amú atɔ ogyikpa.

Atɔ-abi lahie wa ale ntsu ɔtakpa.

Ansi ide amú féé gyi, budekplun wa ulu.

Ulu 66

Mlikanfu Bulu Numnyam

Kanfu-ulu ha ulu osunapu.

¹ ɔyito aha féé, mlɔtswi ope kanfu Bulu.

² Mltwa ulu wa mu ida numnyam.

Mlikanfu mu numnyam.

³ Mlibla Bulu mltaa, “Fu atɔ bwehe ihie bu ifu, ibu wanwan!

Fu tumi lehie moni.

Mú su fu alupu féé bópu ifu da akpawunu fu ansitɔ.

⁴ ɔyito aha féé bósum fu.

- Bówa ulu kanfu fu,
wa ulu kanfu fu ida.” *lya.*
- ⁵ Mliyeki tɔ́a Bulu labwe.
Alabwe ofula ha anyankpɔsa.
⁶ Ɖleha ɔpu ledamli ɔsulɔ wulɔhe,
anɔ anain befa mú ayabito.
lɔu mu iwɔ lɔwa anɔ ansigyɔ.
⁷ Ɖde iwie gyi bre féé mu tumitɔ.
Mu ansɔ dɔn ɔmá féésv.
Musu akusulɔpu bumátsu iwɔ. *lya.*
- ⁸ Ɖmá féé, mlɔkanfu anɔ Bulu.
Mlɔkanfu mu aha abɔnu.
⁹ Mu sv anɔtsie nkpa,
ɔmɔkɔha anɔ ayabi isrei.
¹⁰ Oo Bulu, fulɔɔ anɔ kɔ.
Fɔɔ anɔ kɔ fe alɔ́a butɔpu ogya
ɔlaun sika fututu, dɔnki ipi le mú ansitɔ.
¹¹ Fulɔpu mpɔsa le anɔ,
fɔpu atodwindwin svra anɔ.
¹² Feha anɔ alupu betsatsa ansɔ.
Anɔlɔtsun ntsutso, tsun ogyatɔ,
tame séi fapɔ anɔ ba ɔtɔneá atɔ labusɔ.
- ¹³ Nɔ́pu atɔtɔhe-afɔdɔe ba fu otsiakpa.
Néka ukɔ́a notsula ha fu,
¹⁴ tɔ́a nobwii ɔnɔ blɔ;
breá mbu ukplantɔ.
¹⁵ Nɔ́bɔ mbwɔ́a bawa nfɔ bɔ atɔtɔhe-afɔdɔe,
pu nkpokpo ogyasi bɔ afɔdɔe ha fu.
Pu nnantswie yinɔhe móa atrukpa bɔ afɔdɔe ha fu. *lya.*
- ¹⁶ Bulu ifu anyapu féé, mlɔbonu.
Néblɔ tɔ́a alabwe ha mɔ.
¹⁷ Nosu kpoli mu.
Mu kanfu idɔn mɔ ɔnɔsv.
¹⁸ Nɔ nesi lalaha wa mɔ uklɔntɔ a,
teku mɔ Wie mónu mɔ isu,
¹⁹ tame lele mú a, Bulu lanu mɔ isu,
sv mɔ ɔnɔ.
²⁰ Nékanfu mu, tsufe omekina mɔ isu nu,
nte kina mu ɔdweá uma ɔka le suna mɔ.

Uv 67

Bulu Owun Aní Nwe, Oyula Aní, Wa Awítòlè Ha Aní

Uv ha uv osunapv. Bópov osankuo da mv, wa mǎ.

- ¹ Bulu owun aní nwe, oyula aní.
 Ówa awítòlè ha aní. lya.
- ² Mení bǎbí fú ódwela ósólúsv;
 pú fú aha nkpahó ómá fǎéto.
- ³ Oo Bulu, ha ómá-ómá abúkanfú fú.
 Ha ómá fǎé abúkanfú fú!
- ⁴ Ha aní igyi ómá-ómá, abúwa ansígyi uv,
 tsufe futegyi ómá-ómá asun ónókwalúsv.
 Futekpa ómágyiómá ání uv ósólúsv. lya.
- ⁵ Oo Bulu, ha ómá-ómá abúkanfú fú.
 Ha ómá fǎé abúkanfú fú!
- ⁶ Ósólúsv-ató lawa alá.
 Bulu, aní Bulu layula aní.
- ⁷ Bulu layula aní,
 ilaha óyító aha fǎé bóbu mv.

Uv 68

Bulu Kúsv, Fv Alupv Abúdasain

Dawid kanfv-uv ha uv osunapv.

- ¹ Bulu kúsv, fv alupv abúdasain.
 Ha fv alupv abúsví dalí fú anító.
- ² Fǎ alá afu tótósvan ogyasi natí a, alá fúgya amó ní.
 Fǎ alá ógya teṅlaun okpin a,
 alá aha lalaha búhó fú anító ní.
- ³ Tame ha aha yile abúgyi ódwe.
 Búfuli kpayi ansígyisv fú anító,
 híe nya ansígyi.
- ⁴ Míwa uv ha Bulu. Míwa uv kanfú mv ida.
 Mítswí uv ha óha amúv óna nwsólútasv amv.
 Mv ida gyi Nana Bulu.
 Mítswí ope mv anító.
- ⁵ Bulu tsie mv onuto ótsiakpa.
 Múgyi awumbi óst, ótegyi búva asurapv.
- ⁶ Óteha óha ání óma óhaa tenya abusuan.
 Ótele obu adípú, ha bútegyi íwí.

Tame ɔteha musu akusvlupu butetsia ɔsulu wulihesu.

- 7 Oo Bulu, breá fugya fu aha nkpa,
mlna dimbi amusu a, lya.
- 8 feha ɔsulu lekpinkɪ, nyankpu lotswie tsu ɔsusu,
Sinai Bulu ansɩɔ,
Israel Bulu ansɩɔ.
- 9 Feha nyankpu lehɛ tswie,
latsinki fu siadteá idewu.
- 10 Fu aha bɔpu unv bwe otsiakpa.
Oo Bulu, fu awitɔle sv fɔbula ahianfɔ.
- 11 Anɪ Wie lele ɔɔɔ,
atsɪ tsɔtsɔtsɔ bebli asun wanklaan amu.
- 12 Bebli bee, “Isa ɔɔɔ alupu féé besrɪ!”
Atsá bubu unv beye atɔá besi bun.
- 13 Aha ání buda akufa ibantɔ kuraa
bugyi fe brɔɔuma ání sika fututu bun mu abambasu,
sika pepe ide ogya kpa mu iwɪ.
- 14 Breá Bulu Otumipu amu leda awie sain a,
Salmonbusu lofuli fe dantapu.
- 15 Basanbu lehɛ fva,
ibv nsiebi tsɔtsɔtsɔ!
- 16 Basanbuá fubu nsiebi tsɔtsɔtsɔ,
ntogyi sv fude Sionbuá Bulu lale, otsie músv lu?
Kɪ, unv Nana Bulu onuto obétsia bre féé nɪ!
- 17 Bulu akeke akinkin idun mpum-du lafa.
Mú anɪ Wie lɔpotsua Sinai ba mu otsiakpa nɪ.
- 18 Breá ɔɔɔɔ ibv fvahe amu a, ɔlekpa ndoun buo iwɪ.
Aha bekie mu atɔ.
Musu akusvlupu kuraa bekie mu atɔ.
Nana Bulu obétsia unv.
- 19 Mlikanfu anɪ Wie.
Mutɔsura anɪ atɔ srahe ekekegyieke.
Bulu gyi anɪ nkpa ɔhɔpu. lya.
- 20 Nkpa ɔhɔpu anɪ Bulu gyi.
Anɪ Wie Nana Bulu tele anɪ tsu lowutɔ.
- 21 Tame obésisri mu alupu nwun.
Amú na bude ipɔngyila bwe nɪ.
- 22 Anɪ Wie ɔbee,
“Nélakpa mlɪ alupu tsu Basan ba.
Néle amú tsu ɔpu-ibuntɔ ba.
- 23 Menɪ mlétsatsa mlɪ alupu amu obugyatɔ,

mli aktaɪ ɛ béyinta amó obugya.”

24 Oo Bulu, bawun fva fu ɔdɔm amu ɔnati.

Alá mɪ Bulu pú mɪ Wie, fɔpɔ fɔna fɔyɔ fu otsiakpa unv.

25 Ulv awapɔ bugyankpa, nkpe afɔlɔpɔ bugya ɔma,
mbitebi bubu amó nsune bode akatsa kpinki.

26 Bode ulv wa bee, “Mlukanfu Bulu mu ɔmá amu fɛ́é ofiakpa.

Mli Israel abi-aná, mlukanfu Nana Bulu!”

27 Amóto ɔtrahe Benyamin abusuan igyankpa,
Yuda abusuan ahande pú amó aha tsɔtsɔɔtsɔ bubuo,
Sebulon mva Naftali abusuan ahande ɛ bugya ɔma.

28 Oo Bulu, suna fu ɔwɔnlɔn.

Suna fu ɔwɔnlɔn, fe alá fɔbwe ha anɪ bre amv.

29 Fu ɔtswekpa ání ubv Yerusalem sv
awie butekie fu atɔ.

30 Wa iyɔn wa Egyipte, ogyi fe ntsu-ɔnɔ ɔbwi

móa ɔmá-ɔmá ání bugyi fe nnantswie yinheá bubu amó abito anfi.

Tsatsa aha anfi butekle dute hɔ anfisv,
afuda ɔmá anfi butekle isa kɔ anfi saun.

31 Ha abɔpɔ kɔɔbrɪ tsua Egyipte ba.

Etiopiafɔ abɔba iwɔasi ha fu Bulu.

32 Mli ɔsɔlɔsv iwie ogyikpa, mliwa ulv ha Bulu.

Mliwa ulv kanfu anɪ Wie,

lya.

33 bumbɪ ɔpá ɔsɔsɔsv ɔdɔnkavɔ amv.

Kɪ, mu ɔme lalɔn. Mu ɔme kpɔnkpɔntɪ amv lalɔn.

34 Mlɔbla aha alá Bulu tumi gyi.

Mv numnyam ibun Israelsv,
mu ɔwɔnlɔn ulɔlɔn ɔwan nwɔlɔtatɔ.

35 Bulu iwɪ bv ifu mu otsiakpa unv.

Israel Bulu tɔpɔ mu tumi móa ɔwɔnlɔn ha amó.

Mlukanfu Bulu!

Ulv 69

Bulu, Hɔ Mɪ, Ndeme Wie ɔdɔba Klukluto

Dawid ulv ha ulv osunapv. Dimbisv-saprada ɔme bɔpɔwa mó.

1 Oo Bulu, hɔ mɪ.

Ntsu labɔla wie mɪ ɔmetɔ.

2 Ndeme wie ɔfrɔdɔtɔ,

mmena yabi oyikpa.

Nakpawie ntsu-ibuntɔ,

ntsu lamuna mɪ.

- ³ Nasu kpoli alu, ilapian mi.
Mi ume lapin.
Naku mi Bulu okpa alu,
mi ansibi lawu mi.
- ⁴ Aha ání bude mi lu kuvu kpali
butso dun mi nwunsv-imi.
Alupwá bude ofunu wa dinka, abumw mi buhie budun mi.
Bude mi ka hie bee, mpv tóá mmakotsu ba.
- ⁵ Oo Bulu, fuyin mi mimlatw.
Mi lakpan megain fu.
- ⁶ Oo ant Wie, lsa Onw Olupu, Nana Bulu,
mi sv máha peli ukita fu okpa akipv.
Oo Israel Bulu, mi sv máha fu adunkapv abusupa.
- ⁷ Tsufe fu sv besia mi,
peli lekita mi.
- ⁸ Namli ofw mi apiotw.
Nabwe fe zha ání bumeyin mi mi yin abitw.
- ⁹ Fu otsiakpa unv asun thie bu mi ogya.
Fu asiabi féé lebedinka msv.
- ¹⁰ Breá neklv onw su kpoli fu Nana Bulu a,
besia mi.
- ¹¹ Breá nwpv kpekpe bwe mi tati didahe a,
nemli blubi dinka amw onwsv.
- ¹² Mi twi asun swon betsia bli dunsu.
Nta abupv bowa mi ulotw.
- ¹³ Tame mi mw fu Nana Bulu netsia su kpoli.
Oo Bulu, breá iletsia fu a,
pv fu odweá uma okpa pv fu nkpahwá igyi onkwali sw mi onw.
- ¹⁴ Le mi le ofrwdw anfitw, mási mi amme.
Le mi le mi alupu anfi ubi.
Bitu mi le ntsu-ibun anfitw.
- ¹⁵ Máha ntsu anfi ubula kuta mi,
ankpada wie ntsu-ibuntw,
nte lowu upv mi.
- ¹⁶ Nana Bulu, sw mi onw,
tsufe fu odweá uma okpa bu ale.
Fu nwewun kpwnkpwnti amv sv
damli ki mi.
- ¹⁷ Mánain si fu osumbi.
Uladun mi, wa swa sw mi onw.
- ¹⁸ Kpwpv ba beka le mi.
Ka mi le mi alupu ibitw.

- 19 Foyin mi asiabi, fuyin mi peli
pú mi nsupa.
Fawun mi adun fée.
- 20 Amú asiabi labwiebwie mi,
latu mi awuto.
Nki mbee, oku obówun mi nwe,
nte kita uklon wa mi iwuto,
tame mmenya ohaa.
- 21 Breá akun de mi a, bowa ato atoto ha mi bee, ngyi.
Breá omewuli de mi a, bopu nta-odai ha mi bee nnun.
- 22 Amú opunu tswihe ibwe yibi, ukita amú.
Amú odwe ogyikpa ibwe agbla, ukpa kita amú.
- 23 Ansuto uklon amú, meni buméetra wun ato;
amú osieto ukpa bre fée.
- 24 Fu oblo iba amúsu.
Nya oblo kpitii amúsu.
- 25 Amú woyi idi kpan,
amú abuntisu ikwe ifa,
- 26 tsufe bude oha amvu feda le da amv sia.
Bela bude oha amvu fepilan amv oyiya kaun.
- 27 Le amú ıla, afulale amú ıla.
Bumánya olukpa fu asun ogyike.
- 28 Tsitsi amú ada le nkpa owuluto.
Amú ada mátsia yile abwepu owulu anfito.
- 29 Mi mú a, nawa nwe, twi de mi osun.
Oo Bulu, ha fu nkpa o ibwe mi okpikplikpa.
- 30 Nónwa ulu kanfu Bulu ida.
Nopu ipan tsu mu fua.
- 31 Inu bégyi Nana Bulu ansi,
dun onantswie yinheá obu nsiebi móa awate.
- 32 Aha ání buma toto buwun mú, nya ansigyí.
Bulu adunkapu, uklon idi mli asi,
- 33 tsufe Nana Bulu teyaa asu nu aha ání buma toto isu.
Otamakí mu aha ání buda obu, ki nwun.
- 34 Osu móa asi, mlukanfu mu.
Opu móa móto ntobiá buki nkpa fée bukanfu mu,
- 35 tsufe Bulu obóho Sion nkpa.
Obélada Yuda awulu.
Mu aha bétsia unv, gyi owulu amv.
- 36 Mu asumpu abi-aná obégyi owulu amv,
mu adwepu e bétsia unv.

Ulv 70

Bulu, Gyi Mı Buale Ogyipu Pú Mı Ɔlepu

Dawid ulv ha ulv osunapu. Ukaun-afɔdie ulv.

- ¹ Oo Bulu, bɔhɔ mı.
Nana Bulu, wa ɔsa begyi mı buale!
- ² Ha pelı ikıta aha ání bude mı lowu kle,
amó nwun ikotsolí.
Ha aha ání budekleá bɔpu lalahe gyi mı
abupu nsupa yinki.
- ³ Ha anstı iwu aha ání bude mı ıwı asun bı beɛ,
“Eheen, eheen, anlanya mu!”
- ⁴ Tame ha ıwı ısankı aha ání butodunka fu féé,
abunya fu ıwı ansıgyı.
Aha ání fu nkpaɔ bu amó ɔdwe,
bukplun bı labı beɛ, “Bulu lomoni!”
- ⁵ Mı mú a, ohiani ngıyı, mma tɔtɔ.
Oo Bulu, ha mú ıwa ɔsa ha mı.
Oo Nana Bulu, fɔgyı mı buale ogyıpu pú mı ɔlepu.
Mási tsia músu!

Ulv 71

Bulu, Mási Mı Wa Ɔkpa

- ¹ Nana Bulu, fu nasrı tanv.
Máha pelı ikıta mı ekekekeke.
- ² Fu yılebwe sv le mı.
Yaa asv, afvɔhɔ mı nkpa!
- ³ Bwe mı ıbuta ání nétalı sıı beɔain fu aluntɔ bregyibre.
Fulebı feɛ, fɔhɔ mı nkpa,
tsufe fɔgyı mı ıbuta pú mı ɔɔainkpa kpıklı.
- ⁴ Oo mı Bulu, hɔ mı tsu aha lalahe ıbitɔ;
tsu owuntɔlunpu pú lalahe ɔbwepv ıbitɔ.
- ⁵ Tsufe mı Wie Nana Bulu, fu ɔkpa ndekı.
Fusv mı anstı dın tsu mı nyebıtɔ bımbı ɔpá.
- ⁶ Fusv nkpen tsu mı ɔkwıke.
Fulele mı tsu mı yın ıwtɔ.
Fu nékanfu bregyibre.
- ⁷ Mı ıwı bu aha tsɔtsɔtsɔ wanwan,
tsufe fɔgyı mı okpıklıkpa.
- ⁸ Mú sv mméesi fu kanfu,
si fu numnyam wa ekekegyıeke ɔyıkehetɔ féé.
- ⁹ Mátswe mı kpukpu, bre anftı nadan.

- Mási mī wa ɔkpa, bre anfi napɔn;
 10 tsufe mī alupu bude mī iwī asun bli.
 Aha ání budekleá bómɔ mī bakan mīsu.
- 11 Budebli bee, “Mlɛsɛ gya mu, amlukita mu.
 Bulu lakpa mu ɔma,
 ɔma ɔhɔpu.”
- 12 Oo Bulu, máwa ifɔ mī iwī.
 Mī Bulu, kokoli wa ɔsa bɔhɔ mī!
- 13 Ha peli ikita aha ání bude mī ula le, abufwī.
 Peli ikita aha ání bude mī lalahe dunka féé, abusupa.
- 14 Néki fu ɔkpa bre féé.
 Nékanfu fu, lakanfu fu.
- 15 Nébli yileá fudebwe, puhɔ aha nkpa ekekegyieke,
 tsufe tɔá fabwe lɔdubi,
 mméetalu bli mú féé.
- 16 Néba bekanfu aní Wie Nana Bulu gyumagiye akpɔnkpɔnti.
 Nékanfu mu ɔɔkwalt.
 Mu nkule kle nékanfu.
- 17 Oo Bulu, fasuna mī atɔ tsu mī nyebitɔ.
 Ntebla aha ofula ání fabwe bɔfɔn nde.
- 18 Oo Bulu, uná nadan, mī nwun lafuli o a, mási mī wa ɔkpa.
 Yɔfɔn breá nada fu tumi ɔkan suna abi-aná,
 pú aha ání béttra belun féé.
- 19 Oo Bulu, fu yilebwe lɔfva da nwulɔta ifa.
 Fu atɔ bwehe lɔdubi.
 Mī Bulu, ma lɔfɔn fu.
- 20 Faha nawun ipian dɔbi.
 Fu ɔbélawa mī ɔwɔnlɔn,
 le mī tsu afulitɔ.
- 21 Félawá mī numnyam dɔn,
 lalwii mī klɔn.
- 22 Mī Bulu, mī ε néda akwe kanfu fu,
 fu ɔɔkwaltwa su.
 Israel ɔha Wankihe, nɔwa ulv da ɔsankuo ha fu.
- 23 Nɔkplɔn wa ulv ansigyisu ha fu.
 Faka le mī ɔkla, mī ε nɔwa ulv kanfu fu.
- 24 Néda yileá fudebwe ha mī ɔkan ekekegyieke.
 Tsufe peli lakita aha ání bude mī lalahe dunka, basupa.

Uu 72

Bulu Ha Fu Yilebwe Itsia Owiesu

Salomo ulv.

- ¹ Oo Bulu, ha owie fu asungyi ɔnɔkwaliɔ, afuha fu yilebwe itsia muɔ.
- ² Ha mu ɔpu ɔnɔkwali gyi fu ɔmá asun, ogyi ahianfɔ asun wanklaan ha amú.
- ³ Ato ikwe abwisu, ikwe ayintisu; yile iba ɔmá amuto.
- ⁴ Ogyi ɔmá amuto ahianfɔ asun wanklaan ha amú. ɔle aha ání buma tɔtɔ, ɔkwe nuna aha asisipu.
- ⁵ Lɔnɔ owi mɔkusi lun, ɔtsra ε mɔkusi fei anfi mú a, amúa amú abi-aná bumási fu ifu nya ekekekeke.
- ⁶ Ha owie iwiegyi ubwe fe nyankpu latswie wuli ɔsulvá badɔ tswisu. Fe nyankpu latswie puɔɔ kita ɔsulɔ.
- ⁷ Lwa ale ha yile abwepu mu buɔ. Iwilwii ihie tsia yefun breá ɔtsra obési fei.
- ⁸ Ogyi iwie tsu ɔpu ɔnɔ yefun ɔpu ɔnɔ. Tsu Eufrate bunkpa ɔnɔ yefun ɔsulɔ amu ɔka.
- ⁹ Dimbisu atsiapu féé buba iwasi ha mu, mu alupu abuwɔ tɔ mu ansitɔ.
- ¹⁰ Tarsis awie pú ntsu agbemgbesu awie busura atokiehe ba mu. Saba múa Seba awie bukie mu atɔ.
- ¹¹ Awie féé buda akpawunu ha mu, ɔmá féé abusum mu,
- ¹² tsufe ɔtele aha ání buma tɔtɔ, buɔdesu kpoli mu, pú ahianfɔá buma ɔhaa.
- ¹³ Otowun ipian owunpu pú ɔha ání ɔma tɔtɔ nwe, ɔtɔhɔ aha ání buma tɔtɔ nkpa.
- ¹⁴ ɔtele amú ɔkla le awuntɔlɔnpu múa asisipu ibitɔ, tsufe amú nkpa bu ibia mu ansitɔ.
- ¹⁵ ɔdan fuli nwun fututuutu, abupu sika pepe tsua Seba ba mu. Aha buɔɔ mpat ha mu bre féé, abukuli oyula ha mu ekekegyieke.
- ¹⁶ ɔsulɔ amusu atɔ ihie wa ale, ubula abusu. Iswie wanklaan fe alí itoswie Lebanon ɔsulɔɔ, awulu amuto atsiapu abuklei fe ifa.
- ¹⁷ Lɔnɔ owi mɔkusi lun anfi mú a,

bumási mu ida ti.
 Obwe oyula ha ómá féeé,
 abukulu oyula ha mu.

- 18 Bókánfó Nana Bulu, Israel Bulu amu.
 Mu nkule tóbwe ofula.
 19 Bókánfó mu numnyam ida bré féeé.
 Mu numnyam ubula oyuto féeé.
 lbá mútó, itra laba mútó.
- 20 Alí Yisai mu bi Dawid lóputmó mu mpat óno ni.

Ówulo 3st

Israel Ulu 73-89

Ulu 73

Bulu Gyi Mú Ówónlín

Asaf kanfó-ulu.

- 1 Lele, Bulu bu awítóle ha Israelfó,
 ha aha ání amú uklóntó letín.
 2 Tame mú a, ulasi hle teki natsa pan.
 Ulasi tukuriibi, teki nasrei dida.
 3 Tsufe iwí atsupu asun lepe mú anstí,
 breá nowun ání amú lalahe óma o, ide ale wa ha amú.
- 4 Bóméde ipian kúku wun.
 Awutó bu amú ale, búbu ówónlín.
 5 Asun tamatu amú, fe aha atrahe.
 Lkplan tamatu amú wa aba, fe aha bamba.
 6 lwítsu gyi amú ómetó-ató,
 owuntólin gyi amú tati didahe.
 7 Bawa nfó, ha amú ansibi-aklambi ladali hlótu.
 Mímlala labula amú uklón.
 8 Bútóbwe ahinla, bli nyanyala.
 Bútotsu iwí, sisi aha.
 9 Bótebli Bulu iwí abususu.
 Amú asun blihe labula ósólusu.
- 10 Mú sv Bulu aha bakpla buo amú,
 búméde lalahe kúku wun amú iwí.
 11 Bódebli beé, “Bulu méébi.
 Ósúsúsú Mú Wie móowun.”
 12 Tame kí, iwí lalwii aha lalahe anftí.
 Togyitó ide ale wa ha amú.

- 13 Kuku kpali nawanki mi kluntɔ,
fwi ibi le lalahetɔ,
14 tsufe faha nde ipian wun ɔyikehetɔ fée.
Futebiti mi usu nyankigyinyanki.
- 15 Ni mi ε ntebli asun lalahe ali a,
teku mmɔwa ɔnɔkwali ha fu abi-aná.
16 Nɔbɔ mbɔdɔ́á nónu asun anft asi,
tame ulehie wa ɔnlun wa mi!
17 Yɔfun ekeá nɔyɔ fu otsiakpa,
asa nebi tɔ́á ibótu aha lalahe.
18 Lele, ɔsreikpa fɔpu amú lu.
Futeha butedida, kusu ma amú unv.
19 Butɔkɔsi ta,
ifu tekpa amú natu!
20 Bugyi fe okudeá ɔha lakun tan músu ɔyikehe nyanki.
O mi Wie, fɔkusu futamakau amúsu.
- 21 Breá mi klun lotɔ mi,
ulɔhɔ mi ɔsun a,
22 nemimla, mmeyin tɔtɔ.
Nemli fe ɔbwi fu ansitɔ.
23 Tame fomɔkudamli ɔma ha mi ki.
Fude mi gyɔpi ibi.
24 Futɔpu fu atosunahe kpa mi.
Mú ɔma a, fɔhɔ mi wa numnyamtɔ.
25 Mma ɔhaa ɔsusu unv dun fu.
Mmehian tɔtɔ ɔsulv anftsu tsia futɔ.
26 Ni nɔpɔn, ɔyitɔ ukpɔn mi o a,
Bulu gyi mi ɔwɔnlun
pú mi ogvikpa bre féeɔ.
- 27 Lele, aha ání bawa ifɔ fu iwɔ bófwɔ.
Ki, féle aha ání badali fu ɔma fée unv.
28 Tame ibv mi aleá nétsia Bulu wa.
Mi Wie Nana Bulu napɔbwe mi ɔtanokpa.
Nébla aha mv gyumagyihe fée.

Uv 74

Bulu, Fɔgyi Owie Bumbi ɔpá, Fude Nkpa Hɔ ɔsulvɔ

Asaf atosuna uv.

- 1 Oo Bulu, ntogyi sv fakina anɔ plɔplɔpi?
Ntogyi sv fahie nya ɔblo fu ibantɔ akufasu ali?
2 Kau ɔpasua amuv feka le,
bugyi fu agyapadie tsu bumbi ɔpá amuv!

- Kaun fu otsiakpa Sion ibu amusu.
- ³ Olupu layinta fu ɔtswekpa unu atɔ fɛ́ɛ.
Beku mú abunti bwiebwieheá uma tɔtɔ bwetɔ.
- ⁴ Ansi legyi fu alupu, bude okitikiti.
Beyiyi usugyi ɔfranka fu ofiakpa unu.
- ⁵ Lnu lɔbwe fe ipɔdayiá bapu efe kun nyi mútɔ.
- ⁶ Bɔpu efe múa ɔpewa mamau
unu atosrehe fɛ́ɛ.
- ⁷ Bɔwa fu otsiakpa unu ogya plɔplɔ,
pu ifin da mú.
- ⁸ Amó wulewule bebli wa amó ukluntɔ beɛ, “Ahiɛ ba amó así.”
Lnu su bɔwa Bulu ofiakpa fɛ́ɛ ogya ɔsulɔ amusu.
- ⁹ Anuméde osuna kuku wun.
Bulu ɔɔsu ɔtɔpu ɔkuku e tra ɔma unu.
Anumeyin ekeá ibɔmɔ ɔɔ.
- ¹⁰ Oo Bulu, ɔmenke koun olupu osi fusu plei?
Alɔ ɔbɔkpɔ fu ida bre fɛ́ɛ ní?
- ¹¹ Ntogyi faya fu gyɔpi-ibi ɔma?
Le fu ibi ayatɔ, afumɔ amó.
- ¹² Mɔ Bulu, fugyi owie bumbi ɔpá,
fude nkpa hɔ ɔsulɔsu.
- ¹³ Fulɔpu fu ɔwunlu bɔ ɔputɔ,
fobwiebwie ntsutso-awɔ nwun.
- ¹⁴ Fobwiebwie ntsutso-ɔbwɔ ***Leviatan** nwun,
pú mú bwe atogyihe bula dimbitɔ-mbwɔ.
- ¹⁵ Fɛha abun pú abunɔpa letii,
fɛha ntsu akpɔnkpɔntɔ lekpi.
- ¹⁶ Fubu ɔpa múa onye,
fulele owi múa ɔtsra.
- ¹⁷ Fulɔwa ɔka ɔsulɔsu fɛ́ɛ,
fɔbwe lili múa nyankputswiebi.
- ¹⁸ Oo Nana Bulu, kaun ání olupu amu de fusu plei.
ɔmá mimlahe de fu ida kpɔ.
- ¹⁹ Anugyi fu abraduma, mási anɔ wa mbwɔkɔtɔtɔ ibitɔ.
Mátan fu ahianfɔ nkpasu bre fɛ́ɛtɔ.
- ²⁰ Kaun fu ntamsu,
tsufe owuntɔlu labula ɔsulɔ amu okoklobigyikoklobitɔ.
- ²¹ Máha peli ikɔta aha ání bude amó sisi.
Ha ahianfɔ pú ipian awunpu anfi abukanfu fu ida.
- ²² Oo Bulu, kusɔ kɔ fu ikɔ!
Kaun alɔ́ aha mimlahe anfi bude fusu plei ekekegyieke.

- ²³ Mátan kusu anfu fu alupu bakusu lu fusu anfisu.
Mátan olu múa okitikitia fu alupu budesu.

Ulv 75

Bulu Tegyi Asun

Asaf kanfu-ulvá bápva ilv osunapu. Bópva “Máyinta” ome wa mó.

- ¹ Oo Bulu, anide fu ipan da.
Anide fu ipan da, fuma ifo.
Aha bude ato akpónkpóniá fudebwe bli.
- ² Bulu óbee, “Ni mi breá nahie ifon a,
négyi asun ónkwalisu.
- ³ Breá ósulv múa músu atsiapu féé budekpunku a,
mtekuta mú nkpabi lu kinkiinkin.” lya.
- ⁴ “Iwí otsupu, nde fu bla mbee, ‘Mátsu iwí.’
Oha lalahe, nde fu e bla mbee, ‘Mákanfu iwí.
- ⁵ Mákanfu iwí Bulu ansito,
nte ka óntó.’ ”
- ⁶ Tsufe megyi owi ódalíkpa, owi ókpliwiekpa,
gyópsu nte binasu oha tsufva totsu.
- ⁷ Mboun Bulu tegyi asun.
Muteha óku ipón, óteha óku asu.
- ⁸ Nana Bulu de ewe,
nta ání bafra mútó, idefu pópópó bu mútó.
Óbétsei mu ha óyító lalahe abwepu féé
bónun mú kplókpłókpłó, tu mú opo.
- ⁹ Tame mi mú néda tóá Bulu labwe ókan bre féé,
wa ulv kanfu Jakob Bulu.
- ¹⁰ Óbéda aha lalahe ibi bia,
wa aha yile ówónlun.

Ulv 76

Ma Óbéta! Lu Bulu Óbló Óno?

Asaf kanfu-ulvá bápva ilv osunapu. Bópva ósankuo da mó.

- ¹ Buyin Bulu Yuda ómátó,
butobu mu ida Israel ómátó féé.
- ² Mu woyi bu Salem,
Sionbusu.
- ³ Iuv olebiabia mu alupu mbun pónkpón,
amó akutu, ndayi pú amó akóto ni. lya.

- 4 Oo Bulu, fehie wanki.
Fubu numnyam dun ubuá mbwí bubu musu bregyibre.
- 5 Faswu amú isa akapu akinkin ato,
bawu yu.
Amúto okuku métaí tsu ibi.
- 6 Oo Yakob Bulu, fu iyin su
mpankó múa amúsu adunkapu bawu si buda.
- 7 Tame fu mú a, fu iwí bu ifu!
Ma obétaí lu fu oblo oko?
- 8 Fobua amú asun tsu osusu.
Oyito aha féé benya ifu, kpa oko bun mwí.
- 9 Breá fokusu fóbua amú asun a,
foho osulosu ahianfo féé nkpa. lya.
- 10 Lele, nyankpusa oblo towa fu numnyam,
futapu oblo amu trahe dida.
- 11 Mlitsula íko Nana Bulu, mli Bulu ansito, amlgyi músu.
Mliha nsune unu omá féé
abupu atokiehe ba oha anfi mu iwí bu ifu anfi.
- 12 Oteha omásu agyipu okla tesri amú,
otapu ifu wa oyito awieto.

Uv 77

Bulu Okpa Lwanki

Asaf kanfu-uv ha uv osunapu Yedutun.

- 1 Ntosu kpoli Bulu kuklukus.
Ntokplon kuklukus mbee, oso mi oko.
- 2 Ntodunka mi Wie mi okplanke.
Ntotsu ibi fua onye féé, nde mpaí bo ha mu,
tame uklon medu mi iwito.
- 3 Ntekaun Bulusu, ahumuti tekuta mi.
Ntogywun mu iwí, okla tesri mi. lya.
- 4 Fomeha mmedidi onye féé.
Asun ladun mi, mmetali to.
- 5 Nosusu nkeá ulatsun iwí.
Nekaun bumbi opa nfiá ulatsunu.
- 6 Nekaun onye ubá ntowasu.
Nogywun mú iwí, fute iwí mbee,
- 7 “Mi Wie obékina oha féé,
oméetra wun mu nwe ekekekeke?”
- 8 Mu odweá uma oka laka itin féé?
Oméetra bwe toá ohehe bre féé?
- 9 Alatan mu nwewunso?

- Nte ɔblo laho mu awitɔle otsiakpa?” lya.
- ¹⁰ Lnu nebli mbeɛ, “Móá ɔde mi han gyi,
Ɔsɔsɔsɔsɔ Mu Wie amɔ tumi latse.”
- ¹¹ Oo Nana Bulu, nékaun fu atɔ bwehesu.
Ee, nékaun fu ofula ání fɔbwe bumbisu.
- ¹² Nɔgywun fu atɔ bwehe féé ɔwi,
gywun atɔ akpɔnkpɔntiá fabwe ɔwi.
- ¹³ Oo Bulu, fu ɔkpa lɔwankɔ.
Ɔkpi ɔmɔmu lomoni fe anɔ Bulu?
- ¹⁴ Fuɔgyi Buluá futɔbwe ofula.
Fale fu tumi suna ɔmá-ɔmátɔ.
- ¹⁵ Fulɔpu fu tumi ka le fu aha,
Yakob mva Yosef abi-aná. lya.
- ¹⁶ Ɔpu lowun fu.
Oo Bulu, breá ɔpu lowun fu a, olekikini.
Ee, mú okluklukpa lekpinɔki.
- ¹⁷ Agyinde lotswie ntsu,
ɔprada lɔputɔ nɔwɔlɔtasɔ.
Ulekpa ogya yɔ ɔtnegyiɔtɔne.
- ¹⁸ Fu ɔprada lotsula wa kpankpantrudutɔ.
Ɔyitɔ féé lekpa ogya,
ɔsɔlɔ lekpinɔki kpakpakpa.
- ¹⁹ Fu ɔkpa una ɔputɔ.
Fenatɔ tsun ntsu akpɔnkpɔntɔ,
tame bumowun fu ɔtsakpa.
- ²⁰ Fɔtsun Mose mva Aaronsɔ
kpa fu aha fe akufa.

llo 78

Bulu, Aha Nwe Owunpu Móá Lakpan Osikiepu

Asaf atosuna llo.

- ¹ Oo mi ɔmá, mliyaa asu amlɔnu mi atosunahe.
Mlɔnu mi ɔnɔtɔ asun!
- ² Nɔtɔ ayebisu,
pule bumbɔ asun ɔainhe ɔwan.
- ³ Asun ání anɔ anain bebla anɔ,
anɔlanu, anɔlabɔ.
- ⁴ Anuméesi ɔain amú abi-aná.
Abébla abi-aná ání béba belɔn Nana Bulu tumi,
mu ofula akpɔnkpɔntɔ pú mu bwehe.
- ⁵ Bulu lele ɔnɔ suna Yakob abi-aná.
Ɔlɔpu mu atosunahe ha Israelfɔ,

- ɔlebla anı anain ɔbee, bupusuna amú abi.
 6 Menı ulntɔ ɔɔpwe abi ε bébı mú,
 pusuna amú abi,
 7 abupu ansı dınka Bulusu.
 Bumátan mu atɔ bwehesu,
 bugyi mu mblasu.
 8 Menı bumáɔbwe fe amú anain
 áńı bɔwa asutɔ-ɔnlun, kusı lu Bulusu.
 Bumɔpu amú uklun dınka musu,
 bumɔwa ɔnɔkwalı ε ha mu.
 9 Efraim mbın atswıpu bedıda atɔ,
 tame bɔkɔ sru isa ɔkɔke.
 10 Bumegyı amúa Bulu nsıne ntamsu,
 bekına mu atosunahesu gyı.
 11 Betan mu bwehe
 pú ofula akpɔnkpɔntıá ɔlebwe suna amúsu.
 12 Betan múá ɔlebwe ha amú anain Soan ɔsulusu,
 Egyıpte ɔmátɔ kuraasu.
 13 Oleye ɔputɔ anyɔ ha amú bɔtsun,
 ɔleha ɔpu ntsu lɔkusı lu fe buntı.
 14 ɔleha agyinde legya amú nkpa,
 kpa amú ɔyikehetɔ,
 ogya plenplen lekpa amú onye féé.
 15 ɔleman abuta dímbı amutɔ,
 ntsu kpɔnkpɔntı ledalı, bonun.
 16 ɔleha ntsu kpɔnkpɔntı ledalı tsu buta amutɔ,
 bula, ıdetsun.
 17 Mú ɔma oo, betra tsia bwe lakpan
 pukusu lu ɔsususu Mu Wiesu dímbı amusu.
 18 Bɔɔɔ Bulu kı amú ukluntɔ bee,
 ɔha amú atogyiheá amú onuto budekle.
 19 Bɔtɔ Bulusu bee,
 “Bulu ɔbétalı tsıwı ɔpusu ha anı dímbısu nfi?
 20 ɔlɔpu oyi pıtı buta, ntsu lefen dalı,
 bula, ihıe detson.
 ɔbétalı nya iye múa atogyihe ε ha mu aha?”
 21 Breá Nana Bulu lonu asun anftı a,
 ɔblɔ lehie kıta mu.
 ɔleha ogya letsii wa Yakob abi-anátɔ.
 Olenya ɔblɔ kıtakıta Israelfɔsu,
 22 tsufe bumɔhɔ mu gyı,
 bumɔpu ansı dınka mu nkpaɔ tumısu.
 23 Tame mú o a, ɔlele ɔnɔ wa nwuluta,
 ɔsusı lefınkı.
 24 ɔleha mana lotswıe bun amú begyi,

- 25 Anyankpusa begyi Bulu-abɔpu atogyihe.
 Ɔleha amú atogyihe, begyi alá bétali.
 26 Ɔleha owi ɔdalɔkpa afu lɔtsun ɔsusu,
 ɔɔpu mu tumi buta ɔsasi afu ba.
 27 Ɔlekpakpa mbubwi bun amú,
 benya aye tsɔtsɔtsɔ fe ɔpu ɔno isi.
 28 Ɔleha bekpakpa bun amú ɔswiakpa,
 bomli amú otsiakpa.
 29 Ɔleha amú tɔá budekle.
 Mú su amúto okugyiɔku legyi mwe.
 30 Tame botsutsua abugyi amú awɔlito amu ta,
 atogyihe amu meta amú ɔnoɔ,
 31 Bulu lenya ɔblo amúsu,
 mo amúto nyasubi awɔnlɔpu,
 ba Israel asi.

 32 Tame un fée ɔma a, bumesi lakpan bwe.
 Bowun ofula ání ɔdebwe, tame bumɔho mu gyi.
 33 Mú su ɔleha amú nke leta fe ɔje fɔhe.
 Betsia tun wu amú nkpatɔ.
 34 Breá ɔde amú mo a, bodunka mu ɔkpa.
 Bedamli uklɔto, dunka mu ɔkpa kinkiinkin.
 35 Bekau ání Bulu gyi amú ibuta.
 Ɔsusuusu Mu Wie Bulu gyi amú Ɔkalɛpu.
 36 Tame mle bemle mu,
 wa afunu suna mu.
 37 Bumehe pu amú uklɔn dɔnka musu.
 Bume gyi mu amúnyɔ nsune ntamsu.
 38 Tame ɔbu nwewun.
 Mú su olesi amú lakpan kie,
 ɔmoɔ amú.
 Oletsia kita twi,
 ɔmele mu ɔblo fée ɔwan.
 39 Ɔlekaun ání ɔyulu bugyi.
 Butɔkɔsi wu, fe afuá utsun utamayinki ba.

 40 Betsia kusu lu musu dimbisu un,
 ahumti lekita Bulu!
 41 Bɔso mu ki, laso mu ki,
 puwa Israel Ɔwankpu amu ɔblo.
 42 Bumekaun mu tumi,
 nte ekeá ɔlele amú tsu adun ibisu.
 43 Nkeá ɔlele mu osuna ɔwan Egyipte
 pu ofula ání ɔɔbwe Soan ɔsulusu.
 44 Ɔleha amú ntsu abunkpa ledamli obugya,
 bumetalɔ tra nun ntsu.

- 45 Ɖele awulu wa amúto, bodundun amú,
le nkle bula amú ɔsulusu, beyinta ato.
- 46 Ɖeha adumpu bowi amú ndoto-ato,
atsantsanku beyinta amú ato-abi féé.
- 47 Ɖeha atsufolibi lekpa tuntun amú wain-afla.
Ɖeha ɔsuluto lolwii tsun, amú aponto lowu.
- 48 Ɖeha atsufolibi leda amú mbwi yaihe mo,
ɔprada lotswi momo amú nnantswie.
- 49 Ɖeha mu oblo kpitii leba amósu,
mu ansupepe, mu iyin pu mu asun wunhe,
bugyi atoyinta-abɔpu ɔdom beba.
- 50 Ɖele mu oblo ɔkpa.
Ometin amú lowu ɔkpa.
Ɖeha ulo lalahé leda amósu.
- 51 Ɖomomo Egyptefo woyigiyowoyito bite.
Amú yasuto abi gyankpapu, igyi Ham abi-aná ɔsulusu.
- 52 Ɖlekpa mu aha dalu fe akufa.
Ologyo amú iwi, kpa amú dimbi amuto.
- 53 Ɖlekpa amú konkon, bumenya ifu,
tame ɔpu lekita amú alupu mó.
- 54 Ɖlekpa amú bowie mu onuto ɔsululu ɔno.
Abu ɔsululá ɔɔpu mu tumi nyasu.
- 55 Breá mu aha beba a,
olegya ɔsululu amusu atsiapu.
Oleye ɔsululu amu pubwe ogyikpa ha Israel abusuan-abusuan amu.
Ɖloho amú yai, unu lobwe amú otsiakpa.
- 56 Tame mó oo boho Ɖususu Mu Wie Bulu ki,
kusu lu musu,
bumegyí mu ɔnoá ɔlelesu.
- 57 Bedamli oma ha mu,
kina ɔnokwalíwa ha mu fe amú anain.
Amú ɔkpa loho fe ita wothéá
butamapu ansi dinka mósu.
- 58 Bɔpu amú ikpi ɔswekpa wa mu oblo.
Ueha ɔlowa nunkunu amú atunkusu.
- 59 Breá Bulu lowun mó alí a, ɔlehie nya oblo,
wuna kina Israelfo plɔplɔli.
- 60 Inu olesi mu otsiakpa ání ubu Silo tswi.
Mu ɔtunéá oletsia anyankpusato.
- 61 Ɖeha bekita mu Ntam-daka ndoun.
Alupu boho mu numnyam anfi le amú ubi.
- 62 Ɖeha mu ɔmá lesin ɔdayi ɔno,
ɔlehie nya oblo mu siadte anfitsu.
- 63 Ogya loho amú nyasubi féé,

- amó mbitebi bumenya aklu tsia.
- 64 Amó igyi ahapu besin ɔdayi ɔno,
amó aka bumetalɔ su.
- 65 Anɩ Wie lɔkɔsɩ fe ɔha ání alawan tsinki,
fe ɔwɔnɩnɩpu labɩ, ɔdeklɩn.
- 66 ɔleɔa mu alupu saun,
supa amó féé.
- 67 Olekina Yosef abi-aná,
ɔmele mu bi Efraim abusuan ε.
- 68 Yuda abusuan mboun ɔlele,
tsu unu ɔlele Sionbuá ɔɔɔwe.
- 69 ɔlɔpwe mu otsiakpa fua fe ɔsɩsɩ.
Ulu kinkin fe ɔsɩsɩ, ibétsia bre féé.
- 70 ɔlele mu osumbi Dawid,
ɔlekpa mu tsu akufa ibantɔ.
- 71 Akufa múa amó abi ɔkpakpa ɔlele mu tsu ɔbee,
ɔbekpa mu aha Yakob abi-aná Israelfɔ, bugyi mu siadiε.
- 72 Dawid lɔpu uklɩn wanklaan kpa amó,
damli ibi amósu.

Ulu 79

Nkpa ɔhɔpu Bulu, Gyi Anɩ Buale

Asaf kanfu-ulu.

- 1 Oo Bulu, ɔmá-ɔmá babitwiε fu siadiεɔ.
Bapu ifin da fu ɔtswekpa,
bwiebwie Yerusalem.
- 2 Bapu fu asumbi afuli ha mbubwi,
pu aha ání butamakpa fu ɔma aye ha pututɔ-mbwɩ.
- 3 Batsei amó obugya wuli fe ntsu bomli Yerusalem,
opulapu má unu.
- 4 Faha anilasupa apio aba ansitɔ.
Aha ání butsie bomli anɩ betsia mɔsɩ anɩ,
bwe anɩ ahinla.
- 5 Oo Nana Bulu, yefun ɔmenke?
Fénya ɔblo si tsia kɩ bre féé?
ɔmenke fési nunklun wa?
- 6 Pu fu ɔblo gya ɔmá anɩ bumeyin fu,
pú iwie ogyikpa anɩ butamati fu ida anɩ,
- 7 tsufe bamɔ Yakob asɩfɔ,
bwie anɩ ɔmá.
- 8 Mápu anɩ anain lakpan ka anɩ ukɔ.
Kɔsɩ wun anɩ nwe,
tsufe bayia anɩ manta ɔsɩlɔtɔ tantaantan!

- ⁹ Aní nkpa ɔhɔpu Bulu, gyi aní buale,
fu ɔda numnyam su!
Le aní, afɔsi aní lalahe kie aní,
fu ɔda amu su.
- ¹⁰ Ntogyi su ɔmá-ɔmá bɛfite bɛɛ,
“Nkí amú Bulu amu mɛ?”
Aní obugya amuu ɔmá-ɔmá batsitsa amu su,
ka amú ɔkɔ aní ansitɔ.
- ¹¹ Nu obu adɔpu isu!
Suna fu tumi kpɔnkpɔntɔ,
afule aha ání baha amú lowu ɔpɔn.
- ¹² Oo aní Wie, sɔpa ɔmá-ɔmá amuu basɔpa fu amu,
ka amú ɔkɔ tse siɛnɔ.
- ¹³ Mɔmu aní anígyi fu ɔmá pɔ fu ɔbantɔ akufa abéda fu ɔpan,
anta aní abi-aná ání bɛba bɛlun féé abétsia kanfu fu.

Ulu 80

Nana Bulu, Yinkia Aní Ba Fu Wa

Asaf kanfu-ulu ha ulu osunapu. Dimbisv-saprada ɔwɔ ntam ulu.

- ¹ Oo Israel ɔkpapu, yaa asu!
Futekpa Yosef abi-aná fe akufa!
Fuá futsie ^{*}kerubimsv^ɛ, wankɔ.
² Le fu tumi ɔwan Efraim, Benyamin mua Manase abusuantɔ,
afɔbɔhɔ aní!
- ³ Oo Bulu, yinkia aní ba fu wa.
Wa awitɔle ha aní, afuhɔ aní nkpa.
- ⁴ Isa ɔnɔ ɔlupu, Nana Bulu,
ɔmenke fu aha mpaɔ bési fu ɔblo wa?
- ⁵ Fuleha ntsú lemli amú atogyihe,
fɔpu ntsú bula onunwe ha amú bonun.
- ⁶ Faha aha ání butsie bomli aní budekɔ aní ɔsulɔ su,
alupu bude aní mɔsi.
- ⁷ Isa ɔnɔ ɔlupu Bulu, yinkia aní ba fu wa.
Wa awitɔle ha aní, afuhɔ aní nkpa.
- ⁸ Fuletsii Israel fe wau-ɔfla tsu Egipte ba.
Fegya ɔmá-ɔmá, swie mu.
- ⁹ Fulela ɔsulɔ ha mu,
ɔlele nlin, yet bun músv féé.

- 10 Uɔbwe olulukpa bun abusu.
Mú abambi leyey bun Lebanon ndum akpɔnkpɔntɔsu.
- 11 Mú abambi lekley yɔ Mediteranea ɔpu ɔno,
klei yewie Eufrate ntsu ɔno.
- 12 Ntɔ mee su fabwie iban le mú,
mú asɔ atsunpu féé bude mú abi kpɔti?
- 13 Abatafɔ butedalɔ betuntun mú,
mbwíá butɔtsun ndɔ amutɔ féé butɔwɔ mú.
- 14 Isa Ɔno Ɔlɔpu Bulu, kokoli damli kɔ.
Ko nwuntɔ wa kɔ ***wain**-ɛfla anfi sɔst tsu ɔsusɔ,
afuki músu.
- 15 Fulɔpu fu gyɔpi swie mu,
obi anfi fawa mu ɔwɔnlɔn ha fu ɔwɔ anfi.
- 16 Alupu bawa mu ogya mɔ, kun mu da.
Pu ɔblɔ damli kɔ amú, afumɔ amú.
- 17 Tame kpa fu gyɔpɔsu otsiapu anfi.
Ɔha anfi fɔwa mu ɔwɔnlɔn ha fu ɔwɔ anfi.
- 18 Mɔmu anuméetra damli ɔma ha fu ekekekeke.
Lawa anɔ ɔwɔnlɔn, asu kpoli fu.
- 19 Isa Ɔno Ɔlɔpu Bulu, Nana Bulu, yinkia anɔ ba fu wa.
Wa awitɔle ha anɔ, afuhɔ anɔ nkpa.

Uv 81

Mɔ Aha, Mɔyaa Asu Antɔi Kpla Mɔ

Asaf ɛlvá bɔpɔva uv osunapu. Bɔpu Gatfɔ ɔme da mú.

- 1 Mɔtswɔ ope ha Bulu. Mɔgyi anɔ ɔwɔnlɔn.
Mɔpu ansigyɔ sɔra okitikiti ha Yakob Bulu.
- 2 Mɔtswɔ uv, mlɔkpɔnkɔ akatsa,
amlɔda nsankuoá uv anule.
- 3 Mɔlɔvɔ ɔkpe ɔtsra tsɔdalɔbɔ
pú mú danbɔ, breá anɔde nke gyi.
- 4 Tsufe mbla igyi ha Israelfɔ,
Yakob Bulu amandɔe nɔ.
- 5 Breá ɔlekpa amú dalɔ Egipte ɔsulɔsu,
ɔlele ɔno anfi suna amú abi-aná.
- Ɔku leblɔ ɔblá ntamanutɔ ɔbee,
- 6 “Nadɔnki ipian le mɔtsu,
le mɔ le agyɔma kpekpletɔ.
- 7 Mɔlɔkpoli mɔ breá mɔlvɔ ipiantɔ, nele mɔ.
Ɔprada otsukpa oɔgɔnkpa, notsula ha mɔ.

- Nɔsɔ mli hogyi kɪ Meriba ɔsɔsɔ.” lya.
- 8 “Mɪ aha, mliyaa asu antɔ kpla mli.
Israelfɔ, tɛkɪ nɪ mlɔnu mɪ asɔn a,
9 mlumáha ɔkpɪ ɔkɔkɔ otsia mlɔ.
Mlumáda akpawunu ha ɔmá bamba kɔkɔ ɔkpɪ.
10 Mɪgyi Nana Bulu, mli Buluá nekpa mli dalɪ Egyipte ɔsɔsɔ.
Mliyaa ɔɔ, ampu atɔ wanklaan bula mó.”
- 11 “Tame mɪ aha bumonu mɪ ɔmɛ.
Israelfɔ bumotsula ba iwɔast ha mɪ.
12 Amó asɔtɔ-ɔnlun su nesi ɔkpa ha amɔ,
bɔbwe tɔá budekle.”
- 13 “Ao, tɛkɪ nɪ mɪ aha bónu mɪ asɔn,
Israelfɔ bótsu mɪ ɔkpa a!
14 Tɛkɪ imɔɔwa ɔpá, néba amó alupu asɪ,
bitɪ amó ɪsu.
15 Tɛkɪ mɪ alupu béda akpawunu ha mɪ ifusu,
nébutɪ amó ɪsu bre féé.
16 Tɛkɪ nɔpu atogyihe wanklaan bula mli,
ha mlɔnun ɔkwen mwe.”

Ulu 82

Bulu, Kusu Afugyi ɔyɪtɔ Aha Féé Asɔn

Asaf kanfu-ulu.

- 1 Bulu tsie mu asungyi-obiasu mu ahato,
ɔde ikpɪá bafia unu asɔn gyi.
2 ɔbɛɛ, “ɔmenke mlési asɔn lalahe gyi,
mlési lalahe abwɛpu anstɔ kɪ gyi asɔn ha amó?” lya.
- 3 “Mɪgyi asɔn ɔɔkwalsu ha aha ání bubu nwe pú awumbi.
Mɪgyi bua ahianfɔ pú aha ání buma tɔtɔ bwɛtɔ.
4 Mliho aha ání bubu nwe pú amóá buma tɔtɔ.
Mlile amó le lalahe abwɛpu ibi.”
- 5 “Ukpɪ amɔ bumeyin tɔtɔ, butamanu kɔkɔ asɪ.
Buna okluntɔ, ɔsɔlu ntswɪast féé ulakpunkɪ.
6 Milebli mɛɛ, ‘Mɪgyi fe Bulu.
ɔsɔsɔsɔ Mu Wie amɔ abi mli féé mɪgyi.
7 Tame mlówu fe anyankpusa.
Mli nkpa ubéka itin fe ɪsu ogyipu okugyiɔkɔ.’ ”
- 8 Oo Bulu, kusu afugyi ɔyɪtɔ aha féé asɔn,
tsufe fubu ɔmá féé!

Ulu 83

Bulu, Mákpa Ɔno Bun

Asaf kanfu-ulu móa ulu wahe.

¹ Oo Bulu, mákpa Ɔno bun.

Mábwe diin, si tsia kú!

² Kí, kpokítí lada fu alupɔɔ.

Aha amuu butamabu fu amu ansí lape fusu.

³ Baɔain buɔe agywun lalahe bwe fu ahasu.

Bafia kíta agywun aha amuu faɔwa ikpu amusu.

⁴ Buɔeblí bɛɛ, “Mlíba abwie ɔmá anfi,

fówun buméetra kaun Israel idasu ekekekeke.”

⁵ Babwe ikulé, bwe agywun fusu,

ka fu wí ntam.

⁶ Amúgyi Edomfɔ, Ismael abi-aná, Moabfɔ pú Hagar abi-aná,

⁷ Gebalfɔ, Amonfɔ, Amalekfɔ,

Filistifɔ pú Tiro wulutɔ atsiapu.

⁸ Asiriafɔ e bayemanta amósu.

Amúgyi Lot abi-aná ɔwɔnln nɪ.

lya.

⁹ Bwe amú fe alí amuu fɔbwe Midianfɔ,

pú alí amuu fɔbwe Sisera mva Yabin, Kison ntsu ɔno amu.

¹⁰ Fɔmɔ amú En-dor,

amú afulí bɔplɔ bun ɔsulɔ amusu, fe wuna.

¹¹ Ha amú aha titrii abɔwu fe Oreb mva Seeb,

afɔha amú ɔno alupu abubwe fe Seba mva Salmuna.

¹² Amúleblí bɛɛ, “Mlíha apu Bulu ɔsulɔ

bwe aní klé.”

¹³ Mí Bulu, ha amú abudasain fe alí kpankpantrudu totsú ísɪ,

nɛ fe alí afu tɔtsɔan ntɛɛ.

¹⁴ Bɔhɔ fe alí upu tetsii ogya,

hɔ abu.

¹⁵ Alí fɔha atsufu ísrɪ gya amú,

afupu alankpla wa amú ifu nɪ.

¹⁶ Oo Nana Bulu, ha pelí ikíta amú,

abudunka fu ɔkpa.

¹⁷ Pelí ikíta amú, abunya ifu bre féé.

Busuɔpa, abɔwu.

¹⁸ Ha amú abɔbtá fu nkulé gyi Nana Bulu,

Ɔsususu Mv Wieá fɔɔe ɔsulɔ féésu gyi.

Ulu 84

Bulu Otsiakpa Wunsinesu Tsia Ekewule

Kora abi kanfu-ulu ha ulu osunapu. Bópu Gatfo ome da mó.

- ¹ Oo isa ɔno ɔlupu Nana Bulu,
fu otsiakpa ihie bu mi ansigyi o!
² Fu otsiakpa wunsinesu ya ihie din mi ɔwɔli.
Mi nyankpɔsa-oyi amu féé nde ulu wa
kanfu Bulu ɔktankpɔpu.
- ³ Isa ɔno ɔlupu Nana Bulu, mi Owie pú mi Bulu,
akensire kuraa babwe asia,
anampesekie babwe amú ɔkakpa fu afɔdte-ɔswiasɔ.
⁴ Ansi lagyi aha ání butsie fu woyitɔ,
bude ulu wa kanfu fu bregyibrɛ. lya.
- ⁵ Ansi igyi aha ání amú ɔwɔnlɔn itsu futɔ,
amú ansi din Sion ɔkpasɔ.
⁶ Breá bɔna Baka tsonkolitɔ a,
ntsu lɔwi dali,
nyankpɔ gyankpɔpu ε leha ntsu letitii unu.
⁷ Fu aha bówa ɔwɔnlɔn, lawa ɔwɔnlɔn dɔnka.
Bówun Buluá ɔdɔn ukpɔ féé Sion.
- ⁸ Isa ɔno ɔlupu Bulu, Nana Bulu,
nu mi isu.
Yakob Bulu, nu mi mpat! lya.
- ⁹ Oo Bulu, kɔ anɔ kutu.
Ogyi ɔha anfi fada mu ofuli anfi, afuwun mu nwe.
- ¹⁰ Fu otsiakpa wunsinesu tsia ekewule
bu ale dɔn ɔtinegyiɔtine tsia nfi ɔpum (1,000).
lbu mi aleá nóbwe fu woyi ɔno ogyopu,
dɔn ání nétsia lalahe abwepu otsiakpa.
¹¹ Nana Bulu, fɔgyi fe owi móa kutu.
Futɔpu awitɔle móa numnyam kpa anɔ.
Futamakina yile bwe ha
aha ání amú asun da ɔkpa.
- ¹² Oo Isa ɔno ɔlupu Nana Bulu,
ansi de ɔhagyíɔha ání mu ansi din fusu gyi.

lvt 85

Nkpa ɔhɔv Bulu, Yinkia Anɩ Ba Fu Wa

Kora abi kanfu-ɩv ha ɩv osunapv.

- ¹ Oo Nana Bulu, fagyi fu ɔsvlv buale.
Fulale Jakob abi-aná ndountɔ.
- ² Fesi fu aha lalahe kie amú,
bun ansibi amú lakpan féésv. lya.
- ³ Fesi ɔblo féé,
si fu ɔblo kinkiinkin ɔmagya.
- ⁴ Anɩ nkpa ɔhɔv Bulu, yinkia anɩ ba fu wa,
afutswɩ anɩ ɩwɩ ɔblo tsalfwɩ.
- ⁵ Fénya ɔblo anɩsv alu yɔ?
Féha ɔblo békɩta fu yetv anɩ abi-aná féé?
- ⁶ Fuméelawa anɩ ɔwunlun,
ment fu aha bénya fu ɩwɩ ansigyɩ?
- ⁷ Oo Nana Bulu, ha fu ɔdweá uma ɔka ɩba ansv,
afvho anɩ nkpa.
- ⁸ Ha mɩ annu asvɩn ání Nana Bulu ɔbéblɩ,
tsufe ɔbébla mɩ aha ání butamakpa ɔma ha mɩ iwɩlwɩi asvɩn,
tame máha amú abutra bwe mimlala.
- ⁹ Lele, mɩ nkpahɔ uma ɩfo aha ání butenya mɩ ifu wa,
fówun mɩ numnyam bétsia anɩ ɔsvlvsv.
- ¹⁰ Bulu ɔdweá uma ɔka múa mɩ aha ɔnɔkwaliwa béfia aba.
Aha yilebwe múa Bulu iwɩlwɩi ε bélata aba puta.
- ¹¹ Aha bówa ɔnɔkwali ha Bulu ɔsvlvsv,
yile ɔbwepv Bulu ɔbékɩ amú tsu ɔsvsv.
- ¹² Ee, Nana Bulu ɔbɔpv atoyile sɩsɩ,
anɩ ɔsvlvsv atɔ bówa ale.
- ¹³ Yilebwe bégya mɩ nkpa,
ɩbɔtɔ ɔkpa ha mɩ yabi ɔtsakpa.

lvt 86

Damli Kɩ Mɩ, Afɔwa Awɩtɔle Ha Mɩ

Dawid mpat.

- ¹ Oo Nana Bulu yaa asv nu, afvsv mɩ ɔnɔ,
tsufe ɩlahian mɩ, nawa nwe.
- ² Gyo mɩ ɩwɩ, tsufe ntamakpa fu ɔma.
Hɔ fu osumbiá mɩ ɩklɩn dun fvsɩ,
tsufe fvgyi mɩ Bulu.
- ³ Oo mɩ Wie, wa awɩtɔle ha mɩ.

- Fv ndesu kpoli ɔyikehetɔ féé.
 4 Ha anɔi igyi fv osumbi,
 tsufe fusv napv mɪ klɔn dɪnka.
- 5 Tsufe anɪ Wie, fvɪɛ fvɔv ale, fvtesɪ ula kie.
 Fvɔv ɔdweá uma ɔka ha aha ání butosu kpoli fv.
 6 Nana Bulu, yaa asv afɔnu mɪ isu,
 afɔnu mɪ kokoli.
 7 Ntosu kpoli fv mɪ ɔkplanke,
 tsufe futɔɔ mɪ ɔɔɔ.
- 8 Oo mɪ Wie, ɔkpi ɔkuku mɔfvɔn fv!
 Amɔtɔ ɔkuku méetalɪ bwe fv bwehe.
 9 Mɪ Wie, ɔmá amvɔ fvɔwe amv féé
 béba beda akpawunu fv ansitɔ,
 wa fv ɪda numnyam,
 10 tsufe fomoni, futɔɔwe ofula.
 Fv nkɔle gyi Bulu.
- 11 Nana Bulu, suna mɪ fv ɔkpa,
 mɪ anati fv ɔɔkwali amvsv.
 Ha mɪ ampv uklɔn dɪnka fv nkɔlesv,
 annya fv ɪda ifu.
 12 Mɪ Wie Bulu, nɔpv mɪ klɔn féé kanfv fv.
 Nɔwa fv ɪda numnyam bre féé,
 13 tsufe ɔdweá fvɔv ha mɪ uma ɔka.
 Fale mɪ ɔkla tsu lowutɔ.
- 14 Oo Bulu, ɪwɪ atsupv bakvsv mɪsv.
 Awuntɔlnpv ɔdɔm bɔdekleá bɔmɔ mɪ.
 Fvme gyi tɔtɔ amɔ ansɪsv.
 15 Tamé fv mɪ Wie Bulu mɔ a, nwe owunpv pú awɪtɔlɛpv fvgyi.
 Fvтамakɔɪ nya ɔblɔ, fv ɔdwe uma ɔka, fvɔv ɔɔkwali.
 16 Damli kɪ mɪ, afɔwa awɪtɔle ha mɪ.
 Wa fv osumbi ɔvɔnlɪn.
 Fv osumbi tsɪhe mv bi ngyi, hɔ mɪ nkpa.
 17 Bwe tɔkv isuna ání ɪlawa ale ha mɪ;
 mɪ alupv abɔwun, pɛlt ɪkɪta amɔ.
 Tsufe fv Nana Bulu lagyi mɪ bɔale,
 faha uklɔn ladɪ mɪ astɪ.

Uv 87

Bulu Tɔdwe Mv Wulu Sion

Kora abi kanfv-ɪlv mɔa ɪlv wahɛ.

- ¹ Bulu lɔwa mv wulu ntswɪastɪ

- dinka mu onuto ibu amusu.
² Ɔɔɔdwe mu wulu Sion,
 dun awulu traheá ibu Yakob ɔmátɔ féé.
³ O Bulu wulu,
 ki alhá buhte bude fu numnyam wa. *lya.*
- ⁴ Nekla Egyptefɔ múa Babilonfɔ wa mi abipɔɔ.
 Filistifɔ, Tirofɔ pú Etiopíafɔ mú a, aha buteblu bee, “Sion, amú opulu da.”
- ⁵ Sion mú a, béblu bee, “lɔv aha anfti opulu da.”
 Tsufe Ɔsususu Mu Wie amv onuto ɔbéha mú ibéle nlin.
⁶ Ni Nana Bulu de aha ada wanlɔn a, ɔbɔwanlɔn ɔbee,
 “lɔv aha anfti opulu da.” *lya.*
- ⁷ llo awapv pú atsapv féé béblu bee,
 “Mi yile féé itsu Sion.”

llo 88

Nkra Ɔhɔpɔ Bulu Ntosu kpoli

Kora abi atosuna llo ha llo osunapv. Bɔwa mú nwesv. Heman ání otsu Esra abi lele mú.

- ¹ Oo Nana Bulu, mi nkra ɔhɔpɔ Bulu,
 ntosu kpoli fu ɔpa múa onye.
² Ha mi mpat iwie fu wa.
 Yaa asv afunu mi isu.
- ³ Asvɔn ladvɔn mi.
 Nata wu ta.
- ⁴ Bakla mi wa awupɔɔ.
 Nabwe fe ɔwɔnlɔnpɔá ɔwɔnlɔn lata mótɔ.
- ⁵ Bapv mi wa awupɔɔ,
 fe ɔɔɔɔá ɔda ntsantɔ.
 Fɔtamatra kain musv ekekeeke,
 tsufe aladalɔ fu ibi.
- ⁶ Fatswɔ mi wa ntsan klukluukluá
 mótɔ lehte klun ayasi.
- ⁷ Fahte nya ɔblɔ wa mi.
 llobun musv fe ɔpv deda. *lya.*
- ⁸ Fale mi aba le mi iwɔ,
 nde amú nyanya wa.
 Fafin mi wa, mméetalɔ sɔ.
- ⁹ lloɔsɔn laha nasu alu,
 mi ansibi lape kɔɔ.

- Oo Nana Bulu, ntokpoli fu ekekegyieke.
Natsu ibi fua, ndesu kpoli fu.
- 10 Awupu futɔbwe ofula suna?
Butɔkusu kanfu fu? lya.
- 11 Buteda fu ɔdweá uma ɔka iwɔ ɔkan ntsantɔ?
Nte butebli fu ɔnɔkwali iwɔ asun atɔ oyintakpa?
- 12 Bówun fu ofula okluntɔ unu?
Nte afuliá buma ɔkaun amu béle fu yilebwe ɔwan?
- 13 Oo Nana Bulu, mi mú a, fu nósu kpoli.
Mi mpaɪ bótu fu nyankɔgyinyankɔ.
- 14 Oo Nana Bulu, ntogyi su fadamli ɔma ha mi,
fatan musu?
- 15 Mi nyebitɔ ɔpá mi ula bu nwe, ndekle anwu.
Asun wunheá faha natsun mútɔ ulaha ifu de mi,
ntra mma tɔtɔ bwetɔ.
- 16 Fu ɔblo layia mi manta.
Fu iwɔ ifu lamɔ mi ta.
- 17 Fu ɔblo tɔbɔla kita mi ɔyikehetɔ féé,
fe ntsu labomli mi.
- 18 Fale mi adwepu pú mi anyawie féé mi iwɔ,
nasin ɔyi adende.

Ulu 89

Bulu Mba Dawid Nsune Ntam

(Samuel 2si 7:8-16)

Esrayin Etan atosuna ulu.

- 1 Nana Bulu, nówa fu ɔdweá uma ɔka iwɔ ulu bre féé.
Néda fu ɔnɔkwaliwa iwɔ ɔkan suna uluntɔ féé.
- 2 Nablɔ mbee, fu ɔdweá uma ɔka ibétsia bre féé.
Fu ɔnɔkwali ibétsia bre féé, fe ɔsusu unu.
- 3 Folebli fee, “Naka ntam ha mi osumbi Dawid amuu nale amu.
Ntam ání naka ha mu gyi:
- 4 ‘Néha fu abi-aná bégyi iwie bre féé.
Néha fu owie-obia ibétsia ha fu abi-aná ání belun féé.’ ” lya.
- 5 “Oo Nana Bulu, fu abɔpu bukanfu fu ofula,
múá fu ɔnɔkwali amú ɔpasuatɔ.
- 6 Ma bu ɔsusu uná bópu mu kapu fu?
Fu abɔputɔ ɔmɔmu lofun fu?
- 7 Fu abɔpu ɔpasua butenya fu ifu.
Fudun ɔsusu atumipwá bobomli fu féé.

- 8 Oo Iša Ɔno Ɔlupu Bulu, Nana Bulu,
ma bu tumi fɛ fu?
Ɖnɔkwali labomli fu.
- 9 Fude ɔpɔ́a idedasu gyi.
Ni ideda ahígyialíá a, futeha mú itɔ́ba.
- 10 Fuleda ntsutso-ɔbwi lalahe Rahab amu mo,
fɔpu tumi da fu alupu sain.
- 11 Fubu ɔsusu, fubu asi.
Fulotsua ɔyi pú múto atɔ́ fɛ́é asi.
- 12 Fubɔbwe gyɔpi múa bɔnasu fɛ́é.
Tabor pú Hermon abu bude ulu wa kanfu fu ida.
- 13 Fu ibi bu tumi, ibu ɔwɔnlɔn.
Fu gyɔpi ibi lɔ́ba.
- 14 Yilebwe múa asungyi ɔnɔkwali su
fɔpuwa fu obia.
Ɖdweá uma ɔka múa ɔnɔkwali tegya fu nkpa.”
- 15 “Oo Nana Bulu, aha ání buyin ope tswi,
buna fu ansito wanki amuto buna ansigyí.
- 16 Ansi bégyi amó fu idato ɔyikeheto fɛ́é.
Fu yilebwe su fatsu amó fua,
- 17 tsufe fɔgyi amó ɔwɔnlɔn numnyam.
Fu awitole teha ani tumi.
- 18 Tsufe fu Nana Bulu bu ani kotu.
Fu Israel Ɖwankɔpu bu ani owie.”
- 19 Eke ɔku fɔtɔi tsɔn atowunheto,
suna aha ání butamadali fu ɔma fɛɛ,
“Nawa isa ɔkɔpu ɔku ɔwɔnlɔn.
Nale mu tsu aha amuto, tsu mu fua.
- 20 Nawun mi osumbi Dawid anfi.
Napu mi ofobi kpa mu, puda mu ofuli.
- 21 Mi tumi bélu mu ɔma,
mi ibi e bówa mu ɔwɔnlɔn.
- 22 Mu olupu ɔkuku méetalí gyi musu isato.
Ɖha lalahe ɔkuku méetalí ba mu asi.
- 23 Nómɔ adun le mu ansito,
da mu alupu le da.
- 24 Mi ɔnɔkwali pú mi ɔdweá uma ɔka bóbuo mu.
Mi ida su obénya ɔwɔnlɔn.
- 25 Néha mu iwie ogyikpa bótsu ɔpu ɔno
yɔwɔ ntsu bunkpa.
- 26 Ɖbébla mi ɔbee, ‘Fɔgyi mi Si,
mi Bulu pú mi nkpaɔ buta!’
- 27 Nóbwe mu mi bite,
ɔbóbwe ɔsulusu awie fɛ́é nwun.
- 28 Mi ɔdweá uma ɔka ibétsia musu bre fɛ́é.

- Mta munyo nsune ntam bélu kinkiinkin.
 29 Iwiegyi méédali mu woyito ekekeeke.
 Alí amuv osuvu bu unv bre féé amu a,
 alí mu owie-obia é ibétsia ní.”
- 30 “Tame ní mu abi bekina mí atosunahe,
 bumenatí mí amandíe okpasu,
 31 bumobu mí amandíe,
 bumekita mí mblatò a,
 32 mumu néhie pítí amú oyibibi amú lakpan su,
 wen amú mplí amú lalahe su.
 33 Tame mméédunkí mí odweá uma óka le musu,
 nte kina okokwaluwa ha mu.
 34 Mmóótun mí ntam ání neka ha mu,
 nte tse mí asun blihe ha mu.
 35 Naka mí ida ntam ósawule pé,
 ání mmóowa afunu suna Dawid ekekeeke.
 36 Iwiegyi bétsia mu woyito bre féé.
 Mu owie-obia bétsia mí ansítò bre féé, fe owi.
 37 Ibétsiá fe ótsra,
 múgyi odansiyin okokwalupvá óbu nwulotasu ní.” *lya.*
- 38 “Oo Bulu, tame fakina mu, gya mu.
 Óblò ihie de fu óha anft fada ofuli anftsu.
 39 Fatun ntam amuv feka ha fu osumbi amu,
 fale ntukuta mu yabitò.
 40 Fabwiebwie mu abunti féé bun,
 fayinta mu onjainkpa féé.
 41 Unv atsunpu bude mu atò wí.
 Ómá bambasufò bude mu ahinla bwe.
 42 Faha mu anyaba banya ówonlun musu,
 ansí de mu alupu féé gyi.
 43 Faha mu ódayi óno lawu,
 fumeha mu ótalí lu isa óno.
 44 Faswu mu mu akunfra,
 kpa mu owie-obia da.
 45 Faka mu nkpa itin,
 pú pelí dida mu.” *lya.*
- 46 “Oo Nana Bulu, ómenke? Féngain íwí bre féé?
 Ómenke fu íklon bési ogya tsii?
 47 Kain ání mí nkpa igyi óbulò pé.
 Mú su kpali fóbwe nyankpusa?
 48 Ma óbétalí tsia nkpa, lowu mótópu mu ekekeeke?
 Ma óbétalí sri sí lowu?” *lya.*
- 49 Aní Wie, bambu ópá

- fɔpɔ ɔnɔkwali ka fu ɔdweá uma ɔka iwɔ ntam ha Dawid.
Nkunsu ibu?
- ⁵⁰ Mátan ahinla ání bɔde fu asumbi bwesu,
alá nahɔ ɔmá bambasufɔ asiabi dínka mɔ klɔnsu.
- ⁵¹ Nana Bulu, fu alupu bɔde owieá feda mu ofuli ahinla bwe.
Ɔtinegyiɔtineá ɔyɔ a, bɔde mu ahinla bwe.
- ⁵² Mlíkanfu Nana Bulu bré fée!
Ibá móto, utra laba móto.

Ɔwɔsɔ 4sɔ
(Israel ltv 90–106)

ltv 90

Bulu, Ha Fu Awitɔle Ibuo Anɔ

Bulu ɔha Mose mpaɔ.

- ¹ Oo anɔ Wie, tsu ɔyi ɔpá
fuyi otsiakpa ha anɔ ulntɔ fée.
- ² Asa fele abɔ, le ɔyi a,
fuyi Bulu tsu breá ɔyi mɔkɔlɔn yefɔn breá utamata.
- ³ Futeyinkia anɔ anyankpɔsa ya usitɔ,
futebli fee, “Anyankpɔsa, mlyinkɔ.”
- ⁴ Nfi ɔpɔm (1,000) igyi fe igye ɔyikeheá ulɔtsɔn fu wa,
nte onye itinbi.
- ⁵ Futeha amú nkpa tɔmɔ ɔnɔ, fe okude.
Bɔgyi fe ifa, utɔbwe mlɔɔ nyankɔ.
- ⁶ Nyankɔ utɔwa ntswitswɔ bwe mlɔɔ,
tame ntɔpwesɔ utɔbɔ, kpada.
- ⁷ Fu ɔbɔlɔ tɔmɔ anɔ,
fu iyɔn ɛ bu anɔ ifu.
- ⁸ Faha anɔ lakpan fée ida fu ansitɔ.
Fuyin múá anɔlabwe nain kuraa.
- ⁹ Fu ɔbɔlɔ laka anɔ nkpa itin.
Anɔ nke teta fe ɔɲe lɔn fuhe.
- ¹⁰ Anɔ nke fée igyi nfi aduesienɔ (70),
nɔ anɔlɔwa ɔwɔnɔlɔn a, nfi adukwe (80).
Mú o a, asɔn wunhe múa ipian sɔɔn bu móto.
Itɔtsɔn, anitɔfwɔ.
- ¹¹ Ma yin alá fu ɔbɔlɔ ɔnɔ ibu ɔnɔlɔn,
pú iyɔn ání fɔbu, menɔ obénya fu ifu?

- 12 Mú sv suna alíá abékla aní nke,
mení abénya nyansa.
- 13 Nana Bulu, kokoli damli kí aní.
Ɔmenke fési ɔblɔ tswí?
Wun fu asumbi nwe!
- 14 Ha fu ɔdweá uma ɔka íbula aní nyankí,
mení abówa ulu nya ansigyi aní nkpatɔ fée.
- 15 Faha ulapian aní wa ɔpá.
Ha ansi igyi aní nfi tsɔtsɔtsɔɔ́á anulatsia ukplantɔ fée ɔno.
- 16 Pɔ fu agyuma suna fu asumpɔ,
afɔha amú abi abuwun fu numnyam.
- 17 Aní Wie Bulu, fu awítɔle íbuo aní,
aní gyumagyihe uwa ale ha aní.
Ee! lwa ale ha aní.

Ulu 91

Bulu, Gyi Mí Ɔtanukpa Pó Mí Oɣainkpa Kpikpli

- 1 Ɔha ání otsie Ɔsusɔsusɔ Mú Wie amɔ oɣainkpa,
Bulu Otumipɔ amɔ yiyi bun mɔsɔ,
- 2 ɔbébla Nana Bulu ɔbeɛ, “Bulu, fɔgyi mí ɔtanukpa pó mí oɣainkpa
kpikpli,
mí Buluá mí ansi dín fɔsɔ.”
- 3 Mú ɔbéle fu le ɔfunipɔ yibi
pú ulɔ lalahaé itɔmɔɔ.
- 4 Ɔbóɔpɔ mɔ atɛ bun fɔsɔ.
Fénya ɔtanukpa mɔ abamba así.
Mú ɔnɔkwali íbóbwe fu kutɔ,
íbégyi íban wa fu.
- 5 Fuméénnya atɔ lalaha kuku ifu onye,
nte mbun ání budetswí ɔyikehetɔ,
- 6 ulɔ tsankíheá una okluntɔ,
nte múá itɔmɔ aha ɔpa gyein.
- 7 Ɔpum (1,000) bédíɔda fu abuntɔ,
mpumdu (10,000) ɛ bédí fu gyɔɔpɔsɔ,
tame fu mú íbótsun fɔsɔ.
- 8 Ansibi wule fɔpɔwun
alíá Bulu ɔbéka lalaha abwepɔ ukɔ.
- 9 Fapɔ Nana Bulu bwe fu ɔtanukpa,
pɔ Ɔsusɔsusɔ Mú Wie amɔ bwe fu otsiakpa.
- 10 Mú sv tɔtɔɔtɔ mɔ́ɔbwe fu,
tsitsa kuku ɛ méeba fu woyisɔ,

- ¹¹ tsufe Bulu ɔbéha mu abɔpu békpa fu,
fu ɔtsunkpa féé.
¹² Békpata fu ibitɔ,
meni fu yabi méeda ibwi.
¹³ Fétsatsa gyata múa sapaɔ,
du lu gyata ɔwunlɔpu mua iwɔɔɔ.

¹⁴ Bulu ɔbee, “Néle mu,
tsufe ɔtehiɛ dwe mi.
Nótsu mu lu ɔwanklaankpa,
tsufe oyin mi ida.
¹⁵ Osu kpoli mi a, nɔsɔ mu ɔnɔ.
Nétsia mu wa ukplanbi.
Néle mu, wa mu numnyam.
¹⁶ Néha mu nkpa tuntun,
obówun mi nkpaɔ.”

ltv 92

ltv Aleá Béda Bulu Ipan

Ɔkpɔnɔ ɔdake kanfu-ltv.

- ¹ Oo! Nana Bulu, Ɔsɔsɔsɔ Mu Wie,
ltv aleá béda fu ipan, wa ltv kanfu fu ida.
² ltv aleá béda fu ɔdweá ima ɔka iwɔ ɔkan nyankɔ,
pú fu ɔnɔkwalt ɔkan onye,
³ da nsankuo pú akwe ɔtsan-ɔtsan,
wa ltv dede tɔta móɔ.
⁴ tsufe Nana Bulu, fu gyumagiye lawa mi ansigyɔ.
Mú sɔ nde ltv wa ansigyɔsɔ.

⁵ Oo Nana Bulu, fu gyumagiye lomoni.
Fu agywuntɔ bu oklu.
⁶ Ɔha ání mu agywun mɔfun méebi un.
Ɔha mimlahe ɛ móonu un asi.
⁷ Aha lalahe butɔpu fe ifa,
itɔwa ale ha lalahe abwepu,
tame amú féé béta plɔplɔ.
⁸ Nana Bulu, fɔfɔa bre féé.

⁹ Oo Nana Bulu,
fu alupu béta,
féda lalahe abwepu féé saun,
¹⁰ tsufe fawa mi ɔwunlun fe kpukpɔ,
fakɔ mi aba.
¹¹ Nawun mi alupu ɔɔɔɔɔɔ.
Nanu alá aha lalaheá bɔkɔsɔ lu misɔ bata.

- 12 Yile ɔbwepu tɔwa ale fe ɔbé.
 Ɔtedan, wa ɔwɔnlɔn fe Lebanon odum.
- 13 Baswie mu Nana Bulu woyitɔ.
 Ɔtedan wa akule anɔ Bulu wunsunesu.
- 14 Nɔ ɔdan kuraa a, otoswie abi.
 Mu atetɔ tebi, ntsu tetsia mutɔ,
- 15 pusuna ání Nana Bulu asun da ɔkpa.
 Mɔ buta ogyi, lalahe kuku ima mutɔ.

Uv 93

Bulu, Fu Asun Tamatse

- 1 Nana Bulu gyi Owie. Ɔdidɔ numnyam.
 Nana Bulu didɔ numnyam, ɔɔpu ɔwɔnlɔn kɔ mɔsu.
 Alaha ɔyi lale nlin, uméekpɔnkɔ ekekeke.
- 2 Oo Nana Bulu, feyat fu owie-obia bumbi ɔpá.
 Fubu unv asa ɔyi leta belɔn.
- 3 Oo Nana Bulu, ntsu bulahe lakusu.
 Ee, ntsu bulahe lale ɔnɔ.
 Ulawá iyɔn, ideda ɔwɔnlɔnsu.
- 4 Ɔsususu Nana Bulu, fubu tumi.
 Fudɔn ntsu akpɔnkpɔnti ɔme.
 Fu tumi dɔn ɔpɔá ulawá iyɔn, ideda.
- 5 Oo Nana Bulu! Fele ɔnɔ ttamatse.
 Lele, fu otsiakpa lɔwankɔ bre féé.

Uv 94

Ukɔ Ɔkapu Bulu

- 1 Oo ukɔ Ɔkapu Nana Bulu,
 ukɔ Ɔkapu Bulu, kusu le iwɔ ɔwan!
- 2 Ɔyitɔ asun Ogyipu, kusu.
 Kusu, afɔka iwɔ atsupu ukɔá ulékana.
- 3 Oo Nana Bulu, ɔmenke?
 Ɔmenke aha lalahe bési ansigyi nya?
- 4 Bude ɔnɔtɔ ka,
 lalahe abwepu féé bude iwɔ tsu.
- 5 Oo Nana Bulu, bude fu aha mɔ,
 bude fu siadte itɔ sunsun bwe.
- 6 Bude asrapu múa afɔɔ tɔn,
 mɔ awumbi.
- 7 Budebli bee, “Nana Bulu médewun,

Yakob Bulu médebi.”

- 8 Ómá amuto aha ání amó agywun uma asa,
aha mimlahe, wmenke mlétun anst?
- 9 Buluá wlbwe asu, nkali omóonu asun?
Mvá wlbwe ansibi, nkali omóowun ato?
- 10 Mutotswii wamá féé,
nkali wméebiti amó usu?
Mvá otosuna aha ato, nkali wméebi asun?
- 11 Nana Bulu yin nyankpusa asun susuhe,
ání itepi ma labi.
- 12 Oo Nana Bulu, anst igyi waha ání fabiti mu usu,
pu fu atosunahe suna mu.
- 13 Fótsu ipian kusv musv ipian owunke amu,
yefun breá bakwi wbo tswi ha aha lalahe.
- 14 Nana Bulu méekina mu aha,
tswi mu siadie anfi tsitsa,
- 15 tsufe bélagyi asun wnwkwalsu,
aha ání amó asun da wkpá féé bóbuo mó.
- 16 Ma wbelu mi wma ni aha lalahe bokusu lu musu?
Ma wwkusu lu lalahe abwepusu ha mi?
- 17 Ni megyi Nana Bulu gyi mi bwale ogyipu a,
teku nayw nda wtineá waha tamaw.
- 18 Breá mbée ansrei a,
oo Nana Bulu, fu wdwéá uma wka tekita mi lu.
- 19 Ni asun idon mi a,
futeyia mi uklon, anst telagyi mi.
- 20 Iwie ogyikpa ání butotsula asukpan, wa amandie lalahe a,
fua amúnnyo mlétali bwe ukule?
- 21 Babwe wnw-wkule, kikli yile wbwepu nwunsv.
Buteha aha ání wlala uma amó iwí lowu ipon.
- 22 Tame Nana Bulu gyi mi wtanukpa kinkin.
Mi Bulu gyi mi ibuta kpikpli.
- 23 Wbéka amó owuntwlin amusu ikw.
Wbómw amó amó lalahe amu sv.
Nana Bulu aní Bulu amu wbmw amó.

llo 95

Mlha, Abun Sum Bulu

- 1 Mlha apu ansigyí wa ilo ha Nana Bulu.
Mlha atswi ope ha aní buta, wtwkw aní nkpa.
- 2 Mlha apu ipan ba mu ansu,

atswɪ ope kanfu mu,

³ tsufe Bulu kpɔnkpɔntɪ Nana Bulu gyi.

Owie kpɔnkpɔntɪ, ɔɔvɔn ɔkpɪgyiɔkpɪ.

⁴ Mu ɪbɪtɔ ɔsɪsɪ ɔtɔtɔ bu,

Abu ɔfvakpa ɛ igyi mu kle.

⁵ Mubɔ ɔpu, tsufe mɪlɔbwe mú.

Mu ɪbɪ lɔbwe ɔsɪsɪ sehe.

⁶ Mlɪba abun, asum mu.

Mlɪha ada akpawunu anɪ ɔbwepu Nana Bulu ansɪtɔ,

⁷ tsufe mɪgyi anɪ Bulu,

anɪgyi mu ɪbantɔ akufa ání ɔde anɪ kpa.

Nɪ mlónu mu ɔme nde a,

⁸ mlumáwa asɪtɔ-ɔnlɪn fe alɪá mlɪlɔbwe Meriba

pú Masa dimbisɪ eke amɪ.

⁹ ɪbu mútɔá bowun tɔá nabwe bɔtsɪn,

tame mlɪ anain bɔwa mɪ tɔɪ, sɔ mɪ kɪ.

¹⁰ Amú asɪn metepi wa mɪ ɔɔdwe nfi advana (40) keke.

Nɛblɪ mbee,

“Aha anfi bɪtɛɔdɔlɪ mɪ ɔma bregyibre.

Bɪtamakleá bégyi mɪ asɪnsɪ.”

¹¹ Mú sɪ nɛnya ɔblɔ ka ntam mbee,

“Nɪ bówie mɪ ɔkpɪnsɪ ɔɔakpa ɪvɪ fiin!

Nɛka nɔtɪn.”

Uv 96

Bulu Gyi Owie

¹ ɔyɪtɔ aha féé, mlɪwa ɪvɪ pɔpwe ha Nana Bulu.

Mlɪwa ɪvɪ ha Nana Bulu.

² Mlɪwa ɪvɪ ha Nana Bulu, amlɪkanfu mu ɪda!

Ekekegyieke mlɪɔɔa mu ɪwɪ asɪn wanklaan ɔkan, ání alahɔ anɪ nkpa!

³ Mlɪɔɔa mu numnyam ɔkan ɔmá-ɔmásv.

Mlɪɔɔa mu ofulabwe ɔkan suna ɔyɪtɔ aha féé,

⁴ tsufe Nana Bulu lomoni.

ɪkanfu letsia mu.

Ilehian ání aha bénya mu ifu ɔvɔn ɪkpɪ féé.

⁵ ɔmá-ɔmá ɪkpɪ bɪmegyi tɔtɔ,

tame Nana Bulu lɔbwe ɔsvsv.

⁶ Obú pú numnyam bu musv.

ɔwɪnlɪn pú ale ɪvɪ mu otsiakpa.

- 7 Ɔyitɔ abusuan fée,
mlɔpɔ numnyam mɔ́a ɔwɔnlɔn ha Nana Bulu.
- 8 Mlɔpɔ obuá ulekana Nana Bulu ida ha mu.
Mlɔpɔ afɔdie ba mu wunsunesu.
- 9 Mlɔda akpawunu ha mu; tsufe mu nkule lɔwankɩ.
Ɔsɔlsu atsiapɔ fée, bɔba iwiasɩ ha mu.
- 10 Mlɔbla ɔyitɔ aha fée mlɔaa,
“Nana Bulu gyi owie!
Ee, ɔyi lale nlin, iméekpinkɩ.
Obégyi ɔmá-ɔmá asɔn ɔnɔkwalsu.”
- 11 Ɔsɔsu inya ansigyi,
ɔsɔlɩ iwɩ isankɩ mu.
Ɔpɔ mva mútɔ atɔ fée ulɩ ɔnɔ.
- 12 Nɔɔ pú mútɔ atɔ fée inya ansigyi.
Aputɔ-nyi bɔpɔ ansigyi wa ulɩ
- 13 Nana Bulu ansitɔ, tsufe ɔbá.
Ɔbá begyi ɔyi fée asɔn.
Obégyi mú yilebwe ɔkpasu,
gyi ɔmá-ɔmá asɔn ɔnɔkwalsu.

llo 97

Bulu Lɔfva Dun Ɔyi Fée

- 1 Nana Bulu gyi Owie.
Ɔyitɔ aha fée bunya ansigyi,
iwɩ isankɩ ɔpɔ gbemgbesu awulu fée.
- 2 Agyinde mɔ́a oklun tuun lobomli mu.
Yilebwe mɔ́a asungyi ɔnɔkwalsu
ɔlɔpɔwa mu obia.
- 3 Ogya igya mu nkpa,
ide mu alupɔ hɔ fia.
- 4 Mu nyankpɔ ɔfwɩ ibi a,
itɔwankɩ nsaintɔ fée.
Ɔsɔlɩ towun mú kpinkɩ.
- 5 Abu tenɔlan fe okpin Nana Bulu ansitɔ,
ɔyi fée Owie amu ansitɔ.
- 6 Ɔsɔsu tele mu ɔnɔkwali ɔwan,
aha fée butowun mu numnyam.
- 7 Bawa ikpi asumpɔá butɔpɔ ikpi tsu iwɩ fée pelitɔ.
Atunku fée, mlɔba iwɩ asɩ ha mu!
- 8 Oo Nana Bulu, Sionfɔ bonu a, ansɩ tegyi amú.
Yudafɔ ε butenya ansigyi,

- fu asunbua su,
 9 tsufe fu Nana Bulu fɔfua dun ɔyi fée.
 Fudun ɔkpɔgyiɔkpi.
- 10 Mli aha ání mltɔdwe Nana Bulu, mlíkisi lalahe.
 Ɖteki aha ání butamakpa mu ɔmasu,
 le amú lalahe abwepu ibi.
- 11 Wanki ladali ha yile abwepu.
 Ansigyɔ labula aha ání amú asun da ɔkpa uklɔntɔ.
- 12 Aha yile, mli ansɔ igyi Nana Bulu iwɔ,
 amlɔkanfu mu ida wankihe!

Ulv 98

Bulu Ɖba Begyi Ɖyi Asun

Kanfu-ulv.

- 1 Mliwa ulv ɔɔpwe ha Nana Bulu,
 tsufe alabwe ofula!
 Mu tumi pú mu ɔwunlun
 lagiɔ tsu ha mu.
- 2 Nana Bulu laha babɔ mu nkpaɔ.
 Alale mu yilebwe suna ɔmá-ɔmá.
- 3 Ɖmetan mu ɔdweá uma ɔka
 pú ɔnɔkwaliá ɔbu ha Israel woyisu.
 Aha bawun anɔ Bulu tsugyi yewie ɔyi ɔka.
- 4 Ɖyɔtɔ aha fée, mlitswɔ ope ha Nana Bulu,
 amlɔkplɔn ansigyɔsu wa ulv kanfu mu.
- 5 Mliɔa ɔsankuo, wa ulv kanfu mu.
 Mliɔa ɔsankuo, amlɔpu ɔme dede wa ulv ha mu.
- 6 Mliɔfɔlɔ ikpe múa akufa-nsiebi,
 amlɔpu ansigyɔ tswɔ ope Owie Nana Bulu ansɔtɔ.
- 7 Ɖpu múa mútɔ atɔ ile ɔnɔ.
 Ɖyi pú mútɔ atsiapu e fée abusura okitikiti.
- 8 Ntsu akpɔnkpɔntɔ buda apian,
 abɔ fée iwa ulv wa abato,
- 9 Nana Bulu ansɔtɔ,
 tsufe ɔba begyi ɔyi asun.
 Obégyi mú yilebwe ɔkpasu,
 gyi ɔmá-ɔmá asun keke.

Ulu 99

Ant Bulu Amu Lɔwankɩ

- ¹ Nana Bulu gyi owie, ɔmá-ɔmá bukpɩnkɩ.
Otsie mu obiasu ***kerubimsu**.
Ɔsuɩ fée ikpɩnkɩ kpakpakpa.
- ² Nana Bulu lomoni Sion wuluto.
Ɔɔfva duɩ ɔmá-ɔmá.
- ³ Bokanfu fu ida ání ɩbu ifu,
ɩbu wanwan.
Fu mú fɔwankɩ!
- ⁴ Owie Otumipu, futekle asungyi ɔɔkwalsu,
Fayai asungyi ɔɔkwalsu múa yilebwe Yakob ɔmáto.
- ⁵ Mlitsu Nana Bulu, anɩ Bulu amu fva.
Mlɩda akpawunu mu ayabiasu.
Ɔɔwankɩ!
- ⁶ Mose muá Aaron bɔbwe mu igyi ahapu.
Samuel ɩɔbwe aha amusu bosu kpoli mu amuto ɔkule.
Bosu kpoli Nana Bulu, ɔɔso amú ɔɔ.
- ⁷ Ɔɔɩto tsun agyindeá ilotswii lu fe ɔtantɔ ha amú.
Begyɩ ɔɔá ɔlele pú amandéá ɔɔpuha amúsu.
- ⁸ Oo Nana Bulu, anɩ Bulu, fɔso amú ɔɔ.
Buluá otesikie fugyi ha amú,
tame ni bɔpu lalahe gyi fu a, futeka amú ɩko.
- ⁹ Mlitsu Nana Bulu anɩ Bulu amu fva.
Mlɩsum mu mu onuto ɩbu amusu.
Tsufe Nana Bulu anɩ Bulu amu ɩwankɩ.

Ulu 100

Mlɩpu ɩpan Ba Bulu Woyi Ɔɔ

ɩpanda-afɔdeasi ɩlu.

- ¹ Ɔyito aha fée,
mlɩswɩ ope ha Nana Bulu!
- ² Mlɩpu ansigyi sum mu,
amlɩpu ɩlu ba mu wa.
- ³ Mlɩbíá Nana Bulu gyi Bulu!
Mɩɩɔbwe anɩ, muɩɩ anɩ.
Mu ɔmá pú mu ɩbantɔ akufa anigyɩ.
- ⁴ Mlɩpu ɩpan ba mu woyi ɔɔ,

- amlipv ukanfv bitiwie mv wunsune.
 Mluda mv upan, amlikanfv mv ida,
 5 tsufe Nana Bulu bv ale.
 Mv odweá uma oka bv unv bre féé.
 Mv onokwalv ubv unv ha aha ání béba belun féé.

Uv 101

Nana Bulu, Fv Nówa Uv Kanfv

Dawid kanfv-uv.

- 1 Nówa fv odweá uma oka pv fv asunbua onokwalvsv twi uv.
 Nana Bulu, fv nówa uv kanfv.
 2 Nékiá nétsia nkpa ání olala uma mv twi.
 Oo, onenke féba mv wa?
 Nópυ tsiatv wanklaan
 tsia mv woyitv.
 3 Mméeha tóá uma labi
 itsia mv ansiv.
 Ntekisi aha ání bumohv Bulu gyi bwehe.
 Mméeha mv isin miv.
 4 Mméetsia manta aha ání amó okpa motswii,
 mmóotsula bwe lalahe.
 5 Néyinta ohagyioha ání otetsii mv aba.
 Mta twi otsupu anuméetsia.
 6 Néle ansv kv anokwalipvá bubv osvuv anfvsv,
 menv bétsia mv wa.
 Aha ání olala ma amó natitv obósum mv.
 7 Aha omlepυ okvkv méetsia mv woyitv.
 Ofunupv okvkv méenya olukpa mv ansitv.
 8 Néle aha lalahe le osvuv anfvsv ekekegyieke nyanki,
 le lalahe abwepv féé le Nana Bulu wulu anfvsv.

Uv 102

Bulu, Máva Mv Nkpa Itin

Ipiav owunpv okv mpaiá olvov ha Nana Bulu.

- 1 Oo Nana Bulu, nu mv isu,
 afvohv mv mpai.
 2 Nv mbv ukplantv a, mánjain mv.

- Yaa asu ha mi, ni nosu kpoli fu,
afukosi so mi zno.
- ³ Tsufe mi nke deta fe ogyasi.
Awuto ide mi ogya tsii fe oswuto ogya.
- ⁴ Nabwe fe ifa buheá batsatsa músu.
Atogyihe medun mi owol.
- ⁵ Mi kumi koklukuu su nawuli,
si awu kpan.
- ⁶ Nabwe fe dimbisu lasa,
fe wulu bwiehetó kpawu.
- ⁷ Nda nki,
fe obubwiá lasi mu nkule obusu.
- ⁸ Mi alupu butesia mi ekekegyieke oyikehe.
Butupu mi iwí abususu lwu aha.
- ⁹ Nwela lamli mi atogyihe,
ntsú e lafra mi ntsu nunhe.
- ¹⁰ Fu ansipepe móa fu oblo su,
fatswi mi tsalfwi.
- ¹¹ Mi nkpa detsun fe ntupwe yiyi.
Nabu fe ifa.
- ¹² Tame fu Nana Bulu futsie fu owie-obiasu bre féé.
Iluntó féé békan fu idasu.
- ¹³ Fókusu wun Sionfo nwe.
Breá fópowa awutole ha amó ni.
Ee, bre amu ilafun.
- ¹⁴ Fu asumbi butamatsula unu abwisu.
Unu osublu e bu amó nwe.
- ¹⁵ Omá féé bénya Nana Bulu ida ifu.
Oyuto awie féé e bénya mu numnyam ifu.
- ¹⁶ Tsufe Nana Bulu obélada Sion wulu.
Obéle iwí owan numnyamtó.
- ¹⁷ Obónu aha ání butra buma tótó mpaí.
Omókpokpu nwuntó breá bude mu kokoli.
- ¹⁸ Bowanlun asun anfu tswi ha aha ání béba belun féé,
mení abi-aná féé békanfu Nana Bulu bee,
- ¹⁹ Nana Bulu tsie osusu mu otsiakpa,
ode osulusu ki sisi,
- ²⁰ mení obónu obu adupu isu,
cha aha ání baha lowu-ipun abugyi iwí.
- ²¹ Mú su béda mu ida okan Sion,
kanfu mu Yerusalem,
- ²² breá oyuto aha pú iwie ogyikpa féé bafia
ání bósum mu.

- 23 Alaha napɔn mɪ yasɔtɔ,
aladɪnkɪ mɪ nkesu.
- 24 Ndeblɪ mbɛɛ, “Mɪ Bulu,
máka mɪ nkpa itin.
Fɔtsie nkpa brɛ fééto!”
- 25 “Fɔlɔwa ɔsɔlv ntsɔwɪasɪ ɔyi asɪtsuabɪ.
Fu onuto ɪbɪ fɔpɔbwe ɔsɔsv.
- 26 Mú féé béta,
tame fu mú fétsia brɛ féé.
Mú féé bɔbwe dada, fwɪ fe tatida,
27 tame fu mú futamatse.
Fu nkpa mɔ́mɔ ɔnɔ ekekeke!
- 28 Fu asumpv abi-aná bénya atsiále,
amú abi-aná béle nlin fu ansɪtɔ.”

Uv 103

Mɪ ɔkla, Kanfv Nana Bulu

Dawid uv.

- 1 Oo mɪ ɔkla, kanfv Nana Bulu.
Mɪ ɪklɔn féé
ɪkanfv mv ɪda wankɪhe.
- 2 Oo mɪ ɔkla, kanfv Nana Bulu.
Mátan mv atɔ bwehe wanklaan ání ɔdebwe ha misv.
- 3 Mɔtesi mɪ lakpan féé kie mɪ,
ɔtetsa mɪ ɪlɔ féé.
- 4 Mɔtele mɪ tsu afulitɔ,
ɔtɔpv ɔdweá ɪma ɔka mɔ́a nwewun tɔ mɪ nwun.
- 5 Mɔtɔpv atɔ wanklaan bula mɪ, mɪ nkpatɔ féé,
ntelabwe ɔyasubɪ fe oyitsu.
- 6 Nana Bulu tegyi asv ɔnɔkwaltsv,
ɔteha aha ání bude amú sisi asv.
- 7 ɔleha Mose lebɪ mv ɪkpa,
ɔleha Israelfɔ bowun mv atɔ bwehe.
- 8 Nwe owunpv pv awɪtɔlepɔ Nana Bulu gyi.
ɔtamakɔsɪ nya ɔblɔ,
mv ɔdweá ɪma ɔka ɪhe tsɔ.
- 9 ɔtamatsia le aha ɪla,
nte hɔ asv wa ɪwɪtɔ brɛ féé.
- 10 ɔtamabɪtɪ anɪ ɪsv anɪ lakpan ɔnɔ,
nte pv anɪ lakpan ka anɪ ɪkɔ.
- 11 Tsufe alɪ amsv ɔsɔsv lehe fva tsu ɔsɔlsv amv a,
alɪ mv ɔdweá ɪma ɔka e lehe moni ha mv ifu anyapv nɪ.
- 12 Alɪ amsv owi ɔdalɪkpa

- 1bu ifo tsu owi okplwiewka amu a,
 alɪ ɔteha anɪ lalaha tɔwa ifo anɪ twɪ nɪ.
 13 Alɪ amuv ɔsɪ towun mu abi nwe amu a,
 alɪ Nana Bulu towun mu ifu anyapu nwe nɪ.
 14 Tsufe oyin alɪ ɔlɔpwe anɪ.
 ɔtekaun ánɪ tsɪ anɪgyi.
- 15 Nyankpɔsa mú a, mu nke igyi fe ifa.
 ɔtɔwa akile fe ifa ntswitswi.
- 16 Afu unya tsvan mú pe a,
 mú kletɔ lata.
 Butamatra kaun músv.
- 17 Tame Nana Bulu ɔdweá uma ɔka bu unv
 ha mu ifu anyapu bre féé.
 Mu yilebwe ε bu unv ha amú abi-aná.
- 18 Ubu unv ha mu ntamsv agyipu
 pú mu mblasv akaunpová butegyɪ músv.
- 19 Nana Bulu layaɪ mu owie-obia ɔsvsv.
 Mɔde togyitɔsv gyi.
- 20 Bulu-abɔpv, mlukanfv mu,
 mlɪ mu atumipová mlɪtonu mu ɔme,
 mlɪtegyɪ mu asunsv féé.
- 21 Bulu-abɔpvá mlɪtɔkɔ féé, mlukanfv mu,
 mu asumbiá mlɪtɔbwe mu ɔdwela.
- 22 Nana Bulu atɔ bwehe féé, ukanfv mu
 ɔtunegyɪɔtunéá ɔde iwie gyi.
 Mɪ ɔkla, kanfv Nana Bulu!

Uv 104

Bulu Numnyam Itsia Bre Féé

- 1 Oo mɪ ɔkla, kanfv Nana Bulu.
 Nana Bulu mɪ Bulu, fɔkɔkɔ moni o!
 Fɔdɪdɪ obú móa numnyam.
- 2 Fɔdɪdɪ wankɪ fe tati.
 Fɔlɛtɛɪ nwulɔtɔtɔ fe fɔ tati-obu.
- 3 Feyi fɔ woyi dunka ɔsvsv ntsusv,
 pú agyinde bwe fɔ keke,
 fɔtɛnatɪ afu abambasv.
- 4 Fɔpv afu bwe fɔ abɔpv,
 bwe ogya plɛnplɛn fɔ asumpv.
- 5 Fɔwa ɔyɪ ntswɪasɪ,
 mɛnɪ uméekpɪnkɪ ekekéekɛ.
- 6 Fɔpv ɔpv okluklukpa tɛɪ bun músv fe tati.

- Ntsu lɔbula dinka abusu.
 7 Breá fele ɔno a, ntsu amu ɔlesri.
 Ulesri natɔ breá fu ɔme lelun fe ɔprada.
- 8 Ntsu amu lɔbula dinka abusu,
 kpli bowie abunkpatɔ,
 ɔtineá feha mú fée, idi.
- 9 Fɔtswi ɔka ha mú,
 menɔ ɔméesafa músu.
 Fowun ɔméesetra tsu ɔsulɔ ekekekeke.
- 10 Feha ntsu letii wa abunkpatɔ,
 ɔdetsun abu nsine.
- 11 Ilemli ntsu nunhe ha pututɔ-mbwi.
 Pututɔ afrimu aná e
 butɔpɔka amú ɔmewulɔ itin.
- 12 Ntsu amu ɔno nyi abambitɔ
 mbubwi bɔbwe amú asia wa,
 butedinka mútɔ wa ulɔ.
- 13 Futeha nyankpɔ totswie tsu fu woyitɔ ɔsusu wulɔ abusu.
 Fu gymagyiheɔ-abi labula ɔsulɔsu.
- 14 Futeha ifa tɔkwe ha woyitɔ-mbwi.
 Futeha nyankpɔsa atɔ abi otodu,
 punya atogyihe tsu ɔsulɔtɔ,
- 15 nta ání ɔbéha mu anɔ bégyi,
 ofobiá ɔbékpa wa akile
 pú atogyiheá ɔbɔwa mu ɔwunlun.
- 16 Fu nyi amu fée tenya ntsu bregyibre.
 Lebanon ndum ání foswie e.
- 17 Mbubwi butɔlɔ amú asia wa nyi amutɔ.
 Ntsusu-akpakpa butetsia kwian nyitɔ.
- 18 Abre ɔdikpa gyi abu amusu,
 awɔa butegain abwi mbɔtɔ.
- 19 Fɔbwe ɔtsra ání isuna ɔbretɔ,
 owi yin breá ɔtɔpɔkpli wie.
- 20 Fɔbwe oklun, igyi onye.
 Alɔ bre amutɔ pututɔ-mbwi fée butedalɔ ni.
- 21 Agyata butokpoun dinka tɔá békita,
 punya atogyihe tsu Bulu wa.
- 22 Owi ɔdalɔ a,
 buteyinki yɔ amú ɔdikpa,
- 23 nyankpɔsa e tedalɔ yɔyɔ mu agyuma
 alɔ yefun ntupwesɔ.
- 24 Oo Nana Bulu, fu gymagyihe ɔhie tsɔ o!
 Nyansa fɔpɔbwe mú fée.
 Fu atɔ bwehe labula ɔyitɔ fée.
- 25 ɔpu da a. Ilomoni, ɔleteɔ.

- Múto mbwí ayile múa akusubi
buma uklato.
- 26 Ntsusu-iyen^f na músu, ideoɔ ideoɔ.
Ɖɔbwe ***Leviatan**, oteplei múto.
- 27 Amú féé buki fu ansitá
féha amú atogyihe mú bretɔ.
- 28 Futesanki ubitɔ,
pu atɔ wanklaan sisi amú,
butɔtɔsi gyi mwe.
- 29 Ní fedamli ɔma ha amú a,
ifu tekita amú.
Ní fepio amú ɔɲe le a,
butowu yinki yɔ isitɔ.
- 30 Futɔpu fu ɔɲe sisi, butebelun.
Futela ɔsulɔ bwe.
- 31 Nana Bulu numnyam itsia bre féé.
Mu ansi igyi mu gymagyihe féé iwí.
- 32 Ɖdamli kí ɔsulɔ a, itekpinkí.
Ɖpu ibi da abu a, ogyasi tedali tsu múto!
- 33 Nɔwa ulɔ ha Nana Bulu mí nkpatɔ féé.
Nɔwa ulɔ kanfu mí Bulu bre anfti ntsie nkpa anfti.
- 34 Mí agywun anfti iwa mu ɔdwe,
tsufe mutcha ansi tegyi mí.
- 35 Ha lakpan abwepu abuta le ɔsulɔ.
Lalahé abwepu bumátra tsia!
Mí ɔkla, kanfu Nana Bulu!
Mlíkanfu Nana Bulu!

Uv 105

Mlída Bulu Gymagyihe Ɖkan

(Kronika 1pu 16:8-22)

- 1 Mlída Nana Bulu ɔpan,
amltu kpoli mu.
Mlída mu gymagyihe ɔkan suna ɔmá féé.
- 2 Mlíwa ulɔ ha mu.
Mlíwa ulɔ kanfu mu.
Mlíbli mu ofula ánt alabwe féé.
- 3 Mlínya mu ida wankihe amu iwí ansigyí.
Nana Bulu adunkapu, mlínya ansigyí.
- 4 Mlídunka Nana Bulu mba mu ɔwɔnlɔn.
Mlídunka mu bre féé.
- 5 Mlíkaun mu ofulabwe,

- pú mu asunbuasu.
- ⁶ Mu osumbi Abraham abi-aná,
Yakob abia alale.
- ⁷ Mogyi Nana Bulu, aní Bulu amu n.
Mutegyi ɔyi féé asun.
- ⁸ Ɖamatan mu ntam amusu ekekeeke,
asun ání ɔlɔpɔha ulntɔ mpum-mpum.
- ⁹ Lɔ gyi ntam ání mua Abraham beka,
pú múá ɔleka ha Isak n.
- ¹⁰ Ɖledunka ibwi músu, ɔlɔbwe amandíéá ida ha Yakob ɔmá.
Igyi ntam ání íbétsia ha Israel bre féé.
- ¹¹ Ɖbee, “Fu nópu Kanaan ɔsulu ha,
ɔbɔbwe mi siadie ogyikpa ání fénya.”
- ¹² Breá bumɔtsɔ bugyi kpalobi iku,
bugyi afɔɔ ɔsulu amusu,
- ¹³ benati ki tsun ɔmá-ɔmátɔ,
tsu iwie ogyikpa yɔ iwie ogyikpa.
- ¹⁴ Nana Bulu méha ɔhaa ɔkpa osisi amú.
Amú su ɔlɔwa iyun wa awie
- ¹⁵ ɔbee, “Mlumápu ibi da aha anfi nada ofuli.
Mlumábwe mi ɔnɔsu atɔpu tɔtɔ.”
- ¹⁶ Ɖleha akun leba ɔsulu amusu,
oletin amú atogyihe otsukpa ɔkpa féé.
- ¹⁷ Ɖlɔwa oyin ɔku gya amú nkpa,
mogyi Yosef amuv befe, oleyemli ɔkpábi amu.
- ¹⁸ Bɔwa mu ayabi kplakitsi,
wa mu ɔmetɔ ikan.
- ¹⁹ Nana Bulu asun lɔɔ Yosef ki,
yefun ekeá mu asun blihe amu leba mútɔ.
- ²⁰ Lɔv Egypte owie leha bele mu obú.
Ɖmásv ogyipu anfi leha mu olegyi iwí.
- ²¹ Ɖlɔpu mu bwe mu woyi pú mu atɔ féésv ɔkpu.
- ²² Ɖlele mu ɔkpa ání ɔhie mu ahande abubwe tɔá odekle,
isuna amú nyansa.
- ²³ Lɔv mu si Israel leba Egypte.
Yakob mua mu aha bemli afɔɔ Ham ɔsulusu.
- ²⁴ Nana Bulu leha amú behie klei,
wa ɔwunlun dɔn amú alupu.
- ²⁵ Ɖleha Egyptefɔ agywun ledamli, bolu Israelfɔ,
bɔgywun amú iwí lalaha.
- ²⁶ Mú sv ɔlɔwa mu osumbi Mose
pú Aaron amuv ɔlele amu.
- ²⁷ Bɔbwe mu ofula Egyptefɔtɔ,

- bwe osuna Ham ɔsɔlsu unu.
- 28 Ɖleha oklun uleba, ɔsɔlu amusu ilebi tuun,
bumegyɪ mu asunsu.
- 29 Ɖleha amú ntsu ledamli obugya,
aklemeti bowu.
- 30 Nkle bɔbɔla ɔsɔlu amusu ɔtinegyiɔtɪne,
bowie yɔ amú awie obutotɔ aná fée.
- 31 Ɖlele ɔnɔ, awɔlu mɔ́a ntsunkɪ
bɔbɔla amú ɔsɔlsu.
- 32 Ɖleha atsufolibi lotswie si nyankpu,
ɔprada lɔputɪ ɔsɔlu amú féeɔ.
- 33 Ɖleyinta amú *wain aflu pú amú apɔntɔ,
biabia amú oyi kugyiku.
- 34 Ɖlele ɔnɔ, atsantsankuá buma uklatɔ bedali.
- 35 Bɔwi ɔsɔlu amusu ifa pú amú ndɔtɔ-atɔ fée.
- 36 Ɖlɔmɔ amú ɔsɔlsu abitu fée,
amú yasutɔ fée abi gyankpapu.
- 37 Ɖleha Israelfɔ bɔpu Egyptefɔ sika pepe mɔ́a fututu dalɪ ɔmá amutɔ.
Ɖɔɔnpɔ ɔkuku métsia abusuan anfitɔ.
- 38 Amú natɪ lɔwa Egyptefɔ ɔdwe,
tsufe amú iwɪ lɔwa amú ifu.
- 39 Ɖletɪ agyinde bun amúsu fe tati,
ha ogya lɔwankɪ ha amú onye.
- 40 Befite mu iye, ɔleha amú aputsatsa.
Ɖlɔpu ɔsusu atogyihe e bula amú.
- 41 Olefinki buta, ntsu lefen dalɪ mótɔ,
una ɔsɔlu wulɪhesu fe ntsu tsunhe,
- 42 tsufe ɔlekain mu ntam amusu
ɔleka ha mu osumpu Abraham amusu.
- 43 Ɖlekpa mu ɔmá ansigyisu dalɪ Egypte.
Aha amusu ɔlele amú, buna bude ulu wa kuklɔkɔv.
- 44 Ɖlɔpu ɔmá-ɔmá ɔsɔlu ha amú.
Ɖleha botsu amú ɔsɔlsu atɔ bwe amú kle.
- 45 Alíá bégýi mu amandɪ pú mu atosunahesu,
su unɪ fée leba mótɔ.
Mlikanfu Nana Bulu!

Ul 106

Bulu, Nɪ Fɔde Fɔ Ɖmá Nkpa Hɔ A, Gyi Mɪ Bvɔle

¹ Mlikanfu Nana Bulu!

Mlida mu ipan, tsufe ɔbu ale.

- Mu ɔdwe uma ɔka!
- ² Ma ɔbétalɛ blɛ ntobi akpɔnkpɔntíá Nana Bulu labwé?
Nte ma ɔbétalɛ kanfu mu, íbɔfun?
- ³ Ansɛ igyi aha ání butegyi asun ɔnɔkwalɛsu,
butɔbwe tɔ́á ida ɔkpa bre fée.
- ⁴ Nana Bulu, nɛ fude fu ɔmá buale gyi a, kaun muso.
Nɛ fude amú nkpa hɔ a, gyi mɛ buale.
- ⁵ Ménu nówun siadteá faha aha amɔv fale amv.
Mɛa fu ɔmá amv anya ansigyi,
mɛa fu siadte akanfu fu.
- ⁶ Anɛ anɛ anain anɛlapu ula gyi fu.
Anɛlabwe lalahe, wa owuntɔlun kpan.
- ⁷ Breá anɛ anain betsia Egyipte a, bumowun fu ofula labi.
Bumekau fu ɔdweá uma ɔka tsɔtsɔtsɔ́á fɔwa ha amúsu.
Lɛ su bɔkusu lu fusu Ɔpu Pepe ɔnɔ.
- ⁸ Mú o a, ɔlɔhɔ amú nkpa mu ida amv su,
menɛ ɔbéle mu tumi kpɔnkpɔntɛ ɔwan.
- ⁹ Ɔlele ɔnɔ, Ɔpu Pepe lekpi.
Ɔlekpa amú tsun bunɔkpa klukluto fe dimbisu buna.
- ¹⁰ Alɛ ɔlele amú alupu ibi,
ka amú le adɔn tumi asɛ nɛ.
- ¹¹ Ntsu leme amú alupu.
Amúɔ ɔkule kraa mésian.
- ¹² Lɛv bɔhɔ mu asunsu gyi,
wa ulu kanfu mu.
- ¹³ Lmɔwa ɔpá kuku betan mu gymagyihesu,
bumetsia gyo mu otswii amú.
- ¹⁴ Atɔ lehte tsia dunka amú ɔwɔlɛ dimbisu unu.
Mú su bɔsɔ Bulu kɛ ɔsulɛ wɔlɛhe amúsu.
- ¹⁵ Lɛ su ɔlɔbwe tɔ́á befute ha amú,
tame ɔleha amú bɔlɔ ulu lalahe.
- ¹⁶ Breá butsie amú ɔswukpa a, amú ansɛ lepe
Mose mɛa Nana Bulu igyi ɔhapu Aaronsu.
- ¹⁷ Ɔsulɛ leyaa ɔnɔ me Datan,
pula Abiram mɛa mu aha.
- ¹⁸ Ogya ε leda amú abuoɔtɔ,
ulɔhɔ awuntɔlunpu amv fée.
- ¹⁹ Berɛlan sika pepe bwe ɔnantswiebi,
sum mú Horeb íbasɛ.

- 20 Bɔpwe ɔnantswieá ɔtɔwɪ ifa tunku,
putse Buluá ogyi amú numnyam.
- 21 Betan amú Ɖhɔpɔ Bulusu.
Mɔlɔbwe atɔ akpɔnkpɔntɪ Egyipte,
- 22 bwe tɔ́á ɪbɪ ifu Ham ɔsulɔsɔ
pú tɔ́á ɪbɪ wanwan Ɖpɔ Pɛpɛ ɔnɔ.
- 23 Mú sɔ ɔleblɪ ɔbɛɛ,
mómɔ amú,
tame Moseá ɔlele lɔkɔsɔ kokoli amú nwunso,
ha mu ɔblɔ leka itin,
ɔmetra mɔ amú.
- 24 Lɔɔ bekina ɔsɔlɔ wanklaan amɔsɔ yɔ,
tsufe bɔmɔɔhɔ tɔ́á ɔlehiɛ ha amósu gyi.
- 25 Botsu ɔnɔ mɔsɔ amú tati-obuto ɪnɔ,
tsufe bɔmɔbu mu asɔn amɔ.
- 26 Lɔɔ sɔ olotsu ɪbɪ fua ka ntam bun amósu ɔbɛɛ,
meha amú bówu dimbi amɔsɔ.
- 27 Méha amú abi-aná béda saun yɔ ɔmá-ɔmátɔ,
nte wie aputu.
- 28 Lɔɔ bɔpɔ ɪwɪ yemanta Peor ɔkpɪsɔ,
bude atogyiheá bapuha afuli gyi.
- 29 Bɔpɔ amú bwehe anfi wa Bulu ɔblɔ.
Mú sɔ ɪlɔ lalaha lekpa wie amótu, budewu.
- 30 Tame Finehas lɔkɔsɔ kɔ ha Bulu amú nwunso,
ɪlɔ amɔ leka itin.
- 31 Mú sɔ Nana Bulu lotsu mu
ánɪ mu asɔn da ɔkpa brɛ féé.
- 32 Betra wa Bulu ɔblɔ Meriba,
beha Mose lenyaa asɔn amú sɔ,
- 33 tsufe beha mu olenya ɔblɔ tsɔn,
ɪleha mu ɔleblɪ mimlala.
- 34 Israelfɔ bekina bɔmɔmɔ ɔmá-ɔmá amɔ,
fe alɔ́ Nana Bulu leblɪ.
- 35 Mboun amúa ɔmátɔfɔ amɔ bɔbwe ɪkulɛ,
bekasi amú amandɛ.
- 36 Bosum amú ɪkpɪ,
ilemli agbla kɪta amú.
- 37 Bɔpɔ amú abi yinhe múa abi tsuhe kuraa ha ɪkpɪ igyi.
- 38 Betset obugya ánɪ ɔlala ma mú ɪwɪ wɔlɪ asɪ,
tsufe bɔpɔ amú abi ha Kanaanfɔ ɪkpɪ igyi,

- leha ifin leda ɔsulu amu.
- 39 Amú bwehe anfu leha bɔkpɔ Bulu anstɔ,
mli mbua atɔpu ɔɣetɔ.
- 40 lnu Nana Bulu lehie nya ɔble mu ɔmásv,
mu siadie lɔwa mu nyanya.
- 41 Olesi amú ha ɔmá-ɔmá,
amú alupu begyi amúsv.
- 42 Amú alupu bekpa amú manta,
ha betsia amú tumi así.
- 43 Oletsia le amú,
tame behieá bɔwa asvtɔ-ɔnlun.
Mú sv amú lalahewbe leba amú así.
- 44 Mú alí o a, olowun amú nwe,
breá olonu amú isu.
- 45 ɔlekaun ntam ání ibv mua amúnyɔ nsunesu.
Mu ɔdweá uma ɔka sv,
ilowie mu iwitɔ.
- 46 ɔleha amú aha ání bekita amú ndoun
bowun amú nwe.
- 47 Oo Nana Bulu aní Bulu, gyi aní bvale!
Le aní tsu ɔmá-ɔmátɔ befia,
meni abéda fu ipan,
kanfu fu ida ansigyisu.
- 48 Bukaanfu Nana Bulu, Israel Bulu,
tsu breá ɔyi mɔkvlun yefun breá itamata.
ɔmá féé bubli bee, “lba mútɔ!”
Mlíkanfu Nana Bulu!

ɔwulu 5si

(Israel llo 107–150)

llo 107

Bulu Totsu Aha Ání Buma Tɔtɔ Le Amú Ukplantɔ

- 1 Mlída Nana Bulu ipan,
tsufe ɔbu ale.
Mu ɔdwe uma ɔka.
- 2 Aha ání Nana Bulu laka le
amú alupu ibi bubli alí.
- 3 Alakpa amú tsu owi ɔdalíkpa
múa owi ɔkpliwiekpa ɔsulusu,

tsu ɔsusu m̄a ɔsasi befia.

- 4 Amúto aku benati tsuntsun adimbitɔ.
Bumenya ɔkpa tsun yɔ wulu kukutɔá bésia.
- 5 Akun m̄a ɔmewuli lekuta amú,
ɔkla lesri amú.
- 6 Inu bosu kpoli Nana Bulu amú ikplantɔ,
ɔlele amú le amú asun wunhetɔ.
- 7 Ɖlekpa amú tsun ɔkpa tswiihesu,
yefun breá bowie wuluá bésia mótɔsu.
- 8 Buda Nana Bulu ipan,
mu ɔdweá uma ɔka pú mu ofula akpɔnkpɔntiá alabwe
ha anyankpɔsa su,
- 9 tsufe ɔteha aha ání ɔmewuli de amú ntsu,
pu atɔ wanklaan bula amúá akun de amú.
- 10 Amúto aku betsia oklun m̄a oklun tuuntɔ,
buda iwɔsun m̄a ikantɔ,
- 11 tsufe bɔkɔsu lu Bulu asunsu.
Bekina Ɖsɔsɔsu Mu Wie afutuo nu.
- 12 Inu su ɔleha amú bɔyɔ agyuma kpekple pɔba amú asi.
Bedida, bumenya ɔbɔpɔ.
- 13 Inu bosu kpoli Nana Bulu amú ikplantɔ,
ɔlele amú le amú asun wunhetɔ.
- 14 Ɖlebitia amú le oklun m̄a oklun tuun amutɔ,
tuntun ikan amu le amú iwi.
- 15 Buda Nana Bulu ipan,
mu ɔdweá uma ɔka pú mu ofula akpɔnkpɔntiá alabwe
ha anyankpɔsa su,
- 16 tsufe olobwiebwie kɔɔbri aklun,
biabia adatɔtɔ anyɔ.
- 17 Bemimla kusu lu Bulusu.
Mú su bowun iwɔsun amú bwehe lalahe su.
- 18 Atogyihe kuku medinka amú ɔwɔli,
besian wu.
- 19 Inu bosu kpoli Nana Bulu amú ikplantɔ,
ɔlele amú le amú asun wunhetɔ.
- 20 Ɖɔpɔ mu asun sisi, ɔletsa amú ɔɔ,
le amú le lowutɔ.
- 21 Buda Nana Bulu ipan,
mu ɔdweá uma ɔka pú mu ofula akpɔnkpɔntiá alabwe
ha anyankpɔsa su,
- 22 abɔpɔ ipan bɔ afɔdɛ ha mu,
wa ɔlu ansigyisu puda mu bwehe ɔkan.
- 23 Amúto aku budɔn ɔpusu-tyentɔ,

- bude ibia gyi,
 24 bowun Nana Bulu gyumagyihe
 pú mu ofula ání ɔɔɔbwe ɔpu okluklukpa;
 25 tsufe ɔlele ɔɔɔ,
 afu kpɔɔkpɔɔntɔ lɔtsun,
 ɔpu leda ɔwɔnlɔnsu.
 26 Ilotsu amú ntsusu-iyen amu du,
 kpa amú wa,
 ɔkla lesɔ amú.
 27 Buna bude ntinta bɔ fe nta abɔpu.
 Amú agywun lotu pupu.
 28 Inu bosu kpoli Nana Bulu amú ukplantɔ,
 ɔlele amú le amú asun wunhetɔ.
 29 ɔleha afu amu ileka itin,
 ɔpu amu ulɔva.
 30 Ansi legyi amú, tsufe ɔpu amu ilesi da.
 ɔlele amú yeyi otsubunɔá budekle.
 31 Buda Nana Bulu ipan,
 mu ɔdweá uma ɔka pú mu ofula akpɔɔkpɔɔntɔ alabwe
 ha anyankpɔsa su.
 32 Bɔtsu Nana Bulu fɔa mu aha ɔpasuato,
 abukanfu mu ahande ansito.
 33 Muteha ntsu tsonhe temli dimbi,
 ntsu ɔwikpa tɔwul.
 34 ɔteha ɔsulɔ wanklaan temli nfolɔ ɔkwekpa,
 músu atsiapu bwehe lalahe su.
 35 ɔteladamli adimbi bwe pati,
 ɔteha ntsu tɔwɔ ɔsulɔ wulhesu.
 36 ɔtɔpu aha ání akun de amú yai nu,
 buteda wulu tsia mútɔ.
 37 Butɔɔ, wa atɔ, du ***wain**-abi,
 kpɔti atɔ tsɔtsɔɔtsɔ.
 38 Otoyula amú butehɔ klei,
 amú mbwɔ yahesu tamadunki.
 39 Nɔ ɔhɔ, asun wunhe múa isu iba a,
 uteha ɔmá amúsu tedunki,
 40 amú wulu ahande butɔsupa,
 natɔ ki dimbiá ɔkpa meda músusu.
 41 Tame ototsu aha ání buma tɔtɔ le amú ukplantɔ,
 ha amú abusuan teklei yee fe akufa.
 42 Aha ání amú asun da ɔkpa butowun mú, nya ansigyi,
 tame ɔɔɔ tobwie aha lalahe féé.
 43 ɔtiansipu okugyiɔku ɔku unɔ yai,
 osusu Nana Bulu ɔdweá uma ɔka iwɔ.

Ulv 108

Bulu, Fu Nkolesu Mi Ansi Din

(Israel Ulv 57:7-11; 60:5-12)

Dawid kanfu-ulv móa ulv wahé.

- 1 Oo Bulu, fu nkolesu mi ansi din.
Mi okla din fusu.
Nówa ulv, ee nówa ulv kanfu fu.
- 2 Akwe móa nsankuo, mlutsinki.
Nétsinki bake.
- 3 Nana Bulu, néda fu ipan ahato.
Nówa ulv kanfu fu omá-omátó.
- 4 Tsufe fu odweá uma oka lófa dafa osusu.
Fu onokwali lófa wó nwoluta.
- 5 Oo Bulu, butsu fu fua dafa osusu,
fu numnyam ubla osolusu féé!
- 6 Pó fu tumi ha aní agyi tsu, afusó aní onó,
mení féle fu adwepu.
- 7 Bulu lató tsu mu otsiakpa óbée,
“Néye Sekem wuluto ansigyisu.
Nósusu Sukot tsonkoli, ye móto.
- 8 Mubv Gilead pú Manase.
Efraim gyi mi kutupa.
Yuda é gyi mi akunfra.
- 9 Tame Moab gyi mi ató ofwikpa.
Edom gyi mi ntókuta ówóutswikpa.
Filistifósu ntówa okpayi.”
- 10 Oo Bulu, ma óbópu wulu kinkin anfi wa mi ubitó?
Ma óbékpa mi négyi Edomsu?
- 11 Bulu, megyi fulasi aní wa okpa?
Fasi aní akópu kpa.
- 12 Tsa aní agyi aní alupósu.
Nyankpósa mbua mú kpalt igyi.
- 13 Aní hayinhebwe itsu Bulu wa,
tsufe mu óbétsatsa aní alupósu.

Ulv 109

Bulu Telu Ohiani Óma

Dawid kanfu-ulv ha ulv osunapu.

- 1 Mi Buluá ntekanfu,
mási tsia kí,
- 2 tsufe aha lalahe pú afunupu onó de misu,
bude ason ka dunka misu.

- 3 Baka asun fia mi,
 bude mi ko kuku kpali.
- 4 Bale mi ula puka odweá mbu ha amó ɔko,
 tame mi mú ntɔbo mpaɩ ha amó.
- 5 Bɔtɔpu lalahe ka mi yile ɔko,
 pu olu ka odweá mbu ha amó ɔko.
- 6 Budebli bee, “Ha zha lalahe zokusu lu musu,
 ula zɛpu obwe mu zoma zɛpu.
- 7 Begyi mu asun a, ogyi upɔn.
 Mu mpaɩ kuraa ibwe tsitsa.
- 8 Mu nkesu idinki,
 zha bamba otsia mu otsiakpa.
- 9 Mu abi bubwe awumbi,
 mu ka obwe zɔvrapu.
- 10 Mu abi bubwe ahakpan, natɩ kuli atɔ.
 Bugya amó le amó abuntisu.
- 11 Mu ako awie buswu mu mu atɔ fée wa amó ako nwun.
 Afɔ buwan mu atonyahe.
- 12 Zhaa máwa awitɔle ha mu,
 nte wun mu awumbi nwe.
- 13 Mu abi-aná buwu,
 mu ida ifwi le mu zoma, aha ání béba belintɔ.
- 14 Nana Bulu, fu ansɩ idinka mu anain lalahesu.
 Mátsitsi mu yin e kle ekekeeke.
- 15 Dinka ansɩ amó lalahe amusu ekekegyieke.
 Zhaa e mátra kaun musu zɔyɩtɔ.”
- 16 “Tsufo zomekaun wa awitɔle,
 mboun ztedinka aha ání bubu nwe, buma tɔtɔ, ɩladun amósu,
 kleá mómo amó.
- 17 Olekle aha lwu,
 ɩlwu ɩkita mu.
 Omekle oyula.
 Mú su oyula ɩwa ifɔ mu wa.
- 18 Aha lwu lemli mu atadɩe wahe,
 imli mu ntsu nunhe,
 ɩwie mu awutɔ fe nfɔ.
- 19 ɩlwu ibun musu fe tati,
 ɩkli mu osiesu fe abɔsɔɔ,
 ɩmábankɩ ekekeeke.”
- 20 Alɩ Nana Bulu zka mi ula aɛpu
 móa mi ɩwi asun ablɩpu ɩko ni.
- 21 Mi Wie Nana Bulu,
 fu ida su bwe yile ha mi.
 Fu odweá ɩma zka bu aɛ,

- mú sv hɔ mi,
 22 tsufe mi ɪla bʊ nwe, mma tɔtɔ.
 Mi klɔn lahɔ ɔɔ.
 23 Nabwe fe ntɔpwe yiyiá ɪdetsɔn.
 Bakpɔkpɔ mi tsitsa, fe tsantsanku.
 24 Akɔndi sv mi akpawunutɔ labwe yɔyɔyɔ,
 nawulɪ si awu.
 25 Namli tɔku odu ha mi ɪla alɛpɔ.
 Benya wun mi bawa nwuntɔ kpɔkpɔ bi.
 26 Nana Bulu, mi Bulu, gyi mi buale.
 Fu ɔdweá ɪma ɔka sv hɔ mi.
 27 Oo Nana Bulu, ha amú abubiá fulahɔ mi.
 28 Bulwu mi, fu mú afuyula mi.
 Ni bɔkusu lu mɪsu a, pelɪ ɪkɪta amú,
 tame mi fu osumbi mú a, ansɪ igyi mi.
 29 Nsɔpa ɪbwe mi ɪla alɛpɔ tati dɪdahe,
 pelɪ ɪbwe amú atadie tɪntɪn,
 30 tame mi mú mméesi ɪpan kpɔnkpɔntɪ puha Nana Bulu,
 kanfu mu breá mu aha befia,
 31 tsufe ɔtelu ohiani ɔma,
 menɪ ɔbɔhɔ mu le mu ɪpɔn ahapɔ ɪbitɔ.

Ulv 110

Igyi ɔhapɔ Bulu Gyi Bre Féé

Dawid kanfu-ulv.

- 1 Nana Bulu lebla mi Wie ɔbeɛ,
 “Tsia mi gyɔpɪsu,
 yefɪn breá nɔpu fu alupu bwe fu ayabi oyikpa.”
 2 Nana Bulu ɔha fu iwiegyi ɪkleɪ tsu Sion,
 afɔgyi iwie fu alupusu!
 3 Fu aha bɔtsula dalɪ bobuo fu,
 fu abu amusu isa ɔyɔke.
 Fu nyasubi amɔ bédalɪ bɔtu fu, fe bake obétsu.
 4 Nana Bulu laka ntam,
 ɔmétse mu agywɪn.
 ɔbeɛ, “Bulu igyi ɔhapɔ fɔgyi bre féé, fe Melkisedek.”
 5 Ant Wie lu fu ɔma.
 Obóbwiebwie awie nwun mu ɔblɔ onyake.

- ⁶ Obégyi ómá-ómá asun, mɔ aha bun ómá amúto,
bwiebwie awie ɔyito féé.
⁷ Obónun ɔkpa iwɔ ɔbunkpabito ntsu.
Mú su obégyi isu.

Ulu 111

Nópu Mɔ Klɔn Féé Da Nana Bulu Ipan

- ¹ Mlɔkanfu Nana Bulu!
Nópu mɔ klɔn féé da Nana Bulu ipan,
bréá aha ání amú asun da ɔkpa befia.
² Nana Bulu gyumagyihe lomoni.
Aha ání amú ansɔ tegyi mú iwɔ féé,
butekasi atɔ tsu múto.
³ Mɔ gyumagyihe lele mɔ obú pú mɔ numnyam ɔwan.
Mɔ yilebwe bu unɔ bre féé.
⁴ Ɖteha butekain mɔ ofulasu.
Awɔtɔlepɔ pú nwe owunpu Nana Bulu gyi.

⁵ Ɖteha aha ání butenya mɔ ifu atogyihe.
Ɖtamatan mɔ ntam amɔsu ekekeke.
⁶ Ɖɔpu ómá-ómá ɔsɔlu ha mɔ aha,
pusuna mɔ tumiá ɔbu mɔ gyumagyiheɔ.
⁷ Mɔ atɔ bwehe féé igyi ɔɔkwali, ida ɔkpa.
Aha bétalu pu ansɔ dunka mɔ mbla fééɔ.
⁸ Ɖɔbwe mú ulu kinkiinkin bre féé.
Bópu ɔɔkwali múa yilebwe gyi músu.
⁹ Ɖlɛka le mɔ aha,
ka mɔ ntam tswɔ ha bre féé.
Ɖɔwankɔ, mɔ ida bu ifu.

¹⁰ Nyansa otsuakpa gyi Nana Bulu ifunya.
Aha ání butegyi músu butonu asun asɔ wanklaan.
Aha bukanfu mɔ bre féé.

Ulu 112

Ansi Igyi Ɖha Ání Otenya Nana Bulu Ifu

- ¹ Mlɔkanfu Nana Bulu!
Ansi igyi Ɖha ání otenya Nana Bulu ifu,
mɔ ansɔ tegyi mɔ mbla iwɔ.

² Mɔ abi-aná bénya tumi ɔsɔlu amɔsu.

- Nana Bulu obóyula zha ání mu asun da okpa abi-aná.
³ Obénya ató, nya iwí mu woyitó.
 Yilebwe méekpa musu ekekeeke.
⁴ Wanki tówanki okluntó ha zha ání mu asun da okpa.
 Awitolepu, nwe owunpu pú yile obwepu ogyi.
- ⁵ Itówa ale ha awitolepú ótópú ató pan zha,
 ótóbwe mu togyitó ónókwalitsú.
⁶ Tsufe yile obwepu óméédúda ekekeeke.
 Aha békain musu bre féé.
⁷ Mbatahun tamawa mu ifu.
 Mu klun dun Nana Bulusu kinkiinkin.
⁸ Opuni tamatsii mu, ifu tamakita mu;
 yefun breá obówun ání alagyi mu alupusu.
- ⁹ Ótele iwitó kie ahianfó ató, mu yilebwe tamata.
 Bulu obówa mu ówónlun, wa mu numnyam.
¹⁰ Óha lalahe obówun nya óbló,
 wí ayín, ye.
 Mu nhúie tamawa ale.

Ulo 113

Ilehian Ání Békanfu Nana Bulu Ida

- ¹ Mlíkanfu Nana Bulu!
 Nana Bulu asumpu, mlíkanfu mu.
 Mlíkanfu Nana Bulu ida.
- ² Mlíkanfu Nana Bulu ida,
 tsu sei puya bre féé.
- ³ Ilehian ání békanfu Nana Bulu ida,
 tsu owi ódalíkpa yeyi mó okplúwiekpa.
- ⁴ Nana Bulu lófua dun ómá féé,
 mu numnyam ledafa ósusu.
- ⁵ Ma gyi fe aní Bulu, Nana Bulu,
 otsie mu owie-obiasu ósusuusu.
- ⁶ Alaba nwun así óde ósu móa así kí.
- ⁷ Ototsu zha ání óma tótó kusu ósulótó,
 ótele ohiani tsu wunasu,
- ⁸ pu amó yai wulu ahande otsiakpa,
 Amógyi wulu ahandéá búbu mu aható.
- ⁹ Muteha ótsiá óma opuni tókwi,
 aní tegyi mu mu woyitó.
 Mlíkanfu Nana Bulu!

Uv 114

Israelfo Dalu Tsu Egypte

- ¹ Breá Israelfo bedalu Egypte,
Yakob abi-aná bedalu afow-ndu a,
- ² Yuda lobwe Bulu otsiakpa,
Israel lobwe mu iwie ogyikpa.
- ³ Opu Pepe lowun mu sri.
Yordan leyinki mu yama.
- ⁴ Abu benya ifu, fuli kpayi fe okpokpo!
Nkuku e bofuli kpayi fe okufabi.
- ⁵ Opu, nkali igyi fusrí?
Yordan, ntogyi fasanki fu yama?
- ⁶ Abu, ntogyi mlidefuli kpayi fe okpokpo?
Nkuku, ntogyi mlidefuli kpayi fe okufabi?
- ⁷ Osulo, lwi ikpinkí fu Nana Bulu ansitá.
Lwi ikpinkí fu Yakob Bulu ansitá.
- ⁸ Muleha ibuta lemli patí,
akpankplansi lemli ntsu awtkpa.

Uv 115

Atunku Bubu Ono Butamatá

- ¹ Megyi ani o. Oo Nana Bulu, megyi ani bówa numnyam.
Fu ida lekana ání bówa numnyam,
tsufe fu odwe uma óka, fubu onokwali.
- ² Ntogyi su omá-omá béfite ani bee,
“Nkunu mli Bulu bu?”
- ³ Ani Bulu bu osusu,
togyitá odekle otobwe,
- ⁴ tame amó atunku mú a,
anyankpusa lpu sika fututu múa pepe bwe amó.
- ⁵ Bubu onó, butamatá.
Bubu ansibi, butamawun atá.
- ⁶ Bubu asu, butamanu asun.
Bubu awonti, butamahó ató afu.
- ⁷ Bubu ibi, butamakita atá,
Bubu ayabi, butamanati,
amó óme e tamalun.
- ⁸ Atunku amu abwepu,

pú aha ání butápu ansi dínka amósv bubwe fe atunku amv.

- ⁹ Israelfó, mlpv ansi dínka Nana Bulusu.
Mvtegyi mli bvale, otegyi iban wa mli.
- ¹⁰ Aaron woyi, mlpv ansi dínka Nana Bulusu.
Mvtegyi mli bvale, otegyi iban wa mli.
- ¹¹ Nana Bulu ifu anyapu, mlpv ansi dínka musv.
Mvtegyi mli bvale, otegyi iban wa mli.
- ¹² Nana Bulu ansi dín ansv, obóyula aní.
Obóyula Israel woyi,
obóyula Aaron woyi.
- ¹³ Obóyula akpónkpó-akaka fééá
butenya mv ifu.
- ¹⁴ Nana Bulu óha mlta mli abi-aná amlhete klei.
- ¹⁵ Nana Bulu, ósv múa así Óbwepu
amv oyula mli.
- ¹⁶ Nana Bulu bv ósvsv,
ólópv ósvlv ha anyankpósa.
- ¹⁷ Awupv butamakanfv Nana Bulu,
amó mú bubv ótunéá óha tamatá.
- ¹⁸ Tame aní aktankpapv mú abékanfv Nana Bulu,
tsu sei puya bre féé.
Mlikanfv Nana Bulu!

Uu 116

Mméesi Su Kpoli Bulu Mí Nkpató

- ¹ Ntódwe Nana Bulu,
tsufe alanu mv óme pú mv ató kvlhte.
- ² Óteyaa asv ha mv.
Mú sv mméesi su kpoli mv mv nkpató féé.
- ³ Lowu lefini ayibi bomli mv,
afulitáyo lówa mv ifu.
Ukplan múa ahómítí lódvon mv.
- ⁴ Lnv nosu kpoli Nana Bulu mbee,
“Ao Nana Bulu, kokoli le mv!”
- ⁵ Awitólépv pú yile óbwepu Nana Bulu gyi.
Nwe owunpv aní Bulu gyi.
- ⁶ Otegyi iban wa aha ání bumeyin ólala.
Ulvon mv, óláhó mv nkpa.
- ⁷ Mv ókla, yinki yéda ókpósv,
tsufe Nana Bulu lahte wa awitóle ha mv,

- ⁸ tsufe alale mi tsu lowuto,
Alatsitsi mi ntsú,
kita mi lu, mmedida.
- ⁹ Meni nétsia nkpa wanklaan ha Nana Bulu,
aktankpavu osvlu anftsuv.
- ¹⁰ Breá nebli mbee, “Nhie nde ipian wun”
kuraa ncho fu gyi ni.
- ¹¹ Breá okla lesri mi a, nebli mbee,
“Afunupu anyankpusa féé bugyi.”
- ¹² Nto nétali puda Nana Bulu ipan,
mu awitole kponkponti anfi féé sv?
- ¹³ Notsu nkpahwe-ewe fva,
su kpoli mu, puda mu ipan.
- ¹⁴ Néka ikáá notsula ha Nana Bulu,
mu aha féé ansitv.
- ¹⁵ Aha ání butamakpa Nana Bulu oma
lowu thie bu bia mu ansitv.
- ¹⁶ Oo Nana Bulu, fu osumbi ngyi.
Fu osumbi tshe mu bi ngyi,
fale mi le ikantv.
- ¹⁷ Oo Nana Bulu, nósu kpoli fu,
pu ipan bo afotie ha fu.
- ¹⁸ Néka ikáá notsula ha Nana Bulu,
mu aha féé ansitv,
- ¹⁹ mu otswékpa nwunsinesv Yerusalem wulu nsine.
Mlukanfu Nana Bulu!

Uv 117

Nana Bulu Onokwali Ida Bre Féé

- ¹ Oma féé, mlukanfu Nana Bulu!
Anyankpusa féé, mltsu mu fva,
- ² tsufe mu odweá uma oka lebiayi ha ani.
Nana Bulu onokwali e ida bre féé.
Mlukanfu Nana Bulu!

Uv 118

Bulu Odweá Uma Oka Bu Inu Bre Féé

- ¹ Mlida Nana Bulu ipan, tsufe obv ale.
Mu odweá uma oka bu inu bre féé!

- ² Israelfo bubli bee,
 “Mu odweá uma oka bu unu bre féé.”
- ³ Aaron woyi bubli bee,
 “Mu odweá uma oka bu unu bre féé.”
- ⁴ Nana Bulu ifu anyapu bubli bee,
 “Mu odweá uma oka bu unu bre féé.”
- ⁵ Breá nowie ikplantó a, nokpoli Nana Bulu,
 ɔlɔɔ mi ɔnɔ,
 pu mi lu ɔteikpa.
- ⁶ Nana Bulu bu mi wa, ɔtɔ mɔ́owa mi ifu.
 Ntɔ nyankpusa ɔbétali bwe mi?
- ⁷ Nana Bulu bu mi wa. Obégyi mi buale.
 Négyi isu, pu mi ansibi ki mi alupu.
- ⁸ Ubu aleá nétanu Nana Bulu,
 dun ání nɔ́pu ansɔ dinka anyankpusasɔ.
- ⁹ Ubu aleá nétanu Nana Bulu,
 dun ání nɔ́pu ansɔ dinka wulu ahandesu.
- ¹⁰ Ɔmá féé bekafia mi,
 tame néyinta amó Nana Bulu ɔdatɔ plɔlɔplɔ!
- ¹¹ Bekafia mi,
 tame neyinta amó Nana Bulu ɔdatɔ plɔlɔplɔ!
- ¹² Bekpa bun misu fe awɔnsa.
 Bodun fe akpokpɔfwi ogya,
 Neyinta amó Nana Bulu ɔdatɔ plɔlɔplɔ.
- ¹³ Bowuta mi, sian mi le da,
 tame Nana Bulu legyi mi buale.
- ¹⁴ Nana Bulu gyi mi ɔwɔnlɔn. Nɔ́wa ulu kanfu mu.
 Alahɔ mi nkpa.
- ¹⁵ Ansigyɔ ulu mɔ́a ope delun
 yile abwepu obun ɔwakpa bee,
 “Nana Bulu gyɔɔɔ labwe hayinhesu.
- ¹⁶ Nana Bulu lawa ɔkpayi.
 Mu gyɔɔɔ lagyi hayinhesu.”
- ¹⁷ Mmóowu, nétsia nkpa,
 da Nana Bulu gymagyihe ɔkan suna aha.
- ¹⁸ Nana Bulu lahte buti mi isu,
 tame ɔmɔ́pu mi ha lowu.
- ¹⁹ Mlifinki yilebwe aklun ha mi,
 ambitiwie yeda Nana Bulu ipan.
- ²⁰ Nana Bulu ɔtswekpa ɔnɔ klun ni.
 Yile abwepu ɔbɔ́tsun mótɔ wie.
- ²¹ Fabwe atɔ́a fasɔ mi ɔnɔ,

fahɔ mɪ nkpa.

- 22 Ibwi amuv obu ayipv bekina amu
lebemli okonkisvbwi nɪ.
- 23 Nana Bulu lɔbwe mɔ alɪ.
lbu wanwan.
- 24 Nde gyi ekeá Nana Bulu labwe nɪ.
Mliha ansɪ igyi anɪ, iwɪ usankɪ anɪ.
- 25 Oo Nana Bulu, abwii ipa hɔ anɪ!
Oo Nana Bulu, kokoli ha iwa ale ha anɪ!
- 26 Nana Bulu oyula ɔha anfu ɔba mu idatɔ anfu!
Anɪde mli yula tsu Nana Bulu woyitɔ.
- 27 Nana Bulu gyi Bulu,
mulaha anlawa ale.
Mlukita mbla, amlɔpv ansigyi yi opian yɔ
Bulu afɔdɪe-ɔswɪ nsiebi asɪ.
- 28 Fugyi mɪ Bulu, néda fɔ ipan.
Fugyi mɪ Bulu, nótsu fɔ fɔa.
- 29 Mlɔda Nana Bulu ipan, tsufe ɔbu ale.
Mu ɔdweá uma ɔka bu uv bre féé.

Uv 119

Ansi Igyi Aha Ání ɔlala Ma Amó Iwɪ (Alef)^g

- 1 Ansi igyi aha ání ɔlala ma amó iwɪ,
butenatɪ Nana Bulu atosunahe ɔkpasv.
- 2 Ansi igyi aha ání ɔle ɔno butegyɪ mɔsv,
butɔpv amó uklɔn féé dunka mu,
- 3 butamabwe lalahe,
butenatɪ mu ɔkpasv.
- 4 Fɔpv fɔ mbla ha anɪ fee,
agyi mɔsv wanklaan.
- 5 Oo, teki nɪ nétalɪ natɪ
fɔ amandɪe amsv wanklaan,
- 6 hɪe gywun fɔ mbla amv féé iwɪ wanklaan a,
teki pelɪ méekɪta mɪ.
- 7 Nɔpv uklɔn wanklaan kanfɔ fɔ.
Fɔ amandɪe ida ɔkpa nɪ nde mɔ kasɪ.
- 8 Nɔbwe dunka fɔ amandɪesv,
mási mɪ wa ɔkpa ekekekeke.

Suna Mɪ Fv Amandɛ (Bet)

- ⁹ Nkalɪ ɔyasubi ɔbɛ́ha mɪ tsiatɔ bétun?
Nketɪ ɔde fv asunsu gyi.
- ¹⁰ Napv mɪ klɔn féé nde fv dunka.
Máha mɪ ampan fv mbla amɔsv.
- ¹¹ Naɣain fv asɔn mɪ klɔntɔ,
menɪ mmóɔpv ɪla gyi fv.
- ¹² Oo Nana Bulu, kanfv ɪbwe fv kle.
Suna mɪ fv amandɛ.
- ¹³ Napv ɔnɔ kla amandɛá
fɔpv fv ɔnɔ wa féé.
- ¹⁴ Mɪ ansɪ tegyi ɔnɔ́a fele ɪwɪ,
fe alɫá mɪ ansɪ tegyi atonyahe ɪwɪ.
- ¹⁵ Ntehe gywun fv mbla amɔ ɪwɪ,
pv ansɪ yi fv ɔkpa amɔsv.
- ¹⁶ Fv amandɛ sv awutɔ bésankɪ mɪ,
mméetan fv asunsu.

Finki Mɪ Ansibi (Gimel)

- ¹⁷ Bwe yile ha mɪ fv osumbi, antsia nkpa.
Mɪ angyi fv asunsu.
- ¹⁸ Finki mɪ ansibi,
fówun nówun ofula ání ɪbv fv atosunahe amutɔ.
- ¹⁹ Ɔfɔɔ ngyi ɔsulv anfvsv,
mápv fv mbla ɣain mɪ.
- ²⁰ ƭklɔn medɪ mɪ asɪ,
tsufe fv amandɛ ɪdɪn mɪ klɔnsv bregyibre.
- ²¹ Futɔwa ɪyɪn wa aha ání bɪtamabu atɔ, fv ɪlwɪ dɪn amósv,
bafwɪ dalɪ fv mbla ɔkpasv.
- ²² Dɪnkɪ amó nsvpa pú amú pelɪ le mɪsv,
tsufe nde ɔnɔ́a felesv gyi.
- ²³ Nɪ wulu ahande befia bɔde mɪ ɪwɪ agywun kɪta o a,
mɪ fv osumbi mú ntɔgywun fv amandɛ ɪwɪ.
- ²⁴ Fv ɔnɔ́a fele teha awutɔ tesankɪ mɪ.
Mútosuna mɪ nyansa.

Ha Mɪ Annu Fv Mbla Amɔ Asɪ (Dalet)

- ²⁵ Nda asɪ tantaantan,
laha mɪ nkpa alɫá fv asɔn ɪeblɪ.
- ²⁶ Nele mɪ tsiatɔ suna fv, fɔsv mɪ ɔnɔ.
Mú sv suna mɪ fv amandɛ.
- ²⁷ Ha mɪ annu fv mbla amɔ asɪ,
menɪ nógywun fv ofula ɪwɪ.
- ²⁸ Mɪ ɔkla de awɪrehv sv.

- Lawa mi ɔwɔnlɔn fu asɔn amɔ ɔnɔ.
 29 Ha afunu ɔkpa iwa ifɔ mi wa,
 afɔpɔ awɔtɔle suna mi fu atosunahe amɔ.
 30 Natsu ɔnɔkwali ɔkpa amɔ.
 Napɔ ansɔ dɔnka fu amandiesu.
 31 Oo Nana Bulu, nde ɔnɔ amɔv fele amɔtɔ kinkiinkin.
 Máha peli ukita mi.
 32 Nsrɔ fu mbla ɔkpa amɔsv,
 tsufe faha nhie nde mó asɔ nu.

Suna Mi Angyi Fu Amandiesu (He)

- 33 Oo Nana Bulu, suna mi angyi fu amandiesu,
 menɔ nékuta mótɔ yefun mó ɔnɔmɔ.
 34 Ha mi annu asɔn asɔ, ankita fu atosunahetɔ,
 ampɔ mi uklɔn féé gyi mósv.
 35 Kpa mi tsɔn fu mbla ɔkpa amɔsv,
 tsufe iteha iwɔ tesankɔ mi.
 36 Damli mi klɔn dɔnka ɔnɔ amɔv fele amɔsv,
 megyi sika ɔnsɔpesu.
 37 Dɔnki mi ansɔ le atɔá uma labisɔ,
 afɔha mi antson fu ɔkpa amɔsv nya nkpa.
 38 Bwe tɔ amɔv fehie yat ha fu ifu anyapɔ amɔ
 ha mi, fu osumbi.
 39 Le mi le nsɔpa ání ntenya ifutɔ,
 tsufe fu amandie tɔv ale.
 40 Kɔ, ndekleá négyi fu mbla amɔsv.
 Yile ɔbwepɔ fugyi, sv laha mi nkpa.

Máho Fu ɔnɔkwali Asɔn Amɔ Le Mi ɔnɔ (Waw)

- 41 Oo Nana Bulu, ha fu ɔdweá uma ɔka
 pú nkpaɔ amɔv fehie yat mi amɔ tɔa mɔsv,
 42 menɔ nényaa asɔnku kpla mi ahinla abwepɔ,
 tsufe mi ansɔ dɔn fu asɔnsv.
 43 Máho fu ɔnɔkwali asɔn amɔ le mi ɔnɔ plɔplɔ,
 tsufe mi ansɔ dɔn fu amandiesu.
 44 Nétsia gyi fu atosunahesv bre féé.
 Mméesi mósv gyi ekekeke.
 45 Nénatɔ iwilwiitɔ,
 tsufe nakasɔ fu mbla.
 46 Nélu awie ansɔtɔ tɔi tsu ɔnɔ amɔv fele amɔ iwɔ,
 peli méekita mi.
 47 Fu mbla amɔ sv awutɔ tesankɔ mi,
 tsufe ntekle mó.
 48 Ntobu fu mbla amɔ, tsufe ntekle mó.
 Nógywun fu amandie iwɔ.

Mmækusi Fv Atosunahe Amv Tswi (Sayin)

- 49 Kaun asvñ ání fehie ha mi fv osumbisv,
 ulaha nde mú òkpa kí.
 50 Ní nowie ukplantò a,
 tò amuv fehie yai ha mi amv utelalwii mi uklvñ.
 51 Iwí atsupv buhie bode mi ahinla bwe,
 tame mmækusi fv atosunahe amv tswi.
 52 Oo Nana Bulu, nogywun fv bumbi amandie amv twi a,
 uklvñ tolwii mi.
 53 Òblò tehie kita mi
 aha lalahe amuv bakina fv atosunahe sv gyi amv sv.
 54 Òtunegyivineá nòswu a,
 fv amandie amv gyi ulvá idvñ mi òòsv ni.
 55 Oo Nana Bulu, ntekavñ fv idasv onye,
 gyi fv atosunahe sv.
 56 Iñi lada mi ibi ni,
 tsufe nde fv mbla amvò.

Nana Bulu, Fvgi Mv Ogyikpa (Het)

- 57 Nana Bulu, fvgi mi ogyikpa.
 Nahieá négyi fv asvñ amuv.
 58 Ndepv mi klvñ féé kokoli fv,
 wun mi nwe fe alá fehie.
 59 Ní nogywun alá mi òkpa gyi a,
 ntedamli begyi fv òò amuv fele amuv.
 60 Ntamaba yabi òma,
 ntòwa òsa gyi fv mbla amuv.
 61 Lalahe abwepv bafvñ ayibi bomli mi o a,
 ntamatan fv atosunahe amuv.
 62 Ntòkuv òyunsine da fv ipan,
 tsufe fv amandie amv ida òkpa.
 63 Mva fv ifu anyavp pò fv mblasv agyivp féé bv mba.
 64 Oo Nana Bulu, fv òdweá uma òka labula òyi féé.
 Suna mi fv amandie.

Suna Mv Nyansa Pó Asvñ-asvñu (Tet)

- 65 Nana Bulu, fabwe yile ha mi, fv osumbi,
 fv asvñ amv òò.
 66 Suna mi nyansa pò asvñ-asvñu,
 tsufe nahò fv mbla amuv gyi.
 67 Nòfwí dalí fv òkpasv, febtí mi usv,
 tame sei nde fv asvñ amuv gyi.
 68 Fvòv ale, fvòbwe yile,
 suna mi fv amandie.

- 69 Lwɪ atsupu baka asun dunka misu fia,
tame mi mu ntɔpu mi klɔn fɛ́é gyi fu mblasu.
- 70 Amú klɔntɔ bu odwin fe nfɔkpin,
tame mi mú fu atosunahe teha awutɔ tesanki mi.
- 71 Ubu mi aleá feha ukplan lɔtu mi,
menɪ nékasi fu amandie.
- 72 Fu atosunahe bu mi labi,
dun sika fututu mva sika pepe mpumpun.

Ha Fu ɔdweá Uma ɔka Ilwii Mi Klɔn (Yod)

- 73 Ubi fɔɔpuwe mi, damli ubi misu.
Ha mi annu fu asun asi, menɪ nékasi fu mbla.
- 74 Fu ifu anyapu bówun mi nya ansigyɪ,
tsufe nde fu asun amu ɔkpaki.
- 75 Oo Nana Bulu, nyin ání futobua asun ɔnɔkwalsu.
ɔnɔkwali ɔkpasu feha ukplan lɔtu mi.
- 76 Ha fu ɔdweá uma ɔka ilwii mi klɔn,
fe alá fehie ha mi, fu osumbi.
- 77 Wun mi nwe, fówun nénya nkpa.
Tsufe fu atosunahe teha awutɔ tesanki mi.
- 78 Wa iwɪ atsupu anfi pelitɔ,
tsufe kuku kpali bude mi ɔnɔ tun.
Mi mú nde fu mbla iwɪ gywun.
- 79 Ha fu ifu anyapú buyin ɔnɔ amuv fele amu
abudamli ba mi wa.
- 80 Fu amandie amu su maha ɔlala itsia mi iwɪ,
menɪ peli méékuta mi.

Fu Nkpahɔ Ladunka Mi ɔwɔli (Kaf)

- 81 Fu nkpahɔ ladunka mi ɔwɔli alu, ilapian mi.
Fu asun amu ɔkpa ndeki.
- 82 Naki fu ɔkpa fe alá fehie alu, ansibi lawu mi.
Ndefute mbee, “ɔmenke fólwii mi klɔn?”
- 83 Nabi tuun fe ɔsabitɔ-akpankogyo,
tame mmakutan fu amandiesu.
- 84 Mi, fu osumbi nke igyi afuni?
ɔmenke fégyi aha anfi budɪn misu anfi asun?
- 85 Lwɪ atsupu anfi butekina fu atosunahesu gyi anfi
bakwi ɔbɔ tswɪ mi.
- 86 Fu mbla amu fɛ́é igyi ɔnɔkwali.
Kuku kpali budɪn misu.
Mú su gyi mi buale.
- 87 Basian mi mɔ,
tame mmakusi fu mblasu gyi.
- 88 Lapu fu ɔdweá uma ɔka wa mi ɔwɔnlɪn,

meni négyi fu ɔnɔ́á felesv.

Fv Mbla Amv Lehie Tet (Lamed)

- 89 Oo Nana Bulu, fu asun lele nlin ɔsɔsv,
 ɩbu ɩnv bre féé.
 90 Fv ɔnɔkwali bu ɩnv ha ɩlntɔ féé.
 Feyai ɔsɔlv asi, ɩlu kinkiinkin.
 91 ɩlu fu amandiesv ɔɔtv nde,
 tsufe fu togyitɔ desum.
 92 Ni fu atosunahe meha ɩwi mesanki mi a,
 teku nowu sin mi asɔn wunhetɔ.
 93 Mméetan fu mbla amɔsv ekekekeke,
 tsufe músv fɔtsɔn laha mi nkpa.
 94 Fɔbv mi, hɔ mi nkpa.
 Tsufe ntekleá nékasí fu mbla.
 95 Aha lalahe bawa oputu gyo mi ání bómɔ mi,
 tame ntehie susu ɔnɔ́á fele ɩwi.
 96 Nawun yile féé ɔfonkpa,
 tame fu mbla amv mú lehie tet.

Fv Atosunahe Tehie Wa Mɩ ɔdwe (Mem)

- 97 Oo, fu atosunahe tehie wa mi ɔdwe.
 Ntɔgywun mú ɩwi ɔyikehe féé.
 98 Fv mbla laha natun ansí dɔn mi alupɔ,
 tsufe ɩda mi wa bre féé.
 99 Ntonu asɔn asi dɔn mi asunapɔ féé,
 tsufe ntɔgywun ɔnɔ amɔsv fele amv ɩwi.
 100 Ntonu asɔn asi dɔn ahande,
 tsufe ntegyi fu mblasv.
 101 Nale ɩwi le lalahe kugyiku ɔkpasv,
 meni négyi fu asɔn amɔsv.
 102 Fv onuto losuna mi fu amandie.
 Mú sv ntamasi mú tswi.
 103 Fv asɔn ɩhie bu mi ɔdwe.
 ɩbu mi ɔdwe debidebi dɔn ɔkwen.
 104 Fv mbla teha ntonu asɔn asi.
 Mú sv nakisi afunu kugyiku.

Fv Asɔn Gyi Mɩ Ayabiasɩ ɔkandɩe (Nun)

- 105 Fv asɔn gyi mi ayabiasɩ ɔkandɩe,
 ɩtɔwanki wɔlt mi ɔtsunkpa.
 106 Naka ntam, tsula dunka músv ání
 négyi fu amandiesv, tsufe ɩda ɔkpa.
 107 Oo Nana Bulu, lakusva mi fe alíá febli,

tsufe nɦe nde asun wun.

- 108 Nana Bulu, hɔ fɔ kanfɔ-afɔdɛ,
afɔsuna mɪ fɔ amandɛ.
109 Nde mɪ nkpa ɪbɪtɔ,
tame ntamatan fɔ atosunahe amɔsɔ.
110 Aha lalahe bafɪnɪ mɪ yibi,
tame mmɔkɔfwɪ fɔ mbla ɔkpasɔ.
111 Ɔnɔ́á fele igyi mɪ siadɛ bre féé.
lɛha mɪ uklɔn tenya ansigyi.
112 Nabwe agywun mbeɛ,
kugyikvá igyi négyi fɔ amandɛsɔ bre féé.

Fɔgyi Mɪ Ɔtanokpa Pó Mɪ lwi Uban (Samek)

- 113 Ntekisi aha ání amó agywun tamalu tsukɔle,
tame fɔ atosunahe bɔ mɪ ɔdwe.
114 Fɔgyi mɪ oɔjainkpa pó mɪ kɔtɔ.
Fɔ asun ɔkpa ndekɪ.
115 Lalahe abwepu, mlɪkpɔkpe tɛɪ mɪsɔ,
menɪ nétalɪ gyi mɪ Bulu mblasɔ.
116 Ha mɪ anlu kinkin fe alá fehɛ, menɪ nétsia nkpa.
Fɔ ɔkpa ndekɪ, máha pelɪ ukita mɪ.
117 Kɪ mɪsɔ wanklaan, menɪ nénya nkpa,
fówun négyi fɔ amandɛsɔ bregyibre.
118 Fekina aha ání bafwɪ fɔ amandɛ ɔkpa.
Kpalɪ bɔde amó ɪwɪ mlɛ.
119 Fɔtɔswɪ ɔyɪtɔ lalahe abwepu féé tsitsa fe ipi.
Mó sɔ fɔ ɔnɔle bɔ mɪ alɛ.
120 Fɔ ɪwɪ ifu tɛha awutɔ tɔkpunkɪ mɪ.
Fɔ asɔnbua bɔ mɪ ifu.

Ntekle Fɔ Mbla Asun Dɔn Sika Pepe (Ayin)

- 121 Nabwe tɔ́á ɪda ɔkpa, ɪbɪ alɛ.
Mási mɪ wa mɪ asisipu ɪbɪtɔ.
122 Lu fɔ osumbi ɔma kinkin.
Maha ɪwɪ atsupu abusisi mɪ.
123 Nakɪ ɔkpa ha fɔ nkpahɔ pó yileá fehɛá fɔbwe ha mɪ alɪ,
ansibi lawu mɪ.
124 Pɔ fɔ ɔdweá ɪma ɔka kpa mɪ, fɔ osumbi,
afɔsuna mɪ fɔ amandɛ.
125 Fɔ osumbi ngyi, ha mɪ asun-asɪnu,
fówun nébɪ ɔnɔ amɔsɔ fele amɔ.
126 Oo Nana Bulu, ɪlafun ání fɔkɔsɔ asɪ,
tsufe batswɪ fɔ atosunahe tsalɪfwɪ.
127 Ntekle fɔ mbla asun dɔn sika pepe,
dɔn sika pepe onuto kɔraa.

- 128 Mú sv natsu múá fu mbla amuto kugyiku bu ale,
ntekisi afunu kugyiku.

Damli Kí Mí, Afowa Awítóle Ha Mí (Pe)

- 129 Ono amuv fele amv ubv wanwan.
Mú sv ntegyi músv ní.
130 Ní besankí fu asun amuto a, múto tōwankí.
Oha ání mv agywun ma oša kuraa tonu mú astí.
131 Nayaa ono gblaun,
tsufe fu mbla dín mí owólí.
132 Damlí kí mí, afowa awítóle ha mí,
fé alá fu amandé igyi ha fu adwepv.
133 Ha mí annatí dínka tóá fehíesv.
Máha lalahe kúku igyi músv ekekekeke.
134 Hó mí le mí asísípv íbúto,
mení négyi fu mblasv.
135 Wa awítóle ha mí fu osumbí,
afusuna mí fu amandé.
136 Mí ansí ntsú usí detsv́n blablábla,
tsufe aha búmedé fu atosunahesv gyí.

Nana Bulu Asvnbua Da Okpa (Sade)

- 137 Nana Bulu, futóbwe yile.
Fu asvnbua ida okpa.
138 Yilebwe múa onokwalíwasv
ono amuv fele amv ulí.
139 Fu asv́n amv sv óbló ihíe de mí,
tsufe mí alupv batan músv.
140 Fehíe so tóá fehíe yaí kí.
Mí, fu osumbí ntekle mú asv́n.
141 Kebíkúsv ngýi, bútamabú mí wa tótótótó,
tame mmókutan fu mblasv.
142 Fu yilebwe da okpa bre féé,
fu atosunahe é igyi onokwalí.
143 Ukpán múa asv́n wunhe latv mí,
tame fu mbla teha awuto tesankí mí.
144 Ono amuv fele amv ída okpa bre féé.
Ha mí annu mú astí, mení nénya nkpa.

Fv Mbla Amv Féé Ubv Múto (Kof)

- 145 Oo Nana Bulu, nde fu kpoli tsu mí kluntó, so mí onv.
Négyi fu amandíesv.
146 Nde fu kpoli, hó mí nkpa.
Négyi ono amuv fele amuv.

- 147 Ntókusu asa nsainto tɔwanki, ndesu kpoli fu
nde fu asun amu okpa ki.
- 148 Onye féé mmedidi,
nde tɔá fehie iwí susu.
- 149 Oo Nana Bulu, fu odweá uma okpa su nu mi isu.
Fu asungyi onokwalisu ulaha mi nkpa.
- 150 Aha ání bapu agywun lalaha bugya mi batu mi ta.
Bubu ifo fu atosunahe iwí,
- 151 tame Oo Nana Bulu, fubu mi wa.
Fu mbla amu féé ibu mútɔ.
- 152 Nebi onɔ amuv fele amu dodoodo.
Nowun ání fobwe mú ání ibétsiá bre féé.

Fu Asun Blhe Féé Nwun Gyi Onokwali (Res)

- 153 Ki ipian ání ndewun, afule mi,
tsufe mmokutan fu atosunahesu.
- 154 Lu mútɔ ha mi, afuka le mi.
Lakusva mi fe alíá fehie.
- 155 Nkpahɔ bu ifo lalaha abwepu wa,
tsufe bumegya fu amandie okpa.
- 156 Oo Nana Bulu, fu nwewun itsɔ.
Fu asunbua onokwalisu su lakusva mi.
- 157 Aha ání budin misu pú mi adun butɔ,
tame mmokukina onɔ amuv fele amu.
- 158 Aha ání butedali fu oma iwí tɔwa mi oblo,
tsufe butamagyi fu asunsu.
- 159 Ki alíá ntekle fu mbla,
afulapu fu odweá uma okpa ha mi nkpa.
- 160 Fu asun blhe féé nwun gyi onokwali.
Fu amandie kugyiku da okpa, ibetsia bre féé.

Nana Bulu, Fusu Mi Ansi Dn (Sin)

- 161 Wulu ahande budin misu kuku kpali,
tame ntenya fu asun amu ifu tsu mi ukluntɔ.
- 162 Fu asun amu tegyi mi ansi,
fe oha ání alamentu itoyile tsu isatɔ.
- 163 Ntamafia afunu, ibu mi nyanya,
tame ntekle fu atosunahe amu asun.
- 164 Ntekanfu fu tse sienɔ ekewule,
tsufe fu amandie da okpa.
- 165 Fu atosunahe adwepu butenya iwilwii kpɔnkpɔnkpɔnti,
tɔtɔ imécha amú abusrei.
- 166 Oo Nana Bulu, fusu mi ansi dn ání fɔho mi nkpa.
Ntegyi fu mblasu.
- 167 Ntegyi onɔ amuv fele amusu,

ilegyi mɪ anɪ.

168 Ntegyi fɔ mbla pú ɔnɔ́ fɛlesɔ,
tsufe mɪ bwehe fɛ́é ida fɔ ansɔ.

Dunka Mɪ Fɔ Osumbi (Taw)

169 Oo Nana Bulu, nu mɪ isu,
afɔha mɪ annu asɔn asi, fɛ alɔ́ á fɛbli.
170 Nu mɪ kokoli,
afɔhɔ mɪ fɛ alɔ́ á fɛhie yaɪ.
171 Mɪ ɔnɔ́ ibékanfɔ fɔ, lakanfɔ fɔ,
tsufe fasuna mɪ fɔ amandɛ.
172 Nɔ́wa atɔ́ á fɛhie yaɪ iwɪ uv,
tsufe fɔ mbla fɛ́é ida ɔkpa.
173 Da iwɪsɔ afɔgyi mɪ buale,
tsufe fɔ mbla nale.
174 Oo Nana Bulu, fɔ nkpahɔ dɪn mɪ ɔwɔɪ.
Fɔ atosunahe tɛha awɔtɔ tɛhte sankɪ mɪ.
175 Ha mɪ antsia nkpa, mɛnɪ nékanfɔ fɔ,
afɔha mɪ anya mbɔa tsu fɔ amandɛtɔ.
176 Nabwe fɛ kufa fwɪhe. Dunka mɪ fɔ osumbi,
tsufe mmɔkutan fɔ mblasɔ.

Uv 120

Nokpoli Nana Bulu Breá Mbu Ukplantɔ

Yerusalem-yɔ uv.

1 Nokpoli Nana Bulu breá mbu ukplantɔ,
ɔlɔɔ mɪ ɔnɔ.
2 Oo Nana Bulu, le mɪ le ofunupɔ ɔnɔ
pú aha ɔmlepɔ tɪ.
3 Aha ɔmlepɔ, ntɔ fénya tsu Bulu wa?
Ntɔ ɛ ɔbétra ha fɔ?
4 Obékpɛ isa ɔkɔpɔ mbun pɔɔnpɔɔn yi mlɪ,
pú ɔɔɔm agyawunuá thɛ idetsii wa mlɪ ogya.
5 Ngyɔwɪ ání nabɔswu Mesek ɔmátɔ,
ntsie Kedarfɔtɔ!
6 Nayinta bre tsɔtsɔɔtsɔ tsia
aha ání butamakle iwilwiitɔ.
7 Mɪ mú a, iwilwii ntekle,
tame nɔtɔ a, nale isa.

Ulv 121

Mı Mbua Itsu Nana Bulu

Yerusalem-ya ulv.

- 1 Natsu anstı fva kı abu.
Nkuvu nénya mbua tsu?
- 2 Mı mbua itsu Nana Bulu,
ɔsu múa ası ɔbwepu amu wa.
- 3 Ɖmééha fóméesreı.
Fusu ɔkɩpu mɔɔgyɔsu.
- 4 Kı, Israelsu ɔkɩpu amu mɔɔgyɔsu,
ɔméédıdı.
- 5 Nana Bulu gyı fusu ɔkɩpu.
Mulu fu gyɔpısu, ɔde olulukpa hɔ wuhl fu.
- 6 Owi mɔɔtu fu ɔpa,
ɔtsra e méelu fusu onye.
- 7 Nana Bulu mééha lalahe kuku tba fusu.
Ɖbékı fu nkpasu.
- 8 Nana Bulu ɔbékı fusu fɔyɔ ba,
tsu sei puya bre féé.

Ulv 122

Mlukvlt Iwilwii Ha Yerusalem

Yerusalem-ya ulv. Dawid ulv.

- 1 Anstı legyi mı breá bebla mı beé,
“Ba ayɔ Nana Bulu woyıtɔ!”
- 2 Oo Yerusalem,
anılu fu nfunu.
- 3 Yerusalem wuluá beđa,
ıtsa aba wanklaan.
- 4 İnu abusuan amu féé butɔdu ya.
Nana Bulu abusuan amu féé,
buteyeda mu ıpan,
ıgyı fu ɔnɔleá ıda yat ha Israelfɔ.
- 5 İnu beyat awie-mbia ha asungyi nı,
Dawid woyıtɔ awie-mbia.
- 6 Mlukvlt iwılwii ha Yerusalem wulu.
“Yerusalem, togyıtɔ twa ale ha fu adwepu.
- 7 İwilwii itsia wulu amıtɔ,
ıwa ale ha awie-woyıtɔ atsiapu.”

- ⁸ Mí apio aba sv nde Bulu kokoli mbæe,
 “Iwilwii itsia wulu amuto.”
- ⁹ Oo Yerusalem, Nana Bulu, aní Bulu woyi amv sv
 nókoli yile ha fv.

Ulv 123

Wun Aní Nwe, Oo Nana Bulu

Yerusalem-yo ulv.

- ¹ Osusu owie-obiasu otsiapu,
 fv natsu ansi fva ndeku!
- ² Anlatsu ansi fva anude Nana Bulu, aní Bulu kí,
 yefun breá obówun aní nwe,
 fe alá osumbi totsusu ansi fva kí mv yin íbì kò.
- ³ Wun aní nwe, oo Nana Bulu, wun aní nwe,
 tsufe bakpò aní dafa.
- ⁴ Twi anyapu babwe aní ahinla alu ulakpon aní,
 twi atsupu e baha twi lawu aní.

Ulv 124

Osú Múa Así Óbwepu Amv Gyí Aní Buale Ogyipu

Yerusalem-yo ulv. Dawid ulv.

- ¹ Israelfò bubli.
 Ní megyi Nana Bulu lelu aní óma a,
- ² ní Nana Bulu melu aní óma,
 breá aní alupu bowie antò a,
- ³ tēki beme aní bóbwe,
 breá amú óblò lókusu antu.
- ⁴ Teki ntsu amv lóbula kíta aní,
 ntsu amv lótsuan aní nati.
- ⁵ Teki ntsu bulahe
 lósura aní nati.
- ⁶ Mlíkanfu Nana Bulu ání omesi abowí aní fe iye.
- ⁷ Anladalí amú íbì fe obubwi ledalí ayibi ófupú yibitò.
 Yibi amv ulabiabia, anladalí srí.
- ⁸ Nana Bulu, ósv mva así óbwepu amv
 gyí aní buale ogyipu.

Uv 125

Nana Bulu Lobomli Mu Aha

Yerusalem-ya uv.

- ¹ Aha ání bɔpu anɔ dɪnka Nana Bulusu bɔgyi fe Sion uv.
Itamakpinkɪ, uv bre féé.
- ² Alɪ amuv avu lobomli Yerusalem amu a,
alɪ Nana Bulu lobomli mu aha tsu sei puya bre féé ni.
- ³ Tsufe ɔmééha lalahe abwepu bóméegyɪ iwie ɔsɔlvá beye ha yile
abwepusu,
menɪ aha yile bómɔ́wa uv lalahetɔ.
- ⁴ Oo Nana Bulu, bwe yile ha aha yile
pú aha ání amú asun da ɔkpa.
- ⁵ Tame aha ání babai ya amú onuto ɔkpa lalahesu mú a,
Nana Bulu ɔb́wa amú aputu tsia lalahe abweputɔ.
Iwilwii uv Israelfɔ!

Uv 126

Aha Ání Bɔpu Isu Du Atɔ A, Bɔpu Ansigyɪ-uv Kpɔti Mú

Yerusalem-ya uv.

- ¹ Bréá Nana Bulu leyinkia mu aha tsu ndountɔ ba Sion a,
uvbwe anɪ fe okudetɔ.
- ² Anɔ́mɔsɪ, wa uv ansigyɪsu.
uv ɔmá bambasufɔ beblɪ beɛ,
“Nana Bulu labwe itoyile ha amú.”
- ³ Lele, Nana Bulu labwe itoyile ha anɪ,
anɪ ɪde anɪ gyi.
- ⁴ Oo Nana Bulu, ha uvawa ale ha anɪ,
abwe fe ɔsɔlv wulhesu abunkpa.
- ⁵ Aha ání bɔpu isu du atɔ a,
bɔpu ansigyɪ-uv kpɔti mú.
- ⁶ Jha ání ɔ́ɔpu isu yodu atɔ a,
ɔb́pu ansigyɪ-uv sora mu atɔ ba woyitɔ kokooko.

Uv 127

Upanda Atɔ Opunitɔ-abi Bɔgyi Tsu Bulu Wa

Yerusalem-ya uv. Salomo uv.

- ¹ Nɪ Nana Bulu méyi obu a,
kpaɪ obu ayipu bude ipian wun.
Nɪ Nana Bulu mógyo wulu a,

- kpalı ogyopu de mú gyo.
- ² Kpalı mlıtəkusu bake,
yinki yeκlēdı ɔyɪnsɪne,
mlıde ipian wun dunka tɔá mlégyi,
tsufe Nana Bulu tekti aha ání ɔtɔdwesu breá buda budədıdı.
- ³ Nana Bulu tɔpu abi yula ɔha.
ɪpanda atɔ opunitɔ-abi bugyi tsu mu wa.
- ⁴ Yasıtɔ abi tsɔtsɔ kwu
ıgyi fe ısa ɔkɔpúá ɔbu mbun tsɔtsɔtsɔ.
- ⁵ Ansu bégyi oyin oduá ɔbu abi tsɔtsɔ alı mu woyıtɔ.
Peli méekıta mu nı ofia mu anyaba wulu ɔnɔ, amú asun ogyikpa.

Uu 128

Iwilwii Uu Israelfɔ

Yerusalem-yɔ uv.

- ¹ Ansu ıgyi ɔha ání otenya Nana Bulu ifu,
ɔtenatı mu ɔkpasu.
- ² Fégyi fu ıbu ɔnɔ gyumagyihe.
Ansu bégyi fu, ıbówa ale ha fu.
- ³ Fu ka ɔbɔkwu tsɔtsɔtsɔ fu woyıtɔ, fe oyiá ılahıe swie kɔtsɔɔ.
Fu abi bóbomli fu ɔpusu, fe ɔbeá ıbu awaimbi tsɔtsɔ.
- ⁴ Alı Nana Bulu obóyula ɔha
áńı otenya mu ifu nı.
- ⁵ Nana Bulu oyula fu bregyibre tsu Sion,
afuwun alıá ıbówa ale ha Yerusalem, fu nkpatɔ féé.
- ⁶ ɔha afuwun fu aná,
ıwilwii uu Israelfɔ!

Uu 129

Peli Ukuta Sion Alupu Féé

Yerusalem-yɔ uv.

- ¹ Israelfɔ mlıtblı mlıaa,
“Tsu mı nyebıtɔ ɔpá mı alupu budun mısu.”
- ² “Tsu mı nyebıtɔ ɔpá mı alupu budun mısu,
tame bumɔkıtaltı gyi mısu kı.
- ³ Balele apintınplin dınka mı ɔma,
fe ndɔtɔ bawɔ fle.”
- ⁴ Yile ɔbwepu Nana Bulu gyi,
alatuntun lalahe abwepu nfe le mı ıwı.

- ⁵ Peli ukita Sion alupu féé,
abudta lala.
- ⁶ Bubbwe fe ibutasu ifa,
utamadan asa itowu,
- ⁷ mú abi tamabula obulo,
nte moni mú okliru ibuto.
- ⁸ Mú asi atsunpu e bumábla agyuma ayopu amu bee,
“Nana Bulu oyula mli.
Ayula mli Nana Bulu idato!”

Ulv 130

Israelfo, Mluku Nana Bulu Okpa

Yerusalem-ya ulv.

- ¹ Oo Nana Bulu, mbu ukplan kponkponkrontito,
nde fu kpoli.
- ² Mi Wie, nu mi ome!
Yaa asu, afonu mi kokoli.
- ³ Oo Nana Bulu, ni fokula lalaha a,
ma obesian?
- ⁴ Tame futesikie,
meni abenya fu ifu.
- ⁵ Ngyo Nana Bulu,
mi okla gyo mu.
Mu asun okpa ndeki.
- ⁶ Mi okla gyo mi Wie dun onye agyopua
ode oyikehe okpa ki.
Dun onye agyopua ode oyikehe okpa ki.
- ⁷ Israelfo, mluku Nana Bulu okpa,
tsufe Nana Bulu odwe uma oka.
Otehe ka le aha.
- ⁸ Mu obeka le Israelfo
amu lalaha feeto.

Ulv 131

Nabwe Diin Fe Kebi

Yerusalem-ya ulv. Dawid ulv.

- ¹ Oo Nana Bulu, iwitsu ma mita,
ntamatsu wu dibi.
Ntamaka ipin dun mi ota.
- ² Naba iwasi, bwe diin fe kebia

batın mu nyɔpu, ɔdın mu yinsu,
alı nabwe diin ni.

³ Israelfɔ, mluku Nana Bulu ɔkpa
tsu sei puya bre fée!

Ulv 132

Nana Bulu Lale Sion

Yerusalem-ya ulv.

- ¹ Oo Nana Bulu, kain Dawid ipian féeɛsu,
afuɣyi mu buale.
- ² Ɖleka ntam ha Nana Bulu,
olosuan suna Yakob Bulu Ɖwɔnlɔpu amu ɔbee,
- ³ “Mméebitiwie mi woyitɔ,
nte kledı mi ɔklansu.
- ⁴ Mmécha didı ikuta mi,
nte kpa ɔsikete bun, gyɔsi.
- ⁵ Yɔfun breá nanya ɔtunekv ha Nana Bulu,
nya otsiakpa ha Yakob Bulu Ɖwɔnlɔpu.”
- ⁶ Anlonu Ntam-daka amu nka Efrata,
anlowun mú Yaar adɔbutɔ.
- ⁷ Mliha ayo mu otsiakpa inu,
ayewɔ awunu mu ansitɔ.
- ⁸ Oo Nana Bulu, kuvu, fva fu Ntam-daka,
igyı fu tumi osuna amu,
amlyɔ fu ɔkpuvu ɔdakpa inu.
- ⁹ Ha fu igyi ahapu abudida yilebwe fe tati,
aha ání butamakpa fu ɔma abukplun wa ulv ansigyisu.
- ¹⁰ Fu osumbi Dawid su
makina ɔha amuv fada mu ofuli amu.
- ¹¹ Nana Bulu leka ntam, dinka ibwi músu ha Dawid. Ɖbee,
“Fu iwitɔ-obi nɔpuyai fu obiasu.
- ¹² Ni fu abi-aná begyi mi ntam
pú ɔnɔá nelesu a,
mumu amú abi obégyi obia amu bre fée.”
- ¹³ Tsufe Nana Bulu lale Sion.
Inu olekleá tɔwe mu woyi.
- ¹⁴ Ɖbee, “Ki, nfi ɔbɔbwe mi ɔkpuvu ɔdakpa bre fée ni.
Nfi nétsia, tsufe nfi ndekle ni.
- ¹⁵ Nɔpu atogyihe bula Sionɔ,
amú aha ání buma tɔtɔ bégyi mwe.

- ¹⁶ Nópu nkpaḥo dída amó igyi ahapu, fe tati.
Múto aha ání butamakpa Bulu oma
bókplon wa ulv ansigyisu.
- ¹⁷ Néha owie otumipu obédalu tsu Dawid abusuanto.
Nala okandte yat ha oha amuv neda ofuli amv.
- ¹⁸ Nópu peli dída mv alupu,
tame mv mó mv owiepa bówanki.”

Ulv 133

Nana Bulu Oyula

Yerusalem-yo ulv. Dawid ulv.

- ¹ Kí ale pú ansigiyaá ibv
ni apio babwe ikule, butsie abato!
- ² Igyi fe ofobiá ibv bia, batsɛi wuli Aaron otantra,
idebɔli tsun mv ikwito,
kpli wie mv atadie tuntun ometo.
- ³ Igyi fe onyeluluaá itsu Hermonbusu,
idetswie wuli Sion abusu,
tsufe unv Nana Bulu lehie mv oyula,
igyi nkpa ání utamata ni.

Ulv 134

Mlɔba Akanfu Nana Bulu

Yerusalem-yo ulv.

- ¹ Mli Nana Bulu asumpu fééá mlɔtosum mv woyito onye,
mlɔba akanfu mv.
- ² Mlɔtunki ibi sisi Owankɔkpatɔ-Owankɔkpa unv,
amlɔkanfu Nana Bulu.
- ³ Nana Bulu, osv mua asi obwepu amv
oyula mli tsu Sion.

Ulv 135

Nana Bulu Asumpu, Mlɔkanfu Mv

- ¹ Mlɔkanfu Nana Bulu!
- Mlɔkanfu mv ida.
Nana Bulu asumpu, mlɔkanfu mv.
- ² Mli aha ání mlɔtosum Nana Bulu woyito,
ant Bulu amv wunsinesu,
- ³ mlɔkanfu Nana Bulu, tsufe obv ale.

Mlwa ulv kanfu mu ida, tsufe ibv odwe,
 4 tsufe alale Jakob abusuan ha mu iwɪ.
 Alapu Israel bwe mu onuto kle.

5 Nyin ání Nana Bulu lomoni.
 Aní Wie dun ukpi fée.

6 Tǎ́ odekle ɔɔbwe ɔsu mǎ́ asi,
 ɔpu pú mǎ́ abuntǎ́ fée.

7 Muteha agyinde tǎ́kusu tsu ɔyi ɔka,
 ɔteha nyankpu tǎ́fwɪ ibi tswie,
 ɔtele afu tsu mu atɔ ɔyatɔpa.

8 Ɖlɔmɔ Egyptefɔ abiti,
 pú amú mbwɪ tsɔkwu fée.

9 O Egypte, ɔlɔwa osuna mǎ́ ofula, ɪleba mlɔsɔ,
 owie mua mu asumpu fée.

10 Ɖleda ɔmǎ́-ɔmǎ́ bwie,
 mɔ awie atumipu:

11 Amorifɔ owie Sihon, Basanfɔ owie Og
 pú Kanaan ɔsulɔsɔ awie fée.

12 Ɖlɔpu amú ɔsulɔ bwe siadie
 ha mu aha Israelfɔ.

13 Oo Nana Bulu, fu ida bétsia bre fée.
 Békaun fusu amú uluntɔ fée.

14 Nana Bulu obówun mu asumpu nwe,
 ha mu aha asu.

15 Ɖmǎ́ bambasufɔ butɔpu sika pepe mǎ́ fututu bwe atunku.
 Anyankpɔsa ibi ɔnɔ gyumagiye igyi.

16 Atunku amu bubu ɔnɔ, butamatɔ;
 bubu ansibi, butamawun atɔ.

17 Bubu asu, butamanu asun;
 butamafu ɔɲe.

18 Atunku amu apwepu pú aha ání butɔpu ansɪ dinka músu fée
 bóbwe fe atunku amu.

19 Israel woyi, mlɪkanfu Nana Bulu!
 Aaron woyi, mlɪkanfu Nana Bulu!

20 Lewi woyi, mlɪkanfu Nana Bulu!
 Mlǎ́ mlɪtenya Nana Bulu ifu, mlɪkanfu mu.

21 Mlɪkanfu Nana Bulu Sion wulutɔ.
 Múá otsie Yerusalem.
 Mlɪkanfu Nana Bulu!

Uv 136

Bulu Ɔdweá Ima Ɔka Bu Unv Bre Féé

- 1 Mlida Nana Bulu ipan, tsufe ɔbu ale.
Mu ɔdweá ima ɔka bu unv bre féé.
- 2 Mlida Buluá ɔdun ikpi féé ipan.
Mu ɔdweá ima ɔka bu unv bre féé.
- 3 Mlida awieto-owie ipan.
Mu ɔdweá ima ɔka bu unv bre féé.
- 4 Mu nkɔle tɔbwe ofula akpɔnkpɔnti.
Mu ɔdweá ima ɔka bu unv bre féé.
- 5 Mɔlɔpu mu asun-asunu bwe ɔsusu.
Mu ɔdweá ima ɔka bu unv bre féé.
- 6 Mɔletɛi ɔsulɔ dinka ntsusu.
Mu ɔdweá ima ɔka bu unv bre féé.
- 7 Mɔlɔbwe owi múa ɔtsra dinka nwulutasu.
Mu ɔdweá ima ɔka bu unv bre féé.
- 8 Mɔlɔbwe owi ání igyi ɔyikehesu.
Mu ɔdweá ima ɔka bu unv bre féé.
- 9 Ɔlɔbwe ɔtsra múa ntsrakpabi ání bugyi onyesu.
Mu ɔdweá ima ɔka bu unv bre féé.
- 10 Mɔlɔmɔ Egyptefɔ abiti.
Mu ɔdweá ima ɔka bu unv bre féé.
- 11 Mɔlekpa Israelɔ dalɔ amúɔ.
Mu ɔdweá ima ɔka bu unv bre féé.
- 12 Mɔletunkɔ mu tumi tɔbɔ pɔle amú.
Mu ɔdweá ima ɔka bu unv bre féé.
- 13 Mɔlɔbɔɔ Ɔpu Pepetɔ anyɔ.
Mu ɔdweá ima ɔka bu unv bre féé.
- 14 Mɔleha Israelfɔ bɔtsun múɔ.
Mu ɔdweá ima ɔka bu unv bre féé.
- 15 Mɔlekpa Farao mu isa akɔpu wa Ɔpu Pepetɔ.
Mu ɔdweá ima ɔka bu unv bre féé.
- 16 Mɔlekpa mu aha tsun dimbisu.
Mu ɔdweá ima ɔka bu unv bre féé.
- 17 Mɔlɔmɔ awie akpɔnkpɔnti.
Mu ɔdweá ima ɔka bu unv bre féé.
- 18 Mɔlɔmɔ awieá bobu ida.
Mu ɔdweá ima ɔka bu unv bre féé.
- 19 Mɔlɔmɔ Amorifɔ owie Sihon.
Mu ɔdweá ima ɔka bu unv bre féé.
- 20 Mɔlɔmɔ Basanfɔ owie Og.
Mu ɔdweá ima ɔka bu unv bre féé.
- 21 Mɔlɔpu amú ɔsulɔ bwe siadiɛ.

- Tsufe mu ɔdweá uma ɔka bu unv bre féé.
²² Mulɔpɔbwe siadie ha mu osumbi Israel.
 Mu ɔdweá uma ɔka bu unv bre féé.
- ²³ Mulekaun antsv breá beba anı ası.
 Mu ɔdweá uma ɔka bu unv bre féé.
- ²⁴ Mulele anı le adun ibı.
 Mu ɔdweá uma ɔka bu unv bre féé.
- ²⁵ Muteha togyitɔ atogyihe.
 Mu ɔdweá uma ɔka bu unv bre féé.
- ²⁶ Mlıda ɔsvsv Bulu ipan,
 tsufe mu ɔdweá uma ɔka bu unv bre féé.

Uv 137

Sionsv Kaun

- ¹ Babilon ntsu ɔnɔ anuletsia su,
 breá anulekaun Sionsv.
- ² Antlesi anı nsankuo sian
 unv nyısv,
- ³ tsufe unv anı ndoun akıtıpv Babilonfɔ bodunka uv tsu anı wa nı.
 Anı iwıɔsin awıpv anftı beblı bee,
 “Mlıwa Sion uv kule pıwa anı ansıgyı!”
- ⁴ Nkalı abówa Nana Bulu uv ɔdı?
- ⁵ Oo Yerusalem, nı netan fısv a,
 Bulu ɔha mı gyɔpı itan ɔsankuodısv!
- ⁶ Nı mmekaun Yerusalemsv,
 nte nekina mu dwe dun tɔá uhe bu mı ansıgyı a,
 mı ɔdandv ibııabia, umátalı tra wa uv.
- ⁷ Nana Bulu, mátan tɔá Edomfɔ bɔbwe
 ekeá Yerusalem ledıdasv.
 Bɔkplɔn bee, “Mlıbwıe mú da! Mlıbwıe mú da!
 Mlıbwıe mú yekıta mú ntswıası féé da!”
- ⁸ Oo Babilonfɔ, Bulu obéyınta mı.
 Bulu oyula ɔha amsv alıpv
 tɔá mlılıpv gyı anı ka mı ıko amv!
- ⁹ Ansv ıgyı aha ání békıta mı abi bɔbwe,
 fıın da abutasv.

Uv 138

Bulu, Fu Gyɔɔɔɔ Ibi Tɔhɔ Mɔ Nkpa

Dawid ltv.

- 1 Oo Nana Bulu, nɔɔɔ mɔ klɔn fɛ́ɛ da fu ɔpan.
lkɔɔ amɔ ansitɔ nde ulv wa kanfu fu.
- 2 NÓko nwuntɔ wa sɔsɔ fu ɔtswekpa,
da fu ɔpan fu ɔdweá ima ɔka pú fu ɔnɔkwali sɔ,
tsufe fatsu fu ida mɔa fu asun fva dafa togyitɔsɔ.
- 3 Ekeá nokpoli fu a, fɔsɔ mɔ ɔnɔ.
Feha mɔ ɔkla lenya ɔwɔnlɔn tsia.
- 4 Oo Nana Bulu, ɔsɔsɔ awie fɛ́ɛ békanfu fu,
tsufe banu fu ɔnɔɔ asun blihe.
- 5 Bówa fu bwehe wanklaan twi ulv,
tsufe fu numnyam lehie moni.
- 6 Iná Nana Bulu bu ɔsɔsɔsɔ koraa a,
ɔtele ansi kɔ iwiasɔ abapɔ,
tame ɔbu ifɔ twi atsupɔ wa.
- 7 Asun wunhe lobomli mɔ,
tame félawá mɔ ɔwɔnlɔn.
Fótswɔ ibi kɔta mɔ le mɔ alupɔ ɔblɔ ɔnɔ.
Fu gyɔɔɔɔ ibi tɔhɔ mɔ nkpa.
- 8 Nana Bulu, fégyi fu nhɔhesɔ ha mɔ.
Fu ɔdweá ima ɔka bu unv bre fɛ́ɛ.
Fu ibi ɔnɔ atɔbwehe angyi, makina anɔ.

Uv 139

Bulu, Tete Mɔ Klɔntɔ Kɔ

Dawid kanfu-iltv ha ulv osunapɔ.

- 1 Oo Nana Bulu, fatete mɔ uklɔntɔ kɔ,
fabɔ mɔ.
- 2 Fuyin mɔ asutsia pú mɔ kusubi.
Fubɔ tsutsuutsu fuyin mɔ agywun kugyiku.
- 3 Futeki mɔ natɔ pú mɔ kledtsɔ,
fuyin mɔ ukpa fɛ́ɛ wanklaan.
- 4 Oo Nana Bulu, asa asvankɔ bédali tsu mɔ ɔnɔ a,
fuyin mɔ fɛ́ɛ dodo.
- 5 Fakpa mɔ wa twitɔ,
pɔ ibi bun misɔ.
- 6 Asun anftɔ bi ihie bu mɔ ifu!
Ulehie fva dɔn mɔ, mmetalɔ nu mɔ asi.
- 7 Nkɔnɔ nétalɔ natɔ si fu ɔɔɔ amɔ yɔ?

- Nte nkuvu nésrɪ si fu yɔ?
- ⁸ Nɪ nɔɔɔ yɔ ɔsusu a, futsie unv.
Nɪ neyekledɪ afulitɔ kɔraa a, fubu unv.
- ⁹ Nɪ nɔkusu nyankɪ kwe ate,
fuli yetsia ɔpu ɔbun kɔraa a,
¹⁰ fu ken ɔbékpa mɪ.
Fu tumi ɔbékɪta mɪ kinkin.
- ¹¹ Nɪ nebli mbee, “Okulun ibun mɪsu,
wankɪá olobomli mɪ iklun bwe onye kɔraa a,”
¹² okulun amu imokulun ha fu.
Uɔwankɪ fe ɔyikehe,
tsufe okulun mɔ́a wankɪ féé igyi ukule fu ansitɔ.
- ¹³ Fɔlɔbwe mɪ iwɪ atɔ kugyiku,
fɔputsa aba mɪ yin iputɔ.
- ¹⁴ Ntekanfu fu, tsufe alɪá fɔpubwe mɪ bu ifu,
ubu wanwan.
Fu gymagyihe bu ifu,
nhɛ nyin mɔ́ alɪ.
- ¹⁵ Mɪ awu kuku meɣain fu
breá fɔbwe mɪ ɣaintɔ.
Fehɛ tru mɪ wa abato mɪ yin iputɔ.
- ¹⁶ Fɔpu ansibi wun mɪ breá ngyi obugya-klun.
Fɔwanlun nkeá négyi féé wa fu ɔwulutɔ dodoodo
asa betakwu mɪ.
- ¹⁷ Oo Bulu, fu agywun bu mɪ labi dɔbɪ!
ɪɔvɪ mɪ kla.
- ¹⁸ Nɪ nɔɔ mbɔɔtɪá nékla mɔ́ a, ɪɔvɪ ɪsɪ.
Breá nɔkusu nyankɪ a, fu wa ntra mbu.
- ¹⁹ Oo Bulu, mɔ́ lalahe abwepu,
obugya atsitsapu abudalɪ mɪ iwɪ.
- ²⁰ Butetɪ fu ɪda lalahe bregyibre,
bwe lalahe kusu lu fusu!
- ²¹ Oo Nana Bulu, ye fuyin ánɪ ntehe lu aha ánɪ butolu fu,
ntekisi aha ánɪ butɔkusu lu fusu?
- ²² Ntehe lu amó,
nakla amó wa mɪ aluputɔ.
- ²³ “Oo Bulu, tete mɪ kluntɔ kɪ, afubi alɪá ngyi.
Sɔ mɪ kɪ, afubi mɪ agywun kugyiku.
- ²⁴ Kɪ bee, agywun lalahe ɪku bu mitɔ,
afukpa mɪ tsɔn ɔkpa wanklaansu bre féé.”

Uv 140

Maha Mɪ Alupu Abɔgyi Mɪsu

Dawid kanfu-uv ha uv osunapu.

- ¹ Nana Bulu, le mɪ tsu lalahe abwepu ibi,
afɔgyi iban wa mɪ tsu awuntɔlnpu ibitɔ.
- ² Butɔgywuun agywuun lalahe,
le isa bregyibre.
- ³ Amú ɔdandv bu ogya fe iwɔ.
Amú ɔntɔ asun bluhe tɔmɔ fe ube-elin. lya.
- ⁴ Oo Nana Bulu, le mɪ tsu aha lalahe ibi,
afɔgyi iban wa mɪ tsu awuntɔlnpu anft
budekleá béle mɪ da anft ibitɔ.
- ⁵ Iwɪ atsupv bafntɪ mɪ ayibi nain,
bawa ɔyɔ ha mɪ.
bafntɪ agbla mɪ ɔkpasv ha mɪ. lya.
- ⁶ Nana Bulu, nde fv bla mbee, “Fɔgyi mɪ Bulu.
Oo Nana Bulu, nu mɪ ɔme. Yaa asv afonu mɪ kokoli.”
- ⁷ Oo Nana Bulu, mɪ Wie, mɪ Ɔwɔnlɪnpvɔ ɔtɔhɔ mɪ nkpa,
fvlɔpv atɔ bun mɪ nwunsv isa ɔkɔke.
- ⁸ Mábwe tɔá aha lalahe budekle ha amú.
Máha agywuun ání budekita iba mótv, menɪ bumóotsu iwɪ. lya.
- ⁹ Maha mɪ alupu amv abɔgyi mɪsu.
Ha amú onuto ɔntɔ asun lalahe amv iyinki yɔ amúsv.
- ¹⁰ Ha agyawunuá idehɔ ibun amúsv.
Tseɪ amú wa ɪlantɔ, ɔtineá buméetalɪ dalɪ ekekekeke!
- ¹¹ Máha ahasv atɔpv abunya atsiále ɔsulsv.
Ha lalahe itsia tv awuntɔlnpu amv ɔsasv.
- ¹² Nyin ání Nana Bulu tegyi bua aha ání buma tɔtɔ.
Otegyi asun ɔnɔkwalsv ha ahianfv.
- ¹³ Ee, aha yile békanfv fv ida.
Aha ání amú asun da ɔkpa bétsia fv wa.

Uv 141

Bulu, Nde Fv Kpoli

Dawid kanfu-uv.

- ¹ Oo Nana Bulu, fv ndekpoli, kɔsv ba mɪ wa.
Yaa asv nu mɪ ɔme, afvɔɔ mɪ ɔnɔ.
- ² Mɪ mpai tva fv ɔfan fe ɔhɪen,
afvɔhɔ mɪ ɪbíá natsv fva fe ntupwesv afɔdɪe.

- ³ Oo Nana Bulu, ki mi tɔtɔ,
 menti mmééblɛ asun lalahe,
 afɔgyo mi ɔwɔ.
- ⁴ Máha lalahaɛbwe idinka mi ɔwɔlɛ,
 antsia bwe lalahe.
 Máha mi antsia lalahe abwepu ɔpasuato,
 amó ato debidebi idinka mi ɔwɔlɛ.
- ⁵ Ha ɔha yile ɔputi mi ato,
 awɔtɔle alawa ha mi.
 Ha ɔha yile otswii mi, dwe ɔtɔdwe mi.
 Máha mi ankina mú,
 tsufe mi mpaɛ tɔkusu lu lalahe abwepusu.
- ⁶ Nɛ bekpa amósu agyipu tsu abutasu beda a,
 lalahe abwepu amu bónu mi asun, wun ání ɔwɔkwali igyi.
- ⁷ Alɛ amuvu butobwie abwi, utɛdasan wuli ɔsulusu amu a,
 alɛ amú awu bédasan, bumóopula amú ni.
- ⁸ Tame mi Wie Nana Bulu, mi ansɛ dɛn fusuá fékpa mi.
 Fɛ natanu, máha abumɔ mi.
- ⁹ Máha mi ankpa wie ayibiá bafuni mi,
 pú lalahe abwepu amu agblato.
- ¹⁰ Ha amú onuto awɔle ɛle amóto,
 afuha mi annyanki músu tsun.

Ulu 142

Bulu, Fɔgyi Mi ɔtanokpa Aktankpapu ɔsulɛ Anfisɛ

Dawid atosuna ulá ɔlwa bréá ɔbu ibwi-ɔbɔtɔ.

- ¹ Ntosu kpoli Nana Bulu,
 pu mi ɔme kokoli mu.
- ² Ntebla mu mi ukplan,
 pu mi asun wunhe tswi mu ansito.
- ³ Ni ukpɔn mi ɔkla a,
 fuyin ɔtneá nótson.
 Bafuni ayibi
 mi ɔkpa tsunhe kugyikusu.
- ⁴ Ni nedamli ki mi gyɔpɛsu a,
 mma ɔha bihe ɔkuku.
 ɔtanokpa kuku utrama mi unu.
 ɔhaa tamatsu kuku le mi asuntɔ.
- ⁵ Oo Nana Bulu, fɛ ndesu kpoli.
 Ndeblɛ mbeɛ, “Fɔgyi mi ɔtanokpa
 pú mi ogyikpa, aktankpapu ɔsulɛ anfisɛ.”

- ⁶ Kokoli, yaa asv afonu mi isu,
tsufe bahte ba mi asi.
Ho mi le misv adinkapu ibito,
tsufe bohie bubu onlun dun mi.
- ⁷ Le mi obu anfi nda anfito,
meni néda fu ipan.
Aha yile bóbomli mi,
tsufe féha ibówa ale ha mi.

Uv 143

Bulu, Fusu Mi Ansu Din

Dawid kanfu-ulv.

- ¹ Oo Nana Bulu, nu mi kokoli.
Onokwalupu fugyi. Mú sv yaa asv afonu mi ipabwii.
Fu yilebwe sv so mi ono.
- ² Fu osumbi ngyi, mágyi mi asun,
tsufe nyankpusa okuku mégyi yile obwepu fu ansito.
- ³ Tsufe mi olupu amv din misv,
alayia mi manta osvuto.
Alaha ntsie oklunto, fe oha ání olowu dodoodo.
- ⁴ Iní sv ilakpon mi okla,
mi klón lakpawie mi iwito.
- ⁵ Nakaun bumbisu.
Nagywun fu bwehe féé,
pú fu ibi ono gyumagyihe iwí.
- ⁶ Natsu ibi fva sisi fu,
tsufe fu iwí omewuli de mi okla,
fe osvul de ntsu dunka lilito.
- ⁷ Kokoli Nana Bulu, wa oja so mi ono.
Toto bwe ma mi unv.
Mádamli oma ha mi,
ni megyi ali nóbwe fe aha ání buda afulito.
- ⁸ Ha mi anwun fu odweá uma oka nyankigyinyanki,
tsufe fusu mi ansu din.
Suna mi otineá ntsun,
tsufe fu ibito napv mi okla wa.
- ⁹ Oo Nana Bulu, kokoli le mi mi alapu ibito,
fu nasri tanv.
- ¹⁰ Fugyi mi Bulu,
suna mi fu odwela.
Fu Oje wanklaan okpa mi tsun okpa tswiihesv.

lya.

- ¹¹ Oo Nana Bulu, fu ıda su laha mi nkpa.
Fu yilebwe su le mi tsu ıkplantɔ.
¹² Fu ɔdweá uma ɔka su le mi alupu unu,
afumɔ aha ání budun misu,
tsufe fu osumbi ngyi.

Ulu 144

Bulu Teha Awie lsvgyi

Dawid ulu.

- ¹ Bɔkanfu Nana Bulu, mugyi mi buta.
Mutosuna mi isa kɔ.
² Mugyi mi ɔdweá uma ɔka pú mi onjainkpa kpikpli,
mi okpikplikpa pú mi ɔlepɔ.
Mugyi mi iban ání nteɲain muto,
ɔteba ɔmá-ɔmá ası wa mi ası.

³ Oo Nana Bulu, ntɔ ɔha gyi, mu asun tehian fu alı?
Nte ntɔ nyankpɔsa gyi, su futɔgywun mu ıwı alı?
⁴ Nyankpɔsa gyi fe afu,
mu nkpa igyi fe yiyiá ıdeka tsun.

⁵ Oo Nana Bulu, ne fu ɔsusu ba ayası, afukpli ba.
Pu ibı da abu, ogyası ıdalı tsu múɔ.
⁶ Ha nsantɔ ıkpa ogya, fu alupu abudasau.
Tswı fu mbun wɔ amú, abugyigya.
⁷ Tswı ibı tsu ɔsusu,
buta mi le ntsu klukluto,
afuhɔ mi le afɔɔ ibı.
⁸ Amú ɔnɔ tamablı ɔnɔkwalı.
Beka ntam, butamagyi músu.

⁹ Oo Bulu, nɔwa ulu pɔpwe ha fu,
da ufe idu ɔsankuo kanfu fu.
¹⁰ Futeha awie butegyi usɔ,
futele fu osumbi Dawid ɔdayı ɔnɔ.
¹¹ Le mi, afuhɔ mi le afɔɔ anfi,
amú ɔnɔ tamablı ɔnɔkwalı,
beka ntam, butamagyi músu anfi ibıɔ.

¹² Ha anı abi yinhe yasɔɔ ıbwe fe iyi danheá ıbu ale.
Anı abi tsihe abɔwa akıle fe owie-woyi okonkisu-ɔkpabi.
¹³ Atɔ-abi ɔtsantsan ıbula anı ıdan,
anı akufa múa akpala abuklei yee,
bwe mpımdu-lafa anı mbwı ogyikpa.
¹⁴ Anı nnantswie buklei yee.

Ometsitsa mú ɣɔ tsutsuutsu, ɔkuku mákina kwu.
Bumatra nu bubu ant abrɔnɔvɔ.

- ¹⁵ Ansi igyi ɔmá ání bénya oyula anfi odu.
Ansi igyi aha ání Nana Bulu gyi amó Bulu.

Uv 145

Nana Bulu Tegyi Mu Asɔn Féésu

Dawid kanfu-uv.

- ¹ Mɩ Bulu pú mɩ Wie, nótsu fu fva,
kanfu fu ida bre féé.
² Nékanfu fu ekekegyieke,
wa fu ida numnyam bre féé.
³ Nana Bulu, fomoni,
ɩkanfu letsia fu.
Ohaa méetalɩ bɩ alá fomoni.
- ⁴ Ulntɔ kugyiku béle fu gymagyihe bla amó abi-aná.
Béle fu gymagyihe akpɔnkpɔntɩ ɔwan.
⁵ Nétsia gywun fu numnyam kpɔnkpɔntɩ
pú fu ofula akpɔnkpɔntɩ ɩwɩ.
⁶ Ohagyioha ɔbéda fu ofula akpɔnkpɔntɩ ɔkan.
Mɩ ɛ néblɩ alá fɔkuku moni.
⁷ Béle fu awitɔle tsɔtsɔtsɔ amɩ blɩ;
kplɔn wa uv ansigyisɩ kanfu fu yilebwe.
- ⁸ Awitɔlepɩ mɩa nwe owunpɩ Nana Bulu gyi.
Otamakɔsi nya ɔblɩ, mu ɔdweá ɩma ɔka ɩhe tsɔ.
⁹ Nana Bulu bu alɛ ha ohagyioha.
Mu nwewun ɩdɩn mu atɔ bwehe féésu.
- ¹⁰ Oo Nana Bulu, fu atɔ bwehe féé béda fu ɩpan.
Aha ání butamakpa fu ɔma ɛ békanfu fu.
¹¹ Béblɩ fu iwie ogyikpa numnyam
pú fu tumi ɩwɩ asɔn.
¹² ɩbéha ohagyioha ɔbéle fu gymagyihe akpɔnkpɔntɩ blɩ,
fu iwie ogyikpa numnyam pú obúá ɩbu músu.
¹³ Fu iwie ogyikpa bu ɩnu bre féé.
Abi-aná béba ɔɔtu fu iwiegyi.
- Nana Bulu tegyi mu asɔn féésu
ɔbu awitɔle mu gymagyihe kugyikɔtɔ.
- ¹⁴ Oɔwa aha ání buɔɔɔɔɔ ɔwɔnɩn,
tswii aha ání baklowa lu.

- 15 Aha fée buki fu ansitá
féha amú atogyihe mú bretá.
- 16 Futesanki ibitá ha aktankpapu fée,
pú tǎá budekke bula amú.
- 17 Nana Bulu bwehe fée ida okpa.
Obu awitále mu gyumagyihe kugyikutá.
- 18 Oma ifo aha ání butokpoli mu wa,
aha ání butokpoli mu onokwalisu.
- 19 Otóbwe mu ifu anyapu atǎá budekke ha amú.
Otonu amú isu, ho amú nkpa.
- 20 Nana Bulu teki ohagyiha ání otódwe musu,
tame obómá lalaha abwepu fée.
- 21 Nóbwii oná kanfu Nana Bulu.
Ohagyiha obékanfu mu ida wankihe amu bre fée.

Ulu 146

Bulu Teki Afóosu, Kpa Awumbi Múa Asurapu

- 1 Kanfu Nana Bulu!
Oo mi okla, kanfu Nana Bulu!
- 2 Iná ntsie nkpa a, nékanfu Nana Bulu.
Nówa ulu kanfu mu mi nkpatá fée.
- 3 Mlumápu ansi duka awie pú anyankpusasu.
Buméetalu ho mli nkpa.
- 4 Ni anyankpusa oje idali amótá a, buteyinki yo isitá.
Amú nhuhé fée táfwi eke amu eke amu.
- 5 Ansi igyi aha ání Yakob Bulu gyi amú buale ogyipu,
bude amú Bulu okpa ki.
- 6 Mutóbwe osu múa asi,
opu múa atǎá ibu mú féétá,
ode mu onokwalitá bre fée.
- 7 Otegyi asun onokwalisu ha aha ání bude amú sisi,
oteha aha ání akun de amú atogyihe.
Nana Bulu tele obu adtupu obu.
- 8 Mutobwii ansibi abwepu ansibi,
ototsu aha ání baba amú asi kusu.
Otekle yile abwepu asun.
- 9 Oteki afóosu, kpa awumbi múa asurapu;
tame oteyinta lalaha abwepu nhuhé.
- 10 Nana Bulu de iwie gyi bre fée.
Sionfo, mli Bulu amu obégyi iwie ulintá fée.
Mlikanfu Nana Bulu!

Ulv 147

Bulu Lala Ɔde Yerusalem Wulu Da

¹ Mlkanfu Nana Bulu!

Ubu aleá abówa ulv kanfu aní Bulu.
tsufe ubv ɔdwe, iletsia mv.

² Nana Bulu lala ɔde Yerusalem wulu da.
Ɔde Israelfóá olegya wa aputu kpa ba.

³ Ɔtetsa aha ání asvn ladvn amó,
yia amó ɔlv, wa mú afa.

⁴ Oyin ntsrakpabi ɔdvdvɔ,
ɔleha okugyiɔkv ida.

⁵ Aní Wie lomoni, ɔhe ɔbv tumi!
Mv asvn-asvnu uma ɔka.

⁶ Ɔtekpa ahianfó,
ɔtefn awuntɔlnpv da ɔsvlvɔ.

⁷ Mlwa ansigyí ulv da Nana Bulu ípan.
Mlida nsankuo ha aní Bulu amv.

⁸ Ɔtɔpv agyinde tin nwsvlvta,
ha nyankpv totswie wvl ɔsvlvsv,
ɔteha ífa tɔkwe abvsv.

⁹ Ɔteha mbwí atogyihe,
ha klankpa-abi atɔ butegyí ní budesu.

¹⁰ Mv ansv tamagyi ɔpɔnkɔá ɔbv ɔwsvnlsvsv,
ɔsvrvp ayabi ɔsa tamagyi mv ansv.

¹¹ Aha ání butenya Nana Bulu ífu,
bvɔpv ansv dínka mv ɔdweá uma ɔkasv
mboun íwí tegyi mv ansv.

¹² Oo Yerusalemfó, mlkanfu Nana Bulu.
Sionfó, mlkanfu mlí Bulu!

¹³ Tsufe mvteha mlí wulu ɔkv aklvn tɔwa ɔnlvn,
otoyula wulu amvɔv abi.

¹⁴ Mvteha mlí ɔmátv tolwii,
ɔtɔpv atogyihe wanklaan bula mlí.

¹⁵ Mv ɔle ɔkv,
ítvkvsv ba mótɔ ɔsvlvsv.

¹⁶ Ɔteha atsufɔlv^h tesin ɔsvlvsv fe opulí-mputv.
Ɔteda obétsu saun fe nsuo.

¹⁷ Mvteha atsufolibi tekpa tsu ɔsvsv.
Ma ɔbétalí lú mv atsali ɔkv?

¹⁸ Ɔle ɔkv iteye.

- ¹⁴ Alawa mu ɔmá ɔwɔnɔlɔn.
 Mu aha ání butamakpa mu ɔma
 pú mu tklɔnsu aha Israelfɔ bɔkanfɔ mu.
 Mlɔkanfɔ Nana Bulu!

Ulv 149

Aha Ání Butamakpa Mu ɔma Numnyam

- ¹ Mlɔkanfɔ Nana Bulu!
- Mlɔwa ulv ɔɔpwe ha mu,
 amlɔkanfɔ mu aha ání butamakpa mu ɔma ɔpasuatɔ.
- ² Israelfɔ, iwɔ ɔsankɔ mlɔ mlɔ ɔbwepu iwɔ.
 Sionfɔ, mlɔnya mlɔ Owie iwɔ ansigyi.
- ³ Mlɔtsa, amlɔda nsankuo ɔtsantsan.
 Mlɔwa ulv, amlɔkpɔnkɔ akatsa kanfɔ mu ida.
- ⁴ Tsufe Nana Bulu ansɔ tegyi mu aha iwɔ.
 ɔtɔpɔ nkpaɔ dida iwɔasɔ abapɔ.
- ⁵ Mlɔá mlɔtamakpa mu ɔma, mlɔnya ansigyi,
 tsufe alawa mlɔ numnyam.
 Mlɔwa ansigyi ulv mlɔ ɔklansu.
- ⁶ Bulu-kanfɔ ihɛ dɔnka mlɔ ɔnɔsɔ,
 ɔdayi iya anyɔ itsia mlɔ ibɔtɔ,
- ⁷ menɔ mlɔpɔka ɔmá-ɔmá ɔkɔ,
 bitɔ aha ɔsu.
- ⁸ Mlɔwa amú awie kplakitsi,
 wa amú aha ání numnyam bu amúsu datɔ-tkan.
- ⁹ Mlɔpɔ asɔn ání bɔwanɔlɔn tswɔ bitɔ amú ɔsu.
 lɔn gyi aha ání butamakpa mu ɔma féé numnyam nɔ.
 Mlɔkanfɔ Nana Bulu!

Ulv 150

Aktankpatɔ Okugyiɔkɔ ɔkanfɔ Nana Bulu

- ¹ Mlɔkanfɔ Nana Bulu!
- Mlɔkanfɔ Bulu mu otsiakpa.
 Mlɔkanfɔ mu ɔwɔnɔlɔn nɔwɔlɔtasɔ!
- ² Mlɔkanfɔ mu, mu gyumagyihe akpɔnkpɔntɔ su.
 Mlɔkanfɔ mu, mu moniá idɔn bli su!
- ³ Mlɔfulɔ ikpe kanfɔ mu,
 amlɔda nsankuo kanfɔ mu!
- ⁴ Mlɔkpɔnkɔ akatsa, amlɔtsa.
 Mlɔda akwe, amlɔfulɔ ntente kanfɔ mu.

⁵ Mlipu tseintsein,
pó m'á m'ú ɔnɔ thɛ bu ɔnlɔn kanfu mu!

⁶ Akɔankpatɔ okugyiɔku ɔkanfu Nana Bulu!

Mlikanfu Nana Bulu!

New Testament

Tame bawanlun un, menı mlóhogyiá
Yesu gyi Bulu mu Bi Kristo amv. Ason
anfısv hogyi ɔbéha mlénya nkpa ání
itamata mu ıdatɔ nı.

Yohane 20:31

Ɖwulɔ Anfitɔ Asun Iwɔ Atosunahe

Amansu Ɖwulɔ Anfi Deblɔ?

Iɔɔtɔ tsu anɔ Wie Yesu Kristo nkɔatsia pɔ mu atosunahe, mu sumbi ayɔpɔ pɔ ɔpasua gyankɔpɔvɔ amu iwɔ. Iɔvɔ mɔtɔ́á oletsia ɔyitɔ lawa ɔpá, tame mu atosunahe amu itra bu labi ha anɔ nde. Mú sv Bulu lebli ɔbee, buɔa mú ɔkan fia ɔyi ni. Igyi asun ánɔ ɔlebla anɔ alɔ́á Bulu tɔdwe anyankɔpsa, alɔ́á Yesu lɔbɔbwe nyankɔpsa, ɔlɔpɔ mu iwɔ le mbusuo anɔ nwunsv, pɔ mu obugya gyɔra anɔ le anɔ tsu ɔyi anfitɔ owie Ɖbɔnsam tumi asɔ. Bulu mu Bi Yesu Kristosv hogyi sv a, Bulu leɔɔnkɔ mu ɔblɔ́á ɔbɛ́ba ɔyitɔsv le ansv. Mú sv anɔa munyɔ anɔtsie iwɔlwiitɔ, abɛ́tsia nkɔa ánɔ itamatatɔ mu iwie ogyikɔa unv. Ɖɔɔe Wankiɔhe tumi amsv igyi Bulu atokieɔhe ha aha ánɔ bɔhɔ mu gyi amu ɔlaha abɛ́talɔ tsia nkɔa ánɔ ilegyi mu ansv kɔɔɔvɔn breá ɔbɛ́sankɔ ba.

Ma Lɔwanlɔn Ɖwulɔ Anfi?

Griki ɔblɔ́tɔ bɔwanlɔn nɔwulɔ advanyɔ-sienɔ (27) anfi ɔlɔbwe Bulu Ntam Pɔpwe anfi. Mú awanlɔnɔvɔ amu ɔɔɔɔɔɔ bowun Yesu, muva amúnɔyɔ betsia. Yesu lebla amú yai ɔbee, “Ɖɔɔe Wankiɔhe amu obɔ́suna mli togyitɔ. Ɖbɛ́ha mlé-kaun togyitɔ́á nebla mltsu.” (Yoh. 14:26). Lele Ɖɔɔe Wankiɔhe amu lekaun amú bɔwanlɔn togyitɔ tsv. Aha bohogyiá megyi anyankɔpsa asun blɔhe keke igyi, mboun Bulu Asun igyi lele (1 Te. 2:13). Ni fu e fɔhɔ asun anfi sv gyi a, fényá nkɔpáhɔ (1 Pe. 1:23). Iɔ́á Bulu detɔ kɔla anɔ ɔwulɔ anfitɔ sv a, fiálɔ anumé-etalɔ nu mú féé asɔ, otse gyankɔpɔvɔ́ abé́kla mú. Tsufe Bulu agywun igyi ɔtsan ha nyankɔpsa kle. Mú sv Bulu Ntam Pɔpwe anfi igyi ɔwulɔ́á abɛ́tsia kla, suan mɔtɔ asun pɔbɔ mpai ekekegyieke. Mú́á ɔɔvɔn a, ilehian ánɔ Ɖɔɔe Wankiɔhe amu ɔbɛ́kɔa anɔ. Bulu leɔhe anɔ yai ɔbee, mɔ́pɔ Ɖɔɔe amu ha ɔhagyɔ́ɔha ánɔ otobu mu, kɔlɔ mu Ɖɔɔe amu. Mú sv opio, kɔlɔ Bulu, ɔbɛ́ha fu (Lk. 11:13).

Asun Anɔ Itra Dehian

Nwulɔ amsv anɔlale wa Nkonyatɔ amu igyi mú́á bɔwanlɔn tsv. Mú́tɔ aku ɔtsan ɔtsan ha aba bre ɔkɔtɔ. Anɔlale mú asɔ, pɔwa daka [] anfi oɔtɔ. Iɔsuna ánɔ asun amsv ɔbu daka amɔtɔ amu ɔbu nwulɔ amu akɔtɔ, tame megyi mu féé́tɔ. Mlé́talɔ wun mú ɔku Yohane 8:1-11tɔ.

Asvankv nte ada aku e bu ɔwulɔ amɔtɔ́á ɔhe ɔbu asɔ. Anɔlɔpɔ ɔtuneá asun amu ɔbɔvɔ Ntam Pɔpwe anfitɔ wa ɔwulɔ amu ɔma, pɔtsua * asun amu asɔ. Mú ɔku ɔbu Mateo 1:1, igyi *Dawid pɔ *Abraham.

Nyɔsɔ Anfi Iwɔ Asun

Iɔni gyi otse nyɔsɔ́á balawanlɔn Ntam Pɔpwe anfi ni. Anɔlala tsetse ntobi aku. Gyankɔpɔvɔ amsv anɔlɔbwe ofi mpɔmnyɔ mú́a ɔɔtɔ (2010) amu ɔma. Anɔlala wanlɔn mú ɔɔnkɔ ɔkɔpa wanklaan ánɔ bɔpɔwanlɔn Nkonya asun amsv. Anɔlala mú bwe ɔwulɔ anfitɔ.

Introduction to the New Testament

This is a translation of the New Testament into the Nkonya language. The Nkonya people are located in the Volta Region of Ghana just north of the town of Kpando, beside Lake Volta. There are about 30,000 speakers of the Nkonya language.

What is the book about?

It is the history of the life and teaching of Jesus Christ, His apostles and the first church. Although Jesus lived a long time ago, His teaching is still very important for us today. It is so important that God commanded it to be proclaimed all over the world. It is the story of how God loves people. He became a man and gave Himself as a sacrifice to redeem the world from the power of Satan, the king of this world. Through faith in Jesus Christ, the Son of God, we are saved from the wrath of God which will come upon this world. Through Him we have peace with God and eternal life in His kingdom. By the power of the Holy Spirit which is God's gift to those who believe in Him, we are able to live the kind of life which is pleasing to Him until He will come again.

Who wrote this book?

The 27 books making up the New Testament were written in the Greek language. Most of the writers had seen Jesus, even lived with Him. Jesus had promised them, "The Holy Spirit will teach you everything and make you remember all that I have told you" (John 14:26). Truly the Holy Spirit reminded them and they wrote His message down. At all times there were people who accepted their message not as man's message but as the Word of God which indeed it is (1 Thessalonians 2:13). By accepting this word you too can be saved (1 Peter 1:23). Since it is God who is speaking to us in this book we may not understand everything the first time we read it. For God's thoughts are different from man's thoughts. The New Testament is a book which we have to study over and over prayerfully. As well, we will need the Holy Spirit to teach us. God has promised that everybody who asks for the Holy Spirit and obeys God will receive Him. So ask, and you will be given (Luke 11:13).

Some other matters:

The books we have translated are copies of what was written down. Sometimes there are small differences between the different copies. Sometimes we have explained these differences with a letter and explanation at the bottom of the page. Sometimes we have put the text in square brackets, []. This means that the text inside the brackets is in some copies but not all. You can see an example of this in John 8:1-11.

There are also some words or names that have special meaning in the New Testament. At the back of the New Testament we have given an explanation of the special meanings of these words. The first few times that these words appear, we put an asterisk in front of them. An example of this is in Matthew 1:1 -- *Dawid and *Abraham.

Asun Wanklaan Ání

Mateo

Lówanlín

Yesu Anain Ulnto

(Luka 3:23-38)

1 ¹Yesu Kristo, Owie ***Dawid** mu na, ***Abraham** mu na amu ulnto ni. ²Abraham lókwu Isak. Isak lókwu Yakob. Yakob lókwu Yuda mua mu apio yinhe^a ³Yuda lókwu Peres mua Sera. Amú yin gyi Tamar. Peres lókwu Hesron. Hesron lókwu Ram. ⁴Ram lókwu Aminadab. Aminadab lókwu Nahson. Nahson lókwu Salmon. ⁵Salmon lókwu Boas. Boas mu yin gyi Rahab. Boas lókwu Obed. Obed mu yin gyi Rut. Obed lókwu Yisai. ⁶Yisai lókwu Owie Dawid. Owie Dawid lókwu Salomo. Salomo mu yin gyi otsi ókwá teki ogyi Uria mu ka. ⁷Salomo lókwu Rehabeam. Rehabeam lókwu Abia. Abia lókwu Asa. ⁸Asa lókwu Yehosafat. Yehosafat lókwu Yoram. Yoram lókwu Usia. ⁹Usia lókwu Yotam. Yotam lókwu Ahas. Ahas lókwu Hiskia. ¹⁰Hiskia lókwu Manase. Manase lókwu Amon. Amon lókwu Yosia. ¹¹Yosia lókwu Yekonia mua mu apio yinhe. Mu bresu bekita Israelfo, hie amú bee buyetsia ***Babilon** ómáto ni. ¹²Amú Babilon yoto a, Yekonia lókwu Sealtiel. Sealtiel lókwu Serubabel. ¹³Serubabel lókwu Abihud. Abihud lókwu Eliakim. Eliakim lókwu Asor. ¹⁴Asor lókwu Sadok. Sadok lókwu Akim. Akim lókwu Elihud. ¹⁵Elihud lókwu Eleasar. Eleasar lókwu Matan. Matan lókwu Yakob. ¹⁶Yakob lókwu ***Yosef**, Yosef letsia ***Maria**. Maria lókwu Yesu. Yesu gyi ***Kristo**, (oha amvu Bulu lada mu ofuli amv) ni. ¹⁷Mú sv tsu Abrahamsu botu Owie Dawidsu bugyi anain ulnto duana. Tsu Dawidsu botu breá boyo Babilon ómáto e bugyi anain ulnto duana. Asa tsu amú Babilon yoto botu Kristo, (oha amvu Bulu lada mu ofuli amv) kwusu e bugyi anain ulnto duana.

Yesu Kristo Kwu

(Luka 2:1-7)

¹⁸Okpa anftsu Yesu Kristo kwu lótsun ni. Bopy ***Maria** ha ***Yosef** bee otsia. Tame asa bétsia, abufia ótsi mua oyin a, bowun ání Maria de ómé ***Oje**

a 1:2 Apio yinhe anfti gyi Israel abusuan duanyo amu anain ni.

Wankthe tumitɔ. ¹⁹Mu klu Yosef a, mu asun da ɔkpa, tame omekleá ɔbɔwa mu pelitɔ. Mú su ɔɔbwe agywun ání obékina mu ɣaintɔ. ²⁰Tame breá ɔde mú agywun bwe a, kí, ***Bulu-ɔbɔpu** ɔku lele iwí ɔwan suna mu okudetɔ, bla mu ɔbɛɛ, “Yosef, ***Dawid** mu na, mánya pelá fékpa fu ka Maria ba fu wa, tsufe ɔmé amuv ɔde amv itsu Ɔɣɛ Wankthe tumitɔ. ²¹Ɖbɔkwu obiyimbi, bédunka mu ida Yesu. (Mú así gyi, ‘Ɖlepu.’) Tsufe mu ɔbéle mu aha tsu amú lakpantɔ ní.”

²²Íní lɛha Bulu asun amuv ɔlebli tsun mu ɔɔɔsu ɔɔɔpusu amv ulɛba móto. ²³Ɖbɛɛ, “Kí, obitebiá ɔmɔkɔyɔ oyin wa kí obénya ɔmé. Ɖbɔkwu obiyimbi, bédunka mu ida Imanuel.” (Mú así gyi, “Bulu bu aní wa.”)

²⁴Breá Yosef letsinki a, olegyi asun amuv Bulu-ɔbɔpu amv lebla mu amuv. Oletsia Maria, kpain mu. ²⁵Tame ɔmɔpu ibi da Maria, kpɛfun breá ɔɔkwu mu bi yinhe gyankpavu, ɔledunka mu ida Yesu.

Anyansapu Ako Ba

2 ¹Breá Owie ***Herode** de iwie gyi Yudea ɔmáto ɔkwu Yesu wulu kuá buteti mú Betlehem, íbu Yudea ɔmáto unv. Mú ɔma a, anyansapu akvá butowun atɔ ntsrakpabito botsu owi ɔdalíkpa ɔmá kutɔ ba Yerusalem wuluto. ²Befite bɛɛ, “Nkuv bakwu ***Yudafɔ** owie amv? Anilowun mu osuna ání igyi ɔtsrakpabi owi ɔdalíkpa unv. Mú su aba bosum mu.”

³Owie Herode lonu asun anfi a, opuni letsii mva Yerusalemfɔ féé. ⁴Mú su ɔleti Yudafɔ Bulu ***igyi** ahapu dehen pú Mose ***mbla asunapu** féé fia, fite amú ɔtineá bɔkwu ***Kristo**, (ɔha amuv Bulu lada mu ofuli amv).

⁵Bebila mu bɛɛ “Betlehem wuluá íbu Yudea ɔmáto. Alí Bulu ***ɔɔɔsu ɔɔɔpu** ɔku lɔwanlín tswí ní. ⁶Ɖbɛɛ,

‘Fu Betlehem, Yudea wulu,

fomegyi wulu tukuriibi ɔkpagyiɔkpasu Yudea awulu yile amuto.

Tsufe ɔmásum ogyipu ɔku ɔbédahí tsu futɔá

ɔbékpa Bulu aha Israelfɔ.’”

⁷Mú su Owie Herode leti anyansapu amv nkule, fite amú breá bowun osuna ɔtsrakpabi amv, bebla mu. ⁸Muv ɔlɔwa amú Betlehem ɔbɛɛ, buyodunka kebi amv wanklaan. Ní bowun mu a, buyinki bebla mu, mení mu ε moyosum mu.

⁹Olenya bla amú ta alí benatí. Ɖtsrakpabi amuv bowun owi ɔdalíkpa amv, lékpa amú alí yelú ɔtineá kebi amv bu. ¹⁰Breá bowun ɔtsrakpabi amv a, ansí lehte gyi amú. ¹¹Bowie woyitɔ unv a, bowun kebi amv mva mu yin ***Maria**, beba akpawunu sum kebi amv. Besankí amú akentebi, bekie mu sika pepe, ***ɔhɛn** pú ***ohuam**.

¹²Mú ɔma a, Bulu lɔwa mbla ha amú okudetɔ ɔbɛɛ, bumáyínki yɔtsun Herode wa. Mú su ɔbɔtsun ɔkpa bambasú yɔ amú wuluto.

Yesu Mva Mu Akwupu Egyipte Ɖmáto Yɔ

¹³Breá anyansapu amv benatí a, ***Bulu-ɔbɔpu** lele iwí ɔwan suna ***Yosef** okudetɔ, bla mu ɔbɛɛ, “Kuvu, afukpa kebi amv mva mu yin srí ya Egyipte ɔmáto. Mlútsia unv yɔfun breá nébla fu mbɛɛ mluyínki ba, tsufe Owie Herode obódunka kebi amv, mɔ mu.”

¹⁴Mú su Yosef lɔkusu onye-onye amv, kpa Maria mva kebi amv srí ya Egyipte ɔmáto. ¹⁵Betsia unv yɔfun breá Herode lowu. Íní lɛha Bulu asun

ání ñleblí tsun mu ññsu ññpuru ññusu leba móto. Ɖbee, “Neti mi bi amu tsu Egyipte ñmáto.”

Betlehemfo Abi Mo

¹⁶Breá Owie *Herode lowun ání anyansapu amu bamle mu a, ñble lehie kita mu. Ɖlowa mu isa akõpu ñbee, buyo Bethlehem wuluto pú mú nkudasi, abuyomõ abi yinheá bahõ tsu nfinyõ ba ayasi féé. Tsufe anyansapu amu bebla mu bee, begyankpa wun ñtsrakpabi amu nfinyõ ni.

¹⁷lni leha Bulu asun ání ñleblí tsun mu ññsu ññpuru *Yeremiasu leba móto. ¹⁸Ɖbee,

“Bonu isu múa olu kvá umeka tin Rama wuluto.

Rahel de mu abi su. Omotsula ání bukpatá mu, tsufe butra buma unv.”

Yesu Mva Mu Akwupu Yinki Tsu Egyipte

¹⁹Owie Herode lowu ñma a, Bulu-ñõpu lele iwí ñwan suna Yosef okudeto Egyipte unv, bla mu ñbee, ²⁰“Kusu, afukpa kebi amu mva mu yin, amltyinki yo *Israel ñmáto. Tsufe aha amuv bodunka ání bómo kebi amu bawu.” ²¹Mú su Yosef lãkusu kpa kebi amu mva mu yin, beyinki yo Israel ñmáto.

²²Tame breá bowie unv a, olonu ání Arkelao latsia mu si *Herode obiasu, ñde Yudea ñmásu gyi. Mú su olenya ifuá ñõpuru kebi amu ya unv. Bulu lelawa mbla ha mu okudeto ñbee, ñpu mu ya Galilea ñmáto. ²³Mú su ñõyo yetsia Nasaret wuluto. lni leha Bulu asun amuv ñleblí tsun mu ññsu atõpusu ñbee, “Béti mu Nasaretyin” amu ileba móto ni.

Asu Ɖõpuru Yohane Bulu Asun Ɖkanda

(Marko 1:1-8; Luka 3:1-18; Yohane 1:19-28)

3 ¹Bre kvto a, Asu Ɖõpuru Yohane leba ñde Bulu asun ñkan da Yudea *dimbisu. ²Ɖbee, “Mludamli kluntõ amlisi lakpan bwe, tsufe *Bulu iwiegyi lawie woyi ta.” ³Yohane iwí asun *Bulu ññsu ññpuru *Yesaia lwan-lun ñbee,

“Ɖku ñekplun dimbisu ñbee,

‘Mlula aní Wie ñkpa.

Mlitswii ukpa ha mu’ ” amu ni.

⁴Yohane lãwa *kpõõ-imi atadte, ñõpu ñwulu-kpakpa ñfe kli músu. Atsan-tsanku pú ñkwen otegyi. ⁵Aha botsu Yerusalem wuluto, Yudea ñmáto pú Yordan bunkpa ññ awulu féésu ba bonu mu asun blihe. ⁶Bele amú lakpan bli, ñlõõ amú *asu Yordan ntsutso.

⁷Tame breá *Farisifo pú *Sadukifo tsõtsõõtsõ beba bee ñõ amú asu a, ñlefute amú ñbee, “Abe abi-aná, ntõ gya mli, mlisru Bulu isubiti amuv iba amu? ⁸Mumu mliswie abia íbõsuna ání lele mliladamli kluntõ. ⁹Mlumáku mluua, mli nain gyi *Abraham. Mú su Bulu méebiti mli isv. Nde mli bla mbee, Bulu ñbétali ha abwi anfi íbédamli Abraham abi-aná. ¹⁰Sei a, Bulu lapu efe yi nyi-atsitsitõ. Oyigyioyiá imoswie abi wanklaan a, bókun mú da, wa mú féé ogya. ¹¹Mi mú a, ntsu ndepuõ mli asu pusuana ání mliladamli kluntõ. Tame ñkvá ñdun mi bu ñma ñba. Mmõfun ání nõsvra mu ntukvta kvraa. Mu ñõpuru *Ɖje Wankthe pú ogya ñõ mli asu ni. ¹²Ɖde mu ulun, ñõpufuni ntete le ayo amutõ.

Ɖbékpa ayo amu wa mu odudutɔ, tame ɔbéfɛi ofunikpa unu wanklaan; kpa ntete amu wa ogya ání utamaduntɔ.”

Yesu Asubɔ

(Marko 1:9-11; Luka 3:21-22)

¹³ Yesu lotsu Galilea ɔmátɔ ba Yordan ntsu ɔnɔ Yohane wa ɔbɛɛ, ɔbɔ mu asu. ¹⁴ Teki Yohane motsula ání ɔbɔbɔ mu asu. Inu su ɔlebla Yesu ɔbɛɛ, “Mú ilehian ání fɔbɔ asu. Nkali igyi su faba fɛɛ, mú ɔbɔ fu asu?”

¹⁵ Yesu lebla mu ɔbɛɛ, “Sei a, ha atsu mú alɔ asa, tsufe ilehian ání abɔbwe togyitɔá ida ɔkpa Bulu ansutɔ.”

Mú su Yohane lotsula. ¹⁶ Brɛá ɔbɔbɔ Yesu asu ta, Yesu ledalɔ ntsu amutɔ alɔ nwulɔta lefinkí, olowun Bulu Ɖɛɛ deklɔ fe abɔɔɔɔma, ilobogyonka musu. ¹⁷ Inu ɔme ku tsu ɔsusu ɔbɛɛ, “Ɖni gyi mú Biá ntɔɔdwe mu, mú ansi tehie gyi mu twi nu.”

Yesu Isɔki

(Marko 1:12-13; Luka 4:1-13)

4 ¹ Inusu *Ɖɛɛ Wankthe amu lekpa Yesu ya ***dimbisu**, menɔ Ɖbunsam ɔbɔsɔ mu ki. ² Oletsia unu ***klɔ ɔnɔ** nke advana (40), onye advana (40). Mú su akun lehie kita mu. ³ Inu Ɖbunsam lɔsɔ mu ki, bla mu ɔbɛɛ, “Nɔ Bulu mu Bi fugyi a, mumu ha abwi anfi idamli bwe bodobodo.”

⁴ Yesu lele mú ɔnɔ ɔbɛɛ, “Bɔwanlɔn wa Bulu asun amutɔ bɛɛ, ‘Megyi atogyihe wule nyankpɔsa obégyi tsia nkpa, tame ɔpu Bulu asun blihe ε tsia nkpa.’ ”

⁵ Ɖbunsam lekpa mu ya Yerusalem wulu wankthe amutɔ. Ɖlɔpu mu yelu ***Bulu ɔtswekpa** obu amu ɔtantra. ⁶ Inu ɔlebla Yesu ɔbɛɛ, “Nɔ Bulu mu Bi fugyi lele a, tu kpayi. Tsufe bɔwanlɔn wa Bulu asun amutɔ bɛɛ,

‘Bulu ɔbéha mu abɔpu békpata fu ibutɔ,
menɔ fu yabi méeda ibwi kɔkɔsu.’ ”

⁷ Yesu lele mú ɔnɔ ɔbɛɛ, “Betra wanlɔn bɛɛ, ‘Mákapu fu Wie Bulu ki.’ ”

⁸ Mú ɔma a, Ɖbunsam lɔpu mu ya ibu fuahe kusɔ, olosuna mu ɔyitɔ iwie ogyikpa féé pú mú numnyam. ⁹ Musu ɔlebla mu ɔbɛɛ, “Nɔ feda akpawunu sum mi a, nɔpu unɔ féé ha fu.”

¹⁰ Yesu lebla mu ɔbɛɛ, “Ɖbunsam, nati teti musu! Tsufe bɔwanlɔn wa Bulu asun amutɔ bɛɛ, ‘Da akpawunu ha fu Wie Bulu. Mu nkule fu sum.’ ”

¹¹ Inu Ɖbunsam lenati mu wa, ***Bulu-abɔpu** beba beki musu.

Yesu Gyumagyihe Asutsua Galilea Ɖmatɔ

(Marko 1:14-15; Luka 4:14-15)

¹² Mú ɔma a, Yesu lonuá bakita Yohane tswɔ obu, oleyinki ba Galilea ɔsulɔsu. ¹³ Olotu tsu Nasaret wulutɔ yɔ Kapernaum wuluá ibu manta Galilea ɔpu ɔnɔ, Sebulon múa Naftali ɔsulɔsu. ¹⁴ Mu unu yɔ leha asun amu Bulu ***ɔnɔsu ɔtɔpu** ***Yesaia** lebli amu ileba móɔ. Ɖbɛɛ,

¹⁵ “Sebulon pú Naftali

ɔsulá ida Yordan bunkpa ɔnɔ, manta Galilea ɔpu.

Galilea ɔmátɔ ɔmá bambasufɔ butsie.

¹⁶ Aha anfi butsie okluntɔ anfi

bawun wanki kpɔnkpɔɔnkpɔnti kv.
 Butsie ɔsɔlvá lowu de iwie gyi músv.
 Wanki kv lawanki wuli amósv.”

¹⁷Tsu unv Yesu lefi asi ɔde Bulu asɔn ɔkan da, bli ɔbeɛ, “Mlɔdamli klɔntɔ,
 ***Bulu iwiegyi** lawie woyi ta.”

Akasɔpu Abana Le

(Marko 1:16-20; Luka 5:1-11)

¹⁸Ɛke ɔkvá Yesu na Galilea ɔpu ɔntɔ, olowun apio abanyɔ aku. Simon ání
 buteti mu Petro mua mu gyama Andrea, buɔe asawu tswi, tsufe aye alepu
 bɔgyi. ¹⁹Muv ɔlebla amú ɔbeɛ, “Mlɔba bobuo mi. Nóbwe mli anyankpusa
 alepu.” ²⁰Ɔntɔv besi amú asawu aná tswi, kpla buo mu.

²¹Ɔlenati yɔ nkpa kpalobi, olowun apio abanyɔ aku ɛ, Yakobo mua mu
 gyama Yohane. Amú amú si Sebedeo bubu ɔklɔntɔ, buɔe amú asawu bun;
 Yesu leti amú. ²²Ɔntɔv amú ɛ benati si amú si mua ɔklɔn amu bobuo mu.

Yesu Atosuna, Mu Asɔn Ɔkanda Pú Ɔlɔtsa

(Luka 6:17-19)

²³Yesu leki Galilea ɔmáto féé, suna atɔ Yudafo ***ofiakpa**. Ɔleɔa Bulu iwiegyi
 amu iwɔ ***asɔn wanklaan** ɔkan. Ɔlɔtsa ɔɔɔto múa awutɔ ulɔ kugyiku. ²⁴Ɔntɔ
 sv mu iwɔ asɔn leklet yɔ Siria ɔmáto féé. Bɔpu alɔpu tsua ntune-ntune ba mu.
 Ɔlɔtsa ulɔ kugyiku, aha ání buɔe iwɔɔsin wun, amúá ***ɔɔɔe lalahe** de amú han,
 amúá ulɔ ɔɔɔahe bu amósv pú abubupu aná féé. ²⁵Mú sv ɔɔɔm kpɔnkpɔɔn-
 kpɔnti bobuo mu. Aha ání botsu Galilea ɔmáto pú Dekapoli^b awulu amósv,
 Yerusalem wuluto, Yudea ɔmáto pú Yordan ntsu ɔbun ɔsɔlv féésv.

Ibɔsv Atosunahe

5 ¹Breá Yesu lowun ɔɔɔm amu a, ɔɔɔv yɔ ibv kusu yetsia asi, mu ***akasɔpu**
 amu beba mu wa. ²Ɔntɔv olosuna amú atɔ ɔbeɛ,

Oyula Asɔn

(Luka 6:20-23)

³“Bulu layula aha ání amú ansɔ medun tɔɔɔsv ɔntɔ mu Bulu,
 tsufe amóbv mu ***iwiegyi** amu.

⁴Bulu layula awireho agyipu,
 tsufe obólwii amú klɔn.

⁵Bulu layula iwiasɔ abapu,
 tsufe amú obégyi ɔsɔlv amu.

⁶Bulu layula aha ání mu apebwe akun múa ɔmewulu de amú,
 tsufe ɔbéha amú bómwe.

⁷Bulu layula nwe awunpu,
 tsufe obówun amú nwe.

⁸Bulu layula aha ání amú klɔntɔ lɔwanki,
 tsufe amú obówun mu.

⁹Bulu layula aha nsune alapu,

b 4:25 Dekapoli ast gyi awulu du.

tsufe ɔ̀bɛ́ti amó ɔ̀bɛɛ mu abi.

¹⁰ Bulu layula aha ání budn amósv mu apɛbwe sv,

tsufe amóbu mu ***iwiegyi** amu ni.

¹¹ “Bulu layula mli, ni bɔde mli sia, budn mli sv, bɔde afunu wa dinka mli sv. ¹² Ansi igyi mli, twi usanki mli; tsufe mli ukɔka tsɔ ɔsv sv. Alɔ bɔbwe Bulu ɔnɔsv atɔɔpu agyankpapu amu ni.

Nfɔli Móa Wanki

(Marko 9:50; Luka 14:34-35)

¹³ “Mligyi ɔyito nfɔli ni. Ni nfɔli ita ɔdwe a, nto bélapɔwa mú ɔdwe? ltra ma ale ha tɔtɔtɔ bwe. Tsei butetsei mú tsitsa, aha butetsatsa mós sv.

¹⁴ “Mligyi ɔyito wanki ε ni. Wuluá idn busv tamanain. ¹⁵ Butamanywe ɔkandɛ, pu ɔɔ bun mós. Ɔfuakpa butɔpubian, menɔ ubówanki ha aha ání butsie woyi amuto féé. ¹⁶ Mú sv mliha mli bwehe iwanki alɔ, menɔ aha bówun mli bwehe wanklaan amv, fówun bekanfv mli St amv ɔbu ɔsv sv amv.

Mose Mbla lwi Atosunahe

¹⁷ “Mlimáki mliaa, neba Mose Mbla nte Bulu ɔnɔsv atɔɔpu amv atosunaheto ɔkakpa. Mmɛba mútɔ ɔkakpa, mboun neba bɔbwe mú ifun. ¹⁸ Ɔnɔkwali nde mli bla. Ɔsv móa ast bómc ɔnɔ, tame itoduahe nte asunbi kule kuraa uméedali Mbla amuto, yɔfun breá mútɔ asvn féé laba mútɔ. ¹⁹ Ɔhagyioha ání omobu mbla amuto tukuriibi kv, olosuna mu aba ε ɔbɛɛ bumábu mú a, béti mu kebi tukuriibi ɔsv sv iwie ogyikpa unv. Tame ɔha ání olegyi mbla amv féés sv, suna mu aba ání bugyi mós a, béti mu ɔha yile ɔsv sv iwie ogyikpa unv. ²⁰ Mú sv nde mli bla mbɛɛ, ni mliwɔbwe Bulu ape dvn ***Mose mbla asunapv** pú ***Fari-sifo** amv a, mliwóowie ***Bulu iwiegyi** amuto ekekeke.

Ɔblo lwi Atosunahe

(Luka 12:57-59)

²¹ “Mli lanuá bebla mli anain atutifɔ amv bɛɛ, ‘Mámɔ ɔha. Ɔhagyioha ání ɔmɔ ɔha a, Bulu obégyi mu asvn, ha mu ipɔn.’ ²² Tame mi mú nde mli bla mbɛɛ, ɔhagyioha ání olenya ɔblo wa mu ba a, Bulu obégyi mu asvn. Ɔha ání olesia mu ba ɔbɛɛ, ‘Ɔhakpan!’ a, obégyi ipɔn ***Yudafɔ** asvn agyipv ansitɔ. Ɔhagyioha ání ɔlebla mu ba ε ɔbɛɛ, ‘Raka!’^c a, obégyi ipɔn yɔ usvbtɔ ogya ání utamaduntɔ. ²³ Lni sv ni fotsu atɔ hahe fɔyɔ afɔdie ɔbɔkpa, fɛkan áni fapv asvn lalahe kv gyi fv ba a, ²⁴ si fv atɔ amú dinka ***afɔdie-ɔswi sv** unv. Yɔ fva mnyɔ amlila mli nsune, asa afuba bɔbɔ afɔdie amv ha Bulu.

²⁵ “Ni ɔkv ɔsama fv a, wa ɔsa ha abuyobwii ipa ha mu asa asvn amv ogyike ifun, menɔ fv onyaba amv ɔmééha asvn agyipv bumɔɔpv fv ha obu adipusv ɔkɔpv, ɔwa fv obu. ²⁶ Mbla fv ɔnɔkwali, nketi faka ukɔ amv féé ta asa fédalɔ unv.

Otsiaba Ɔmadali lwi Atosunahe

²⁷ “Mli lanu ání bebla mli bɛɛ, ‘Mákle ɔkv otsiaba.’ ²⁸ Tame mi mú nde mli bla mbɛɛ, oyingiyoyin ání olowun ɔtsi, ɔbɔbwe mu kle twi agywun a, alato

mbua dodo mu kluntɔ. ²⁹Mú su ni fu gyɔpi nsibi teha futɔbwe lakpan a, loti mú le tswi tsalifwi. Lbu aleá fu lwi ɔtneku má unu, dvn ání bɔtswi fu nyankpɔsa-oyi amu féé wa isubiti ogya ání itamaduntɔ. ³⁰Mú su ni fu gyɔpi ubi teha futɔbwe lakpan a, ka mú tswi tsalifwi. Lbu aleá fuma ubi kule, dvn ání bɔtswi fu nyankpɔsa-oyi amu féé wa isubiti ogya ání itamaduntɔ.

ɔkakina lwi Atosunahe

(Mateo 19:9; Marko 10:11-12; Luka 16:18)

³¹“Beta bla mli bee, ‘ɔhagyioha ání obékina ɔka a, ɔwanlun ɔkakina ɔwulo ha mu asa.’ ³²Tame mi mú nde mli bla mbee, ni oyin okina mu ka ání ɔmɔkv-dali mu ɔma a, mulaha su ɔtsi amu ɔbédali mu ɔma. Oyingyioyin ání otsia ɔtsi anfi mu klu lakina mu anfi e latɔ mbua.

Ntamka lwi Atosunahe

³³“Mluletra nu ání bebla mli anain atutfo amu bee, ‘Máka ntam kpaali. Mboun bwe dinka ntam amvu feka ha Bulu amusu.’ ³⁴Tame mi mú nde mli bla mbee, máka tɔtɔtɔ kuraa. Mápɔ ɔsusu ka ntam, tsufe Bulu owie obia igyi. ³⁵Mápɔ ɔsulɔ ka ntam. Bulu ayabi oyikpa igyi. Mápɔ Yerusalem wulu ka ntam. Awieto Owie wulu kponkpɔnti ni. ³⁶Mlmápɔ mli nwun ka ntam, tsufe mliméatali bwe imi kule fututu nte bibi. ³⁷Mboun fu ‘Iin!’ ibwe ‘Iin!’ Fu ‘O-o!’ e ibwe ‘O-o!’ Kugyikvá fetra bli tsia mútɔ itsu ɔbunsam wa.

Lalaha lkɔka lwi Atosunahe

(Luka 6:29-30)

³⁸“Mlulanuá bebli bee, ‘ɔha obwie mu ba nsibi a, bubwie mu e mu kle ka ukɔ. ɔha otsii mu ba iyin e a, butsii mu kle ka ukɔ.’ ³⁹Tame mi mú nde mli bla mbee, mlimákpla ɔha lalaha. Mboun ni ɔha ɔda fu isutɔ a, damli nyɔsi e ha mu ɔda. ⁴⁰Ni ɔha dekleá obésama fu hɔ fu atadie a, pu fu tati e ha mu. ⁴¹ɔha ání ɔdvn fu ɔhie fu ɔbee, fvsura mu atɔ maili kule ha mu a, sura mú maili anyɔ. ⁴²ɔha ɔkuli fu atɔ a, ha mu. Ni ɔku e ɔbee fupan mu tɔku a, mákina.

Alupɔdwe lwi Atosunahe

(Luka 6:27-28, 32-36)

⁴³“Mlilonuá bebli bee, ‘Dwe fu ba, afulu fu olupɔ.’ ⁴⁴⁻⁴⁵Tame mi mú nde mli bla mbee, mlidwe mli alupɔ. Mliɔ mpaí ha aha ání budun mlisu, mení mlɔbwe mli St amvu ɔbu ɔsusu amu abi. Tsufe mutaha owi teln, ɔteha nyankpu e ito-tswie wuli aha wanklaan pú aha lalaha féésu. ⁴⁶Ni fu adwepu nkule futɔdwe a, ipan mɔmu fénya? ***Lampoo ahɔpu** kuraa butɔbwe alti. ⁴⁷Ni fu anyawie nkule futɔwa ɔnɔ a, ntɔ fakuku bwe dubi? Ali ken ɔmátɔfɔ butɔbwe ni. ⁴⁸Ini su mlifon fe altá mli St amvu ɔbu ɔsusu amu lɔfon.

Yilebwe lwi Atosunahe

6 ¹“Mlikti wanklaan ání mlimɔbwe mli yile aha ansitɔ. Ni mlɔbwe mú alti a, mliméenya lkɔka mli Stá ɔbu ɔsusu wa.

²“Mú su ni fɔbwe yile ha ohiani a, máda mú ɔkan fe altá apinabwebi abwepu butɔbwe Yudafɔ ***ofiakpa** pú dunsu, mení aha békanfu amú. ɔnokwali nde mli bla mbee, banya amú ukɔ dodo. ³Tame ni fɔbwe yile ha ohiani a,

máha fu bina ɔbi tɔ́a gyɔpi labwɛ. Bwe mú ɣaintɔ, ⁴mení fu Sɪ okluntɔ atɔ owunpu amu ɔbéka fu ɪkɔ.

Mpaɪbɔ lwi Atosunahe

(Luka 11:2-4)

⁵“Nɪ mlɔ́bɔ mpaɪ a, mlímábwe fe apinabwɛbi abwɛpu. Amótekle Yudafɔ ofiakpa pú dunsu lu bɔ mpaɪ, mení aha bówun amú. Ɔnɔkwali nde mli bla mbɛɛ, Bulu laka amú ɪkɔ dodo. ⁶Tame nɪ fɔ́bɔ mpaɪ a, bitiwie fu obutotɔ, afɔfin obu wa ɪwɪ, bɔ mpaɪ ha fu Sɪ ɣaintɔ. Fu Sɪ ɣaintɔ atɔ owunpu amu ɔbéka fu ɪkɔ.

⁷“Nɪ mlɪde mpaɪ bɔ a, mlímátsia pla mútɔ ha mú ɪwa swɪ fe ɔmátɔfɔ. Buto-susu beɛ, nɪ bɔbɔ mú ɪwa swɪ asa Bulu obónu mú ha amú. ⁸Mlímábwe fe amú, tsufe mli Sɪ Bulu yin tɔ́a ɪde mli hian asa mlɪde mu kulɪ. ⁹Mú su mlɪbɔ mpaɪ mlɪaa,

‘Anɪ Stá fɔbu ɔsusu.

Aha bubu fu ɪda.

¹⁰ Ba begyi iwie.

Aha bubwe fu ape ɔsulusu, fe alá butɔbwe mú ɔsusu.

¹¹ Ha anɪ atogyiheá ɪbɔ́fon anɪ nde.

¹² Si anɪ lakpan kie anɪ,

fe alá antesikie aha anɪ butɔpu ɪla gyi anɪ.

¹³ Mákpa anɪ wa ɪɔkɪtɔ, mboun le anɪ tsu Ɔbɔnsam ɪbutɔ.’^d

¹⁴“Tsufe nɪ mlesi aha lakpan kie amú a, mli Sɪ amuv ɔbu ɔsusu amu ε obési mli kle kie mli. ¹⁵Tame nɪ mlɪmesikie aha a, mli Sɪ amu ε oméesikie mli.

Ɔnɔkɪ lwi Atosunahe

¹⁶“Nɪ mlɪde ***ɔnɔ kɪ** a, mlímábwe mli ɪwɪ bumblaana fe alá aku butepina bwe. Alá aha bówun ání bɔde ɔnɔ kɪ su butɔbwe ɪwɪ alɪ. Ɔnɔkwali nde mli bla mbɛɛ, banya amú ɪkɔ dodo. ¹⁷Mboun nɪ mlɪde ***ɔnɔ kɪ** a, mlɪbie ntsu, amlifunya nwun, ¹⁸mení aha bumóowun ání mlɪde ɔnɔ kɪ. Tame mli Sɪ okluntɔ atɔ owunpu amu mú obówun mli, ka mli ɪkɔ.

Atonyahe Puyat Ɔsusu

(Luka 12:33-34)

¹⁹“Mlímákɪ atɔ yai ɔsulɪ anfisɪ, ɔtine anfi atɛple butɔwɪ atɔ, ɪku aná tɔwɪ nkanv yinta, awikplu ε butɔbwie wie obuto wi atɔ anfi. ²⁰Mboun mlɪkle atɔ yai ɔsusu. ɪnv mú a, atɛple butamawɪ atɔ, ɪtamawɪ nkanv, awikplu ε butamawie wie obuto wi atɔ. ²¹Tsufe ɔtineá fu siadie bu a, ɪnv fu agywuun tetsia.

Nyankpusa-oyi Ɔkandɛ

(Luka 11:34-36)

²²“Ansibi igyi ɔkandɛ ha nyankpusa-oyi. Nɪ fu ansibi bu ale a, fu nyankpusa-oyi amu féé bówankɪ. ²³Tame nɪ fu ansibi ma ale a, fu nyankpusa-oyi amu féé ɪbu okluntɔ. Nɪ ɔkandɛ amuv ɪbu futɔ amu ɪdun a, mɪmv fawie oklun kɔnɔkɔnɔkɔntɪtɔ.

Bulu Mva Atonyahe Iwi Atosunahe

(Luka 16:13; 12:22-31)

²⁴“Ohaa méetali sum awie anyɔ. Ɖbɔ́dwe ɔkule, lu ɔkule. Nte obóbu ɔkule, omóobu ɔkule. Fuméetali sum Bulu, sum kɔba.

²⁵“Mú sv nde mli bla mbee, mlumáhan iwi tɔ́á mlégyi, tɔ́á mlónun tsia nkpa pú tɔ́á mlédida sv. Mbee, nkpa medehian dvn atogyihe? Nte ɔyulu medehian dvn atɔ didahe? ²⁶Mluki mbubwi, butamadu, butamaseti wa idantɔ, tame mli Stá ɔbu ɔsusu teha amú atogyihe. Mlumá labi dvn amú? ²⁷Mluto ma ɔbétali han iwi, pv bre kpalobi tsia mu nketo?

²⁸“Ntogyi sv mlide iwi han mli atɔ didahe sv? Mluki alá pututo-oyi ntswtswi tedan. Ltamayo agyuma nte lu atati. ²⁹Tame nde mli bla mbee, Owie *Salomo, mu inya féétɔ a, ɔmetali hihie iwi, wa akule fe oyi ntswtswi anfitɔ kuku. ³⁰Ni Bulu de ifa ání nde ulu, ɔke ilawu, bawa mú ogya tati dida a, ntogyi sv ɔméetali dida mli atati dvn mú? Mli hogyi mɔtsɔ!

³¹“Mú sv mlumáhan iwi fute mlíaa, ‘Ntɔ abégyi?’ nte ‘Ntɔ abónun?’ nte ‘Ntɔ abédida?’ ³²lni aná ɔmátɔfɔ butesri gya ni. Mli Si amuv ɔbu ɔsusu amv yin ání ini féé de mli hian. ³³Atɔ́a mlɔgyankpa dunka gyi, Bulu iwiegyi pú mu yilebwe; fówun Bulu ɔbɔpu ini féé tsia móto ha mli. ³⁴Mlumásusu ɔke iwi. Ɖketɔ asun igyi ɔke kle. Ekekegyieketo asun wunhe itso ha eke amv.

Ulafe

(Luka 6:37-38, 41-42)

7 ¹“Mlumále aha ula, menɔ Bulu ɔméele mli ula. ²Tsufe alɔ amuv mlide aha ula le amv a, alɔ Bulu e ɔbéle mli ula ni. Itɔ́a fɔpususu ha fu ba a, mú ken Bulu ɔbɔpususu ha fu ni. ³Ntogyi sv fude ipi tukuriibi wun fu ba nsibisv, tame fumede ogyakpatin ání idun fu klesv mú wun? ⁴Nte ntogyi sv fude fu ba bla fee, ‘Ha mi andinku ipi fu nsibisv?’ breá ogyakpatin dun fu klesv? ⁵Apinabwebi ɔwepu! Gyankpa dinku ogyakpatin amv fu nsibisv, menɔ fówun atɔ wanklaan, talɔ dinku ipi amv fu ba klesv.

⁶“Mlumápu Bulu atɔ wankihe ha aha ání bugyi fe akíai. Bulu asun tamawa amú ogya. Bénaya ɔblo damli dun mli. Alɔ ken mlumápu mli abuto wulhe ha aha ání bugyi fe mprakuo ni. Tsufe betsatsa músu, tsia mú wa ɔdibatɔ.

Atokuli Tsu Bulu Wa

(Luka 11:9-13)

⁷“Mlukulɔ Bulu, ɔbéha mli. Mludunka, mlówun. Mluda mu klonsu, obéfinki mú ha mli. ⁸Tsufe oha ání ɔtokuli atɔ tenya. Oha ání otodunka atɔ towun. Oha ání ɔteda klonsu butefinki ha. ⁹Ma bv mlitɔ́a mu bi ɔkuli mu bodobodo a, obótsu ibwi wa mu ibitɔ? ¹⁰Nte ni ɔkuli mu iye a, ɔbékita iwɔ wa mu ibitɔ? ¹¹Mli lakpan abwepu kuraa mlyin alá butɔpu atɔ wanklaan ha mli abi. Ntogyi sv mli St amuv ɔbu ɔsusu amv mú mɔɔpu atɔ wanklaan ha aha ání bude mu kulɔ?

¹²“Bwe ha aha alá fudekle fee, bubwe ha fu. lni Mose Mbla pv Bulu ɔnɔsv atɔpu amv atosunahe debli ni.

fu iwi yosuna Bulu igyi chapu, afuha mu iwigyurato amuv Mose mbla losuna tsu ilo-pepetsa iwi amv. Igyi adansie suna aha ání fu iwi lapli.”

Romafɔ Isa Akɔpu Chande Osumpu ɔku Ilo Tsa

(Luka 7:1-10)

⁵Yesu lowie Kapernaum wuluto. Romafɔ isa akɔpu chande ɔku leba mu wa, bobwii ipa ha mu ɔbee, ⁶“Owie, mi osumpu delo. Alasin tsukule. ɔda woyito ɔde iwɔsun wun dubi.”

⁷Muv Yesu lebla mu ɔbee, “Néba betsa mu ilo.”

⁸⁻⁹Tame chande amv lebla mu ɔbee, “Owie, mmɔfun ání féba mi woyito. Fu mú bli asvanku, iwi bówa mi osumpu amv ɔnlun. Tsufe mi ε mbv ahande akv asi, isa akɔpu akv ε bubv mi asi. Nele ɔno mbee amúto ɔku ɔnati a, ɔtenati. Ni mbee ɔba ε a, ɔteba. Togyitɔá nebla mi osumpu mbee ɔbwe a, ɔtɔbwe.”

¹⁰Breá Yesu lonu asun anfi a, ɔno lobwie mu, ɔledamli bla aha amuv bubuo mu amv, ɔbee, “ɔnokwali nde mli bla, mmɔkuvun ɔha ání ɔbv hogyi kpɔn-kpɔnti anfi odu Israelfɔto kura kú!” ¹¹Nde mli bla mbee, “Aha tsɔtsɔtsɔ bótsu owi ɔdalikpa pú owi ɔkpliwiekpa ba, betsia ato ogyikpa Bulu iwiegyi amuto. Amúá aní anain ***Abraham**, ***Isak** pú ***Yakob** aná bówa ibi gyi ato. ¹²Tame bele Israelfɔ amuv teki bugyi Bulu iwiegyi amuto atsiapu amv le unv, tswi amú wa oklunto. Luv isu múá kpisi bv ní.” ¹³Muv ɔlelabla isa akɔpu chande amv ɔbee, “Nati, iba múto ha fu fu hogyi ɔno.”

Ali bre amuto peperepe osumpu amv iwi lowa mu ɔnlun.

Alɔpu Tsɔtsɔtsɔ Tsa

(Marko 1:29-34; Luka 4:38-41)

¹⁴Yesu loyɔ Petro woyito. ɔloyɔ a, owisu lakita Petro mu sia tsihe, ɔda. ¹⁵Muv ɔleyekita ɔtsi amv ibi. Luvuv owisu amv lokusu musv, ɔɔbwe Yesu afɔto.

¹⁶Mú ntupwesv a, bɔpu aha tsɔtsɔtsɔá ***ɔhe lalahe** de amú han ba Yesu. ɔɔtoɔ gya ɔhe lalahe amv, tsa alɔpu amv féé. ¹⁷Luv leha asun amuv ***Bulu ɔnoɔv ɔtɔpu** ***Yesaia** lebli amv leba múto. ɔbee, “Muletsa aní ilo, tsu ipian kusv anísv.”

Aha Ání Bee Bóbwe Yesu Abuopu

(Luka 9:57-62)

¹⁸Yesu lowun ání ɔɔm babomli mu, ɔlebla mu ***akasipu** amv ɔbee, “Mlha afa Galilea ɔpu yɔ mú ɔbv.” ¹⁹Luv Mose mbla osunapu ɔku leba mu wa, bebla mu ɔbee, “Osunapu, nóbuo fu yɔ ɔtinegyiɔtineá fɔyɔ.”

²⁰Yesu lebla mu ɔbee, “Awia bubv mbɔ, mbubwi ε bubv asia. Tame mi, Nyankpɔsa-Mv-Bi anfi mú mma ɔtineá nɔpu mi nwun tswi.”

²¹Aha amuv bubuo mu amuto ɔku lebla mu ɔbee, “Owie, ha mi anyopula mi sv asa ambobuo fu.”

²²Tame Yesu lebla mu ɔbee, “Bobuo mi, afusi awupu abupula amú afuli.”

Atsufu Asiba

(Marko 4:35-41; Luka 8:22-25)

²³Yesu lowie ɔklunto, mu akasipu amv ε bowie buo mu. ²⁴Breá loyɔ a, afu kpɔnkpɔnkpɔnti kv lowa tsun bi. Mú sv ntsu deda wie ɔklun amuto, idekle

umε, tame Yesu mó da ɔɔɔɔɔɔ. ²⁵ Akasɔpu amu betsinki mu, bla mu bεε, “Anu Wie le anu. Anɔde ntsu wie!”

²⁶ Mvu ɔɔɔɔɔɔ amú ɔbεε, “Ntogyi su mlɔde ifu nya alí? Mli hogyi mɔtsɔ!” lnu ɔɔɔɔɔɔ le ɔɔɔ wa afu móa ntsu amu, unu fée ɔɔɔa.

²⁷ Ifu lehie kɔta amú, befite aba bεε, “Nyankpɔsa ɔmɔmu ni, afu móa ntsu kuraa tonu mu ɔme alí?”

Ɔɔɔɔɔɔ Gya Le Agbedepu Abanyɔɔ

(Marko 5:1-20; Luka 8:26-39)

²⁸ Breá Yesu lowie Galilea ɔpu ɔɔɔn, Gadarafɔ ɔɔɔɔɔɔ a, ayin abanyɔɔ akvá ɔɔɔɔɔɔ bu amúɔɔ bedalɔ tsu afuli opulakpa befia mu. Amú iyin su ɔhaa tamatalɔ tsun ɔkpa amusu. ²⁹ Lnuɔnu bɔkplɔn fite Yesu bεε, “Bulu mu Bi, amansu igyi? Feba bepiti anu atɔ asa Bulu isubitibi ifun?”

³⁰ Mprakuo tsɔtsɔɔtsɔ akv budegyi unu fun. ³¹ Mó su ɔɔɔɔɔɔ amu bokokoli Yesu bεε, “Ni fégya anu le aha anfitɔ a, ha ayowie mprakuo anfitɔ.”

³² Yesu lebla amú ɔbεε, “Mliɔɔ.” Lnuɔnu bedalɔ ayin amúɔɔ yowie mprakuo amúɔɔ. Amú fée besɔ kplɔ okuku kv wie ɔpu amúɔɔ, wuwu.

³³ Mprakuo amu akpapu besɔ yɔ wuluto, yebla aha togyitɔɔ ilaba aha amuv teki ɔɔɔɔɔɔ bu amúɔɔ amusu. ³⁴ Mó su wulu amúɔɔ aha fée bedalɔ ba Yesu wa. Breá bowun mu a, bokokoli mu bεε, ɔɔɔɔ amú ɔɔɔɔɔɔ.

Tsukole Osinpu Tsa

(Marko 2:1-12; Luka 5:17-26)

9 ¹ Mó su Yesu leyinki wie ɔɔɔɔɔɔ, fa ɔpu amu yɔ wulu amuv otsie múɔ amusu^ɔ. ² Lnu a, akv bɔɔɔɔ tsukole osinpu akpasu ba mu. Breá Yesu lowun áni bahɔ mu gyi a, ɔɔɔɔ tsukole osinpu amu ɔbεε, “Mi bi, klɔn ɔɔɔ asi. Nasi fu lakpan kie fu.”

³ Lnu ***Mose mbla asunapu** akvá butsie unu bebli wa nwuntɔ bεε, “Oyin anfi labɔ mbusuo.”

⁴ Yesu lebi amú agywun. Mó su ɔɔɔɔɔɔ amú ɔbεε, “Ntogyi su mlɔde unu odu gywun?” ⁵ Mɔmu bɔwa ablɔle dun? ‘Nasi fu lakpan kie fu.’ nte ‘Kusu tsu fu akpa afunati?’ ⁶ Tame ndekleá mliɔni áni mi, Nyankpɔsa-Mu-Bi anfi mbu tumi ɔyi anfitɔ si aha lakpan kie amú.” lnu ɔɔɔɔ tsukole osinpu amu ɔbεε, “Nde fu bla mbeε, kusu. Tsu fu akpa afunati yɔ woyitɔ!”

⁷ Lnu ɔɔɔɔɔɔ nati yɔ woyitɔ. ⁸ Lnu lɔwa amú fée wanwan, bekanfu Bulu áni alapu tumiá igyi alí ha anyankpɔsa.

Mateo Ti

(Marko 2:13-17; Luka 5:27-32)

⁹ Breá Yesu lɔpu ɔyɔ a, olowun ***lampoo ɔhɔpu** ɔkvá buteti mu Mateo tsie lampoo ɔhɔkpa. Mvu ɔɔɔɔɔɔ mu ɔbεε, “Bobuo mi.”

Lnuɔnu Mateo lɔkusu buo mu.

¹⁰ Mateo leti Yesu mua mu akasɔpu atɔ ogyikpa mu woyitɔ. Lampoo ahɔpu pú lakpan abwepu tsɔtsɔɔtsɔ beba atɔ amu ogyikpa. ¹¹ ***Farisifo** amu benya

wun amú alí, befíte mu akasípu amu bée, “Ntogyi su mlí osunapu mva aha anfi odu butowa ibi gyi atɔ?”

¹² Yesu lonu asun anfi, ɔlebla amú ɔbée, “Alɔpu lehian ulɔ ɔtsapu, megyi aha ání iwí bu amú ɔnlɔn. ¹³ Mliyo amlyefíte Bulu asun anfi ɔwanlan tswi anfi asi. Bée, ‘Nwewun ntekle, megyi igyiha.’ Mmeba aha wanklaan ɔtikpa, lakpan abwepu ɔtikpa neba.”

Ɔnɔkɔlɔ Iwí Asun Fitehe

(Marko 2:18-22; Luka 5:33-39)

¹⁴ Eke ɔku Asu Ɔbɔpu Yohane akasípu beba Yesu wa befíte mu bée, “Ntogyi su ania Farisifo ***anutekɔlɔ ɔnɔ**, tame fu akasípu mú butamakɔ ɔnɔ?”

¹⁵ Yesu lele mú ɔnɔ ɔbée, “Ɔtsi ɔkpainpu anyawieá bubu mu wa bégyi awirehɔ? Ekekeke! Tame eke ku béba ání békpa ɔka otsiapu amu nati si amú. Alí nke amuto békɔlɔ ɔnɔ ni.”

¹⁶ “Ɔhaa tamapu tati pɔpwe tan tati dada. Tsufe tati pɔpwe amu bekpikpu tsii dada amu ku le, ha ɔtankpa unu bélatei tsia. ¹⁷ Alí ken butamapu nta pɔpwe wa ɔwulu-kpakpa kente wuhetɔ ni. Nta pɔpwe amu ibófu fa kente amu, tsitsa, ibéyinta kente amu é. Iní su ɔwulu-kpakpa kente pɔpwetɔ butɔpu nta pɔpwe wa, mení mú anyɔ amu féé bétsia.”

Ɔhande Ɔku Mu Bi Mva Ɔtsi Ɔku Ulɔ Tsa

(Marko 5:21-43; Luka 8:40-56)

¹⁸ Breá Yesu detɔ a, Yudafɔ ***ofiakpa** ɔhande ɔku leba beda akpawunu mu ayabito, kokoli mu ɔbée, “Mí bi tsihe lawu seseesei, tame ba afubɔpu ibi dinka musu onya nkpa.”

¹⁹ Mú su Yesu lɔkusv, mva mu akasípu bobuo ɔhande amu.

²⁰ Ɔtsi ɔkúá obugya de mu wulu nfi duanyɔ ni lotsun yo Yesu ɔma, pu ibi da mu tati osiebi. ²¹ Tsufe ɔleblí wa mu nwuntɔ ɔbée, “Ní nɔpu ibi da mu tati kpan a, ulɔ bési mi.”

²² Yesu ledamli kí mu, bla mu ɔbée, “Mí bi, klun idi fu asi. Fu hogyi latsa fu ulɔ.” Inunv ɔtsi amu iwí lɔwa mu ɔnlɔn.

²³ Breá olowie ɔhande amu woyito a, olowun ikpe afɔlɔpu, nu awirehɔ agyipv amu okitikiti. ²⁴ Olegya amú ɔbée, “Mlidalí nfi! Otsibi amu mɔkuswu, didi ɔde.” Aha amu ɔmɔst mu. ²⁵ Breá amú féé bedali ba wunsunesu a, Yesu lebitiwie obu amuv otsibi amu da mútɔ amuto yekita mu ibi, ɔlɔkusv. ²⁶ Asun anfi lekɔlɔ wa ɔmá amuto féé.

Ansibi Abwiepu Ulɔ Tsa

²⁷ Yesu ledali ɔyo a, ansibi abwiepu abanyɔ aku bobuo mu, bude okitikiti svra kpoli mu bée, “Owie ***Dawid** mu na, wun aní nwe!”

²⁸ Breá olowie woyito a, ansibi abwiepu amu beba mu wa. Yesu lefite amú ɔbée, “Mlilahogyi mlíaa, nétalí ha mlí ansibi bóbwwi?”

Bele mú ɔnɔ bée, “Aní Wie, Ee!”

²⁹ Muv ɔlɔpu ibi dada amú ansibi, bla amú ɔbée, “Iba mútɔ ha mlí, mlí hogyi ɔnɔ.” ³⁰ Inu ɔbɔwa atɔ wun bi. Yesu leda amú ɔla ɔbée, bumábla ɔhaa.

³¹ Tame breá bedali ɔyo a, beda mu ɔkan ɔmá amu féétɔ.

Omumu llo Tsa

³²Benya natl alu, bɔpu oyin ɔkwa *ɔɛ lalahe bu mutɔ, su alato omumu ba Yesu. ³³Olenya gya ɔɛ lalahe amu le oyin amutɔ alu, ɔkwa tɔ bu. Aha amu fɛɛ bowun, su ɔno lobwie amú. Mú su beblu beɛ, “Anumɔkwun unu odu Israelfɔ kɪ!”

³⁴Farisifo amu beblu beɛ, “Ɖɛ lalahe owie tumi ɔɛpuɔɔɔ ɔɛ lalahe le ahato.”

Aha Nwewun

³⁵Yesu leki awulu pú nkuda fɛɛ asti, suna atɔ Yudafo ofiakpa. Ɖleda Bulu iwiegyi amu iwɪ *asun wanklaan ɔkan, ɔletsɔ ulɔ kugyiku fɛɛ. ³⁶Breá olowun ɔdɔm amu a, amú asun lɔwa mu nwe. Bɔgyi fe akufa ání buma ɔkparɔ, tsufe asun de amú han, buma tɔtɔ bwetɔ. ³⁷Mú su ɔlebla mu akasɪpu ɔbeɛ, “Atɔ kɔtɪhe amu utsɔ, tame mú akɔtɪpu bɔmɔtsɔ. ³⁸Mú su mlɪkokoli ndɔ mu wie, ɔwa atɔ akɔtɪpu tsɔtsɔ abɔba bɔkɔtɪ atɔ amu.”

Akasɪpu Amu Ada

(Marko 3:13-19; Luka 6:12-16; 9:1-6)

10 ¹Yesu leti mu *akasɪpu duanyɔ amu, ɔleha amú tumi ání bɔgyi ɔɛ lalahesu. Bɔgya amú le ahato, abutsɔ ulɔ múa iwɔsɔn kugyiku. ²*Sumbi ayɔpu duanyɔ amu ada ni: Ogyankparɔ gyi Simon ání buteti mu Petro muvɔ mu pio Andrea. Yakobo muvɔ mu pio Yohane ání bɔgyi Sebedeo abi; ³Filipo, Bartolomeo, Toma, *lampoo ɔɔpu Mateo, Alfeo mu bi Yakobo, Tadeo, ⁴Simon ání ogyi iwɔtsɔsia adunkapu ɔpasuato ɔha pú Yuda Iskariot ání ɔlele Yesu ha.

Akasɪpu Duanyɔ Amu Sumbiwa

(Marko 6:7-13; Luka 9:1-6)

⁵Ɖlɔwa *sumbi ayɔpu duanyɔ amu sɪstɪ, wa mbɪla ha amú ɔbeɛ, “Mlumáyo aha ání bomegyi *Yudafo ɔsulɔ pú *Samaríafo awulu kɔkɔsu. ⁶Mboun mlɪyo Israelfɔ wa. Bɔgyi fe akufa ání bafwi. ⁷Nɪ mlɔyo a, mlɪda asun amu ɔkan mlɪaa, ‘Bulu iwiegyi amu lawie woyi ta.’ ⁸Mlɪtsɔ ulɔ, amlɪtsɪnkɪ afuli. Mlɪtsɔ *ulɔ pepe alɔpu, amlɪgya ɔɛ lalahe le ahato. Mlumáho amú tɔtɔ. Mlɪwe mú pukie amú, fe aliá napukie mlɪ. ⁹Mlumátsu sika kɔkɔku wa mlɪ akentetɔ. ¹⁰Mlumátsu akpankogyo ání mlɔpu atɔ wa mútɔ ha ɔkpa amu tu. Mlumátsu atadie nyɔsi, ntɔkɔta pú oyi yiahe. Tsufe agyuma ɔyɔpu buteha atogyihe.

¹¹“Nɪ mlɔyɔswu wulu kugyiku su a, mlɪdunka ɔha wanklaan, amlɪswu mu wa. Mlɪtsɔ unu kɔpɔn ekeá mlɛnati. ¹²⁻¹³Nɪ mlɔwie woyitɔ unu a, mlɪha amú itsia mlɪaa, ‘Bulu ɔha mlɪ iwɪlwii.’ Nɪ woyi amutɔfɔ bɔho mlɪ a, mlɪ oyula amu isin amúsu. Tame ni bɔmɔho mlɪ a, mɔmu mlɪ oyula amu ɪsankɪ ba mlɪsu. ¹⁴Nɪ bɔmɔho mlɪ, nte nu mlɪ asun a, mlɪdali woyi nte wulu amutɔ, amlɪkɔkpa mlɪ ayabito-ɪsu wɔlu unu. ¹⁵Ɖnɔkwali nde mlɪ bla mbeɛ, Bulu ɔbɛbtɪ amú ɪsu dun Sodom múa Gomorafɔ mu asun ogyike amu.”

Iwɔsɔn Ání lɔbeba Sumbi Ayɔpu Amusu

(Marko 13:9-13; Luka 21:12-17)

¹⁶Ɖletra bla amú ɔbeɛ, “Mlɪbíá nde mlɪ wa fe akufa ání bɔyo nkɔatakutɔ. Mlɪfwifwi anstɪ fe awɔ, amlɪha mlɪ iwɪ utun fe abrɔduma. ¹⁷Mlɪki mlɪ iwɪ

wanklaan anyankpusasu. Tsufe békuta mli yaa asun ogyikpa, nwen mli ato amú ***ofiakpa**. ¹⁸Mi su békpa mli ya amásu agyipu pú awie ansitɔ, menl mlégyi mi iwi adansie suna amóa amátɔfɔ. ¹⁹Ni bekuta mli ya a, mliumágywun asun ání mlébli pú alíá mléle mú ɔnɔ. Bópu asun ání mlébli bre amutɔ wa mli ɔnɔ. ²⁰Tsufe megyi mli ɔbótɔ. Mli Si Ɖɛge amu ɔbótɔ tsun mlisu.

²¹“Apio béle amú apio ha lowu. Abi así béle amú abi ha. Abi ε bókusu lu amú akwipusu, ha bómɔ amú. ²²Mi su aha féé bólu mli, tame ni mlétali wa klun lu kinkiinkin yɔfun mú ɔnɔmɔ a, Bulu ɔbóhɔ mli nkpa. ²³Ni budun mlisu wulu kutɔ a, mlisrɔ yɔ wulu bambatɔ. Ɖnɔkwali nde mli bla. Mliuméeki Israel awulu amu féésu ta asa mi, Nyankpusa-Mu-Bi anfi néyinki ba.

²⁴“Ɖkasipu tamadun mu osunapu. Osumpu ε tamadun mu wie. ²⁵lbówa ale ni ɔkasipu ɔbóbwe fe mu osunapu, osumpu ε ɔbóbwe fe mu wie. Ni batali bude woyi mu wie amu ti bee, ‘Ɖbunsam’ nte (***Beelsebul**)’ a, mumu ida lalahe mɔmu bumáɔputi mu woyitɔ atsiapu mú?

Ɖha Ání Abénia Ifu

(Luka 12:2-7)

²⁶“Tame mliumánya ifu. Tɔtɔ má unvá babun ato músu ání Bulu móobwii músu. Togyitɔ ε ma unvá ileɣain ání uméelun ɔwan. ²⁷Ni nele ato suna mli onye a, mlukplun bli mú ɔpa. Mliuda asun ání nebli mli nklobitɔ ε ɔkan. ²⁸Mliumánya nyankpusa ifu. Ɖbétali mɔ mli ɔyulu, tame ɔméetali mɔ mli ɔkla. Mboun ɔha ání mliunya ifu gyi Bulu. Mu ɔbétali yinta ɔyulu múa ɔkla amu féé usubiti ogya ání itamaduntɔ. ²⁹Megyi kaple butefe akensire anyɔ keke? Tame amúto ɔkuku tamakpada ɔsulɔtɔ ání mli Si amu meyin mú iwi. ³⁰Tsufe Bulu yin mli nwunsu-imi kuraa klatɔ. ³¹Mú su mliumánya ifu, tsufe mlihu ibia dun akensire tsɔtsɔtɔs.”

Adansiegyi Pú Asunkina

(Luka 12:8-9)

³²“Ni ɔku letali gyi mi iwi adansie ahato a, mi ε négyi mu iwi adansie suna mi Si ɔsusu. ³³Tame ni ɔku lekina mi ahato a, mi ε nékina mu mi Si ansitɔ ɔsusu.

Ipiian Yesu Lɔpɔba, Megyi Iwilwii

(Luka 12:51-53; 14:26-27)

³⁴“Umábwe mli fe iwilwii nɔpɔba ɔsulɔ anfisɔ. Megyi iwilwii, mboun ɔdayi iya anyɔ nɔpɔba. ³⁵Tsufe abi yinhe múa amú así nsune béyinta. Abi tsihe múa amú ayin ε nsune béyinta. Osia tsihe múa mu sia tsihenyɔ ε nsune béyinta. ³⁶Ɖha alupu bótsu mu woyitɔ.

³⁷“Ɖha ání ɔtɔdwe mu si nte mu yin dun mi mɔfun ání ɔbóbwe mi ɔkasipu. Ɖha ání ɔtɔdwe mu bi tsihe, nte mu bi yinhe dun mi ε mɔfun ání ɔbóbwe mi ɔkasipu. ³⁸Ɖha ání omotsu mu ***oyikpalihe** bobuo mi ε mɔfun ání ɔbóbwe mi ɔkasipu. ³⁹Ni ɔku leprɔ mu nkpa a, ɔbóhulɔ mú. Ni ɔku ε lɔhulɔ mu nkpa mi su a, obénia mú.

Yilebwe Iwi Ikwaka

(Marko 9:41)

⁴⁰“Ɖha ání ɔlɔhɔ mli laho mi. Ni ɔku lɔhɔ mi ε a, alahɔ mi Si amusu ɔlɔwa mi amu. ⁴¹Ni fɔhɔ ***Bulu ɔnɔsu ɔtɔpu** ɔfɔɔ a, Bulu ɔnɔsu ɔtɔpu oyula fénya. Ɖha

ání ɔlɔhɔ yile ɔbwepu ε ɔfɔɔ obénya yile ɔbwepu oyula. ⁴²Ɖnɔkwali nde mli bla. Ɖhagyicha ání ɔleha mɪ ***akasɪputɔ** ɔkusv kuraa ntsu-owebi ɔbɔ olonun a, ɔmɔɔhɔli mu ipan.”

Yesu Mva Asu Ɖɔɔpu Yohane

(Luka 7:18-35)

11 ¹Breá Yesu lɔpu agyuma anfi wa mu akasɪpu duanyɔ amu ɪbitɔ ta a, ɔlɔyɔ yeki Galilea awulusu, suna aha atɔ, da asun amu ε akan.

²⁻³Asu Ɖɔɔpu Yohane da obu, olonu ***Kristo** bwehe. Mú sv ɔlɔwa mu akasɪpu abanyɔ sɪsɪ Yesu ɔbee, buyefite mu bee, “Fugyi ɔha amvu ɔbéba amu ni, nte aki ɔha bamba ɔkpa?”

⁴Yesu lebla amú ɔbee, “Mliyinki yebila Yohane asun ání mlɪlabonu pú atɔá mlɪlabowun. ⁵Mlɪlabowun ání ansibi abwiepu bude atɔ wun, abɔ buna. ***lɔpepe** alɔpu iwɪ deplɪ. lsv atɪnpv bude asun nu. Afuli budetsinki, ahianfɔ ε bude ***asun wanklaan** amu nu. ⁶Bulu obóyula ɔha ání mɪ bwehe ɪmɔkusv lu mvsu.”

⁷Breá Yohane akasɪpu amu beyinki bɔyɔ a, Yesu lɔwa tɔɪ tsu Yohane iwɪ suna ɔɔɔm amu bɪ. Ɖbee, “Breá mlɪledalɪ yɔ ***dimbisv** ɪnv a, ntɔ ɔkɪkpa mlɪlɔyɔ? Fita ání afu de mú tsun loo? Ekekeke! ⁸Nɪ megyi mú a, ntɔ koun ɔkɪkpa mlɪlɔyɔ? Ɖha ání ɔɔɔɔ ntsrim? Ekekeke! Awie woyi atati amu odu adɪɔɔpɔv butetsia. ⁹Mlɪbla mɪ! Bulu ɔnɔsv ɔtɔɔpu mlɪledalɪ yeki? Ee, Yohane nɪ. Ɖɔɔn Bulu ɔnɔsv ɔtɔɔpu. ¹⁰Mu iwɪ asun Bulu lebli ɔwanlɪn mú tsɔwɪ bee, ‘Kɪ, nde obi wa gya fu nkpa. Mu ɔbéla ɔkpa ha fu nɪ.’ ¹¹Ɖnɔkwali nde mli bla mbee, ɔhagyicha ání ɔha tsuhe laken kwu mɔfɔn Asu Ɖɔɔpu Yohane, tame mu ε mɔfɔn Bulu iwiegyi amutɔ ɔkusv kuraa. ¹²Tsu Yohane bresv bɔtv nde a, aha bude Bulu iwiegyi amu prt ɔwɔnlɪnsv. Awɔnlɪnpv bude mú prt. ¹³Tsufe Bulu ɔnɔsv atɔɔpu amu pú Mose Mbla ání ɪda bɔfɔn Yohanesv féé bɔtɔɪ tsu Bulu iwiegyi amu iwɪ. ¹⁴Nɪ mlɔhɔ asun amu gyi a, mumu mlébi ání mvgyi ***Elia**. Mu ɔbéba nɪ. ¹⁵Ɖha ání ɔbv asv onu.

¹⁶“Sei anfi a, amendɪ nɔpv ndemba-abi anfi kapv? Bvgyi fe nyebiá butsia dɪnsu bude aba kpoli, ¹⁷bɪ bee, ‘Anɪlaplei ansigyisv, mlumetsa. Mú sv anɪlala wa awɪrehɔ ɪlv, tame mlumusu.’ ¹⁸Mlɪgyi fe nyebi anfi, tsufe Yohane leba a, oletsia klɪ ɔnɔ, omonun nta, tame mlɪtaa, ‘Ɖɔɔe lalahe bv mutɔ!’ ¹⁹Tame mɪ, Nyankpɔsa-Mv-Bi anfi mú naba nde atɔ gyi, nde nta nun. Mú ε mlɪtaa, ‘Mlɪkɪ opotsuapv pú nta ɔbɔpv, lakpan abwepv pú ***lampoo ahɔpv** onyawie.’ Tame Bulu ɔha tsiatɔ tele mu nyansa ɔwan.”

Aha Ání Bɔmedamli Klɔntɔ Asvngyi

(Luka 10:13-15)

²⁰Yesu lɔpu ɔblɔ tɔɪ tsu awulu akv iwɪ. Awulu amvá ɔlɔbwe ofula akpɔ-nkpɔntɪ mútɔ, tame bɔmedamli klɔntɔ amu. ²¹Ɖbee, “Korasɪnfɔ, mlɪgyɔwɪ. Betsaidafɔ, mlɪgyɔwɪ nɪ. Nɪ Tiro pú Sidon awulu lalahe amutɔ nɔbwe ofula akpɔnkpɔntɪ anfi nɔbwe mlɪtɔ a, tekɪ bedamli klɔntɔ dɔdɔodo. Tekɪ buda akpekpetɔ, bakpa nsuo wa nwuntɔ pɔsuna ání badamli klɔntɔ. ²²Mlɪbiá Bulu ɔbébutɪ mlɪ ɪsv mu asun ogyike dɪn Tiro múa Sidonfɔ. ²³Mlɪ Kapernaumfɔ, mlɪdekɪ mlɪtaa mlɔtsu iwɪ fua alu yɔwɔ ɔsvsv? Ekekeke! Bulu ɔbéba mlɪ asv yowie afulitɔ. Tsufe nɪ Sodom wulutɔ nɔbwe ofula akpɔnkpɔntɪ anfi odu a,

teki wulu amu utra bu unv bɔtu nde. ²⁴Mlikain ání Bulu obówun Sodomfo nwe asun ogyike amu dun mli.”

Mlibeda Ɔkpunu Ml Wa

(Luka 10:21-22)

²⁵Alí bre amuto a, Yesu lɔbo mpaí bli ɔbee, “Ml St, ɔsu múa así Owie! Neda fu ipan ání fale tɔá fɔpuɔain anyansapu pú asun abupu owan suna aha ání bumeyin ɔlala, bɔgyi fe nyebi. ²⁶Ee, Ml St! Alí fudekle fee iba muto nu.”

²⁷“Ml St lɔpu togyito wa ml ibito. Ɔhaa meyin Obi amv, nketi Ɔsi amv nkule. Ɔhaa meyin Ɔsi amv e, nketi Obi amv pú ɔha ání Obi amv latsula ání ɔbɛle mv suna.”

²⁸“Mliba ml wa, mli aha ání ilapian mli, mli ato surahe de mli dun. Néha mléda ɔkpunu. ²⁹Mliba iwiasí ha ml, amlisuan ml, tsufe neba iwiasí, nolwii, mení mlénya iwilwii. ³⁰Tsufe ml wa tsia ibv atsiale. Ml ato surahe e mɔɔdun mlí súra.”

Ɔkpunu Ɔdake Mv Wie

(Marko 2:23-28; Luka 6:1-5)

12 ¹Yesu mva mv akasipu bɔtsun ayo ndo kuto ***ɔkpunu ɔdake**. Akun de akasipu amv, sv bɔpusa ayo amv kv wí. ²Farisifo aku bowun amú, bebíla Yesu bee, “Kí, fu akasipu amv bude tɔá mbla meha ɔkpa bwe ɔkpunu ɔdake!”

³Yesu lefite amú ɔbee, “Mlumɔkukla nu tɔá Owie ***Dawid** lɔbwe breá akun de mva mv abuoɔv kí? ⁴Olebitiwie Bulu osumkpa yotsu bodobodoá bapɔha Bulu igyi ba, mva mv abuoɔv amv begyi. Bulu igyi ahapu nkule beha ɔkpa, btegyi alí bodobodo amv. ⁵Mlilakla Mose Mbla, nu ání Bulu igyi ahapu amv bɔtɔyɔ agyuma ***Bulu ɔtswekpa** unv ɔkpunu ɔdake, tame butamaha amú ipɔn. ⁶Nde mli bla mbee, ɔha ání ɔɔvun Bulu ɔtswekpa amv bu nfi a. ⁷Bulu asun lebli ɔbee, ‘Nwewun ntekle, megyi igyiha.’ Ní mlyin mú así a, teki mluméeha aha anfi amú asun da ɔkpa anfi ipɔn. ⁸Tsufe ml, Nyankpusa-Mv-Bi anfi gyi ɔkpunu ɔdake mv wie nu.”

Uɔtsa Ɔkpunu Ɔdake

(Marko 3:1-6; Luka 6:6-11)

⁹Yesu lenatí unv, ɔɔyɔ Yudafɔ ofiakpa. ¹⁰Olowun oyin ɔkva mv ibi kule lawu unv. Farisifo amv bude Yesu te. Mú sv befite mv bee, “Mbla leha ɔkpa ání bɔtsa ilɔ ***ɔkpunu ɔdake**?”

¹¹Muv Yesu lefite amú ɔbee, “Ní mlito ɔkv bu kufa, alakpada wie ibunto ɔkpunu ɔdake a, ɔméle mv? ¹²Ye nyankpusa bu labi dun kufa a? Mú sv mbla leha ɔkpa ání ɔha ɔbɔbwe yile ɔkpunu ɔdake.” ¹³Muv ɔlebla oyin amuv mv ibi lawu amv ɔbee, “Tɔnki fu ibi amv.”

Olenya tɔnki mú alí pe, ɔɔe lowie muto fe nyɔsi amv. ¹⁴Tame mú o a, Farisifo amv bedalí yekita agywun alíá bɔbwe bɔmɔ Yesu.

Osumbiá Bulu Lele

¹⁵Yesu lebi amú agywun. Mú sv ɔlenatí unv. Ɔɔɔm bobuo mv, ɔletsa amuto alɔpu féé ilɔ. ¹⁶Muv ɔléda amú ɔla ɔbee, bumáha aha abuvu mv. ¹⁷Uní leha asun amuv Bulu ɔnɔsv ɔtɔɔpu ***Yesaia** lebli yayí amv leba muto nu. ¹⁸Ɔbee,

- “Kí, mí osumpúá nále ní.
 Ntódwè mọ̀, mí ansí tegyi mọ̀ iwí.
 Nọ́pọ̀ mí Ọ̀jẹ̀ Wankíhè wá mútọ̀.
 Ọ̀bẹ̀lẹ́lẹ́ ọ̀mátọ̀fọ̀ ọ̀bẹ̀, ‘Négyi amú asun ọ̀nọ̀kwálsu.’
 19 Oméegyi nwen, ọ̀mọ̀wọ̀kplun.
 Ọ̀hàà móonu mọ̀ ọ̀nọ̀ brọ̀nusu.
 20 Obénya klun há aha áńí amú hogyi ọ̀nọ̀ má ọ̀nlún,
 babwe fẹ̀ oyiá ilata bia tá.
 Ọ̀bọ̀wá awítóle há aha áńí búma ọ̀wunlun,
 babwe fẹ̀ ọ̀kandıeá nfọ̀ lata mútọ̀,
 yọ̀fun bréá bébú áńí ntegyi asun ọ̀nọ̀kwálsu.
 21 Aha áńí búmegyi Yudafọ̀ bópọ̀ ansí dínka mọ̀su.”

Yesu Mwa Beelsebul

(Marko 3:20-30; Luka 11:14-23)

22 Ọ̀nọ̀ bópọ̀ oyin ọ̀kú bá Yesu, ọ̀jẹ̀ laláhè bú mútọ̀. Mú sù uléha mọ̀ ansibi lobwie; alató omumu é. Yesu letsá mọ̀ ulọ̀, ọ̀dè atọ̀ wun, ọ̀detọ̀ é. 23 Ọ̀nọ̀ lobwie aha amú fẹ́é, befite bẹ̀, “Megyi Dawid mọ̀ ná amú ní?”

24 Tame Farisifọ̀ amú bonu asun anft a, beblí bẹ̀, “Ọ̀jẹ̀ laláhè owie ***Beelsebul** tumi ọ̀dẹ̀pọ̀gya ọ̀jẹ̀ laláhè lẹ̀ aható.”

25 Yesu lẹ̀bí amú agywun. Mú sù ọ̀lẹ̀blẹ̀ amú ọ̀bẹ̀, “Iwie ogyíkpa áńí ilayé anyọ̀, búde aba kọ̀ bédída. Alí kẹ̀n wulu nte woyi oduá mútọ̀ atsiapọ̀ búde aba kọ̀ é itobwie ní. 26 Mú sù ní Ọ̀bunsam dẹ̀ mọ̀ iwí gya a, mọ̀ iwiegyi bédída. 27 Ní Beelsebul tumi ndẹ̀pọ̀gya ọ̀jẹ̀ laláhè lẹ̀ aható a, mọ̀mọ̀ má tumi mlí abi é búdẹ̀pọ̀gya ọ̀jẹ̀ laláhè lẹ̀ aható? Mlí abi amú onuto obégyi mlí asun. 28 Tame uná Bulu Ọ̀jẹ̀ ndẹ̀pọ̀gya ọ̀jẹ̀ laláhè sù a, mlíbíá Bulu iwiegyi amú laba mlí wá dodo.”

29 Ọ̀hàà méetalí wie ọ̀wunlunpọ̀ woyitọ̀ yọ̀kọ̀lẹ̀ mọ̀ atọ̀, nketi alagyankpa kíkí mọ̀ tswí, asa ọ̀bétalí kọ̀lẹ̀ mọ̀ atọ̀ fẹ́é.

30 Ọ̀hà áńí omobuo mí dẹ̀ mí lú. Ọ̀hà áńí ọ̀mẹ̀dẹ̀ mí tsa akpa aha bá Bulu é dẹ̀ amú gya teia mí. 31 Ọ̀nọ̀ sù ndẹ̀ mlí bla mbẹ̀, Bulu obési aha lakpan pú abususu kugyíkú kie amú. Tame ní ọ̀kú ọ̀blí ***Ọ̀jẹ̀ Wankíhè** amú iwí abususu a, Bulu méesikie mọ̀ ekekekẹ̀. 32 Ní ọ̀kú lẹ̀blí mí, Nyankpọ̀sa-Mu-Bi anft é iwí asun laláhè a, Bulu ọ̀bétalí sikie mọ̀. Tame ní ọ̀kú lẹ̀blí Ọ̀jẹ̀ Wankíhè amú iwí asun laláhè mú a, Bulu méesikie ọ̀hà amú ndẹ̀ ọ̀yíkẹ̀hẹ̀, nte brẹ̀ amọ̀ ọ̀bá amọ̀tọ̀.

Tsiatọ̀ Itsu Kluntọ̀

(Luka 6:43-45)

33 Oyi abi bútọ̀pọ̀bí mú. Oyi wanklaan toswie abi wanklaan. Oyi laláhè é toswie abi laláhè. 34 Mlí awọ̀ abi-aná! Nkalí mlí aha laláhè mlétalí blí asun wanklaan? Tsufẹ̀ tọ́á idun ọ̀hà klun a, mútedalí tsu mọ̀ ọ̀nọ̀. 35 Ọ̀hà wanklaan tẹ̀blí asun wanklaan tsu mọ̀ kluntọ̀, ọ̀hà laláhè é tẹ̀blí asun laláhè tsu mọ̀ kluntọ̀.

36 Nde mlí bla mbẹ̀, ọ̀hagyíọ̀hà ọ̀bẹ̀lẹ̀ asun laláhè kugyíkúá ọ̀lẹ̀blí ọ̀nọ̀ Bulu asun ogyíkẹ̀ amú. 37 Tsufẹ̀ ọ̀hà asun blíhẹ̀ Bulu ọ̀bọ̀pọ̀hà mọ̀ asu nte ọ̀pọ̀n.

Bodunka Ofula

(Marko 8:11-12; Luka 11:29-32)

³⁸Muu Farisifo pú Mose mbla asunapu amu aku bebla Yesu bee, “Osunapu, anudekle aniaa fubwe osuna ku suna anu.”

³⁹Ɔlebla amú ɔbee “Mli ndemba-abi lalaheá mliladali Bulu ɔma. Mliɔe osuna dunka amliwun, tame mliɔmɔowun kukuuuku dun Bulu ɔnɔsu ɔtɔpu *Yona osuna amu. ⁴⁰Alí amuv Yona letsia bonsu iwito nkensa, ɔpa mba onye amu a, alí mli, Nyankpusa-Mu-Bi anfi e nétsia ɔsulɔ ɔtɔtɔ nkensa, ɔpa mba onye nli. ⁴¹Niniwefɔ e bɔkusu Bulu asun ogyike amu, ha mli ndemba-abi anfi upɔn. Tsufe breá Yona leda Bulu asun ɔkan suna amú a, bedamli kluntɔ ba Bulu wa. Mliki, ɔha ání ɔdun Yona onuto lu nfi a. ⁴²Seba owie tsihe ɔbɔkusu lu Bulu asun ogyike, ha mli ndemba-abi anfi upɔn. Tsufe olotsu ɔsasi ɔmá ukutɔ kein gya ɔkpa ba, bonu *Salomo nyansa atosunahe. Mliki, ɔha ání ɔdun Salomo lu nfi a.”

Ɔhe Lalahe Yinki Ba Ɔhatɔ

(Luka 11:24-26)

⁴³“Ní ɔhe lalahe idali ɔhatɔ a, iteyeki ***dimbisu** dunka ɔkpunɔ ɔdakpa, tame itamanya. ⁴⁴Lnu itebli ání ibéyinki yɔ mú woyi dadatɔ. Nli usanki yɔ a, itowun ání bafɛi móɔtɔ, la móɔtɔ wanklaan, ida kpan. ⁴⁵Iteyinki yekpa mú aba asienɔ ání butɔbwe lalahe dun mú, buteba betsia unv. Lnu ɔha amu tsiatɔ teyinta dun alá igyi yat. Alí ibéba ha mli ndemba-abi lalahe anfi nli.”

Yesu Abusuanfɔ Onuto

(Marko 3:31-35; Luka 8:19-21)

⁴⁶Breá Yesu tra ɔde aha amu asun bla a, mu yin mua mu apio beba belu kpankpa, buɔdedunka ání bébla mu asun. ⁴⁷Aha amutɔ ɔku lebla Yesu ɔbee, “Ki, fu yin mua fu apio bulu kpankpa. Buɔde fu dunka, abubla fu asun.”^f

⁴⁸Muu Yesu lefite mu ɔbee, “Amendí gyi mí yin móa mí apio?” ⁴⁹Lnu ɔletinku ibi sisi mu akasipu amu, bli ɔbee, “Mliki, mí yin móa mí apio gyi aha anfi a. ⁵⁰Ɔhagyíɔha ání ɔtɔbwe mí Si amuv ɔbu ɔsusu amu ape a, mugyi mí yin móa mí pio nli.”

Atɔ-abi Owunypu lwi Yebi

(Marko 4:1-9; Luka 8:4-8)

13 ¹Ɔke amu ken a, Yesu ledali tsu woyitɔ yetsia ɔpu ɔnɔ. ²Ɔɔɔm kpankpankpanɔnti beba befia bomli mu. Mú sv ɔlɔɔv wie ɔkluntɔ, yetsia ɔpu amuv, aha amu e bulu ɔpu ɔnɔ unv. ³Lnu olosuna amú atɔ tsɔtsɔ-ɔtɔ ayebitɔ ɔbee,

“Ɔɔɔtɔpu ɔku lɔyɔ atɔ-abi owunyakpa. ⁴Breá ɔde mú wunya a, uku lɔwuli ɔkpatɔ, mbubwi beba bɔtswetswe mú féé. ⁵Uku e lɔwuli abutasu, ɔtineá tsu kpalobi dun. Mú sv ulɔwa ɔsa kwe, ⁶tame breá owi lelin a, ulɔtɔ mú mɔ, tsufe mú nlin mɔyɔ ɔtɔtɔ. ⁷Abi amu ku lobun awutɔ, awu amu lɔbula kita mú. Mú sv imedan. ⁸Tame abi amu ku e lobun ɔsulɔ wanklaansu, ulɔkwe, dan, swie abi. Uku lafa (100), uku aduesie (60), uku e advasa (30).”

⁹Yesu lomo mu asun ono obee, “Oha ání obu asu onu!”

Tɔ́á Sɔ́á Yesu Lɔ́tɔ́i Ayebisu

(Marko 4:10-12; Luka 8:9-10)

¹⁰Mu akasipu amu beba befite mu bee, “Ntogyi su fude amó asun bla ayebisu?”

¹¹Muu olele mú ono obee, “Mli mú a, Bulu laha mli okpa obee, mlibi mu ***iwiegyi** amu iwí asun ñainhe, tame omeha amó mú alí. ¹²Tsufe oha ání odekleá obónu mi atosunahe amu así a, Bulu obópu iku tsia múto ha mu, mení obétra bi tsia múto. Tame oha ání omedekleá obónu mú así a, Bulu obóswu mu kpalobi amuu alabi amu kuraa. ¹³Tɔ́á sɔ́á nde amó asun bla ayebisu gyi, bude mú nu, tame bumede mú así nu. Bude mú wun, tame bumede mú bi. ¹⁴Aha anfi su Bulu onosu otapu ***Yesaia** asun ání olebli tswi laba múto ni. Obee,

‘Bónu lanu, tame bumóonu mú así.

Béku laki, tame bumóowun mú.

¹⁵Tsufe amó agywun lawu.

Batila asu, bun ansibi e.

Ini su bumóonu, bumóowun e.

Ni megyi alí a, teku bówun atɔ́,

bónu asun, amó agywun bóbwii,

bédamli ba mi wa, nétsa amó ulɔ́.’

¹⁶“Tame mli mú a, Bulu layula mli. Mlétalɔ́ pu ansibi wun atɔ́, pu asu nu asun. ¹⁷Onokwali nde mli bla. Bulu onosu atapu pú yile abwepu tsotsotsɔ́ bekleá bópu amó ansibi wun atɔ́ anfi, abupu amó asu nu asun anfi mlidenu, tame bumanya mú alí.

Atɔ́-abi Owunypu Yebi Amu Así

(Marko 4:13-20; Luka 8:11-15)

¹⁸“Mlinu atɔ́-abi owunypu yebi amu así ngya. ¹⁹Aha ání bonu Bulu iwiegyi iwí asun amu, tame bumonu mú así a, bugyi fe abi amuu ilobun okpatɔ́ amu. Obunsam teba bele asun amuu bodu wa amó klontɔ́ amu nati.

²⁰Abi amuu ulɔ́wulɔ́ abutasu amu gyi aha amuu bonu asun amu pe, bahɔ́ mú ansigyisɔ́, ²¹tame iná buma nlin su a, itamatsia amúto ya. Mú su ni budun amósu nte iwɔ́sin ku itu amó asun amu su a, inuu butedida. ²²Abi amuu ulɔ́wulɔ́ awuto amu gyi aha amuu bonu asun amu a, bahɔ́ mú, tame cyi anfitɔ́ atohianhe iwí gywun pú múto atonyahe iwí onsipe tegyi Bulu asun amuu. Ini su butamaswie abi. ²³Abi amuu ulɔ́wulɔ́ osulu wanklaansu amu gyi aha amuu butonu asun amu, nu mú así. Ini su iteha butɔ́bwe yile fe alí atɔ́-abi amu loswie, iku lafa (100), iku aduesie (60), iku e advasa (30) amu.”

Atɔ́-abi Wanklaan Pú lfa Lalahe Iwí Yebi

²⁴Yesu letra ha aha amu yebi ku e obee, “Bulu iwiegyi amu igyi fe otɔ́apu kɔ́vá oloyodu ayo wanklaan mu ndɔ́to. ²⁵Tame onye, breá aha bedi a, mu olupu loyodu ifa lalahe ání ilelian ayo amu wa múto, olenati. ²⁶Breá ayo amu ledan, ɔ́dekwi a, ifa amu e lelɔ́n owan múto. ²⁷Otɔ́apu amu apafɔ́ botsu ndɔ́ amuto ba befite mu bee, ‘Ani wie, megyi ayo fodu wa fu ndɔ́ amuto? Nkunu ifa lalahe

ε itsu mútɔ?’ ²⁸Muv ɔlebla amú ɔbee, ‘Mɪ olupu bwɛhe nu.’ lnu bebla mu bee, ‘Nɪ fótɔsula a, ha ayetsitsi mú le ayo amúɔ.’ ²⁹ɔlebla amú ɔbee, ‘O-o! Mlɪha mú itsia. Nɪ mlɪde mú tsii a, mlétsii mɪ ayo amu ε ku tsitsa. ³⁰Mlɪsi mú féé ulu yɔfun mú tunbɪ. Nɪ tɔfun a, nébla mú atunpu mbée, bugyankpa saun ifa lalahe amu, abuklɪ mú tswɪ ha mú ogya wa, asa abutun ayo amu yɔwa mɪ odudutɔ.’ ”

Takyi-akpin Ibi Yebi

(Marko 4:30-32; Luka 13:18-19)

³¹Yesu letra ha amú yebi ɔbee, “Bulu iwiegyi amu igyi fe takyi-akpin ibi, oyin ɔku lodu wa mu ndɔtɔ. ³²Múgyi tukuriibi nyi-abi fééɔtɔ nɪ, tame nɪ ɪdan a, ɪtɔbwe ifa fuahe dɔn ifa kugyiku. Mú abambi tekpikpli, mbubwi butogyonka músu.”

Bodobodotu-afa Yebi

(Luka 13:20-21)

³³Yesu letra ha amú yebi ku ɔbee, “Bulu iwiegyi amu igyi fe bodobodotu-afa ání ɔtsɪ ɔku lɔputɔta bodobodo nfuo kente kule, ɪleha mú lotu.”

Yesu Lɔtɔ Ayebisu

(Marko 4:33-34)

³⁴Ayebi anftɪ odu tsɔtɔɔtsɔ oletsia publa ɔdɔm amu asun nɪ. ɔmebla amú asun kukvá imegyi ayebi ɔlɔputɔtɔ. ³⁵lɪn leha asun amuv Bulu ɔnɔsɔ ɔtɔɔpu ɔku leblɪ yat amu leba mútɔ. ɔbee,

“Nótɔtɔ ayebisu

pule asun ání Bulu lɔpuɔain tsu ɔyi asitsuabi ɔwan.”

Ifa Lalahe Yebi Amu Asu

³⁶Yesu lenatɪ ɔdɔm amu wa ba woyitɔ. Muv mu akastɔpu amu bɔyɔ mu wa yebɪ mu bee, “Le ndɔ amúɔtɔ ifa lalahe ɪwɪ yebi amu asɪ suna anɪ.”

³⁷Muv Yesu lele mú ɔnɔ ɔbee, “Mɪ, Nyankpɔsa-Mu-Bi anftɪ gyi atɔ-abi wanklaan odupu amu nɪ. ³⁸Ndɔ amu gyi ɔyi anftɪ. Atɔ-abi wanklaan amu gyi Bulu iwiegyi amúɔtɔ abi. Ifa lalahe amu gyi ɔbunsam abi. ³⁹O olupu amuv olodu ifa lalahe abi amu gyi ɔbunsam. Atɔtunbɪ amu gyi ɔyi ɔnɔmɔke. Atɔ atunpu amu ε gyi Bulu-abɔpu.

⁴⁰“Alɪ amuv besaun ifa lalahe amu wa mú ogya amu a, alɪ ken ɪbéba ha aha lalahe ɔyi ɔnɔmɔke amu nɪ. ⁴¹Mɪ, Nyankpɔsa-Mu-Bi anftɪ nɔwa mɪ abɔpu békpa togyitɔá ɪteha ɔha ɔbwe lakpan pú lalahe abwepu féé le mɪ iwiegyi amúɔtɔ. ⁴²Bótswɪ amú féé wa ogya kpɔnkpɔntɪtɔ. lnu isu múa kpisi bu nɪ. ⁴³Tame yile abwepu mú bɔwankɪ fe owi amú Sɪ Bulu iwie ogyikpa unv. ɔha ání ɔbu asu onu.”

Siadɛ Mentɛhe lwi Yebi

⁴⁴Yesu letra ha amú yebi ku ε ɔbee, “Bulu iwiegyi amu igyi fe siadɛ kvá bopula ɔsulɪ kusu. Oyin ɔku leyementɪ mú, laɔɔain mú. Mú ɪwɪ ansigyɪ su a, ɔleyefe mu atɔ féé puɔɔhɔ ɔsulɪ amu.”

Abuto Wolthe lwi Yebi

⁴⁵Bulu iwiegyi amu ɪtra gyi fe ibia ogyipu ɔkvá ɔna ɔde abuto wolthe dunka ɔhɔ. ⁴⁶Breá olowun butobi wolthe kule peá ɪtɛ bu ibia a, ɔlefe mu atɔ féé puɔɔhɔ butobi amu.

Asawu Iwt Yebi

⁴⁷Bulu iwiegyi amu lela igyi fe asawu ání bɔtswi wa ɔputɔ le aye ɔtsan-ɔtsan. ⁴⁸Breá aye lɔbɔla mú a, aye alepu amu bebutta mú ba ɔpu ɔno. Betsia asi, tɔsi gyihe amu wa blanwetɔ, tswi múá butamagyi tsitsa. ⁴⁹Alí ubéba ɔyi ɔnoɔke amu ni. Bulu-abɔpu béba bɔtɔsi aha lalahe le aha wanklaantɔ. ⁵⁰Fówun batswi aha lalahe amu wa ogya kɔnkpontitɔ. Iwu isu múa kpisi bu ni.

Atonyahɛ Pɔpwe Múa Dada

⁵¹Yesu lefite mu akasipu ɔbɛɛ, “Mlilanu mú fée asi?”

Bɛɛ, “Ee, anlanu mú asi.”

⁵²Muu ɔlebla amú ɔbɛɛ, “Mumu mbla osunapu oduá alakasi Bulu iwiegyi amu Iwt asun ɛ bi a, ogyi fe woyi mu wie oduá ɔtele atɔ pɔpwe múa dada fée tsu mu atɔ ɔyɔkpa.”

Bumɔho Yesu Mu Wulutɔ

(Marko 6:1-6; Luka 4:16-30)

⁵³Yesu lenya mɔ mu ayebe amu ɔno alí, ɔlenatí iwu. ⁵⁴Oleyinki yɔ mu onuto wulutɔ Nasaret, oloyosuna atɔ Yudafo ofiakpa. Mu atosunahɛ leha ɔno lobwie aha amu fée. Mú su befite aba bɛɛ, “Nkunu olenya nyansa múa ofulabwe tumi anfi ɛ tsu? ⁵⁵Megyí atɔ osrepu mu bi amu ni? Megyi mu yin gyi ***Maria**, mu apio yinhe gyi Yakobo mua ***Yosef** pú Simon mua Yuda? ⁵⁶Ye anta mu apio tsihe tsie nfi a? Muv nkunu olenya iwi fée tsu?” ⁵⁷Iwi su mu asun lɔkusɔ lu amúsu.

Yesu lebla amú ɔbɛɛ, “Aha butobu Bulu ɔnoɔ ɔtɔpu ɔtɔnegyitɔne, tame mu onuto wulutɔfo pú mu woyitɔ aha mú butamabu mu.” ⁵⁸Iwá bumɔho mu gyi su a, ofula kpalobi ku pɛ ɔlobwe iwu.

Asu Ɖɔɔpu Yohane Lowu

(Marko 6:14-29; Luka 9:7-9)

14 ¹Galilea ɔmáso ogyipu ***Herode** lonu Yesu Iwt asun alí bre amutɔ. ²Muu ɔlebla mu asumpu ɔbɛɛ, “Asu Ɖɔɔpu Yohane amu ni. Mɔlakusɔ tsu afulitɔ. Mú su ɔde ofula anfi odu bwe ni.”

³⁻⁴Bre kutɔ a, Yohane letsia bla Owie Herode ɔbɛɛ, mbla meha ɔkpa ání otsia mu pio Filipo mu ka Herodia. Iwi su Herode leha bekuta Yohane, wa mu ikan, pu mu wa obu. ⁵Ɖlobwe agywun ání ɔbɔmɔ Yohane, tame olenya aha amu ifu, tsufe butobu Yohane ání Bulu ɔnoɔ ɔtɔpu ogyi.

⁶Tame eke ɔkúá Owie Herode de mu ɔkwuke gyi a, mu ka Herodia mu bi tsihe lobowie ɔbuntɔ tsa Herode mua mu ahande ansitɔ. Mu tsa amu lɔwa owie amu ansigyí. ⁷Mú su ɔleka ntam ɔbɛɛ, ɔbéha mu togyitɔá odekle.

⁸Otsibi amu mu yin leha mu ɔlebla Herode ɔbɛɛ, “Ndekleá fɔpu Asu Ɖɔɔpu Yohane nwun dɔnka ilusu ha mi seseesei.”

⁹Asun anfi lehie han Herode, tame mu ntam amuv ɔleka, pú aha amuv bubu iwu amu su a, ɔleha mu aha ɔtɔpu ɔkpa ɔbɛɛ, ɔbwe tɔá otsibi amu lafite ha mu. ¹⁰Aha ɔtɔpu amu leyɛtɔn Yohane nwun obu ɔdikpa iwu. ¹¹Muu ɔlɔpu nwun amu dɔnka ilusu ba otsibi amu, mu ɛ ɔlɔpuya mu yin Herodia. ¹²Asu

Ɖɔɔɔɔ Yohane akasiɔɔ beba botsu mu satin yopula. Mú ɔma a, bɔyɔ yebɔa Yesu asun ání ɔlaba.

Aha Mpɔm-nu Atogyihe Ha

(Marko 6:30-44; Luka 9:10-17; Yohane 6:1-14)

¹³Yesu lenya nu asun amu alɔ, olowie ɔklɔntɔ, fa ntsu yetsia ɔtɔneku mu nkɔle. Tame ɔɔɔm amu bebɔ ɔtɔneá ɔyɔ. Mú su benatɔ ayabitɔ tsu amú awulusu gya mu nkpa. ¹⁴Breá ɔlekplɔ dalɔ ɔklɔn amutɔ, wun ɔɔɔm kpɔnkpɔnkpɔntɔ a, amú asun lɔwa mu nwe. Mú su ɔletsa amúɔ alɔɔɔ.

¹⁵Owi lɔɔɔn a, akasiɔɔ amu beba mu wa bebɔa mu beɛ, “Dimbisu nfi gyi, owi ɛ deta. Mú su ha amú abuyɔ awuluá ɔbu bomli nfi asi yɔhɔ tɔku gyi.”

¹⁶Tame Yesu lele mú ɔnɔ ɔbeɛ, “Imehian ání bɔyɔ. Mlɔdunka tɔku ha amú abgyi.”

¹⁷Mu akasiɔɔ amu beba mu beɛ, “Tɔá antɔɔ féé gyi bodobodo apin anu pú ntsutso iye bwahe anyɔ pɛ.”

¹⁸Yesu lebla amú ɔbeɛ, “Mlɔtsu ba ml.” ¹⁹Muu ɔleha aha amu betsiatsia ifa bɔbwe amusu. Lu olotsu bodobodo anu pú ntsutso iye bwahe anyɔ amu. Olotsu anɔ fua ki ɔsusu, ɔleda Bulu ipan. Muu olebiabia bodobodo amutɔ ha akasiɔɔ amu, amú ɛ beye mú ha aha amu féé. ²⁰Amú féé begyi mwe sian. Akasiɔɔ amu bɔtɔsɔ sianhe amu. Ulɔbɔla alakpa duanyɔ. ²¹Ayin ání begyi atɔ amu nkɔle bgyi fe mpɔm-nu (5,000). Bumekla atɔ mɔa nyebi mú.

Ɖɔɔɔɔ Nati

(Marko 6:45-52; Yohane 6:15-21)

²²Muu Yesu leha akasiɔɔ amu ɔbeɛ, buwie ɔklɔntɔ, abgyankpa fa ɔɔɔ amu yɔ mú ɔbun. Mu mú olesin ɔma si aha amu ɔkpa. ²³Breá olesi amú ɔkpa ta a, ɔlɔɔɔ yɔ busu yɔbɔ mpat. Mu nkɔle ɔletsia unu yɔfɔn owi tahe. ²⁴Alɔ bre amutɔ a, ɔklɔn amu lawie ntsu nsune. Ilefia afu kpɔnkpɔntɔ ku, ɔɔɔ amu lɔwa dabi.

²⁵Bake-bake a, Yesu lenatɔ ntsu amusu ayabitɔ buo amú. ²⁶Breá bowun mu, ɔna ɔɔɔ amusu a, benya ifu sɔra okitikiti, bli beɛ, “Fuli ogyi.”

²⁷Tame ɔlɔwa ɔsa bla amú ɔbeɛ, “Mlɔwa klɔn. Mɔ nu. Mlɔmánya ifu.”

²⁸Petro lebla Yesu ɔbeɛ, “Mɔ Wie, nɔ fu nɔ mú a, ha mɔ ɛ annatɔ ɔɔɔ amusu bɔɔ fu.”

²⁹Yesu lebla mu ɔbeɛ, “Nati ba.” Petro leɔdalɔ ɔklɔn amutɔ ɔna ɔɔɔ amusu ɔyɔ Yesu wa. ³⁰Tame breá olowun alɔ afu amu ɔnɔ bu ɔnlun a, ifu lowie mu ayetɔ. Mú su ɔlɔwa me bi. Muu ɔlɔkplɔn kpɔli Yesu ɔbeɛ, “Mɔ Wie, hɔ ml!”

³¹Luuu Yesu letunki ɔbi kita mu, bla mu ɔbeɛ, “Fu hogyi mɔtsɔ. Ntogyi su fude nwen gyi?”

³²Benya du wie ɔklɔn amutɔ alɔ, afu amu leka itin. ³³Lu aha amusu bubu ɔklɔn amutɔ amu beda akpawunu Yesu ayabitɔ, bli beɛ, “Lele, Bulu mu Bi fgyi.”

Genesaretɔ Alɔɔɔ Tsa

(Marko 6:53-56)

³⁴Yesu muvɔ amúnyɔ befa ɔɔɔ amu yesi Genesaret osubunɔ. ³⁵Breá unufɔ bebɔa mu nɔ a, bɔwa abi ya amú awulu féésu, ha amú bɔɔɔ alɔɔɔ féé ba mu.

³⁶Bokokoli Yesu bee, zha alopu amu abupu ibi da mu atadie odanu kpan. Amúá bapu ibi da mú fée benya ulotsa.

Atutfo Amandie

(Marko 7:1-13)

15 ¹Mú zma a, Farisifo pú Mose mbla asunapu aku botsu Yerusalem ba Yesu wa, befite mu bee, ²“Ntogyi su fu akasipu amu butamagyi anu anain amandiesu. Butamafwi ibi amandie okpasu asa butegyia ato?”

³Yesu lele mú zno zbee, “Ntogyi su mli e mli anain amandie su mlumede Bulu mbla amusu gyi? ⁴Mose lwanlun wa Bulu mbla amuto zbee, ‘Bu fu si mba fu yin,’ zletra wanlun zbee, ‘Ni zku lebli asukpan tsu mu si nte mu yin iwi a, bumú mu?’ ⁵⁻⁶Tame mli mú mliaa, zha zbetali bla mu si nte mu yin zbee, ‘Tá tekú nópaha fu a, napuha Bulu. Imehian ání nétra kí fu.’ Mli anain amandie su mlitra mlumede Bulu mblasu gyi. ⁷Apinabwebi abwepu! Znokwalu Bulu znozu zotupu Yesaia lebli tsu mli iwi tswi zbee,

⁸‘Aha anfi budepu amú zno bu mi,
tame amú klun bu ifo mi wa.

⁹Kpaalu bude mi sum,
tsufe basi Bulu mbla tswi, yo bude anyankpusa mbla suna.’”

Tá Itokpo Zha Bulu Ansto

(Marko 7:14-23)

¹⁰Yesu letra ti zdom amu ba mu iwi wa, zlebla amú zbee, “Mliyaa asu, menú mlónu unú asú. ¹¹Megyia tá zha tegyia tokpo mu Bulu ansto, mboun múá itedali tsu mu zno tokpo mu.”

¹²Unu mu akasipu amu beba mu wa befite mu bee, “Fuyin ání fu asun bluhe anfi lawo Farisifo amu?”

¹³Yesu lele mú zno zbee, “Bópuli oyigyioyia megyia mi Si amusu zbu zusu amu loswie tsitsa. ¹⁴Mlisi Farisifo amu asun. Ansibi abwiepu bogyi, bude ansibi abwiepu kpa. Ni nsibi obwiepu de nsibi obwiepu kpa a, zbzto amú abanyo butekpa wie.”

¹⁵Mvu Petro lebla mu zbee, “Le yebe anfi asi suna anu.”

¹⁶Yesu lefite amú zbee, “Mú su mli e mlitamanu asun asi? ¹⁷Mlumeyin ání tá iwie zha zno a, mu iputo itowie, zteyele mú wa zkpunto? ¹⁸Asungyiasun ání itedali tsu zha zno a, mu klunto itedali tsu. Mútokpo mu Bulu ansto ni. ¹⁹Tsufe zha klunto agywun lalahe tedali tsu. Múteha ztomo zha, ztoto mbua, ztowa atsi mba ayin asun, otowi ato, ztowa afunu, otetsii zha. ²⁰Unú aná tokpo zha, tame ni zha mafwi ibi amandie okpasu asa olegyia ato a, itamakpo mu Bulu ansto.”

Ztsi Okúá Omegyia Yudayin Hogyi

(Marko 7:24-30)

²¹Yesu lenatu unu yo Tiro mba Sidon nsainto. ²²***Kanaanyintse** zkuá otsie unu leba Yesu wa. Zde okitikiti svara, olokokoli Yesu zbee, “Dawid mu na, wun mi nwe! Zhe lalahe bu mi bi tsihetó. Ide mu han dubi.”

²³Tame Yesu mekpla mu. lnu mu akasipɔ amu bobwii ipa ha mu beɛ “Ha ɔtsi anfi ɔnati, tsufe obuɔ anɔ ɔde okitikiti sɔra dubi.”

²⁴Yesu lebla ɔtsi amu ɔbeɛ, “Israel akufa fwɩhe pɛ wa Bulu lɔwa mi.”

²⁵Tame ɔtsi amu leɔa akpawunu mu ayabitɔ, bla mu ɔbeɛ, “Mi Wie, gyi mi buale.”

²⁶Yesu lebla mu ɔbeɛ, “lma aleá fɔswu nyebi atogyihe pɔha akɩaɩ.”

²⁷ɔtsi amu lele mú ɔno ɔbeɛ, “Owie, lɔbu móto alɩ, tame akɩaɩ ɛ butegyɩ atogyihe mpupubiá itekpakpa bun amú wie ɔpɔnvasi.”

²⁸Muv Yesu lebla mu ɔbeɛ, “ɔtsi, fu hogyi lomoni. lba móto ha fu aliá fudekle.” lɔnɔnɔ iwɩ lɔwa mu bi amu ɔnlɩn.

Aha Tsɔtsɔɔtsɔ lɔ Tsa

²⁹Tsu lnu a, Yesu lɔtsɔn Galilea ɔpu ɔno, du yetsia okuku kusɔ. ³⁰Aha tsɔtsɔɔtsɔ bɔpu abubupu, ansibi abwiepu, abɔ, amumu pú lɔ bamba alɔpu bobun Yesu ayabiasɩ, ɔletsɩ amú fɛ́ɛ. ³¹Aha amu ɔno lobwie amú breá bowun amumu buɔɔɔɔ, abubupu iwɩ lawa amú ɔnlɩn, abɔ bɔna, ansibi abwiepu ɛ buɔɔ atɔ wun, bekanfu ^{*}Israel Bulu amu.

Aha Mpɩm-na Atogyihe Ha

(Marko 8:1-10)

³²Yesu letɩ mu akasipɔ, bla amú ɔbeɛ, “Aha anfi asɔn de mi nwe wa. Nde eke sasi ɔpá bubuo mi, butra buma tɔtɔá bégyi. Ni neha amú bɔpu akun natɩ a, ansitɔ béyebi amú ɔkpatɔ.”

³³Mu akasipɔ amu befite mu beɛ, “Nkonu abénya atogyihe ha ɔɔm anfi ^{*}dimbi anftɔ?”

³⁴Yesu lefite amú ɔbeɛ, “Bodobodo afunɩ mlɔbu?”

Bele mú ɔno beɛ, “Asienɔ pú aye putuputu kpalobi ku.”

³⁵Yesu leha ɔɔm amu betsia asɩ. ³⁶Muv olotsu bodobodo asienɔ pú aye amu, da Bulu ipan, olebiabia móto ha akasipɔ amu, beye ha amú. ³⁷Amú fɛ́ɛ begyi mwe. Bɔtɔsɩ sianhe amu bula alakpa yile asienɔ. ³⁸Ayin ání begyi atɔ amu nkɔle bugyi mpɩm-na (4,000). Bumekla atɩ múa nyebi.

³⁹lnu Yesu lesi aha amu ɔkpa, olowie ɔklɔntɔ fa ɔpu yɔ Magadanfɔ ɔsulɔvɔ.

Farisifɔ Bodunka Ofula

(Marko 8:11-13; Luka 12:54-56)

16 ¹Eke ɔku ^{*}Farisifɔ pú ^{*}Sadukifɔ aku beba Yesu ɔɔkɩkpa. Mú sɔ bebla mu beɛ, ɔbwe osuna pusuna amú ání lele otsu Bulu wa. ²Yesu lebla amú ɔbeɛ, “Ni owi ipɔn, nsantɔ ipɛ a, mlɩtebli mlɩaa, ‘ɔke nsantɔ bédu.’ ³Ni nyankpu obila tuun nyankɩ a, mlɩtebli mlɩaa, ‘Nde nyankpu obótswie tsɔn afu.’ Mlɩtetali kɩ nsantɔ, bi tɔá lɔ́ɛba. Ntogyi sɔ mlɩmetali nu tɔá mlɩde-wun sei anfi mú asɩ.” ⁴Mlɩ ndemba-abi lalahe ání mlɩladali Bulu ɔma, mlɩde osuna dunka amlɩwun, tame mlɩmóowun kukɔvɔku dun Bulu ɔnoɔvɔ ɔtɔɔpu Yona osuna amu odu.”

lɩn sɔ ɔlenati si amú.

Farisifó Pó Sadukifó Bodobodotu-afa

(Marko 8:14-21)

⁵Yesu akasıpɔ amu bumekain tsu bodobodo kɩta asa befa ɔpu amu yɔ ɔbɩn. ⁶Yesu leɗa amú ɔla ɔbee, “Mlɩkɩ wanklaan Farisifó pú Sadukifó bodobodotu-afasu.”

⁷Akasıpu amu befite aba bee, “Bodobodo amuv anımede amu su ɔde asun anfi blɩ loo?”

⁸Yesu lonu asun ánı bɔdeblɩ. Muv ɔlebla amú ɔbee, “Oo, mlɩ hogyi mɔtsɔ. Ntogyi su mlɩdeblɩ mlɩaa, bodobodo amuv mlımede amu su?” ⁹Imɔkwankɩ mlɩ kɩ? Mlɩlatan bodobodo apin anu amuv neha aha mpım-nu (5,000) begyi amuv? Alakpa afını lesian mlɩlɔtsɩ? ¹⁰Nte mlɩlatan bodobodo apin asienɔ amuv neha aha mpım-na (4,000) begyi amuv? Alakpa afını lesian mlɩlɔtsɩ?” ¹¹Ntogyi su imɔkwankɩ mlɩ ánı megyi bodobodo iwɩ asun ndeblɩ? Bla nde mlɩ bla mbee, “Mlɩkɩ wanklaan Farisifó pú Sadukifó bodobodotu-afasu.”

¹²ɩnv asa ɩɔwankɩ amú ánı megyi Bodobodotu-afa asun ɔdeblɩ, mboun amú atosunahe.

ɔha Ání Yesu Gyi

(Marko 8:27-30; Luka 9:18-21)

¹³Breá Yesu lowie Kaesarea Filipi nsaintɔ a, ɔlefite mu akasıpu ɔbee, “Ma aha bee mi, Nyankpɔsa-Mv-Bi anfi ngyi?”

¹⁴Bele mú ɔnɔ bee, “Akv bee, fɔgyi Asu ɔbɔpu Yohane. Akv bee, Bulu ɔnɔsu ɔtɔpu *Elia. Akv e bee, *Yeremia nte Bulu ɔnɔsu ɔtɔpu bamba ɔku.”

¹⁵Muv ɔlefite amú ɔbee, “Mlɩ e me? Mlɩa migyi ma?”

¹⁶Simon Petro lele mú ɔnɔ ɔbee, “Fɔgyi Kristo, (ɔha amuv Bulu lada mu ofuli amu) ni. Bulu ɔkɩankpapu amu mu Bi.”

¹⁷ɩnv Yesu lebla mu ɔbee, “Bulu layula fu Simon, Yona mu bi, tsufe megyi nyankpɔsa ɔkɔku lele ɔnɔkwali anfi ɔwan suna fu. Mɩ Sɩ amuv ɔbu ɔsusu amu ni. ¹⁸ɩni su mi e nde fu bla mbee, fu ɩda gyi Petro. Mú ası gyi, ‘Buta.’ Buta anfisv néyi mi ɔpasua dɩnka ni. Lowu tumi méetalı gyi músu ekekeke. ¹⁹Nɔpu Bulu iwiegyi amu asaafi wa fu ɩbitɔ. Asungyasun ánı fékina ɔsulv anfisv a, Bulu e obékina mú ɔsusu. Múá fótɩsula a, Bulu e obótɩsula músu ɔsusu.”

²⁰ɩnv ɔleɗa amú ɔla kpakpaakpa ɔbee, bumábla ɔhaa ánı mɔgyi Kristo amu.

Yesu ɩwɔsun Pó Mv Lowu ɩwɩ Asun Blɩ

(Marko 8:31–9:1; Luka 9:22-27)

²¹Tsu bre amuv a, Yesu lefi ası ɔde asuntɔ le suna amú ɔbee, “Ilehian ánı mɔgyɔ Yerusalem yowun ɩwɔsun tsɔtsɔtsɔ Yudafo ahande, Bulu *igyı ahapu dehen pú Mose mbıla asunapu ɩbitɔ. Bómɔ mu, tame Bulu ɔbélakusva mu eke sasu tsu afulıtɔ.”

²²Mú su Petro letı mu ya utsetɔ, yeka mu itin ɔbee, “Mɩ Wie, Bulu ogya mú teıa fu iwɩ. ɩni mába fusu ekekeke.”

²³ɩnv ɔleɗamli bla Petro ɔbee, “*Satan, natı tetı mısu! Fɔde mi ɔkpa tin. Megyi tɔá Bulu degywun fɔdegywun, anyankpɔsa kle fɔdegywun.”

²⁴Muv ɔlebla mu akasıpu amu ɔbee, “Nı ɔku dekleá obóbuo mi a, osi tɔá otekle bwe, otsu mu *oyikpalihe bobuo mi. ²⁵Tsufe ni ɔku leprı mu nkpa a,

ibóhuli mu. Tame ni óku lesi mu nkpa ha mi su a, óbélanya nkpa ání itamata. ²⁶Ni óku onya óyito ato féé, tame óhuli mu ókla a, labi mómu ulówa ha mu? Nte ntó óha óbétali pútse mu nkpa? ²⁷Tsufe mi, Nyankpusa-Mu-Bi anfi néba mi Si numnyamto, mia mu abópu. Iwu néka óhagyioha úkó alía mu tsiato gyi ni. ²⁸Ónókwalí nde mli bla. Aku búbu mlito nfiá búmóowu, yófun breá bawun ání mi, Nyankpusa-Mu-Bi anfi neba mi iwie ogyikpa.”

Yesu Iwítse

(Marko 9:2-13; Luka 9:28-36)

17 ¹Nkensie óma a, Yesu lékpa Petro mva Yakobo pú mu pio Yohane, bódu yó íbu kusu. ²Amú ansito íwé a, Yesu íwé letse. Mu ansito lówanki fé owi, mu atadíe é ledamli fututuutu. ³Iwúwu mu akasipu abasa amu bowun ání Mose mva ⁴Elia bele íwé ówan, amóa Yesu búdetó. ⁴Múv Petro lébla Yesu óbée, “Mí Wie, íwé alá abétsia nfi. Ní fótisula a, ha ada abu asa. Fu klé kulé, Mose klé kulé, Elia é klé kulé.”

⁵Breá óde asun anfi bli a, agyinde wankúhe kv lobobun amósu. Iwu óme kv ledali tsu agyinde amúto óbée, “Óní gyi mí Bi ódwepúá olegyi mí ansi ní. Mlínu mu óme.”

⁶Ifu léhe kíta amó breá bonu asun anfi. Mú su bówa ósa mli bun ósolúto. ⁷Múv Yesu leba bópu íbì dáda amó, bla amó óbée, “Mlúkusu, mlímánya ífu.” ⁸Iwu bówa ansi kí a, búmetra wun óhaa dúv Yesu nkulé.

⁹Breá búde íwé amu kplí a, Yesu leda amó óla óbée, búmábla óhaa tóá bayowun, yófun ékéá Bulu óbókúsva Nyankpusa-Mu-Bi amu tsu afulíto.

¹⁰Mu akasipu amu befúte mu bée, “Ntogyi sv Mose mbala asunapu amu bée, ílehian ání Elia obéyinki ba asa Kristo amu óbéba?”

¹¹Ólele mú ówé óbée, “Ónókwalí igyi. Elia obégyankpa ba bela togyito yai wan-klaan. ¹²Nde mli bla mbée, Elia layinki ba dodoodo, tame óhaa mebì mu. Bówa mu amumuyó. Alí ken mí, Nyankpusa-Mu-Bi anfi é nówun íwéwun amó íbúto ní.”

¹³Iwu a, ulówanki akasipu amu ání Asu Óbópu Yohane íwé asun ódebli.

Úló Dúdahe Ólópú Tsa

(Marko 9:14-29; Luka 9:37-43a)

¹⁴Breá beyinki kplí bowie ódóm amu wa a, oyin óku leba béda akpawunu Yesu ayabíto, bla mu óbée, ¹⁵“Mí Wie, wun mí bí anfi nwe, tsufe uló dúdahe de mu han. Otetsia dúda wíe ntsu móa ogyató. ¹⁶Nópu mu ba fu akasipu amu, tame búmetali tsa mu uló.”

¹⁷Yesu ílele mú ówé óbée, “Ndemba-abíá mlímá hogyi, mli tsiato ma ale. Alí nétsia mli wa yó ekekegyieke ní? Nnya klún ha mli yófun ómenke? Mlúkpa kebi amu ba mí!” ¹⁸Iwu óbókplún gya óje lalahe amu. Úledali kebi amúto, íwé lówa mu ónlún.

¹⁹Mú óma a, akasipu amu befúte Yesu útsetó bée, “Ntogyi sv aní mú aní-metali gya óje lalahe amu dali kebi amúto?”

²⁰⁻²¹Múv ólebla amó óbée, “Mli hogyi mótó kuraa. Mbala mli ónókwalí. Ní mli hogyi lomoni fé takyi-akpin íbì a, tekú mletali bla íwé anfi mlíaa ípuli. Léle íbópuli, tótótó mótóduv mli bwe.”^h

h 17:21 Múto ye 21 bú nwúlu dáda amu akúto: *Tame íwé odu mó a, nkéti mpai móa ónókli pé mlé-tali púgya mó.*

Yesu Lowu Iwɔ Asun Bli Otse Nyɔsi

(Marko 9:30-32; Luka 9:43b-45)

²²⁻²³ Breá akasɔpu amu féé beba befia Galilea ɔmátɔ a, Yesu lebla amú ɔbee, “Béle mi, Nyankɔɔsa-Mv-Bi anfi ha adun bómo mi, tame Bulu ɔbókɔsua mi eke sasi.” Asun anfi lehie han akasɔpu amu.

Bulu ɔtswekpa Ofi Ikɔka

²⁴ Yesu mva mu akasɔpu beba Kapernaum wuluto. Inu **Bulu ɔtswekpa** ofiko ahɔpu aku beba befite Petro bee, “Fu wie teka Bulu ɔtswekpa ofi ikɔ?”
²⁵ Petro lebla amú ɔbee, “Ɖteka.”

Breá Petro lɔyɔ woyitɔ a, Yesu legyankpa fite mu ɔbee, “Simon, nkali gyi fu agywuun? Amendi teka dute móa lampoo ha awie? Afɔɔ nte wulu awie?”

²⁶ Petro lebla mu ɔbee, “Afɔɔ teka.”

Mvu Yesu lebla mu ɔbee, “Ye mɔmu wulu awie bagyi iwɔ ni? ²⁷Tame mmedekle mbee, abókɔsu lu amúsu sv a, tsu ɔdadɔwa afuyɔ ɔpu ɔno yɔtswi. Ki klemeti gyankpapwá féle ɔnoɔ. Fénya kɔba ání íbɔfun aní abanyɔ ofiko amu ka. Le mú, afuyeka ha amú.”

Ma ɔbóbwe ɔhande?

(Marko 9:33-37; Luka 9:46-48)

18 ¹ Beba Kapernaum wuluto, akasɔpu amu beba Yesu wa befite mu bee, “Ma gyi ɔhande Bulu iwiegyi amuto?”

² Yesu leti kebi ɔku belu amú ansitɔ, ³ ɔleblɔ ɔbee, “Ɖnɔkwali nde mli bla. Ni mli metse, bwe iwɔ fe nyebi a, mli mɔowie Bulu iwiegyi amuto. ⁴ Ɖhagyicha ání ɔleba iwasi fe kebi anfi a, mvyi ɔhande Bulu iwiegyi amuto ni. ⁵ Ɖhagyicha ání ɔlɔho kebiá ogyi alí mi idatɔ laho mi.

Ɖha Kpa Wa Lakpantɔ

(Marko 9:42-48; Luka 17:1-2)

⁶ “Ni ɔku leha aha anfi bumɔkudan misu hogyitɔ anfitɔ ɔku ɔbwe lakpan a, ni beda nfuokwebu sian mu ɔmetɔ, tswi mu wa ɔpu okluklukpa, mɔ mu po a, íbu ale dun. ⁷ Ɖyitɔ atsiapu bɔgyɔwɔ ni. Tsufe itɔá teha ɔha ɔbwe lakpan bu unu. lbéba alí, tame ɔha ání una musu mu ba ɔbwe lakpan ɔgyɔwɔ ni.

⁸ “Mú sv ni fu íbu nte fu yabi teha futetɔda hogyitɔ a, ka mú le, afutswi mú tsalífwɔ. Íbu aleá fɔpu íbu kule nte yabi kule nya nkpa ání utamata, dun ání fɔpu íbu anyɔ nte ayabi anyɔ wie ogya ání utamaduntɔ. ⁹ Ni fu nsibi teha futɔbwe lakpan a, loti mú le, afutswi mú tsalífwɔ. Íbu aleá fɔpu nsibi kule nya nkpa ání utamata, dun ání fɔpu ansibi anyɔ wie ísɔbtɔ ogya ání utamaduntɔ.

Kufa Fwɔhe

(Luka 15:3-7)

¹⁰⁻¹¹ “Mlíki wanklaan ání mli mééki nyebi putuputu anfitɔ ɔkuku ansitɔ kotikoti. Nde mli bla mbee, búbu Bulu-abɔpá búɔkɔsi pu amú asun ya mi Si ɔsusu.ⁱ

i 18:11 Móto ye 11 bu nwulu dada amu akuto: *Tsufe mi, Nyankɔɔsa-Mv-Bi anfi neba ání nɔho aha amvu bafwi amu nkpa.*

¹²“Mliyo asun anfito amluki. Ni oku bu akufa lafakule (100), amúto okule ofwi a, nto zha amu tóbwe? Megyi si otesi adukweba-kweba (99) atrahe amu lu okuku amusu, yodunka okule pe amuv alafwi amu? ¹³Ɔnɔkwali nde mli bla. Ni owun mu a, mu ansi bégyi mu twi don adukweba-kweba atrahe amuv bumofwi amu. ¹⁴Ali ken mli Si amuv oku osusu amu medekle obee, nyebi putuputu anfito okoku e ofwi ni.

Ni Fu Ba Ɔpu Ula Gyi Fu

¹⁵“Ni fu ba ohogyipu Ɔpu ula gyi fu a, yo mu wa, mli abanyo pe amlibli mú. Ni olonu iwiasu a, falanya opio. ¹⁶Tame ni omonu iwiasu a, kpa obakule nte abanyo manta iwisu amliyu mu wa, menú bégyi asungyiasun ání mlebli twi adansi e fe alá Bulu asun lebli. ¹⁷Ni omonu amú asun e a, pu asun amu ya mli Ɔpasuafɔ. Tame ni omonu amú asun e a, muvu bu mu ɔmátayin nte lampoo ohpu.

Asunkina Pó Mósu Tsula

¹⁸“Ɔnɔkwali nde mli bla. Asungyiasun ání mlékina osulu anfisú a, Bulu obékina mú osusu. Múá mlótsula a, Bulu obótsula mósu osusu.

¹⁹“Ntra ndebli mbee, ni mli abanyo mlóbwe agywun kule osulu anfisú kuli tɔku a, mi Si amuv oku osusu amu obóbwe mú ha mli. ²⁰Tsufe ɔtunegyictunéá aha abanyo-abasa befia mi idatu a, mbu amú wa.”

Osumpu Owuntɔlnpu lwi Yebi

²¹Muv Petro leba befute Yesu obee, “Mi Wie, tsefini nsikie mi ba ni Ɔpu ula gyi mi? Tse sienɔ loo?”

²²Yesu lebla mu obee, “O-o, megyi tse sienɔ fésikie mu, tse aduesienɔ (70) aku asienɔ. ²³Ini su Bulu iwiegyi amu igyi fe asun anfti. Owie oku lobwe agywun ání muva mu asumpu bóbu akunta. ²⁴Breá olefi mú asu a, mu asumpu bekpa amúto okuá ode mu ɔku mpum-mpuntu ba mu. ²⁵Tame osumpu amu má tɔtɔá obɔpuka ɔku amu su a, owie amu leha obee bufe muva mu ka, mu abi pó mu atɔ féé pukita ɔku amutu. ²⁶Ini a, osumpu amu lokusu da akpawunu owie amu ayabitɔ, bwii ipa ha mu obee, ‘Mi Wie, nya klun ha mi. lbwe néka fu ɔku amu féé.’ ²⁷Mu asun lɔwa mu wie amu nwe. Mú su olesi ɔku amu féé kie mu, ha mu olenati.

²⁸“Tame breá osumpu amu ledali unu a, ɔbɔyɔtu mu osumba okuá ode mu ɔku kpalobi ku. Ɔlekita mu ba amu ɔmetɔ kinkiinkin, bla mu obee, ‘Pu mi kɔba ha mi!’ ²⁹Mu osumba amu e leda akpawunu bwii ipa ha mu, bla mu obee, ‘Nya klun ha mi. lbwe neka fu ku.’ ³⁰Tame osumpu anfi mú motsula. Ɔleha ání bɔpu mu yɔwa obu yɔfun ekeá obéka mu ɔku amu. ³¹Mu asumba bowun tɔá alapugyi mu ba amu a, ilowie amú iwitu. Mú su bɔyɔ yebli amú wie asun amu féé. ³²Muv amú wie amu leha beti osumpu amu ba, ɔlebla mu obee, ‘Osumpu owuntɔlnpu, fu ipabwii su nesi ɔku tsɔtsɔɔtsɔ amuv fude mi amu féé kie fu. ³³Uma aleá fu mú fówun fu ba amu nwe fe alíá nowun fu nwe?’ ³⁴Oblo lekita owie amu. Mú su ɔleha obee, buwa mu obu, abupiti mu atɔ yɔfun ekeá obéka ɔku amu féé.

³⁵“Ali mi Si amuv oku osusu amu obóbwe mlitu okugyiokúá omesi mu ba lakpan kie mu tsu mu kluntu ni.”

Ɔkakina lwi Atosunahe

(Marko 10:1-12)

19 ¹Breá Yesu lɔtɔ ta a, ɔlenati Galilea ɔmáto yɔ Yudea ɔmáto Yordan ntsu amu ɔbɛn. ²Ɖɔɔm kpɔnkpɔnkpɔnti bobuo mu, ɔletsá amú ɔlɔ unu.

³Farisifɔ akw beba mu wa bɔsɔ mu kɪ, fite mu beɛ, “Ani Mbla leha ɔkpa ání oyin ɔbétali kina mu ka ɔkpagyiɔkpasu?”

⁴Yesu lebla amú ɔbeɛ, “Mlɔmɔkukla Bulu asun amu kɪ ání brɛ amvu Bulu lefi ɔyi asi a, ɔtsi mɔa oyin ɔɔbwe? ⁵Bulu lebli ɔbeɛ, ‘Ini su oyin obótu si mu si mva mu yin yemanta mu kasu, amú abanyɔ bɔbwe ɔyulu kule ni.’ ⁶Mú su nde mli bla mbeɛ, butra bomegyi abanyɔ, tame babwe ɔbakule. Aha ání Bulu labwe amú ukule a, ɔhaa mámain amú abasu.”

⁷Farisifɔ amu befite mu beɛ, “Ntogyi su Mose lɔwa mbla ɔbeɛ, oyin ɔbétali wanlin ɔkakina ɔwulu pukina mu ka?”

⁸Yesu lebla amú ɔbeɛ, “Mli kluntɔ odwin su Mose leha mli ɔkpa ɔbeɛ, mlukina mli aka. Teki megyi alɔ Bulu lɔbwe mú breá olefi ɔyi amu asi ni.

⁹Tame nde mli bla mbeɛ, ni oyin okina mu ka layetsia ɔtsi bamba a, alatu mbua. Ɔkpa oduá svá oyin ɔbétali kina mu ka pe gyi aladali mu ɔma.”

¹⁰Muu mu akasɔpu amu bebli beɛ, “Ni alɔ oklu mɔa ɔka abatsiatɔ asun igyi ni mú a, mumu una aléá oyin mva ɔtsi bétsia aba po.”

¹¹Yesu lebla amú ɔbeɛ, “Megyi aha féé ɔbétali hɔ atosunahe anfi. Nketi aha ání Bulu lɔpɔha amú pe. ¹²Tsufe una ɔkpa tsɔtsɔtsɔsu ayin akw butamatsia aka. Ayin amu akw a, alɔ bɔkwu amú ni. Akw ε anyankpɔsa laflo amú. Akw ε basin kpanku Bulu iwiegyi amu su. Ɖha ání ɔbétali a, ɔhɔ mi atosunahe anfi.”

Nyebi Yula

(Marko 10:13-16; Luka 18:15-17)

¹³Aha akw bekpa nyebi ba Yesu beɛ, ɔpu tbi dunka amúsu, ɔkuli Bulu oyula ha amú. Tame akasɔpu amu bɔwa iyɛn wa amú. ¹⁴Muu Yesu lebla akasɔpu amu ɔbeɛ, “Mliha nyebi amu ɔkpa abɔba mi wa. Mlɔmátin amú ɔkpa, tsufe aha anfi odu bu Bulu iwiegyi amu ni.”

¹⁵Muu ɔɔpɔ tbi dundunka amúsu, ɔlenati unu a.

Atonyahe lwi Atosunahe

(Marko 10:17-31; Luka 18:18-30)

¹⁶Ɛke ɔku oyin ɔku leba Yesu wa befite mu ɔbeɛ, “Osunapu, yile mɔmu nɔbwe asa nénya nkpa ání itamata?”

¹⁷Yesu lefite mu ɔbeɛ, “Ntogyi su fude mi yile iwɔ asun fite? Ɖbakule pe gyi ɔha yile. Mvgyi Bulu. Tame ni fudekleá funya nkpa ání itamata a, mumu gyi Bulu mbla asun amusu.”

¹⁸Oyin amu lelafite mu ɔbeɛ, “Múto mɔmu?”

Yesu lebla mu ɔbeɛ, “Mámɔ ɔha, máto mbua, máwi atɔ, máka asun dunka fu basu. ¹⁹Bu fu si mɔa fu yin, afudwe fu ba fe fu iwɔ.”

²⁰Ɖyasubi amu lebla Yesu ɔbeɛ, “Ntegyi mú féésu. Nto ε ntra bwe?”

²¹Yesu lebla mu ɔbeɛ, “Ni fudekleá fɔfon mú a, yefe fu iwɔsu atɔ féé, afuye kɔba amu ha ahianfɔ; menɔ fénya siadie ɔsusu. Fɔbwe mú ta a, ba afubobuo ml.”

²²Breá ɔyasubi amu lonu asun anfi a, ɔlehie han mu, ɔlenati diin, tsufe ɔhie ɔbu atɔ.

²³Muu Yesu lebla mu akasipu ɔbee, “Ɖnɔkwali nde mli bla mbee, ɔbɛhie wa ɔnlun asa ɔwɔ onyapu obɔwie Bulu iwiegyi amutɔ. ²⁴Ntra nde mli bla mbee, ɔlɔɔn ha *kpɔsɔ ání ɔbɔtsun ɔbun-atɔ ɔbɔtɔ, dun ání ɔwɔ onyapu obɔwie Bulu iwiegyi amutɔ.”

²⁵Akasipu amu bonu asun anfi a, ɔnɔ lobwie amú. Inu su befite bee, “Mumu ma mee Bulu ɔbɔhɔ nkpa?”

²⁶Lnɔ Yesu lelu kɔ amú alu. Muu ɔlebla amú ɔbee, “Anyankpusatɔ mú a, ɔhaa méetali bwe unɔ, tame Bulu mú tetali bwe togyitɔ.”

²⁷Muu Petro lefite mu ɔbee, “Iníá anlasi togyitɔ tswɔ bobuo fu a, nɔ abénya tsu fu buotɔ?”

²⁸Yesu lebla amú ɔbee, “Ɖnɔkwali nde mli bla. Breá Bulu ɔbwe ɔyɔ ɔɔpɔwe amu, mɔ, Nyankpusa-Mu-Bi anfi netsia mɔ numnyam owie obia amusu a, mli aha anfi mlibuo mɔ anfi ɛ mlɛtsia awie mbia duanyɔsu, gyi *Israel abusuan duanyɔ amu asun. ²⁹Ɖhagyɔha ání alanati si mu woyi, mu apio, mu si mu yin, mu abi nte ɔsulɔ mɔ su a, Bulu ɔbéla ha mu mú tse du tse lafa, tra laha mu nkpa ání itamata. ³⁰Tame agyankpawu aku beba bemli amapu, amapu amu aku ɛ bébemli agyankpawu.”

Nɔtɔ Agyuma Ayɔpu ɔwɔ Yebi

20 ¹Yesu letra bla amú ɔbee, “Mú su Bulu iwiegyi amu igyi fe asun anfi. Ɖɔtɔɔpu ɔku letsia. Eke ɔku ɔlɔkusɔ nyanki-nyanki ɔyɔ ipa agyipu odunkakpa, abuyɔyɔ agyuma mu ndɔtɔ. ²Mua amúnɔyɔ begyi bia ání ɔbéka amú alíá butɔhɔ ekewule, ɔlɔpu amú sɔsɔ agyuma amu ɔyɔkpa. ³Dokwebatɔ a, ɔledali yɔ dɔnsu, oloyowun aku ɛ bulu, bumede tɔtɔ bwe. ⁴Olotsu amú ɛ ɔbee, buyɔyɔ agyuma mu ndɔtɔ ha mu. ɔbwe ɔbéka amú tɔá ɔbu ale. Mú su bɔyɔ. ⁵Doduanɔyɔ pú dɔsatɔ ɛ a, ɔletra pu aku sɔsɔ ndɔ amutɔ. ⁶Ntɔpwe donutɔ breá ɔledali a, ɔletra wun akvá bulu kpaali. Muu ɔlefite amú ɔbee, ‘Ntogyi su nde féé mlilu nfi, mlumede tɔtɔ bwe?’ ⁷Bebli mu bee, ‘Ɖhaa mɔkubɔ anu ipa.’ Muu ɔlebla amú ɔbee, ‘Mumu mli ɛ mlibɔtsun yɔyɔ agyuma mɔ ndɔtɔ.’

⁸“Breá owi ɔlɔɔn a, ɔɔtɔɔpu amu leti mu agyumasu ɔkɔpu bla mu ɔbee, ɔtɔ ipa agyipu amu féé, ɔka amú ako. Ɖka amú tsu amapu amusu alu ɔtɔ agyankpawu amu. ⁹Breá ipa agyipu amu beba a, agyumasu ɔkɔpu amu leka aha amusu bɔyɔ donutɔ amu alíá butɔhɔ ekewule. ¹⁰Breá ɔlɔtɔ agyankpawu amu a, bukɔ bee bénya dun ali, tame ali ken ɔleka amú ɛ ni. ¹¹Mú su ɔleka amú ako ta a, agyankpawu amu bɔwa tɔtɔ ɔɔtɔɔpu amusu bu. ¹²Bebli bee, ‘Amapu anfi mú a, dɔnhwɔrɔ kule pe bɔyɔ agyuma. Anu mú anlalu owi-kpankpali anfisɔ yɔ agyuma, tame faka ania amúnɔyɔ féé ako kule.’

¹³“Ɖɔtɔɔpu amu lebla amú ɔkule ɔbee, ‘Agya, ye mmɔkutafa fu o! Megyi ɔtɔ amusu mia funyɔ anilebli amu napuha fu a? ¹⁴Pu fu atɔ natɔ. Midekle mbee, néha amapu amu alíá naka fu. ¹⁵Mma ɔkpa pu mɔ kɔba bwe tɔá ndekle? Nte mɔ awitɔlewa de fu ɔwɔtɔ wie?’

¹⁶“Ali amapu bɔbwe agyankpawu, agyankpawu ɛ bɔbwe amapu ni.”

Yesu Lowu lwi Asun Bli Otse Sasi

(Marko 10:32-34; Luka 18:31-34)

¹⁷Breá Yesu ɔɔ Yerusalem a, ɔlekpa akasɔpu duanyɔ amu ya itsetɔ bla amú ɔbeɛ, ¹⁸“Mlɛnɔ! Ayo Yerusalem. lɔv a, beɛ mi, Nyankɔusa-Mv-Bi anfi ha Bulu ***igyɛ** ahapɔ dehen pú Mose mbla asunapɔ. Beha mi lowu ɔɔn. ¹⁹Bɔpu mi wa aha ání bɔmegyi Yudafɔ ɔbɔwe mi ahinla, nwen mi mpli, da mi manta ***oyikpalihesu**. Tame Bulu ɔbɛlakɔsua mi eke sasi tsu afulitɔ.”

Abi Oyin Ɔku Atɔ Kulthe

(Marko 10:35-45)

²⁰Muv Sebedeo mu ka lekpa mu abi anyɔ beba. Ɖɛda akpawunu Yesu ayabitɔ, kuli mu ɔbeɛ, ɔbwe tɔku ha mu.

²¹Yesu lefite mu ɔbeɛ, “Ntɔ fɔdekle?”

Ɖtsɔ amu lebla mu ɔbeɛ, “Ha mi abi anyɔ anfitɔ ɔkule otsia fu gɔɔɔpu, ɔkule ɛ otsia fu binasɔ breá fɔde ***iwie gyɛ**.”

²²Yesu lebla amú ɔbeɛ, “Mlɛmeyin tɔá mlɛdekuli.” Ɖlefite Yohane muv Yakobo ɔbeɛ, “Mlɛtali wun iwɔɔsin amuv neba bowun amv?”

Bebla mu beɛ, “Ee, abɛtal.”

²³Muv ɔlebla amú ɔbeɛ, “Mlɔwun iwɔɔsin amu mú, tame mma tumiá néle aha ání bétsia mi gɔɔɔpu nte mi binasɔ. Otsiakpa unv ɔda gyo aha amuv mi Si Bulu lala unv yat ha amv.”

²⁴Breá akasɔpu du atrahe amv bonu asun anfi a, Yakobo muv Yohane wu lwa amú ɔblɔ. ²⁵Muv Yesu leti amú, bla amú ɔbeɛ, “Mlɛyin ání ɔmátɔfɔsɔ agyɔpu butehɛ amú aha, amú ahande ɛ butenya tumi amúsu.

²⁶Tame mlɔtɔ mú a, ɔmába alɔ. Ɖhagyɔha ání odekleá ɔbɔwe mlɔtɔ ɔhande ɔbwe mu wu osumpu ha mu aba atrahe. ²⁷Ɖha ání odekleá ɔbɔwe mli nkpa ogyapɔ ɔbwe mli ɔkpábi. ²⁸Alɔ ken mi, Nyankɔusa-Mv-Bi anfi ɛ mmeba mbeɛ, bɔsum mi ni. Aha osumkpa neba, ampɔ mi nkpa hɔ aha tsɔtsɔtsɔ nkpa.”

Ansibi Abwiepu Abanyɔ Uɔ Tsa

(Marko 10:46-52; Luka 18:35-43)

²⁹Breá Yesu muv akasɔpu buɛɛɛɛɛ Yeriko wulutɔ bɔɔɔ a, ɔɔɔm kɔɔɔkɔɔkɔɔntɔ bobuo amú. ³⁰Ansibi abwiepu abanyɔ aku butsie ɔkpa amutɔ, bonuá Yesu ɛtsun. lɔv bɔkplɔn bli beɛ, “Anɔ Wie, ***Dawid** mu na, wun anɔ nwe.”

³¹Ɖɔɔm amv bɔkplɔn wa amú beɛ, bukpa ɔnɔ bun. Tame belakplɔn ɔnɔ alɔ beɛ, “Anɔ Wie, Dawid mu na, wun anɔ nwe!”

³²Muv Yesu lesi lu, ti amú, ɔlefite amú ɔbeɛ, “Ntɔ mlɛdekle mlɛaa, mbwe ha mlɔ?”

³³Bebla mu beɛ, “Anɔ Wie, ha anɔ awun atɔ.”

³⁴lɔv amú asun lwa Yesu nwe, ɔɔɔpu mu ɔbɔ dada amú ansibi. lɔnɔv bowun atɔ, bekpla buo mu.

Bɔhɔ Yesu Fe Owie Yerusalem

(Marko 11:1-11; Luka 19:28-40; Yohane 12:12-19)

21 ¹⁻² Breá Yesu mva mu akasɩpu bebɛn Yerusalem wulu, beta Betfage wuluá ɩbu Nfɔ-nyibu^k amu asɩ wie ta a, ɔlɔwa mu akasɩpu abanyɔ gyankpa. Ɖlebla amú ɔbɛɛ, “Mliɔ wulu anfi ida mli anstɔ anfsɩ. Nɩ mlowie wulu amu ɔnɔ a, mlówun afrimu tsɩhe ɔkúá ɔda ɔfetɔ, mu bi lu mu wa. Mlisankɩ mu, amlɩkpa amú ba mɩ. ³Nɩ ɔku ɔfite mli asɩvanku a, mliɩbla mu mliɩa, ‘Anɩ Wie de amú hian.’ lɩnɩn ɔbéha mlɔpu amú ba mɩ.”

⁴ lɩɩ leha Bulu asɩn amɩv ɔleɩli tsɩn mu ɔnɔsɩ ɔtɔɩpɩsɩ amu leba mútɔ. Ɖbɛɛ,

⁵ “Mliɩbla *Sionfɔ mliɩa,

Mliki, mli Wie ɔba mli wa.

Ololwii, ɔɔɩn afrimɩsɩ.

Ɖɩn afrimu ibi yinhesu ɔba.”

⁶ Yesu akasɩpu abanyɔ amu bɔɔɔbwe alɩ amɩv Yesu leɩla amú amu. ⁷ Bekpa afrimu mva mu bi amu ba, beyai amú atati dɩnka amúsu, ɔlɔɔɩ bian mɩsɩ. ⁸ Ɖɔɔm kɔnɩkɔnɩkɔnɩkɔntɩ beyai amú atati tsɩwɩ ɔkpatɔ, aku ε bebiabia afɩta bunbun ɔkpa amúɔ. ⁹ Ɖɔɔm amɩv buɔɔya Yesu nkpa múa ɔma amu bɔsɩra okitikiɩ bɛɛ, “*Hosiana ha Dawid mu na amu! Bulu oyula owie anfi ɔba mu ɩɩɩɩɩ anfi! Hosiana bu ɔsɩsɩsɩsɩ!”

¹⁰ Breá Yesu lowie Yerusalem a, wulu amúɔ féé leɩa kpokiti, buɔɔfite bɛɛ, “Ma gyi ɔha anfi?”

¹¹ Ɖɔɔm amɩv bubuo mu amu beɩe mú ɔnɔ bɛɛ, “Ɖnɩ gyi Yesu, Bulu ɔnɔsɩ ɔtɔɩpɩ amɩv otsu Nasaret wuluá ɩbu Galilea ɔmáɩ amu nɩ.”

Yesu Bulu Ɖtswekpa Yɔ

(Marko 11:15-19; Luka 19:45-48; Yohane 2:13-22)

¹² Mɩv Yesu lɔɔɔ *Bulu ɔtswekpa wunsɩnesɩ ɩnɩ, yegya atɔ afepɩ pú atɔ ahɔpɩ féé dalɩ. Olowuwuta kɔba atsepɩ mpɩnɩ da, sunsunki abɔɔɩɩma afepɩ ε mbia da. ¹³ Ɖleɩla amú ɔbɛɛ, “Bɔwanlɩn wa Bulu asɩn amúɔ bɛɛ, ‘Betɩ mɩ ɔtswekpa bɛɛ, mpai ɔbɔkpa.’ Tame mliɩapɩ ɩnɩ mli awikpɩlɩ oɔɔainkpa.”

¹⁴ Ansibi abwiepɩ pú abubupɩ aku beba mu wa Bulu ɔtswekpa wunsɩnesɩ ɩnɩ, ɔletsa amú ɩɩ. ¹⁵ Breá Bulu *igyɩ ahapɩ dehen pú Mose mbla asunapɩ amu bowun ofula ání Yesu debwe, pú alá nyebi buɔɔekpɩn Bulu ɔtswekpa wunsɩnesɩ ɩnɩ bɛɛ, “Hosiana ha Dawid mu na amu!” a, ɔbɩ lekita amú. ¹⁶ Mú su befite Yesu bɛɛ, “Fumedenu asɩn ání nyebi anfi buɔɔleɩlɩ?”

Yesu lele mú ɔnɔ ɔbɛɛ, “Nɩenu. Mliɩmɔkɩkla asɩn ání Bulu asɩn wanlɩnhe amu leɩlɩ? Ɖbɛɛ, ‘Fasana nyebi pú amúá buɩmɔkɩtɩn nyɔɔpɩ alá bukanfɩ fo.’”

¹⁷ Yesu leɩalɩ wulu amúɔ si amú yɔ Betania. ɩnɩ ɔleɩɩ eke amu nɩ.

Pɔntɔ Oyi Lwɩ

(Marko 11:12-14, 20-24)

¹⁸ Oyi kehe nyankɩ, breá Yesu leyinkɩ ɔba Yerusalem a, akun de mu. ¹⁹ Mú su breá olowun pɔntɔ kúá ɩlɩ manta ɔkpa a, ɔleɩbai yɔ mú asɩ. Ɖlɔɔɩ a, omowun

k 21:1 Nfɔ-nyibu igyi obubwi kúá ɩbu manta Yerusalem, botetɩ mú Olifbu.

abi kuku móto. Afita sɔɔn bu mósu. Iɔv ɔlebla pɔntɔ amu ɔbee, “Tsu nde, fóméetra swie abi ekekekeke!” Iɔvɔv oyi amu lowu.

²⁰Mu akasipu amu bowun alíá oyi amu labwe a, ɔɔv lobwie amú. Mú su befite bee “Ntogyi su oyi anfi lawu ɔtsawule pe ali?”

²¹Yesu lebla amú ɔbee, “Ɔnɔkwali nde mli bla. Ni mlɔhɔ Bulu gyi, mlumegyí nwen a, mlétali bwe ito anfi nabwe oyi anfi pú mǔá idun mú. Mlétali bla ibu anfi mlíaa, ‘Puli yowie ɔpɔtɔ.’ Ibópuli yɔ. ²²Ni mlɔhɔ Bulu gyi, mlɔkuli mu toyito a, mli ibi béda mú.”

Yesu Tumi Lwi Asɔn Fitehe

(Marko 11:27-33; Luka 20:1-8)

²³Yesu leyinki bowie Bulu ɔtswekpa wunsinesu iɔv. Breá ɔde ato suna a, Bulu igyi ahapu dehen pú Yudafɔ ahande amu beba mu wa. Befite mu bee, “Ma leha fu ɔkpa, fude ntobi anfi bwe? Ma leha fu tumi?”

²⁴Yesu lele mú ɔɔv ɔbee, “Mú ε nfite mli asɔn kuakule. Ni mlele mú ɔɔv a, nébla mli tumi oduá ndepubwe ntobi anfi. ²⁵Bulu wa Asu Ɔbɔpu Yohane lenya tumi pubɔ aha ***asu**, nte nyankpusa?”

Amú wulewule bɔyɔ asɔn anfito bee, “Ni abli aníaa itsu Bulu wa a, ɔbéfite aní ɔbee, mú ntogyi su anumɔhɔ mu gyi? ²⁶Nte abli aníaa, anyankpusa wa itsu?” Tame bude tǔá ɔɔm amu bɔbwe amú ifu nya. Tsufe amú féé bohogyi ání Bulu ɔɔvɔv ɔtɔpu Yohane gyi. ²⁷Mú su bele mú ɔɔv ɔbee, “Ohwee! Anmeyin ɔtunéá olenya mu tumi tsu.”

Mu Yesu ε lebla amú ɔbee, “Mumu mi ε mméebila mli tumi oduá ndepubwe ntobi anfi.”

Oyin Ɔku Abi Anyɔ Lwi Yebi

²⁸“Mliɔv asɔn anfito amluki. Oyin ɔku muv muv abi anyɔ betsia. Eke ɔku ɔlɔyɔ yebla ɔdehen ɔbee, ‘Mú bi, nde yɔyɔ agyuma mi ndɔtɔ ha mi.’ ²⁹Ɔlebla mu si ɔbee, ‘Mmɔyɔ.’ Mú ɔma a, ɔlelatse mu agywun, yɔ ndɔ amutɔ. ³⁰Amú si lenati yɔ ɔkusu amu ε wa yebla mu ali ken. Ɔkusu amu lotsula ɔbee, ‘Mú si, ndyɔ.’ Tame ɔmɔyɔ.” ³¹Iɔv Yesu lefite aha amu ɔbee, “Abi anyɔ anfito ɔmɔmu ɔbwe dinka mu si asunsu?”

Yudafɔ igyi ahapu dehen pú Yudafɔ ahande amu bebla mu bee, “Ɔdehen amu.”

Mu Yesu lebla amú ɔbee, “Ɔnɔkwali nde mli bla. Lampoo ahɔpu pú obu-ɔɔv atsiapu bówie Bulu iwiegyi amutɔ si mli. ³²Tsufe Asu Ɔbɔpu Yohane lobosuna mli tsiatɔ oduá ida ɔkpa Bulu ansitɔ, tame mlumɔhɔ mu gyi. Lampoo ahɔpu pú obu-ɔɔv atsiapu bɔhɔ mu gyi. Ɔma mlulowun ání amú kuraa batse a, mlumetse mli agywun hɔ mu gyi.

Apafɔ Lalahe Aku

(Marko 12:1-12; Luka 20:9-19)

³³“Mliɔv yebi iku ε. Ɔɔtɔpu ɔku ɔɔv ***wain** ndɔ. Olegyi iban bomli mú. Olokwi wain amu onyimekpa. Ɔlɔpwe obu fuahe ku ha ndɔ amu agyopu. Muv ɔlɔpu ndɔ amu wa apafɔ ibutɔ, olotu ɔkpa yɔ ɔmá iktɔ. ³⁴Breá wain-abi amu kpɔtbi ɔɔfun a, ɔɔwa mu asumpu apafɔ amu wa ɔbee, bɔyɔhɔ mu ogyikpa ba mu. ³⁵Tame apafɔ amu bekita amú, da ɔkule, mɔ ɔkule, da ɔkule ε abwi. ³⁶Nɔv

mu wie amu letra wa mu asumpu bamba ání butso dun agyankpapu amu. Apafɔ amu bobwe amú ɛ alɪ ken. ³⁷Mú trahe kuraa a, ɔleblɪ ɔbeɛ, ‘Oo, bóbu mi bi kwuthe mú.’ Mú su ɔɔwa mu ɛ. ³⁸Tame breá apafɔ amu bowun mu bi amu sɪsɪ a, bebla aba beɛ, ‘Ɖnt obégyi mu sɪ atɔ nɪ. Mlɪha amɔ mu, menɪ ndɔ amu íbémlɪ anɪ kle.’ ³⁹Mú su bekita mu, bitia mu dalɪ ndɔ amutɔ yɔmɔ mu.”

⁴⁰“Nɪ ndɔ mu wie ɔba a, ntɔ mlɪlahogyi mlɪaa, ɔbɔbwe apafɔ anftɪ?”

⁴¹Yudafɔ igyi ahapu dehen pú Yudafɔ ahande amu bele mú ɔnɔ beɛ, “Ɖbéha aha lalaha anftɪ bówu lowu sunsun, ɔbélapu ndɔ amu wa apafɔ bamba íbutɔ. Amúá bétsia pu mu atɔ-abi ba mu mú kpɔtɪbɪ.”

⁴²Muv Yesu lefite amú ɔbeɛ, “Nte mlumɔkɔkɪla Bulu asun wanlunhe amu kí? Bɔwanlun beɛ,

‘Ibwi amuv obu ayipu bekina amu
lebemli okonkisubwi nɪ.
Bulu lɔbwe mú alɪ,
íbu wanwan.’

⁴³“Mú su nde mlɪ bla mbɛɛ, Bulu ɔbɔhɔ mu *iwiegyi amu le mlɪ íbutɔ pɔha ɔmá ání bɔbwe tɔá otekle.

⁴⁴“Íntɪ su ɔha ání ɔledɪda íbwi amuv obébiabia blublublublɪ. Nɪ íbwi amu ísunkɪ da ɔkusu ɛ a, íbɔkwe mu fɪkɔfɪkɔfɪkɔ fe nfuo.” ⁴⁵Breá Bulu igyi ahapu dehen pú Farisifɔ amu bonu Yesu ayebi anftɪ a, ɔɔwankɪ amú ání amú ɔde. ⁴⁶Tɛkɪ bekleá békita mu, tame benya ifu, tsufe ɔɔm amu butobu Yesu ání Bulu ɔnɔsu ɔtɔpu ogyi.

Otsukpaun lwi Yebi

(Luka 14:15-24)

22 ¹⁻²Yesu letra bla Yudafɔ igyi ahapu pú Yudafɔ ahande amu asun yebito ɔbeɛ, “Bulu iwiegyi amu igyi fe asun anftɪ. Owie ɔku de ɔtsɪ kpaun ha mu bi, ³ɔletɪ aha ɔbeɛ, buba nke amu asɪ. Breá owie amu lɔbwe ta a, ɔɔwa mu asumpu ɔbeɛ, buyetɪ aha amu abuba, tame bekina ba. ⁴Mú su ɔlelawa mu asumpu bamba ɔbeɛ, ‘Mlɪtra yebɪla aha amu mlɪaa, nabwe togyitɔ ta. Bamɔ mi nnantswie akpɔnkpɔntɪ amu pú amúá bawa nfo, nina atɔ amu féé ta. Mú su buba ɔtsɪ ɔkpaunkpa unv.’ ⁵Tame aha amuv beyetɪ amu bumekpla amú. Benatɪ sɪ amú yɔ amú agyumasu. Aku benatɪ yɔ amú ndɔtɔ, aku ɛ benatɪ yɔ amú íbia ogyikpa. ⁶Amú atrahe bekita asumpu amu, da amú, mɔ amú. ⁷Breá owie amu lonu asun anftɪ a, ɔblɔ lehie kɪta mu. Mú su ɔɔwa mu isa akɔpu, bɔyɔmɔ aha amuv bɔmɔ mu asumpu amu, wa amú wulu ogya. ⁸Muv ɔlebla mu asumpu bamba ɔbeɛ, ‘Banina ɔtsukpaun atogyihe amu ta, tame aha amu netɪ amu bumɔfun ha mi woyitɔ ba. ⁹Mú su mlɪwie awulutɔ, amlɪtɪ ɔhagyɔha ání mlówun, ɔba ɔtsɪ ɔkpaunkpa unv.’ ¹⁰Íntɪ asumpu amu bowie awulutɔ. Betɪ ɔhagyɔha ání bowun, aha wanklaan pú aha lalaha féé. Mú su aha bɔbɔla ɔtsɪ ɔkpaunkpa unv dedeɛde.

¹¹“Tame breá owie amu lebekɪ aha amuv batɪ amu a, olowun oyin ɔkúá ɔmɔwa ɔtsukpaun nkɛtɔ atadɛ. ¹²Muv ɔlefite mu ɔbeɛ, ‘Agya, nkali ɔɔbwe fumɔwa ɔtsukpaun nkɛtɔ atadɛ asa feba nftɪ?’ Oyin amu metalɪ le mú ɔnɔ. ¹³Muv owie amu lela bla mu asumpu ɔbeɛ, ‘Mlɪklɪ mu ayabɪ pú mu tɪbɪ, amlɪtswɪ mu wa oklun amutɔ. Íntɪ isu mva kpɪsɪ bu nɪ.’”

¹⁴ Yesu lɔmɔ mu asun ɔnɔ ɔbɛɛ, “Bulu tɛtɛ aha tsɔtsɔɔtsɔ, tamɛ aha kpalobi pɛ ɔtɛlɛ.”

Lampooka

(Marko 12:13-17; Luka 20:20-26)

¹⁵ Farisifɔ amu bɔyɔbwe ɔnɔ-ɔkule ání betete Yesu ɔnɔɔ asun nu, abunya mu akutale. ¹⁶ Mú su bɔwa amú akasɔpu pú Owie *Herode aha Yesu wa bɛɛ, buyefite mu bɛɛ, “Osunapu, anyin ání ɔnɔkwalɔpu fɔgyi, futosuna Bulu asun amu ɛ ɔnɔkwalɔsu. Futamaha ɔhaa ɔtse fu agywun, tsufe futamaki ɔhaa ansitɔ. ¹⁷ Mú su anɛde fu fite anu. Aní mbla leha ɔkpa ání aka lampoo ha Roma owie dehen Kaesare, nte anumáka?”

¹⁸ Tamɛ Yesu lowun amú agywun lalahe amu. Mú su ɔlefite amú ɔbɛɛ, “Apinabwebi abwepu, ntogyi su mlɛde mi sɔ ki? ¹⁹ Mlɛtsu kɔba amuv butɔpuka lampoo amu ɔku ba mi anki.”

Bɔpɔba mu, ²⁰ ɔlefite amú ɔbɛɛ, “Ma nwun pú mu ɔda dun músu?”

²¹ Bele mú ɔnɔ bɛɛ, “Kaesare.”

Muv ɔlebla amú ɔbɛɛ, “Mumu mlɔpu tɔá igyi Kaesare kle ha Kaesare, amlɔpu mɔ́á igyi Bulu kle ɛ ha Bulu.”

²² Yesu mbuat anfi lobwie amú ɔnɔ. Mú su benati.

Kɔsu Tsu Afulitɔ lwi Asun Fitehe

(Marko 12:18-27; Luka 20:27-40)

²³ Eke amu ken a, *Sadukifɔ aku beba Yesu wa. Bɔgyi ɔpasua kuá butɛbli bɛɛ, kɔsu tsu afulitɔ má nu. Befite mu bɛɛ, ²⁴ “Osunapu, Mose lɔwanlɔn tswi aní ɔbɛɛ, ‘Ni ɔku muv mu ka bɔmɔkwu asa olowu si mu ka amu a, mu pio otsu mu ka amu tsia, feki ɔkwu ha owupu amu.’ ²⁵ Oyin ɔkule abi abasiɛnɔ aku betsia. Amúɔtɔ ogyankpapu letsia ɔka, tamɛ ɔmɔkwu asa olowu. Mu pio lotsu ɔsurapuka amu tsia, ²⁶ tamɛ mu ɛ ɔmɔkwu. ɔsasi lotsu ɔtsi amu tsia. Mu ɛ ɔmɔkwu. Alu yɔtu osienɔsi amu. ²⁷ ɔma-ɔma a, ɔsurapu mu ɛ lobowu. ²⁸ Afuli ɔkɔsɔke a, amúɔtɔ ɔmɔmu ɔbɔbwe mu klu? Tsufe amú abasiɛnɔ amu féé betsia mu.”

²⁹ Muv Yesu lele mú ɔnɔ ɔbɛɛ, “Megyi mli ologyi. Mlumeyin Bulu asun wanlɛhe amu nte Bulu tumi. ³⁰ Ni afuli bɔkɔsu a, bɔbwe fe Bulu-abɔpu. Bɔmɛetsia aka mɔ́a aklu. ³¹ Mlumɔkɔkɔkla asun ání Bulu onuto lebla mli tsu afulikɔsu iwi? ³² Bulu asun wanlɛhe lebli ɔbɛɛ, ‘Migyi mli anain *Abraham muv *Isak pú *Yakob Bulu amu ni.’ lɛni su megyi awupu Bulu ogyi, akiankpapu Bulu ogyi.”

³³ Breá ɔɔm amu bonu asun anfi a, mu atosunahe anfi leha ɔnɔ lobwie amú.

Bulu Mbla Amúɔtɔ Mɔ́á lɔdɔn

(Marko 12:28-34; Luka 10:25-28)

³⁴ Breá Farisifɔ bowun ání Yesu lalɛ Sadukifɔ amu asun ɔnɔ, asun lawu wa amú ɔnɔ a, bekpa aba ya Yesu wa. ³⁵ Amúɔtɔ ɔkuleá ogyi mbla osunapu lefite Yesu asun, ɔpɔsɔ mu ki. ³⁶ ɔlefite Yesu ɔbɛɛ, “Osunapu, Bulu mbla amúɔtɔ mɔ́mɔ dɔn?”

³⁷ Yesu lebla mu ɔbɛɛ, “‘Pu fu klɔn, fu ɔkla pú fu agywun féé dwe fu Wie Bulu.’ ³⁸ lɛni gyi mbla amúɔtɔ gyankpapu ání lɔdɔn mú féé ni. ³⁹ Nyɔsɛ ɛ igyi fe

mú. ‘Dwe fu ba fe fu iwi.’ ⁴⁰Mose Mbla pú Bulu ɔnɔsu atɔɔpu amu atosunahe féé ulu mbla anyɔ anfsu.”

Ma Gyi Kristo Amu?

(Marko 12:35-37; Luka 20:41-44)

⁴¹ Iná Farisifo amu bebefia si bulu su a, Yesu lefite amú ɔbee, ⁴² “Nkali mlɛde Kristo, (ɔha amvu Bulu lada mu ofuli amu) iwi gywun? Ma mu na ni?”

Bebla mu bee, “Owie Dawid mu na ni.”

⁴³ ɔlelafite amú ɔbee, “Mú ntogyi su ɔɔɔ Wankihe leha Owie Dawid leti mu ɔbee ‘Mú Wie?’ Tsufe Owie Dawid lebli ɔbee,

⁴⁴ ‘Ani Wie Bulu lebla ni Wie ɔbee,

Tsia ni gyɔɔɔ nfi,

yɔɔn breá néha fétsatsa fu alupusu?”

⁴⁵ Ni Owie Dawid onuto leti ɔha anfi Bulu lada ofuli anfi ɔbee, mu wie a, nkali su ɔtra ogyi mu na?”

⁴⁶ Amúto ɔkuku metal le mú ɔnɔ. Tsu eke amu a, ɔhaa metra wa klɔn fite mu asvansu.

Mose Mbla Asunapu Pú Farisifo Tsiato

(Marko 12:38-39; Luka 11:43, 46; 20:45-46)

23 ¹ Asun anfi ɔma a, Yesu lebla ɔɔm amu pú mu akasipu amu ɔbee, ² “Mose mbla Farisifo pú Mbla asunapu amu buɔdesuna. ³ Mú su mlygi amú asun blihe féésu, tame mlu mátsia amú atsiabi. Tsufe butamagyi amú onuto asun blihesu. ⁴ Butɔpu atɔ dwindwin sura aha, tame amú onuto butamapu osrebi ɔkule kuraa tsa amú tsu. ⁵ Butɔbwe amú togyito aha ansisu. Butɔwanlin Bulu asun duka tati tehesu, pɔkli amú ɔvɔkpi pú amú bina ɔbasu. Butɔlu nfe tuntuntun siansian amú atadue ɔnɔ. ⁶ Butekle otsiakpa yile tsia nke ogyikpa pú Yudafo Ofiakpa. ⁷ Bedali yɔ dunsu a, butekle bee aha buti amú bee, ‘Asunapu,’ abubun ha amú itsia. ⁸ Mli féé a, apio mlygi. Mú su mlu máha abuti mlito ɔhaa osunapu. ɔbakule pe gyi mli osunapu. ⁹ Ali ken mlu máti ɔhaa mli si ɔsɔlu anfsu ni. Tsufe ɔsi ɔkule pe mlibu, ɔbu ɔsusu. ¹⁰ Trahe-trahe a, mlito ɔhaa máha abuti mu nkpa ogyapu. Tsufe nkpa ogyapu ɔkule pe mlibu. Mlygi Kristo, (ɔha amvu Bulu lada mu ofuli amu). ¹¹ Mlito ɔhande ɔbwe mli osumpu. ¹² Tsufe fva fotsu iwi a, Bulu ɔbéba fu asi. Fva feba iwiasu e a, Bulu obótsu fu fva.

Apinabwebi Abwepu

(Marko 12:40; Luka 11:39-42, 44, 52; 20:47)

¹³⁻¹⁴ “Mli Farisifo pú Mose mbla asunapu, apinabwebi abwepu, mlygyɔwɔ ni. Mlilatin Bulu iwiegyi amu ɔkpa wa aha. Mli onuto mlumedekleá mlówie unu, mlɛde aha áni buɔde mbɔdi bɔá bówie unu e ɔkpa tin.”

¹⁵ “Mli Farisifo pú Mose mbla asunapu, apinabwebi abwepu, mlygyɔwɔ ni. Tsufe mlitefa iln fa ɔpu, du ɔbu kpli ɔbu ha ɔha tedamli klɔntɔ. Tame ni

m 23:14 Múto ye 14 bu nwalu dada amu akuto: *Mli Farisifo pú Mose mbla asunapu, apinabwebi abwepu, mlygyɔwɔ ni. Mlɛlu ahati bo mpaɔ tintuntun, tame mlitɔswu asrapu amú woyi pú amú atɔ féé e. Inu su Bulu ɔbébiti mli usu don aha trahe.*

Yerusalemfɔ lwi ɔdwe

(Luka 13:34-35)

³⁷“Oo, Yerusalemfɔ, Yerusalemfɔ! Mlitɔmɔ Bulu ɔnɔsu atɔɔpu, da abi ání Bulu lawa susu mli abwi mɔ ni. Ntekleá nóbun mli abisu bregyibre, fe alá bate tobun mu abisu, tame mlitamaha mi ɔkpa. ³⁸Mliki, Bulu obési mli ɔtswekpa tswi mli, ibédi kpan. ³⁹Tsufe nde mli bla mbee, mliméetra wun mi ekekeeke, yɔfun ekeá mlebl mliaa, ‘Bulu oyula ɔha amvu ɔba mu idato.’ amv.”

Bulu ɔtswekpa Amu Bwie

(Marko 13:1-2; Luka 21:5-6)

24 ¹Breá Yesu ledali Bulu ɔtswekpa unv ɔyɔ a, mu akasipu amv benati yɔtu mu, suna mu ɔtswekpa unv mbu amv. ²Mvu ɔlebla amú ɔbee, “Mlulawun mbu akpɔnkɔnkɔnti anfi fée? Ɔnɔkwali nde mli bla. Bóbwie mú fée bun. Ibwi kole kuraa méesian dinka mú basv.”

lwiɔsun Móa lkplan

(Marko 13:3-13; Luka 21:7-19)

³Breá Yesu tsie Nfɔ-nyibu amvsv, ɔde Bulu ɔtswekpa amv ki a, mu akasipu amv nkule befite mu bee, “Bla an, bre mɔmtɔ uní fée béba? Osuna mɔmɔ e ɔbéba, ibósuna ání fu babi pú ɔyi ɔnɔmɔke lafun?”

⁴Unv Yesu lele mú ɔnɔ ɔbee, “Mliki wanklaan, mení ɔhaa méemle mli. ⁵Tsufe aha tsɔtsɔtsɔ bɔpu mi ida ba bee, amúgyi Kristo, (ɔha amvu Bulu lada mu ofuli amv) ni. Bémle aha tsɔtsɔtsɔ bɔfwí ɔkpa. ⁶Ni mlonuá isa lada manta mli nte ɔtneku a, opuni mátsii mli. Tsufe lehian ání uní aná fée béba, tame imedesuna ání ɔyi ɔnɔmɔke amv lafun. ⁷Tsufe ɔmá bɔko aba. Awie bɔkusu lu abasv. Akun béba, ɔsvlu békpunkí ntine-ntine. ⁸Uní fée igyi fe lwiɔsun ání ɔtsi towun breá ikwu de mu dwiin.

⁹“Alí bre amvɔ a, mi sv ɔmá-ɔmá bólu mli. Bédinka mlsv, pu mli ha bówa mli amvsvyɔ, mɔ mli. ¹⁰Mlito aha tsɔtsɔtsɔ bédida hogyitɔ. Bólu aba, le aba ha. ¹¹Afunu awapvá bébli bee, Bulu ɔnɔsu atɔɔpu bgyi tsɔtsɔtsɔ béba bemle aha tsɔtsɔtsɔ, ha amú bɔfwí ɔkpa. ¹²Lalahaebwe bómoni. Mú sv aha tsɔtsɔtsɔ buméetra dwe aba. ¹³Tame ɔha ání ɔletali lu kinkiinkin yɔfun ɔyi ɔnɔmɔke a, Bulu ɔbɔhɔ mu nkpa. ¹⁴Mú oo a, aha béda Bulu iwiegyi amv unv asun wanklaan anfi ɔkan ɔyitɔ fée, mení aha fée bónu mú asa ɔyi bómu ɔnɔ.

lwiɔsun Wunbi

(Marko 13:14-23; Luka 21:20-24)

¹⁵“Ní mlowun akisitá itobwie ɔmá, ida Ɔwankikpa unv, ide Bulu ɔtswekpa unv kpɔ, fe alá Bulu ɔnɔsu ɔtɔɔpu Daniel lebli tswi a,—Aklapu, mlunu mú así!—¹⁶Mumu aha ání bubu Yudea ɔmáto busri yɔ abusu. ¹⁷ɔha ání ɔdun obusu mákpli ɔbee, móyotsu tɔto obuto. ¹⁸ɔha ání ɔbu ndɔto e ɔmáyinki ba woyitɔ botsu mu tati. ¹⁹Amenyapu pú abi-ayin ání bupia abi bɔbwe alí bre amvɔ bgyi ni. ²⁰Mliko-koli Bulu mliaa, mli ɔsrúke amv umábwe nyankpu múa atsalibi nte ***ɔkpunu ɔdake**. ²¹Tsufe tsu ɔyi asitsuabi a, asun wunhe ání ibéba alí bre amvɔ odu kuku mɔkuba ki. Mú odu kuku e méetra ba ekekeeke. ²²Ní Bulu medunki nke amvsv a, teki ɔhaa méesian ɔyitɔ. Tame aha amvu alale pubwe mu kle amv sv aladunki nke amvsv.

²³ “Alí bre amúto a, ní òkú lebla fú òbèè, ‘Kí, Kristo (òha amúv Bulu lada mú ofulí amú) bú nfi nte nana’ a, máhogyí. ²⁴ Tsufè aha ání bée amógyí Kristo amú pú aha ání bówa afunu bée, Bulu òòsú atòpú bogyí tsòtsòòtsò béba òyítò. Bóbwe ofula pú osuna akpòkpòntí púmle aha. Ní bétalí kuraa a, bémle aha amúv Bulu lalè amú è. ²⁵ Mlínú, nde mlí òla da yat asa íba.

²⁶ “Ní òkú òbla mlí òbèè, ‘Kí, Kristo amú laba òbú dimbisú’ a, mlímádalí yèkí. Alí ken ní bèblí bée, ‘Òbú obutotò’ è a, mlímáhogyí ní. ²⁷ Tsufè mí, Nyankpúsa-Mú-Bí anfí òbake íbóbwe fè alí amúv nyankpú táfíwí íbú, bútowun mú tsu owí òdalíkpa yèdalí owí òkplíwíekpa amú.

²⁸ “Òtínéá itò wuhè da a, ínu alasa bútefia.

Nyankpúsa-Mú-Bí Amú Íbabí

(Marko 13:24-27; Luka 21:25-28)

²⁹ “Ìwòòsín-wun amú òma a, owí òbétá, òtsra è òmèetra fèí. Ntsrakpabí békpa tsu òsúsv bèda. Nwuluta múa mútò atò fèé békpínkí. ³⁰ Mú òma a, mlówun mí, Nyankpúsa-Mú-Bí anfí íba íwí osuna òsúsv. Òyítò aha fèé bósu. Òhagyíòha obówun ání mí, Nyankpúsa-Mú-Bí anfí napú tumí múa numnyam kpòkpòntí mbú nwulútatò tsu òsúsv nèba. ³¹ Ínu a, òkpe kú íbélún kùkùkùkù, Bulu òbówa mú abòpú béyèkpa mú aha amúv alalè amú tsu òyí afonka ana amú fèésv.

Òyí Òòòòò Íwí Osuna

(Marko 13:28-31; Luka 21:29-33)

³² “Mlípòkí pòntò oyi. Ní mú abambi dèpò, íde atè pòpwe lè a, mlítèbú ání awíkpan brè lafún. ³³ Alí ken, ní mlówun ání ntobí anfí fèé íde mútò ba a, mlèbú ání mí, Nyankpúsa-Mú-Bí anfí íbabí lafún ta ní. Nawíè woyí amú òò ta. ³⁴ Òòòkwalí nde mlí bla mbèè, ndèmba-ábí anfí fèé búmóowu ta asa íwí fèé bèba mútò. ³⁵ Òsú múa así fèé bótsún, tamè mí asún blíhè múòtsún èkèkèkè.

Nyankpúsa-Mú-Bí Amú Òbake

(Marko 13:32-37; Luka 17:26-30, 34-36)

³⁶ “Òhaa méyín èkè nte bréá ntobí anfí fèé íbèba. Bulu-abòpú búmèyín. Bulu mú Bí amú è méyín, nkètí aní Sì amúv òbú òsúsv amú nkùlè pè yín. ³⁷ Alí amúv ílegyí *Noa brèsv amú a, alí íbègyí mí, Nyankpúsa-Mú-Bí anfí è íbabí ní. ³⁸ Tsufè asa ntsubulabí amú lòfún a, aha bèsia búde atò gyí, búde nta nun, búde aka tsia, búde atsí kíta ha akú alú yòfún èkéá Noa lowíè mú òdaka kpòkpòkpòntí amú. ³⁹ Òhaa mèbú tóá íde músv yò, kpèfun bréá ntsu amú lòbùla svra amú fèé natí. Alí ken búmèèbú mí, Nyankpúsa-Mú-Bí anfí íbabí ní. ⁴⁰ Alí brè amúto a, ní ayín abanyò búlu ndò kùlètò búde agyóma yò a, Bulu obótsu òkùlè sí òkùlè. ⁴¹ Ní atsí abanyò búde nfuo kwe a, Bulu obótsu òkùlè sí òkùlè.

⁴² “Mlídínka ansí íwísv, tsufè mlímèyín èkéá mlí Wíè òbèba. ⁴³ Tamè mlínú asún anfí. Ní woyí mú wíè yín onyè bréá owíkplú òbèba mú woyítò a, tekí ologyó mú woyí, owíkplú mòbwíè wíè, wí mú atò. ⁴⁴ Mú sv mlí è mlígyó, tsufè mí, Nyankpúsa-Mú-Bí anfí nèba bréá mlí ansí mèdún músú.

Osumpu Wanklaan Pó Ɖlalahe

(Luka 12:41-48)

⁴⁵“Ma mɛɛ gyi osumpuá ɔletin ansi, ɔbu ɔnɔkwali? Mu ibito mu wie tɔpu mu aba atrahe wa, ɔbɛɛ ɔha amú atogyihe dɔnka bresu. ⁴⁶Ansi béggyi osumpu amu, ni mu wie amu ɔba bowun ání lele ɔde mú bwe. ⁴⁷Ɖnɔkwali nde mli bla. Mu wie amu ɔbɔpu mu atɔ fɛé wa mu ibito. ⁴⁸Tame ni osumpu lalahe ogyi, ɔleblɔ wa nwuntɔ ɔbɛɛ, ‘Mú wie mɛéba sei.’ ⁴⁹Ini su olefi asi ɔde mu aba asumpu da, mua nta abupu buɔde atɔ gyi si amú, buɔde nta nun bu a, ⁵⁰mu wie amu ɔbɛ́ba bofwie mutɔ ekeá ɔmedin ansi. ⁵¹Mu wie amu ɔbɛ́hie tuti mutɔ, tra bitɔ mua apinabwebifo amu asu keke. Inu isu múa kpisi bu ni.

Mbitebi Du Aku lwi Yebi

25 ¹“Bulu iwiegyi amu ibɔ́bwe fe mbitebi du akvá botsu amú nkandɛ dali beyefia ɔka pɔpwe otsiapu ɔku. ²Amúto abanu bemimla, abanu ɛ betin ansi. ³Aha mimlahe amu botsu amú nkandɛ, tame bumotsu nfo kuku kita. ⁴Tame atiansipu amu botsu nfo wa atɔto kita. ⁵Ɖka otsiapu amu mɔkɔsi ba. Mú su mbitebi amu fɛé bɔgyɔsi, tsun múto didi.

⁶“Ɖyi-nsune a, ɔku lɔsura okitikiti ɔbɛɛ, ‘Ani pi, ɔka otsiapu amu ɔba o! Mlidalɔ yefia mu!’ ⁷Inu mbitebi amu fɛé bɔkusɔ nywe amú nkandɛ. ⁸Aha mimlahe amu bebla atiansipu amu bɛɛ, ‘Ani nkandɛ dedun. Mú su mliha ani nfo kpalobi awa ani kletɔ.’ ⁹Mus atiansipu amu bebla amú bɛɛ, ‘O-o, umɔtsɔ. Imɔ́ɔfun ania mlinyɔ. Mliɔɔ afeɔpu wa, amliɔɔhɔ mli kle.’ ¹⁰Breá aha mimlahe amu bɔpu ɔkpa bɔyɔ a, ɔka otsiapu amu leba. Amú amus beda iwisu amu bobuo ɔka otsiapu amu wie ɔka otsiakpa inu, oyin amu asumpu befin obu amu.

¹¹“Mú ɔma a, mbitebi atrahe amu ɛ beba belu klun ɔma, bli bɛɛ, ‘Ani si, finki ha ani awie.’ ¹²Tame ɔka otsiapu amu lebla amú ɔbɛɛ, ‘Ɖnɔkwali nde mli bla, mmeyin mli ɔkpagyikpasu.’ ”

¹³Yesu lomɔ mú ɔnɔ ɔbɛɛ, “Ini su mlida iwisu. Tsufe mi, Nyankpusa-Mu-Bi anfi néba breá mli ansi medin misu.

Asumpu Abasa lwi Yebi

(Luka 19:11-27)

¹⁴“Nyankpusa-Mu-Bi amu ibabi bɔ́bwe fe ɔkuá ɔde ɔkpa tu, ɔleti mu asumpu, ye mu atɔ ha amú ɔbɛɛ, buki músu yay mu. ¹⁵Ɖlɔpu sika pepe akente anu ha ɔkule, pu akente anyɔ ha onyɔsi; ɔlɔpu kente kule ɛ ha ɔsasi. Ɖleha okugyiɔku mu ɔwɔnlnɔn ɔnɔ asa ɔlenati. ¹⁶Osumpu amus olenya akente anu amu lɔwa ɔsa pu kɔba amu fi ibiagyi asi. Mú su umɔwa ɔpá kuku, olenya akente anu dɔnka músu. ¹⁷Onyɔsi amu ɛ ledamli ibi mu sika pepe akente anyɔ amus alɔ ken. Mú su olenya akente anyɔ dɔnka músu. ¹⁸Tame ɔsasi amus olenya kente kule amu mú loyokwi ɔbɔ, pu mu wie sika pepe amu nain múto.

¹⁹“Ulɔwa ɔpá asa amú wie amu lotsu mu ɔkpa amu ba, ɔleti amú ɔbɛɛ, mua amúnɔyɔ bóbu akunta. ²⁰Osumpu amus olenya sika pepe akente anu amu lotsu múa músu ɔdunka akente anu amu ba mu wie, bebla mu ɔbɛɛ, ‘Mú wie, feha mi sika pepe akente anu. Mú ɛ nanya akente anu dɔnka músu. Mú ni.’ ²¹Mu wie amu leda mu ipan, bli ɔbɛɛ, ‘Fabwe atɔ. Osumpu wanklaan fugyi. Inú fá fawa

ɔɔkwali atɔ tukuriibi anfitɔ su a, nɔpu fu yai mi atɔ tsɔtsɔtsɔ ɔɔ. Ba afubetsia mi wa, anya ansigyi.’

²²“Osumpu onyɔsi amvu olenya sika pepe akente anyɔ amu ε lebla mu wie ɔbee, ‘Mi wie, sika pepe akente anyɔ feha mi. Mi ε nanya anyɔ dunka mɔsu. Mú ni.’ ²³Mu wie amu leda mu ipan, bli ɔbee, ‘Fabwe atɔ. Osumpu ɔɔkwali pu fugyi. Iníá fawa ɔɔkwali atɔ tukuriibi anfitɔ su a, nɔpu fu yai mi atɔ tsɔtsɔtsɔ ɔɔ. Ba afubetsia mi wa, anya ansigyi.’

²⁴“Mvu osumpu amvu olenya sika pepe kente kule amu ε lebebla mu wie ɔbee, ‘Mi wie, nyin ání fu asun bu ɔnlun. Futɔkpɔti atɔ ɔtineá fumodu; futekpa atɔ-abi ɔtineá fumefuta. ²⁵Mú su nanya ifu pu fu sika pepe amu ɲain ɔɔɔɔ. Mú ni, hɔ fu atɔ.’

²⁶“Lnu mu wie amu lebla mu ɔbee, ‘Osumpu lalahe, ɔwɔlyɔɔpu fugyi. Fuyin ání ntɔkpɔti atɔ ɔtineá mmodu, ntekpa atɔ-abi ɔtineá mmefuta atɔ. ²⁷Iníá fuyin mú alí a, teki fɔpu yɔtswi sika ɔyaikpa. Iníá naba a, teki nɔyɔhɔ mɔa mɔsu abi.’ ²⁸Mvu oyin amu lebla mu asumpu amu ɔbee, ‘Mlɔswu mu sika pepe kente kule amu ha ɔmvamvu alanya akente idu amu. ²⁹Tsufe ɔha ání ɔbu tsɔtsɔ a, betra pu iku tsia mótɔ ha mu, obénya tsɔtsɔtsɔ. Tame ɔha ání ɔma a, bɔswu mu kpalobibiá ɔbu, ³⁰amlitswi osumpu anfi ɔma labi anfi wa okluntɔ. Lnu isu mɔa kpisi bu ni.’

Asungyi

³¹“Ni mi, Nyankpɔsa-Mu-Bi anfi neba mi iwie ogyikpa, Bulu-abɔpu féé bubuo mi a, nétsia mi ɔsusu numnyam owie obiasu. ³²Békpa ɔyitɔ aha féé befia mi ansitɔ. Lnu nótɔsi amótɔ, fe alíá mbwi ɔkɔpapu tɔtɔsi akufa le akpalatɔ. ³³Fównun naha akufa amu balu mi gyɔpisu, akpala amu ε balu mi binasu. ³⁴Lnu mi anfi ngyi Owie anfi nébla aha amvu bulu mi gyɔpisu amu mbee, ‘Mli aha anfi mi Si layula anfi mlíba, amlubetsia iwiegyi amvu ɔléla yai ha mli tsu ɔyi asitsuabi ɔpá amutɔ. ³⁵Tsufe akun lekita mi a, mlíleha mi atɔ negyi. ɔmewuli lekita mi, mlíleha mi ntsu nonun. Nɔbwe ɔfɔɔ, mlíleha mi ɔfɔɔ. ³⁶Nenati yaya, mlíleha mi tati nedida. Nɔɔ, mlíleki mi. Nedi obu, mlíleba beki mi.’

³⁷“Lnu yile abwepu amu befite mi bee, ‘Ani Wie, ɔmenke anlowun ání akun de fu, aníleha fu atɔ fegyí? ɔmewuli de fu, aníleha fu ntsu fonun? ³⁸Fɔbwe ɔfɔɔ, aníleha fu ɔfɔɔ? ɔmenke fenati yaya, aníleha fu tati fedida? ³⁹ɔmenke fɔɔ, nte fedí obu, aníleba beki fu?’

⁴⁰“Lnu mi anfi ngyi Owie anfi nébla amú mbee, ‘ɔɔkwali nde mli bla. Togiyitá mlíleba ha mi apio anfi aha butamabu amú wa ahato anfitɔ ɔku a, mi mlíleba mú ha a.’

⁴¹“Lnu nébla aha amvu bulu mi binasu amu ε mbee, ‘Mlɔkpɔkpe tei nfi. Bulu lalwu mli. Mliyo ogya amvu itamadun, Bulu lela yai ha ɔbunsam mua mu abɔpu amutɔ. ⁴²Tsufe akun lekita mi, mlíleha mi atogyihe. ɔmewuli lekita mi, mlíleha mi ntsu annun. ⁴³Nɔbwe ɔfɔɔ, mlíleha mi ɔfɔɔ. Nenati yaya, mlíleha mi tati andida. Nɔɔ, nedi obu; mlíleki mi.’

⁴⁴“Lnu amú ε befite mi bee, ‘Ani Wie, ɔmenke anlowun ání akun de fu, ɔmewuli de fu, fugyi ɔfɔɔ, fɔna yaya, fudeli nte fuda obu; aníleba beki fu?’ ⁴⁵Lnu mi anfi ngyi Owie anfi nébla amú mbee, ‘ɔɔkwali nde mli bla. Alí amvu mlíleba mú ha mi apio anfi aha butamabu amú wa ahato anfitɔ ɔku

a, mi mlímòbwe ha a.' ⁴⁶Bulu òbèha amú bójyò iwíwòsín ání utamatatò, tame yile abwepu amu mú bénya nkpa ání utamata."

Yesu Nwunsu Kíkí

(Marko 14:1-2; Luka 22:1-2; Yohane 11:45-53)

26 ¹Breá Yesu losuna atò anfi fée ta a, òlebla mu akasipu amu òbèe, ²"Mlìyin ání ilasi nkenyò bégyi Israelfòsu ***Katsun Nke**. Nke amutò a, òku òbòpu mi, Nyankpòsa-Mu-Bi anfi wa mi alupu ibutò, bédà mi manta ***oyikpalihesu**."

³⁻⁴Alì brè amutò a, Yudafò Bulu igyi ahapu dehen pú amú ahande befia igyi òhapu dehen Kaiafa woyitò, kíta agywun òkpa ání bótòsun músu kíta Yesu ñaintò, mò mu. ⁵Tame beblì bée, bumòòbwe mú nke amutò, menì kpokiti méeèda omá amutò.

Ofobi Fanfaanfan Pwulì Yesu

(Marko 14:3-9; Yohane 12:1-8)

⁶Breá Yesu bu Betania wulutò, Simon òkúá alalò ***ilò pepe** kí woyitò òde atò gyi a, ⁷òtsì òku leba mu wa. Òde prentua wanklaan kúá ofobi fanfan ání ibu bia bò mú, òletsei ofobi amu wulì Yesu nwuntò. ⁸Yesu akasipu amu benya òblò breá bowun unì. Mú sv befute bée, "Ntogyi sv òtsì anfi layinta ofobi fanfan anfi? ⁹Abétalì fè mú ibia kpekple, pu kòba amu ha ahianfò."

¹⁰Yesu lebiá òblò lakuta amú. Mú sv òlebla amú òbèe, "Ntogyi sv mlìde mu han? Ito yile alabwe ha mi. ¹¹Ahianfò bétsia mlitò ekekegyièke, tame mi mú mméetsia mlì wa yò. ¹²Alatsei ofobi fanfan anfi wulì mi, pula mi òyulù yai ha mi opulake. ¹³Ònòkwali nde mlì bla. Òyitò òtneyiòtineá bédà Bulu asun wanklaan amu òkan a, béblì tò anfi òtsì anfi labwe anfi pukàn musu."

Yuda Iskariot Lotsula Ání Òbèle Yesu Ha

(Marko 14:10; Luka 22:3-6)

¹⁴Mú omá a, mu akasipu duanyò amutò òkúá buteti mu Yuda Iskariot òyò Bulu igyi ahapu dehen amu wa. ¹⁵Òleyefite amú òbèe, "Nì nele Yesu ha mlì a, ntò mlèha mi?" Mú sv bekla sika fututu advasa (30) wa mu ibutò. ¹⁶Tsu brè amutò òlòwa òkpa dunka ání òbótòsun músu lè Yesu ha amú.

Katsun Atogyihe Gyi

(Marko 14:12-21; Luka 22:7-14, 21-23; Yohane 13:21-30)

¹⁷Israelfò ***Bodobodo Mátuhe Nke** amutò eke gyankpawu a, akasipu amu beba Yesu wa befute mu bée, "Ani Wie, obu mòmuto ayela ha fu, afugyi Israelfòsu Katsun Nke atogyihe amu?"

¹⁸Yesu lebla amú òbèe, "Mlìyò asimasi wa wulutò, amlìyèbla mu mlìaa, 'Osunapu amu òbèe, mi brè lafun. Ini sv mia mi akasipu aba begyi Israelfòsu Katsun Nke amu fu woyitò.' "

¹⁹Mú sv akasipu amu bójyòbwe alì amuv Yesu lebla amú amu pepepepe. Bela obu amutò, bwe Katsun Nketò atogyihe amu yai un.

²⁰Breá nsaintò deklun a, Yesu muva mu akasipu beba betsia òpònu amu asì. ²¹Atò amu ogyikpa a, Yesu lebla amú òbèe, "Ònòkwali nde mlì bla, mlitò òkule òbèle mi ha."

²² Asun anfi lehie han akasipɔ amu. Mú sv befi asɔ buɗe mu fite ukule-kule beɛ, “Mɩ Wie, mi ni loo?”

²³ Yesu lebla amú ɔbeɛ, “Ɖha amuv mia munyɔ anide ibi wa ɔlepe ɔkuletɔ amu ɔbéle mi ha. ²⁴ Mɩ, Nyankpɔsa-Mu-Bi anfi nówu fe alá ɔwanlɩn tswɩ, tame ɔha amuv ɔbéle mi ha amu ɔgyɔwi ni. Ni bumetepi kwu mu kuraa a, teki ibu ale ha mu.”

²⁵ Yuda Iskariot amuv ɔlele mu ha amu ε lefite mu ɔbeɛ, “Osunapɔ, mi ni loo?” Muv Yesu lebla mu ɔbeɛ, “Ee, fabli.”

Yesu Ntɔpwe Atogyihe Trahe

(Marko 14:22-26; Luka 22:14-20; 1 Korintofɔ 11:23-25)

²⁶ Breá buɗe atɔ amu gyi a, Yesu lele bodobodo ipin, ɔleda Bulu ipan, biabia mútɔ puha mu akasipɔ amu, bli ɔbeɛ, “Mliho amlɩgyi. Mɩ ɔyulu ni.”

²⁷ Inu olotsu nta-ewe, ɔleda Bulu ipan, puha amú ɔbeɛ, “Mli féé mliho amlɩnun. ²⁸ Mɩ obugya ni. Mú Bulu depusi mu ntam” ání alaka ha ahasu ni. Bétsei mú wuli asɩ, menɩ obési aha tsɔtsɔtsɔ lakpan kie amú. ²⁹ Nde mli bla mbeɛ, mméetra nun ***wan-abi** nta anfi alu yɔfɩn ekeá mia mlinyɔ abélanun mú pɔpwe mi Si ***iwiogyi** amú.”

³⁰ Benya wa ibu da Bulu ipan ta alt, benati yɔ Nfɔ-nyibu amuvu.

Petro Ɖbɔswu Ɖbeɛ, Mɩmeyin Yesu

(Marko 14:27-31; Luka 22:31-34; Yohane 13:36-38)

³¹ Breá bowie Nfɔ-nyibu amuvu a, Yesu lebla amú ɔbeɛ “Mli féé mléyinki mi ɔma onyeni. Tsufe ɔwanlɩn wa Bulu asun amú ɔbeɛ, ‘Néda akufa ɔkpaɔ amu leda, mu akufa bédasau.’ ” ³² Muv ɔletra bli ɔbeɛ, “Tame ni Bulu ɔkusua mi tsu afulitɔ a, négya mli nkpa yɔ Galilea ɔmáto. Inu mlɔ-ɔtɔv mi ni.”

³³ Petro lebla mu ɔbeɛ, “Ni amú féé beyinki fu ɔma kuraa a, mi mú mméeyinki ekekekeke.”

³⁴ Yesu lebla mu ɔbeɛ, “Ɖnɔkwali nde fu bla. Onyeni, asa bate ɔbéle ɔno a, fɔswu pu ibu wa ogya tse sa fee fumeyin mi.”

³⁵ Inu Petro lebla mu ɔbeɛ, “Ni lowu igyi kuraa a, mméekina fu ekekekeke.” Alɩ ken akasipɔ atrahe amu ε bebli ni.

Mpaibɔ Getsemane

(Marko 14:32-42; Luka 22:39-46)

³⁶ Yesu mua mu akasipɔ ɔnyɔ ɔtinekúá buteti unv Getsemane. Breá bowie unv a, ɔlebla amú ɔbeɛ, “Mlɩtsia nfi, nnyɔ nkpa yɔɔɔ mpaɩ.” ³⁷ Ɖlekpa Sebedeo abi anyɔ, bɩgyi Yakobo mua mu pio Yohane pú Petro ya. Inu asun lehie han mu, mu ansɩ lepe. ³⁸ Muv ɔlebla amú ɔbeɛ, “Asun ihie de mi han, idekle unv mi. Mlɩtsia nfi, mia mlinyɔ agyo.”

³⁹ Inu ɔlenati yɔ nkpa kpalobi, ɔleda akpawunu pu ansitɔ bun ɔsulɩtɔ, kokoli Bulu ɔbeɛ, “Mɩ Si, ni ɔ́wa ale a, ha nta-ewe anfi^o itsun musu. Tame megyi tɔá ndekle, mboun múá fudekle iba móto.”

⁴⁰Muu oleyinki ba akasipu amu wa bowun ání budedidi. Inu su òfite Petro òbèè, “Mú su mlumetalí tsia, mia mlunyo agyo ònhwuri kule kpan? ⁴¹Mlgyo amlukokoli Bulu, mení mlumóowie usokuto, tsufe mli òje dekle, tame nyankpusa-oyi lópon.”

⁴²Yesu letra yokokoli Bulu òbèè, “Mí Sí, ní nta-ewe anfi móòtsun misu, ibwe alágyialá nónun mú a, mumu tóá fudekle iba móto.” ⁴³Òletra yinki ba bowun ání akasipu amu butra budedidi, tsufe didi de amú bu.

⁴⁴Mú su òlenati si amú, tra yokokoli Bulu otse sasi, bli asun amu ken. ⁴⁵Oleyinki ba akasipu amu wa, befite amú òbèè, “Mlulatra si mlida mlide òkpunu da? Mluki, bre amu lafun ání bópu mí, Nyankpusa-Mu-Bi anfi wa lakpan abwepu ibuto. ⁴⁶Mlukusu ayó. Mluki, óha amuu òde mí le ha amu na a.”

Yesu Kita

(Marko 14:43-50; Luka 22:47-53; Yohane 18:3-12)

⁴⁷Yesu òno mesi asa ***akasipu** duanyo amuto òkule buteti mu Yuda lobowie unu. Ódóm kponkponkponntiá bude ndayi pú nkpoti bubuo mu. Bulu igyi ahapu dehen pú Yudafó ahande amu lówa amú. ⁴⁸Yuda amuu òbéle Yesu ha amu lebla ódóm amu yai òbèè, “Óha amuu nélata puta amu gyi óha amu ní. Mlikita mu.”

⁴⁹Inu su òlenati laa yeha Yesu itsia òbèè, “Osunapu, tsia ní!” Ólélata mu puta.

⁵⁰Muu Yesu lebla mu òbèè, “Agya, bwe tóá òbwekpa feba.”

Inu aha amu benati tu Yesu, kita mu kinkiinkin. ⁵¹Inu Yesu akasipu amuto òkule lótsu mu ódayi, kpa Bulu igyi óhapu dehen osumbi óku isu le. ⁵²Muu Yesu lebla mu òbèè, “Yinkia fu ódayi wa mú òfletó. Tsufe óha ání ótenati kuta ódayi a, ódayi òno otesin. ⁵³Fumeyin fee, nélati kokoli mí Sí òbéha mu abópu tsótsótsó aku duanyo béba bóko hó mí? ⁵⁴Tame ní iba alí a, nkali íbóbwe asa Bulu asun wanlunhe amu íbéba móto?”

⁵⁵Inu Yesu leftte amú òbèè, “Ogyo otswapu ngyi, su mlulatsu nkpoti pú ndayi mleba mí óktakpa? Ntsie mí wa Bulu ótswekpa unu ekekegyieke nde mí ató suna, mlumekita mí ekekeke. ⁵⁶Tame uní féé laba móto, mení Bulu óno su atópu asun wanlunhe amu íbéba móto.”

Inu akasipu amu féé besri si mu.

Yudafó Ahande Ansító Lu

(Marko 14:53-65; Luka 22:54-55, 63-71; Yohane 18:13-14, 19-24)

⁵⁷Muu Yesu akutapu amu bekpa mu ya Bulu igyi óhapu dehen Kaiifa. Inu mu Mose mbli asunapu pú Yudafó ahande amu befa ní. ⁵⁸Tame Petro lepeti obuó amú óma tsutsuutsu alu bowie igyi óhapu dehen woyito unu. Oleyetsia amú agyopu wa, mení obówun alá asun amu íbómó òno. ⁵⁹Inu Bulu igyi óhapu dehen amu mu Yudafó asun agyipu amu féé bodunka aha ání beka asun dinka Yesusu, mení bélu mósu mó mu. ⁶⁰Afunupu tsótsótsó bedali ba, tame amú féé òno lótsun ótsan. Mú óma a, aha abanyo bedali belu ahande amu ansító, ⁶¹bli beè, “Oyin anfi lebli òbèè, ‘Nélati bwie Bulu ótswekpa amu, lapu nkensa yi mú.’ ”

⁶²Muu Bulu igyi óhapu dehen amu lókusu lu fite Yesu òbèè, “Fuma òno le? Fuma asvansu bli pule fu uní?” ⁶³Tame Yesu mobwii òno. Bulu igyi óhapu

dēhen amu lela bla Yesu ɔbɛɛ, “Neka Bulu Ɔkiankpapu amu, nu fugyi Kristo, (ɔha amuu Bulu lada mu ofuli), ogyi Bulu mu Bi amu a, bla anɪ.”

⁶⁴Muu Yesu lebla mu ɔbɛɛ, “Mú fabli a. Tame mlubiá tsu ndɛ puya a, mlówun mɪ, Nyankpɔsa-Mu-Bi anfi ntsie Bulu Otumipu gyɔpɩsu anfi ndun ɔsusu nwlɔvtasɩ neba.”

⁶⁵Muu Bulu igyi ɔhapu dēhen amu lekɩta mu atadiɛ balɩ mú kɩaan,^p bli ɔbɛɛ “Alabɔ mbusuo! Adansɛ mɔmɔ anɩtra anigyo? Ye mlɩlanu abususu ánɩ alabli.

⁶⁶Nkalt gyi mli agywun?”

Bebla mu bɛɛ, “Ilehian ánɩ obówu!”

⁶⁷ɩnu botutu atsɩnɔ wɔli mu ansɩtɔ, wɔwɔ mu atsɩwɛ. Aku ɛ bedada mu asɩtɔ, ⁶⁸fite mu bɛɛ, “Bulu ɔnɔsu ɔtɔɩpu Kristo, ma lada fu? Bla anɪ.”

Petro Lɔswu Ɔbɛɛ Mmeyin Yesu

(Marko 14:66-72; Luka 22:56-62; Yohane 18:15-18, 25-27)

⁶⁹Petro tsie wunsɩnesu ɩnu, otsibi ɔku lɔbɔtu mu bla mu ɔbɛɛ, “Fuɔ Yesu Galileayin amu nyo na.”

⁷⁰Tame Petro lɔwa ɔnɔli aha amu féé ansɩtɔ ɔbɛɛ, “Mmeyin asun anfi fudebli anfi ɩwɩ kukɩvuku.” ⁷¹Mú ɔma woyi-ɔnɔ ɩnu ɛ a, otsibi ɔku ɛ lebi Petro. Mú su ɔlebla aha ánɩ bulu ɩnu ɔbɛɛ, “Oyin anfi muɔ Yesu Nasaretyin amu nyo tenati.”

⁷²ɩnu Petro lɔpu ɔnɔli ka ntam, bli ɔbɛɛ, “Mmeyin mu.”

⁷³Mú ɔma a, aha amuu bɔlu ɩnu amɩtɔ aku beba bebla Petro bɛɛ, “Lele mú a, anyin ánɩ fuɔ Yesunyo na, tsufe fu tɔtɔ de anɩ suna alɩ.”

⁷⁴ɩnu Petro lɔwa ntam kaka bli ɔbɛɛ, “Neka togyitɔ, mmeyin oyin amuu mlɩde mu ɩwɩ asun bli amu!”

ɩnuɩu bate lɔbɔn. ⁷⁵Petro lekaun ánɩ Yesu lebla mu ɔbɛɛ, “Fɔswu tse sa fɛɛ fumeyin mɩ asa bate ɔbéle ɔnɔ.” ɩnu ɔledali hue yosu.

Yesu Kpa Ya Pilato

(Marko 15:1; Luka 23:1-2; Yohane 18:28-32)

27 ¹Ɔyikehe nyankɩ-nyankɩ a, Bulu igyi ahapu dēhen pú Yudafɔ ahande amu bekɩta agywun bɛɛ, bɔmɔ Yesu. ²Mú su beklɩ mu, pu mu yɔwa Pilato ɩbɩtɔ. Mvgyi Roma ɔhandeá ɔde Yudea ɔmásu gyi nɩ.

Yuda Iskariot ɩwɩsian

(Gyumagyihe 1:18-19)

³Yuda amuu ɔlele Yesu ha amu lowun ánɩ baha Yesu ɩpɔn. Ulehan mu. Mú su oleyinkia sika fututu adɩasa amu ya Bulu igyi ɔhapu dēhen pú Yudafɔ ahande amu. ⁴Ɔlebla amú ɔbɛɛ, “Nale ɔha ánɩ ɔmɔkɔbwe lakpan kuku ha. Mú su nabwe lakpan.”

Muu bebla mu bɛɛ, “Anumeyin mú ɩwɩ kuku. Fu asun igyi.”

⁵Mú su Yuda ɩtsɩwɩ sika fututu amu sisi amú Bulu ɔtswekpa wunsɩnesu ɩnu, natɩ yesian ɩwɩ.

⁶Bulu igyi ahapu dēhen amu bɔtɔsɩ kɔba amu, bli bɛɛ, “Anɩ mbla meha ɔkpa ánɩ abɔɩpu kɔba anfi odu wa Bulu ɔtswekpa kɔbatɔ, tsufe mú ɩwɩ metɩn.

Obugya kɔba igyi.” ⁷Mú sɔ bɔbwe agywuun, pɔ kɔba amu yɔhɔ atɔ ɔpwepu ɔku ɔsulu, pɔ unu bwe afɔɔá bubu Yerusalem opulakpa. ⁸Unu sɔ bɔtu nde buteti unu beɛ, “Obugya ɔsulu.”

⁹⁻¹⁰Unu leha Bulu asun amuu ɔleblɔ tsun mu ɔnɔsu ɔtɔɔpu *Yeremiasu amu leba mútɔ. Ɖbeɛ, “Botsu sika fututu advasa amuu Israelfɔ begyi mu ibia, ha mu amu yɔhɔ atɔ ɔpwepu ɔku ɔsulu, fe alá Bulu lebla mi.”

Yesu Pilato Anstɔ Lu

(Marko 15:2-5; Luka 23:3-5; Yohane 18:33-38)

¹¹Yesu lu ɔmásv ɔkɔpu Pilato anstɔ. Mvu Pilato lefite mu ɔbeɛ, “Fugyi Yudafɔ owie amu ni?”

Yesu lebla mu ɔbeɛ, “Ee, mú fabli a.” ¹²Tame breá Bulu igyi ahapu dehen pɔ Yudafɔ ahande amu beka asun duka Yesusu a, ɔmele kuku ɔnɔ.

¹³Mvu Pilato lefite mu ɔbeɛ, “Fɔmede asun anfi bakla duka fusu anfi nu?”

¹⁴Tame Yesu metepi bwii ɔnɔ. Mú sɔ ilobwie Roma ɔhande amu ɔnɔ.

Yesu Lowu lɔɔn Ha

(Marko 15:6-15; Luka 23:13-25; Yohane 18:39–19:16)

¹⁵Offiigyiofi, ni buɔde Israelfɔsu *Katsun Nke gyi a, Roma ɔhande amu tesi obu ɔɔɔpu ɔkɔleá ɔɔɔm amu buɔdekle ha amú. ¹⁶Alɔ bre amutɔ a, obu ɔɔɔpu ɔkɔá alahɔ ida, buteti mu Baraba da obu. ¹⁷Mú sɔ breá Yudafɔ amu féé bebefia a, Pilato lefite amú ɔbeɛ, “Ma nsi ha mlɔ? Baraba loo nte Yesu, buteti mu Kristo amu?” ¹⁸Tsufe Pilato yin ání Yesu iwɔ olu sɔ Bulu igyi ahapu dehen pɔ Yudafɔ ahande amu bakɔta mu ba mu.

¹⁹Breá Pilato tsie ɔde Yesu asun amu gyi a, mu ka lɔwa obi mu wa ɔbeɛ, “Mábwe oyin anfi mu asun da ɔkpa anfi tɔtɔ. Tsufe igye onye a, nokun okude wun mu, ifu lehɛ kita mi.”

²⁰Tame Bulu igyi ahapu dehen pɔ Yudafɔ ahande amu beha ɔɔɔm amu ɔnɔ beɛ, bukokoli Pilato osi Baraba, abumɔ Yesu. ²¹Mú sɔ Roma ɔhande amu lela-fite ɔɔɔm amu ɔbeɛ, “Aha abanyɔ anfitɔ ɔmɔmu nsi ha mlɔ?”

Botsu ɔnɔ beɛ, “Baraba!”

²²Mvu Pilato letra fite amú ɔbeɛ, “Ntɔ mbwe Yesu, buteti mu Kristo, (ɔha amvu Bulu lada mu ofuli amu)?”

Amú féé bebla mu beɛ, “Da mu manta *oyikpalihesu!”

²³Pilato lefite amú ɔbeɛ, “Ntogyi su! Tsitsa mɔmu alabwe?”

Unu belakplun kɔkɔkɔ beɛ, “Da mu manta oyikpalihesu!”

²⁴Breá Pilato lowun ání alabwe kasian, kpokiti mboun dekle ida unu a, olotsu ntsu fwɔ ibɔ unu anstɔ unu, bla amú ɔbeɛ, “Mi ibɔ anyɔ uma oyin anfi lowutɔ. Mlɔ asun igyi.”

²⁵Yudafɔ amu féé bebla mu beɛ, “Mu lowu ɔsubiti iba anɔ anɔ abi-anásu!”

²⁶Unu Pilato lesi Baraba ha amú, ɔleha mu isa akɔpu beputi Yesu atɔ. Ɖɔɔpu mu wa amú ibitɔ ɔbeɛ, buyeda mu manta oyikpalihesu.

Yesu Ahinla Bwe

(Marko 15:16-20; Yohane 19:2-3)

²⁷Unu ɔmásv ogyipu amu isa akɔpu bekpɔ Yesu ya mu woyitɔ. Beti amú aba isa akɔpu atrahe amu féé, beda Yesu ɔbun. ²⁸Bɔwɔ Yesu atadie, pɔ liga pepe

uku wa mu. ²⁹ Bɔlu obungyo-awu, bwe mú owiepa bun mu nwun. Bɔpu oyi ku wa mu gyɔpi ubu, fe akonfra. Beda akpawunu mu ansu, buɔe mu ahinla bwe beɛ, “Yudafɔ Owie, fu nkpasu ɔnlusu!” ³⁰ Botu atsɔnɔ wɔli Yesu, swu mu oyi amu puputu mu nwuntu. ³¹ Bɔbwe mu ahinla ta a, bɔwɔ amú liga pepe amu, yinkia mu onuto atadie wa mu, bekpa mu dalɔ bɔyɔ abuyeda mu manta oyikpalihesu.

Yesu Da Manta Oyikpalihesu

(Marko 15:21-32; Luka 23:26-43; Yohane 19:17-27)

³² Breá bɔyɔ a, befia Kireneyin ɔkúá buteti mu Simon. Isa akɔpu amu beka mu hie beɛ, ɔhɔ oyikpalihesu amu sɔra. ³³ Boyowie ɔtunekúá buteti unu Golgota. Mú asɔ gyi, “Nwun Okokobi Otsiakpa.” ³⁴ Bɔpu afa kutakita wa ntatɔ tin Yesu ɔnɔ beɛ onun, tame breá ɔleda mú ɔnɔ a, olekina nun.

³⁵ Beda mu manta oyikpalihesu amusu ta a, beye mu atadiɔtɔ. Inu bɔtswi abi puki ɔhagyidha ogyikpa. ³⁶ Besi butsie unu, buɔe mu iwi gyɔ. ³⁷ Mɔu bɔwanlun tɔá sɔa buɔe mu da manta oyikpalihesu, da manta mu awunsu beɛ, “YESU, YUDAFɔ OWIE AMU NU.”

³⁸ Beda awikplu abanyɔ ɛ manta nyikpalihesu tsia mutɔ. ɔkule bu mu gyɔpisu, ɔkule ɛ bu mu binasu. ³⁹ Inu atsonpu bɔkpukpu nwuntu, bli Yesu iwi abususu beɛ, ⁴⁰ “Ye fu fɛɛ fɛtali bwie Bulu ɔtswekpa amu, lapwe mú nkensa owito ni? Hɔ fu iwi! Ni lele Bulu mu Bi fugyi a, kpli tsu oyi amusu aki.”

⁴¹ Ali ken Bulu igyi ahapu dehen, Mose mbla asunapu pú Yudafɔ ahande amu ɛ bɔbwe mu ahinla nu. ⁴² Bebli beɛ, “ɔlɔhɔ aha nkpa, tame ɔmetali hɔ mu iwi. Ni mugyi Israelfɔ owie amu a, ɔkpli tsu oyi amusu, menɔ abɔhɔ mu gyi. ⁴³ Ye ɔbeɛ Bulu mu Bi mugyi, mu ansɔ dun Bulusu. Bulu ɔle mu sei, akiá otekle mu asun.”

⁴⁴ Ali ken awikplu amusu beda manta nyikpalihesu mu wa amu ɛ bɔbwe mu ahinla nu.

Yesu Lowu

(Marko 15:33-41; Luka 23:44-49; Yohane 19:28-30)

⁴⁵ Owi leta ɔsulɔ amusu féé, tsu doduanyɔtɔ alu yɔfun ntɔpwe ɔsɔtɔ. Owi metra lun ɛ. ⁴⁶ ɔɔsa amutɔ a, Yesu ɔkplɔn kɔkɔkɔsu *Hebri ɔblitɔ ɔbeɛ, “Eli, Eli, Lama Sabaktani?” Mú asɔ gyi, “Mú Bulu, mú Bulu, ntogyi sɔ fakpa mú ɔma?”

⁴⁷ Breá aha amusu bulu unu amutɔ aku bonu asun anfi a, bebli beɛ, “ɔɔe *Elia kpoli.” ⁴⁸ Inu amútu ɔku lesri yotsu ɔsɔpɔ, pɔda nta ɔɔaitɔ, puyi oyisu, tsu mú fua, putin mu ɔnɔ ɔbeɛ onun.

⁴⁹ Tame mu aba atrahe amu bebla mu beɛ, “Si alu ki beɛ, Elia ɔbéba bɔhɔ mu.”

⁵⁰ Yesu letra kplɔn kɔkɔkɔsu, ɔlele ɔɔe.

⁵¹ Inu Bulu lebalɔ tati amusu bɔpuka Bulu ɔtswekpa obu amutɔ anyɔ, tsu awunsu beyi asɔ kɔaan. ɔleha ɔsulɔ lekpunkɔ, ɔleha abuta lemamaun. ⁵² Olefinfinki ntsan, aha wankihe tsɔtsɔɔtsɔ bɔkusu tsu afulitɔ. ⁵³ Yesu kusu tsu afulitɔ ɔma a, aha wankihe anfi bakusu tsu afulitɔ anfi bɔyɔ Yerusalem wulu wankihe amutɔ, yele iwi ɔwan suna aha tsɔtsɔɔtsɔ.

⁵⁴ Breá isa akɔpu ɔhɔnde pú isa akɔpu amusu buɔe Yesu iwi gyɔ amu bowun ɔsulɔkpunkɔ amu pú tɔá ide músu yɔ féé a, ifu lehie kɔta amú, bebli beɛ, “Lele, Bulu mu Bi oyin anfi gyi.”

⁵⁵ Atsi tsɔtsɔwɔtsɔ bobuo Yesu, buɔe muɔv kɪ tsu Galilea ɔmáɔ. Amú ε besi lu tsutsuutsu, buɔe mu kɪ sɪsɪ. ⁵⁶ Amúɔɔ aku gyi, Magdalayintse *Maria mua *Maria ání ɔɔkwu Yakobo mua *Yosef pú Sebedeo mu ka ání ogyi Yakobo mua Yohane aná oyin.

Yesu Pula

(Marko 15:42-47; Luka 23:50-56; Yohane 19:38-42)

⁵⁷⁻⁵⁸ Breá owi ɔepɔn a, Arimateayin iwɔ onyapu ɔvuá butetɪ mu Yosef, alamli Yesu ɔkastɪpu ɔyɔ Pilato wa, yɔkɔli mu ɔbeɛ, osi Yesu fuli amu ha mu. Pilato leha ání busi fuli amu ha mu. ⁵⁹ Mú sv Yosef ɔpu ɔhrada ání ɔletɪn wanklaan kɪkɪ fuli amu iwɔ, ⁶⁰ ɔɔpu mu yɔwa ɔɔ ɔpɔweá alada butatɔ yai ha mu iwɔ. Muɔ olemina ibwi yileyle ku tin ɔɔ amu ɔɔ, ɔlenati. ⁶¹ Magdalayintse Maria mua Maria nyɔsi amu besi butsie unu fun, buɔe ntsan amu kɪ sɪsɪ.

Yesu Ntsan Gyo

⁶² Yudafo iwɔsv ɔɔake ɔyikehe, igyi *ɔkpɔsv ɔɔake a, Bulu igyi ahapu dehen, Farisifo amu féé pú Pilato befia. ⁶³ Bebla mu beɛ, “Owie, anɪlakaun ání breá ofunupu anfi tsie nkpa a, ɔleblɪ ɔbeɛ, ‘Nkensa ɔma a, Bulu ɔbélakusva mi tsu afulitɔ.’ ⁶⁴ Mú sv ha abuyogyo mu ntsan amu ɔɔ wanklaan, yɔfun eke sasi. Ni megyi alɪ mu akasɪpu amu bóyowi mu le, bemle aha beɛ alakusv. Iba alɪ a, akasɪpu amu ahamle bóɔɔn mu kle.”

⁶⁵ Pilato lebla amú ɔbeɛ, “Isa akɔpu ni. Mliha amú abuyogyo unu wanklaan alá mletal.”

⁶⁶ Mú sv beyetan ɔɔ amu ɔɔ wanklaan, ha agyopu bogyo mú asi.

Yesu Kusv Tsu Afulitɔ

(Marko 16:1-10; Luka 24:1-12; Yohane 20:1-10)

28 ¹ Yudafo ɔkpɔsv ɔɔake ɔyikehe, igyi Kwasiada bake a, Magdalayintse *Maria mua *Maria nyɔsi amu ɔkɔsv yɔ Yesu ntsan amu ɔkɪpa. ² Inunv a, ɔsvɔ lekpɪnkɪ kukɔkɔsv, Bulu-ɔɔpu lekpɪlɪ tsu ɔsvɔv bemina ibwi yile amu le ɔɔ amu ɔɔ, tsia músv. ³ Mu ansɔɔ lehɪe wankɪ, ɪɔe ogya kpa. Mu atadiɛ ε lofuli fututuutu fe opuli-mputɔ. ⁴ Breá bowun mu a, ifu lehɪe kita unu agyopu amu, békpɪnkɪ kpakpakpakpa, dida, lwii fe afuli.

⁵ Bulu-ɔɔpu amu lebla atsi amu ɔbeɛ, “Mlumánya ifu! Nawun ání Yesu amuv beda manta oyikpalihesv amu mlɔɔɔɔɔɔɔ. ⁶ ɔma nfi. Bulu lakusva mu fe alá ɔleblɪ yai. Mlibeki ɔtine amuv ɔpu mu tsɔwɔ amu. ⁷ Mliwa ɔsa yebɪa mu akasɪpu amu mlɔaa, Bulu lakusva mu tsu afulitɔ. Alagya mli nkpa ɔyɔ Galilea ɔmáɔ. Inu mlówun mu ni. Aɔvun ání mbu ha mli ni.”

⁸ Ifu lekɪta atsi amu, tame ɔpu ansigyɪ tsii ɔsvu tsu opulakpa unu ɔyɔ yebɪa akasɪpu amu tɔá bawun.

⁹ Imɔwa ɔpá kuku Yesu lefia amú, ha amú ɪɔe. Inu beda akpawunu kita mu ayabi, sum mu. ¹⁰ Yesu lebla amú ɔbeɛ, “Mlumánya ifu. Mliyebɪa mi apio amu mlɔaa, buyɔ Galilea ɔmáɔ. Inu bówun mi ni.”

Ntsan Agyopu Amu Aɔvun Klahe

¹¹ Breá atsi amu ɔpu ɔyɔ a, ntsan agyopu amu aku ε ɔyɔ wulɔɔ yebɪa Bulu igyi ahapu dehen amu tɔá ɔlaba féé. ¹² Inu sv Bulu igyi ahapu dehen amu

beti Yudafo ahande amu fée fia, kita agywun. Beha ntsan agyopu amu koba tsotsotsu. ¹³Beha amú ònò bée, “Mlibli mlíaa, ‘Onye, bréa anidedidi a, Yesu akasipu amu beba bowi mu natu.’ ¹⁴Ni Roma òhande onu a, ania munyo abébli mú, mení mlumóowie asvntu.”

¹⁵Mú sv ntsan agyopu amu botsula hò kòba amu. Begyi ònka Bulu igyi ahapu dehen amu asun blihe anfiwu. Ònò anfi beha amú anfi lobwie wa Yudafo òmá amu féeò òfun nde.

Yesu Iwòwanle Suna Mu Akasipu

(Marko 16:14-18; Luka 24:36-49; Yohane 20:19-23; Gyumagihe 1:6-8)

¹⁶Akasipu duòkun amu benati yo Galilea òmátò, ibu amvu Yesu losuna amú òbée bvfia mu músv amsv. ¹⁷Bréa bowun mu a, beda akpawunu sum mu, tame uwòwanki amúò akv ání mu ni. ¹⁸Mvu Yesu lòkpòkpe ba amú wa, bli òbée, “Bulu lapu òsv múa asi tumi fée wa mi ibiò. ¹⁹Mú sv mltyò òyitò fée, amlibwe aha fée mi akasipu. Mlibò amú ***asu** Òsi, Obi pú Òje Wankihe idatò. ²⁰Mlisuna amú abvgyi mbli amvu òwà ha mli amu féeòsv. Mlibi ání mbv mli wa bregyibre, yòfun òyi ònòwò.”

Asun Wanklaan Ání

Marko

Lówanlun

Asu Ɖɔɔpu Yohane Bulu Asun Ɖkanda
(Mateo 3:1-12; Luka 3:1-18; Yohane 1:19-28)

1 ¹ Alí Bulu mu Bi Yesu Kristo iwí ***asun wanklaan** amu ilotsua así ní. ² Uleba mútɔ fe alá ***Bulu ɔnɔsɔ ɔtɔɔpu** ***Yesaia** lówanlun wa mu ɔwɔlɔtɔ ɔɔɛɛ,

“Kí, nde obi wa gya fu nkpa.

Mu ɔbéla ɔkpa ha fu ní.

³ Ɖku deklɔn ***dimbisu** ɔɔɛɛ,

‘Mlila aní Wie ɔkpa.

Mlitswii ɔkpa ha mu!’ ”

⁴ Asu Ɖɔɔpu Yohane leba ɔde aha ***asu** bɔ, ɔde Bulu asun ɔkan da Yudea dimbisu ɔɔɛɛ, “Mlɔdamli klɔntɔ, amlisi lakpan bwe; Bulu osikie mli, ambɔ mli asu.” ⁵ Aha botsu Yerusalem wulutɔ pú Yudea ɔmátɔ féé ba mu wa. Bele amú lakpan bli, ɔlɔbɔ amú asu Yordan ntsutso.

⁶ Yohane lɔwa ***kpɔsɔ**-imi atadiɛ, ɔlɔpu ɔwɔlɔ-kpakpa ɔfe kɔ mósu. Atsan-tsanku pú ɔkwen otegyi. ⁷ Oletsia da asun amu ɔkan, bli ɔɔɛɛ, “Ɖkúá ɔɔn mu bu ɔma ɔba. Mmɔɔfun ání nógyonka sanki mu ntukuta ɔfe kuraa. ⁸ Mí mú a, ntsu ndepɔbɔ mli asu, tame mu mú ɔbɔpu ***Ɖɔɔ Wankthe** bɔ mli asu.”

Yesu Asubɔ Pó Mu Isɔkɔ
(Mateo 3:13–4:11; Luka 3:21-22; 4:1-13)

⁹ Nke amutɔ a, Yesu lotsu Nasaret, wuluá íbu Galilea ɔmátɔ ba Yohane wa, Yohane lɔbɔ mu asu Yordan ntsutso. ¹⁰ Yesu lenya dalí ntsu amutɔ alí, olowun nwɔlɔta lefinkí, Ɖɔɔ Wankthe deklɔ dalí mútɔ fe abɔɔɔma, ilobogyonka musu. ¹¹ Inu ɔme kɔ lotsu ɔsɔsɔ ɔɔɛɛ, “Fugyi mí bíá ntɔɔwɛ, mí ansu tɛtɛ gyi mu iwí ní.”

¹² Inonu Ɖɔɔ Wankthe amu lekpa Yesu ya dimbisu. ¹³ Oletsia inu nke adwana, ***Satan** letsia bɔsɔ mu kí. Mva pututɔ-mbwi letsia, ***Bulu-abɔpu** beba beki musu.

Yesu Gyumagyihe Asitsua

(Mateo 4:12-22; Luka 4:14-15; 5:1-11)

¹⁴Bekita Yohane tswi obu oma a, Yesu loyo Galilea omáto, ode Bulu asun wanklaan amu okan da. ¹⁵Obee, “Bre amu lafun. ***Bulu iwiegyi** amu lawie woyi ta. Mludamli klunto ba Bulu wa, amluho mu asun wanklaan amusu gyi.”

¹⁶Eke oku Yesu na Galilea opu oko, olowun Simon mua mu gyama Andrea. Bude asawu tswi, tsufe aye alepu bugyi. ¹⁷Mu o lebla amú obee, “Mluba bobuo ni. Nóbwe mli anyankpusa alepu.” ¹⁸Lnunu besi amú asawu aná tswi, kpla buo mu.

¹⁹Olenati yo nkpa kpalobi a, olowun Sebedeo abi, Yakobo mua mu gyama Yohane e. Bubu oklunto, bude amú asawu bin. ²⁰Lnunu Yesu leti amú e, benati si amú si mua mu apafu wa oklun amuto ba bobuo mu.

Yesu Oje Lalahe Gya

(Luka 4:31-37)

²¹Yesu mua mu ***akasipu** loyo Kapernaum wuluto. Oloyo Yudafo ***ofiakpa** yosuna ato ***okponu odake**. ²²Mu atosunahe lobwie amú oko, tsufe olosuna amú ato tumisu. Megyi fe ***Mose mbia asunapu** amu.

²³Oyin oku leba ofiakpa unu, ***oje lalahe** bu musu. ²⁴Okokplun bli obee, “Yesu Nasaretyin, amansu bu ania funyo nsune? Anu okupka feba loo? Nyin oha oduá fugyi. Fugyi Bulu Oha Wankuhe amu ni!”

²⁵Yesu lokplun wa oje amu obee, “Kpa oko bun, afudali mutó.”

²⁶Unu oje lalahe amu lokusu oyin amu owonlusu, sura okitikiti kuklukusu, dali mutó. ²⁷Oko lobwie amú féé, befite aba bee, “Nto ofula ni? Lni mú a, atosunahe popwe ni. Oyin anfu bu tumi, okokplun wa oje lalahe, itobu mu.”

²⁸Lni su Yesu ida lekleti wa Galilea oma amuto féé.

Alpu Tsotsotsotso Tsa

(Mateo 8:14-17; Luka 4:38-41)

²⁹Yesu mua mu akasipu benya dali Yudafo ofiakpa unu ali, loyo Simon mua Andrea woyito. Yakobo mua Yohane e bubu amuto. ³⁰Loyo a, owisu lakita Simon mu sia tsuhe, oda. Lnunu bebla Yesu otsi amu unu asun. ³¹Mu loyo yekita otsi amu ibi, tsu mu kusu. Lnunu owisu amu lokusu musu, okobe amú afoto.

³²Mú ntopwe foon a, bopu alpu pu aha aní oje lalahe de amú han féé ba Yesu. ³³Wulu amu féé beba befia woyi amu oko. ³⁴Yesu letsa aha tsotsotsotso bude lo otsan-otsan lo. Olegya oje lalahe tsotsotsotso e le ahato. Omeha oje lalahe amu abuto, tsufe amú féé buyin mu.

Bulu Asun Okanda Galilea Omáto

(Luka 4:42-44)

³⁵Mú oyikehe bake a, Yesu ledali wulu amuto yo utseto ode mpai bo. ³⁶Tame Simon mua mu aba bobo mbodi dunka mu alu yowun mu. ³⁷Breá bowun mu a, bebla mu bee, “Aha féé bude fu dunka.”

³⁸Mu Yesu lebla amú obee “Mlha ayo awulu bambasu, anyeda Bulu asun amu okan unu e, tsufe unu su neba ni.”

³⁹ Lnu ɔlɔyɔ yeki Galilea ɔmáto fěé, ɔde asun amu ɔkan da Yudafɔ ofiakpa fěé, ɔde ɔɛe lalaha gya le ahato.

Uɔ Pepe Ɖɔpɔ Ɖku Tsa

(Mateo 8:1-4; Luka 5:12-16)

⁴⁰ ***Uɔ pepe** ɔlɔpɔ ɔku leba beda akpawunu Yesu ayabitɔ, kokoli mu ɔbee, "Owie! Ni fɔtsula a, fétalt ha mi iwi béplɔ."

⁴¹ Mu asun lɔwa Yesu nwe. Mú su ɔletinkɔ ibi da mu, bla mu ɔbee, "Natsula, fu iwi iplɔ!" ⁴² Lnuɔn uɔ pepe amu ɔleta, mu iwi leplɔ. ⁴³⁻⁴⁴ Muɔ Yesu leda mu ɔla ɔbee, "Mábla ɔhaa asun anfi. Nati laa afupɔ fu iwi yosuna Bulu igyi ɔhapɔ, afuha mu iwɔgyuratɔ amuɔ Mose mbla losuna tsu uɔ pepetsa iwi amu. Igyi adansɛ suna aha ání fu iwi laplɔ."

⁴⁵ Tame oyin amu lenya dalɔ unu alɔ, ɔlɔwa mú ɔkan da bi. Ɖleda asun amu ɔkan wulu amutɔ fěé fia. Mú su Yesu metra talt le iwi ɔwan wie wulu kukɔtɔ, itsetɔ ɔletsia tsia. Tame mú o a, aha betsia tsu ntune-ntune ba mu wa.

Tsukule Osinpu Tsa

(Mateo 9:1-8; Luka 5:17-26)

2 ¹ Nke kpalobi ku ɔma a, Yesu leyinki yɔ Kapernaum wulutɔ. Aha bonu ání alaba woyi. ² Mú su aha tsɔtsɔɔtsɔ beba ɔɔbɔla woyi amu. Ɖkpa kuraa ɩtra ma unvá fɔtsun wie mútɔ. Yesu leda Bulu asun amu ɔkan suna amú. ³ Aha abana aku ɔɔsura tsukule osinpu akpasu ba mu. ⁴ Ɖɔɔm amu su bumenya ɔkpa pu mu wie Yesu wa. Lni su ɔɔyɔɔɔvɔ obu amu awunsu, da mú ɔtunekɔ tii. Bekplia akpa amu tsun ɔɔɔ amutɔ, pu mu tswi Yesu ansitɔ. ⁵ Breá Yesu lowun ání baho mu gyi a, ɔlebla tsukule osinpu amu ɔbee, "Mi bi, nasi fu lakpan kie fu."

⁶ Lnu ***Mose mbla asunapu** akvá butsie unu, beblɔ wa nwuntɔ beɛ, ⁷ "Ntɔ asun oyin anfi deblɔ alɔ? Megyi mbusuo alabo a? Ma ɛ ɔbétalɔ si lakpan kie aha ɔvɔ Bulu nkule?"

⁸ Yesu lebiá buɔe nwen gyi amú nwuntɔ. Mú su ɔlefite amú ɔbee, "Ntogyi su mlɔde unu odu gywun? ⁹ Mɔmu ibɔwa ablile ání nébla tsukule osinpu anfi? 'Nasi fu lakpan kie fu' nte 'Kusu tsu fu akpa afɔnatɔ?'" ¹⁰ Tame ndekleá mlibiá mi, Nyankpɔsa-Mu-Bi anfi mbu tumi ɔyi anfitɔ si aha lakpan kie amú." Lnu ɔlebla tsukule osinpu amu ɔbee, ¹¹ "Nde fu bla mbee, kusu! Tsu fu akpa afɔnatɔ yɔ woyitɔ!"

¹² Lnuɔnɔnɔn ɔlɔkusu tsu mu akpa, nati amú ansitɔ unu. Lni lɔwa amú fěé wanwan, bekanfu Bulu bli beɛ, "Anumɔkwun ofula anfi odu ki."

Lewi Ti

(Mateo 9:9-13; Luka 5:27-32)

¹³ Yesu letra yɔ Galilea ɔpu ɔku. Ɖɔɔm kpɔnkpɔɔnkpɔntɔ beba mu wa, olosuna amú atɔ. ¹⁴ Breá ɔlɔpɔ ɔyɔ a, olowun Alfeo mu bi Lewi tsie mu lampoo ɔhɔkpa. Muɔ ɔlebla mu ɔbee, "Bobuo mi." Lnuɔn ɔlɔkusu buo mu.

¹⁵ Mú ɔma a, Lewi letɔ Yesu mua mu akasɩpu atɔ ogyikpa mu woyitɔ. ***Lampoo ahɔpu** pú lakpan abwepu tsɔtsɔɔtsɔ ɛ bobuo mu ba atɔ amu ogyikpa. ¹⁶ Breá Mose mbla asunapu amutɔ akvá bugyi ***Farisifo** bowun ání Yesu mua lakpan abwepu pú lampoo ahɔpu buɔe atɔ gyi a, befitɛ mu akasɩpu beɛ, "Ntogyi su mua lakpan abwepu pú lampoo ahɔpu buɔe ibi wa gyi atɔ?"

¹⁷Yesu lonu ason anfi, ɔlebla amó ɔbee, “Alɔpu lehian ilo ɔtsapu, megyi aha ání iwí bu amó ɔnlun. Mmɛba aha wanklaan ɔtikpa, mboun lakpan abwepu ɔtikpa neba.”

Ɔnɔklɩ Iwí Ason Fítɛhe

(Mateo 9:14-17; Luka 5:33-39)

¹⁸Asu Ɔɔɔpu Yohane akasipu pú Farisifo butetsia ***klɩ ɔno**. Eke ɔku aku beba befite Yesu bee, “Ntogyi su Yohane akasipu pú Farisifo akasipu buteklɩ ɔno, tame fu akasipu mú butamaklɩ ɔno?”

¹⁹Yesu lele mú ɔno ɔbee, “Ní ɔtsi ɔkpainpu bu mu anyawie wa a, béklɩ ɔno? Ekekeeke! Iníá ɔbu amó wa anfi mú a, buméeklɩ ɔno. ²⁰Tame eke ku béba ání békpa ɔka otsiapu amu natɩ sí amó. Alɩ nke amuto béklɩ ɔno ní.

²¹“Ɔhaa tamapu tati pɔpwe tan tati dada. Tsufe tati pɔpwe amu ibékpikpu tsii dada amu iku le, ha ɔtankpa unu bélatei tsia. ²²Alɩ ken butamapu nta pɔpwe wa ɔwɩlu-kpakpa kente wuheto ní. Nta pɔpwe amu ibófu fa kente amu tsitsa, yinta kente amu ɛ. Iní su ɔwɩlu-kpakpa kente pɔpwetɔ butɔpu nta pɔpwe wa.”

Ɔkpɔnu Ɔdake Mu Wie

(Mateo 12:1-8; Luka 6:1-5)

²³Yesu mua mu akasipu ɔtsun ayo ndɔ kuto ***ɔkpɔnu ɔdake**, mu akasipu ɔɔpɩsa ayo amu ku wí. ²⁴Farisifo aku bowun amó, befite Yesu bee, “Kí, ntogyi su buɔe tɔá anɩ mbɩa meha ɔkpa bwe ɔkpɔnu ɔdake?”

²⁵Yesu lefite amó ɔbee, “Mlɩmɔkukla nu tɔá Owie ***Dawid** lɔbwe breá akun de mua mu abuopu, buma tɔtɔá bégyi? ²⁶Olebitiwie Bulu osumkpa yotsu bodobodoá bapuha Bulu igyi ba, mua mu abuopu amu begyi, Bulu ***igyí** ɔhapu dehen Abiata bisu. Bulu igyi ahapu nkule bele ɔkpa butegyí alɩ bodobodo amu.”

²⁷Muu ɔletra bla amó ɔbee, “Nyankpɩsa su Bulu lɔbwe ɔkpɔnu ɔdake amu. Megyi ɔkpɔnu ɔdake amu su Bulu lɔbwe nyankpɩsa. ²⁸Mú su mi, Nyankpɩsa-Mu-Bi anfi gyi ɔkpɔnu ɔdake mu wie!”

Uɔtsa Ɔkpɔnu Ɔdake

(Mateo 12:9-14; Luka 6:6-11)

3 ¹Yesu letra yɔ Yudafɔ ***ofiakpa** unu a, oyin ɔku tsie unu, mu ibi kule lawu. ²Aha aku bete Yesu kí bee ɔbétsa mu ilo ***ɔkpɔnu ɔdake** amu, menɩ bényá mu iwí ason blɩ. ³Yesu lebla oyin amu mu ibi kule lawu amu ɔbee, “Kusu belu amó ansɩtɔ nfi.” ⁴Muu ɔlefite amó ɔbee, “Ntɔ anɩ mbɩa leha ɔkpa ání abwe ɔkpɔnu ɔdake? Yile loo, nte lalahe. Aho ɔha nkpa loo, nte amɔ mu?”

Tame ɔhaa mele mú ɔno. ⁵Yesu lɔpu ɔblɩ kí amó bomli. Uɔho mu ɔsun, tsufe klɩntɔ bu amó odwin. Muu ɔlebla oyin amu ɔbee, “Tunku fu ibi amu.” Olenya tunku mú alɩ pɛ, ɔɛ lowie mútɔ. ⁶***Farisifo** amu bedalɩ yɔ, amóa Owie ***Herode** aha bekita agywun unu alá bɔbwe bómo Yesu.

Aha Tsɔtsɔtsɔ Ilo Tsa

⁷⁻⁸Yesu mua mu ***akasipu** benatɩ ɔyɔ Galilea ɔpu ɔno. Ɔɔɔm kpɔnkpɔn-kpɔntɩ bobuo mu tsu Galilea múa Yudea ɔmáto, Yerusalem, Idumea,

Yordan bunkpa ɔ́bɪn pú Tiro múa Sidon nsaɪntɔ ba mu wa. ⁹Aha amu bɔ́dɔbɪ. Mú sv ɔ́lebla mu akasɪpu ɔ́bɛɛ, budunka ɔ́klɪn kv yat ha mu, menɪ bɪmóoputa mu. ¹⁰Tsufe alatsa aha tsɔ́tsɔ́tsɔ́ ɪɔ. Mú sv alɔ́pu amɔ́tɔ okugyɪɔkv dekleá ɔ́bɔ́pu ɪbɪ da mu. ¹¹Nɪ aha ání ***ɔ́ŋɛ lalahe** bu amósv benya wun mu alɪ badɪda mu ayabiasɪ, sura okitikiti blɪ bɛɛ, “Fɔ́gyɪ Bulu mu Bi amu nɪ!”

¹²Tame ɔ́leda ɔ́ŋɛ lalahe amu ɔ́la kinkiinkin ɔ́bɛɛ, ɪmáha aha abɔ́bɪ mu.

Akasɪpu Amu Ada

(Mateo 10:1-4; Luka 6:12-16)

¹³Yesu lɔ́ɔv yɔ́ bɔ́sv, ɔ́letɪ aha ání mu onuto odekle, bɔ́yɔ́tv mu. ¹⁴⁻¹⁵Muv ɔ́lele amótv aha duanyɔ́, ɔ́letɪ amó mu ***sumbi ayɔ́pu** ání mva amónyɔ́ bétsia; otsia wa amó abɔ́yeda mu asv ɔ́kan, abɔ́gya ɔ́ŋɛ lalahe le ahato.

¹⁶Aha duanyɔ́ amu ada gyɪ, Simon ání ɔ́ledunka mu Petro; ¹⁷Sebedeo abi Yakobo mva mu pio Yohane (ɔ́ledunka amó ada ɔ́bɛɛ, “Boanerges.” Mú ast gyɪ, “ɔ́prada abi.”); ¹⁸Atrahe gyɪ; Andrea, Filipino, Bartolomeo, Mateo, Toma, Alfeo mu bi Yakobo, Tadeo mva Simon ání ogyɪ ɪwɪsvtsia adunkapu ɔ́pasuato ɔ́ha ¹⁹pú Yuda Iskariot ání ɔ́lebele mu ha.

Yesu Mva Beelsebul

(Mateo 12:22-32; Luka 11:14-23; 12:10)

²⁰Breá Yesu lɔ́yɔ́ woyitɔ a, ɔ́ɔɔm betra ba ɪv. Mva mu akasɪpu bɪmenya ɔ́kpa ání bégyɪ atɔ́ kvraa. ²¹Breá mu woyitɔ aha bonu mu ɪwɪ asv a, bɔ́yɔ́ beyekpa mu, tsufe buki bɛɛ mu nwun layinta.

²²***Mose mbla asunapu** akvá botsu Yerusalem ba ɪv beblɪ bɛɛ, “ɔ́ŋɛ lalahe owie ***Beelsebul** tsie mɔ́tv. Mu tumi ɔ́ɔɔpɔ́gya ɔ́ŋɛ lalahe le ahato.”

²³Mú sv Yesu letɪ amó ba mu ɪwɪ wa, ɔ́lebla amó asv ayebitɔ ɔ́bɛɛ, “Nkalɪ ɔ́bɔ́nsam ɔ́bétaɪ gya mu ɪwɪ? ²⁴Iwie ogyikpa ání ɪlaye anyɔ́, buɔ́ɔ aba kv ɪbé-ɔ́ɔɔ. ²⁵Woyɪ oduá mótɔ atsiapu buɔ́ɔ aba kv ɛ tobwie. ²⁶Mú sv nɪ ɔ́bɔ́nsam ɔ́ɔ mu ɪwɪ gya a, ɔ́mɛ́taɪ ɪv. Mu ɔ́vɔ́ ɔ́mɔ́kpa nɪ.

²⁷“ɔ́haa méétaɪ wie ɔ́wɔ́nɪnɪpu woyitɔ yɔ́kvla mu atɔ́, nkɛtɪ alagyankpa kɪklɪ mu tsɔ́wɪ, asa ɔ́bétaɪ kvla mu atɔ́ féé.

²⁸“ɔ́vɔ́kwaltɪ ndɛ mlɪ bla mbɛɛ, Bulu ɔ́bétaɪ si lakpan pú abususu kugyɪkv kie nyankpɔ́sa. ²⁹Tame nɪ ɔ́kv ɔ́blɪ abususu ***ɔ́ŋɛ Wankthe** amu ɪwɪ a, Bulu méésikie mu ekekeke, tsufe alabwɛ lakpan ání sikie ma mú ɪwɪ.” ³⁰Aha aku beblɪ bɛɛ, ɔ́ŋɛ lalahe bu Yesutɔ. Mú sv ɔ́ɔɔ ɪv blɪ nɪ.

Yesu Abusuanfɔ́ Onuto

(Mateo 12:46-50; Luka 8:19-21)

³¹Yesu mu yɪn mva mu apio beba belu kpankpa, bɔ́wa ɔ́kv bɛɛ ɔ́tv mu ha amó. ³²ɔ́ɔɔm butsie bomli mu, bebla mu bɛɛ, “Fv yɪn mva fv apio bulu kpankpa, buɔ́ɔ fv dunka.”

³³Muv Yesu lefite amó ɔ́bɛɛ, “Amɛ́ndɪ gyɪ mɪ yɪn múa mɪ apio?” ³⁴Muv ɔ́lektɪ aha amsv butsie bomli mu amu, blɪ ɔ́bɛɛ, “Mlɪktɪ, mɪ yɪn múa mɪ apio gyɪ aha anftɪ a! ³⁵ɔ́hagyɪɔ́ha ání ɔ́vɔ́bwe Bulu apɛ a, mɔ́gyɪ mɪ pio pú mɪ yɪn nɪ.”

Atɔ-abi Owunyapɔ Iwɔ Yebi

(Mateo 13:1-9; Luka 8:4-8)

4 ¹Yesu letra kusu yɔ ɔde atɔ suna Galilea ɔpu ɔno eke ɔku. Ɖɔɔm amu bobomli mu. Mú sv ɔɔɔdu wie ɔklɔntɔ, yetsia ɔpu amusu, aha amu ε bulu ɔpu ɔno unu. ²Unu olosuna amú atɔ tsɔtsɔɔtsɔ ayebitɔ ɔbee,

³“Mlunu! Ɖɔɔɔɔpu ɔku loyɔ atɔ-abi owunyakpa. ⁴Breá ɔde mú wunya a, iku lɔwulɔ ɔkpatɔ, mbubwi beba bɔtswetswe mú féé. ⁵Iku ε lɔwulɔ abutasu, ɔtunéá usi kpalobi din. Uɔwa ɔsa kwe, ⁶tame breá owi lelun a, ulɔtɔ mú mɔ, tsufe mú nlin mɔyɔ ɔtɔtɔ. ⁷Abi amu ku lobun awutɔ. Awu amu lɔbɔla kɔta mú, imedan. Mú sv imoswie abi. ⁸Tame abi amu ku ε lɔwulɔ ɔsulɔ wanklaansu. Uɔkwe, dan, swie abi, iku advasa (30). Iku aduesie (60), iku ε lafa (100).”

⁹Unu ɔɔmɔ mú ɔno ɔbee, “Ɖha ání ɔbu asu onu!”

Tɔá Svá Yesu Lɔtɔ Ayebisu

(Mateo 13:10-17; Luka 8:9-10)

¹⁰Breá ilesi Yesu mva ***sumbi ayɔpu** duanyɔ amu pú aha kpalobi akvá bubuo mu a, bobwii ipa ha mu bee, ɔle yebi anfi asɔ suna amú. ¹¹Muu ɔlebla amú ɔbee, “Mli mú a, Bulu laha mli ɔkpa ɔbee, mlibi mu ***iwiegyi** amu iwɔ asun ɣainhe. Tame nde aha bamba asun bla ayebisu,

¹²‘Ment bówun lawun,

tame buméebi mú.

Bónu lanu,

tame bumóonu mú asɔ.

Ni megyi alɔ tekɔ bédamli klɔntɔ,

Bulu obési amú lakpan kie amú.’ ”

Atɔ-abi Owunyapɔ Yebi Amu Asɔ

(Mateo 13:18-23; Luka 8:11-15)

¹³Muu Yesu lefite amú ɔbee, “Ni mlumonu yebi anfi asɔ a, mú nkali mlɔbwe asa mlónu trahe féé asɔ? ¹⁴Atɔ-abi amusu owunyapɔ amu dewunya amu gyi Bulu asun amu. ¹⁵Abi amusu ulɔwulɔ ɔkpasu amu gyi aha amusu benya nu Bulu asun amu alɔ Ɖbunsam labele mú le amú klɔntɔ natɔ amu. ¹⁶Abi amusu ulɔwulɔ abutasu amu gyi aha amusu bonu asun amu pe, bahɔ mú ansigyisu, ¹⁷tame uná buma nlin su a, asun amu utamatsia amúɔtɔ yɔ. Mú sv ni budun amúsv nte uwɔsun ku itu amú asun amu sv a, ununu butedida. ¹⁸Abi amusu ulɔwulɔ awutɔ amu gyi aha amusu bonu asun amu a, bahɔ mú, ¹⁹tame ɔyi anfitɔ atohianhe iwɔ gywun, pu mútɔ atonyahe iwɔ ɔnsupe tegyi asun amusu. Ini sv butama-swie abi. ²⁰Abi amusu ulɔwulɔ ɔsulɔ wanklaansu amu gyi aha amusu bonu asun amu a, butegyi músv. Ini sv uteha butɔbwe yile fe alɔ atɔ-abi amu loswie, iku advasa (30), iku aduesie (60), iku ε lafa (100) amu.”

Ɖkandɛ Iwɔ Yebi

(Luka 8:16-18)

²¹Yesu lefite amú ɔbee, “Butonywe ɔkandɛ pu ɔɔ bun músv, nte puwa mpa ayasɔ? Megyi ɔvuakpa butɔpuɔbian? ²²Tɔtɔ ma unvá ibéɣain, iméelun ɔwan. Asun ɣainhe kuku ε uma unvá buméebi mú. ²³Ɖhagyɔɔha ání ɔbu asu onu!”

²⁴Muu ɔleblɛ ɔbeɛ, “Mliɣaa asu wanklaan mli asun-nutu. Itɔ́á mlɔ́pususu ha mli aba a, mú ken Bulu ɔbɔ́pususu mú wanklaan, lapu iku tsia mútɔ́ ha mli ni. ²⁵Tsufe ɔha ání odekleá obónu mí atosunahe amu así a, Bulu ɔbɔ́pu iku tsia mútɔ́ ha mu. Tame ɔha ání omedekleá obónu mú así a, Bulu ɔbɔ́swu mu kpalobi amuv alabi amu kuraa.”

Oyi-ibiá lɛedan lwi Asun

²⁶Yesu letra bli ɔbeɛ, “**Bulu iwiegyi** amu igyi fe alá ɔha todú oyi-ibi mu ndɔ́tɔ́. ²⁷Ni owi ita a, ɔha amu tekledi. Ni ɔyi ike a, ɔtelakusu, tame omeɣin alá itɔ́bwe asa oyi-ibi amu itɔ́kwe dan. ²⁸Ɔsulɔ onuto teha mú tɔ́kwe. Itegyankpa le ate, wa ntsuwtswi, asa itɔ́bɔ́bwe abi onuto. ²⁹Tame ayo amu inya bli pe, ɔɔɔpu amu latsu mu ɔdayi ɔyɛtin mú, tsufe mú tinbi lafun.”

Takyi-akpin Ibi Yebi

(Mateo 13:31-32, 34; Luka 13:18-19)

³⁰Lnu Yesu lefite ɔbeɛ, “Ntɔ́ Bulu iwiegyi amu lelián? Nte yebi mɔ́mu nɔ́pusuna alá igyi? ³¹Igyi fe takyi-akpin ibi. Múgyi tukuriibi nyi-abitɔ́ féé ni. ³²Tame ni idan a, itɔ́bwe ifa fvahe dɔ́n ifa kugyiku. Mú abambi tekpikli, mbubwi butogyonka mú así.”

³³Oletsia pu ayebi anfi odu tsɔ́tsɔ́tsɔ́ suna amú atɔ́, yɔ́fun alá aha amu bétalɛ nu mú así. ³⁴Ɔmebla amú asun kukuá imegyi ayebi ɔlɔ́putɔ́. Tame ni isi mua mu akasipu nkule a, ɔtele togyitɔ́ así.

Atsufu Astba

(Mateo 8:23-27; Luka 8:22-25)

³⁵Alí eke amu ntupwɛsu a, Yesu lebla mu akasipu ɔbeɛ, “Mliha afa Galilea ɔpu yɔ́ mú ɔbun!” ³⁶Muu bowie ɔkluntɔ́, akasipu amu bepla mú, benatɛ si ɔɔɔm amu. Nklun bamba ku ε lobuo amú. ³⁷Afu kɔ́nkpɔ́nkpɔ́nkpɔ́ntɛ ku lɔ́wa tsun bi. Mú su ntsu deda wie ɔklun amutɔ́, idekle ime. ³⁸Tame Yesu mú ηelun sumuesu ɔklun amu ɔma ɔdedɛdɛ. Akasipu amu betsinki mu. Muu befite mu beɛ, “Osunapu, uná anɛde ntsu wie a, fumotsu kuku le mútɔ́?”

³⁹Lnu Yesu lɔ́kusu le ɔnɔ́ wa afu amu, ɔlebla ɔpu amu ɔbeɛ, “Kpa ɔnɔ́ bun! Dɛ diin!” Lnu afu amu lesi tsun, unv féé lɔ́lva. ⁴⁰Muu ɔlefite amú ɔbeɛ, “Ntogyi su mlɛde ifu nya alí? Mlumá hogyi?”

⁴¹Ifu lehɛ kita amú, befite aba beɛ, “Nyankpusa ɔmɔ́mu ni, afu mua ntsu kuraa tonu mu ɔme alí?”

Ɔne Lalahe Gya Le Ogbedepɔ́

(Mateo 8:28-34; Luka 8:26-39)

5 ¹Breá Yesu mua mu akasipu amu bowie Galilea ɔpu amu ɔbun Gerasefɔ́^a ɔsulɔsu a, ²olenya kpli dalɛ ɔkluntɔ́ alɛ, oyin ɔkuvá ***Ɔne lalahe** bu mutɔ́ ledalɛ tsu afulɛ opulakpa befia mu. ³Oyin anfi lapu afulɛ opulakpa unv bwe mu otsiakpa. Ɔhie ɔbu iɣun. Mú su ɔhaa tamatra talɛ bwe mu otsia diin, nte wa mu ikan. ⁴Tsufe tekɛ betsia wa mu ayabi pú mu ibi ikan, tame oletsia tun mú, biabia ikan amu tsalɛfwɛ. Ɔhaa ε má ɔwunlun ání ɔbétalɛ ɔnɔ́ mu.

a 5:1 *Gadarafɔ́* bu nwulu dada amu akutɔ́.

⁵Ekekegyieke ɔpa mɔ́a onye f́éé a, ɔbu afuli opulakpa unu mɔ́a abusu, ɔde okitiki; ɔdepu abwi tsantsan iwu.

⁶Olenya wun Yesu sɔ́sɔ́ ali, ɔlesɔ́ yeda akpawunu mu ayabito. ⁷Muu ɔ́ɔ́sɔ́ra okitikiti kuklukuu ɔ́beé, “Ɔ́sɔ́sɔ́sɔ́ Bulu mu Bi Yesu, amansu igyi? Tanu Bulu áńí fóméépití mɔ́ atɔ́!” ⁸Ɔ́leblɔ́ asun anfi, tsufe Yesu lebla mu ɔ́beé, “Ɔ́ɔ́ɔ́ lalahe, dalɔ́ oyin anftɔ́.”

⁹Unu Yesu lefite mu ɔ́beé, “Nkalɔ́ butetɔ́ fu?”

Ɔ́lele mɔ́ ɔ́nɔ́ ɔ́beé, “Mɔ́ ida gyi, ‘Ɔ́ɔ́ɔ́m’, tsufe anihie anɔ́ tɔ́.” ¹⁰Unu ɔ́ɔ́ɔ́ lalahe amu behie kokoli mu beé, ɔ́magya amú le Gerasefɔ́ ɔ́sɔ́sɔ́ amusu.

¹¹Mprakuo tsɔ́tsɔ́ɔ́tsɔ́ aku budegyi okuku kusu unu fun. ¹²Ɔ́ɔ́ɔ́ lalahe amu bokokoli mu beé, ɔ́ha amú abuyowie mprakuo amɔ́. ¹³Muu ɔ́leha amú ɔ́kpa. Bedali oyin amɔ́tɔ́ yowie mprakuoá bóbwe fe mpum-anyɔ́tɔ́ (2,000). Amú f́éé besɔ́ kplɔ́ okuku amu wie ɔ́pu amɔ́tɔ́ wuwu.

¹⁴Mprakuo amu akpapu besɔ́ yebli asun anfi ulaba anfi awulusu pɔ́ nkudasí f́éé. Aha bedali beé, beba beki tɔ́á ulaba. ¹⁵Breá beba bowie Yesu wa a, bowun áńí oyin amusu ɔ́ɔ́ɔ́ lalahe betsia mɔ́tɔ́ amu ansɔ́tɔ́ ladɔ́, alawa atadie otsie. Úlwa amú ifu. ¹⁶Aha amusu bowun tɔ́á ulaba oyin amusu teki ɔ́ɔ́ɔ́ lalahe tsie mɔ́tɔ́ amu pɔ́ mprakuo amusu amu bebla amú tɔ́á ulaba f́éé.

¹⁷Unu bokokoli Yesu beé, ɔ́dalɔ́ amú ɔ́sɔ́sɔ́sɔ́.

¹⁸Breá olowie ɔ́klun amɔ́tɔ́ a, oyin amusu teki ɔ́ɔ́ɔ́ lalahe tsie mɔ́tɔ́ amu lokokoli mu ɔ́beé, ɔ́ha amubuo mu nati.

¹⁹Tame Yesu meha mu ɔ́kpa. Mboun ɔ́lebla mu ɔ́beé, “Yinki yɔ́ fu apio wa woyitɔ́, afuyebli amú itɔ́ yileá anɔ́ Wie Bulu labwe ha fu, pu alá alawun fu nwe.”

²⁰Mú sɔ́ oyin amu lenatɔ́ tsuntsun, ɔ́de itoyile amusu Yesu labwe ha mu amu bli Dekapoli^b awulu amu f́éé. Ɔ́nɔ́ lobwie aha amu f́éé.

Ɔ́hande Ɔ́ku Mu Bi Mva Ɔ́tsɔ́ Ɔ́ku Unu La Tɔ́a

(Mateo 9:18-26; Luka 8:40-56)

²¹Yesu lela fa ɔ́pu amu yɔ́ mɔ́ ɔ́bun. Breá ɔ́bu ɔ́pu ɔ́nɔ́ unu a, ɔ́ɔ́ɔ́m kɔ́nɔ́kɔ́nɔ́kɔ́nɔ́tɔ́ beba bobomli mu. ²²Unu Yudafɔ́ ^a**ofiakpa** ɔ́hande ɔ́kuá butetɔ́ mu Yairo leba unu. Breá olowun Yesu a, ɔ́leda akpawunu mu ayabito, ²³kokoli mu ɔ́beé, “Mɔ́ bi tsihe dewu. Ba afubɔ́pu ibi dinka musu, mu awutɔ́ iwa mu ɔ́nɔ́n, onya nkpa.”

²⁴Muu mva Yesu benatɔ́ bɔ́yɔ́ a. Ɔ́ɔ́ɔ́m kɔ́nɔ́kɔ́nɔ́kɔ́nɔ́tɔ́ bekpla buo mu, kpa puta mu.

²⁵Ɔ́tsɔ́ ɔ́ku ε bu aha amɔ́tɔ́, obugya de mu wulɔ́ nfi duanyɔ́ nu. ²⁶Alahie wun ipian ulɔ́ atsapɔ́ tsɔ́tsɔ́ɔ́tsɔ́ ibutɔ́, huli mu iwɔ́sɔ́ atɔ́ f́éé, tame ulɔ́ amu umekala bwe mu. Iyɔ́n idewa tsia. ²⁷Breá ɔ́tsɔ́ anfi lonu Yesu nka a, ɔ́ɔ́tsun yɔ́ mu ɔ́ma, fifitiwie ɔ́ɔ́ɔ́m amɔ́tɔ́ yɔ́pu ibi da Yesu atadie. ²⁸Tsufe ɔ́leblɔ́ wa mu nwuntɔ́ ɔ́beé, “Nɔ́ nɔ́pu ibi da mu atadie kpan a, ulɔ́ amu ibési ml.”

²⁹Olenya pu ibi da mu atadie amu ali, obugya amu leka itin. Olonu mɔ́ nka mu awutɔ́á ulɔ́ amu lasi mu. ³⁰Unu Yesu lonu mɔ́ nka mu awutɔ́ mu ε áńí ɔ́ɔ́ɔ́ ku ladali mɔ́tɔ́. Unusu ɔ́ledamli ki ɔ́ɔ́ɔ́m amu, ɔ́lefite amú ɔ́beé, “Ma lapu ibi da mu atadie?”

^b 5:20 Dekapoli asɔ́ gyi awulu du.

³¹Muu mu akasipu amu befite mu bee, “Fu onuto fawun ání ɔdɔm bakpa puta fu. Mu futra fudefite fee, ‘Ma lapu ibi da mi?’ ”

³²Yesu lɔwa ansu ki amóto féé, ɔde ɔha ání ɔlɔpu ibi da mu dunka. ³³Ifu lekuta ɔtsi amu. Mú su ɔlɔwa kpínki kpakpakpakpa bi, tsufe oyin tɔá alanya. Lnu ɔleba beda akpawunu Yesu ayabitɔ, bla mu ɔnɔkwali amu féé. ³⁴Yesu lebla mu ɔbee, “Mú bi, fu hogyi laho fu nkpa. Natu iwiliwiti. Fu ilo amu ita.”

³⁵Breá Yesu bu mósu ɔdetɔ a, aha aku botsu ofiakpa ɔhande amu woyito ba bebla mu bee, “Ohande, fu bi tsihe amu ɔdikpa mɔwa ale. Mátepi tra wa osunapu tɔi.”

³⁶Yesu mekpla asun amuv budebli amu. Mboun ɔlebla mu ɔbee, “Mánya ifu. Fu mú hogyi wule.” ³⁷Ɖmeha ɔhaa ɔkpa obu amu dɔn Petro pú Yakobo mu pio Yohane nkule. ³⁸Breá bowie ɔhande amu woyito a, Yesu lowun ání aha babula unv, budesu, bude okitikiti. ³⁹Olowie unv fite amú ɔbee, “Ntogyi su mlude ipian wun, mlude okitikiti al? Otsibi amu mɔkwu, didi ɔde.”

⁴⁰Aha amu bɔmɔsi mu. Muu olegya amú féé dalu ba wunsine, ɔlekpa obi amu akwupu pú mu akasipu amuv bubuo mu amu bebitiwie obu amuv otsibi amu da móto amoto. ⁴¹Lnu ɔlekuta otsibi amu ibi, bla mu amú ɔblito ɔbee, “Talita kuum!” (Mú asi gyi, “Obitebi, kusu!”)

⁴²Lnuv ɔlɔkusu ɔna. (Otsibi amu laho nfi duanyɔ.) Ilobwie aha amu féé ɔna dafa. ⁴³Muu ɔleda amú ɔla kinkiinkin ɔbee, bumábla ɔhaa asun anfi. Lnu ɔlebla amú ɔbee, buha kebi amu ato ogyi.

Bumáho Yesu Mu Wuluto (Mateo 13:53-58; Luka 4:16-30)

6 ¹Yesu mu akasipu bedalu ɔmá amoto yinki yo mu wuluto. ²***Ɖkpunu ɔdake** lenya fun alu ɔlɔyo ɔde ato suna Yudafɔ ***ofiakpa**. Mu atosunahe leha ɔno lobwie aha tsɔtsɔtsɔá bonu mú. Mú su befite aba bee, “Nkuv olenya nyansa múa ofulabwe tumi anfi e tsu? ³Megyí ato osrepu amu ni. Megyi mu yin gyi ***Maria**, mu apio yinhe gyi Yakobo, ***Yosef**, Yuda pú Simon? Ye ania mu apio tsihe e tsie nfi a?” Benya ɔblu musu.

⁴Yesu lebla amú ɔbee, “Aha butobu ***Bulu ɔnɔsu ɔtɔpu** ɔtinegyiɔtine. Tame mu wulutofɔ, mu abusanfɔ pú mu woyito aha mú butamabu mu.”

⁵Lnúá bumáho mu gyi su a, ɔmetali bwe ofula kuku, dɔn aha kpalobi akusu ɔlɔpu ibi dunka tsa amú ilo. ⁶Uɔwa mu ifu ání bumáho mu gyi.

Akasipu Duanyɔ Amu Sumbiwa (Mateo 10:5-15; Luka 9:1-6)

Yesu leki nkuda ání ibi bomli unv asi, ɔde ato suna. ⁷Lnu ɔleti akasipu duanyɔ amu ba mu unv wa. Muu ɔlɔwa amú sumbi abanyɔ-abanyɔ. Ɖleha amú tumiá bɔpɔgyi ***ɔhe lalahesu**. ⁸Ɖleda amú ɔla ɔbee, “Mlumátsu tɔto kuta yo ɔkpa amu, dɔn mli oyi yiahe! Mlumátsu atogyihe nte akpankogyo, nte kɔba kuta! ⁹Mliwa ntukuta, tame mlumátsu atadie nyɔsi kuta! ¹⁰Woyigyiwoyiá mlíswu móto a, mlitsia unv yɔfun breá mledali wulu amoto. ¹¹Ni mlɔyo wulu kusu, bumáho mli nte bumekleá bónu mli atosunahe, mlidedali móto mlɔyo a, mlíkpa mli ayabitɔ-isi wuli unv, isuna ání bumebi bwe.”

¹²Mú su bɔyo yeda asun amu ɔkan bee, aha budamli kluntu. ¹³Begya ɔhe lalaha tsɔtsɔtsɔ le ahato, bekpa ɔlɔpu tsɔtsɔtsɔ e ofobi, tsa amú ilo.

Asu Ɖɔɔpu Yohane Lowu

(Mateo 14:1-12; Luka 9:7-9)

¹⁴Galilea ɔmásvu ogyipu *Herode lonu Yesu iwí asun anfi, tsufe mu ɔdayile de ɔtɔngyɔtɔne. Aku budebli beɛ, “Asu Ɖɔɔpu Yohane lakusv tsu afulitɔ. Mú sv ɔde ofula anfi odu bwe ni.”

¹⁵Tame aku e beɛ, “Bulu ɔɔsv ɔɔɔpu dada *Elia ni.”

Aku e beɛ, “Bulu ɔɔsv atɔɔpu dada amvɔɔ ɔkv ni.”

¹⁶Breá Herode lonu asun amv a, ɔleblɔ ɔbeɛ, “Yohane amvu neha betɔn amv latsinki tsu afulitɔ.” ¹⁷⁻¹⁸Herode leha bekita Yohane wa mu ikan, wa mu obu. Tsufe oletsia bla Herode ɔbeɛ, mbla meha ɔkpa ání obétsia mu pio Filipino mu ka Herodia amvu otsia amv.

¹⁹Mú sv Herodia lɔhɔ Yohane asun wa iwitɔ. Ɖɔbbwe agywun ání ɔbómɔ mu, tame ɔmetalt, tsufe Herode meha mú ɔkpa. ²⁰Herode yin ání Yohane asun da ɔkpa, ogyi ɔha wankiɛ. Mú sv olenya mu ifu, ɔleki musv wanklaan ání tɔtɔ mɔɔbwe mu. Ibv mútɔá Yohane asun bliɛ tehan Herode, tame otekle mú nu.

²¹Tɔá Herodia dedunka leba mútɔ ha mu. Eke ɔkvá Herode de mu ɔkwuke gyi a, ɔlɔtswi ɔpuvu, ti ahande, isa akɔpu dehen pú Galileafɔ ahande ba atɔ amv ogyikpa. ²²Breá Herodia mu bi tsuɛ lobowie ɔvuntɔ tsa a, ulɔwa Herode muv ahande amv féé ansigyi. Herode lebla mu ɔbeɛ, “Fite mi togyiɔá fvdekle, néha fv.” ²³Ivu ɔleka ntam ha mu ɔbeɛ, “Néha fv togyiɔá fefite mi. Ni igyi mi iwie ogyikpa ifun kura.”

²⁴Otsibi amv ledalt yefite mu yin ɔbeɛ, “Ntɔ nfite?”

Mu yin lebla mu ɔbeɛ, “Fite Asu Ɖɔɔpu Yohane nwun.”

²⁵Ɖsasv otsibi amv leba bebla Herode ɔbeɛ, “Ndekleá fupu Asu Ɖɔɔpu Yohane nwun dɔnka ulɔsv ha mi seseesei.”

²⁶Asun anfi leɛɛ han owie amv, tame mu ntam amvu ɔleka, pú aha amvu bubu unv amv sv omekleá ɔbɔtɔn ntam amv. ²⁷Ivunv ɔlɔwa mu aha ɔtɔnpu ɔbeɛ, ɔyetɔn Yohane nwun ba mu. Ɖlɔɔɔ yetɔn Yohane nwun obu ɔdikpa unv. ²⁸Muv ɔlɔpu nwun amv dɔnka ulɔsv ba otsibi amv, mu e ɔlɔpuva mu yin Herodia. ²⁹Breá Yohane akasɔpu bonu asun anfi a, beba botsu mu satin yopula.

Aha Mpum-nu Atogyiɛ Ha

(Mateo 14:13-21; Luka 9:10-17; Yohane 6:1-14)

³⁰Yesu *sumbi ayɔpu amv beyinki ba bebla mu tɔá bayɔbwe pú múá bayo-suna féé. ³¹Mú ɔma a, aha buva amú wa alu, bumanya ɔkpa gyi atɔ kura. Mú sv ɔlebla amú ɔbeɛ, “Mlɔha ayɔ utsetɔ fleɛn, ayeda ɔkpuvu.” ³²Ivu bowie ɔkluntɔ, pu ɔkpa bɔɔɔ utsetɔ ɔtɔnekv.

³³Tame aha tsɔtsɔɔtsɔ bowun amú, bi ɔtɔneá bɔɔɔ. Mú sv botsu awulu amv féésv, tsii ɔsrɔ gyankpa yowie ɔtɔne amvu Yesu aná bɔɔɔ amv. ³⁴Breá Yesu lekplɔ dalɔ ɔklɔn amvɔ, wun ɔɔɔm kɔɔnkɔɔnkɔɔntɔ amv a, amú asun lɔwa mu nwe, tsufe bugyi fe akufa ání buma ɔkpaɔ. Mú sv olosuna amú atɔ tsɔtsɔɔɔ. ³⁵Owi lɔpon a, akasɔpu amv beba mu wa bebla mu beɛ, “Utsetɔ nft gyi, owi e lata. ³⁶Ha amú abuyɔ nkuda múa awuluá ubv bomli nft asɔ yodunka tɔkv gyi.”

³⁷Tame Yesu lele mú ɔ̀nɔ̀ ɔ̀bɛɛ, “Mludunka atɔ̀ ha amú abugyi.”

Muv befite mu bɛɛ, “Abétalu nya sika^c hɔ̀ atɔ̀ ha aha anfi f́éé bégýi?”

³⁸Yesu lefite amú ɔ̀bɛɛ, “Bodobodo apin afinu mlíbu? Mlɔ̀yɔ̀ amlɔ̀yɛkú!”

Beyinki bebla mu bɛɛ, “Bodobodo apin anu pú ntsutso iye bwahe anyɔ̀ bu inu.”

³⁹Yesu lebla amú ɔ̀bɛɛ, “Mliha amú abutsiatsia ifa bɔ̀bwe amusu.” ⁴⁰Betsia asɔ̀ akusu-akusu, aku lafa (100), aku ε aduenu (50). ⁴¹Inu olotsu bodobodo anu pú ntsutso iye bwahe anyɔ̀ amu. Muv olotsu ansɔ̀ fua kí ɔ̀susu, ɔ̀ɛda Bulu upan. Inu olebiabia bodobodo amu ha mu akasɔ̀pu amu ɔ̀bɛɛ, buye ha amú. Oleye iye bwahe anyɔ̀ amu ε ha amú, bɔ̀puha aha amu. ⁴²Amú f́éé begyi mwe sian. ⁴³Akasɔ̀pu amu bɔ̀tɔ̀si bodobodo múa iye sianhe amu a, ilɔ̀bula alakpa duanyɔ̀. ⁴⁴Ayin ánɔ̀ begyi atɔ̀ amu nkule bɔ̀gyi mpum-nu (5,000).

Ɔ̀pusu Natɔ̀

(Mateo 14:22-33; Yohane 6:15-21)

⁴⁵Benya gyi atɔ̀ amu ta alɔ̀, Yesu lebla akasɔ̀pu amu ɔ̀bɛɛ, buwie ɔ̀klntɔ̀ abugyankpa fa ɔ̀pu amu yɔ̀ Betsaida wulutɔ̀. Mu mú olesin ɔ̀ma si ɔ̀ɔ̀m amu ɔ̀kpa. ⁴⁶Breá olesi amú ɔ̀kpa ta a, ɔ̀ɔ̀du yɔ̀ ubusu yɔ̀bɔ̀ mpa. ⁴⁷Breá owi leta, ɔ̀klɔ̀n amu lawie ntsu nsune a, ileisi Yesu nkule ibu amusu. ⁴⁸Inu olowun ánɔ̀ ɔ̀klɔ̀n amu pla de ɔ̀nlɔ̀n wa wa akasɔ̀pu amu, tsufe afu kɔ̀nkpɔ̀ntɔ̀ detsun fia amú. Bake-bake a, Yesu lenatɔ̀ ntsu amusu ayabitɔ̀ buo amú, odekle ɔ̀tsun amúsu. ⁴⁹Tame breá bowun mu a, buki bɛɛ fuli ogyi. Mú su bɔ̀sura okitikiti. ⁵⁰Opuni letsii amú f́éé.

Tame ɔ̀lwa ɔ̀sa bla amú ɔ̀bɛɛ, “Mliwa klɔ̀n. Mɔ̀ nɔ̀, mɔ̀mánya ifu.” ⁵¹Muv ɔ̀ɔ̀du wie ɔ̀klɔ̀n amutɔ̀, afu amu leka itin a. Asun anfi lɔ̀wa amú wanwan. ⁵²Amú klntɔ̀-odwin su bumɔ̀kunya nu bodobodo iwɔ̀ asun amu asu.

Genesaretɔ̀ Alɔ̀pu Tsa

(Mateo 14:34-36)

⁵³Yesu muva amúnɔ̀yɔ̀ befɔ̀ ɔ̀pu amu yesi Genesaret osubunɔ̀, bɔ̀wa ɔ̀fe kɔ̀ta ɔ̀klɔ̀n amu. ⁵⁴Benya kplɔ̀ dalɔ̀ ɔ̀klɔ̀n amutɔ̀ alɔ̀ aha bowun Yesu, bɔ̀ mu ɔ̀tsawole pe. ⁵⁵Mú su besɔ̀ yotsu amú alɔ̀pu sɔ̀ra akpasu, tsu ntune-ntune bɔ̀tu mu inu. ⁵⁶Ɔ̀tunegyɔ̀tunɛá Yesu lɔ̀yɔ̀, igyi wulutɔ̀ nte akuda o a, bɔ̀pu amú alɔ̀pu bɔ̀tswi brɔ̀nusu, kokoli mu bɛɛ, ɔ̀ha alɔ̀pu amu abupɔ̀ ibɔ̀ da mu atadie ɔ̀danu kpan. Amúá bɔ̀pu ibɔ̀ da mú f́éé benya ulɔ̀tsa.

Atutɔ̀fɔ̀ Amandɛ

(Mateo 15:1-9)

7 ¹*Farisifo pú *Mose mbla asunapu aku botsu Yerusalem ba befɔ̀ Yesu wa. ²Muv bowun ánɔ̀ mu akasɔ̀pu amu aku bumɔ̀fwɔ̀ ibɔ̀ amandɛ ɔ̀kpasu asa bude atɔ̀ gyi.

³(Tsufe *Yudafɔ̀, titriu Farisifo bumɔ̀kusi amú anain amandɛtɔ̀. Mú su nɔ̀ bumɔ̀kufwɔ̀ ibɔ̀ amandɛ ɔ̀kpasu a, butamagyi atɔ̀. ⁴Alɔ̀ ken nɔ̀ bumɔ̀kɔ̀gyura iwɔ̀ a, butamagyi tɔ̀á bɔ̀pɔ̀tsua biasu ba nɔ̀. Amandɛ bamba ku aná ε bu inu, butra bude mótɔ̀ tsu nwe-nun-ntsu, nlɔ̀ pú nɔ̀lanka iwɔ̀.)

⁵Mó sv amúá Mose mbla asunapu befite Yesu bee, “Ntogyi sv fu akasipu amu butamagyi aní anain amandiεsv, bwmɔfwɪ ɪbɪ amandiε ɔkpasu asa abugyi atɔ?”

⁶Yesu lele mó ɔno ɔbee, “Ɔnoɔkwali *Bulu ɔnoɔsv ɔtoɔpu *Yesaia lebli tswi tsu mli apinabwebi abwεpu anfi iwɪ ɔbee,

‘Aha anfi budepu amó ɔno bu mɪ,
tame amó klɔn bu ɪfɔ mɪ wa.

⁷Kpaali bude mɪ sum,
tsufe basi Bulu mbla tswɪ,
yɔ bude anyankpusa mbla suna.’

⁸“Mlulasi Bulu mbla amu tswɪ, mlɪde mli anain amandiεɔ.”

⁹ɪno ɔlebla amó ɔbee, “Mlɪlapina si Bulu mbla amu tswɪ nyansatɔ, menɪ mlégyi mli onuto amandiεsv. ¹⁰Tsufe Mose lɔwanlin wa Bulu mbla amutɔ ɔbee, ‘Bu fu si móá fu yin.’ Ɔletra wanlin ɔbee, ‘Nɪ ɔku lebli asokpan tsu mu si nte mu yin iwɪ a, bwmɔ mu.’ ¹¹Tame mli mó mliáa, ɔha ɔbétali bla mu si nte mu yin ɔbee, ‘Tɔá tekɪ nɔpɔha fu a, napɔbwe Koban.’^d ¹²Mlɪlaha aha bumede tɔtɔ bwe ha amó akwɔpu. ¹³Mli anain amandiε sv mlitra mlumede Bulu mblasu gyi. Ntobi tsɔtsɔɔtsɔ ε bu unvá mlitra mlɪdebwe tsɪa unúɔ.”

Tɔá ɪtɔkpɔi Ɔha Bulu Ansɪtɔ

(Mateo 15:10-20)

¹⁴Yesu letra tɪ ɔɔɔm amu ba mu iwɪ wa, ɔlebla amó ɔbee, “Mli féé mliyaá asv amlɪnu unɪ asɪ! ¹⁵⁻¹⁶Megyɪ tɔá ɔha tegyi tɔkpɔi mu Bulu ansɪtɔ. Mboun móá ɪtedali tsu mu ɔno.”^e

¹⁷Breá ɔlenati si ɔɔɔm amu yɔ woyitɔ a, mu akasipu amu befite mu yebe anfi asɪ.

¹⁸Ɔlele mó ɔno ɔbee, “Mli ε mlɪtamanu asun asɪ? Mlumeyin ání tɔá itowie ɔha ɔno tamakpɔi mu Bulu ansɪtɔ? ¹⁹Tsufe megyi mu klɔntɔ itowie, mboun mu ɪputɔ itowie, ɔteyele mó wa ɔkpɔntɔ.” (Yesu lele móto pusuna ání atogyihe kugyiku *iwɪ letɪn.)

²⁰ɪno ɔlebla amó ɔbee, “Tɔá ɪtedali tsu ɔha klɔntɔ tɔkpɔi mu Bulu ansɪtɔ.

²¹Tsufe ɔha klɔntɔ agywun lalahe kugyiku tedali tsu. Móteha mu ɔtɔwa atsu móá ayin asun, otowi atɔ, ɔtɔmɔ ɔha, ɔtɔtɔ mbua, ²²ɔtɔwa ɔnsɪpe, ɔtɔbwe lalahe, ɔtemle aha, ɔtɔwa hakpan, ɔtɔwa olu, otetsii ɔha, ototsu iwɪ, ɔtɔbwe mimlala. ²³Ɔha klɔntɔ, atɔ lalahe anfi féé tedali tsu. Mótkpɔi mu nɪ.”

Ɔtsɪ Ɔkɔá Omegyɪ Yudayin Hogyi

(Mateo 15:21-28)

²⁴Yesu lenati unv yɔ Tiro nsauntɔ, ɔlɔyɔswu woyi kutɔ. Omedekle ɔbee aha bubíá maba unv, tame ɔmetali nain mu iwɪ. ²⁵*Ɔnye lalahe bu ɔtsɪ ɔku mu bi tsɪhetɔ. Olenya nu Yesu nka alɪ, ɔlɔwa ɔsa beda akpawunu mu ayabitɔ. ²⁶Grikiyintse ɔtsɪ anfi gyi. Bɔkwu mu Siro Foenike ɔsulɔsv. Olokokoli Yesu ɔbee, ogya ɔnye lalahe amu le mu bi amutɔ. ²⁷Tame Yesu lebla mu ɔbee, “Ha nyebi amu abumwe asa, tsufe uma aleá fɔswu nyebi atogyihe puha akɪaɪ.”

²⁸Ɔtsɪ amu lele mó ɔno ɔbee, “Owie, ɪbu móto alɪ, tame akɪaɪ ání buda ɔpɔnu amu asɪ ε butegyɪ nyebi atogyihe mpupubíá ɪtekpakpa bun amó ɔpɔnvasɪ.”

^d 7:11 Koban asɪ gyi, napukie Bulu. ^e 7:16 Móto ye 16 bu nwlɔwɔ dada amu akutɔ: Ɔhagyɪɔha ání ɔbv asv, onu!

²⁹Muu Yesu lebla mu ɔbee, “Fabi le mú ɔnɔ. Mú su nati, ɔɛ lalahe amu ladalt fu bi tsihe amuto.”

³⁰Bréá ɔtsu amu loyɔ woyito a, olowun ání ɔɛ lalahe amu ladalt mu bi amuto, alasi ɔda mpasv.

Isutin Ɔkúá Ɖtamato Wanklaan Tsa

³¹Yesu lenati Tiro inu yɔ Sidon yobomli kplɩ ba Dekapoli^f awulu amu nsaintɔ asa ɔleladu yɔ Galilea ɔpu ɔnɔ. ³²Bɔpu isutin ɔku ba mu, ɔtamatalɩ tɔ wanklaan. Bokokoli mu bee, ɔpu ibi dɩnka musv. ³³Muu ɔlekpa oyin amu ya ifuntɔ, pu mu asrebi wa oyin amu asvto, olotu atsuno dɩnka mu osrebisv, puda oyin amu ɔdandusv. ³⁴Inu olotsu ansɩ fva kɩ ɔsusv, lɔn ɔɛ fu. Muu ɔleblɩ ɔbee, “Hefata.” ***Hebri** ɔblɩtɔ. Mú asɩ gyi, “Finki.”

³⁵Inuvu mu asv lefinki, mu ɔdandu ε lesankɩ; ɔlɔtɩ wanklaan. ³⁶Muu Yesu leda aha amu ɔla kpakpaakpa ɔbee, bumábla ɔhaa. Tame tse dudusvɔá ɔleda amú ɔla a, alɩ ken beda asvɔn amu ɔkan nɩ. ³⁷Ɖnɔ lehɩe bwie amú, beblɩ bee, “Alabwe togyito wanklaan. Alaha asutin buɔe asvɔn nu, amumu ε buɔetɩ.”

Aha Mpum-na Atogyihe Ha

(Mateo 15:32-39)

8 ¹Nke amuto a, ɔɔm kpɔnkɔnkɔnkɔntɩ betra befia Yesu wa. Amú atogyihe leta. Mú sv Yesu letɩ mu akasɩpu, bla amú ɔbee, ²“Aha anfi asvɔn de mi nwe wa. Nɔe eke sasi ɔpá bubuo mi. Buɩra buma tɔtɔá bégyi. ³Nɩ néha amú bɔpu akun nati bɔyɔ woyi a, ansɩtɔ béyebi amú ɔkpatɔ, tsufe amú ɔku ɔkpa bu ifɔ.”

⁴Muu akasɩpu amu befite mu bee, “Nkuvu abénya atogyihe ha aha anfi féé bégyi mwe dimbi anftsv.”

⁵Yesu lefite amú ɔbee, “Bodobodo afɩnɩ mlɩbu?”

Bele mú ɔnɔ bee, “Asienɔ.”

⁶Yesu leha ɔɔm amu betsia ɔsvlɔtɔ. Muu olotsu bodobodo asienɔ amu, da Bulu ipan, olebiabia mútɔ ha akasɩpu amu beye mú ha amú. ⁷Bubu ntsutso iye bwahe kpalobi kv ε. Yesu loyula músv, ɔlɔpu mú ε ha akasɩpu amu beye ha amú. ⁸Amú féé begyi mwe. Akasɩpu amu bɔtɔsv isianhe bula alakpa yile asienɔ. ⁹Aha amu bɔbwe fe mpum-na (4,000), Yesu lesɩ amú ɔkpa. ¹⁰Inuvu mva mu akasɩpu bɔɔv wie ɔklɩntɔ ba Dal-manutafɔ ɔsvlɔsv.

Farisifo Bodunka Ofula

(Mateo 12:38-42; 16:1-4)

¹¹Farisifo bonuá Yesu laba unv, beba buɔe mu asvɔn fite. Bebla mu bee, ɔbwe osuna pusuna amú ání lele otsu Bulu wa. ¹²Yesu lɔlɔn ɔɛ fu. Muu ɔlefite amú ɔbee, “Ntogyi sv mlɩ ndemba-abi mlɩɔe osuna dɩnka amlɩwun? Mbla mlɩ ɔnɔkwalɩ. Mmɔɔbwe osuna kuku suna mlɩ!”

¹³Inu ɔlenati si amú yɔ du wie ɔklɩntɔ, fa ɔpu amu yɔ mú ɔbun.

Farisifo Pó Owie Herode Bodobodotu-afa

(Mateo 16:5-12)

¹⁴ Yesu akasipɔ amu bumekain tsu bodobodo kita. Ipin kule pe bu ɔklɔn amɔtɔ. ¹⁵ Breá budɔn ntsu amɔsv buɔyɔ a, Yesu leda amú ɔla ɔbeɛ, “Mliki wan-
klaan Farisifo pú ɔmásv ogyipɔ *Herode bodobodotu-afasu.”

¹⁶ Akasipɔ amu befite aba beɛ, “Bodobodo amsv anumedɛ amu sv ɔde asun
anfti bli loo?”

¹⁷ Yesu lonu asun ání budebli. Msv ɔlefite amú ɔbeɛ, “Ntogyi sv mlɔdebli
mlɔaa, mlumedɛ bodobodo? Mú sv uklɔntɔ bu mli odwin mli ɛ? ¹⁸ Mli ansibi
tamawun atɔ, mli asv ɛ tamanu asun? Mlitamakain asvsv? ¹⁹ Breá neye bodo-
bodo apin anu ha aha mpum-nu (5,000) a, isianhe alakpa afɔnɔ mlɔlɔtɔsɔ?”

Bele mú ɔnɔ beɛ, “Duanyɔ.”

²⁰ “Bodobodo apin asienɔ amsv neye ha aha mpum-na amv ɛ mɛ, isianhe
alakpa yile afɔnɔ mlɔlɔtɔsɔ?”

Bele mú ɔnɔ beɛ, “Asienɔ.”

²¹ Inu Yesu lefite amú ɔbeɛ, “Imɔkɔwankɔ mli ki?”

Ansibi Obwiepɔ Ɔkɔ Ansibi Bwii

²² Yesu mva mu akasipɔ beba Betsaida wulɔtɔ. Aha aku bekpa ansibi
obwiepɔ ɔkɔ ba. Bobwii ipa ha mu beɛ, ɔpɔ ibi da mu, ɔtsa mu ilɔ. ²³ Yesu
lekita ansibi obwiepɔ amv ibi, kpa mu dalɔ wulu amɔtɔ. Inu olotu atsvnɔ
dunka oyin amv ansibisv, pɔ ibi dunka msv. Msv ɔlefite mu ɔbeɛ, “Fude atɔ
wun?”

²⁴ Ansibi obwiepɔ amv lotsu nwun fva kɔ, ɔlebli ɔbeɛ, “Nde anyankpɔsa
wun, tamɛ bugyi fe nyi buna.”

²⁵ Inu Yesu letra pɔ ibi dunka mu ansibisv. Oyin amv lobwii ansibi kɔ a,
mu ansibi lawa alɛ, ɔde togyitɔ wun wanklaan ngya. ²⁶ Yesu leyinkia mu svsv
woyitɔ ɔbeɛ, “Natɔ laa yɔ woyi. Mátepi wie wulu amɔtɔ kɔraa.”

Ɔha Ání Yesu Gyi

(Mateo 16:13-20; Luka 9:18-21)

²⁷ Yesu mva mu akasipɔ amv benatɔ inu buɔyɔ Kaesarea Filipi awulusv. Breá
buna ɔkpatɔ a, ɔlefite amú ɔbeɛ, “Ma aha beɛ ngyi?”

²⁸ Bele mú ɔnɔ beɛ, “Aku beɛ, fɔgyi Asu Ɔbɔpɔ Yohane. Aku beɛ, Bulu ɔnɔsv
ɔtɔpɔ *Elia. Aku ɛ beɛ, Bulu ɔnɔsv atɔpɔ amɔtɔ ɔkɔ.”

²⁹ Msv ɔlefite amú ɔbeɛ, “Mli ɛ mɛ? Mliaa, mɔgyi ma?”

Petro lele mú ɔnɔ ɔbeɛ, “Fɔgyi *Kristo, (ɔha amsv Bulu lada mu ofuli amv)
nɔ.”

³⁰ Inu ɔleda amú ɔla ɔbeɛ, “Mli mábla ɔhaa mɔ iwɔ asv anfti.”

Yesu Iwɔsvn Pó Mv Lowu Iwɔ Asv Bli

(Mateo 16:21-28; Luka 9:22-27)

³¹ Inu Yesu lefi asv ɔde asvntɔ le suna amú ɔbeɛ, “Ilehian ání mɔ, Nyankpɔsa-
Mv-Bi anfti nehɛ wun iwɔsvn tsɔtsɔtɔ. *Yudafɔ ahande, Bulu *igyɔ ahapɔ
dehen pú *Mose mbɔla asunapɔ fɛé békina mɔ beɛ, megyi mɔgyi Kristo amv.
Bómɔ mɔ, tamɛ Bulu ɔbɛlakusva mɔ tsu afulitɔ nkensa ɔma.” ³² Ɔmɔpɔ asv

anfi ɲain amú. Mú sv Petro leti mu ya utseto yeka mu itin ɔbee, ɔmátra bli ali. ³³ Lnu ɔledamli ki akasɔpu amu, ɔɔkɔplɔn wa Petro ɔbee, “*Satan, natu teti musu! Megyi tɔá Bulu degywun fudegywun, anyankɔsa kle fudegywun.”

³⁴ Lnu ɔleti ɔɔm amu pú mu akasɔpu ba mu iwɔ wa. Mvu ɔlebla amú ɔbee, “Ni ɔku dekleá obóbuo mi a, osi tɔá otekle bwe, otsu mu *oyikpalihɛ bobuo mi. ³⁵ Tsufe ni ɔku lepri mu nkpa a, ɔbóhuli mú. Ni ɔku ε lohuli mu nkpa mia Bulu *ason wanklaan amusu a, Bulu ɔbóhɔ mu nkpa. ³⁶ Ni ɔku onya ɔyitɔ ato fɛ́é, tame ɔhuli mu ɔkla a, labi mɔmu ulɔwa ha mu? ³⁷ Nte ntu ɔha ɔbétali putse mu nkpa? ³⁸ Tsufe ni ɔku onya mia mi atosunahe peli ndemba-abi lalaheá badamli ɔma ha Bulu ansitɔ a, mi, Nyankɔsa-Mv-Bi anfi ε nénya mu peli breá mia *Bulu-abɔpu wankihɛ amu anuna mi Si numnyamtɔ aba.”

9 ¹ Yesu lɔyɔ mu tɔisu ɔbee, “Ɔnɔkwali nde mli bla. Aku bubu mlitɔ nfi bumóowu, yɔfun breá bawun ání Bulu iwiegyi amu ina tumisu iba.”

Yesu Iwtitse

(Mateo 17:1-13; Luka 9:28-36)

² Nkensie ɔma a, Yesu lekpa Petro, Yakobo mua Yohane. Mua amúnɔyɔ bɔdu yɔ ibu kusv amú nkule. Lnu Yesu letse amú ansitɔ. ³ Mu atadie ledamli fututuutu, ide ogya kpa. Tɔtɔ ma ɔsɔlv anfiɔvá ibétali bwe mú ibófuli ali. ⁴ Lnu *Elia mua Mose bele iwɔ ɔwan, amúa Yesu budetɔ. ⁵ Mvu Petro lebla Yesu ɔbee, “Osunapu, ibu aleá abétsia nfi. Ha ada abu asa. Fu kle kule, Mose kle kule, Elia ε kle kule.” ⁶ Ifu lehie kita Petro mua mu aba amu dubi. Mú sv omowun asv aní ɔbli.

⁷ Lnu agyinde kv lobobun amúsv, ɔme kv ledali tsu mútɔ ɔbee, “Ɔni gyi mi Bi ɔdwepu ni! Mliya asv amlinu mu asv!” ⁸ Lnu belaki, tame bumetra wun ɔhaa dun Yesu nkule.

⁹ Breá buɔe ibu amv kpli a, Yesu leda amú ɔla ɔbee, “Mlumábla ɔhaa tɔá mlɔlayowun, yɔfun ekeá Bulu ɔbókusva mi, Nyankɔsa-Mv-Bi anfi tsu afulitɔ.”

¹⁰ Asv anfi lesin amú nwuntɔ, betsia fite aba bee, “Kusv tsu afulitɔ anfi asv me?” ¹¹ Lnu befite Yesu bee, “Ntogyi sv Mose mbla asunapu amv bee, ilehian ání Elia obéyinki ba asa Kristo amv ɔbéba?”

¹² Ɔlele mú ɔnɔ ɔbee, “Ɔnɔkwali igyiá Elia obégyankpa bela togyitɔ yaɔ wan- klaan. Mú ntogyi sv Bulu asv wanlunhe amv ken lebli tsu mi iwɔ ɔbee, mi, Nyankɔsa-Mv-Bi anfi néhie wun ipian, aha bósɔpa mi? ¹³ Nde mli bla mbee, Elia layinki ba dodo. Aha bɔbwe mu alá buɔdekle, fe alá bɔwanlun wa Bulu asv amutɔ.”

Uɔ Dudahe Ɔlɔpu Tsa

(Mateo 17:14-21; Luka 9:37-43a)

¹⁴ Breá beyinki bowie akasɔpu atrahe amv wa a, bowun ání ɔɔm kɔnɔkɔnɔkɔnɔntɔ bafia bomli amú, Mose mbla asunapu aku buɔe akasɔpu amv nwen gyi. ¹⁵ Breá ɔɔm amv bowun Yesu a, ulɔwa amú wanwan, besri yefia mu, ha mu aye. ¹⁶ Yesu lefite mu akasɔpu amv ɔbee, “Amansv mlta amúnɔyɔ mlɔdebuti?”

¹⁷ Ɔɔm amutɔ ɔku lele mú ɔnɔ ɔbee, “Osunapu, nekpa mi bi yinhe ba fu mbee, afutsa mu ulɔ. Ɔɲe lalahe laha ɔtamatɔ. ¹⁸ Bregyibreá ɲe lalahe amv iba

muṣu a, itawuṣu mu, fun mu da ɔsuluto. Mu ɔno tɔbwe afu, ɔtawu ayin, ɔtesunsu. Nɛbla fu akasipu mbee, bugya ɔɛ amu le mutɔ ha mi, tame bumetalu.”

¹⁹ Yesu lebla amɔ ɔbee, “Ndemba-abia mlumá hogyi, alu nétsia mli wa yɔ ni? Yɔfun ɔmenke nnya klun ha mli? Mlukpa kebi amu ba mi!” ²⁰ Bekpa kebi amu ba Yesu.

Ɖɛ lalahe amu lenya wun Yesu alu, ulwusu kebi amu, fun mu da. Odemina, mu ɔno ε ide afu. ²¹ Yesu lefite obi mu si amu ɔbee, “Tsu bre mɔmutɔ ulɔ anfu lefi asi?”

Ɖlele mú ɔno ɔbee, “Tsu mu nyebito ɔpá. ²² Utawu mu wa ogya múa ntsu aná fɛ́tɔ, itekleá ubómɔ mu, tame ni fétalu bwe tɔku tsu mú iwɔ a, wun anu nwe afugyi anu buale.”

²³ Yesu lefite mu ɔbee, “Bli fude fee, ni nétalɔ? Togyito lɔɔn ha ohogyipu.”

²⁴ Inu obi mu si amu lɔklun bli ɔbee, “Nohogyi, tame mi hogyi mɔtɔ. Gyi mi buale, mi hogyi imoni!”

²⁵ Breá Yesu lowun áni ɔɔm amu butra busri beba a, ɔlɔklun wa ɔɛ lalahe amu ɔbee, “Fu ɔdandubiabia múa usutin ɔɛ, dalu kebi amutɔ. Mátra wie mutɔ ekekeke!”

²⁶ Ɖɛ lalahe amu lɔsura okitikiti kuklukus, uletra wusu mu nyanyanyanya, uledali mutɔ. Ɖɛ leta mu. Mú su aha amutɔ aku bebli bee, “Alawu.” ²⁷ Tame Yesu lekita mu ibi tsu mu fua, ɔlɔkus lu.

²⁸ Mú ɔma, breá Yesu mba mu akasipu amu nkule bubu woyito a, befite mu bee, “Ntogyi su anu mú anumetalu gya ɔɛ lalahe amu dalu kebi amutɔ?”

²⁹ Muṣu ɔlebla amɔ ɔbee, “Inu odu mú a, nketi mpaɪ^g pe mletalu pugya mú.”

Yesu Lowu Iwɔ Asun Bli Otse Nyɔsi

(Mateo 17:22-23; Luka 9:43b-45)

³⁰ Breá Yesu mba mu akasipu amu benati unu a, bɔtsun Galilea ɔsulusu, tame Yesu mekleá ɔhaa ɔbi ɔtineá muṣu. ³¹ Tsufe ɔde akasipu amu atɔ suna ɔbee, “Béle mi, Nyankpusa-Mu-Bi anfu ha adun bómɔ mi. Tame Bulu obélakusua mi eke sasu.”

³² Akasipu amu bumonu mú asi. Ifu ε de amɔ áni befite mu.

Ma Ɖbɔbwe Ɖhande?

(Mateo 18:1-5; Luka 9:46-48)

³³ Beba Kapernaum wuluto. Breá bowie woyito a, Yesu lefite amɔ ɔbee, “Ntɔ nwen mlɔdegyi ɔkpatɔ?”

³⁴ Bekpa ɔno bun músu, tsufe ihande budepri. ³⁵ Yesu letsia asi, ɔleti akasipu duanyɔ amu, ɔlebla amɔ ɔbee, “Ni mlito ɔku dekleá ɔbɔbwe mli nkpa ogyapu a, ɔbwe mu iwɔ ɔma ogyapu pú mli fɛ́é osumpu.” ³⁶ Inu ɔlekpa kebi ɔku belu amɔ ansitɔ, lata mu puta, ɔlebla amɔ ɔbee, ³⁷ “Ɖhagyicha áni ɔlɔhɔ kebiá ogyi alu mi idatɔ laho mi. Ɖhagyicha áni ɔho mi a, megyi mi ɔlɔhɔ, mboun ɔha amu ɔlɔwa mi amu.”

Ani Obuopu

(Luka 9:49-50)

³⁸ Yohane lebla Yesu ɔbee, “Osunapu, anlowun oyin ɔku depu fu da gya ɔɛ lalahe, anleka mu tin, tsufe ɔma anitɔ.”

³⁹Tame Yesu lebla amú ɔbee, “Mlumáka mu tin! Tsufe ɔhaa má uná ɔɔbwe ofula mi ɔdato, labli mu iwí asun lalahe. ⁴⁰Tsufe ɔha ání ɔmáksu lu anisu buo aní. ⁴¹Ɔnɔkwali nde mli bla mbee, ni ɔku ɔha mli ntsu-owebi mlonun mi ɔda ání ɔdun mlisu su a, ɔmáɔhuli mu ɔpan.

Dha Kpa Wa Lakpantɔ

(Mateo 18:6-9; Luka 17:1-2)

⁴²“Ni ɔku leha aha anfi bumáɔkudan misu hogiyɔ anfiɔ ɔku ɔɔbwe lakpan a, ni beda nfuokwɛbu sian mu ɔmetɔ, tswi mu wa ɔputɔ po a, ɔbu ale ɔdun. ⁴³⁻⁴⁴Ni fu ɔbi kule teha futɔɔbwe lakpan a, ka mú le! ɔbu aleá fɔpu ɔbi kule nya nkpa ání ɔtamata, ɔdun ání fɔpu ɔbi anyɔ wie ɔsubiti ogya ání ɔtamaduntɔ.⁴ ⁴⁵⁻⁴⁶Ni fu yabi kule teha futɔɔbwe lakpan a, ka mú tswi tsalífwi! ɔbu aleá fɔpu yabi kule nya nkpa ání ɔtamata, ɔdun ání fɔpu ayabi anyɔ wie ɔsubiti ogya ání ɔtamaduntɔ.¹ ⁴⁷Ni fu nsibi teha futɔɔbwe lakpan a, loti mú le. ɔbu aleá fɔpu nsibi kule wie Bulu iwiegyi amutɔ, ɔdun ání fɔpu ansibi anyɔ wie ɔsubiti ogya ání ɔtamaduntɔ. ⁴⁸Ɔtunéá unu anyambi butamawu, unu ogya ε ɔtamadun.

⁴⁹“Tsufe bópu ogya tun ɔhagyíɔha iwí, fe alá butɔpu nfɔli tun afɔɔɔte iwí.

⁵⁰“Nfɔli bu ɔdwe, tame ni ita ɔdwe a, ntɔ belapɔwa mú ɔdwe?

“Mliha ɔdwe itsia mlitɔ fe nfɔli, iwílwii itsia mli mli aba nsine.”

Ɔkakina Iwí Atosunahe

(Mateo 19:1-12; Luka 16:18)

10 ¹Yesu ɔkusu tsu unu yɔ Yudea ɔmáɔ, Yordan ntsu ɔbun. Ɔɔɔm betra befia bomli mu, ɔletra suna amú atɔ fe alá ɔɔbwe yai.

²Farisífo aku beba mu wa, budeklaé bóɔɔ mu ki. Mú su befite mu bee, “Ani Mbla leha ɔkpa ání oyin ɔbétali kina mu ka?”

³Yesu lefite amú ɔbee, “Nkaku aní nain Mose lɔwa mbla ha mli?”

⁴Bele mú ɔnɔ bee, “Mose leha ɔkpa ání oyin ɔwanlun ɔkakina ɔwulu pukina mu ka.”

⁵Yesu lebla amú ɔbee, “Mli kluntɔ-odwin su Mose lɔwanlun mbla anfi ha mli. ⁶Tsu breá Bulu lele ɔyi a, ɔtsi múa oyin ɔɔbwe. ⁷Lni su oyin obótu si mu su muva mu yin yemanta mu kasu, ⁸amú abanyɔ bóɔɔwe ɔyulu kule ni. Butra bumegyí abanyɔ, mboun babwe ɔbakule. ⁹Lni su aha ání Bulu labwe amú kule a, ɔhaa máman amú abasu.”

¹⁰Breá beyinki ba woyitɔ a, Yesu akasipu amu betra fite mu asun tsu asun anfi iwí. ¹¹Yesu lebla amú ɔbee, “Ni oyin okina mu ka layetsia ɔtsi bamba a, alato mbua. ¹²Alí ken ni ɔtsi okina mu klu layetsia oyin bamba a, alato mbua ni.”

Nyebi Yula

(Mateo 19:13-15; Luka 18:15-17)

¹³Aha aku bekpa nyebi ba Yesu bee, ɔpu ɔbi dunka amúsu, tame mu akasipu amu ɔɔwa iyin wa amú. ¹⁴Breá Yesu lowun a, ɔɔɔle lekita mu. Muv ɔlebla akasipu amu ɔbee, “Mliha nyebi amu ɔkpa abuba mi wa. Mlumáɔin amú ɔkpa,

tsufe aha anft odu bu Bulu iwiegyi amu ni. ¹⁵Ɔnɔkwalt nde mli bla. Ɔha ání ɔmɔhɔ Bulu iwiegyi amu fe kebi a, omóowie mútɔ.” ¹⁶Muv ɔlelata amú puta, pu ibi dundinka amósv, oloyula amú a.

Atonyahe lwi Atosunahe
(Mateo 19:16-30; Luka 18:18-30)

¹⁷Breá Yesu lɔpu ɔkpa ɔyɔ a, oyin ɔku lesrɔ ba beda akpawunu mu ayabito fite mu ɔbee, “Osunapu yile, ntɔ nɔbwe asa nénya nkpa ání itamata?”

¹⁸Yesu lefite mu ɔbee, “Ntogyi su fude mi tu ɔha yile? Ɔhaa megyi ɔha yile, nketi Bulu nkule. ¹⁹Ye fuyin Bulu mbla amu dodo? Ɔbee, mámo ɔha, máto mbwa, máwi atɔ, máka asun dinka fu basu, másisí ɔha, bu fu si múa fu yin.”

²⁰Oyin amu lebla mu ɔbee, “Osunapu, tsu mi nyebito ɔpá nde iní féésu gyi.”

²¹Yesu lekti mu diin, mu asun lɔwa mu ɔdwe. Muv ɔlebla mu ɔbee, “Uasi toku kuléá fɔbwe. Yefe fu iwisu atɔ féé, afuye kɔba amu ha ahianfɔ, mení fénya siadte ɔsvsv. Fɔbwe mú ta a, ba afubobuo mi.” ²²Breá oyin amu lonu asun anft a, iwí lowu mu. Mú sv ɔlenati diin, tsufe ɔhie ɔbu atɔ.

²³Yesu lekti bomli, ɔlebla mu akasipu amu ɔbee, “Ibéhie wa ɔnlɔn asa iwí onyapu obówie Bulu iwiegyi amutɔ!”

²⁴Breá akasipu amu bonu asun anft a, ɔno lobwie amú. Tame Yesu lela bla amú ɔbee, “Mi abi, Bulu iwiegyi amutɔ wie ibéhie wa ɔnlɔn! ²⁵Uɔpon ha *kpɔsɔ ání ɔbɔtsun ɔbun-atɔ ɔbɔtɔ, dɔn ání iwí onyapu obówie Bulu iwiegyi amutɔ.”

²⁶Asun anft leha ɔno lehie bwie amú. Mú sv befite aba bee, “Mumu ma mee Bulu ɔbɔhɔ nkpa?”

²⁷Yesu lekti amú diin, ɔlebla amú ɔbee, “Tɔá idun nyankpusa bwe mɔdun Bulu, tsufe Bulu mú tetali bwe togyitɔ.”

²⁸Muv Petro lebla mu ɔbee, “Ye aní mú anulasi togyitɔ tswi bobuo fu o!”

²⁹Yesu lebla mu ɔbee, “Ɔnɔkwalt nde mli bla. Ɔhagyíɔha ání olesi mu woyi, mu apio, mu si múa mu yin, mu abi nte mu ɔsulɔ ɔmagya, múa mi *asun wan-**klaan** amu sv a, ³⁰ɔbélanya mu woyi, mu apio, mu ayin, mu abi pú mu agyapadie amu odu tse lafa sei. Béɔdinka musv e sei, tame obénya nkpa ání itamata bre amuv iba amutɔ. ³¹Tame agyankpapu tsɔtsɔtsɔ bébemli amapu, amapu e bébemli agyankpapu.”

Yesu Lowu lwi Asun Bli Otse Sasi
(Mateo 20:17-19; Luka 18:31-34)

³²Yesu múa mu akasipu amu ɔɔpu ɔkpa ɔyɔɔ Yerusalem wulutɔ, ogyankpa. Uɔwa amú wanwan, ifu lekuta aha amuv bubuo amú amu. Muv ɔlekpa akasipu duanyɔ amu ya utsetɔ, ɔletra bla amú tɔá íbéba musv. ³³Ɔbee, “Mlɔnu! Ní awie Yerusalem a, béle mi, Nyankpusa-Mv-Bi anft ha Bulu *igyí ahapu dehen pú Mose mbla asunapu. Béha mi lowu ipɔn, pu mi wa aha ání bumegyí Yudafɔ ibitɔ. ³⁴Bɔbwe mi ahinla, tu atsvnɔ wulɔ mi, nwen mi mpli, mɔ mi; tame eke sasi a, Bulu ɔbɔkusva mi tsu afulitɔ.”

Ɔhande Osum Mv Aba
(Mateo 20:20-28)

³⁵Sebedeo abi Yakobo múa Yohane ɔkpɔkpe manta Yesu bla mu bee, “Osunapu, anudekleá fubwe tɔku ha aní.”

⁴Bɔyɔ a, bɔyɔtu afrimubi amu da ofeto woyi amu ɔno ɔkpabat. ⁵Breá bude mu sanki a, aha akvá bulu unu befite amú bɛɛ, “Ntogyi su mlɛde afrimubi amu sanki.”

⁶Bele mú ɔno alɛ amuv Yesu lebla amú amu pepɛɛɛ. Besi amú, akasɔpu amu besanki mú. ⁷Bekpa afrimu ibi amu ba Yesu. Beyai amú atati dunka musu, ɔɔɔɔ bian musu. ⁸Amúto aha tsɔtsɔɔtsɔ beyai amú atati tswɛ ɔkpatɔ, aku ε bebiabia afita bunbun ɔkpa amuv. ⁹Aha amuv bugya Yesu nkpa múa ɔma amu bɔsvra okitikiti bɛɛ, “**Hosiana!** Bulu oyula ɔha anfi ɔba anɛ Wie idatɔ anfi! ¹⁰Bulu oyula anɛ nain ***Dawid** iwiegyi amuv iba amv! Hosiana bu ɔsvsvsv!”

¹¹Breá Yesu lowie Yerusalem a, ɔɔyɔ ***Bulu ɔtswekpa**, ɔɔwa anɛ kɛ togyitɔ wunsɛnesu unu wanklaan. Owi lapɔn. Mú su mva mu akasɔpu duanyɔ amu beyinki yɔ Betania wuluto.

Pɔntɔ Oyi Lwu

(Mateo 21:18-19)

¹²Ɔyi kehe breá beyinki tsu Betania beba a, akun de Yesu. ¹³Olowun pɔntɔ kvá ilahie pɔi sɛsɛ, ulu manta ɔkpa. Ɔɔyɔ yeki bɛɛ, obénya kv múto. Tame olowie mú asi a, afita ɔɔn bu músv, tsufe oyi amu swiebi mɔkɔfɔn. ¹⁴Lu ɔlebla oyi amu ɔbɛɛ, “Tsu nde puya a, ɔhaa méetra gyi fu abi swiehe.”

Mu akasɔpu amu ε bonu asɔn anfi.

Ibia Agyipu Gya Le Bulu Ɔtswekpa Wunsɛnesu

(Mateo 21:12-17; Luka 19:45-48; Yohane 2:13-22)

¹⁵Breá bowie Yerusalem a, Yesu lɔyɔ Bulu ɔtswekpa wunsɛnesu. Luɔnu ɔɔwa atɔ afɛpu pú atɔ ahɔpu amu aná féé gya dalɛ unu bi. Olowuwuta kɔba atɛɛpu mpɔnu da, sunsunki abɔɔɔɔma afɛpu mbia da. ¹⁶Ɔmɛha atɔ ɔfɛpu ɔkuku ɔsvra mu atɔ fehe ka tsun Ɔtswekpa wunsɛnesu unu kuraa. ¹⁷Olosuna amú atɔ ɔbɛɛ, “Bumɔwanluɔ wa Bulu asɔn wanluɔhe amutɔ bɛɛ, ‘Béti mɛ ɔtswekpa bɛɛ, ɔmá féé mpaɛ ɔbɔkpa?’ Tame mlɛlapu unu mli awikplu oɔɔainkpa.”

¹⁸Breá Bulu ***igy**i ahapu dehen pú Mose mbla asunapu amu bonu tɔá alabwe a, bodunka ɔkpa ání bɔtsun músv mɔ mu. Benya ifu, tsufe mu atosunahe amu leha ɔno lobwie ɔɔɔm amu.

¹⁹Breá owi lapɔn a, Yesu mva mu akasɔpu bedalɛ wulu amutɔ.

Hogyi lwi Atosunahe

(Mateo 21:20-22)

²⁰Breá budetsun nyanki a, bowun ání pɔntɔ oyi amu ulawu tsu mú ɔsv beyi asi. ²¹Lu Petro lekau asɔn ání Yesu lebla pɔntɔ oyi amu. Muv ɔlebla Yesu ɔbɛɛ, “Osunapu, kɛ, pɔntɔ oyi amuv fɔlwu amu ulawu!”

²²Yesu lebla amú ɔbɛɛ, “Mluhɔ Bulu gyi. ²³Ɔnokwali nde mli bla, ɔhagyioha ání ɔbɛbla ibu anfi ɔbɛɛ, ‘Puli yowie ɔputɔ’, omegyɛ nwen mu kluntɔ, olohogyi ání asɔn amuv mablɛ amu ibéba múto a, ibópuli yɔ. ²⁴Lu sv nde mli bla mbɛɛ, togyitɔá mlɔkuli Bulu a, mluhogyi ání mlɛlanya mú dodo. Mli ibi béda mú. ²⁵⁻²⁶Nɛ mlɛlu mlɛde mpaɛ bɔ, ɔku asɔn bu mli kluntɔ a, mlɛsi ɔha amu lakpan kie mu, menɛ mli Si amuv ɔbu ɔsvsv amu ε obési mli kle kie mli.”

Yesu Tumi lwi Asun Fitehe
(Mateo 21:23-27; Luka 20:1-8)

²⁷Yesu mua mu akasipu amu betra yinki ba Yerusalem. Breá ona odeki Bulu otswékpa wunsunesu unv a, Bulu igyi ahapu dehen, Mose mbla asunapu pú Yudafo ahande amu beba mu wa. ²⁸Befite mu bee, “Tumi mómu fudepubwe ntobi anfi? Ma leha fu tumi amv?”

²⁹Yesu lele mú onv óbee, “Nfite mli asun kuakule. Ni mlele mú onv ha mi a, mi ε nébla mli tumi oduá ndepubwe ntobi anfi. ³⁰Bulu wa Asu Óbopu Yohane lenya tumi pubv aha ***asu** loo, nte nyankpusa? Mlibla mi!”

³¹Amú wulewule boyv asun anfito bee, “Ni abli aniaa itsu Bulu wa a, óbéfite aní óbee, mú ntogyi sv mlumóhó mu gyi? ³²Nte abli aniaa, itsu anyankpusa wa?” Tame bude aha amv ifu nya, tsufe amú féé bohogyiá lele Bulu onvsv otwopu onuto Yohane gyi. ³³Mú sv bele mú onv bee, “Ohwee! Anumeyin otunéá olena mu tumi tsu.”

Muv Yesu ε lebla amú óbee, “Mómu mi ε mméébla mli tumi oduá ndepubwe ntobi anfi.”

Apafo Lalahe Aku
(Mateo 21:33-46; Luka 20:9-19)

12 ¹Yesu lówa amú asun bla ayebitv bi. Óbee, “Oyin ókv lóvó ***wavn** ndv. Olegyi iban bomli mú. Olokwi wavn amv onyimékpa, pwe obu fvahe kv ha ndv amv agyopv. Muv ólvsv ndv amv wa apafo ibitv, olotu ókpa. ²Breá wavn-abi amv kpatibi lófun a, ólwa mu osumpu apafo amv wa óbee, yvóhó mu ogyikpa ba mu. ³Tame apafo amv bekita mu, da mu, gya mu sisv ibikpan. ⁴Ndv mu wie amv letra wa mu osumpu nyvsv amú wa. Apafo amv beda mu ε, pilan mu nwuntv, supa mu. ⁵Óletra lawa óbamba. Mu mú a, bómó mu. Ali ken bóbwe atrahe ε ni. Beda aku, mó aku ε. ⁶Ilesi mu onuto mu bi ókule péá otamatsula musv. Ókv óbee, bóbu mu mú. Mú sv ólwa mu ε. ⁷Tame apafo amv bebli bee, ‘Oní obégyi mu sv atv ni. Mliha amv mu, mení ndv amv íbémlí aní klé.’ ⁸Mú sv bekita mu, mó mu, tsuv mu dalí ndv amvsv.”

⁹“Ékéá ndv mu wie amv óba a, ntv mlulahogyi mlúaa óbóbwe apafo anfi? Óbéhá bómó amú, óbélapv ndv amv wa apafo bamba ibitv. ¹⁰Nte mlumókukla Bulu asun wanlunhe amv kv? Bówanlun bee,

‘Ibwi amsv obu ayipv bekina amv
lebemli okonkisubwi ni.

¹¹Bulu lóbwe mú alí.
Ibv wanwan.’”

¹²Lvu Yudafo amv bekleá békita Yesu, tsufe beblá amú sv alaha yebi anfi, tame bude ódóm amv ifu nya. Mú sv benatí sv mu.

Lampooka
(Mateo 22:15-22; Luka 20:20-26)

¹³Óma a, bówa Farisífv pú Owie ***Herode** aha bee, buyetete Yesu onvsv asun nu, abnyva mu akitale. ¹⁴Breá beba mu wa a, bebla mu bee, “Osunapu, anyin ání onvkwaltv fugyi. Futamaha óhaa ótse fu agywun, tsufe futamakí óhaa anstv. Mboun Bulu asun amsv igyi onvkwaltv amv fodesuna. Mú sv aníde fu

fite anu. Aní mbla leha okpa ání aka lampoo ha Roma owie dehen Kaesare, nte anumáka?”

¹⁵ Yesu lebiá buki anst. Mú sv ólefite amú óbee, “Apinabwebi abwepu, ntogyi sv mlíde mí sò kí? Mlitsu kòba amu íku ba mí anki.”

¹⁶ Bòpòba mu. Muv ólefite amú óbee, “Ma nwun pú mu ída dín músu?”
Bele mú òhò bee, “Kaesare.”

¹⁷ Muv ólebla amú óbee, “Mumu mlípu tóá igyi Kaesare kle ha Kaesare, amlípu múa igyi Bulu kle é ha Bulu.”

Mu íwí lówa amú ifu.

Kusu Tsu Afulitò Iwí Asun Fitehe

(Mateo 22:23-33; Luka 20:27-40)

¹⁸ Ópasua kvá buteti mú *Sadukifò akv beba Yesu wa. Bugyi ópasua kvá butebli bee, kusu tsu afulitò ma unv. Befite mu bee, ¹⁹ “Osunapu, Mose lówanlín tswt óbee, ‘Ní òkò mua mu ka bumòkwú asa olowu sí mu ka amv a, mu pio otsu mu ka amv tsia, fékí òkwú ha owupu amv.’

²⁰ Oyin òkule abi abasiensò akv betsia. Amúto ogyankpapu letsia òka, tame òmòkwú asa olowu. ²¹ Mv gyama lotsu ósvrapuka amv tsia, tame mu é òmòkwú. Ósasi lotsu ótsi amv tsia. Mu é òmòkwú. ²² Alu yòtv osienòst amv. Amúto òkukò mòkwú asa olowu. Óma-òma a, ósvrapu amv é lobowu. ²³ Afuli òkusvke a, amúto òmòmu óbóbwe mu klu? Tsufe amú abasiensò amv féé betsia mu.”

²⁴ Muv Yesu lele mú òhò óbee, “Megyi mlí ologyi. Mlímeyin Bulu asun wanlínhe amv nte Bulu tumi. ²⁵ Tsufe ní afuli bókusu a, bóbwe fe *Bulu-abòpò. Buméetsia aka múa aklu. ²⁶ Tame afulikusu íwí mú a, ye mlílakla Mose ówòlv, nu asun amuv Bulu lebla mu dimbisv bréá olowun oyibi kv de ogya tsii, tame ímedehò amv? Óbee, ‘Mígyi mlí anain *Abraham mua *Isak pú *Yakob Bulu amv ní.’ ” ²⁷ Iuv ólebla amú óbee, “Megyi awupu Bulu ogyi, aktankpapu Bulu ogyi. Mlí mú mlílafwí féé.”

Bulu Mbla Amúto Múa Iðun

(Mateo 22:34-40; Luka 10:25-28)

²⁸ Mose mbla asunapu amúto òkule lóbòtv amú unv, olonu asun ání búdebuti. Olowun ání Yesu lalé Sadukifò amv asun òhò wanklaan. Mú sv ólefite Yesu óbee, “Bulu mbla amúto mòmú ðun?”

²⁹ Yesu lele mú òhò óbee, “Bulu mbla amúto múa íðun ní. ‘Israelfò, mlínu. Bulu òkule pe aní Wie Bulu gyi. ³⁰ Mú sv pú fv klón, fv òkla, fv agywun pú fv ówònlín féé ðwe fv Wie Bulu.’ ³¹ Mú nyòst é gyi, ‘Ðwe fv ba fe fv íwí.’ Mbla kuku útra ma unvá íðun unv.”

³² Mbla osunapu amv lebla Yesu óbee, “Osunapu, fabli òkòkwálí. Aní Wie Bulu nkule pe bv unv, òkukò tra òma unv. ³³ Apv aní klón, aní agywun pú aní ówònlín féé ðwe mu, adwe aní aba fe aní íwí. Iðun mbwí tóhe pú ogya-afòðte kugyiku.”

³⁴ Yesu lowun ání alabí le asun amv òhò wanklaan, ólebla mu óbee, “Fuma ífò Bulu íwiegyi amúto.”

Mú òma a, óhaa metra wa klón fite mu asvansu.

Ma Gyi Kristo Amu?

(Mateo 22:41-46; Luka 20:41-44)

³⁵ Breá Yesu de ato suna ***Bulu ɔtswekpa** nwunsunesu unu a, ɔlefite ɔbee, “Nkali su Mose mbla asunapu amu betali bli bee, Owie ***Dawid** mu na gyi ***Kristo**, (ɔha amuu Bulu leda mu ofuli amu)? ³⁶ Tsufe ***Ɔɲe Wankthe** leha Owie Dawid onuto lebli ɔbee,

‘Ani Wie Bulu lebla mi Wie ɔbee,

“Tsia mi gyɔɔɔsu nfi

yɔfun breá néha fétsatsa fu alupusu.” ’

³⁷ Owie Dawid onuto leti mu ɔbee mu wie. Nkali su ɔtra ogyi mu na?”

Asun anfi ɔlwa ɔɔm kɔnɔkɔnɔkɔnɔnti amuu befia bomli mu amu ɔdwe, ɔɔpu ansigyí nu mu asun.

Mose Mbla Asunapu Tsiato

(Mateo 23:1-36; Luka 20:45-47)

³⁸ Yesu lebli mu atosunahe amuto ɔbee, “Mliki wanklaan Mose mbla asunapusu. Butekle liga wa nati ki, butekle bee, aha bubun ha amú itsia dɔnsu. ³⁹ Otsiakpa yile butekle tsia Yudafo ***ofiakpa** pú nke ogyikpa. ⁴⁰ Butesisi asurapu, swu amú amú woyi. Butepina ɔɔ mpaɔ tuntuntun ahaɔ pubun amú lalahesu. Bulu ɔbébiti amú tsu kinkiinkin!”

Ɔsurapu Ɔku Tswitswi

(Luka 21:1-4)

⁴¹ Yesu letsia manta tswitswi daka Bulu ɔtswekpa unu, ɔde aha ki buɔepu amú tswitswi ɔɔwa mútɔ. Aha ání amú ubuɔ bu odwin buɔepu ɔɔba akɔnɔkɔnɔnti ɔɔwa. ⁴² Unu ɔsurapu ɔkúá ɔma tɔtɔ ε lɔpu mu ɔɔba ana ɔɔwa daka amuto. ⁴³ Mvu ɔleti mu akasipu amu ba mu wa, ɔlebla amú ɔbee, “Ɔnɔkwali nde mli bla, tswitswiá ɔsurapu anfi ɔma tɔtɔ anfi lawa a, uɔnu ɔhagyíɔha kle. ⁴⁴ Tsufe atrahe amu féé a, amú ɔɔba tsɔtsɔɔtsɔɔ bale kpalobi tsu ɔɔwa. Tame uná ɔsurapu anfi mú má tɔtɔ su tɔá ɔɔu féé alapu ɔɔwa a.”

Bulu Ɔtswekpa Amu Bwie

(Mateo 24:1-2; Luka 21:5-6)

13 ¹ Breá Yesu ledali ***Bulu ɔtswekpa** wunsunesu unu ɔɔy a, mu akasipu amuto ɔkule lebla mu ɔbee, “Osunapu, ki mbu wanklaan pú abwi akɔnɔkɔnɔnti anfi ɔɔpuyi mú anfi akile!”

² Mvu ɔlebla mu ɔbee, “Ye fawun mbu akɔnɔkɔnɔkɔnɔnti anfi? Bóɔbwie mú féé bun. Ibwi kule kuraa iméesian dunka mú basu.”

Ɔwɔnsin Múa Ɔkplan

(Mateo 24:3-14; Luka 21:7-19)

³ Breá Yesu tsie Nfo-nyibu amusu, ɔde Bulu ɔtswekpa mbu amu ki a, Petro, Yakobo, Yohane mua Andrea nkule befite mu bee, ⁴ “Bla an, bre mɔmuto uní féé ubéba? Osuna mɔmɔ ε ɔbéba, ibósuna ání mú bre lafun?”

⁵ Unu Yesu lebla amú ɔbee, “Mliki wanklaan, menú ɔhaa méemle mli. ⁶ Aha tsɔtsɔɔtsɔɔ ɔɔpu mi ida ba bee, amúgyi Kristo amu ni. Bémle aha tsɔtsɔɔtsɔɔ

bófwí òkpa. ⁷Ní mlonuá ísa lada manta mlí nte òtínekú a, opuni mátsii mlí Tsufe lehian ání uní aná féeé íbéba, tame imedesuna ání òyi ònòmòke amu lafun. ⁸Tsufe òma bókwò aba. Awie bókwusu lu abasv. Òsulv békpínkí ntíne-ntíne. Akun é béba. Lní féeé igyi fe íwíwísin ání òtsí towun breá íkwu de mu dwiin.

⁹“Mú sv mlí mú mlíkí mlí íwí wanklaan. Tsufe mí sv bópv mlí ha Yudafò asun agyipv. Béda mlí amú ***ofiakpa** awulu-awulusv. Békpá mlí ya òmásv agyipv pú awie ansítò, mení mlégyi mí íwí adansíe. ¹⁰Tame ílehian ání bégyankpa da asun wanklaan amu òkan suna òyítò aha féeé. ¹¹Ní bekíta mlí ya a, mlímágywun asun ání mléblí. Mlíblí asungyiasun ání Bulu òbópvwa mlí ònò alí bre amútò. Tsufe megyi mlí onuto òbótò, ***Òje Wankthe** òbótò tsun mlísv.

¹²“Apío béle amú apío ha lowu. Abi así béle amú abi ha. Abi é bókwusu lu amú akwupusv, ha bómwò amú. ¹³Mí sv aha féeé bólu mlí, tame ní mletalí wa klun lu kinkíinkin yòfun mú ònòmò a, Bulu òbóhò mlí nkpa.

Íwíwísin Wunbí

(Mateo 24:15-28; Luka 21:20-24)

¹⁴“Tame ní mlowun akísítòá ítobwíe òmá, ída òtíneá mlímédín ansí ání íbéba a, (aklapv, mlínú mú así.) Múmú aha ání búbv Yudea òmátò búsv yò abúsv. ¹⁵Òha ání òdín obúsv mákplí bótsu tótò obuto! ¹⁶Òha ání òbv ndótò é máyínkí bótsu mv tati. ¹⁷Amenyapv pú abi-ayín ání búpvía abi òòbwe alí bre amútò búgyòwí ní! ¹⁸Mlíkokolí Bulu mlíaa, mlí òsríkè amu umábwe nyankpv múa atsalíbí. ¹⁹Tsufe asun wunhé ání íbéba alí bre amútò odu mókúba tsu breá Bulu òòbwe òyi òpá kí. Mú odu kúv é íméetra ba ekekeke. ²⁰Ní Bulu medínkí nke amúsv a, tekí òhaa méesian òyítò. Tame aha amúv alále pòbwe mv klé amu sv aládnkí nke amúsv.

²¹“Alí bre amútò a, ní òkú lebla fú òbèe, ‘Kí, Krísto, (òha amúv Bulu lada mv ofulí amu) bv nífí nte nana’ a, máhogyí. ²²Tsufe aha ání bée amúgyí Krísto amu pú aha ání bówa afunú bée, Bulu ònòsv atòpv búgyí tsòtsòtsò béba òyítò. Bóòbwe ofula pú osuna pumle aha. Ní bétalí koraa a, bémle aha amúv Bulu alále amu é. ²³Tame mlíkí wanklaan! Nabla mlí togyítò asa íbéba.

Nyankpúsa-Mv-Bí Amu Íbabí

(Mateo 24:29-31; Luka 21:25-28)

²⁴“Íwíwísin-wun amu òma a, owí òbéta, òtsra é òméetra feí. ²⁵Ntsrakpabí békpá tsu òsúsv béda. Nwulbta múa mútò atí féeé békpínkí. ²⁶Òhagyíòha òbòwun ání mí, Nyankpúsa-Mv-Bí anfí napv túmí múa numnyam kpònkpòntí mbv nwulbátò tsu òsúsv néba. ²⁷Lnv Bulu òbówa mv abòpv beyekpa mv aha amúv alále amu tsu òyi afúnka ana amu féeésv.

Òyi Ònòmò Íwí Osuna

(Mateo 24:32-35; Luka 21:29-33)

²⁸“Mlípvkí pòntò oyí. Ní mú abambí depò, íde ate pòpwe lé a, mlítébíá awíkpan bre lafun. ²⁹Alí ken, ní mlowun ání ntóbí anfí féeé íde mútò ba a, mléblí ání mí, Nyankpúsa-Mv-Bí anfí íbabí lafun ta ní. Nawíe woyí amu ònò ta. ³⁰Ònòkwálí nde mlí bla. Ndembá-abí anfí féeé búmóowu ta, asa uní féeé béba mútò. ³¹Òsv múa así féeé bótsun, tame mí asun blíhe mótòsvn ekekeke.

Nyankpusa-Mu-Bi Amu Ibabu

(Mateo 24:36-44)

³²“Tame zhaa meyin eke nte breá ntobi anfi féé ubéba. Bulu-abɔpu bɔmeyin. Bulu mu Bi amu ε meyin, nketi aní Sɪ amuv ɔbu ɔsusu amu nkule pe yin. ³³Mlɪdɪnka anɪ iwɪsu, tsufe mlɪmeyin ekeá bre amu ibɔfun. ³⁴Igyi fe ɔkúá ɔde ɔkpa tu, olesi mu woyi wa mu asumpu ibitɔ. Ɖleha okugyiɔku agyuma ɔbee ɔbwe. Ɖlebla woyi amu ogyopu ε ɔbee, ɔyɪɪ wɪ ogyo woyi amu wanklaan. ³⁵Mú su mlɪdɪnka anɪ iwɪsu, tsufe mlɪmeyin breá woyi mu wie amu ɔbéba. Fialɪ ntɔpwe o, ɔyɪnsɪne o, bake o, nte nyankɪ. ³⁶Mlɪdɪnka anɪ iwɪsu, menɪ ɔba bofwie mlɪtɔ a, ɔmɔɔbɔtɔ mlɪ ánɪ mlɪladɪdɪ. ³⁷Asɪn anfi nde mlɪ bla anfi ken nde ɔyɪtɔ aha féé bla nɪ. Mbée, ‘Mlɪdɪnka anɪ iwɪsu.’”

Bektɪklɪ Yesu Nwunso

(Mateo 26:1-5; Luka 22:1-2; Yohane 11:45-53)

14 ¹Ilesi nkenyɔ Yudafɔ abɔgyi Israelfɔsu Katsɪn *Nke pú *Bodobodo **Mátuhe Nke**. Alɪ bre amɔtɔ Bulu igyi ahapɔ dehen pú Mose mbla asunapɔ bodunka ɔkpa ánɪ bɔtsɪn músu kita Yesu nɔantɔ, mɔ mu kokooko. ²Tame beblɪ bée, “Megyi *Katsɪn Nke anfiɔ abɔmɔ mu, menɪ kpokiti méeda ɔmá amɔtɔ.”

Ofobi Fanfaanfan Pɔwɪlɪ Yesu

(Mateo 26:6-13; Yohane 12:1-8)

³Breá Yesu bu Betania wulɔtɔ, Simɔn ɔkúá alalɔ ***ɪlɔ pepe** kɪ woyitɔ ɔde atɔ gyi a, ɔtsɪ ɔku leba unu. Ɖde prentɔa wanklaan kúá ofobi fanfan ánɪ ibɔ ibia bu mútɔ. Oletii mú ɔnɔ, ɔletsei ofobi amu wulɪ Yesu nwuntɔ. ⁴Aku bɔbu unúá unɔwa amú ɔdwe. Befite aba bée, “Ntogyi su ɔde ofobi anfi yinta? ⁵Teki abétalɪ fe ofobi fanfan anfi mú ibia bɔɔdɔn ɔbakule ofi ɔkule ukɔka anfi, pɔha ahianfɔ.” Behɪe wa ɪyɪn wa ɔtsɪ amu.

⁶Tame Yesu leblɪ ɔbee, “Mlɪsɪ mu! Ntogyi su mlɪde mu han? Itɔ yile alabwe ha mɪ. ⁷Ahianfɔ bétsia mlɪ wa ekekegyiɛke. Bregyi-breá mlɪdekle a, mlétalɪ wa awɔtɔle ha amú, tame mɪ mú mméetsia mlɪtɔ yɔ. ⁸Alabwe múá ɔbétalɪ pɔla mɪ ɔyɪlɔ yai ha mɪ opulake. ⁹Ɖnɔkwali nde mlɪ bla. Ɖyɪtɔ ɔtɔnegyiɔtɔneá béda Bulu asɪn wanklaan amu ɔkan a, béblɪ tɔ anfi ɔtsɪ anfi labwe anfi pɔkaun músu.”

Yuda Iskariot Lotsula Ánɪ Ɖbéle Yesu Ha

(Mateo 26:14-16; Luka 22:3-6)

¹⁰Mú ɔma a, mu akasɪpɔ duanyɔ amɔtɔ ɔkuleá butetɪ mu Yuda Iskariot loyowun Bulu igyi ahapɔ dehen amu, menɪ ɔbéle Yesu ha amú. ¹¹Breá bonu asɪn anfi a, ɪlehɪe wa amú ɔdwe. Behɪe mu asɪ ánɪ béka mu ɪkɔ. Mú su olo-dunka ɔkpa ánɪ ɔbɔtsɪn músu le Yesu ha amú.

Katsɪn Atogyiɛ Gyɪ

(Mateo 26:17-25; Luka 22:7-14, 21-23; Yohane 13:21-30)

¹²***Bodobodo Mátuhe Nke** amɔtɔ eke gyankpapúá butɔmɔ Israelfɔsu Katsɪn *Nke akufa ɪɔfun. Yesu akasɪpɔ befite mu bée, “Osunapɔ, obu mɔmɔtɔ ayela ha fu, afugyi Katsɪn Nketɔ atogyiɛ amu?”

¹³ Mvu ɔlwa amúto abanyɔ, bla amú ɔbee, “Mliɔ Yerusalem wuluto. Mléfia oyin ɔkúá ɔsu ntsu-ɔlɔ, mlibuo mu. ¹⁴ Woyi oduato obówie a, mliɔte woyi mu wie amu mliaa, ‘Nkunu afɔ ɔswukpa bu, mia mi akasipu aba begyi Israelfɔsu Katsun atogyihe amu unu?’ ¹⁵ Obósuna mli abansru yile kvá bala múto ya. Mlibwe atɔ amu ya unu.”

¹⁶ Yesu akasipu amu ɔyɔ wulu amuto a, bowun togyito alɔ amvu Yesu lebla amú amu pɛpɛpɛ. Bɔbwe Israelfɔsu Katsun atogyihe amu ya unu.

¹⁷ Breá nsainto deklun a, Yesu mua mu akasipu beba unu. ¹⁸ Atɔ amu ogyikpa a, Yesu lebla amú ɔbee, “Ɖnɔkwali nde mli bla. Mlito ɔkuleá mia munyɔ ibi da ɔlɛpetɔ ɔbéle mi ha.”

¹⁹ Asun anfi lehte han akasipu amu. Mú su befi asɔ buɔe mu fute ikule-kule bee, “Mi ni loo?”

²⁰ Yesu lebla amú ɔbee, “Mli aha duanyɔ anfitɔ ɔkuleá mia munyɔ ibi da ɔlɛpetɔ ɔbéle mi ha ni. ²¹ Mi, Nyankpusa-Mu-Bi anfi nówu fe alía ɔwanlun tswi, tame ɔha amvu ɔbéle mi ha amu ɔgyɔwi ni. Ni bumetepi kwu mu kuraa a, teki ibu ale ha mu.”

Yesu Ntɔpwe Atogyihe Trahe

(Mateo 26:26-30; Luka 22:14-20; 1 Korintofɔ 11:23-25)

²² Breá buɔe atɔ amu gyi a, Yesu lele bodobodo ipin. Ɖleda Bulu ipan, biabia múto puha amú, bli ɔbee, “Mliɔ, mi ɔyulu ni.”

²³ Luv olotsu nta-ɛwe, ɔleda Bulu ipan, puha amú féé bonun. ²⁴ Mvu ɔlebla amú ɔbee, “Mi obugya ni. Mú Bulu depusi mu ntam” ání alaka ha ahasu ni. Bétsei mú wuli asɔ aha tsɔtsɔtsɔ lakpan su. ²⁵ Ɖnɔkwali nde mli bla, mméetra nun ***wau-abi** nta anfi alu yofun ekeá nónun mú pɔpwe Bulu iwiegyi amuto.”

²⁶ Benya wa ulu da Bulu ipan ta alɔ benati yɔ Nfo-nyibu amvu.

Petro Ɖbóswu Ɖbee Momeyin Yesu

(Mateo 26:31-35; Luka 22:31-34; Yohane 13:36-38)

²⁷ Mvu Yesu lebla amú ɔbee, “Mli féé mléyinki mi ɔma. Tsufe Bulu ɔnɔsu atɔpu amu ɔwanlun wa Bulu asun amuto bee, ‘Néda akufa ɔkrapu amu leda, mu akufa bedasun.’ ²⁸ Tame ni Bulu ɔkɔsua mi tsu afulito a, négya mli nkpa yɔ Galilea ɔmáto.”

²⁹ Petro lebla mu ɔbee, “Ni amú féé béyinki fu ɔma kuraa a, mi mú mméeyinki ekekeke.”

³⁰ Yesu lebla mu ɔbee, “Ɖnɔkwali nde fu bla. Onyeni, asa bate ɔbéle ɔno tse nyɔ a, físwu pu ibi wa ogya tse sa fee fumeyin mi.”

³¹ Luv Petro lefun yabi yi ɔbee, “Ni lowu igyi kuraa a, mméekina fu ekekeke.”

Alɔ ken atrahe amu ɛ féé bebli ni.

Mpaibɔ Getsemame

(Mateo 26:36-46; Luka 22:39-46)

³² Boyowie ɔtnekúá buteti unu Getsemame. Mvu Yesu lebla mu akasipu amu ɔbee, “Mlitsia nfi, nóyɔɔ mpaɔ.” ³³ Ɖlekpa Petro mua Yakobo pú Yohane buo

lwi. lnu asun lehie han mu, mu ansi lepe. ³⁴Muu ɔlebla amú ɔbee, “Asun ihie de mi han. Idekle mɔ mi. Mlitsia nfi, amligyo.”

³⁵Lnu ɔlenati yɔ nkpa kpalobi, ɔleda akpawunu kokoli Bulu ɔbee, “Ni ibówa ale a, ha bre anfi utsun misu.” ³⁶Muu ɔlebli ɔbee, “Abba” mi Si, futetali bwe togyito. Ha nta-ewe anfi^o utsun misu! Tame megyi tɔá ndekle, mboun mɔ́a fudekle iba mótɔ!”

³⁷Oleyinki ba akasipɔ amu wa bowun ání budedidi. lnu su ɔlefite Petro ɔbee, “Simon, fudedidi? Fometali gyo dɔnhwiri kule kpan? ³⁸Mligyo aml-kokoli Bulu, menɔ mlímóowie usokito. Tsufe ɔɛe amu dekle, tame nyankpɔsa lɔɔn.”

³⁹Ɔletra yɔɔɔ mpaɔ, bla Bulu asun kuakule amu ken. ⁴⁰Ɔletra yinki ba bowun ání akasipɔ amu butra budedidi, tsufe didi de amú bu. Bometali bla mu asvansu.

⁴¹Breá ɔleba otse sasi a, ɔlefite amú ɔbee, “Mlilatra si mlɔda mlɔde ɔkpɔnu da? Itsia ali ngya! Bre amu lafun ání bɔpɔ mi, Nyankpɔsa-Mu-Bi anfi wa lakpan abwepɔ ibitɔ. ⁴²Mlukusu ayɔ. Mluki, ɔha amuv ɔde mi le ha amu na a!”

Yesu Kita

(Mateo 26:47-56; Luka 22:47-53; Yohane 18:3-12)

⁴³Yesu ɔno mesi asa akasipɔ duanyɔ amvɔ ɔkuléá buteti mu Yuda lobowie unu. Ɖɔɔm ání bude ndayi pú nkpoti bubuo mu. Bulu igyi ahapɔ dehen, Mose mbla asunapɔ pú Yudafɔ ahande amu lɔwa amú. ⁴⁴Yuda amuv ɔlele Yesu ha amu lebla ɔɔm amu yaɔ ɔbee, “Ɖha amuv nélata puta amu gyi ɔha amu ni. Mlikuta mu kinkiinkin, amlkpa mu natɔ.”

⁴⁵Lnu ɔlenati laa yɔ Yesu wa, yokpoli mu ɔbee, “Osunapɔ!” Ɖlelata mu puta. ⁴⁶Lnu aha amu benati tu Yesu, kita mu kinkiinkin. ⁴⁷Tame unu alupɔ amvɔ ɔkule lɔtswi mu ɔdayi kpa Bulu igyi ɔhapɔ dehen osumbi ɔku usɔ le. ⁴⁸Lnu Yesu lefite amú ɔbee, “Ogyo otswapɔ ngyi, su mlilatsu nkpoti pú ndayi mleba mi ɔkitakpa? ⁴⁹Ntsie mli wa Bulu ɔtswekpa wunsnesu unu ekekegyieke nde mli atɔ suna, mlimekita mi ekekeke. lnu laha Bulu asun wanlunhe amu ulaba mótɔ.”

⁵⁰Lnu mu akasipɔ amu féé besɔ si mu.

⁵¹Ilesi ɔyasubi ɔkúá ɔlɔwa liga nkule. Bekita mu, ⁵²tame ɔlɔkɔli si mu liga amu wa amú ibitɔ, pɔ yaya sɔi.

Yudafɔ Ahande Ansitɔ Lu

(Mateo 26:57-68; Luka 22:54-55, 63-71; Yohane 18:13-14, 19-24)

⁵³Bekpa Yesu ya Bulu igyi ɔhapɔ dehen woyi. Igyi ahapɔ dehen, Mose mbla asunapɔ pú Yudafɔ ahande amu féé bafia unu. ⁵⁴Petro lepeti buo amú ɔma tsutsuutsu, alu yowie woyitɔ unu. lnu oleyetsia unu asumpɔ wa, ɔde ogya nun. ⁵⁵Lnu Bulu igyi ahapɔ dehen pú Yudafɔ asun agyipɔ^p atrahe féé bodunka aha ání béka asun dinka Yesusu, menɔ bélu amú asun blihesu mɔ mu, tame bumenya. ⁵⁶Tsufe aha tsɔtsɔtsɔ bɔwa afunu dinka musu, tame amú féé ɔno lɔtsun ɔtsan.

n 14:36 ‘Abba!’ asɔ gyi, ‘Mi Si!’ o 14:36 Nta-ewe anfi igyi iwɔsɔn ání Yesu obówun.

p 14:55 Yudafɔ asun agyipɔ anfi buteti Sanhedrin Griki ɔblitɔ.

⁵⁷ Lnu aku bokusu ka asun dinka musu bee, ⁵⁸ “Anilonuá dleblu dbee, ‘Nóbwie Bulu ótswekpa anfi bapu ibi yi anfi, tame nkensa óma a, nélayi papweá megyi nyankpusa óbópu ibi yi mú.’ ” ⁵⁹ Tame amú ε amú óno móbwe kule.

⁶⁰ Lnu Bulu igyi óhapu dehen amu lokusu lu amú féé ansító, ólefite Yesu dbee, “Fuma óno le? Fuma asvansu bli pule fu iwu?”

⁶¹ Tame Yesu mele asvansu óno. Mvu Bulu igyi óhapu dehen amu letra fite mu dbee, “Bulu amvu butekanfu amu mu Bi gyi fu? Fugyi ^{*}Kristo (óha amvu Bulu leda mu ofuli amu) ní?”

⁶² Yesu lele mú óno dbee, “Ee! Mí ní! Mlowun ání mí, Nyankpusa-Mv-Bi anfi ntsie Bulu Otumipu gyópu anfi ndun nwulutasu tsu ósusu neba.”

⁶³ Bulu igyi óhapu dehen amu lekuta mu atadie balí mú kúaan.^q Mvu dleblu dbee, “Adansie mómú anitra angyo? ⁶⁴ Mlilanu abususuá alabli. Nkali gyi mli agywun?”

Amú féé botsula ání olegyi óno, bumó mu.

⁶⁵ Amóto aku óbwa atsunó tutu wóli mu bí. Bópu ato tin mu ansibi, bófuli mu atswé, bla mu bee, “Bulu ónosu ótápu, suna aní óha ání ólfuli fu utswé!” Lnu agyopu amu ε bedada mu asvó.

Petro Lóswu Dbee Mmeyin Yesu

(Mateo 26:69-75; Luka 22:56-62; Yohane 18:15-18, 25-27)

⁶⁶ Petro lesi otsie wunsnesu unu, Bulu igyi óhapu dehen amu osumbi tsihe óku leba. ⁶⁷ Breá olowun Petro tsie óde ogya nun a, óleku mu diin. Mvu ólefite Petro dbee, “Fva Yesu Nasaretyin amu nyó na.”

⁶⁸ Tame Petro lóswu bli dbee, “Mmeyin tóto tsu asun anfi fudebli anfi iwu!” Ólenati yeli ókpa óno, unu bate lóbn.^f

⁶⁹ Osumbi tsihe amu letra yótu mu unu, ólwa aha amvu búlu unu amu bla bí dbee, “Amóto ókule gyi oyin anfi.” ⁷⁰ Tame Petro letra swu pu ibi wa ogya.

Uóbwe kpalobi a, aha amvu búlu unu amu bebla Petro bee, “Lele mú a, amóto ókule fugyi, tsufe Galileayin fu ε fugyi?”

⁷¹ Lnu Petro lówa ntam kaka bí dbee, “Neka togyito, mmeyin oyin anfi mlide mu iwu asun bli anfi.”

⁷² Lnu bate lóbn otse nyósi. Mvu Petro lekaun asun amvu Yesu lebla mu dbee, “Fóswu tse sa fee fumeyin mí asa bate óbéle óno tse nyó.” amósu. Mvu ólekpa isu yi, híe su woo.

Yesu Pilato Ansító Lu

(Mateo 27:1-2, 11-14; Luka 23:1-5; Yohane 18:28-38)

15 ¹ Óyikehe nyanki-nyanki a, Yudafó ahande-ahande amu féé befia kíta agywun. Aku búgyi Bulu igyi ahapu dehen, Mose mbli asunapu pú Yudafó ahande atrahe^s lnu beha beklí Yesu, pu mu yówa Pilato íbtó. ² Pilato lefite Yesu dbee, “Fugyi Yudafó owie amu ní?”

Yesu lele mú óno dbee, “Ee, mú fabli a!”

³ Lnu igyi ahapu dehen amu beka asun tsótsótsó dinka Yesusu. ⁴ Mú su Pilato lefite Yesu dbee, “Kí asun tsótsótsóá baka dinka fusu, fuma mú óno le?”

q 14:63 Ilosuna ání asun amu lawie mu iwuto dóbi. r 14:68 Lnu bate lóbn uma nwulo dada amu akuto. s 15:1 Ahande atrahe anfi buteti Sanhedrin Griki óbltu.

⁵Tame Yesu mele asvansu ɔɔ. Mu su ulwa Pilato wanwan.

Yesu Lowu Lpɔn Ha

(Mateo 27:15-26; Luka 23:13-25; Yohane 18:39-19:16)

⁶Katsun Nke kugyikutsɔ a, igyi ɔmásv ogyipv Pilato amandɛá obési obu adɔpvtɔ ɔkuleá amú onuto budekle ha amú. ⁷Oyin ɔkvá butetɔ mu Baraba mua mu aba buda obu alɔ bre amvtɔ. Bɔkusu lu ɔmásv, kpokiti leda, bɔmɔ ɔha mótɔ. ⁸Ɔɔɔm amu bɔyɔ Pilato wa yobwii upa ha mu bæ, osi obu ɔɔpɔ ɔkule ha amú alɔ amvu otetsia bwe ha amú amv. ⁹Mvu Pilato lefite amú ɔbæ, “Mludikle mlɔaa, nsi Yudafɔ Owie anftɔ ha mli loo?” ¹⁰Ɔlefite amú alɔ, tsufe olowun ání Yesu iwɔ olu sv Bulu igyi ahapv dehen amv bakɔta mu ba mu.

¹¹Igyi ahapv dehen amv beha ɔɔm amv ɔɔ bæ, bukokoli Pilato, osi Baraba mboun ha amú. ¹²Pilato lɛtra fite amú ɔbæ, “Ntɔ mbwe ɔha anftɔ mlɔdetɔ mlɔaa, Yudafɔ Owie anftɔ?”

¹³Lvu amú féé bɔsvra okitikiti bæ, “Da mu manta *oyikpalihesu!”

¹⁴Pilato lefite amú ɔbæ, “Tsitsa mɔmv alabwɛ?”

Tame belasvra okitikiti kuklukuv bæ “Da mu manta oyikpalihesu!”

¹⁵Pilato dekleá ɔbɔbwe ɔɔm amv ape ha amú. Mú sv olesi Baraba ha amú, ɔleha mu isa akɔpv beputɔ Yesu mplɔ; ɔɔpv mu wa amú ɔbɔ ɔbæ, buyeda mu manta oyikpalihesu.

Yesu Ahinla Bwe

(Mateo 27:27-31; Yohane 19:2-3)

¹⁶Isa akɔpv amv bekpá Yesu ya ɔmásv ogyipv amv woyitɔ. Betɔ amú aba isa akɔpv atrahe amv féé, beda Yesu ɔbun. ¹⁷Bɔpv liga pepe kv wa mu, bɔlv obungyo-awu, bwe mú owiepa bun mu nwun. ¹⁸Lvu bɔbwe mu ahinla, betɔ mu bæ, “Yudafɔ Owie, fv nkpasv ɔnlusv!” Bɔtswɔ ope! ¹⁹Lvu bɔpv oyi sisi mu nwuntɔ, tutu atsvɔɔ wvl mu, da akpawunu mu anstɔ. ²⁰Bɔbwe mu ahinla ta a, bɔwɔ amú liga pepe amv, yinkia mu onuto atadɛ wa mu, bekpá mu dalɔ beyeda mu manta oyikpalihesu.

Yesu Da Manta Oyikpalihesu

(Mateo 27:32-44; Luka 23:26-43; Yohane 19:17-27)

²¹Befia Kireneyin ɔkvá butetɔ mu Simon, ogyi Aleksandro mua Rufo ɔsv. Otsu abu asɔ ɔba, beka mu hɛ bæ, ɔsvra oyikpalihɛ amv. ²²Mvu bekpá Yesu ya ɔtnekvá butetɔ unv Golgota. Mú asɔ gyi, “Nwun Okokobi Otsiakpa.” ²³Bɔpv afa kvá tɛba iwɔsvn asɔ wa ntatɔ tin Yesu ɔɔ bæ onun, tame omonun. ²⁴Beda mu manta oyikpalihɛ amvsv ta a, beye mu atadɛtɔ. Lvu bɔtswɔ abi pvkɔ ɔhagyɔɔha ogyikpa. ²⁵Lbɔbwe fe nyankɔ dokwebatɔ beda mu manta oyikpalihesu. ²⁶Mvu bɔwanlɔn tɔá svá bude mu da manta oyikpalihɛ amvsv dinka mu awunsv bæ, “YUDAFɔ OWIE.” ²⁷⁻²⁸Beda awikplu abanyɔ akv ε manta nyikpalihesu tsia mvtɔ. Ɔkule bv mu gyɔpɔsv, ɔkule ε bv mu binasv.^f

^f 15:28 Mótɔ ye 28 bv nwɔlv dada amv akvtɔ: *Lni leha Bulu asv amv bɔwanlɔn tsvɔ amv leba mótɔ. Asv amv gyi, “Bekla mu wa lakpan abwɛpvtɔ.”*

²⁹ Inu atsunpu bɔkpukpu nwuntɔ, bli mu iwɔ abususu bɛɛ, “Ye fu fɛɛ, fɛtalɔ bwie Bulu ɔtswɛkpa amu, lapwe mu nkensa owitɔ ni?” ³⁰ Hɔ fu iwɔ, afukplɔ tsu oyi amusu akɔ!”

³¹ Bulu igyi ahapu dehen pɔ Mose mbla asunapu amu ε bɔbwe mu ahinla bɛɛ, “Ɔlɔhɔ aha nkpa, tame ɔmetalɔ hɔ mu iwɔ. ³² Nɔ mugyi Israelfɔ owie, Kristo, (ɔha amusu Bulu lada mu ofuli) a, ɔkplɔ tsu oyi amusu awun, ahɔ mu gyi!”

Aha amusu beda manta oyisu mu gyɔpɔsu mɔa binasu amu ε bɔbwe mu ahinla.

Yesu Lowu

(Mateo 27:45-56; Luka 23:44-49; Yohane 19:28-30)

³³ Breá doduanyɔ leda a, owi leta ɔsulɔ amusu fɛ́ɛ alu yɔfɔn ntupwe ɔsato. ³⁴ Ɖɔsa amutɔ a, Yesu lɔkplɔn kuklɔkɔsu, bli ɔbɛɛ, “Eloi, Eloi, Lama Sabaktani?” Mú asɔ gyi, “Mɔ Bulu, mɔ Bulu, ntogyi su fakpa mɔ ɔma?”

³⁵ Aha amusu bulu unu amutɔ akɔ bonu asun anfi, bebli bɛɛ, “Mlunu, ɔɛ *Elia kpoli.” ³⁶ Inu amutɔ ɔku lesɔ tsu ɔsapa, puda nta ɔdato, puyi oyisu, tsu mú fua putin mu ɔhɔ ɔbɛɛ, onun. Mvu ɔleblɔ ɔbɛɛ, “Mlilu akɔ bɛɛ, Elia ɔbɛba besɛɛ mu le oyi amusu?”

³⁷ Inu Yesu lɔkplɔn kuklɔkɔsu, ɔlele ɔɛɛ.

³⁸ Inunɔ Bulu lebalɔ tatiá bɔpuka ɔtswɛkpa obu amutɔ anyɔ, tsu awunɔsu beyi asɔ. ³⁹ Breá isa akɔpu ɔhandeá ɔlu Yesu ansɔ ɔɔɔkɔ lowun alɔ́ Yesu lele ɔɛɛ trahe a, ɔleblɔ ɔbɛɛ “Lele, Bulu mu Bi oyin anfi gyi!”

⁴⁰ Atsɔ akɔ ε bulu ifuntɔ buɔɔkɔ sɔsɔ. Amutɔ akɔ gyi, Magdalayintse Maria, Salome pɔ Maria ání ɔlɔkwu Yakobo mva mu gyama *Yosef. ⁴¹ Amú ε betsia buo Yesu, tsia kɔ mɔsu breá ɔbu Galilea. Atsɔ tsɔtsɔwɔtsɔ akvá bobuo mu ba Yerusalem ε bubu unu.

Yesu Pula

(Mateo 27:57-61; Luka 23:50-56; Yohane 19:38-42)

⁴² Eke amu igyi ekeá Yudafɔ butɔpula iwɔ asa butegyɔ amú ***ɔkpunɔ ɔɔake**. Breá owi ɔɔɔn a, ⁴³ Arimateayin Yosef lowa uklɔn yɔ Pilato wa yɔkuli mu ɔbɛɛ, osi Yesu fuli ha mu amɔpula. Yudafɔ asun ogyipu ogyi, butobu mu. Mu ε ɔɔɛ Bulu iwiegyi amu ɔkpa kɔ. ⁴⁴ Uɔwa Pilato wanwan ání Yesu lawuna wu. Mú su ɔletɔ mu isa akɔpu ɔhande, fite mu ni olowu ulawa ɔpá. ⁴⁵ Breá isa akɔpu ɔhande amu lotsula mɔsu a, Pilato lesi fuli amu ha Yosef. ⁴⁶ Mvu Yosef lɔhɔ ɔhrada, ɔlɔyɔ yesɛɛ Yesu le oyi amusu, kɔkɔ mu wa ɔhrada amutɔ, tsu mu yopula ɔbɔ kvá beda butatɔ, olemina ibwi yileyile kɔ tin ɔbɔ amu ɔhɔ. ⁴⁷ Magdalayintse Maria mva Yosef mu yin Maria bowun Yesu opulakpa.

Yesu Kɔsu Tsu Afulitɔ

(Mateo 28:1-8; Luka 24:1-12; Yohane 20:1-10)

16 ¹ Yudafɔ ɔkpunɔ ɔɔake amu ulɔtsun a, Magdalayintse Maria mva Yakobo mu yin Maria pɔ Salome bɔhɔ ofobi fanfan kɔ bɛɛ, beyekpa Yesu fuli amu. ² Kwasiɔɔɔ nyankɔ, breá owi lopwie a, bɔyɔ Yesu opulakpa unu. ³ Breá buna ɔkpatɔ a, amú wulewule buɔɔɔ aba fite bɛɛ, “Ma abɛnya obɛmina ibwi amu le ɔbɔ amu ɔhɔ ha anɔ?” ⁴ Botsu anɔ kɔ a, bamina ibwi amu le ɔbɔ

amu ɔɔɔ dodo. Ibwi amu lehie moni. ⁵Breá bebitiwie ɔɔɔ amutɔ a, bowun ání ɔyasubi ɔku lɔwa liga fututuutu, otsie ɔɔɔ amu gyɔɔɔɔ. Ifu lekita amú.

⁶Ɔyasubi amu lebla amú ɔbeɛ, “Mlumánya ifu. Nawun ání Yesu Nasaretyin amuu beda manta oyikpalihesu amu mludedunka. Bulu lakusva mu, ɔma nfu. Mliki ɔtune amuu bopula mu amu. ⁷Mliyebila mu akasipɔ amu pú Petro mliaa, alagya mli nkpa ɔɔɔ Galilea ɔmatɔ. Inu mlówun mu fe ali amuu ɔlebla mli amu ni.”

⁸Inu besri dali ɔɔɔ amutɔ, tsufe opuni letsi amú, ɔɔɔ ε lobwie amú. Mú su breá bɔɔɔ a, bumebila ɔhaa, tsufe ifu de amú, budekɔɔɔnkɔ kpakpakpakpa.

Yesu lwɔɔwanle Suna Magdalayintse Maria

(Mateo 28:9-10; Yohane 20:11-18)

⁹[Kwasieda bake, breá Yesu lɔkusɔ tsu afulitɔ a, olegyankpa le iwɔ ɔwan suna Magdalayintse Maria amuu olegya ɔɔɔ lalahe asienɔ le mutɔ amu. ¹⁰Mu ε ɔleyebila Yesu abuoɔɔ amuu bude mu su, bude awirehɔ gyi amu. ¹¹Tame breá ɔlebla amú ɔbeɛ, Yesu lakusɔ, mawun mu a, bumohogyi.

Yesu lwɔɔwanle Suna Mu Abuopɔ Abanyɔ

(Luka 24:13-35)

¹²Inu ɔma a, Yesu lele iwɔ ɔwan ɔkpa bambasɔ suna mu abuoɔɔ abanyɔ breá buna bɔɔɔ akuda, tame bumɔkɔsi bi mu. ¹³Amú ε beyinki yebila atrahe amu, tame amú ε bumohogyi.

Yesu lwɔɔwanle Suna Mu Akasipɔ

(Mateo 28:16-20; Luka 24:36-49; Yohane 20:19-23; Gyumagyihe 1:6-8)

¹⁴Inu féé ɔma a, Yesu lele iwɔ ɔwan suna mu ***akasipɔ** duɔkɔn amu breá bude atɔ gyi. Amú klɔntɔ-odwin pú amú máhogyi su ɔlɔwa iyɔn wa amú. Tsufe bumɔhɔ aha amuu bowun mu mu kusɔ tsu afulitɔ ɔma amu gyi. ¹⁵Muu ɔlebla amú ɔbeɛ, “Mliyɔ ɔyitɔ féé, amliyeda Bulu asun wanklaan amu ɔkan ha aha féé. ¹⁶Ɔha ání olohogyi, bɔbɔ mu ***asu** a, Bulu ɔbɔhɔ mu nkpa, tame ɔha ání omohogyi obégyi pɔn. ¹⁷Osuna anfi obóbuo aha ání bohogyi ni. Bégya ɔɔɔ lalahe mi idatɔ, bébli ɔbli bamba, ¹⁸békita awɔ ibitɔ, bónun afa ání itɔmɔ kugyiku, tame umɔɔbwe amú tɔtɔ. Bɔɔɔɔ ibi dunka alɔɔɔɔ, iwɔ bɔwa amú ɔnlɔn.”

Yesu Ɔsɔsɔ Yɔ

(Luka 24:50-53; Gyumagyihe 1:9-11)

¹⁹Breá anɔ Wie Yesu lebla amú asun ta a, Bulu lotsu mu ya ɔsɔsɔ, oleyetsia mu gyɔɔɔɔ. ²⁰Mu akasipɔ amu befi asɔ bude asun amu ɔkan da ɔtunegyitɔtɔne. Anɔ Wie Yesu lelu amú ɔma bɔɔɔ agyɔma. Ɔlɔtsun osuna ání bɔbweɔ, wa asun amu ɔwɔnlɔn.]“

Asun Wanklaan Ání

Luka

Lówanlun

1 ¹ Onumnyampu Tiofilo:
Aha tsótsótsó babo mbódi wanlun tóá uléba anúto tswi. ² Bówanlun tóá aha amúv bubu unv tsu mú nfiasí, bogyi mú asumpv amv bowun da mú ókan amv bebla aní peperepe. ³ Onumnyampu Tiofilo, mí é nabó mbódi kwi múto wanklaan tsu mú nfiasí. Mú sv ndekleá nówanlun mú peperepe ha fu, ⁴ mení fébiá ató amúv basuna fu amv igyi ónókwalí.

Asu Óbópv Yohane Kwu Asun

⁵ Breá ***Herode** de iwíe gyi Yudea ómátó a, Bulu igyi óhapv ókv letsia, buteti mv Sakaria. Otsu Bulu igyi ahapv ópasua kvá buteti mú Abiató. Mv ka gyi Elisabet, otsu Bulu igyi óhapv ***Aaron** abi-anátó. ⁶ Mva mv ka asun da ókpa Bulu ansúto. Butegyí aní Wie Bulu mbla pú mv nhúhé féésu peperepe. ⁷ Buma obi, tsufe Elisabet megyi ótsi kwúpv. Mva mv klu féé é bahie dan.

⁸ Eke ókv ulótv Sakaria aná ópasua ání amú óbéha Bulu igyi. Sakaria lóyv óbv Bulu ansúto óde mv agyuma yó. ⁹ Abi butótswi pule óha ání obébitiwíe Ówankkpa unv yówa ***Jhúen** ogya, igyi ahapv amv amandíe ónó. Bótswi a, ileyi Sakariasv. ¹⁰ Breá óde ***Jhúen** amv ogya wa a, ódóm ání bóyv ótswekpa unv féé bulu kpankpa búde mpat bó.

¹¹ ***Bulu-óbópv** ókv lebelu ***afódie-óswi** amv gyópvsv, le twi ówan suna Sakaria. ¹² Breá olowun Bulu-óbópv amv a, ólówan, ifu lowíe mv ayetó. ¹³ Unv Bulu-óbópv amv lebla mv óbee, “Sakaria, mánya ifu! Bulu lanu fu isu. Fu ka obénya ómé kwu obi yinhe ha fu. Dúka mv ida ‘Yohane.’ ¹⁴ Obi anfi kwu bówa mlí ódwe, wa mlí ansigyí. Ibówa aha tsótsótsó é ansigyí. ¹⁵ Tsufe kebi amv óbóbwe óha kpankpanú Bulu ansúto. Nta buhe kuku máda mv ónó ekekeke. ***Óhe Wankthe** óbóbula mvto tsu breá óbv mv yin twitó. ¹⁶ Óbéha ***Israelfo** tsótsótsó bédamli klúntó ba amú Wie Bulu wa. ¹⁷ ***Bulu ónósv ótópú** ***Elia** tumi pú mv óhe bétsia mvto. Obégya aní Wie nkpa ba. Óbéha abi-así bódwe amú abi. Óbédamli aha ání butókusu lu Bulusu agywun, bwe fe yile abwepv kle, mení óbéla aha yat wanklaan ha aní Wie.”

¹⁸ Sakaria lefite Bulu-óbópv amv óbee, “Ntó nópúbíá asun anfi íbéba múto? Tsufe mta mí ka anlapón.”

¹⁹ Unv Bulu-óbópv amv lebla mv óbee, “Mí ida gyi Gabriel. Bulu ansúto ólupv ngyi. Mólawa mí óbee, mbébla fu asun wanklaan anfi. ²⁰ Tsu nde puya ekeá

asun anfi ibéba múto a, fíto omumu, tsufe fúmohó mī asun blihe anfi ibéba mú breto anfisú gyi.”

²¹ Uóbwe alí a, umówanki aha amuv bulu bogyo Sakaria amv tóá suá alawa ópá ótswekpa obutoto unv alí. ²² Breá óledalí ba a, alató omumu. Mú sv bowun ání alawun tóku obutoto unv. Iníá ómetali tó sv a, ólópú mv ibi múa mv nwun bla amó asun.

²³ Sakaria letsia ótswekpa unv yófun ekeá óleha Bulu igyi ta, oleyinki yó woyi. ²⁴ Nke amv óma a, Elisabet lenya ómé, tsia ñain iwí alu tsra anu keke. ²⁵ Elisabet lebli óbee, “Iní mī Wie Bulu labwe ha mī nī. Alawun mī nwe, dunki nsupa le misú aható.”

Yesu Kwu Iwí Asun

²⁶ Breá Elisabet óme lóhó tsra asie a, Bulu lówa mv óbópu Gabriel wulu kuá íbu Galilea ómátó, buteti mú Nasaret. ²⁷ Ólówa mv obitebi ókuá ómókudí oyin wa kí, buteti mv ***Maria** wa. Alí bre amutó a, bodepu obitebi amv ha oyin ókuá buteti mv ***Yosef**, ogyi owie ***Dawid** mv na bee otsia. ²⁸ Bulu-óbópu amv leba Maria woyitó beha mv itsia, bla mv óbee, “Bulu lagyi fú buale. Alahie yula fú!”

²⁹ Asun anfi leha Maria legyigya. Ólefite mv iwí óbee, “Ngya ntó itsia odu óha anfi laha mī alí?” ³⁰ Bulu-óbópu amv lebla mv óbee, “Maria, mánya ifu. Bulu lahie yula fú! ³¹ Kí, fénya óme kwu obi yinhe. Dinka mv ída ‘Yesu.’ ³² Óbóbwe óha yile. Beti mv Ósúsúsú Bulu mv Bì. Aní Wie Bulu óbéyá mv mv nain Owie Dawid obiasú. ³³ Obégyi iwie ***Yakob**^a woyisú bre féé. Mv iwiegyi mómó óhó ekekeke.”

³⁴ Maria lefite Bulu-óbópu amv óbee, “Nkalí íbóbwe asa iní ibéba múto, tsufe mmeyin oyin.”

³⁵ Bulu-óbópu amv lele mú óhó óbee, “Óñe Wankihe óbéba fúsv. Ósúsúsú Bulu amv tumi bóbun fúsv. Iní sv aha béti Obi wankihe amv fókwi amv bee, ‘Bulu mv Bì.’ ³⁶ Kí, fú obusanyin Elisabet kúraa óba ókwu obi yinhe mv tsídehen anfutó. Aha bee, megyi ótsi kwupu ogyi, tame mv ómé lahó tsra asie dodo. ³⁷ Tsufe tótó mádún Bulu bwe!”

³⁸ Iní Maria lebla Bulu-óbópu amv óbee, “Bulu osumbi ngyi. Iba múto ha mī fe alíá fabl.” Iní a, Bulu-óbópu amv lenatí sí mv.

Maria Elisabet Sna

³⁹ Nke amutó a, Maria lókula ató, wa ósa yó Yudea abósv wulu kúsv. ⁴⁰ Muv olowie Sakaria woyitó ha Elisabet itsia. ⁴¹ Elisabet lenya nu itsia amv alí kebi amv lekan iwí mv iwitó, ***Óñe Wankihe** lóbula mutó. ⁴² Iní ólókplón blí óbee, “Bulu layula fú atsí féétó. Alayula fú iwitó obi amv é. ⁴³ Iye! Mí Wie mv yin onuto laba mī wa a? Ntogyi sv Bulu lawa mī numnyam anfi odu? ⁴⁴ Kí, nenyanu fú itsia amv alí obi amv óbv mī iwitó amv lekan iwí ansigyisú. ⁴⁵ Bulu layula fú, tsufe fahogyiá tóá alahie ha fú ibéba múto.”

Maria Bulu Kanfú Ulo

⁴⁶ Iní Maria lówa uló óbee,

a 1:33 Israelfó gyi Yakob abi-aná.

“Mí ɔkla de mí Wie Bulu kanfɔ.

⁴⁷ Mí Nkpa Ɖɔɔpɔ Bulu laha anɔ de mí gyi.

⁴⁸ Tsufe alakain mí mu osumbi ání ɔma tɔtɔ bwetɔsɔ, wun mí nwe.

Tsu sei puya a, abi-aná féeé béblí bée, Bulu layula mí.

⁴⁹ Bulu Otumipɔ amɔ labwɛ atɔ kpɔnkpɔnti ha mí.

Ɖɔwanki.

⁵⁰ Otowun ulɔn kugyikɔtɔ

aha ání butenya mú ifu nwe.

⁵¹ Alapɔ mú tumi bwɛ atɔ akpɔnkpɔnti,

pɔda iwɔ atsupɔ nwuntɔ asɔn sain.

⁵² Alakplɔ awie mbiasɔ,

tsu aha ání buma tɔtɔ bwetɔ fua.

⁵³ Alaha ahianfɔ bamli iwɔ anyapɔ,

iwɔ anyapɔ banatɔ ibɔkpan.

⁵⁴⁻⁵⁵ Alakpa mú asumpɔ Israelfɔ.

Ɖmetan ání ɔleblí ɔbée, mówun anɔ anain ***Abraham**

mua mú abi-aná nwe brɛ féeé,

fe alɔ́ ɔlebla amú.”

Alɔ Maria lomɔ mú ulɔ amɔ ɔnɔ ní. ⁵⁶ Oletsia Elisabet wa fe tsra asa asa oleyinki yɔ woyi.

Asu Ɖɔɔpɔ Yohane Kwu

⁵⁷ Breá Elisabet lɔbɔkwu a, ɔlɔkwu obi yinhe. ⁵⁸ Mú abusuanfɔ pú mú aba bonuá anɔ Wie Bulu lahe wun mú nwe. Mú sɔ anɔ legyi amú féeé.

⁵⁹ Obi amɔ lenya ndawɔtswi a, mú iwɔsɔ aha beba mú obuto ɔlekpa, abutɔn mú ***kete**, dɔnka mú ida. Teki bée abɔpɔ mú sɔ ida Sakaria dɔnka mú, ⁶⁰ tame mú yin lebla amú ɔbée, “O-o! Mɔdɔnka mú Yohane.”

⁶¹ Aha amɔ bebla mú bée, “Anumɔkɔnu abutɔ fɔ obusuanyin ɔkɔkɔ alɔ kí.”

⁶² Lɔn ɔbɔwɛ mú sɔ ibi, fite mú alɔ́ butɔ kebi amɔ.

⁶³ Sakaria lɔbɔwɛ ibi ɔbée butsu tɔkɔ ha mú amowanlɔn mú dɔnka mú sɔ, ɔlɔwanlɔn ɔbée, “Mú ida gyi ‘Yohane.’ ” Ilofwie amú féeé. ⁶⁴ Lɔnɔn mú ɔdandɔ lesanki, ɔlɔtɔ kanfɔ Bulu. ⁶⁵ Ifu lekɔta apio aba amɔ féeé. Alɔ asɔn anfi lekɔta wa Yudea abɔsɔ awulu amɔ féeé. ⁶⁶ Ɖhagyidha ání olonu asɔn anfi lefite mú iwɔ ɔbée, “Ntɔ obi kebi anfi ɔbɔbɔwɛ ekekɔ?” Tsufe ulɔwanki amú ání Bulu ibi dɔn musɔ.

Sakaria Bulu Kanfɔ Uɔ

⁶⁷ Lɔn a, Ɖɔɔe Wankihe lɔbɔla Sakariatɔ, ɔlɔwa asɔn ání Bulu lapɔha mú blɔ blɔ.

⁶⁸ Ɖbée,

“Mɔha akanfɔ anɔ Wie Israel Bulu.

Tsufe alabele mú aha, ha anɔlagyi iwɔ.

⁶⁹ Alale Ɖɔɔpɔ Ɖwɔnlɔnpɔ ɔkɔ

tsu mú osumpɔ Owie Dawid abusuantɔ ha anɔ.

⁷⁰ (Fe alɔ́ ɔleblí tsɔn mú ɔnɔsɔ atɔɔpɔ wankihe amɔsɔ tswi dodoodo.)

⁷¹ Ɖbée, méle anɔ tsu anɔ alupɔ

pú aha ání butamafia anɔ ibitɔ.

72-73 Ɖbee, mówun aní anain nwe.

Ɖméesetan mu ntam wankthe amuv ɔleka ha aní nain Abraham amuvu.

74 Ɖbee, méle aní tsu aní alupu ibtɔ,
mení abétali sum mu, anuméenya advn ifu.

75 Ɖbéha abóbwe mu aha,
bwe yile mu anstsv aní nkpatɔ féé.

76 Mí bi, fu mú a, aha bétí fu bee, “Ɖsvsvsv Bulu ɔnɔsv ɔtɔpu.”
Tsufo fégya aní Wie nkpa,
la ɔkpa ha mu.

77 Fébla mu aha fee, Bulu ɔbétali hɔ amú nkpa
tsvn lakpansikiesu.

78 Aní Wie Bulu nwewun sv
Kristo amv ɔbédali fe owi tsu ɔsvsv ba aní wa.

79 Ɖbówankí wulv aha amuv butsie okluntɔ pú lowu ɔkpasv amv féésu.
Ɖbékpa aní tsvn iwilwii ɔkpasv.”

lní Sakaria lɔpumɔ mu asvn ɔnɔ nɔ. ⁸⁰Kebi amv ledan, nya Ɖngetɔ ɔwunln. Oletsia ***dimbisu** alu yɔfun ekeá ɔlele iwí ɔwan suna Israelfɔ.

Yesu Kristo Kwu

(Mateo 1:18-25)

2 ¹Alí bre amvɔ a, Roma owie dehen Augusto lɔwa mbla ɔbee, bukla aha
ání bubu Romafɔ así féé, abowanln amú ada. ²Múgyi ahakla gyankpavu
nɔ. Alí bre amvɔ a, oyin ɔkvá buteti mu Kirenio de Siria ɔmásv gyi. ³lní sv
ɔhagyioha lɔyɔ ida ɔwanlnkpa mu onuto wulutɔ.

⁴*Yosef ε lɔkusu tsu Nasaret wulúá tvb Galilea ɔmátɔ dv yɔ Yudea ɔmátɔ,
Owie ***Dawid** wulutɔ Betlehem. Tsufe Owie Dawid mu na ogyi. ⁵Mva ***Maria**
amuv bapuha mu bee otsia, ɔna odwinsv amv nyo lɔyɔ ida amv ɔwanlnkpa.
⁶Breá bubu Betlehem unv a, ikwu lekan Maria, ⁷ɔlɔkwu mu bití, ogyi oyin.
Ɖlekiklɔ mu wa tatidatɔ, pv mu tswi mbwí atogyihe dakatɔ, tsufe bumenya
otsiakpa afɔɔ ɔswukpa.

Akufa Akpavu Pó Bulu-abɔpu

⁸Alí bre amvɔ a, akufa akpavu aku bubu unv fun dimbitɔ, bude amú akufa
iwí gyo onye. ⁹***Bulu-ɔbɔpu** lele iwí ɔwan suna amú, Bulu numnyam lɔwanku
wulv amúsv. Mú sv ifu lehie kita amú. ¹⁰lnv a, Bulu-ɔbɔpu amv lebla amú
ɔbee, “Mlímánv ifu! Mlíki, napv ***asvn wanklaan** ání tɔ́wa mlá ɔyitɔ aha
féé ansígyi ba mlí. ¹¹Nde bakwu nkpa Ɖhɔpu, aní Wie ***Kristo**, (ɔha amuv
Bulu lada mu ofulí amv) ha mlí Owie Dawid wulutɔ! ¹²Tɔ́á mlɔpɔbí mu
gyi, mlówun kebi ɔbɔwe ɔkvá bapv tatida kiklɔ mu iwí, ɔda mbwí atogyihe
dakatɔ.”

¹³Ɖtsawule pe a, ***Bulu-abɔpu** tsɔtsɔtsɔ beba betsv Bulu-ɔbɔpu amvɔ,
bude Bulu kanfv bee,

¹⁴“Mlíha apv numnyam ha Buluá ɔbv ɔsvsvsv!

Iwí ilwii aha ání Bulu anst tegyi amú iwí ɔsvsvsv.”

¹⁵Breá Bulu-abɔpu amv beyinki yɔ ɔsvsv a, akufa akpavu anfti bebla aba
bee, “Mlíha ayɔ Betlehem. Ayekí utɔ anfti ulaba, Bulu lale suna aní anfti.”

¹⁶ Inu su bowa asa ya. Lele a, bowun Maria mua Yosef pu kebi bobwe amu, oda mbwi atogyihe dakata. ¹⁷ Breá bowun kebi amu a, bele mu iwí asun amuv bonu amu bli. ¹⁸ Akufa akpavu asun anfi lwa aha ání bonu mú fée wanwan. ¹⁹ Tame Maria mú lekita asun amu fée wa nwunto, tsia gywun mú iwí. ²⁰ Breá akufa akpavu amu beyinki bogy a, buna bude Bulu adabi da, kanfu mu, asun amuv bonu pu ito amuv bayowun fe alí amuv Bulu-óbopu amu lebla amú amu su.

Yesu Ida Dinka

²¹ Kebi amu obuto oleke a, betun mu *kete, dinka mu ida Yesu. Ida anfi Bulu-óbopu amu leha mu asa mu yin lenya mu ome ni.

Yesu Puya Bulu Otswekpa

²² Breá mu akwupu bogyura iwí Mose Mbla onó lófun a, bopu mu du yo Yerusalem, pu mu yowa Bulu ibitá. ²³ (Tsufe bowanlun wa Mose Mbla amuto beé, “Ilehian ání Israelfo bopu amú bití okugyiokú ha Bulu.”) ²⁴ Mú su bogyobo afódie amu Mbla amu onó. Abróduma anyo nte aklobi anyo bopobo alí afódie anfi ha Bulu.

²⁵ Alí bre amuto a, oyin dehen oku bu Yerusalem, buteti mu Simeon. Yile obwepu ogyi, otenya Bulu ifu. ***Oje Wankihe** bu musu, otsie ogyo breá Bulu obopu Olepú ba mu aha Israelfo. ²⁶ Oje Wankihe amu lele suna mu ání omóowu, yofun breá alawun Kristo, (oha amuv Bulu lada mu ofuli amu) asa. ²⁷ Oje Wankihe amu leha Simeon loyo ***Bulu otswekpa** wunsinesu. Alí bre amuto a, Yesu akwupu baba mu amandie anfi obwekpa fe alía Mose Mbla amu lebli. ²⁸ Inu Simeon lóho kebi bobwe amu, olekanfu Bulu obéé,

²⁹ “Mí Wie! Asun amuv febli tswi amu ulaba móto.

Sei mú a, mí fu osumbi anfi nétali wu iwílwíitó ngya.

³⁰ Tsufe mí onuto napu mí ansibi wun Olepú amu.

³¹ Fu onuto fala mu bwe aha fée ansitá.

³² Wanki ogyi, obéle fu suna aha ání bomegyi Israelfo, pu numnyam ba fu aha Israelfo.”

³³ Asun anfi Simeon lebli tsu kebi bobwe anfi iwí leha onó lobwie mu akwupu. ³⁴ Simeon loyula amú, olebla obi mu yin Maria obéé, “Ina kebi anfi su Israelfo ofan bédida, ofan é bélu. Osuna ogyi tsu Bulusu, aha bókusú lu musu. ³⁵ Inu su Bulu obéha aha tsótsótsó klunsu asun bélin owan. Fu é a, awireho béhie kita fu klun. Ibóho fu ósun fe ódayi iya anyo bakpie yi fu.”

³⁶ Otsi dehen okvá ogyi ***Bulu onosu otupú** é bu inu. Mu ida gyi Hana. Mu si gyi Fanuel, otsu Asa abusuantó. Otsi dehen anfi mua mu klu betsia aba nfinsienu, mu klu lowu. ³⁷ Olosu usura alu bafun breá olóho nfi adukwe-na (84). Olópu Bulu otswekpa wunsinesu inu mli mu odikpa, ode Bulu sum, ***klú onó**, bó mpaí opa móa onye. ³⁸ Mu é olédali ba bekanfu Bulu, bli kebi bobwe amu iwí asun suna aha amuv bude Yerusalemfo iwígyi okpa kí amu.

Yesu Yinkia Ya Nasaret Wuluto

³⁹ Breá Yesu akwupu bobwe amandie amu ta Bulu mbla amu onó a, beyinki kpíi yo amú wuluto Nasaret, Galilea ósulusu. ⁴⁰ Kebi amu ledan, nya ówónlun, nya nyansa, Bulu é loyula mu.

Yesu Bulu Otswekpa Sin

⁴¹ Yesu akwupu butetsia yɔ Yerusalem yegyí Israelfɔsu ***Katsun Nke** ofiigyiofi. ⁴² Breá Yesu lɔhɔ nfi duanyɔ a, mva amúnyɔ bɔyɔ nke amu ogyikpa fe alá butɔyɔ yat. ⁴³ Breá begyi nke amu ta beyinki a, Yesu akwupu bumebíá alasin unv. ⁴⁴ Buki bee mva mu abanyɔ na. Mú sv benatí ekewule owitɔ asa bɔwa mu dunka apio abato bi. ⁴⁵ Breá bodunka mu kasian a, beyinki yɔ Yerusalem, yodunka mu. ⁴⁶ Eke sasi a, boyowotii musu Bulu otswekpa wunsnesu unv. Otsie ***Mose mbala asunapu** wa, ɔde asu ya amú asuntɔ, ɔde amú asunfite. ⁴⁷ Ɔnɔ lobwie aha ání bubu unv féé, tsu alíá ɔde asun amu asu nu pú alíá ɔde mú ɔnɔ le. ⁴⁸ Ɔnɔ lobwie mu akwupu breá bowun mu. Mu yin lefite mu ɔbee, “Mú bi, ntogyi sv fabwe aní alí? Mía fu sunyɔ aní lape aníde fu dunka.”

⁴⁹ Inu Yesu lefite amú ɔbee, “Ntogyi sv mlíde mú dunka? Ilehian ání mlébiá mú Sɪ woyitɔ nétsia.” ⁵⁰ Tame mu akwupu bumonu asun ání ɔde amú bla asi.

⁵¹ Mva amúnyɔ beyinki yɔ Nasaret, ɔleba iwíasi ha amú. Maria lekita asun amu féé wa kpawunutɔ, tsia gywun mú iwí. ⁵² Yesu ledan, wa ɔwunlun, nya nyansa, Bulu mva anyankpusa féé aní legyi mu iwí.

Asu Ɔbɔpu Yohane Bulu Asun Ɔkanda

(Mateo 3:1-12; Marko 1:1-8; Yohane 1:19-28)

3 ¹⁻² Roma owie dehen Tiberio iwiegyi ofi duanusitɔ a, Bulu lebla mu igyi ɔhapu Sakaria mu bi Yohane ***dimbisu** ɔbee, ɔda mu asun ɔkan. (Alí bre amutɔ a, Pontio Pilato de Yudea ɔmásv gyi. ***Herode** de Galilea ɔmásv gyi. Herode mu dehen Filipino e de Iturea pú Trakoniti ɔmásv gyi. Lisania e de Abilene ɔmásv gyi. Bulu igyi ahapu dehen ání bubu unv alí bre amutɔ e gyi Hana mva Kaiafa.) ³ Mú sv Yohane leki Yordan bunƙpa ɔnɔ, ɔde ɔkan da bli ɔbee, “Mlɔdamli kluntɔ, amlsi lakpan bwe. Bulu osikie mlí, ambo mlí ***asu**.”

⁴ ***Bulu ɔnɔsv ɔtɔpu** ***Yesaia** lɔwanlun Yohane iwí asun wa mu ɔwɔlɔtɔ ɔbee,

“Ɔku dekplun dimbisu ɔbee,

‘Mlɔla aní Wie ɔkpa.

Mlɔswii ukpa ha mu!

⁵ Mlɔtin bunƙpa kugyiku,

amlɔbwiebie abv móa nkuku féé.

Mlɔswii ukpa,

amlɔla mósv wanklaan.

⁶ Aha féé bówun Bulu nkpaɔ.’ ”

⁷ Ɔdam beba Yohane wa bee, ɔbɔ amú asu. Ɔlefite amu ɔbee, “Abe abi-aná, ntɔ gya mlí, mlɔsɪ Bulu isvbiti amuv iba amv? ⁸ Mumu mlɔswie abi oduá ibósvana ání lele mlɔdamli kluntɔ. Mlɔmákí mlɔtaa, mlí nain gyi ***Abraham**. Nde mlí bla mbee, Bulu ɔbétalí ha abwi anfi íbédamli Abraham abi-aná. ⁹ Sei a, Bulu lapv efe yi nyi-atsitsitɔ. Oyigyioyíá imoswie abi wanklaan a, bókun mú da, wa mú féé ogya.”

¹⁰ Ɔdam amu befite Yohane bee, “Ntɔ mee abwe?”

¹¹ Yohane lebla amú ɔbee, “Fva fubv atadte anyɔ a, pv ukule ha ɔha ání ɔma kuku. Fva fubv atogyiíe e bwe mú alí.”

¹² ***Lampoo ahapu** aku e beba asu ɔbɔkpa. Befite Yohane bee, “Osunapu, ntɔ ilehian ání abóbwé?”

¹³Yohane lebla amó ɔbee, “Mlímátswí dínka aha. Mlíhó tɔ́á bee mlíhó.”

¹⁴Ísa akɔpɔv akú ε befúte Yohane bee, “Aní ε me, ntɔ abwe?”

Yohane lebla amó ɔbee, “Mlímápu ɔwɔnln swí ɔhaa kɔ́ba, nte wa afunu dínka ɔhaasv. Mlí ɔkɔka igyi mlí anstí.”

¹⁵Íntá amó anstí dín Kristo amusu, búde mu ɔkpa kí sv a, umɔwankí amó ní Yohane gyi Kristo amv. ¹⁶Mú sv Yohane lebla amó ɔbee, “Ɔkɔ́á ɔdɔn mu bu ɔma ɔba. Mmɔfɔn ání nésankí mu ntúkɔta ɔfe kuraa. Mí mú a, ntsu ndepubɔ mlí asu. Mu ɔbɔpɔ ***Ɔ́ɛ Wankúhe** pú ogya bɔ mlí asu ní. ¹⁷Ɔde mu ɔlun, ɔbɔ-pufuni ntete le ayo amúɔ. Ɔbékpa ayo amv wa mu odudutɔ. Tame ɔbéfeti ofunikpa unv wanklaan, kpa ntete amv wa ogya ání utamaduntɔ.” ¹⁸Yohane leda asv wanklaan amv ɔkan, bla aha amv asv tsɔtsɔtsɔ ɔbee, budamli kluntɔ.

¹⁹Alí bre amúɔ a, ísv ogyipɔ ***Herode** laswí mu dehen Filipo mu ka Herodia tsia, tra bwe lalahe tsɔtsɔtsɔ tsia múɔ. Mú sv Yohane lekina ha mu. ²⁰Múá ɔdɔn kuraa gyi, Herode leha bekta Yohane wa obu.

Yesu Asubɔ

(*Mateo 3:13-17; Marko 1:9-11*)

²¹Breá Yohane de aha amv asu bɔ a, Yesu ε leba, Yohane lɔbɔ mu asu. Breá Yesu de mpaí bɔ a, nwulota lefínki, ²²Ɔ́ɛ Wankúhe ledamli fe abróɔma, kplí bogyonka musv. Ɔme kv lotsu ɔsvu ɔbee, “Fúgyi mu bíá ntɔdwe, mí anstí tehe gyi fú ɔwí ní.”

Yesu Anain ɔlntɔ

(*Mateo 1:1-17*)

²³Breá Yesu lɔhɔ fe nfi advasa a, olefi Bulu asv ɔkanda así. Aha mú buyin ání ***Yosef** mu bí ní. Yosef mu sí gyi Eli. ²⁴Eli mu sí gyi Martat. Martat mu sí gyi Lewi. Lewi mu sí gyi Melki. Melki mu sí gyi Yanai. Yanai mu sí gyi Yosef. ²⁵Yosef mu sí gyi Martatia. Martatia mu sí gyi Amos. Amos mu sí gyi Nahum. Nahum mu sí gyi Hesli. Hesli mu sí gyi Nagai. ²⁶Nagai mu sí gyi Mahat. Mahat mu sí gyi Martatia. Martatia mu sí gyi Semein. Semein mu sí gyi Yosek. Yosek mu sí gyi Yoda. ²⁷Yoda mu sí gyi Yohanan. Yohanan mu sí gyi Resa. Resa mu sí gyi Serubabel. Serubabel mu sí gyi Sealtiel. Sealtiel mu sí gyi Neri. ²⁸Neri mu sí gyi Melki. Melki mu sí gyi Adi. Adi mu sí gyi Kosam. Kosam mu sí gyi Elmadam. Elmadam mu sí gyi Er. ²⁹Er mu sí gyi Yosua. Yosua mu sí gyi Elieser. Elieser mu sí gyi Yorim. Yorim mu sí gyi Martat. Martat mu sí gyi Lewi. ³⁰Lewi mu sí gyi Simeon. Simeon mu sí gyi Yuda. Yuda mu sí gyi Yosef. Yosef mu sí gyi Yonam. Yonam mu sí gyi Eliakim. ³¹Eliakim mu sí gyi Melea. Melea mu sí gyi Mena. Mena mu sí gyi Matata. Matata mu sí gyi Natan. Natan mu sí gyi Owie ***Dawid**. ³²Owie Dawid mu sí gyi Yisai. Yisai mu sí gyi Obed. Obed mu sí gyi Boas. Boas mu sí gyi Salmon. Salmon mu sí gyi Nahson. ³³Nahson mu sí gyi Aminadab. Aminadab mu sí gyi Admin. Admin mu sí gyi Arni. Arni mu sí gyi Hesron. Hesron mu sí gyi Peres. Peres mu sí gyi Yuda. ³⁴Yuda mu sí gyi Yakob. Yakob mu sí gyi Isak. Isak mu sí gyi Abraham. Abraham mu sí gyi Tera. Tera mu sí gyi Nahor. ³⁵Nahor mu sí gyi Serug. Serug mu sí gyi Reu. Reu mu sí gyi Peleg. Peleg mu sí gyi Eber. Eber mu sí gyi Sela. ³⁶Sela mu sí gyi Kainan. Kainan mu sí gyi Arfaksad. Arfaksad mu sí gyi Sem. Sem mu sí gyi ***Noa**, Noa ε mu sí gyi

Lamek. ³⁷Lamek mu si gyi Metusala. Metusala mu si gyi Enok. Enok mu si gyi Yared. Yared mu si gyi Mehalaleel. Mehalaleel mu si gyi Kenan. ³⁸Kenan mu si gyi Enos. Enos mu si gyi Set. Set mu si gyi ***Adam**. Adam ε mu si gyi Bulu.

Yesu Isɔki

(Mateo 4:1-11; Marko 1:12-13)

4 ¹Breá Yesu leyinki tsu Yordan ntsu ɔɔɔ a, Ɖɛ Wankiɛ lobɔla mutɔ, ulɛkpa mu ya ***dimbisu**. ²Breá ɔbu unu a, Ɖɔbunsam letsia bɔɔɔ mu ki nke advana keke. Yesu megyi tɔtɔ nke amutɔ fée. Mú sv breá nke amu ulɔmɔ ɔɔɔ a, akun hie de mu.

³Unu Ɖɔbunsam lebla mu ɔbɛɛ, “Nɪ Bulu mu Bi fɔgyi a, mɔmu ha ibwi anfi idamli bodobodo.”

⁴Yesu lele mú ɔɔɔ ɔbɛɛ, “Bɔwanlɪn wa Bulu asun amutɔ bɛɛ, ‘Megyi atogyiɛ wule nyankpɔsa ogyi tsia nkpa.’ ”

⁵Ɖɔbunsam lɔpu mu ya ibu fvaɛ kusv. Olosuna mu ɔyɪtɔ iwie ogyikpa fée ɔtsawɔle pe. ⁶Muv ɔlebla mu ɔbɛɛ, “Nɔpu ɔmá anfi fée tumi pú amú numnyam ha fu, tsufe mi ibitɔ bapɔwa. Ɖha ánɪ ndekle a, mu nɔpɔha. ⁷Mú sv nɪ fɔsum mi a, nɔpu mú fée ha fu.”

⁸Yesu lebla mu ɔbɛɛ, “Bɔwanlɪn wa Bulu asun amutɔ bɛɛ, ‘Da akpawunu ha fu Wie Bulu. Mu nkɔle fu sum.’ ”

⁹Ɖɔbunsam lekpa mu ya Yerusalem, ɔlɔpu mu yelu ***Bulu ɔtswekpa** obu amu ɔtantra. Unu ɔlebla Yesu ɔbɛɛ, “Nɪ Bulu mu Bi fɔgyi lele a, tu kpayi. ¹⁰Tsufe bɔwanlɪn wa Bulu asun amutɔ bɛɛ, ‘Bulu ɔbɛha mu abɔpu béki fɔsv. ¹¹Békpata fu ibitɔ, menɪ fu yabi méeda ibwi kukɔsv.’ ”

¹²Yesu lele mú ɔɔɔ ɔbɛɛ, “Betra wanlɪn bɛɛ, ‘Mákapu fu Wie Bulu kɪ.’ ”

¹³Breá Ɖɔbunsam lɔmɔ isɔki anfi fée ɔɔɔ a, ɔlɔku natɪ si mu asa.

Yesu Gyumagyiɛ Asutsua Galilea Ɖmátɔ

(Mateo 4:12-17; Marko 1:14-15)

¹⁴Ɖɛ Wankiɛ tumi lekpa Yesu, oleyinki yɔ Galilea ɔmátɔ. Mu iwɪ asun leklei wa ɔmá amu féétɔ. ¹⁵Oletsia suna atɔ Yudafo ***ofiakpa**, aha amu fée bekanfu mu.

Bɔmɔhɔ Yesu Mu Wuluto

(Mateo 13:53-58; Marko 6:1-6)

¹⁶Unu Yesu leyinki ba Nasaret, ɔtunéá oletsia dan. Fe alíá otetsia bwe a, ɔlɔyɔ Yudafo ofiakpa ***ɔkpuɔv ɔɔake**. Breá ɔlɔkɔsv yelu amú ansitɔ ɔbékla Bulu asun a, ¹⁷botsu Bulu ɔɔɔsv ɔtɔpu ***Yesaia** ɔwɔlv ha mu. Ɖlesankɪ mú a, olowun ɔtunekvá bɔwanlɪn wa bɛɛ,

¹⁸“Anɪ Wie Bulu lada mi ofuli.

Unɪ sv mu Ɖɛ bu misv.

Alale mi ɔbɛɛ, nda ***asun wanklaan** amu ɔkan suna aha ánɪ buma tɔtɔ.

Ɖbɛɛ, mbebla nkɔpábi mbeɛ, masi amú iwɪ ha amú.

Mɪ ambla ansibi abwiepu mbeɛ, mabwii amú ansibi.

Ɖbɛɛ, mbebla aha ánɪ bɔde amú ipiantɔ wa ε mbeɛ, male amú ipiantɔ.

¹⁹Fɔwun mi ambli mbeɛ,

anɪ Wie aha nwewunbɪ lafun.”

²⁰ Luv olokunta ɔwulo amu, yinkia ha mʊsu ɔkɔpu, ɔlɔwɔ tia asi. Aha amuv bubu ofiakpa unv amu féé besi bude mu ki diin. ²¹ Luv Yesu lebla amú ɔbee, “Nde, Bulu asvn wanlɔnhe anfi laba mútɔ. Mú mlɔlanu a.”

²² Aha amu féé bonu asvn wanklaan amuv ledalu mu ɔno amu. ɔno lobwie amú, befite bee, “Megyi *Yosef mu bi amu ni?”

²³ Yesu lebla amú ɔbee, “Nyin ání mléha mi yebi anfi mlɔaa, ‘Uɔ ɔsapu, tsa fu iwí!’ Mlélabla mi mlɔaa, ‘Bwe atɔ amuv anɔlanuá fudebwe Kapernaum amu fu wulutɔ nfi e.’” ²⁴ Luv oleyinki bla amú ɔbee, “ɔnoƙwali nde mli bla. Butamahɔ Bulu ɔnɔsv ɔtɔpu ɔkɔku asvn mu wulutɔ.

²⁵ “Mlɔnu, Bulu ɔnɔsv ɔtɔpu *Elia bisu a, nyankpu motswie nfinsa múa ifun keke. Akun lehie ba Israel ɔmáto féé. Uv mútɔá asurapu tsɔtsɔtsɔ betsia Israel ɔmáto alɔ bre amutɔ, ²⁶ tame Bulu meha Elia ɔyɔ amúto ɔkɔku wa. ɔsurapu ɔkúá ɔbu Sarefat wulutɔ, Sidon ɔmáto nkule wa ɔleha mu ɔlɔyɔ. ²⁷ *Uɔ pepe alɔpu tsɔtsɔtsɔ e betsia Israel ɔmáto Bulu ɔnɔsv ɔtɔpu Elisa bisu. Tame ɔmeha ɔkɔku iwí mepli, dɔn Naaman ání otsu Siria nkule.”

²⁸ ɔblo lehie kɔta aha amuv bubu ofiakpa unv amu, breá bonu Yesu asvn blihe anfi. ²⁹ Bɔkɔsv gya mu dalɔ amú wulutɔ. Wulu amu idin busu. Begya mu alu yowie wulu amu ɔno, bee abuwuta mu wa tsonkolitɔ. ³⁰ Yesu lenatɔ tsun amúto yɔ ɔtɔnéá ɔyɔ.

Yesu ɔɲe Lalahe Gya

(Marko 1:21-28)

³¹ Luv Yesu lekplɔ yɔ Kapernaum, Galilea wulu kɔtɔ. Olosuna amú atɔ amú ofiakpa ɔkɔpɔv ɔɔake. ³² Mu atosunahe lobwie amú ɔno, tsufe olosuna amú atɔ tumisu. ³³ Oyin ɔku bu ofiakpa unv, ɔɲe lalahe bu musu. ɔlɔkplɔn bli ɔbee, ³⁴ “Kɔ mi! Yesu Nasaretyin, amansu bu anɔa funyɔ nsɔne? Nte anɔ ɔhɔkpa feba loo? Nyin ɔha oduá fugyi. Fugyi Bulu ɔha Wankthe amu ni!”

³⁵ Yesu lɔkplɔn wa ɔɲe amu ɔbee, “Kpa ɔno bun, afudalɔ mutɔ.” Luv *ɔɲe lalahe amu lefun oyin amu da aha amutɔ unv, dalɔ mutɔ; tɔtɔ mɔbwe mu.

³⁶ ɔno lobwie amú féé, befite aba bee, “Amansu ni? Oyin anfi bu tumi, ɔɔekplɔn wa ɔɲe lalahe, ide mu bu, dalɔ ahatɔ?” ³⁷ Mu iwí asvn leklei wa ɔmá amu féétɔ.

Alɔpu Tsɔtsɔtsɔ Tsa

(Mateo 8:14-17; Marko 1:29-34)

³⁸ Yesu ledalu Yudafo ofiakpa unv yɔ Simon woyitɔ. ɔlɔyɔ a, owisu lakɔta Simon mu sia tsuhe, ɔɔa kinkiiinkin. Bebla Yesu bee, ogyi mu buale. ³⁹ Yesu lɔkɔkɔpe tu ɔtsɔ amu, ɔlɔkplɔn wa owisu amu ɔbee, ukusu musu. Lɔnɔv ulɔkusu musu, ɔtsɔ amu lɔkusu bwe amú afɔtɔ.

⁴⁰ Breá owi deta a, aha bɔsvra amú aha ání bude ulɔ ɔtsan-ɔtsan lɔ ba, Yesu lɔpu ubi dɔnka amúsv tsa amúto okugyiɔku ulɔ. ⁴¹ ɔɲe lalahe bu amú akutɔ. Yesu lɔkplɔn wa ɔɲe lalahe amu. Bedalɔ, bude okitikitɔ bee, “Fugyi Bulu mu Bi amu ni.”

Tame Yesu lɔwa mbla wa ɔɲe lalahe amu ání bumátɔ, tsufe buyin ání mɔgyi *Kristo, (ɔha amuv Bulu lada mu ofuli amu) ni.

Bulu Asun Ɔkanda Yudafɔ Ofiakpa

(Marko 1:35-39)

⁴²Mó ɔyikehe bake a, Yesu ledali wulu amuto yɔ utseto ɔtneku. Aha bodunka mu alu yɔtu mu, bokokoli mu beɛ ɔmánatɔ si amú. ⁴³Tame ɔlebla amú ɔbeɛ, “Ilehian ání néda ***Bulu iwiegyi** iwɔ ***asun wanklaan** amu ɔkan awulu atrahe amu esu. Tsufe mó ɔbwekpa Bulu lɔwa mu ni.”

⁴⁴Ɔni su oleki Yudea ɔmáto féé, da Bulu asun wanklaan amu ɔkan amú ofiakpa.

Yesu Akasɔpu Gyankpawu Tɔ

(Mateo 4:18-22; Marko 1:16-20)

5 ¹Ɔke ɔku Yesu lu Genesaret ɔpu^b ɔno, aha tsɔtsɔtsɔ beba boputa mu ání bónu Bulu asun. ²Olowun nklun anyɔ ɔpu amu ɔno. Aye alepu amu bakpli yɔ bude amú asawuto da. ³Yesu lɔdu wie ukoléá igyi Simon kletɔ. Muv ɔlebla Simon ɔbeɛ, osun mó kpalobi dɔnka ntsusu. Inu oletsia móto suna aha amu atɔ.

⁴Breá ɔlɔtɔ ta a, ɔlebla Simon ɔbeɛ, “Mɔɔpla ɔklun amu ya okluklukpa, amlyɔtswi asawu le aye.”

⁵Muv Simon lebla mu ɔbeɛ, “Owie, anɔɔbwe kasian igye onye féé, anumenya tɔtɔ. Tame uná fɛɛ ayɔ, su nɔyɔtswi asawu amu.” ⁶Breá bɔyɔtswi asawu amu a, bele aye tsɔtsɔtsɔ. Mó su asawu amu lɔwa tuti bi. ⁷Inu bɔbwe ibi ti amú agyuma ayɔba amuv bubu ɔklun nyɔsi amuto beɛ bubetsa amú. Beba betsa amú, bele aye amu bula nklun anyɔ amu dedeɛɛ, idekle ime. ⁸Breá Simon Petro lowun mó alɔ a, ɔleɛda akpawunu Yesu ayabito, bla mu ɔbeɛ, “Mɔ Wie, mákpukpe manta mɔ! Lakpan ɔbwepu ngyi.”

⁹Tsufe aye amuv bale amu lɔwa muv muv abam wanwan. ¹⁰Alɔ ken ulɔwa Sebedeo abi Yakobo muv Yohane, bugyi Simon agyuma ayɔba amu ɛ wanwan ni.

Muv Yesu lebla Simon ɔbeɛ, “Mánya ifu! Tsu nde puya a, anyankpusa féle.”

¹¹Simon muv muv abam amu benya pla nklun amu besi osubunɔ alɔ, besi togyito tswi, kpala buo Yesu.

Uɔ Pepe Ɔlɔpu Ɔku Tsa

(Mateo 8:1-4; Marko 1:40-45)

¹²Ɔke ɔku Yesu bu wulu kusu, ***uɔ pepe** ɔlɔpu ɔku lowun mu. Inu ɔlebede akpawunu, pu ɔsukpi yi ɔsolɔtɔ, kokoli mu ɔbeɛ, “Owie, ni fótsula a, féfali ha mɔ iwɔ ibépli.”

¹³Yesu letinkɔ ibi da mu, bla mu ɔbeɛ, “Natsula, fu iwɔ tɔpli.” Inuvu uɔ amu leŋa le mu iwɔ. ¹⁴Inu Yesu leɛda mu ɔla ɔbeɛ, “Mábla ɔhaa. Natɔ laa afɔpu fu iwɔ yosuna Bulu igyi ɔhapu, afuɔha mu iwigyurato amuv Mose mbla losuna tsu uɔ pepetsa iwɔ amu. Igyi adansɛ suna aha ání fu iwɔ lapli.”

¹⁵Tame Yesu iwɔ asun letra kletɔ yɔ ntine dɔnka mósu. Ɔdɔm beba mu atosunahe onukpa, ɔtsa amúto ɔlɔpu ɛ uɔ. ¹⁶Tame oletsia dalɔ amúto bre ku yɔ ***dimbisu** ɔtneku mu nkule yɔbɔ mpaɔ.

Tsukule Osinpu Tsa

(Mateo 9:1-8; Marko 2:1-12)

¹⁷Ɛke ɔku Yesu de atɔ suna. *Farisifo, *Mose mbla asunapu akvá bɔtsu Galilea pú Yudea ɔmáto pú Yerusalem beba betsia asú unv. Bulu tumi bu Yesuto ha ulɔtsa. ¹⁸Ɔnu a, ayin aku bɔsvra tsukule osinpu akpasu ba. Bekleá bɔpu mu wie woyito, pu mu tswi Yesu ansito. ¹⁹Ɔɔm amu su bumenya ɔkpa. Ɔnu su bɔyɔɔɔ obu amu awunsu, da mú ɔtneku tii, bekpita akpa amu tswi aha amuto Yesu ansito unv. ²⁰Breá Yesu lowun ání baho mu gyi a, ɔlebla tsukule osinpu amu ɔbee, “Opio, nasi fu lakpan kie fu.”

²¹Mose mbla asunapu pú Farisifo amu bebli wa nwunto bee, “Ma gyi oyin anfi ɔde abususu bli anfi? Ma ɔbétali si lakpan kie aha dun Bulu nkule?”

²²Yesu lebi amú agywun. Mú su ɔlefite amú ɔbee, “Ntogyi su mlide unu odu gywun? ²³Mɔmu lɔpɔn ha bli? ‘Nasi fu lakpan kie fu.’ loo, nte ‘Kusu tsu fu akpa afonati?’ ²⁴Tame ndekleá mlibi ání mi, Nyankpusa-Mu-Bi anfi mbu tumi ɔyi anfito si aha lakpan kie amú.” Ɔnu ɔlebla tsukule osinpu amu ɔbee, “Nde fu bla mbee, kusu. Tsu fu akpa afonati yɔ woyi!”

²⁵Ɔnunusunu tsukule osinpu amu lɔkusu lu amú féé ansito, tsu mu akpa. Ɔɔpu ɔkpa ɔyɔ woyi ɔde Bulu kanfu. ²⁶Ɔno lobwie aha amu féé. Ifu lowie amú fééto, bekanfu Bulu bee, “Nde anlawun ofula!”

Lewi Ti

(Mateo 9:9-13; Marko 2:13-17)

²⁷Mú ɔma breá Yesu ledali unv a, olowun *lampoo ɔhɔpu ɔkúá buteti mu Lewi, tsie mu lampoo ɔhɔkpa. Yesu lebla mu ɔbee, “Bobuo mi.” ²⁸Ɔnu Lewi lɔkusu, si mu togyito ɔmagya, yobuo mu.

²⁹Mú ɔma a, Lewi lɔtswi ɔpunu mu woyito ha Yesu. Lampoo ahɔpu tsɔtsɔ-ɔtsɔ pú aha bamba ɛ beba atɔ amu ogyikpa. ³⁰Farisifo pú Mose mbla asunapúá bubu Farisifo amuto befite Yesu *akasıpu amu bee, “Ntogyi su mlia lampoo ahɔpu pú lakpan abwepu mlide ibi wa gyi atɔ, mlide nta nun?”

³¹Yesu lele mú ɔno ɔbee, “Alɔpu lehian ulɔ ɔtsapu, megyi aha ání unv bu amú ɔnlun. ³²Mmeba aha wanklaan ɔtikpa. Mboun lakpan abwepu ɔtikpa neba, menú bédamli klunto.”

Ɔnɔkli lwi Asun Fitehe

(Mateo 9:14-17; Marko 2:18-22)

³³Aha aku bebla Yesu bee, “Asu Ɔbɔpu Yohane akasıpu butetsia *kl ɔno bu mpa. Farisifo akasıpu ɛ butɔbwe al, tame fu *akasıpu mú budegyi, buđenun.”

³⁴Yesu lefite amú ɔbee, “Ɔtsi ɔkpaunpu anyawie békli ɔno breá ɔbu amú wa? Ekekeke! ³⁵Tame eke ɔku ibéba ání békpa mu nati si amú. Alí nke amuto békli ɔno ni.”

³⁶Ɔnu ɔleha amú yebi ɔbee, “Ɔhaa tamapu tati pɔpwe tan tati dada. Ni ɔbwe mú alí a, alayinta pɔpwe amu. Pɔpwe amu pú dada amu ansí ɛ uméekana aba. ³⁷Alí ken butamapu nta pɔpwe wa ɔwulu-kpakpa kente wuheto ni. Nta pɔpwe amu ibófu fa kente amu tsitsa, yinta kente amu ɛ. ³⁸Ɔnu su ɔwulu-kpakpa kente pɔpwetɔ butɔpu nta pɔpwe wa. ³⁹Ɔhaa tamafite nta pɔpwesú breá alanun danhe. Tsufe ɔtebli ɔbee, ‘ɔdanhe amu bu ale dun.’ ”

Ɔkpɔnu Ɖɔake Mu Wie

(Mateo 12:1-8; Marko 2:23-28)

6 ¹Yesu mua mu ***akasɔpu** bɔtsun ayo ndɔ kutɔ ***ɔkpɔnu ɔɔake**. Akasɔpu amu bɔprɔn atɔ-abi amu ku, bɔpɔsa mú wɛ. ²***Farisifo** amu aku befite amú bɛɛ, “Ntogyi su mlɛde tɔ́á anɛ mbla meha ɔkpa ání bubwe ɔkpɔnu ɔɔake bwe?”

³Yesu lefite amú ɔbɛɛ, “Mlumɔkukla nu tɔ́á Owie ***Dawid** lɔbwɛ breá akun de mua mu abuopu kí? ⁴Olebitiwie Bulu osumkpa yotsu bodobodoá bapɔha Bulu igyi ba, mua mu abuopu amu begyi. Bulu igyi ahapu nkule beɛ ɔkpa bɔtegyi alɛ bodobodo amu.”

⁵Muu Yesu lomɔ mu asun ɔnɔ ɔbɛɛ, “Mɛ, Nyankpɔsa-Mu-Bi anfi gyi ɔkpɔnu ɔɔake mu wie.”

Uɔtsa Ɖkpɔnu Ɖɔake

(Mateo 12:9-14; Marko 3:1-6)

⁶Yesu loyɔ atɔ osunakpa Yudafɔ ***ofiakpa** ***ɔkpɔnu ɔɔake** bamba. Oyin ɔkúá mu gyɔpɛ ibi lawu bu unu. ⁷***Mose mbla asunapu** pú Farisifo aku bete Yesu kí bɛɛ, ɔbɛ́tsa ulɔ ɔkpɔnu ɔɔake, menɛ bénya mu iwɛ asun, puyenati musu suna ahande. ⁸Yesu yin amú nwuntɔ asun. Mú su ɔlebla oyin amuu mu ibi kule lawu amu ɔbɛɛ, “Kusu belu amú ansitɔ nfi.” lnu oyin amu lɔkusɔ belu amú ansitɔ. ⁹Muu Yesu lebla amú ɔbɛɛ, “Nde mli fite, ntɔ mbla amu leha ɔkpa ání abwe ɔkpɔnu ɔɔake? Yile loo, nte lalaha? Aha ɔha nkpa loo, nte amɔ mu?” ¹⁰lnu ɔledamli kí amú féé fia. Muu ɔlebla oyin amu ɔbɛɛ, “Tɛnki fu ibi amu.” Olenya tɛnki ibi amu alɛ pɛ, ɔɲɛ lowie mútɔ.

¹¹Ɖblo lekuta amú, befite aba bɛɛ, “Ntɔ koun abéhuɛ bwe Yesu anfi?”

Akasɔpu Amu Ada

(Mateo 10:1-4; Marko 3:13-19)

¹²Ɛke ɔku Yesu lɔɔu yɔ ibusu yɔbɔ mpaɛ ha Bulu tsu onye yeha ɔyikehe. ¹³Mú ɔyikehe a, ɔletɛ mu akasɔpu, ɔlele amú́tɔ duanyɔ, ɔletɛ amú mu ***sumbi ayɔpu**. ¹⁴Amógyi; Simon ání ɔledunka mu Petro mua mu pio Andrea; Yakobo mua Yohane; Filipino, Bartolomeo, ¹⁵Mateo, Toma, Alfeo mu bi Yakobo, Simon ání ogyi iwɛsutsia adunkapu ɔpasuatɔ ɔha, ¹⁶Yakobo ɔku mu bi Yuda pú Yuda Iskariot ání ɔlebele Yesu ha.

Yesu Atosuna Múá Uɔtsa

(Mateo 4:23-25)

¹⁷Yesu mua sumbi ayɔpu amu bekpli tsu ibu amusu ba ɔsulɔ tantasu. Mu abuopu tsɔtsɔɔtsɔ pú ɔɔɔm kɔnɔkɔnɔkɔnɔkɔnɔtɛ́á botsu Yudea ɔmátɔ, Yerusalem pú ɔpu ɔnɔ awulu Tiro múá Sidonsu beba unu. ¹⁸Beba bɛɛ beba bonu mu asun blihe, ɔtsa amú ulɔ. Aha ání ***ɔɲɛ lalaha** de amú han e beba, olegya ɔɲɛ lalaha le amú́tɔ. ¹⁹Amú féé bekleá bɔpu ibi da mu, tsufe ɔɲɛ dedali mutɔ tsa amú féé ulɔ.

Oyula Asun

(Mateo 5:1-12)

²⁰Yesu lotsu anstɛ kí mu akasɔpu, ɔlebla amú ɔbɛɛ,

“Bulu layula mlá mlímá tótó,
tsufe mlubv mu *iwiegyi amv ni.

²¹ Bulu layula mlá akvn de mli sei,
tsufe mléba begyi mwe.
Bulu layula mlá mlidesu sei,
tsufe mléba bómósi.

²² “Bulu layula mlá bude mli lu, bude mli gya le amótó, sia mli, tí mli ida lalahe mli, Nyankpúsa-Mu-Bi anft sv. ²³ Ansi igyi mli eke amv, amlfuli kpayi ansigyisv, tsufe mli ukóka tsó ósúsv. Alí amó anain bóbwe Bulu ókósv atópúv amv ni.

²⁴ Tame mli ání mlilanya íwí sei, mligyówí ni.
Tsufe mli ansigyí fée mlilanya a.

²⁵ Mlá mlílamwe sei, mligyówí ni.
Tsufe akvn béba bekita mli.
Mlá mlídemósi sei, mligyówí ni.
Tsufe mléba begyi awrèhó, sv.

²⁶ “Mlá aha fée bude mli kanfv, mligyówí. Tsufe alí mli anain bekanfv Bulu ókósv atópúv afunupv amv é ni.

Alupódwe

(Mateo 5:38-48; 7:12a)

²⁷ “Tame nde mlá mlonu bla mbée, mlídwe mli alupv, amlubwe yile ha amó.
²⁸ Mliyula aha ání butólwú mli, amlubv mpat ha aha ání butesia mli. ²⁹ Ní óha óda fv ísvtó a, damli nyósv é ha mv óda. Ní ókú ósví fv tati a, wó fv atadié é ha mv. ³⁰ Ní ókú ókúsv fv ató a, ha mv. Ní ókú é ótsu fv ató a, máyóhó mú.
³¹ Bwe ha aha alá fudekle fée búbwe ha fv.

³² “Ní fv adwepv nkúle futódwe a, ípan mómú fénya? Lakpan abwepv kuraa butódwe amó adwepv. ³³ Ní óha ání ótóbwe yile ha fv nkúle futóbwe yile ha a, ntogyi sv Bulu óda fv ípan? Lakpan abwepv é butóbwe alí. ³⁴ Ní óha ání fuyin ání obénya ha fv nkúle futeha ípan a, ntogyi sv Bulu óda fv ípan? Lakpan abwepv oo butópúv ató pan amó aba, yinki hó mú alí. ³⁵ Mú sv mlídwe mli alupv, mlubwe yile ha amó, mlípan amó ató, mlímátí amó akó, mení Bulu óbéka mli íkó tsótóótsó. Fówun mlílabwe Ósvsvsvsv mu Wie amv abi. Tsufe óbv awítóle ha aha ání ató tamagyi amó ansi pú aha lalahe fée. ³⁶ Mlúbwe nwe awunpv fe alá mli Sí Bulu gyi nwe owunpv.

Ulafe

(Mateo 7:1-5)

³⁷ “Mlímále aha íla, mení Bulu mééle mli íla. Mlímáha óhaa ípón, mení Bulu é ómééha mli ípón. Mlísv mli aba íla kie amó, Bulu osí mli klé kie mli. ³⁸ Mlíha aha tóá de amó hian, Bulu óbélaha mli. Óbópúv ató susuhe wanklaan wa mú, wúsv mú, síla mú, íbóbóla tsítsa ha mli. Tsufe tóá fópúsvsv ha fv ba a, mú ken Bulu óbópúsvsv ha fv ní.”

³⁹ Yesu íetra ha amó yebi óbée, “Nsibi obwiepv óbétalí kpa nsibi obwiepv? Amó fée búméekpa wie óbótó? ⁴⁰ Ókasípv tamadón mv wie, tame ókasípv ókasí bí a, ótóbwe fe mv wie.

⁴¹ “Ntogyi sv fude ípi tukuriibi wun fv ba nsibísv, tame fóméde ogyakpatín ání ídún fv klésv mú wun? ⁴² Nte ntogyi sv fude fv ba bla fée, ‘Mí píó, ha mli

andunku ipi fu nsibisu', tame fumedede ogyakpatin ání idun fu klesu mú wun? Apinabwebi ɔbwepu, gyankpa dunku ogyakpatin amu fu nsibisu, menú fówun atɔ wanklaan, talu dunku ipi amu fu ba klesu.

Oyi Pó Mó Abi Swiehe

(Mateo 7:6-20; 12:33-35)

⁴³“Oyi wanklaan méetalu swie abi lalahe. Alu ken oyi lalahe e méetalu swie abi wanklaan ni. ⁴⁴Tsufe oyi-ibi butɔpɔbi mú. Butamakpɔti kankaba okploto oyisu, butamakpɔti tsɔkpɔn e tunkpa iflasu. ⁴⁵ɔha wanklaan tele tsiatɔ wanklaan ɔwan tsu mu kluntɔ, ɔha lalahe e tele tsiatɔ lalahe ɔwan tsu mu kluntɔ. Tsufe tɔá idun ɔha klun a, mútedalu tsu mu ɔno.

Butasu Pó Osubluto Obuyi

(Mateo 7:24-27)

⁴⁶“Ntogyi su mlide mi ti mlíaa, ‘Mí Wie! Mí Wie!’ tame mlítamagyi mi asun blíhesu? ⁴⁷Nósuna mlí alá ɔha ání ɔleba mi wa bonu mi asun, gyi dunka músu gyi. ⁴⁸Ogyi fe ɔha ání ɔba beyi obu, olegyankpa kwi mú ntswíasi ɔbo yɔtu buta, ɔlɔwa ntswíasi amu dunka músu. Breá ntsu lɔbulu kíta mú a, umetalu kpínku obu amu, tsufe oleyi mú wanklaan. ⁴⁹Tame ɔhagyiɔha ání olonu mi asun blíhe, omegyi músu gyi fe ɔha ání oleyi mu obu ɔsulusu keke, ɔmɔwa mú ntswíasi. Breá ntsu lɔbulu wa mú a, ilobwie da gbloo unnu, yinta féé!”

Romafɔ isa Akɔpu ɔhande Osumpu ɔku lɔ Tsa

(Mateo 8:5-13; Yohane 4:43-54)

7 ¹Breá Yesu lebla aha amu asun anfi féé ta a, ɔlɔyɔ Kapernaum wulutɔ. ²Romafɔ isa akɔpu ɔhande ɔku bu unu. ɔbu osumpu ɔkɔá ɔtɔhe kle mu asun. Osumpu amu delɔ, odekle owu. ³Breá isa akɔpu ɔhande amu lonu Yesu nka a, ɔlɔwa *Yudafɔ ahande aku sɔsɔ Yesu ɔbeɛ, buyokokoli mu ɔbétsa mu osumpu amu lɔ ha mu. ⁴Ahanda amu behɛ kokoli Yesu beɛ, “Abwii ipa, ni ɔku lehian fu mbua a, mumu oyin anfi ni! ⁵Tsufe ɔtɔdwe aní pi. Muleyi aní ***ofiakpa** kuraa ha aní ni.”

⁶Mú su Yesu muva amúnycɔ bɔpu ɔkpa. Breá beta woyi amutɔ wie ta a, isa akɔpu ɔhande amu lɔwa mu anyawie ɔbeɛ buyefia Yesu, abubla mu beɛ, mbeɛ, “Owie! Máhan fu iwí, tsufe mmɔfun ání féba mi woyitɔ. ⁷Nawun ání mi e mmɔfun ání néba fu wa. Fu mú bli aswanku, iwí bɔwa mi osumpu amu ɔnlun. ⁸Tsufe mi e mbu ahanda aku asi. Isa akɔpu aku e bubu mi asi. Nele ɔno mbeɛ amútɔ ɔku ɔnati a, ɔtenati. Ni mbeɛ ɔba e a, ɔteba. Togyitɔá nebala mi osumpu mbeɛ ɔbwe a, ɔtɔbwe.”

⁹Breá Yesu lonu asun anfi a, ɔno lobwie mu, ɔledamli bla ɔdom amuu bubuo mu amu ɔbeɛ, “ɔnokwali asun nde mlí bla, mmɔkɔwun ɔha ání ɔbu hogyi kpɔnkpɔnti anfi odu Israelfɔtɔ kuraa kí!”

¹⁰Breá abɔpu amuu isa akɔpu ɔhande amu lɔwa amu beyinki yɔ woyitɔ a, bowun ání osumpu amu iwí lawa mu ɔnlun.

ɔsɔrapu ɔku Mu Bi Tsinki

¹¹lɔmɔwa ɔpá kuku Yesu lɔyɔ Nain wulutɔ. ɔdom bubuo muva mu ***akastpu**. ¹²Breá olowie wulu ɔno a, ɔlɔtu aku busun fuli akpasu beba. Obi yinhe ɔkule

pe ogyi ha ɔsurapu ɔku. Ɖɔɔm kpɔnkpɔnkpɔntɔ́á botsu wulu amutɔ e bubuo ɔtsi amu. ¹³Breá anu Wie lowun ɔtsi amu a, mu asun lowa mu nwe, ɔlebla mu ɔbee, “Másu!” ¹⁴Mu ɔlɔyɔɔɔɔ ibi da akpa amu, asurapu amu besi lu. Inu ɔlebla fuli amu ɔbee, “Ɖyasubi, nde fu bla mbɛɛ, kusu!” ¹⁵Inu fuli amu lɔkusu tsia, wa tɔi bi. Yesu lɔpu mu wa mu yin ibitɔ.

¹⁶Ifu lekita aha amu féé, bekanfu Bulu bee, “Bulu labɔbua mu aha! Mu ɔnɔsɔ ɔtɔpu kpɔnkpɔntɔ́ ɔku lalin anitɔ!”

¹⁷Yesu iwɔ asun anfi leklet wa Yudea ɔmá pú awulúá ibu nsine unv fééɔ.

Yesu Mva Asu Ɖɔɔpu Yohane

(Mateo 11:2-19)

¹⁸Asu Ɖɔɔpu Yohane akasipu beyebla mu asun anfi féé. Mú su ɔlowa amótɔ abanyɔ sisi Yesu ɔbee, ¹⁹buyefite mu bee, “Fugyi ɔha amusu ɔbéba amu nu, nte aki ɔha bamba ɔkpa?”

²⁰Breá aha amu beba bowie Yesu wa a, bebla mu bee, “Asu Ɖɔɔpu Yohane ɔbee abéfite fu anɔaa, ‘Fugyi ɔha amusu ɔbéba amu nu, nte aki ɔha bamba ɔkpa?’ ”

²¹Yesu letsa alɔpu pú aha ání iwɔ de amú ɔsun tsɔtsɔɔtsɔ alɔ bre amutɔ. Olegya ***ɔɔge lalahe** le ahato, bwii ansibi abwiepu tsɔtsɔɔtsɔ e ansibi. ²²Inu ɔlele Yohane akasipu asun amu ɔnɔ ɔbee, “Mlyinkɔ yebla Yohane tɔ́á mlɔlabowun pú mɔ́á mlɔlabonu. Mlɔlabowun ání ansibi abwiepu buɔe atɔ wun, abɔ buna. ***Uw pepe** alɔpu iwɔ depli, iwɔ atinpu buɔe asun nu. Afuli buɔetsinki, ahianfu e buɔe asun wanklaan amu nu. ²³Bulu obóyula ɔha ání mɔ bwehe mɔkusu lu musu.”

²⁴Breá abi amusu Yohane lowa sumbi amu beyinkɔ bɔyɔ a, Yesu lowa tɔi tsu Yohane iwɔ suna ɔɔm amu bi. Ɖbee, “Breá mlɔledalɔ yɔ dimbisu unv a, nɔ ɔkɔkpa mlɔlɔyɔ? Fita ání afu de mú tsun loo? Ekekeke! ²⁵Nɔ megyi mú a, nɔ koun ɔkɔkpa mlɔlɔyɔ? Ɖha ání ɔɔɔɔ ntsrim. Ekekeke! Aha ání buɔeɔɔɔ tati amu odu gyi ɔɔwe a, awie woyi buɔetsia. ²⁶Mlɔbla mɔ! Bulu ɔnɔsɔ ɔtɔpu mlɔledalɔ yekɔ? Ee, Yohane nɔ. Ɖɔun Bulu ɔnɔsɔ ɔtɔpu. ²⁷Mu iwɔ asun Bulu lebli bɔwanlin mú tswi bee, ‘Kɔ, nde obi wa gya fu nkpa. Mu ɔbéla ɔkpa ha fu nu.’ ” ²⁸Yesu lɔyɔ mu asunsu ɔbee, “Nde mli bla mbɛɛ, ɔhagyɔɔha ání ɔha tsihe laken kwu mɔfun mu, tame mu e ɔmɔfun ***Bulu iwiegyi** amutɔ ɔkusu kuraa.”

²⁹Aha ání bonu Yesu asun anfi pú ***lampoo ahɔpu** kuraa bowun ání Bulu asun da ɔkpa. Botsula ha Asu Ɖɔɔpu Yohane lɔbɔ amú ***asu**. ³⁰Tame ***Farisifo** pú Mose mbla asunapu amu mú bumeha Yohane ɔbɔ amú asu. Bekina tɔ́á Bulu lehuhe ha amú bwe.

³¹Yesu lɔyɔ mu asunsu ɔbee, “Sei anfi a, amendi nɔpukapu ndemba-abi anfi? Nɔ belan? ³²Bugyi fe nyebiá butsie dunsu buɔe aba kpoli bli bee, ‘Anɔlaplei ansigyisv, mɔmetsa. Mú su anɔlawá awɔreho ulv, tame mɔmosu.’ ³³Mlyigi fe nyebi anfi, tsufe Yohane leba a, oletsia kɔi ɔnɔ, omonun nta, tame mɔɔaa, ‘Ɖɔge lalahe bu mutɔ!’ ³⁴Mɔ, Nyankpusa-Mu-Bi anfi mú naba nde atɔ gyi, nde nta nun. Mú e mɔɔaa, ‘Mlɔkɔ opotsuapu pú nta ɔbɔpu. Lakpan abwepu pú lampoo ahɔpu onyawie.’ ³⁵Tame ɔha ání ɔbu Bulu nyansa a, mu tsiatɔ tele mú ɔwan.”

Ɖtsi Lakpan Ɖbwepu Ɖku

³⁶Farisiyin ɔku leti Yesu atɔ ogyikpa mu woyitɔ. Breá Yesu tsie ɔpɔnu amu asɔ a, ³⁷ɔtsi ɔkúá ɔbu wulu amutɔ, ogyi lakpan ɔbwepu lonu Yesu nka ání batswɔ ɔpɔnu

ha mu Farisiyin amu woyitɔ. Inu olotsu mu ofobi fanfan ání ibi bia prentua wan-
kiaan ɔbo ba unu. ³⁸Ɖlebede akpawunu Yesu ayabiasɔ, ɔlekpa isu yi woo. Ɖɔpu
mu ntsú fwɔ Yesu ayabiasɔ, pu mu nwunsv-imi tsitsi mú. Ɖɔkula Yesu ayabi puta,
tsei ofobi fanfan amu wuli mu ayabisu. ³⁹Breá Farisiyin amuv ɔletɔ Yesu amu
lowun un a, ɔleblɔ wa nwuntɔ ɔbee, “Nɔ Bulu ɔnɔsv ɔɔpuv oyin anfi gyi lele a, teku
alawun ɔha oduá ɔtsɔ anfi gyi asa ɔdepu ibi da mu, tsufe lakpan ɔbwepu ogyi.”

⁴⁰Yesu lebla oyin amu ɔbee, “Simon, mbu asvanku bla fu.”

Simon lefite mu ɔbee, “Osunapu, amansu igyi? Bla mi.”

⁴¹Yesu lebla mu ɔbee, “Aha abanyɔ aku bepan sika oyin ɔku wa. Ɖkule lepan
blɔba-anu (5,000,000), ɔkule ε lepan mpɔm lafanu (500,000)^c. ⁴²Bumenya
kɔba amu ka. Mú sv oyin amu lesikie amú abanyɔ féé. Bla mi, amúto ɔmɔmu
ɔbɔdwe oyin amu dun?”

⁴³Simon lebla mu ɔbee, “Nahogyiá ɔmɔmuv mu ɔku tɔɔ dun amu.”

Yesu lebla mu ɔbee, “Ɖnɔkwalt igyi.” ⁴⁴Inu Yesu leyinki kɔ ɔtsɔ amu, ɔlebla
Simon ɔbee, “Fawun ɔtsɔ anfi? Neba fu woyitɔ a, fumeha mi ntsu anfwɔ aya-
biasɔ. Tame ɔtsɔ anfi mú lapu mu ntsú fwɔ mi ayabiasɔ, pu mu nwunsv-imi
tsitsi mú. ⁴⁵Fumelata mi puta, tame tsu breá neba nfi ɔpá a, ɔtsɔ anfi mɔkusi
mi ayabi kula puta. ⁴⁶Fumetsei ofobi wuli mi nwuntɔ, tame mu mú alatsei
ofobi fanfan wuli mi ayabisu. ⁴⁷Mú sv nde fu bla mbee, ɔdwe tsɔtsɔɔtsɔ anfi
alale suna mi anfi idesuna ání Bulu lasi mu lakpan tsɔtsɔɔtsɔ amu féé kie mu.
Tame ɔha ání Bulu osi lakpan kpalobi kie mu a, ɔdwe kpalobi ɔtele suna.”

⁴⁸Inu Yesu lebla ɔtsɔ amu ɔbee, “Nasi fu lakpan féé kie fu.”

⁴⁹Aha amuv amúa Yesu butsie ɔpunvasɔ amu beblɔ wa nwuntɔ bee, “Ma gyi
oyin anfi ɔbee, muna mude aha lakpan sikie amú.”

⁵⁰Muv Yesu lebla ɔtsɔ amu ɔbee, “Fu hogyi laho fu nkpa. Natɔ iwilwiitɔ.”

Atsɔ́ Bobuo Yesu

8 ¹⁻²Imɔwa ɔpá kuku, Yesu leki awulu múa nkuda astɔ, ɔde ***Bulu iwiegyi**
amu iwɔ asun wanklaan ɔkan da. Mu akasɔpu duanyɔ amu pú atsɔ akvá
olegya ***ɔɔɔ lalahe** le amúto, tsa amú ɔbo bobuo mu. Atsɔ amu gyi, Magdalayin-
tse ***Maria** ání Yesu legya ɔɔɔ lalahe asienu le mutɔ. ³Owie ***Herode** woyisɔ
ɔkɔpu Kusa mu ka Yohana. Ɖtsɔ ɔkvá butetu mu Susana pú atsɔ tsɔtsɔɔtsɔá
betsia pu amú atɔ kɔ Yesu mva mu akasɔpusu.

Atɔ-abi Owunypu Iwɔ Yebi

(Mateo 13:1-9; Marko 4:1-9)

⁴Breá ɔdɔm kponkpɔnkponkɔntɔ botsu awulu-awulusu ba befia Yesu wa a,
ɔleha amú yebi ɔbee,

⁵“Ɖɔɔɔpu ɔku ɔyɔ atɔ-abi owunypa. Breá ɔde mú wunya a, ɔku ɔwuli
ɔkpatɔ, aha betsatsa músv, mbubwi ε ɔtswetswe mú féé. ⁶Ɣku ɔwuli abutasu,
ɔtunéa ɔsi kpalobi dun. Ʃlɔwa ɔsa kwe, tame breá owi lelun a, ɔlɔto mú mɔ, tsufe
imenya ntsu. ⁷Abi amu kv ɔwuli awutɔ, awu amu ɔlɔbɔla kɔta mú, umedan.
⁸Abi amu kv ɔwuli ɔsulɔ wanklaansu, dan. Ʃloswie abi tsɔtsɔɔtsɔ fe mú amuv
olodu amu odu tse lafa.”

c 7:41 Sika anfi igyi sika fututu lafanu (500) múa aduenu (50), igyi ɔha nke lafanu (500) múa
aduenu (50) ɔkɔka

Yesu lɔmɔ mu asun ɔno ɔbee, “Ɔha ání ɔbu asu onu.”

Tɔ́á Svá Yesu Lɔ́tɔ́i Ayebisu
(Mateo 13:10-17; Marko 4:10-12)

⁹Yesu akasipɔ befite mu yebi anfi asi. ¹⁰Ɖlebla amú ɔbee, “Bulu laha mli ɔkpa ɔbee, mliɔ́ mu ***iwiogyi** amu iwɔ asun ɣainhe. Tame nde aha bamba asun bla ayebisu, menɔ bówun, tame buméebu. Bónu, tame bumóonu mú asi.

Atɔ́-abi Owunyapɔ Yebi Amu Asɔ́
(Mateo 13:18-23; Marko 4:13-20)

¹¹“Yebi amu asɔ́ nɔ. Atɔ́-abi amu gyi Bulu asun. ¹²Abi amuv ulɔwɔli ɔkpatɔ amu gyi aha ání butonu asun amu, tame Ɖbunsam teba bele mú le amú klɔntɔ, menɔ bumɔ́ɔhɔ músu gyi, fówun bénya nkpa ání utamata. ¹³Abi amuv ulɔwɔli abutasu amu gyi aha amuv bonu asun amu pe, bahɔ mú ansigyisɔ, tame buma nlin. Mú su butamahogyi wa ɔpá. Nɔ ɛsɔki ku inya tv amú pe badɔda. ¹⁴Abi amuv ulɔwɔli awutɔ amu gyi aha ání bonu asun amu a, bahɔ mú, tame ɔyi anfɔtɔ atohianhe iwɔ gywun, pú mútɔ atonyahe iwɔ ansigyɔ tegyi asun amuv. Lɔ́ su butamaswie abi dan. ¹⁵Abi amuv ulɔwɔli ɔsulɔ wanklaansu amu gyi aha amuv bonu asun amu a, butɔhɔ mu wa ɔklun wanklaan ání itonu asun, gyi músvɔ. Lɔ́ su butotomi swie abi tsɔtsɔtsɔ.

Ɖkandɛ Iwɔ Yebi
(Marko 4:21-25)

¹⁶“Ɖhaa tamanywe ɔkandɛ pv atɔ bun músv, nte pɔwa mpa ayasi. Ɖfvakpa ɔtɔpɔbian, menɔ ibɔ́wankɔ ha aha ání béba woyi amutɔ.

¹⁷“Tsufe tɔtɔ ma unvá ibéɣain, uméelun ɔwan. Asun ɣainhe kukv ε ma unvá buméebu mú.

¹⁸“Mliki wanklaan mli asun-nutɔ. Tsufe ɔha ání odekleá obónu mi atosunahe amu asɔ́ a, Bulu ɔbɔ́pv ɔku tsɔa mútɔ ha mu. Tame ɔha ání omedekleá obónu mú asɔ́ a, Bulu ɔbɔ́swu mu kpalobi amuv olosusúá alabi amu kuraa.”

Yesu Abusuanfɔ Onuto
(Mateo 12:46-50; Marko 3:31-35)

¹⁹Yesu mu yin mva mu apio beba mu wa, tame ɔɔm amu su bumetalɔ wie ba mu wa. ²⁰Aha amutɔ ɔku lebla Yesu ɔbee, “Fv yin mva fv apio bulu kpankpa, budekleá bówun fv.”

²¹Yesu lebla amú ɔbee, “Mɔ yin mva mi apio gyi aha ání butonu Bulu asun amu, gyi músv.”

Atsufu Asɔ́ba
(Mateo 8:23-27; Marko 4:35-41)

²²Ɖke ɔku Yesu lebla mu akasipɔ ɔbee, “Mliha afa Galilea ɔpv yɔ ɔbun.” Mú su bɔpv ɔkpa bɔyɔ. ²³Breá bɔyɔ a, Yesu ledɔdɔ. Lɔ́v afu kɔ́nkɔ́nkɔ́nkɔ́ntɔ ku lɔ́wa tsun bi. Ntsu amu ideda wie ɔklun amutɔ, idekle umɛ. Lɔ́tv amú ansu pepe. ²⁴Mú su betsinki Yesu, bla mu beɛ, “Anɔ Wie! Anɔde ntsu wie!”

Yesu lɔ́kɔsv le ɔno wa afu múa ntsu amu, unv féé lɔ́lva. ²⁵Lɔ́v ɔlefite amú ɔbee, “Mli hogyi me?”

Ifu lekita amú, ònò lobwie amú, befite aba bée, “Nyankpusa òmòmú ní, alale ònò wa afu m̀́a ntsu kuraa, banu mu òme alí?”

Ɖ́e Lalahe Gya Le Ogbedepɔ

(Mateo 8:28-34; Marko 5:1-20)

²⁶Yesu m̀́va mu akasɔpɔ befa ɔpɔ tsu Galilea yowie Gerasefɔ^d ɔsulɔsɔ. ²⁷Breá Yesu dedali ɔklɔn amɔtɔ a, oyin ɔkɔá otsu wulu amɔtɔ, ɔ́e lalahe bu mɔtɔ lebefia mu. Oyin anfi lekpa atɔ, tu dali woyitɔ, yɔ otsie afuli opulakpa ulawa ɔpá. ²⁸Breá olowun Yesu a, ɔlɔsvra okitikiti, da akpawunu mu ayabitɔ, kplɔn bli ɔ́ee, “Ɖ́sɔsɔsɔ Bulu mu Bi Yesu, amansu igyi? Kokoli, mápɔtɔ mu atɔ.” ²⁹Alí bre amɔtɔ a, Yesu lakplɔn wa ɔ́e lalahe amu ɔ́ee, idali mɔtɔ dodo. Mú sv oyin amu lebli alí ní. Ɖ́e lalahe amu itowie mɔtɔ bregyibre. Mú sv butɔwa mu ibi p̀́ mu ayabi ikan, gyo mu iwí. Mú oo a, otebia ikan amu, ɔ́e lalahe amu itɔha mu ɔ́esrɔ wie aputu.

³⁰Lnɔ Yesu lefite mu ɔ́ee, “Nkali butetɔ fu?”

Oyin amu lele mú ònò ɔ́ee, “Mí da gyi ‘Ɖ́òm.’ ” Tsufe ɔ́e lalahe tsɔtsɔ-ɔtsɔ bu mɔtɔ. ³¹Ɖ́e lalahe amu bokokoli Yesu bée, ɔmagya amú yɔwa ilan klukluukluá uma ɔkatɔ.^e

³²Mprakuo tsɔtsɔɔtsɔ aku budegyi okuku kɔsv inu fun. Mú sv ɔ́e lalahe amu bokokoli Yesu bée, ɔha abyowowie mprakuo amɔtɔ. Ɖ́leha amú ɔkpa ɔ́ee bɔyɔ. ³³Lnɔnɔ bedali oyin amɔtɔ yowie mprakuo amɔtɔ, amú f́é besrɔ kpakpli okuku amu wie ɔpɔtɔ, wuwu.

³⁴Breá mprakuo akpapɔ amu bowun tɔá ilaba a, besrɔ yebli asun anfi wulɔtɔ p̀́ ɔmá amɔtɔ. ³⁵Lnɔ aha beba beki tɔá ilaba. Bowun ání oyin amu teki ɔ́e lalahe bubu mɔtɔ amu ansɔtɔ ladɔ, alawa atadiɔ otsie Yesu wa. Ulɔwa amú ifu. ³⁶Aha amu bowun utɔ amu ulɔba amu bebla amú altá oyin amu ɔ́e lalahe bubu mɔtɔ amu lenya mu ulɔtsa. ³⁷Ɖ́ma amɔtɔ aha f́é bokokoli Yesu bée, ɔdali amú ɔmátsɔ, tsufe ifu lehɔ kɔta amú. Mú sv Yesu lowie ɔklɔn amɔtɔ ɔ́ee amɔnatɔ. ³⁸Oyin amu teki ɔ́e lalahe tsie mɔtɔ amu lokokoli mu ɔ́ee, “Ha mí ambuo fu yɔ.” Tame Yesu meha mu ɔkpa.

³⁹Mboun ɔ́lebla mu ɔ́ee, “Yínki yɔ woyi, afuyebla mí p̀́ toyileá Bulu labwe ha fu.”

Mú sv oyin amu leki wulu amu f́é fia, ɔ́de itoyile amu Yesu labwe ha mu amu bli wulu amɔtɔ f́é.

Ɖ́hande Ɖ́ku Mu Bi M̀́va Ɖ́tsɔ Ɖ́ku Ulɔ Tsa

(Mateo 9:18-26; Marko 5:21-43)

⁴⁰Breá Yesu leyínki yowie ɔpɔ amu ɔ́bɔn a, ɔ́òm bɔ́hɔ mu atuu, tsufe bude mu ɔkpa kí. ⁴¹Lnɔ oyin ɔkɔá butetɔ mu Yairo, ogyi Yudafɔ ***ofiakpa** ɔ́hande leba beda akpawunu mu ayabitɔ, kokoli mu ɔ́ee, ɔba abɔyɔ mu woyitɔ. ⁴²Mu bí tsihe ɔ́kɔle pɔá ɔ́bɔ, alahɔ nfi duanyɔ da odewu.

Breá Yesu lɔpɔ ɔ́yɔ inu a, ɔ́òm amu bubuo mu amu bekpa buo mu yee. ⁴³Ɖ́tsɔ ɔkɔá obugya de mu wulɔ nfi duanyɔ ní, ɔ́haa m̀́kɔtalɔ tsa mu, alayinta mú iwɔsv atɔ f́é ulɔ atsapɔ tɔbɔ bu aha amɔtɔ. ⁴⁴Ɖ́tsɔ anfi lɔtsɔn yɔ Yesu ɔ́ma,

d 8:26 *Gadarafɔ* bu nwulɔ dada amu akɔtɔ. e 8:31 ilan klukluukluá uma ɔka gyi ɔ́e lalahe tsu ɔ́bitkpa.

pu ibi da mu tati osiebi. Inunu obugya amu leka itin. ⁴⁵Muu Yesu lefite ɔbee “Ma lapu ibi da mi?”

Breá aha amu féé bee bumɔkɔpu ibi da mu a, Petro lefite Yesu ɔbee, “Mi Wie, ɔɔm anfi bupu fu anfi a, mú fude asun anfi fite?”

⁴⁶Tame Yesu lebli ɔbee, “Ɔku lapu ibi da mi. Nawun ání ɔge ku ladali mutɔ.”
⁴⁷Breá ɔtsi amu lowun ání itɔ amuu mabwe amu lalin ɔwan a, ɔledali ba. Ɖɔekpinku kpakpakpakpa, ɔleyeda akpawunu Yesu ayabito, bla mu aha amu féé ansitɔ tɔá svá mɔpu ibi da mu, pu alá manya ulotsa. ⁴⁸Lu Yesu lebla mu ɔbee, “Mi bi, fu hogyi latsa fu ulɔ. Nati iwilwiitɔ.”

⁴⁹Breá Yesu bu mu tɔ anfi su a, ɔku lesu tsu Yairo woyitɔ ba bebla mu ɔbee, “Fu bi amu ɔdikpa mɔwa ale. Mátepi tra wa osunapu tɔ.”

⁵⁰Breá Yesu lonu asun anfi a, ɔlebla Yairo ɔbee, “Mánya ifu. Fu mú hogyi wule, obénya nkpa.”

⁵¹Breá Yesu lowie woyitɔ unu a, ɔmeha ɔhaa obuɔ mu yɔ obuá kebi amu da mútɔ, dun Petro, Yohane, Yakobo pú kebi amu akwuɔpu. ⁵²Alɔ bre amutɔ a, aha amu féé buɔdesu, buɔde okitikiti. Yesu lebla amú ɔbee, “Mlusi okitikiti sura. Ɖmɔkɔwu, didi ɔde.”

⁵³Aha amu féé buyin ání otsibi amu lawu. Mú su bɔmɔsi Yesu. ⁵⁴Lu Yesu lekita otsibi amu ibi, kpoli mu ɔbee, “Obi, kusv!” ⁵⁵Ɖge lelawie mu, ɔɔkusu lu ɔtsawule pe. Muu Yesu lebla amú ɔbee, “Mlidunka tɔku ha mu ogyi.” ⁵⁶Ɖnɔ lobwie otsibi amu akwuɔpu, tame Yesu leɔa amú ɔla ɔbee, “Mlumábla ɔhaa asun anfi.”

Akasɔpu Duanyɔ Amu Sumbiwa

(Mateo 10:5-15; Marko 6:7-13)

9 ¹Yesu leti akasɔpu duanyɔ amu fia, ɔleha amú tumi, ha amú ɔkra ɔbee, buɔga ***ɔge lalahe** féé, abutsa ulɔ. ²Ɖɔlwa amú ɔbee, buyeda Bulu iwiegyi amu ɔkan, abutsa alɔpu. ³Ɖlebla amú ɔbee, “Ni mlɔyɔ a, mlumátsu tɔtɔ. Mlumátsu oyi yiahe, akpankogyo, atogyihe, kɔba nte atadie nyɔsi. ⁴Woyigyiwoyitɔá bóhɔ mli a, mlɔtsia unu yɔfun ekeá mlédali wulu amutɔ. ⁵Ni bumɔhɔ mli wulu kusv, mlidedali mlɔyɔ a, mlɔkpakpa mli ayabito-isi wulu wulu amutɔ, isuna ání bumebi bwe.”

⁶Benati ki nsune unu awulu féésv, buɔde asun wanklaan amu ɔkan da, tsa ulɔ.

Herode Legyigya

(Mateo 14:1-12; Marko 6:14-29)

⁷Breá Galilea ɔmásv ogyipu ***Herode** lonu tɔá ide músv yɔ a, olegyigya. Tsufe aku buɔdebli bee, “Asu Ɖbɔpu Yohane lakusu tsu afulitɔ.” ⁸Aku ε bee, “Bulu ɔnɔsv ɔtɔɔpu dada ***Elia** lale iwɔ ɔwan.” Aku ε bee, “Bulu ɔnɔsv atɔɔpu dada amutɔ ɔku lakusu tsu afulitɔ.” ⁹Herode lebli ɔbee, “Naha batun Yohane. Ngya oyin ɔmɔmu iwɔ asun ntra ndenu ali?” Mú sv ɔlɔbɔ mbɔɔɔtá mowun Yesu.

Aha Mpum-nu Atogyihe Ha

(Mateo 14:13-21; Marko 6:30-44; Yohane 6:1-14)

¹⁰Yesu ***sumbi ayɔpu** amu beyinku ba bebla mu tɔá bayɔbwe. Ɖlekpa amú buo iwɔ, amú nkule bóyɔ Betsaida wulutɔ. ¹¹Breá ɔɔm amu bebtá ɔbu unu a,

begya mu okpa ya unv. Yesu lɔhɔ amú atuu, ɔlebla amú Bulu iwiegyi amu iwi asun, ɔletsá amúá budelo.

¹² Breá owi depɔn a, sumbi ayɔpu duanyɔ amu beba bebla Yesu beɛ, “Ha amú abɔnatɪ, menɪ bétalɪ yɔ awuluá ibv manta nɪfsv yodunka atogyiɛ múá ɔdukpa, tsufe anuméenya tɔtɔ ha amú dimbi anɪtɔ.”

¹³ Tame Yesu lele mú ɔnɔ ɔbeɛ, “Mludunka atɔ ha amú abugyi.”

Akasɪpu amv bebla mu beɛ, “Tɔá anɪv fɛ́é gyi bodobodo apin anu pú ntsutso iye bwaɛ anyɔ. Nketɪ anɪlayɔhɔ atogyiɛ ba aha anɪ fɛ́é.” ¹⁴ (Ayin ání bubv unv bóbwe fe mpɪm-nu (5,000).)

Yesu lebla akasɪpu amv ɔbeɛ, “Mlɪha amú abvtsia okutɔ. Iku kule ibwe fe aha aduenu (50).”

¹⁵ Akasɪpu amv bóbwe dɪnka músv, ɔhagyɪɔha letsia asi. ¹⁶ Lnv olotsu bodobodo anu pú ntsutso iye bwaɛ anyɔ. Lnv olotsu ansv fva kɪ ɔsvsv, ɔleda Bulu upan. Mv olebiabia mótv pɪha akasɪpu amv ɔbeɛ, buye mú ha amú fɛ́é abugyi. ¹⁷ Amv fɛ́é begyi mwe sian. Breá akasɪpu amv bɔtɔsv isianɛ amv a, ɪɔbɔla alakpa duanyɔ.

Ɔha Ání Yesu Gyi

(Mateo 16:13-19; Marko 8:27-29)

¹⁸ Eke ɔkv Yesu nkule de mpai bɔ, mu akasɪpu amv bubv unv. Mv ɔlefite amú ɔbeɛ, “Ma aha beɛ ngyi?”

¹⁹ Bele mú ɔnɔ beɛ, “Akv beɛ, fvgyi Asu Ɔbɔpu Yohane. Akv beɛ, Bulu Ɔnɔsv Ɔtɔpu ***Elia**. Akv e beɛ, Bulu ɔnɔsv ɔtɔpu dada ɔkv lakvsv tsu afulitɔ.”

²⁰ Mv ɔlefite amú ɔbeɛ, “Mlɪ e me? Mlɪaa, mɪgyi ma?” Petro lele mú ɔnɔ ɔbeɛ, “Fvgyi ***Kristo**, (ɔha amv Bulu lada mu ofuli amv) nɪ.”

Yesu ɪwɪɔsvn Pú Mv Lowu ɪwɪ Asun Blɪ

(Mateo 16:20-28; Marko 8:30-9:1)

²¹ Lnv Yesu leda amú ɔla kpakpaakpa ɔbeɛ, bumábla ɔhaa mu iwi asun anɪ. ²² Ɔletra bla amú ɔbeɛ, “ɪlehian ání mɪ, Nyankpusa-Mv-Bi anɪ nɛ́ɪɛ wun ɪwɪɔsvn tsɔtsɔɔtɔ Yudafo ahande, Bulu ***igyi ahapu dehen** pú Mose mbla asunapv ibɪtɔ. Amú fɛ́é békina mɪ, ha bómɔ mɪ, tame Bulu ɔbélakvsva mɪ tsu afulitɔ eke sasi.”

²³ Lnv ɔlebla aha amv ɔbeɛ, “Nɪ ɔkv dekleá obóbvuo mɪ a, osi tɔá otekle bwe, otsu mu ***oyikpaliɛ** ekekegyiɛke bobvuo mɪ. ²⁴ Tsufe mɪ ɔkv ɪpɪɪ mu nkpa a, ɔbɔhɪlɪ mú. Nɪ ɔkv e lesi mu nkpa ha mɪ sv e a, Bulu ɔbɔhɔ mu nkpa. ²⁵ Nɪ ɔkv onya ɔyɪtɔ atɔ fɛ́é, tame ɔhɪlɪ mu ɔkla a, labi mɔmɔ ɪwɪa ha mu? ²⁶ Nɪ ɔkv onya mɪa mɪ atosunaɛ pelɪ a, mɪ, Nyankpusa-Mv-Bi anɪ e nɛ́nya mu pelɪ breá nna mɪa mɪ Sv pú mu abɔpu wankɪɛ numnyamtɔ nɛba. ²⁷ Ɔnɔkwali nde mɪ bla. Akv bubv mlɪtɔ nɪ bumóowu asa bówun Bulu iwiegyi amv.”

Yesu ɪwtɔse

(Mateo 17:1-8; Marko 9:2-8)

²⁸ Yesu leblɪ asun anɪ ndawɔtswɪ ɔma a, ɔlekpa Petro mva Yohane pú Yakobo buo ɪwɪ, bɔɔv yɔ mpai ɔbɔkpa ibv kvsv. ²⁹ Breá ɔde mpai amv bɔ a, mu ansɪtɔ letse. Mv atadɛ lofuli hvnanana, ɪde ogya kpa. ³⁰⁻³¹ Lnv aha abanyɔá batsia kɪ, bugyi Mose mva Elia bele ɪwɪ ɔwan ɔsvsv numnyamtɔ.

Amúa Yesu bɔtɔɔ tsu mu lowuá Bulu lehiε tswi muá umɔ́wa ɔpá obówu Yerusalem iwi. ³²Petro mua mu aba amu bedɔɔ. Breá bɔwan tsinki a, bowun Yesu numnyam, aha abanyɔ amu ε bɔlu mu wa. ³³Breá aha abanyɔ amu budenatu a, Petro lebla Yesu ɔβεε, “Mɔ Wie, ɔbu aleá abétsia nfi. Ha ada abu asa. Fu kle kule, Mose kle kule, Elia ε kle kule.” (Ɔmebi tɔá ɔdebli).

³⁴Breá ɔde asun anfi bli a, agyinde ku lobobun amú féeεu. Lnu ifu lekita amú abasa amu. ³⁵Lnu a, ɔme ku ledalu tsu agyinde amutɔ ɔβεε, “Ɔni gyi mu Biá nale ni. Mliyaá asu amlinu mu ɔme.”

³⁶Ɔme amu lotsutsua ɔbeka tin a, ɔlasi Yesu nkule unu. Akasipu amu bekpa ɔɔ bun asun anfiεu nke amutɔ. Bumebla ɔhaa tɔá bayowun.

Uɔ Dɔdahe Ɔlɔpu Tsa

(Mateo 17:14-18; Marko 9:14-27)

³⁷Mú ɔyikehe a, Yesu mua akasipu abasa amu bekpli tsu ɔbu amusu, ɔɔm amu befia mu. ³⁸Lnu amutɔ ɔku lɔkplun ɔβεε, “Osunapu, kokoli, damli ki mu bi ha mi. Obi yinhe ɔkule pe ogyi mi. ³⁹Ɔɔhe lalahe ku towie mutɔ, ɔtɔkplun. Ɔtɔɔɔda gbɔla, ɔdeko tsikitsiki, mu ɔɔ ɔɔbwe afu. Ipiantɔ asa itesi mu. Ide mu yinta. ⁴⁰Nobobwii ipa ha fu akasipu amu mbee bugya mú le mutɔ, tame bumetali.”

⁴¹Yesu lele mú ɔɔ ɔβεε, “Ndɔmba-abiá mɔmá hogyi, mli tsiatɔ ma ale. Alu nétsia mli wa, nya klun ha mli ekekegyieke ni?”

Lnu ɔlebla oyin amu ɔβεε, “Kpa fu bi amu ba mi.” ⁴²Breá ɔlekpa kebi amu ɔba a, ɔɔhe lalahe amu lefin mu da, ɔdeko tsikitsiki. Tame Yesu lɔkplun wa ɔɔhe lalahe amu, tsa kebi amu. Lnu oleyinkia mu ha mu su. ⁴³Bulu tumi kɔɔnkɔnti amu leha ɔɔ lobwie aha amu fée.

Yesu Lowu Iwi Asun Bli Tse Nyɔsi

(Mateo 17:22-23; Marko 9:30-32)

Breá mu bwehe ide ɔhagyioha wanwan wa a, Yesu lebla mu akasipu ɔβεε, ⁴⁴“Mlihe yaa asu amlinu. Béle mi, Nyankɔusa-Mu-Bi anfi ha adun bómo mi.” ⁴⁵Tame akasipu amu bomonu mú asu. Bulu lɔpu mú asinu ɔain amú. Mú su umɔwanki amú asun áni ɔdebli. Ifu ε de amú áni béfite mu.

Ma Ɔbɔbwe Ɔhande?

(Mateo 18:1-5; Marko 9:33-37)

⁴⁶Nwen ku leba akasipu amu nsune, tsu amutɔ ɔha áni ɔbɔbwe ɔhande iwi. ⁴⁷Yesu lebi amú agyiwun. Mú su ɔlekpa kebi ɔku belu mu iwi wa. ⁴⁸Muu ɔlebla amú ɔβεε, “Ɔhagyioha áni ɔlɔhɔ kebi anfi mi ɔdatɔ laho mi. Ɔhagyioha áni ɔhɔ mi ε laho ɔha amuu ɔlɔwa mi amu. Tsufe ɔha áni ogyi ɔtrahe mlitɔ fée gyi ɔdehen.”

Ani Obuopu

(Marko 9:38-40)

⁴⁹Yohane lebla Yesu ɔβεε, “Mɔ Wie, anilowun oyin ɔku depu fu ida gya ɔɔhe lalahe, anuleka mu tin, tsufe ɔma anutɔ.”

⁵⁰Tame Yesu lebla amú ɔβεε, “Mlumáka mu tin! Tsufe ɔha áni ɔmɔkusu lu mlisu buo mli.”

Samariafo Yesu Maho

⁵¹Breá nkeá Bulu obótsu Yesu ya ósusu dekpukpe ba a, ólóbwe agywun ání óbóyo Yerusalem kokooko. ⁵²Ólwa abi gyankpa yo ***Samaria** wulu kusu óbee, buyela unv yai ha mu. ⁵³Tame bumóhó mu wulu amúto, tsufe Yerusalem óyo. ⁵⁴Breá mu akasípu Yakobo mua Yohane bowun alí a, befitte mu bee, “Aní Wie, fudekle fee aha ogya itsu ósusu bóhó amú m?”

⁵⁵Tame Yesu ledamli, wa iyin wa amú.^f ⁵⁶Muu bópu ókpa yo wulu bambasu a.

Aha Ání Bee Bóbwe Yesu Abuopo

(Mateo 8:18-22)

⁵⁷Breá buna ókpató bóyo a, oyin óku lebla Yesu óbee, “Nóbuo fu yo ótunegyíótunéá fýo.”

⁵⁸Yesu lebla oyin amu óbee, “Awia búbu mbo, mbubwi é búbu asia, tame mi, Nyankpusa-Mu-Bi anfi mú a, mma ótunéá nópu mi nwun tswi.”

⁵⁹Yesu lebla óha bamba é óbee, “Bobuo mi.”

Tame oyin amu lebla mu óbee “Owie, ha mi anyopula mi si asa ambobuo fu.”

⁶⁰Muu Yesu lebla mu óbee, “Si awupu^g abupula amú afuli. Tame fu mú yo afuyeda Bulu iwiegyi amu ókan.”

⁶¹Óku é lebla mu óbee, “Mí Wie, nóbuo fu, tame ha mi anyinki yekla mi woyito aha asa.”

⁶²Yesu lebla mu óbee, “Óha ání ótesri damli kí óma mofon ha Bulu iwiegyi amúto agyuma yo.”

Akasípu Aduesienc-nyo Sumbi Wa

(Mateo 10:7-16)

10 ¹Íni óma a, Yesu lele mu akasípu aduesienc-nyo (72)^h aku é, ólwa amú abanyo-abanyo óbee bugyankpa yo wulugyiwuluá mu onuto mójó mósu. ²Ólebla amú óbee, “Ató kpótíhe amu itsó, tame mú akpótípu bumótsó. Mú su mlúkokoli ndó mu wie, ówa akpótípu tsótsó abúba bókpóti mu ató amu. ³Mlúnati, mlíbíá nde mli wa fe akufabi óyo adundúto. ⁴Mlúmátsu sika kente, akpankogyo nte ntúkuta kita. Ní mluna ókpató a, mlumálu tuntun aha. ⁵Ní mlowie woyigiyowoyito a, mlígyankpa bla amú mlíaa, ‘Bulu óhaa mli iwílwii.’ ⁶Ní woyi mu wie amu tekle iwílwii a, mli iwílwii bésin woyi amusu. Tame ní ótamakle iwílwii a, íbésanki ba mli wa. ⁷Mlútsia woyi amu bóhó mli móto amúto. Mlígýi ató, amlnun togýitá béha mli, tsufe agyuma óyópu búteka íko. Mlímátu layetsia woyi bambató. ⁸Ní mlowie wulu kusu, bóhó mli a, mlígýi tóá béha mli. ⁹Mlútsa alópá búbu wulu amúto, amlíbla wulu amúto aha mlíaa, ‘Bulu iwiegyi lawie woyi ta.’ ¹⁰Tame ní mlowie wulu kusu, bumóhó mli a, mlídali yelu brónusu; amlíbli mlíaa, ¹¹‘Anúde mli wulúto otutu amu ulawúli aní ayabíasi amu kuraa kpakpa wúli. Tame mlíbíá Bulu iwiegyi

f 9:55 Íni bu nwolo dada amu akúto: Óbee, “Mlímeyin óhe odúá íde mli kpa. Tsufe Nyankpusa-Mu-Bi amu meba aha ómókpa, nkpa óhókpa óleba.” g 9:60 Awupu gyi aha ání bawu ójeto.

h 10:1 Aduesienc-nyo (72): Aduesienc (70) bu nwolo amu akúto.

amu lawie woyi ta.’¹² Nde mli bla mbee, Bulu obébiti wulu amuto aha isu dun Sodomfo mu asun ogyike amu.

Aha Ání Bumedamli Kluntó Asungyi

(Mateo 11:20-24)

¹³“Korasinfo, mligyowí. Betsaidafó, mligyowí ní. Ní Tiro pú Sidon awulu lalahe amuto nobwe ofula akpónkpónti anfi nobwe mluto anfi a, teku buda akpekpetó, bakpa nsuo wa nwunto pusuna ání badamli kluntó. ¹⁴Tame mlubá Bulu obébiti mli isu mu asun ogyike dun Tiro mu Sidonfo. ¹⁵Mli Kaper-naumfo, mlidekle mlíaa mlótsu iwí fva alu yowó ósusu? Ekékekéke! Bulu obéba mli así yowie afulitá.”

¹⁶Yesu lebla mu akasipó amu óbee, “Óha ání óhó mli asun laho mi. Óha ání olekina mli asun hó lakina mi asun hó. Óha ání olekina mi asun hó é lakina mi Si amu ólwa mi amu asun hó.”

Akasipó Aduesienó-nyó Amu Yinki Ba

¹⁷Akasipó aduesienó-nyó amu beyinki ba ansigyisu. Bebla Yesu bee, “Ani Wie, ní akplón wa ***óhe lalahe** kuraa fu idato a, butobu aní.”

¹⁸Yesu lebla amó óbee, “Nowun ání Satan lekpa tsu ósusu fe altá nsaintó tófwí ibi beda ósuluto pó. ¹⁹Mlinu! Naha mli tumiá mlútsatsa awó pú nyankp-ukpiesu tsun, amligyi Óbunsam tumi féésu. Tótóótó móbwe mli. ²⁰Tame ansí magyi mli ání óhe lalahe labu mli. Mboun ansí igyi mli ání Bulu lawanlun mli ada tswí ósusu.”

Ansi Legyi Yesu

(Mateo 11:25-27; 13:16-17)

²¹Alí bré amuto a, ***Óhe Wankthe** leha ansí lehte gyi Yesu. Mu óleblí óbee, “Mí Sí, ósu móa así Owie! Neda fu ipan ání fale tóá fópupain anyansapó pú asun abipó owan suna aha ání bumeyin ólala, bugyi fe nyebi. Ee, mí Sí! Alí fudekle fee iba móto ní.”

²²Mu ólebla mu akasipó amu óbee, “Mí Sí lapó togyitó wa mí ibitó. Óhaa meyin óha ání Obi amu gyi, nketi Ósú amu nkúle. Óhaa meyin Ósú amu é, nketi Obi amu, pú óha ání Obi amu latsula ání óbéle mu suna mu.”

²³Bréá óhaa má amó wa a, óledamli kí amó, bla amó óbee, “Mli mó a, Bulu layula mli, mlide ató anfi wun. ²⁴Nde mli bla mbee, Bulu ónósu atóipó pú awie tsótsótsó bekleá bówun ató anfi, abonu asun anfi mlidenu, tame bumena mó alí.”

Samariayin Awitólépo Óku

²⁵Mose mbla osunapó óku lókusú lí fite Yesu asun anfi pusó mu kí. Ólefite mu óbee, “Osunapó, ntó mbwe asa anya nkpa ání utamata?”

²⁶Yesu lebla mu óbee, “Nkalí Mose Mbla leblí? Nkalí fonu mó así?”

²⁷Oyin amu lebla mu óbee, “Pó fu klón, fu ókla, fu ówonlun pú fu agywun féé dwe fu Wie Bulu, afúdwe fu ba fe fu iwí.”

²⁸Yesu lebla mu óbee, “Mó fablí a. Bwe mó, fénya nkpa ání utamata.”

²⁹Tame oyin amu lekleá obósuna ání mu asun da ókpa. Mó sv ólefite Yesu óbee, “Ma gyi mí ba?”

³⁰Yesu lebla mu ɔbee, “Bre kusu oyin ɔku lekplɛ tsu Yerusalem ɔyɔ Yeriko. Breá ɔna ɔkpatɔ a, oleyefia ogyo atswapu aku. Aha anfi bekpa mu tati, swu mu atɔ féé, da mu sian mu ma, nati si mu tswi. ³¹Bulu igyi ɔhapu ɔku na ɔkpa amu kensu. Breá olowun mu sɔsi a, ɔlebaɔ tsun ifuntɔ nati si mu. ³²Alɛ ken Lewiyin ɔku ε lɔbɔtu mu, baɔ tsun ifuntɔ nati ni. ³³Tame ***Samariayin** ɔkuá ɔna ɔkpa amusu mú leba bowotii musu. Breá olowun mu a, ɔɔwa mu nwe. ³⁴Ɖlenati ɔyɔtu mu, ɔletsei nta kpekple wuli mu nɔɔsu, yi ofobi wa mú, kɛl mú, tsu mu dɔnka mu afrimusu, pu mu ya afɔɔ ɔswukpa yeku musu. ³⁵Mú ɔyikehe a, Samariayin amu lele sika fututu anyɔ ha afɔɔ ɔswukpa unusu ɔkɛpu ɔbee, ‘Kɛ musu ha mi. Ni feyinta tɔku tsa a, neyinki néka fu.’”

³⁶Yesu lɔmɔ mú ɔno ɔbee, “Fu atɔkɛhetɔ a, aha abasa anfitɔ ɔmɔmu gyi oyin amvu olefia ogyo atswapu amu mu ba?”

³⁷Mose mbla osunapu amu lebla mu ɔbee, “Oyin amvu olowun mu nwe amu.” Yesu lebla mu ɔbee, “Mumu yɔ afuyɔbwe mú odu.”

Marta Mva Maria Wa Yo

³⁸Breá Yesu mva mu akasɛpu buna ɔkpatɔ bɔyɔ Yerusalem a, bowie wulu kusu. Ɖtsi ɔkuá buteti mu Marta lɔho mu ɔfɔɔ, ɔlekpa mu ya mu woyitɔ. ³⁹Mu pio tsihe gyi ***Maria**. Maria anfi lebetsia Yesu ayabiasɛ, ɔde mu atosunahe nu. ⁴⁰Marta nkule dedamli tsun mótɔ, alɛá ibɔ́bwe ɔbɔ́bwe amú afɔɔtɔ. Uɔɔɔn mu. Mvu ɔlenati yɔ Yesu wa, yefite mu ɔbee, “Mɛ Wie, fawun ání mɛ pio lasi agyuma amu féé tswi mɛ nkulesu? Bla mu ɔbétsa mi.”

⁴¹Yesu lebla mu ɔbee, “Oo Marta, Marta! Fude fu iwɛ han ntobi tɔtɔɔtɔtɔ iwɛ. ⁴²Toku kule pe dehian, Maria lale móa ibu ale dɔn. Ɖhaa méetali swu mu.”

Mpatɔ Iwɛ Atosunahe

(Mateo 6:9-13; 7:7-11)

11 ¹Eke ɔku Yesu bu ɔtunekv ɔde mpatɔ bɔ. Breá ɔlɔbɔ ta a, mu akasɛpu amutɔ ɔkule lebla mu ɔbee, “Mɛ Wie, suna anɛ mpatɔ bɔ, fe alɛá Asu Ɖbɔpu Yohane losuna mu akasɛpu.”

²Yesu lebla amú ɔbee, “Ni mlɔ́bɔ mpatɔ a, mɛlɔ́bɔ mú alɛ.

‘Anɛ Si,
aha bubu fu ida.

Ba begyi ***iwie**.

³Ha anɛ atogyiheá ibɔ́fɔn anɛ ekekegyieke.

⁴Si anɛ lakpan kie anɛ,
fe alɛá antesikie aha ání butɔpu ɛla gyi anɛ.
Mákpá anɛ wa ɛkɔktɔ.’”

⁵Ivu ɔlebla amú ɔbee, “Ni mlɛtɔ ɔku bu onyawie a, ɔbɔ́kusv yɔ mu wa ɔyɛn-sɛne yebɛla mu ɔbee, ‘Mɛ nyawie, pan mɛ bodobodo apin asa. ⁶Mɛ nyawie ɔku labɔswu mɛ seseesei. Mma tɔtɔá néha mu obégýi.’

⁷“Mu nyawie amv ɔbébla mu sɔsi ɔbee, ‘Máwa mɛ tɔ. Mɛ mɛ abi anɛladi. Nafin obu, mméetali kusu beha fu tɔtɔ.’ ⁸Nde mɛlɛ bla mbee, fiálu onyawie ɔkpasu a, ɔmɔ́kusv ha mu. Tame alɛá ɔde mu kokoli kotoo sv a, ɔbɔ́kusv ha mu alɛá odekle.

⁹“Mú sv nde mɛlɛ bla mbee, mɛlɛkɛ Bulu, ɔbéha mɛlɛ. Mɛlɛdunka, mɛlɔ́wun. Mɛlɛda mu klɔnsu, obéfinkɛ mú ha mɛlɛ. ¹⁰Tsufe ɔha ání ɔtɔkɛlɛ atɔ tenya. Ɖha

ání otodunka atɔ towun. Ɖha ání ɔteda klonsu butefinki ha. ¹¹Ɖsi ɔmɔmu bu unu, mu bi ɔkult mu iye a, ɔbékuta iwɔ wa mu ibutɔ? ¹²Nte ni ɔkult mu bonɔ a, ɔbékuta nyankpukpie wa mu ibutɔ? ¹³Mli lakpan abwepu kuraa mlyin alá butɔpu atɔ wanklaan ha mli abi. Ntogyi su mli Si amuu ɔbu ɔsusu amu mú mɔɔpu Ɖɛ Wankthe ha aha ání bude mu kuli?”

Yesu Mva Beelsebul

(Mateo 12:22-30; Marko 3:20-27)

¹⁴Yesu legya ɔɛ lalaha le oyin ɔkú alá alato omumuto. Breá ɔɛ lalaha amu ledali a, oyin amu lɔwa tɔ bi. Mú su ɔɔ lobwie ɔdom amu. ¹⁵Tame amúto aku bebli beɛ, “Ɖɛ lalaha owie ***Beelsebul** tumi ɔdepuɔya ɔɛ lalaha le ahato.”

¹⁶Amúto aku ɛ bekleá bɔsɔ Yesu ki. Mú su bebla mu beɛ, ɔbwe osuna pɔsuna ání lele otsu Bulu wa. ¹⁷Tame Yesu lebi amú agywun. Mú su ɔlebla amú ɔbeɛ, “Iwie ogyikpa ání laye anyɔ, bude aba kɔ tedida. Woyi oduá múto atsiapu bude aba kɔ ɛ tobwie. ¹⁸Ni ***Satan** iwie ogyikpa labɔ anyɔ, bude aba kɔ a, mu iwiegyi bédida. Tame mlidɛbli mlíaa, Beelsebul idato ndɛ ɔɛ lalaha gya le ahato. ¹⁹Ni Beelsebul tumi ndepuɔya ɔɛ lalaha le ahato a, mumu ma tumi mli abi ɛ budepuɔya ɔɛ lalaha le ahato? Mli abi amu onuto obégyi mli asun. ²⁰Tame uná Bulu tumi ndepuɔya ɔɛ lalaha su a, mlibiá Bulu iwiegyi amu laba mli wa dodo.

²¹“Tsuɛ ni ɔwunlɔpu bu akɔto, ɔde mu woyi gyo a, mu tɔto tamafwi. ²²Tame ni ɔha ání ɔbu ɔwunlɔn dɔn mu ɔba begyi musu a, ɔtɔswu mu mu akɔto amuu mu anst dɔn músu amu, ye mu atá olenya ɛto.

²³“Ɖha ání omobuo mi de mi lu. Ɖha ání ɔmede mi tsa akpa aha ba Bulu ɛ de amú gya teia mi.

Ɖɛ Lalaha Yinki Ba Ɖhato

(Mateo 12:43-45)

²⁴“Ni ɔɛ lalaha idali ɔhato a, iteyeki dimbisu dunka otsiakpa, tame ita-manyanya. Inu itebli ání ibéyinki yɔ mú woyi dadato. ²⁵Ni usanki yɔ a, itowun ání bafei múto, la múto wanklaan. ²⁶Iteyinki yekpa mú aba asiená butɔbwe lalaha dɔn mu, buteba betsia unu. Inu ɔha amu tsiato teyinta dɔn alá igyi yat.”

Oyula Onuto

²⁷Breá Yesu de asun anfi bli a, ɔtsi ɔku bu ɔdom amuto. Ɖtsi amu lotsu ɔme fua bli ɔbeɛ, “Bulu layula opuni amuu fedu múto pú nyɔpu amuu fɔnyɔpu amu.”

²⁸Tame Yesu lebla mu ɔbeɛ, “Aha ání butonu Bulu asun, gyi músu mboun Bulu layula!”

Bodunka Ofula

(Mateo 12:38-42)

²⁹Breá ɔdom amu budemoni tɔta a, Yesu lebli ɔbeɛ, “Ndemba-abi lalaha, mlidɛ osuna dunka amlɔwun, tame mlumóowun kukɔɔku dɔn Bulu ɔɔsu ɔtɔpu ***Yona** osuna amu. ³⁰Tsuɛ alɔ amuu Yona lɔbwe osuna ha Niniwefɔ amu a, alɔ mi, Nyankpusa-Mu-Bi anfi ɛ nɔbwe osuna ha ndemba-abi ni. ³¹Seba

owie tsihe ɔbɔkusu lu Bulu asun ogyike, ha mli ndemba-abi anfi ɔɔn. Tsufe olotsu ɔsasi ɔma kutɔ kein gya ɔkpa ba, bonu *Salomo nyansa atosunahe. Mliki, ɔha ɔnɔ ɔɔvɔn Salomo lu nfi a. ³²Niniwefɔ ɛ bɔkusu lu Bulu asun ogyike amu, ha mli ndemba-abi anfi ɔɔn. Tsufe breá Yona leda Bulu asun ɔkan suna amú a, bedamli klɔntɔ ba Bulu wa. Mliki, ɔha ɔnɔ ɔɔvɔn Yona onuto lu nfi a.

Nyankpɔsa-oyi ɔkandɛ

(Mateo 5:15; 6:22-23)

³³“ɔhaa tamanywe ɔkandɛ puɔain, nte pu ɔɔ bun mósv. ɔɔvɔkpa ɔɔɔpu-bian, menɔ ɔbɔwanki ha aha ɔnɔ béba woyi amutɔ. ³⁴Fu ansibi igyi ɔkandɛ ha fu nyankpɔsa-oyi. Ni fu ansibi bu ale a, fu nyankpɔsa-oyi amu féé bɔwanki. Tame ni fu ansibi uma ale a, fu nyankpɔsa-oyi amu féé bɔklun. ³⁵Mú sv mliki ɔnɔ wanki onuto bu mliɔ, megyi oklun. ³⁶Ni fu nyankpɔsa-oyi amu lɔwanki, oklun uma ɔtɔnetɔne a, fu ɔwɔ féé bɔwanki fe alɔ ɔkandɛ tɔwanki wuli fɔsv.”

Mose Mbla Asunapu Pó Farisifo Tsiatɔ

(Mateo 23:1-36; Marko 12:38-40)

³⁷Breá Yesu lɔtɔ ta a, Farisiyin ɔku leti mu atɔ ogyikpa mu woyitɔ. Mó sv Yesu lɔɔ yetsia ɔɔvɔn amu asi. ³⁸Uɔwa Farisiyin amu wanwan ɔnɔ Yesu mɔɔfwɔ ɔbi puɔgyɔra ɔwɔ asa ɔɔɔɔ atɔ amu gyi. ³⁹Lɔ sv Yesu lebla mu ɔɔɔɔ, “Mli *Farisifo mliɔɔfwɔ mli nwe pó mli ablanwe wanklaan, tame ɔnsɔɔɔ mɔa owuntɔlɔn ɔɔɔn labɔla mli. ⁴⁰Mli aha mimlahe, megyi móɔ mɔa mú ɔma féé Bulu lɔɔwe? ⁴¹Mliɔv mli atonyahe amu ha ahianfɔ, togyitɔ *ɔwɔ bétɔn ha mli.

⁴²“Farisifo, mliɔgyɔwɔ ni! Mliɔɔɔɔ mli ɔtsɔtsɔ pó kɔntankɔplama aná fééɔɔ idu, pu *idusi amu ha Bulu. Tame mliɔɔɔ Bulu mbla amuv ɔhe dehian, igyi asungyi ɔɔɔkwaltɔv pó Bulu-dwe amuvsv gyi. Módehian ni, tame mliɔmákina iyetɔ dusti amu ɛ ha.

⁴³“Farisifo, mliɔgyɔwɔ ni! Mliɔɔɔɔ otsiakpa yile tsia Yudafɔ *ofiakpa. Mliɔɔɔɔ mliɔa, aha bɔɔvɔn ha mli itsia dɔnsv. ⁴⁴Mliɔgyɔwɔ ni! Mliɔlɔɔwe fe ntsan ɔnɔ bɔmehɔ mú nsvⁱ, aha bɔtɔɔsvɔn mósv, bɔmeyin ɔnɔ ntsan igyi.”

⁴⁵Mose mbla asunapu amutɔ ɔkɔle lebla Yesu ɔɔɔɔ, “Osunapu, ni febli alɔ a, fasia anɔ ɛ o.”

⁴⁶Yesu lebli ɔɔɔɔ, “Mose mbla asunapu, mli ɛ mliɔgyɔwɔ ni! Tsufe mliɔɔɔv atɔ dɔwindwin svra aha, tame mliɔtamapu osrebi ɔkɔle kuraa tsa amú svra. ⁴⁷Mliɔgyɔwɔ ni! Tsufe mliɔɔɔvwe Bulu ɔɔɔsv atɔɔv amuv mli anain bɔmɔ amu ntsan wanklaan. ⁴⁸Lɔ desuna ɔnɔ mliɔlatsula dɔnka mli anain bwehe amuvsv ni. Tsufe mli anain bɔmɔ amú, mli ɛ mliɔlɔɔwe amú ntsan. ⁴⁹Mú sv Bulu lɔɔv mu nyansa bli ɔɔɔɔ, ‘Nɔwa mi ɔɔsv atɔɔv pó mi *sumbi ayɔɔv amúɔ. Bɔmɔ aku, dɔnka aku sv.’ ⁵⁰Bulu ɔbéfite mli ndemba-abi anfi mu ɔɔsv atɔɔv amu obugya amuv ɔɔvɔvɔlɔ asi tsu breá ɔyi lelɔn ɔpá amu. ⁵¹ɔbéfite tsu *Habel obugyasv alɔ bɔɔvɔn Sakaria klesv. Mu bɔmɔ *afɔɔɔɔ-ɔsv mɔa Bulu ɔsvwekpa amu nsune ni. Ee! Nde mli bla mbeɔ, Bulu ɔbéfite mú tsu mli ndemba-abi anfi wa.

⁵²“Mose mbla asunapu, mliɔgyɔwɔ ni! Tsufe mliɔɔɔ asunbɔ saafti amu. Mliɔmefinki wie, mliɔmeha aha ɔkpa ɛ abɔwie.”

i 11:44 Yudafɔ amandɔ ɔɔ a, ni fetsa ntsansv a, ifin lada fu. Mó sv butekpa mó afa fututu, puhe mú nsv.

⁵³ Breá Yesu lenatu unv ɔɔɔ a, Mose mbla asunapu pú Farisifo amv bɔɔɔ mu iwí ɔɔɔ, yɔ bude mu asun tsɔtsɔtsɔ fite pufinu mu yibi, ⁵⁴ kɪ bɛɛ bénya mu ɔɔɔ asvanku pukita mu.

Apinabwebibwe Iwí Olada

(Mateo 10:26-27)

12 ¹ Igyi alu, breá aha mpum-mpum beba befia unv, bude aba ayabiasu tsatsa a, Yesu legyankpa da mu akasipu amv ɔɔɔ ɔɔɔ, “Mluki wanklaan Farisifo bodobodotu-afasu, tsufe apinabwebi abwepu bɔɔɔ. ² Tɔɔ ma unvá babun atɔ mósúá bumóobwii mósú. Togyito ɛ ma unvá ileɔɔain ání mée-lun ɔwan. ³ Beda asun ání mlulebli nklobitɔ ɔkan. Kugyikvá igyi, uplɔ ibóbon.

ɔha Ání Abénya Ifu

(Mateo 10:28-31)

⁴ “Apio aba, nde mlɔ bla mbeɛ, mlumánya nyankpusa ifu. ɔbétali mɔ mlɔ ɔɔɔ, tame ɔmétali bwe mlɔ tɔɔ mú ɔma. ⁵ Nósuna mlɔ ɔha ání mɔnya ifu. Mvgyi Bulu. Mu ɔmɔ mlɔ ɔma a, ɔɔɔ tumi tswi mlɔ ɔkla ɛ wa usubitɔ ogya ání utamaduntɔ. Ee! Mu mɔnya ifu nɔ!

⁶ “Afun butɔkuko fe akensire anu keke? Megyi kɔba ana? Amú kuraa a, Bulu tamatan ɔkukusu, ⁷ menu bɛɛ mlá Bulu yin mlɔ nwunsu-imi kuraa klatɔ. Mú sv mlumánya ifu. Mlɔɔ bia dɔn akensire tsɔtsɔtsɔ!

Adansɛgyi Pú Asunkina

(Mateo 10:32-33; 12:32; 10:19-20)

⁸ “Nde mlɔ bla mbeɛ, nɔ ɔku letali gyi mɔ iwí adansɛ ahatɔ a, mɔ, Nyankpusa-Mv-Bi anfi ɛ négyi mu iwí adansɛ Bulu-abɔɔɔ ansitɔ. ⁹ Tame nɔ ɔku lekina mɔ ahatɔ a, mɔ ɛ nékina mu Bulu-abɔɔɔ ansitɔ.

¹⁰ “ɔhagyioha ání ɔlebli mɔ, Nyankpusa-Mv-Bi anfi iwí asun lalahe a, Bulu ɔbétali sikie mu. Tame nɔ ɔku lebli ɔɔɔ Wankuɛ amv iwí abususu a, Bulu méesikie nde, oméesikie mu ɔke.

¹¹ “Nɔ bekpa mlɔ ya Yudafɔ ***ofiakpa**, nte ɔmásv agyipu pú awie ansitɔ a, mlumágyiun asun ání mlébli puka iwí le nte alá mléle mú ɔɔɔ. ¹² Tsufe ɔɔɔ Wankuɛ amv obósuna mlɔ alá mlebli alɔ bre amutɔ.”

Osikani Mimlahe ɔku Iwí Yebi

¹³ ɔɔɔ amutɔ ɔha ɔku lebla Yesu ɔɔɔ, “Osunapu, bla mɔ dehen, ɔha mia mɔnyɔ aye atɔá anɔ si lesi yay anutɔ.”

¹⁴ Tame Yesu lefite mu ɔɔɔ, “Agya, ma leyai mɔ asun ogyipu nte atɔɔ oyepu ha mlɔ?” ¹⁵ Muv ɔlebla aha amv féé ɔɔɔ, “Mluki wanklaan ɔnsipewasu. Tsufe nyankpusa nkpa uma atonyahe tsɔtsɔtsɔɔ.”

¹⁶ Iuv ɔleha amú yebi ɔɔɔ, “Osikani ɔku ndɔɔ atɔ lehiɛ wa alɛ ofi ɔku. ¹⁷ Muv ɔlefite mu iwí ɔɔɔ, ‘Nkali nóbwe mɔ atɔ-abi anfi? Mma ɔtineá nópuyal.’ ¹⁸ Iuv ɔlebli ɔɔɔ, ‘Nyin tɔá nóbwe. Nóbwie mɔ idan, lawa akpɔnkpɔnti. Múɔ nópɔ mɔ atikɔ pú mɔ ntobi amv wa nɔ. ¹⁹ Fówun nabra mɔ ɔkla mbeɛ, “Mɔ ɔkla, uklun idɔ fu asu. Kɔ, fubv atɔ tsɔtsɔtsɔɔá ida ha fu nfi-nfi. Gyi, afunun, ansu

igyi fu.”²⁰ Lnu Bulu lebla mu ɔbee, “Oha mimlahe! Onyenti nde fu ɔkla ho le fu ibuto. Ma obégyi atɔ anfi fakle yai anfi féé?”

²¹ Yesu lomɔ mú ɔno ɔbee, “Ali bɔbwe oha ání olekle atɔ yai ha mu iwɔ ɔsulo anfisɔ, tame ɔma tɔto Bulu wa nɔ.”

Ansi Pɔdunka Bulusu

(Mateo 6:25-34)

²² Lnu Yesu lebla mu akasɔpu ɔbee, “Mú sv nde mli bla mbee, mli máhan iwɔ tɔá mlégyi, tɔá mlónu pú tɔá mléduda sv. ²³ Nyankpɔsa nkpa dehian dun atogyihe. Mu ɔyɔlu ε idun atɔ didahe. ²⁴ Mliki aklankpa. Butamadu, butamasteti wa idantɔ. Buma idan nte ifa, tame Bulu teha amú atogyihe. Mli má labi dun mbubwi? ²⁵ Mli tɔ ma ɔbétali han iwɔ pu bre kpalobi tsia mu nketo? ²⁶ Nɔ mli méétali bwe itɔ tukuriibi anfi koraa a, ntogyi sv mlide iwɔ han trahe amusu? ²⁷ Mliki alɔ pututɔ-oyi ntswɔtswi tedan. Itamayɔ agyuma nte lɔ atati. Tame nde mli bla mbee, Owie *Salomo, mu inya féétɔ a, ɔmetali hihie iwɔ wa akile fé oyi ntswɔtswu anfitɔ kuku. ²⁸ Nɔ Bulu de ifa ání nde ulu, ɔke ulawu, bawa mú ogya tati dida a, ɔméétali dida mli atati dun mú? Ntogyi sv mli hogyi mɔtsɔ ali?

²⁹ “Mú sv mli mágywun tɔá mlégyi nte tɔá mlónun iwɔ, iha mli ansɔ ure. ³⁰ Tsufe unɔ aná ɔmá-ɔmá butesɔ gya nɔ. Mli Sv amu yin ání ide mli hian. ³¹ Itɔá mli gyankpa dunka gyi Bulu iwiegyi, Bulu ɔbɔpu unɔ tsia móto ha mli.

Atonyahe Pɔyai ɔsusu

(Mateo 6:19-21)

³² “ɔpasua tukuriibi, mli mánya ifu. Tsufe ibv mli Sv amu ɔdweá ɔbɔpu iwie ogyikpa amu ha mli. ³³ Mli fe mli iwɔsv atɔ, amlɔpu kɔba amu kie aha ání buma tɔto. Mli bun akenteá iméeyinta ha mli iwɔ. Mógyi, mli yai mli siadie ɔsusu. Lnu mú a, kuku méédali móto, tsufe awikplu buma unv, atepɔle ε butamawɔ atɔ unv. ³⁴ Tsufe ɔtneá fu siadie bu a, unv fu agywun tetsia.

Asumpá Butogyo

³⁵ “Mli wa atadie, amlɔnywe mli nkandie. ³⁶ Mli bwe iwɔ fé asumpá bude amú wie ɔkpa ki, obótsu ɔka otsiakpa ba. Feki nɔ ɔba beda klunsu a, béfinki ha mu. ³⁷ Ansi bégyi asumpu oduá amú wie ɔbéba bɔtu amú butsie bugyo mu. ɔnɔkwali nde mli bla. Amú wie amu ɔbésaba tati, ha amú bésia ɔpunvasi. Mu onuto ɔbɔkɔnki atogyihe amu ha amú. ³⁸ Ansi bégyi amú, nɔ ɔba bɔtu amú butsie bugyo mu, ɔyinsine nte bake. ³⁹ Tame mli nu asun anfi. Nɔ woyi mu wie yin breá owikplu ɔbéba mu woyitɔ a, tekti omesi woyi amu tswi, owikplu mobwie wie wi mu atɔ. ⁴⁰ Mli ε mli gyio, tsufe mu, Nyankpɔsa-Mu-Bi anfi néba breá mli ansɔ medun mɔsv.”

Osumpu Wanklaan Pó Olalahe

(Mateo 24:45-51)

⁴¹ Petro lefite mu ɔbee, “Anɔ nkule fude yebi anfi ha loo, nte ania aha anfi féé?”

⁴² Yesu lebli ɔbee, “Ma mee gyi osumpá ɔletun ansɔ, ɔbu ɔnɔkwali? Mu ibuto mu wie tɔpu mu aba atrahe wa ɔbee, oha amú atogyihe dunka bresu.

⁴³Ansi bégyi osumpu amu, ni mu wie amu o ba bowun ání lele ode mú bwe. ⁴⁴Onokwali nde mli bla. Mu wie amu obópu mu ato féé wa mu ibuto. ⁴⁵Tame ni osumpu amu lebli wa nwunto obee, ‘Mi wie ibabú makufun, obówa opa.’ Iu su olefi asú ode mu aba asumpu atsi múa ayin da, ode ato gyi si amó, ode nta nun bu a, ⁴⁶mu wie amu obéba bofwie mutó ekeá omedin ansi. Mu wie amu obéhe titi mutó, tra biti mua aha ání bómohó mu gyi tsu keke.

⁴⁷“Osumpu oduá oyin tóá igyi mu wie ape, tame omela iwí bwe yat a, mu wie obéhe puti mu ato wanklaan. ⁴⁸Tame osumpúá omeyin mu wie ape, obewe tóá ilehian ha ato puti a, mu wie obéputi mu kpalobi. Bulu tefite tsotsó tsu oha ání oheha mu tsotsó wa, otefite tsotsótsótsó e tsu oha ání oheha tsotsótsótsó wa.

Ipian Yesu Lópuba, Megyi Iwilwii

(Mateo 10:34-36)

⁴⁹“Ogya odudakpa neba osulu anfiwu. Ni mi nkule su mú a, teki idetsii dodoodo. ⁵⁰***Asubó** ku ida misvá bóbó mi. Mi klun méedi mi asú yofun breá ulamó onó. ⁵¹Imábwe mli fe iwilwii nópuba osulu anfiwu. Megyi iwilwii, aha nsune yinta nópuba. ⁵²Tsufe tsu sei puya a, woyiá aha abanu bubu múto a, abasa bókusu lu abanyosu. Abanyó e bókusu lu abasasu. ⁵³Abi yinhe múa amó asú nsune ibéyinta. Abi tshe múa amó ayin e nsune ibéyinta. Osia tshe mua mu sia tshe nsune e ibéyinta.”

Bretó Asun Asnu

(Mateo 16:2-3)

⁵⁴Yesu letra bla aha amu obee, “Ni nyankpu obila busu a, mlitebli mltaa, nde nyankpu obótswie; lele ototswie. ⁵⁵Ni nsantó itsu fva a, mlitebli mltaa, nde owi obélu; lele utelun. ⁵⁶Apinabwebi abwepu! Mlyin alá butele osulusu pú nwulutasu ato asú. Ntogyi su mlumetali nu uto anfi ideba sei anfi mú asú?

Anyaba Nsinele

(Mateo 5:25-26)

⁵⁷“Ntogyi su mlutamatali gyi asun wanklaan ha mli iwí? ⁵⁸Ni oku osama fu a, wa oja ha amlibli mú woyito, mení fu onyaba mójopu fu yaa asun ogyikpa. Fówun asun ogyipu méegyí fu asun, pu fu wa prosiyin ibuto, owa fu obu. ⁵⁹Ni megyi alí a, mméemle fu, nketi faka togyito ta asa fédalí unv.”

Mludamli Kluntó, Mení Mlumóowu

13 ¹Aha amvu bubu unv alí bre amuto aku bebla Yesu bee, Pilato lamó Galileafó aku breá bude afódie bó ha Bulu, Yerusalem ***Bulu ótswekpa** unv, ha obugya lada afódie amu. ²Yesu lefite amó obee, “Mlíki mltaa, Galileafó anfi bogyi lakpan abwepu dun Galileafó atrahe, su bowun iwótsun anfi odu? ³Nde mli bla mbee, megyi alí igyi! Ni mli e mlumedamli kluntó a, mli féé mlówu fe amó. ⁴Nte aha dukwe amvu abansu lobwie da mó Siloam omantiá ibu Yerusalemto amu me, mlíki mltaa, lakpan abwepu bogyi dun aha atraheá betsia Yerusalem alí bre amuto féé? ⁵Nde mli bla mbee, megyi alí igyi. Ni mlumedamli kluntó a, mli e mlówu fe amó.”

Pɔntɔ Máswiehe

⁶Muɔ ɔleha amú yebi ɔbee, “Oyin ɔku lotswie pɔntɔ mu ndɔtɔ. Eke ɔku ɔlɔɔ yeki bee, abi ku idun mútɔ. Ɖlɔɔ a, kuku mɛdɪn mútɔ. ⁷Ɔni su ɔlebla mu ɔpayin ɔbee, ‘Nfinsa ni, nna oyi anfi asɪ. Mmɔkɔwun kukɔkɔ mútɔ. Ntogyi su ibétra lu yinta ɔsulɔ? Kun mú da!’ ⁸Tame ɔpayin amu lebla mu ɔbee, ‘Mú wie, fu mú si mú itra lu ofi ɔkole, ampulipuli mú asɪ, kpa wuna wa mú asɪ. ⁹Ni ofieba iloswie a, tɔu ale, tame ni imoswie a, nakun mú da.’ ”

Ɖtsɪ Ɖku Uɔ Tsa Ɖkpɔnu Ɖdake

¹⁰Yesu lɔɔ ɔde atɔ suna Yudafo ofiakpa ***ɔkpɔnu ɔdake** iku. ¹¹Ɖtsɪ ɔkúá ɔɔe lalaha lɔwa mu ulɔ nfi dukwe ni, ilaha mu alaklo, ɔmetalɪ bwii natɪ bu unu. ¹²Breá Yesu lowun mu a, ɔletɪ mu bla mu ɔbee, “Anɪ yin, iwɪ iwa fu ɔnlɪn!” ¹³Ɔnu ɔlɔpu tɔi da ɔtsɪ amu. Ɔnuɔ olotswii lu kanfu Bulu.

¹⁴Ofiakpa ɔhande amu lenya ɔblɔ ání Yesu latsa ɔha ɔkpɔnu ɔdake. Mú su ɔlebla aha amu ɔbee, “Nkensie bu unu ha agyuma yɔ. Mlɔba nke amutɔ, abutsa mli ulɔ. Megyi ɔkpɔnu ɔdake!”

¹⁵Anɪ Wie Yesu lele mɔ ɔno ɔbee, “Apinabwebi abwepu! Mlɔtɔ okugyiɔku tɔwɔ mu nnantswie nte afrimu le tɔantɔ, pu amú ya ntsu onunkpa ɔkpɔnu ɔdake. ¹⁶Mú uma aleá mɪ mú nésankɪ ***Abraham** mu na anfi Ɖbunsam lakukɪ mu nfi dukwe keke anfi ɔkpɔnu ɔdake?” ¹⁷Mu asun blihe anfi leha peli lekɪta mu alupu amu. Ansi legyi atrahe amu féé, ofula kpɔnkpɔntɪ amuɔ ɔdebwe amu su.

Takyi-akpin Ibi Yebi

(Mateo 13:31-32; Marko 4:30-32)

¹⁸Ɔnu Yesu lefite ɔbee, “Ntɔ Bulu iwiegyi amu lelan? Nte ntɔ nɔpɔkapu mú? ¹⁹Igyi fe takyi-akpin ibi, oyin ɔku lodu wa mu ndɔtɔ. Uledan mli oyi yile, mbubwi butogyonka mú abambitɔ.”

Bodobodotu-afa Yebi

(Mateo 13:33)

²⁰Yesu letra bli ɔbee, “Ntɔ mpɔkapu Bulu iwiegyi amu? ²¹Igyi fe Bodobodotu-afa ání ɔtsɪ ɔku lɔpɔtsɪa bodobodo nfuo kente kulɔ, ulaha mú ilotu.”

Obu-ɔno Kplanhe

(Mateo 7:13-14, 21-23)

²²Breá Yesu ɔɔ Yerusalem a, ɔlɔtsun nkudasi pú awulusu. Ɖna ɔde amú atɔ suna. ²³Ɖha ɔku lefite mu ɔbee, “Owie, aha kpalobi ku obénya nkpa?”

Yesu lebla aha amu ɔbee, ²⁴“Mlɔtɔ mbɔdɪ amlɔtsun obu-ɔno kplanhe amutɔ. Tɔufe aha tɔtɔɔtɔtɔ bɔbɔ mbɔdɪá bɔtsun wie unu, tame buméetalɪ. ²⁵Tame ni woyi mu wie ɔkusu fin obu amu, mlɔba belu klɔn ɔma, da klɔn amusu mlɔa, ‘Owie, finki ha ani!’ a, ɔbébla mli ɔbee, ‘Mmeyin mli. Mmeyin ɔtunéá mlɔtsu.’ ²⁶Ɔnu mlébli mlɔa, ‘Anɪ funyɔ letsia gyi atɔ, nun nta. Fetsia suna atɔ anɪ dunsu!’ ²⁷Tame ɔbéle mú ɔno ɔbee, ‘Mmeyin mli. Mmeyin ɔtunéá mlɔtsu. Mlɔnatɪ tɔi mɔsu, mli lalaha abwepu féé!’ ²⁸Nɪ mlɔwun ***Abraham**, ***Isak**,

***Yakob** pú Bulu ɔ́ɔsɔ atɔɔpɔ amu fɛ́ɛ́ bɔbɔ Bulu iwie ogyikpa, tame bɔmeha mli mú ɔkpa amlɔwie unv a, unv mlósu kpisi ni. ²⁹Aha bótsu owi ɔdalikpa pú owi ɔkplɔwiekpa, bɔnasu mɔ́a gyɔpɔsɔ ba betsia atɔ ogyikpa Bulu iwiegyi amutɔ. ³⁰Ɖɔ́ɔkwali, amapɔv aku bémlɔ agyankpapɔv; agyankpapɔv aku ɛ bémlɔ amapɔv.”

Yesu Losu Ha Yerusalem

(Mateo 23:37-39)

³¹Unv Farisifɔv aku beba Yesu wa bebla mu beɛ, “Dalɔ Galilea ɔmátsɔ nftɔ, tsufe ɔmátsɔ ogyipɔv ***Herode** dekleá ɔbómɔ fu.”

³²Yesu lebla amú ɔbeɛ, “Mliɔyɛbla ɔkpataku amu mliɔa, ‘Négya ɔɔɛ lalahe le ahatsɔ, tsa aha ulɔ ndɛ, gya le ɔke, mɔ́ mú ɔ́ɔ klai.’ ³³Tame ilehian ání nɔ́yɔ mu ɔnati amɔsɔv ndɛ, ɔke mɔ́a klai. Tsufe ɔkpa ma unvá bómɔ Bulu ɔ́ɔsɔ ɔ́ɔpɔv ɔkɔkɔ ɔ́ɔnɛtɔnɛ, dɔn Yerusalem!

³⁴“Oo Yerusalemfɔ, Yerusalemfɔ! Mliɔmɔ Bulu ɔ́ɔsɔ atɔɔpɔ, da abíá Bulu lawa sɔsɔ mli abwi mɔ́ ni. Ntekleá nóbun mli abisɔv bregyibrɛ, fe altá bate tobun mu abisɔv; tame mliɔtamaha mi ɔkpa. ³⁵Mliki, Bulu obési mli ɔtswekpa tswi mli. Nde mli bla mbeɛ, mliɔmɛtra wun mi ekekekeke, yɔfɔn ekeá mliɛbli mliɔa, ‘Bulu oyula ɔha amɔsɔ ɔba mu idatɔ’ amv.”

Ɖɔ́ɔpɔ Ɖkɔ Tsa

14 ¹Farisifɔv ɔhandɛ ɔkɔv letɔ Yesu atɔ ogyikpa mu woyitɔ ***ɔkpɔnɔv ɔɔake**. Aha bɔpɔv ansɔ yi Yesusɔv, bɔde mu tɛ. ²Unv oyin ɔkɔv ála-punya leba Yesu wa. ³Yesu lefite Mose mbla asunapɔv pú Farisifɔv amu ɔbeɛ, “Ani mbla leha ɔkpa ání butsa ulɔ ɔkpɔnɔv ɔɔake loo, nte imeha ɔkpa?”

⁴Amútsɔ ɔkɔkɔv mobwii ɔ́ɔ. Mɔ́v Yesu lekita oyin amu, tsa mu ulɔ; olesi mu ɔlenati. ⁵Unv ɔlefite aha amu ɔbeɛ, “Mliɔ ma mu bi nte mu ɔnantswie ɔbé-kpada wie ibuntɔ ɔkpɔnɔv ɔɔake, ɔmɔ́ɔkɔsɔ le mu?”

⁶Bɔmetali le mú ɔ́ɔ.

Iwiasɔba

⁷Unv Yesu lowun ání aha amɔsɔv betɔ atɔ ogyikpa unv amutɔv aku bɔde otsiakpa yile dunka bétsia. Mɔ́v ɔleha amú yɛbi ɔbeɛ, ⁸“Ni ɔkɔv ɔ́ɔtɔ fu ɔka otsiakpa a, mayetsia ɔ́ɔvakpa. Fialɔ ɔletɔ ɔhandɛ ɔkɔv á ɔdɔn fu. ⁹Unv ɔha amɔsɔv ɔletɔ mli amu ɔbébla fu ɔbeɛ, ‘Mi wie, kɔsɔv pɔv obia ha ɔha anftɔ.’ Unv peli békita fu, fépetɔ yodunka ɔ́ɔnɛkɔv tsia. ¹⁰Mú sv ni ɔha ɔ́ɔtɔ fu atɔ ogyikpa a, yetsia obia kusubisɔv mboun, ɔha amu ɔbebla fu ɔbeɛ, ‘Mi wie, betsia ɔ́ɔvakpa nftɔ.’ Unv obótsu fu ansitɔv fɔv aha amu fɛ́ɛ́ ansitɔv ni. ¹¹Tsufe ɔhagyɔɔha ání ototsu iwɔ a, Bulu tɛba mu asi. Ɖhagyɔɔha ání ɔtɛba iwiasɔv ɛ a, Bulu totsɔv mu fɔv.”

¹²Yesu lebla ɔha amɔsɔv ɔletɔv mu atɔ ogyikpa amu ɛ ɔbeɛ, “Ni fɔtsɔv ɔ́ɔpɔnɔv ɔpa onye a, máti fu anyawie, fu apio, fu abusuanfɔv nte iwɔ anyapɔv á butsie manta fu. Ni fɔbwe mú alt a, amú ɛ bélatɔv fu amú kle asi ka ikɔ. ¹³Mboun tɔ ahianfɔ, tsukɔle asinɔv, abubupɔv pú ansibi abwiepɔv. ¹⁴Bulu obóyula fu, tsufe bɔma tɔ́ɔtɔv bɔ́ɔpɔka fu ikɔ. Bulu ɔbéka fu ikɔ ekeá ɔbókɔsɔv aha yile tsu afulitɔv.”

Nke Kpɔ̀nkpɔ̀nti Ku Yebi

(Mateo 22:1-10)

¹⁵Aha amuu amúa Yesu butsie ɔ̀punuasi amuto ɔ̀kule lonu mu asun blhe anfi, ɔ̀lebli ɔ̀bee, “Ansi bégyi aha ání bégyi atɔ̀ Bulu ɔ̀punu ɔ̀tswike mu ***iwegyi** amuto!”

¹⁶Tame Yesu lebla mu ɔ̀bee, “Oyin ɔ̀ku lɔ̀tswi ɔ̀punu kpɔ̀nkpɔ̀nkpɔ̀nti ku, ɔ̀leti aha tsɔ̀tsɔ̀tsɔ̀. ¹⁷Breá benuna atogyihe amu ta a, ɔ̀lɔ̀wa mu asumpu ɔ̀bee buyebla aha amuu ɔ̀leti amu bee, ‘Babwe tal!’ ¹⁸Tame amú féé bebli bee amú ibi de. Ogyankpapu ɔ̀bee, ‘Nahɔ̀ ɔ̀sulu ku. Ilehian ání néyeki mú. Mú sv mlíkuta múto ha mi.’ ¹⁹Onyɔ̀si e ɔ̀bee, ‘Nahɔ̀ nnantswie yinhe idu, bópulipuli mi ndɔ̀to ha mi. Neyekapu amú ki. Mú sv mlíkuta múto ha mi.’ ²⁰ɔ̀bamba e ɔ̀bee, ‘Nwen kotoo netsia ɔ̀ka. Mú sv mméetali ba.’

²¹“Inu osumpu amu leyinki bebla mu wie. ɔ̀blo lekuta mu wie amu, ɔ̀lebla mu ɔ̀bee, ‘Wa ɔ̀sa sri yeki dunsu pú brɔ̀nusu, afɔ̀kpa ahianfo, tsukule asinpu, ansibi abwiepu pú abubupu ba.’ ²²Imɔ̀wa ɔ̀pá osumpu amu leba bebla mu ɔ̀bee, ‘Mu wie, nayɔ̀ sumbi amu, tame otsiakpa utra da.’ ²³Mu wie amu lebla mu ɔ̀bee, ‘Tsun mmuatse múa nkpakwi féé. Ti ɔ̀hagyicha ání fowun fee ɔ̀ba, mení aha bóbulu mi woyito. ²⁴Nekase, aha amuu nehie ti amuto ɔ̀kuku méeda mi atɔ̀ anfi ɔ̀no!’ ”

Yesu Buoto Ipian

(Mateo 10:37-38)

²⁵Yesu mua ɔ̀dɔ̀m kpɔ̀nkpɔ̀nkpɔ̀nti amu buna boyo. Muv ɔ̀ledamli bla amú ɔ̀bee, ²⁶“ɔ̀hagyicha ání ɔ̀leba mi wa, tame ɔ̀de mu si, mu yin, mu otsiaba, mu abi, mu apio, mu onuto kuraa iwi dwe dun mi a, ɔ̀méetali bwe mi ɔ̀kaspu. ²⁷ɔ̀ha ání omotsu mu ***oyikpalihe** bobuo mi mɔ̀fun ání ɔ̀bɔ̀bwe mi ɔ̀kaspu.

²⁸“Mlito ɔ̀mɔ̀mu bu unu, ni obéyi obu kpɔ̀nkpɔ̀nti a, oméetsia asi ki tɔ̀á obéyinta, wun ání mu kɔ̀ba bófun? ²⁹Ni ɔ̀meki mú alí, asa ɔ̀lɔ̀kusu wa obu amu ntswiasi, pwe mú fun ɔ̀kpatɔ̀; ɔ̀metali mɔ̀ mú ɔ̀no a, obu amu awunpu féé bómwasi mu. ³⁰Bébli bee, ‘Oyin anfi lɔ̀kusu ɔ̀de obu yi, ɔ̀metali mɔ̀ mú ɔ̀no.’

³¹“Nte owie ɔ̀mɔ̀mu bu uná ni owie ɔ̀ku de akɔ̀pu mpim-advanyo (20,000) ɔ̀ba ɔ̀kɔ̀ mu a, oméetsia asi ki alí ɔ̀bɔ̀bwe ɔ̀bɔ̀pu mu isa akɔ̀pu mpim-du (10,000) yefia amú? ³²Ni owun ání ɔ̀méetali a, ɔ̀bɔ̀wa abi ɔ̀sasú bóyokokoli mu ha ukulebwe, breá bumɔ̀kunya kpukpe ba. ³³Inu sv mlito ɔ̀ha ání omesi mu togyito ɔ̀magya ɔ̀méetali bwe mi ɔ̀kaspu.

Nfɔ̀lɔ̀á lma Labi

(Mateo 5:13; Marko 9:50)

³⁴“Nfɔ̀lɔ̀ bu ale, tame ni ita ɔ̀dwe a, nto bélapuwa mú ɔ̀dwe? ³⁵ltra ma ale ha tɔ̀tɔ̀tɔ̀ bwe. Tsei butetsei mú tsitsa wunasu. ɔ̀ha ání ɔ̀bu asu onu asun anfi.”

Kufa Fwthe

(Mateo 18:12-14)

15 ¹Èke ɔ̀ku ***lampoo ahɔ̀pu** pú lakpan abwepu beba Yesu asun blhe onukpa. ²Farisifo pú Mose mbla asunapu amu bowunti mu bee, “Oyin anfi mua lakpan abwepu tenati, butɔ̀wa ibi gyi atɔ̀ kuraa.” ³Mú sv Yesu leha yebi pusuna amú atɔ̀ ɔ̀bee,

⁴“Mlúto ma bu akufa lafakule (100), òkule òfwí a, omesi adukweba-kweba (99) trahe wa dimbitò unu, yodunka mu alu kpefun breá obówun mu? ⁵Nahogyi mbee, ni owun mu a, ansi bégyi mu, obótsu mu wa nkónkò, ⁶pu mu ya woyitò. Òbétí mu anyawie pú mu aba, bla amú óbee, ‘Mliha anya ansigyí. Nawun mi kufa amuv òlòfwí amú!’ ⁷Alí ken nde mli bla mbee, ni lakpan óbwepu òkule pe ódamli klúntò a, ansi béhúe gyi aha ósusu unu òun alá íbégyi amú aha wanklaan adukweba-kweba (99) ání bumetra hian klúntòdamli wí.

Koba Fwthe

⁸“Nte ni ótsi óku bu sika fututu idu, mútò kule lafwí a, omóonywe ókandíe kúki mu woyitò wanklaan, kpakpa ntobitò kí, fèi woyi amutò wanklaan yófun breá alawun mú? ⁹Ni owun mú a, óbétí mu apio aba, bla amú óbee, ‘Mliha anya ansigyí. Nawun mi sika fututu amuv òlòfwí amú.’ ¹⁰Nde mli bla mbee, alí ansi béhúe gyi Bulu-abòpu ni lakpan óbwepu ókule ódamli klúntò ni.”

Obi Fwthe Óku

¹¹Yesu letra ha amú yebi óbee, “Oyin óku letsia, óbu abi yinhe anyò. ¹²Ókusv amu lebla mu si óbee, ‘Mí si, ye fu atòtò, afòpu mí kle ha mu.’ Lnu mu si lekuta mu atòtò ye ha amú. ¹³Imegyí nke kuku ókusv amu lókula mu atò fèé, olotu ókpa yò tsutsuutsu ómá kútò. Lnu oleyetsia nkpa lalaha, yinta mu atò amu fèé. ¹⁴Breá oleyinta atò amu ta a, akun kpónkpóntí kú leba ómá amutò, ólòwa akun dí bú. ¹⁵Mú sv ólòpu wí yemanta unuyin ókusv, oyin amu lekpa mu ya mu ibuasi óbee, óyeki mu mprakuosv ha mu. ¹⁶Tektí olekleá obétsia gyi mprakuo atogyíhe amu kú, tame óhaa meha mu mú wí ókpa. ¹⁷Breá mu ansi leyinki ba mu iwísv a, ólefite mu wí óbee, ‘Apafò amómu kuraa ma mi si woyitò, bumede atò gyi sian ekekegyíeke? Mú ntsie nfi, akun de mi mò? ¹⁸Nókusv yinki yò mí si wa, yebla mu mbee, mí si, napu íla gyi Bulu, pugyí fu é. ¹⁹Mmekana ání fetra tí mí fu bí. Pú mí bwe fu apafò amutò ókule.’ ²⁰Mú sv ólókusv pú ókpa óba mu si wa.

“Breá olowotii, mu si lowun mu sísv a, ólòwa mu nwe, ólesrí yefia mu, lata mu puta. ²¹Lnu mu bí amu lebla mu óbee, ‘Mí si, napu íla gyi Bulu, pugyí fu é. Mmekana ání fétíra tí mí fu bí.’ ²²Tame mu si letí mu asumpu, bla amú óbee, ‘Mliwa ósa yotsu atadíe wanklaan amu bowa mu. Mliwa mu opetia, amlíwa mu ntúkuta. ²³Mliyele ónantswie yinhe kanahe amuv alawa nfo amu ba, amlí-bómò mu, apugyí nke ha mu. ²⁴Tsufe mí bí anfi lawu tsinki. Ólòfwí, anlawun mu.’ Lnu bowa nke gyi bí.

²⁵“Alí bre amutò a, obi dehen amu bu ndòtò. Breá olotsu ndò amutò óba, alata woyí wie ta a, olonúá plei de woyitò unu. ²⁶Mú sv óletí mu si asumpu amutò ókule, fite óbee, ‘Amansu laba?’ ²⁷Osumpu amu lele mú ónò óbee, ‘Fú pio laba. Mú sv fu sí laha bamò ónantswie kanahe amu, tsufe alayinki bótú mu, óbu nkpa, óbu ónlun.’

²⁸“Óblò lekuta ódehen amu. Mú sv olesin mmua. Mu si ledalí ba bokokoli mu óbee, óba woyitò. ²⁹Tame ólele mú ónò óbee, ‘Mí si, kí nfi òdòòdòvá naputsia fu wa sum fu. Mmókubwe mábula kuku kí. Tame fumókúha mí ókpalabí fee mta mí aba apowa wí ansigyí kí. ³⁰Tame fu bí anfi alayinta fu togyitò, mva akípu bayegyí nkpa anfi mú laba a, famò ónantswie yinhe kanahe amuv alawa nfo amu ha mu!’ ³¹Lnu mu sí lebla mu óbee, ‘Mí bí, ye fu mú fubv mí wa

bregyibre. Fubu mi atɔ fɛ́é. ³²Fu pio anfi lawu tsinki. Ɖɔɔfwɔ, anlawun mu. Mú sv ilehian ání abégyi mú nke, nya ansigyi.’ ”

Agyumasu Ɖkɔpɔ Ansitɔnpu Ɖkɔ

16 ¹Yesu lebla mu akasɔpu ɔ́ɔɛ, “Iwɔ onyapu ɔku letsia, ɔbu agyumasu ɔkɔpu. Aha bowi tsa mu wie amusu beɛ, ɔde mu gyi. ²Iu sv ɔletɔ oyin amu, fite mu ɔ́ɔɛ, ‘Ntɔ asun ndenu tsu fu iwɔ alɔ? Bobu akunta ha mi, tsufe fúmɛ́etra kɔ mi agyumasu.’ ³Agyumasu ɔkɔpu amu lefite mu iwɔ ɔ́ɔɛ, ‘Nkali nɔ́bwe? Mi wie ɔba begya mi. Mma ɔwɔnɔn ání nénatɔ dɔ ha aha. Iu mi peliá nénatɔ kulɔ atɔ ɛ. ⁴Iu ale! Nyin tɔ́á nɔ́bwe, menɔ nɔ osi mi a, nénya aha ání bɔ́ho mi wa amú woyitɔ.’

⁵“Mú sv ɔletɔ aha ání bude mu wie ɔku kule-kule. Ɖɛfite ogyankpapu ɔ́ɔɛ, ‘Iku afɔnɔ fude mi wie?’ ⁶Iku ɔkitapu amu lele mú ɔ́ho ɔ́ɔɛ, ‘Nfɔ agbɔngbɔ lafanyɔ (200).’ Agyumasu ɔkɔpu amu lebla mu ɔ́ɔɛ, ‘Tsan fu adanstɛ ɔwɔlu amutɔ, afɔwanɔnɔ lafakule (100).’ ⁷Ɖɛfite ɔku ɛ ɔ́ɔɛ, ‘Iku afɔnɔ fude?’ Iku ɔkitapu amu lebla mu ɔ́ɔɛ, ‘Bodobodo nfuo akente ɔpɔm-ɔkule (1,000).’ Agyumasu ɔkɔpu amu lebla mu ɔ́ɔɛ, ‘Tsan fu adanstɛ ɔwɔlu amutɔ, afɔwanɔnɔ lafakwe (800).’

⁸“Osikani amu lekanfu agyumasu ɔkɔpu anfi ɔma ɔ́kwali anfi ání alatalɔ tun anstɔ alɔ.” Yesu lɔmɔ mú ɔ́ho ɔ́ɔɛ, “Ndɛmba-abiá bubuo ɔyɔtɔ atɔ ansitɔn ání bɔpu butsie amú abatɔ idun amú́a buyin Bulu kle.

⁹“Nde mli bla mbeɛ, mɔɔpu ɔyɔtɔ atɔ bwe apio, menɔ nɔ ita a, Bulu ɔ́bɔho mli wa mu woyiá iu unv bre fɛ́é́tɔ. ¹⁰Ɖha ání ɔletalɔ kɔta atɔ tukuriibi, olegyi ɔ́kwali músu a, mu ken obégyi ɔ́kwali atɔ kɔ́nkɔ́ntɔ esu nɔ. Tame ɔha ání ɔmɔwa ɔ́kwali atɔ tukuriibisu ɔmɔ́wa ɔ́kwali atɔ kɔ́nkɔ́ntɔsu. ¹¹Mú sv nɔ mɔmá ɔ́kwali ɔyɔtɔ atɔsu a, ma mɛɛ ɔ́bɔho mli gyi, pu ɔ́su atɔ onuto wa mli ibitɔ? ¹²Nte nɔ fuma ɔ́kwali ɔku klesu a, ma mɛɛ ɔ́bɔpu fu kle ha fu?

¹³“Osumpu ɔkɔku méetalɔ sum awie anyɔ. Ɖbɔ́dwe ɔkule, lu ɔkule. Nte obóbu ɔkule, omóobu ɔkule. Fúmɛ́etalɔ sum Bulu, sum Kɔba.”

Yesu Asun Blɔhe Ku

(Mateo 11:12-13; 5:31-32; Marko 10:11-12)

¹⁴Farisifɔ butɔdwe kɔba. Mú sv breá bonu Yesu asun blɔhe anfi a, bɔbwe mu ahinla. ¹⁵Iu Yesu lebla amú ɔ́ɔɛ, “Mɔ́tele iwɔ suna ání aha yile mɔgyi aha anstɔ, tame Bulu mú yin mli klɔntɔ. Tsufe tɔ́á nyankpɔsa tekɔ́a iu labi igyi Bulu akisitɔ.

¹⁶“Mose Mbla amu pɔ́ Bulu ɔ́nɔsu atɔpu amu asun wanɔnɔhe lɔyɔ agyuma alu bɔ́fɔn Asu Ɖbɔpu Yohane bresu. Tsu musu bude Bulu iwiegyi amu iwɔ asun wanklaan ɔkan da, aha ɛ budeprɔ wie mútɔ. ¹⁷Ɖsv múa asɔ bétalɔ mɔ ɔ́ho, tame itoduahe nte asunbi kule kuraa móowu Mose Mbla amutɔ.

¹⁸“Oyin okina mu ka layetsia ɔtsɔ bamba a, alatɔ mbua. Oyingyioyin ání ɔtsia ɔtsɔ anfi mu klu lakina mu ɛ latɔ mbua.”

Iwɔ Onyapu Ɖku Mɔa Lasaro

¹⁹Yesu lebla amú ɔ́ɔɛ, “Iwɔ onyapu ɔku letsia. Atati wɔ́lɔhe ɔ́tedɔ́da, otegyi nkpa wanklaan ekekegyieke. ²⁰Atɔ ɔkɔɔpu ɔkɔ́a mu iwɔ letsitsi nɔ ɛ letsia, butetɔ mu Lasaro. Betsia pu ohiani anfi yeyai iwɔ onyapu amu ɔkpa ɔ́ho.

²¹Ɔkɔ́á obénya atogyihe mpupubiá ubékpakpa bun oyin amu ɔpɔnvasi gyi. Akɔ́at letsia beyinta mu nɔ́ amu kuraato.

²²“Breá ohiani anfi lowu a, Bulu-abɔ́ɔɔ botsu mu ya, oleyetsia ani nain Abraham wa ɔ́sɔ́sɔ. lwi onyapɔ anfi ɛ lobowu, bopula mu. ²³Ɔ́ɔ́ɔ́ɔ́ ɔ́bɔ́ ɔ́sɔ́bɔ́tɔ́ ogya ání itamaduntɔ́, ɔ́dɛ iwɔ́ɔ́sɔ́n wun. Olotsu ansi fɔ́a, olowun ání Lasaro tsie Abraham wa tsutsuutsu. ²⁴lɔ́w ɔ́lɔ́kplɔ́n ɔ́bɛɛ, ‘Ani si Abraham ee! Wun mi nwe, afuha Lasaro ɔ́ɔ́ɔ́ɔ́ mu osrebi da ntsutso pɔ́bedá mi ɔ́dandɔ́sɔ́, ilwii kpalobi. Nde iwɔ́ɔ́sɔ́n wun ogya anfitɔ́ dɔ́bɔ́!’

²⁵“Tame Abraham lebla mu ɔ́bɛɛ, ‘Obi, kan. Fu nkpatsiatɔ́ a, fegyí ɔ́dwe, Lasaro ɛ letsia ɔ́sɔ́ntɔ́. Sei a, ɔ́bɔ́ ɔ́dwɛtɔ́, fu ɛ fɔ́bɔ́ ɔ́sɔ́ntɔ́. ²⁶Ɔ́ma a, ulan kɔ́nkpɔ́nkpɔ́ntɔ́ ku da ania fɔ́nyɔ́ nsine. Mú sv ɔ́haa méetalɔ́ fa tsu nfi ba fu wa unu, ɔ́haa ɛ méetalɔ́ fa tsu unu ba ani wa nfi.’ ²⁷Oyin amu lebla Abraham ɔ́bɛɛ, ‘Mumu nobwii ipa, ani si Abraham, wa Lasaro sisi mi si woyitɔ́. ²⁸Mbu apio yinhe abanu aku unu. Ɔ́yɛda amú ɔ́la, menɔ́ bowu a, bumééba bowun iwɔ́ɔ́sɔ́n anfi odu.’

²⁹“Abraham lele mú ɔ́nɔ́ ɔ́bɛɛ, ‘Mose mua Bulu ɔ́nɔ́sɔ́ atɔ́ɔ́ɔ́ amu nwɔ́lɔ́ bu amú wa, ide amú ɔ́la da. Bunu mú, abugyi músv.’ ³⁰Oyin amu lele mú ɔ́nɔ́ ɔ́bɛɛ, ‘Ani si Abraham, asun amu nu keke mééha amú abudamli klɔ́ntɔ́. Mboun ni ɔ́ku ɔ́kɔ́sɔ́ tsu afulitɔ́ yɔ́ amú wa a, bédamli klɔ́ntɔ́.’ ³¹Tame Abraham lebla mu ɔ́bɛɛ, ‘Ni bumegyí Mose mua Bulu ɔ́nɔ́sɔ́ atɔ́ɔ́ɔ́ amu nwɔ́lɔ́tɔ́ asun amúsv a, ɔ́ku ɔ́kɔ́sɔ́ tsu afulitɔ́ yɔ́ unu kɔ́raa a, bumóonu ɔ́ha amu asun.’ ”

Lakpanbwe

(Mateo 18:6-7, 21-22; Marko 9:42)

17 ¹Yesu lebla mu akasɔ́ɔ́ ɔ́bɛɛ, “Bwebwebwe a, tɔ́ku ubéha nyankpɔ́sa ɔ́bɔ́bwe lakpan, tame ɔ́ha ání una musu mu ba lɔ́bwe lakpan ɔ́gyɔ́wɔ́ ni. ²Ni ɔ́ku leha aha anfi bumɔ́kɔ́dan misu hogyitɔ́ anfitɔ́ ɔ́ku lɔ́bwe lakpan a, ni beda nfuokwebɔ́ sian mu ɔ́metɔ́, tswi mu wa ɔ́pɔ́ okluklukpa po a, ɔ́bɔ́ ale dɔ́n. ³Mú sv mlɔ́kɔ́ mli ɔ́wɔ́ wanklaan.

“Ni fu ba ɔ́pɔ́ ɔ́la gyi fu a, wa ɔ́yin wa mu. Ni ɔ́ledamli klɔ́ntɔ́ a, sikie mu. ⁴Ni ɔ́lɔ́pɔ́ ɔ́la gyi fu tse sienɔ́^k ekewɔ́le owitɔ́, ɔ́lela bobwii ipa ha fu a, sikie mu.”

Hogyi

⁵Yesu *sumbi ayɔ́ɔ́ɔ́ amu bebla mu bɛɛ, “Ha ani hogyi imoni tsta.”

⁶Yesu lele mú ɔ́nɔ́ ɔ́bɛɛ, “Ni mli hogyi lomoni fe takyi-akpin ibi a, mlétalɔ́ bla kelɔ́ anfi mlíaa, ‘Puli yelɔ́ ɔ́pɔ́tɔ́.’ ɔ́bɔ́bwe dɔ́nka músv.

Osumpu Gyumagyihe

⁷“Ni mlitɔ́ ɔ́ku bu osumpɔ́á ɔ́tɔ́ɔ́ agyuma mu ndɔ́tɔ́ nte ɔ́tekɔ́ mu akufasɔ́, otsu agyɔ́matɔ́ ba a, bla mu wie tebla mu ɔ́bɛɛ, ‘Wa ɔ́sa bwe afugyi atɔ́?’ Ekekekeke! ⁸Bla ɔ́tebla mu ɔ́bɛɛ, ‘Tsu tati saba, afɔ́bɔ́tswi ɔ́pɔ́nɔ́ ha mi. Belu mi angyi atɔ́ ta, afuyegyí fu kle.’ ⁹Ɔ́teda osumpu amu ipan ɔ́bɛɛ, alabwe tɔ́á mɔ́wa mu bwe? Ekekekeke! ¹⁰lɔ́n sv ni mli ɛ mlɔ́bwe tɔ́á bɔ́wa mli bwe ta a, mlɔ́lɔ́ mlíaa, ‘Asumpu keke angyi. Tɔ́á igyi ani bwehe anɔ́labwe a.’ ”

Ulo Pepe Alɔpu Du Tsa

¹¹ Yesu na Samaria pú Galileafɔ akasu ɔɔɔ Yerusalem. ¹² Breá ɔleta wulu kusu wie ta a, ***ulo pepe** alɔpu du aku buna beba befia mu, besi lu tsutsu. ¹³ Lnu bɔkplɔn bli beɛ, “Yesu! Owie! Wun anɔ nwe.”

¹⁴ Yesu lotsu ansɔ kɔ amú, ɔlebla amú ɔbeɛ, “Mlɔpu mli wɔ yosuna Bulu igyi ɔhapu.”

Breá bɔpu ɔkpa bɔɔɔ a, amú wɔ leplɔ. ¹⁵ ɔkule mú lowun ání mu wɔ laplɔ a, oleyinki ɔdekplɔn kanfɔ Bulu kuklɔkɔv. ¹⁶ Olebemli bun Yesu ayabitɔ, ɔde mu upan da. ***Samariayin** oyin anftɔ gyi. ¹⁷ Lnu Yesu lefite ɔbeɛ, “Megyi aha idu natsa? Mú kweba atrahe me? ¹⁸ Mú su amúɔɔ ɔkuku meba bekanfɔ Bulu dɔn Samariayin ɔɔɔ anftɔ nkule?” ¹⁹ Lnu ɔlebla oyin amu ɔbeɛ, “Kusu natɔ. Fu hogyi latsa fu ulɔ.”

Bulu Iwiegyi Amu Iba

(Mateo 24:23-28, 37-41)

²⁰ Farisifɔ aku befite Yesu beɛ, “ɔmenke Bulu iwiegyi amu ibéba?” Yesu lebla amú ɔbeɛ, “Megyi ɔá ɔha ɔbɔpu ansibi wun Bulu iwiegyi amu igyi. ²¹ ɔhaa méɛtalɔ bli ɔbeɛ, ‘Kɔ, múbu nft.’ Nte ‘Múbu nana a.’ Tsufe mli klɔntɔ Bulu iwiegyi amu bu.”

²² Lnu Yesu lebla mu akasɔpu ɔbeɛ, “Eke ɔku iba, mlóɔdunka ání mlóɔwun mɔ, Nyankpusa-Mu-Bi anftɔ ekewole pe, tame mlumóowun mɔ. ²³ Aha bébla mli beɛ, ‘ɔbu nft.’ nte ‘ɔbu nana,’ tame mlumásrɔ buo amú yeku. ²⁴ Tsufe mɔ, Nyankpusa-Mu-Bi anftɔ ɔbake bóbwe fe alɔ amuv nyankpu ɔɔɔwɔ ibɔ, butowun mú nsaɔntɔ féɛ amu. ²⁵ Tame négyankpa wun iwɔɔsin tsɔtsɔɔtsɔ, ndemba-abi anftɔ e békina mɔ. ²⁶ Alɔ amuv ilegyi ***Noa** bresu amu a, alɔ ibégyi mɔ, Nyankpusa-Mu-Bi anftɔ e ibabɔ nɔ. ²⁷ Aha betsia, buɔde atɔ gyi, buɔde nta nun; buɔde aka tsia, buɔde atɔ kuta ha aklu alu ɔɔɔɔn ekeá Noa lowie mu daka kpɔnkpɔntɔ amuv, ntsu lɔɔbula bɔmɔ amú féɛ. ²⁸ Alɔ ken ileba ***Lot** e bresu nɔ. Aha betsia, buɔde atɔ gyi, buɔde nta nun, buɔde atɔ hɔ, buɔde atɔ fe; buɔde atɔ du, buɔde ibu yi, ²⁹ ɔɔɔɔn ekeá Lot ledalɔ Sodom wulutɔ, ogya múa ***atonkodu** lotswie tsu ɔsusu behu amú féɛ. ³⁰ Alɔ ken mɔ, Nyankpusa-Mu-Bi anftɔ iwɔɔwanleke bófwie ahato nɔ.

³¹ “Eke amu a, ɔha ání ɔɔɔn obusu, mu atɔ ibɔ obuto ɔmákpɔlɔ bɔtsu tɔɔɔ. Alɔ ken ɔha ání ɔbu ndɔɔɔ e máyinki bɔtsu tɔɔɔ nɔ. ³² Mlukaɔn Lot mu ka asɔnsɔ!” ³³ Tsufe nɔ ɔku lodunka ání ɔbéprɔ mu nkpa a, ɔbɔhɔli mú. Tame nɔ ɔku lɔhɔli mu nkpa a, ɔbélanya mú. ³⁴ Nde mli bla mbɛɛ, alɔ eke amu onye a, nɔ aha abanyɔ buɔda oklan kulesu a, Bulu obótsu ɔkule si ɔkule.

³⁵⁻³⁶ “Nɔ atɔ abanyɔ buɔde nfuɔ kwe a, Bulu obótsu ɔkule si ɔkule.” ³⁷ Yesu akasɔpu amu befite mu beɛ, “Anɔ Wie, nkunv ibéba?”

Yesu lebla amú ɔbeɛ, “ɔtineá itowuhe da a, unv alasa butefia nɔ.”

ɔsurapu Mba Asun Ogyipu ɔku

18 ¹ Lnu Yesu leha yeɔi ku pusuna ání buɔɔ mpaɔ bregyibre, umákpɔn amú. ² ɔlebla amú ɔbeɛ, “Asun ogyipu ɔku letsia wulu kusu. ɔtamanya

l 17:14 Abuvá mli wɔ laplɔ Mose mbla ɔkpasu. m 17:32 Breá omobu Bulu, ɔledamli kɔ ɔma a, olemli nɔlɔsin. Kɔ Gyenesis 19:26. n 17:36 Múɔɔ ye 36 bu nwulu dada amu akutɔ: Nɔ ayin abanyɔ buɔde agyuma ɔɔ ndɔ kvletɔ a, Bulu obótsu ɔkule si ɔkule.

Bulu ifu, otamanya ohaa e peli. ³ Osurapu oku e letsia wulu amuto. Oletsia bokokoli mu obee, ogyi mu asun onokwaliso ha mu, ole mu tsu mu olupu ibuto! ⁴ Teki olekle okina, tame oha-oaha a, olebla mu iwi obee, 'Ubu moto ntamanya Bulu ifu, ntamanya ohaa e peli. ⁵ Tame ali anfi osurapu anfi na ode mu han anfi su a, negyi mu asun onokwaliso. Ni megyi ali a, omeesi mi to wa. Omeeha mmeena okpa bwe toto.' "

⁶ Yesu loyo musu obee, "Mliki alia asun ogyipu anfi otamagyi asun onokwaliso anfi labli. ⁷ Mumu nkali Bulu mu meegyi mu aha amuu alale, bukesu kpoli mu oha-onye amu asun onokwaliso? Obesi amu asun wa obiato? Ekekeke! ⁸ Nde mli bla mbee, obegyi mu onokwaliso ha amu osasu. Tame ndefite mbee, ni mi, Nyankpusa-Mu-Bi anfi neyinki ba a, nowun ahogyipu aku osulu anfts?"

Lampoo Ohopu Mva Farisiyin

⁹ Yesu letra ha yebe ku pusuna amu ato tsu aha ani buteki amu iwi yile abwepu dun amu aba iwi. ¹⁰ Oleha yebe amu obee, "Ayi abanyo aku bodu yo mpa obooka Bulu otsweka. Amuto okule gyi Farisiyin, okule e gyi lampoo ohopu.

¹¹ "Farisiyin amu lokusu lu, bo mpa wa nwunto obee, 'Bulu, neda fu ipan ani mmeegyi fe aku. Mi mu mma onstipe, ntamasisi oha, ntamato mbua, mmeegyi fe lampoo ohopu anfi e. ¹² Ntekl ***o** tse nyo ndawotswi ukuleto. Nteye mi ato feeto du, le idusi ha fu.'

¹³ "Tame lampoo ohopu amu mu leyelu tsutsu, oloko nwunto wa. Omotsula tsu anu kuraa fu ki osusu. Olopu obima da ibuto, kokoli Bulu obee, 'Oo Bulu, wun mi nwe; lakpan obwepu ngi.' ¹⁴ Yesu lom mu obo obee, "Nde mli bla mbee, asa beyinki yo woyi a, Bulu anu legyi lampoo ohopu amu iwi dun Farisiyin amu. Tsufe oha ani ototsu iwi a, Bulu obeba mu asi. Oha ani oteba iwias e a, Bulu obotsu mu fu."

Nyebi Yula

(Mateo 19:13-15; Marko 10:13-16)

¹⁵ Aha aku bopu amu abi ba Yesu bee, opu ibi dunka amusu, oyula amu. Mu akasipu bowun amu. Mu su bowa iyin wa amu. ¹⁶ Tame Yesu leti nyebi amu ba mu iwi wa, olebla akasipu amu obee, "Mliha nyebi amu abuba mi wa. Mlumatin amu okpa, tsufe aha anfi odu bu Bulu iwiegyi amu ni. ¹⁷ Onokwali nde mli bla. Oha ani omoho Bulu iwiegyi amu fe kebi a, omowie moto."

Atonyahe Iwi Atosunahe

(Mateo 19:16-30; Marko 10:17-31)

¹⁸ Eke oku Yudafu ohande oku lebefite Yesu obee, "Osunapu yile, nto nobwe asa nena nkpa ani itamata?"

¹⁹ Yesu lefite mu obee, "Ntogyi su fude mi ti oha yile? Oha megyi oha yile, nketi Bulu nkule. ²⁰ Ye fuyin Bulu mbla amu o. Mogyi, matu mbua, mamu oha, mawi ato, maka asun dunka fu basu, bu fu si mva fu yin."

²¹ Ohande amu lebla mu obee, "Tsu mi nyebito opa nde mu feesu gyi."

²² Yesu lonu mu asun blihe anfi a, olebla mu obee, "Toku kule ulasi ani fobwe. Yefe fu iwisu ato fee, afuye koba amu ha ahianfo, menu fena siadie

ɔsusu. Fɔbwe mú ta a, ba afubobuo mi.” ²³ Breá oyin amu lonu asun anfi a, ɔlɔtɔ mu klɔn, tsufe ɔhie ɔbu atɔ.

²⁴ Yesu lowun ání ɔlahan mu. Mú su ɔleblɔ ɔbee, “ɔbu ɔnlɔn asa ɔwɔ onyapu obówie Bulu iwiegyi amutɔ. ²⁵ Lele mú a, ɔlɔɔn ha *kpɔsɔ ání ɔbótɔsɔn ɔbun-atɔ ɔbɔtɔ, dun ání ɔwɔ onyapu obówie Bulu iwiegyi amutɔ.”

²⁶ Aha ání bonu asun anfi befite bee, “Mumu ma mee Bulu ɔbóhɔ nkpa?”

²⁷ Tame Yesu lebla amú ɔbee, “Tɔá nyankpɔsa méetalu bwe mɔdɔn Bulu bwe.”

²⁸ Lɔu Petro lebla Yesu ɔbee, “Mɔ Wie, kɔ, anlasi anɔ woyi tswɔ bobuo fu.”

²⁹ Yesu lebla amú ɔbee, “Ɔnɔkwali nde mlɔ bla. Ɔhaa má unvá obési mu woyi, mu ka, mu apio, mu akwɔɔpɔ nte mu abi tswɔ Bulu iwiegyi amu su, ³⁰ Bulu méelawa mú otsiakpa ha mu tse du tse lafa sei, laha mu nkpa ání tamata bre amuv ɔba amutɔ.”

Yesu Lowu ɔwɔ Asun Bli Otse Sasi

(Mateo 20:17-19; Marko 10:32-34)

³¹ Yesu leti akasɔpɔ duanyɔ amu ya itsetɔ, ɔlebla amú ɔbee, “Ayo Yerusalem. Lɔu asun amuv Bulu ɔnɔsɔ atɔɔpɔ amu bɔwanlin tsu mi, Nyankpɔsa-Mu-Bi anfi ɔwɔ amu féé béba mútɔ ni. ³² Béle mi ha aha ání bume gyi Yudafo. Bóbwe mi ahinla, sia mi, tu atɔsɔnɔ wuli mi. ³³ Béputi mi atɔ, mɔ mi. Mú eke sasi a, nókusu tsu afulitɔ.”

³⁴ Akasɔpɔ amu bɔmonu unɔ asi, tsufe Bulu ɔlɔpɔhain amú. Bumebi tɔá ɔdeblɔ ɛ.

Ansibi Obwiepɔ Ɔku ɔlɔ Tsa

(Mateo 20:29-34; Marko 10:46-52)

³⁵ Yesu leta Yeriko wulutɔ wie ta a, ansibi obwiepɔ ɔku tsie ɔkpa ɔnɔ, ɔde atɔ kuli. ³⁶ Ansibi obwiepɔ amu lonuá ɔdɔm budetsun. Muv ɔlefite ɔbee, “Amansu igyi?”

³⁷ Aha bebla mu bee, “Yesu Nasaretyin amu detsun.”

³⁸ Lɔu ansibi obwiepɔ amu ɔkplɔn bli ɔbee, “Anɔ wie *Dawid mu na Yesu, wun mi nwe!”

³⁹ Aha amuv bugya Yesu nkpa amu ɔkplɔn wa ansibi obwiepɔ amu bee, ɔwa ɔsa kpa ɔnɔ bun. Ɔlelakplɔn dun alɔ ɔbee, “Anɔ wie Dawid mu na, wun mi nwe!”

⁴⁰ Yesu lesi lu, ɔleha ɔbee bukpa mu ba mu. Breá bekpa mu ba a, Yesu lefite mu ɔbee, ⁴¹ “Ntɔ fudekle fee mbwe ha fu?”

Ɔlele mú ɔnɔ ɔbee, “Owie, ha mi anwun atɔ!”

⁴² Yesu lebla mu ɔbee, “Fu hogyi latsa fu ɔlɔ. Wun atɔ.”

⁴³ Lɔnɔv mu ansibi lobwii, ɔlekpla buo Yesu, ɔde Bulu kanfu. Ɔdɔm amu féé bowun unɔ, amú ɛ bekanfu Bulu.

Yesu Mva Sakeo

19 ¹ Yesu deka tsun Yeriko wulutɔ. ² Lampoo ahɔpɔ ɔhande ɔkúá ɔbu kɔba bu wulu amutɔ, buteti mu Sakeo. ³ Oyin anfi dekleá ɔbɔpɔ ansibi wun Yesu, tame ɔma ɔswɔ, aha ɛ bɔdɔbɔ. ⁴ Mú su ɔlesɔɔ ɔkɔv pɔntɔ-oyi kúá Yesu ɔbótɔsɔn mú asi, menɔ obówun mu. ⁵ Breá Yesu lowie oyi amu ast a, olotsu anɔ

fua, wun Sakeo, ɔlebla mu ɔbee, “Sakeo, wa ɔsa kpli ba. Nde, fu woyi nɔswu ni.”

⁶Sakeo lɔwa ɔsa kpli, pu ansigyi kpa mu ya woyito. ⁷Aha ɔnɔ bowun mɔ fɛɛ bowunti bee, “Oyin anfi layɔswu lakpan ɔbweɔw woyito.”

⁸Sakeo lɔkusɔ lu woyito unu, bla anɔ Wie Yesu ɔbee, “Mi Wie, ki, nɛye mi atɔɔ anyɔ, pu ifun kie ahianfɔ. Ni nasisi ɔku e a, nɛlaha mu mɔ aku ana.”

⁹Yesu lebla mu ɔbee, “Nde Bulu laho woyi anfi nkpa, tsufe Abraham mu na ɔnɔ anfi e gyi. ¹⁰Aha ɔnɔ bafwi odunkakpa mi, Nyankpɔsa-Mu-Bi anfi neba, anho amɔ nkpa.”

Asumpu Kɔba Ha

(Mateo 25:14-30)

¹¹Aha amu buɔe asun amuv Yesu debli amu nu. Alɔ bre amuto a, Yesu lata Yerusalem wie ta. Mɔ su ɔleha amɔ yeɔi putswii amɔ, tsufe buɔdesusa Bulu iwiegyi befi asɔ ununu. ¹²ɔleha yeɔi amu ɔbee, “lwi onyapu ɔku lɔbwe agywun ɔbee, mɔtu ɔkpa yo amɔ owie dehen wa, ɔyai mu owie, oyinki begyi iwie mu ɔmɔtu. ¹³Asa ɔbɔyo a, ɔleti mu asumpu idu, oleye pɔɔnu kulekule ha amɔ fɛɛ. ɔlebla amɔ ɔbee buɔɔyo agyuma yoɔun ekeá mɛba. ¹⁴Tame mu wuluto aha bolu mu, wa abi buo mu bee, bumedekleá ɔbwe amɔ owie.

¹⁵“Tame mɔ o a, owie dehen amu leyai mu iwie amu, ɔlesanki ba woyi. Olenya wie pe ɔleha beti mu asumpu amu, ɔki tɔá banya dɔnka kɔba amuv.

¹⁶Ogyankpapo leba bebla mu ɔbee, ‘Mi wie, nanya pɔɔnu du tsia fu kle amuto.’

¹⁷Muv ɔlebla osumpu amu ɔbee, ‘Fabwe atɔ. Osumpu wanklaan fugyi. lɔnɔ fawa ɔɔkwali itɔ tukuriibi anfi iwi su a, nɔpu awulu idu wa fu ibito, fɛki mɔsu.’ ¹⁸Onyɔsi leba bebla mu ɔbee, ‘Mi wie, nanya pɔɔnu anu tsia fu kle amuto.’ ¹⁹Owie amu lebla mu ɔbee, ‘Fu e fɛki awulu anusu.’

²⁰“ɔbamba e leba bebla mu ɔbee, ‘Mi wie, fu sika amu ni. Neda mɔ wa dukubi ɔnɔ yai. ²¹Nyin fu. Nde fu ifu nya, tsufe fu asun bu ɔnɔn. Futotsu atɔ ɔtineá fɔmɔpu tɔtu yai, futɔkɔtu atɔ e ɔtineá fɔmodu tɔtu.’ ²²Mu wie amu lebla mu ɔbee, ‘Osumpu lalaha. Fu ɔnɔtu asun nɔpugyi fu asun. Ye fuyin ɔnɔ mi asun ihie bu ɔnɔn, ntotsu atɔ ɔtineá mɔmɔpu tɔtu tswi, kɔtu atɔ ɔtineá mmodu tɔtu a? ²³Mɔ ntogyi su fɔmɔpu mi kɔba amu yoɔswi sika ɔyankpa. Fɛki ni neyinki ba a, nɔyoɔho mɔa mɔsu abi?’

²⁴“lɔu owie amu lebla aha ɔnɔ buɔ unu ɔbee, ‘Mɔswu osumpu anfi kɔba amu ha ɔmɔmuv olenya idu amu.’ ²⁵Tame aha amu bebla mu bee, ‘Nanain, ɔbu pɔɔnu du dodo o!’ ²⁶Owie amu lebla amɔ ɔbee, ‘Nde mɔi bla mbee, ɔha ɔnɔ odekleá obonu mi atosunahe amu asɔ a, Bulu ɔbɔpu iku tsia mɔtu ha mu. Tame ɔha ɔnɔ omedekleá obonu mɔ asɔ a, Bulu ɔbɔswu mu kpalobi amuv alabu amu kuraa. ²⁷Sei a, mɔkpa aha amuv bɔkusɔ lu mɔsu bee mɔmɔgyi iwie amu ba, amɔlɔbɔmɔmɔ amɔ mi ansito nfi!’ ”

Bɔho Yesu Fe Owie Yerusalem

(Mateo 21:1-11; Marko 11:1-11; Yohane 12:12-19)

²⁸Yesu leha amɔ yeɔi anfi ta a, ɔlɔtsun gyankpa pu yoɔ Yerusalem. ²⁹ɔleta Betfage mɔa Betania awuluá idɔn Nfɔ-nyibu^o amuv wie ta a, ɔlɔwa mu

^o 19:29 Nfɔ-nyibu igyi obubwi kuá tɔu manta Yerusalem, butetu mɔ Olifbu.

akasipu abanyo gyankpa, ³⁰bla amú ɔbeɛ, “Mliyo wulu anfi ida mli ansito anfitsu. Ni mlowie wulu ɔno a, mlówun afrimu kanahe ɔku da ɔfeto, ɔhaa mɔkutsia musu ki. Mlisanki mu ba mi. ³¹Ni ɔku ɔfite mli ɔbeɛ, ‘Ntogyi su mlide mu sanki?’ a, mlɔbla mu mlɔaa, ‘Ani Wie de mu hian.’”

³²Akasipu abanyo amu boyowun afrimu kanahe amu, fe alá Yesu lebla amú. ³³Breá bode mu sanki a, mu awie befite amú beɛ, “Ntogyi su mlide mu sanki?”

³⁴Bele mú ɔno beɛ, “Ani Wie de mu hian.” ³⁵Besi, bekpa afrimu kanahe amu ba Yesu. Beyai amú atati dinka musu, tsu Yesu bian musu. ³⁶Breá Yesu tsie musu ɔyo a, aha amu bekpa amú atati yai tswi ɔkpatɔ, ɔlenati músu tsun.

³⁷Breá Yesu lɔwa Nfɔ-nyibu amu kpli ɔyo Yerusalem wuluto bi a, mu abuopu amu féé bɔtswi ope kanfu Bulu kuklukku, ofula amuu ɔɔbwe, bowun amu féé su. ³⁸Beɛ, “Bulu oyula owie anfi ɔba mu idato anfi! Iwilwii bu ɔsusu. Numnyam ibwe Bulu kle ɔsusuusu unu.”

³⁹Farisifo aku bubu ɔɔɔm amuto. Inu bebla Yesu beɛ, “Osunapu, ka fu abuopu anfi itin!”

⁴⁰Yesu lebla amú ɔbeɛ, “Nde mli bla mbeɛ, ni aha anfi behie kpa ɔno bun kuraa a, abwi anfi bɔkplun kanfu Bulu.”

Yesu Isu Yerusalem Su

⁴¹Breá Yesu leta Yerusalem wie ta, olowun wulu amu sisi a, olosu ha mú. ⁴²ɔbeɛ, “Yerusalemfo, teki ilehian ání mlébi tɔá utɔpu iwilwii ba nde, tame mlumetali bi mú. ⁴³Bre ku iba, mli alupu békafia mli abunti, pwe okpo wa mli, sa mli tin ɔkpagyiokpasu. ⁴⁴Béhi wulu anfi pú móto atsiapu. Buméesi ibwi kule dinka mú basu, tsufe mlumebi breá Bulu leba mli nkpa ɔhɔkpa!”

Ibia Agyipu Gya Le Bulu ɔtswekpa Wunsnesu

(Mateo 21:12-17; Marko 11:15-19; Yohane 2:13-22)

⁴⁵Breá Yesu lowie Yerusalem a, ɔɔyo Bulu ɔtswekpa wunsnesu. Olenya wie unu ali, ɔɔwa ibia agyipu gya bi. ⁴⁶ɔlebla amú ɔbeɛ, “Bɔwanlun wa Bulu asun amuto beɛ, ‘Béti mi ɔtswekpa beɛ, mpaɔ ɔbɔkpa.’ Tame mlɔlapu unu mli awikplu oɔainkpa.”

⁴⁷Oletsia suna ato Bulu ɔtswekpa unu ekekegyieke. Bulu ***igy**i ahapu dehen, Mose mbla asunapu pú Yudafɔ ahande amu bodunka ɔkpa ání bɔtsun músu mo mu. ⁴⁸Tame bumenya, tsufe aha amu féé bubuo mu asun blihe.

Yesu Tumi lwi Asun Fitehe

(Mateo 21:23-27; Marko 11:27-33)

20 ¹Èke ɔku Yesu bu Bulu ɔtswekpa wunsnesu unu ɔde Bulu asun wan-
klaan amu ɔkan da, ɔde ato suna. Inu Bulu igyi ahapu dehen, Mose
mbla asunapu pú ***Yudafɔ** ahande beba bɔtu mu. ²Befite mu beɛ, “Ma leha fu
ɔkpa fude ntobi anfi bwe? Ma leha fu tumi?”

³Yesu lele mú ɔno ɔbeɛ, “Mi e nfite mli asun kuakule. ⁴Bulu wa Asu ɔbɔpu
Yohane lenya tumi pubɔ aha ***asu** loo, nte nyankpusa? Mlɔbla mi.”

⁵Amú wɔlewule boyo asun anfito beɛ, “Ni abli aniaa itsu Bulu wa a, ɔbé-
fite ani ɔbeɛ, mú ntogyi su anumɔho mu gyi? ⁶Ni abli aniaa, nyankpusa wa e
a, ɔɔɔm anfi béda ani abwi mo, tsufe bohogyi ání Bulu ɔnoɔsu ɔtɔpu Yohane
gyi.” ⁷Mú su bele mú ɔno beɛ, “Ohwee! Anumeyin ɔtɔnéá olenya mu tumi tsu.”

⁸Yesu lebla amú ɔ́bee, “Mumu mi ε mméébla mli tumi oduá ndepubwe ntobi anfti.”

Apafɔ Lalahe Aku

(Mateo 21:33-46; Marko 12:1-12)

⁹Lnv Yesu letra ha amú yebi ɔ́bee, “Ɖɔtɔɔpu ɔku lɔɔɔ *wain ndɔ, ɔɔpu ndɔ amu wa apafɔ ibitɔ, tu ɔkpa yɔ ɔmá kutɔ yetsia unv nfi-nfi. ¹⁰Breá wain-abi amu kpɔtibi lɔfon a, ɔɔwa mu osumpu apafɔ amu wa ɔ́bee, ɔyɔhɔ mu ogyikpa ba mu. Tame apafɔ amu beda obi amu, gya mu sɔsɔ ibikpan. ¹¹Ɖɔtɔɔpu amu lelawa mu osumpu nyɔsɔ amú wa. Apafɔ amu beda mu, supra mu, gya mu ε sɔsɔ ibikpan. ¹²Ɖletra lawa ɔba sasi. Apafɔ amu bepilan mu, gya mu ε le ndɔ amúɔ. ¹³Muv ndɔ mu wie amu lebli ɔ́bee, ‘Nkali kuraa nɔ́bwe? Nɔ́wa mi onuto mi bi ɔ́dwepu amú wa. Fiali bóbu mu mú.’ ¹⁴Tame breá apafɔ amu bowun mu bi amu sɔsɔ a, bebla aba bee, ‘Ɖni obégyi mu si atɔ ni. Mliha amɔ mu, menɔ ndɔ amu ibémli anɔ kle.’ ¹⁵Lnv bekita mu, butta mu dalɔ ndɔ amúɔ yɔmɔ mu.

“Ntɔ mlulahogyi mliaa, ndɔ mu wie amu ɔ́ɔ́bwe apafɔ anfti? ¹⁶Ɖbéba bɔmɔ amú, pu ndɔ amu wa apafɔ bamba ibitɔ.”

Breá aha amu bonu asun anfti a, bebli bee, “Lnɔ mú utsun anɔsu!”

¹⁷Yesu leki amú anstɔ diin, ɔ́fite amú ɔ́bee, “Bulu asun anfti asɔ mɛ?”

‘Ibwi amuv obu ayipu bekina amu

lebemli okonkisubwi nɔ.’

¹⁸Ɖhagyioha ání ɔ́ledɔda ibwi amuvɔ obébiabia blublublublu. Nɔ ibwi amu isunki da ɔkusv ε a, ibɔ́kwe mu fukɔ́fukɔ́fiko fe nfuɔ.”

Lampooka

(Mateo 22:15-22; Marko 12:13-17)

¹⁹Uɔwankɔ Mose mbla asunapu pú Bulu igyi ahapu amu ání amú iwɔ yebi alaha. Lnv bekleá békita mu, tame benya aha amu ifu. ²⁰Mú sv bodunka ɔkpa ání bótsun músv kita mu. Lnv bele aha bee, bupina bwe iwɔ fe aha wanklaan; abute mu ki bee bónu asvankv tsu mu ɔ́ɔ, menɔ bélu músv kita mu ya ɔmásv ogyipu. Mubv tumi gyi mu asun. ²¹Yesu atepu amu befite mu bee, “Osunapu, anyin ání ɔ́ɔ́kwaliɔv fɔgyi, futosuna mú ε. Futamakɔ ɔ́haa anstɔ. Mboun futosuna Bulu ɔkpa amu ɔ́ɔ́kwaliɔv. ²²Afite fu! Anɔ mbla leha ɔkpa ání aka lampoo ha Roma owie dehen Kaesare, nte anumáka?”

²³Tame Yesu lowun amú agywun. Mú sv ɔ́lebla amú ɔ́bee, ²⁴“Mliɔv kɔba amu ɔku ba mi anfti.” Bɔɔɔba mu. Muv ɔ́fite amú ɔ́bee, “Ma nwun pú mu ɔ́da dɔn músv?”

Bele mú ɔ́ɔ́ bee, “Kaesare.”

²⁵Muv ɔ́lebla amú ɔ́bee, “Mumu mliɔv tɔ́á igyi Kaesare kle ha Kaesare, amliɔv múá igyi Bulu kle ε ha Bulu.”

²⁶Mú sv bumetalɔ lu Yesu asun blihe anftsv kita mu aha amu anstɔ. Ɖɔɔ ε lobwie amú, bumetalɔ tra bwii ɔ́ɔ.

Kusv Tsu Afulitɔ Iwɔ Asun Fitehe

(Mateo 22:23-33; Marko 12:18-27)

²⁷*Sadukifɔ ɔpasua buteblɔ bee, kusv tsu afulitɔ ma unv. Amúɔ aku beba Yesu wa, ²⁸befite mu bee, “Osunapu, Mose lɔwanlnɔ tswɔ anɔ ɔ́bee, ‘Nɔ

ɔku mua mu ka bɔmɔkwu asa olowu si mu ka amu a, mu pio otsu mu ka amu tsia, fekɔ ɔkwu ha owupu amu.²⁹ Oyin ɔkule abi abasiɛnɔ aku betsia. Amúto ogyankpɔpu letsia ɔka, tame ɔmɔkwu asa olowu.³⁰ Mu gyama lotsu ɔsurapuka amu tsia, tame mu ɛ ɔmɔkwu.³¹ Ɔsasi ɛ lotsu ɔtsi amu tsia. Mu ɛ ɔmɔkwu. Alu yɔtu osienɔsi amu. Amúto ɔkuku mɔkwu asa olowu.³² Ɔma-ɔma a, ɔsurapu amu ɛ lobowu.³³ Afuli ɔkɔsɔke a, amúto ɔmɔmu ɔbɔbwe mu klu? Tsufe amú abasiɛnɔ amu féé betsia mu.”

³⁴ Mvu Yesu lele mú ɔnɔ ɔbɛɛ, “Oyi anfitɔ aha tetsia aka múa aklu.³⁵ Tame iméeba alɔ bre amvu iba amuto. Aha amvu bɔfun ání bɔkɔsu tsu afulito, tsia nkpa ɔyi amvu ibéba amuto amu mú bɔméetsia aklu, bɔméetsia aka.³⁶ Bɔméetra wu, tsufe bɔbwe fé Bulu-abɔpu. Bulu aha bɔgyi, tsufe bakɔsu tsu afulito.³⁷ Anɔ nain Mose kura lɔwanlɔn atɔ tsu afulikɔsu iwɔ. Tsufe ɔlɔwanlɔn ɔbɛɛ, eke amvu olowun oyibi ku de ogya tsii, tame imedeɛhɔ amu a, ɔleti Bulu ɔbɛɛ, ‘Abraham mua Isak pú Yakob Bulu.’³⁸ Megyi awupu Bulu ogyi, akɔankpɔpu Bulu ogyi. Tsufe mu ansito mú a, amú féé bubu nkpa.”

³⁹ Lɔu Mose mbla asunapu amu aku beblɔ bɛɛ, “Osunapu, fabɔ le mú ɔnɔ!”
⁴⁰ Mú su amúto ɔkɔkɔvuku metra wa klɔn fite mu asvansu.

Ma Gyi Kristo Amu?

(Mateo 22:41-46; Marko 12:35-37)

⁴¹ Lɔu Yesu lefite mbla asunapu amu ɔbɛɛ, “Nkali ɔlɔbwe asa aha bɛɛ, Owie Dawid mu na gyi Kristo amu? ⁴² Tsufe owie Dawid onuto leblɔ ***Israelfo** ɔlɔ amto ɔbɛɛ,

‘Anɔ Wie Bulu lebla mɔ Wie ɔbɛɛ,

Tsia mɔ gyɔpɔsu,

⁴³ yɔfun breá nɔpu fu alupu bwe fu ayabi oyikpa.’

⁴⁴ Owie Dawid letɔ Kristo amu ɔbɛɛ, mu wie. Mú nkali su ɔtra ogyi mu na?”

Mose Mbla Asunapu Tsiato

(Mateo 23:1-36; Marko 12:38-40)

⁴⁵ Lɔu ɔlebla mu akasɔpu aha amu ansito ɔbɛɛ,⁴⁶ “Mliki Mose mbla asunapu anfi wanklaan. Butekle liga wa nati ki. Butekle bɛɛ, aha bubun ha amú itsia dunsu. Otsiakpa yile butekle tsia Yudafo ofiakpa pú nke ogyikpa.⁴⁷ Butɔswu asurapu amú woyi, butepina bɔ mpaɔ tintintin ahato pubun amú lalahesu. Bulu ɔbɛbuti amú tsu kinkiinkin!”

Ɔsurapu Ɔku Tswitswi

(Marko 12:41-44)

21 ¹ Breá Yesu tsie manta tswitswi daka amu Bulu ɔswɛkpa unu a, olowun alɔ aha ání amú ibito bu odwin buɔɔpu kɔba akpɔnkpɔnti bɔwa daka amuto.² Lɔu ɔsurapu ohiani ɔku ɛ lɔpu mu kɔba ana bɔwa múto.³ Mvu Yesu leblɔ ɔbɛɛ, “Ɔnɔkwali ndɛ mli bla, tswitswiá ɔsurapu anfi ɔma tɔto anfi lawa a, idɔn ɔhagyioha kle.⁴ Tsufe atrahe amu féé a, amú kɔba tsɔtsɔ-ɔtsɔto bale kpalobi tsu bɔwa. Tame ɔsurapu anfi mú, unɔ ɔma tɔto su tɔá ɔbu féé alapu bɔwa a.”

Bulu Ɔtswekpa Amu Bwie

(Mateo 24:1-2; Marko 13:1-2)

⁵Yesu akasɔpu aku budetɔ tsu altá bɔpu abwiá ibu bia yi Bulu ɔtswekpa amu, pu atokiehe wanklaan la mútɔ. Tame Yesu lebla amú ɔbeɛ, ⁶“Bre ku iba, bóbwie mú féé bun. Ibwi kule kuraa méesian dinka mú basu.”

Ɔwɔsun Múá Ukplan

(Mateo 24:3-14; Marko 13:3-13)

⁷Muu mu akasɔpu amu befite mu beɛ, “Osunapu, bre mɔmɔtɔ unu féé ibéba? Osuna mɔmu abópuɔtá bre amu ulafun?”

⁸Ɔnu Yesu lebla amú ɔbeɛ, “Mluku wanklaan, menú ɔhaa méemle mli. Tsufe aha tsɔtsɔɔtsɔ bɔpu mu ida ba beɛ, amúgyi Kristo amu ni. Mú bre lafun ta, tame mlumábuo amú. ⁹Ni mlonuá isa múa kpokiti lada a, opuni mátsii mli. Tsufe ilehian ání unu aná bégyankpa ba, tame ɔyi ɔnɔmɔke uméeba unusu.”

¹⁰Ɔnu ɔlebla amú ɔbeɛ, “Ɔmá bóko aba. Awie bókusɔ lu abasu. ¹¹Ɔsulɔ békpinki ntune-ntune. Akun múa ulɔ tsankihe ɛ béba ntune-ntune. Ntobiá ihɛ bu ifu pú osuna akpɔnkpɔnti béba tsu ɔsusɔ. ¹²Tame asa mú féé béba a, békita mli. Béhie dinka mɔsu, pu mli ya Yudafo ofiakpa yegyí mli asun, wa mli obu. Mí su békpa mli ya awie pú ɔmásu agyipu ansitɔ. ¹³Ɔnu ɔbéha mli ɔkpa mlétali gyi mí twi adansie suna amú ni. ¹⁴Tame mlumáhan mli twi susu altá mléle twi ɔnɔ. ¹⁵Tsufe néha mli nyansa múa ɔnɔwanki. Mli anyaba amutɔ ɔkuku méétali gyi mli nwen. ¹⁶Mli akwupu, mli apio, mli woyitɔ aha pú mli anyawie kuraa béle mli ha, bómo mlitɔ aku. ¹⁷Mí su aha féé bólu mli. ¹⁸Tame mli nwnusu-imi kule kuraa mɔɔfwí. ¹⁹Ni mlétali lu kinkin a, mlénya nkpa ání utamata.

Yerusalem Bwie Ɔwɔ Asun Bli

(Mateo 24:15-21; Marko 13:14-19)

²⁰“Ni mlowun ání isa akɔpu bakafia Yerusalem wulu a, mliɔtá wulu amu iba obwiekpa. ²¹Mumu aha ání bubu Yudea ɔmáto busri yɔ abusu. Aha ání bubu Yerusalem wulutɔ budali. Amúá buma wulu amutɔ ɛ bumáyinki ba. ²²Tsufe alí nke amu ibɔbwe Israelfɔ isubiti nke, fe altá Bulu ɔnɔsu atɔpu amu bɔwanlun tswi. ²³Amenyapu pú abi-ayin ání bupia abi bɔbwe alí bre amutɔ, bogyɔwi ni. Tsufe asun wunhe amu ɔnɔ bówa ɔnlun. Ukplan kpɔnkpɔnti béba ɔsulɔsu. Isubiti kpɔnkpɔnti ɛ ibéba músu atsiapusu. ²⁴Amúto aku básin ɔdayi ɔnɔ. Békita amú aku ɛ ndoun ya ɔmá-ɔmáto. Yerusalem wulu ibétsia ɔmá bambasufɔ asi, alu yɔfun breá amú ɔmá amu asutsiabí lamɔ ɔnɔ.

Nyankpɔsa-Mu-Bi Amu Lbabi

(Mateo 24:29-31; Marko 13:24-27)

²⁵“Bówun osuna owi, ɔtsra pú ntsrakpabisu. Ɔpu béda ifusu. Ɔsulɔsu atsiapu bénya ifu, buméebi tɔá bubwe. ²⁶Nwuluta múa múto atɔ féé békpinki. Mú su aha bénya ifu, tun uje tɔá ideba su. ²⁷Alí bre amutɔ a, ɔhagyíɔha obówun ání mí, Nyankpɔsa-Mu-Bi anfi napu tumi múa numnyam kpɔnkpɔnti mbu nwulutatɔ tsu ɔsusɔ neba. ²⁸Ni ntobi anfi ide músu yɔ a, mlíkusu lu, amlitsu ansi fua ku; tsufe mli nkpahɔbi lafun.”

Ɔyi Ɖnɔmɔ lwi Osuna

(Mateo 24:32-35; Marko 13:28-31)

²⁹Yesu leha amú yebi ɔbee, “Mlɛpɔki pɔntɔ mɔ́a nyi atrahe. ³⁰Ni ide ate ɔpɔwe le a, mlɛtowun mɔ́, biá awikpan bre lafun ta. ³¹Alɛ ken, ni mlowun ání tobi anfi fée ide mótɔ ba a, mlibiá Bulu iwiegyi amu ulawie woyi ta.

³²“Ɖnɔkwali nde mli bla. Ndemba-abi anfi fée bumóowu ta, asa unɛ fée béba mótɔ. ³³Ɖsu mɔ́a asɛ fée bótsun, tame mi asun blihe mótɔsun ekekeeke.

lwisɔda

³⁴“Mliki wanklaan, menɛ opotsuawa, ntabɔ pú ɔyitɔ atɔ ɔmagya méegyɛ mli agywunsu. Menɛ mi, Nyankpɔsa-Mu-Bi anfi ɔbake amu méebekita mli fe yibi. ³⁵Tsufe ibéba ɔyitɔ aha féeɛsu. ³⁶lɛ su mliɔyo, amlibɔ mpaɛ, menɛ mlénya ɔwunlin talɛ tsun ofula amu féeɛtɔ belu mi, Nyankpɔsa-Mu-Bi anfi ansitɔ.”

³⁷Nke amutɔ a, Yesu letsia yosuna atɔ Bulu ɔtswekpa unu ɔpa. Onye a, alanatɛ yɔ Nfɔ-nyibu amusu. ³⁸Aha tsɔtsɔtsɔ butɔkusu ba Ɖtswekpa unu bake, bonu mu asun blihe.

Yesu Nwunsu Kiklɛ

(Mateo 26:1-5; Marko 14:1-2; Yohane 11:45-53)

22 ¹Israelfɔ ***Bodobodo Mátuhe Nke**, igyi amósu Katsun ***Nke** amu gyi iba bɔfun. ²Bulu ***igyɛ** ahapɛ dehen pú Mose mbɛla asunapɛ amu bodunka ɔkpa ání bótsun mósu kita Yesu ɛaintɔ, mɔ́ mu, tsufe buɛ aha amu ifu nya.

Yuda Iskariot Lotsula Ání Ɖbéle Yesu Ha

(Mateo 26:14-16; Marko 14:10-11)

³lɛ Ɖbunsam lowie Yuda Iskariot, ogyi Yesu akasɛpɛ duanyɔ amutɔ ɔkɔletɔ. ⁴Mú su ɔɔyɔ Bulu igyi ahapɛ dehen pú Bulu ɔtswekpa agyopɛ dehen wa, bekita agywun alɛ ɔbéle Yesu ha amú. ⁵Ansɛ legyi amú. Mú su botsula ání béka mu ikɔ. ⁶Yuda lotsula. Mú su olodunka ɔkpa ání ɔbótsun mósu hɛɛ le Yesu ha amú, breá aha tsɔtsɔtsɔ amu buma unu.

Katsun Atogyihe Gyi

(Mateo 26:17-19; Marko 14:12-21; Yohane 13:21-30)

⁷***Bodobodo Mátuhe Nke** amutɔ ekeá butɔmɔ Israelfɔsu Katsun ***Nke** akufa lafun. ⁸Yesu lɔwa Petro mva Yohane ɔbee, buyɔbwe Israelfɔsu Katsun atogyihe amu yai ha amú.

⁹Petro mva Yohane befite mu bee, “Anɛ Wie, nkunɛ ayɔbwe mú yai?”

¹⁰Muu ɔlebla amú ɔbee, “Ni mlowie wulu ɔnɔ a, mléfiá oyin ɔkúá ɔsu ntsu-ɔlɔ. Mlibuo mu yɔ woyitɔ. ¹¹Mlowie a, mlɛfite woyi mu wie amu mliáa, ‘Osunapɛ ɔbee, afite fu. Nkunɛ afɔ ɔswukpa bu, ání mta mi akasɛpɛ abéba begyi Katsun atogyihe amu?’ ¹²Obósuná mli abansru yile kúá bala mótɔ yai. Mlibwe atɔ amu yai unu.”

¹³Petro mva Yohane bɔpɛ ɔkpa. Boyowun togyitɔ alɛ amuu Yesu lebla amú amu pepeɛɛ, bɔbwe Katsun atogyihe amu yai unu.

Yesu Ntupwe Atogyihe Trahe

(Mateo 26:26-30; Marko 14:22-26; 1 Korintofɔ 11:23-25)

¹⁴ Atɔ amu gyibu lɔfun, Yesu mua mu *sumbi ayɔpu beba betsia ɔpunu amu asi. ¹⁵ Yesu lebla amú ɔbee, “Nhiɛ ndekle mbee, mia mlɔnyɔ abégyi *Katsun Nketo atogyihe anfi asa mi anwun iwɔsin. ¹⁶ Tsufɛ ndɛ mli bla mbee, mmée-tra gyi mú ekekekeke yɔfun ekeá itɔ amuv atogyihe anfi ulu ha amu laba mútu Bulu iwiegyi amútu.”

¹⁷ Luv olotsu nta-ewe, da Bulu ipan, ɔlebla amú ɔbee, “Mlɔho amlunun ha aba. ¹⁸ Tsufɛ ndɛ mli bla mbee, mmée-tra nun *wain-abi nta anfi ekekekeke yɔfun breá Bulu iwiegyi amu íbɛba.”

¹⁹ Luv ɔlele bodobodo ipin, ɔleda Bulu ipan, biabia mútu puha amú, bli ɔbee, “Mɔ ayulvá mli sv nasi ha ni. Mlitsia bwe unɔ pukain misu.” ²⁰ Ali ken, breá begyi atɔ amu ta a, olotsu nta-ewe amu ha amú, bli ɔbee, “Nta-ewe anfi gyi Bulu ntam pɔpweá nétsei mi obugya wɔli pusi músu ha mli ni.

²¹ “Lɔtá ndɛbli a, mia ɔha amuv ɔbéle mi ha amu ibi da ɔlepe ɔkuletɔ. ²² Mɔ, Nyankpusa-Mv-Bi anfi nówu fe alɔtá Bulu lehie yai, tame ɔha amuv ɔbéle mi ha amu ɔgyɔwi ni.”

²³ Luv befi asi bude aba fite bee, “Ngya anitɔ ma ɔbɔbwe unɔ?”

Ma ɔbɔbwe ɔhandɛ?

²⁴ Nwengyi leba sumbi ayɔpu amútu, amútu ɔmúv ɔbɔbwe ɔhandɛ sv. ²⁵ Yesu lebla amú ɔbee, “Ɔmátɔfɔ awie bubu tumi amú ahasu. Aha amu buteti amú ahandɛ bee, ‘Buale agyipu.’ ²⁶ Tame mlɔtɔ mú a, umába ali. ɔha ání odekleá ɔbɔbwe mlɔtɔ ɔhandɛ ɔbwe mu iwɔ ɔtrahe. ɔha ání odekle ɔbee, mɔbwe mli nkpa ogyapu ɛ ɔbwe mu iwɔ fe osumpu. ²⁷ Ma dun mu ba? ɔha ání otsie ɔpunuvasi loo, nte ɔha ání odesum ɔpunu amu asi? Megyi ɔha amuv otsie mú asi amu dun? Tame mbu mlɔtɔ fe osumpu.

²⁸ “Mlɔlɔwa klun buo mi mi isɔki féétɔ ni. ²⁹ Ali amuv mi Si layai mi owie amu a, ali mi ɛ ndɛ mli yai ni. ³⁰ Meni mlétsia mi ɔpunuvasi, gyi atɔ, nun nta mi iwie ogyikpa unv. Mlétsia awie mbiasu, gyi *Israel abusuan duanyɔ amu asun.”

Petro ɔbɔswu ɔbee Mɔmeyin Yesu

(Mateo 26:31-35; Marko 14:27-31; Yohane 13:36-38)

³¹ Yesu lebla Simon Petro ɔbee, “Simon, Simon! Kɔ, ɔbunsam de ɔkpa kuli ɔbee, obófuni mli fe ayo. ³² Tame nakokoli Bulu ha fu mbee, fumádida hogiyito. Ni feyinki ba mi wa a, wa fu aba amu ɛ ɔwunlun.”

³³ Petro lebla mu ɔbee, “Mɔ Wie natsula. Ni obu igyi kuraa mia funyɔ abédu. Ni lowu igyi ɛ a, mia funyɔ abówu.”

³⁴ Yesu lebla mu ɔbee, “Petro, ndɛ fu bla mbee, ndɛ, asa bate ɔbéle ɔno a, fɔswu pu ibi wa ogya tse sa fee fɔmeyin mi.”

Iwuklɔtá Ibéba Ekeku

³⁵ Luv Yesu lefite akasipu amu ɔbee, “Breá nɔwa mli sumbi, mlumede sika akente, mlumede akpankogyo nte ntukuta nyɔsi a, tɔku lehian mli?”

Bele mú ɔno bee, “Ekekeke! Tɔtɔ mehian anɔ.”

³⁶Muu ɔlebla amú ɔbee, “Tame sei mú a, fuá fubu sika kente, nte akpanko-gyo a, tsu kita. Ni mlitɔ ɔku má ɔdayi ɣa anyɔ a, ɔfe mu tati pvhɔ ku! ³⁷Tsufe ilehian ání mɔ ɣwɔ asun amuu ɣbu Bulu asun wanlinheto amu ɣbéba móto. Bɔwanlin bee, ‘Bekla mu wa lakpan abweputɔ.’ Tsufe asun amuu bɔwanlin tsu mɔ ɣwɔ amu ɣba lafun ta.”

³⁸Akasipu amu bebla mu bee, “Ani Wie ki, ndayi anyɔ ni.”
Muu Yesu lebla amú ɔbee, “Ltsɔ.”

Mpatɔ Nfɔ-nyibusu

(Mateo 26:36-46; Marko 14:32-42)

³⁹Yesu ledali wuluto ɣɔ Nfɔ-nyibu amusu, fe alá otetsia ɣɔ unu yat. Mu akasipu e bobuo mu. ⁴⁰Breá bowie unu a, ɔlebla amú ɔbee, “Mlikokoli Bulu, menɔ mlumóowie ɣɔkɔto.”

⁴¹Muu ɔledali amúto ɣɔ nkpa kpalobi fe nfi múa nfi, yeda akpawunu bɔ mpatɔ ɔbee, ⁴²“Mɔ Si, ni fótsula a, ha nta-ewe anfi^p utsun mɔsu. Tame megyi toá ndekle, múá fudekle ɣba móto.” ⁴³Unu Bulu-ɔbɔpu lotsu ɔsusu ba bele ɣwɔ ɔwan suna mu, wa mu ɔwunlin. ⁴⁴Asun ihie de mu han. Mú su ɔlɔbo mpatɔ kinkiin-kin. Uleha mu apipi lemli fe obugya, ɣdetun da ɔsuluto ta-ta-ta.

⁴⁵Breá ɔlɔkusu tsu mpatɔ amu ɔbɔkpa, yinki ba akasipu amu wa a, olowun ání buededu. Awurehɔ de amú. Mú su ɣwɔ lawu amú. ⁴⁶Muu ɔlefite amú ɔbee, “Ntogyi su mlidedu? Mlikusu amlukokoli Bulu, menɔ mlumóowie ɣɔkɔto.”

Yesu Kita

(Mateo 26:47-56; Marko 14:43-50; Yohane 18:1-11)

⁴⁷Yesu ɔno mesi, ɔɔm bowotii amúsu. Akasipu duanyɔ amuto ɔkuleá buteti mu Yuda gya amú nkpa. Unu ɔlenati tu Yesu ɔbee, amvlata mu puta, ⁴⁸tame Yesu lefite mu ɔbee, “Yuda, lata félata mɔ, Nyankpusa-Mu-Bi anfi puta, pule mɔ ha?”

⁴⁹Akasipu amuu bubu Yesu wa amu bowun toá ɣba. Mú su befite Yesu bee, “Ako amú? Anibu ndayi.” ⁵⁰Unu amúto ɔkule lɔtswi mu ɔdayi kpa Bulu igyi ɔhapu dehen osumpu ɔku gyɔpi-tsu le.

⁵¹Yesu lebla ɔkasipu amu ɔbee, “Mábwe! Isi mli ɔka!” Unu ɔlɔpu ɣbu da osumpu amu ɣsu amu, ileyinki tsa.

⁵²Muu Yesu lefite Bulu igyi ahapu dehen, Bulu ɔtswekpa agyopu ahande pú Yudafɔ ahande amuu beba mu ɔkitakpa amu ɔbee, “Ogyo otswapu ngyi, su mlilatsu nkpoti pú ndayi mleba mɔ ɔkitakpa? ⁵³Ntsie mli wa Bulu ɔtswekpa wunsnesu ekekegyieke, mlumɔpu ɣbu da mɔ ekekeke. Tame mli bre ni. Oklun tumi de iwie gyi.”

Petro Lɔswu ɔbee Mumeyin Yesu

(Mateo 26:57-58, 69-75; Marko 14:53-54, 66-72; Yohane 18:12-18, 25-27)

⁵⁴Unu aha amu bekita Yesu, kpa mu ya Bulu igyi ɔhapu dehen woyito. Petro lepeti obu amú ɔma tsutsuutsu. ⁵⁵Tame breá bosun agyabi wunsnesu unu, butsie mú asi a, Petro leyetsia amú wa. ⁵⁶Otsibi ɔkuá ogyi osumpu unu lowun ání Petro tsie ogya amu asi, ɔleki mu diin, bli ɔbee, “Oyin anfi e buo Yesu!”

⁵⁷Tame Petro lɔpu ɔnɔli bli ɔbee, “Ɖtsi, mmeyin mu ɔtinetine!”

⁵⁸Ɖlobwe kpalobi a, ɔha ɔku ε lowun Petro, ɔlebla mu ɔbee, “Fu ε fubu amóto.”

Tame Petro lebla mu ɔbee, “Owie, megyi mi ni!”

⁵⁹Fε dɔnhwiri kule ɔma a, ɔha bamba ε leba botsula músu ɔbee, “Lele, oyin anfi ε letsia mu wa, tsufe Galileayin ogyi.”

⁶⁰Tame Petro lele mú ɔno ɔbee, “Agya! Ki, mmeyin asun anfi uwi kuku.”

Petro ɔno mesi, bate lɔbɔn. ⁶¹Ani Wie Yesu ledamli ki Petro. Lnu Petro lekaun asun amvu anfi Wie lebla mu ɔbee, “Fóswu tse sa fee, fɔmeyin mi asa bate ɔbéle ɔno onyenú.” amusu. ⁶²Lnu ɔledali yɔ kpankpa hie yosu.

Yesu Ahinla Bwe

(Mateo 26:67-68; Marko 14:65)

⁶³Yesusu akɔpu befi asu bude mu ahinla bwe, bude mu da. ⁶⁴Bɔpu atɔ klu mu ansibi, fite mu bee, “Bulu ɔnoɔsu ɔtɔpu, ma lada fu? Bla aní.” ⁶⁵Bekpa mu asiabi, bla mu nyanyala.

Yudafɔ Asun Agyipu Ansitɔ Lu

(Mateo 26:59-66; Marko 14:55-64; Yohane 18:19-24)

⁶⁶Yudafɔ ahande, Bulu igyi ahapu dehen pú Mose mbla asunapu amu befia ɔyikehe nyanki-nyanki, bebɔta Yesu belu amú ansitɔ. ⁶⁷Bebila Yesu bee, “Ni fɔgyi Kristo, (ɔha amvu Bulu lada mu ofuli amu) a, bla aní.”

Yesu lebla amú ɔbee, “Ni nebla mli kuraa a, mlimóohogyi. ⁶⁸Ni nefite mli asvanku ε a, mliméele mú ɔno. ⁶⁹Tame tsu sei puya a, mi, Nyankpusa-Mu-Bi anfi nétsia Bulu Otumipu amu gyɔɔpu.”

⁷⁰Amú féé befite Yesu bee, “Mú su fɔgyi Bulu mu Bi amu ni?”

Yesu lebla amú ɔbee, “Ee, ɔnokwali amu mlilabli a.”

⁷¹Lnu befite aba bee, “Ntogyi su abétra dunka adansifɔ bamba? Mú anlanu tsu mu onuto ɔno a.”

Yesu Kpa Ya Pilato

(Mateo 27:1-2, 11-14; Marko 15:1-5; Yohane 18:28-38)

23 ¹Lnu aha amvu befia unu amu bɔkusv kpa Yesu ya ɔmásv ogyipu Pilato. ²Beka asun dunka musv bee, “Anlawun ání oyin anfi de ɔmá anfitɔ aha yinta. Ɖde amú bla ɔbee, bumátra ka lampoo ha Roma owie dehen. Ɖdebli ε ɔbee, mɔgyi Kristo (ɔha ání Bulu lada mu ofuli amu). Idesuna ání owie ogyi.”

³Pilato lefite Yesu ɔbee, “Fɔgyi Yudafɔ owie amu ni?”

Yesu lele mú ɔno ɔbee, “Ee, mú fabli a.”

⁴Pilato lebla Bulu igyi ahapu dehen pú ɔdɔm amu ɔbee, “Mmɔkɔwun tsitsa kukvá oyin anfi labwe.”

⁵Tame amú mú bude móto kotoo bee, “Ɖdepu mu atosunahe ti utre móa ukɔ wa Yudea ɔmá anfitɔ. Olefi mú asu tsu Galilea, alapu bowie nfi.”

Yesu Herode Ansitɔ Lu

⁶Breá Pilato lonu asun anfi a, ɔlefite ɔbee, “Galileayin oyin anfi gyi?”

⁷Breá ɔlebiá Yesu otsu Galilea, ɔtuneá owie **Herode** de iwie gyi a, ɔleha

bekpa mu ya Herode. Alí bre amúto a, Herode bu Yerusalem wuluto inu. ⁸Breá owie Herode lowun Yesu a, ansi lèhíe gyi mu. Tsufe olodunka ání obówun mu dodoodo, mu iwí asvń ání alanu sv. Odekleá Yesu óbwe osuna tku suna mu. ⁹Mú sv ólefíté Yesu asvń tsótsótsó, tame Yesu mele kuku ów. ¹⁰Bulu igyi ahapu dehen amu pú Mose mbala asunapu amu búlu inu, budekplon ka asvń dinka musu. ¹¹Owie Herode mua mu isa akópu amu ε bósupa mu, bwe mu ahinla. Bópu sríkí liga ku wa mu, beyinkia mu ya Pilato. ¹²Owie Herode mua Pilato bemli anyawie tsu eke amu. Teki amó nsune ima ale yaí.

Yesu Lowu Iṙon Ha

(Mateo 27:15-26; Marko 15:6-15; Yohane 18:39-19:16)

¹³Pilato leti Bulu igyi ahapu dehen, Yudafo ahande pú ómá amu féé befia. ¹⁴Mus ólebla amó óbee, “Mlilekpa oyin anfi ba mi mlíaa, óde ómá amu agywuń yinta. Nafite mu ówoto asvń mlí ansító, nawun ání asvń amus mlileka dinka musu amu ima múto. ¹⁵Owie Herode ε lawun mú alí. Mú sv alayinkia mu sísí aní ní. Oyín anfi məkubwe tótá bómó mu. ¹⁶Ínı sv néha bépiti mu ató, ansi mu ónati.”

¹⁷⁻¹⁸Ínı ódam amu féé bəkplon blı bee, “Le mu inu, afusi Baraba ha anı!”^a ¹⁹(Baraba anfi da obu, tsufe ókókusı lu wulu amusu, ówómó óha ε múto.)

²⁰Pilato lekleá obési Yesu. Mú sv óletra tó kplá ódam amu. ²¹Tame bəkplon kóklókúv bla mu bee, “Da mu manta ***oyikpalihesu!** Da mu manta oyikpalihesu!”

²²Pilato lebla amó otse sası óbee, “Tsitsa mómú alabwe? Mmókúwun tóá alabwe, sv néha bómó mu. Néha abupiti mu ató, ónati.”

²³Tame búbu músv budekplon kóklókúv bee, óha abuda mu manta oyikpalihesu. Ínı bódvń mu ówólı. ²⁴Mú sv Pilato óbwe dinka tó amus bodedunka amusu. ²⁵Olesi oyin amus ókókusı lu ómá amusu, mó óha múto sv óda obu amu, olesi Yesu ha mu isa akópu óbee, búbwe mu alıá aha mu budekle.

Yesu Da Manta Oyikpalihesu

(Mateo 27:32-44; Marko 15:21-32; Yohane 19:17-27)

²⁶Breá bekpa Yesu bóyo a, befia Kireneyin ókúá buteti mu Simon. Otsu abu ası. Isa akópu amu beka mu híe bee, ósvra oyikpalihé amu buo Yesu.

²⁷Ódam bobuo Yesu. Atsıá búbu amúto búpu amó anyópu, búhíe budesu ha Yesu. ²⁸Yesu ledamli, ólebla amó óbee, “Yerusalemfo atsı, mlímásu mi. Mlısu mlı iwı pú mlı abi. ²⁹Tsufe nke ku iba, mléblı mlíaa, ‘Bulu layula atsıá búmókúkwı kı, obi mókúdi amó opunitı kı, obi mókúnyópu amó ε kı.’ ³⁰Alı bre amúto a, aha bébla abu bee, ‘Mlıbwie bun anısv. Nkuku, mlıpula anı.’

³¹Tsufe nı búde oyi bóbwe ogya wa alı a, nkalı bóbwe oyi wólíhe?”^r

³²Isa akópu amu bekpa lalahe abwepu abanyó ε manta Yesusu, bóyómó amó. ³³Breá bowie ótunekúá buteti inu “Nwun Okokobi” a, beda Yesu manta oyikpalihesu. Beda amó abanyó amu ε manta nyikpalihesu. Ókole bu Yesu

q 23:17 Múto ye 17 bu nwóló dada amu akúto: *Katsvń Nke kugyıkúto a, ilehian ání Pilato obési obu ódıpu ókúléá Yudafo amu budekle ha amó.* r 23:31 Nı mi anfi mi asvń da ókpa anfi kúraa búdebe alı a, nkalı bóbwe aha ání bégyi pón mu ansıtó?

gyɔpɔsu, ɔkule ε bu mu bɔnasu. ³⁴ Lɔv Yesu lebli ɔbɛɛ, “Mɔ Si, sikie amú, tsufe bumeyin tɔ́á budebwe.”^s

Isa akɔpu amu bɔtswɔ abi ye Yesu atadiɛtɔ. ³⁵ Aha tsɔtsɔɔtsɔ amuu bobuo amú yɔ unv amu besi bulu unv buɛ mu ki. Yudafɔ ahande amu bɔbwe mu ahinla bɛɛ, “Ɖɔhɔ aha nkpa. Nɔ lele mugyi Kristo (ɔha amuu Bulu lada mu ofuli), mu Bulu lale nɔ a, ɔhɔ mu iwɔ nkpa!”

³⁶⁻³⁷ Isa akɔpu amu ε bɔpu nta ɔɔai tin mu ɔnɔ, bwe mu ahinla bɛɛ, “Nɔ fugyi Yudafɔ owie amu nɔ a, le fu iwɔ!”

³⁸ Bɔwanlun atɔ manta oyikpalihe amu awunsv bɛɛ, “YUDAFɔ OWIE AMU NL.”

³⁹ Lalahe abwepu amuu beda manta oyikpalihesu amutɔ ɔkule lebli Yesu iwɔ abususɔ ɔbɛɛ, “Megyi fugyi Kristo amu nɔ? Le fu iwɔ, afule anɔ mɛɛ!”

⁴⁰ Tame onyɔsi amu lɔwa iyin wa mu ɔbɛɛ, “Fumede Bulu ifu nya? Fua munyɔ fɛ́ɛ de ɔsubitɔ kule hɔ. ⁴¹ Anɔ mú a, anɔ ɔsubitɔ ida ɔkpa, lakpan ání anɔɔbwe sv. Tame oyin anɔ mú mɔkubwe lalahe kuku.” ⁴² Muv ɔlebla Yesu ɔbɛɛ, “Yesu, nɔ fɛba fu iwie ogyikpa a, kaɔn mɔsv!”

⁴³ Yesu lebla mu ɔbɛɛ, “Ɖnɔkwali nde fu bla. Nde, mɔa funyɔ abétsia ***Paradiso.**”

Yesu Lowu

(Mateo 27:45-56; Marko 15:33-41; Yohane 19:28-30)

⁴⁴⁻⁴⁵ Alɔ bre anɔ ɔbɔbwe fe ɔpa doduanɔ. Owi leta ɔsulɔ amuv fɛ́ɛ alu yɔfun ntupwe ɔsɔtɔ. Owi metra lin ε. Lɔv a, tati amuu bɔpuka Bulu Ɖtswekpa obu amutɔ amu ɔlebalɔ anyɔ. ⁴⁶ Yesu lɔkplɔn koklukuv bli ɔbɛɛ, “Mɔ Si, napu mu ɔɔe wa fu ɔbitɔ.” Olenya bli alɔ ta pe, ɔlele ɔɔe.

⁴⁷ Breá isa akɔpu ɔhande amu lowun tɔ́á ulaba a, ɔlekanfu Bulu ɔbɛɛ, “Lele, ɔha yile oyin anɔ gyi.”

⁴⁸ Aha amuu bulu unv amu fɛ́ɛ bowun tɔ́á ulaba, bɔpu awɔrehɔ natɔ bɔyɔ woyi. ⁴⁹ Tame amúá buyin Yesu pú atsv amuv bobuo mu tsu Galilea ɔmátɔ amu besi bulu tsutsuutsu, buɛ itɔ́á ide músv yɔ ki.

Yesu Pula

(Mateo 27:57-61; Marko 15:42-47; Yohane 19:38-42)

⁵⁰⁻⁵¹ Oyin ɔku letsia, butetɔ mu ***Yosef.** Otsu Yuda wulu kuá butetɔ mú Ari-mateatɔ. ɔha yile ogyi, obú ε bu musv. Lbv mútɔ́á ɔbv ɔmá amutɔ asun agyi-pɔtɔ, tame omotsula ɔnka amú agywun pú amú bwehe anɔsv. Otsie ogyo Bulu iwiegyi amu. ⁵² Oyin anɔ lɔyɔ Pilato wa, yɔkuli mu ɔkpa ɔbɛɛ, osi Yesu fuli amu ha mu. Pilato leha mu ɔkpa. ⁵³ Lɔv Yesu leyesɛɛ Yesu fuli, ɔlɔpu ɔhrada kɔkɔ mu iwɔ, pu mu yɔwa ɔbɔ kuá mu onuto ɔleha beda butatɔ ha mu iwɔ, bumɔkupula ɔhaa mútɔ ki. ⁵⁴ Eke amu igyi Fieda. Eke amu igyi ***ogya ɔɔɔɔɔake.** Owi inya ta pe, ɔkpuv ɔɔake amu ulafi asi.

⁵⁵ Atsv amuv bobuo mu tsu Galilea amu bobuo Yosef yekɔ Yesu opulakpa pú alá ɔlɔpu fuli amu tsvɔ ɔbɔ amutɔ. ⁵⁶ Beyinki yɔ woyi yɔkwe ***ohuam,** ***ɔhɛn** pú ofobi fanfan ání bɔpu yekpa Yesu. Botsutsua abubwe ta a, owi lata, beda ɔkpuv ɔkpuv ɔɔake amu fe alá Mose Mbla lebli.

Yesu Kusu Tsu Afulito

(Mateo 28:1-10; Marko 16:1-8; Yohane 20:1-10)

24 ¹Kwasieda, igyi ndawɔtswɔtɔ eke gyankpapu bake a, atsi amu bokusu tsu afa amuv bokwe yai amu ya Yesu ntsan amu asi. ²Bowun ání bamina ibwi amuv bɔputin ɔbo amu ɔno amu le unv. ³Mú sv bebitiwie ɔbo amutɔ, tame bumowun Yesu fuli amv. ⁴Besi bulu bude nwuntɔ bu. Beki a, ayin abanyɔ aku lu amú wa unv a. Amú atadie de ogya kpa. ⁵Ifu lekita atsi amv, beda akpawunu pv ansitɔ bun ɔsulɔtɔ. Tame ayin amv befite amú bee, “Ntogyi sv mlɔde ɔkɔankpapu dunka afulito?” ⁶Ɔma nfi, alakusu! Mlukaun asun amuv ɔlebla mli breá mliá munyɔ mlibu Galilea ɔmátɔ amusu. ⁷Ɔbee, ‘Ilehian ání béle mi, Nyankpusa-Mu-Bi anfi ha lakpan abwepv. Béda mi manta oyikpalihesu. Mú eke sasi a, nɔkusu tsu afulito.’” ⁸Lnv atsi amv bekaun Yesu asun anfsu. ⁹Beyinki tsu ntsan amv asi bebla ***sumbi ayɔpv** duɔkun amv pú aha atrahe amuv bobu unv amv féé tɔá bayowun.

¹⁰Atsiá bɔyɔ ntsan amv asi gyi, Magdalayintse Maria, Yohana pú Yakobo mu yin Maria. Amúá atsi akvá bobu amúto lekla asun anfi suna sumbi ayɔpv amv. ¹¹Asun amv lobwe sumbi ayɔpv amv fe mimlala. Mú sv bumɔho músu gyi. ¹²Tame Petro mú lɔkusu, tsii ɔsri ya ntsan amv asi. Olobun kpeleki ɔbo amutɔ. Tati amuv bɔpɔpula Yesu nkule olowun ání ɔda funtɔ. Oleyinki ya woyitɔ, ɔde nwuntɔ bu tsu asun anfi ulaba anfi iwɔ.^t

Emaus Wuluto Ya

(Marko 16:12-13)

¹³Eke amv ken a, abuopv amutɔ abanyɔ benati bɔyɔ wulu kuá buteti mú Emaustɔ. Tsu Yerusalem ya unv bɔbwe fe mauli asienu. ¹⁴Amú nkule buna bude nkɔmbɔ gyi tsu asun amuv ulaba amv iwɔ. ¹⁵Breá bude múto ya a, Yesu onuto e lobɔtu amú, mva amúnyɔ buna. ¹⁶Bulu letin amú ansi. Mú sv bumebi mu. ¹⁷Yesu lefite amú ɔbee, “Amansu iwɔ nkɔmbɔ mlina mlɔdegyi alí?”

Besi lu tikpa, awireho lekita amú. ¹⁸Amúto ɔkuleá buteti mu Kleopa lefite ɔbee, “Fu nkule gyi ɔfɔ Yerusalem wuluto, fumeyin asun ání ulaba unv nke anftɔ?”

¹⁹Yesu lefite mu ɔbee, “Amansu igyi?”

Bebila mu bee, “Yesu, Nasaretyin amv iwɔ asun igyi. Bulu ɔnɔsv ɔtɔpv ogyi. Ɔlobwe ofula akpɔnkpɔnti, bli Bulu asun tumisu, Bulu mva anyankpusa féé ansitɔ. ²⁰Ani Bulu igyi ahapv dehen pú wulu ahande bapv mu ha aha, baha mu lowu ipɔn, da mu manta oyikpalihesu. ²¹Teki mugyi ɔha ání anileki ɔkpa antaa, ɔbéka le anɔ Israelfɔ ni. Nde eke sasi ɔpá asun anfi leba. ²²⁻²³Múá idɔn kuraa a, anitɔ atsi aku bayɔ mu ntsan amv asi bakeni, tame bumowun mu fuli amv. Bee, bayowun Bulu-abɔpv aku babla amú bee, ɔbv nkpa. Tɔá beyinki bebla anɔ lawa anɔ wanwan. ²⁴Lnv sv anitɔ aku e basri ya ntsan amv asi, bayowun mú fe alíá atsi amv beba bebli. Amú e bumowun fuli amv.”

²⁵Yesu lebla amú ɔbee, “Mlulemimla o! Mli agywun tamayo agyuma ɔsasv. Nkalti igyi sv mlumɔho asun amuv Bulu ɔnɔsv atɔpv bebli tswi amv féésu gyi?” ²⁶Mlumeyin mluaa, ilehian ání Kristo (ɔha ání Bulu lada mu ofuli amv) obówun iwɔɔsun, asa obénya mu numnyam?” ²⁷Lnv Yesu lele mu iwɔ asun ání

^t 24:12 Múto ye 12 uma nwulu dada amv akutɔ.

bɔwanlɔn wa Bulu asun wanlɔnhe amɔtɔ, tsu Mosesu bɔtu Bulu ɔnɔsu atɔɔpu amu fɛ́ɛsu asɔ suna amɔ.

²⁸ Breá bowie wulu amɔtɔ bɔɔɔ a, Yesu lɔbwe fe ɔdetɔsn ɔɔɔ ɔtɔne bamba. ²⁹ Tame abuoɔpu amu bebla mu beɛ, “Anɔ sɔ, owi lapɔn. Dɔ anɔ wa nde.” Mú sv Yesu lebaɔ ɔɔ amú wa. ³⁰ Breá buɔe atɔ ɔɔi a, Yesu lele bodobodo ipin, da Bulu ipan. Muv olebiabia mótɔ puha amú. ³¹ Lnɔnu amú ansɔsu lettɔ amú, bebi mu, tame ɔɔfwɔ si amú. ³² Lnɔ beɔfite aba beɛ, “Anɔ meɔte ɔɔi anɔ bre amuv ana mɔnyɔ anɔna, ɔɔe anɔ asun bla, ɔɔe Bulu asun wanlɔnhe amu asɔ le suna an amu?”

³³ Bɔkɔsu unɔnu yinki ba Yerusalem. Beba a, sumbi ayɔɔpu duɔkɔn amu pú aha trahe bafia, ³⁴ buɔeɔle beɛ, “Lele, anɔ Wie lakusu. Alale iwɔ ɔwan suna Simon!”

³⁵ Mú sv aha abanyɔ amu e bebli tɔá bayowun ɔkpatɔ. Tɔá bɔɔɔbi mu ɔɔi bodobodo amuv oleye ha amú amu.

Yesu Iwɔɔwanle Suna Mu Akasɔpu

(Mateo 28:16-20; Marko 16:14-18; Yohane 20:19-23; Gyumagyihe 1:6-8)

³⁶ Aha abanyɔ amu bubu músv buɔetɔ alɔ Yesu onuto leba belu amú nsune. ɔleɔle ɔbeɛ, “Iwɔ ilwii mli.”^u

³⁷ Opuni letsii amú, bɔwan. Uɔbwe amú fe fuli buɔewun. ³⁸ Lnɔ Yesu leɔte amú ɔbeɛ, “Ntɔɔi sv mlɔɔe ifu nya, mlɔɔe nwen ɔɔi mli klɔntɔ alɔ? ³⁹ Mliki mɔ ibɔ, amliki mɔ ayabiasɔ. Megyi mɔ onuto nɔ? Mliki mɔ amliki. Fuli ma ɔɔɔle mɔa awu fe alɔá mbu.”

⁴⁰ Breá ɔleɔle asun anɔi ta a, ɔɔɔpu mu ibɔ pú mu ayabi suna amú. ⁴¹ Anɔi leɔte ɔɔi amú, asun amu e lɔwa amú wanwan. Mú sv bumohogyi ánɔ lele mu nɔ. Lnɔ leɔfite amú ɔbeɛ, “Mliɔv atɔɔiɔhe ku nɔi?” ⁴² Beha mu iye tɔhe itin ku, ⁴³ ɔɔɔhɔ mú, wɔ mú amú ansɔtɔ unɔ.

⁴⁴ Lnɔ ɔleɔle amú ɔbeɛ, “Lnɔ ɔɔi asun ánɔ neɔla mli breá mbu mli wa nɔ. Néɔla mli mbeɛ, ilehian ánɔ mɔ iwɔ asun kugyiɔvɔ bɔwanlɔn wa Mose Mbla, Bulu ɔnɔsu atɔɔpu nɔwɔlu pú ***Israelfɔ ulɔ** ɔwɔlɔtɔ fɛ́ɛ béba mótɔ.”

⁴⁵ Lnɔ olobwii amú agywun, menɔ bónu Bulu asun wanlɔnhe amu asɔ. ⁴⁶ ɔleɔle amú ɔbeɛ, “Bɔwanlɔn tswɔ beɛ, Kristo (ɔha amuv Bulu lada mu ofuli amu) amu obóɔwun iwɔɔsn, wu; Bulu ɔbɔkɔsva mu mú eke sasi tsu afulitɔ. ⁴⁷ Mú ɔma a, aha béda Bulu asun wanklaan amu ɔkan mɔ idatɔ ha ɔmá fɛ́ɛ beɛ buɔamli klɔntɔ, fɛ́kɔ Bulu obési amú lakpan kie amú. Béfi mú asɔ tsu Yerusalem. ⁴⁸ Mliɔyi mɔ adanɔfɔ ha asun anɔi nɔ. ⁴⁹ Nɔpu ***ɔhe Wankɔhe** amuv mɔ Sɔ leɔte yaɔ ha mli amu sɔsi mli. Mú sv mliɔsia wulu anɔfɔtɔ alu ɔɔɔɔn ekeá ɔhe Wankɔhe amu obótɔsu ɔsvɔ ba beha mli tumi.”

Yesu ɔsvɔv Yɔ

(Marko 16:19-20; Gyumagyihe 1:9-11)

⁵⁰ Breá Yesu leɔle asun anɔi ta a, ɔleɔpa amú dalɔ, bɔɔɔ Betania wulɔtɔ. Lnɔ olɔtsu ibɔ fɔva, yula amú. ⁵¹ Breá ɔɔe amú yula a, mva amúnyɔ nsune lɔwa ifɔ wa bi, Bulu lɔtsu mu ya ɔsvɔv. ⁵² Lnɔ beɔa akpawunu sum mu, bɔpu ansigyi kɔɔnkɔntɔ yinki yetsia Yerusalem. ⁵³ Betsia ɔɔ Bulu ɔtswekpa unɔ bregyiɔre, yekanfɔ Bulu.

^u 24:36 ɔleɔle ɔbeɛ, “Iwɔ ilwii mli.” ɔma nɔwɔlu dada amu akɔtɔ.

Asun Wanklaan Ání

Yohane

Lɔwanlɔn

1 ¹Asa ɔyi lebelɔn a, Asun amɔ bu unv. Asun amɔ mɔa Bulu bu unv. Asun amɔ gyi Bulu.

Asun Ání lteha Nkpa

²Asun amɔ mɔa Bulu bu unv asa ɔyi lebelɔn. ³Mɔsu Bulu lɔtsun bwe togyitɔ. Tɔtɔtɔ ma unvá Bulu lɔbwe tsun mɔ ɔma. ⁴Mutɔ nkpa itsu. Nkpa amɔ tɔpɔ wanki ba aha fée ni. ⁵Wanki anfi tɔwanki okluntɔ, tame oklun mɔkɔgyi mɔsu ki.

⁶Bulu lɔwa oyin ɔkɔvá butetɔ mɔ Yohane^a sɔsi. ⁷Ɔleba bebla aha wanki amɔ iwɔ asun, menɔ aha fée bɔhɔ asun amɔsu gyi. ⁸Megyɔ Yohane onuto gyi wanki amɔ. Mɔ mɔ wanki amɔ iwɔ asun ɔleba bebla aha. ⁹Ɔha amɔsu ogyi wanki onuto, ɔtɔwanki ha ɔhagyɔha amɔ ɔba ɔyitɔ.

¹⁰Ɔbu ɔyi anfitɔ. Mɔsu Bulu lɔtsun bwe ɔyi, tame ɔyi anfitɔ atsiapɔ bɔmɛbi mɔ. ¹¹Ɔleba mɔ onuto ɔmátɔ, tame mɔ pɔ bɔmɔhɔ mɔ. ¹²Tame ɔleha aha ání bɔhɔ mɔ, hɔ mɔ gyi fée ɔkpa ání bɔbwe Bulu abi. ¹³Amú Bulu abi bwe motsu ulintɔ, nte nyankpɔsa apebwetɔ, nte oyin ɔwɔlɔ ɔkpasu. Mboun Bulu onuto lɔbwe amú mɔ abi.

¹⁴Asun amɔ lebemli nyankpɔsa, oletsia anitɔ. Awitɔle pɔ ɔnɔkwaltɔ sɔn letsia mutɔ. Anulowun mɔ numnyam. Mɔ Si lɔwa mɔ numnyam amɔ, tsufe Obi ɔkɔkɔsu ɔkɔle pe ogyi ha mɔ.

¹⁵Yohane lele mɔ suna, tɔi tsu mɔ iwɔ ɔbeɛ, “Ɔni iwɔ asun nebli mbeɛ, ‘Ɔha amɔsu obuɔ mɔ ɔba amɔ dɔn mɔ, tsufe ɔbu unv asa bɔkwɔ m’ ” ni.

¹⁶Mɔ awitɔle itsɔ. Lɔi su ɔde awitɔle tsɔtsɔtɔtɔ anfi wa ha anɔ fée ni. ¹⁷Mosesu Bulu mbla amɔ na ɔleba, tame ɔnɔkwaltɔ mɔa awitɔle mɔ una anɔ Wie Yesu Kristosu ɔleba. ¹⁸Ɔhaa mɔkɔwun Bulu ki. Obi ɔkɔkɔsu ɔkɔle pe, mɔ onuto ogyi Bulu, ɔtsie Ɔsi amɔ gyɔpɔsu; Ɔsi amɔ tehɛ kle mɔ asun amɔ, nkɔle labla anɔ alhá Bulu gyi.

Asu Ɔbɔpɔ Yohane Bulu Asun Ɔkanda

(Mateo 3:1-12; Marko 1:1-8; Luka 3:1-18)

¹⁹⁻²⁰***Yudafɔ** ahande ání bɔbu Yerusalem bɔwa Bulu igyi ahapɔ pɔ Lewifɔ Yohane wa beɛ buyefɔte mɔ beɛ, ma ogyi? Yohane mesi asvansu nain amú.

Ɖele bla amó ɔ́beɛ, “Megyi mɔ́gyi Kristo, (ɔ́ha amɔv Bulu lada mu ofuli amv).”

²¹ Befite mu beɛ, “Mɔmv fɔgyi ma? Fɔgyi *Elia?”

Ɖele mú ɔ́nɔ ɔ́beɛ, “Megyi mɔ́gyi Elia.”

Betra fite mu beɛ, “Fɔgyi Bulu ɔ́nɔsv ɔ́tɔvɔv amɔv ɔ́béba amv?”

Ɖele mú ɔ́nɔ ɔ́beɛ, “O-o.”

²² Mɔv befite mu beɛ, “Ma fuhɛ fɔgyi? Bla anɪ, menɪ abéyɛbla aha amɔv bɔwa anɪ amv. Nkalɪ fudɛblɪ tsu fɔ onuto iwɪ?”

²³ Yohane lɔvɔv asun ánɪ Bulu ɔ́nɔsv ɔ́tɔvɔv *Yesaia leblɪ tswɪ lɛ mú ɔ́nɔ ɔ́beɛ,

“Mɔgyi ɔ́ha amɔv ɔ́deklɔvɔn ***dimbisv** ɔ́beɛ,

‘Mlɔvsvii anɪ Wie tɔkpa amv ha mu’ amv nɪ.”

²⁴⁻²⁵ Lɔv ***Farisifo** akvá bɔwa Yohane wa ɛ befite mu beɛ, “Nɪ megyi fɔgyi Kristo amv, megyi fɔgyi Elia nte Bulu Ɖnɔsv Ɖtɔvɔv amɔv ɔ́béba amv ɛ a, ntɔgyi sv fude aha ***asu** bɔ?” ²⁶ Yohane lele mú ɔ́nɔ ɔ́beɛ, “Ntsu ndɛpɔbɔ aha asu, tamɛ ɔ́ha ɔ́kv bv mlɔv nfi, mlɔmɛyin mu. ²⁷ Mɔgyi ɔ́ha ánɪ obuo mɪ ɔ́ba nɪ. Mmɔfɔn ánɪ nésankɪ mu ntɔkɔta ɔ́fɛ kpan.”

²⁸ Asun anfi fɛ́é leba Yordan ntsu ɔ́bun Betania wulɔtɔ. Lɔv Yohane letsia bɔ aha asu nɪ.

Bulu Okufabi

²⁹ Ɖyikehe a, Yohane lowun ánɪ Yesu na ɔ́ba mu wa. Mɔv ɔ́lebla aha amv ɔ́beɛ, “Mlɪkɪ, Bulu ***Okufabi** amv ɔ́ba a. Mɔsv Bulu tɔtsɔn si ɔ́yɪtɔ aha lakpan kie amó nɪ! ³⁰ Mv iwɪ asun neblɪ mbɛɛ, ‘Ɖkv buo mɪ ɔ́ba. Ɖɔvɔn mɪ, tsufɛ ɔ́bv unv asa bɔkwɪ m’ nɪ. ³¹ Mɪ onuto mmeyin mu, tamɛ neba ndɛ aha asu bɔ, menɪ Israelfɔ bébɪ ɔ́ha ánɪ ogyi.”

³² Yohane leblɪ ɔ́beɛ, “Nowun ***Ɖɔge Wankthe** amv lekplɪ tsu ɔ́svsv fe abɔduma bogyonka mɔsv. ³³ Mɪ onuto mmeyin mu, tamɛ Bulu lɔwa mɪ ɔ́beɛ mba bɔvɔv ntsu bɔ aha asu. Mɔlebla mɪ ɔ́beɛ, ‘ɔ́ha amɔv fówun Ɖɔge Wankthe amv ɔ́békplɪ tsu ɔ́svsv bogyonka mɔsv amv ɔ́bɔvɔv Ɖɔge Wankthe amv bɔ aha asu nɪ.’ ³⁴ Nawun ánɪ ɪlaba mútɔ. Mú sv ndɛ mu iwɪ adansɪɛ gyi mbɛɛ, mɔgyi Bulu mu Bi amv nɪ.”

Yesu Akasɪvɔv Agyankpavɔ

³⁵ Mú ɔ́yikehe a, Yohane mva mu akasɪvɔv abanyɔv besankɪ ba unv. ³⁶ Brɛá Yohane lowun Yesu detsɔn a, ɔ́leblɪ ɔ́beɛ, “Mlɪkɪ, Bulu ***Okufabi** amv na unv a.”

³⁷ Akasɪvɔv abanyɔv amv bonu asun anfi. Mú sv bekpla buo Yesu. ³⁸ Yesu ledamli kɪ wun ánɪ bubuo mu. Mɔv ɔ́lefite amó ɔ́beɛ, “Ntɔ mlɔdedunka?”

Befite mu beɛ, “Osunavɔ, nkɔvɔv futsie?”

³⁹ Yesu lele mú ɔ́nɔ ɔ́beɛ, “Mlɪba beki.” Mú sv ayin abanyɔv amv bobuo Yesu yekɪ mu otsiakpa. ɪbɔ́bwe fe ntɔvɔwe ɔ́nɔnɔtɔ, betsia mu wa ta owi.

⁴⁰ Ayin amɔv bonu asun ánɪ Yohane leblɪ tsu Yesu iwɪ, bekpla buo Yesu amɔtɔ ɔ́kɔle gyi Simon Petro mu pio Andrea. ⁴¹ Mú ɔ́ma a, ɪtɔ gyankpavɔvá Andrea ɪbɔ́we gyi, oloyodunka mu pio Simon, bla mu ɔ́beɛ, “Anɪlawun Mesia.” (Mú asɪ gyi, “Kristo”, ɔ́ha amɔv Bulu lada mu ofuli amv.)^b ⁴² Lɔv ɔ́lekpa Simon ba Yesu wa.

b 1:41 Kristo igyi Griki ɔ́blɪ, Mesia ɛ igyi Hebri ɔ́blɪ.

Yesu lekɩ mu diin, ɔleblɩ ɔbeɛ, “Fɔgyi Yohane mu bi Simon ni. Tsu nde puya a, bɛti fu Kefa.” (Griki ɔblɩto “Petro.” Mú asɩ gyi, “Buta.”)

Filipo Mva Nataniel Tɩ

⁴³Ɔyi kehe a, Yesu lɔbwe ɔbeɛ mɔyɔ Galilea ɔmáto, olowun Filipo. Muɔ lebla Filipo ɔbeɛ, “Buo mi.” ⁴⁴Filipo otsu Betsaida, Andrea mva Petro wuluto. ⁴⁵Filipo lowun Nataniel, ɔlebla mu ɔbeɛ, “Anɩlawun oyin amɩv Mose lɔwanɩn mu iwɩ asun wa Bulu mbla amuto, Bulu ɔnɔsu atɔɩpu amɩ ɛ bɔwanɩn mu iwɩ asun amɩ. Mu ida gyi Yesu. Mu si gyi *Yosef, otsu Nasaret wuluto.”

⁴⁶Nataniel lefite mu ɔbeɛ, “Itɔyile ku bɛtali dalɩ tsu Nasaret wuluto?”
Filipo lebla mu ɔbeɛ, “Ba afɔbekɩ.”

⁴⁷Breá Yesu lowun Nataniel ɔba mu wa a, ɔleblɩ ɔbeɛ, “Israelyin onotonuto ni. Afunu kuku ma mutɔ.”

⁴⁸Nataniel lefite Yesu ɔbeɛ, “Nkali lɔbwe febi mi?”

Yesu lele mú ɔnɔ ɔbeɛ, “Nowun fu breá fɔbu pɔntɔ-oyi amɩ asɩ unu, asa Filipo lebetɩ fu.”

⁴⁹Nataniel lebla mu ɔbeɛ, “Osunapu, fɔgyi Bulu mu Bi Israel Owie amɩ ni.”

⁵⁰Yesu lebla mu ɔbeɛ, “Alɩ amɩv nabra fu mbɛɛ, nowun fu pɔntɔ-oyi amɩ asɩ amɩ sv fahogyi? Fɔwun ofula ání idɩn unu.” ⁵¹Yesu letra bla mu ɔbeɛ, “Ɔnɔkwali nde mɩ bla, mlɔwun ání ɔsusu lafinki, *Bulu-abɔpu buɔde ɔsusu yɔ yinki ba Nyankpɩsa-Mv-Bi amusu.”

Okatsia Kana Wuluto

2 ¹Ɔke sasi a, betsia ɔka Kana wuluá ɩbu Galilea ɔmáto. Yesu mu yin bu unu. ²Beti Yesu mva mu *akasɩpu ɛ mú asɩ. ³Breá amú nta leta a, Yesu mu yin lebla mu ɔbeɛ, “Butra buma nta.”

⁴Yesu lebla mu ɔbeɛ, “Amú yin, ye megyi mi asun igyi o! Mi bre mɔkunya fun.”

⁵Mu yin lebla woyi amuto asumpu ɔbeɛ, “Mɩbwe dɩnka asungyiasun ání ɔbébla mɩtsu.”

⁶*Yudafɔ butɔfwɩ iwɩ amú amandɩe ɔkpasu. Mú sv bɔpu awundɩ akpɔ-nkpɔnkpɔntɩ asie yai woyi amuto. ⁷Yesu lebla unu asumpu amɩ ɔbeɛ, “Mɩsa ntsu bula awundɩ amɩ féé.” Lele besa. ⁸Unu ɔlebla amú ɔbeɛ, “Mɩsa iku ya nkesu ɔkɩpu amɩ.” Besa ya mu. ⁹Ɔleda mú ɔnɔ a, uladamli nta. Omeyin ɔtunéá benya nta amɩ tsu. (Tame asumpu amɩ mú buyin.) Unu ɔletɩ ɔka otsiapu amɩ ya itsetɔ, ¹⁰yebɩ mu ɔbeɛ, “Nta wanklaan ɔhagyɩɔha tegyankpa yai. Ni bonun mú ta asa butɔpu múá uma ale ba. Tame fu mú fapu wanklaan amɩ yai bɔfun sei.”

¹¹Unu gyi osuna gyankpapuá Yesu lɔbwe ni. Ɔlɔbwe mú Kana ání ɩbu Galilea ɔmáto, pule mu numnyam ɔwan. Uleha mu akasɩpu bɔhɔ mu gyi.

¹²Unu ɔma a, Yesu mva mu yin, mu apio pú mu akasɩpu bɔyɔ Kapernaum wuluto, yetsia unu nke kpalobi.

Yesu Bulu Ɔtswekpa Yɔ

(Mateo 21:12-13; Marko 11:15-17; Luka 19:45-46)

¹³Breá nkeá Yudafɔ bɔpɔgyi Israelfɔsu *Katsun Nke lowie woyi ta a, Yesu lɔɔv yɔ Yerusalem. ¹⁴Ɔlɔyɔ *Bulu ɔtswekpa amɩ wunsɩnesu yowun ání aha

bude nnantswie, akufa pú abròduma fe. Olowun aku ε butsie mpunvasi bude kɔba tse. ¹⁵ Inu ɔɔbwe mplt, wie amúto, gya amúa mbwɔ amu fée dalt. Olowu-wuta kɔba atsepu amu mpunu da, da amú kɔba sain. ¹⁶ Muɔ ɔlebla abròduma afepu amu ɔbee, “Mlile amú nfi! Mlumápu mi Si woyito bwe mli ibia ogyikpa.” ¹⁷ Inúá ɔleba alɔ su a, mu akasipu amu bekaun Bulu asun wanlunhe anfisv. “Fu osumkpa amu asun ihie igyi mi asunbogyi.”

¹⁸ Yudafo ahande amu beba Yesu wa befitte mu bee, “Osuna mɔmɔ fɔbwe pusuna anɔ ání Bulu tumito fude unɔ bwe?”

¹⁹ Yesu lebla amú ɔbee, “Mlibwie Bulu ɔtswekpa anfi, nɔpu nkensa yi mú.”

²⁰ Yudafo ahande amu bebla mu bee, “Nfi advana-sie (46) keke bɔpuyi obu anfi. Mú fu mú fee, fɔpu nkensa yi mú?”

²¹ Tame mu nyankpusa-oyi iwɔ asun ɔdeblɔ, megyi Bulu ɔtswekpa amu.

²² Breá Bulu lɔkusva mu tsu afulito ɔma a, mu akasipu amu bekaun ání ɔleblɔ asun anfi. Mú su bɔhɔ Bulu asun pú Yesu asun blihe amusu gyi.

Yesu Yin Nyankpusa Kluntɔ

²³ Yesu ɔbwe osuna tsɔtsɔtsɔsɔ Israelfɔsu Katsun Nke amuto breá ɔbu Yerusalem, aha tsɔtsɔtsɔsɔ bowun. Mú su bɔhɔ mu gyi. ²⁴ Tame Yesu mɔpu anɔ dinka amúsu, tsufe oyin alá amú fée bogyi. ²⁵ Mehian ání ɔhaa ɔbébla mu ɔha iwɔ asun, tsufe mu onuto oyin asun ání ibv nyankpusa kluntɔ.

Yesu Mva Nikodemo

3 ¹ *Yudafo ɔhande ɔku letsia, buteti mu Nikodemo. Farisiyin ogyi. ² ɔleba Yesu wa eke ɔku onye bebla mu ɔbee, “Osunapu, anyin ání Bulu lɔwa fu sɔsɔ fe atɔ osunapu. Tsufe ɔhaa méetalɔ bwe osuna anfi fudebwe anfi, ni Bulu mobuo mu.”

³ Yesu lele mú ɔnɔ ɔbee, “Ɖnɔkwali nde fu bla, ɔhaa méetalɔ nya Bulu ogyi iwie musv, nketi balakwu mu.”

⁴ Nikodemo lefite mu ɔbee, “Nkali bélakwu ɔha ání aladan? Ɖbétalɔ sanki wie mu yin iputo, ɔbélakwu mu?”

⁵ Yesu lele mú ɔnɔ ɔbee, “Ɖnɔkwali nde fu bla. Ni bumelakwu ɔku tsun ntsu múa *Ɖhe Wankuhto|Ɖhe Wankuhe a, ɔméetalɔ wie *Bulu iwiegyi amuto. ⁶ Ɖyulo nkpa itsu nyankpusatɔ, ɔheto kle ε itsu Bulu Ɖheto. ⁷ Mú su máha mú uwa fu wanwan ání nabra fu mbée, ilehian ání bélakwu mli. ⁸ Afu tɔtsun yɔ ɔtineá idekle. Futonu mú nka, tame fumeyin ɔtineá itsu pú ɔtineá iyɔ. Alɔ ken igyi ha ɔhagyicha ání bakwu mu tsu Ɖhe amuto ni.”

⁹ Nikodemo lefite mu ɔbee, “Ngya ntɔ asun ni?”

¹⁰ Yesu lele mú ɔnɔ ɔbee, “Israelfɔ osunapu yile fugyi, mú fée fumɔkunu asun anfi asi? ¹¹ Ɖnɔkwali nde fu bla. Tɔá anyin iwɔ anidetɔ tsu. Tɔá anlawnun ε iwɔ antde adansie gyi, tame mlutamahɔ anɔ asun amu. ¹² Ni nebla mli tɔá ide músu yɔ ɔyi anfitɔ, mlimohogyi a, nkali ibɔbwe nebla mli tɔá ide músu yɔ ɔsusu mboun mlóhogyi? ¹³ Ɖhaa mɔkudv yɔ ɔsusu unv kɔ, nketi Nyankpusa-Mv-Bi amuv olotsu unv ba amu.

¹⁴ “Alɔ amuv Mose lɔpu kɔbrɔ iwɔ sian oyisv, tsu mú lu *dimbisv unv amu a, alɔ ken ilehian ání béda Nyankpusa-Mv-Bi amu manta oyisv, tsu mú lu,^d

¹⁵mení ÷hagyí÷ha ání ÷l÷h÷ mu gyi obénya nkpa ání itamata ní. ¹⁶Tsufe dwe Bulu lehé dwe anyankpusa. Mú su ÷l÷p÷ mu Bi ÷k÷k÷n÷ ÷k÷l÷ p÷ amu ha, mení ÷hagyí÷ha ání ÷l÷h÷ mu gyi omóowu, mboun obénya nkpa ání itamata. ¹⁷Bulu m÷p÷ mu Bi amu sís÷ ÷yí anft÷ ÷bée, ÷ba begyi aha asun, ÷ha aha ÷p÷n. Mboun ÷bée, ÷ba ÷h÷h÷ aha nkpa.

¹⁸“÷ha ání ÷l÷h÷ mu Bi amu gyi lagyi asu. ÷ha ání ÷m÷h÷ mu Bi amu gyi a, Bulu laha mu ÷p÷n dodo, tsufe ÷m÷h÷ mu Bi ÷k÷le p÷ amu gyi. ¹⁹Alíá ÷béha ÷p÷n amu gyi, wankí amu laba ÷yít÷, tamé aha ÷d÷wé oklun ÷n wankí amu, tsufe lalahe abwep÷ b÷gyi. ²⁰÷hagyí÷ha ání ÷t÷b÷wé lalahe tolu wankí amu. ÷tamakp÷k÷pe manta mú, tsufe ÷de ifu nya ání mu bwehe béln ÷wan. ²¹Tamé ÷ha ání ÷t÷b÷wé yile téha wankí amu t÷wankí wulí musu, mení aha ÷ówun ání Bulu ap÷ ÷debwé.”

Yesu Mva Asu ÷b÷p÷ Yohane

²²Lnú ÷ma a, Yesu mva mu ***akasıp÷** bedalí Yerusalem y÷ Yudea ÷mát÷. Betsia unv kpalobi, oletsia ÷÷ aha ***asu**. ²³Alí bre amut÷ a, Yohane é de aha asu ÷÷ Aenon nsaunt÷, manta Salim wulu. Tsufe ntsu ídada nsune unv. Aha betsia y÷ mu wa, oletsia ÷÷ amú asu. ²⁴(B÷m÷kunya kita Yohane tsuí obu alí bré amut÷.)

²⁵Íwígyura íwí nwengyi kv léba Yohane akasıp÷ p÷ Yudayin ÷k÷ nsune. ²⁶Lnú Yohane akasıp÷ ÷y÷ mu wa yebla mu bée, “Osunap÷, yee fakaun oyin amuv fva muny÷ mlíletsia Yordan bunkpa ÷bun, fegyí mu íwí adansíe wan-klaan amuv? ÷de aha asu ÷÷, aha féé b÷de mu wa y÷.”

²⁷Yohane lele mú ÷n÷ ÷bée, “÷haa méetalí bwe t÷t÷, nketí Bulu laha mu ÷kpa. ²⁸Mlí onuto mlétalí gyi mí adansíe ání nebla mlí mbée, ‘Megyi mgyi Kristo amv, tamé Bulu l÷wa mí gya mu nkpa.’ ” ²⁹Lnú ÷léha amú yebi ÷bée, “÷ka otsiap÷ bu mu ka. ÷ka otsiap÷ amv mu nyawie é tetsia ÷ka otsiakpa unv, mení anstí bégyi mu ní onu mu nyawie amv ÷me. Alí ken anstí de mí gyi sei ní. ³⁰Mí at÷mabi béta wie mu klet÷.”

÷ha Ání Olotsu ÷susu Ba

³¹÷ha amuv otsu ÷susu amv ÷n ÷hagyí÷ha. ÷ha ání otsu ÷sul÷s÷ é gyi ÷sul÷s÷ ÷ha. ÷sul÷s÷ asun ÷tebli, tamé ÷ha ání otsu ÷susu ÷n ÷hagyí÷ha. ³²Otegyi t÷á alawun p÷ t÷á alanu íwí adansíe, ÷haa tamah÷ mu asun blihe. ³³Tamé ÷hagyí÷ha ání ÷l÷h÷ mu asun blihesu gyi de músu sí ání Bulu asun igyi ÷nkwali. ³⁴÷ha amuv Bulu l÷wa amv tele Bulu asun bli, tsufe Bulu t÷p÷ ÷je amv bula mut÷. ³⁵÷sú amv t÷d÷wé mu Bi amv, alap÷ tumi féé wa mu íbít÷. ³⁶÷hagyí÷ha ání ÷l÷h÷ mu Bi amv gyi bu nkpa ání itamata. ÷hagyí÷ha ání ÷m÷h÷ mu gyi ma nkpa ání itamata. Bulu ísubítí é ídun musu.

Yesu Mva Samariayintse ÷k÷

4 ¹***Farisí÷** bonuá Yesu de abup÷ nya, ÷÷ amú ***asu** ÷n Yohane. ²(Tamé megyi Yesu onuto de amú ÷÷. Mu ***akasıp÷** de amú ÷÷.) ³Bréá Yesu lébíá Farisí÷ amv banu asun anftí a, ÷ledalí Yudea ÷mát÷ yínki y÷ Galilea ÷mát÷. ⁴Tamé ilehian ání ÷bót÷s÷n ***Samariaí÷** ÷sul÷s÷.

⁵Yesu loyowie Sikar ání igyi Samaria wulu ík÷t÷. Wulu anftí bu manta ÷sul÷ kúá ***Yakob** l÷p÷ha mu bí ***Yosef** bumbí amv. ⁶Lnú Yakob íbun bu ní. ÷kpa

amu bu ifo. Mú sv Yesu lotsutsua obowie unu a, ulapian mu. Mú sv oletsia ibun amu asi. Alí bre amuto a, ilabwe fe opawisu.

⁷Unu a, Samariayintse oku leba ntsu osakpa. Yesu lokuli mu obee, “Nobwii upa, ha mi ntsu annun.” ⁸Alí bre amuto a, Yesu akasipu boyo wuluto yoho atogyihe.

⁹Yudafu butamapu ibi da Samariafo nwe nun ntsu. Mú sv otu amu lefite Yesu obee, “Yudayin foyi, mi e Samariayintse ngi. Nkaku igi sv fude mi ntsu kuli?”

¹⁰Yesu lele mu oku obee, “Ni foyin Bulu atokiehe pu oha ani ode fu ntsu kuli a, teki fokuli mu, obéha fu ntsua iteha nkpa.”

¹¹Otu amu lebla mu obee, “Ani si, fumede ofe, ibun anfito e bu oklu. Nkonu fénya ntsua iteha nkpa? ¹²Fudu aní nain Yakob ani olokwi ibun anfi ha ani, mu ma abi pu amú mbwi bonun ntsu motu?”

¹³Yesu lele mu oku obee, “Omewuli belakita ohagiyoha ani otoun ibun anfito ntsu. ¹⁴Tame ohagiyoha ani oboun ntsua néha mu a, omewuli méetra kuta mu ekekeke. Ntsu amu néha mu amu ubédamli ntsu owikpa mutá ubélu ha nkpa ani utamata.”

¹⁵Otu amu lebla mu obee, “Ani si, ha mi ntsu anfi ku, meni omewuli méetra kuta mi, mméetra ba nfi e besa ntsu.”

¹⁶Yesu lebla mu obee, “Yeti fu klu amliba.”

¹⁷Otu amu lele mu oku obee, “Mma oklu.”

Yesu lebla mu obee, “Onokwalu igi fabu ani fuma oklu. ¹⁸Tsufe fatsia aklu tse nu ki. Megi fu klu gi oyin amu fua munyo mlina sei amu e. Fawa onokwalu.”

¹⁹Mu otu amu lebla mu obee, “Ani si, nawun ani Bulu onosu otu fuoyi.

²⁰Ani anain Samariafo bosun Bulu ibu anfitu, tame mli Yudafu mu mlua, Yerusalem koun lehian ani ohagiyoha obosun Bulu.”

²¹Yesu lebla mu obee, “Otu, ho mi asun anfitu gi. Bre ku ibéba ani aha buméetra sum Otu amu ibu anfitu nte Yerusalem. ²²Mli Samariafo mlumeyin oha ani mludesun. Ani Yudafu mu anyin oha ani anidesun, tsufe Yudafu ina nkpa ho leba oyito. ²³Bre iba, ilafun ta ani Bulu asumpu anokwalu bosun Otu amu oteto pu onokwalu. Tsufe aha anfi odu Otu amu dedunka obee, busun mu ni. ²⁴Oge Bulu gi. Mú sv ilehian ani aha ani butosun mu bosun mu oteto pu onokwalu.”

²⁵Otu amu lebla mu obee, “Nyin ani Mesia^e, (oha amu Bulu lada mu ofuli amu) obéba. Ni oha a, obéle asungyasun asi suna ani.”

²⁶Mu Yesu lebla mu obee, “Mi anfi nde fu asun bla anfi gi Kristo amu ni.”

²⁷Unu akasipu amu besanki tsu wuluto ba botu amú. Uloa amú wanwan ani bawun Yesu mu otu bulu budetu. Tame amoto okoku metali fite obee, “Ntu fudedunka tsu mu wa, nte ntogyi sv fua otu amu mludetu?”

²⁸Otu amu lesi mu oku ya unu, yinki yo wuluto yeha aha obee, ²⁹“Mli ba amlibeke oyin oku alabla mi toa nabwe ki féé. Mli lahogyi mlua, megii Kristo amu ni?” ³⁰Mú sv aha bedalu tsu wulu amuto beki Yesu.

³¹Alí bre amuto a, mu akasipu amu bude mu kokoli be, ogyi ato.

³²Tame olebla amú obee, “Mbu toa négyi, mlumeyin mú unu kokoku.”

³³Mú sv akasipv amv befite aba bee, “Nte oku labeha mu toku alagyi?”

³⁴Yesu lebla amú obee, “Mí atogyihe gyi ání nóbwe tóá oha amuv olowa mi sstí amv obee mbwe, ammó mú ów. ³⁵Ye mlitebli mlíaa, ‘Tsra ana pe ulasi ayo tunbí bófún?’ Tame nde mli bla mbee, mlitsv ansí kí adóbv amutó, ayo amv ulablí fun tun. ³⁶Bude mu atunpv akó ka dodo. Bude mú tun yai ha nkpa ání itamata. Mú sv ansí bégyi adupv móa atunpv amv féé ekewule. ³⁷Mú sv ówkwali igyi butebli bee, ‘Oku todv, oku e tetin.’ ³⁸Nówa mli mbee, mliyetin ayoá mluwóyó mú odukpa. Aha bamba loyó mú twi agyuma, ulawa labi ha mli.”

³⁹Samariafóá búbv wulu amutó tsótsótsó bóhó Yesu gyi, adansie amuv ótsi amv legyi suna amú obee, “Alabla mí togyitóá nabwe mí nkpató féé” amv sv. ⁴⁰Íni sv breá beba Yesu wa a, bokokoli mu bee, ótsia amú wa. Yesu letsia unv nkenyó.

⁴¹Yesu asvn blíhe sv Samariafó amv tsótsótsó e belahó mu gyi. ⁴²Bebíla ótsi amv bee, “Megyi fu asvn amv sv anuletra hó mu gyi ngya o. Aní onuto anlanu, anlawun ání lele oyin anft gyi óyitv Nkpa Óhópv amv ní.”

Óhande Oku Mu Bi Ulo Tsa

⁴³Nkenyó amv óma a, Yesu lenatí yó Galilea ómáto. ⁴⁴(Tsufe mu onuto olowun blí obee, “Butamabu Bulu ówósv ótupv mu onuto ómáto.”) ⁴⁵Breá olowie Galilea a, unfv bóhó mu atuu, tsufe amú onuto bóyó Yerusalem Yuda-fósv *Katsvñ Nke amv ogyikpa. Mú sv bowun tóá olóbwe unv féé.

⁴⁶Yesu letra yínki yó Galilea ómáto, Kana wuluto. Ótine amuv óledamli ntsu bwe nta amv. Ómá óhande oku tsie Kapernaum wuluto. Óbv obi yínhe ókúá óda ódeló. ⁴⁷Breá óhande amv lonuá Yesu latsv Yudea ba Galilea a, olegya mu okpa yokokoli mu obee, mu bi yínhe lawu ta, okplí ba Kapernaum, óbétsa mu uló ha mu. ⁴⁸Yesu lebla mu obee, “Mú sv ní mluwókuvun osuna a, mluwóhó mu gyi ekekeke?”

⁴⁹Ómá óhande amv lebla mu obee, “Owie! Ní aní ayabi mowa ósa a, kebi amv obówu.”

⁵⁰Yesu lebla mu obee, “Yó! Fu bi amv obénya nkpa!”

Oyin amv lóhó asvn amuv Yesu lebla mu amuv gyi, oleyínki óyó woyi. ⁵¹Breá óyó a, mu asumpv beba befia mu, bla mu bee, “Fu bi amv lanyá nkpa.”

⁵²Ínu ólefite amú breá twi lówa mu ónlun. Bebla mu bee, “Owisv amv lesi mu igye ópa ódó-kuleto.” ⁵³Ínu a, ólekain ání alí bre amutó ken Yesu lebla mu obee, mu bi amv obénya nkpa ní. Íni sv mva mu woyitófv féé bóhó Yesu gyi.

⁵⁴Íni gyi osuna nyósiá Yesu lóbwe breá olotsu Yudea ba Galilea ní.

Tsukule Osinpv Oku Ulo Tsa

5 ¹Asvn anft óma a, Yesu lódu yó *Yudafó Bulusum nke kv ogyikpa Yerusalem. ²Bópwe buntí wa wulu amv. Bokwi ibun kv manta buntí amv okpa ówó kúá buteti mú Akufa Ótsvñkpa. Buteti ibun amv Betesda *Hebri óblitv. Beyi mbu anu bomlí mú. ³⁻⁴Alópv tsótsótsó búvun ibun amv así mbu anftv. Amútó akv bugyi ansíbi abwiepv, abv pú tsukule asinpv.^f ⁵Oyin ókúá

^f 5:4 Mótó ye 4 bv nwulu dada amv akutv: *Íbv nv bv unv a, Bulu-óbópv tobowuli ntsu amutv. Íni sv bótise unv búgyo mu. Tsufe ní óba bowuli mú a, fová fegyankpa wie mótó a, futenya ulótsa.*

alasin tsukule nfi advasa-kwe (38) keke da unv. ⁶ Breá Yesu lowun mu a, olowun ání alalá, di unv wa ópá. Mú sv ólefite mu óbee, “Fudekle fee, iwí iwa fu ónlun?”

⁷Tsukule osinpu amv lele mú óno óbee, “Owie, ní bowuli ntsu amúto a, mma óha ání obótsu mí wa múto. Nótsutsua ambóbwe a, óku lagyankpa wie múto dodo.”

⁸Yesu lebla mu óbee, “Kúsv! Tsu fu óklan, afonatu!” ⁹Unvunvunv oyin amv iwí lawa mu ónlun, ólókúsv tsu mu óklan, wa nati bi.

Alí eke amv igyi Yudafo ***Ókpuvu Ódake**. ¹⁰Mú sv Yudafo ahande beka oyin amvu Yesu latsa mu uló amv ansitó, bli bee, “Nde igyi Ókpuvu Ódake. Anv mbla meha ókpa ání fósura fu óklan.”

¹¹Ólebla amó óbee, “Óha amvu óletsá mí uló amv lebla mí óbee, ‘Tsu fu óklan, afonatu.’”

¹²Mú sv befite mu bee, “Ma lebla fu óbee, futsu fu óklan afonatu?”

¹³Oyin amv mebi óha ání óletsá mu uló, tsufe aha búhie butso unv, Yesu lófwi wa amúto.

¹⁴Óma a, Yesu loyowun mu ***Bulu ótswekpa** unv. Mvu ólebla mu óbee, “Yee fawun ání iwí lawa fu ónlun. Mátra bwe lakpan, mení múá idun unv méeba fusu.”

¹⁵Oyin amv leyebá Yudafo ahande amv óbee, Yesu letsá mu uló. ¹⁶Uná Yesu de ntobi anfi odu bwe ókpuvu ódake sv a, Yudafo ahande amv ówa mu kpekpe bi. ¹⁷Tame Yesu lebla amó óbee, “Mí Sv mókusi agyuma yó. Mú sv mí e mmókusi.”

¹⁸Mv asun blihe anfi sv a, Yudafo ahande amv bekleá bómó mu ókpagyi-ókpasu. Tsufe megyi ókpuvu ódake mbla amv nkule tun sv. Mboun ólebli óbee, mu si gyi Bulu, ilosuna ání mva Bulunyó bugyi keke.

Bulu Teha Mu Bi Amv Tumi

¹⁹Yesu lele mú óno óbee, “Ónókwali nde mli bla. Mí Bulu mu Bi anfi onuto mméetali bwe tótó mí iwísv. Tóá nowun ání mí Sv debwe a, mú ntóbwe. ²⁰Tsufe mí Sv tódwe mí, otosuna mí tóá mu onuto ódebwe féé. Iin! lbówa mli wanwan ání obósuna mí múá idun ali. ²¹Alí amvu mí Sv tókúsva aha tsu afulitó, ha amó nkpa amv a, ali mí e nteha aha ání ndekle nkpa ní. ²²Mí Sv tamagyi asun ha ipón, tame alapu asungyi féé wa mí ibutó, ²³mení óhagyíóha obóbu mí fe alíá otobu mí Sv amv. Óha ání ótamabu mí tamabu mí Sv amvu ólpu mí sísv amv e.

²⁴“Ónókwali nde mli bla mbee, óhagyíóha ání otonu mí asun, ótóbó óha amvu ólwa mí sísv amv gyi, bv nkpa ání itamata. Bulu méegyí mu asun, ha mu ipón, tsufe aladali lowutó ba nkpató dodo. ²⁵Ónókwali nde mli bla. Bre kv iba. Bre amv ilawuna fun ání aha ání bugyi fe aha wuhé^s bónu Bulu mu Bi amv óme. Amúá bonu mú bénya nkpa. ²⁶Tsufe mí Sv bv tumi, óteha nkpa. Alí ken alaha mí anfi ngyi mu Bi anfi tumi, óbee nha aha nkpa ní. ²⁷Alaha mí tumi óbee, ngyi aha asun, tsufe mígyi Nyankpusa-Mv-Bi amv ní. ²⁸Asun anfi máwa mli wanwan. Bre kv iba, afuli féé bónu mí óme, ²⁹kúsv. Amúá bóbwe yile bélakúsv, nya nkpa ání itamata. Amúá bóbwe lalahe a, négyi amó asun, ha amó ipón.”

³⁰“Mmémentali bwe tótótó mī iwísv. Asun ání nonu tsu mī Sī wa ntópugyi asun. Mú sv ntegyi asun ónkwalísv ní. Tsufé ntamabwé tǎá mī onuto ndekle, mboun tǎá óha amuv ólwa mī sísí amu tekle.”

Yesu Iwí Adansíe Wanklaan Agyípu

³¹Yesu lóyó mósuv blí óbée, “Ní mī onuto negyi mī iwí adansíe a, mímúóhó mú ání ónkwalí igyi.^h ³²Bulu é tegyi mī iwí adansíe. Nyin ání mī iwí adansíe amuv odegíyi amu igyi ónkwalí. ³³Mílulawa abí sísí Yohane. Alabla mlí ónkwalí amu. ³⁴Mí mú a, mmehian anyankpúsa adansíe. Mboun nde mlí asun anftí bla, mení Bulu óbóhó mlí nkpa. ³⁵Yohane asun blíhe lóbwe fé ókandíeá ídewankí. Mú sv mlílotsula gyi mú ódwe kpalobí. ³⁶Mbv tǎá ítegyi mī iwí adansíe, ídun Yohane kle amu. Agyóma amuv mī Sī lawa óbée, mbwe mǎ mú óhó, nde mú bwe amu de adansíe gyi ání mlúowa mī sísí. ³⁷Mí Sī amuv ólwa mī amu onuto lagyi mī iwí adansíe. Mímúókunú mu óme, mímúókúwun mu é kí. ³⁸Mímúóhó mu asun wa mlí kluntó, tsufé mímúóhó mī amuv ólwa sísí amu gyi. ³⁹Míkíá mlénýa nkpa ání ítamata tsu Bulu asun wanlunhe amútó. Mú sv mlí anstí lape, mlíde mú kastí ní. Mí iwí adansíe Bulu asun wanlunhe amu ídegyi. ⁴⁰Tame mlílakina mī wa ba, mení mlénýa nkpa amu.

⁴¹“Mmededunka mbée, aha bukanfó mī, ⁴²tsufé nyin mlí dodo. Nyin ání mlítamadwé Bulu tsu mlí kluntó. ⁴³Naba mī Sī ídató, mímúóhó mī. Tame ní óha bamba óba mu onuto iwísv a, mlíhó mu. ⁴⁴Mlítekleá mlékanfó aba, tame mlítamadó mbódíá Bulu ókúle pé amu ókanfó mlí. Nkalí íbóbwe mlíhó mī gyi? ⁴⁵Mímúákí mlíaa, néle mlí íla mī Sī anstí. Mose amuv mlí anstí ídun músuv mlíaa, óbóhó mlí nkpa amu mboun óbéle mlí íla Bulu anstí ní. ⁴⁶Ní lele mlíhó Mose asunsu gyi a, teki mlíhó mī asunsu gyi, tsufé mī iwí asun ólwanlun tswí. ⁴⁷Tame uná mímúóhó tǎá ólwanlun tswísv gyi a, nkalí íbóbwe mlíhó mī asun blíhesu gyi?”

Aha Mpum-nu Atogyihe Ha

(Mateo 14:13-21; Marko 6:30-44; Luka 9:10-17)

6 ¹Ínǎ óma a, Yesu muva mu ***akasípu** befa Galílea ópúá butetí mú Tibería amu yó mú óbun. ²Ódóm betsía buo mu, tsufé óde alópu tsa wanwansu. ³Mva akasípu bódv yó okuku kúsv, yetsía así unv. ⁴(Alí bré amútó a, Yudafo nkeá bópugyi Israelfósv ***Katsón Nke** amu ílafun ta.) ⁵Ínǎ Yesu lotsu anstí fua wun ání ódóm kponkpóonkpóntí beba mu wa. Muv ólefíte Filipo óbée, “Nkúsv abénýa atogyihe hó ha aha anftí bégíyi?” ⁶(Yesu leblí asun anftí púsv Filipo kí, tsufé oyín tǎá óbóbwe dodo.)

⁷Filipo léle mú óhó óbée, “Ní apv tsra kwe íkóka hó atogyihe kuraa a, unóófún ání okugiyíókú obénýa kpalobí gyi!”

⁸Simon Petro mu pio Andrea, ogyi akasípu amútó ókúle lebla Yesu óbée, ⁹“Oyimbi ókú de bodobodo apín putuputu anu pú ntsutso íye bwahe anyó. Tame ntó uní bóbwe aha tsótótsótó anftí?”

¹⁰Yesu lebla mu akasípu amu óbée, “Mlíha amú abútsíatsía así.” Aha amu fǎé betsía ífasu. Ayín ání búbv amótó bóbwe fé mpum-nu (5,000). ¹¹Muv Yesu lóhó bodobodo amu, da Bulu ípan, óleha beye mú ha aha amuv butsie unv

h 5:31 Mose mbla íosuna ání aha abanyó ogyi adansíe.

amu. Alí kén ɔ̀ɔ̀bwe ntsabi bwahe amu ɛ̀ ni. Amúto okugyiōku lenya alíá odekle. ¹²Begyí mwe sian. Yesu lebla akasípu amu ɔ̀bɛɛ, “Mlúkula sianhe amu, mení unɔ̀ɔ̀bwe atɔ̀ yintahe.” ¹³Lele, ɔ̀tɔ̀tɔ̀ sianhe amuv benya tsu bodobodo anu amuto amu. Ulobula alakpa duanyɔ̀ keke.

¹⁴Aha amu bowun osuna anfi Yesu labwe anfi. Mú sv beblí bɛɛ, “Lele, oyin anfi gyi Bulu ɔ̀tɔ̀tɔ̀ ɔ̀tɔ̀tɔ̀ amuv ɔ̀wanlín mu iwí asun wa Bulu asunto bɛɛ, ɔ̀bɛ́ba ɔ̀yítɔ̀ amu ni.” ¹⁵Yesu lowun ání aha amu babwe agywun bɛɛ, bɛ́ba bekíta mu ɔ̀wonlínɔ̀tɔ̀ yai mu iwíe. Mú sv mu nkúle ɔ̀leladu yɔ̀ nkpa si amú.

Ɔ̀pɔ̀sv Natí

(Mateo 14:22-33; Marko 6:45-52)

¹⁶Breá owi lɔ̀pɔ̀n a, Yesu akasípu bekplí ba Galilea ɔ̀pu ɔ̀tɔ̀. ¹⁷Owi lata, tame Yesu mɔ̀kɔ̀yínki ɔ̀tɔ̀ amú. Mú sv ɔ̀ɔ̀ɔ̀ wie ɔ̀klunɔ̀, budefa ɔ̀yɔ̀ Kapernaum. ¹⁸Afu kpɔ̀nkpɔ̀ntí kú leba idetsun, ɔ̀pu amu lɔ̀wa dabi. ¹⁹Alí bre amuto a, akasípu amu bapla ɔ̀klun amu yɔ̀ fɛ̀ maulí asa nte ana. Inu bowun ání Yesu na ɔ̀pu amuv ɔ̀ba amú wa. Mú sv ifu lekíta amú. ²⁰Tame Yesu lebla amú ɔ̀bɛɛ, “Mí ni, mlumánya ifu!” ²¹Inu botsu mu wa ɔ̀klun amuto ansigyísv. Ilotsutsua iwankí amú a, ɔ̀klun amu ulawie otsubunɔ̀, ɔ̀tíne amuv ɔ̀yɔ̀ amu.

Yesu Dunka

²²Ɔ̀yíkɛhe a, ɔ̀ɔ̀m amuv besi búbu ɔ̀pu amu ɔ̀bín unu amu bowun ání ɔ̀klun kuku útra melu unu. Múá tekí ulu unuɔ̀ akasípu amu bowie natí ni. Bowun ání Yesu mowie múto asa benatí. ²³Mú ɔ̀ma a, nklun aku lotsu Tiberia wuluto belu manta ɔ̀tíne amuv begyí bodobodo amuv Yesu leda Bulu ípan puha amú amu. ²⁴Ɔ̀ɔ̀m amu bowun ání Yesu lanatí unu, mu akasípu amu ɛ̀ ɔ̀uma unu. Mú sv ɔ̀ɔ̀ɔ̀ wie nklun amuto yɔ̀ Kapernaum, buɔ̀de Yesu dunka.

Bodobodoá Tɛha Nkpa

²⁵Breá ɔ̀ɔ̀m amu boyowun Yesu ntsu ɔ̀bín unu a, befíte mu bɛɛ, “Osunapu, bre mɔ̀mɔ̀ fobowie nfi?”

²⁶Yesu lebla amú ɔ̀bɛɛ, “Ɔ̀nɔ̀kwálí ndɛ̀ mlí bla. Megyí osuna amuv ndɛ̀bwe mlíɔ̀wun amu sv mlígya mí ɔ̀kpa. Mboun bodobodo amuv neha mlí, mlílegyí mwe amu sv. ²⁷Mlumáwun ípian atogyíheá iteyinta sv. Mboun mlíwun ípian múá íbɛ́tsia yɔ̀, íbɛ́ha nkpa ání utamata, ání mí, Nyankpɔ̀sa-Mu-Bi anfi néha mlí sv. Tsufe mí, mí Sɪ Bulu lahte nsu ání mbu ɔ̀kpa ha mú.”

²⁸Befíte Yesu bɛɛ, “Gyuma mɔ̀mɔ̀ abwe isuna ání aníɔ̀de tɔ̀á Bulu tekle bwe?”

²⁹Yesu lele mú ɔ̀tɔ̀ ɔ̀bɛɛ, “Tɔ̀á Bulu dekle ɔ̀bɛɛ mlíɔ̀bwe gyí, mlíhɔ̀ mí anfi ɔ̀lɔ̀wa sɪst anfi gyí.”

³⁰Inu befíte Yesu bɛɛ, “Osuna mɔ̀mɔ̀ fɔ̀bwe abówun, mení abóhɔ̀ fɔ̀ gyí? Ntɔ̀ fɔ̀bwe? ³¹Antí anain begyí *mana* *dimbi* amuv. Ɔ̀wanlín mú wa Bulu asun amuto bɛɛ, ‘Mose leha amú atɔ̀á ilotsu ɔ̀svsv ba begyí.’ ”

³²Muv Yesu lebla amú ɔ̀bɛɛ, “Ɔ̀nɔ̀kwálí ndɛ̀ mlí bla. Megyí Mose leha mlí atogyíhe amu tsu ɔ̀svsv. Mí Sɪ leha mlí bodobodo onutonuto amu tsu ɔ̀svsv. ³³Tsufe bodobodoá Bulu teha gyí mí anfi natsu ɔ̀svsv ba, néba beha ɔ̀yítɔ̀ aha nkpa anfi.”

³⁴Aha amu bebla mu bɛɛ, “Owie, tsia ha antí bodobodo anfi bregyíbrɛ, tsu sei puɔ̀ya.”

³⁵Yesu lebla amú ɔbɛɛ, “Mɔgyi bodobodo amuv utɛha nkpa amv nɪ. Akun mɛ́ɛkɪta ɔha ání ɔleba mɪ wa ekekekeke. Ɖmewulɪ mɛ́ɛkɪta ɔha ání ɔlɔhɔ mɪ gyi ɛ ekekekeke. ³⁶Fe alɔ́a nebla mlɪ a, mlɪlawun mɪ, tame mlɪmɔkɔvɔhɔ mɪ gyi bɔfon sei. ³⁷Ɖhagyɪɔha ání Ɖsɪ amv leha mɪ ɔbɛ́ba mɪ wa. Mmɛ́ɛgya ɔhagyɪɔha ání ɔleba mɪ wa. ³⁸Tsufe mmotsu ɔsusv ba mbɛɛ, neba bɔbwe tɔ́a ndekle. Mboun tɔ́a ɔha amuv ɔlɔwa mɪ sɪsɪ amv dekle ɔbwekpa neba. ³⁹Tɔ́a ɔha amuv ɔlɔwa mɪ sɪsɪ amv dekle gyi, aha amuv ɔlɔpɔha mɪ amvɔ ɔkɔkɔ madalu mɪ ɪbɪ. Mboun nkusva amú fɛ́ɛ́ tsu afulɪtɔ eke trahe amv. ⁴⁰Tɔ́a mɪ Sɪ amv tekle gyi, ɔhagyɪɔha ání olowun mɪ, mv Bi anfi, hɔ mɪ gyi obɛ́nya nkpa ání itamata. Nɔ́kusva mv tsu afulɪtɔ eke trahe amv.”

⁴¹⁻⁴²Ɔníá Yesu leblɪ ɔbɛɛ, “Mɔgyi bodobodo amuv notsu ɔsusv ba amv nɪ” sv a, Yudafo amv bɔwa mv wuntɪ bɪ. Bɛɛ, “Megyi *Yosef mv bi Yesu amv nɪ? Animeyin mv sɪ mva mv yin? Ɖkpa mɔmv sv ɔdeblɪ ɔbɛɛ, ‘Ɖsusv notsu neba?’”

⁴³Yesu lebla amú ɔbɛɛ, “Mlɪsɪ wuntɪ mlɪ wolewɔle. ⁴⁴Ɖhaa mɛ́ɛtalɪ ba mɪ wa, nketɪ mɪ Sɪ amuv ɔlɔwa mɪ sɪsɪ amv lakpa mv ba mɪ. Mɪ ɛ nɔ́kusva mv tsu afulɪtɔ eke trahe amv. ⁴⁵Bulu ɔnɔsv atɔpɔv amvɔ ɔkɔ lɔwanlɪn tswɪ ɔbɛɛ, ‘Bulu obɔ́suna aha fɛ́ɛ́ atɔ.’ Ɖhagyɪɔha ání alanu mɪ Sɪ asun, kasɪ mú tsu mv wa teba mɪ wa. ⁴⁶Ɖhaa mɔkɔwun Ɖsɪ amv kɪ. Mɪ anfi notsu mv wa ba anfi nkɔle lawun mv kɪ. ⁴⁷Ɖnɔkwali nde mlɪ bla. Ɖhagyɪɔha ání ɔlɔhɔ mɪ gyi bv nkpa ání itamata. ⁴⁸Mɔgyi bodobodoá utɛha nkpa nɪ. ⁴⁹Ɔníá mlɪ anain begyi *mana *dimbisv o a, amú fɛ́ɛ́ bowu. ⁵⁰Tame bodobodo anfi gyi múá ɪlatsv ɔsusv ba, menɪ ɔhagyɪɔha ání obɛ́gyi mú móowu nɪ. ⁵¹Mɔgyi bodobodo amuv nteha nkpa, natsv ɔsusv ba amv nɪ. Ɖhagyɪɔha ání ogyi bodobodo anfi obɛ́sia nkpa, omóowu ekekekeke. Mɪ ɔyɔlv gyi bodobodo amv. Mú nɛ́sɪ ha, menɪ ɔyɔtɔ́ ɔbɛ́nya nkpa nɪ.”

⁵²Ɔnɔ Yudafo amv benya asun anfi Yesu lablɪ anfi ɪwɪ ɔblɔ. Amú wolewɔle begyi aba nwen bɛɛ, “Nkalɪ oyin anfi ɔbɛ́talɪ pv mv ɔyɔlv ha anɪ ɔbɛɛ, agyi?”

⁵³Yesu lebla amú ɔbɛɛ, “Ɖnɔkwali nde mlɪ bla. Nɪ mlɪmegyi mɪ, Nyankpɔsa-Mv-Bi anfi ɔyɔlv, nun mɪ obugya a, mlɪmá nkpa ání itamata kɔkɔvɔkɔ mlɪtɔ. ⁵⁴Ɖha ání olegyi mɪ ɔyɔlv, nun mɪ obugya bv nkpa ání itamata. Nɔ́kusva mv tsu afulɪtɔ eke trahe amv. ⁵⁵Tsufe mɪ ɔyɔlv igyi atogyiɛ onuto, mɪ obugya ɛ igyi atonunhe onuto. ⁵⁶Ɖha ání ogyi mɪ ɔyɔlv, nun mɪ obugya tsie mɪtɔ, mɪ ɛ ntsie mɪtɔ. ⁵⁷Mɪ Sɪ Ɖkɪankpapv amv lɔwa mɪ sɪsɪ. Mv sv mbv nkpa. Mú sv fúá fegyɪ mɪ a, mɪ sv fú ɛ fubv nkpa. ⁵⁸Mɔgyi bodobodo onutoá notsu ɔsusv ba nɪ. Mlɪ anain begyi mana, tame bowu. Ɖha ání ogyi bodobodo anfi mú obɛ́sia nkpa ání itamata.”

⁵⁹Yesu leblɪ asun anfi breá ɔde atɔ suna Kapernaum, Yudafo *ofiakpa.

Nkpa Ání Itamata Asun

⁶⁰Yesu abuoɔv tsɔtsɔtsɔ amvɔ akv bonu asun anfi a, beblɪ bɛɛ, “Atosunahe anfi mú bv ɔnlɪn o! Ma ɔbɛ́talɪ hɔ mú?”

⁶¹Yesu lowun ání mv abuoɔv amvɔ akv budɛwuntɪ ání alablɪ alɪ sv a, ɔlefute amú ɔbɛɛ, “Asun anfi lahan mlɪ? ⁶²Mɔmv nɪ mlowun Nyankpɔsa-Mv-Bi amv ɔyɔ ɔtɪnɛ́á olotsv ba mɛ, nkalɪ mlɔ́bwe? ⁶³Bulu Ɖɔɛ amv tɛha nkpa. Nyankpɔsa ɔwɔnlɪn mú a, kpaalɪ igyi. Asun anfi nde mlɪ bla anfi ɪtsv Ɖɔɛ amuv ɔtɛha nkpa amv wa, ⁶⁴tame mlɪtɔ akv bumɔhɔ mv gyi.” Yesu lowun

amóá bómòhò mu gyi pú ÷ha ání ÷béle mu ha yaí dodoodo. ⁶⁵ ÷letra bla amú ÷bee, “Íni su nébla mli mbee, ÷haa méetalí ba mi wa, nketi mi Si lakpa mu ba mi” ni.

⁶⁶ Tsu eke amu a, Yesu abuoɔɔ amu tsòtsòtsò beyinki mu ÷ma, buetra buo mu. ⁶⁷ Mú su Yesu lefite mu akasipɔ duanyɔ amu ÷bee, “Mli é mliðekleá mléyinki mi ÷ma loo?”

⁶⁸ Simon Petro lebla mu ÷bee, “Owie, ma wa abóyɔ? Fu wa asun ání tēha nkpa ání utamata bu. ⁶⁹ Anulahoɔyi, anilabi ání fúgyi ÷ha Wankuhe amuv fotsu Bulu wa amu ni.”

⁷⁰ Inu Yesu lebla amú ÷bee, “Mli aha duanyɔ nele, tame mlitò ÷ku gyi ÷bunsam!” ⁷¹ (Simon Iskariot mu bi Yuda ÷de a. Tsufe ogyi akasipɔ duanyɔ amutò ÷kule. Mu ÷béle mu ha ni.)

Yesu Mva Mu Apio Yinhe

7 ¹ Mú ÷ma a, Yesu letsia ki Galilea ÷mátò. Omekleá ÷bóyɔ Yudea ÷mátò, tsufe Yudafo ahande amu buðe mu te abómò mu. ² Tame Yudafo ***Kantankpatòtsia Nkegyi** lafun. ³ Mú su mu apio yinhe bebla mu bee, “Nati yò Yudea nke amu ogyikpa, mení fu abuoɔɔ amuv bubu inu amu é bówun ofula ání fudebwe. ⁴ ÷ha ání odekleá aha bubí mu gyumagyihe tamaɔain iwí. Iná fude ntobiá igyi alí bwe a, wuna le mú suna, ÷yi féé abuwun.” ⁵ (Mu apio amu kuraa bómòhò mu gyi. Mú su bebla mu alí ni.)

⁶ Inu su Yesu lebla amú ÷bee, “Breá nóyɔ inu məkunya fun. Mli mú mlétali yò inu bregyibre. ⁷ ÷yitòfò bóméetalí lu mli, tame mi mú buðe mi lu, tsufe nde amú ula le. ⁸ Mliyò nke amutò. Mi mú mməkunya yò, tsufe mi bre məkufun.” ⁹ Yesu leblí asun anfi ta a, olesi tsia Galilea ÷mátò.

Yesu Kantankpatòtsia Nke Amu Ogyikpa Yò

¹⁰ Tame breá Yesu apio amu benati yò nke amu ogyikpa a, mu é oleɔain iwí yò inu. ¹¹ Yudafo ahande amu bodunka mu nke amu ogyikpa, buðe aha fite bee, “Oyin amu me?”

¹² ÷ðám amu beblí asun tsòtsòtsò nklobitò tsu Yesu iwí. Aku bee, “÷ha wanklaan ogyi.” Aku é bee, “Èkekeke, ÷de aha mle.” ¹³ Tame amútò ÷haa metalí bli mu iwí asun kuklò aha abunu, tsufe buðe Yudafo ahande amu ifu nya.

¹⁴ Breá bowie nke amu nsine a, Yesu loðu wie ***Bulu ÷tswekpa** wunsunesu inu yefi atò suna asi. ¹⁵ Mu atosunahe lobwie Yudafo ahande amu ÷hò. Mú su befite aba bee, “Oyin anfi məkukasí ÷wulɔ yò nkpa. Nkali ulòbwe asa ÷lebu ÷wulɔ alí?”

¹⁶ Yesu lele mú ÷hò ÷bee, “Megyi mi wa atosunahe anfi itsu. Itsu Bulu wa. Muloɔwa mi sisi. ¹⁷ Ni ÷ku dekleá ÷bóbwe Bulu ape a, obówun ni atosunahe anfi itsu mi wa nte Bulu wa. ¹⁸ ÷ha ání ÷de mu onuto asun bli de mu numnyam dunka. Tame ni ÷ku todunka numnyam ha ÷ha ání ÷lòwa mu sisi a, ÷hòkwaliɔ ÷ha amu gyi. ÷tamawa afunu. ¹⁹ Ye Mose loɔɔ mbla amu ba mli a? Tame mlitò ÷kuku mede músu gyi. Ntoɔyi su mliðekleá mlómò mi?”

²⁰ Inu ÷ðám amu bebla mu bee, “***Ñhe lalahe** bu futò! Ma dekleá ÷bómò fu?”

²¹ Yesu lebla amú ÷bee, “Ofula kule pe nòbwe ***òkpunu ÷dake**, mli féé ÷hò lobwie mli. ²² Mose lówa mbla ha mli ÷bee, mlitun ***kete**. (Ibu mútòá megyi

Mose lɔtsɔ kete tun, mli anain lefi mú asu.) Ye mú su mlɛtetin aha kete ɔkpɔnɔ ɔɔake ni a? ²³Ni mlɛde kete tun ɔkpɔnɔ ɔɔake, menɩ mlɩmɔ́kɔsɩ lu Mose mbla amɩsu a, ntɔgyi su mlɩlanya ɔblo mɩsu mlɩaa, natsa nyankpɩsa keɩn ɔkpɔnɔ ɔɔake? ²⁴Mlɩyɔ asɩntɔ wanklaan, asa amlɩha ɩpɔn. Mlɩpɩ ɔnɔkwali gyi asun.”

Yesu Iwɩ Nwengyi

²⁵Yerusalemfɔ aku befite amó iwɩ bɛɛ, “Megyi oyin anfi Yudafɔ ahande buɔɔedunka abumɔ ni? ²⁶Megyi mu lu ahato ɔɔetɔ, amótsɔ ɔkɔku mekpɩla mu a? Nte ilawankɩ amó ání mugyi ***Kristo**, (ɔha amɩv Bulu lada mu ofuli amɩ) ni? ²⁷Oyin anfi mú a, aní fɛ́é anyin ɔtɩneá otsu, tame ni Kristo amɩ ɔba a, ɔhaa méébi ɔtɩneá otsu.”

²⁸Breá Yesu bu mósu ɔɔe atɔ amɩ suna Bulu ɔtswekpa wunsɩnesu unv a, olotsu ɔnɔ fɔa bli ɔbɛɛ, “Mlɩyin mi, mlɩyin ɔtɩneá notsu, tame megyi mi onuto tumɩsu neba. ɔnɔkwalɩpɩ ɔha amɩv ɔlɔwa mi sɩsɩ amɩ gyi. Mlɩmeyin mu. ²⁹Tame mi mú nyin mu, tsufe mlɩlɔwa mi sɩsɩ. Mu wa notsu ba.”

³⁰Luɩ bekle abókɩta mu, tame bumɔpɩ ɩbi da mu, tsufe mu bre mɔkɩfɩn. ³¹Tame amótsɔ aha tsɔtsɔɔtsɔ bóhɔ mu gyi. Mú su befite bɛɛ “Ni Kristo amɩ ɔba a, ɔbétali bwe osuna ɔnɔ mú anfi oyin anfi debwe?”

Bɔwa Bɛɛ Bókɩta Yesu

³²Breá ***Farisifo** amɩ bonuá ɔɔɔm amɩ buɔɔe Yesu iwɩ asun bli nklobitɔ a, amóa Bulu ***igyi** ahapɩ dehen amɩ bɔwa Bulu ɔtswekpa agyɔpɩ bɛɛ bókɩta Yesu. ³³Luɩ su Yesu lebla amó ɔbɛɛ, “lasi nke kpalobi pe nétsia mlɩ wa. Mú ɔma a, néyinki yɔ ɔha amɩv ɔlɔwa mi sɩsɩ amɩ wa. ³⁴Mlódunka mi, tame mlɩmóowun mi. Mlɩméetalɩ ba ɔtɩneá mbɩ e ekekekeke.”

³⁵Yudafɔ ahande amɩ befite aba bɛɛ, “Nkɩnɩ oyin anfi obótu ɔkpa yɔ, su abódunka mu anumóowun mu? Nte odekleá ɔbóyɔ Grikifɔ awulu amɩv anɩ pɩ badasaɩ yɔ mósu amɩsu, nte obóyosuna Grikifɔ amɩ atɔ? ³⁶Asun anfi ɔɔɔbli e asti me? ɔbɛɛ, ‘Mlódunka mi, tame mlɩmóowun mi. Mlɩméetalɩ ba ɔtɩneá mbɩ e.’ ”

Nkpa Ntsu

³⁷Nke amɩ eke traheá igyi eke titriɩ a, Yesu lɔkɩsu lu kplɩn bli ɔbɛɛ, “Ni ɔmɛwɩli de ɔku a, ɔba mi wa obónun ntsu. ³⁸ɔhagyɩɔha ání ɔlɔhɔ mi gyi a, ‘Nkpa ntsu bówɩ dali mutɔ.’ Alɩ bɔwanlɩn wa Bulu asun amótsɔ ni.” ³⁹(**ɔɔje Wankɩhe** amɩv Bulu ɔbɛ́ha aha ání bóhɔ mu gyi amɩ iwɩ asun ɔɔɔbli. Alɩ bre amótsɔ a, ɔɔje Wankɩhe amɩ mɔkɩnya ba, tsufe Bulu mɔkɩnya wa Yesu numnyam.)

Aha Amótsɔ Leye

⁴⁰Breá ɔɔɔm amɩ bonu Yesu asun blihe anfi a, amótsɔ aku bebli bɛɛ, “Lele, Bulu ɔnɔsɩ ɔtɔpɩ amɩv anɩde mu ɔkpa kɩ amɩ ni.”

⁴¹Aku e bɛɛ, “Kristo amɩ ni!” Tame amótsɔ aku e bebli bɛɛ, “Ye megyi Galilea ɔmátsɔ Kristo amɩ obótsu o. ⁴²Bɔwanlɩn wa Bulu asun amótsɔ bɛɛ, Owie ***Dawid** abusuantɔ Kristo amɩ ɔbédali tsu. Bókɩwu mu Betlehem, Dawid wuluto.” ⁴³Luɩna Yesu iwɩ asun anfi su ɩkulɛbwe metsia amótsɔ. ⁴⁴Amótsɔ aku bekle abókɩta Yesu, tame ɔhaa mɔpɩ ɩbi da mu.

Yesu Máhogyi

⁴⁵ Ɔma-ɔma a, Bulu ɔtswekpa agyopu amvu bɔwa sumbi amv besanki ba Bulu igyi ahapu dehen pɔ Farisifo amv wa. Befite agyopu amv beɛ, “Ntogyi sv mlumekita mv ba?”

⁴⁶ Bele mɔ ɔno beɛ, “Ɖhaa mɔkɔtɔ fe oyin anfi kɔ!”

⁴⁷ Farisifo amv befite amɔ beɛ, “Mɔ sv oyin amv lamle mli ε. ⁴⁸ Mlulawun ɔhande nte Farisiyin ɔkv laho mv gyi kɔ? ⁴⁹ Ekekeke! Ɖɔɔm anfi bumeyin Mose mbla amv iwɔ tɔtɔ. Mɔ sv Bulu ɔlwi amɔ.”

⁵⁰ Luv Farisifo amvto ɔkule, ogyi Nikodemo amvu ɔlɔɔ Yesu wa onye amv lefite amɔ ɔbeɛ, ⁵¹ “Ani mbla leha ɔkpa ání abéha ɔkv ipɔn asa abéfite mv ɔnoɔ asv nu?”

⁵² Befite mv beɛ, “Galileayin fv ε fugyi? Kɔ Bulu asv amvto wanklaan. Fówun ání Bulu ɔnoɔ ɔtɔɔpɔ ɔkɔkɔkɔ móotsu Galilea ɔmáto.” ⁵³ [Luv amɔ féé benati yɔ woyito.

Ɖtsi Ɖkv Mbuato Pɔ Mv Kɔta

8 ¹ Breá aha amv bedasain a, Yesu lɔdu yɔ Nfo-nyibu amvuⁱ. ² Mɔ ɔyikehe bake a, oleyinki ba Bulu ɔtswekpa wunsinesu uv. Aha amv féé beba mv wa. Mɔ sv oletsia asɔ, olefi asɔ ɔde amɔ atɔ suna. ³ Breá ɔdetɔ a, ***Farisifo pɔ *Mose mbla asunapu** amv bekpa ɔtsi ɔkvá bakita mv, ɔde mbva tɔ ba belu amɔ ansɔtɔ. ⁴ Mvu bebla Yesu beɛ, “Osunapu, bakita ɔtsi anfi mbva ɔtɔkpa. ⁵ Mose Mbla amv lebli ɔbeɛ, ada atsi anfi odu abwi mɔ. Nkali fudebli tsu asv anfi iwɔ?” ⁶ Asunkle sv befite mv asv anfi, abuyɔtɔ mv ha ahande. Luv Yesu lobun, pv osrebi ɔde atɔ wanlɔ ɔsulɔtɔ.

⁷ Breá butra bude asv amv fite pla a, olobwii tsia, bla amɔ ɔbeɛ, “Mlɔtɔ ɔha ání ɔmɔkɔbwe lakpan kɔ ogyankpa da ɔtsi anfi ibwɔ.” ⁸ Ɖlebli mɔ alɔ a, oleyinki bun ɔde mv atɔ wanlɔ ɔsulɔtɔ. ⁹ Breá aha amv bonu mv asv anfi a, bɔwa natɔ ukule-kule bi, tsu ahandesv bɔtv nyebisu. Ilesesi Yesu mva ɔtsi amv nkule ɔbun nsine uv. ¹⁰ Yesu lobwii tsia, ɔlefite ɔtsi amv ɔbeɛ, “Ɖtsi, nki aha amv me? Ɖkɔkɔ mesian ání ɔbéha fv ipɔn?”

¹¹ Ɖtsi amv lele mɔ ɔno ɔbeɛ, “Owie! Ɖkɔkɔ meha mɔ ipɔn o!” Mvu Yesu lebla mv ɔbeɛ, “Lbu ale! Mɔ ε mméeha fv ipɔn! Natɔ, mátra bwe lakpan.”^j

Ɖyɔtɔ Wankɔ

¹² Luv ɔma a, Yesu leyinki bla Farisifo amv ɔbeɛ, “Mɔgyi ɔyɔtɔ wankɔ ni. Ɖhagyɔha ání obuɔ mɔ obénya wankɔtá ubéha mv nkpa, oméésin okluntɔ ekekeke.”

¹³ Luv a, Farisifo amv bebla mv beɛ, “Nfɔli tamakanfv mv iwɔ. Fumɔkɔvli tɔtɔ.”

¹⁴ Yesu lebla amɔ ɔbeɛ, “Nɔ mɔ onuto nde mɔ iwɔ adansɛ gyi o a, ɔnɔkwali igyi. Tsufe mɔ mɔ nyin ɔtuneá notsu pɔ ɔtuneá nɔɔɔ. Tame mlumeyin ɔtuneá notsu pɔ ɔtuneá nɔɔɔ. ¹⁵ Anyankpɔsa asungyi ɔkpasu mltegyi asv tsun, tame mɔ mɔ ntamagyɔ ɔhaa asv. ¹⁶ Nɔ negyi asv o a, ɔnɔkwali ɔkpasu negyi mɔ

i 8:1 Nfo-nyibu igyi obubwi kvá ubu manta Yerusalem, boteti mɔ Olifbu. j 8:11 (7:53–8:11) lma Grikiɔ nwlɔ dada amv akutɔ.

tsun. Tsufe megyi mi nkule tegyi mó. Mta mi Si amuv òlwa mi sisi amu nyo tegyi mó. ¹⁷Bòwanlun wa mli onuto Mbla amuto bæ, ‘Ni adansifo abanyo bebli asun kuakule a, amú asun ibu móto.’ ¹⁸Mi onuto ntegyi mi twi adansie. Mi Si lwa mi sisi. Mu ε otegyi mi twi adansie.”

¹⁹Befite mu bæ, “Nkuvu fu si bu?”

Yesu lele mó òno bæ, “Mlumeyin mi wanklaan, mlumeyin mi Si amu ε. Ni mlyin mi wanklaan a, teki mlébi mi Si amu ε.”

²⁰Yesu lebli asun anfi breá òde ato suna Bulu òtswekpa tswitswi-adaka otsiakpa. Tame òhaa mekita mu, tsufe mu bre mòkunya fon.

Yesu Òsusuvo

²¹Yesu letra bla amú bæ, “Mi mó nyo. Mlódunka mi. Mlówu wa mli lakpantò. Mlumétali ba òtineá nyo.”

²²Yudafò ahande amu befite bæ, “Mò òbómò mu twi, su òdebli bæ, mlumétali ba òtineá nyo?”

²³Yesu lele mó òno bæ, “Mli mó mlotsu òyi anfitò, tame mi mó notsu òsusu. Òyi anfitòfo mlygi. Mmegyi òyi anfitòyin mi mó ngyi. ²⁴Mó su nde mli bla mbæ, mlówu wa mli lakpantò ni. Mlówu wa mli lakpantò, ni mlimohogyi ání ‘Mlygi òha amuv mbæ ngyi amu.’ ”

²⁵Befite mu bæ, “Fugyi ma?”

Yesu lebla amú bæ, “Òha amuv ntebla mli ya mbæ, ngyi amu ken ntra nde mli bla a. ²⁶Mbu asun tsòtsòtsòá nebli tsu mli twi pùha mli pòn. Tame ònòkwali pu òha amuv òlwa mi sisi amu gyi. Asun ání nonu tsu mu wa nde mli òyitòfo bla.”

²⁷Imòwanki amú mu Si amuv òbu òsusu amu twi asun òde amú bla. ²⁸Mó su Yesu lebla amú bæ, “Ni mléda Nyankpusa-Mu-Bi amu manta ***oyikpalihesu**, tsu mu lu a, mlówun ání ‘Mlygi òha amuv mbæ ngyi’ amu. Mlébiá ntamabwe tòtòtò mi onuto tumitò. Móá mi Si lópuwa mi òno ntebli. ²⁹Òha amuv òlwa mi sisi amu buo mi. Òmòkyinku mi òma, tsufe tòá itegyi mu ansu ntòbwe bregyibre.”

³⁰Imò aha amuv bonu mu asun anfitò tsòtsòtsò bòhò mu gyi.

Abraham Abi-aná

³¹Yesu lebla Yudafò amuv bòhò mu gyi amu bæ, “Ni mlòbuo mi atosunahe a, mlygi mi akaspu lele. ³²Mlébi ònòkwali amu. Ònòkwali amu ibéha mlégyi twi.”

³³Bebli bæ, “Abraham abi-aná angyi. Anumòkubwe òhaa nkpábi ki. Mó ntogyi su fude anu bla fè, ‘Mlégyi twi?’ ”

³⁴Yesu lele mó òno bæ, “Ònòkwali nde mli bla. Òhagyioha ání òtòbwe lakpan a, ogyi lakpan òkpábi. ³⁵Òkpábi tamatsia mu wie woyitò yo, obi tetsia mu si woyitò yo. ³⁶Mó su ni Bulu mu Bi amu òha mlegyi twi a, mu mu mlàgyi twi féé. ³⁷Nyin ání Abraham abi-aná mlygi, tame mlùdekleá mlómò mi, tsufe mlimòhò mi atosunahe. ³⁸Tòá nowun tsu mi Si wa ndebli. Mli ε asun ání mlilonu tsu mli si wasu mlidegyi.”

³⁹Bebli mu bæ, “Anu si gyi Abraham.”

Yesu lebla amú bæ, “Ni Abraham abi mlygi a, teki mli bwèhe letian Abraham. ⁴⁰Mlùdekleá mlómò mi, tsufe nde mli ònòkwaliá nonu tsu Bulu wa bla. Abraham mòbwe ali! ⁴¹Mli si bwèhe mlùdebwè.”

Bɛbla Yesu bɛɛ, “Megyi mbua bɔtɔ kwu anɪ. Bulu onuto gyi anɪ St. Anumá ɔsɪ ɔkuku tsɪ mutɔ.”

⁴² Yesu lebla amú ɔbɛɛ, “Nɪ mli St gyi Bulu a, tɛktɪ mlɪtɔdwe mi, tsufe mu wa notsu ba. Muloɔwa mi sɪsɪ. Megyi mi onuto tumitɔ neba. ⁴³ Ntogyi sv mlumede mi asun blihe asɪ nu? Mlumede mú asɪ nu, tsufe mi asun de mli asɔtɔ wɔ. ⁴⁴ Ɖbunsam gyi mli sɪ. Mú sv mlutekleá mlɔbwe tɔá mli sɪ tekle. Aha ɔmpɔv ogyi tsu nfiasi. Ɖtamabuo ɔnɔkwali. Mú sv ɔnɔkwali kuku uma mutɔ. Nɪ ɔwa afunu a, mu tsiatɔ ɔwan ɔdele, tsufe ofunupv ogyi. Mvgyi afunupv fɛé ɔsɪ nɪ. ⁴⁵ Tame ntebli ɔnɔkwali. Mú sv mlutamahɔ mi asunsu gyi nɪ. ⁴⁶ Mlɪtɔ ma ɔbé-tali suna ání lakpan ɔwepv ngyi? Nɪ nde ɔnɔkwali bli a, mú ntogyi mlɪmɔhɔ mi gyi? ⁴⁷ Ɖha ání ɔtsu Bulu wa teɔaa asv nu mu asun. Mli mú mlɪmotsu mu wa. Mú sv mlɪtamayaa asv nu mu asun nɪ.”

Yesu Mva Nanain Abraham

⁴⁸ Yudafo amv bebla mu bɛɛ, “Nɪ abli aniaa, Samariayin fugyi, ***ɔɲɛ lalahe** bu futɔ a, anɪlawa afunu?”

⁴⁹ Yesu lebla amú ɔbɛɛ, “Ɖɲɛ lalahe ma mitɔ. Ntobu mi St, tame mli mú mlɪtamabu mi. ⁵⁰ Mmede mi iwɪ numnyam wa. Ɖha ɔkv bu unvá ɔde mú dunka ha mi. Mvgyi asun ogyipv wanklaan amv nɪ. ⁵¹ Ɖnɔkwali nde mli bla. Ɖhagyi-ɔha ání otegyi mi atosunahesv omóowu ekekekeke.”

⁵² Iɪv Yudafo amv bebla mu bɛɛ, “Sei anfi mú a, anɪlawun ání lele ɔɲɛ lalahe bu futɔ! ***Abraham** mva Bulu ɔnɔsv atɔipv amv bawu. Tame fu mú fudebli fɛɛ, ɔhagyiɔha ání otegyi fu atosunahesv omóowu ekekekeke. ⁵³ Anɪ nain Abraham lowu. Fuki fɛɛ fudɔv mu? Bulu ɔnɔsv atɔipv amv e bowu. Nkali fude fu iwɪ ki?”

⁵⁴ Yesu lele mú ɔnɔ ɔbɛɛ, “Nɪ nɔwa mi iwɪ numnyam a, kpaali igyi. Mi St gyi ɔha ání ɔtɔwa mi numnyam. Mu mlɪdebli mlɪaa, ogyi mli Bulu nɪ. ⁵⁵ Iɪv mútɔá mlumeyin mu, tame mi mú nyin mu. Nɪ nebli mbɛɛ mmeyin mu a, nabwe ofunupv fe mli. Mi mú nyin mu, ntegyi mu asunsu. ⁵⁶ Mli nain Abraham lenya ansigyi ání mówun mi babɪ. Olowun mú e, anst legyi mu.”

⁵⁷ Yudafo amv bebla mu bɛɛ, “Fumɔkɔhɔ nfi aduenu (50) kuraa, mú fɛɛ fɔtv Abraham?”

⁵⁸ Yesu lebla amú ɔbɛɛ, “Ɖnɔkwali nde mli bla. Mbu unv asa bɔkwu Abraham.”

⁵⁹ Yesu lenya bli alɪ pɛ, aha amv bɔkula abwi bɛɛ abɔtswɪ da mu mɔ. Tame Yesu lɔbwe hɛɛ, dalɪ Bulu ɔtswekpa wunsinesv unv.

Ansibi Obwiepv Ɖkv Tsa

9 ¹ Eke ɔkv Yesu mva mu akasɪpv bɔna ɔkpatɔ, bowun oyin ɔkvá bɔkwu mu ansibi obwiepv. ² Yesu akasɪpv amv befitte mu bɛɛ, “Osunapv, ma lakpan sv bɔkwu oyin anfi ansibi obwiepv? Mu onuto lakpan sv loo, nte mu akwupv?”

³ Yesu lele mú ɔnɔ ɔbɛɛ, “Megyi mu nte mu akwupv lakpan sv bɔkwu mu ansibi obwiepv. Mboun altá Bulu ɔbéle mu tumi suna tsun mu unv amutɔ sv. ⁴ Uɪasi kpalobi owi ɔbéta. Ɖhaa méetalɪ tra yɔ agyuma. Mú sv ilehian ání abɔyɔ agyuma amsv ɔha amsv ɔlɔwa mi sɪsɪ amv lɔwa mi ɔbɛɛ nyɔ amv. ⁵ Iɪnɪá nɛnya mbv ɔyi anfitɔ a, mɪgyi ɔyi anfitɔ wankɪ.”

⁶Breá Yesu lebla amú asun anfi ta a, olotu atsunɔ tswi ɔsuluto, ɔɔpɔ osrebi tsia isi, titi mú tan ansibi obwiepu amu ansibisu. ⁷Muu ɔlebla ansibi obwiepu amu ɔbee, “Nati yɔfwɔ ansitɔ Siloam Patto.” (Siloam asu gyi, “Bɔwa mu sɔsi.”) Oyin amu ɔyɔfwɔ ansitɔ yinki ɔba woyi a, ɔde atɔ wun.

⁸Mu aba pú aha ání butowun mu ɔde atɔ kuli befite bee, “Megyi oyin anfi tetsia kuli atɔ bre amu ni?”

⁹Amótɔ aku bee, “Mu ni!” Aku e bee, “O-o, lan ɔlehan mu.”

lɔv oyin amu onuto lebli ɔbee, “Mɪ ni.”

¹⁰Befite mu bee, “Nkali ɔlobwe asa fude atɔ wun nya?”

¹¹ɔlele mú ɔɔ ɔbee, “Oyin amuv buteti mu Yesu amu ɔlobwe ɔdɔba tan mu ansibisu. Muu ɔlebla mi ɔbee, nnati yɔfwɔ ansitɔ Siloam Patto. Nɔyɔfwɔ, muu nde atɔ wun a.”

¹²Befite mu bee, “Nkunv ɔbu?” Muu ɔlele mú ɔɔ ɔbee, “Ohwee.”

Farisifo Ansibi Obwiepu Amu Asun Fite

¹³lɔv bekpa oyin amuv teki ogyi ansibi obwiepu amu ya Farisifo wa. ¹⁴Eke amuv Yesu ɔlobwe ɔdɔba pubwii mu ansibi amu igyi ***ɔkpɔnv ɔdake**. ¹⁵Mú sv Farisifo amu belafite oyin amu altá ɔlobwe asa ɔde atɔ wun. ɔlebla amú ɔbee, “ɔdɔba ɔɔpɔtan mi ansibisu, nɔyɔfwɔ ansitɔ. Muu nde atɔ wun nya a.”

¹⁶Farisifo amu aku bebli bee, “Megyi Bulu ɔha oyin amuv olobwii mu ansibi amu gyi, tsufe ɔtamagyi ɔkpɔnv ɔdake mbla amuv.”

Tame aku e befite bee, “Nkali lakpan ɔbwepu ɔbétali bwe osuna anfi odu? Asun anfi sv bumetra bwe kule.”

¹⁷Mú sv belafite oyin amu bee, “Fee, muobwii fu ansibi. Amansv fobv bli tsu mu iwɪ?”

Oyin amu lele mú ɔɔ ɔbee, “Bulu ɔɔsv ɔɔpɔv ogyi.”

¹⁸Yudafɔ ahande amu bumohogyi ání lele, ɔkwu mu ansibi obwiepu asa sei ɔde atɔ wun, kpɔfun breá beti mu akwupu ba. ¹⁹Befite amú bee, “Mɪ bi amuv mlɪaa, mu ansibi lobwie asa mlɪɔkwu mu amu ni? Nkali ɔlobwe asa ɔde atɔ wun nya?”

²⁰Mu akwupu amu bele mú ɔɔ bee, “Anyin ání anɪ bi ni. Anyin ání anɪ-ɔkwu mu ansibi obwiepu. ²¹Tame altá ɔlobwe asa ɔde atɔ wun pú ɔha ání olobwii mu ansibi mú a, anumeyin. Kokoli, mlɪfite mu onuto. Megyi kebi ogyi, aladan. ɔbétali le mú ɔɔ.” ²²Mu akwupu amu buɔe Yudafɔ ahande amu ifu nya. Mú sv bebli alɪ ni. Tsufe ahande amu babli tswi bee, ɔhagyɪɔha ání ɔbébli ɔbee, Yesu gyi ***Kristo**, (ɔha amuv Bulu lada mu ofuli amu) a, bégya mu le Yudafɔ ***ofiakpa** uv. ²³Mú sv mu akwupu amu bee, “Megyi kebi ogyi, aladan, mlɪfite mu onuto!” ni.

²⁴Belati oyin amuv ɔkwu mu ansibi obwiepu amu otse nyɔsi, bla mu bee, “Ka ntam Bulu ansitɔ ání fébli ɔɔkwali. Anyin ání lakpan ɔbwepu oyin amuv olobwii fu ansibi amu gyi.”

²⁵Muv oyin amu lele mú ɔɔ ɔbee, “Ni lakpan ɔbwepu ogyi o, yile ɔbwepu ogyi o, mi mú mmeyin. Toku kule pe nyin. Múgyi, teki bre amu ntamawun atɔ, tame sei mú ndewun.”

²⁶Muv befite mu bee, “Nkali ɔlobwe fu? Nkali olobwii fu ansibi amu?”

²⁷Muv ɔlele mú ɔɔ ɔbee, “Nabla mlɪ dodooɔ, tame mlɪmonu. Ntogyi sv ntra bla mlɪ? Mɪ e mlɪdekleá mlɔbwe mu akasupu loo?”

²⁸ Besia mu, bla mu bee, “Fugyi mu akasipu. Anu nain Mose akasipu anu mu angyi. ²⁹ Anyin ani Bulu lɔɔɔ bla Mose asun, tame anumeyin otuneá oyin anfi mu otsu.”

³⁰ Oyin amu lebla amú ɔbee, “Ngya ntɔ asun ni? Mlumeyin otuneá otsu, tame molabwii mu ansibi ni o. ³¹ Anu féé anyin ani Bulu tamanu lakpan abwepu isu. Oha ani otobu mu, otegyi mu mbilasɔ isu otonu. ³² Tsu breá Bulu lɔbwe ɔyi ɔpá a, ohaa mɔkonuá ɔku labwii oha ani bɔkwu mu ansibi abwiepu ansibi ki. ³³ Ni megyi Bulu oha oyin anfi gyi a, teki ɔméetali bwe tɔɔɔɔ.”

³⁴ Ahande amu bele mu ɔɔ bee, “Fu anfi fugyi lakpan ɔbwepu tsu breá bɔkwu fu anfi dekleá fósuna anu asun?” Inunu begya mu le ofiakpa unu.

Ɔɔɔɔ Ansibi Bwie

³⁵ Yesu lonuá bagya oyin amu le ofiakpa unu. Mu su breá olowun mu a, ɔlefite mu ɔbee, “Fɔhɔ Nyankpusa-Mu-Bi amu gyi?”

³⁶ Oyin amu lebla mu ɔbee, “Owie, suna mu oha ani ogyi, mu anho mu gyi!”

³⁷ Yesu lebla mu ɔbee, “Fawun mu dodo. Mugi oha anfi ɔde fu asun bla sei anfi a.”

³⁸ Mu oyin amu lebla mu ɔbee, “Mu Wie, naho fu gyi.” Inu olosum Yesu.

³⁹ Yesu lebli ɔbee, “Asun ogyikpa neba ɔyi anfitɔ, menɔ aha ani bumede atɔ wun bɔwun atɔ. Aha ani budewun e ansibi ibwie.”

⁴⁰ Farisifo akvá bubu Yesu wa unu bonu asun anfi. Mu befite mu bee, “Mu su fudebli fee, anu e angyi ansibi abwiepu?”

⁴¹ Yesu lele mu ɔɔ ɔbee, “Ni ansibi abwiepu mligyi a, teki Bulu méeha mli ɔɔn. Tame uná mlaa mlude atɔ wun su a, mli lakpan lasin mlisu.”

Akufa Ɔkparɔ Mba Mu Akufa

10 ¹ Yesu lebli ɔbee, “Ɖnɔkwali nde mli bla. Oha ani ɔɔv tsun akufa ibansu wie mútɔ, ɔmɔtsun ɔkpa ɔɔ a, owikplu pú ogyo otswapu ogyi.

² Tsufe iban ɔɔ akufa ɔkparɔ tɔtsun wie mútɔ. ³ Iban amusu ɔkpu tefinki mu ha akufa ɔkparɔ amu tebitiwie. Ɖɔɔp akufa amu ada ti amú, butonu mu ɔme, ɔtekpa amú dali. ⁴ Ni ɔkpa akufa amu féé dali a, otegya amú nkpa, butobuo mu, tsufe buyin mu ɔme. ⁵ Butamabuo ɔɔɔ. Sri butesri si mu, tsufe bumeyin mu ɔme.”

⁶ Yesu leha amú yebe anfi, tame bumonu mu asi.

Akufa Ɔkparɔ Wanklaan Amu

⁷ Yesu letra bla amú ɔbee, “Ɖnɔkwali nde mli bla. Migi akufa iban amu ɔɔ ni. ⁸ Awikplu pú ogyo atswapu aha ani begyankpa ba féé bugyi. Akufa amu bumebi amú ɔme. ⁹ Migi akufa iban amu ɔɔ ni. Ni ɔku ɔtsun mutɔ wie dali a, tɔɔ mɔɔbwe mu. Obényena atɔ gyi mwe. ¹⁰ Owikplu agywun gyi, ɔba bowi, ɔɔɔ, oyinta atɔ. Mu mu neba, menɔ aha benya nkpa ani ulɔɔn.

¹¹ “Migi akufa ɔkparɔ wanklaan amu ni. Akufa ɔkparɔ wanklaan totsula huli mu nkpa ha mu akufa. ¹² Tame akufa ɔkparɔ ɔde ipa gyi, megyi mu onuto bu akufa amu tesri ni owun ɔkpataku ɔba bekita amú. Ɖkpataku amu tekita akufa amutɔ ɔku, atrahe butedasaun. ¹³ Oyin amu tesri, tsufe ipa keke odeggi. Akufa amu nkpa tamahian mu. ¹⁴ Migi akufa ɔkparɔ wanklaan amu ni. Nyin mu akufa, mu akufa e buyin mu. ¹⁵ Fe alá mu Si amu yin mu a, alí mu

ε nyin mu ni. Ntɔhulu mi nkpa ha mi akufa. ¹⁶Mbu akufa bamba aku ε. Buma akufa iban anfitɔ. Ilehian ́́nı́ ń́kpa amú ε ba. Amú ε bónu mi ɔme, amú f́́éé b́́b́́we akufa iku kule pú ɔkpaɔ ɔkule.

¹⁷“Inu su mi Si tekle mi asun ni. Tsufe natsula ́́nı́ ń́hulu mi nkpa ha aha, menu ń́lanya mú. ¹⁸ɔhaa méetalı swu mi. Mi onuto latsula ́́nı́ ń́hulu mú. Mbu ɔkpa hulu mi nkpa, mbu ɔkpa lanya mú ε. Inu mi Si lebla mi ɔbeε, mbwe ni.”

¹⁹Mu asun blihe anfi su Yudafo ahande amu bumetra bwe kule. ²⁰Amúto aku bebli beε, “**ɔje lalahe** bu mutɔ. Mu nwun deyinta. ɔhaa mátra nu mu asun blihe.”

²¹Aku ε beε, “ɔha ́́nı́ ɔje lalahe bu mutɔ méetalı bli asun anfi odu. ɔje lalahe ɔb́́etalı bwii ansibi obwiepu ansibi?”

Yesu Kina

²²Ekéá butɔpukain Bulu ɔtswekpa gyurasu Yerusalem lɔfun. Alı bre amu igyi lıltɔ. ²³Yesu lɔyɔ odeki Bulu ɔtswekpatɔ ɔtınekvá butetı unu “Salomo Abrandasu.” ²⁴Yudafo ahande amu aku befia bomli mu. Befite mu beε, “ɔmenke kein asa f́́ébla anı ɔnɔkwalı amu? Ni fugyi Kristo, (ɔha amuv Bulu lada mu ofulı amu) a, wuna le mú tii anı.”

²⁵Yesu lebla amú ɔbeε, “Nabla mlı bɔtsun, tame mlumedehogyi. Ofula amuv ndebwe mi Si idatɔ amu de mi uwi adansıe gyi. ²⁶Tame mlumedehogyi, tsufe mlumá mi akufatɔ. ²⁷Mı akufa butonu mi ɔme. Nyin amú, butobuo mi. ²⁸Nteha amú nkpa ́́nı́ itamata. Bumóowu ekekekeke, ɔhaa méetalı swu mi amú. ²⁹Mı Si amuv ɔlɔpu amú ha mi amu dun togyıto. ɔhaa méetalı swu amú le mi Si ibıtɔ. ³⁰Mıa mi Si anıgyi kule.”

³¹Inu a, Yudafo ahande amu betra kula abwi beε, abutswı da Yesu mɔ. ³²Tame Yesu lefite amú ɔbeε, “Nabwe ofula tsɔtsɔtsɔá itsu mi Si wa suna mlı. Múto mɔmu sv mlıdekleá mléda mi abwi?”

³³Bebla mu beε, “Megyi ofula ́́nı́ fabwe kukuvku sv antaa abéda fu abwi. Alı amuv fablı abususu púkusv lu Bulusu amu sv. Nyankpusa fugyi, tame fee Bulu fugyi.”

³⁴Yesu lefite amú ɔbeε, “Bumɔwanlın wa mlı Mbla ɔwulu amuto beε, Bulu ɔbeε, ‘Mlıgyi fe Bulu?’ ³⁵Anıyin ́́nı́ ɔnɔkwalı Bulu asun igyi. Mú sv ni Bulu letı aha amuv ɔlɔpu mu asun ha amu ɔbeε, bugyi fe mu a, ntogyi sv mlıde ɔblo nya? ³⁶Mı mú a, mi Si lele mi yaı. Ngyi mu kle, ɔlɔwa mi sısı ɔyi anfitɔ. Ntogyi sv mlıdebli mlıta nablı mbée, ‘Bulu mu Bi ngyi’ sv nablı abususu púkusv lu musv? ³⁷Nı megyi mi Si agyuma ndebwe mú a, mlumáho mi gyi. ³⁸Tame ni mi Si agyuma ndebwe, asa mlumáho mi gyi kuraa a, mumu mlıho ofula amuv ndebwe amu mú gyi, amlıbíá Mı Si amu bu mutɔ, mi ε mbu mutɔ.”

³⁹Betra bwe ́́nı́ békıta mu, tame ɔledalı amú ibı, natı si amú.

⁴⁰Yesu leyinki fa Yordan ɔbun ba ɔtune amuv Yohane letsia bɔ aha asu amu, olesi tsia unu. ⁴¹Aha tsɔtsɔtsɔ beba mu wa, bude aba bla beε, “Yohane mɔbwe osuna kukuvku, tame asun ́́nı́ Yohane lebli tsu oyin anfi uwi f́́éé laba múto pepepe.” ⁴²Aha tsɔtsɔtsɔ bɔho mu gyi unu.

Lasaro Lowu

11 ¹Oyin ɔkvá butetı mu Lasaro mua mu apio tsıhe ***Maria** pú Marta betsia Betania wulutɔ. Oyin amu lɔlɔ. ²Maria anfi letsetı mu ofobi

fanfaanfan wuli aní Wie Yesu ayabisu, pu mu imi tsitsi mó ní. Mu pio yinhe gyi Lasaro anfi óda ódelo a.^k ³Mó su mu apio tsihe anfi bowa abi sisi Yesu bee, “Owie, fu ódwepu delo.”

⁴Yesu lonu asun amu a, óleblí óbee, “Megyi uló anfi óbómó mu, mboun ubéle Bulu numnyam ówan. Ibówa mí Bulu mu Bi anfi é numnyam.”

⁵Yesu tekle Marta mu Maria pú Lasaro fée asun. ⁶Tame breá olonúá Lasaro delo a, óletra si tsia ótineá óbu nkenyó keke. ⁷Mó óma a, ólebla mu akasipu óbee, “Mliha ayinki yó Yudea.”

⁸Mu akasipu amu befite mu bee, “Osunapu, nwen nfi Yudafó ahande bakle abuda fu abwi mó. Mó fee, fétra yinki yó unu?”

⁹Yesu lópu yebi le mó óno óbee, “Megyi ónhwuri duanyó bu ekewuletó? Ní óha na óyikehetó a, ótamasutin, tsufe nsauntó lówanki su odewun. ¹⁰Tame ní óku na okluntó a, otosuti, tsufe ómede ató wun.” ¹¹Asun anfi óma a, óletra bli óbee, “Aní nyawie Lasaro ladidí, tame nýó anyetsinki mu.”

¹²Akasipu amu bebla mu bee, “Aní Wie, ní ódedidí mó a, iwí bówa mu ónlun!”

¹³Lasaro lowu iwí asun Yesu deblí, tame akasipu amu mó bukí bee mu didí keke iwí asun ódeblí. ¹⁴Unu Yesu lowuna kpa mó opulu óbee, “Lasaro lawu. ¹⁵Mli su ulawa mí ansigyiá mma unu asa olowu, mení mlóho mí gyi. Mliha ayeki mu.”

¹⁶Unu Toma ání ogyi Tabi' lebla mu aba amu óbee, “Mliha ania munyó fée ayó, mení ní lowu igyi kúraa a, ania munyó awu!”

Dha Ání Ótokusua Aha Tsu Afulitó, Ha Amó Nkpa

¹⁷Yesu lowie Betania wuluto a, bebla mu bee bopula Lasaro ulagyi nkena. ¹⁸Tsu Betania ya Yerusalem mofun mali anyó. ¹⁹Mó su Yudafó tsótsótsó beba ***Maria** mu Marta gyówa óhakpa, amó pio lowu su.

²⁰Benya bla Marta ání Yesu óba alí, ólókusu yefia mu ókpa. Maria mó lesin woyitó. ²¹Muu Marta lebla Yesu óbee, “Mí Wie, tekí ní fubu nfi a, tekí mí pio mowu sí mí. ²²Tame sei kúraa nyin ání togyitóá fókuli Bulu a, óbéha fu.”

²³Yesu lebla mu óbee, “Fu pio óbélakusu.”

²⁴Marta lebla mu óbee, “Nyin ání óbókusu eke trahe amuu afuli bókusu amu.”

²⁵Yesu lebla mu óbee, “Migyí óha ání ntókusua aha tsu afulitó, ha amó nkpa. Óha ání ólóho mí gyi owu kúraa a, óbétra tsia nkpa. ²⁶Óha ání otsie nkpa, ólóho mí gyi é móowu ekekekeke. Fahó músu gyi?”

²⁷Marta lotsula músu óbee, “Ee! Mí Wie, nahogyiá fúgyi Kristo (óha amuu Bulu lada mu ofulí). Bulu mu Bi amuu bee, óbéba óyitó amu ní.”

Yesu Isu

²⁸Breá Marta leblí alí ta a, oleyinki ba woyitó betí Maria ya itsetó, bla mu óbee, “Osunapu laba, óde fu tí.” ²⁹Maria lenya nu mó alí, ólókusu yó Yesu wa. ³⁰(Alí bre amutó a, Yesu mókunya wie wuluto. Ólu ótine amuu Marta lóyotó mu amu.) ³¹Breá aha amuu butsie Maria wa woyitó, bude mu klun yia amu bowun ání alakusu ótsawule pe óyó a, bókusu buo mu. Bukí bee óyó opulakpa unu yosu.

³²Breá Maria lowie Yesu wa a, ɔleɗa akpawunu, bla Yesu ɔbeɛ, “Mɩ Wie, nɩ fubv nfti a, teki mi pio mowu si mi!”

³³Breá Yesu lowun ání Maria mva aha amvu bubuo mu amu féeɛ budesu a, ilehte han mu. Mú sv mu ansɩ lepe. ³⁴Ɔlefite amú ɔbeɛ, “Nkɔnu mlɔlopula mu.”

ɩnu bebla mu beɛ, “Anɩ Wie, beki.”

³⁵ɩnu Yesu losu. ³⁶Mú sv Yudafɔ amu bebli beɛ, “Ki altá ɔtehte dwe Lasaro!”

³⁷Tame amúto aku bebli beɛ, “Megyi oyin anfti lobwii ansibi obwiepev amu ansibi nɩ. Ntogyi sv ɔmetali kita Lasaro yaɩ, alawu?”

Lasaro Kusua

³⁸Yesu ansɩ letra pe, ɔlenati yɔ opulakpa unv. Ibwi-alato ɔbotɔ bopula mu, bemina ibwi tin mú ɔno. ³⁹ɩnu ɔlebla amú ɔbeɛ, “Mlɩmina ibwi amu le ɔbo amu ɔno.”

Tame owupu amu mu pio tsihte Marta lebla mu ɔbeɛ, “Mɩ Wie, nde aná mú a, alayinta. Nde eke nasti ɔpá bopula mu.”

⁴⁰Yesu lebla mu ɔbeɛ, “Mmebla fu mbeɛ nɩ fohogyi a, fówun altá Bulu twɩ bu ifu?” ⁴¹ɩnu bemina ibwi amu le ɔbo amu ɔno. Yesu lotsu ansɩ fua ki ɔsvsv, bli ɔbeɛ, “Mɩ Si, neda fu ipan ání fanu mi ɔme. ⁴²Nyin ání futonu mi mpaɩ ekekegyieke. Tame aha anfti bulu nfti anfti sv nabli ali, menɩ bóhogyiá fulɔwa mi.” ⁴³Breá ɔɔbo mpaɩ anfti ta a, ɔɔkplɩn bli ɔbeɛ, “Lasaro, dali ba!”

⁴⁴Lasaro ledali a, tati kli mu ibi pú mu ayabi. Duku e kli mu ansɩto. Yesu lebla amú ɔbeɛ, “Mlɩsankɩ mu ɔnati.”

Yesu Nwunsu Kikli

⁴⁵Yudafɔ amvu bobuo Maria ba unv amu bowun tɔá Yesu labwe. Mú sv amú tsɔtsɔtsɔ boho mu gyi. ⁴⁶Tame amúto aku boyo yebla *Farisifo amu tɔá Yesu labwe. ⁴⁷ɩnu Bulu *igyɩ ahapu dehen pú Farisifo amu beti aba asun agyipu fia. Mvu befite aba beɛ, “Nkali abóbwe? Lele mú a, oyin anfti de osuna tsɔtsɔtsɔ bwe. ⁴⁸Nɩ anumeke mu itin a, ɔhagyioha ɔbóho mu gyi. Ibéha Romafɔ béba bobwie anɩ Bulu ɔswekpa amu, yinta anɩ ɔmá!”

⁴⁹Tame amúto ɔkuleá buteti mu Kaiafa, ogyi Bulu igyi ɔhapu dehen ofi amuto lebla amú ɔbeɛ, “Mlɩ mú mlumeyin ɔlala! ⁵⁰Mlɩmɔkvbɩá ibv aleá ɔbakule obówu aha féeɛ nwunsu, dvn ání ɔmá amuto aha féeɛ béhi?” ⁵¹Megyi Kaiafa onuto agywun ɔɔpɔbli asun anfti. Tame uná ofi amuto mvgyi Bulu igyi ɔhapu dehen sv a, igyi asun ání ɔlebli tswɩ ání ilehian ání Yesu obówu ha Yudafɔ ɔmá. ⁵²Megyi beɛ ɔmá amu nkule pe sv obówu. Mboun altá ɔbékpa Bulu aha ání badasan féeɛ bɔwa abato, bóbwɛ ukule sv.

⁵³Tsu eke amu bɔwa agywun bwe ání bómo Yesu bi. ⁵⁴ɩni sv Yesu metra tsia le twɩ ɔwan Yudafɔto. Mboun ɔlenati yɔ wulu kvá buteti mú Efraim, áni ibv dimbisu; mva mu akaspu amu betsia unv.

⁵⁵Bre amuto a, Yudafɔ nkeá bópygyi Israelfɔsv *Katsun Nke amu lawie woyi ta. Aha tsɔtsɔtsɔ botsu awulusu dv yɔ Yerusalem ání boyo gyura twɩ asa nke amu ifun. ⁵⁶Breá boyo Bulu ɔswekpa wunsnesv unv a, bodunka ání bówun Yesu. Mú sv befite aba beɛ, “Nkali mlɩdeki? Mlɩlahogyi mlɩaa, ɔbéba nke anfti loo?” ⁵⁷Tame bre amuto a, Bulu igyi ahapu dehen pú Farisifo amu babla aha beɛ, nɩ ɔku owun ɔtineá Yesu bu a, ɔha amú ibi, menɩ béyekita mu.

Ofobi Fanfaanfan Pɔwulɔ Yesu

(Mateo 26:6-13; Marko 14:3-9)

12 ¹Ilesi nkensie abɔgyi Israelfɔsu Katsɔn Nke a, Yesu laɔɔ Lasaro amuu ɔlɔkɔsua tsu afulitɔ amu wulutɔ Betania. ²Mó ntɔpwesɔ bɔtsɔwɔ ɔpɔnɔ ha mu. Marta leye atogyihe ɔpɔnɔ amu asɔ. Lasaro mua aha amuu beti amu bɔwa ibi gyi atɔ Yesu wa. ³Lnɔ ⁴***Maria** lɔpɔ ofobi fanfaanfan ání ibi ibia prentɔva yile ɔbɔ betsei wulɔ Yesu ayabisu, ɔlɔpɔ mu nwunɔsu-imi tsitsi mó. Ofobi amu ɔfan lɔhɔ woyi amutɔ féé.^m ⁴Tame Yuda Iskariot, ogyi Yesu akasɔpɔ amutɔ ɔkule, ɔbéle Yesu ha amu mó lebli ɔbée, ⁵“Ofobi anfi bu bia. Ntogyi su bumefe mó, pɔ kɔba amu ha ahianfɔ? Mó bia bɔbwe ɔbakule ofi ɔkule ikɔka.” ⁶Megyí ahianfɔ nwewun su Yuda de asun anfi bli. Owikplu ogyi su. Mu wa sika okentebi bu, otetsia wi tku le móɔ.

⁷Yesu lebli ɔbée, “Mlisi mu ɔpɔ ofobi anfi wulɔ mi ha mi opulake. ⁸Ahianfɔ mó bétsia mli wa ekekegyieke, tame mi mó mméetsia mli wa yɔ.”

Lasaro Nwunɔ Kiklɔ

⁹Yudafɔ tsɔtsɔɔtsɔ bonuá Yesu laba Betania. Mó su begya ɔkpa yɔ mu ɔkɔkpa. Megyi mu nkule su bɔyɔ un. Beyekɔ Lasaro amuu Yesu lɔkɔsua tsu afulitɔ amu ε. ¹⁰Mó su Bulu ¹¹***igyí** ahapɔ dehen amu bobwe agywun bée, bómɔ Lasaro ε. ¹¹Tsufɛ mu kɔsua tsu afulitɔ su Yudafɔ tsɔtsɔɔtsɔ buɔde ɔma yinki bɔhɔ Yesu gyi.

Bɔhɔ Yesu Fɛ Owie Yerusalem

(Mateo 21:1-11; Marko 11:1-11; Luka 19:28-40)

¹²Ɔyikehe a, ɔɔm amuu baba nke ogyikpa amu bonuá Yesu ɔba Yerusalem. ¹³Mó su beka mbla, bɔpɔ ɔkpa beyefia mu. Buɔde okitikiti bée, “***Hosiana!** Bulu oyula ɔha anfi ɔna ant Wie Bulu ɔdatɔ ɔba anfi! Bulu oyula Israel Owie amu!”

¹⁴Yesu lenya afrimu ɔku, ɔlɔɔɔ bian mɔsu, fɛ alúá bɔwanlun wa Bulu asuntɔ bée,

¹⁵“***Sionfɔ**, mli mánya ifu!

Mli Wie dɔn afrimu ibisu ɔba a!”

¹⁶Yesu akasɔpɔ amu bumɔkɔsɔ nu asun anfi asɔ. Tame breá Bulu lɔkɔsua Yesu tsu afulitɔ, wa mu numnyam ɔma a, bekaun ání bɔwanlun asun anfi tsu mu wɔ. Mó bɔbwe ha mu a.

¹⁷Aha ání bobuo Yesu breá ɔleti Lasaro fuli-ɔbɔɔ, kɔsua mu tsu afulitɔ bɔyɔ mósu da asun anfi ɔkan. ¹⁸Lnɔ su ɔɔm amu beyefia mu ni. Bonuá alabwe osuna anfi. ¹⁹Farisifɔ amu bebla aba bée, “Mlulawun ání anlabwe kasian. Mluki, aha féé bayɔ bubuo mu o!”

Grikifɔ Aku Bodunka Yesu

²⁰Grikifɔ aku bubu aha amuu beba Bulu osumkpa Yerusalem Israelfɔsu Katsɔn Nke amutɔ. ²¹Bɔyɔ Filipinoá otsu Betsaida ání ibi Galilea ɔmátɔ wa yebla mu bée, “Owie, anidekleá abówun Yesu.”

²²Filipo lebla Andrea, mua munyo beyebla Yesu. ²³Yesu lebla amó obee, “Bre lafun ání b’owa Nyankpusa-Mu-Bi amu numnyam. ²⁴Ɔnɔkwali nde mli bla. Ni kpolibi mɔkwowie ɔbɔɔ, ukwe, plɔ a, kpoli ibi kule amu ken igyi. Tame ni ukwe, plɔ a, itɔbwe abi tsɔtsɔɔtsɔ. ²⁵Ni ɔku tɔdwe mu nkpa ɔyi anfitɔ a, ɔb’-huli mú. Ni ɔku ε tamadwe mu nkpa a, obénya nkpa ání utamata. ²⁶Ni mlito ɔku obee mósum mi a, ilehian ání obóbuo mi, mení obétsia ɔtunéá mbu. Ni ɔku de mi sum a, mi Si ɔb’owa mu numnyam.”

Yesu Lowu lwi Asun Bli

²⁷Yesu loyɔ músu obee, “Sei a, asun de mi klun han! Amansu nébli? Bli nebleli mbée, Mi Si, le mi tsu asun wunhe anfitɔ loo? O-o, mú su neba ni. ²⁸Mi Si, wa fu lwi numnyam!”

lɔu a, ɔme ɔku lotsu ɔsusu ba obee, “Nawa mi lwi numnyam dodo. Nétra wa mú.”

²⁹Breá ɔɔɔm amuvu bulu lɔu amu bonu ɔme amu a, bebli bee “Ɔprada laputi.” Aku ε bee, “***Bulu-ɔbɔpu** labla mu asun!”

³⁰lɔu Yesu lebla amó obee, “Mli su ɔme anfi lalin, megyi mi. ³¹Breá Bulu obégyi ɔyitɔɔ asun ni. Breá Bulu ɔbékplɔ Ɔbunsam, ɔyitsu ogyipu amu obiasu ni. ³²Tame mi mú a, ni béda mi manta ***oyikpaliheso**, tsu mú lu a, nékpa aha féé ba mi lwi wa.” ³³(Yesu lebli asun anfi pusuna lowu oduá mówu.)

³⁴lɔu ɔɔɔm amu befite mu bee, “Ani mú anilonu tsu ani Mbla ɔwulu amutɔá Kristo, (ɔha amuvu Bulu lada mu ofuli amu) obétsia bre féé. Mú ntogyi su fudebli féé, ilehian ání béda Nyankpusa-Mu-Bi amu manta oyisu, tsu mú lu? Ma gyi Nyankpusa-Mu-Bi amu?”

³⁵Yesu lebla amó obee, “Bre kpalobi ku pe ɔlasiá Wanki amu ɔbétra tsia mli wa. lɔnɔá Wanki amu tra ɔbu mli wa a, mlunati wanki amutɔ, mení owi mééta wa mli. Tsufe ɔha ání ɔna okluntɔ tamabi ɔtunéá ɔyɔ. ³⁶Bre anfi wanki” amu tra ɔbu mli wa a, mliho mu gyi, mení mlóbwe wanki amu abi.”

Yudafɔ Yesu Máhogyi

Breá Yesu lebla amó asun anfi ta a, ɔlenati yenain. ³⁷lɔnɔá ɔbɔbwe osuna tsɔtsɔɔtsɔ amó ansitɔ o a, bumɔho mu gyi. ³⁸lɔnɔ leha Bulu ɔnɔsu ɔtɔɔpu ***Yesaia** asun amuvu ɔleble tswi dodo amu leba mútɔ. Obee,

“Ani Wie, ma laho asun amuvu anileble amuvu gyi?

Ma aní Wie lalé mu tumi suna?”

³⁹Mú su bumetalɔ ho Yesu gyi, tsufe Yesaia letra bli obee,

⁴⁰“Ani Wie Bulu laha bumedewun,

buméde asun nu,

Mú su bumóowun atɔ,

bumóonu asun, mení bédamli ba mi wa,

nétsa amó ɔ.”

⁴¹Yesaia lowun Yesu numnyam. Mú su ɔleble asun anfi tsu mu lwi ni.

⁴²Mú o a, Yudafɔ ahande amu tsɔtsɔɔtsɔ b’ho mu gyi, tame bumele amó hogyi ɔwan. Tsufe benya ifuá Farisifɔ amu bébli amó, gya amó le amó ***ofiakpa**. ⁴³Tsufe butekle bee, aha bukanfu amó dun ání Bulu ɔbékankfu amó.

Yesu Asɔn Bulu Ɖɔ́pɔgyi Aha Asɔn

⁴⁴Yesu lɔ́kplɔn blɪ ɔ́ɔɛ, “Megyi mɪ nkɔlɛ ɔ́hagyiɔ́ha ání ɔ́lɔ́hɔ mɪ gyi dehogyi. Ɖha amɔv ɔ́lɔ́wa mɪ sɪsɪ amɔ ɛ. ⁴⁵Ɖhagyiɔ́ha ání ɔ́ɔɛ mɪ wun ɔ́ɔɛ ɔ́ha amɔv ɔ́lɔ́wa mɪ sɪsɪ amɔ ɛ wun. ⁴⁶Naba ɔ́yi anfiɔ́ ɔ́ɛ wankɪ. Fékɪ ɔ́sɔlɔ́ anfiɔ́ iwankɪ, menɪ ɔ́hagyiɔ́ha ání ɔ́lɔ́hɔ mɪ gyi méésin okluntɔ́. ⁴⁷Nɪ ɔ́kɔ onu mɪ asɔn, tame omegyɪ mósv a, megyi mɪ ɔ́bɛ́ha mɪ ipɔ́n. Tsufe mmɛba asɔn ogyikpa. Aha nkpa ɔ́hɔkpa nɛba. ⁴⁸Ɖha ání okina mɪ, ɔ́mɔ́hɔ mɪ asɔn ɛ bu asɔn ání ɔ́pɔ́vha mɪ ipɔ́n. Mɪ asɔn bliɛ amɔ ɪbɛ́ha mɪ ipɔ́n eke traɛ amɔ. ⁴⁹Tsufe megyi mɪ onoto tumi nɔ́pɔ́tɔ́. Mɪ Sɪ lɔ́wa mɪ sɪsɪ. Mɔ́lɛ́ha mɪ asɔn ání mblɪ, pɔ́ alɪ́á mblɪ mó. ⁵⁰Nyin ání mɪ asɔn amɔ ɪteha nkpa ání ɪtamata. Mó sv asɔn ání ɔ́tɔ́wa mɪ blɪ koun nteblɪ.”

Akasɔv Amɔ Ayabiasɪ Fwɪ

13 ¹Asa béfi Israelfɔsv Katsɔn Nke amɔ gyi asɪ a, Yesu lebiá mɪ bre lafɔn ání médalɪ ɔ́yi anfiɔ́ ɔ́ɔ mɪ Sɪ wa. Ɖlɔ́dwe aha amɔv bugyi mɪ kle ɔ́sɔlɔ́sv nfi amɔ alɪ ɔ́ɔfɔn mɪ owuke.

²Mɔ́a mɪ akasɔv amɔ befiá nɔ́pɔ́we atɔ́ ogyikpa. Alɪ bre amɔtɔ́ a, ɔ́bɔ́nsam lawuna wie Simon Iskariot mɪ bi Yuda kluntɔ́á ɔ́yele Yesu ha. ³Yesu yin ání mɪ Sɪ lɔ́pɔ́ togyitɔ́ wa mɪ ɪbutɔ́. Oyin ání Bulu wa motsu ba, mɪ wa meyinki ɔ́ɔ nɪ. ⁴Mó sv ɔ́lele ɪbɪ ɔ́lɛɛ amɔtɔ́, ɔ́lɔ́kɔsv wɔ́ɪ mɪ atadie tswɪ, tsu ɔ́san saba. ⁵Ɖletsei ntsu wa onunwetɔ́, olefi asɪ ɔ́ɔɛ mɪ akasɔv amɔ ayabiasɪ fwɪ. Ɖfwɪ ɔ́mayin a, alapɔ́ mɪ osietɔ́ ɔ́san amɔ tsitsi mɪ ayabiasɪ. ⁶Breá ɪlɔ́tɔ́ Simon Petro a, ɔ́lefite Yesu ɔ́ɔɛ, “Mɪ Wie, fɔ́ ɔ́bɔ́fwɪ mɪ ayabiasɪ?”

⁷Yesu lele mó ɔ́nɔ́ ɔ́ɔɛ, “Fɔ́móonu tɔ́ anfi ndɛ́bwe anfi asɪ sei. Ɖma asa fɔ́bonu mó astɪ.”

⁸Mɔ́v Petro lebla mɪ ɔ́ɔɛ, “O-o! Mméési afufwɪ mɪ ayabiasɪ ekekekeke.”

Yesu lebla mɪ ɔ́ɔɛ, “Nɪ mmɔ́fwɪ fɔ́ ayabiasɪ a, fɔ́méenya ogyikpa mɪ wa.”

⁹Simon Petro lebla mɪ ɔ́ɔɛ, “Mɪ Wie, megyi mɪ ayabi nkɔlɛ. Wuna fwɪ mɪ ɪbɪ pɔ́ mɪ nwuntɔ́ ɛ.”

¹⁰Yesu lebla mɪ ɔ́ɔɛ, “Ɖha ání alabie ntsu metra hian ntsubie. Mboun mɪ aya-biasɪ fwɪ pɛ, tsufe alalɔ́n dodo. Mɪ ɪwɪ lalɔ́n, tame megyi mɪ féé.” ¹¹(Yesu lebla mɪ alɪ, tsufe oyin ɔ́ha ání ɔ́bɛ́le mɪ ha. Mó sv ɔ́leblɪ ɔ́ɔɛ, “Megyi mɪ féé lalɔ́n” nɪ.)

¹²Breá ɔ́lɔ́fwɪ amɔ ayabiasɪ ta a, ɔ́lelatsɔ́ mɪ atadie wa, yinki yetsia ɔ́pɔ́sv amɔ astɪ. Mɔ́v ɔ́lefite amɔ ɔ́ɔɛ, “Mɪlanu ɪtɔ́ anfi nabwe ha mɪ anfi astɪ? ¹³Mɪtɛtɪ mɪ ‘Osunapɔ́,’ mɪtɛtɪ mɪ ‘Owie.’ Mó ɔ́kpa nɪ, tsufe mó ngyi nɪ. ¹⁴Nɪ miá ngyi mɪ osunapɔ́ pɔ́ mɪ Wie, nafwɪ mɪ ayabiasɪ a, mɔ́mɔ ɪlehian ání mɪ ɛ mlɔ́fwɪ mɪlɔ́ aba ayabiasɪ. ¹⁵Nabwe suna mɪ, menɪ mlɔ́bwe mó alɪ amɔv nabwe mó ha mɪ amɔ. ¹⁶Ɖnɔ́kwálɔ́ ndɛ mɪ bla. Osumpɔ́ ɔ́kɔkɔ mɔ́ɔ́n mɪ wie. Alɪ ken sumbi ɔ́yɔ́pɔ́ mɔ́ɔ́n ɔ́ha ání ɔ́lɔ́wa mɪ nɪ. ¹⁷ɪnɪá mɪlɔ́lɔ́ ɔ́nɔ́kwálɔ́ anfi a, Bulu obóyula mɪ nɪ mlegyi mósv.

¹⁸“Megyi mɪ féé ɪwɪ asɔn ndeblɪ. Tsufe nyin aha ání nale. Tame lehian ání Bulu asɔn anfi ɪbɛ́ba mótɔ́. Asɔn amɔ ɔ́ɔɛ, ‘Ɖha amɔv miá mɔ́nyɔ́ anide ɪbɪ wa ɔ́lɛpɛtɔ́ amɔ lakɔsv ɪlɔ́ mɪsv.’ ¹⁹Nde mɪ bla sei asa ɪba, menɪ nɪ ɪba a, mlɔ́hɔ mɪ gyi ání mgyi ɔ́ha amɔv mbɛɛ ngyi amɔ nɪ. ²⁰Ɖnɔ́kwálɔ́ ndɛ mɪ bla. Ɖhagyiɔ́ha ání ɔ́lɔ́hɔ ɔ́ha ání nɔ́wa sumbi laɔ́ mɪ. Alɪ ken ɔ́hagyiɔ́ha ání ɔ́lɔ́hɔ mɪ laɔ́ mɪ Sɪ amɔ ɔ́lɔ́wa mɪ sɪsɪ amɔ ɛ nɪ.”

Yesu Le Ha

(Mateo 26:20-25; Marko 14:17-21; Luka 22:21-23)

²¹ Breá Yesu lebli asun anfti ta a, asun ihie de mu han mu kluntɔ. Mú su olowuna kpa mú tati ɔbee, “Ɖɔɔkwali nde mli bla, mlitɔ ɔkule ɔbéle mi ha.”

²² Akasipu amu bekpɛle ki aba ansitɔ, tsufe bɔmeyin amótɔ ɔmúá ɔde.

²³ Akasipu amutɔ ɔkuleá otsie manta Yesu, gyi ɔmúá Yesu tehie dwe ni. ²⁴ Mú su Simon Petro lobun mu ansibi ɔbee, ɔfite mu ɔha ání ɔbéle mu ha.

²⁵ Múv ɔkasipu amu leyinki kpisa Yesusu, fite mu ɔbee, “Mú Wie, ma ɔbéle fu ha?”

²⁶ Yesu lebla mu ɔbee, “Ɖha amuv nébia bodobodo, puda oputsutɔ ha amu gyi mu ni.” Inu olebía bodobodo puda oputsutɔ ha Yuda, ogyi Simon Iskariot mu bi. ²⁷ Olenya hɔ mú alí, Ɖbunsam lowie mutɔ. Mú su Yesu lebla mu ɔbee, “Bwe tɔá fudekleá fóbwe sasa!” ²⁸ Aha amuv butsie ɔpɔv amu así amutɔ ɔkuku mebi tɔá svá Yesu lebla mu asun anfti. ²⁹ Amótɔ aku bɔki bee, Yuda gyi amú sikasu ɔkɔv. Fiali Yesu de mu bla ɔbee, ɔyɔhɔ atɔá bɔpugyi nke amu, nte ɔvɔ tɔku ya ahianfɔ.

³⁰ Yuda lenya hɔ bodobodo amu alí, ɔledali. Owi lata alí bre amu.

Mbla Pɔpwe

³¹ Yuda lenya dalí obuto unv alí Yesu lebli ɔbee, “Breá Mí, Nyankpusa-Mu-Bi anfti numnyam íbéln ɔwan ni. Bulu ɔbótɔv mív le mu numnyam ɔwan.

³² Ní ɔtɔv mív le mu numnyam ɔwan a, alí ken ɔbótɔv mu iwísv le mu numnyam ɔwan ni. Ɖbɔwa mi numnyam unuv. ³³ Mí abi, mméetra tsia mli wa wa ɔpá. Mlódunka mi. Alí amuv nebía Yudafo ahande amu mbee, ‘Mlmé-etali ba ɔtunéá nɔyɔ amú’ a, alí ken nde mli bla mli e ni. ³⁴ Mbla pɔpwe ndewa ha mli mbee, mlúde aba. Alí amuv nɔdwe mli amu a, alí ken mlɔv ɔdwe amu dwe mli aba ni. ³⁵ Ní mlúde aba dwe a, íbósuna aha fééá mí akasipu mlígyi.”

Petro Ɖbósvu Ɖbee, Mɔmeyin Yesu

(Mateo 26:31-35; Marko 14:27-31; Luka 22:31-34)

³⁶ Simon Petro lefite Yesu ɔbee, “Mú Wie, nkuvɔ fɔyɔ?”

Yesu lele mú ɔhɔ ɔbee, “Ɖtune amuv nɔyɔ amu a, fuméetali buo mí yɔ unv sei. Tame ɔma a, fóbobuo mí.”

³⁷ Petro lefite mu ɔbee, “Mú Wie, ntogyi sv mméetali buo fu sei. Nówu fu sv!”

³⁸ Yesu lefite mu ɔbee, “Fówu mí sv? Ɖɔɔkwali nde fu bla. Fósvu pv íbɔ wa ogya tse sa fee, fumeyin mí asa bate ɔbéle ɔhɔ.”

Ɖsɔ Amu Wa Ɖkpa

14 ¹ Yesu lebla mu akasipu amu ɔbee, “Opuni mátsii mli. Mlihɔ Bulu gyi, amlihɔ mí gyi. ² Otsiakpa tsɔtsɔtsɔ bu mí Sɔ woyitɔ. Ní otsiakpa ma unv a, tekí mmebla mli mbee neyela unv yai mli. ³ Ní nɔyɔ yela otsiakpa amu yai mli ta a, néyinki ba bekpa mli ya mí wí wa, mení mlétsia ɔtunéá mbv. ⁴ Mliyín ɔkpa ání ída yɔ ɔtune amuv nɔyɔ amú.”

⁵ Inu Toma lefite mu ɔbee, “Mú Wie, anumeyin ɔtunéá fɔyɔ, nkali abóbwe abébi ɔkpa amú?”

⁶Yesu lele mú ɔ̀nɔ ɔ̀bɛɛ, “Mígyi ɔ̀kpa amu, ɔ̀nɔkwalt amu pú nkpa amu. ɔ̀ha méétalt yɔ̀ mɪ St amu wa, nkɛti alatson mísu. ⁷Ni mlíyin mɪ lele a, tekɪ mlílábu mɪ St amu ɛ. Tame sei mú mlíláwun mu, mlílábi mu ɛ.”

⁸Filipo lebla mu ɔ̀bɛɛ, “Ani Wie, suna ani fu St amu. Mú kpan tso ani.”

⁹Yesu lefite mu ɔ̀bɛɛ, “Filipo! Mbu mli wa dodoodo. Mú su fómɔ̀kɔ̀bi mɪ? ɔ̀hagyíɔ̀ha ání alawun mɪ kɪ lawun mɪ St amu. Ntogyi su fúdeblɪ fɛɛ, nsuna mli ɔ̀si amu? ¹⁰Fómohogyiá mbu mɪ St amutɔ̀, mu ɛ ɔ̀bu mitɔ̀? Asun anfi nde mli bla anfi motsu mɪ onuto wa. Mboun mɪ St amuv ɔ̀bu mitɔ̀ amu de mu agyuma yɔ̀. ¹¹Ni nde mli bla mbɛɛ, mbu mɪ St amutɔ̀, mu ɛ ɔ̀bu mitɔ̀ a, mlíhɔ̀ mɪ gyi. Ni mlímɔ̀wɔ̀hɔ̀ asun amusu gyi o a, ofula amuv ndebwe amu su mlíhɔ̀ mɪ gyi. ¹²ɔ̀nɔkwalt nde mli bla. ɔ̀hagyíɔ̀ha ání ɔ̀wɔ̀hɔ̀ mɪ gyi a, ɔ̀bɔ̀bwe tɔ̀á ndebwe. ɔ̀bɔ̀bwe mú dɔ̀n mɪ kle, tsufe mɪ mú nɔ̀yɔ̀ mɪ St amu wa. ¹³Nɔ̀bwe togyitɔ̀á mlɔ̀kɔ̀li mɪ idatɔ̀ ha mli, menɪ nɔ̀wa mɪ St amu numnyam. ¹⁴Ni mlɔ̀kɔ̀li togyitɔ̀ mɪ idatɔ̀ a, nɔ̀bwe mú.

ɔ̀ɛ Wankhe Amu Iba

¹⁵“Ni mlitɔ̀dwe mɪ a, mlégyi mɪ mblasu. ¹⁶Nɔ̀kɔ̀li mɪ St, ɔ̀bɔ̀pu ɔ̀ma ɔ̀lupu bamba sɪsɪ mli. ɔ̀bɛ́ba betsia mli wa brɛ féé. ¹⁷Mugyi ɔ̀ɛ Wankhe. Mutosuna ɔ̀nɔkwaltá ɪbu Bulutɔ̀. ɔ̀yitɔ̀ aha buméetalt hɔ̀ mu, tsufe bumede mu dunka. Buméébi mu ɛ, tame mli mú mlíyin mu. Tsufe ɔ̀bu mli wa, obétsia mlitɔ̀.

¹⁸“Mméési mli tswi fe awumbi. Néyinki ba mli wa. ¹⁹Uasi kpalobi ɔ̀yitɔ̀ aha buméetra wun mɪ, tame mli mú mlówun mɪ. Iɪtá mbu nkpa su a, mli ɛ mlétsia nkpa. ²⁰Ni eke amu ifun a, mlébiá mbu mɪ St amutɔ̀. Mli ɛ mlíbu mitɔ̀, fe ali amuv mɪ ɛ mbu mlitɔ̀ amu.

²¹“Aha ání bude mɪ mblasu gyi a, amúgyi mɪ adwɛpu ni. ɔ̀hagyíɔ̀ha ání ɔ̀tɔ̀dwe mɪ a, mɪ St ɔ̀bɔ̀dwe mu. Mɪ ɛ nɔ̀dwe mu, le mɪ ɪwɪ ɔ̀wan suna mu.”

²²Mbu Yuda (megyi Yuda Iskariot) lefite mu ɔ̀bɛɛ, “Mɪ Wie, ntogyi su ani nkule pe féle ɪwɪ ɔ̀wan suna, megyi ɔ̀yitɔ̀ aha féé?”

²³Yesu lele mú ɔ̀nɔ ɔ̀bɛɛ, “Ni ɔ̀kɔ̀ de mɪ dwe a, ɔ̀bɔ̀bwe dunka mɪ atosunahesu. Mɪ St ɔ̀bɔ̀dwe mu. Mɪa mɪ St amu nɔ̀ abéba betsia mu wa. ²⁴ɔ̀ha ání ɔ̀tamadwe mɪ ɔ̀mɔ̀bwe dunka mɪ atosunahesu. Asun anfi ndeblɪ mlídenɪ anfi motsu mɪ onuto wa. Mɪ St lɔ̀wa mɪ, mu wa itsu.

²⁵“Nde mli asun anfi bla, sei anfi mbu mli wa. ²⁶Tame ɔ̀ma ɔ̀lupu, ogyi ***ɔ̀ɛ Wankhe** amuv mɪ St ɔ̀bɔ̀pusɪsɪ mɪ idatɔ̀ amu obósuna mli togyitɔ̀. ɔ̀bɛ́-kaun mli asungyasun ání nebala mli.

²⁷“Iwilwii nde mli ha! Napu mɪ iwilwii ha mli. Megyi mú amuv ɔ̀yitɔ̀fɔ̀ buteha amu odu. Mlímáha opuni itsii mli. Ifu ɛ mákita mli. ²⁸Nabla mli bɔ̀tsun mbɛɛ, ndenati, tame néyinki ba mli wa. Ni mlitɔ̀dwe mɪ a, tekɪ mlénya ansigyíá nɔ̀yɔ̀ mɪ St wa, tsufe ɔ̀dɔ̀n mɪ. ²⁹Nde mli ɪwɪ féé bla yat, menɪ ni ɪba mútɔ̀ a, mlóhogyi. ³⁰Mméetra tɔ̀i yɔ̀ nkpa, tsufe ɔ̀yɪsu ogyipu amu ɔ̀ba. ɔ̀ma tumi mísu. ³¹Ntonu mɪ St ɔ̀me, menɪ ɔ̀yitɔ̀fɔ̀ bɛ́biá ntɔ̀dwe mu.

“Mlúkusu anati.”

Wan Oyi Onuto

15 ¹Yesu leblɪ ɔ̀bɛɛ, “Mígyi ***wan** ɪfla onuto. Mɪ St gyi mú ɔ̀dɔ̀pu. ²Bambigyibambiá ɪbu mɪ ɪwɪ, ɪtamaswie a, ɔ̀tekpali mú tsitsa. Tame kugyikvá itoswie a, ɔ̀tela mú wanklaan, menɪ ɪbóswie tsɔ̀tsɔ̀tsɔ̀ dɔ̀n. ³Mɪ

atosunahe anfi mlilanu anfi su mli ***iw**i latin dodo. ⁴Mltsia mito, mi ε antsia mlto. Bambi kukukuku méetal swie abi, nketi utsa mú oyisu bregyibre. Alí ken mli ε mluméetal swie abi, nketi mlbu mito ni.

⁵“Mlgyi wain ifla amv. Mlgyi mú abambi. Oha ání obo mito, mi ε mbu mito obóswie abi tsotsotsotso, tsufe mluméetalí bwe tsotsotsotso ni oma. ⁶Oha-gyicha ání ometsie mito gyi fe bambiá bakpalí mú bun. Ibówuli, békpa mú wa ogya. ⁷Ni mltsie mito, mi asun ε ibu mlto a, mléfite mi Si togyitá mldekle, obéha mli. ⁸Ni mloswie abi tsotsotsotso a, íbówa mi Si numnyam. Mú obósuna ání mi akasipv mlgyi ni. ⁹Alí amuv mi Si tódwe mi amv a, alí ken mi ε ntódwe mli ni. Mltsia mito, mení nódwe mli yó. ¹⁰Ni mlegyi mi mblasv a, nódwe mli yó, fe alí amuv mi ε ntegyi mi Si mblasv, otódwe mi yó amv.

¹¹“Nabla mli asun anfi féé, mení ansigyí amuv ibu mito amv bétsia mlto. Fówun ansí bégyi mli wanklaan. ¹²Mbla ání ndepuha mli gyi; mludwe aba fe alí ntódwe mli. ¹³Odwe kuku mádun ání oku obówu mu nyawie nwunsv. ¹⁴Ni mlegyi mi mblasv a, mi anyawie mlgyi. ¹⁵Mméetra tí mli mi asumpv. Tsufe osumpv meyin tóá mu wie debwe. Nde mliti mi anyawie, tsufe nabla mli togyitá nonu tsu mi Si wa. ¹⁶Megyí mli lele mi. Mulele mli yai mbee, mlyo amlyoswie abíá íbétsia bre féé, mení mi Si obéha mli togyitá mlókwli mu mi idato. ¹⁷Mbla ání ndewa ha mli gyi, ‘Mludwe aba.’

Aha Bólu Mli

¹⁸“Ni oytto aha bode mli lu a, mlukaun ání mi begyankpa lu. ¹⁹Ni oytto aha mlgyi a, teki oytto aha bódwe mli fe amó abi. Tame nale mli tsu oyttofo, sv mlímá amóto. Iní sv oyttofo butolu mli ni. ²⁰Mlukaun asun amuv nebli mli mbee, ‘Osumpv okuku mádun mu wie’ amuv. Ni aha budun misv a, mli ε bédunka mlsv. Ni begyi mi asunsv a, mli ε bégyi mli asunsv. ²¹Tame mbu mli, sv bópv uní féé gyi mli, tsufe bumeyin oha amuv olówa mi amv. ²²Ni mmókubla amó asvansv a, teki buma ipon kuku gyi. Tame sei anfi mú buma onó le. ²³Oha-gyicha ání otolu mi tolu mi Si ε. ²⁴Nabóbwe agyuma ání ohaa mókubwe mú odu kí amóto. Ni bumopv amó ansibi wun mú a, teki Bulu mééha amó ipon. Bowun tóá nobwe asa bode mia mi Si lu. ²⁵Ilehian ání íbéba alí, mení asun amuv bowanlun wa amó Mblato bee, ‘Bolu mi kpaalí’ amv íbéba móto.

²⁶“Nówa Oma Olupv obótsu mi Si wa ba. Mvgyi ***Ohe Wankthe** amv. Mvto-suna onókwaltá íbu Bulutó. Obégyi mi iwí adansie. ²⁷Mli ε mlégyi mi iwí adansie, tsufe mlilatsia mi wa tsu breá nefi ato suna asi.

16 ¹“Nabla mli asun anfi féé, mení mluméedida hogoyito. ²Yudafó ahande bégya mli le amó ofiakpa. Bre kv kuraa íbéba ání aha bómo mli, susu bee Bulu agyuma bodeyo. ³Bópv uní gyi mli, tsufe bumókubi mi nte mi Si amv. ⁴Tame nabla mli asun anfi, mení ni iba a, mlékaun ání nebli mli yai.

Ohe Wankthe Gyumagyihe

“Mmókosi bla mli asun anfi, tsufe mbu mli wa. ⁵Tame sei nde mli bla, tsufe ngyo oha amuv olówa mi sisi amv wa. Tame mlto okuku mífite mi obee, ‘Nkuvv foyó.’ ⁶Iníá nabla mli asun anfi sv a, awireho lahie kuta mli. ⁷Tame nde mli onókwaltá bla. Okla lawa mli ogya ání ngyo. Tsufe ni mmogyo a, Oma Olupv amv oméeba mli wa. Tame ni ngyo a, nópv mu sisi mli. ⁸Ni oha a, obéle

suna ɔyɛtɔ aha ání lakpanbwe sv bafwɪ. Ɖbéle tɔ́á igyi Bulu yilebwe pɔ́ mu asungyi ε suna amú. ⁹Bébiá mɪsɔ máhogyi igyi lakpan. ¹⁰Bébi tɔ́á igyi Bulu yilebwe, tsufe nɔyɔ mi Si wa, mɪmúéetra wun mi ekekeeke. ¹¹Bébi tɔ́á igyi Bulu asungyi, tsufe Bulu laha ɔbunsam, ogyi ɔyɛsv ogyipɔ amv ipɔn dodo.

¹²“Mbv asɔn tsɔtsɔɔtsɔ́á nébla mɪ, tame mɪmúéetali nu mú féé asɪ sei. ¹³Ɖɛe Wankɪhe amv tosuna ɔnɔkwaliá ɪbv Bulutɔ. Nɪ ɔba a, ɔbéle asɔn ání igyi ɔnɔkwali féé suna mɪ. Tsufe megyi mv onuto tumitɔ ɔbɔ́tɔ, mboun ɔbébli asɔn kugyikvá olonu. Ɖbébla mɪ móá ɪbéba ε. ¹⁴Ɖɛe amv ɔbɔ́wa mi numnyam, tsufe ɔbébla mɪ asɔn ání ntebli. ¹⁵Togyitɔ́á mi Si bv a, mi bv. Mó sv nabla mɪ mbee, Ɖɛe amv ɔbébla mɪ asɔn ání ntebli nu.

Akasɪpɔ Amv Awirehɔ Pó Ansigyɪ

¹⁶“Ulasɪ kpalobi mɪmúéetra wun mi, tame ɪmɔ́wa ɔpá kuku mlélawun mi.”

¹⁷Akasɪpɔ amvɔ akv befɪte aba bée, “Ngya ntɔ asɔn ni? Ɖbee, Ulasɪ kpalobi, anɪmúéetra wun mv, tame ɪmɔ́wa ɔpá kuku, abélawun mv. Ɖdebli ε ɔbee, ‘Nɔyɔ mi Si wa.’ ¹⁸‘Ulasɪ kpalobi’ anɪ asɪ mɛ? Anɪmede asɔn anɪ ɔdebli anɪ asɪ nu.”

¹⁹Yesu lebiá akasɪpɔ amv budekɪ abufɪte mv asɔn amvɔ. Mó sv ɔlebla amú ɔbee, “Blɪ ndeblɪ mbee, ɪlasɪ kpalobi mɪmúéetra wun mi. Tame ɪmɔ́wa ɔpá kuku mlélawun mi. Lɪnɪ mlɪde aba fɪte ni? ²⁰Ɖnɔkwali nde mɪ bla. Mlósu kpisi, tame ɔyɛtɔ aha mú bénya ansigyɪ. Mlégyɪ awirehɔ, tame mɪ awɪr-ehɔgyɪ amv ɪbéba bemli ansigyɪ. ²¹Nɪ ukwu de ɔtsɪ dwiɪn a, ahɔmɪti tekɪta mv, tsufe mv ɪwɔ́sɔn wunbɪ lafɔn. Tame onya kwu ta pe ɔtetan mv ɪwɔ́sɔn amvsv, tsufe anɪ de mv gyɪ ání makwu obi wa ɔyɛtɔ. ²²Alɪ ken igyi ha mɪ nu. Ahɔmɪti de mɪ sei, tame nélawun mɪ. Mó sv mléhiε nya ansigyɪá ɔhaa mɛetali ka mɪ ɪtɪn.

²³“Alɪ eke amv a, mɪmúéetra kɔlɪ mi tɔ́tɔ́tɔ. Ɖnɔkwali nde mɪ bla. Togyitɔ́á mlɔ́kɔlɪ mi Si mi ɪdatɔ a, ɔbéha mɪ. ²⁴Bɔ́tɔ nde mɪmúɔkɔfɪte tɔ́tɔ́tɔ mi ɪdatɔ. Mɪfɪte, ɔbéha mɪ, menɪ ɪbéhiε wa mɪ ansigyɪ.

Yesu Ɖyɛsv Gyɪ

²⁵“Nde mɪ asɔn anɪ bla ayebɪsv, tame bre kv béba, mméetra tɔ́ ayebɪsv. Nówuna kpa mi Si asɔn tati suna mɪ. ²⁶Tsu bre amvsv pɔya a, mlɔ́kɔlɪ mi Si amv atɔ mi ɪdatɔ. Mmedeblɪ mbee, mi ɔbɔ́kɔlɪ mv atɔ ha mɪ. ²⁷Tsufe mi Si amv onuto tɔ́dwe mɪ. Ɖtɔ́dwe mɪ, tsufe mlɔ́tɔ́dwe mi, mlɪlahogyɪ ání notsu mu wa. ²⁸Mɪ Si wa notsu ba ɔyɛtɔ. Sei a, ndeyinkɪ tsu ɔyɛtɔ nɔyɔ mi Si amv wa.”

²⁹Lɔv akasɪpɔ amv bebla mu bée, “Eheɛn! Sei mú a, futra fɔmedetɔ ayebɪsv. ³⁰Sei mú anɪlabɪá fuyin togyitɔ. Mó sv mehɪan ání ɔhaa ɔbétra fɪte fɔ asvansv. Lɪnɪ laha anɪlahogyɪ ání lele fotsu Bulu wa.”

³¹Yesu lefɪte amú ɔbee, “Sei mú mlɪlahogyɪ? ³²Bre kv ɪba. ɪlafɔn ta, mléda-saɪn. Mlɔ́tɔ okugyɪɔkv ɔbɔ́yɔ mv otsukpa si mi. Tame ɪméesi mi nkɔle, tsufe mi Si amv bv mi wa. ³³Nabla mɪ asɔn anɪ féé, menɪ mlɔ́tsɔn mɪsv nya ɪwilwɪi. Mlówun ɪwɔ́sɔn ɔyɪ anɪfɔ, tame mɪlwa klɔn, tsufe nagyi ɔyɛsv dodo!”

Yesu Mpaɪ Bɔ́ Mu Akasɪpɔ Nwunsɔ

17 ¹Yesu lebli asɔn anɪ ta, olotsu anɪ fɔv kɪ ɔsvsv bɔ́ mpaɪ ɔbee, “Oo mi Si, bre lafɔn. Wa mi numnyam, menɪ mi ε nɔ́wa fɔ numnyam. ²Tsufe

feha mi tumi aha féesu, ání nha aha ání feha mi fée nkpa ání utamata. ³Nkpa ání utamata amu gyi, bubu fu Bulu Ɔnɔkwaltɔ ɔkukun ɔkule pe anfi, abubu mi Yesu Kristo anfi fɔpusisi ɔyito anfi. ⁴Nawa fu numnyam ɔsulv anfi, tsufe namɔ agyuma amuv fɔpuha mi amu fée ɔnɔ. ⁵Mi Si! Wa mi numnyam fu ansito ngya, fe alɔ amuv mbu mú fu wa yai asa fɔbwe ɔyi amu.

⁶“Nale fu suna aha amuv fele ɔyito ha mi amu. Fubu amú, fɔpu amú ha mi, bagyi fu asunsu. ⁷Sei babíá togyitá mbu itsu fu wa. ⁸Tsufe nabla amú asun ání fɔpuha mi fée, banu. Babíá lele fu wa notsu, bahogyi ání fulɔwa mi.

⁹“Nde fu kokoli ha amú. Megyi ɔyito aha fée nde mpaɔ bɔ ha. Mboun aha amuv fɔpuha mi amu, tsufe fubu amú. ¹⁰Mi kle igyi fu kle, fu kle e igyi mi kle. Fatsun amúsv le mi numnyam ɔwan. ¹¹Neba fu wa sei. Mméesetra tsia ɔyito, tame amú mú bubu ɔyito. Mi Si Wankihe, pu fu ida amuv fɔpuha mi amu tumi ki amúsv, menɔ bɔbwe kule fe alɔ amuv mia funyɔ anigyɔ kule amu. ¹²Breá mbu amú wa a, nekuta amú wanklaan, ida amuv fɔpuha mi amu tumito. Nele ansɔ kita amú wanklaan. Mmeha amúto ɔkuku mɔfwɔ, dun ɔmɔamuv ida yai ání ɔbéhi amu. Feki Bulu asun wanlunhe amu íbéba múto. ¹³Neba fu wa sei. Tame bre anfi ntra mbu ɔyito nfi nde asun anfi bli, menɔ bénya ansigyɔ fe alɔ amuv mi e mbu ansigyitɔ amu. ¹⁴Nabla amú asun amuv febla mi amu. Mú sv ɔyito aha bude amú lu, tsufe butra bumegyɔ ɔyitofo, fe alɔ amuv mi e mmegyɔ ɔyitoyin amu. ¹⁵Mmedeblɔ mbeɛ, fule amú le ɔyito. Mboun mbeɛ fuki amúsv wanklaan, menɔ bumóowie lalahe ɔbwepu^o amu ibito. ¹⁶Alɔ amuv mmegyɔ ɔyitoyin ngyi amu a, alɔ amú e bumegyɔ ɔyitofo ni. ¹⁷Fu asun amu gyi ɔnɔkwali. Tsun músv afupu amú bwe fu kle. ¹⁸Alɔ amuv fɔwa mi sisi ɔyito amu a, alɔ mi e nawa amú sisi ni. ¹⁹Amú sv nɔpu iwɔ ha fu, menɔ amú e bótsun ɔnɔkwali amuv mli fu kle.

²⁰“Megyi mi akasɔpu amu nkule nde mpaɔ bɔ ha. Mboun aha ání bótsun amú atosunahesv hɔ mi gyi fée e ndeɔ ha. ²¹Nde mpaɔ bɔ mbeɛ, amú fée bubwe kule. Mi Si, alɔ amuv fubu mitɔ, mi e mbu futɔ amu a, ha amú e abutsia antɔ alɔ ken, fówun ɔyito aha bóhogyi ání fulɔwa mi sisi ɔyito. ²²Nawa aha anfi numnyam amuv fɔwa mi amu, menɔ bɔbwe kule fe alɔ ntsu tamatsun mia funyɔ nsune. ²³Mbu amúto fe alɔ fubu mitɔ, menɔ bɔbwe kule, ntsu mɔtsun amú nsune. Ni iba alɔ a, ɔyito aha bébíá fulɔwa mi, futɔdwe amú fe alɔ amuv futɔdwe mi amu.

²⁴“Mi Si! Ndekle mbeɛ, aha amuv fɔpuha mi amu bétsia mi wa ɔtine amuv mbu amu. Fówun bówun numnyam amuv fɔwa mi amu, tsufe futɔdwe mi asa fɔbwe ɔyi. ²⁵Mi Si Yile ɔbwepu! Ɔyitofo bumebi fu, tame mi mu nyin fu. Aha anfi e buyin ání fulɔwa mi sisi ɔyito. ²⁶Nele fu suna amú. Nétra le fu suna amú. Fówun ɔdwe amuv futɔdwe mi amu itsia amúto, menɔ mi e nétsia amúto.”

Yesu Kita

(Mateo 26:47-56; Marko 14:43-50; Luka 22:47-53)

18 ¹Yesu lɔbɔ mpaɔ anfi ta a, mva mu akasɔpu amu benatɔ yɔtsun Kidron tsonkolito wie ndobi kvɔto. ²Yuda amuv ɔlele Yesu ha amu e yin ndobi amvto, tsufe Yesu mva mu akasɔpu butetsia yefia unv. ³Mú sv Yuda lekpa

Romafɔ isa akɔpu pɔ Bulu ɔtswekpa agyopu akɔá Bulu *igyi ahapu dehen pɔ Farisifɔ bɔwa, bɔyɔ unu. Bude mbia, nkandɛ pɔ akɔɔ. ⁴Uná Yesu yin tɔá iba musu su a, ɔledalɔ fia amú, fite amú ɔbee, “Ma mlidedunka?”

⁵Bele mú ɔno bee, “Yesu Nasaretyin amu.”

Yesu lebla amú ɔbee, “Mɔ nɔ.”

(Yuda amuu ɔde mu le ha amu ε lu amú wa unu.) ⁶Breá Yesu lebla amú ɔbee, “Mɔ nɔ!” a, besanki yeduda lala kpla. ⁷Yesu lelafite amú ɔbee, “Mbee, ma mlidedunka?”

Bebba mu bee, “Yesu Nasaretyin amu.”

⁸Yesu lebla amú ɔbee, “Naku bla mli mbee, mu nɔ. Mú su nɔ mli mlidedunka mú a, mliha aha anfi abunati.” ⁹(ɔlebla amú alɔ, menɔ asun amuu ɔleblɔ amu ibéba mútɔ. ɔbee, “Aha amuu fɔpuha mi amutɔ ɔkuku mɔfwɔ.”)

¹⁰Unu a, Simon Petro de ɔdayi iya anyɔ. ɔlebiti mú le, kpa Bulu igyi ɔhapu dehen osumpu gyɔpɔ unu. Osumpu amu ɔda gyi Malkus. ¹¹Yesu lebla Petro ɔbee, “Sankia fu ɔdayi wa mú ɔfletɔ! Imehian ání nówun iwɔsun ání mɔ Si laha mi ɔbee nwun loo?”

Yesu Kpa Ya Hana

(Mateo 26:57-58; Marko 14:53-54; Luka 22:54)

¹²Unu isa akɔpu amu, amú ɔhandɛ pɔ Bulu ɔtswekpa agyopu amu bekita Yesu, kɔ mu ibi. ¹³Begyankpa kpa mu ya Kaiafa mu sia Hana. Kaiafa gyi Bulu igyi ɔhapu dehen ofi amutɔ nɔ. ¹⁴Mulebla Yudafɔ ahandɛ amu ɔbee, ibu aléá ɔbakule obówu aha féé nwnusu nɔ.

Petro Lekina Yesu

(Mateo 26:69-70; Marko 14:66-68; Luka 22:55-57)

¹⁵Simon Petro mua ɔkasɔpu bamba bobuo Yesu. Bulu igyi ɔhapu dehen amu yin ɔkasɔpu bamba anfi wanklaan. Mú su olobuo Yesu bitiwie Bulu igyi ɔhapu dehen amu woyitɔ. ¹⁶Tame Petro mú lesi ɔlu woyi amu ɔno. ɔkasɔpu bamba anfi oyin Bulu igyi ɔhapu dehen anfi ledalɔ yebɔa otsibi ɔkɔá ɔde woyi amu ɔno gyo, ɔlekpa Petro ba woyi amutɔ. ¹⁷Otsibi amu lefite Petro ɔbee, “Megyi oyin amu akasɔpu amutɔ ɔku fɔgyi?”

Petro lele mú ɔno ɔbee, “Ekekekeke. Mma amúɔtɔ.”

¹⁸Atsalɔ bu unu. Mú su asumpu pɔ agyopu amu boduda ogya, bulu mú asɔ. Petro ε leyelu amú wa, ɔde ogya amu nun.

Bulu Ig yi ɔhapu Dehen Lefite Yesu Asun

(Mateo 26:59-66; Marko 14:55-64; Luka 22:66-71)

¹⁹Bulu igyi ɔhapu dehen amu lefite Yesu asun, tsu mu akasɔpu pɔ mú ato-sunahe iwɔ. ²⁰Yesu lele mú ɔno ɔbee, “Aha ansitɔ nelu bli mi asun féé. Netsia suna atɔ Yudafɔ *ofiakpa pɔ *Bulu ɔtswekpa, ɔtunéá aha féé butefia. Mmɛbli asvansu nɔaintɔ. ²¹Ntogyi su fude mi asun anfi fite. Fite aha ání bonu asun ání nebli. Amúyin asun ání nebli.”

²²Breá Yesu lebli asun anfi a, unu agyopu amutɔ ɔkuléá ɔlu manta mu leda mu isutɔ, fite mu ɔbee, “Alɔ féle Bulu igyi ɔhapu dehen asun ɔno nɔ?”

²³Yesu lebla mu ɔbee, “Nɔ nablɔ asukpan a, le mú bli ɔhagyɔcha onu. Tame nɔ ɔnokwɔlɔ nablɔ a, ntogyi su fude mi da?”

²⁴Yesu tra oɗa ɗfeto, ɗhande Hana lɔpu mu sɩsɩ Bulu igyi ɗhapu dehen Kaiafa.

Petro Letra Kina Yesu

(Mateo 26:71-75; Marko 14:69-72; Luka 22:58-62)

²⁵Simon Petro tra ɗlu ogya amu asi, ɗku lefite mu ɗbee, “Megyi oyin anfi akasɩpu amuto ɗkule fɔgyi?”

Petro lɔswu ɗbee, “ƐkekeƐke. Mma amuto!”

²⁶Bulu igyi ɗhapu dehen amu osumpu ɗku, ogyi ɗha amɩu Petro lekpa mu ɩsu kule amu mu pio lefite Petro ɗbee, “Megyi fɩa munyɔ nowun ndobi amuto ni?”

²⁷Petro letra swu pu ibi wa ogya. Inɩnu bate lɔɓɓɩ.

Yesu Kpa Ya Pilato

(Mateo 27:1-2, 11-14; Marko 15:1-5; Luka 23:1-5)

²⁸Ɔyikehe bake-bake a, bekpa Yesu tsu Kaiafa woyito ya Roma ɗhandeá ɗde Yudea ɗmásu gyi woyito. Yudafɔ ahande amu bumedekleá bópu ifin da ɩwɩ. Mú su bumbitiwie woyito ɩnu. Tsufe budekleá béki áni amú *ɩwɩ letin, menú bétal gyi Israelfɔsu Katsun Nke amu.^p ²⁹Mú alí su Pilato ledalí ba kpankpa befite amú ɗbee, “Amansu mlubu bli tsu oyin anfi ɩwɩ?”

³⁰Bebila mu bee, “Ni ɗha anfi mɔkɔbwe lakpan a, teki animekpa mu ba fu.”

³¹Pilato lebla amú ɗbee, “Mumu mlukpa mu ya, amlyegyí mu asun mli mbla ɗɩ.”

Yudafɔ ahande amu bele mú ɗɩ bee, “Anumá ɗkpa mɩ ɗha.” ³²(Asun anfi leba móto, menú asun amɩu Yesu lebli tsu mu lowuá obówu ɩwɩ amu íbéba móto.)

³³ɩnu Pilato leyinki wie woyito. Mɩu ɗletí Yesu, fite mu ɗbee, “Fɔgyi Yudafɔ owie amu ni?”

³⁴Yesu lele mú ɗɩ ɗbee, “Fu onuto asun fitehe igyi, nte aku labla fu mɩ ɩwɩ asun?”

³⁵Pilato lele mú ɗɩ ɗbee, “Yudayin ngyi? Fu onuto aha pó Bulu igyi ahapu dehen lekpa fu ba mɩ. Nto fabwe?”

³⁶Yesu lebla mu ɗbee, “Megyi ɔyi anfito nde iwie gyi. Ni ɔyi anfito a, teki mɩ abuoɔpu bóko ho mɩ, bumééha bumɔɔpu mɩ wa Yudafɔ ahande íbitɩ. Tame megyi ɔyi anfito nde iwie gyi!”

³⁷Pilato lefite mu ɗbee, “Mumu yee owie fɔgyi a?”

Yesu lele mú ɗɩ ɗbee, “Ɖɩɩkwaltí fablí fee, Owie ngyi. Mɩ a, bókwu mɩ neba ɔyi anfitóá mba ambegyí ɩɩkwaltí amu ɩwɩ adansɩe. Ɖhagyíɗha áni ogyi Ɖɩɩkwaltí amu kle teyaa asu nu mɩ ɩme.”

³⁸Pilato lefite mu ɗbee, “Nto gyi ɩɩkwaltí amu?”

Pilato Ɖkpaha Áni Bumo Yesu

(Mateo 27:15-31; Marko 15:6-20; Luka 23:13-25)

Pilato lebli asun anfi ta a, ɗletra dalí yɩ Yudafɔ amu wa woyi-ɩɩnu ɩnu. Ɖlebla amú ɗbee, “Mmɩkɩwun lalaha kúkwúá nɔɔpɩha oyin anfi ɩɩɩɩ. ³⁹Tame mli

^p 18:28 Ni fowie ɗha áni omegyí Yudayin woyito a, ifin lada fu.

amandɛ ɔɔ a, ntesi obu ɔɔɔɔ ɔkule ha mli Katsun Nke kugyikɔɔ. Mlɛdekle mlɛaa, nsi Yudafo Owie anfi ha mli?”

⁴⁰ Bɔkplɔn le mɔ ɔɔ bɛɛ, “Ekekeke! Megyi mu. Si Baraba ha anɔ.” (Ogyo otswapu Baraba ɛ gyi).

19 ¹ Lɔu Pilato leha bekpa Yesu ya, yɛpiti mu atɔ wanklaan. ² Iɛa akɔpu amɔ bɔɔ obungyo-awu, bwe mɔ owiepa bun mu nwun, bɔwa mu liga pɛpɛ kv. ³ Lɔu benati bwe mu ahinla bɛɛ, “Yudafo Owie, fu nkpasu ɔnlɔnsu!” Fɔwun bada mu usɔɔ kpa.

⁴ Pilato letra dalɔ yɔ woyi-ɔɔɔ unu yɛbla amɔ ɔbɛɛ, “Nakpa mu neba mli, amlɔwun ánɔ mmɔkɔwun lalahe kuku mu iwɔ.” ⁵ Breá Yesu leɔdalɔ ba a, obungyo-awu ipa amɔ bun mu nwun, ɔɔwa liga pɛpɛ amɔ. Pilato lebla amɔ ɔbɛɛ, “Mu nɔ!”

⁶ Bulu igyi ahapu dehen pɔ Bulu ɔtswekpa agyopu amɔ benya wun mu pɛ, bɔsura okitikiti bli bɛɛ, “Da mu manta oyikpalihesu! Da mu manta oyikpalihesu!”

Pilato lebla amɔ ɔbɛɛ, “Mli onuto mlɔkpa mu ya, amlɔyɛda mu manta oyikpalihesu. Mɔ mɔ mmɔkɔwun lalahe kuku mu iwɔá nɔpɔha mu ipɔn.”

⁷ Yudafo amɔ bebla mu bɛɛ, “Anɔ mbla ɔɔ a, ilehian ánɔ obɔwu. Tsufe ɔleblɔ ɔbɛɛ, Bulu mu Bi mugyi.”

⁸ Breá Pilato lonu asun anfi a, ifu letra kɔta mu tsɔa mɔɔ. ⁹ Oleyinki yɔ mu woyitɔ yɛfite Yesu ɔbɛɛ, “Nkɔnu fotsu?”

Tame Yesu mekpla mu. ¹⁰ Mɔ su Pilato lefite mu ɔbɛɛ, “Fuméekpla mɔ? Fumeyin ánɔ mbu tumiá nétalɔ si fu nte nétalɔ ha béda fu manta oyikpalihesu mɔ fu?”

¹¹ Yesu lele mɔ ɔɔ ɔbɛɛ, “Nɔ megyi Bulu leha fu ɔkpa a, tekti fuma tumi kuku mɔsu. Lɔu su ɔha amɔ ɔɔpu mɔ wa fu ibitɔ amɔ lakpan dun fu kle.”

¹² Pilato lonu asun anfi a, olekle osi Yesu. Tame Yudafo amɔ bɔsura okitikiti kukluku bli bɛɛ, “Nɔ fesi ɔha anfi a, mumu megyi Roma owie dehen^a mu nyawie fɔgyi. Tsufe ɔhagyɔha ánɔ ɔbli ɔbɛɛ owie mugyi lakusu lu Roma owie dehesu!”

¹³ Breá Pilato lonu asun anfi a, ɔlekpa Yesu dalɔ ba kpankpa, tsia mu asungyi obia ánɔ itsie ɔtnekvá bɔpu abwi bwe unu, butɛti unu “Abwitɔ” su. (Butɛti unu “Gabata” *Hebri ɔblitɔ.) ¹⁴ Eke amɔ igyi *ogya ɔɔɔɔɔ ha Israelfɔsu Katsun Nke. Ibɔbwe fe ɔpa doduanyɔɔ a, Pilato lebla Yudafo amɔ ɔbɛɛ, “Mli Owie amɔ nɔ!”

¹⁵ Bɔsura okitikiti bɛɛ, “Kpa mu ya, kpa mu ya, afɔyɛda mu manta oyikpalihesu.”

Pilato lefite amɔ ɔbɛɛ, “Nda mli owie manta oyikpalihesu?”

Bulu igyi ahapu dehen amɔ bebla mu bɛɛ, “Anumá owie ɔkuku dun Roma owie dehen!”

¹⁶ Lɔu Pilato lesi Yesu ha amɔ ɔbɛɛ, bɔyɛda mu manta oyikpalihesu.

Yesu Da Manta Oyikpalihesu

(Mateo 27:32-44; Marko 15:21-32; Luka 23:26-43)

Iɛa akɔpu amɔ bekpa Yesu nati. ¹⁷ Mɔ onuto olotsu mu oyikpalihɛ dunka mu nkanta alu yowie ɔtnekvá butɛti unu “Nwun Okokobi Otsiakpa.” (Butɛti

inu “Golgota” Hebrì ɔblitɔ.) ¹⁸ Bɛda Yesu manta oyikpaliheṣu inu, bɛda ayin abanyɔ aku ɛ manta nyikpaliheṣu mu wa inu. Ɖkɔlɛ bu Yesu bunasɔ, ɔkɔlɛ ɛ bu mu gyɔpɔsɔ, Yesu bu amɔ nsune. ¹⁹ Pilato lɔwanlɔn asun manta oyikpalihe amu awunsu. Asun amu gyi, “YESU NASARETYIN, YUDAFɔ OWIE.” ²⁰ Yudafɔ tsɔtsɔ-ɔtsɔ bekla asun wanlɔnhe anfi. Tsufɛ ɔtɔne amuu bɛda Yesu manta oyikpaliheṣu amu ibu manta Yerusalem. Ɖleha bɔwanlɔn asun amu *Hebrì ɔbli, Roma ɔbli pɔ Griki ɔblitɔ. ²¹ Bulu igyi ahapu dehen amu bebla Pilato bɛɛ, “Máwanlɔn fɛɛ, ‘Yudafɔ Owie.’ Mboun wanlɔn fɛɛ, ‘Oyin anfi ɔbɛɛ, mi gyi Yudafɔ Owie.’” ²² Pilato lebla amɔ ɔbɛɛ, “Múá nawanlɔn a, nawanlɔn mú dodo.”

²³ Iṣa akɔpu amu bɛda Yesu manta oyikpalihe amusu ta a, botsu mu atadiɛ, beye mútɔ aku ana. Okugyiɔku kle kɔlɛ. Botsu mu atadiɛ tuntun ání bɔlu mú tsu ɔsusu beyi asɔ ɛ. ²⁴ Inu bebla aba bɛɛ, “Mlumáha abalɔ atadiɛ anfi mútɔ. Mliha atswi abi ki bɛɛ, ma obénya mú.” Asun anfi leba, menɔ Bulu asun amuu bɔwanlɔn tswi bɛɛ,

“Beye mi atadiɛtɔ,

bɔtswi abi mi tuntunsu” amu ibéba mútɔ.

Iṣa akɔpu amu bɔbwe dɔnka músu.

²⁵ Yesu mu yin, mu yin mu pio tsuhe *Maria, ogyi Klopa mu ka pɔ Magdalayintse Maria bulu oyikpalihe amu asɔ. ²⁶ Breá Yesu lowun mu yin pɔ mu ɔkasɔpu amuu ɔtehe dwe amu, bulu manta inu a, ɔlebla mu yin ɔbɛɛ, “Amɔ yin, fu bi ni.”

²⁷ Muu ɔlebla ɔkasɔpu amu ɛ ɔbɛɛ, “Fu yin ni.” Tsu eke amu a, ɔkasɔpu amu leka mu ya mu woyitɔ.

Yesu Lowu

(Mateo 27:45-56; Marko 15:33-41; Luka 23:44-49)

²⁸ Inu ɔma a, Yesu lowun ání mu agyuma lamɔ ɔnɔ. Muu ɔlebli ɔbɛɛ, “Ɖmewulɔ de ni.” Inu leha Bulu asun amuu bɔwanlɔn tswi amu ɔleba mútɔ.

²⁹ Onunwe ku tsie inu, nta ɔdai ibɔ mú. Iṣa akɔpu amu bɔpu ɔsapa da nta amutɔ pusian ayɔi oyisɔ, tsu mú fua yetin mu ɔnɔ. ³⁰ Yesu lekpɔkpɔ mú mɛ. Inu ɔlebli ɔbɛɛ, “Ulata!”

Muu oloko nwuntɔ wa, ɔlele ɔje a.

Yesu Abuntɔ Atɔ Wu

³¹ Eke amu igyi Fieda. Mú ɔyikehe igyi ɔkpunsu ɔdake kpɔnkpɔntɔ ha Yudafɔ. Mú su bumekleá aha amu busian nyikpalihe amusu yɔfun owi tahe.^r Mú su bɔkɔli Pilato ɔkpa bɛɛ, ɔha mu isa akɔpu abuyebiabia amɔ ayabi, menɔ bɔkɔsi wu, fówun béle amɔ tsu nyikpalihe amusu asa owi ɔta. ³² Mú su bɔyɔ yebiabia ayin abanyɔ amu ayabi. ³³ Tame breá bowie Yesu wa a, bowun ání alawu dodo. Mú su bumebia mu ayabi. ³⁴ Tame isa akɔpu amutɔ ɔkɔlɛ lɔpu mu pia wɔ Yesu abuntɔ, ntsu mu obugya lefen dalɔ. ³⁵ (ɔha amuu olowun mú amu legyi mú iwɔ adansɛ, fówun mli ɛ mlóhogyi. Megyi afunu igyi. Oyin ání ɔnɔkwali asun mudɛbli.) ³⁶ Inu féé leba mútɔ, menɔ Bulu asun amuu bɔwanlɔn tswi bɛɛ, “Buméebia mu iwu kokɔvku” amu ibéba mútɔ. ³⁷ Bulu asun wanlɔnhe amu ken lebli ɔbɛɛ, “Béki ɔha amuu bɔwɔ mu abuntɔ pia amu.”

^r 19:31 Yudafɔ ɔkpunsu ɔdake tefi asɔ tsu owi tahe.

Yesu Pula

(Mateo 27:57-61; Marko 15:42-47; Luka 23:50-56)

³⁸ Lni fée ɔma a, Arimateayin *Yosef leba bokokoli Pilato ɔbee, ɔpu Yesu fuli amu ha mu. (*Yosef anfi buo Yesu ɔaintɔ, tsufe ɔde Yudafɔ ahande amu ifu nya.) Pilato leha mu ɔkpa. Mú su Yosef leyele Yesu fuli amu oyopula. ³⁹ Niko-demo amuu ɔleba Yesu wa eke ɔku onye amu ε leba. Ɔɔɔpu afa fanfaanfan aku anyɔ^c ání bokwe mú wa abato tsɔtsɔwtsɔ ba. Mú odwin bɔbwe kilo advasa (30). ⁴⁰ Ayin anfi bɔpu ɔhrada kikli afa amu manta fuli amu iwɔ fe alá Yudafɔ butɔbwe amú afuli asa butopula amú. ⁴¹ Ndobɔ ku ibu manta ɔtine amuu beda Yesu manta oyikpalihesu amu. Boloti butato bwe mú fuli-ɔbo unu. Bɔmɔkupula ɔhaa múto ki. ⁴² Lniá eke amu igyi *ogya ɔɔɔɔɔɔɔɔɔɔ, fuli ɔbo amu ε ibu manta unu su a, bopula Yesu múto.

Yesu Kɔsu Tsu Afulito

(Mateo 28:1-8; Marko 16:1-8; Luka 24:1-12)

20 ¹ Ndawɔtswɔto eke gyankpapu, igyi Kwasiada bake-bake, breá nsaunto mɔkuttɔ a, Magdalayintse Maria lɔyɔ Yesu opulakpa unu. Olenya wie unu alɔ olowun ání bamina ibwi amu le ɔbo amu ɔɔɔ. ² Mú su oleyinki srɔ ba ɔkasɔpu amuu Yesu tɛhie dwe mu amu muva Simon Petro wa, bebla amú ɔbee, “Bale Yesu ɔbo amuto. Anumeyin ɔtineá bapu mu yɔwa!”

³ Músu Petro muva munyɔ bɔpu ɔkpa bɔyɔ opulakpa unu. ⁴ Amú abanyɔ amu fée betsii ɔsrɔ, tame ɔlesrɔ si Petro gyankpa yowie opulakpa unu. ⁵ Breá olobun ki ntsan amuto a, olowun ání ɔhrada amu kpan ida, tame omebitiwie múto. ⁶ Simon Petro lɔbɔtu mu, ɔlɔtsun bitiwie ntsan amuto, olowun ɔhrada amu da. ⁷ Olowun ɔhrada amuu bɔputɔ mu nwun amu ε, ilokunta ida ɔfuntɔ. ⁸ Ɔkasɔpu amuu olegyankpa wie unu amu ε lebitiwie múto, wun ɔhrada amu pú mú amuu bɔputɔ mu nwun amu alɔ olohogyi. ⁹ Bre amuto a, Bulu asun wanlunhe amuu ɔleblɔ ɔbee, ilehian ání Yesu ɔbɔkusu tsu afulito amu mɔkunya wankɔ amú. ¹⁰ Beyinki yɔ woyi.

Yesu lwiɔwanle Suna Magdalayintse Maria

(Mateo 28:9-10; Marko 16:9-11)

¹¹ Tame Maria lesi ɔlu opulakpa unu odesu. Breá odesu a, olobun ki ɔbo amuto. ¹² Lnu olowun *Bulu-abɔpu abanyɔá bɔwa atadie fututuutu, butsie ɔtine amuu bɔpu Yesu fuli tswɔ amu. Ɔkule tsie mu adianwun, ɔkule tsie mu ayabiasi. ¹³ Befute mu bee, “Amú yin, nkali igyi su fudesu?”

Ɔlele mú ɔɔɔ ɔbee, “Bale mi Wie nati. Mmeyin ɔtineá bapu mu yɔswɔ!”

¹⁴ Ɔleblɔ ta a, ɔledamli ki ɔma. Ɔki a, Yesu lu mu ɔma, tame ɔmebiá Yesu ni. ¹⁵ Yesu lefite mu ɔbee, “Amú yin, nkali igyi su fudesu? Ma fudedunka?”

Mú mú ɔktá ndobɔ amuto agyɔma ɔyɔpu ni. Mú su ɔlebla Yesu ɔbee, “Anɔ si, ni fulatsu mu yɔswɔ ɔtineku a, suna mi, anyetsu mu nati.”

¹⁶ Yesu lokpoli mu ɔbee, “Maria.”

Ɔledamli ki, kpoli Yesu *Hebri ɔblɔto ɔbee, “Rabuni!” (Mú asɔ gyi, “Osunapu.”)

¹⁷Yesu lebla mu ɔbee, “Mápu ibi da mi, tsufe mmɔkunya yɔ ɔsusu mi Si wa. Mboun nati yebila mi apio amu fee, nɔyɔ mi Stá ogyi mli Si wa. Nɔyɔ mi Buluá ogyi mli Bulu wa.”

¹⁸Magdalayintse Maria leyebila akasipɔ amu ɔbee, “Nawun aní Wie!” Ɖlebla amú asun ání Yesu lebla mu.

Yesu lɔwɔwanle Suna Mu Akasipɔ

(Mateo 28:16-20; Marko 16:14-18; Luka 24:36-49)

¹⁹Kwasieda amu ntupwesu a, akasipɔ amu befia. Befin obu wa tɔwɔ, tsufe buɔe Yudafɔ ahande amu ifu nya. Inu Yesu lebelu amú nsune, ɔlebla amú ɔbee, “Lwi ilwii mli.” ²⁰Ɖlebla amú alɔ ta a, ɔɔpɔ mu ibitɔ pú mu abintɔ suna amú. Ansi legyi amú, tsufe bawun amú Wie. ²¹Yesu letra bla amú ɔbee, “Lwi ilwii mli. Alɔ amusu mi Si lawa mi amu a, alɔ nde mli wa ni.” ²²Inu ɔɔɔɔɔn ɔɔe fu wɔlu amúsu, bla amú ɔbee, “Mlɔhɔ Ɖɔe Wankɔhe amu. ²³Ni mlesi aha lakpan kie amú a, Bulu lasikie amú. Tame ni mlumesikie amú a, Bulu méesikie amú.”

Yesu lɔwɔwanle Suna Toma

²⁴Breá Yesu leba a, amúto ɔkoleá buteti mu Toma, butelati mu Tabi má inu. ²⁵Mú su akasipɔ atrahe amu bebla mu bee, “Anɔlawun aní Wie!”

Tame Toma lebla amú ɔbee, “Ni mmɔkɔwun mu ibitɔ ndatobi nɔ amu, kpie osrebi wa múto, kpie ibi wa mu abintɔ ɔɔ amuto a, mmóhogyi ekekekeke.”

²⁶Nkekwe ɔma a, akasipɔ amu beɔtra fia obu amuto. Alɔ eke amu mú a, Toma bu amúto. Befin obu amu, tame Yesu lebelu amú nsune, bla amú ɔbee, “Lwi ilwii mli.” ²⁷Musu ɔlebla Toma ɔbee, “Kɔ mi ibitɔ, kpie osrebi wa nfi. Kpie fu ibi wa mi abintɔ. Si nwen gyi, afbhogyi!”

²⁸Toma lele mú ɔno ɔbee, “Mɔ Wie pú mi Bulu!”

²⁹Yesu lebla mu ɔbee, “Alɔ amusu fawun mi amu su fahogyi loo? Ansi bégyi aha amusu bumɔpɔ amú ansibi wun, asa bohogyi amu!”

Tɔá Svá Bɔwanɔn Ɖwɔɔ Anfi

³⁰Yesu letra bwe osuna tsɔtsɔɔtsɔ mu akasipɔ amu ansitɔá bumɔwanɔn wa ɔwɔɔ anfitɔ. ³¹Tame bawanɔn unɔ, menɔ mlóhogyiá Yesu gyi Bulu mu Bi Kristo amu. Asun anfitsu hogyi ɔbéha mlénya nkpa ání itamata mu idatɔ ni.

Yesu lɔwɔwanle Suna Akasipɔ Abasienu

21 ¹Inu ɔma a, Yesu letra le tɔwɔ ɔwan suna mu akasipɔ Tiberia ɔpu^t ɔno tsun ɔkpa anfitsu. ²Simon Petro muvɔ Toma ání butelati mu Tabi, Nataniel, otsu Kana wuluá ibu Galilea ɔmáto, Sebedeo abi amu pú akasipɔ abanyɔ e befia. ³Simon Petro lekla amú ɔbee, “Nɔyɔ ɔpusu yeɔe aye.”

Bebla mu bee, “Anɔ e abóbuo fu yɔ.” Inu su boyowie ɔkluntɔ nati. Tame betsia ntsusu onye amu féé, bumenya tɔto. ⁴Breá ɔyi iba beke a, bowun ɔku lu ɔpu amu ɔno. Bumebiá Yesu ni. ⁵Musu Yesu lefte amú ɔbee, “Mɔ anyawie, mlumenya tɔto?”

Bele mú ɔno bee, “Ee!”

t 21:1 Butetra ti mú Galilea ɔpu.

⁶Yesu lebla amú ɔ́bɛɛ, “Mlɔ́swí asawu amu wa gyɔ́pɔ́su fun, mléle aye.” Mú su bɔ́tswí wa unv. Aye lɔ́bula asawu amu, bumetali buti mú le.

⁷Muu ɔ́kasɔ́pu amuu Yesu tehie dwe amu lebla Petro ɔ́bɛɛ, “Aní Wie Yesu ní!” Breá Petro lonuá aní Wie Yesu ní a, olotsu mu atadie mla iwí. (Tsufo ɔ́lɔ́wɔ́ mu atadie tswí), olotu wie ntsu amutɔ́ gyuaa, ɔ́ɔ́pɔ́tɔ́ ɔ́yɔ́ Yesu wa.

⁸Tame akasɔ́pu atrahe amuu bubu ɔ́klɔ́ntɔ́ amu bebitta asawu amuu aklemeti bubu mú amu ba otsubunu, tsufe buma ífo ɔ́pu ɔ́no unv. Mú ífɔ́tɔ́ bɔ́bwe fe ayabi lafasa (300). ⁹Breá bowie ɔ́pu ɔ́no a, bowun ání bawa agyawunu ogya, buɔ́ɛ iye tɔ́ músu, bodobodo ε da mú asi. ¹⁰Muu Yesu lebla amú ɔ́bɛɛ, “Mlile aklemeti amuu mlilale amu kv ba.”

¹¹Mú su Simon Petro leyinki du wie ɔ́klɔ́n amutɔ́, ɔ́leyebitta asawu amuu aklemeti akpɔ́nkpɔ́ntɔ́ bubu mú amu bɔ́tswí ɔ́pu ɔ́no. Aklemeti amu bugyi lafakule aduenu-sa (153). Iníá bɔ́tsɔ́ o a, asawu amu imetiti. ¹²Yesu leti amú ɔ́bɛɛ, “Mlibegyi atɔ́.” Amúto ɔ́kuku metali wa klɔ́n fite mu ɔ́bɛɛ, “Ma fugyi?” Tsufe bebiá amú Wie ní. ¹³Yesu lotsu bodobodo amu ha amú, olotsu aye amu ε ha amú.

¹⁴Bulu lɔ́kusva Yesu tsu afulito ɔ́ma a, uní gyi otse sasiá ɔ́lele iwí ɔ́wan suna mu akasɔ́pu amu ní.

Yesu Mva Petro

¹⁵Breá begyi nyanki atogyihe amu ta a, Yesu lefite Simon Petro ɔ́bɛɛ, “Yohane mu bi Simon, futɔ́dwe mí dun fu aba anfi loo?”

Petro lele mú ɔ́no ɔ́bɛɛ, “Ee, mí Wie, fuyin ání ntɔ́dwe fu.”

Yesu lebla mu ɔ́bɛɛ, “Kí mí akufabi amusu.” ¹⁶ɔ́letra fite Petro otse nyɔ́si ɔ́bɛɛ, “Yohane mu bi Simon, futɔ́dwe mí?”

Petro lele mú ɔ́no ɔ́bɛɛ, “Ee, mí Wie, fuyin ání ntɔ́dwe fu.”

Yesu lebla mu ɔ́bɛɛ, “Kpa mí akufa amu.” ¹⁷Yesu lefite mu otse sasi ɔ́bɛɛ, “Yohane mu bi Simon, futɔ́dwe mí lele?”

Ulehan Petro, tsufe otse sasi Yesu lafite mu ɔ́bɛɛ, “Futɔ́dwe mí?” a. Mú su ɔ́lele mú ɔ́no ɔ́bɛɛ, “Mí Wie, fu onuto fuyin togyitɔ́. Ye fuyin ání ntehie dwe fu o!”

Yesu lebla mu ɔ́bɛɛ, “Kí mí akufa amusu. ¹⁸ɔ́nokwali nde mlí bla. Breá fugyi ɔ́yasubi a, fu onuto futetali tsu fu atadie hihie iwí, kusv yɔ́ ɔ́tunegyíɔ́tunéá fudekle. Tame ní fɔ́bwe oyin dehen a, fétnkí ubi, ha ɔ́ku ɔ́bédida fu atɔ́, kpa fu ya ɔ́tunéá fumedekle.” ¹⁹(Yesu lebli asun anfi, pusuna ɔ́kpa ání Petro ɔ́bɔ́tsun músu wu puwa Bulu numnyam.) Inu ɔ́lebla Petro ɔ́bɛɛ, “Buo mí!”

Yesu Mva ɔ́kasɔ́pá ɔ́tehie Dwe

²⁰Petro ledamli kí a, Yesu ɔ́kasɔ́pu amuu ɔ́tehie dwe amu buo amú. (Mbugyi ɔ́ha amuu oleyinki kpɔ́sa musu ntupwe atɔ́ ogyikpa, fite mu ɔ́bɛɛ, “Owie, ma ɔ́béle fu ha?” amu ní.) ²¹Breá Petro lowun mu a, ɔ́lefite Yesu ɔ́bɛɛ, “Mí Wie, ntɔ́ ɔ́béba oyin anfi esu?”

²²Yesu lele mú ɔ́no ɔ́bɛɛ, “Ní ndekle mbɛɛ otsia nkpa yɔ́fun breá néyinki ba a, fu asun igyi? Fu mú buo mí wule!”

²³Asun anfi lekletí wa Yesu abuopu amutɔ́á alí ɔ́kasɔ́pu amu mú móowu. Tame Yesu mebli ɔ́bɛɛ, omóowu. Bli ɔ́lebli ɔ́bɛɛ, “Ní ndekle mbɛɛ, otsia nkpa yɔ́fun breá néyinki ba a, fu asun igyi?”

²⁴ Mɔgyi ɔkasɔpá olowun uní fée, ɔɔwanlɔn mú tswɔ nɔ. Anyin ání mu asɔn blɛhe anfi igyi ɔɔɔkwali.

Ɔnɔmɔ

²⁵ Atɔ tsɔtsɔɔtsɔ utra bu unvá Yesu ɔɔbwe tsia unɔ. Nɔ ɔɔwanlɔn mú fée wa nɔwɔlɔtɔ ikule-kule a, teki buméeɔnya nɔwɔlɔ amɔ ɔyaɔkpa ɔsɔlɔ anfisɔ. Natɔ ta.

Sumbi Ayɔpu Amu Gyumagyihe

1 ¹Mi wie Tiofilo,
Mi Luka de ɔwɔlv anfi wanlun sisi fu. Mi ɔwɔlv gyankpapu amuto a, nɔwanlun Yesu ato bwehe pɔ mu atosunahe fɛɛ. Tsu breá olefi mu agyuma asi, ²bɔfon ekeá Bulu lotsu mu ya ɔsusu. Asa Bulu lotsu mu nati a, ɔlɔtsun ***Ɖɛ Wanki**he tumitɔ bla aha amuv ɔlele ɔbee, bubwe mu ***sumbi ayɔpu** amu tɔá bubwe. ³Mu iwɔɔsin-wun pɔ mu lowu ɔma a, oletsia le iwɔ ɔwan ɔkpa ɔtsan-ɔtsansu suna amú, pɔsuna ání lele otsie nkpa nke advana ání ɔlɔlatsia ɔsɔlvu fɛɛ; ɔde ***Bulu iwiegyi** iwɔ asun bli. ⁴Bre kúá mua amúnyɔ befia a, ɔleda amú ɔla ɔbee, “Mlumánati Yerusalem. Mlitsia unu gyo mi Si atokiehe amuv ɔlehuɛ yaɔ ɔbee, méha mli, nebla mli mú iwɔ asun amu. ⁵Asu Ɖbɔpu Yohane lɔpu ntsu bɔ aha ***asu**, tame nke kutuklu kv ɔma a, Bulu ɔbɔpu Ɖɛ Wankihe amu bɔ mli asu.”

Yesu Ɖsusu Yo

⁶Mú sv breá mua amúnyɔ belafia a, befite mu bee, “Ani Wie, bre anfitɔ féyinkia iwiegyi amu ha Israelfɔ ni?”

⁷Yesu lebla amú ɔbee, “Imehian ání mlébi nke nte breá mi Si nkɔle lahuɛ mu onuto tumitɔ. ⁸Mboun ni Ɖɛ Wankihe amu owie mlitɔ a, mlénya tumi tali gyi mi iwɔ adansie tsu Yerusalem wulutɔ, Yudea pɔ Samaria ɔmáto fɛɛ yɔfon ɔyi ɔka.” ⁹Breá ɔleblɔ asun anfi ta a, amú ansitɔ unu Bulu lotsu mu ya ɔsusu, ɔlɔfwɔ wie nwulɔtato.

¹⁰Besi bude nwulɔtasv kv alu. Belaki a, ayin abanyɔ akvá bɔwa atadie fututu lu amú wa a. ¹¹Ayin amu befite amú bee, “Oo Galileafɔ ayin, ntu mlidekv nwulɔtasv ali? Ali anfi mlilawun Bulu latsv Yesu ɔya ɔsusu anfi a, ali ken obéyinkia mu ba ni.”

Matias Yuda Otsiakpa Tsia

(Mateo 27:3-10)

¹²Unu beyinkia kplɔ tsu Nfɔ-nyibu amúsv^a ba Yerusalem. Ɖkpa amu ubɔbwe maɔli fun. ¹³Bowie wulutɔ a, bɔɔv yɔ abansrɔtɔ, ɔtine amuv butsie yaɔ amu. Sumbi ayɔpuá bɔyɔ unu gyi: Petro, Yohane, Yakobo mua Andrea, Filipino mua Toma, Bartolomeo mua Mateo, Alfeo mu bi Yakobo, Simon ání ogyi iwɔtsisia adunkapu ɔpasuatɔ ɔha pɔ oyin ɔkvá buteti mu Yakobo mu bi Yuda. ¹⁴Aha

a 1:12 Nfɔ-nyibu igyi obubwi kvá ubu manta Yerusalem, buteti mú Olifbu.

ání betra du yɔ unv gyi, atsi aku, Yesu mu yin ***Maria** pú Yesu apio. Aha anfi letsia bwe ukule bɔ mpaɪ ni.

¹⁵Nke amutɔ a, ahogyipu bɔbwe fe lafakule advanyɔ (120) befia. Inu Petro ɔkusu lu amú nsune bla amú ɔbee, ¹⁶“Mú apio ahogyipu, Ɖɛ Wankthe asun amuv ɔleblɔ tsun Owie ***Dawidsu**, ibu Bulu asun wanlinhe amutɔ, tsu Yuda Iskariot amuv ɔlekpa aha beyekita Yesu iwɔ amv ulaba mútɔ. ¹⁷Yuda Iskariot anfi letsia anutɔ. Anta munyɔ loyɔ osum agyuma anfi.”

¹⁸Yuda ɔpɔ mu lalahaá ɔɔbwe ɔkɔ́ beka mu yɔhɔ ɔsulɔ kv. Ɖlekpa tsu ɔsusu beda ɔsulɔ amuvu pɔ, mu ipu lefa pɔ, mu mpuni e lefen dalɔ wɔrɔdɔ. ¹⁹Ɖhagyioha ání ɔbɔ Yerusalem lonu asun anfi. Bedunka ɔsulɔ amv ida amú ɔblitɔ bee, “Hakeldama.” Mú asɔ gyi, “Ɖsulvá obugya lawulɔ músu.”

²⁰Petro loyɔ mu asunsu ɔbee, “Tsufe bɔwanlin wa ***Israelfɔ** ulɔ ɔsulɔ amutɔ bee,

‘Mv woyi idɔ kpan.

Ɖhaa mátsia mútɔ.’

Betra wanlin tswɔ bee,

‘Ɖha bamba otsia mu otsiakpa.’

²¹⁻²²“Mú sv ilehian ání ɔkɔ ɔbétsa anɔ Yesu kusu tsu afulitɔ anfi iwɔ adansɛ gyi. Ilehian ání ɔha amv obótsu ayin amuv betsia anutɔ bre amuv anilobuo anɔ Wie Yesu, natɔ ki ntine-ntine amutɔ. Ɖha ání olobuo anɔ tsu breá Asu Ɖɔɔpɔ Yohane leblɔ ***asubɔ** asun alu bɔfun eke amuv Bulu lotsu Yesu ya ɔsusu si anɔ amv.”

²³Inu sv bele aha abanyɔ, bugyi ***Yosef** ání buteti mu Barsaba, butetra tɔ mu Yustus muv Matias. ²⁴Muv bɔbɔ mpaɪ bee, “Anɔ Wie, fuyin ɔhagyioha kluntɔ asun. Suna anɔ aha anfutɔ ɔmva fale, ²⁵otsia Yuda amuv alakina agyuma anfi, nya mu isobiti amv otsiakpa, ɔyɔ fv osum agyuma amv.” ²⁶Muv bekapu atɔ amú abanyɔ nwunsu. Ileyi Matiasu. Mú sv bɔpɔ mu wa sumbi ayɔpɔ duɔkun amutɔ, belabwe duanyɔ.

Ɖɛ Wankthe lbato

2 ¹***Pentekoste Eke**, igyi Israelfɔ atɔ pɔpwe ɔnɔ ɔdake amv ɔfun a, ahogyipu amv féé beba befia amú ofiakpa. ²Ɖtsawule pɛ a, olu kvá igyi fe afu kɔnkɔntɔ lotsu ɔsusu bɔbɔla woyi amuv bubu mútɔ amv. ³Inu bowun tɔkvá igyi fe ogya plenplen, ulehan ɔdandu. Uledasun dinka amú ɔkugyiɔkusu. ⁴***Ɖɛ Wankthe** lbɔla okugyiɔkutu, ileha okugyiɔku lefi asɔ ɔde ɔbli bamba bli.

⁵Bre amutɔ a, ***Yudafɔ́** butenya Bulu ifu, bubu nditɔ féé baba butsie Yerusalem. ⁶Breá ɔɔm anfi bonu okitikiti amv a, besɔ befia unv. Amú ɔkugyiɔku lonu mu wulutɔ ɔbli. Mú sv ɔnɔ lobwie amú. ⁷Uɔwa amú ifu, wa amú wanwan. Mú sv befite bee, “Aha anfi budetɔ a, megyi Galileafɔ ɔɔnɔ bugyi? ⁸Mú nkali ulɔbwe asa anidenuá bude anutɔ okugyiɔku wulutɔ ɔbli bli? ⁹Anutɔ aku atsu Partia, Media, Elam, Mesopotamia, Yudea, Kapadokia, Ponto, Asia, ¹⁰Frigia, Pamfilia, Egipte ɔmátɔ pú Libia awulu ání ibu manta Kirene wulutɔ. Aku e botsu Roma wulutɔ, ¹¹bugyi Yudafɔ́ pú amú́a bumegyi Yudafɔ́ bawie Yudafɔ́ Bulusumtɔ aná féé bubu anutɔ. Kretafɔ́ pú Arabiafɔ́ e bubu anutɔ. Tame anidenuá bude Bulu atɔ kɔnkɔntɔ́a alabwe bli anutɔ okugyiɔku ɔblitɔ.” ¹²Alɔ amuv asun amv ilobwie amú ɔnɔ amv sv bɔbwe yɔkɔ, si bude amú aba fite bee, “Ngya amansu e ni?”

¹³Tame amóto aku bóbwe ahogyipu amu ahinla bée, “Nta banun bu.”

Petro Asuntále Suna Aha Amu

¹⁴Ínu Petro mva mu aba duokun amu bokusu lu. Mu Petro lotsu ome fua bla odóm amu óbée, “Apio aba Yudafo pú mli fééá mlibu Yerusalem, mlihe yaa asu, anle asuntó suna mli. ¹⁵Mlumáku mlíaa aha anfi babu, tsufe oyi mókuke. Breá dokweba lada nu. ¹⁶Mboun asun anfi ulaba nde anfi Bulu onosu otapu Yoel lebli yay ni. Óbée,

¹⁷‘Bulu óbée, “Nke trahe amuto a,
nópu mi Óhe wa anyankpusa féétó.

Mli abi yinhe pú mli abi tsihe bébli asun ání nópuwa amó onó.

Mli nyasubi bówun ató.

Mli ayin dehen bókun nkude.

¹⁸Nke amuto a, nópu mi Óhe wa mi asumpu
atsi múa ayin féétó.

Mú su bebli asun ání nópuwa amó onó.

¹⁹Nóbwe ofula nwulutasu,
bwe osuna osulusu.

Ogya, obugya pú ogyasi tuun béba oyito.

²⁰Owi óbéta opa.

Ótsra e óbépe koo fe obugya,

asa aní Wie numnyam eke kponkponti amu íbófun.

²¹Íbéba ání ohagyioha ání okpoli aní Wie a, óbéha mu obénya nkpa.” ’ ’ ”

²²Petro loyo mósu óbée, “Mí apio Israelfo, mliyaa asu amlinu asun anfi. Bulu lbwe ofula múa ató kponkponti pú osuna tsotsotsó tsun Yesu Nasaretyin amusu, pusuna ání mulwa mu. Mli féé mlulowun mó, tsufe mli ansito uní féé leba. ²³Igyi toá Bulu yin yay dodo, igyi mu apeá béle Yesu ha mli. Mlileha aha ání butamagyi mbilasú beda mu manta ***oyikpalihesu**, mó mu. ²⁴Tame Bulu lele mu lowu sinsunsuntó, kusva mu tsu afulitó. Tsufe lowu méetalu gyi musu, osin afulitó. ²⁵Ínu su Owie ***Dawid** lebli mu íwí asun óbée,

‘Bregyibre a, ntowun aní Wie mi ansisu.

Tsufe olu mi gyopisu, su toto móowa mi ifu.

²⁶Mú su ansí tegyi mi,

ntotó ansigyisu.

Nyankpusa ngyi. Lowu da gyo mi,

tame nde Bulu okpa kí.

²⁷Tsufe fuméesi mi okla wa afulitó.

Fuméeha mi fu osumpu wankihe mmóoplo.

²⁸Fulosuna mi okpa ání ntsun mósu, mi anya nkpa ání ítamata.

Ní fubu mi wa a, ansí bégyi mi ekekegyieke.’ ”

²⁹Petro letra bla amó óbée, “Mí apio Israelfo, mbua hie bla mli amlinu. Aní nain Owie Dawid lowu, bopula mu. Bótu nde mu ntsan da aní wa nfi. ³⁰Bulu onosu otapu ogyi, oyin ání ntam ání Bulu leka ha mu íbéba móto. Bulu leka ntam ha mu óbée, méha mu natuna oku obétsia mu obiasu eke ku. ³¹Ínú aní nain Owie Dawid lowun mó yay su a, otótu tsu ***Kristo**, (oha amusu Bulu lada mu ofuli amú) kusú tsu afulitó íwí óbée,

‘Bulu méesi mu wa afulitó.

Mú sv mu ɔyulu mɔɔpla.’ ”

³²Petro lɔyɔ mɔsu ɔbɛɛ, “Yesu gyi ɔha ání Bulu lɔkusua tsu afulitɔ, aní fée angyi mú adansíɔ. ³³Bulu lotsu Yesu ya ɔsusu, ha mu otsiakpa yile mu gyɔpɔsu. Aní Sɪ Bulu lɔpu ɔɲe Wankuhea ɔlehie yaɔ ɔbɛɛ, mɔpuha mu ahogyipu ha mu. ɔɲe amu Yesu lapuha aní a. Mú gyumagyihe mlidewun, mlidenu a.

³⁴Megyí Owie Dawid Bulu lotsu ya ɔsusu, tame mulebli yaɔ ɔbɛɛ,

‘Aní Wie Bulu lebla mɪ Wie ɔbɛɛ,

Tsia mɪ gyɔpɔsu,

³⁵yɔfun breá nɔpu fu alupu bwe fu ayabi oyikpa.’ ”

³⁶“Mú sv mli Israelfɔ fée mlinu. lɔbɔ mótɔá mlileda Yesu manta oyikpaliheɔ. Tame mlɔhie biá Bulu lada mu ofuli, bwe mu Kristo pú aní Wie.”

³⁷Breá Israelfɔ amu bonu asun anfi a, ilehie han amú. Mú sv befute Petro mua mu aba ***sumbi ayɔpu** atrahe amu bɛɛ, “Apio, ntɔ abwe?”

³⁸Muv Petro lele mú ɔno ɔbɛɛ, “Mlɔɔ okugyiɔku ɔdamli klɔntɔ, abɔ mli ***asu** Yesu Kristo ɔdatɔ, menɪ Bulu obési mli lakpan kie mli, ha mli ɔɲe Wankuhe amu. ³⁹Tsufe mlɔa mli abi-aná pú aha ání bubu tsutsuutsuá Bulu ɔbétɔ fée ɔlehie ɔɲe Wankuhe anfi ha.”

⁴⁰Petro lebli asun tsɔtsɔɔtsɔ, pɔtɔ kpla amú ɔbɛɛ, “Mlile mli iwɪ tsu ndemba-abi lalaha anfiɔ.” ⁴¹Amútɔ aha tsɔtsɔɔtsɔ bɔho Petro asun amu. Mú sv bɔbɔ amú asu. Eke amu a, aha bɔbwe fe mpum-sa (3,000) betsia ahogyipu amutɔ. ⁴²Ahogyipu amu bele anɪ kita sumbi ayɔpu amu atosunahɛ, amú ukulebwe togyitɔ, ɔpasua amutɔ atogyihetɔ-ye pú mpaibɔtɔ.

Ahogyipu Amu Tsiatɔ

⁴³Sumbi ayɔpu amu bɔbwe ofula pú osuna tsɔtsɔɔtsɔ, ɔno lobwie ɔhagyioha.

⁴⁴Ahogyipu amu fée bɔbwe togyitɔ kule. Betsia ye amú atɔ ha aba. ⁴⁵Betsia fe amú atɔ, ye kɔba ání benyato ha amútɔ okugyiɔkuá ɔma. ⁴⁶Amú fée betsia fia ***Bulu ɔtswekpa** wunsnesu ekekegyieke. Bɔpu amú klɔntɔ-ɔdwe tsia gyi atɔ ɔpasuatɔ amú aba woyitɔ. ⁴⁷Betsia kanfu Bulu, aha fée bekle amú asun, aní Wie Bulu letsia pu aha ání ɔdele betsia amútɔ ekekegyieke.

Petro Mva Yohane lɔbɔ ɔku Tsa

3 ¹Eke ɔku ntupwe ɔsato mpaibɔ bre a, Petro mva Yohane bɔyɔ Bulu ɔtswekpa amu wunsnesu. ²Oyin ɔkuá bɔkwu mu lɔbɔ tetsia Bulu ɔtswekpa amu ɔkpa ɔno kuá buteti mú “ɔkpa ɔno Wanklaan.” Aha butotsu mu ba beyai unu ekekegyieke, ɔtɔkuli aha ání bówie ɔtswekpa unu kɔba. ³Breá lɔbɔ amu lowun ání Petro mva Yohane bodebitiwie ɔtswekpa unu a, ɔlɔkuli amú kɔba. ⁴Petro mva Yohane besi lu bude mu ki diin. Muv Petro lebla mu ɔbɛɛ, “Fu mú ki aní wule.” ⁵lɔbɔ amu ki ɔbɛɛ, béha mu tɔku. Mú sv olotsu anɪ fua ɔde amú ki. ⁶Tame Petro lebla mu ɔbɛɛ, “Mma sika fututu nte pepe, tame néha fu tɔá mbu. Kusv lu, afonati Yesu Kristo Nasaretyin amu ɔdatɔ!” ⁷lɔbɔ Petro lekita mu gyɔpɔ bi, tsu mu lu. lɔnɔnɔ ɔwɔnɔnɔ lowie mu ayabi pu mu ntsakpatɔ. ⁸Olofuli kpayi ɔsawule pe, wa natɔ bi. Mú sv ɔlekpla buo Petro aná wie ***Bulu ɔtswekpa** wunsnesu unu; ɔna odefuli kpayi; ɔde Bulu kanfu. ⁹Aha ání bubu unu fée bowun muá ɔna ɔde Bulu kanfu. ¹⁰Mú sv breá ulɔwankɪ amú ání lɔbɔ amuv otetsia ɔkpa ɔno Wanklaan unu kuli atɔ amu nɪ a, ulɔwa amú wanwan, bwie amú ɔno.

Petro Tɔɪ Bulu ɔtswekpa Wunsnesu

¹¹Oyin amu pu Petro mva Yohane kinkiinkin ***Bulu ɔtswekpa** wunsnesu, ɔtnekv́a butetɪ unv Salomo Abrandasu. Mu ulɔtsa lɔwa amú wanwan. Mú sv besɪ ba amú wa unv. ¹²Breá Petro lowun amú a, ɔlefite amú ɔbee, “Mɪ apio Israelfɔ, ntogyi sv asun anfi lawa mli wanwan ali? Ntogyi sv mlɪlaba mlɪde anɪ kɪ ali? Mlɪkɪ mlɪta, anɪ onuto tumi nte anɪ Bulusum wanklaan laha sv oyin anfi lakusu ɔna? ¹³Anɪ anain ***Abraham**, ***Isak** pú ***Yakob** bosum Bulu. Mɔlɔwa mu osumpu Yesu numnyam. Tame mlɪlɔpu mu ha mlɪta, bɔmɔ mu. Mlɪlekina ɔha anfi teki Pilato lɔbwe agywun ánɪ mési mu ɔnatɪ anfi. ¹⁴Mlɪlekina ɔha Wankɪhe pú Yile ɔbwepu anfiá bɔwanɪun mu iwɪ asun wa Bulu asun ɔwɔlɔtɔ anfi, bla Pilato mlɪta, osi aha ɔmɔpu amu mboun ha mli. ¹⁵Mlɪleha bɔmɔ nkpa ɔhapu anfi, tame Bulu lɔkusva mu tsu afulitɔ. Anigyi mú iwɪ adansɪfɔ nɪ. ¹⁶Yesu tumi laha tɔɔ anfi mlyin yay, mlɪdeki anfi iwɪ lawa mu onɪun. Anɪ Yesu hogyi latsa mu, mli féé mlɪdewun a.

¹⁷“Lɪ sv mɪ apio, nyin ánɪ mábɪ leha mlɪta mli ahande mlɪlɔpu unɪ féé gyi Yesu. ¹⁸Tame Bulu leblɪ tsun mu ɔnɔsv atɔpu amu féésu yay ɔbee, “**Kristo**, (ɔha amuv neda mu ofuli amu) obówun iwɔɔsv.” Mú sv ɔleha ɪleba alɪ nɪ. ¹⁹Mú sv mlɪdamli klɔntɔ, amlyinki ba Bulu wa, menɪ obési mli lakpan féé kie mli, wa mli ɔwɔnɪun pɔpwe, ²⁰lapu Yesu sɪsɪ mli. Mu Bulu leda ofuli yay ha mli nɪ. ²¹Ilehian ánɪ Yesu obétsia ɔsvsv unv yɔfun breá Bulu ɔbéla togyitɔ bwe, fé alɪá ɔleha mu ɔnɔsv atɔpu wankɪhe amu beblɪ tswɪ. ²²Anɪ nain Mose leblɪ ɔbee, ‘Mli Wie Bulu ɔbéha mu ɔnɔsv atɔpu ɔkv́a ogyi fé mɪ obédalɪ tsu mlɪtɔ ha mli. Mlygi mu asun blɪhe féésu. ²³ɔhagyiɔha ánɪ omobu ɔnɔsv atɔpu anfi a, Bulu ɔbéle mu le mu ahata, mɔ mu.’

²⁴“Tsu Samuelsu a, Bulu ɔnɔsv atɔpuvá beba féé bɔtɔ tsu asun anfi ɪdeba nke anfitɔ iwɪ. ²⁵Mlygi Bulu ɔnɔsv atɔpu amu abi-aná. Mlɪbu itɔ amuv Bulu lehte yay ha anɪ anain amu. Tsufe Bulu lebla Abraham ɔbee, ‘Nótsun fu abi-anásu yula ɔyitɔ aha féé.’ ²⁶Lɪ sv breá Bulu lele mu osumpu Yesu a, olegyan-kpa pu mu sɪsɪ mli Israelfɔ. ɔbee obóyula mli, amlɪsɪ lakpan bwe nɪ.”

Petro Mva Yohane ɔnɔle Yudafɔ Asun Ogyikpa

4 ¹Breá Petro mva Yohane bɔbu músu bɔdetɔ kpla aha amu a, Bulu igyi ahapu mva Bulu ɔtswekpa agyopu ɔhade pú ***Sadukifɔ** aku beba bɔtu amú. ²ɔblɔ lekta ahande anfi. Tsufe ***sumbi ayɔpu** amu bɔde aha amu atɔ suna be, Yesu lawu kɔsv tsu afulitɔ. Mú sv wukusu bu unv ha ɔhagyiɔha. ³Ahade amu bekita Petro mva Yohane. Owi deta, sv bɔpu amú yɔwa obu yeha ɔyikehe. ⁴Tame aha amuv bonu amú atosunahe amutɔ aha tsɔtsɔ-ɔtsɔ bohogyi, betsia ahogyipu amutɔ. Mú sv ahogyipu amutɔ ayin bɔbwe fé mpɪm-nu (5,000).

⁵ɔyikehe nyankɪ a, ***Yudafɔ** awie, amú ahande pú ***Mose mbla asunapu** beba befia Yerusalem. ⁶Aha anfi pú ahandeá befia asun amu asɪ gyi; Bulu ***igyi** ɔhapu dehen Hana, mu woyitɔ ahande Kaiafa, Yohane, Aleksandro pú woyi amutɔ aha féé. ⁷Beha bɔpu Petro mva Yohane belu amú ansɪtɔ, befite amú be, “Ma tumitɔ nte ma ɪdatɔ mlɪletsɔ oyin anfi?”

⁸Lɪu a, ***ɔhe Wankɪhe** lɔbɔla Petrotɔ. Mú sv ɪleha mu tumi, ɔlebla Yudafɔ awie pú amú ahande amu ɔbee, ⁹“Nde mú mlɪde anɪ fite tɔá svá anɪlawɔ

awitole ha ibo anfi, tsa mu ilo? ¹⁰Momu tsu nde mlta Israelfo fee mlbia Yesu Kristo, Nasaretyin amu tumi pu mu idato oyin anfi olu mli ansito anfi lanyu ulotsa. Mogyi zha amvu mlileda manta *oyikpalihesu mo mu asa Bulu lokusua mu tsu afulito amu ni. ¹¹Yesu anfi twi asun bowanlun wa Bulu asun amuto bee,

‘Ibwi amvu mli obu ayipu mllekina amu
labobwe okonkisobwi ni.’

¹²Yesu anfi nkule pe gyi zha anfi Bulu lopuha anu oyi anfito zbee, atsun musu nya nkpa. Zhaa tra zma uná odun mu.”

¹³Iniá Yudafó ahande amu buyin anfi Petro mua Yohane bumokukasí owulo ki, tame ifu mede amú su a, zno lobwie amú. Ulowanki amú aní babuo Yesu ki. ¹⁴Ahanda amu bumenya asvansu bli. Tsufe bowun aní ibo amvu alanya ulotsa amu lu Petro mua Yohane wa. ¹⁵Mú su bebla Petro aná bee, budali asun ogyikpa unu kpalobi, abukuta agywun. Mvu ahanda amu befite aba bee, ¹⁶“Nkali abóbwe aha anfi? Zhagyioha labi Yerusalem wulutoá amú labwe osuna kponkponti anfi. Anumétali gyi mú nwen. ¹⁷Tame aliá ubóbwe asun anfi méetra klei a, mlha ada amú zla kinkiinkin aníaa, bumátra bla zhaa asvansu Yesu idato e.”

¹⁸Unu belati Petro mua Yohane ba obuto unu, beda amú zla bee, bumátra bla zhaa asungyasun nte suna ato Yesu idato ekekeke. ¹⁹Mvu Petro mua Yohane bebla amú bee, “Mli onuto mlíki. Momu bu ale Bulu ansito, aní abónu mli asun loo, nte Bulu kle? ²⁰Tsufe anu mú anumétali si toá anilawun pu asun aní anlanu bli.” ²¹Bumetalu bitu amú usu, tsufe aha amu fee bude Bulu kanfu ofula kponkponti amvu alabwe amu su. Mú su ahanda amu betra da amú zla kinkiinkin, besi amú benati. ²²Oyin amu ulotsa lowa ifu, tsufe alaho dun nfi advana (40) ali bre amuto.

Ahogyipu Amu Ato Kolthe

²³Yudafó ahanda amu benya si amú ali, Petro mua Yohane beyinki ba amú aba ahogyipu amu wa. Bebla amú asun aní Bulu igyi ahapu dehen pu Yudafó ahanda amu bebli fee. ²⁴Breá ahogyipu amu bonu asun amu a, amú fee bopu zme kule kuli Bulu bee, “Ani Wie Bulu Otumipu, fulobwe zsu fobwe asi, opu múa ntsu pu múto ato fee. ²⁵Fatsun Dnye Wankihesu ha anu nain Dawid, ogyi fu osumpu lebli zbee,

‘Ntogyi su zma-zma banya zblo?’

Ntogyi su aha fee babwe agywun kuku kpaali?’

²⁶Zsulusu awie badida ato.

Wulu ahanda batti aba fia,

kita agywun lalahe anu Wie Bulu mua *Kristo, (zha amvu zleda mu ofuli) amusu.’ ”

²⁷Petro loyo mu asvansu zbee, “Lele a, asun anfi laba múto. Owie *Herode mua Pontio Pilatoá bumegyí Yudafó pu Israelfo babwe kule wulu anfito, kusu lu Yesusu. Mogyi fu osumpu wankiheá feda mu ofuli ni. ²⁸Tame bumebi aní toá fehuhie yaí fee íbéba múto fu ape pu fu tumito dodo babwe a. ²⁹Ani Wie Bulu, ki aliá baka ansv, afukpa fu asumpu, mení abétali bli fu asun amu, anuménya ifu. ³⁰Tsa aha ilo fu tumito, afuha abwe ofula pu osuna fu osumpu wankihe Yesu idato.”

³¹Breá bəbə mpaɪ anfi ta a, amó ofiakpa unv fée ilekpunkɪ. Ŋe Wankihe ləbula amúɔ. Mú sv bəwa klɔn da Bulu asvn amv ɔkan.

Ahogyipv Amv Atəɔ Ye

³²Ahogyipv amv fée bəpɪ uklɔn kule mʉa agywun kule tsia. ɔkukv məblɪ ɔbɛɛ, tɔá mubv igyi mv nkule kle. Mboun okugyiɔkɔ atɔ ləbwe amó fée kle.

³³Sumbi ayɔpɪ amv bəpɪ tumi kɔnkpɔnkpɔntɪ gyi anɪ Wie Yesu ɪwɪ adansɛ bɛɛ, Bulu lakusva mv tsu afulitɔ. Bulu lehɛ wa awitɔle ha ahogyipv amv fée.

³⁴Amúɔ ɔkukv megyi ohian, tsufe amúá bəbv ɔsulv pú woyi betsia fe mʉ, pʉ mʉ ɔkɔ kɔba ba ³⁵sumbi ayɔpɪ amv, betsia ye mʉ ha ɔhagyiɔha alú ilehian mv.

³⁶⁻³⁷Mú sv alɪ ken Lewiyin ɔkúá butetɪ mv ***Yosef** lefe ɔsulv, ɔlɔpɪ kɔba amv ba sumbi ayɔpɪ amv nɪ. Yosef anfi otsu Kipro ɔmáɔ, sumbi ayɔpɪ beha mv ida Barnaba, (mú asɪ gyi, “Aha atəɔ-ɔnlun ɔwapɪ.”)

Anania Mva Safira

5 ¹lnv oyin ɔkúá butetɪ mv Anania mva mv ka Safira ε befe amó siadtɛ kv.

²Tame Anania lele kɔba amv ɪkɔ ɲain, mv ka ε yin mʉ ɪwɪ. ɔlɔpɪ kɔba amv trahe ba ***sumbi ayɔpɪ** amv. ³Mv Petro lefite mv ɔbɛɛ, “Anania, ntogyi sv faha ɔbunsam lagyi fʉsv, fapɪ kɔba amsv fɛnya amv kv ɲain, bəwa afunu suna Ŋe Wankihe? ⁴Fubv fʉ ɔsulv asa fefe mʉ. lnúá fefe mʉ ε a, fubv fʉ kɔba. Ntɔ lahan fʉ sv fabwe ɪtɔá igyi alɪ? Bulu fawa afunu suna o, megyi anyankpusa.” ⁵Anania lenya nu asvn anfi alɪ ɔletn da wu. Mú sv ifu lehɛ kita aha ánɪ bonu asvn anfi fée. ⁶lnv nyasubi akv bəkusv tsu tati kiklɪ mv, tsu mv yopula.

⁷Ilegyi fe dɔnhwɪɪ asa ɔma asa mv ka Safira ε lobowie unv. Alɪ bre amúɔ a, omeyin tɔá ɪlaba mv klusv. ⁸Petro lefite mv ɔbɛɛ, “Safira, bla mɪ. Kɔba anfi gyi tɔá fva fʉ kv klɪ mlɛnya breá mlɛlefe ɔsulv amv nɪ?”

Safira lele mʉ ɔkɔ ɔbɛɛ, “Ee, alɪ anɪlenya nɪ.”

⁹Mú sv Petro lefite mv ɔbɛɛ, “Ntogyi sv fva fʉ kv klɪ mlɛlabwe ɔkɔ-ɔkule mlɛaa, mlɔsɔ anɪ Wie Ŋe kɪ? Kɪ, nyasubiá bayopula fʉ kv yinki lawie obu-ɔkɔ unv a. Bɔsvra fʉ ε ya.” ¹⁰lnsv ɔtsɪ amv ε letn da Petro ayabitɔ unv wu. Breá nyasubi amv bobowie unv a, bowun ánɪ Safira ε lawu, sv botsu mv yopula mv manta mv klu. ¹¹Ifu lehɛ wie ɔpasua amv pú aha ánɪ bonu asvn anfi féeɔ.

Sumbi Ayɔpɪ Amv Ofula Pú Osuna Bwe

¹²Bulu lɔtsvn sumbi ayɔpɪ amsv bwe ofula pú osuna tsɔtsɔɔtsɔ wulu amúɔ. Ahogyipv amv fée bəbwe kule tsia fia ɔtnekúá butetɪ unv Salomo Abrandasv.

¹³Aha ánɪ bumegyi ahogyipv kuraa betɪ ahogyipv amv ɪdayile. Tame ɔkukv məbwe agywun ɔbɛɛ, məbetsia ahogyipv amúɔ. ¹⁴Igyi alɪ o a, atsv mʉa ayin tsɔtsɔɔtsɔ bəhɔ anɪ Wie Yesu gyi. Bulu letsia pʉ amó tsia ahogyipv amúɔ. ¹⁵Sumbi ayɔpɪ amv ofulabwe sv wulu amúɔ aha betsia tsu amó ɔlɔpɪ ba brɔnsv, beyaɪ nkɪan tswɪ pʉ amó tswɪ mʉsv. Fówun nɪ Petro ɔba bətsvn unv a, mv yiɪ bɔwulɪ amúsv. ¹⁶ɔɔm ánɪ botsu awulúá ɪbv bomlɪ Yerusalemɔ ε bəpɪ amó ɔlɔpɪ pú aha ánɪ ***ɔɲe lalahe** de amó han ba, sumbi ayɔpɪ amv betsa amó ɪlɔ.

Sumbi Ayɔpɪ Amv Lu

¹⁷Sumbi ayɔpɪ amv ɪwɪ lɔwa Bulu ***igyi** ɔhapɪ dehen amv mva mv aba ánɪ bəbv Saduki ɔpasuatɔ olu. ¹⁸lnv sv bekita sumbi ayɔpɪ amv wa obu. ¹⁹Tame

onye, ***Bulu-ɔbɔpu** ɔku leba befinki obu amu, kpa sumbi ayɔpu amu dalu. ²⁰Bulu-ɔbɔpu amu leba amú ɔbee, “Mluyɔ amlɔyɛlu Bulu ɔtswɛkpa wunsnesu unu, amlɔbla aha nkpa pɔpwe amu iwɔ asun fɛ́é.” ²¹Sumbi ayɔpu amu begyi Bulu-ɔbɔpu amu asunsu. Mú su benati yɔ wunsnesu unu bake, bude aha ato suna.

ɔma-ɔma a, Bulu igyi ɔhapu dehen amu leti Yudafɔ asun agyipu amu fɛ́é fia. Muɔ bɔwa abi bee, buyele sumbi ayɔpu amu ba. ²²Tame bɔyɔ a, sumbi ayɔpu amu buma unu. Inu su beyinki bebla ahande amu bee, ²³“Anlɔyɔ unu a, anlɔwun ání aklɔn amu fin wanklaan. Obu adɔpɔsu akɔpu amu bulu bude aklɔn amu ɔno gyo. Tame bréá anɔlefinki aklɔn amu a, anumowun ɔhaa obu amuto.” ²⁴Bulu ɔtswɛkpa agyopu ɔhandede mva Bulu igyi ahapu dehen amu bonu asun anfi a, bɔbwe yɔɔ, si bude asun ání íbɛba mú ɔma gywun. ²⁵Inu ɔha ɔku lebebla amú ɔbee, “Mlɔkɔ, aha amusu mlɔlɔwa obu amu bulu Bulu ɔtswɛkpa wunsnesu unu, bude aha ato suna.” ²⁶Mú su Bulu ɔtswɛkpa agyopu ɔhandede amu mva mu aba bɔyɔ yekpa sumbi ayɔpu amu ba. Bekpa amú diin pu amú ba, tsufe benya ifuá ní bɔpu ibi da amú a, aha bɛ́da amú abwi.

²⁷Bɔpu amú ba belu Yudafɔ asun agyipu amu ansitɔ. Muɔ Bulu igyi ɔhapu dehen amu lefite amú ɔbee, ²⁸“Anumeda mli ɔla aniaa, mli mátra ti oyin anfi ida suna ato? Tame mlɔkɔ tɔá mlɔlabwe. Mlɔlaha mli atosunahe labɔla Yerusalem wuluto fɛ́é. Mlɔdekleá mlɔpu mu lowu sura anu.”

²⁹Petro mva sumbi ayɔpu atrahe amu bele mú ɔno bee, “Bulu asunsu lehian ání abégyi, megyi anyankpɔsa. ³⁰Mlɔleda Yesu manta oyikpalihesu mú mu. Tame anu anain Bulu lɔkɔsva mu tsu afulitɔ. ³¹Olotsu mu ya ɔsusu, pu mu yeyai mu gyɔpɔsu, bwe mu aha ɔkɔpapu pú Nkpa ɔhɔpu. Fówun ɔkpa idi ha Israelfɔ abɔdamli klɔntɔ, Bulu osi amú lakpan kie amú. ³²Anɔgyi alɔ asun anfi iwɔ adansɔ ní. ɔɔhe Wankɔhe amusu Bulu lɔpɔkie aha ání butegyí mu asunsu amu ε de mú iwɔ adansɔ gyi.”

³³Bréá Yudafɔ ahandede amu bonu asun anfi a, ulɔwa amú ɔblɔ. Mú su bɔbwe agywun bee, bómɔ sumbi ayɔpu amu. ³⁴Tame Yudafɔ ahandede amuto ɔkɔvá ogyi Farisiyin, mu ida gyi Gamaliel, ogyi Mose mbla osunapɔvá aha fɛ́é butobu mu lɔkɔsu lu, bli ɔbee bukpa sumbi ayɔpu amu dalu kpalobi. ³⁵Inu ɔlebla Yudafɔ ahandede amu ɔbee, “Israelfɔ ayin, mlɔkɔ wanklaan ito anfi mlɔaa mlɔpɔgyi aha anfi iwɔ. ³⁶Mlɔkaun ání bre kutɔ a, oyin ɔkɔvá butetɔ mu Teuda letsia. ɔbɔbwe mu iwɔ fe ɔha kɔnkɔntɔ ɔku. Mú su aha bɔbwe fe lafana (400) sɔɔn bobuo mu. Tame bómɔ mu, mu abuoɔpu fɛ́é bedasain, mu bwehe ε fɛ́é lowie ntsu. ³⁷Mu ɔma a, Yuda ání ogyi Galileayin ε leba ahaklabi. Mu ε ɔlekpa ɔɔm buo iwɔ. Tame bómɔ mu, mu abuoɔpu amu fɛ́é bedasain. ³⁸Mú su nde mli bla mbee, mlɔsi aha anfi. Mlɔmápu ibi da amú. Tsufe ní itsu anyankpɔsa wa a, mú fɛ́é íbɛba bɔtsun. ³⁹Tame ní itsu Bulu wa a, mlɔmɛ́etalɔ ka amú itin. Mú su mlɔmábwe amú tɔtɔ, menɔ umɔbwe fe mlɔa Bulunyɔ mlɔdeko.”

Yudafɔ ahandede amu bɔtsula dinka Gamaliel asun anfi su. ⁴⁰Inu beha beti sumbi ayɔpu amu ba obuto unu. Beha bɔnwen amú ato, beda amú ɔla bee, bɔmátra ti Yesu ida suna ato ekekeke, besi amú benati. ⁴¹Bréá sumbi ayɔpu amu bedali Yudafɔ asun ogyikpa unu bɔyɔ a, anɔ de amú gyi. Tsufe Bulu laha amú ε bawun iwɔɔsun Yesu su. ⁴²Sumbi ayɔpu amu betsia suna ato ekekegyieke, da Bulu ***asun wanklaan** amu ɔkan Bulu ɔtswɛkpa unu pú woyigyíwoyitɔ bee, Yesu gyi Kristo, (ɔha amusu Bulu lada mu ofuli amu).

ᏅᏁ Alupu Abasiens Le

6 ¹Breá akasipu amu beba budeklet a, ttre leda Yudafɔ Griki ablupu amuv butebl ***Hebri** obli amu nsune. Griki ablupu amu bee, ekekegyieke, nu bude ato ye a, butamaha Grikiɔ asurapu. ²Mú su ***sumbi ayɔpu** duanyɔ amu beti ahogyipu amu féé fia, bla amú bee, “lma aleá abési Bulu asun okanda betsia ye atɔɔ. ³lɔ su apio, mlukɔ mlitɔ amlile aha abasiensá obú bu amúsu, Ŋɛ Wankɛhe múa nyansa utsɔ amúɔ. Fówun apu amú lu atɔɔye ɔɔ, ⁴menɔ anɛ abéle ansɔ kɔ mpaibɔ pú Bulu asun amu okanda.”

⁵Ansu legyi ahogyipu amu féé asun anfi iwi. Mú su bele oyin okvá mu hogyi ɔɔ ibu ɔnlɔ, Ŋɛ Wankɛhe ɛ itsɔ mutɔ, buteti mu Stefano mva Filipino, Prokoro, Nikanor, Timon, Parmena pú Nikolao, ogyi Grikiyin okvá otsu Antio- kia asa alawie Yudafɔ osumtɔ. ⁶Bɔpu aha anfi bosuna sumbi ayɔpu amu, sumbi ayɔpu amu ɛ bɔpu ibi dunka amúsu, bɔ mpaɔ ha amú.

⁷lɔ su Bulu asun amu leklet, akasipu amu bomoni Yerusalem. Bulu igyi ahapu amu o tsɔtsɔtsɔ bɔho Yesu asun amu.

Stefano Kita

⁸Bulu lɔwa awitɔle ha Stefano tumi kɔnkɔnkɔnkɔnti. Mú su ɔlɔbwe ofula pú osuna akɔnkɔnti omá amutɔ. ⁹Tame aku bɔkusu lu musu. Aha anfi botsu ***ofiakpa** kvá buteti mú “Nkpábiá Bahɔ lwɔsvtsia.” Amú aku bɔgyi Yudafɔá botsu Kirene pú Aleksandria awulusu. Aku ɛ botsu Kilikia pú Asia omáɔ. ¹⁰Tame Ŋɛ Wankɛhe leha Stefano nyansa ɔlɔputɔ. Mú su bumetali gyi mu nwen. ¹¹lɔ su beha aku ɔɔ bee bubli bee, bonuá Stefano detɔ wɔ Mose mva Bulu. ¹²lɔ leha aha ání bubu unu, Yudafɔ ahande pú ***Mose mbla asunapu** amu benya oblo Stefanosu. lɔu benati yɔtu mu, kita mu, kpa mu ya Yudafɔ Asun Agyipu amu ansitɔ. ¹³Belaha aku ɛ bɔwa afunu dunka musu bee, “Oyin anfi tɔtɔ wɔ Bulu ɔtswekpa wankɛhe pú Mose mbla amu ekekegyieke. ¹⁴Anilonuá ɔdebl ɔbee, ‘Yesu Nasaretyin amu obóbwie Bulu ɔtswekpa amu, tse amandéá Mose losuna anɛ féé.’ ” ¹⁵Yudafɔ Asun Agyipu amu féé besi bude Stefano kɔ diin. lɔu beki a, mu ansitɔ de ogya kpa fe Bulu-ɔbɔpu ansitɔ.

Stefano ɔnlɔ

7 ¹Bulu ***igy**i ɔhapu dehen amu lefite Stefano ɔbee, “Asun anfi babli tsu fu iwi anfi féé ibu múɔ?”

²Stefano lele mú ɔɔ ɔbee, “Mɔ apio pú mɔ ast, mliyaa asu amlɔnu! Bulu Onumnyampu amu lele iwi ɔwan suna anɛ nain ***Abraham** breá otsie Mesopotamia omáɔ, Kaldeafɔɔ asa olotu yetsia Haran wulutɔ. ³⁻⁴lɔ Bulu lebla mu ɔbee, ‘Tu dalɔ fu omáɔ si fu abusan, afuyɔ ɔsulɔ kvá nósuna fusu.’ Mú su Abraham lotu tsu Kaldeafɔ ɔsulɔsu yetsia Haran wulutɔ. Mu sɔ lowu ɔma a, Bulu leha mu olotu ba ɔtine anfi mlitsie nde anfi. ⁵Bre amutɔ a, Bulu mɔkonya ha Abraham ɔsulɔ anfi yabi oyikpa ukole kuraa. Tame Bulu lehe mu ast yaɔ ɔbee, mva mu abi-aná obégyi ɔsulɔ anfi ekeku. Alɔ bre amutɔ a, Abraham mɔkukwu obi. ⁶Asun ání Bulu lebla mu gyi, ‘Fu abi-aná bɔbwe afɔɔ ɔsulɔ kusu. Bɔpu amú bwe nkpábi, wa amú amumyɔ nfi lafana (400). ⁷Tame négyi omá amuv fu abi-aná béyetsia amú ast amu asun, bitɔ amú isu. Mú ɔma a, néle amú le amú ibitɔ, fówun béba bosum mɔ nfi.’ ⁸Bulu leka ntam ha

***Abraham**. Ntam amu ɔnɔ a, Abraham ɔbétun mu abi-aná ***kete**. Mú su mu bi ***Isak** lɔhɔ nkekwe Abraham letun mu kete. Isak ɛ letun mu bi ***Yakob** kete. Yakob ɛ letun mu abi, bugyi anɔ anain duanyɔ amu kete amú nyebitɔ.

⁹“Anɔ anain anfi befe amú gyama ***Yosef**, mu iwɔ olu su. Mú su ɔlɔyɔbwe ɔkpábi Egypte ɔmáɔ. Tame Bulu lelu mu ɔma, ¹⁰le mu le mu asun wunhe féétɔ. Bulu leha mu nyansa, ha Egypte owie lenya mu iwɔ ansigyi. Mú su ɔlɔbwe Yosef mu ɔmá pú mu woyi féésu ɔkɔpu. ¹¹Akun ku leba Egypte pú ***Kanaan** ɔsulusu féé. Uɔpu ukplan ba ɔmá amutɔ. Anɔ anain amu bumenya atɔ gyi. ¹²Mú su breá Yakob lonuá atogyihe bu Egypte a, ɔlɔwa anɔ anain anfi sɔsɔ. Bɔyɔ lnu eke gyankpapu yenya atogyihe ba. ¹³Beyinki yɔ otse nyɔsɔ a, Yosef lele iwɔ ɔwan suna amú ɔbɛɛ, mugyi amú gyama Yosef ni. Lni su Egypte owie ɛ lebi Yosef abusuan. ¹⁴Mú ɔma a, Yosef lɔwa mu apio sɔsɔ ɔbɛɛ, buyekpa mu sɔ Yakob pú mu abusuanfɔ, bɔbwe fe aha aduesienɔ-nu (75) ba, abubetsia Egypte ɔmáɔ. ¹⁵Lnu Yakob lɔyɔ Egypte. Lnu mva anɔ anain amu bowu ni. ¹⁶Nfi tsɔtsɔɔtsɔ ɔma a, bɔpu amúɔtɔ aku afuli ya Sekem. Wulu anfitɔ Abraham legyankpa tsia ni. Bopula amú ilan kutɔ, Abraham lɔpu kɔba hɔ mú tsu oyin ɔkuá buteti mu Hamor abi wa.

¹⁷“Nke amuv Bulu lehie Abraham amu lotsutsua ibɔfun a, anɔ anain amu baklei wa Egypte ɔmáɔ. ¹⁸ɔma a, Egypte owie ɔkuá ɔmebi Yosef lebetsia obia amusu. ¹⁹Owie anfi lɔwa owuntɔlin anɔ anain amusu. ɔleka amú hie ɔbɛɛ, butswi amú abi bɔbwe tsalɔfwɔ abɔwu. ²⁰Ali bre amutɔ bɔkwu Mose ni. ɔlɔbwe obiá ɔhie ɔbɔ akile, Bulu anɔ legyi mu iwɔ. Mu yin leyai mu tsra asa mu sɔ woyitɔ. ²¹Breá bele mu mu woyitɔ a, Farao mu bi tsuɔhe lotsu mu, pubwe mu bi alu ɔledan. ²²Egyptefɔ bosuna Mose amú amandie kugyiku. ɔlɔbwe ɔha kɔnkɔntɔ mu itɔi pú mu bwehɛtɔ.

²³“Breá Mose lɔhɔ nfi advana (40) a, ɔlɔbwe agywun ɔbɛɛ, mɔyɔ yeki alá Egyptefɔ bɔpu buɔɔ mu apio Israelfɔ kpa. ²⁴Lnu a, olowun áni Egypteyin de mu apio Israelfɔ amutɔ ɔku da. Mú su ɔlɔyɔhɔ mu pio amuv ide mu dun amu. Ilemli mva Egypteyin amu nyɔ. Lnu ɔleda Egypteyin amu mɔ. ²⁵Mose mú kɔ ɔbɛɛ, ibɔwankɔ mu apio Israelfɔ áni Bulu depu mu hɔ amú nkpa, tame umɔwankɔ a mú. ²⁶Mú ɔyikehe a, olowun Israelfɔ abanyɔ buɔɔkɔ. ɔlɔyɔ ɔyekpata amú, ɔlebla amú ɔbɛɛ, ‘Mluki, apio mlɔgyi. Ntogyi su mli wulewule mlide aba amumuyɔ wa?’ ²⁷Tame ɔmuvamuv ɔde mu ba da amu lowuta Mose sɔsɔ, fite mu ɔbɛɛ, ‘Ma leyai fu owie pú anɔ asun ogyipu?’ ²⁸Fudekleá fómɔ mu, fe alu amu igye fómɔ Egypteyin amu loo?’ ²⁹Mose lenya nu asun anfi alu, ɔlesɔɔ dalu Egypte ɔmáɔ yɔ Midianfɔ ɔsulusu. Oletsia lnu kwu abi anyɔ.

³⁰“Nfi advana (40) ɔma a, Bulu-ɔbɔpu lele iwɔ ɔwan suna Mose dimbisu ogya áni idetsii oyibi kvá ubu awutɔ, manta Sinai bu. ³¹Mose lowun mú a, ulɔwa mu ifu. Breá ɔlɔkpɔkpe ɔyɔ yeki mú wanklaan a, Bulu lebla mu ɔbɛɛ, ³²‘Mɔgyi fu anain Abraham mva Isak pú Yakob Bulu.’ Mose lenya ifu, ɔɔekpɔnkɔ kpakpakpakpa. Mú su ɔmetalɔ kɔ mú. ³³Anɔ Wie Bulu lebla mu ɔbɛɛ, ‘Wɔɔ fu ntukuta tswi, tsufe ɔwankɔkpa fɔlu. ³⁴Nawun áni mɔ aha buɔɔ iwɔɔsun wun Egypte ɔsulusu. Nanu amú isu. Mú su nakpli neba bɔhɔ amú. Ba, anwa fu Egypte.’

³⁵“Mose anfi Israelfɔ bekina Egypte ɔmáɔ, fite mu beɛ, ‘Ma leyai fu owie pú asun ogyipu?’ ni. Mose anfi ken Bulu leha ɔbɛɛ, ɔbwe anɔ anain amusu ogyipu pú amú ɔlepu ni. Bulu lɔwa mu sumbi anfi tsun Bulu-ɔbɔpu amuv ɔlele

iwɪ suna mu ogya plenplento amusu. ³⁶ Mu ken gyi zha ání ɔlekpa amú dalu Egyipte, bwe ofula pú osuna tsɔtsɔtsɔ Egyipte ɔsulusu, Ɔpu Pɛpɛ amu ɔno pú dimbi amusu nfi advana (40) keke ni. ³⁷ Mu ken lebla Israelfɔ amu ɔbɛɛ, ‘Bulu ɔbéle mu ɔnɔsu ɔtɔpu ɔkúv́a ogyi fɛ mi tsu mlitɔ ha mli’ ni. ³⁸ Breá mua Israelfɔ amu befia dimbi amusu a, Mose anfsu Bulu-ɔbɔpu amu lɔtɔ tsun Sinaibu amusu ha anɪ anain amu ni. Mu kensu Bulu lɔpu mu nkpa asun amu tsun, ide anɪ ɛ tu ni.

³⁹ “Tame anɪ anain bumobu mu. Bekina mu asun nu. Amú nkule su mú a, teki butra búbu Egyipte ɔmáto. ⁴⁰ Lni su bebla *Aaron bɛɛ, ɔyaɪ ikriá békpa amú ha amú. Tsufe bumeyin tɔá ulabwe Mose amusu ɔlekpa amú tsu Egyipte amu. ⁴¹ Alɪ bre amutɔ a, bebli sika pɛpɛ ɔnantswiebi pubwe ɔkpi, tsia ha mú igyi. Amú ansɪ legyi amú ibi ɔno itɔ bwehe anfi iwɪ. ⁴² Bulu lesi amú asun, bɔyɔ bude owi múa ɔsra pú ntsrakpabi tswɛ. Fɛ alɪá bɔwanlin wa Bulu ɔnɔsu atɔpu amu ɔwulɔto bɛɛ,

‘Israelfɔ! Megyi mi mlulɔmɔ mbwɪ bɔ afɔdɛ ha
nfi advana (40) amusu mliletsia dimbi amusu.

⁴³ Mboun ɔkpi Molok tati-obu
pú Refan ntsrakpabi ɔkpi
mlilɔbwe sura, natɪ tswɛ.

Lni su négya mli yɔwa *Babilonfɔ ɔsulɔ ɔma ɔtunekú.’

⁴⁴ “*Tati-obu amusu itosuna amúá Bulu bu amú wa amu ɛ letsia anɪ anain amu wa dimbi amusu. Mose lɔbwe mú alɪá Bulu losuna mu ɔbɛɛ, ɔbwe mú pɛpɛpɛ. ⁴⁵ Anɪ anain amu bowu si Bulu *tati-obu amu ha anɪ astɪ, *Yosua legya amú nkpa bɔpɔba ɔsulɔ anfsu. Amú onuto ansɪtɔ Bulu legya ɔmá-ɔmá lɛ ɔsulɔ anfsu pɔha amú. Bulu tati-obu amu letsia amú wa alu bɔtu Owie *Dawid bresu. ⁴⁶ Bulu ansɪ legyi Owie Dawid iwɪ. Mú su Dawid lɔkɔli mu ɔbɛɛ, mɔyi obu ha mu, menɪ anɪ Yakob abi-aná féé abósum mu unu. ⁴⁷ Tame Owie *Salomo mboun lebeyi obu amu.

⁴⁸ “Tame Ɔsusɔsusɔ Bulu tamatsia nyankpusa obu yihɛto. Fɛ alɪá Bulu ɔnɔsu ɔtɔpu ɔku lebli ɔbɛɛ,

⁴⁹ ‘Anɪ Wie Bulu ɔbɛɛ, “Ɔsusɔ igyi mi owie obia,
ɔsulɔ ɛ igyi mi ayabi oyikpa.
Ntɔ obu mliaa, mléyi ha mi?
Nkusu gyi mi ɔkpusu ɔdakpa?

⁵⁰ Megyi mlɔbwe ntobi anfi féé?’ ’ ’ ”

⁵¹ Stefano lomɔ mu asun ɔno ɔbɛɛ, “Asutɔ-ɔnlun awie, kluntɔ bu mli odwin. Mlulakina Bulu asun amu nu. Mli ɛ mlitɔkusɔ lu Ɔɲɛ Wankihe amu asunsu bregyibre, fɛ alɪá mli anain amu betsia bwe. ⁵² Bulu ɔnɔsu ɔtɔpu ɔmɔmɔsu mli anain bumɛdunka? Bɔmɔ Bulu ɔnɔsu atɔpu amusu bebli yaɪ bɛɛ, Yile Ɔbwɛpu amu ɔbéba amu ɛ. Mlulele Yile Ɔbwɛpu amu ɛ ha, bɔmɔ mu. ⁵³ Mlulɔhɔ Mose mbla amu tsu Bulu-ɔbɔpu amu wa ni, tame mlumegyɪ músu.”

Stefano Abwi Da Mɔ

⁵⁴ Breá Yudafɔ ahandɛ amu bonu Stefano asun blihe anfi a, ɔblo lehɛ kita amú, beda ansɪtɔ kpɔn. ⁵⁵ Tame Ɔɲɛ Wankihe lɔbɔla Stefanotɔ, olotsu ansɪ fɔva, ɔdɛ ɔsusɔ ki. Olowun Bulu numnyam, Yesu lu Bulu gyɔpɪsu. ⁵⁶ Musɔ ɔlebla amú ɔbɛɛ, “Mliki, nawun ání ɔsusɔ lafinki, Nyankpusa-Mu-Bi amu lu Bulu gyɔpɪsu.”

⁵⁷Breá bonu uní a, bɔpu ibi tin asu. Inu amú fée bɔsura okitikiti tu bun musu. ⁵⁸Bebitia mu dalí wulu amutɔ yeda mu abwi mɔ. Adansífo amu bɔwɔi amú awunsu atadie tswi ɔyasubi ɔkuá buteti mu Saulo wa. ⁵⁹Beda mu abwi alu, olokpoli aní Wie ɔbee, “Mí Wie Yesu, hɔ mí ɔɲe.” ⁶⁰Inu a, ɔleda akpawunu, kplun kuklukuvu ɔbee, “Mí Wie, sí lakpan anfi kie amú.” Olenya bli alí pe, olomu ɔɔ.

8 ¹Saulo ɛ lotsula dínka Stefano musu.

Saulo ɔpasua Amusu Dínka

Tsu eke amusu a, bedínka ɔpasua amusu ibi Yerusalem amusu, wa amú mɔ bi. Mú su ɔpasua amu fée bedasaun wa Yudea pú Samaria ɔmátɔ, sí ***sumbi ayɔpu** amu nkule pe wa unu. ²Tame Bulu asumpu aku bosu Stefano, bun mu.

³Saulo mú lefi ɔpasua amu bwie asi. Oletsia kí aha woyitɔ, bitia ahogyipu atsi mva ayin fée yowa obu.

Filipo Bulu Asun ɔkanda Samaria Wuluto

⁴Ahogyipu amu beda Bulu ***asun wanklaan** amu ɔkan ɔtunegyituneá beda-saun ya. ⁵Mú su Filipo loyɔ ***Samaria** wulu yile kutɔ yebila amú Kristo, (ɔha amusu Bulu lada mu ofuli amu) iwí asun wanklaan amu. ⁶Afiapu amu fée bonu mu asun blihe, bowun osuna ání ɔlobwe ɛ. Mú su bɔhɔ mu asun amu. ⁷***ɔɲe lalaha** lɔsura okitikiti dalí aha tsɔtsɔtsɔtɔ. Aha ání amú ifun lawu pú tsukule asinpu tsɔtsɔtsɔ ɛ benya ulɔtsa. ⁸Mú su ansi lehie gyi Samariafo amu.

⁹Alí bre amutɔ a, ɔfapu kɔnkɔnti ɔkuá buteti mu Simon bu wulu amutɔ. Breá Filipo mɔkɔba unu a, ɔtɔbwe tumila suna mu pi amu, utɔwa amú ifu. ɔtɔpu ibi sí kantɔ bli ɔbee, otumipu kɔnkɔnti mugyi. ¹⁰Nyebi ahandɛ fée butobu mu, bli bee, “Oyin anfi de Bulu tumi kɔnkɔnti amu.” ¹¹Iníá ɔdepu mu asuma bwe ofula suna amú, ulawa ɔpá su a, amú fée bɔhɔ mu gyi. ¹²Tame breá Filipo leba beda ***Bulu iwiegyi** pú Yesu Kristo iwí asun wanklaan amu ɔkan a, atsi mva ayin bɔhɔ mu asun amusu gyi, ɔlobɔ amú ***asu**. ¹³Simon onuto ɛ lohogyi, ɔleha Filipo lobɔ mu asu. Mu asubɔ ɔma a, ɔlopu iwí manta Filipo. Breá olowun alíá Filipo de ofula mva osuna bwe a, ɔɔ lobwie mu.

¹⁴Sumbi ayɔpu amusu bubu Yerusalem amu bonuá Samariafo bahɔ Bulu asun amu. Mú su bɔwa Petro mva Yohane amú wa. ¹⁵Breá boyowie unu a, bɔbɔ mpaí ha Samariafo ahogyipu amu bee, bunya ɔɲe Wankihe. ¹⁶Tsufe asu keke babɔ amú aní Wie Yesu idatɔ, tame amutɔ ɔkuku mɔkɔnya ɔɲe Wankihe amu. ¹⁷Inu Petro mva Yohane bɔpu ibi dínka amú nwunsu, Bulu leha amú ɔɲe Wankihe amu.

¹⁸Simon lowun ání ibi keke sumbi ayɔpu amu bapu dínka ahogyipu amu nwunsu, Bulu laha amú ɔɲe Wankihe. Mú su ɔlele kɔba ha Petro mva Yohane, ¹⁹ɔlebla amú ɔbee, “Mlha mí tumi anfi kv, mení ní mí ɛ nɔpu ibi dínka ɔku nwunsu a, Bulu ɔbéha mu ɔɲe Wankihe.”

²⁰Tame Petro lebla mu ɔbee, “Fva fu kɔba amu nyɔ fée mlhi. Tsufe fukí fee, féfalí pu kɔba hɔ Bulu itokiehe anfi. ²¹Fuma ogyikpa nte ɔlukpa aní gyumagyihe anfitɔ, tsufe fu klontɔ metin Bulu ansitɔ. ²²Damli klontɔ tsu fu lakpan anfitɔ, afukuli aní Wie Bulu. Fialí obési agywun lalaha anfi fabwe anfi kie fu. ²³Tsufe nawun ání fuhie fubu ɔnsipe, lakpan lagyi fusu.”

²⁴Simon lebla Petro mva Yohane ɔbee, “Nobwii ɔpa, mlíkoloji mlí Wie Bulu ha mí, mení ɔméha asun anfi fabli anfitɔ kuku méeba misu.”

²⁵ Breá Petro mva Yohane begyi adansie, da Yesu iwi asun amu okan ta a, beyinki yo Yerusalem. Breá buna boyo a, beda asun wanklaan amu okan Samaria nkuda tsotsotsotsu asi.

Etiopia Owie Sikasu Okupu Klontadamli

²⁶ Ali bre amuto a, Bulu-ɔbɔpu lebla Filipino ɔbee, “Kusu pu ɔsasi ***dimbisu** okpa amu ida tsu Yerusalem iyo Gasa amu.” ²⁷ Muɔ Filipino lokusu pu okpa. Breá ɔyo a, ɔlɔtu Etiopia omá ɔhande ɔkva baflo mu. ɔhande amu gyi Etiopia owie tsuhe Kandake sikasu okupu. Oyin anfi layo Yerusalem yosum Bulu, ²⁸ yinki ɔyo woyi, otsie mu keketɔ, mpɔnko buɔe mu bitu. ɔɔe Bulu ɔnɔsu ɔtɔpu ***Yesaia** ɔwulu amu kla. ²⁹ Muɔ ɔɔe Wankihe lebla Filipino ɔbee, “Kpukpe manta keke anfi.” ³⁰ Filipino lesri tu keke amu wun áni Bulu ɔnɔsu ɔtɔpu ***Yesaia** ɔwulu amu oyin amu de kla. Mú su ɔlefite mu ɔbee, “ɔhande, fude asun amu fudekla amu asi nu?”

³¹ ɔhande amu lele mú ɔnɔ ɔbee, “Nkali ɔbɔbwe nónu mu asi ni ɔku mele mú asi suna mi?” Mú su ɔlebla Filipino ɔbee, “Du tsia mi wa ayo.” ³² Bulu asun áni ɔdekla ɔwulu amuto gyi:

“ɔbɔbwe diin fe kufa áni bapu beya ɔmɔkpa. ɔmobwii mu nnonyo.
 ɔbɔbwe diin fe alá kufa ɔbɔbwe,
 ni buɔe mu iwi imi dunki.

³³ Bɔkpɔ mu, bumegyí mu asun ɔnɔkwaltu.
 ɔhaa méetalu suna mu abi-aná,
 tsufe beka mu nkpa itin ɔwulu anfiɔu.”

³⁴ Muɔ omá ɔhande amu lefite Filipino ɔbee, “Ma iwi asun Bulu ɔnɔsu ɔtɔpu anfi deblu, mu onuto nte ɔha bamba?” ³⁵ Inu Filipino lelu Yesaia asun wanlinhe anfiɔu bla mu Yesu iwi asun wanklaan amu. ³⁶⁻³⁷ Bɔpu boyo a, bɔtu ntsu ku. Muɔ omá ɔhande amu lefite Filipino ɔbee, “Ntsu da a, ntu letin mi asubɔ okpa?”^b

³⁸ Mú su omá ɔhande amu leha mu keke amu ɔbitɔpu lelu. Mva Filipino bekplu wie ntsu amuto, Filipino lɔbo mu asu. ³⁹ Breá bedalu ntsu amuto a, anu Wie ɔɔe lotsu Filipino natu. Omá ɔhande amu metra wun mu, tame ɔlɔpu ansigyí natu ɔyo woyi. ⁴⁰ Filipino e leyedalu Asoto wuluto. ɔlenatu ki inu awulusu da asun wanklaan amu okan alu, oloyowie Kaesarea wuluto.

Saulo Klontadamli

(Gyumagyihe 22:6-16; 26:12-18)

9 ¹⁻² Ali bre anfiɔu féé a, Saulo mɔkusi Yesu akasipu amu bla ɔbee, mómu amú. Mú su ɔlɔyo Bulu igyi ɔhapu dehen wa yɔkulu mu ɔbee, ɔwanlin ɔwulu pule mu suna Damasko Yudafɔ ***ofiakpa** ahande, menú ni mu ibi da oyin nte ɔtsi ɔku, ɔna anu Wie okpa amusu a, mékita mu, kpa mu ba Yerusalem.

³ Saulo lɔpu okpa ɔyo Damasko. ɔleta wie ta a, nsaintu lekpa ogya wa mu. ⁴ ɔleduda ɔwuluto kpla. Inu olonu ɔme ku. ɔme amu lefite mu ɔbee, “Saulo, Saulo, ntogyi su fudin misu al?”

⁵ Saulo lefite ɔbee, “Fu ma ni, mi Wie?” Muɔ ɔme amu lebla mu ɔbee, “Mi Yesu ni. Misu fudin ni. ⁶ Kusu, afuyo wuluto inu. ɔku obósuna fu tɔá lehan áni fɔbwe.”

b 8:37 Mútu ye 37 bu nwulu dada amu akuto: *Filipo lebla mu ɔbee “Ni faho Kristo gyi tsu fu uklon féétu a, néhali bo fu asu.” ɔlebla Filipino ɔbee, “Ee, nahogyi mbee Yesu Kristo gyi Bulu mu Bi.”*

⁷Saulo aba ání mua amónyo buna besi lu diin. Bonu ɔme amu, tame bumowun ɔhaa. ⁸Saulo lokusu lu. Olobwii ansibi, tame ɔmede atɔ wun. Mú sv bekuta mu ibi, kpa mu ya Damasko wuluto. ⁹Oletsia nkensa owito omowun atɔ. Omegyí atɔ, omonun tɔtɔ ε alí bre amuto.

¹⁰Alí bre amuto a, Yesu ɔkasipɔ ɔku bu Damasko unu, butetɔ mu Anania. Olowun atɔ. Múto a, aní Wie Yesu lokpoli mu ɔbee, “Anania!”

Olotsula ɔbee, “Mí Wie, mí ní.”

¹¹Muv aní Wie lebla mu ɔbee, “Kusu yo brɔnu amuv butetɔ mú ‘Ɔkpa Tswiihe’ amuv. Wie Yuda woyito, afufite oyin amuv otsu Tarso, butetɔ mu Saulo amuv. Alaba, ɔbu unu ɔde mpaí bɔ. ¹²Alawun ání oyin ɔkúv butetɔ mu Anania laba bɔpu ibi dínka musu, mu ansibi labwii.”

¹³Muv Anania lebla aní Wie ɔbee, “Mí Wie, nanu oyin anfi iwí asun. Alá ɔdepu lalaha gyi fu aha ání bubu Yerusalem. ¹⁴Igyi ahapu dehen amu ε baha mu tumi bee, ɔba Damasko bekuta aha ání butɔbɔ mpaí fu idato féé.”

¹⁵Aní Wie lebla mu ɔbee, “Yɔ, mulale mu mbee, ɔbwe mí osumpu. Ɔha ɔmá bambatɔfɔ, amú awie pú Israelfɔ féé abubu mí. ¹⁶Mí onuto nósuna mu alí ɔbókuku wun ipian mí sv.”

¹⁷Mú sv Anania loyo Yuda woyito, yɔpu ibi dínka Saulosu, bla mu ɔbee “Opio Saulo, aní Wie Yesu amuv ɔlele iwí ɔwan suna fu bre amuv feba nfi amu lawa mí fu wa. Ɔbee, mbeha fu afulawun atɔ, Ɔɲe Wankihe ɔbula futɔ.”

¹⁸Tɔkúv igyi fe klemeti-afwí leman le mu ansibisv kpada ununu. Mú sv ɔlela ɔde atɔ wun. Lnu ɔlokusu, bɔbɔ mu asu. ¹⁹Beha mu atɔ olegyi, ɔwunlun lelawie mu.

Saulo Bulu Asun Ɔkanda Damasko

Saulo letsia akasipɔ amu wa nke kpalobi. ²⁰Lunu ɔlenati yo amú ofiakpa, yefi Yesu iwí asun ɔkan da asi ɔbee, “Yesu gyi Bulu mu bi amu ní.”

²¹Aha ání bonu mu asun bluhe anfi féé ɔno lobwie amú. Mú sv befite bee, “Megyi mude Yesu asumpu mɔ Yerusalem ní? Megyi amú ɔkutakpa ɔleba nfi, ɔkpa amú ya igyi ahapu dehen amú?”

²²Tame Saulo lelanya tumi bli asun amu ɔwunlunsu ɔbee, lele Yesu gyi Kristo, (ɔha amuv Bulu lada mu ofuli amu). Alá ɔlehe le asun amuto leha Yudafɔv bubu Damasko unu bɔbwe basaa. Bumowun múv bótsu.

²³Nke tsɔtsɔtsɔ ɔma a, Yudafɔ amu befia kita agywun bee bómo Saulo. ²⁴Mú sv betsia gyo wulu amu ɔno ɔpa onye, meni bénya mu mɔ mu. Tame aku bowi tsa Saulosu bee, alí Yudafɔ amu babwe agywun ní. ²⁵Mú sv eke ɔku onye a, Saulo abuopu amuto aku botsu mu wa lakpatɔ, pu mu tsun ikwito kpli mu yi iban ɔma, ɔlesɔ natí.

Saulo Yerusalem Yo

²⁶Breá Saulo lowie Yerusalem a, ɔlɔtsun ɔkpa kugyikusu ání obówie Yesu akasipɔ amuto. Tame bumohogyiá alabwe ɔkasipɔ. Mú sv benya mu ifu. ²⁷Lnu Barnaba lekpa mu ya, yele mu suna *sumbi ayɔpu amu. Ɔlebla amú alí aní Wie lele iwí ɔwan suna Saulo Damasko ɔkpatɔ, mua Yesunyo bɔtɔ; pú alí Saulo lɔwa klun da Bulu asun amu ɔkan ɔwunlunsu Yesu idato Damasko wuluto. ²⁸Mú sv Saulo lowie amuto, beki Yerusalem wuluto. Ɔlɔwa klun bli Bulu asun amu Yesu idato. ²⁹Mua Yudafɔ amuv butebli Griki ɔbli amu betsia

ṭɔɪ, gyi aba nwen. Tame alɪ brɛ amutɔ fɛ́ɛ a, buɔe agywun bweá bómɔ mu. ³⁰Breá mú afu lɔwult ahogyipu amu a, bekpa mu ya Kaesarea, ha mu ɔlenatu yɔ Tarso.

³¹Mú sv twɪ lolwii ɔpasua ání tɔv Yudea, Galilea pú Samaria ɔmáɔ. Ɖɛ Wankɩhe lekpa amú bekleɪ, dan hogyiɔ, betsia tsiatɔá ilegyi ant Wie Yesu ansɪ.

Aha Aku ɩɔ Tsa

³²Petro lenatu ki Samaria nkudasi. Eke ɔku ɔleyekɪ Bulu aha ání bubu Lida wulutɔ. ³³ɩnu a, oleyefia oyin ɔkúá butetɪ mu Enea, olesin tsukɔle nfikwe nɪ. ³⁴Petro lebla mu ɔbeɛ, “Enea, Yesu Kristo latsa fu ɩɔ. Kusu kunta fu ɔklan.” ɩnu Enea ɩkusu. ³⁵Aha ání butsie Lida wulutɔ pú Saron nsaintɔ fɛ́ɛ bowun oyin amu. Mú sv bohogyi, bobuo ant Wie.

³⁶Ɖtsɪ ɔku bu Yopa wulutɔ, ogyi ɔkasipu. Butetɪ mu Tabita. Mu ɪda amu asɪ Griki ɔblutɔ gyi, “Dorka.” Mú asɪ gyi, “Abre.” Yile ɔbwepu ogyi. Ɖbu awɔtɔle ha ahianfɔ. ³⁷Breá Petro bu Lida a, ɩɔ leɔa Tabitasu. Olowu, bebie mu ntsu, si mu tswɪ abansɪv kutɔ. ³⁸Yopa mua Lida awulu ɩma ɩfɔ aba wa. Mú sv breá akasipu amuv bubu Yopa amu bonu lowu anfi a, bɔwa abi anyɔ sɪsɪ Petro beɛ, bobwii ipa ha mu, ɔwa ɔsa tɔv amú. ³⁹ɩnu Petro ɩwa ɔsa bwe, mua amúnɔyɔ benatu. Breá olobowie unv a, bekpa mu ya abansɪv amutɔ. Wulu amutɔ asurapu fɛ́ɛ bubu fuli amu asɪ. Bekpa puta Petro buɔesu, buɔe atadiɛá Dorka ɩbwe breá otsie nkpa pusuna mu. ⁴⁰Petro legyaa asurapu amu fɛ́ɛ le obu amutɔ. Muv ɔleɔa akpawunu bɔ mpaɪ, asa ɔledamɩ ki fuli amu blɪ ɔbeɛ, “Tabita, kusu.” ɩnu Tabita lobwii ansibi. Breá olowun Petro a, ɔɩkusu tsia. ⁴¹ɩnu Petro lekɩta mu bi, ɔɩkusu ɩu. Petro letɪ asurapu amu pú ahogyipu atrahe amu. Muv ɔɩpu Tabita suna amú ání alatsinki. ⁴²Asun anfi lekɩtɪ wa Yopa wulutɔ. Mú sv aha tsɔtsɔɔtsɔ bɔhɔ ant Wie gyi. ⁴³Petro letsia Simon ání ɔtɔyɔ ɔwulv-kpakpa twɪ agyuma wa Yopa unv wa ɔpá.

Konelio Abi Wa Petro Wa

10 ¹Oyin ɔku letsia Kaesarea unv, butetɪ mu Konelio. Ogyi Romafɔ ɩsa akɔpu ɔpasua kúá butetɪ mú Italia ɔhandɛ. ²Ɖbu nsi Bulusum twɪ. Mva mu woyitɔfɔ fɛ́ɛ butosum Bulu. Konelio tekie Yudafɔ ahianfɔ atɔ. Ɖtɔbɔ mpaɪ ha Bulu bregyibre. ³Eke ɔku Konelio lowun atɔ ntɔpuwe ɔsatsɔ. Mu atowunhe amutɔ a, olowun Bulu-ɔbɔpu ansɪ kaɩn. Bulu-ɔbɔpu amu lokpoli mu ɔbeɛ, “Konelio!”

⁴Ifu lekɩta mu. Mú sv olesi ɔɔe Bulu-ɔbɔpu amu ki. Muv ɔlefɩte Bulu-ɔbɔpu amu ɔbeɛ, “Mɪ Wie, nkaltɪ igyi?”

Bulu-ɔbɔpu amu lebla mu ɔbeɛ, “Bulu lahɔ fu mpaɪ. Fu aha atɔ kie ε lagyi mu ansɪ. ⁵Wa abi abuyɔ Yopa yetɪ Simon Petro ba. ⁶Ɖɔyɔswu ɔwulv-kpakpa twɪ agyuma ɔyɔpu Simon woyitɔ, manta ɔpu ɔhɔ.” ⁷Breá Bulu-ɔbɔpu amu lenatu a, Konelio letɪ mu asumpu abanyɔá bubu mu woyitɔ pú mu ɔbɪsufɛá ogyi ɩsa ɔkɔpu, otenya Bulu ifu. ⁸Ɖlebla amú asun ání ɩlaba fɛ́ɛ, ɔɩwa amú sɪsɪ Yopa.

⁹Mú ɔyɩkehe bɔkusu bɔyɔ Yopa. Beta unv wie ta, ɩbɔbwe fe ɔpa doduanyɔtɔ. Petro ε ɔɔɔv ɔyɔ obu awunsu mpaɪ ɔbɔkpa. ¹⁰Akɔn ɩhɩe ɔe mu. Mú sv olekleá obénya tɔku wa ɔhɔ. Breá buɔe atɔ amu nuna ha mu a, Petro lowun

atɔ. ¹¹Atowunhe amutɔ a, olowun ání ɔsusu lafinki, tɔkúá igyi fe ɔhrada teihe, buɔɔ mu nsiebi ana, idekplɛ tba ɔsulusu. ¹²Ɔyitɔ mbwɛ ɔtsan-ɔtsan, mbwɛá bubu ayin, tame buteka abɔnɔ pú ɔyitɔ mbubwi féé bubu ɔhrada amutɔ. ¹³Muu olonu ɔme kv ledalɛ ɔbee, “Petro, kusu mɔ mbwɛ anfi afuwɛ.”

¹⁴Tame Petro lele mú ɔnɔ ɔbee, “O-o! Mɛ Wie, bɔkwu mɛ ɔpá a, mmɔkugyi tɔá Yudafɔ amandɛ lekisi nte mú ***ɪwɪ** metin kɛ.”

¹⁵Ɔme amu lela bla mu ɔbee, “Máti tɔá Bulu latin mú ɪwɛ atokisihe.” ¹⁶Ato-wunhe amu pú ɔme amu leba tse sa. Mu ansitɔ unu botsu ɔhrada amu ya ɔsusu ɔtsawule pe.

¹⁷Breá Petro de nwuntɔ bu tsu atowunhe anfi ɪwɛ a, Konelio abi amu e bafite wun Simon woyitɔ, ba bulu ɔkpa ɔnɔ. ¹⁸Konelio abi amu bokpoli fite bee, “Ɔfɔɔ ɔku tsie nfi, buteti mu Simon Petro?”

¹⁹Petro tra ɔde nwuntɔ bu tsu atowunhe amu ɪwɛ, Ɔɔɔ Wankihe lebla mu ɔbee, “Simon, aha abasa aku baba buɔɔ fu dunka. ²⁰Kusu bwe, afukplɛ yefia amú amlinatu. Mágyi nwen, tsufe mlawa amú fu wa.” ²¹Inu Petro lekplɛ yɔtu amú, bla amú ɔbee, “Mɛgyi ɔha amuu mlidedunka amu ni. Ntogyi su mlina?”

²²Aha amu bele mú ɔnɔ bee, “Anumede tsitsa. Isa akɔpu ɔhande Konelioá otenya Bulu ifu, Yudafɔ féé buteti mu idayile lɔwa anɛ fu wa. Bulu-ɔbɔpu ɔku labebɛla mu ɔbee, ɔba beti fu afuba mu woyitɔ, menɛ obónu asun ánɛ fubu bli.”

²³Muu Petro lekpa amú wa woyitɔ, ɔleha amú ɔdukpa.

Ɔyi kehe a, Petro muv amúnycɔ bɔkusu pu ɔkpa bɔycɔ Kaesarea. Breá bɔycɔ a, ahogyipu akvá bubu Yopa unu e bobuo amú ycɔ. ²⁴Mú ɔyikehe a, boyowie Kaesarea wulutɔ. Botsutsua abowie unu a, Konelio lati mu woyitɔ aha pú mu anyawie klakla befia, ɔde amú ɔkpa kɛ. ²⁵Breá Petro lowie woyi amu ɔnɔ a, Konelio lɔkusu yefia mu, da akpawunu mu ayabitɔ sum mu. ²⁶Tame Petro leha mu ɔlɔkusu. Ɔlebla mu ɔbee, “Kusu, máda akpawunu ha mi. Nyankpusa mɛ e ngyi.” ²⁷Petro muv munycɔ bunu buɔdetɔ alu olowie woyitɔ. Inu olowun ánɛ aha tsɔtsɔɔtsɔ bafia. ²⁸Muu ɔlebla amú ɔbee, “Mɛ onuto mɛyin ánɛ Yudafɔ mbla meha ɔkpa ánɛ Yudayin muv ɔmá bambatɔyin bubwe anyawie nte ɔbɔycɔ mu wa kpan. Tame Bulu laha mɛ nabi ánɛ mmákɛ mbee, ɔku ***ɪwɪ** metin nte ɔmɔfun amandɛ ɔkpasu. ²⁹Mú su breá fɔwa abi fee bubeti mɛ a, mmɔkpukpu nwuntɔ ni. Amansu igyi? Bla mɛ.”

³⁰Muu Konelio lebla mu ɔbee, “Nde eke nasi, ntupwe ɔsɔsɔ mbu woyitɔ nde mpat bɔ. Ɔtsawule pe a, nowun oyin ɔku lu mɛ ansitɔ. Oyin amu lɔwa atadie fututu. ³¹Oyin amu lebla mɛ ɔbee, ‘Konelio, Bulu lanu fu mpat. Fu aha atokie e lagyi mu ansɛ. ³²Mú su wa abi abuyɔ Yopa wulutɔ yeti Simon Petro ba. Ɔwulu-kpakpa ɪwɛ agyuma ɔycɔpu Simon woyi ɔlɔswɛ. Otsie manta ɔpu ɔnɔ.’ ³³Mú su unun ɔnɔwa abi tsɛ fu. Ibv alá fába. Sei a, anɛ féé anlafia Bulu idatu. Anɛgyo anɛ Wie asun ánɛ alapɔha fu ɔbee, fubla anɛ.”

Petro Asun Bluhe

³⁴Muu Petro lotsu ɔnɔ bli ɔbee, “Nawun ánɛ lele Bulu tamákɛ ɔhaa ansitɔ. ³⁵Mboun ɔha ánɛ otenya mu ifu, ɔtɔbwe yile asun otekle ɔmágyiɔmáto. ³⁶Mɛyin asun wanklaan ánɛ Bulu lɔpɔha Israelfɔ. Asun amu gyi, Bulu lapu iwɛlɛwii ba tsun Yesu Kristo, aha féé Owie amusu. ³⁷Mɛyin asun kponkponɛtiá ɔleba Yudea ɔmáto féé. Ilotsu asu tsu Galilea ɔmáto, breá Asu Ɔbɔpu Yohane leda ***asubɔ** ɔkan ɔma. ³⁸Mɛyin anɛ Wie Yesu Nasaretyin amu. Mɛyin ánɛ

Bulu lɔpu mu Ɖɔɛ Wankthe pú tumi wa mutɔ, oleki ɔtɛngyiɔtɛne bwe yile, tsa aha ání bubu ɔbunsam tumi así ulɔ, tsufe Bulu buo mu. ³⁹Anigyi aha ání anilowun mu bweheá ɔɔbwe Yudea pú Yerusalem ɔmáto fée ni. Beda mu manta *oyikpalihesu mu mu. ⁴⁰Tame mú eke sasi a, Bulu lɔkusva mu, le mu ɔwan, aha bowun mu. ⁴¹Megyí ɔyito aha fée lowun mu, tame aní aha amuu Bulu lele yai ɔbee, abwe mu adansifo amu mú anilowun mu. Mu kusv tsu afulitɔ ɔma a, ania munyɔ legyi, anilɔwi ni. ⁴²Ɖlehie aní ɔbee, ada mu asun wan-klaan amu ɔkan suna aha, agyi mu iwí adansie ání mugyi ɔha ání Bulu laléá obégyi aktankpapu pú awupu fée asun ni. ⁴³Bulu ɔnɔsv atɔpu amu fée bebli be lele, ɔhagyíɔha ání ɔɔhɔ Kristo gyi a, Bulu obési mu lakpan fée kie mu Kristo idatɔ.”

Ɖmá Bambasfo Ɖɔɛ Wankthe Nya

⁴⁴Breá Petro de asun anfi bli a, Ɖɔɛ Wankthe leba aha amuu bude mu asun amu nu amu féesv. ⁴⁵Ɖnɔ lobwie Yudafɔ ahogyipu amuu bobuo Petro ba unv amu ání Bulu lapu mu Ɖɔɛ Wankthe amu kie aha ání bumegyí Yudafɔ. ⁴⁶Tsufe bowun ání aha amu bude ɔbli bamba bli, buhie bude Bulu kanfu. Mú sv Petro lebla amú ɔbee, ⁴⁷“Bulu laha aha anfi e Ɖɔɛ Wankthe fe aní. Ɖku ɔbétali tin amú ɔkpa ɔbee, bumábo amú asu?” ⁴⁸Mú sv ɔlebli ɔbee, bubu amú asu Yesu Kristo idatɔ. Mú ɔma a, bokokoli Petro bee, otsia amú wa kpalobi.

Petro Asun Ɖnɔle Yerusalem

11 ¹Yesu sumbi ayɔpu amu pú ahogyipu amuu bubu Yudea ɔmáto amu bonuá ɔmá bambatɔfo e bahɔ Bulu asun amu. ²Mú sv breá Petro lɔyɔ Yerusalem wuluto a, muv ahogyipu akvá butekleá aha butin *kete asa abuwie ɔpasua amuto bebtti asun. Befite mu bee, ³“Ntogyi sv fayɔ aha ání bumetn kete woyi, fua amúnyɔ mlulawa ibi gyi atɔ?” ⁴Mú sv Petro lele asun ání ulɛbatɔ suna amú ukule-kule ɔbee,

⁵“Mbu Yopa wuluto nde mpat bɔ nowun atɔ. Múto a, nowun ání tɔkúá igyi fe ɔhrada teihe, bude mú nsiebi ana lekpli tsu ɔsusu ba mi wa. ⁶Nowun pututo-mbwi pú wuluto mbwi, mbwíá bubu ayin, tame buteka abɔnɔ pú ɔyito mbubwi fée ɔhrada amuto. ⁷lnv nonu ɔme kv ledali bla mi ɔbee, ‘Petro, kusv mu mbwi anfi afɔwi.’

⁸“Muu nebli mbee, ‘Mí Wie, ekekekeke. Bɔkwu mi ɔpá a, mmɔkugyi tɔá Yudafɔ amandie lekisi nte mú *iwí metn ki.’

⁹“Muu ɔme amu lotsu ɔsusu labla mi ɔbee, ‘Máti tɔá Bulu latin mú iwí atokisihe.’ ¹⁰Tse sa ɔnɔn nowun atowunhe anfi. Mú ɔma a, ilelayinki yɔ ɔsusu.

¹¹“Alí bre amuto ken a, ayin abasa akvá bɔwa mi wa tsu Kaesarea baba bulu woyi amuu ntsie múto amu ɔnɔ. ¹²Ɖɔɛ Wankthe lebla mi ɔbee, mbuo amú yɔ, mmágyi nwen. Apio abasie anfi botsu Yopa anfi e bobuo mi yɔ Kaesarea. Aní fée anilɔyɔ Konelio woyito. ¹³Konelio lebla aní ɔbee, mowun Bulu-ɔbɔpu ɔku mu woyito, ɔlebla mu ɔbee, ‘Wa abi abuyɔ Yopa yeti oyin ɔkúá buteti mu Simon Petro ba. ¹⁴Ɖbebla fu asun ání fua fu woyito aha fée mlótson músv nya nkpa.’

¹⁵“Nenya tsu ɔnɔ ndetɔ alí, Ɖɔɛ Wankthe leba amúsv fe alíá ulɛba anisv eke gyankpapu amu. ¹⁶lnv nekaun aní Wie asun blihesv. Ɖbee, ‘Yohane lɔpu ntsu bɔ aha asu. Tame mli mú a, Bulu ɔbɔpu Ɖɔɛ Wankthe bɔ mli asu.’ ¹⁷Mú sv ni

Bulu lapu mu atokiehe amu kie amó, fe alá òlòpukie aní aha amuv anùhò aní Wie Yesu Kristo gyi amu a, mgyi ma ání nétin Bulu òkpa?”

¹⁸Breá sumbi ayòpυ amu bonu asun anfti a, besi Petro tɔi wa, bekanfu Bulu bee, “Mumu Bulu laha aha ání bumegyí Yudafo òkpa òbee, amó ε budamli kluntò, abunya nkpa.”

Kristo Ɔpasua Ání Ibu Antiokia

¹⁹Stefano lowu òma a, bedinka ahogyipu amuvu. Mú sv bedasatn yò Foinike múa Kipro òsuluvu pú Antiokia wuluto. Yudafo nkule bebla Bulu asun wanklaan amu. ²⁰Tame amúto aku mú botsu Kipro pú Kirene òmáto ba Antiokia bebla Grikifo amu aní Wie iwí asun wanklaan amu. ²¹Aní Wie Bulu lelu amó òma. Mú sv amúto aha tsòtsòto òbohogyi, damli kluntò ba aní Wie Yesu wa.

²²Yerusalem ɔpasua amu bonu asun anfti. Mú sv bowa Barnaba sisi Antio-
kia. ²³⁻²⁴Barnaba gyi òha wanklaan, Ɖɛ Wanku pú hogyi ε utò mutò. Breá olowie Antiokia, olowun alíá Bulu lagyi amó buale a, aní legyi mu. Muv òlòto kpla amó òbee, bupu amó klun féé ònka aní Wie Yesusu, abugyi mu mbilasv. Iní sv aha tsòtsòto òbòtsun mu asun amuvu hò aní Wie gyi. ²⁵Mú òma a, Barnaba lɔyò Tarso wuluto yodunka Saulo. ²⁶Breá olowun mu a, òlekpa mu ba Antiokia. Betsia unv ofi òkule, tsia fia ɔpasua amu, suna amó atò. Antiokia begyankpa tì akasipu amu bee “Akristofo” nì.

²⁷Bulu òòòsv atòpυv aku botsu Yerusalem ba Antiokia alí bre amúto ken. ²⁸Amúto òkule ida gyi Agabo. Òlòkusv lu, blí Ɖɛ Wanku tumitò tswi òbee, “Akun kɔ̀nkpònti kv béba Roma òmáto féé.” Ileba múto breá Roma Owie Klaudio tsie obiasv. ²⁹Akasipu amu bòbwe agywun bee, amúto okugyiòku obòdunka tó obénya, abupuyekie apio ahogyipúá bubu Yudea òmáto. ³⁰Begyí dinka músv, bòpυha Barnaba mu Saulo bòpυya ɔpasua amu ahande.

Petro Obudi

12 ¹Alí bre amúto a, Owie *Herode ledinka ɔpasua amúto akusu, wa amó amumv. ²Ɖleha betin Yohane mu pio Yakobo òdayitò. ³Herode lowun ání ibu Yudafo amu òdwe. Mú sv omesi, òleyekita Petro ε. Alí bre amúto bude Israelfo *Bodobodo Mátuhe Nke gyi. ⁴Mú sv breá òlekita Petro a, òlòpυ mu tswi obu, òlele isa akòpυ duasie òbee, butsia gyo mu iwí abana-abana. Òlòbwe agywun òbee, begyi Nke amu ta a, megyi Petro asun òdusu. ⁵Bowa Petro obu, tame ɔpasua amu bòbò mpat kinkiinkin ha mu.

Petro Obule

⁶Onye asa òyi òbéke Owie Herode òbéle Petro ba òdusu begyi mu asun a, bowa Petro ikan anyò keke, òda òdediði isa akòpυ abanyò nsune. Isa akòpυ aku ε bulu bude obu amu òòò gyo. ⁷Ɖsawule pe a, Bulu-òbòpυ òku lebelu amó wa obuto unv, unv féé lówanki. Bulu-òbòpυ amu lòpυ ibi da Petro abuntò, òle-tsinki. Ɖlebla Petro òbee, “Wa òsa kusv.” Iní ikan amu lówò le mu ibi. ⁸Muv Bulu-òbòpυ amu lebla mu òbee, “Kusv pu òfe klí osietò, afòtsu fu ntukuta wa.” Petro lóbwe. Muv òletra bla Petro òbee, “Tsu fu liga wa, afuba ayò.” ⁹Petro lobuo Bulu-òbòpυ amu òalí obu amúto. Imòwanki Petro nì aktankpatò nte atowunhetò Bulu-òbòpυ amu òe mu asun bla. ¹⁰Mua Bulu-òbòpυ amu bòtsun obu-òòò gyankpav pú nyòsv agyopuvu. Béba bòtu idatò uklun ání fòpudalí wie

wuluto. Iklon amu onuto lefinki ha amó bətsun. Bəpətsun brənu kəsu bəyo a, Bulu-əbəpu amu ləfwɪ si Petro.

¹¹Breá Petro ansitə letiti mu a, əleblɪ əbeɛ, “Sei mú nawun ání lele Bulu lawa mu əbəpu labele mi Owie Herode ibi pú tǎá Yudafo bude əkpa kɪtə.”

¹²ɪnǎá Petro lowun mú alɪ su a, əlenati yo Yohaneá butetra ti mu Marko mu yin ***Maria** woyi. Alɪ bre amutə a, aha tsətsəwtsə bafia unu bude mpaɪ bə. ¹³Petro leda amó iklonsu, osumbi tsɪhe əkwá buteti mu Rode lebekɪ əha ání ogyi. ¹⁴Breá əlebiá Petro əme ni a, ansɪ lehiɛ gyi mu. Mú su əletan obu amu finki. Mboun oleyinki sɪ yebɪa amó əbeɛ, “Petro laba əlu obu-əw.” ¹⁵Aha amu bebla mu beɛ, “Fu nwun layinta.” Tame ələyo músu, ədeblɪ əbeɛ, “Lele a.” Mú su bebla mu beɛ, “Mumu fiati ***Bulu-əbəpuá** əteki Petrosu ni.”

¹⁶Alɪ bre amutə féé a, Petro tra əde iklon amusu da. Breá bəyo yefinki mú, bowun Petro a, əwə lobwie amó. ¹⁷Petro ləbwe ibi suna amó əbeɛ bukasu. Əlebla amó altá anɪ Wie lalə mu obu. Əlebla amó əbeɛ, “Mlɪbla Yakobo mua apio ahogyipu atrahe amu asun anfi.” Muu əlenati amó wa yo ətune bamba a.

¹⁸Breá əyi leke a, isa akəpu amu féé begyigya, fite aba beɛ, “Nkɪ Petro me?” ¹⁹Owie Herode leha bodunka Petro ətinegyiətune, tame bəmowun mu. Mú su əleti obu adɪpusu akɪpu amu, fite amó asun, əleha bəwə amó.

Mú əma a, əlenati Yudea əmátə yetsia Kaesarea wuluto nkensa ku.

Owie Herode Lowu

²⁰Bre kɪtə a, əblə lehiɛ kɪta Owie Herode Tiro mua Sidonfo su. Mú su awulu anyə anfi beɛ abi beɛ buyokokoli mu, iwɪlwii itsia amó nsune. Tsufe Owie Herode əmátə butenya atogyihe tsu. Aha amu begyankpa yeɛ asuntə suna Owie Herode woyisu əkɪpu əkwá buteti mu Blasto, olotsula gya amó nkpa bəyo Owie Herode wa yokokoli mu.

²¹Owie Herode lehiɛ amó eke. Eke amu ləfun a, əlehiɪhe iwɪ dalɪ betsia mu obiasu, bla amó asun. ²²Aha amu bəklɪn blɪ beɛ, “Megyi nyankpəsa detəɪ, mboun əkɪpɪ detəɪ o!” ²³ɪnənu Bulu-əbəpu leda Herode, anyambi bəwɪ mu, olowu. Tsufe əwəpu numnyam ha Bulu.

²⁴Bulu asun ləyo músu, kleɪ yo tsutsuutsu.

²⁵Barnaba mua Saulo bəyo amó agyuma ta Yerusalem, bekpa Yohaneá butetra ti mu Marko buo iwɪ yinki yo Antiokia.

Barnaba Mwa Saulo Sumbi Wa

13 ¹Bulu əwəsu atəpu pú atə asunapu aku betsia Antiokia əpasua amutə. Amógyi: Barnaba, Simeon ání buteti mu Obibi, Lukioá otsu Kirene əmátə, Manaen ání beyai mua Galilea əmásu ogyipu ***Herodenyo** tsukule pú Saulo. ²Breá ***bekli əwə**, bude anɪ Wie sum a, Əhe Wankɪhe lebla amó əbeɛ, “Mlɪle Barnaba mua Saulo ha mi, abəyo agyuma amusu netɪ amó mbəɛ bəbəyo amu.”

³Mú su breá beklɪ əwə amu bə mpaɪ ta a, bəpu ibi dinka amó nwunsu, si amó əkpa.

Barnaba Mwa Saulo Kipro Əsəlsu Yo

⁴Əhe Wankɪhe ləwa Barnaba mua Saulo sumbi. Bəyo Seleukia wuluto yotsu ntsusu-yibi fa yo əsəlsu kwá ibu ntsu nsune, buteti mú Kiprosu. ⁵Breá bowie

wulu kuá ibu unu, buteti mú Salamis a, bɔyɔ Yudafo ***ofiakpa** yeda Bulu asun amu ɔkan. Yohane amuu butetra ti mu Marko amu ε lobuo amú yetsa amú agyuma yɔ.

⁶Bedali Salami wuluto, benati alu bowie ɔsulɔ kuá buteti mú Pafosu. Inu befia ɔfapu kɔnkɔnti ɔkuá buteti mu Bar-Yesu. Ogyi Yudayin, ɔɔwa afunu ɔbee Bulu ɔnɔsu ɔɔɔpu mugyi. ⁷Mu nyawie gyi unu ɔmásu ogyipu Sergio Paulo. ɔmásu ogyipu anfi letun ansu. ɔɔwa beyeti Barnaba mua Saulo ba mu woyito. Tsufe odekleá mónu Bulu asun. ⁸Tame ɔfapu Bar-Yesu anfi mu ida asu gyi, Elima Griki ɔblito anfi meha amú ɔkpa abubla ɔmásu ogyipu amu Bulu asun amu. ɔɔbɔ mbɔɔtá ɔmásu ogyipu amu mánu Yesu iwɔ asun amu, fówun ɔmɔɔhɔ mósu gyi. ⁹Inu ɔɔɔ Wankthe ɔbɔla Saulo amuu buɔe mu ti Paulo amuto, olesi ɔlu ɔɔe ɔfapu amu ansito ki. ¹⁰Muu ɔlebla ɔfapu amu ɔbee, “ɔbunsam mu bi, futekisi ito wanklaan kugyiku. Fapu ahamle pú lalahgyi bwe fu agyuma. Mú su fuméesi Bulu ɔnɔkwalt amu afunuto wa? ¹¹Ki, Bulu ɔbɔbiti fu usu. Fu ansibi bóbwie. Fuméetra wun ɔyikeheto owi alu ɔɔfun bre ku.”

Inunu Elima ansito loklun mu. Mú su ɔɔwa tatapu bi, ɔɔe ɔku dunka ɔkita mu oyito. ¹²Breá ɔmásu ogyipu amu lowun ɔá ɔlaba a, ɔɔhɔ anu Wie gyi. Anu Wie iwɔ asun amuu buɔe mu suna amu leha ɔnɔ lobwie mu.

Barnaba Mua Paulo Antiokia Ání Ibu Pisidia ɔmáto Yɔ

¹³Paulo mua mu aba amu botsu ntsusu-yibi tsu Pafo wuluto yɔ Perge, ibu Pamfilia ɔsulusu. Tame Yohane Marko mú leyinki amú ɔma tsu unu yɔ Yerusalem. ¹⁴Bokusu tsu Perge yɔ Antiokia ání ibu Pisidia ɔsulusu. ***ɔkpunu ɔɔake** a, bɔyɔ unu Yudafo ofiakpa yetsia asu. ¹⁵Bekla ato tsu Mose Mbala pú Bulu ɔnɔsu ɔɔɔpu nwaluto ta a, ofiakpa amu ahande ɔɔwa abi beyebla Paulo aná bee, “Apio, nu mlide asvankvá mlebli pɔwa aha anfi ɔwunlu a, ɔkpa da.” ¹⁶Muu Paulo ɔkusu lu, ɔɔbwe amú ibi ɔbee bokasu. Muu ɔlebla amú ɔbee,

“Apio Israelfɔ pú ɔmá bambasufɔá mlitenya Bulu ifu, mliyaa asu amlinu. ¹⁷Israel Bulu lele anu anain bwe mu aha. ɔleha beklei breá bugyi afɔɔ Egyipte ɔsulusu. ɔɔɔpu mu tumi kɔnkɔnkɔnti kpa amú dalu ɔmá amuto. ¹⁸Olenya klun kpa amú nfi advana (40) keke dimbi amusu. ¹⁹Oleyinta ɔmá asienco keke Kanaan ɔsulusu, oleye amú ɔsulɔ amu pubwe siadte ha anu anain. ²⁰Nfi lafana aduenu (450), ɔɔɔɔbwe unu fée ha amú.

“Mú ɔma a, ɔleha asun agyipu bekpa amú alu ɔɔtu Bulu ɔnɔsu ɔɔɔpu Samuel. ²¹Breá bebla Bulu bee, ɔyɔ awie ha amú a, ɔleyɔ Kis mu bi Saulo owie ha amú. Saulo otsu Benyamin abusuanto. Oleyi iwie nfi advana (40). ²²Breá Bulu leklpi mu a, ɔleha beyai ***Dawid** obiasu ha amú. Asun anfi Bulu lebli tsu mu iwɔ nu. ɔbee, ‘Yisai mu bi Dawid gyi ɔha ání mi klun dun musu, tsufe ɔbɔbwe togyitá nébla mu mbée ɔbwe.’

²³“Dawid anfi abi-anáto Bulu labele Yesu tsu ha Israelfɔ ɔbee, ɔbwe amú ɔlepu fe alá ɔlehte yai. ²⁴Asa Yesu leba a, Asu ɔɔɔpu Yohane legyankpa da ɔkan suna Israelfɔ fée ɔbee, budamli klunto, abuha mu ɔɔɔ amú asu. ²⁵Breá Yohane ɔba ɔɔmɔ mu agyuma ɔnɔ a, ɔlefute aha amu ɔbee, ‘Ma mlidesusu mltaa ngyi? Megyi mgyi ɔha amuu mlide ɔkpa ki amu. Mu mú ɔbɔba mi ɔma. Mmɔfun ání nɔwɔ mu ntukota.’

²⁶“Mi apio, ***Abraham** abi-aná pú ɔmá bambasufɔá mlitenya Bulu ifu, mliyaa asu amlinu. Anigyi aha ání Bulu ɔɔpu nkpaɔ asun amu sɔtu.

²⁷Yerusalem atsiapu pú amú ahande bumebíá Yesu gyi Ǿlepu. Bumonu Bulu ǾǾsu atǾipu amu asun ání bǾwanlun tswi asi. Butekla mú Ǿkpunu Ǿdake kugyiku. Tame begyi Yesu asun, ha mu ipon, ma mu; ileha Bulu ǾǾsu atǾipu amu asun anfi leba mútǾ. ²⁸Bumenya Yesu iwi asun kukvá bélu músu ma mu, tame bebla Pilato bee, Ǿha abumǾ mu. ²⁹Mú su breá bǾbwe tǾá bǾwanlun tsu mu iwi féé ta a, bele mu tsu *oyikpalihe amusu yopula mu. ³⁰Tame Bulu lǾkusva Yesu tsu afulitǾ. ³¹Mú Ǿma a, oletsia le iwi suna aha amuu mua amónyǾ benati tsu Galilea yǾ Yerusalem amu bre tsǾtsǾtsǾtǾ. Aha anfi gyi aha ání bude mu iwi adanstǿ gyi suna IsraelfǾ nu.

³²⁻³³“Amú mú anude mli asun wanklaan amu bla. Múgyi, Bulu labwe tǾ amuu Ǿlehiǿ aní anain amu ha amú abi-aná. Amúgyi aní a. Tsufe alakusva Yesu tsu afulitǾ ha aní, fé alá bǾwanlun wa *IsraelfǾ ulu nyosito bee,

‘Mí Bi gyi fu.

Nde nabwe fu Su.’

³⁴Bulu letra tǾi tsu Yesu kusu tsu afulitǾ pú mu Ǿyulu amuu umǾǾplǾ wa ǾbǾtǾ ekekeke amu iwi Ǿbee,

‘NǾpu mí oyula wankihe amuu nehie mbee, ibwe alǾgyialtá nǾpǾha Dawid amu ha ml.’

³⁵Owie Dawid e letra lawanlun wa IsraelfǾ ulu bambatǾ Ǿbee, ‘Fuméha fu osumpu wankihe mǾǾplǾ wa fuli ǾbǾtǾ.’

³⁶Owie Dawid losum Bulu mu nkpatǾ, bwe Bulu ape ta a, olowu, bopula mu mu anaintǾ, ǾǾplǾ. ³⁷Tame Yesu anfi Bulu lǾkusva tsu afulitǾ anfi mú ǾǾplǾ. ³⁸⁻³⁹Mú su apio, mlinu asun anfi anude mli bla anfi asi. Yesu anfi nkulesu mlǾtsun nya lakpansikie. Mose mbla méetali ha amlgyi asu Bulu ansitǾ. Tame ǾhagyiǾha ání alahǾ Yesu anfi gyi obégyi asu Bulu ansitǾ. ⁴⁰Mú su mlíkí wanklaan, mení asun amuu Bulu ǾǾsu atǾipu bebli tswi amu uméba mlisu. ⁴¹Asun amu gyi,

‘Asun amu iwa ml

aha ání mlitǾwa Bulu asun nyanya ifu, amlíwu.

Tsufe ní nde Ǿku Ǿbli gyuma ání ndegyí mlitǾ kuraa a, mlimóohogyi.’ ”

⁴²Breá Paulo mua Barnaba budédali YudafǾ ofiakpa unu a, aha amu bǾkulu amú bee, buba Ǿkpunu Ǿdake amuu iba amu, abuttra bǾtǾi tsu asun amu iwi suna amú. ⁴³Breá aha amu bedali YudafǾ ofiakpa unu a, YudafǾ tsǾtsǾtsǾtǾ pú Ǿmá bambatǾ abíá bawie YudafǾ osumtǾ bekpla buo Paulo mua Barnaba. Mú su sumbi ayǾpu anfi bǾtǾi kpla amú bee, bupu ansi dinka Bulu awitǾlesu.

⁴⁴Ǿkpunu Ǿdake amuu bebla amú bee buba amu lǾfun a, ilesi kpalobi teki aha beta wulu amutǾ. Amú féé beba Bulu asun onukpa YudafǾ ofiakpa unu. ⁴⁵Breá YudafǾ bowun ǾǾm amu a, Paulo aná iwi lǾwa amú olu. lni su begyi Paulo asun blihe amu nwen, sia mu. ⁴⁶Tame Paulo mua Barnaba bǾwa klun bla aha amu bee, “Teki mli lehian ání abégyankpa bla Bulu asun anfi. Tame uná mlilekina mú nu, mlide mli iwi kí mlíaa, mlumehian nkpa ání itamata amu su a, anlayinki ayǾ Ǿmá bambasufǾ wa. ⁴⁷Tsufe alí Bulu lǾwa aní ni. Ǿbee,

‘Napu fu bwe Ǿkandǿ ha Ǿmá bambasufǾ.

ǾyitǾ aha féé bǾtsun fusu nya nkpa ání itamata.’ ”

⁴⁸Breá Ǿmá bambasufǾ amu bonu asun anfi a, ansi legyi amú, bekanfo aní Wie asun amu. lnu aha ání Bulu lalǿ Ǿbee, bunya nkpa ání itamata bǾho asun amusu gyi.

⁴⁹Ani Wie asun amu ileklei wie omá amuto otinegyiotune. ⁵⁰Tame Yudafó amu pú atsiá bubu Yudafó osumto, obú bu amósu pú wulu ahande bokusu lu Paulo mua Barnabasu, gya amú le omá amuto. ⁵¹Sumbi ayopu amu bekpakpa amú ayabito-isi wuli amú nwunsu, benati yo Ikonion wuluto. ⁵²Tame Dje Wankihe pú ansigi lóbulá Antiokia akasipu amuto.

Paulo Mua Barnaba Bulu Asun Bli Ikonion Wuluto

14 ¹Ikonion wuluto e a, alí ken Paulo mua Barnaba boyo Yudafó ***ofiakpa** ni. Bebli Bulu asun unu wanklaan. Mú su Yudafó pú Grikifo tsotsotsots boko Yesu gyi. ²Tame Yudafó amu bumohogyi amu botu wa omátófo amu asuto, ha amú bokusu lu ahogyipu amusu. ³Ifu mekita Paulo mua Barnaba. Betsia unu wa opá, bli aní Wie Yesu asun amu wanklaan. Yesu e lelu amú oma, su bokwe ofula pú osuna pusuna aní mu awitole asun amu budebli amu igyi onkwali. ⁴Mú su wulu amuto lóbulá anyo. Aku bobuo Yudafó amu, aku e bobuo sumbi ayopu amu.

⁵Mú oma a, Yudafó, omátófo pú amú ahande bokwe agywun bee, bówa sumbi ayopu amu iwosinto, da amú abwi má. ⁶Sumbi ayopu amu bonu asun anfi. Mú su besri yo Likaonia awulu yile Listra móa Derbe pú awuluá ibu manta unusu. ⁷Beda asun wanklaan amu okan unu e.

Paulo Mua Barnaba Gyumagiye Listra Móa Derbe

⁸Oyin oku letsia Listra wuluto, bokwu mu ibo. Omokokusu lu mu ayabisu ki. ⁹Ubo anfi tsie ode Paulo asun blihe nu. Paulo lesi lu ki mu alu, olowun aní alahogyiá Bulu obétali tsa mu. ¹⁰Mú su okokpón kuklukus bli obee, “Kusu lu fu ayabi anyosu.” Inu oyin amu lokusu otsawule pe, wa nati bu. ¹¹Breá odóm amu bowun toá Paulo labwe a, bokpón bli Likaonia oblitó bee, “Ukpi amu badamli anyankpusa kpli ba aní wa.” ¹²Mú su bokpu amú okpi kponkponti ida ti Barnaba bee, “Seus.” Bokpu mu otiamu ida ti Paulo bee, “Hermes,” tsufe Paulo lu amú oko, odeto ni. ¹³Okpi Seus otsewepka bu wulu oko. Seus igyi ohapu lokopu nnantswie pú oyi ntswitswu ba wulu oko unu. Tsufe mua odóm amu budekleá bótswe sumbi ayopu amu.

¹⁴Breá Barnaba mua Paulo bonu toá beba bokwe a, bekita amú atadie balí. Ilosuna aní bumotsula dunka ito amu beba bokwe amusu. Besri wie odóm amuto bli bee, ¹⁵“Ntogyi mlide unu bwe? Aní e anyankpusa angyi fe mli. Bulu asun wanklaan aba bebla mli, amlisi atokpan anfi omagya bobuo aní Wie Bulu Okiankparu. Mulobwe osu móa asi, opu pú móto ato féé. ¹⁶Bumbi amu a, olesi okpa ha omágyiomá aní bubwe toá budekle. ¹⁷Tame mú o a, omokusi ato wanklaan tsotsotsots bwe, pusuna aní mbu unu. Muteha nyankpu totswie, mli ndoto ato towa ale. Muteha mli atogyiye, oteha ansu tegyi mli.” ¹⁸Paulo aná asun blihe anfi féé oma a, ulowa onlun asa betali ka odóm amu itin bee, bumátin mbwí wuli amú ayabiasu tswe amú.

¹⁹Mú oma a, Yudafó aku botsu Antiokia aní ibu Pisidia omáto pú Ikonion wuluto ba bebli asun putse odóm amu agywun, bokusu lu Paulosu. Beda Paulo abwi, bitta mu dali wulu amuto. Bokú bee alawu, su besi mu tswi. ²⁰Tame breá akasipu amu beba bobomli mu a, okokusu yinki yo wulu amuto. Mú oyikehe a, mua Barnaba benati yo Derbe wuluto.

Antiokia Ání Ubu Siria Ómáto Yinki Ba

²¹Paulo mva Barnaba beda asun wanklaan amu okan Derbe. Aha tsotsóotsó bedamli klóntó mli Yesu akasípu. Muv belayinki yó Lистра, tsun yó Ikonion alu, beba bedalı Antiokia ání ubu Pisidia ómáto. ²²Unu Paulo mva Barnaba bówa akasípu amu atetó-onlin bee, bukita hogyi amutó. Bebla amó bee, “Ilehian ání abótsun ipian tsotsóotsóto asa abówie Bulu iwiegyi amutó.” ²³Bótu ópasua kugyiku a, buteklu ***ónó** bó mpaí, yat ahande ha amó, pu amó wa anu Wie amuv amó anu dín musu amu ibtu.

²⁴Beki Pisidia ómáto ópasua amuvu ta a, beba Pamfilia ómáto. ²⁵Beda Bulu asun wanklaan amu okan Perge wuluto. Bókusu tsu unu yó Atalia wuluto. ²⁶Paulo mva Barnaba belatsia ntsusu-yibitó tsu unu bowie Antiokia. Unu gyi ótineá ahogyipu amu begyankpa klu óno bó mpaí, ání Bulu ówa awitole ha amó, menú bóyo agyuma anfu bamó mú óno anfu nu.

²⁷Breá bowie Antiokia a, beti ópasua amu féé fia. Bebla amó alíá Bulu lapu amó gyi gyuma, pú alíá Bulu laha aha ání bumegyí Yudafo é baho mu gyi. ²⁸Betsia akasípu amu wa nke tsotsóotsó.

Sumbi Ayópu Pó Ópasua Amu Ifia Yerusalem

15 ¹Breá Paulo mva Barnaba bubu Antiokia a, ayin aku botsu Yudea ómáto ba unu. Bosuna ahogyipu amuvu bumegyí Yudafo amu ató bee, nu bumókutun ***kete** Mose mbla óno a, Bulu móóhó amó nkpa. ²Paulo mva Barnaba bókusu lu asun anfisú. Mú su amúa ató asunapu amu begyi mú nwen kinkiinkin. Unu su bebli bee, bówa Paulo mva Barnaba pú Antiokia ahogyipu amu aku Yerusalem, abuyowun Yesu sumbi ayópu pú unu ópasua ahande amu tsu asun anfu wu.

³Ópasua amu besi aha amu okpa benatu. Breá bóyo a, buna Foenike pú Samaria ómáto. Bebla unufó amu bee, aha ání bumegyí Yudafo é badamli klóntó ba Bulu wa. Asun anfu lehu wa ahogyipu amu féé ansigyí. ⁴Breá bowie Yerusalem a, ópasua amu, amó ahande pú sumbi ayópu amu bóho amó atuu. Paulo aná bebla amó tóá Bulu labwe tsun amósu féé. ⁵Tame ahogyipu amu akvá botsu ***Farisifóto** bókusu lu bli bee, “Ilehian ání ómá bambasufó amu bétun kete, gyi Mose mbla esu.”

⁶Sumbi ayópu amu pú ópasua ahande amu befia yó asun anfutó. ⁷Bebutu asun anfu wa ópá. Mú óma a, Petro lókusu lu, bla amó óbee, “Mú apio, mlyin ání tsu bre kutó a, Bulu lele mú tsu mlitó óbee, mbla aha ání bumegyí Yudafo mva asun wanklaan amu, menú amó é bónu, hó mósu gyi. ⁸Bulu yin nyankpusa klóntó. Ólpu Óje Wankhe amu ha amó, fe alíá ólpuha anu pusuna ání alahó amó. ⁹Olosuna ání bumegyí ótsan ha anu, tsufe óleha amó klóntó letun breá amó é bohogyí. ¹⁰Ntogyi su mlude Bulu só kí? Ntogyi su mludepu Mose mbla anfu anu anu anain anumetalu gyi mósu anfu han akasípu anfu? ¹¹Ekekeke! Anulahogyíá Bulu óbótsun anu Wie Yesu awitólesu hó anu nkpa fe amó.”

¹²Breá Petro lotó ta a, afiapu amu féé bóbwé diin. Muv Paulo mva Barnaba bebla amó alíá Bulu lotó amósu bwe ofula pú osuna tsotsóotsó aha amuv bumegyí Yudafo amutó. ¹³Breá Paulo mva Barnaba bóto ta a, Yakobo lóyo mósu óbee, “Apio, mlyaa asu amlunu. ¹⁴Simon Petro labla anu óbee, Bulu legyankpa le suna ání otekle aha amuv bumegyí Yudafo amu asun. Mú su

olele amúto aku bwe mu aha. ¹⁵Asun anfi pú Bulu ɔnɔsu atɔɔpu amu asun blthe labwe kule. Tsufe bɔwanlɔn wa Bulu asun amuto bee,

¹⁶ ‘Bulu ɔbee. lɔn ɔma a, nélatsu *Dawid iwiegyi
amuv iladida amu kusu.

Nélayi mú abunti féé,
ha mú belu wanklaan,

¹⁷ menɔ aha trahe amu pú amúá bumegyɔ Yudafo,
mɔ uɔa dɔn amúsu féé bóduka múá ngɔyɔ amú Wie, wun mɔ.

¹⁸ Alɔ mɔ, mɔlɔ Wie Buluá
nele ɔnɔ suna tsu bumbɔ ndeblɔ nɔ.’

¹⁹ ‘lɔn su tɔá mɔ Yakobo ndeblɔ gyɔ, mɔlúmáha apu asvansu kɔklɔ aha anfi bumegyɔ Yudafo, badamli klɔntɔ ba Bulu wa anfi. ²⁰Mboun mɔltha awanlɔn ɔwɔlu bla amú aniaa, bumágyɔ atogyiheá bapuha ɔkpi, tsufe mú *ɔwɔ metun. Bumáwa atsu múa ayin asun. Bumágyɔ ɔbwtá bɔpɔsa mu mɔ pú obugya. ²¹Tsufe bumbɔ ɔpá a, buteda Mose mbla amu ɔkan wulugyiwuluto, butekla mú Yudafo ofiakpa kugyiku *ɔkpɔnu ɔdake ɛ.’

Ɔwɔlu Pɔstɔ Ahogyipú Bumegyɔ Yudafo

²² Mú su sumbi ayɔpu amu, ɔpasua ahande amu pú ɔpasua amu bɔbwe agywun bee, bele ayin aku tsu amúto abubuo Paulo mu Barnaba yɔ Antiochia. Bele Yuda ání butetɔ mu Barsaba mu Silas. Amú féé bugyɔ akpapu ha ahogyipɔ amu. ²³Ɔwɔlvá bɔpuha amú bɔpuyatɔ asun gyɔ:

‘Ahogyipú mlumegyɔ Yudafo, mɔlɔv Antiochia, Siria pú Kilikia ɔmáto. Mɔlɔ apio sumbi ayɔpu pú ɔpasua ahande de ɔwɔlu anfi wanlɔn sɔsɔ mɔlɔ.

‘Anɔde mɔlɔ itsia ha.

²⁴ ‘Anɔlonuá anɔ apio aku bɔtsu anɔto ba mɔlɔ wa ɔnɔ, bɔpu asvanku kɔklɔ mɔlɔ, puyinta mɔlɔ agywun. Anumɔkɔwa amú. ²⁵lɔn su anɔlafia, tsula ání abéle aha aku abukpa anɔ apio adwepu Barnaba mu Paulo ba mɔlɔ wa. ²⁶Aha anfi lasi amú nkpa ha anɔ Wie Yesu Kristo agyuma amu su nɔ. ²⁷Mú su anɔde Yuda mu Silas wa aniaa, bɔpu ɔnɔ bebla mɔlɔ asun amuv anɔlawanlɔn wa ɔwɔlu amuto amu ken. ²⁸Ɔɔɔ Wankthe lale suna anɔ, anɔ ɛ anɔlahɔ mú ání uma aleá abɔpu atɔ dwindwin kuku sɔra mɔlɔ, dɔn mbla anfi mú ɔwɔlɔ dehian anfi. ²⁹Mbla amu gyɔ, ‘Mlumágyɔ atogyiheá bapuha ɔkpi. Mlumágyɔ ɔbwtá bɔpɔsa mu mɔ pú obugya. Mlumáwa atsu múa ayin asun.’

‘Nɔ mlɔde mbla anɔtsu gyɔ a, ɔbɔwa ale ha mɔlɔ. Anɔlafɔn nfi.’

³⁰ Bɔwanlɔn ɔwɔlu anfi ha amú ta a, besi amúa sumbi ayɔpu amu ɔkpa bɔpuya Antiochia. Boyowie ɔnɔ tɔ ahogyipɔ amu féé fia, pu ɔwɔlu amu wa amú ɔbɔto. ³¹Bekla ɔwɔlu amu a, anɔ lɔhɔ gyɔ amú, tsufe múto asun lɔha klɔn ledɔ amú asɔ. ³²Yuda mu Silas, bugyɔ Bulu ɔnɔsu atɔɔpu amu bɔto kpla amú wanklaan puwa amú ɔwɔnlɔn, wa amú atetɔ-ɔnlɔn. ³³⁻³⁴Betsia amú wa nke kpalobi, ɔpasua amu lesi amú ɔkpa iwilwiitɔ, beyinkɔ yɔ aha amuv bɔwa amú sumbi amu wa.^c

³⁵ Paulo mu Barnaba ɛ betsia Antiochia ɔnɔ yɔfɔn brɔ ku. Amúa ɔnɔ ahogyipɔ amu aku betsia suna atɔ, tsia da anɔ Wie asun wanklaan amu ɔkan.

c 15:34 Múto ye 34 bu nɔwɔlɔ dada amu akuto: *Tame Silas mú lɔbwe agywun ání obésin Antiochia ɔnɔ.*

Paulo Mva Barnaba Abasumain

³⁶ Bre ku oma a, Paulo lebla Barnaba obee, “Ha ayinki yo awuluá anlada aní Wie asun wanklaan amu okan féésu, ayeki alá butsie.” ³⁷ Barnaba leklea békpa Yohane aní buteti mu Marko buo iwi. ³⁸ Tame Paulo lebli obee, uma aleá Marko obóbuo amú, tsufe ometra buo amú abuyó Bulu agyuma amu. Oleyinki amú oma tsu Pamfilia wuluto ópá. ³⁹ Paulo mva Barnaba bepri asun anfi kinkiinkin, ileha bemaun abasu. Barnaba lekpa Marko buo iwi, botsu ntsusu-yibi yo Kipro omáto. ⁴⁰ Paulo e lekpa Silas buo iwi, Antiokia ahogyipu amu bopu amú wa Bulu ibuto, bopu okpa. ⁴¹ Paulo loyotsun Siria múa Kilikia omáto; olwa opasua amu ububu unu amu owonlin.

Timoteo Paulo Mva Silasto Tsia

16 ¹ Paulo mva Silas benati yo Derbe pú Litra. Ohogyipu okvá buteti mu Timoteo bu Litra wuluto unu. Mu yin gyi Yudayin aní olcho Yesu gyi, tame mu si gyi Grikiyin. ² Apioá bubu Litra pú Ikonion beti Timoteo idayile. ³ Paulo leklea obékpa Timoteo nati. Mú su olcha betin Timoteo kete, tsufe Yudafu amu bubu unu amu féé buyin aní Grikiyin Timoteo mu si gyi. ⁴ Breá boyo a, bowie wulugyiwulusu butosuna unu ahogyipu mbla oduá Yesu sumbi ayopu amu pú opasua ahande amu bubu Yerusalem amu bawa bee, buyi músu. ⁵ Lu nu opasua amu benya owonlin hogyito, klet ekekegyieke.

Paulo Makedonia Omáto Yo

⁶ Paulo mva mu aba amu botsun Frigia pú Galatia omásu. Tsufe Oje Wankuhe meha amú okpa obee, bua Bulu asun amu okan Asia omáto. ⁷ Breá bowie Misia osulu oka a, bobwe agywun bee béyinki tsun yo Bitinia omáto, tame Yesu Oje meha amú okpa. ⁸ Mú su botsun Misia osulusu kpli yo Troa wuluto. ⁹ Mú onye a, Paulo lowun ato. Olowun aní Makedoniayin oku lu mu ansito, ode mu kokoli obee, “Fa opu amu ba Makedonia, afubegyí aní buale.” ¹⁰ Paulo lenya wun ato amu alí, ulowanki mu aní Bulu de aní wa obee, ayeda asun wanklaan amu okan unu. Mú su anulopu okpa yo Makedonia.

Lidia Klontodamli Filipi Wuluto

¹¹ Anulowie ntsusu-yibito tsu Troa, fa opu yo Samotrake osulusu. Mú oyikehe a, anulelatsia yo Neapoli wuluto. ¹² Anulopu ayabito tsu Neapoli yo Filipi wuluto. Filipi gyi Makedonia wulu yile ni. Romafu bu wulu anftto. Aniletsia unu nke kpalobi. ¹³ Okponu odake a, aniledali wuluto yo opu ono otnekvá aniki anaa, abówun otneá Yudafu butefia bo mpaí. Aniletsia unu bla atsu akvá bebefia unu Bulu asun. ¹⁴ Atsá bonu asun amuto okule gyi Lidia. Tiati-rayin ogyi, otefe tatiá mú ntsu lepe, ibu bia. Bulu osumpu ogyi. Aní Wie leha mu olonu Paulo asun blihe amuto. ¹⁵ Mú su breá anulobo mva mu woyito aha asu a, olobwii ipa ha aní, bli obee, “Ní mlilahogyiá nahó Yesu gyi a, mlubetsia mi woyito.” Otsi anfi bu anisu alu anulobuo mu yo mu woyito.

Paulo Mva Silas Obudí Filipi

¹⁶ Eke oku ayó Yudafu mpaí okokpa unu a, anulotu otsibi okvá ogyi okpábi unu. Atola oje bu musu. Otela ato, bli asun aní tóéba. Otobwe koba tsotsotsu

ha mu awie tsu mútɔ. ¹⁷Otsibi anfi lekpla buo ania Paulonyɔ. Ɔna ɔdeklɔn blɛ ɔbɛɛ, “Aha anfi gyi Ɔsususu mu Wie amu asumpu ni. Amóde mli nkpaɔ ɔkpa suna ni.” ¹⁸Ɖɔbwe mú nke tsɔtsɔtsɔ. lni lehan Paulo. Mú sv ɔledamli bla otsibi amu ɔbɛɛ, “Atɔla-ɔɔɛ, nde mbla wa ha fu Yesu Kristo ɔdatɔ, dali mutɔ!” lnuvu ɔɔɛ amu ledali mutɔ.

¹⁹Ɖkpábi amu awie bowun ání amú kɔba ɔkpa latin. Mú sv bekita Paulo mua Silas, bitta amú ya wulu ahande ansitɔ. ²⁰Bɔpu amú ya Romafɔ asun agyipu bɛɛ, “Yudafɔ aha anfi bɔgyi, bɔde asun kle wa anɔ wulu anfitɔ. ²¹Bɔde amandɛ lalaheá anɔ mbla meha mú iwɔ ɔkpa suna. Romafɔ anɔ mú anɔgyi. Anuméetali hɔ amú amandɛ amu gyi músv.” ²²lɔv ɔɔm amu botu bun Paulo mua Silasv.

Asun agyipu amu beha bɛɛ, bɔwɔ amú atadɛ, abunwen amú mpli. ²³Bepiti Paulo mua Silas atɔ wanklaan ta a, beha bɔpu amú tsɔwɔ obu. Bebla obu adɔpusv ɔkɔpu bɛɛ, ogyo amú wanklaan. ²⁴Asun amuv bebla obu adɔpusv ɔkɔpu amu sv ɔɔpu amú yɔtsɔwɔ obutɔtɔ, wa amú ayabi kplakitsi.

Obu Adɔpusv Ɖkɔpu Yesu Hogyi

²⁵Mú ɔyi-nsune a, Paulo mua Silas bɔde mpatɔ bɔ, bɔde ilv wa kanfv Bulu. Obu adɔpu atrahe amu ε buda budenu. ²⁶Ɖtsawule pe a, ɔsulv lekpiniki ɔwun-lunsv, ɔlekpiniki obu amu ntsɔwɔ. Mú aklɔn féé lefinki. Obu adɔpu amu ɔkan pú amú kplakitsi amu féé lɔwɔ. ²⁷Obu adɔpusv ɔkɔpu amu letsinki, wun ání aklɔn amu féé lafinki. lnu ɔlele ɔɔayi tya anyɔ ɔbɛɛ amuwɔ iwɔ, tsufe ɔkɔ ɔbɛɛ obu adɔpu amu féé badali sɔ. ²⁸Tame Paulo lɔkplɔn kɔkɔkɔv bla mu ɔbɛɛ, “Mábwe iwɔ tɔtɔ. Anɔ féé anɔv unv.”

²⁹Obu adɔpusv ɔkɔpu amu leha bɔtsu ɔkandɛ ba mu, ɔlɔwa ɔsa wie obu amutɔ. Ifu de mu, sv ɔdekpinki kpakpakpa. Ɖleyeda akpawunu Paulo mua Silas ayabitɔ. ³⁰lɔv ɔlekpa amú dali yefite amú ɔbɛɛ, “Mɔ awie, ntɔ mbwe asa Bulu ɔhɔ mɔ nkpa?”

³¹Muv Paulo mua Silas bebla mu bɛɛ, “Hɔ Yesu gyi, menɔ Bulu ɔbɔhɔ fva fu woyitɔ aha féé nkpa.” ³²Muv bebla mua mu woyitɔ aha féé anɔ Wie Yesu asun wanklaan amu. ³³Onye-onye amu a, oyin amu leyia amú iwɔ nɔv amuv benya bre amuv bepiti amú atɔ amu. Ɖleha amú bɔbɔ mua mu woyitɔ aha amu asu unuv. ³⁴Obu adɔpusv ɔkɔpu anfi lɔpu amú ya mu woyitɔ, ɔleyeha benuna atɔ ha amú begyi. lɔnɔ mua mu woyitɔ aha féé bahɔ Bulu gyi sv a, anɔ lehe gyi amú.

³⁵Mú ɔyikehe a, asun agyipu amu bɔwa aha akɔtapu aku bɛɛ buyebɔla obu adɔpusv ɔkɔpu amu bɛɛ, osi aha amu abunati.

³⁶Mú sv oyin amu lebla Paulo ɔbɛɛ, “Asun agyipu amu bapv ɔme sɔsɔ mɔ bɛɛ, nsi fva Silas amlunati. Mú sv mɔnati iwɔlwiitɔ.”

³⁷Tame Paulo lebla aha akɔtapu amu aku ɔbɛɛ, “Bumegyi anɔ asun, tame banwen anɔ atɔ ɔbuntɔ. Romafɔ anɔgyi, tame bawa anɔ obu. Ntogyi sv bɔdekleá bési anɔ naintɔ? Ekekeke! Asun agyipu amu onuto bɔba bele anɔ.”

³⁸Aha akɔtapu amu beyinki yɔ yebla asun agyipu amu. Breá bonuá Romafɔ Paulo mua Silas bɔgyi a, ifu lehe kɔta amú. ³⁹Mú sv boyobwii ipa ha Paulo aná, bekpa amú dali yokokoli amú bɛɛ budali wulu amutɔ. ⁴⁰lɔv Paulo mua Silas benati yɔ Lidia woyitɔ. Befia apio ahogyipu amu unv, tɔv kpla amú, wa amú ɔwunlun asa benati.

Paulo Tesalonika Yɔ

17 ¹Breá Paulo mva Silas benati tsu unv bɔyɔ a, buna Amfipoli pú Apolonia awulusu beba Tesalonika. Yudafɔ ***ofiakpa** kv bu unv. ²Fɛ alí Paulo tɔbwe bregyibre a, ɔɔyɔ ofiakpa unv ɔkpɔnɔ ɔɔake, mva amúnɔyɔ bɔyɔ Bulu asun wanlinhe amutɔ. Ɖɔbwe mú alí tse sa sɔɔn. ³Ɖlele Bulu asun amutɔ suna amú, dúnka ibwi músv ɔbee, “Ilehian ání Kristo, (ɔha amuv Bulu lada mu ofuli amv), obówun iwɔsɔn wu, lakɔsv tsu afulitɔ.” Ɖɔyɔ mu asun amuvsv ɔbee, “Yesu anfi nde mu iwɔ asun bli anfi gyi Kristo amv nɔ.” ⁴Paulo asun anfi lɔwankɔ Yudafɔ amutɔ akv. Mú sv bobuo mva Silas. Alí ken Grikifɔ Bulu asumpu pú atsiá obú bu amúsv tsɔtsɔɔtsɔ ɛ bobuo amú nɔ.

⁵Lnɔ leha Paulo mva Silas iwɔ lɔwa Yudafɔ amv olu. Mú sv bekpa aha lalahe akv buo iwɔ tsu brɔnɔsv, bɔpɔ aha tsɔtsɔɔtsɔ yehan agywun wulu amutɔ. Betsii yɔ oyin ɔkúá buteti mu Yason woyitɔ, bude Paulo mva Silas dúnka abubutia amú ba ɔɔɔm amv ansitɔ. ⁶Tame bɔmowun amú. Mú sv bebɔtta Yason mva ahogyipɔ amv akv ya wulu ahande ansitɔ, bude okitikiti bee, “Aha anfi na bude agywun han ɔyitɔ féé nɔ. Bawie nfi, ⁷Yason lahɔ amú yai mu woyitɔ. Amú féé budekɔsv lu Roma Owie Dehen mblasv. Tsufe bude aha bla bee, owie bamba ɔkv bu unv, mu ida gyi Yesu.” ⁸Breá wulu ahande pú ɔɔɔm amv bonu asun anfi a, ilehɛ han amú. ⁹Tame bebɔti Yason mva mu aba amv tsɔ, beka ikɔ, ka ntam bee bɔmɛtra han agywun, besi amú benati.

Paulo Mva Silas Beroia Yɔ

¹⁰Besi owi leta, ahogyipɔ amv beha Paulo mva Silas benati yɔ Beroia wulutɔ. Benya wie unv alí, bɔyɔ Yudafɔ ofiakpa. ¹¹Yudafɔá bubu wulu anfitɔ botsula hɔ asun amv dɔn amúá bubu Tesalonika. Bɔpɔ ansigyí hɔ Bulu asun amv, tsia yɔ Bulu asun wanlinhe amutɔ ekekegyieke kɔ bee, ɔɔɔkwali Paulo de amú bla. ¹²Yudafɔ tsɔtsɔɔtsɔ pú Grikifɔ atsi múa ayin ání obú bu amúsv ɛ bɔhɔ asun amuvsv gyi. ¹³Yudafɔ amuv bubu Tesalonika amv bonuá Paulo layɔ ɔde Bulu asun amv ɔkan da Beroia. Lnɔ sv begya ɔkpa yɔ unv bude unvɔ amv agywun yinta. ¹⁴Ɖsasv, ahogyipɔ amv bele Paulo le wulu amutɔ ya ɔpɔ ɔnɔ, tame Silas mva Timoteo mú besi bubu unv. ¹⁵Aha amuv beyesi Paulo ɔkpa amv bekpa mu alí yowie Atene wulutɔ. Breá budeyinki a, Paulo lɔpɔ ɔme sɔsɔ Silas mva Timoteo ɔbee, bɔwa ɔsa bɔtu mu.

Paulo Atene Yɔ

¹⁶Breá Paulo lesi otsie ogyo Silas mva Timoteo Atene wulutɔ a, unv tsia lehɛ han mu. Tsufe olowun ání ikpɔ sɔɔn bu wulu amutɔ. ¹⁷Mú sv nɔ ɔyɔ Yudafɔ ofiakpa unv a, mva Yudafɔ pú Grikifɔ amuv bude Bulu sum amv butetsia le asuntɔ ha aba. Alí ken mva dɔnsv atsiapɔ ɛ betsia tɔi tsu mú iwɔ nɔ. ¹⁸Mva atiansipɔ akúá botsu Epikuro pú Stoak ɔpasuatɔ^d ba unv ɛ betsia bitɔ asun anfi. Amútsɔ akv befite bee, “Ntɔ ɔkan ɔnɔtsɔ ɔkapɔ anfi deda?”

Aha akv bele mú ɔnɔ bee, “Udebwe fe ikpɔ akv iwɔ ɔdetɔi tsu.” Tsufe Paulo de Yesu mva afulikɔsv iwɔ asun ɔkan da. ¹⁹Muv bekita Paulo, kpa mu ya

d 17:18 *Epikuro* ɔpasuatɔɔ bɔgyi aha akúá butebli bee, ilehian ání ansɔ bégyi anɔ. Fowu a, ɔlata. *Stoak* ɔpasuatɔɔ ɛ bee, mehian ání ansɔ bégyi anɔ dobidɔbu, awirehɔ ɛ mákuta anɔ dobi.

Areopago, igyi amú wulu ahande ofiakpa. Ahande amu bebla Paulo bee, “Anidekle anaa, futu tsu fu atosunahe pɔpwe amu iwɪ suna anɪ. ²⁰ Anumɔkɔnu asun anfi ki. Mú sv anidekle anaa, fule móto suna anɪ.” ²¹ Tsufe Atenefɔ pu afɔɔá bubu unv féé butamabwe tɔto dun asun ání ilaba nu pu mó bli.

²² Inu Paulo lɔkusu lu afiapu amu ansitɔ ɔbee, “Atenefɔ, nawun ání mlitɛhe tswe ikpi. ²³ Tsufe uná ndeki wulu anfitɔ féé a, nawun ntobi oduá mlitɔtswe. Nawun afɔɔɛ-ɔswɪ kuá bɔwanlun dinka mósv bee, ‘BULUÁ ANIMEYIN MU.’ Mú sv Bulu amuv mlidesum, mlimeyin mu ida amu iwɪ ɔkan ndeda suna mli a. ²⁴ Bulu lɔbwe ɔyi pu móto atɔ féé. Mɔgyi ɔsv múa asɪ Owie. ɔtamatsia ɔtswekpa ání anyankpusa ibi leyi móto. ²⁵ ɔtamadunka tɔto tsu ɔhaa wa, menɪ ibwe fe tɔku tehian mu. Tsufe mutɛha aha féé nkpa, ɔɛ pu togyitɔá itehian amú. ²⁶ Muleha mu aha féé belin tsu ɔbakule petɔ, ɔleha beklei wa ɔyitɔ féé. Muleha ɔmá kugyiku ɔtneá butsie pu breá bétsia yɔfɔn. ²⁷ ɔlɔbwe mó ali, menɪ nyankpusa obódunka mu wun mu. Tame teki ɔma tɔ anitɔ ɔkuku wa. ²⁸ Tsufe ɔku lebli ɔbee, ‘Bulu sv anutsie nkpa. Mu sv antekan iwɪ, anɪgyi alá anɪgyi.’ Fe alá mli ulɔ awapu aku bebli bee, ‘Bulu aha anɪ ɛ anɪgyi.’

²⁹ “Uná Bulu aha anɪgyi sv a, anumáki anaa, Bulu gyi fe tunkuá nyankpusa lapu sika pepe, sika fututu nte ibwi pwe mó alá odekle. ³⁰ Bumbi amu a, aha bumebi alá Bulu gyi. Bulu lobun ansibi mósv, tame sei mó a, alabla anyankpusa féé ɔbee, budamli kluntɔ. ³¹ Bulu lale eke yatá ɔbɔtsun ɔha amuv alale yai amuvsv gyi ɔyitɔ ɔhagyɔha asun ɔnɔkwali sv. Odekle ɔbee, aha bubúá ɔnɔkwali igyi. Mú sv ɔlɔkussa ɔha amu tsu afulitɔ nɪ.”

³² Iná Paulo lɔtɔ tsu afulikusu iwɪ sv a, aku bɔmɔsv mu. Tame amúto aku bebli bee, “Anidekle anaa, futra ba afubebli anɪ asun anfi ku ɛ.” ³³ Inu Paulo lɔkusu dalɔ ofiakpa unv. ³⁴ Tame aha kpalobi ku bɔhɔ Paulo asun amuvsv gyi, bobuo mu. Amúto ɔkule ida gyi Dionisio. Oletsia wulu ahande amutɔ. Mva ɔtsɪ ɔkuá butɛti mu Damari pu aha aku ɛ.

Paulo Korinto Yɔ

18 ¹ Inu ɔma a, Paulo lɔkusu tsu Atene yɔ Korinto wulutɔ. ² ɔlɔyɔtu Yudayin ɔkuá butɛti mu Akwila, bɔkwu mu Italia ɔmanti kuá butɛti mó Pontotɔ. Akwila mva mu ka Priskila beba Korinto unv mɔkuwa ɔpá. Tsufe alɪ bre amutɔ a, Roma Owie Klaudio lagya Yudafo féé le Roma wulutɔ. Paulo lɔyɔ amú wa. ³ Tati-obubi abwepu amú ɛ bugyi. Mú sv Paulo letsia amú wa, mva mɔnyɔ betsia bwe tati-obubi amu fe. ⁴ ɔkpunv ɔdake kugyiku a, Paulo tɔyɔ Yudafo ***ofiakpa** yeke Bulu asun amutɔ wanklaan suna Yudafo pu Grikifo amu, menɪ bóhɔ Yesu gyi.

⁵ Breá Silas mva Timoteo bɔsv Makedonia bɔtu Paulo a, olesi agyuma amu yɔ, pu Bulu asun amu ɔkanda koun bwe mu gyumagihe. Oletsia gyi adansie suna Yudafo amu ɔbee, Yesu gyi Kristo, (ɔha amuv Bulu lada mu ofuli amu) nɪ. ⁶ Tame bumɔhɔ mu asun amu. Bɔkusu lu mɔsv, sia mu. Mú sv Paulo lɔfwɪ ibi le amú asuntɔ, bla amú ɔbee, “Tsu nde puya a, nale ibi mli asuntɔ. Nɪ lowu mlidekle a, iba mli sv. Neyebli aha ání bumegyɪ Yudafo mboun Bulu asun.” ⁷ Inu sv Paulo ledalɔ Yudafo ofiakpa unv yetsia oyin ɔkuá butɛti mu Tito Yustus woyitɔ. Megyi Yudayin oyin amu gyi, tame ogyi Bulu osumpu. Mu woyi bu manta Yudafo ofiakpa unv. ⁸ Tame Krispuá ogyi Yudafo ofiakpa unv ɔhande mva mu woyitɔfo féé mó bóhɔ anɪ Wie Yesu gyi. Korintofɔ amu tsɔtsɔtsɔsv ɛ bohogyi, bóhɔ amú asu.

⁹Ɛke ɔku onye a, Paulo lowun atɔ. Múto a, aní Wie lebla mu ɔbee, “Mányá ifu. Yɔ mósu afɔda asun amu ɔkan wule. Mákpa ɔno bun. ¹⁰Tsufe mia fonyo na. Ɔhaa méetalɔ bwe fu tɔtɔ. Mí aha butso wulu anftɔ.” ¹¹Mú su Paulo letsia Korinto unv suna aha amu Bulu asun ofi ɔkule móa ifun.

¹²Breá Galio letsia Roma owie otsiakpa, ɔde Grikifo ɔsasi ɔmanti kuá buteti mú Akaiasu kí a, Yudafɔ amu bɔbwe ɔno-ɔkule, kíta Paulo, pu mu ya mu ansitɔ. ¹³Bee, “Oyin anfi de aha asokpan suna ɔbee, busum Bulu tsɔn ɔkpa ání ulokusu lu aní mblasusu.”

¹⁴Paulo lenya bwii ɔno ɔbee amutɔ alí Galio lebla Yudafɔ amu ɔbee, “Ní tsitsa nte lakpan ku oyin anfi labwe a, teki ibu aleá neyaa asu nu mlí asun. ¹⁵Tame uná ada pú mlí onuto mbla iwí asun iwí nwen mlidegyi su a, mliyo amlyebli mú. Mméegyí asun anfi odu.” ¹⁶Muv ɔleha begya amú le asun ogyikpa unv a. ¹⁷Aha amu féé bowuna kíta Sostene ání ogyi Yudafɔ ofiakpa unv ɔhande, da mu unv. Tame Galio motsu koku le móto.

Paulo Yinki Yɔ Antiokia

¹⁸Paulo letsia ahogyipu amu wa Korinto yɔfun bre ku. Muv ɔlekla amú, mva Priskila pú Akwila benati yɔ Kenkrea wuluto. Paulo lekpa mu nwan Kenkrea unv, pusuna ání alamɔ ntam kuá ɔleka ɔno. Muv botsu ntsusu-yibi pubɔyo Siria ɔmáto a. ¹⁹Breá bowie Efeso wuluto a, Paulo lenati si Priskila mva Akwila, yɔ Yudafɔ ofiakpa, mva Yudafɔ amu bude asuntɔ le ha aba. ²⁰Bokokoli mu bee, ɔtra tsia amú wa kpalobi, omotsula. ²¹Tame breá ɔdedali ɔyo a, ɔlebla amú ɔbee, “Ní Bulu lotsula a, néyinki ba mlí wa.” Inu olowie ntsusu-yibito tsu Efeso unv nati.

²²Breá ɔlekpí Kaesarea a, ɔlɔdu yɔ Yerusalem yeha ɔpasua amu tsia. Muv oleyinki kplí yɔ Antiokia a. ²³Oletsia Antiokia unv kpalobi. Mú ɔma a, ɔlenati unv beki Galatia pú Frigia ɔsulusu, ɔde akasipu amu Bulu asun bla, puwa amú ɔwunlin.

Apolo Bulu Asun Ɔkanda Efeso Móa Korinto

²⁴Alí bre amutɔ a, Yudayin ɔkuá buteti mu Apolo laba ɔbu Efeso wuluto. Bokwu mu Aleksandria, wuluá ibu Egipte ɔmáto. Oyin tɔi, oyin Bulu asun wanlinhe amu e wanklaan. ²⁵Bosuna mu aní Wie ɔkpa amu. Mú su Yesu iwí ɔnokwali amu bli tehte wa mu ansigyi. Tame Asu Ɔbɔpu Yohane *asubo amu pe oyin. ²⁶Apolo menya ifu. Ɔlɔwa klun suna atɔ Yudafɔ ofiakpa unv wanklaan. Breá Priskila mva Akwila bonu mu asun blihe a, bekpa mu ya woyito yosuna mu Bulu ɔkpa amu wanklaan dun alí oyin ya. ²⁷Breá Apolo lɔbwe agywun ɔbee, ɔbɔyo Akaiá ɔsulusu a, ahogyipu amu bɔwa mu ateto-ɔnlun. Bɔwanlin ɔwulu sɔs unv ahogyipu bee, buho mu wanklaan. Breá oloyowie unv a, ɔlehte bua aha ání una Bulu awitɔlesu bahɔ Yesu gyi. ²⁸Mva Yudafɔ amu begyi Bulu asun wanlinhe amu iwí nwen, ɔlɔtɔ le asuntɔ tumisu pugyi amúsu. Ɔlɔpu Bulu asun wanlinhe amu suna amúá Yesu gyi Kristo, (ɔha amuv Bulu lada mu ofuli amu).

Paulo Bulu Asun Ɔkanda Efeso

19 ¹Breá Apolo bu Korinto a, Paulo lɔdu yɔtsun ɔsusu awulusu bedali tii Efeso. Ɔlɔtu akasipu aku unv. ²Muv ɔlefite amú ɔbee, “Mlilenya Ɔye Wankhe breá mllohogyi?”

Bele mú ɔ̀nɔ̀ bɛɛ, “Anumɔ̀kɔ̀nu kɩ́á Ɔ̀ɲe Wankɩhe ku bu unv.”

³Paulo letra fute amú ɔ̀bɛɛ, “Asu mɔ̀mɔ̀ bɔ̀bɔ̀ mɩ́?”

Bele mú ɔ̀nɔ̀ bɛɛ, “Yohane asu amv bɔ̀bɔ̀ aní.”

⁴Paulo lebla amú ɔ̀bɛɛ, “Yohane lɔ̀bɔ̀ aha ání badamli kluntɔ̀ asu. Ɖ̀lebla amú ɔ̀bɛɛ, bɔ̀hɔ̀ ɔ̀ha amv obuo mu ɔ̀ba amvsv gyi. Mvgyi Yesu.”

⁵Breá aha amv bonu asun anfi a, beha bɔ̀bɔ̀ amú asu aní Wie Yesu idatɔ̀.

⁶Mú ɔ̀ma a, Paulo lɔ̀pɩ́ ubi dunka amú nwunsv, Ɖ̀ɲe Wankɩhe leba amúsv. Bebli ɔ̀bli bamba, bli Bulu ɔ̀nɔ̀ asun é. ⁷Amú f́éé bɔ̀bwe ayin duanyɔ̀.

⁸Paulo lelatsia yɔ̀ Yudafɔ̀ ofiakpa unv. Ɖ̀lɔ̀wa klun tɔ̀ le asuntɔ̀ suna amú tsra asa keke. Omenya ifu, mení bɔ̀hɔ̀ asun amv ɔ̀debli tsu Bulu iwiegyi twi amvsv gyi. ⁹Tame amú aku bɔ̀wa kluntɔ̀ odwin, bɩ́mɔ̀hɔ̀ mu asunsv gyi. Bɔ̀tɔ̀ wɔ̀ aní Wie Ɖ̀kpa amvsv Paulo de amú suna amv ahata unv. Mú sv Paulo lekpa akasɩ́pɩ́ amv nati, oletsia suna amú atɔ̀ oyin ɔ̀kúá buteti mu Tirano atɔ̀ ɔ̀kasɩ́kpa. ¹⁰Paulo losuna amú atɔ̀ nfinyɔ̀ keke. Mú sv Yudafɔ̀ pú Grikifɔ̀á bubv Asia ɔ̀mátɔ̀ f́éé bonu aní Wie asun amv.

Skewa Abi Asun

¹¹Bulu lɔ̀tsɩ́n Paulosv bwe ofula akpɔ̀nkpɔ̀nti ku. ¹²Aha bɔ̀kɩ́la mu adukubi pú mu iwɩ́sv atɔ̀ yedunka alɔ̀pɩ́sv, benya lɔ̀tsa, ɔ̀ɲe lalaha é ledali ahata.

¹³Yudafɔ̀ aku é bubv nsune unv bɩ́na budeki gya ***ɔ̀ɲe lalaha** le ahata. Bowa klun bɛɛ, bɔ̀pɩ́ aní Wie Yesu ida gya ɔ̀ɲe lalaha le ahata. Mú sv bɔ̀kplun wa ɔ̀ɲe lalaha bɛɛ, “Dali Yesu amvsv Paulo de mu twi asun ɔ̀kan da amv idatɔ̀.”

¹⁴Igyi ahapɩ́ ɔ̀hande ɔ̀kúá buteti mu Skewa abi yinhe abasienu letsia bwe unv.

¹⁵Èke ɔ̀ku ɔ̀ɲe lalaha lefite amú ɔ̀bɛɛ, “Nyin Yesu, nabí Paulo, mɩ́ é me, amendu mɩ́gyi?” ¹⁶Ɖ̀ha amvsv ɔ̀ɲe lalaha bu mvtɔ̀ amv lotu wie amó̀tɔ̀, da amú, tuti amú atadie f́éé. Luv amú f́éé bɔ̀pɩ́ amú yaya pú amú twi nɩ́ sɩ́ dali woyi amvtɔ̀. ¹⁷Yudafɔ̀ pú Grikifɔ̀á bubv Efeso unv f́éé bonu asun anfi. Ifu lekita amú. Mú sv bɔ̀pɩ́ obú ha aní Wie Yesu. ¹⁸Aha amvsv bohogyi amvtɔ̀ tsɔ̀tsɔ̀tsɔ̀ bele amú lakpan bli. ¹⁹Amó̀tɔ̀ aku bɩ́gyi oko alepɩ́. Botsu oko amv nwulv ba bɔ̀wa mú f́éé ogya aha ansitɔ̀ unv. Bobu amú nwulv amv ibia a, ulɔ̀bwe sika fututu mpɩ́m-aduenu (50,000)^e. ²⁰Lna aní Wie Yesu tumisv mu asun amv lenya ɔ̀kpa kleti wanklaan.

Demetrio Mva Mu Aba Uko Le Wa Efeso

²¹Asun anfi f́éé ɔ̀ma a, Bulu Ɖ̀ɲe amv leha Paulo lɔ̀bwe agywun ání ɔ̀bɔ̀yɔ̀ Makedonia pú Akaiá ɔ̀sulsv, f́ówun ɔ̀yɔ̀ Yerusalem. Mvsv ɔ̀lebli ɔ̀bɛɛ, “Ní nowie unv a, ilehian ání néyeki Roma wulutɔ̀ é.” ²²Mú sv ɔ̀lɔ̀wa mu abvapɩ́ abanyɔ̀, bɩ́gyi Timoteo mva Erasto sɩ́sɩ́ Makedonia. Mu onuto olesi tsia Asia ɔ̀mátɔ̀ kpalobi.

²³Alí bre amvtɔ̀ a, aní Wie Ɖ̀kpa amvsv bude aha suna amv sv asun kpɔ̀nkpɔ̀nti ku leda Efeso unv. ²⁴Oyin ɔ̀kúá ɔ̀tɔ̀bwe sika fututu atɔ̀, buteti mu Demetrio bu unv. Oyin anfi tɔ̀pɩ́ sika fututu bwe ɔ̀kpi yile Artemi^f ɔ̀tswekpa akusubiá ulɩ́lian mu ɔ̀tswekpa yile amv fé. Mva mu aba agyuma anfi ayɔ̀pɩ́ butenya kɔ̀ba tsɔ̀tsɔ̀tsɔ̀ tsu mó̀tɔ̀. ²⁵Ɖ̀leti mu aba amv pú aha ání butɔ̀bwe agyuma amv odu

e 19:19 Sika fututu mpɩ́m-aduenu (50,000) bɔ̀bwe ɔ̀bakule nfi lafakule-advasa (130) ukɔ̀ka.

f 19:24 Artemi gyi ɔ̀kpi kpɔ̀nkpɔ̀nti ɔ̀ku da.

fia. Muw ɔlebla amú ɔbee, “Mí apio, mliyin ání agyuma anfi su aní fée anulawa ale n. ²⁶Ye mlutse mlidenu, mlidewun tɔ́ Paulo debwe? Alata aha bla ta Efeso wuluto pú Asia ɔmáto fée fia ɔbee, ikpá aha bapu ibi pwe bomegyi tɔto. Alata aha ɔno mle ta, bude mu asunsu hogyi. ²⁷Megyí aní agyuma wule ibéyinta. Ohaa méetra bu ɔkpi tsihe Artemi ɔtswekpa yile amu. ɔkpi amu ida ε bɔfwí le ɔyito. Tame teki mugyi ɔkpiá aha fée butɔtswe Asia ɔmáto pú ɔyito fée n.”

²⁸Breá ɔdom amu bonu asun anfi a, benya ɔblo, sura okitikiti bee, “ɔkpi kɔnkpɔnti aní Efesofɔ ɔkpi Artemi gyi!” ²⁹Kpokiti leda wulu amuto fée. Aha amu bekita Paulo abuopu Gaio mu Aristarkoá botsu Makedonia, sɔ́ pu amú ya wulu ofiakpa. ³⁰Paulo onuto lekleá ɔbɔyo ofiakpa unu, ɔyɔtɔ kpla ɔdom amu, tame akasipu amu bumeha mu ɔkpa. ³¹Omá amuto ahande akɔnkpɔnti akvá bugyi Paulo anyawie ε ɔɔwa obi loyobwii ipa ha mu bee, ɔmáyo ofiakpa unu. ³²Kpokiti leda ofiakpa unu. Aní bee alí, aní ε bee alí. Amúto aha tsɔtsɔ-ɔto bumebi tɔ́ svá befia unu. ³³Yudafɔ amu aku bɔyo ofiakpa unu. Bowuta Aleksandro sɔ́ ɔbuntɔ, bude mu asun ání ɔyebli bla. Iní su Aleksandro lotsu ibi fua, ɔbee amule mú ɔno. ³⁴Tame breá bowun ání Yudayin ogyi a, belasura okitikiti, bli asun kuakule dɔnhwiri anyo keke bee “ɔkpi kɔnkpɔnti aní Efesofɔ ɔkpi Artemi gyi!”

³⁵Iní fée ɔma a, wulu ato ɔwanlɔpu leha ɔdom amu bekpa ɔno bun. Muw ɔlebla amú ɔbee, “Efesofɔ ayin, ma meyin ání Efeso nfi gyi aní ɔkpi kɔnkpɔnti Artemi pú mu ibwi amuv ɔlekpa tsu ɔsusu amu nwun?” ³⁶Ohaa má uná ɔbétali gyi asun anfi iwí nwen? Mlunya klun, mení mlumóoko mli. ³⁷Aha anfi mlɔlakpa ba nfi anfito ɔkuku mɔkowi tɔto tsu ɔtswekpa unu. Bumɔkubli asvansu kusu lu aní ɔkpi tsihe Artemis. ³⁸Tame ní Demetrio mu mu aba agyuma ayɔpu amu bee bubu ɔku iwí asun a, asun agyipu bubu unu, asun ogyikpa ε bu unu. Bétali pu asun amu ya unu kpebli mú. ³⁹Ní mlubu asun bamba ku tsia unito mú a, bétali yeblí mú ɔtune amuv aní fée anutefia gyi asun amu. ⁴⁰Tsufe ní anumeki wanklaan a, abénya asun ání anulahan wulu amu agywun nde. Ní befite aní ε a, anuménya asvansu pule mú ɔno.” ⁴¹Olenya bli asun anfi ta alí, ɔleha amú fée bedasan.

Paulo Yinki Yo Makedonia Múa Grikifɔ

20 ¹Kpokiti amu ɔma a, Paulo leba beti akasipu amu fée fia, tɔ́ kpla amú, wa amú atetɔ-ɔnlun. ɔlekla amú asa ɔlɔpu ɔkpa ɔyo Makedonia ɔsulusu. ²Oleki nsune unu ɔpasua amusu tɔ́ kpla amú asa olobowie Grikifɔ ɔsulusu. ³Oletsia unu tsra asa. Breá ɔlbwe agywun ɔbee, méfa ɔpu yo Siria ɔsulusu a, olowun ání Yudafɔ bude mu te abukita mu. Mú su ɔlbwe agywun ɔbee, mélayɔtsun Makedonia ɔsulusu. ⁴Aha ání bekpa mu ya unu gyi Beroiayin Sopater, ogyi Piro mu bi; Tesalonikafɔ Aristarko mu Sekundo pú Derbeyin Gaio; amúa Timoteo pú Asiafɔ Tihiko mu Trofimo. ⁵Alí aha anfi begyankpa yogyo aní Troa wuluto. ⁶Israelfɔ begyi amú ***Bodobodo Mátuhe** ***Nke** ɔma a, anletsia ntsusu-yibito tsu Filipi wuluto. Anulenatí nkena owito. Eke nusi a, anilɔbɔtu nkpa agyapu amu Troa wuluto. Aní fée anletsia unu nkensienɔ.

Eutiko Tsinki Tsu Lowuto

⁷Kwasieda, igyi ndawɔtswi amuto eke gyankpapu ntupwesu a, anulefia abégyi ato abato fe alá aní Wie losuna aní. Iníá Paulo dekleá ɔbénatí ɔyikehe

su a, ɔlɔtɔ kpla amú alu yeha ɔyinsine. ⁸Nkandɛ tsɔtsɔɔtsɔ bu ɔsusu obu amuu antlefa mótɔ amutɔ. ⁹Oyimbi ɔkúá butetɛ mu Eutiko lɔdu bian nfansri ɔnɔ, ɔde asun amu nu. Iníá Paulo lɔtɔ wa ɔpá su a, didi lowie mu, fɔru mu. Ɖlekpa tsu ɔsusu abansru sasi nfansritɔ unv beda ɔslutɔ. Breá boyotsu mu a, alawu féé. ¹⁰Muu Paulo lekpli yɔ unv, yemli bun musu, lata mu puta, bli ɔbɛɛ, “Opuni mátsii mli, ɔɛɛ bu mutɔ.” ¹¹Paulo leyinki du yɔ ɔsusu unv, muv mu aba amu nyɔ bebiabia bodobodo gyi. Ɖlɔyɔ mu tɔi amusu alu yɔfun ɔyikehe, ɔlenati. ¹²Muu aha amu bekpa kebi amu ya woyi a. Ansi lehɛ gyi amú ání ɔbu nkpa.

Paulo Troa Tsu Yɔ Mileto Wulutɔ

¹³Anlegyankpa yowie ntsusu-yibi amutɔ ayo Aso wulutɔ yotsu Paulo unv. Tsufe Paulo leha anu ibi ɔbɛɛ, ɔbɔtsun ayabitɔ ɔkpa ka tii unv. ¹⁴Breá ania munyɔ anleyefia aba Aso wulutɔ unv a, olowie ntsusu-yibi amutɔ, anlefa yɔ Mitilene wulutɔ. ¹⁵Anlenati unv ɔyikehe, anlɔkusu unv yowie Kio. Eke nyɔsi a, anlɔkusu unv yowie Samo wulutɔ. Mú eke sasi e a, anletra kusu unv yowie Mileto wulutɔ. ¹⁶Paulo mekleá obéyinta bre Asia ɔmátɔ. Mú su ɔmekpli Efeso wulutɔ, tsufe ɔdekɔsía ni ɔbétali a, obóyowie Yerusalem asa abugyi Pentekoste nke amu.

Paulo Efeso Ɖpasua Ahande Kla

¹⁷Breá antloyowie Mileto wulutɔ a, Paulo lowa abi sɔsi Efeso ɔpasua ahande ɔbɛɛ, bubu bɔtu mu. ¹⁸Breá ahande amu bebefia mu a, ɔlebla amú ɔbɛɛ, “Mliyin alíá mia mlinyɔ anlɔpotsia tsu eke gyankpapúá neba Asia ɔmátɔ. ¹⁹Mliyin alíá neba iwiasɔ yɔ agyuma ha mi Wie, pú alíá Yudafo bɔkusu lu musu, nowun ipian, su kuraa. ²⁰Mliyin ání mmɔpuv asun ání ibékpa mli nain mli breá neda Bulu asun amu ɔkan dunsu pú mli woyitɔ. ²¹Alíá nɔtɔi kpla Yudafo pú Grikifo féé mbeɛ, busi lakpan bwe abudamli ba Bulu wa, abubɔho anu Wie Yesu gyi.

²²“Sei anfi a, nɔyɔ Yerusalem, fe alíá Ɖɛɛ Wankihe labla mi. Mmeyin tɔá ibéba musu unv. ²³Tame múá Ɖɛɛ Wankihe tebla mi wulugyiwulusu, nyin gyi, asun wunhe pú obudi da gyo mi. ²⁴Tame mmotsu mú asunbogya. Mboun alíá nómɔ agyuma amuu anu Wie Yesu leha mi amu ɔnɔ. Agyuma amu gyi, nébla aha Bulu awitɔle asun wanklaan amu.

²⁵“Sei anfi a, nyin ání mli aha anfi nebeda Bulu iwiegyi iwɔ asun ɔkan mlitɔ anfitɔ ɔkuku méetra wun mi ekekekeke. ²⁶Mú su nde mli bla mbeɛ, ni mlitɔ ɔku menya nkpa ání itamata a, megyi mi su omenya. ²⁷Tsufe nabla mli togyitɔá Bulu dekle ɔbɛɛ, mlibi.

²⁸“Mú su mlitɔ mli iwɔ pú aha amuu Ɖɛɛ Wankihe lɔpuwa mli ibitɔ amusu wanklaan. Mlikpa Bulu ɔpasua amuu ɔleyat tsun mu onuto mu bi lowusu amu wanklaan. ²⁹Nyin ání nenati a, akúá bugyi fe nkpataku, bubu iyun bɛba bowie mlitɔ, da ɔpasua amu sain. ³⁰Mlitɔ aku o bɔkusu, damli ɔnɔkwali amu pubitia mlitɔ aku buo iwɔ. ³¹Mú su mlitɔa iwɔsu. Mlikaun ání netsia mli wa nfinsa sɔɔn, pu ansi-ntsú yiri iwɔ suna mli atɔ ɔpa onye.

³²“Mú su sei a, ndepu mli wa Bulu muv mu awitɔle asun amutɔ. Mu awitɔle asun amu iwa mli ɔwɔnlin, tha amludan, talɔ lu kinkin. Amlunya atɔ amuu ɔlehɛ yat ha mu aha amuu bamli mu kle amu. ³³Breá mbu mli wa a, mmepe

ansi ohaa sika pepe, mu sika fututu nte mu atoso. ³⁴Mu onuto mlyin ání mu ibi anfi nopyo agyuma nya toá ide mia mi aba amu hian féé. ³⁵Natsun okpa-gyiokpasu suna mli aliá mlópu ibi yo agyuma, pugyi aha ání iwí ma amú onln buale. Mlikaun aní Wie Yesu onuto asun blihesu. Obee, ‘Bulu toyula oha ání otekie ato dun oha ání butekie mu.’ ”

³⁶Breá Paulo lebli asun anfi ta a, muv amónyo féé beda akpawunu bo mpaí. ³⁷Amú féé bosu breá belata aba puta, kla aba. ³⁸Toá ulwa amú ahumiti gyi mú amvu oebli obee, muméetra wun amú ekekeeke amv. Besi mu okpa yowie opu onó, olowie ntsusu-yibito.

Paulo Yerusalem Yo

21 ¹Breá anlegyi nkla ta a, anlowie ntsusu-yibito, natí laa yo Ko wuluto. Eke nyosi a, anloyo Rodo. Tsu unv a, anleba Patara otsubuno. ²Anlenya ntsusu-yibi kuá yo Foinike otsubuno, anlowie móto. ³Breá ayó a, anlowun osulo kuá buteti mú Kipro sisi. Antlesi mú tswi bunasu ifon, tsun yo Siria omáto. Anleyekpli Tiro otsubuno, tsufe unv béle ntsusu-yibi amuto ato ni. ⁴Anlotu akasipu aku unv, anletsia amú wa nkensieno. Oye Wankihe lele suna amú obee, Paulo máyo Yerusalem wuluto. ⁵Ani nke lfon, anlotua aní okpasu. Breá antdenati a, akasipu amv, amú aka pú amú abi féé beyesi aní okpa alu yowie opu onó. Inu a, aní féé anleda akpawunu bo mpaí. ⁶Anlegyi nkla, anlowie ntsusu-yibi amuto pu ayó, amú e beyinki yo woyi.

⁷Anledinka opusu tsu Tiro alu bowie Ptolemai otsubuno. Breá anlowie unv a, anleyeha ahogyipá bubu unv itsia, anletsia amú wa ekewule. ⁸Oyi kehe a, anlokusu tsu unv ba Kaesarea otsubuno. Anloyoswu Bulu asun okan odapu Filipino woyi. Oyin anfi gyi aha abasieno amvu bele Yerusalem bee, butsa ahande agyuma yo amuto okule. ⁹Filipo bu abi tshe abana, bumokyo ayin wa ki. Bulu onosu atopu mu abi anfi bogyi. ¹⁰Anlegyi nke kpalobi unv. Eke oku Bulu onosu otopu Agabo lotsu Yudea omáto ba unv. ¹¹Olenya bowie laa alí olotsu Paulo osieto ofe kli mu onuto ibi pú mu ayabi. Mvu oebli obee, “Oye Wankihe obee, ‘Alí Yudafá bubu Yerusalem békli oha amvu obu ofe anfi, pu mu wa aha ání bumegyí Yudafá ibito ni.’ ”

¹²Breá antlonu asun anfi a, anta aha amvu bubu unv amv féé antloko-koli Paulo antaa, omáyo Yerusalem. ¹³Inu Paulo lefite aní obee, “Ntogyi sv mlidesu, mlilaha iwí lawu mi ali? Mi mú a, megyi kli amvu békikli mi Yerusalem amv pe nala iwí yat ha. Mboun nala iwí yat ání nówu aní Wie Yesu sv e.”

¹⁴Paulo onó lodon aní. Mó sv antlesi mu toí wa. Mvu anlebli antaa, “Iba móto alá aní Wie dekle.”

¹⁵Inu oma a, anlokula aní ato du yo Yerusalem. ¹⁶Anta Kaesareafó akasipu aku loyo unv. Bekpa aní ya oyin okuá buteti mu Mnason woyito bee, aswu mu wa. Akasipu agyankpapu amuto okule ogyi, otsu Kipro omáto.

Paulo Yerusalem Wie

¹⁷Breá anlowie Yerusalem unv a, ahogyipu amv bohó aní atuu. ¹⁸Oyikehe anta Paulonyo anleyeki Yakobo. Opasua ahande amv féé beba unv. ¹⁹Paulo lowa amú onó, oebli amú togyitoá Bulu latsun musu bwe aha ání bumegyí Yudafáto. ²⁰Breá bonu Paulo asun anfi a, amú féé bekanfu Bulu. Mvu bebla

mu bee, "Opio nu, Yudafo mpum-mpum aní badamli klwnto fée bude Mose mbla amuto kinkiinkin. ²¹Tame aku babla amú bee, fasuna Yudafoá bubu omá bambasu fée fee, bumágyi Mose mbla amusu. Oma e a, fee bumátun amú abi kete, bumágyi aní amandie esu. ²²Uwewewewe a, aha bónuá faba nfi. Nkali abóbwe tsu mú iwí? ²³Abébla fu tóá fubwe. Ayin abana akvá bubu anto baka ntam ha Bulu. Ilehian aní bógyura iwí. ²⁴Kpa amú ya, amlyogyura iwí. Ka amú atoyintahe fée íko, mení békpa amú nwun. Lni obéha aha fée bébíá futegyí Mose mbla amusu. Lni su fu iwí asun amuv bonu amu ima múto. ²⁵Anulawanlun owulu sasu ahogyipvá bumegyí Yudafo dodo. Anulwanlun aniaa, anlابلí aní bumágyi atogyiheá bapvha íkpi. Bumágyi obugya pú obwá bapusa m. Bumáwa atsu mba ayin asun e."

²⁶Mú su breá oyi leke a, Paulo lekpa ayin abana amu ya, mu amúnyo boyogyura iwí. Oloyo Bulu otswekpa unv yebli ekeá amú iwígyura amu íbómo on, obéba boba afódie ha amúto okugyioku.

Paulo Kita Bulu Otswekpa

²⁷Breá nkensieno amu iba bafun a, Yudafo akvá botsu Asia omáto bowun Paulo Bulu otswekpa unv. Odóm amuv bubu wunsunesu unv amu fée benya oblo Paulosu, bekita mu. ²⁸Bosura okitikiti bee, "Israelfo ayin, mlldali ba oo! Oyin amuv ona ode aha ato suna, yinta amú agywun amu ni. Mudekusu lu omá anfi, Mose Mbla pú Bulu otswekpa amusu ni. Alakpa Grikifo kuraa ba Bulu otswekpa wunsunesu nfi. Mú su alapv ifin da owankikpa amu." ²⁹Bebli mú alí, tsufe bowun Efesoyin okvá buteti mu Trofimo mu Paulo wulu amuto dodo. Lni su buki bee, Paulo lpuv oyin amu ya Bulu otswekpa unv.

³⁰Wulu amuto fée leda kpokiti. Aha bedali tsu amú woyito sri ba bekita Paulo. Bebita mu dal otswekpa wunsunesu unv, fin iban amu. ³¹Breá bude mu da, budekleá bómó mu a, oku leyebli Romafó isa akopv ohande obee, "Kpokiti lada Yerusalem wuluto." ³²Lunuv ohande amu lekpa isa akopv amu aku pú amú ahande aku besri yo unv. Odóm amu benya wun amú alí besi Paulo da. ³³Ohande amu lenati yotv Paulo, oleha mu isa akopv amu bekita mu, wa mu ikan anyo. Muv olefite aha amu obee, "Ma gyi oyin anfi? Nto alabwe?" ³⁴Odóm amu bude okitikiti, budetotv. Aku bee alí, aku e bee alí. Okitikiti amu onk lwa onlun. Mú su ohande amu mebi onkwaltá tbv asun amuto. Lni su oleha obee, bukpa Paulo ya isa akopv amu otsiakpa. ³⁵Breá bowie obu-onk otokpa a, odóm amu bude iyin wa. Mú su isa akopv amu botsu Paulo wa nkónko. ³⁶Aha amu fée bubuo Paulo, bude okitikiti bee, "Mliha awuna mo mu! Mliha awuna mo mu!"

Paulo lwi Onole

³⁷Breá bowie obu amu onk, bódu wie amú otsiakpa unv a, Paulo lebla ohande amu obee, "Nobwii ipa, mbla fu asvanku."

Ohande amu lefite mu obee, "Fotonu Grikí obli? ³⁸Mú su megýi fugyi Egyipteyin amuv oleha kpokiti leda bre kutv, olekpa aha amopv mpum-na (4,000) buo iwí ya *dimbisv amu ni?"

³⁹Lnu Paulo lele mú onk obee, "Yudayin ngýi mu mú. Tarsoá tbv Kilikia omáto bokwu ni. Megýi wulubito notsu. Nobwii ipa, ha mu ambla aha anfi asun."

⁴⁰ Lsa akəpu ɔhande amu leha mu ɔkpa. Mú su Paulo leyelu obu-ɔno ɔdukpa unu, bwe aha amu ibi bekasu. Inu lɔto diin. Mvu Paulo lebla amú asun *Hebri ɔblito ɔbee,

22 ¹“Mú asti, apio aba, mlyaa asu mú anle mú ɔno amlinu.” ²Breá bonuá Hebri ɔblito Paulo detɔ a, unu lɔto diin. Mvu Paulo lɔyo mu asunsu ɔbee,

³“Yudayin ngyi. Tarso wuluto bəkwu mú Kilikia ɔsulusu, tame Yerusalem nfi beyai mú. Gamaliel losuna mú anu anain mbla amu wanklaan. Nɔwa nsi Bulusum iwɔ, fe alɔ́ mli ε mlɔde mu sum nde. ⁴Nedunka aha ánɔ bɔna anu Wie ɔkpa anfisú. Nɔmɔ akv kuraa. Nekita amúto atsi múa ayin akv, kɔklu amú yɔtwsu obu. ⁵Bulu *igyí ɔhapu dehen pú Yudafɔ asun agyipu amu féé bétali gyi asun anfi iwɔ adansɛ. Amú wa nɔho ɔwulu tsu pu neya apioá bubu Damasko wuluto, mú anyekita alɔ aha amu wa amú ikan, pu amú ba Yerusalem, abubiti amú isu.

Paulo Klontadamli Iwɔ Asun Bli

(Gyumagyihe 9:1-19; 26:12-18)

⁶“Ekeá nɔpu ɔkpa nɔyo, neta Damasko wuluto wie ta, ibɔ́bwe fe ɔpa doduanyɔto a, ɔsawule pe, wanki kvá mú ɔno ihe bu ɔnlɔn, itsu ɔsusu lɔwanki wulu misu. ⁷Múa nówun a, nda ɔsuluto. Inu nonu ɔme kv. ɔme amu lefite mú ɔbee, ‘Saulo, Saulo, ntogyi su fudɔn misu ali?’ ⁸Inu nefite mbɛɛ, ‘Fu ma nɔ, Owie?’ Mvu ɔme amu lebla mú ɔbee, ‘Mú Yesu, Nasaretyin amvu fudɔn misu amu nɔ.’ ⁹Mú aba amvu múa amúnɔyo anina amu bowun wanki amu, tame bumonu asun ánɔ ɔme amu de mú bla. ¹⁰Nefite mbɛɛ, ‘Owie, ntɔ mbwe?’ Anɔ Wie lebla mú ɔbee, ‘Kusu, afuɔ Damasko wuluto. Bébɔa fu togyitɔ́ Bulu laha fu ɔbee fubwe.’ ¹¹Wanki amu ɔno bu ɔnlɔn. Mú su mmetra wun tɔto. Inɔ su mú aba amu lekita mú ibi, kpa mú ya Damasko wuluto.

¹²“Oyin ɔkvá buteti mu Anania, otenya Bulu ifu bu wulu amuto. Otegyi Mose mbla amusu wanklaan. Mú su Yudafɔ́a bubu wulu amuto féé buteti mu idayile. ¹³Oyin anfi leba belu mú ansɔto, bla mú ɔbee, ‘Opio Saulo, bwii ansibi afuɔki atɔ.’ Inusu mú ansibi lobwii, nowun mu. ¹⁴ɔlebla mú ɔbee, ‘Anɔ anain Bulu amu lele fu ya ɔbee, fubébu mu ape, afubu mu Bi Yile ɔbwepu amu, afonu mu ɔme. ¹⁵Tsufe féba begyi mu iwɔ adansɛ, bla aha féé asun ánɔ fonu pú múa fowun. ¹⁶Nto futra fugyo? Kusu kokoli anɔ Wie, afuha abubu fu asu, ɔfwɔ fu lakpan féé le.’

Paulo Bulu Asun ɔkanda ɔmátɔfɔto

¹⁷“Breá neyinki yo Yerusalem wuluto nde mpaɔ bɔ Bulu ɔswekpa unu a, nowun atɔ. ¹⁸Múto a, nowun anɔ Wie Yesu, ɔlebla mú ɔbee, ‘Wa ɔsa bwe, afudali Yerusalem nfi. Tsufe bumɔ́ho fu adansɛá fégyi tsu mú iwɔ.’ ¹⁹Inu nebla mu mbɛɛ, ‘Mú Wie, amú onuto buyin ánɔ netsia yo Yudafɔ ofiakpa yekita aha ánɔ bɔho fu gyi, da amú, wa amú obu. ²⁰Buyin ánɔ breá bɔmɔ fu ɔdansiyin Stefano a, mbu unu. Nelu amú ɔma mbɛɛ bumɔ mu, nɔho amu atadie kuraa kuta.’ ²¹Tame anɔ Wie lebla mú ɔbee, ‘Nati, nɔ́wa fu fɔyo tsutsuutsu, aha ánɔ bumegyi Yudafɔ wa.’”

²² Aha tsɔtsɔtsɔ amu beyaa asu nu Paulo asun blihe alu bɔto breá ɔlebli ɔbee, Bulu lɔwa mu aha ánɔ bumegyi Yudafɔ wa. Inu bɔsvra okitikiti

kukluku, bli bee, “Mule mu unu! lma aleá obétsia ósulú anftsu!” ²³ lnu bósura okitikiti, nya óblá, wáí amú atadte tswí tsalfwí, kpa ísí tswí wa afutó. ²⁴ Muv isa akópu óhande amu lebla mu aha óbee, “Mlukpa Paulo, amlípu mu ya mlí otsiakpa. Mlíputí mu ató óbl ónókwalí, abí tóá suá aha amu búde okitikiti súra mu nwunsu alí.” ²⁵ Breá beklí Paulo ta, bee abúda mu a, ólefite isa ókópu óhande ókúá ólu mu wa óbee, “Mbla leha ókpa ání mlíputí Romayin oduá bumókugyi mu asun, ha mu ípon ató?”

²⁶ Breá isa akópu óhande amu lonu asun anftí a, óleyebla mu óhande amu óbee, “Fakle afúse wulv manta wí. Saa Romayin oyin amu gyi olí?”

²⁷ Muv óhande amu leba Paulo wa, befite mu óbee, “Bla mí, lele Romayin fuyi?”

Paulo lebla mu óbee, “Romayin ngyi.”

²⁸ Muv óhande amu lebla mu óbee, “Mí mú a, íkó kponkponu neka asa nemli Romayin.”

Tame Paulo lebla mu óbee, “Mí mú a, Romayin onutonuto ngyi.”

²⁹ lnuv aha amuv bee, abúfite Paulo asun amu féé bedasaun. Ifu lekíta óhande amu onuto o, breá óleblá Romayin Paulo gyi asa alaha bawa mu íkan.

Paulo Yudafó Asun Agyipu Anstó Lu

³⁰ Oyikehe a, óhande amu lekleá óbébí tóá Paulo lóbwe, su Yudafó búde asun kla dinka musu. Mú sv óleha bówó mu le íkan amutó, óleha betí Bulu igyi ahapu dehen pú Yudafó asun agyipu amu befia. Muv óleha bekpá Paulo belu amú anstó.

23 ¹ Paulo lotsu anstí kí Yudafó asun agyipu amu diin. Muv ólebla amú óbee, “Mí apio Israelfó, nyin mí kluntó ání mmókutsia nkpa lalahe Bulu anstó bótó ndé.” ² Muv igyi óhapu dehen Anania lebla aha amuv bulu manta mu amu óbee, búda mu ónosu. ³ lnu Paulo lebla mu óbee, “Fv Bulu óbéda. Fabwe wí fe buntíá bakpa mú afa fututu, fabetsia así fee fópú Mose Mbla gyi mí asun. Fúde aha bla fee, búda mí anstó. Fv mú megyi mbla amu fatun a?”

⁴ Aha akúá bulu manta Paulo befite mu bee, “Bulu igyi óhapu dehen fudesia alí a?”

⁵ Paulo lebla amú óbee, “Mí apio, mmeyin mbée, mvgyi Bulu igyi óhapu dehen. Tsufe bówanlun wa Bulu asun amutó bee, ‘Máblí óha ání óde fv ómáso gyi wí asun lalahe.’ ”

⁶ Breá Paulo lowun ání Yudafó asun agyipu amutó aku bugyi *Sadukifó, aku é bugyi *Farisifó a, ólósura okitikiti asun ogyikpa unu óbee, “Mí apio, mí anftí nlu a, Farisiyin ngyi. Mí anain é a, Farisifó bugyi. Mí é nohogyiá awupu bélakusu. Mú ndeblí sv bakpa mí ba asun ogyikpa nftí nu.”

⁷ Olenya bli alí pe, aha tsótsótsó amutó leye anyó. Farisifó amu pú Sadukifó amu bowa aba nwengyi bí. ⁸ Tsufe Sadukifó buteblí bee, kusv tsu afulitó kuku uma unu. Bulu-abópu pú óhe lalahe kuku é ma unu. Tame Farisifó mú bohogyiá uní féé bv unu. ⁹ lnu leha nwen amu ónó lehie wa ónlun. Mbla asunapúá bugyi Farisifó bókusu lu bli bee, “Anumókowun tsitsa kuku oyin anftí wí. Fialí óhe ku nte Bulu-ókpú óku lebla mu.”

¹⁰ Nwen amu ónó lehie wa ónlun, idekle imlí íkó. lnu isa akópu óhande amu lenya ifuá bóbwe tutí Paulo. Mú sv ólebla isa akópu amu óbee, “Mlíwa ósa kpa mu ya mlí otsiakpa unu.”

¹¹Mó onye a, aní Wie lebelu Paulo wa, bla mu óbée, “Wa klón! Alí anfi fagyi mí wí adanste Yerusalem nfi a, alí ken foyegyi mó Roma wuluta é ní.”

Paulo Mò lwi Agywuun Kita

¹²Mó òyikehe a, Yudafo amu aku befia, kita Paulo wí agywuun. Beka ntam beé, ní bumàkumò mu buméegyi atò, bumóonun ntsu. ¹³Aha amuv beka ntam amu budun advana (40). ¹⁴Bòyò Bulu igyi ahapu dehen pú Yudafo ahande wa, yebla amó beé, “Anulahiè ka ntam aníaa, ní anumàkumò Paulo anuméeda tótò ònò. ¹⁵Mó sv tóá anidekle aníaa, fva Yudafo asun agyipu amu mlíbwé ha aní gyi, mlúki anstí wa abi sístí isa akòpú òhände amu mlíaa, òpú Paulo ba, amlílanu mu asuntò. Anulada iwísw aníaa, obótsutsua obowie nfi anílamò mu.”

¹⁶Paulo mu bitèpú òkú lonu asun anfi féé. Mó sv ólesrì yò isa akòpú otsiàkpa unv yowí tsa Paulosu. ¹⁷Ínu Paulo letí isa akòpú òhände òkú, bla mu óbée, “Kpa óyasubí anfi ya mlí òhände wa. Óde asvankú, óbébla mu.” ¹⁸Ísa akòpú òhände amu lekpa óyasubí amu ya amó òhände wa, yebla mu óbée, “Obu ódípú Paulo óbée, nkpa óyasubí anfi ba fu. Óde asvankú, óbébla fu.”

¹⁹Òhände amu lekita óyasubí amu íbì, kpa mu ya útsetò yefite mu óbée, “Amansv fubvá fébla mí?”

²⁰Óyasubí amu lebla mu óbée, “Yudafo ahände babwe agywuun beé, bépina wa abi fu wa beé, fukpa Paulo ba obówun amó òké, abulanu mu asun amutò wanklaan. ²¹Tame máhò músv gyi, tsufe amó ayin aní budun advana (40) beé, béngain òkpatò gyo Paulo, mò mu. Amó féé baka ntam beé, tótò mééda amó ònò, kpèfvn bréá bamò mu. Fu nkulè bugyo sei aní fótsula kpa mu ba.”

²²Muv òhände amu leda óyasubí amu óla óbée, “Máyebla óhaa féé, fawí asun anfi tsa músu.” Olesi mu òkpa.

Paulo Le Ya Kaesarea

²³Ínu òhände amu letí isa akòpú ahände abanyò, ólebla amó óbée, “Mlúe isa akòpú lafanyò (200), mpònkòsv adunkapú aduesienò (70) pú pía atswípú lafanyò (200) abukòsv onyenti dokwebatò yò Kaesarea. ²⁴Mlíha Paulo mpònkò, odunka amósv yò. Mlúkpa mu, amlíha mu oyowie ómásv ogyípú Felike wa písií.” ²⁵Òhände amu lówanlun ówulú manta músu óbée,

²⁶“Mí Klaudio Lisia de ówulú anfi wanlun sístí fu, ómásv ogyípú onumnyampú Felike. Nde fu ítsia ha. ²⁷Nde fu íbì ha aní Yudafo lekita oyin anfi, budekleá bómmò mu, tame mía isa akòpú tsòtsòtò anílòyòhò mu le amó íbì. Tsufe nonuá Romayin ogyi. ²⁸Ndekle mbée, nébì tóá ólóbwe. Mó sv nòpú mu ya amó Yudafo asun agyipu anstò. ²⁹Ínu nowun aní amó mbla wí nwen budegyi. Mó sv ómòkubwe lakpan kukuá bómmò mu, nte bówa mu obu. ³⁰Tame òkú laba bowí tsa músu óbée, Yudafo amu aku babwe agywuun beé, bómmò mu. Ínu nóbwe agywuun mbée, nòpú mu sístí fu. Nabla mu anyaba amu é mbée, búpú amó asun ba fu. Nafv nfi. Neha fu ítsia gyagyagya.”

³¹Ísa akòpú amu bóbwe dinka amó òhände asun blihesu. Onye-onye amu bekpa Paulo kònkònkòn alu yowie Antipatrí wuluta. ³²Bréá óyí leké a, beha mpònkòsv adunkapú amu bekpa mu ya Kaesarea, ayábítò anatípú amu beyinkí yò amó otsukpa. ³³Bréá mpònkòsv adunkapú amu boyowie unv a, bòpú Paulo pú ówulú amu wa ómásv ogyípú amu íbítò. ³⁴Ómásv ogyípú amu lekla ówulú amu, ólefite Paulo óbée, “Nkònu yin fuyi?” Bréá ólebítá Kilikia ómátò Paulo

otsu a, ³⁵ ɔlebla Paulo ɔbee, “Ni fu anyaba amu beba a, nónu fu ɔno asun.” Inu ɔlebla amú ɔbee, bɔpu Paulo yɔwa Owie *Herode woyitɔ, abugyo mu iwɔ.

Paulo Ɖɔntɔn

24 ¹ Nkenu ɔma a, igyi ɔhapu dehen Anania mua Yudafo ahande aku pú Mose mbla ɔbɔpu ɔkuá bɔteti mu Tertulo beba Kaesarea. Beba bekla asun ání bubu tsu Paulo iwɔ suna ɔmásv ogyipu Felike. ² Beti Paulo belu. Mu Tetulo lekla mu asun ɔbee,

“Onumnyampɔ Felike, faha iwilwii laba ɔmá anftɔ. Fu nyansa lala atɔ tsɔtsɔtsɔ bwe anɔ ɔmá anftɔ. ³ Fu bwehe legyi anɔ anɔ ɔtunegyiotɔne. Fude atɔ bwe. ⁴ Mmedekle mbɛɛ, néyinta fu brɛ tsɔtsɔ. Mú sv nokokoli fu, nya klɔn ha anɔ, afɔnu anɔ asun tinbi anftɔ. ⁵ Anɔlawun ání atɔ oyintapu oyin anftɔ gyi. Ɖteha kpokiti tɛda Yudafo ɔyitɔ ɔtunegyiotɔneá ɔtɔyɔ. Ɖtra ogyi Nasaret ɔpasua amu Bulu igyi ɔhapu. ⁶⁻⁷ Alakle ɔpu ifin da Bulu ɔtswekpa inu, asa ɔkla ogya anɔlekita mu. ⁸ ⁸ Ni fu onuto fɛfite mu a, fówun ání asun anftɔ anɔdeblɔ tsu mu iwɔ anftɔ fɛé bu mútɔ nte uma mútɔ.” ⁹ Inu amu fɛé botsula músv beɛ, asun amuv alablɔ amu bu mútɔ.

Paulo Ɖɔnɔle Felike Ansitɔ

¹⁰ Ɖmásv ogyipu Felike lɔbwe Paulo ibɔ ɔbee, ɔle mú ɔno. Inu Paulo leblɔ ɔbee,

“Nyin ání fude asun gyi ɔmá anftɔ ulawa ɔpá. Inu sv ibu mi ɔdweá néle mi ɔno fu ansitɔ. ¹¹ Nobwii ipa, fétalɔ fite nu ání ibu mútɔá nɔyɔ Yerusalem yosum Bulu, imɔkudɔn nke duanyɔ. ¹² Mi anyaba anftɔ bumowun mia ɔhaa agyi nwen Bulu ɔtswekpa inu. Bumowun mi anha kpokiti ida Yudafo ofiakpa kuku nte ɔtinetune wulu amutɔ. ¹³ Buma asvansvá bɔɔpugyi adansɛ ání amú asun anftɔ bu mútɔ. ¹⁴ Tame natsula ání ntosum anɔ anain Bulu tsɔn anɔ Wie Ɖkpa amuv bude mú ti ɔpasua lalahe amuvsv. Nɔhɔ Mose Mbla amu pú múá Bulu ɔnɔsv atɔɔpu amu bɔwanɔn tswɔ ɛ fɛésv gyi. ¹⁵ Nde ɔkpa kɔ fe altá amú ɛ bude ɔkpa kɔ ání Bulu ɔbɔkusva aha yile pú aha lalahe fɛé tsu afulitɔ eke kv. ¹⁶ Inu sv ntɔbɔ mbɔdúá mi klɔn méetsia ha mi pɔn Bulu mua anyankpusa fɛé ansitɔ bregyibre.

¹⁷ “Iníá nedalɔ Yerusalem ulawa ɔpá a, nayinki ba inu, napu atokiehe neba mi aha abɔɔpɔha ahianfɔ, mi anha Bulu igyi. ¹⁸ Mú ɔbwekpa mbu Bulu ɔtswekpa inu. Breá nɔgyɔra iwɔ ta amandɛ amu ɔno a, beba bɔtu mi inu. Megyi mia ɔɔm kuku lɔyɔ inu. Kpokiti kuku ɛ meda inu. ¹⁹ Yudafo aku botsu Asia ɔmátsɔ ba bubu inu. Ni nɔbwe itɔ lalahe kv a, teki amú kuraa ɔbéba bebla fu, mia amúnɔyɔ abéblɔ mú. ²⁰ Ni ubówa alɛ kuraa a, ha aha anftɔ onuto abubɔlɔ tsitsa oduá Yudafo asun agyipu amu bowun mi iwɔ, breá bɔpu mi ya amú ansitɔ. ²¹ Asun kuakule peá nɔkplɔn blɔ breá nlu Yudafo asun agyipu amu ansitɔ gyi, ‘Mlɔde mi asun gyi ndɛ, tsufe nohogyiá awupu belakvsv tsu afulitɔ.’ ”

²² Iníá onumnyampɔ Felike yin anɔ Wie ɔkpa amu wanklaan sv a, olotu asun amu hɛ. Ɖleblɔ ɔbee, “Ni isa akɔpu ɔhande Lisia ɔba nftɔ a, nówun altá

g 24:6b-8a Inu bu nwɔlv dada amu akvtsɔ: Anɔlɔbwe agyiwun ání abɔpu anɔ onuto mbla gyi mu asun. Tame isa akɔpu ɔhande Lisia lɔpu mu tumi bɔhɔ mu le anɔ ibitɔ. Mú ɔma a, ɔlebla anɔ ɔbee, apu mu asun ba fu.

nómw asun amu ñw.” ²³ Ìlebla isa akòpυ ñhande amu ñbee, ogyo Paulo iwı wanklaan, ñha mu otsia iwılwııt. Ñha mu aba ñkpa abuki musu.

Paulo Felike Mva Mu Ka Drusila Anstı Lu

²⁴ Nke kpalobi ku ñma a, Felike mva mu ka Drusila ání ogyi Yudayintse beba. Felike leha beyekpa Paulo ba, ñlóbótı tsu mu hogyiá ñbu Kristo Yesutı iwı suna amú. ²⁵ Tame bréá ñdetı tsu yilebwe, iwısuıgyi pú Bulu asun ogyike amuı iba amu iwı a, ifu lekuta Felike. Mú sv ñlebla Paulo ñbee, “Ku yinki asa. Nanya bre wanklaan ku a, nélatı fu.” ²⁶ Bre amutı fée Felike lekı ñkpa ání Paulo obódunka tıku beha mu ñw. Mú sv ıbu nu bu unu a, alapina wa abi bayeti Paulo, mva munyó batı.

²⁷ Nfınyı ñma a, Felike lenati. Porkio Festo lebetsia mu obiasu. Inıá Felike dekle ñbee, mu asun iwa Yudafı amu ñdwe sv a, olesi Paulo wa obu nati.

Paulo Roma Owie Wa Yo

25 ¹ Ñmásv ogyıpv Porkio Festo lebetsia obiasu Kaesarea. Mú eke sasi a, ñlodu yo Yerusalem. ² Inu Bulu *igyi ahapı dehen pú Yudafı ahande aku ñpıv Paulo iwı asun yotswı mu anstı. ³ Bóbwe agywun ání bóıwa obun ñkpatı, mıw Paulo. Mú sv ñyókılu Festo bee, pıv Paulo ba Yerusalem. ⁴ Tame Festo lebla amú ñbee, “Paulo da obu Kaesarea wulutı dodo. Inıóıwa ñpá mı e néyinki yo unu. ⁵ Mıha mıı ahande amu aku abıbuo mı yo unu, abıyebı tsitsa odıá alabwe.”

⁶ Festo letra tsia Yerusalem nkekwe nte nke du asa oleyinki yo Kaesarea. Olowie unu a, ñlwa ñyıpıv Paulo ba, oletsia asun amısv oyıkehe. ⁷ Paulo lenya wie unu alı, ahande amısv botsu Yerusalem ba amı bekania mu, kla asun tsotıwıtı dınkı musı. Tame bumetalı nya tıtı pusuna ání asun amı ıbu móı. ⁸ Musı Paulo lele mú ñw ñbee, “Mmókıtın Yudafı mbla kuku, nte bwe tıku pı ifın da Bulu otıwekpa amı nte pı lalahe kuku e gyi Roma owie dehen.”

⁹ Festo dekle ñbee, mu asun iwa Yudafı amu ñdwe. Mú sv ñlefıte Paulo ñbee, “Fıdekle fee fııyo Yerusalem, mı anyegyı fu asun unı?”

¹⁰ Paulo lele mú ñw ñbee, “Roma Owie Dehen asun ogyıkpa nıı. Nfı ilehian ání bégyı mı asun. Fu onuto fuyın ání mmókııbwe Yudafı tıtı. ¹¹ Nı natın mbla, ilehian lowı a, mmókıtın ñkpa mbée bumámı mı. Tame nı asun anfı Yudafı babı dınkı mısv anfı ıma múıtı a, ñhaa má ñkpa ání ñbıpı mı wa amú ıbıtı. Mú sv mú bıpv mı asun ya Roma Owie Dehen onuto ogyı mú.”

¹² Inu Festo mva mu ahande ñyo abrıwa wa. Musı ñlebebla Paulo ñbee, “Fu onuto fee, Roma Owie Dehen ogyı fu asun. Mú sv abıpıv fu ya mu wa.”

Festo Agripa Paulo Iwı Ason Bla

¹³ Nke ku ñma a, Owie Agripa mva Berenike beba Kaesarea. Beba beha Festo nwunkpa. ¹⁴ Betsia unu wa ñpá. Mú sv Festo lebla amú Paulo iwı asun. Ñbee, “Felike lıwa oyın ñku obu nfı, olesi mu wa nati. ¹⁵ Bréá ñyo Yerusalem a, Bulu igyi ahapı dehen pú Yudafı ahande beba beblı asun tsotıwıtı dınkı musı, bla mı bee nha mu ıpın, abımıw mu. ¹⁶ Tame nebla amú mbée, ‘ıma anı Romafı amandıetıá béha ñku ıpın, nketı mva mu anyaba bafia gyı asun.’ ¹⁷ Mú sv ekeá mıa Yudafı amı anılobowie Kaesarea nfı a, mmesi wa obiıtı. İyı kehe kotoo néha ñyıpıv oyın amı ba, netsia asun amısv. ¹⁸ Nkı mbée, mu anyaba amı bényıa

tsitsa ku tsu mu iwi, tame bumenya. ¹⁹Mboun amó Bulusum pó Yesu ókuá alawu tsun, tame Paulo óbee, ótra otsie nkpa iwi asun budebúti. ²⁰Mú su mmowun alá nójy asun amúto. Nefite Paulo mbee, obótsula abuyó Yerusalem yegyí asun amu unu. ²¹Tame óleblí óbee, mudekleá mu asun iyó Roma Owie Dehen ansító. Mú su néha bówa mu obu yófun breá nójy mu sísi Roma Owie Dehen.”

²²Muu Agripa lebla Festo óbee, “Mí é ndekle mbee, nónu asun anfi tsu mu onuto óto.” Festo lebla mu óbee, “Óke néha bójy mu ba, óbéle asun amúto suna fu.”

Paulo Agripa Ansító Lu

²³Óyi kéhe a, Agripa mu Berenike behúte iwi, isa akópu pó wulu ahande bobuo amó ba. Festo leha bekpa Paulo ba unu. ²⁴Muu óleblí óbee, “Owie Agripa mu aha ání bafia nfi féé, mlilawun oyin anfi ólu? Yudafóá bubu nfi pó Yerusalem féé bójy mu asun ba mi. Bee, mehian ání óbétra tsia nkpa. ²⁵Breá nójy asun amúto a, mmowun tóá alabwe su bómó mu. Tame mu onuto óbee, mpu mu asun ya Roma Owie Dehen. Mú su nabwe agywun mbee, néha bójy mu ya. ²⁶Tame mmowun tsitsa kóku mu iwíá nójwanlun manta musu bójy mu ya. Mú su nakpa mu ba mlí ansító ni, titriu fu Owie Agripa. Ndeklaé atete asun amúto, ótneá ileyeyi a, mi anya asvanku wanlun sísi mu. ²⁷Tsufe nawun ání ima alá bójy obu ódipú sísi, bumówanlun tóá alabwe manta musu.”

Paulo Iwi Ónóle Agripa Ansító

26 ¹Muu Owie Agripa lebla Paulo óbee, “Naha fu ókpa. Kusu le fu óto.” Paulo lotsu íbi fua, le mú óto óbee,

²“Owie Agripa, nawun ání ókla lawa mi ogya nlu fu ansító, nde mi óto le tsu asun anfi Yudafó bakla dínka misu anfi iwi. ³Móá íbu ansigyí kuraa gyí, fuyin Yudafó amandé pó tóá butegyí mú iwi nwen féé. Inu su kokoli, nya klun afunu mi óto.

⁴“Yudafó féé buyin mi tsiato. Buyin alá nójytsia mi ómáto tsu mi nyebito pó alá nójytsia Yerusalem wuluto. ⁵Amú féé buyin mi dodoodo. Ni budekla a, amú onuto bétali bla fu ání Farisiyin ngiyi wanklaan. ***Farisifo** é butegyí Yudafó Bulusum mbla amusu wanklaan óun ópasua kugyiku. ⁶Tóá suá nde nlu nfi, fude mi asun gyí gyí, nde ókpa kíá Bulu óbóbwe dínka mu asun amu óleka mú iwi ntam ha aní anain amusu. ⁷Aní abusuan duanyó amu féé bójy aní dínka ntam anísuvá íbéba múto ha amó. Mú su bude Bulu sum ekekegyíke ni. Nanain, ntam anfi su Yudafó bude asun kla dínka misu ni. ⁸Ntogyi su mlí Yudafó anfi mú mlímetalí hogyiá Bulu óbétalí kusua aha tsu afulító?

⁹“Teki mi o nohogyiá nóbwe togyitóá nétalí putin Yesu Nasaretyin amu gyumagyihe ókpa. ¹⁰Inu gyí tóá nóbwe Yerusalem ni. Bulu igyi ahapu dehen amu beha mi tumi bee, nkita Bulu aha amu tsuwi obu. Ni bómó amú é a, mi é ntotsula mbee, bumó amú. ¹¹Netsia yó Yudafó ofiakpa kugyikuto, nteha butekita amú, bití amú ísu, hie amú butebli Yesu iwi abususu. Amú iwi óblo su ntedínka amúsu yó ómá bambasu yekita amú, bití amú ísu.

Paulo Uklóntódamli Iwi Asun

(Gyumagyihe 9:1-19; 22:6-16)

¹²“Mú ókpa eke óku Bulu igyi ahapu dehen amu beha mi, nójy Damasko wuluto yóbwe ni. ¹³Breá nna ókpató nójy a, Nanain, íbwe fé ópa doduanyóto,

wanki ku lwanki tsu ɔsusu wuli misu. Lwanki dun owi. Lwanki wuli mia mi aba amuu anina amusu. ¹⁴ Luvu ani féé anleduda. Nonu ɔme ku *Hebri ɔblitɔ ɔbee, ‘Saulo, Saulo, ntogyi su fodun misu ali? lwi tɔi fodewa.’ ¹⁵ Mvu nefite mbee, ‘Owie, fu ma ni?’ Mvu ani Wie lebla mi ɔbee, ‘Mi Yesu ni. Misu fodun ni. ¹⁶ Nabele iwɔ ɔwan suna fu, menti fɔbwe mi osumpu. Kusu, afuyebila aha tɔá fawun tsu mi iwɔ nde, pú mɔ́a néle suna fu. ¹⁷ Nɔ́ko ho fu tsu aha amuu nde fu wa sisi, bɔgyi fu onuto aha Yudafo pú amɔ́a bomegyi Yudafo ibitɔ. ¹⁸ Fóbwii amú ansi, bédalu tsu okluntɔ ba wankitɔ. Féle amú tsu *Satan tumi asɔ ba Bulu wa, menti obési amú lakpan kie amú, fówun bénya otsiakpa aha amuu Bulu latsun amú hogyisu bwe amú mu aha amutɔ.’

Paulo Gyumagihe lwi Asun

¹⁹ “Nanain Agripa, unɔ su nɔbwe dinka atɔ amuu nowun, itsu ɔsusu amusu. ²⁰ Gyankpavu a, nɔyɔ Damasko wulutɔ. Mú ɔma a, nɔyɔ Yerusalem pú Yudea ɔmáto féé. Nɔyɔ aha amuu bomegyi Yudafo amu ε wa. Neyebila amú mbee, busi lakpan bwe, abudamli ba Bulu wa, abutsia tsiatɔá ilosuna áni badamli kluntɔ. ²¹ Luvu su Yudafo amu bekita mi breá mbu Bulu ɔswekpa unu bee, bómo mi ni. ²² Tame Bulu de mi kpa alu bɔfun nde. Mú su nlu nfi nde, nde mli nyebi-ahande féé tɔá nawun bla ni. Asun áni Mose mua Bulu ɔnɔsu atɔɔpu amu bebli bee, ibéba mótɔ ken ndeblu. ²³ Bee, ‘Ilehian áni Kristo, (ɔha amuu Bulu lada mu ofuli amu) obówun iwɔsun wu, menti ɔbɔbwe ɔha gyankpavá ɔbókusu tsu afulitɔ. ɔbɔpu wanki ba Yudafo pú aha áni bomegyi Yudafo e.’ ”

²⁴ Breá Paulo lebli unɔ a, ɔmásu ogyipu Festo lɔkplɔn wa Paulo ɔbee, “Paulo, fu nwun layinta! Fu ɔwulubi dubidubi amu laha fude gbede lo.”

²⁵ Mvu Paulo lebla mu ɔbee, “Onumnyampu Festo, mmede gbede lo. ɔnɔkwalt onotonuto nde mli bla. ²⁶ Nanain Agripa yin asun anfi féé iwɔ. Nétali bla mu faan. Nahogyiá megyi asun ɔnainhe igyi ha mu, tsufe bumɔbwe mú ɔnain. ²⁷ Nanain Agripa, fɔho Bulu ɔnɔsu atɔɔpu asun wanlɔnhe amusu gyi? Nyin áni fɔho músu gyi.”

²⁸ Luvu Owie Agripa lebla Paulo ɔbee, “Fahogyi fee, féfali damli mi bwe Okristoyin bre tinbi anftɔ?”

²⁹ Paulo lebla mu ɔbee, “Bre tinbi o, bre tsɔtsɔtsɔ o, mi mpat áni ndeɔ ba Bulu gyi, fua aha anfi mlɔde mi asun blɔhe nu nde anfi féé mléba bɔbwe fe mi. Tame bumáwa mli ukan anfi mú.”

³⁰ Luvu a, Owie Agripa mua ɔmásu ogyipu Festo pú Berenike mua aha amuu butsi unu amu féé bókusu dali. ³¹ Beyelu itsetɔ, amú wulewule budeblu bee, “Oyin anfi makubwe tɔtɔá ilehian ha mu lowu nte mu obuwa.” ³² Mvu Owie Agripa lebla Festo ɔbee, “Teki ni ɔmebli ɔbee, Roma owie dehen koun ogyi mu asun a, teki féfali si mu.”

Paulo Puya Roma Wulutu

27 ¹ Breá bebli ali ta a, bekita agywun bee, abɔtsun ɔpusu yɔ Italia ɔmáto. Bɔpu Paulo mua obu adɔpu aku ε wa Romafɔ isa akɔpu ɔhande ɔkɔá buteti mu Yulio ibitɔ. ɔhande anfi bu Roma Owie Dehen Augusto isa akɔpu ɔpasuatɔ. ² Anilowie ntsusu-yibi kuá itsu Adramitio fun, iyɔ ɔpu ɔnɔ awulúá ibu Asia ɔmáto. Makedoniayin Aristarko, otsu Tesalonika amu ε bu anitɔ. ³ ɔyikehe a, anlelu Sidon ɔpu ɔnɔ. Isa akɔpu ɔhande Yulio lowun Paulo

nwe, ɔleha mu ɔɔyɔ mu aba wa, menɩ béha mu atɔá ibéhian mu. ⁴Anulokusu tsu unv a, afu lefia anɩ ɔpu amusu. Muv anulɔyɔtsun Kipro ɔsulɩ awunsu fun, tsufe afu amu medetsun unv mɔ. ⁵Anulɔtsun ɔpusu yɔtsun Kilikia pú Pamfilia funsu yowie Likia ɔsulusu, Mira wuluto. ⁶Isa akɔpu ɔhande amu lowun ntsusu-yibi kuá itsu Aleksandria wuluto iyo Italia ɔmátɔ, ɔlele anɩ wa mútɔ.

⁷Anidin ɔpu amusu putɔɔ. Mú su anlegyi nke tsɔtsɔtsɔ ɔkpatɔ. Ilepian anɩ asa anulowie Knido. Afu amu meha anɩ ɔkpa. Mú su anulɔpu yɔtsun manta Kreta ɔmá. Lnu a, anulɔpukpli tsun Salmone wulu ɔsasi fun. Tsufe afu medetsun unv mɔ. ⁸Lná anulɔtsun ɔpu ɔnɔ-ɔnɔ kuraa o a, ilepian anɩ asa anulobowie ɔtnekvá buteti unv “Otsubunɔ Wanklaan,” ibu manta Lasea wuluto.

⁹Nke tsɔtsɔtsɔ lɔbɔtsun, nkeá butɔpukli ɔnɔ kulɩ lakpansikie ε ulɔtsun. Nke amutɔ e a, ɔpu amu ideda. Mú su músu tsun lɔwa ifu. Lni su Paulo lɔtɔ kpla amú ɔbee, ¹⁰“Mɩ awie, nawun ání nɩ anumeɩ wanklaan anɩ ɔkpa anfi natitɔ a, abɔhulɩ atɔ tsɔtsɔtsɔ. Megyi atɔ pú ntsusu-yibi amu wule, anɩ onutonuto e abésin mútɔ.” ¹¹Tame isa akɔpu ɔhande amu lɔhɔ ntsusu-yibi amutɔ ɔhande pú mu wie asun si Paulo. ¹²Lná otsubunɔ unv uma aleá abétsia unv nyan-kpɔtswiebi su a, amútsɔ aha tsɔtsɔtsɔ bebli bee, abénati unv. Amú ansɩ dɩn ání abóyowie Foinike, igyi Kreta otsubunɔ, ibu owi ɔkpluwiekpa fun, tsia unv nyan-kpɔtswiebi amu.

Atsufu Kpɔnkpɔntɩ ɔpusu Tsun

¹³Lnu afu kuá itsu gyɔpɩsu lɔwa tsun breɩv bi. Lni su aha amutɔ aku bosusuá amú agywun amu ibékana. Mu su belatsu simpíá iteha ntsusu-yibi telu tsukule wa ntsusu-yibi amutɔ, bɔpɩtsun Kreta ɔpu ɔnɔ-ɔnɔ. ¹⁴Tame umɔwa ɔpá kuku afu kpɔnkpɔntɩ ku lɔkusɩ tsu Kreta ifunsu. Afu amu ida gyi “Binasu-owi-ɔdalkpa-afu.” ¹⁵Afu amu lebefia anɩ. Lná anumetalɩ sankia ntsusu-yibi amu su a, anulesi iwɩ ha afu amu, ulɔpu ntsusu-yibi amu natɩ. ¹⁶Ulɔpu mú sri yɔtsun manta ɔpu nsine ɔsulɩ kuá buteti mú Kauda asi. Ulɔwa ɔnlɩn asa betalɩ tsu ɔklɔnbi amuv butɔpule aha ání bude ntsu wie, isian ntsusu-yibi amu ɔma amu wa yibi amutɔ. ¹⁷Lnu ntsusu-yibi amutɔ agyuma ayɔpu bebɩtta ɔklɔnbi amu wa ntsusu-yibi amutɔ. Bɔpu ɔfe klɩ ntsusu-yibi amu kinkiinkin, menɩ uméman. Benya ifu bee, afu amu ibɔtsvan ntsusu-yibi amu yowie Libia otsubunɔ osublutɔ. Mú su bele tatiá isian ntsusu-yibi amusu, menɩ ntsusu-yibi amu bénati putɔɔ. Mú o a, afu amu lɔtsvan ntsusu-yibi amu natɩ ɔwɔnlɩnsu. ¹⁸Mú ɔyikehe a, afu amu ɔnɔ lehɩe wa ɔnlɩn. Mú su bɔwa amú atɔ sɔrahe le wa ɔputɔ bi. ¹⁹Eke sasi a, bele ntsusu-yibi amu iwɩ ntobi kugyikvá amú ibi leda wa ɔpu amutɔ. ²⁰Anitra anumede owi múa ntsrakpabi wun nke tsɔtsɔtsɔ, afu amu ɔnɔ e ɩtra bu ɔnlɩn. Mú su anɩ ansɩ metra dɩnka tɔtɔsu dɩn lowu.

²¹Nke tsɔtsɔtsɔ lɔtsun, aha amu butra bumede atɔ gyi. Lnu Paulo lɔkusɩ lu amú féé ansɩtɔ, bla amú ɔbee, “Mɩ awie, teɩi nɩ mlɩlonu mɩ ɔme, anumenati Kreta otsubunɔ a, teɩi anumɔku befia ipian, hulɩ anɩ atɔ alɩ. ²²Tame sei a, mbla mlɩ amlɩnu. Mluwa klɩn, tsufe anɩtɔ ɔkuko móowu, ntsusu-yibi anfi wule obéyinta. ²³Igye onye a, mɩ Buluá ntosum lɔwa mu ɔbɔpu mɩ wa. ²⁴ɔlebla mɩ ɔbee, ‘Paulo, mánya ifu. Ibwewebwe a, félu Roma Owie Dehen ansɩtɔ. Bulu lawa awtɔle ha fu. Mú su alahɔ aha anfi fva amúnyɔ mlɩna anfi féé nkpa.’ ²⁵Mú su mɩ awie, mlɩnya klɩn, tsufe mɩ ansɩ dɩn ání Bulu ɔbéha ibéba mútɔ fe

alíá mu ɔ́bɔpu labebla mí. ²⁶Tame íbwebwebwe a, afu amu íbédá aní ya ɔpu nsine ɔ́sulu kusu.”

²⁷Èke duanasí onye a, afu amu bu músu íde anída ya nsine unu ɔ́páá bútetí mú Adriasu. Mú ɔ́yinsine a, ntsusu-yibi amúto agyuma ayɔpu bosusúá anílata ɔ́sulu tu ta. ²⁸Mú su bɔpu ɔ́fe kapu ɔpu amu oklu kí. Benya ayabi lafakule advanyɔ (120). Bre kpalobi ɔma a, betra kapu mú kí, benya ayabi adukweba (90). ²⁹Ifu lekíta ntsusu-yibítɔ agyuma ayɔpu amu ání abódu abutasu. Mú su bédá asimpíá bútoɔpukíta ntsusu-yibi lu ana keke sian mú ɔma, sí mú wa ɔpu amúto. Bokokoli Bulu bée, ɔ́yí íke amó. ³⁰Agyuma ayɔpu amu akú bekleá besrí dalí ntsusu-yibi amúto. Mú su beki ansí le ɔ́klɔn kusubi amu dínka ɔpu amusu híe, fe simpí amu búdeɔpsian ɔ́klɔn amu ɔ́nɔsu. ³¹Tame Paulo lebla ísa akɔpu pú amó ɔ́hande ɔ́bée, “Ní ntsusu-yibi amúto agyuma ayɔpu búmetisia múto a, mluméenya nkpa.” ³²Mú su ísa akɔpu amu beka ɔ́klɔn kusubi amu ɔ́fe tun, ha afu lɔ́svan mú nati.

³³Ɔ́yí íba beke a, Paulo lobwíí ɔ́pa ha amó fée ɔ́bée, búgyi atɔ. Ɔ́leblí ɔ́bée, “Kwasieda anyɔ ɔ́ɔn ní, atogyíhe medínka mlí ɔ́wɔlí. Mlímɔkugyí tɔ́tɔtɔ. ³⁴Nobwíí ɔ́pa ha mlí, mlígyí atɔ ngya, mení mlímóowu. Mlító ɔ́kuku nwunsumí kule kuraa ímɔ́fwí.” ³⁵Paulo lɔ́tɔ ta a, ɔ́lele bodobodo ípin, da Bulu ɔ́pan amó fée ansítɔ, ɔ́lemaun ku wa gyí bú. ³⁶Unu anítɔ okugyíɔ́ku lɔ́wa klɔn gyí atɔ. ³⁷Aní aha lafanyɔ aduesienɔ-sie (276) bu ntsusu-yibi amúto. ³⁸Breá amó fée begyí atɔ alíá betalí a, bele ayo amusu íbu ntsusu-yibi amúto fée wa ɔ́putɔ, ha ntsusu-yibi amu leta odwin.

Ntsusu-yibi Amu Bwiebwie

³⁹Breá ɔ́yí deke a, agyuma ayɔpu amu bowun ání ɔpu amu bambí lowie ɔ́sulu kusu, tame búmetí ɔ́subunɔ́ odúá ígyí. Unu bɔ́bwe agywun bée, békan ntsusu-yibi amu ya unu. ⁴⁰Mú su bekaka simpí amu tuntun wa ɔ́putɔ. Besankú ntsusu-yibi amu mpat é. Múv bɔ́tsu tati yíle amúv ísian ntsusu-yibi amu ansítɔ amu fva, fía afu amu, bɔ́pu bɔ́yɔ ɔpu ɔ́nɔ. ⁴¹Tame ntsusu-yibi amu ílɔ́yɔdu ɔ́esísv, sín unu, ɔpu amu ledá wulí ɔ́klɔn amu ɔma maun-maun mú.

⁴²Ísa akɔpu amu bɔ́bwe agywun bée, bómɔ́ obu adípu amu fée, mení ɔ́kuku mééɔ́pítí dalí srí. ⁴³Tame amó ɔ́hande lekíléá ɔ́bɔ́hɔ́ Paulo nkpa. Mú su ɔ́meha amó ɔ́kpa abumɔ́ obu adípu amu. Tame ɔ́lebla amó ɔ́bée, ɔ́hagyíɔ́ha ání ɔ́bétalí a, otu wíe ɔpu amúto, ɔ́pítí dalí. ⁴⁴Ɔ́ma a, ɔ́leha atrahe amu é bɔ́du dínka ntsusu-yibi amu afunsv yowie ogbemgbesv. Amó fée begyí mbíla amusu, bɔ́yɔ ogbemgbesv unu.

Malta Wuluto Asɔn

28 ¹Aní fée anulédínka ogbemgbe amusu. Ɔ́ma asa anulébtá ɔpu nsine ɔ́sulu kvá bútetí mú Malta ní. ²Nyankpu detswie, sv atsalí bu unu. Tame unu atsiapu begyí aní búale dúda ogya ɔpu ɔ́nɔ unu ha aní, aní fée aníletsia mú asi. ³Paulo lekpa ngyayíbí ɔ́bée, amúpuwa ogya amúto. Saa íbe bu múto. Ogya amu okunku sv íbe amu lɔ́swí yí Paulo ɔ́búwetɔ. ⁴Breá unu atsiapu amu bowun ání íwɔ amu yí mu a, bebla aba bée, “Aha ɔ́mɔ́pu oyín aní gyí. Íbu mútɔ́á aládalí ɔpu amúto, tame aní ɔ́kpí amúv ɔ́betítí ísv amu medekléá ɔ́tsia nkpa.” ⁵Unu Paulo lɔ́wuna íbú, íwɔ amu lekpa wíe ogya, tame tɔ́tɔ mɔ́bwe mu. ⁶Amó fée besí bulú búdekí. Búkí bée Paulo obópunya, nte ɔ́bétun wu.

Tame breá belu wa ópá tótó meba a, beladamli amó agywun bli bée, “Ókpi óku óha anfi gyi.”

⁷Óhande óku bu ósulv ku ópu nsine unv. Mu ida gyi Publio. Ólǎhó aní atuu, kpa aní ya mu woyitó, anletsia mu wa nkensa keke. ⁸Alí bré amutó a, owisu lakuta óhande amu mu sí, mu iwitó latu; óda. Paulo leyektí mu, ólǎpu ibí duka musu bǎ mpaí ha mu, iwí lǎwa mu ónlín. ⁹Mú óma a, bǎpu alǎpá búbu ósulv amusu féé ba, Paulo letsa amó uló. ¹⁰Anletsia unv tsra asa, unvǎ amu bǎwa aní numnyam, kie aní ató tsótsótsó. Breá anidenatí a, bǎpu atáá íbéhian aní ókpató féé sí aní ókpa.

Roma Wulutó Yó

¹¹Anilǎyó ópu óno yotsu ntsusu-yíbi kuá ulatsia unv nyankpútswiebí amu féé. Itsu Aleksandria wulutó. Besre atabí akúá bugyí tkpí yí ntsusu-yíbi amu ansutó. ¹²Anileyelu ópu nsine ósulv ku osubunó. Búteti mú Sirakus, anletsia unv nkensa. ¹³Tsu unv a, anilobomli tsun bowie wulu yile kuá búteti mú Regiosu. Mú óyíkehe a, afu ku lǎwa tsun bí tsu ayasí fun. Nkenyó óma a, aniloyowie osubunó kuá búteti mú Puteolí. ¹⁴Anlefiá ahogyípu aku unv. Bokokolí aní bée, atsia amó wa nkensienó. Anilókusu tsu unv a, anilǎyó Roma wulutó. ¹⁵Apioá búbu Roma wulutó bonuá aba. Mú su amótó aku beba íbia ogyíkpa, búteti unv Apia. Aku é beba ótunekúá búteti unv Afóó Óswukpa Asa, íbu ókpató befiá aní. Breá Paulo lowun amó a, mu ansí legyí, óleda Bulu ípan.

Bulu Asun Ókanda Roma Wulutó

¹⁶Breá aniloyowie Roma wulutó a, Roma aban leha Paulo ókpa ání óbétalí yetsia ótineá odekle, tame isa ókǎpu óku obógyo mu iwí bregyíbre.

¹⁷Éke sasi a, Paulo letí Yudafó ahandéá búbu unv féé fia. Muv ólebla amó óbée, “Mí apio, íbu mútǎá mmǎpu laláhe kúkúvku gyí mí ómátǎfó, mmeyinta aní anain amandíe kúku é. Tame aní ahandéá búbu Yerusalem bekíta mí ya Romafó. ¹⁸Bǎyó mí asuntó a, tektí bekleá bési mí, tsufe bomowun tsitsa kúku mí iwí asa bée bumó mí. ¹⁹Tame Yudafó amu bumótsula ání búsi mí. Amó bwehe su nákulí ókpa mbée, Roma Owie Déhen onuto ogyí mí asun. Megyí bée mbu mí ómá iwí asvansu. ²⁰Mú su natí mlí fia ní. Tsufe óha amuv Israelfó búde mu ókpa kí amu su nda íkan anfitó.”

²¹Amó é bebla Paulo bée, “Anumókúhó ósulv kúku tsu Yudea ómátó tsu fu iwí. Aní apio Yudafó amutó ókúku é mǎkútsu unv bebla aní asun laláhe kúku tsu fu iwí. ²²Tame ha aní abí fu agywun. Tsufe anyin aní aha letebli asun laláhe tsu Bulusum ópasua anfi fúbu mútǎ anfi iwí ótinegyíótine.”

²³Mú su mba Yudafó amu behé ekeá béfia. Éke amu lǎfun a, Yudafó tsótsó-ótsó beba befiá Paulo woyí unv. Paulo lǎtǎ kplá amó. Ólǎpu Mose Mbla pú Bulu ónǎsu atǎpú amu asun wanlunhe le Bulu iwígyí amu asuntó suna amó tsu nyankú pǎn owí. Ólǎbó mbódtá óbédamli amó abuhó Yesu Kristo iwí asun amusu gyí. ²⁴Amótó aku bohogyí, tame aku bumohogyí. ²⁵Amó wule-wule amu óno mǎbwe kule, bǎwa asun amu prí bí. Tame Paulo letra bla amó asun kuakule asa bedasaun. Ólebla amó óbée, “Óḡe Wankúhe lebla mlí anain ónǎkwálí amu tsun Bulu ónǎsu ótǎpú *Yesaiasu. Óbée,

²⁶“Yó aha anfi wa afúyebíla amó féé,

Bónu lanu, tame bumóonu mú así.

Béki laki, tame buméebi mú.

²⁷ Tsufe kluntɔ bu amú odwin.

Batila asu, bun ansibi e.

Ni megyi alɔ a, tɛki bówun atɔ

bónu asun,

amú agywun bówii.

Bédamli ba mi wa,

nétsa amú ɔɔ.’ ”

²⁸⁻²⁹ Paulo lɔmɔ mu asun ɔɔ ɔbɛɛ, “Mú su ndekleá mlibi ání Bulu nkpaɔ asun amu lawie aha ání bumegyi Yudafɔ e wa dodo. Amú mú bóhɔ asun amu.”^h ³⁰ Paulo letsia un nfinyɔ keke. Oletsia mu onuto obu hathetɔ. Oletsia hɔ afɔɔá beba besina mu féé. ³¹ Ɖɔwa klun da Bulu iwiegyi amu iwɔ asun ɔkan, olosuna anɔ Wie Yesu Kristo iwɔ asun e aha féé ansitɔ. Ɖhaa metin mu ɔkpa.

h 28:29 Múɔ ye 29 bu nwɔɔɔ dada amu akutɔ: *Breá Paulo lebli asun anfi ta a, Yudafɔ amu bokusu nati, amú wɔlewɔle buna buɔe asun amu nwen gyi.*

Ɔwulvá Paulo Lɔwanlɔn Sɔsɔ

Romafɔ

1 ¹Mɔ Yesu Kristo osumbi Paulo de ɔwulv anft wanlɔn sɔsɔ mli Romafɔ. Bulu leti mɔ ɔbɛɛ, mbɔbɔwe mu *sumbi ɔyɔɔpɔ. Ɖelele mɔ yat ání néda mu *asɔn wanklaan amu ɔkan.

²Bulu lehɛ asɔn wanklaan anft yat tsɔn mu ɔnɔsɔ atɔɔpɔsɔ dodoodo, bɔwanlɔn mú wa mu asɔn wanlɔnhe amutɔ. ³Asɔn wanklaan amu ɔlɔtɔ tsu mu Bi, ogyi anɔ Wie Yesu Kristo iwɔ. Anyankpɔsa ɔkpasɔ a, ɔlelɔn Owie *Dawid abusuantɔ. ⁴Bulu lele suna ání lele mu Bi nɔ. Ɖlɔtsɔn *Ɖɔɛ Wanklɛ tumitɔ kɔsɔa mu tsu afulitɔ. Mɔgyi anɔ Wie Yesu Kristo. ⁵ɔna mɔsɔ Bulu lawa awitɔle le mɔ mu sumbi ɔyɔɔpɔ, menɔ nékpa ɔmá bambasɔfɔ bɔhɔ mu gyi, nu mu ɔme. ⁶Mli Romafɔ anft Bulu latɔ ɔbɛɛ, mliɔbɔwe Yesu Kristo kle ɛ mliɔ mótɔ.

⁷ɔnɔ sɔ mɔ Paulo ndɛ ɔwulv anft wanlɔn sɔsɔ mliá mliɔ Roma féé. Bulu lahɛ dwe mli, tɔ mli pɔ mli bwe mu aha. Nde anɔ Sɔ Bulu mɔa anɔ Wie Yesu Kristo kokoli mbɛɛ, bɔgyi mli buale, abuha mli iwɔlwiɔ.

Paulo Bulu ɔpanda

⁸Gyankpapɔ a, nna Yesu Kristosɔ ndɛ mɔ Bulu ɔpan da mliɔ okugyiɔku nɔwunsɔ. Tsufɛ mli Kristo hogyi sɔ mli ida de ɔyɔtɔ féé. ⁹Napɔ mli klɔn féé ndɛ Bulu sum tsɔn mu Bi Yesu iwɔ asɔn wanklaan ɔkan amɔsɔ ndɛda amɔsɔ. Obégyi mɔ adansɛá ntekaun mliɔ bregyibréá ndɛ mpatɔ bɔ. ¹⁰Ntɛsia kokoli mu ekekegyiɛke mbɛɛ, ɔtsula finki ɔkpa ha mɔ, antalɔ besɔna mli nke anftɔ. ¹¹Tsufɛ ɔdun mɔ ɔwɔlɔá mɔa mliɔnɔ abéfiá, menɔ nébeha mliɔnɔ Ɖɔɛ Wanklɛ atokiehéá ɔbɔwa mli ɔwɔnlɔn. ¹²Múá ndɛblɔ gyi, nɔ néba mli wa a, mɔ hogyi bɔwa mli ɔwɔnlɔn, mli kle ɛ ɔbɔwa mɔ ɔwɔnlɔn.

¹³Mɔ apio, ndekleá néha mli bi ání nabwebwɛɛbwe agywun ání nébesɔna mli, tame tɔku de mɔ ɔkpa tin bɔfun ndɛ. Ndekleá néba unɔ bɔtɔ kpla aha, menɔ bɔhɔ Yesu gyi, fe alɔ́ naha aha bahɔ mu gyi ɔmá bambatɔ. ¹⁴ɔnɔ gyi tɔ́ ilehian ání nɔbwe aha féétɔ nɔ. Ilehian ání nɔbwe mú Grikifɔ pɔ ɔbli bamba ablɔpɔ, attansɔpɔ pɔ aha mimlahe féétɔ. ¹⁵ɔnɔ sɔ mɔ ansɔ lapeá nébla mli aha ání mliɔ Roma wulutɔ ɛ asɔn wanklaan amu.

Bulu Asɔn Wanklaan Amu Tumi

¹⁶Bulu asɔn wanklaan amu uma mɔ pelɔ. Tsufɛ múgyi Bulu tumiá ɔdepɔhɔ ɔhagyɔhɔa ání ɔlɔhɔ Kristo gyi nkpa nɔ. *Yudafɔ gyankpa, asa aha ání bɔmeɔgyi Yudafɔ bubuo. ¹⁷Tsufɛ asɔn wanklaan amutɔ Bulu lele alɔ́ ɔtɔbwe

ɔha yile ɔbwepu suna. Mú ɔsu-asi féé ulu hogyisu. Iní Bulu asun wanlinhe amu lebli ni. “Oha ání mu hogyi su Bulu latsu muá mu asun da ɔkpa obénya nkpa.”

Lakpan ɔbwepu ɔhagyioha Gyi Bulu Anstɔ

¹⁸ Bulu lele mu ɔblo suna tsu ɔsusu. Olenya ɔblo aha ání butamanya mu ifu, bude lalahe bwe, bapu amú owuntɔlun bude Bulu asun ání igyi ɔnɔkwali ɔkpa tin. ¹⁹ Bulu ɔbébuti amú tsu. Tsufe tɔá ilehian ání bébu tsu Bulu iwí ida amú ansitɔ dodo. Bulu onuto lele mú ɔwan suna amú. ²⁰ Lbu mútɔá ɔhaa tamawun Bulu tumiá itamata pú alá ogyi. Tame tsu breá Bulu lɔbwe ɔyi ɔpá a, mu tsiatɔ meɔain. Tsufe mu atɔ bwehe lele mú suna wanklaan ání aha bétali wun mú, pɔbi mu. Iní su ɔhaa má ɔnɔ kuku le. ²¹ Buyin Bulu, tame bumɔwa mu numnyam ání iletsia mu, bumɔpu ipan kuku e ha mu. Mboun tɔá uma asi butɔgyi wun tsu Bulu iwí. Butamatra nu mu asun amu asi. Basin okluntɔ. ²² Buteki amú iwí beɛ betun anstɔ, tame bemimla. ²³ Basi Bulu ɔkiankpapu amu tswí, ɔɔ bude ɔkpiá buma nkpa sum. Bɔpwe amú, nte sre amú fe nyankpɔsa ání otowu, nte mbubwi, nte mbwí pú awɔ aku.

²⁴ Iní su Bulu ladamli ɔma ha amú, basi bude atɔ lalaheá budekke tsu amú kluntɔ bwe. Amúá amú aba bude iwí supa. ²⁵ Butamatra hɔ Bulu ɔnɔkwali amusu gyi. Asun ání uma mútɔ mboun budehogyi. Iní su bayɔ bude Bulu atɔ bwehe mboun sum, si atɔ féé ɔbwepu amu onuto. Kanfu letsia mu bre féé!
*Amen.

²⁶ Amú bwehe anfi su Bulu ledamli ɔma ha amú, bɔna bude hakpanla bwe. Amú atsi kuraa besi ayin wa di, fe alá ida yai, amú wulewule buda aba wa. ²⁷ Alí ken ayin e besi atsi wa di fe alá butɔbwe mú yai, buda aba wa ni. Hakpanla anfi bwe su Bulu lebuti amú isá ilekana ha amú, bude mú wun.

²⁸ Iníá bakina Bulu bi su a, Bulu ladamli ɔma ha amú, bude asukpan susu, bude tɔá uma aleá ɔha ɔbɔbwe bwe. ²⁹ Lalahe sɔɔn bu amú. Uku gyi; lakpan-bwe, opotsuawa, olu, ɔnsupe, ahamɔ, mblikpe, ahamle, agyiwun lalahe bwe pú ahatsii. ³⁰ ɔnɔtin, Bulu asunkina, atɔmábu, iwitsu, iwí adabi da. Lakpan ɔkpagya, akwupusu kusulu. ³¹ Butamagyiwun, butamagyi amú asun blhesu. Butamadwe aha, butamawun aha nwe. ³² Iníá buyin ání Bulu mbli amu losuna ání ɔha ání otsia atsiabi anfi odu obówu o a, megyi uní anfi nkule budebwe. Butra bude lalahe abwepu e atetɔ-ɔnlun wa dinka músu.

Bulu Tamaki ɔha Anstɔ

2 ¹ Iní su fuá futsie fude fu aba ɔla le, fuma ɔnɔ kuku le Bulu anstɔ. Tsufe fude aku ɔla le, tame fude mú odu ken bwe. Mú su ni fude amú ɔla le a, iwí ipɔn fudeha. ² Anyin ání Bulu ɔbéha aha ání bude uní odu bwe ipɔn. Anyin e ání mu asun da ɔkpa. ³ Mú su ni fude aha ɔla le lakpan ání fu onuto budebwe su a, biá Bulu e ɔbéha fu ipɔn. Fuméetalu kɔli dalu mu ubi. Nte fumeyin alí? ⁴ Bulu lalɛ mu yile pú mu awitɔle ɔwan suna fu. Alanya klun ha fu; tame fumobu mu. Nte fumeyin ání alá fédamli kluntɔ yinki ba mu wa su alale mu awitɔle suna fu? ⁵ Tame kluntɔ bu fu odwin, asutɔ bu fu ɔnlun. Mú su isutɔbutá ɔla gyo fu ekeá Bulu ɔnɔkwali pu obégyi asun ɔtra demoni tsiá. ⁶ Bulu ɔbéka ɔhagyioha ɔkɔ mu bwehe ɔnɔ. ⁷ Aku bapu anstɔ dinka ání bénya numnyam, ɔdayile pú nkpa ání utamata. Mú su banya klun bude yile bwe ekekegyi ke. Amú Bulu ɔbéha nkpa ání utamata ni. ⁸ Tame akúá bubu ɔnsupe,

bakina ɔɔkwali amu pɔ yilebwe, bubuo lalahe mɔ a, Bulu ɔbɔpu ɔblo gyi amɔ asun, bɔti amɔ ɔsu wanklaan. ⁹Asun wunhe mɔa iwɔɔsun bɛba lalahe abwepu fɛɛsu. Ibɛgyankpa tu *Yudafɔ, asa ibɔtu aha ɔnɔ bomegyi Yudafɔ. ¹⁰Tame Bulu ɔbɔwa yile abwepu numnyam, ha amɔ iwɔlwii, tra ha amɔ aye. Obɛgyankpa ha Yudafɔ, asa ibɔtu aha ɔnɔ bomegyi Yudafɔ. ¹¹Tsufe Bulu tegyi asun ɔɔkwaliɔ, ɔtamaki ɔhaa ansɔ.

¹²Aha amɔv bomeyin Mose Mbla amu, buɔe lakpan bwe amu o bɔfwɔ. Tame Bulu mɔɔpu mbla amu gyi amɔ asun. Aha amɔv buyin mbla amu asa buɔe lakpan bwe amu mɔ a, Bulu ɔbɛlu mbla amɔv ha amɔ ɔpɔn. ¹³Tsufe megyi aha ɔnɔ buyin Mose Mbla amu asun da ɔkpa Bulu ansɔ. Mboun aha ɔnɔ buɔtegyi mɔsu. ¹⁴Ubu mɔtɔa aha amɔv bomegyi Yudafɔ bomeyin Mose Mbla amu. Tame ni amɔ onuto buɔe mbla amɔv gyi a, buɔdesuna ɔnɔ buyin yile mɔa lalahe amɔ klɔntɔ. ¹⁵Amɔ bwehe anfi desuna ɔnɔ Bulu lɔwanlɔn mbla amu dunka amɔ klɔntɔ. Amɔ klɔn de adansɛ gyia lele buyin mɔ. Tsufe bre kɔtɔ a, amɔ agywuɔn teha amɔ ɔpɔn, bre kɔtɔ ε a, ite ha amɔ asu. ¹⁶Alɔ ken ubɛba eke amɔv Bulu ɔbɔtsun Yesu Kristosv gyi tɔa aha babwe ɔaintɔ iwɔ asun ni. Alɔ Kristo iwɔ asun wanklaan amɔv ndɛ mɔ ɔkan da amu idesuna ni.

Yudafɔ Pɔ Mose Mbla

¹⁷Fu fɛɛ Yudayin fɔgyi, fu ansɔ dun Mose Mbla amɔv. Fɔɔɔpu ibɔ si kanto fɛɛ, Bulu mu bi fɔgyi. ¹⁸Fɔyɔn Bulu ape, tsufe fakasi Mose Mbla amu. Mɔ su fɔyɔn tɔa ubu ale. ¹⁹Fɔtɛki fu iwɔ ansibi abwiepu ɔkpaɔv, fɔgyi fe ɔkandɛ ha aha ɔnɔ bomeyin Bulu, basin oklɔntɔ. ²⁰Fu fɛɛ, fɔgyi aha mimlahe ansɔ ɔtɔnpɔ. Fɛtalɔ suna aha ɔnɔ bomeyin ɔlala, tɔa ubu ale. Tsufe fatsula fɛɛ, Mose Mbla amu su fabi togyitɔ. Fabi ɔɔkwali kugyiko ε. ²¹Tame inta fɔɔe aha yile suna a, ntogyi sv fɔmɔosuna fu iwɔ mɔ? Fɔɔe ɔkan da bla aha fɛɛ, bumawɔ atɔ, tame fu onuto fɔɔewi? ²²Fɛɛ bumatɔ mbua, tame fɔɔe mbua tɔ? Fɛɛ bumasum ukpi, tame futowi ɔkpɔasi atɔ. ²³Fɔtotsu iwɔ Mose Mbla amu sv, tame futɛpan mɔsu. Inɔ sv fɔɔe Bulu kpɔ. ²⁴Bulu asun wanlɔnhe amu lebli ɔɔɛɛ, “Mɔ Yudafɔ bwehe sv aha ɔnɔ bomegyi Yudafɔ buɔe Bulu iwɔ asun lalahe bli.”

²⁵Nɔ mlɔɔe Bulu mbla amɔv gyi a, mɔ *ketetɔn bu labi. Tame ni mlɔtamagyɔ mɔsu a, mlɔgyi fe aha ɔnɔ bumetɔn kete. ²⁶Nɔ ɔku metɔn kete, ɔɔe Mose Mbla amɔv gyi a, ogyi fe kete ɔtɔnpɔ Bulu ansɔ. ²⁷Mɔ Yudafɔ mlɔyɔn mbla amu, tsufe bɔwanlɔn mɔ tswɔ mlɔ. Betɔn mlɔ kete ε, tame mlɔtɛpan Mose Mbla amɔv. Mɔ sv ɔha ɔnɔ ɔmetɔn kete kɔraa, tame ɔɔe mbla amɔv gyi ɔbɛle mlɔ ɔla. ²⁸Tsufe megyi kete ɔtɔnpɔ gyi Yudayin onuto. Ketetɔn onotonuto bu inu. Megyi ɔyulɔsv ketetɔn keke. ²⁹Nɔ ɔku gyi Yudayin onotonuto a, mu klɔntɔ tosuna. Ketetɔn onuto itsu klɔntɔ. Bulu ɔɔe amu tɔbwe mɔ, megyi mbla amu bɔwanlɔn tswɔ amɔv gyi. ɔha ɔnɔ Bulu ɔɔe amu ɔletɔn mu kete a, Bulu onuto tekanfu mu, megyi nyankpɔsa.

3 ¹Mɔmu labi mɔmɔ *Yudafɔ bubu dun aha ɔnɔ bomegyi Yudafɔ? Nte labi mɔmɔ *ketetɔn bu? ²Ubu mɔtɔa labi amu ihɛ itsɔ! Gyankpaɔv gyi, Bulu lɔpu mu uklɔntɔ asun wa Yudafɔ ibɔ. ³Ubu mɔtɔa amɔtɔ akv bumɔhɔ Bulu asun amɔv gyi. Tame amɔ tsiatɔ anfi odu ibɛtalɔ ha Bulu obɛsi tɔa ɔlehtɛa ɔbɔbwe loo? ⁴Ekekeke! Megyi alɔ igyi! Nɔ afunupɔ aha fɛɛ bɔgyi o a, Bulu mɔ a, ɔɔkwaliɔv ogyi. Igyi fe alɔ Owie *Dawid lebla Bulu ɔɔɛɛ,

“Nɪ fɔtɔ a, aha bɔbli bɛɛ, fɔ asɔn igyi ɔnɔkwali.

Nɪ begyi fɔ asɔn ε a, bɔbli bɛɛ, fɔ asɔn da ɔkpa.”

⁵Nɪ anɪ tsiatɔ lalahe lale Bulu tsiatɔ wanklaan suna a, mɔmɔ nɪ ɔde anɪ ɪsɔ butɪ anɪ tsiatɔ lalahe sɔ a, nkali abɛbli? Abɛbli anɪaa, Bulu mǎ ɔkpa bitɪ anɪ ɪsɔ? (Nyankpɔsa asɔn blihe ndɛbli a.) ⁶Ekekeke! lma mɔtɔ alɪ. Nɪ Bulu asɔn meda ɔkpa a, nkali obɛgyi ɔyɪtɔ aha fɛɛ asɔn?

⁷Ɔku ɔbɛfite ɔbɛɛ, nɪ mɪ ɔnɔkwalmǎwa lale suna ánɪ Bulu bɔ ɔnɔkwali, ɪlatsɔ mɔ ɪda fɔa a, mɔmɔ ntɔ sɔ Bulu ɔbɛtra ha mɪ pɔn ɔbɛɛ, lalahe ɔbwɛpɔ ngyi? ⁸Nɪ igyi alɪ a, mɔmɔ ntɔ sɔ anɪmɛɛbli anɪaa, “Mliha abwɛ lakpan, fɔwun Bulu tsiatɔ wanklaan ɪlɪn ɔwan?” Fɛ alɪ amɔv akɔ bɔde mɪ ɔnɔ tun bɛɛ, nna ndɛbli amɔ. Bulu ɔbɛha amɔ ɪpɔn alɪá ɪlekana.

Ɔhaa Megyi Yile Ɔbwɛpɔ

⁹Nkali mɛɛ abɛbli pɔmɔ mɔ ɔnɔ? Mɔ sɔ anɪ Yudafɔ anɪdɔn aha amɔv bɔmegyi Yudafɔ amɔ loo? Ekekeke! Anɪmɔdɔn amɔ ɔkpagyiɔkpasɔ. Nablɪ bɔtsɔn mɛɛɛ, ɪkɔlɛ Yudafɔ pɔ aha amɔv bɔmegyi Yudafɔ amɔ fɛɛ bɔgyi. Tsufe lakpan lagyi amɔ fɛɛsɔ. ¹⁰Bulu asɔn lebli ɔbɛɛ,

“Ɔhaa asɔn meda ɔkpa Bulu ansɪtɔ. Ɔbakɔlɛ kɔraa medalɪ mɔtɔ.

¹¹Ɔhaa tamanu Bulu asɔn asɪ,
ɔhaa tamadunka Bulu ɔkpa.

¹²Amɔ fɛɛ badamli ɔma ha Bulu,
amɔ fɛɛ bafwɪ.

Yile ɔbwɛpɔ ɔkɔkɔ mǎ ɪnɔ.
Ɔbakɔlɛ kɔraa medalɪ mɔtɔ.”

¹³Bulu asɔn amɔ letra bli ɔbɛɛ,

“Bɔtekle asɔkpan bli.
Bɔtɔpɔ amɔ ɔnɔ mɛ aha.
Amɔ ɔnɔtɔ asɔn blihe tɔmɔ fɛ ɪwɔ elin.”

¹⁴Bulu asɔn amɔ letra bli ɔbɛɛ,

“ɪlwɔ pɔ asɔn-sɪnsɪn bli bɔtegyi dɪ.”

¹⁵Ɔletra bli ɔbɛɛ,

“Ahamɔ ma amɔ ɔpǎ.

¹⁶Ɔtɔnegyiɔtɔnɛá bɔna a, bɔde aha yinta, bɔde aha ipiantɔ wa.

¹⁷Bɔmeyin ɔkpa ánɪ ɪtɔpɔ ɪwilwii ba.”

¹⁸Bulu asɔn amɔ kɔ ε lebli ɔbɛɛ,

“Bɔtamanya Bulu ifu.”

¹⁹Sei a, anɪyin ánɪ asɔngyiasɔn ánɪ Mose Mbla amɔ losuna a, ɪda ha Yudafɔ amɔv bɔpɔ mbla amɔ ha amɔ. Mɔ sɔ ɔkɔkɔ mɛɛnya ɔkpa ɪɛ asɔnsɔ ɔnɔ brɛá Bulu de aha fɛɛ asɔn gyi. ²⁰Tsufe Mose Mbla amɔsɔgyi mɛɛetalɪ ha ɔha ogyi asɔ Bulu ansɪtɔ. Ha mbla amɔ ɪteha anɪtɛbíá lakpan abwɛpɔ anɪgyi.

Alɪá Ɔha Tegyi Asɔ Bulu Ansɪtɔ

²¹Sei a, Bulu lasuna ɔkpa ánɪ ɔtɔtsɔn mɔsɔ ha ɔha asɔ. ɪmena Mose Mbla amɔsɔgyisɔ. Tamɛ Mose Mbla amɔ pɔ Bulu ɔnɔsɔ atɔpɔ amɔ asɔn wanɪnɪhe lebli ɔkpa amɔ ɪwɔ asɔn yaɪ. ²²Ɔkpa amɔ gyi ɔkpa ánɪ Bulu tɔtsɔn ha ɔha asɔ mɔ ansɪtɔ nɪ. Yesu Kristo hogyisɔ Bulu tɔtsɔn hɔ ɔhagyiaha. Ma fɔgyi o, ma fɔmegyi o, nkɔnɔ fɔtsɔ o, nkɔnɔ fɔmɔtsɔ o, ɔhaa mɔtsɔn ɔtsan Bulu ansɪtɔ.

²³Tsufe aha féé babwe lakpan. Mú sv bahvli Bulu numnyam. ²⁴Awitɔle Bulu lawa ha ant. Mú sv nyankpɔsa obégyi asv mu ansitɔ ni. Awitɔle anfti ina Kristo Yesusu. Muleka nyankpɔsa nwunsv ikɔ. ²⁵⁻²⁶Anyankpɔsa bude lakpan bwe tsu bre ɔpá, tame Bulu lenya klɔn ha amú, ɔmebiti amú isv. Sei a, Bulu labɔpv Yesu bɔ afɔdie, pv mu obugya le ant iwti mbusuo, menɔ abótsun mu hogyisv nya lakpansikie. Bulu lɔbwe mú alɔ pɔsuna ání mu asun da ɔkpa, menɔ ibósuna nke anftitɔ ání yile ɔbwepv ogyi. Ototsu aha ání bɔhɔ Yesu gyi ání amú asun da ɔkpa mu ansitɔ.

²⁷Sei me, tɔku bu unvá abótsu iwti mósuv? Tɔtɔ má unv. Ntɔgyi sv anuméetalɔ tsu iwti? Mose Mbla amv sv loo? O-o! Ant hogyi sv anuméetalɔ tsu iwti. ²⁸Megyi atɔ wanklaan amvsv Mose Mbla losuna ant bwe amv sv antegyiv asv Bulu ansitɔ. Ina Kristo hogyisv abégyi asv Bulu ansitɔ. ²⁹Yudafɔ nkɔle Bulu ogyi? Megyi aha ání bɔmegyi Yudafɔ mú Bulu ogyi? Ee! Amú ε amú Bulu ni. ³⁰Bulu ɔkɔle pe bu unv. Mú sv una hogyisv olotsula ání Yudafɔ asun da ɔkpa. Ina hogyi kensv ɔlɔhɔ aha amvsv bɔmegyi Yudafɔ amv ε ání amú asun da ɔkpa. ³¹Mú sv ilehian ání abóhɔ Yesu gyi, si Mose Mbla amvsv hogyi loo? Ekekeke! Megyi alɔ igyi. Yesu hogyi teha antekuta mbla amutɔ kinkiinkin.

Abraham Iwti Asun Lasuna Alá Hogyi Bv Labi

4 ¹Sei a, amansv ant ***Yudafɔ** abébli tsu ant nain ***Abraham** iwti? Ntɔ olowun tsu Bulu ahahɔ asun anfti iwti? ²Ni yilebwe sv Abraham legyi asv Bulu ansitɔ a, mɔmɔ ɔbv tɔá ɔbɔpɔtsu iwti, tame megyi Bulu ansitɔ. ³Nkalɔ Bulu asun wanlɔnhe amv lebli? Uleblɔ ɔbeɛ, “Abraham lɔhɔ Bulu gyi. Mú sv Bulu lotsu mvá mu asun da ɔkpa.” ⁴Ni ɔku ɔyɔ agyɔma a, buteka mu ikɔ. Megyi atokiehe ikɔka amv gyi. Igyi tɔá ilehian ání obénya tsu mu agyɔma yɔtɔ. ⁵Tame megyi aha bwehe sv, mboun amú hogyi sv Bulu totsɔ amú ání amú asun da ɔkpa. Tsufe Bulu teha lakpan abwepvá bɔhɔ mu gyi bɔtegyi asv mu ansitɔ. ⁶Owie ***Dawid** leblɔ oyula asun anfti ken dodo. ɔlɔtɔi tsu aha ání Bulu mɛkɔ amú bwehe asa olotsu amú ání amú asun da ɔkpa iwti. ɔlɔwanlɔn mú wa Bulu asun amutɔ ɔbeɛ, ⁷“Bulu layula aha ání alasi amú lakpan kie amú, alagyvra amú!

⁸Aha amvsv Bulu lasi amú lakpan kie amú, ɔméetra kaun mósuv amv bégyi ɔdwe!”

⁹Kete atunpv nkɔle bu ɔdwegyi anfti Owie Dawid de mú iwti asun bli anfti? O-o! Aha amvsv bɔmetɔn ***kete** amv ε bubu mútɔ. Kaun ání anulakla asvanku Bulu asun wanlɔnhe amutɔ. Aniaa, “Abraham lɔhɔ Bulu gyi. Mú sv Bulu lotsu mvá mu asun da ɔkpa.” ¹⁰Bre mɔmɔ Bulu lotsu mvá mu asun da ɔkpa? ɔletɔn kete asa loo? Ekekeke! Bulu lotsu mvá mu asun da ɔkpa dodo. ¹¹ɔma-ɔma asa ɔlebetɔn kete pvɔhe mu nsv. Ilosuna ání mu hogyi sv Bulu lotsu mu ání mu asun da ɔkpa. Inɔ sv ogyi fe aha amvsv bɔmetɔn kete, tame bɔhɔ Bulu gyi, Bulu lotsu amú ání amú asun da ɔkpa amv. Mú sv ogyi amú féé ɔsv ni. ¹²Ogyi kete atunpv amv ε ɔsv. Tsufe megyi amú ketetɔn sv, mboun amú Bulu-hogyi sv. Fe alɔ amvsv Abraham lɔhɔ Bulu gyi asa betɔn mu kete amv.

Tɔá Bulu Lehe Yai Mu Ahogyipo

¹³Bulu lehe Abraham mva mu abi-aná ání ɔyɔtɔ féé ubɔbwe amú kle. Megyi beɛ Abraham legyi Mose mblasv, sv Bulu leblɔ asun anfti. Tame uná ɔlɔhɔ Bulu

gyi, Bulu ε lotsu muá mu asun da ɔkpa mu ansitɔ su. ¹⁴Ni aha ání bude Mose Mbla amutɔ obégyi Bulu atɔ a, mumu zha Bulu hogyi igyi kpaali. Bulu nhuhɛ ha zha ε uma labi kɔku. ¹⁵Tsufe Bulu ɔblo mbla amu teti. Tame ni mbla má unu a, mblatɔn ε uma unu.

¹⁶Mú alɔ su una hogyisu aha bétali nya atɔá Bulu lehuɛ yat ha amó. Atokiehe amuu ɔbɔpɔha ***Abraham** abi-aná amu ubéda amó ibi. Megyi aha ání butegyɛ mblasu nkule bu, tame aha ání bohɔ Bulu gyi fe Abraham ε. Tsufe Abraham gyi anɔ fée ɔsi. ¹⁷Fe alɔ amuu Bulu asun wanlunhe amu leble ɔbee, “Napu fu bwe ɔmá tsɔtsɔɔtsɔ ɔsi amu. ***Abraham** gyi anɔ fée ɔsi Bulu ansitɔ.” Tsufe olohogyiá Bulu teha awupu nkpa, ɔteha tɔá uma unu yat uteba mútɔ fe tɔá ibu unu yat. ¹⁸Breá tɔtɔ ma uná Abraham ɔbɔpɔ mu anɔ dɔnka músu a, ɔlɔhɔ Bulu gyi ání ɔbɔbwe mu ɔmá tsɔtsɔɔtsɔ ɔsi alɔ amuu leble yat amu. Bulu lebla mu ɔbee, “Fu abi-aná békleti fe ntsrakpabi.” ¹⁹Alɔ bre amutɔ a, Abraham lahɔ nfi lafakule (100). Mú su aladan tsɔn kwusu. Alɔ ken mu ka ***Sara** ε ɔkwupuni lawu, ɔmétra kwu ni. Oyin unɔ fée, tame ɔmekpa mu hogyi ɔma. ²⁰Lnɔ fée ɔma a, omegyɛ nwen ɔbee, itɔ amuu Bulu lehuɛ mu amu uméeba mútɔ. Mboun ɔlekuta mu hogyitɔ kinkiinkin, ɔlekanfu Bulu mú su. ²¹Tsufe ɔhie oyin ání Bulu ɔbétali bwe itɔ amuu alahie ha mu amu. ²²Mu hogyi anfi su Bulu lotsu muá mu asun da ɔkpa ni. ²³Megyɛ mu nkule su bɔwanlun wa Bulu asun amutɔ bee, “Bulu lotsu muá mu asun da ɔkpa.” ²⁴Anɔ ε anɔ su bɔwanlun mú. Ni anɔlɔhɔ Bulu gyi a, obótsu anɔ ání anɔ asun da ɔkpa. Mugyi zha ání ɔlɔkusva anɔ Wie Yesu tsu afulitɔ. ²⁵Anɔ lakpan su Bulu leha bele mu ha bɔmɔ mu. Bulu lɔkusva mu tsu afulitɔ, menɔ obótsu anɔ ε ání anɔ asun da ɔkpa.

Isugyi Bulu Anstɔ

5 ¹Anɔ hogyi su Bulu latsu múá anɔ asun da ɔkpa. Mú su anɔ Wie Yesu Kristo lala anɔ Bulunyɔ nsune. ²Hogyi su ɔkpa lafinki ha anɔ nya. Lná anɔ Wie Yesu su Bulu awitɔle anfi laba anɔsu, anɔlapu hogyi nya ɔlukpa nya a, ihɛ bu anɔ ɔdwe. Tsufe anɔdɔn anstá abébenya mu numnyam amu ku. ³Anɔ utra de anɔ gyiá anɔde ipian wun. Tsufe ipian teha anɔtɔwa nsi. ⁴Nsiwa teha anɔtebi tsia alá ilegyi Bulu anɔ. Ni abi tsia alá ilegyi mu anɔ a, abédinka anɔ musu. ⁵Anɔ pudinka Bulusu uméeha peli méékuta anɔ. Tsufe Bulu lɔtsɔn ***Ɔnye Wankuɛ** amuu ɔlɔpɔha anɔ amuu pú mu ɔdwe wa anɔ klɔntɔ.

⁶Breá anɔtra anɔgyi lakpan abwepu, anɔmá ɔwɔnlun a, Kristo lobowu ha anɔ lalahe abwepu breá Bulu onuto lehuɛtɔ. ⁷Ni ɔku asun da ɔkpa kɔraa a, ubówa ɔnlun asa ɔku obótsula wu ha mu. Fialɔ zha yile mú a, ɔku ɔbówa klɔn wu ha mu. ⁸Tame tɔá ilosuna ání Bulu tehuɛ dwe anɔ gyi, breá anɔgyi lakpan abwepu a, ɔleha Kristo lobowu ha anɔ. ⁹Una Yesu Kristo obugya amuu ulɔwulu asɔ amusu Bulu lesi anɔ lakpan kie anɔ, tsu anɔ ání anɔ asun da ɔkpa. Kristo su ɔbéle anɔ kokooko. Ɔméébiti anɔ isɔ lakpan abwepu isɔ-ɔbitɔke amu. ¹⁰Teku Bulu alupu anɔgyi. Tame tsɔn mu Bi amu lowusu a, alabwe anɔ mu anyawie klakla. Lná anɔlabwe mu anyawie su a, ɔbóhɔ anɔ nkpa kokooko. Tsufe Kristo ε bu nkpa. ¹¹Megyɛ mú wule. Múa utra dɔn kɔraa gyi, anɔde ɔdwe gyi. Tsufe anɔ Wie Yesu Kristo lala anɔ Bulunyɔ nsune. Mú su anɔlabwe Bulu anyawie.

Adam Mva Kristo

¹²***Adam** nkule bwehe su lakpan leba ɔyitɔ. Mu lakpan amu su lowu leba ɔyitɔ. Lnɔ su lowu lenya tumi ɔhagyɔhasu, tsufe aha fée babwe lakpan.

¹³Lakpan bu ɔyito asa Bulu lɔpu mu mbla ba Mose. Tame breá Bulu mɔkupu mbla amu ba mu a, olobun ansibi lakpansu. ¹⁴Tsu Adam bresu bɔtu Mose bresu a, lowu legyi iwie anyankpusa féésv. Ibo mútɔá bumɔton mbla kuku fe Adam, tame amú ε bowu.

Aki altá *Adam lekle ɔlan ɔmapu amu. ¹⁵Adam na ɔtsan ha Yesu Kristo. Tsufe Bulu awitɔle amu megyi fe Adam lakpan amu. Adam nkule lakpan su aha féé bówu. Tame Yesu Kristo nkule awitɔlewa su Bulu lalawa awitɔle, pu mu atokiehe ha aha tsɔtsɔtsɔ. Mu atokiehe amu ibu bia dun lowu amu. ¹⁶Tɔá anyankpusa benya tsu Bulu atokiehe amutɔ una ɔtsan ha tɔá benya tsu Adam lakpan amutɔ. Mu lakpan kule pe amu leha ɔhagyioha legyi pɔn Bulu ansitɔ. Múlɔpu lowu ba, tame lakpan tsɔtsɔtsɔ ɔma a, Bulu atokiehe kule pe leha Bulu lotsu aha fééá amú asun da ɔkpa mu ansitɔ. ¹⁷ɔbakule lakpan su lowu legyi iwie ahasu. Tame altá Bulu lahie wa awitɔle ha aha ibu wanwan. Alatsun Yesu Kristo nkulesu tsu ani ání ani asun da ɔkpa, ania munyɔ abégyi iwie ani nkpatɔ féé.

¹⁸Ini su alí amuv ɔbakule lakpan su Bulu leha aha féé ipɔn amu a, alí ken ɔbakule yilebwe su Bulu laha aha féé bagyi asu mu ansitɔ, alaha amú nkpa ání itamata ε ni. ¹⁹Alí amuv una ɔbakule asutɔ-ɔnlun su aha féé bemli lakpan abwepu amu a, alí ken una ɔbakule obú su Bulu obótsu aha tsɔtsɔtsɔ ání amú asun da ɔkpa ni.

²⁰Bulu lɔpu mbla amu ba, mení aha bówun lakpan ání bodebwe wanklaan. Tame breá lakpan deklei a, Bulu awitɔle ε ideklei tsia. ²¹Lakpan legyi ahasu, ileha aha bowu. Alí ken Bulu lawa awitɔle tsu aha ání amú asun da ɔkpa mu ansitɔ ni. Ini laha aha batsun ani Wie Yesu Kristosu nya nkpa ání itamata.

Kristo Su Anbu Nkpa

6 ¹Nkalt abébli sei? Ilehian ání abɔyɔ ani lakpanbwevu, mení Bulu awitɔle bómoni tsia? ²Ekekeke! Igyi fe anlawu. Mú su lakpan ma tumi anisv. Ntogyi su abétra tsia bwe lakpan? ³Bre amuv bɔbɔ ani *asu amu a, ania Kristo Yesunyɔ anilɔbwe kule. Mliyín mú alí? Alí bre amutɔ a, ania Kristonyɔ lowu, ⁴bopula ani, tsufe ania munyɔ anilabwe kule. Mú su alí amuv ani Si Onumnyampu amu lɔkusva mu tsu afulitɔ amu a, alí ken ani ε abétsia itsia pɔpwetɔ ni.

⁵Mú su uná ania munyɔ anilɔbwe kule mu lowutɔ a, alí ken ania munyɔ lɔbwe kule mu kusv tsu afulitɔ ε ni. ⁶Mlibiá breá beda Yesu manta *oyikpa-lihe amuv a, mva ani tsiatɔ dada amu lowu, mení anuméetra bwe lakpan nkpábi. ⁷Tsufe ni ɔha owu a, ɔtamatra bwe lakpan. Lakpan má mvsv tumi. ⁸Uná ania munyɔ anilawu su a, anibv hogyiá ania munyɔ abétsia nkpa. ⁹Aniyin ání Bulu lɔkusva Kristo tsu afulitɔ. ɔméetra wu ekekeke. Lowu utra ma mvsv tumi. ¹⁰Yesu lowuna wu ɔsawule, mení ɔbéle lakpan unv. Tame uná otsie nkpa a, otsie ha Bulu. ¹¹Mli ε mlíki mli iwí ání mlilawu ha lakpan, amlile mli iwí le mú tumi asi. Mlitsia nkpa ha Bulu, tsufe mliha Kristo Yesunyɔ mlilabwe kule.

¹²Ini su mlímáha lakpan igyi mli nyankpusa-oyi anfi ibówu anfisv, mení umééha ɔwɔli lalahe igyi mlísv, amlíbwe tɔá idekle. ¹³Mlímápu mli nyankpusa-oyi iwí atɔ ha lalabwe. Mboun mlípu mli iwí féé ha Bulu, fe aha ání alakusva amú tsu afulitɔ ba nkpatɔ, ɔpu mli bwe tɔá ida ɔkpa. ¹⁴Ima

aléá lakpan óbétra gyi mɛɛsɔ, tsufe sei mlitra mlímá Mose Mbla amu asi. Bulu awitɔle asi mboun mlɛbu.

Yilebwe Nkpábi Anɔgyi

¹⁵ Inɔ ɔma a, amansu abéblɛ? Ubu aléá abétra bwe lakpan sei anfi animá mbla amu asi, anɛbu Bulu awitɔle mboun asi anfi? Ekekeke! ¹⁶ Mɛmeyin ání nɛ mléba iwasi ha tɔku, mlɛde mú ape bwe, mlɛde mú sum fe mɛ wie a, mlɛlabwe mú nkpábi? Nɛ mléba iwasi ha lakpan a, mumu mlówu, tame nɛ mléba iwasi ha Bulu a, mlégyi asu mu ansitɔ. ¹⁷ Mlɛɛbwe nkpábi ha lakpan bre kutɔ. Sei a, mlɛlapu mɛ klɔn féé hɔ atosunahe amuv bapɔha mɛ amu, mlɛde músu gyi. Mú su nde Bulu ipan da. ¹⁸ Bulu laha mlɛlagyi iwɛ le lakpan ibitɔ, mlɛlabwe nkpábi ha yilebwe. ¹⁹ Alá ibɔbwe mlónu asun anfi asi, su napu nkpábi tsiatɔ nde mɛ suna. Bre kutɔ a, mlɛɛbwe mɛ iwɛ nkpábi ha hakpan móa lalahaebwe. Alɛ ken ilehian ání mlɛbwe mɛ iwɛ nkpábi ha yilebwe, menɛ mlófun yi nɛ.

²⁰ Bre amuv mɛgyi nkpábi ha lakpanbwe amu a, yilebwe ma tumi mɛsɔ. ²¹ Labi mɔmɔ mlɛlenya tsu lakpan amuv mlɛɛbwe, nde ibu mɛ peli amutɔ? Mú labi gyi lowu. ²² Tame sei mú a, Bulu laha mlɛlagyi iwɛ lakpanbwe tumi asi. Mlɛlamli mu nkpábi. Labiá mlénya tsu móto gyi; mlétsia tsiatɔá ulɔfun yi, nya nkpa ání itamata. ²³ Tsufe lakpanbwe ikɔka gyi lowu, tame Bulu atokiehe gyi nkpa ání itamata. Mú ɔɔpugyi anɛ buale tsun anta anɛ Wie Kristo Yesu ukɔlebwesɔ nɛ.

Mbla Amu Utra ma Tumi Akristofɔsɔ

7 ¹ Mɛ apio, mɛ féé mɛyin Mose Mbla amu. Mɛyin ání breá ɔha tsie nkpa a, ɔbu mbla asi. ² Fe nɛ ɔtsi tsia oklu, mu klu amu mɔkɔwu a, ɔbu mu klu amu asi. Tame nɛ mu klu amu owu a, alagyi iwɛ, oklu woyi mbla kuku utra mede mu. ³ Mú alɛ su nɛ mu klu amu mɔkɔnya wu, ɔdalɛ mu ɔma a, alatɔ mbua. Tame nɛ mu klu amu owú mú a, ɔtra ɔma oklu woyi mbla asi. Mú su nɛ ɔlayetsia oyin bamba a, ɔmɔkutɔ mbua. ⁴ Mɛ apio, alɛ ken igyi ha mɛ nɛ. Mɛ e breá mlɛɔhɔ Kristo gyi a, mɛta munyɔ mlɛlowu. Mú su mlitra mlímá Mose Mbla asi. Sei a, mlɛlabwe ɔha amuv Bulu lɔkusva tsu afulitɔ amu kle, menɛ mlɛbwe yile ha Bulu. ⁵ Tsufe breá anɛbu anɛ tsiatɔ dada amutɔ a, mbla amu leha anɛ ɔwɔlɛ lalaha legyi anɛsu. Mú su anɛɛbwe tɔá itɔpu lowu ba. ⁶ Tame sei mú a, Bulu laha anɛlagyi iwɛ tsu mbla amuv teki anɛbu mú asi amu ibitɔ. Anta Kristonyɔ lowu. Mú su mbla amu utra ma tumi anɛsu. Anɛlagyi iwɛ, anɛde Bulu sum tsun ɔkpa pɔpweá Ŋhe Wankɛhe de anɛ sunasɔ. Megyi ɔkpa ání mbla wanlinhe amu losuna anɛsu.

Mbla Amu Móa Lakpanbwe

⁷ Mú su anɛdeblɛ antaa, itɔ lalaha Mose Mbla amu gyi? Ekekeke! Mbla amu ubéha abébi tɔá lakpan gyi. Teki nɛ mbla amu umeblɛ ɔbee, “Mápe anɛ fu ba atɔsu” a, teki mmebi tɔá gyi ɔnsupe. ⁸ Ina alɛ mbla anfi su lakpan lenya ɔkpa pu ɔnsupe kugyiku wa mitɔ. Tsufe nɛ mbla amu má unu a, teki lakpan má tumi mɛsɔ. ⁹ Mɛ onuto netsia bre kutɔ, mmebi mbla amu. Tame breá nebebi mú a, nowun ání napan mósu. Lakpan ɔbwepu ngyi. Mú su nówu. ¹⁰ Nowun ání mbla amuv nkɛ mbee, ubéha mɛ nkpa amu lɔpu lowu ba mu. ¹¹ Tsufe lakpan lenya ɔkpa tsun mbla amuv mɛ mɛ, mɔ mɛ.

¹²Tsiato mbala amu mú a, tsitsa kuku ma mú iwí. Mú nhúte kugyiko lówanki, ida okpa, ibv ale e. ¹³Mú sv idesuna ání Bulu mbala anfi ibv ale anfi lópv lowu ba mi? Ekekeeke! Megyi alí igyi. Lakpan lótsun ito wanklaan amúsv pv lowu ba mi. lna mbala amúsv lakpan lele iwí suna ání itepi uma ale.

Atá ldeko Nyankpúsató

¹⁴Aniyin ání ogeto ato mbala amu gyi, tame mi mú a, nyankpúsa ngyi. Nabwe lakpan okpábi. ¹⁵Mmetalú bí mi tsiato, tsufe megyi toá ndekle ntóbwe. Tóá mmedekle mboun ntóbwe. ¹⁶Ni toá mmedekle ndebwe mú a, natsula ání Mose Mbala amu ibv ale. ¹⁷Idesuna ání megyi mi de alí ato anfi bwe. Mboun lakpan tumiá ibv msv teha ntóbwe mú. ¹⁸Nyin ání bre anfi mbu mi tsiato dada anfi to a, ito wanklaan kuku ma mito, tsufe nyankpúsa ngyi. Ntekleá nóbwe yile, tame nakasian. ¹⁹Mmede yileá ndekle bwe. Lalahe amu mmedekleá nóbwe amu mboun ndebwe. ²⁰Ni nde lalahe amu mmedekleá nóbwe amu bwe a, mvmv idesuna ání megyi mi onuto de mú bwe. Mboun lakpan tumi amu ibv mito amu de mú bwe.

²¹Mú sv nawun ání mbala anfi lagyi msv. Ni ndekleá nóbwe yile a, lalahe koun ntóbwe. ²²Tsufe nhie ndekleá négyi Bulu mbala amúsv tsu mi klúnto. ²³Tame ntowun ání mbala kv ide mbala amúsv ibv mi klúnto amu isa ko, gyi músv, bwe mi lakpan okpábi. Ulahe lakpan amúsv ibv mito amu ide mi bwehe kugyikúsv gyi. ²⁴Ki ipian kpónkpónkpóntá mbv móto! Ulapu mi iya lowuto. Ma obéle mi tsu móto? ²⁵Tame aní Wie Yesu Kristo sv nde Bulu ipan da ání alale mi!

Mi klúnto mú a, teki ndekleá nóbwe Bulu mbala amu okpábi. Tame tsiato lalahe amúsv ibv mito amu laha nabwe lakpan okpábi mboun.

Nkpatsia Dinka Bulu Oje Amu Asvnsu

8 ¹lni sv sei a, Bulu méetra ha aha ání amúa Kristo Yesunyó babwe kule upón. ²Tsufe Kristo Yesu sv Oje Wankihe tumiá iteha nkpa laha anulagyi iwí tsu lakpanbwe móa lowu ibito. ³Mose Mbala amu imetalú le aní tsu aní lakpantó. Tsufe aní tsiato dada amúsv iteha anitóbwe lakpan amu imeha aní megyi mbala amu atosunahesu. Tame Bulu lótsun okpa pópwesv ho aní. Olowa mu Bi onuto leba fe nyankpúsa ání otóbwe lakpan, tame mu mú omóbwe lakpan. Bulu lótsun mu lowusv mo aní tsiato dada amúsv lakpan legyi músv amu. ⁴Olóbwe mú alí, mení ni anibuo Oje Wankihe amu a, abétalí tsia tsiato wanklaan amúsv teki mbala amu losuna amu, anuméetra tsia aní tsiato dada amu. ⁵Tsufe lalahe aha ání tsiato dada amúsv itóbwe lakpan ide amúsv gyi butogywun. Tame aha ání bubuo Oje Wankihe amu a, toá Oje amu tekle butogywun. ⁶Oha ání lakpan lagyi mu tsiatúsv tenya lowu tsu móto. Tame oha ání Oje Wankihe lagyi msv mú tenya nkpa móa iwílwii. ⁷Tsufe oha ání lakpan lagyi mu tsiatúsv tolu Bulu. Otamagyi Bulu mbalasv, tsufe oméetalí gyi músv ekekeeke. ⁸Aha ání lakpan lagyi amú tsiatúsv buméetalí gyi Bulu ansv.

⁹Tame Bulu Oje bv mlúto lele. Mú sv mlíméetra tsia mlí tsiato amúsv lakpan legyi músv amu. Mlóbwe toá Oje Wankihe amu tekle. Ni oku má Kristo Oje amu a, omegyi mu kle. ¹⁰Ibv mótoá lakpan sv mlí nyankpúsa-oyi anfi obówu. Tame ni Kristo bv mlúto a, mlí okla bv nkpa. Tsufe Bulu latsv mlíá mlí asvnsu da okpa mu ansv. ¹¹Bulu lókusva Kristo tsu afulúto lele. Mú sv ni mu Oje bv

mlɛtɔ a, mɔmɔ ɔbɔtsɔn Ɖɛ amɔsɔ ha mli nyankpɔsa-oyi amɔsɔ ibɔwu amɔ nkpa pɔpwe.

¹² Nɛ su mɛ apio, imehian ɔnɛ abɛtra tsia anɛ tsiatɔ dada amɔ, bwe tɔɔ anɛ ɔwɔli lalahe tekle. Mboun lehian ɔnɛ abɔbwe tɔɔ Ɖɛ Wankɛhe tekle. ¹³ Tsufe nɛ mletsia mli tsiatɔ dada amɔtɔ a, mlɔwu tsitsa. Tame nɛ mlɔtsɔn Bulu Ɖɛ amɔsɔ kina mli nyankpɔsa-oyi amɔ ape bwe a, mlɛtsia nkpa ɔnɛ utamata. ¹⁴ Tsufe aha ɔnɛ baha Bulu Ɖɛ de amɔ kpa gyi Bulu abi. ¹⁵ Megyi Ɖɛɛɛ ibɛha mlɔbwe nkpaɔi, tsia nya ifu Bulu lɔpɔwa mlɔtɔ. Mboun Ɖɛ amɔ lɔbwe mli Bulu abi. Ɖɛ amɔ sɔ anɛtetali su kpoli Bulu anɛaa, “Abba, mɛ Si!” ¹⁶ Ɖɛ amɔ totsula ha anɛ ɔnɛ lele a, Bulu abi anɛgyi. ¹⁷ Nɛ Bulu abi anɛgyi a, mɔmɔ anɛgyi mɔ atɔ agyipu. Anɛ Kristonɔ ɔbɛgyi mɔ atɔ. Tsufe nɛ awun Kristo ipian amɔ ku a, mɔmɔ abɛnya mɔ numnyam amɔ ɛ ku.

Numnyam ɔnɛ Abɛnya Ekeku

¹⁸ Nɛ neki numnyam ɔnɛ ida gyo anɛ, Bulu ɔbɛle suna anɛ a, ipian anɛ anɛdewun bre anɛfɔtɔ mɔfɔn mɔ ɔtɛnetɛ. ¹⁹ Bulu atɔ bwehe fɛɛ bɔhɛ bɔde ɔkpa ki ha ekeɔ Bulu ɔbɛle mɔ abi numnyam ɔwan. ²⁰ Tsufe Bulu atɔ bwehe fɛɛ lasi ida keke. Megyi mɔ onuto ape igyi. Mboun mlɔbwe mɔ alɛ, iha mɔ atɔ bwehe fɛɛ iki ɔkpa ²¹ ɔnɛ ekeku a, ɔbɛha amɔ fɛɛ bɛgyi iwi. Bɔmɛtra yinta ekekekeke. Mɔ atɔ bwehe amɔ ibɛnya mɔ abi iwigyi pɔ amɔ numnyam amɔ ku. ²² Anɛyin ɔnɛ bɔtɔ nde a, Bulu atɔ bwehe fɛɛ ide iwɔtsɔn wun. Idekɛmɛ fe alɛ ikwu todwiin ɔtsɛ. ²³ Megyi Bulu atɔ bwehe amɔ nkɔle dekɛmɛ. Anɛ amɔsɔ alapɔ mɔ Ɖɛ, igyi mɔ atɔkiehe gyankpapɔ wa anɛtɔ amɔ ɛ anɛdekɛmɛ anɛ klɔntɔ. Anɛhe anɛtsie anɛgyo ekeɔ Bulu ɔbɛha anɛ nyankpɔsa-oyi anɛtɔ ɔbɛgyi iwi, ɔbɔbwe anɛ mɔ abi. ²⁴ Tsufe ɔkpaki anɛtɔ sɔ ɔlɔhɔ anɛ nkpa. Bɔtamaki tɔɔ fɔbɔ ɔkpa. Tɔɔ fuma ɔkpa buteki. ²⁵ Nɛ anɛde tɔɔ anɛmɔ ɔkpa ki a, anɛtenya klɔn tsia gyo mɔ.

²⁶ Ɖɛ Wankɛhe amɔ tetsa anɛ anɛ pɔntɔ. Tsufe anɛmeyin alɛ abɔkɔli Bulu atɔ, ibɛgyi mɔ anɛtɔ. Ɖɛ amɔ onuto tehɛ kɛmɛ pɔkɔli Bulu atɔ ha anɛ, dɔn alɛ anɛ onuto abɛtali. ²⁷ Bulu yin ɔhagyidha klɔntɔ asɔn. Mɔ sɔ oyin mɔ Ɖɛ amɔ agywun. Tsufe Ɖɛ amɔ tokokoli Bulu ha mɔ aha alɛ Bulu onuto de mɔ kle.

²⁸ Anɛyin ɔnɛ Bulu teha togyitɔ tɔwa ale ha mɔ adwepɔ. Amɔgyi aha ɔnɛ mɔ onuto ɔletɛ mɔ nhɛhe ɔntɔ nɛ. ²⁹ Tsufe aha amɔsɔ Bulu yin yai amɔ a, amɔ ɔlele. Aha amɔsɔ ɔlele amɔ ɔletɛ ɔbɛe, bubɛlian mɔ Bi amɔ. Fɔwun mɔ Bi amɔ ɔbɔbwe ɔdehen mɔ abi tsɔtsɔtsɔtɔ. ³⁰ Aha amɔsɔ Bulu yin yai dodo amɔ ɔletɛ. Aha amɔsɔ ɔletɛ amɔ olotsuɔ amɔ asɔn da ɔkpa mɔ anɛtɔ. Aha amɔsɔ olotsuɔ amɔ asɔn da ɔkpa amɔ ɔlɔwa numnyam.

Yesu Bulu Ɖdwe Ɖwanle

³¹ Amansɔ anɛtra anɛbu bli tsu iwi? Nɛ Bulu bu anɛ wa a, ma ɔbɛtali kɔsɔ lu anɛsɔ? Ɖhaa mɔ iwi! ³² Bulu mekina mɔ onuto mɔ Bi amɔ si ha lowu anɛ fɛɛ nwunɔ. Olesi mɔ ha faan. Nkali sɔ ɔmɔpɔ atɔ trahe fɛɛ tsia mɔ Bi amɔtɔ ha anɛ? ³³ Ma ɔbɛtali ka asɔn dɔnka aha amɔsɔ Bulu lale amɔsɔ? Bulu loo? Ekekekeke! Mɔgyi ɔha ɔnɛ alatsu anɛ ɔnɛ anɛ asɔn da ɔkpa mɔ anɛtɔ. ³⁴ Ma ɔbɛtali ha anɛ ipɔn? Ɖhaa mɔ iwi! Tsufe Kristo Yesu gyi ɔha ɔnɛ olobowu ha anɛ, Bulu lɔkɔsɔva mɔ tsu afulitɔ. Alayɔ ɔtsie Bulu gyipɔsɔ, ɔde mɔ kokoli anɛ nwunɔ. ³⁵ Ma nte nɛ ɔbɛtali tutɛ anɛ Kristonɔ nsɛne ɔdwetɔ? Asɔn wunhe

loo, nte ukplan? Ni budin anisu loo, nte akun? Yaya nati loo, nte lowu? ³⁶Tsufe bɔwanlin wa Bulu asun wanlinhe amuto beɛ,

“Fu su bude ani ma ekekegyieke.

Bude ani ki fe akufa anɔi bapu beya amɔkpa.”

³⁷Tame inɔi fɛɛto a, adwe amvu Kristo bu ha ani amv su anlagyi isv dafa.

³⁸Tsufe nhie nyin anɔi toto mɛɛtali ka adwea Bulu bu ha anito. Lowu o, nkpa o, ***Bulu-abɔpu** o, tumi kugyikuá ɔtra de iwie gyi asusu o, atoá ibv nu sei pu móa ubéba o. ³⁹Togyitá ibv asv móa asv nte asv ayasi kuvukvu mɛɛtali ka adwe amvu Bulu ladwe ani tsun ani Wie Kristo Yesusu amuto ekekeke.

Aha Anɔi Bulu Lale

9 ¹Mia Kristonyɔ anulabwe kole. Mó sv onokwali asun ndeblɔ sei. Dje Wankhe de mi kpa. Mó sv mi klɔn e de mi bla anɔi mmede afunu wa. ²Mi pi Israelfɔ sv asun ihie de mi han. Ahumtia umeka itin de mi. ³Ni ubwa aleá nénya ulwu, mia Kristonyɔ nsune béyinta, menɔi bénya nkpa anɔi itamata kuraa a, teki nɔpu iwɔ ha. ⁴Mi pi Israelfɔ gyi aha anɔi Bulu lele pubwe mu abi. Amú olele mu numnyam suna. Oleka ntam ha amú, pu mu mbla wa amú ibito. Olosuna amú okpa anɔi bɔpotswe mu. Olebla amú toá alahéa obɔpuha amú fɛɛ. ⁵Amúlelun tsu Israelfɔ anain akpɔnkpɔnti amuto. Móa idun kuraa a, amuto Kristo amv lebelun asv anfsu. Ukanfu letsia ***Kristo**, (oha amvu Bulu lada mu ofuli amv), ogyi Bulu, ato fɛɛsv ogyipu amv bre fɛɛto! ***Amen!**

⁶Inɔi mosuna anɔi Bulu asun amvu oleblɔ tswi amv imeba muto. Tsufe megyi Israelfɔ amv fɛɛ gyi Israelfɔ onutonuto. ⁷Megyi ***Abraham** abi fɛɛ gyi mu abi onuto. Tsufe Bulu lebla Abraham obɛɛ, “***Isakto** fu abi-aná bédali tsu.” ⁸Inɔi losuna anɔi megyi aha anɔi bɔtsu Abraham abi fɛɛto gyi Bulu aha. Abraham abi-aná amvu Bulu lehie ha mu amv nkole gyi Bulu aha. ⁹Tsufe toá Bulu lehie Abraham gyi, “Néyinki ba ofieba sesebre. Néba a, fu ka ***Sara** lakwu obiyimbi.”

¹⁰Megyi inɔi wule. Rebeka lokwu atabi ha ani nain Isak. ¹¹Tame breá amɔkonya kwu amú, abudan bi yile nte lalahewe a, Bulu lebla Rebeka amú iwɔ asun. Bulu lobwe mú ali, menɔi ibósuna anɔi okpa amvu ototson mósv ho aha amv umena ani bwehesv. Mboun una mu nkole pe ape pu alá otɛle mu ahasv. ¹²Asa Rebeka obókwi nyebi amv a, Bulu lebla mu obɛɛ, “Odehen obósum okusu.” ¹³Fe alá bɔwanlin wa Bulu asun wanlinhe amuto beɛ, “Ntoadwe ***Yakob** dun ***Esau.**”

¹⁴Sei a, nkali abéblɔ? Abéblɔ anɔi, Bulu asun meda okpa loo? Ekekekeke! ¹⁵Tsufe Bulu lebla Mose obɛɛ, “Aha anɔi nówun amú nwe a, amú nówun nwe. Amú náhíéa négyi buale a, amú négyi buale.” ¹⁶Mó sv megyi oha ape nte mu nsiwa Bulu teki. Mboun mu onuto nwewun igyi. ¹⁷Bɔwanlin wa Bulu asun wanlinhe amuto beɛ, Bulu lebla Egypte owie Farao obɛɛ, “Atoku anyɔ anfi sv neyá fu iwie, alá nótson fusu le mi tumi suna, pu alá oytɔ aha fɛɛ bónu mi ida, kanfu mi.” ¹⁸Inɔi sv ni Bulu oheá obówun okv nwe a, otowun mu nwe. Ni oheá obéha okv obówa klɔntɔ odwin e a, oheha mu otowa klɔntɔ odwin.

Bulu Oblɔnya Pó Mu Aha Nwewun

¹⁹Mlito okv obéfte obɛɛ, “Ni ali igyi ni mú a, ntogyi sv Bulu de nyankpɔsa ipɔn ha? Ma obétalɔ tin Bulu okpa?” ²⁰Tame nde mlɔi fite mbeɛ, fuyi ma anɔi

féle Bulu ɔla? Ɖɔ ɔbétali fite mu ɔpwepu ɔbee, “Ntogyi su fapwe mi ali?”
²¹Aliágyialá igyi a, atɔ ɔpwepu tɔpu obon pwe tɔá odekle. Ɖbétali pu obon ipin kule pwe nlonɔ. Ɖbɔpu kule bwe ɔlɔ nun-ntsu, kpa nsuo wa ukuletɔ.

²²Ali ken igyi ha Bulu ni. Ɖbu ɔkpa le mu ɔblo suna, menɔ aha bówun mu tumi. Tame ɔlehɛ nya klɔn ha aha amuv oleya ɔblo amúsu amv. Teki ulɔfun ání ɔbɛhi amú. ²³Bulu bu ɔkpa le mu numnyam kponkponɔ amv ɔwan aha amuv ɔlele yaí ání obówun amú nwe, ɔwa amú numnyam amuvu. ²⁴Anigyí aha amuv ɔlele yaí amv ni. Megyi Yudafɔ nkuletɔ ɔlele aha. Ɖlele aha ání bumegyí Yudafɔ akv e. ²⁵Bulu lebli mu ɔɔsu ɔtɔpu Hosea ɔwulɔtɔ ɔbee,

“Néti aha amuv teki bumegyí mi aha amv mi aha.

Aha amuv teki ntamakle amú asun amv ɔbɔbwe mi adwepu.

²⁶Ɖtine amuv teki nebla amú mbee, ‘Megyi mi aha mligyi’ amv a, unɔfɔ néti mbee, ‘Bulu Ɖkiankpaɔ abi’ ni.”

²⁷Bulu ɔɔsu ɔtɔpu ***Yesaia** lɔkplɔn bla Israelfɔ ɔbee, “Ni Israelfɔ beklei fe ɔpu ɔɔ usi kuraa a, amúto aha kpalobi pe nɔho nkpa. ²⁸Tsufe ɔbusasu anɔ Wie obégyi ɔyɔto aha féé asun, bua mú wanklaan.” ²⁹Tsufe Bulu ɔɔsu ɔtɔpu Yesaia legyankpa wanlɔn wa Bulu asun wanlɔnhe amúto ɔbee, “Ni mi Wie Bulu, tumi féé Owie mesi anɔ abi-aná akv yaí a, teki anɔ féé abéhi fe Sodom múa Gomorafɔ.”

Israelfɔ Bulu Máhogyi

³⁰Nkali anɔdebli nya? Anɔdebli antaa, aha amuv bumegyí Yudafɔ amv bumɔbɔ mbɔdi kukv, asa Bulu leha amú asv! Hogyi su benya mú. ³¹Tame Israelfɔ amuv amú anɔ lepe, buɔde mbla amuvu gyi, Bulu ɔha amú asv amv bumetali. ³²Ntogyi sv? Tsufe bumeepe anɔ pu hogyi dunka mú. Ulobwe amú fe mbla amuvu gyisv Bulu ɔbɔtsun ha amú asv. Lɔni sv bosutin “Ibwi amuv utele aha da” amuvu dida kpla. ³³Ibwi anɔi wɔi asun bɔwanlɔn wa Bulu asun wanlɔnhe amúto bee,

“Bulu ɔbee, ‘Mliki!

Nɔepv Ibwi^a tswi ***Sion** wuluto.

Aha bósutin ibwi amuvu dida.

Pɛli méékuta ɔhagyíɔha ání ɔlɔho mu gyi.’”

10 ¹Mi apio, tɔá ntekle mi klɔntɔ, pú mpatá nɔbeɔ gyi, Bulu ɔbɔho mu aha Israelfɔ. ²Nétali gyi amú wɔi adansɛ mbee, amú anɔi lahɛ pe Bulusum wɔi, tame bumeyin ɔkpa ání bɔtsun músu sum mu wanklaan. ³Tsufe bumeyin ɔkpa ání Bulu tɔtsun músu ha aha asv. Mú sv beyiri wɔi buɔde amú ɔkpa dunka, menɔ bégyi asv Bulu ansitɔ. Mú ali sv bumeba wɔasi ha ɔkpa amuv Bulu tɔtsun músu ha aha asv amv. ⁴Ɖnɔkwalt amv gyi, Kristo lɔmɔ Mose Mbla amv féé ɔho. Mú sv ɔhagyíɔha ání ɔlɔho mu gyi obégyi asv Bulu ansitɔ.

Nkpaɔ Bu lɔn Ha Ɖhagyíɔha

⁵Mose lɔwanlɔn tsu ɔhagyíɔha ání ɔteki mbla amv ání músu Bulu ɔbɔtsun tsu múa mu asun da ɔkpa wɔi ɔbee, “Ɖhagyíɔha ání otegyi mbla amuvu ɔbɔtsun músu nya nkpa.” ⁶Tame hogyisv butɔtsun gyi asv Bulu ansitɔ. Bulu asun

wanlunhe amu lebli ɔbee, “Máfite iwi fee, ‘Ma ɔbódu yo ɔsusu?’ ” (Fefite ali a, ilosuna ání fýɔɔpu Kristo tsua ɔsusu ba.) ⁷Nte fite iwi fee, “Ma ɔbékpli yo ɔsulo ayasi?” (Fefite ali a, ilosuna ání fýɔɔpu Kristo tsua afulito ba.) ⁸Mboun asun ání Bulu asun wanlunhe amu lebli gyi, “Bulu asun amu uma ifo fu wa. Ibo fu ɔnto, ibo fu klunto dodo.” Asun amu gyi hogyi asun amvu anɔdebli amu ni. ⁹Ni fobwii ɔnto bli fee, “Yesu gyi anɔ Wie,” fɔpu fu klun féé hogyiá Bulu lɔkusva mu tsu afulito a, Bulu ɔbóho fu nkpa. ¹⁰Tsufe uklon ɔha tɔpuho Kristo gyi. Fówun Bulu obótsu mu ání mu asun da ɔkpa. ɔnto ɛ ɔha tɔpubli ɔbee, Yesu gyi mu wie, menɔ Bulu ɔbóho mu nkpa. ¹¹Ali ken Bulu asun wanlunhe amu lebli ɔbee, “Peli méekita ɔhagyioha ání ɔlɔho mu gyi ekekekeke” ni. ¹²Iɔi su umefahun ání Yudayin fogyi, nte fumegyí Yudayin. Tsufe owie ɔkule pe asi amú féé bubu. ɔbópu mu yilebwe gyi aha ání bosu kpoli mu féé buale. ¹³Ali ken Bulu asun wanlunhe amu lebli ɔbee, “ɔhagyioha ání otosu kpoli anɔ Wie obénya nkpa” ni.

¹⁴Tame nkali bétali su kpoli ɔha ání bumɔho mu gyi? Nkali bétali ho ɔha ání bumokunu mu iwi asun gyi? Nkali bónu mu iwi asun ni ɔhaa meda mú ɔkan suna amú? ¹⁵Nkali bétali da mú ɔkan suna amú, ni bumokowa amú? Bulu asun wanlunhe amu lebli ɔbee, “Ihie bu akuléá fówun ání ɔha ɔba beda Bulu ***asun wanklaan** ɔkan!” ¹⁶Tame megyi Israelfo féé lɔho Bulu asun wanklaan amu. Tsufe Bulu ɔnto ɔtɔpu ***Yesaia** lɔwanlin wa mu ɔwuluto ɔbee, “Mɔi Wie, ɔhaa mɔho anɔ asun blihe amusu gyi.” ¹⁷Tame asun wanklaan amu teha butohogyi. Iɔa Kristo asun anɔi bli su aha butonu mu asun. Mú nu su aha butɔho mu gyi.

¹⁸Mbee, bee nu bumonu asun amu? Bonu! Tsufe Bulu asun wanlunhe amu lebli ɔbee,

“Amú ɔme lawie ɔyito féé,
amú asun ɛ lawie tsutsuutsu.”

¹⁹Ntra fite. Israelfo bumonu mu asun asi? Múá Mose lebla amú gyankpawu gyi,

“Bulu ɔbee, ‘Nópu ɔmá ání bumegyí Israelfo wa mli ansipepe.
Nóyula ɔmá mimlahe puwa mli ɔblo.’ ”

²⁰Bre bambato a, Yesaia lɔwa klun bla amú ɔbee, “Bulu ɔbee,

‘Aha ání bumede mi dunka lementɔ mi.

Aha ání bumefite misu nele iwi ɔwan suna.’ ”

²¹Tame Israelfo amu mú a, Bulu lebli amú iwi asun ɔbee, “Iɔiá natei tɔto bre fééá nóho amú atuu o a, butra buɔde asuto-ɔnlun wa. Bumede mi bu.”

Bulu Israelfo Nwewun

11 ¹Nde mli fite mbee, mú su Bulu lakina mu onuto aha lele? O-o! Mi onuto anɔi o Israelyin gyi. Abraham abi-anáto notsu. Benjamin abusuanto obi gyi. ²Megyí bee, Bulu lakina mu onuto aha amvu ɔlele amú yai amu. Mlukaɔn ali amvu Bulu asun wanlunhe amu lebli tswi ɔbee, Bulu ɔnto ɔtɔpu ***Elia** lekla Israelfo iwi asun suna Bulu amusu. ³ɔBee, “Mɔi Wie! Israelfo bamo fu ɔnto ɔtɔpu féé. Babwie fu afɔɔɔie-tswi ɛ féé. Iɔasi mi nkukunu nkule. Buɔdekleá bómo mi ɛ.” ⁴Bulu leha Elia mbuai ɔbee, “O-o! Megyi fu nkule iɔasi. Tsufe nale aha mpɔm-sienɔ (7,000) ání bumokotswe ɔkpi Baal^b ki ha mi iwi.”

^b 11:4 Baal gyi ɔkpi ɔkúá aha amvu begyankpa tsia ɔsulo amvu asa Israelfo beba betsia inu amu bosum

⁵Alt igyi nde nke anfto ε ni. Bulu lawa awitɔle le Israelfɔ kpalobi aku yai. ⁶Ni alawa awitɔle le aku a, mumu utra megyi ɔha bwehe su ɔbɛle mu. Tsufe ni una aha bwehesu mɔ a, tekti mu awitɔle amu ilelian.

⁷Mɔ nkali ilegyi? Israelfɔ ibi mɛda utɔ amuv bepe ansi buededunka amu. Amɔtɔ aha kpalobi akv́a Bulu lele yai nkule ibi leda mɔ. ɔleha atrahe ɔbwa asutɔ-ɔnlun breá ɔde aha ti. ⁸Bulu asun wanlinhe amu lebli ɔbee, “Bulu leha ɔlelin amɔ ɔwɔli. Mɔ su ɔbɔ nde bumetalu pu amɔ ansibi wun atɔ, pu amɔ asu ε ni asun.” ⁹Owie *Dawid ε lebli ɔbee,

“Amɔ ɔdwe ogyikpa ibwe mpusa, abuda mɔtɔ. lbwe agbla, ikpa kita amɔ.

lbwe uma, abvsrei dida mɔtɔ, ibwe isvbtti ha amɔ.

¹⁰Anstɔ ikulun amɔ, menɔ buméetra wun atɔ.

Ha abvtsia ipiantɔ bre féé.”

¹¹Mɔ su ntra ndefite mbee, *Yudafɔ basrei dida, buméetalu tra kusv? Ekeke-eke! Amɔ lakpan su Bulu lɔhɔ aha ání bumegyɔ Yudafɔ nkpa. Fówun tpe amɔ ansi. ¹²Sei a, anyin ání Yudafɔ lakpan su ɔmá féé banya atɔ wanklaan. Amɔ dida lawa labi ha aha ání bumegyɔ Yudafɔ. Ni belanya nkpa hɔ mɔ a, mumu labiá aha ání bumegyɔ Yudafɔ bénya uma blitɔ.

Aha Ání Bumegyɔ Yudafɔ Nkpa hɔ

¹³Aha ání mlumegyɔ Yudafɔ, mli nde asun anfti bla ngya a. Kristo *sumbi ɔyɔpu ngyi. ɔbwa mi sumbi mli wa. Mi gymagihe legyi mi ansi. ¹⁴Fialu nétalɔ ha mi aha Yudafɔ ansi bépe, fówun Bulu obénya ɔkpa hɔ amɔtɔ aku nkpa. ¹⁵Breá Bulu ledamli ɔma ha Yudafɔ a, leha ɔmá atrahe féé ɔbɔwe Bulu anyawie. Ni igyi alɔ mɔ a, bregyibreá Bulu ɔbɔhɔ amɔ ε a, ɔbɔwe fe afuli féé bakusu tsu afulitɔ.

¹⁶Ni bele ɔkɔtɔ gyankpapu ha Bulu igyi a, mumu utɔ amu féé igyi mu kle. Ni Bulu bv oyi nlin a, idesuna ání oyi amu abambi ε igyi mu kle. ¹⁷Bekpalu oyi bambi pu bamba tsa mɔsu. Yudafɔ gyi oyi amu. Mli aha ání mlumegyɔ Yudafɔ gyi bambi bamba amuv baputsa mɔsu amu, menɔ mlénya oyi amɔtɔ ntsu wanklaan amu kv. ¹⁸Mɔ alt su a, mlimákɔ mlíaa, mliɔvɔn oyi amu onuto abambi amuv Bulu lekpalɔ le amu. Mlimátsu iwɔ amɔ ansitɔ, tsufe oyi amu nlin tamanun ntsu le mliɔ. Mli mboun tonun ntsu le mɔtɔ pudan.

¹⁹Fi alt mli aku mlébli mlíaa, “Bekpalɔ abambi amu, menɔ anɔ ε abénya oyikpa.” ²⁰lvb mɔtɔ alt. Itsu alá Israelfɔ bumohogyi su Bulu lekpalɔ amɔ tsitsa. Mli ε mli hogyi su Bulu lapu mli tsa mɔsu. Mɔ su mlimáha nwuntɔ iwa mli ɔdwe. Mliha ifu ikita mli. ²¹Tsufe Israelfɔ amuv bugyi oyi amu onuto abambi kura ɔbɔwe lakpan, Bulu lebutɔ amɔ tsu, mɔ mli? ²²Sei a, mli lawun ání Bulu bv awitɔle, tame mu asv bv ɔnlun. ɔbv ɔnlun aha ání badida hogyitɔsu. Tame alawa awitɔle ha mli. ɔbɔwa awitɔle ha mli ni mli ansi dɔn mɔsu. Ni megyi alɔ a, ɔbébutɔ mli tsu mli ε. ²³Tame ni Yudafɔ amuv besi mu hogyi amu beyinkɔ ɔbɔ mu gyi a, Bulu ɔbélapu amɔ tsa oyi amuv. Tsufe ɔbv tumiá obéyinkia amɔ tsa. ²⁴Mli aha amuv mlumegyɔ Yudafɔ amu mɔ a, oyi lalahe bambi mligyi, ɔɔpu mli tsa oyi amuv. Teki uma unv alɔ. Israelfɔ mɔ a, oyi wanklaan amu onuto abambi bugyi, bekpalɔ amɔ tsitsa. Mɔ su amɔ yinkia yi mɔ yintisu mɔɔwa ɔnlun ha Bulu.

Bulu Towun Aha Féé Nwe

²⁵Mi apio, asun njanhe kv bv unv́a ndekleá mliɔ, menɔ mli méeki mli iwɔ mli letun ansi dɔbɔ. Asun amu gyi, Yudafɔ amu aku bubu asutɔ-ɔnlun. Bɔwa

asuto-ɔnlɛn alu ɔɔfun breá Bulu laha aha ání bumegyí Yudafo féé baba mu wa. ²⁶Mó ɔma a, Bulu ɔbɔhɔ amó féé nkpa. Bulu asun amu leblɔ ɔbɛɛ,

“²⁷**Sion** wuluto Nkpa Ɔhɔpɔ amu ɔbélɛn tsu.

Ɔbéba beha ***Yakob** abi-aná féé bési lalahe bwe.

²⁷ ɛni gyi ntam ání néka ha amú
breá néle amó tsu amó lakpantɔ ní.”

²⁸ ɛniá Yudafo amu bumɔhɔ asun wanklaan amusu gyi su a, bemli Bulu alupu, menɛ ɛbɔwa labi ha mli amusu mlumegyí Yudafo amu. Tame ɛniá bɔgyi aha ání Bulu lele su a, amó anain su otekle amó asun. ²⁹Ni Bulu ɔle ɔku nte ɔpɔ mu atokiehe ha ɔku a, ɔtamatra tse mu agywun. ³⁰Bre kutɔ a, mli anfi mlumegyí Yudafo anfi mlumobu Bulu. Tame sei a, Yudafo bumede Bulu bu. Mó su Bulu lawun mli nwe. ³¹Alɛ ken Bulu ɔbéba bowun Yudafo amusu bumede mu bu amu ɛ nwe, fe altá alawun mli nwe ní. ³²Tsufe Bulu lotsu múá aha féé bubu asuto-ɔnlɛn, altá ɛbɔbwe obówun amó féé nwe su.

Mliha Akanfo Bulu

³³Oo, mliki Bulu awitɔle wule! Mu nyansa pú mu asunbi ma ɔka! Ma ɔbétali bu mu ɔkpa pú mu asungyitɔ? ³⁴Bɔwanlɛn wa Bulu asun wanlinhe amutɔ bɛɛ,
“Ma yin anɛ Wie nwuntɔ?

Ma ɔbétali suna mu asun? Ɔhaa má unu.

³⁵Ma lapu tɔku ha mu, ɔde ɔkpa kíá ɔbélaka mu ɛkɔ?”

³⁶Bulu ɛbwe togyitɔ. Mubɔ togyitɔ. Togyitɔ bu unu ha mu. Kanfo ɛbwe mu kle bre féétɔ. ***Amen!**

Tsiatɔá Bɔtɔpɔsum Bulu

12 ¹ ɛniá Bulu hie ɔde anɛ nwe wun alɛ su a, mli apio, ndɛ mli kokoli mɛɛɛ, mliɔpɔ mli ɛwɛ féé ha Bulu mli nkpatɔ. ɛbwe fe igyi ahatɔ wankihe ha mu. ɛni gyi osum ání itsu klɛntɔ, ilegyi mu anɛ ní. ²Mlumáha ɔsulɔ anɛtsu atsiabi igyi mliɔsu. Mliha Bulu ɔtse mli agywun, iha mli tsiatɔ utse. Fówun mlétali bíá Bulu ape bu alɛ, ɛbu ɔdwe, ɛɔfun.

³Bulu agyuma amusu alawa awitɔle puha mli amusu ndɛ mliɔ okugyiɔku bla mɛɛɛ, ɔhaa máki mu ɛwɛ dafa altá ogyi. Ɔhagyíɔha ɔba anɛ asi, ɔkíá ɔmɔɔɔn hogyi amusu Bulu lapuha mu amu. ⁴Nyankpɔsa-oyi ɛwɛ atɔ anɛ féé anɛgyi. Ntobi amutɔ kugyiku bu mú gyuma ání itegyí nyankpɔsa-oyi amusu. ⁵Alɛ ken ɛbu mútɔá anɛtsɔ, tame anɛ Kristonyɔ anɛlabwe ɔyulɔ ɔkule ní. Mó su angyi ntobi ɔtsan-ɔtsan ání anɛtsatsa abasu, anɛɔbwe ɔyulɔ ɔkule amu. ⁶Bulu atokiehe amusu ɔleha anɛ amu ɛna ɔtsan-ɔtsan. Ilehian ání anɛ féé abɔpɔ mu atokiehe amu yɔ agyuma atɔ amusu ɔleha anɛ amu ɔkɔ. Mó su ní ɔku atokiehe gyi Bulu ɔkɔ asunbli a, ɔha amu ɔbwe mú altá mu hogyi losuna mu. ⁷Ni ɔku kle gyi mu aba ahogyipɔ bua a, ɔbua amú. Ni ɔku kle gyi atɔ suna a, osuna mú. ⁸Ni ɔku kle gyi aha atetɔ-ɔnlɛn wa a, ɔwa aha atetɔ-ɔnlɛn. Ni ɔku ɛ kle gyi atɔ kie a, ɔle ɛwɛtɔ kie mú. Ni ɔku kle gyi aha ɔkɔ lu a, ɔwa nsi ɔbwe mú. Ni ɔku kle ɛ gyi aha nwe wun a, ɔbwe mú ɔdweɔ.

⁹Mliɔdwe aha tsu mli klɛntɔ. Mlikiɛ lalahe kugyiku. Mlikiɛ yilebweɔ kin-kiinkin. ¹⁰Mliha mli anɛ tpe mli aba Akristofɔ dwɛsu, amlibu aba wanklaan. ¹¹Mlumáha mli nsiwa bwe atɔ ɔkɔ ɛba asi. Mliha Ɔɛɛ Wankihe amu ɔwa mli ɔwɔnlɛn, amlisum anɛ Wie. ¹²Mli ɔkpaki amu su mlinya ansigyí, amlilu

kinkin mli ipiantɔ. Mlibɔ mpaɪ bre fɛ́ɛ́tɔ. ¹³Mlibwa mli aba Bulu aha ání bobu ukplantɔ. Mliɣɪɪɪ ɪwɪ hɔ afɔɔ.

¹⁴Mliɣula aha ání budun mliɣu. Mliɣula amó, mliɣmálwɪ amó. ¹⁵Nɪ aku bude ansigyi nya a, mliɣa amónyɔ mliɣnya ansigyi. Nɪ aku buɣesu e a, mliɣa amónyɔ mliɣsu. ¹⁶Mli fɛ́ɛ́ mliɣtsia wanklaan. Mliɣmátsu ɪwɪ. Mliɣɪɪɪ ɪwɪ manta aha ání aha butamabu amó. Mliɣmákɪ mli ɪwɪá mliɣdun aku.

¹⁷Nɪ ɔku ɔɪɪ lalahe gyi mli a, mliɣmáɪɪ lalahe ka mu ɪkɔ. Mlibɔ mbɔɔɔ amliɣbwe tɔá ɪbu aleá aha fɛ́ɛ́ bótsula dunka mósv. ¹⁸Altágyialá igyi mli mó a, iwiliwii itsia mliɣa ɔhagyiɔha nsɪne. ¹⁹Mɪ apio adwepu, mliɣmáɪɪ lalahe ka mli aba ɪkɔ. Mliɣi togyiɔ ha Bulu. Tsufe bɔwanlun wa Bulu asun amɔtɔ bɛɛ, “Bulu ɔbɛɛ, ‘Mɪ, mli Wie teka ɪkɔ. Mɪ ɔbɛ́ka aha akɔ amó lakpan su.’ ” ²⁰Bulu asun wanlinhe letra bli ɔbɛɛ, “Nɪ akun de fu olupu a, ha mu atɔ ogyi. Nɪ ɔmewuli de mu a, ha mu ntsu onun. Nɪ fɔbwe mó ali a, ɪbɛ́ha peli bɛ́kita mu ɔbɛ́tɛ.” ²¹Mliɣmáha lalahe igyi mliɣsu, mboun mliɣbwe yile pugyi lalahesu.

Iwiasɪba Ha ɔmá Akpapu

13 ¹Ilehan ání ɔhagyiɔha ɔbɛ́ba iwiasɪ ha ɔmá akpapu. Tsufe Bulu teha ɔmá akpapu tumi. ɔmá ɔkpapu ɔkuku má uná megyi Bulu leyai mu. ²ɪni su nɪ ɔku ɔkusu ɪu ɔmá ɔkpapu ɔkusu a, alakusu ɪu Bulu tumiɣu. Mó su ɔha amu de ɪsubiti kle ha ɪwɪ. ³Tsufe ɔmá akpapu bumegya yile abwepu, lalahe abwepu bugya. Mó su nɪ fɔmedekleá funya ɔmá akpapu ifu a, muɣu bwe yile abɔkanfu fu. ⁴Bulu osumbi ɔhagyiɔha ání bapu mu yat ɔmá ɔɔ gyi. Mli yile su bude agyuma yɔ. Tame nɪ ɔku de lalahe bwe a, muɣu obénya amó ifu, tsufe bobu ɔkpa bitɪ aha ɪsu. Bulu asumbi bugyi. ɔleha amó ɔkpa ání bobiti lalahe abwepu ɪsu ha mu. ⁵ɪni su ɔhagyiɔha ɔba iwiasɪ ha ɔmá akpapu. Megyi bɛɛ, bude ifu nya ání bɛ́bitɪ amó ɪsu nkule su. Mboun amó klun de amó bla ɔbɛɛ, ilehan ání bóbu amó.

⁶ɪni ken su ilehan ání mléka tswɪtswɪ e ni. Bulu asumbi ɔmá akpapu bugyi. Bapu amó bre fɛ́ɛ́ bude ɔmásv ki. ⁷Mlika ɪkɔ kugyikvá ɪɔun mliɣsu. Mlika tswɪtswɪ móa lampoo. Obú ɔkpasu a, mlibu amó fɛ́ɛ́. Nɪ igyi kanfu e a, mliɣkanfu amó fɛ́ɛ́.

Abadwe

⁸Mliɣmákɪta ɔhaa ɪkɔ dun mli abadwe. Nɪ ɔku de mu aba dwe a, ɔde mbla amu fɛ́ɛ́sv gyi. ⁹Mose Mbla amu lebli ɔbɛɛ, “Máto mbwa.” “Mámɔ ɔha.” “Máwɪ atɔ.” “Mápe anɪ fu ba atɔsv.” ɪni pú mbla trahe amu fɛ́ɛ́ nwan gyi mbla kule amu ɪlebli ɔbɛɛ, “Dwe fu ba fe fu ɪwɪ” amu. ¹⁰Nɪ ɔku de mu ba dwe a, ɔmɔɔɔɔ lalahe gyi mu ekekeke. ɪni su ɔha ání ɔɔdwe mu aba lagyi mbla amu fɛ́ɛ́sv.

¹¹Mli onuto mliɣin bre oduatɔ anɪbu. Bre lafun ání mlétsinkɪ, tsufe anɪ nkpaɔ lafun ta dun bre amuɣu anulegyankpa hɔ Kristo gyi amu. ¹²Onye detsun, ɔyi lake ta. Mó su mliha asi okluntɔ bwehe fɛ́ɛ́ bwe, atsu anɪ ɔyikehetɔ akɔtɔ tsan. ¹³Mliha anɪ tsiatɔ ɪbwe fe aha ání butsie wankɪtɔ. Mliɣmáha ayinta anɪ bre yetzia ɔdwe ogyikpa, anɪɔde atɔ dede gyi, anɪɔde nta nun bu. Anumáwa atɪ móa ayin asun. Anumáwa ɔnsɪpe, anumátre kɔ. ¹⁴Mboun mliɣɪɪɪ anɪ Wie Yesu Kristo tin mli ɪwɪ. Mliɣmátra tsia tsiatɔ dada amuɣu mli ɔwɔli lalahe tekle amu.

Akristofo Ulale Okpa Lalahesu

14 ¹Mluho mli aba Akristofóá buma ÷wunlun hogoyito wa mlto. Ni bee, toko bu ale nte uma ale a, mlu mágyi amó nwen. ²Oku lohogyiá ÷bu okpa gyi togyito, tame oku ε hogyi ÷no uma ÷nlun. Mú sv ÷tamagyi iye. ³Okpa má unvá ÷ha ání otegyi togyito ÷béle ÷ha ání ÷tamagyi toko ula. Ali ken ÷ha ání ÷tamagyi toko ε ÷mále ÷ha ání otegyi togyito ula ni. Tsufe Bulu laho amó. ⁴Fogyi ma ání féha oku osumbi ÷on? Mu wie nkule pe bu okpa bli ÷bee, otsie wanklaan nte ometisie wanklaan. ÷béta! tsia wanklaan, tsufe Bulu ÷béta! ha mu obétsia wanklaan.

⁵Oku ÷béta! bli ÷bee, eke kv ÷on mú aba, oku ε ÷bébli ÷bee, nke amu féé igyi kule. ÷hagyi÷ha ÷y ÷ mu kluntó wanklaan, otsu múá ibu ale. ⁶Ni oku ÷le eke oku ÷bee igyi eke yile a, ÷de mósv gyi putsu Bulu fua. Ni oku ε tegyi togyito a, ÷de mú gyi putsu ani Wie fua. Ni oku ε tamagyi iye a, mu ε ÷de mú kisi putsu ani Wie fua. Tsufe amó féé buteda Bulu ipan mósv. ⁷Anuto ÷haa metsie nkpa ha mu iwi, anuto ÷koku ε móowu ha mu iwi. ⁸Ni anutsie nkpa a, anutsie ha ani Wie. Awu ε a, anlawu ha mu. Mú sv ni anlawu o, anutsie nkpa o, ani Wie bu ani. ⁹Tsufe Kristo lowu, yinki kusv ba nkpató, menú ÷bóbwe aktankpavu pú awupu féé Owie. ¹⁰Lu sv imehian ání féha fu ba ipon nte féki fu ba ansito kotikoti. Tsufe ani féé abéyelu Bulu ansito, obégyi anuto okugyi÷ku ason. ¹¹Bowanlun wa Bulu ason amuto ÷bee, “Ani Wie Bulu ÷bee,

‘Nanya mbv nkpa anft a,
÷hagyi÷ha ÷béda akpawunu mi ansito;
÷hagyi÷ha ÷béle bli ÷bee, Bulu ngyi.’ ”

¹²Mú sv anuto okugyi÷ku ÷béle mu ason ÷no Bulu ansito.

Máha Fu Ba ÷dida Mu Hogyito

¹³Mú sv mltha asi aba ula le. Mboun abwe agywun ání anumó÷bwe tó÷á íbéha ani ba ÷koku méesrei nte ÷dida. ¹⁴Sei uná namli Okristoyin sv nabuá atogyihe koku má unvá mú *iwi metun. Tame ni Kristoyin oku lohogyiá toko iwi metun a, mumu mu wa mú iwi metun. ¹⁵Ni futegyi toko, ide fu ba han a, mumu fu bwehe mede ÷dwe suna. Máha fu atogyihe ÷ha fu ba ání Kristo lowu ha mu ÷fw. ¹⁶Mú sv máha tóá fuyin ání ibu ale íbwe tsitsa aha ansito. ¹⁷Tsufe *Bulu iwiegyi amv imegyi atogyihe nte atonunhe ason, mboun yilebwe, iwilwii pú ansigyi ání itsu ÷ne Wankthe amuto ason igyi. ¹⁸÷hagyi÷ha ání otosum Kristo okpa anfisv a, mu ason tegyi Bulu ansu. Aha ε butobu mu.

¹⁹Lu sv mltha ani ansu ipe tóá íbópv iwilwii ba, íbówa apio aba ÷wunlun hogyi÷sv bregyibre. ²⁰Máyinta Bulu gymagyihe fu atogyihe sv. Okpa bu unvá abétali gyi togyito, tame ni oku de tóá íbéha mu ba ÷bóbwe lakpan bwe mú a, uma ale. ²¹Ni oku tamagyi iye kv, nte nun nta nte bwe tóá íbéha mu ba ÷bé÷dida a, ibu ale. ²²Mú sv togyitóá fohogyi tsu ntobi anft iwi a, ha mú íbwe fua fu Buluny ÷ nsune ason. Ni oku opuni mede mu tsii mu bwehesv a, mumu ÷kla lawa mu ogya. ²³Tame ni mu klun medu mu asu mu atogyihe kv gyi sv, ogyi mú a, Bulu laha mu ipon dodoodo. Tsufe mu ato amv gyi melu hogyisv. Togyitóá ÷ha mōpv hogyi bwe igyi lakpan.

Aha Ansv Ató Bwe

15 ¹Ilehian ání ani aha ání ani hogyi ÷no bu ÷nlun abénya klun ha aha ání amó hogyi ÷no uma ÷nlun. Megyi tóá iletsia ani wule abóbwe.

²Ilehian ání anɔ́ okugyiwɔku ɔ́bɔ́bwe tɔ́á ɔ́bu ale ha mu ba, menɔ́ ɔ́bɛ́ha mu ɔ́bɛ́dan hogyiwɔ́. ³Tsufe Kristo kuraa mɔ́bwe tɔ́á mu onuto otekle. Mu ɔ́wɔ́ asun ɔ́wanlun wa Bulu asun amɔ́tɔ́ bɛɛ, “Asiabi amɔ́v besia fu amɔ́ fɛ́é ɔ́lebedunka mɔ́v.” ⁴Asun kugyiwɔ́á ɔ́wanlun wa Bulu asun wanlunhe amɔ́tɔ́ tsu tututu a, ɔ́wanlun mú ání ɔ́bɔ́suna anɔ́ atɔ́, wa anɔ́ atetɔ́-ɔ́nlun, atomi lu kinkiinkin. Fówun abénya klun kí ɔ́kpa ha atɔ́ amɔ́v anɔ́ anɔ́ dɔ́n mɔ́sv amɔ́. ⁵Bulu teha aha butenya klun. Mɔ́tɔ́wa aha atetɔ́-ɔ́nlun. Nde mu kulɔ́ mbɛɛ, ɔ́ha amlɔ́bwe kule, fe alɔ́á Kristo Yesu ɔ́suna anɔ́. ⁶Lnɔ́ ɔ́bɛ́ha mli fɛ́é mlɔ́pɔ́ ɔ́me kule kanfu Bulu, ogyi anɔ́ Wie Yesu Kristo mu St amɔ́ nɔ́.

Aha Ání Bɔ́megyi Yudafɔ́ Asun Wanklaan Bla

⁷Lnɔ́ sv mliɔ́ aba atuu, fe alɔ́á Kristo lɔ́hɔ́ mli, menɔ́ ɔ́bɔ́wa Bulu numnyam. ⁸Tsufe nde mli bla mbɛɛ, Kristo labwe Yudafɔ́ osumpɔ́, menɔ́ ɔ́bɔ́suna ání Bulu ɔ́bɛ́gyi mu tɔ́ amɔ́v ɔ́lehɔ́e amó anain amɔ́sv. ⁹Kristo leba, menɔ́ aha ání bɔ́megyi Yudafɔ́ bɛ́tɔ́ Bulu ɔ́dayile, nwe amɔ́v olowun amó amɔ́ sv. Fe alɔ́á Bulu asun wanlunhe amɔ́ ɔ́leblɔ́. Asun amɔ́ gyi,

“Anɔ́ Wie Bulu, ɔ́nɔ́ sv nɔ́wa fu numnyam aha ání bɔ́megyi Yudafɔ́ anɔ́tɔ́.

Nɔ́wa ɔ́v kanfu fu.”

¹⁰Bulu asun amɔ́ letra bli ɔ́bɛɛ,

“Mli aha ání mlɔ́megyi Yudafɔ́, mliha Bulu aha mlɔ́nya ansigyí!”

¹¹Betra wanlun bɛɛ,

“Aha ání mlɔ́megyi Yudafɔ́ fɛ́é, mlɔ́kanfu anɔ́ Wie Bulu. ɔ́má fɛ́é abi, mlɔ́kanfu mu.”

¹²Bulu ɔ́nɔ́sv ɔ́tɔ́pɔ́ ^aYesaia e leblɔ́ tswɔ́ ɔ́bɛɛ,

“ɔ́ha ɔ́ku ɔ́bɛ́lnɔ́ tsu anɔ́ nain Yisai^d abi-anátɔ́.

Mu ɔ́bɛ́begyi iwie aha ání bɔ́megyi Yudafɔ́sv nɔ́.

Mɔ́sv bɛ́dunka anɔ́ nɔ́.”

¹³Buluá butekɔ́ ɔ́kpa ha ogyi. Nde mu kokoli mbɛɛ, ɔ́ha ɔ́wɔ́ ilwii mli, anɔ́ igyi mli amlɔ́hɔ́ mu gyi. Mu ɔ́ɔ́e Wankiɔ́he ɔ́ha mli tumi, menɔ́ mu ɔ́kpaku mɔ́ɔ́kpɔ́n mli.

Tɔ́á Sva Paulo Lele ɔ́wɔ́tɔ́ Wanlun Atɔ́ Alɔ́

¹⁴Mɔ́ apio Akristofɔ́, mɔ́ onuto nhɔ́e nyin ání aha wanklaan mlɔ́gyi. Mliɔ́labɔ́ asun tsɔ́tsɔ́wɔ́tɔ́, mletalɔ́ tɔ́i kpla aba. ¹⁵Tame nawa klun nhɔ́e nde mli asun bla ɔ́wɔ́lv anɔ́fɔ́tɔ́ pɔ́kain mli. Tsufe Bulu lawa awɔ́tɔ́le pɔ́ agyɔ́ma anɔ́ wa mu ɔ́bɔ́tɔ́ ɔ́bɛɛ mbwe. ¹⁶Múgyi, mba ɔ́bɔ́we Kristo Yesu osumbi aha ání bɔ́megyi Yudafɔ́tɔ́. Mú sv nde osum agyɔ́ma anɔ́ yɔ́ fe Bulu igyi ɔ́hapɔ́. Nde aha amɔ́v bɔ́megyi Yudafɔ́ amɔ́ Bulu asun wanklaan amɔ́ bla, menɔ́ bémli igyi ahatɔ́á ɔ́ɔ́e Wankiɔ́he latin mú ɔ́wɔ́, ilegyi Bulu anɔ́. ¹⁷Lnɔ́á mɔ́a Kristo Yesunɔ́ anɔ́labwe kule sv a, mbɔ́ ɔ́kpa tsu ɔ́wɔ́ agyɔ́ma anɔ́ ndeyɔ́ ha Bulu anɔ́ sv. ¹⁸Tsufe mmɛ́etalɔ́ bli asvansɔ́ tsɔ́a atɔ́á Kristo latsun mɔ́ asun bliɔ́he pɔ́ mɔ́ bwehesu bwe aha ání bɔ́megyi Yudafɔ́tɔ́, menɔ́ bóbu Bulu. ¹⁹Lnɔ́a ofula mɔ́a osuna amɔ́v nɔ́bwe Bulu ɔ́ɔ́e amɔ́ tumitɔ́ amɔ́sv netalɔ́ da Kristo asun wanklaan amɔ́ fɛ́é ɔ́kan, tsu Yerusalem alu yɛdalɔ́ Iliriko ɔ́svlɔ́sv. ²⁰Tɔ́á ɔ́dɔ́n mɔ́ klunsv bre fɛ́é,

ndekleá nóbwe gyi, nénatí da Bulu asun wanklaan amu òkan ntíneá bumòkunya nu Kristo asun kí. Mmedekleá nótua òku gyumagyíhesu. ²¹ Tsufe bòwanlín wa Bulu asun amutò bée,

“Aha ání bumòkunu mu nka kí bówun mu.

Aha ání bumòkunu mu asun kí ε bónu mú así.”

Paulo Roma Ɔpasua Yesína

²² Lní laha mmòkunya òkpa ba mlí wa bótú ndé ní. ²³ Tame sei mú a, mí agyuma lamò ònò nfi funsu. Nfi tsòtsòtsò ní ndekleá néba mlí wa beki mlí. ²⁴ Mú sv nabwe agywun ání ní ndetsun nòyò Spania a, nótun kí mlí. Agyi òdwe kpalobi a, mlílasi mí òkpa nayò unu. ²⁵ Sei a, nabwe agywun ání négyankpa yò Yerusalem, yòbua Bulu aha ání búbu unu. ²⁶ Tsufe Akristofá búbu Makedonia pú Akaiá òsulusu bapú òdwe dúnka atò budèpúsí Bulu aha ání búgyi ahianfò Yerusalem. ²⁷ Lbu amú òdweá bóbua ahianfò. Bawun ání ilehian ání bóbua Yudafo é ka tko. Tsufe banya Ɖgetò atò, nu nkpahò asun amu tsu amú wa. Mú sv ilehian ání bóduka òyútò atò kv ha amú ε. ²⁸ Ní nòpò kòba ání bòtswítswí ha mí fée wa amú íbitò a, nóbòtsun mlí wa yò Spania. ²⁹ Nyin ání ní neba a, nòpò Kristo oyula kpònkpònkpòntí ba mlí.

³⁰ Mí apio adwèpú, ndèpú aní Wie Yesu Kristo pú òdweá Bulu Ɖje laha mlí, ha mlí aba kokolí mlí mbée, mlílu mí òma, amlíbo mpai ha mí kinkiinkin. ³¹ Mlíbo mpai mlíaa, Bulu òle mí tsu Yudafo amúv bumòhò mu gyi amu íbitò. Mlíbo ha mí, mení Bulu aha ání búbu Yerusalem unu bóhò atò amúv napú neya amú amu. ³² Fówun ní Bulu lotsula a, néba mlí wa ansigyí kpònkpònkpòntítò, beda òkpònu. ³³ Buluá òteha iwílwíi, otsia mlí fée wa. *Amen!

Itsiaha

16 ¹ Nde opio tsíhe Foibe le suna mlí. Kenkrea wulutò òpasuatò ahande òbúapú ogyi. ² Mlíhò mu aní Wie Yesu ídatò aláá úlekana ání Bulu aha bóbwe, amlíbuva mu òkpagyíòkpasu aláá odekle. Tsufe mu onuto alabua aha tsòtsòtsò, alabua mí ε.

³ Neha Priska mua mu klu Akwila fée tsia. Mta amúnòyò letsia bwe aní Wie Kristo Yesu agyuma. ⁴ Bòpú amú íwí ha ání bówu mí sv kúraa. Nde amú ípan da wanklaan. Megyí mí nkòle. Akristofá bumegyí Yudafo òpasua fée búde amú ípan da. ⁵ Neha òpasua amúv betsia fia amú woyítò amu ε fée tsia.

Neha mí òdwepú Epaineto tsia. Múlegyankpa hò Kristo Asia òmátò fée ní. ⁶ Neha Maria amúv olowun ípian mlí sv amu tsia. ⁷ Neha mí aba Yudafo Androniko mua Yunia tsia. Bawa mua amúnòyò obu kí. Búgyí Kristo sumbí ayòpúá obú bú amúsv. Begyankpa hò Kristo asa nata bóhò.

⁸ Neha mí pio òdwepú Kristotò Amplia tsia. ⁹ Neha aní Kristo agyuma òyòba Urbano mua mí nyawie klakla Staki tsia. ¹⁰ Neha Apele amúv alalé suna wanklaan ání alapú mu íwí ha Kristo amu mua Aristobulo abusuanfò fée tsia. ¹¹ Neha mí ba Yudayin Herodion tsia. Neha Narkiso abusuanfò ání búgyí Akristofò tsia.

¹² Neha Trifaina mua Trifosa, búgyí atsí amúv búde Kristo agyumatò kinkiinkin amu tsia. Neha mí òdwepú tsíhe Persi, òde Kristo agyuma yò kinkiinkin amu ε tsia. ¹³ Neha Rufo mua mu yin amúv mí ε ntetí mu mí yin amu tsia. Rufo gyi aní Wie agyuma òyòpúá alahò ída agyuma amutò. ¹⁴ Neha Asinkrito,

Flegon, Herme, Patroba, Herma pú apio Akristofɔ amuv bubu amú wa amu féé tsia. ¹⁵Neha Filologo, Yulia pú Nereo mua mu pio tsuhe pú Olimpa mua Bulu aha amuv bubu amú wa amu féé tsia.

¹⁶Mlulata aba puta Bulu ɔdweto. Kristo ɔpasua amu féé bude mli tsia ha.

Tɔá Roma Ahogyipu Amu Bubwe

¹⁷Apio, nokokoli mli, mliki wanklaan, menú mlétali wun aha ání bubu mlitɔ, bude mli dasaun. Alí aha amu buteha aha butedida hogyitɔ. Amú ato-sunahe teda mú amuv nosuna mli amu mɔ. Mlukola iwí le amúsu. ¹⁸Tsufe aha amu odu a, megyi aní Wie Yesu Kristo budesum. Amú ɔwɔli lalahe budesum. Bapu amú ɔnɔwanki pú ahakanfu bɔna bude aha ání bumeyin ɔlala mle. ¹⁹Tame mli mú a, ɔhagyíɔha lanu alí mlɔlapu mli iwí ha Kristo. Mú su íbu mli ɔdwe, aní de mli gyi wanklaan mli su. Tame ndekleá mlutun aní, amlíbi tɔá íbu alé. Mlímáwa íbi lalaheto. ²⁰Bulu teha aní iwílwii. Imɔɔwa ɔpá a, ɔbétsa ***Satansu** manta ɔsulɔ tantaantan, mlélu musu.

Aní Wie Yesu Kristo ogyi mli bvale, ɔlu mli ɔma.

²¹Mí ba agyoma ɔyɔpu Timoteo de mli tsia ha. Alí mí aba Yudafɔ Lukio mua Yason pú Sosipatro e bude mli tsia ha ní.

²²Mí mli pio Okristoyin Tertioá nɔwanlun ɔwulɔ aní ha Paulo, nde mli tsia ha.

²³⁻²⁴Mí woyi mu wie Gaio amuv ɔpasua amuv butefia mu woyitɔ amu de mli tsia ha. Erasto, ogyi wulu kɔbasu ɔkípu mua aní pio Kwarto e beha mli tsia.^e

Paulo Bulu Kanfu

²⁵Mlíha akanfu aní Bulu! Mu ɔbétali tsun Yesu Kristo asun amuv nablí amuv ha mlélu kinkiinkin hogyitɔ. Ɖɔɔpu ɔnɔkwali aní ɣain tsu ɔyi ɔpá. ²⁶Sei mú a, alatsun mu ɔnɔsu atɔɔpu amu atɔ wanlunhesu le mú ɔwan; fe alí Buluá ɔbu unu bre féé laha ɔmá-ɔmá babí mú, mení aha féé bóho mu gyi, bu mu.

²⁷Bulu nkole gyi Bulu. Mu nkole bu nyansa. Numnyam ání ilekana utsun aní Wie Yesusu itu mu bre féé. ***Amen!**

e 16:24 Múto ye 24 bu nwulu dada amu akoto: Aní Wie Yesu Kristo ɔwa awitɔle ha mli féé. Amen!

Ɔwulɔ Gyankpapuá Paulo Lɔwanlɔn Sɔsɩ

Korintofɔ

1 ¹Mɩ Kristo Yesu *sumbi ɔyɔɔ Paulo ání Bulu letɩ mu apɛtɔ pú anɩ pio Sostene de ɔwulɔ anfi wanlɩn.

²Anɩde mú wanlɩn sɩsɩ Bulu ɔpasua ání tɔvɩ Korinto wulutɔ, Bulu lale amú, bwe amú mu aha. Amú Kristo Yesu babwe kule, fe anɩ Wie Yesu Kristo asumpuá bubu ɔyɩtɔ féé. Yesu Kristo gyi anɩ féé Owie.

³Anɩ Sɩ Bulu mu anɩ Wie Yesu Kristo bugyi mlɩ buale, abɔha mlɩ iwilwii.

Anɩ Kristo Ukulebwetɔ Oyula

⁴Nteda Bulu ipan bregyibre, alɩá mlɩa Kristo Yesu kulebwe su alawa awɩtɔle ha mlɩ. ⁵Tsufe mú su mlɩlanya tɔvɩ togyitɔtɔ. Múá ɩɔvɩn gyi mlɩ tɔvɩ pú mlɩ asɔnbɩ féétɔ. ⁶ɩnɩ lasuna ání asɔn amuv anulebla mlɩ tsu Kristo tɔvɩ amv bu mútɔ. ⁷ɩnɩ su ɔɛtɔ atokiehe kugyiku mede mlɩ hian, sei anfi mlɩhe mlɩde ekeá anɩ Wie Yesu Kristo obótsu ɔsɔvɩ ba bele tɔvɩ ɔwan ɔkpa kɩ anfi. ⁸Mv onuto ɔbɔwa mlɩ ɔwanlɩn yɔfɩn eke amuv ɔbésankɩ ba begyi anɩ asɔn amv, menɩ asɔvansu méetsia mlɩ tɔvɩ. ⁹Ɔnɔkwaliɔvɩ Bulu gyi. Muletɩ mlɩ ɔbee, mlɩa mu Bi, ogyi anɩ Wie Yesu Kristonyɔ mlɩbɔbwe kule.

Ɔpasua Amutɔ Ukolemábwe

¹⁰Apio, nɔɔvɩ anɩ Wie Yesu Kristo kokoli mlɩ ání mlɩ féé mlɩbwe kule, menɩ mlɩméesadaɩn. Mlɩha mlɩ agywɩn tɔvɩ kule mlɩ asɔn blɩhe kugyikɩtɔ. ¹¹Mɩ apio, tɔá svá nde asɔn anfi blɩ gyi, akvá botsu Kloe abusuanto babla mɩ bee, asɔn bubu mlɩ nsɩne. ¹²Bebli bee, mlɩtɔ akv mlɩaa, “Paulo anɩbɔuo.” Abamba bee, “Apolo anɩbɔuo.” Akv e bee, “Petro, bɩtetra tɩ mu Kefa anɩbɔuo.” Akv e bee, “Kristo anɩbɔuo.” ¹³Nfite mlɩ, beye Kristotɔ? Paulo beda manta *oyikpalihe amuvɩ ha mlɩ, nte mu ɩdatɔ bɔbɔ mlɩ *asu?

¹⁴Neda Bulu ipan ání Gaio mu Krispu ɔma a, mmetra bɔ mlɩtɔ ɔkɔku asu. ¹⁵Mú sv ɔhaa méetalɩ blɩ ɔbee, mɩ ɩdatɔ nɔbɔ mu asu. ¹⁶Ke! Nakaun, nɔbɔ Stefana mu mu woyitɔ aha e asu. Amú ɔma a, mméekaun ání netra bɔ ɔhaa asu. ¹⁷Kristo mɔwa mɩ aha asubɔ. Mboun ɔbee, mbeda *asɔn wanklaan amv ɔkan. Megyi ɔnɔwankɩ pú anyankpusa agywɩn nɔɔpublɩ mú, tsufe nɩ nɔɔvɩ mú blɩ mú a, tumi kɔkɔvɩkɩ uméetra tsia Kristo oyikpalihe amutɔ.

Bulu Tumi Pó Mu Nyansa

¹⁸Ani Wie Yesu oyikpalihesu lowu iwi asun amu igyi mimlala ha aha ání bodehi. Tame igyi Bulu tumi ha ani aha ání Bulu de nkpa ání utamata ha.

¹⁹Tsufe bōwanlun wa Bulu asun amuto bee,

“Néyinta anyansapu nyansa.

Mmóhó amú agywun wanklaan kuku.”

²⁰Ni igyi alu a, mumu nto onyansapu gyi? Nto Mose mbala osunapu gyi? Oyi anfito nwen agyipu me? Oyi to ansutin me, imegyi mimlala Bulu ansito?

²¹Bulu lópu mu onuto nyansa bwe mú. Nyankpusa méetalu pu mu nyansa bi mu ekekeeke. Mú su alapu ani mimla okan amuv anideda amu ho aha ání bahó mu gyi nkpa. ²²Tsufe osuna ání itsu Bulu wa *Yudafó butekleá bópúbá asun amu bu móto. Grikifo e a, nyansa butekleá bópúbá ibu móto. ²³Mó su ni ada okan antaa, beda Kristo manta oyikpalihesu a, utokusu lu Yudafosu, igyi mimlala omá bambasufó e ansito. ²⁴Tame aha ání Bulu lalé, bogyi Yudafó pú Grikifo mú a, Kristo gyi Bulu tumi kpónkpónti pú mu nyansa ha amú. ²⁵Tsufe Bulu mimlala igyi ansutinla dun nyankpusa nyansa. Mu ipón e kuraa dun nyankpusa owunlun.

²⁶Apio, mlíkau alá mlígyi breá Bulu leti mli. Aha butamabu mli oduduo ání mliletin ansu. Mli oduduo mlimegyi iwi anyapu, oduduo e bumotsu abusuan kpikplito. ²⁷Bulu lele aha ání buma nyansa oyi anfito, menú obópu amú supa attansupu. Olee oyi anfito apónpu e, menú obópu amú wa awonlunpu pelito. ²⁸Olee aha ání obú ma amúsu pú amúá buma labi kuku oyi anfito, menú obópu amú wa amúá obú bu amúsu pelito. ²⁹Olobwe mú féé alí, menú chaa móotsu iwi mu ansito. ³⁰Bulu su mlá Kristo Yesuno mlilabwe kule, alapu Kristo bwe ani nyansa. Mlatsu ani ání ani asun da okpa mu ansito, alabwe ani mu aha. Alaho ani le lakpan nkpábito, ha anlagyi iwi. ³¹Mú su fe alá Bulu asun amu lebli a, “Ohagyicha ání obee, mótsu iwi a, opu toá ani Wie labwe tsu iwi.”

Kristo Da Manta Oyikpalihesu

2 ¹Mi apio, breá neba beda Bulu asun gainhe amu okan suna mli a, mmópu okwanki nte nyansa kuku bebla mli Bulu asun amu. ²Tsufe breá mbu mli wa a, nobwe agywun ání nótó tsu Yesu Kristo pú mu *oyikpalihesu lowu nkule iwi. ³Breá neba a, mi awuto yoyoyó. Ifu de mi, ndekpinku. ⁴Megyí mi nyansa pú mi okwanki nópuda asun amu okan suna mli. Mboun Oge Wankhe amu tumi leha asun amu okwanki mli. ⁵Uleba alí, menú mlénya mli hogyi tsu Bulu tumito, megyi nyankpusa nyansato.

Bulu Nyansa

⁶Tame ni nowie aha ání badan hogyi amuto wa a, ntópu Bulu nyansa bla amú asun amu. Megyi nde oyikehetó nyansa, nte oyi anfito tsu agyipúá béba bōhulí amú tumi kle. ⁷Nyansa anfi anide mó iwi asun bli anfi igyi nyansa ání Bulu lópugain asa oyi lebelin, ání obópúwa ani numnyam. ⁸Oyi anfito otumipu okuku mebi nyansa anfi. Ni bebi mú a, teki bumeda ani Wie Onumnyampu amu manta oyikpalihesu. ⁹Tame fe alá bōwanlun wa Bulu asun amuto a,

“Tɔ́á ansibi m̀kɔwun kɪ, asu m̀kɔnu kɪ,
um̀kɔba nyankpɔsa agywuntɔ ɛ kɪ a,
m̀́ Bulu lala yai ha mu adwepu ni.”

¹⁰Tame anlabi unɪ, tsufe alale m̀́ suna anɪ tsun mu ***Ɖɛ Wankihe** amɔsu. Ɖɛ amu tokwi togyitɔtɔ kɪ, ɔtele Bulu asun ŋainheá ibu ɔtɔɔtɔ kɔraa suna anɪ. ¹¹Ɖhaa tamawun mu ba nwuntɔ, nketi mu onuto ɔɛ. Alɪ ken Bulu Ɖɛ amu nkɔle towun Bulu nwuntɔ ni. ¹²Anɪ m̀́ a, Bulu lɔpu mu Ɖɛ wa anɪtɔ, megyi ɔyi anfitɔ ɔɛ bu anɪtɔ. Mboun Ɖɛá itsu Bulu wa, menɪ abétalɪ nu ɪtɔ amɔ Bulu lapɔkie anɪ faan amu asɪ.

¹³M̀́ sv megyi anɪ onuto nyansa asun anɪde m̀́lɪ bla. Mboun asun ánɪ itsu Ɖɛ Wankihe amu wa. M̀́ anɪdepɔle Ɖɛtɔ ɔnɔkwali asun asɪ ni. ¹⁴Ɖha ánɪ ɔma Ɖɛ Wankihe méetalɪ hɔ tɔ́á itsu Bulu Ɖɛ amu wa, tsufe igyi mimlala mu wa. Ɖha ánɪ Ɖɛ Wankihe bu mutɔ tonu asun ánɪ Ɖɛ amu deblɪ asɪ. ¹⁵Mute-talɪ tete togyitɔtɔ nu m̀́ asɪ. Tame mu m̀́ a, ɔhaa méetalɪ tete mu asuntɔ, nu mu asɪ ekekeke. ¹⁶Nkalɪ ɪbɔbwe asa bétalɪ nu m̀́ asɪ? Igyi fe aliá Bulu asun wanlɪnhe amu leblɪ ɔbɛɛ,

“Ma ɔbétalɪ bɪ anɪ Wie agywun?
Ma ɔbétalɪ suna mu asun?”

Tame Kristo agywun bu anɪtɔ. M̀́ sv anɪ m̀́ abétalɪ bɪ mu agywun.

Bulu Asumpu

3 ¹Apio, bréá neba m̀́lɪ wa a, mmetalɪ tɔ́ m̀́lɪ ansɪtɔ fe aha ánɪ Ɖɛ Wankihe bu am̀́tɔ. Nebla m̀́lɪ asun fe aha ánɪ am̀́ agywun ɪdɪn ɔyi anfitɔ atɔsu, bum̀kɔdan Kristotɔ. ²Nyɔpu-ntsu neha m̀́lɪ. Mmeha m̀́lɪ atogyihe onuto. Alɪ bré am̀́tɔ a, mlum̀kɔfɔn atogyihe onuto gyi. ³Tsufe ɔyi anfitɔ tsiatɔ ɪtra bu m̀́lɪtɔ. M̀́lɪde aba lu, m̀́lɪdɛtrɛ. Nɪ m̀́lɪde unɪ bwe me, imosuna ánɪ m̀́lɪ agywun tra dɪn ɔyi anfitɔ atɔsu, m̀́lɪgyi fe ɔm̀́atɔfɔ? ⁴M̀́lɪtɔ aku m̀́lɪaa, “Paulo anɪbuo.” M̀́lɪtɔ aku ɛ m̀́lɪaa, “Apolo anɪbuo.” Mbɛɛ, unɪ medesuna ánɪ m̀́lɪgyi fe ɔm̀́atɔfɔ?

⁵Mbɛɛ, ma gyi Apolo, nte ma gyi Paulo, sv m̀́lɪdɛtrɛ anɪ sv? Bulu asumpu keke anɪgyi, m̀́lɪlatsun anɪ ɪbutɔ m̀́lɪ mu ahogyipu. Anɪtɔ okugyiɔkɔ legyi gyuma ánɪ Bulu leha mu. ⁶M̀́lodu, Apolo lɔwɔlɪ m̀́́ ntsu, tame Bulu leha m̀́́ ɪledan. ⁷Megyi odupu m̀́́a ntsu ɔwɔlɪpu lɔbwe tɔtɔ. Bulu nkɔle tɔbwe, tsufe mutɛha m̀́́ ɪtedan. ⁸Odupu m̀́́a ntsu ɔwɔlɪpu f́́é bɔgyi keke Bulu ansɪtɔ. Ɖb́́ka okugyiɔkɔ ɪkɔ mu bwehe ɔnɔ. ⁹Agyuma ayɔpu mia Apolo anɪgyi ha Bulu. M̀́lɪgyi Bulu ndɔ, m̀́lɪgyi mu obu ɛ ni.

¹⁰Bulu lɔwa awɪtɔle ha mu, bwe mu obu oyipu ɔtiansɪpu. M̀́ sv nɔpu abwi wa obu amu ntswiastɪ, aha bamba betalɪ budepwe dinka m̀́́sv ni. Tame ɔha-gyiɔha ɔkɪ wanklaan obu amu pwɛtɔ. ¹¹Tsufe ɔhaa méetalɪ wa ntswiastɪ bamba dɔn m̀́́ amɔ ɪda yai, igyi Yesu Kristo amu. ¹²Nɪ ɔkɔ ɔpu sika pepe o, sika fututu o, abwiá ɪbu bia o, nyi o, afɪta nte ipi yi dinka ntswiastɪ amɔsu a, ¹³ɔbɪ ánɪ kugyiɔkɔ ɪbéln ɔwan eke amɔ Bulu obégyi anɪ asun amu. Ogya ɔbɔpɔsɔ m̀́́ kɪ bɛɛ, ɔlɔbwe m̀́́ wanklaan. ¹⁴Nɪ ogya amu m̀́́hɔ obu amu yɪnta a, Bulu ɔb́́da mu ɪpan. ¹⁵Tame ni obu amu ɪlɔhɔ a, ɔb́́hɛ hɔlɪ atɔ. Bulu ɔb́́hɔ mu nkpa, tame ob́́fɔflu fe ɔha ánɪ alasɪ dalɪ ogya plenplɛntɔ.

¹⁶M̀́lɪmeyin ánɪ ***Bulu ɔtswɛkpa** m̀́lɪgyi, Bulu Ɖɛ amu tsɪe m̀́lɪtɔ? ¹⁷Ɖha-gyiɔha ánɪ oleyɪnta mu ɔtswɛkpa a, Bulu ɛ obéyɪnta mu, tsufe Bulu ɔtswɛkpa lɔwankɪ. Mu ɔtswɛkpa amu gyi m̀́lɪ a.

¹⁸Ɔhaa mámle mu iwɔ! Nɔ mlɛtɔ ɔku de mu iwɔ tɔ ɔtiansɔpu nde ɔyi anfitɔ a, ilehian ání ɔbɔbwe mu iwɔ ɔha mimlahe, menɔ ɔbɔbwe ɔtiansɔpu onuto. ¹⁹Tsufe ɔyi anfitɔ ansitun igyi mimlala Bulu ansɛtɔ. Fe altá bɔwanlɔn wa Bulu asɔn wanlinhe amɔtɔ bɛɛ, “Ɔtiansɔpu agywɔn lalahe Bulu tɔpɔkɩta mu.” ²⁰Bulu asɔn wanlinhe amɔ letra blɩ ɔbɛɛ, “Bulu yin ání ɔtiansɔpu agywɔn itepi ma labi.” ²¹Ɔlɩ sv ɔhaa mápu ansɩ dɩnka ɔhaasɩ tsu iwɔ. Mlibu togyitɔ. ²²Paulo o, Apolo o, Petro o, ɔyi anfti o, nkpa nte lowu o, nde o, ɔke o, mlibu mú féé. ²³Kristo bu mli, Kristo ε gyi Bulu kle.

Kristo Sumbi Ayɔpu

4 ¹Ɔlɩ sv ɔhagyɔɔha otsu múá Kristo asumbi keke mia Apolo anɔgyi, Bulu lapu mu asɔn ɔhainhe amɔ agyɔma wa anɩ ɩbitɔ. ²Tɔá ihɛ dehian gyi, ɔha ání bapu agyɔma wa mu ɩbitɔ obégyi ɔnɔkwali. ³Mɩ mú a, nɩ mlɛtɔ aku nte aha bamba bude mɩ pɔn ha kuraa a, imegyi tɔtɔ mɩ ansɛtɔ. Mɩ onuto o mmɔkɔvha iwɔ pɔn nte asɩ. ⁴Nyin mɩ klɔntɔ, tame imosuna ání mɩ asɔn da ɔkpa. Anɩ Wie Yesu gyi mɩ asɔn ogyipu. ⁵Ɔlɩ sv mlɩmákɔsɩ le mli aba ɩla, kpefun anɩ Wie ɔbake amɩ. Mu ɔbɔwankɩ wulɩ oklɔntɔ atɔsv, le anɩ agywɔn ɔwan, asa Bulu ɔbékanfɔ ɔhagyɔɔha altá ilehian nɩ.

⁶Mɩ apio, mli sv ndepu mia Apolo tsiatɔ suna mli atɔ, menɩ mlónu mú amɩv aha butebli bɛɛ, “Mlɩmányankɩ tɔá bɔwanlɩn tswɩsv” amɩv asi. Fówun mlɩmóowun ɔhaa tsu iwɔ. ⁷Ma lebla fu ɔbɛɛ, fudɔn ɔku? Ntɔ fubvá imegyi Bulu leha fu? Nɩ Bulu leha fu togyitɔ a, ntogyi sv fude iwɔ tsu fe megyi ha beha fu?

⁸Mlɩdekɩá mlɩlamwe! Mlɩlanya iwɔ! Mlɩlawuna mlɩde iwie gyi. Mɩ sv mú a, teki mlɩde iwie amɩv gyi lele, menɩ anɩ mlɩnyɔ abégyi iwie amɩ. ⁹Ɔde mɩ bwe fe Bulu laha anɩ ***sumbi ayɔpu** anftɩ anɩlabwe ɔma agyapɩ fe ndoun bakpa bɔyɔmɔ. Tsufe anɩlamli atɔ kɩhe ha ɔyitɔ féé, Bulu-abɔpu múa anyankpɩsa féé. ¹⁰Kristo sv anɩlabwe aha mimlahe, mli mú mlɩlatɩn ansɩ. Anɔgyi apɔnpu, mli mú mlibu ɔwɔnlɩn. Aha bude mli bu, anɩ mú ɔhaa tamabu anɩ. Megyi alɩ mlɩde anɩ kɩ nɩ? Nte megyi alɩ? ¹¹Bɔfun sei a, akun múa ɔmɛwulɩ de anɩ, atatidatɔ anɩda. Bude anɩ atswe fulɩ, anumá ɔdikpa. ¹²Anɩteyɩtɩ iwɔ pu anɩ ɩbɩ yɔ agyɔma pɩnya anɩ atohianhe. Nɩ bɔlwu anɩ a, anɩtoyula amó. Nɩ budɩn anɩsv e a, anɩtotomi. ¹³Nɩ bebli anɩ iwɔ asɔn lalahe a, anɩtɔpu ɔdwe le mú ɔnɔ. Bɔfun sei a, anɩlabwe wuna, bude ipi pɩtsɩsa anɩsv ɔyi anfitɔ.

¹⁴Mmede anɩ wanlɩn pusupa mli, mboun ndepɩtɔɩ kpla mli fe mɩ abi adwɛpu. ¹⁵Tsufe nɩ aha mpɩm-du (10,000) losuna mli Kristo iwɔ asɔn kuraa a, ɔbakule pe abi mlɩgyi ɔɔɛtɔ. Nɔbwe mli sv Kristo Yesutɔ breá neda asɔn wanklaan amɩ ɔkan suna mli. ¹⁶Mú sv nde mli kokoli, mlɩkasɩ mɩ tsiatɔ. ¹⁷Ɔlɩ sv nde Timoteo wa sɩsɩ mli. Mɩ bi nɩ, ntɔdwe mu. Ɔbu ɔnɔkwali Kristotɔ. Mu ɔbéba bekain mli tsiatɔ oduá nɔpu mbuo Kristo, ndepɩsuna ɔpasua kugyikvá ɩbu ɔtɩnegyɩɔtɩne nɩ.

¹⁸Mlɩtɔ aku bude iwɔ tsu. Buki bɛɛ, fiálɩ mméetra ba mli wa ekekekeke. ¹⁹Tame nɩ anɩ Wie Yesu lotsula a, umɔɔwa ɔpá kuku néba mli wa beki bɛɛ, asɔn keke iwɔ atsupu anftɩ bodebli loo, nte lele bubu Bulu tumi. ²⁰Tsufe megyi asɔn blɩhe keke ***Bulu iwiegyi** amɩv igyi, mboun Bulu tumi. ²¹Nɩ néba mli wa a, ntɔ mpɩba? Mpɩv mɩplɩ ba loo, nte ɔdwe múa ɩklɔn ɩwiihe?

Mbuato Iwi Asun

5 ¹Bahɛ bebla mi beɛ, mlitɔ aku buɔe atsi mɔa ayin asun wa. Ɖmátɔfɔ kuraa buɔmede mú odu bwe. Mlitɔ ɔku mú kuraa laswu mu si mu ka, ²ibu mli ansigyi! lma mli awirehɔ. Peli mede mli, menɩ mlégya ɔha anfi odu le mli ɔpasuatɔ. ³lná mlumede mi wun o a, mbu mlitɔ ɔgetɔ. Naha ɔha anfi ɔbu tsiatɔ anfi odu ipɔn dodooɔ, fe mbu unu. ⁴Mlitɔ ɔpasua amu fia anɩ Wie Yesu Kristo idatɔ. Nétsia mlitɔ ɔgetɔ, anɩ Wie Yesu Kristo tumi ε ibétsia mlitɔ. ⁵lnu a, mliɔu mu wa Ɖbunsam ibitɔ, oyinta mu ɔyulu, menɩ Bulu ɔbɔhɔ mu ɔkla nkpa anɩ Wie Yesu ɔbake amu.

⁶Kpaali mlide iwi tsu. Mlumeyin ání bodobodotu-afa kpalobi teha bodobodo amu féé itotu? ⁷lni su mlile lalahe ɔbweɔu anfi mlitɔ, menɩ mli iwi bétin fe bodobodoá bumɔwa afa mútɔ, tsufe alɩ mlhie mlgyi ni. Megyi bodobodoá bumɔwa afa mútɔ, imotu butɔpugyi *Katsun Nke? Bamɔ anɩ Israelfɔsu Katsun Nketɔ *Okufabi, ogyi Kristo amu, le anɩ nwnusu mbusuo ha anɩ dodooɔ. ⁸Mú su mliha apu bodobodoá imotu, igyi iwitin mɔa ɔnɔkwaliwa gyi Katsun Nke amu. Mlumáha apu bodobodoá ulatu, igyi tsiatɔ lalahe mɔa lakpan gyi mú.

⁹Nɔwanlin wa ɔwulu kuá nɔpusisi mlitɔ mbeɛ, mliámápu mbua atɔpu gyi mba. ¹⁰Megyi ɔyitɔ mbua atɔpu, ɔnsipe awapu, awikplu nte ukpi atswɛpu iwi asun nebli. Mumu teki mlédali ɔyi anfitɔ asa mliumɔwa amú mba ni. ¹¹Tɔá nɔwanlin sisi mli gyi, mliámápu ɔha ání ɔbeɛ Okristoyin mugyi, tame ɔtɔtɔ mbua nte ɔbu ɔnsipe, ɔtɔtswe ukpi, otesia mu aba, ɔtɔbu nta nte otowi atɔ gyi mba. Mliha ɔha amu nyo mliumáwa ibi gyi atɔ kuraa.

¹²Ntɔ su négyi aha ání buma ɔpasua amutɔ asun? Megyi aha ání bubu mútɔ, buɔe lakpan anfi odu bwe mboun asun lehian ání mlégyi? ¹³Bulu obégyi aha amuu buma ɔpasua amutɔ amu mú asun. Tame bɔwanlin wa Bulu asun wanluhe amutɔ beɛ, “Mli mú mlgya lalahe ɔbweɔu le mlitɔ.”

Bulu Aha Wulewule Nsune Asungyi

6 ¹Ni mlitɔ ɔku mu ba Okristoyin benya a, ntogyi su mliɔwa klun pɔya ɔmátɔfɔ asun ogyikpa, mliɩtamapu ya Bulu aha abubli mú? ²Mlumeyin ání Bulu aha obégyi ɔyitɔ aha féé asun? Ni mli obégyi ɔyitɔ aha asun a, mú ntogyi su mliuméetali gyi mli wulewule nsune asun? ³Nte mlumeyin ání anɩ obégyi Bulu-abɔpu ε asun? Ntogyi su anuméetali gyi ekekegyieke asun mú? ⁴Ni asun ida mli nsune a, ntogyi su mliɩɔpɔya ɔmátɔfɔ asun agyipu amuu mli ɔpasuafɔ butamabu amu? ⁵Nde asun anfi wanlin sisi pusupa mli. Mú su ɔtansipu ɔkle kuraa má mli ɔpasuatɔá ɔbétali gyi mu aba nsune asun? ⁶Ntogyi su ohogyipu ɔbésama mu ba, múá idun kuraa pu mu yelu ɔmátɔfɔ anstɔ?

⁷Alɩ amuu asun ibu mli Akristofɔ wulewule nsune amu kuraa ilosuna ání mliɩlagyi pɔn dodo. Ntogyi su mli ba ɔpu ɩla gyi mli, nte osisi mli mliuméesikie? ⁸Mli mboun latsun gyankpa mlide mli aba sisi, mlide lalahe pugyi mli aba? ⁹Nte mlumeyin ání aha lalahe bumóowie *Bulu iwiegyi amutɔ? Mliumámle mli iwi. Aha ání butɔwa atsi mu a ayin asun, ukpi atswɛpu, mbua atɔpu, ayin ání butekle amú aba ayin, ¹⁰awikplu, ɔnsipe awapu, nta abupu, aha asiapu pú aha asisipu buméenya ogyikpa Bulu iwiegyi amutɔ. ¹¹Teki bre amu a, alɩ

mlúto aku mlígyi ní. Tame Bulu labie mlí ntsu, alabwe mlí mu aha. Alatsun mu Ɖɛ amu pú aní Wie Yesu Kristosu tsu mlíá mlí asun da ɔkpa mu ansúto.

Mlí Ɖyulu Powa Bulu Numnyam

¹²Mlúto ɔku ɔbétali bli ɔbee, “Mbu ɔkpa bwe todogyito.” Ee! Tame nde mlí bla mbee, “Megyi mú fée ɔbówa labi.” Ɖku e ɔbébli ɔbee, “Mbu ɔkpa bwe todogyito, tame mméeha tɔto méegyí misu.” ¹³Ibu mútɔá ɔku ɔbétali bli ɔbee, “Atogyihe bu unv ha ipu, ipu e bu unv ha atogyihe.” Ee! Tame mú fée íbéhi ekeku. Bulu mɔbwe nyankpusa ha atsi múa ayin asun wa. Mboun aní Wie bu aní ɔyulu, aní ɔyulu e bu aní Wie. ¹⁴Bulu lɔkusva aní Wie Yesu tsu afulúto. Ɖɔ́pɔ mu tumi amu kusva aní e.

¹⁵Nte mlumeyin mlíaa, mlí ɔyulu igyi Kristo nyankpusa-oyi amu iwí atɔ? Mú nkali sv mpv Kristo ɔyulu yeda obu-ɔno otsiapv ɔyulu? Utsun misu! ¹⁶Nte mlumeyin mlíaa, ní ɔku ɔpv íbú da obu-ɔno otsiapv a, mva munyɔ ɔyulu labwe kule? Tsufe Bulu asun wanlinhe amu lebli ɔbee, “Oyin amu mva ɔtsi amu babwe ɔyulu kule.” ¹⁷Tame ní ɔku mva Kristo bɔbwe kule a, mva munyɔ babwe ukule ɔɣetɔ e.

¹⁸Mlumáplei atsi nte ayintɔ. Lakpan kugyikuá ɔha tɔbwe tamakusu lu mu ɔyulusu. Tame ní ɔku ɔwa atsi múa ayin asun mú a, alabwe lakpan ání ulɔkusv lu mu onuto ɔyulusu. ¹⁹Nte mlumeyin mlíaa, mlí ɔyulu gyi Ɖɛ Wankhe amu ɔtswekpa obu? Bulu lɔpv mu ha mlí, otsie mlúto. Mú sv megyi mlíbu mlí iwí. ²⁰Ibia kpekplekpe Bulu lɔho mlí. Mú sv mlípv mlí ɔyulu wa mu numnyam.

Aklu Múa Aka, Akpankv Pú Asurapv Atosunahe

7 ¹Nayɔ asun fitehe amuv mlúwanlín sísí mí amúto kí a, Ee! Ibv aleá oyin mɔ́pɔv íbú da ɔtsi. ²Tame mbuatɔ ladubi. Mú sv oyingiyoyin onya mu onuto ɔka, ɔtsigyíɔtsí e onya mu onuto oklu. ³Ilehan ání oklu obégyi ɔkatsia mbla féeésv ha mu ka, ɔka e ɔbɔbwe mú alí ha mu klu. ⁴Megyi ɔtsi bu mu iwí, mu klu bu mu. Alí megyi oyin e bu mu iwí, mu ka bu mu ní. ⁵Mú sv mlumákina aba ɔɔkpa ha, nketí mlí abanyɔ amv mlulatsula ání mlétsia nke kpalobi, mení mlétsia bɔ mpaí, asa mlélayɔ aba wa. Mlúlawun aba mú ɔma, mení Ɖbunsam méetalí sɔ mlí kí, ní mlumetalí kíta iwí.

⁶Ɖkpa ída ání mlɔ́bwe mú alí, tame megyi ɔhie igyi. ⁷Mí nkule sv mú a, teki mlétsia kpankv fe mí, tame ɔhagyíɔha bu múa Bulu lɔpvokie mu. Ɖmɔbwe aní fée keke. Ɖhagyíɔha mva mu kle.

⁸Sei nde akpankv mva asurapv bla mbee, ní bótsula tsia mí atsiabi a, teki íbú ale. ⁹Tame ní mluméetalí kíta iwí nte gyí mlí iwísv mú a, mlítsia aklu múa aka, ɔvń ání mlénatí da tsun.

¹⁰Tame aklu múa aka awie mú a, mbla kv bu unvá megyi mí, mboun aní Wie Yesu lɔwa ha amú. Ɖbee, ɔka mákina mu klu. ¹¹Tame ní ɔmaun mu klusu a, ɔkíta iwí nte oyinki yɔ mu klu wa. Oklu e mákina mu ka.

¹²Mlí aha trahe mú a, mí onuto de mlí uní bla. Megyi aní Wie Yesu de mú bli. Ní ohogyípv yinhe tsia ɔtsiá omegyí ohogyípv, tame ɔtsi amv latsula ání mva munyɔ bétsia a, ɔmákina mu. ¹³Ní ohogyípv tsihe e tsia oyin ání omegyí ohogyípv, tame alatsula ání mva munyɔ bétsia a, mu e ɔmákina mu. ¹⁴Tsufe ohogyípv tsihe amv sv Bulu ɔbɔ́hɔ mu klu. Alí ken ohogyípv yinhe amv sv Bulu ɔbɔ́hɔ mu ka e ní. Ní megyí alí a, Bulu móotsu amú abi ání amú asun da

ɔkpa mu ansɔ. Tame ɛni su Bulu latsu amúá amó asun da ɔkpa mu ansɔ. ¹⁵Tame ni oklu nte ɔka ání omegyí ohogyipu dekleá obékina mu tsiaba ohogyipu a, ohogyipu amu osi mu ɔnatɔ. Mbla kuku meklu mu, tsufe Bulu leti ani ɔbɛɛ, abétsia iwilwiitɔ. ¹⁶Ohogyipu tsuhe, fuyin ni fu ɔbóhɔ fu klu nkpa? Nte ohogyipu yinhe, fuyin ni fu ɔbóhɔ fu ka nkpa?

Tsia Altá Fogyi

¹⁷Mú su ɔhagyíɔha ɔpu tɔá anɔ Wie Yesu leha mu asa Bulu leti mu tsia. Múgyi tɔá ntebla ɔpasua kugyiku ni. ¹⁸Ni ɔku letin *kete asa Bulu leti mu a, ɔmálayinki yɔbwe mú ɛni tɔtɔɔ. Ni ɔku ɛ metin kete asa Bulu leti mu ɛ a, ɔmáyetin. ¹⁹Ketetin nte ketemátin megyi tɔtɔ. Bulu mbla amusu gyi mboun gyi asun. ²⁰ɔhagyíɔha otsia altá ogyi asa Bulu leti mu. ²¹ɔkpábi fogyi asa Bulu leti fu? Imáhan fu. Tame ni ɔkpa iba ání fégyi ɛni a, kusu músu. ²²Tsufe ni ɔkpábi fogyi asa anɔ Wie leti fu a, alaha fagyí ɛni. Alɔ ken ɔha ání otsie mu ɛni asa anɔ Wie leti mu ɛ gyi ɔkpábi sei ha Kristo ni. ²³Bulu lɔhɔ mli ibia kpekplekpe. ɛni su mɛmábwe mli ɛni nkpábi ha anyankpusa. ²⁴Mi apio, alágýialíá ɔhagyíɔha gyi asa Bulu leti mu a, ɔpu mú alɔ tsia.

Mbitebi Múá Asɔrapɔ

²⁵Mli mbitebiá mɛmɔkutsia aklu kɔ mú a, mma mbla kukuá itsu anɔ Wie wa ha mli. Tame anɔ Wie mva mu nwewun, alaha mi nyansa ání mlétali hɔ mi gyi. ²⁶Asun ání nde ha mli gyi, ɔyitɔ lawa ɔnlun sei. Mú su nahogyiá ɛni aléá ɔhagyíɔha obétsia altá otsie yat. ²⁷Ni fubu ɔka a, mákina mu. Ni kpanku fogyi ɛ a, mátepi tsia. ²⁸Tame ni fetsia ɔka a, fumɔkubwe lakpan. Ni obitebiá ɔmɔkutsia oklu kɔ ɛ otsia a, ɔmɔkubwe lakpan. Asun wunheá ɛni bɛba tɛki ndetsu kusu aklu múá akasu. Mú su nde ɛni bli.

²⁹Mi apio, múá ndeblɔ gyi, bre itinbi ɛni. ɛni su tsu sei a, ɔha ání ɔbu ɔka ɔbwe fe ɔha ání ɔma. ³⁰ɔsun igyi o, ɔdwe igyi o, ɛni ɛni igyi o, ɔbwe ɛni fe asvansu medin músu. ³¹Aha ání bɛde ɔni anfitɔ atɔ pubwe tɔku bumápu amó ansɔ féé duka músu. Tsufe ɔni anfi pɔ mútɔ atɔ féé bɛba ɔtsun.

³²Mmedekleá asun ɛni mli. ɔha ání ɔma ɔka tɔpu mu ansɔ duka anɔ Wie agyumasu, menɔ obégyi mu ansɔ. ³³Tame ɔka mu wie mú tɔpu ansɔ duka ɔyitɔ atɔsu, menɔ obégyi mu ka ansɔ. ³⁴Mú su mu agywun tɔbwe anyɔ. Alɔ ken ɔtsi kpanku ɛ tɛsi mu ɛni ha anɔ Wie, ɔyulu múá ɔnetɔ féé, menɔ obégyi Bulu ansɔ ni. Tame oklu mu wie mú tɔpu mu ansɔ duka ɔyitɔ atɔsu, menɔ obégyi mu klu ansɔ.

³⁵Mli yile su nde asun anfi bli. Mmede mli itin ka. Mboun ndekleá mli bwe tɔá ɛni ɔkpa, amlsi mli ɛni féé ha anɔ Wie Yesu.

³⁶Ni oyin ɔfite ɔtsisu, owun ání ɔméetali kɔta ɛni, ɔtsi amu ɛ dekle ɔdan tsun a, ɔyekpan mu. Megyi lakpan igyi. ³⁷Tame ni ɔlabwe agywun ání oméetsia mu, ɔbétali kɔta ɛni tsia kpanku a, ɔbu ɔkpa bwe tɔá odekle. Ni ɔbétali kɔta ɛni a, mumu ɔkɔta ɛni. ɛni ale dun. ³⁸ɛni aleá obétsia ɔka. Tame ni ometepi tsia a, ɛni ale dun.

³⁹Mbla lekli ɔtsi, ání oméekina mu klu yɔfun mu owuke. Tame ni oyin amu owu a, ɔbu ɔkpa tsia oyin ání odekle. Tame ilehian ání ɔha amu ɔbó bwe Okristoyin. ⁴⁰Mi nkule su mú a, ni otsie kpanku a, ansɔ bégyi mu dun. Nyin áni Bulu ɔne amusu ɛni mitɔ amu su natalɔ nde mli asun anfi bla.

Okpító Atogyihe

8 ¹Mliha abl okpító-ató gyi iwí asun amúv mliłowanlín sísí mī amú. Mliđeblí mliáa, “Aní fée anyin asun.” Ibo mútò, tame mlibíá asunbí tēha óha totsú iwí, ódwe é itēha óha tēdan. ²Ní ókú óbēē, múyin asun dúbí a, ómókunya bí tóá idehian. ³Óha ání ótódwe Bulu a, Bulu é yin mū.

⁴Mó sv nkali anideblí tsu okpító ató gyi iwí? Aní fée anyin ání okpí megyi tótótó. Anyin ání Bulu okpíle pé é bú unv, okúku tra óma ótunetíne. ⁵Intá ikpí mba tumi tsótsótsó búbu ósv mba así o a, ⁶aní mó anyin ání Bulu okpíle pé bú unv. Múgyi aní Sí, ósv mba así Óbwepu. Mv anitsie nkpa ha. Aní Wie okpíle pé é bú unv. Múgyi Yesu Kristo. Músv Bulu lótsun bwe togyitó. Mv ken sv anitsie nkpa ní.

⁷Tame megyi Akristofó fée yin alí asun anfi. Ikpísum lamanta amú dodo. Iní sv ní begyi okpító-ató a, búde mú tsuá basum okpí amú ní. Mó sv ifin lada amú, tsufe búmókudan hogiyitó. ⁸Megyí tóá anutēgyi sv ania Bulunyo nsine bówa ale. Ntó anilegyi o, ntó anumēgyi o, tótó meyinta aní iwí.

⁹Tame mliki wanklaan ání okpa anfi mlibo gyi okpító-ató anfi umééha óha ání ómókudan hogiyitó ómēédida. ¹⁰Ní óha ání ómókudan hogiyitó owun fú anfi fēē fuyin asun, fúde ató gyi okpító a, íbo ale? Múmv yē fúde mv atetó-ónlín wa fēē, ogyi okpító ató anfi mv onuto oyin ání uma ale anfi ní o. ¹¹Múmv fapv fú asunbí mlē fú pio wa. Faha fú pio anfi ómókudan hogiyitó, Kristo lowu ha mv anfi lafwi. ¹²Ní fópú íla gyi fú pio Okristoyin ání ómókudan hogiyitó, fēha mv óbwe tóá oyin ání uma ale a, Kristo fapv íla gyi a. ¹³Mó sv ní tóá négyi íbēha mī pio Okristoyin óbóbwe lakpan a, mmēetepi tra gyi iye ekeke-ekē, mēní umééha mv ódida.

Sumbi Óyópv Tumi Pó Mv Gyumagyihe

9 ¹Mliki mliáa, mmetsie mī iwísv? Nte megyi *sumbi óyópv ngyi? Mmókówun aní Wie Yesu kí? Megyí mī gyumagyihe sv mliłamlí aní Wie klē ndé? ²Ní mmēgyi sumbi óyópv ha akú a, mli mó mliyin ání sumbi óyópv ngyi. Tsufe uná mli gyi Akristofó a, ilegyi adansie ání aní Wie sumbi óyópv ngyi.

³Iní gyi tóá ntópúle mī iwí ónó suna aha ání butele mī íla ní. ⁴Mia Barnaba mú anumágyi ató, nun ntsu? ⁵Anumá okpa tsia ohogyipv, kpa mv buo iwí, fē sumbi ayópv atrahe amú pú aní Wie apio mba Petro aná? ⁶Nte mia Barnabanyó mú ayó agyuma kí aní iwísv? ⁷Iša ókópv onuto teka iwí íkó? Ekekekeke! Ódótópv ómómv tamagyi mv ndótó-ató? Mbwi óyáupv ómómv tamagyi mv óbwi yathe?

⁸Anyankpúsa agywun ndepublí uní? Yē Mose Mbli o íleblí alí a? ⁹Tsufe bówanlín wa Mose Mbli amutó bēē, “Bútamawa ónantswieá óde ayo da ónó úkan.”^a Fahogyi fēē, nnantswie iwí de Bulu hian sv óleblí asun anfi? ¹⁰Megyí aní sv óde asun anfi blí? Aní sv óde mú blí a. Bówanlín wa Bulu asun amutó bēē, “Ílē ówópv mva ató okpótípv fée búgyo tóá bénya tsu agyuma amúv bayó amutó.” ¹¹Ní anlábli mli asun wanklaan amú, ígyi ójētó abíá anládu

a 9:9 Deut. 25:4. Kí ató taanheá bú ífón XXX, (1 Tí. 5:18). Mó así gyi, “Bútamale okwén pv íbí tsitsi ósolótó.”

wa mlúto a, aní m'ó anumá òkpa nya aní òyúto atohianhe tsu mli wa? ¹²Ní aku búbu òkpa nya ató tsu mli wa a, anumá òkpa ðun amó?

Tame anumotsu kùku le unúto. Anulapú klúntó písii h'ò togyitò, mení aní-m'òpú t'òt'òt'ò tin Kristo asun wanklaan amu òkpa. ¹³Mlímeyin m'haa, Bulu òtswekpa unu agyuma ay'òpú é búbu ogyikpa unu? Nte mlímeyin aní *af'òdúe-úswi amu así asumpú butegyí m'ó así ató? ¹⁴Alí ken aní Wie lehéá m'ó asun wanklaan amu òkan adapu é búgyi ató tsu aha aní búde labi nya tsu asun amúto wa ní.

¹⁵Tame m'í m'ó mm'òkúpú alí òkpa anfi mbu anfi nya t'òt'ò tsu mli wa. Megyi b'ee, ndekleá néfi m'ó así, sù nde asun anfi wanlun sísi mli. Lbu m'í aleá nówu, ðun aní n'òhulí utó anfi n'òpútsu iwí anfi. ¹⁶Tame ní nde asun wanklaan amu òkan da a, imegyí t'óá n'òpútsu iwí. Tsufe òhie igyi ha m'í. Bulu òbébiti m'í isu ní m'èda m'ó òkan. ¹⁷Ní m'í onuto lebli mb'ee n'òbwe m'ó a, tekí Bulu òbéda m'í ipan. Tame megyí m'í onuto ap'etó nde m'ó bwe. Òkpábi ngyi, Bulu lobu m'í òòkwalipú p'ó agyuma anfi wa m'í íb'utó. ¹⁸Ìk'òka m'ómú nénya tsu m'óto ngya? M'ógyi néda asun wanklaan amu òkan, búm'éeka m'í t'òt'ò. Tekí mbu òkpa p'ukle t'òku ha m'í iwí, tame mm'òb'òbwe m'ó alí.

¹⁹Ntsie m'í iwíswu. Mma òhaa así, tame nabwe iwí òkpábi ha òhagyi'òha, mení n'èkpa aha ts'òts'òts'ò ba Kristo. ²⁰Nt'òbwe iwí fe Yudayin ní mbu Yudaf'òt'ò, mení n'étalí nya Yudaf'ò amu. Mma Mose mb'la así, tame nt'òbwe iwí fe aha aní búbu m'ó así, mení n'étalí nya amúto aku. ²¹Alí ken ní m'ía òm'át'òf'á búma Mose mb'la así an'ina a, nt'òbwe iwí fe am'ó, mení n'étalí kpa am'ó ba Kristo ní. Lní medesuna aní mma Bulu mb'la amu así, tsufe nt'òbu Kristo mb'la amu. ²²Nt'òbwe iwí fe aha aní am'ó hogyi òh'ò ma ònlun, mení n'étalí ha am'ó bédan Kristot'ò. Ntedamli iwí òkpa òtsan-òtsansu ha aha f'ée, mení n'étalí kpa amúto aku ba Kristo.

²³Asun wanklaan amu sù nt'òbwe uní f'ée, mení m'í é nénya ogyikpa m'óto. ²⁴Mlúkaun aní ní aha búsrí a, okugyi'òku t'eyírí iwí, tame òbakúle tegyi isu, butekie m'ó ató? Mli é mliyírí iwí srí, mení mlégyi isu b'èkie mli ató. ²⁵Òsrí otsiipú okugyi'òku tekita iwí, mení òbésrí p'uh'ò ida aní útamatsia y'ò. Tame aní m'ó anide uní bwe, mení ab'òh'ò ida aní im'òf'wí ekekeke. ²⁶Lní sù megyi kpaalí nsrí. M'í ansí ðun t'òkusú. Ntamatswí atswé wa af'utó. ²⁷Ntesen ansit'ò, bwe m'í iwí òkpábi, mení ní neda asun amu òkan suna aha ta a, Bulu m'éeb'la m'í òb'ee, nabwe tsítsa.

Ìkp'isum Iwí Òlada

10 ¹M'í ap'io, ndekleá mli'bi t'óá Bulu l'òbwe ha aní anain amu f'ée búmbi amu. Òl'èha agyinde lobun am'ó f'ée'su, òl'èha Òpú P'èpé búnkp'at'ò lese, òlekpa am'ó f'ée tsun òpú amúto. ²Bulu l'òpú agyinde m'óa òpú amu b'ò am'ó f'ée *asu, p'usuna aní búgyi Mose ab'uo'pú. ³Am'ó f'ée begyi òh'et'ò atogyi'èe oloku òkúle amu. ⁴Bonun òh'et'ò ntsu oloku òkúle amu tsu búta am'ó òlekpa am'ó amúto. Kristo gyi búta amu ní. ⁵Tame uní f'ée òma a, Bulu ansí megyi am'ó òb'òd'ò iwí. Òl'èh'í am'ó ðimbi am'ó'su unu.

⁶Nt'òbi anfi òl'èba am'ò'su anfi f'ée igyi atosuanhe ha aní, mení am'ó lal'èhe amu odu bwe m'éédunka aní òw'òl'í, ⁷aním'òosum òk'p'í é fe am'ó. Tsufe Bulu asun wanlunhe amu òleblí òb'ee, "Aha amu betsia así gyi ató, nun nta, k'usú k'òm." ⁸Mlím'áwa atsí m'óa ayin asun fe al'á amúto aku b'òbwe, òl'èha amúto mpum

advanyɔ-sa (23,000) benya lowu ekewule. ⁹Mlumáha asɔ Kristo kɛ fe alɛ amuv amótɔ akw bɔbwe, awɔ bodundun amú mɔ amu. ¹⁰Mlumále Bulu ula fe alɛ amótɔ akw bɔbwe, Bulu lɔpu ɔbɔpu sɛsɛ, ɔlɔbɔmɔ amú.

¹¹Ntobi anfi ulɛba amúsv fée igyi atosuanhe ha anɛ. Bɔwanlun mú tswɛ, puda anɛ aha anfi ɔyi ɔnɔmɔbi latu anɛ anfi ɔla.

¹²Mú sv nɛ fukɛ fee, fulu kinkiinkin Kristo hogiyɔ a, kɛ wanklaan, menɛ fuméedida. ¹³Bɛ́á fu ɛsɔkɛ amu mɔtsun ɔtsan ha aha trahe kle. Ɖnɔkwalɛpu Bulu gyi. Ɖméeha ɛsɔkɛ́á ɛdun fu ɛba fusu. Tame nɛ fowie ɛsɔkɛ́a a, Bulu obósuná fu ɔkpa ání fɔtsun músv tali lu mú ɔnɔ, menɛ fédalɛ mótɔ.

¹⁴Mú sv apio adwepu, mlumáwa ɛwɛ ɛkɛpɛmɔtɔ ekekeke. ¹⁵Atiansɛpu mlygi. Mú sv mli onuto mlyɔ asun anfiɔ amlɛkɛ. ¹⁶Nɛ ada Bulu ipan, anun anɛ Wie Yesu ɔpɔnvasɛ ewe amútɔ nta a, imosuna ání anɛa Kristo obugya labwe kule? Nɛ abia bodobodo amu e ye aba a, mú e imosuna ání anɛa mu ɔyulu labwe kule? ¹⁷Intá anɛ tɔɔ o a, bodobodo ipin kule antegyɛ. Mú sv anɛ fée anlábwe ɔyulu kule fe bodobodo ipin amu.

¹⁸Mlɛpɔkɛ Israelfɔ, megyi aha amuv butegyɛ afɔdɛ atɔ amu ɔbwe kule afɔdɛ amu bɔtɔ? ¹⁹Mú sv nkali mɛ asun anfi desuna? Bli ndɛbli mbee, ɛkɛ nte atogyihe amuv bapuha amú igyi amu ɛbu labi? ²⁰Ekekeke! Tɔ́á ndɛbli gyi, nɛ akɛpɛ beha ɛkɛ igyi a, ***ɔɛ lalahe** bɔpɛha, megyi Bulu. Mú sv mmedekleá mliá ɔɛ lalahe mlɔbwe kule. ²¹Mluméetali pu anɛ Wie ewe tin ɔnɔ, layɔpu ɔɛ lalahe ewe e tin ɔnɔ. Mliá Kristo mluméetali wa ɛbi gyi atɔ, mliá ɔɛ lalahe e amlɛwa ɛbi gyi atɔ. ²²Nɛ abwe mú alɛ a, anumɔ́wa Bulu ɔbɔ fe Israelfɔ? Nte anɛkɛ́a anɛbu ɔwɔnlun ɔn Bulu?

²³Aha butɛbli bee, “Anɛbu ɔkpa bwe togyiɔ.” ɛbu mótɔ alɛ, tame megyi mú fée bu labi. Fudebli fee, “Anɛbu ɔkpa bwe togyiɔ.” Tame megyi mú fée ɔbua anɛ. ²⁴Mlumáki mli nkule kle, mboun mlɛkɛ mli aba e kle.

²⁵Tɔ́á mliɔbwe gyi, mliwɛ ɛbiasu iye kugyiku. Mlumáfite mú ɛwɛ asvansu, mli klun e umáha mli pɔn. ²⁶Tsufe bɔwanlun wa Bulu asun amútɔ bee, “Bulu bu ɔyi múá mótɔ atɔ fée.”

²⁷Nɛ ɔmátɔyin ɔti fu atɔ ogyikpa, ɛletsia fu a, fayɔ. Tame nɛ fɔyɔ a, máfite mú ɛwɛ asvansu, fu klun e umáha fu ipɔn. ²⁸Tame nɛ ɔku ɔbla fu ɔbee, “Ɖkɛpɛ-atɔ igyi” a, alɛ uméehan ɔha amu sv mágyi atɔ amu. ²⁹Megyɛ alɛ ɛbéhan fu sv, mboun ɔha amu sv. Muv ntogyi sv tɔ́á ɔku desusu ɛbétin mɛ ɛwiyi ɔkpa?

³⁰Nɛ ntɛda Bulu ipan atogyihesu asa ntegyɛ mú a, ntogyi sv ɔku ɔbéle mɛ ula atɔ amu sv?

³¹Mú sv nɛ fudegyi o, fudenun o, bwe mú fée puwa Bulu numnyam.

³²Mlumáha mli tsiatɔ itin Yudaɔ pɔ Grikifɔ nte Bulu ɔpasua amu Kristo wa ba ɔkpa. ³³Ntamakle mɛ nkule yile. Togyitɔ́á ntɔbwe a, ntɔbɔ mbɔdɛ́á néha aha anɛ bégyi amú, menɛ Kristo ɔbɔhɔ amú nkpa.

11 ¹Mlukasɛ mɛ tsiatɔ, fe alɛ mɛ e nekasɛ Kristo kle.

Alɛ́a Atsɛ Bóptsia Ɖpasuatɔ

²Mɛ apio, ntekanfɔ mli, tsufe mli anɛ ɔn mɛsv. Mliɔdebwe ɔnka Kristo atosunahe amuv nɔpɛha mli amu sv. ³Tame ndekleá mliɛn mú asɛ ání oyinyiɔyin bu Kristo asɛ, ɔtsigyɔtsɛ bu oyin asɛ, fe alɛ́a Kristo e bu Bulu asɛ. ⁴Lu sv oyinyiɔyin ání obun atɔ nwun asa ɔde mpaɛ bɔ nte ɔde asun ání Bulu lapuwa mu ɔnɔ bli mede Kristo bu. ⁵Tame ɔtsigyɔtsɛ́a ɔmekli nwun asa ɔde

mpai bɔ nte ɔde asun ání Bulu lapuwa mu ɔno bli ε mede mu klu bu. Igyi fe alakpa nwun. ⁶Ni ɔmɔɔpu atɔ klu nwun a, mumu ɔkpa mú. Tame ni ɔtsi ɔkpa nwun, ibu mu peli a, ɔpu atɔ klu músu. ⁷Bulu lɔbwe oyin fe mu iwi, puwa mu iwi numnyam. Mú su mehian ání ɔbɔpu atɔ bun nwun asa obósum Bulu. Tame ɔtsi mú a, Bulu lɔbwe mu puwa oyin numnyam. ⁸Tsufe oyin medalu tsu ɔtsiɔ, ɔtsi mboun ledalu tsu oyintɔ. ⁹Megyí ɔtsi su Bulu lɔpwe oyin, mboun oyin su ɔɔpwe ɔtsi. ¹⁰Ini su ilehian ání ɔtsi ɔbéklu nwun, pusuna ání ɔbu tumi asi, tsufe Bulu-abɔpu bude mu ki. ¹¹Iniá anta Kristonyɔ anlabwe kule su a, ɔtsi lehian oyin, oyin ε lehian ɔtsi. ¹²Tsufe alu amvu ɔtsi gyankpavu ledalu tsu oyintɔ amu a, alu ken ɔtsi ε lɔkwu oyin ni. Tame Bulu lɔbwe togyitɔ.

¹³Mli onuto mliɔ asun anfitɔ amluki. Ibu aleá ɔtsi méeklu nwun asa ɔbɔbɔ mpaí ha Bulu? ¹⁴Fe alá Bulu lele ɔyitɔ a, uma aleá oyin obési mu imi íbɔwa iswi fe ɔtsi kle. ¹⁵Imi tuntun igyi numnyam ha ɔtsi, tsufe Bulu lɔpu mú ha mu fe nwun-abuntɔ. ¹⁶Tame ni ɔku de mú iwi nwen gyi a, asun ání mbu bli gyi, mmotsula dinka kukusu dɔn ini. Alu ken Bulu ɔpasua atrahe féé bumotsula dinka músu ni.

Ɔpuɔvastyɔ

(Mateo 26:26-29; Marko 14:22-25; Luka 22:14-20)

¹⁷Mméekanfɔ mli asun anfi neba bebla mli anfi mútɔ. Tsufe yile kuku tamadalu tsu mli ifiatɔ. Lalahe koun iteti ha mli. ¹⁸Gyankpavu a, babla mi bee mlitamabwe kule ni ɔpasua amu befia. Nahogyiá asun anfi kv bu mútɔ. ¹⁹Lele mú a, ilehian ání nwegyi bétsia mlitɔ, mení mlówun ɔnɔkwaliá ibu mútɔ. ²⁰Tame bebli bee, ni mlefia a, megyi ɔpuɔvastyɔ su mlitefia. ²¹Tsufe mlitamagyɔ aba. Aku butegyí amú atɔ, butamaha aba. Mú su aku butonun bu, aku ε butsie akun. ²²Mli onuto mlumá woyiá mlitegyi atɔ, nun nta mútɔ? Nte mlidekleá mlósupa Bulu ɔpasua amu, amluwa ahianfɔ amu pelitɔ? Amansu mbli tsu ini iwi? Nkanfu mli? Initɔ mú a, ekekekeke, mméekanfɔ mli!

²³Tsufe tɔá nosuan tsu aní Wie wa ken nde mli bla a. Aní Wie Yesu lele bodobodo ipin onye amvu bele mu ha amu, ²⁴ɔleda Bulu ipan, biabia mútɔ, bli ɔbee, “Mí ɔyɔlvá ndepvha mli ni. Mlitsia bwe ini pukain misu.” ²⁵Alu ken atogyihe amu ɔma a, olotsu nta-ewe amu bli ɔbee, “Nta-ewe anfi gyi mi obugya ání Bulu depvsi ntam ɔpɔwe amvu ibu mli mɔnyɔ nsine amvu ni. Bregyibreá mlónun mú a, mlinun mú pukain misu.”

²⁶Tsufe bregyibreá mlide bodobodo anfi gyi, nun nta tsu ewe anfitɔ a, mlide aní Wie lowu amu ɔkan da kpefun breá obéyinki ba. ²⁷Mú su ɔha ání obégyi alí bodobodo anfi, nun nta tsu aní Wie ewe anfitɔ mábu ɔkpasu a, alagyi aní Wie ɔyɔlv pú mu obugya amu iwi pɔn. ²⁸Ini su ilehian ání mlóyɔ mli nwuntɔ wanklaan, asa mlégyi bodobodo anfi, nun nta ewe anfitɔ. ²⁹Tsufe ni mlumobu aní Wie Kristo ɔyɔlv, mlilegyi bodobodo amu, nun nta amu ε dinka ifinsu a, Bulu ɔbéha mli ipɔn mú su. ³⁰Mú su mlitɔ aha tsɔtsɔtsɔ bapɔn, aku budelo, aku mú kuraa bawu ni. ³¹Ni anitɔyɔ aní nwuntɔ wanklaan asa a, tekti Bulu mééha aní pɔn. ³²Tame ni aní Wie ɔle aní ɔla, buti aní isu a, ɔmééha anta ɔyitɔ aha féé ipɔn kule.

³³Ini su mi apio, ni mleyefia ɔpuɔv amu asi a, mlitsia gyo aba. ³⁴Ni akun de ɔku a, ogyi atɔ tsu woyitɔ asa ɔba, mení mli ifia amu iméeti isubiti ha mli. Mli onuto néba bebla mli tɔá mlubwe tsu asun trahe amu iwi.

Ɖɔɛ Wankɔhe Atokiehe

12 ¹Sei a, apio, ndekleá nɛ́lɛ *Ɖɔɛ Wankɔhe atokiehe asun amu asɩ wan-
klaan suna mli.

²Mliyin ání breá mligyi ɔmátɔfɔ a, bosuna mli asunakpan, ulɛha mliɔyɔ mliɔde ikpiá butamatɔ sum. ³Mó sɔ ndekleá mliɔbi mɔ́a itsu Bulu wa. Ɖha-
gyiɔha ání ɔɔɛɔ Ɖɔɛ Wankɔhe tɔi méɛtali lwu anɩ Wie Yesu. Ɖha ání Ɖɔɛ
Wankɔhe de mu kpa nkule ɔbétali bli ɔbɛ, “Yesu gyi mɩ Wie.”

⁴Bulu atokiehe ɔtsan-ɔtsan bu unɔ, tamɛ Ɖɔɛ Wankɔhe amu ken teye mó
féé. ⁵Bulusum agyɔma igyi ɔtsan-ɔtsan, tamɛ anɩ Wie amu ken anɩ féé anɩde-
sum. ⁶Ɖkpa ɔtsan-ɔtsansu Bulu tɔyɔ agyɔma tsun anɩsu, tamɛ Bulu amu ken
de mó féé bwe tsun anɩ féésu. ⁷Bulu tele mu Ɖɔɛ amu ɔwan tsun ɔkpa ɔkusɔ
anɩtɔ okugyiɔkɔtɔ, menɩ abópukpa aba. ⁸Ɖɔɛ Wankɔhe teha ɔku ɔtɔɔ nyansa
tɔi kpla aha, ɔteha ɔku ɛ tebi asun. ⁹Ɖteha ɔku tehiɛ hɔ Bulu gyi, ɔteha ɔku ɛ
tetsa aha ulɔ. ¹⁰Ɖɔɛ Wankɔhe amu ken teha ɔku tumi ɔtɔɔɔbwe ofula, ɔteha
ɔku ɛ tebli asun ání Bulu lɔɔɔwa mu ɔkɔ. Ɖteha ɔku tetali bi ɔɔɛá itsu Bulu
wa pú mɔ́a itsu ***ɔɔɛ lalahe** wa. Ɖteha ɔku tebli ɔbli bamba, ɔku ɛ tonu mó
asɩ. ¹¹Ɖɔɛ Wankɔhe amu nkule ɔbwe unɩ féé, oteye atokiehe anɩ ha ɔhagi-
ɔha alá odekle.

Ɖpasua Amu Igyi Nyankpɔsa-oyi Ɖkule

¹²Nyankpɔsa-oyi iwɩ atɔ itsɔ, tamɛ mó féé lɔbwe nyankpɔsa amu. Alɩ ken
igyi Kristo ɛ nɩ. Mu ɔpasua amu gyi mu nyankpɔsa-oyi amu nɩ. ¹³Anɩtɔ aku
anɩgyi Yudafɔ, aku Grikifɔ, aku nkpábi nte adihɛ, tamɛ bɔɔɔ Ɖɔɛ Wankɔhe
amu bɔ anɩ féé asu wa Kristo ɔyulu kule amɩtɔ, Bulu lɔɔɔ Ɖɔɛ amu ken nuna
anɩ féé.

¹⁴Tamɛ megyi toku kule lɔbwe nyankpɔsa-oyi amu, mboun iwɩ atɔ ɔtsan-
ɔtsan. ¹⁵Nɩ yabi ɔbli ɔbɛɛ, “Mma nyankpɔsa-oyi amu iwɩ, tsufe megyi ibi
ngyi” a, ilosuna ání megyi nyankpɔsa-oyi amu iwɩ atɔ ogyi? ¹⁶Nɩ usɩ ɛ ɔbli
ɔbɛɛ, “Mma nyankpɔsa-oyi amu iwɩ, tsufe megyi nsibi ngyi” a, ilosuna ání
megyi nyankpɔsa-oyi amu iwɩ atɔ ogyi? ¹⁷Nɩ nsibi nkule gyi nyankpɔsa-oyi
amu féé a, nkali ɔbɔbwe obónu asun? Nte nɩ usɩ nkule gyi nyankpɔsa-oyi amu
féé a, nkali ɔbɔhɔ atɔ afu? ¹⁸Tamɛ Bulu lɔɔɔ iwɩ atɔ tsɔtsɔɔtsɔ bwe nyankpɔsa-
oyi amu, ɔlɔɔɔ kugyiku yi ɔtɩnɛá odekle. ¹⁹Nɩ iwɩ ntobi amu igyi toku kule
a, nkali nyankpɔsa-oyi amu ibɔbwe? ²⁰Iwɩ ntobi amu itsɔ mó, tamɛ mó féé
lɔbwe nyankpɔsa-oyi amu nɩ.

²¹Mó sɔ nsibi méɛtali bla ibi ɔbɛɛ, “Fuma labi ha mɩ!” ekekeke. Nwun ɛ
méɛtali bla yabi ɔbɛɛ, “Fuma labi ha mɩ!” ²²Nɩ aki a, iwɩ atɔ amɩv anɩdeku
anɩaa ulɔɔɔn amu iwɩ tehian nɩ. ²³Mó amɩv anɩdekiá obú uma mósu amu
anɩtɔbu dɩn nɩ. Ɖtɩnɛ amɩv anɩtamakleá aha bɔwun amu ɛ anɩtɔɔɔ atɔ tin
nɩ. ²⁴Tamɛ anɩtamapɔ atɔ tin anɩ iwɩ ntobi amɩv ibi akɩle amu. Bulu lɔbwe
anɩ iwɩ atɔ amu alɩ, menɩ abóbu mó amɩv uma numnyam amu, kɩ mósu wan-
klaan. ²⁵Fówun ikulebwe bétsia amúɩtɔ, menɩ gyɔɔi okpita bɩna a, bɩna ɛ
lakpita gyɔɔi. ²⁶Nɩ nyankpɔsa-oyi amu iwɩ tɔku de ɔsun wun a, nyankpɔsa-
oyi amu féé towun mó. Nɩ bekanfɩ móɩtɔ ku ɛ a, anɩ tegyi nyankpɔsa amu.

²⁷Yoo, ayo nkpa. Kristo ɔyulu kule amu mli féé mligyi. Mligyi mu ɔpasua
amu nɩ. Mliɩtɔ okugyiɔku gyi mu nyankpɔsa-oyi amu iwɩ tɔku. ²⁸Bulu lehɩɩɛ

uni féeé wa mu ɔpasua amuto. Gyankpapu, *sumbi ayɔpu. Nyɔsi, Bulu ɔnɔsu atɔpu, sasi, atɔ asunapu. Mú ɔma a, ofula abwepu. Amóá bubu ulɔtsa tumi, buale agyipɔ, ahande pú ɔbli bamba ablipu. ²⁹Amú féeé gyi sumbi ayɔpu? Ekekeke! Amú féeé gyi Bulu ɔnɔsu atɔpu, nte atɔ asunapu, nte ofula abwepu? Iméeba móto alí! ³⁰Amú féeé bu ulɔtsa atokiehe? Amú féeé tebli ɔbli bamba, nte amú féeé tetali nu ɔbli bamba amu asi? ³¹Mlɔɔ mbɔdi amlidunka atokiehe amuto móá idehian dun.

Nelasuna mli ɔkpa ání idun uni tsia móto.

ɔdwe

13 ¹Ni ntetali bli anyankpɔsa pú Bulu-abɔpu ɔbli féeé, tame ntmadwe mi aba a, ngyi fe ɔkan nte gbemgblein ání bode mú da, idelin koklukuu. ²Ni mbu Bulu ɔnɔ asunbli, Bulu asun ɲainhebi pú hogyi kɔnɔkɔntiá ntetali pupuli abu, tame mma mi ba iwi ɔdwe a, mumu mma labi kuku. ³Ni nɔpu mi atɔ féeé kie ahianfo, nɔpu mi iwi ha mbɛɛ buwa mi ogya, tame mma mi ba iwi ɔdwe a, mma labi ha ɔhaa.

⁴Aha ɔdwepu tenya uklun, ɔbu awitɔle. ɔma olu, ɔtamaka ɔnɔto, ɔtamatsu iwi. ⁵Otobu atɔ, ɔma ɔnsipe. ɔtamakɔsi nya ɔblo, ɔtamaho asun wa iwito. ⁶ɔtamatsula asukpan, ɔnɔkwali otobuo. ⁷Otenya klun ha togyito, ɔtoho asunsu gyi. Mu ansi tedunka asunsu, ototomi ɛ.

⁸ɔdwe mú itamata, tame Bulu ɔnɔ asunbli bómo ɔnɔ. ɔbli bamba bli béka itin, asunbi ɛ ibéba bɔtsun. ⁹Tsufe anumɔkunya bi togyito ta, anumɔkunya bli Bulu ɔnɔ asun ɛ yi. ¹⁰Tame ɔɲeto atokiehe anfi féeé umɔfun. Ni móá ulɔfun yi iba a, uni féeé bófwí.

¹¹Igyi fe uni. Breá ngyi kebi a, nɔto fe kebi. Mi atɔ bwehe pú mi asun susuhe féeé lobwe fe kebi. Tame sei anfi nadan a, nasi nyebito bwehe amu féeé bwe. ¹²Sei a, anide atɔ ki fulaa fe ogyasito anide mú ki. Bre iku béba a, abówun mú wanklaan. Sei a, aní atɔbi mɔfun. ɔma a, abéba bebi mú fe aliá Bulu yin aní.

¹³ɔnɔkwali a, atoku asa anfi obétsia ni. Hogyi, ɔkpaki pú ɔdwe, tame ɔdwe dun mú féeé.

ɔɲe Wankhe Atokiehe Bamba

14 ¹Mlidunka ɔdwe ɔkpa, amlidunka ɔɲeto atokiehe ɛ. Móá idun a, Bulu ɔnɔ asunbli. ²Tsufe ni ɔku de ɔbli bamba bli a, megyi anyankpɔsa ɔdebla, Bulu ɔdebla. ɔhaa tamanu mú asi, tsufe mu ɔɲe de asun ɲainhe bli. ³Tame ɔha ání ɔde Bulu ɔnɔ asun bli mú a, aha ɔdebla, ɔdepuɔba amú abudan hogyi. ɔdepuwa amú ɔwunlun, ɔdepuwii amú uklun ɛ. ⁴ɔha ání ɔde ɔbli bamba bli nkule tenya ɔwunlun Bulusumto. Tame ɔha ání ɔde Bulu ɔnɔ asun bli mú tɔwa ɔpasua amu ɔwunlun.

⁵Teku ndekléá mli féeé mlébli ɔbli bamba, tame ni mlide Bulu ɔnɔ asun bli a, ibu mi ale dun. Tsufe Bulu ɔnɔsu ɔtɔpu dun ɔbli bamba ɔbripu. Nketi ni ɔbli bamba ɔbripu amu tetali le mú asi, mení ɔpasua amu bénya tɔku tsu móto. ⁶Mi apio, ni naba mli wa sei bebli ɔbli bamba ku, mmele mú asi a, labi mɔmu ibówa ha mli? Tame ni nebli asun, néha mlebu asun, nte nebli asun lesunahe ku, nte nebli Bulu ɔnɔ asun ku, nte suna mli atɔ a, ibówa labi ha mli dun.

⁷Mlipuku utɔá féda mú itotsula, fe ikwe, ɔtente nte ɔkpe aná. Ni fuméda mú itsula wanklaan a, butamanu mú asi. ⁸Ni klunsi ɔdapu mebi da mú a, ɔhaa

tamanu mó asi, dida atɔ yɔ isa. ⁹Alɔ ken ni mlɔde ɔblɔ́ ɔhaa mede móto nu bli a, mlɔdetɔ́ wa afuto ni. ¹⁰Ɔbli tsɔtsɔɔtsɔ́ bɔ ayito. Kugyiku ulɔfon, ɔbɔ mó abluɔvɔ anule. ¹¹Tame ni ɔku de ɔbli ku bli, mi e mmede móto nu a, ntamanu mu asi, mu e ɔtamanu mi asi. ¹²Mó su unɔ́ mlɔhɔ́ mlɔde *Ɔɔɔɔ Wankthe atokiehe amu dunka a, mlɔkuli móá ɔbɔ́wa ɔpasua amu ɔwɔnɔnɔ.

¹³Ɔni su ɔha ɔ́nɔ́ ɔtebli ɔbli bamba ɔkuli Bulu mó asunu, menɔ ɔbétali le mó asi suna mó anupu. ¹⁴Tsufe ni ndepu ɔbli bamba bɔ mpaɔ a, mi ɔɔɔ de mó bɔ, tame mmede asun ɔ́nɔ́ ndeblɔ́ asi nu. ¹⁵Nkali mee nɔ́bwe? Nɔ́bɔ mpaɔ ɔɔɔɔ bre kutɔ, pu mi agywun e bɔ mó bre bambatɔ. Alɔ ken nɔ́wa ulɔ ɔɔɔɔ, pu mi agywun wa mó bre kutɔ e ni. ¹⁶Tsufe ni fude Bulu kanfu ɔɔɔɔ pe a, nkali ɔbɔ́bwe ɔha ɔ́nɔ́ ɔmede mó asi nu ɔbétsa fu? Nkali bétsa fu Bulu ipan da ni bɔmede asun ɔ́nɔ́ fudeblɔ́ asi nu? ¹⁷Fialɔ fude Bulu ipan da wanklaan, tame utamawa fu ba ɔwɔnɔnɔ.

¹⁸Neda Bulu ipan ɔ́nɔ́ ntebli ɔbli bamba dun mlɔto okugyɔku. ¹⁹Tame ni afia a, ntekleá nébli asun anu peá ɔhagyɔɔha obónu mó asi, ɔbɔ́bwa amú e dun ɔ́nɔ́ nébli asun mpum-du (10,000) ɔbli bambatɔ́ ɔhaa monu mó asi.

²⁰Mi apio, mlumábwe agywun fe nyebi. Mlɔbwe iwɔ fe kebi-bɔbwe lakpan-bwetɔ, tame mlɔgywun fe ɔhande. ²¹Bɔwanɔn wa Bulu asun amuto beɔ,

“Nɔ́tɔ tsun afɔɔsv, bétala mi aha ɔbli bamba.

Mó o a, mi aha bɔmóonu mi ɔme.” Anɔ Wie lebli.

²²Ɔni su ɔbli bamba bli igyi osuna ha ɔmátɔ́, megyi ahogyipu. Bulu ɔno asun bli e igyi osuna ha ahogyipu, megyi ɔmátɔ́.

²³Ni ɔpasua amu ifia, ɔhagyɔɔha de ɔbli bamba bli, ɔha bamba pu ɔmátɔ́yin beba mlɔto a, bɔméesbli beɔ, mlɔ nwun layinta? ²⁴Tame ni mlɔ féé mlɔde Bulu ɔno asun bli, ɔmátɔ́ nte aha ɔ́nɔ́ butamanu móto beba mlɔto a, amú onuto bɔ́ɔ asun amuto, nu iwiasí babwe lakpan. ²⁵Ɔbétala amú kluntɔ asun bétun ɔwan. Béta akpawunu, kanfu Bulu beɔ, “Lele, Bulu bɔ mlɔto.”

Ɔpasua Amuto Nɔhɔ́

²⁶Mi apio, ni mleba befia Bulu osumkpa, mlɔto ɔku tɔwa ulɔ, ɔku tosuna atɔ, ɔku towun atɔ, ɔku tebli ɔbli bamba, ɔku e tonu mó asi a, bɔbwe mó puwa ɔpasua amu ɔwɔnɔnɔ. ²⁷Ni aku bebli ɔbli bamba a, bɔbwe aha abanyɔ. Ni butɔ́ kuraa a, abasa. Bɔbli mó ukule-kule, menɔ ɔku ɔbétale mó asi. ²⁸Ni ɔha má ofiakpa uná ɔbétale mó asi mó a, bukpa ɔno bun, amú amú Bulu abutɔ́ nklobitɔ. ²⁹Bulu ɔno atɔpu abanyɔ nte abasa butɔ́, atrahe abuyɔ amú asun blihe amuto. ³⁰Tame ni Bulu ɔle atɔ suna ɔkúá otsie ofiakpa unɔ a, Bulu ɔno atɔpu amu osi tɔ, ɔha amu ɔbli tɔ́ alawun. ³¹Mlɔ féé mlétali bli Bulu ɔno asun amu ukule-kule, menɔ mlɔ féé mlósuan tɔku tsu móto puwa iwɔ ɔwɔnɔnɔ. ³²Bulu ɔno atɔpu amu bunya tumi ɔɔ amu ɔde amú kpa amúsv, menɔ bɔ́tɔ́ ha amú aba ɔkpa. ³³Tsufe Bulu asun lolwii, omegyɔ basabasa.

³⁴Ni ɔpasua amu ifia a, atsi bɔbwe diin. Buma ɔkpa tɔ. Buba iwiasɔ fe alɔ Mose Mbla lebli. ³⁵Ni budekleá bónu asvankutɔ a, bɔfite amú aklu woyitɔ, tsufe ɔbɔ pelɔ́ atsi ɔbɔ́tɔ́ ofiakpa.

³⁶Mlɔlahogyi mlɔaa, mlɔ wa Bulu asun amu ilotsua asi? Nte mlɔ nkule latsɔ mó nu? ³⁷Ni ɔku deklɔ́ Bulu ɔno atɔpu mɔgyi, nte ɔbɔ Ɔɔɔ atokiehe ku a, iwankɔ muá anɔ Wie onuto mbla igyi ndewanɔn sɔsv mlɔ. ³⁸Ni ɔmɔ́ho asun anfi a, mlɔ e mlumáho mu asun.

³⁹Mɔ apio, unɔ sɔ mlɛprɔ́á mléblɛ Bulu ɔ́ɔ asun, tame mlumábla ɔ́haa mlɛaa, ɔ́máblɛ ɔ́blɛ bamba. ⁴⁰Mlɛbwe togyitɔ́ dɛnka mú ɔ́kpasu wanklaan, ifun.

Kristo Kusɔ́ tsu Afulitɔ́

15 ¹Mɔ apio, sei a, nkaun mli ***asun wanklaan** amɔv neda mú ɔ́kan suna mli, mlɛlɔ́hɔ́ músv gyi, mli hogyi tlu músv amv. ²Asun anfi ɔ́béha mli nkpa ání tamata, nɛ lele mlɛlɔ́hɔ́ músv gyi nɛ. Tame nɛ mlekina músv hogyi mú a, mli hogyi labwe kpaali!

³Tsufe asun ání tɛde dehian bɔ́pɔ́pha mɛ nɔ́pɔ́ba mli igyi. Múgyi, Kristo lobowu anɛ lakpan sv, fe alɔ́á Bulu asun wanlunhe amv leblɛ. ⁴Bopula mv, Bulu lɔ́kusva mv tsu afulitɔ́ eke sasi fe alɔ́á Bulu asun wanlunhe amv ileblɛ. ⁵Ɔ́lele iwɛ ɔ́wan suna Petro. Mú ɔ́ma a, ɔ́lele iwɛ ɔ́wan suna sumbi ayɔ́pɔ́ duanyɔ́ amv féé. ⁶Ɔ́ni ɔ́ma a, ɔ́lele iwɛ ɔ́wan suna mɛ abuoɔ́pɔ́ tsɔ́tsɔ́wɔ́tsá budɔ́n aha lafanu (500) ɔ́tsawɔ́le. Amútsɔ́ aku bawu, tame ɔ́dudɔ́v bɔ́tra bɔ́tsie nkpa. ⁷Ɔ́lele iwɛ ɔ́wan suna Yakobo e. Ɔ́ma a, ɔ́lele iwɛ ɔ́wan suna sumbi ayɔ́pɔ́ amv féé.

⁸Utrahe-trahe a, ɔ́lele iwɛ ɔ́wan suna mɛ onuto anfi nesin ɔ́ma ba anfi. ⁹Tsufe mɛgyi sumbi ayɔ́pɔ́ amútsɔ́ ɔ́kusv nɛ. Teki mmɔ́fun ání bétu mɛ sumbi ɔ́pɔ́pɔ́ kuraa, tsufe nedunka Bulu ɔ́pasua amɔsv. ¹⁰Tame Bulu awitɔ́le sv nde namli alɛ. Mv awitɔ́le amv umɔ́bwe kpaali. Tsufe nayɔ́ agyɔ́ma dɔ́n amútsɔ́ okugyiɔ́kɔ́. Tame megyi mɛ ɔ́wanlɛn nɔ́pɔ́yɔ́ mú. Mv awitɔ́le amv de mɛ kpa. ¹¹Ɔ́ni sv nɛ mlɛtra da asun amv ɔ́kan o, amú o, múá idehian gyi mlɛlɔ́hɔ́ anɛ asun amɔsv gyi.

Anɛ Kusɔ́ Tsu Afulitɔ́

¹²Nɛ anɛteda Bulu asun amv ɔ́kan anɛaa, Bulu lɔ́kusva Kristo tsu afulitɔ́ a, ntogyi sv mlɛtɔ́ aku mú bɛe, awupɔ́ bumɔ́ɔ́kusv tsu afulitɔ́? ¹³Nɛ awupɔ́ bumɔ́ɔ́kusv mú a, idesuna ání Bulu mɔ́kusva Kristo e. ¹⁴Nɛ Kristo mɔ́kusv tsu afulitɔ́ a, tekɛ anɛ asun wanklaan amv ɔ́kanda igyi kpaali. Mli músv hogyi e igyi kpaali. ¹⁵Nɛ Bulu tamakusva awupɔ́ mú a, mɔ́mv afunu anɛdewa tun Bulu ɔ́ɔ, blɛ anɛaa alakusva Kristo tsu afulitɔ́. Nɛ ɔ́tamakusva awupɔ́ a, mɔ́mv asun anfi uma mútsɔ́. ¹⁶Nɛ ɔ́mɔ́kusva amú mú a, mɔ́mv ɔ́mɔ́kusva Kristo e nɛ. ¹⁷Nɛ ɔ́mɔ́kusva Kristo a, mɔ́mv kpaali mlɛlahɔ́ mv gyi. Idesuna ání mlɛlasin lakpantɔ́. ¹⁸Mɔ́mv utra desuna ání Kristo ahogyipɔ́a bawu e bafwɛ. ¹⁹Nɛ ɔ́yɛ anfiɔ́ nkpa nkulesv anɛ ansɔ́dɛn Kristosv mú a, mɔ́mv anɛ ula bu nwe dɔ́n ɔ́hagyɔ́ha.

²⁰Tame ɔ́nɔ́kwaltá ida gyi, Bulu lakusva Kristo tsu afulitɔ́. Kristo labwe aha ání Bulu ɔ́bɔ́kusvatɔ́ ogyankpapɔ́. ²¹Alɛ amɔsv lowu leba tsun nyankpusasv amv a, alɛ ken kusv tsu afulitɔ́ e ileba tsun nyankpusasv nɛ. ²²Tsufe alɛ amv aha bɔ́towu amóa ***Adam** ikulébwe sv amv a, alɛ ken amóa Kristo ikulébwe sv amú féé bénya nkpa nɛ. ²³Tame anɛtɔ́ okugyiɔ́kɔ́ bu mv bre. Kristo Bulu legyankpa kusva tsu afulitɔ́. Nɛ Kristo oyinkɛ ba a, mv e ɔ́bɔ́kusva mv aha féé. ²⁴Mú ɔ́ma a, Kristo obégyi ɔ́ɛtɔ́ tumi lalaha, iwiegyi pú tumiá ide ɔ́yɛsv gyi féésu asa ɔ́yɛ ɔ́bɔ́mɔ́ ɔ́ɔ. Mú ɔ́ma a, obéyinkia iwiegyi amv wa anɛ Sɛ Bulu ɛbɛtɔ́. ²⁵Tsufe ilehian ání Kristo obégyi iwie kpefun breá alagyi mv alupɔ́ féésu, pv mv ayabi tsa amósv. ²⁶Olupɔ́ trahea ɔ́béhi gyi lowu. ²⁷Tsufe Bulu asun wanlunhe amv ileblɛ ɔ́bɛe, “Bulu lɔ́pɔ́ togyitɔ́ wa mv asi.” Ɔ́ni imosuna ání Bulu bu Kristo asi. ²⁸Nɛ Kristo ogyi togyitɔ́sv ta a, ɔ́bɔ́pɔ́ iwɛ wa Bulu

asu. Muleha mu tumi dinka togyitɔsu, fɔwun Bulu ε obɛgyi togyitɔ́á ibu ɔtɛnegyitɔnesu.

²⁹Ni Bulu mɔ́ɔkusva awupu a, ntogyi su aha buɔe asu bɔ ha aha ání bawu? Ntogyi su béha bɔ́bɔ amó asu ha amó? ³⁰Nte ntogyi su aní mú abɔpu aní nkpa plei bregyibre? ³¹Mi apio, nekase, ntefia alowusu ekekegyieke! Igyi tɔ́á ntɔpɔtsu iwíá mli aní Wie Kristo Yesu mlilabwe ukule. ³²Mó su kpaali nɔ́kɔ Efesofɔ́á bugyi fe mbwikuta-atɔ? Ni Bulu mɔ́ɔkusva awupu mú a, “Mumu mliha agyi, awi, anun, tsufe ɔke sesebre anlawu.” Fe alíá bowanlun wa Bulu asun amutɔ.

³³Mlumáha aha ání buteblí asun anfi odu abumle mli! Tsufe ahande bee, “Mba lalahe gyi teyinta ɔha.” ³⁴Mlilabwe agywun wanklaan, amlisi lakpan bwe. Tsufe mlitɔ aku butepi bumeyin Bulu. Nde asun anfi wanlun sisi mli pusupa mli.

Dyulɔ́á Abɔ́pukusu Tsu Afulitɔ

³⁵Ɔku obéfute ɔbee, “Nkali Bulu ɔbɔ́kusva awupu? Dyulu mɔ́mɔ bɔ́pukusu?” ³⁶Ɔha mimlahe! Bíá ní fodu atɔ-abi a, itɔplɔ asa itɔkwe. ³⁷Megyi itobi amuu fɔpuwa ɔsulɔ́tɔ amu gyi ɔban amuu itedan amu. ³⁸Bulu teha mú dyulu pɔpweá mu onuto odekle. Ɖteha atɔ-abi kugyiku mú dyulu ɔtsan.

³⁹Alí amuu atɔ-abi ɔtsan-ɔtsan bu unu amu a, alí togyitɔ dyulu igyi ɔtsan ní. Anyankpusa, mbwi, mbubwi pú ntsutso aye féé́tɔ okugyikɔ dyulu ɔtsan.

⁴⁰Ɖsusu-atɔ bu unu, ɔsulɔ́su-atɔ ε bu unu. Mó féé́ ibu dyulu ɔtsan-ɔtsan. Ɖsusu kle numnyam ɔtsan, ɔsulɔ́su kle ε numnyam ɔtsan. ⁴¹Owi numnyam igyi ɔtsan ha ɔtsra. Ɖtsra kle ε igyi ɔtsan ha ntsrakpabi. Ɖtsrakpabi kugyiku na ɔtsan, mú numnyam ε una ɔtsan ha mú ba.

⁴²Alí ibɔ́bwe breá Bulu ɔbɔ́kusva awupu ní. Aní ɔsulɔ́su-dyulu anfi itowu, plɔ anfi ibɔ́tsun ɔtsan ha múá Bulu ɔbɔ́kusva tsu afulitɔ, tsufe mú mú imóowu ekekeke. ⁴³Aní dyulu anfi tɔpɔn breá bopula mú, tame ní Bulu ɔkusva mú a, itenya ɔwunlun, wa numnyam. ⁴⁴Ɖsulɔ́su-dyulu igyi sei, tame ní Bulu ɔkusva mú a, ibɔ́bwe ɔɣetɔ dyulu. Tsufe alí amuu ɔsulɔ́su-dyulu bu unu amu a, alí ɔɣetɔ kle ε bu unu ní. ⁴⁵Bulu asun wanlunhe amu lebla aní ɔbee, “*Adam gyan-kpapu amu lɔbwe ɔkankpapu.” Tame Adam trahe, ogyi Kristo amu mú gyi Ɖɣeá ɔteha nkpa. ⁴⁶Ɖsulɔ́su-dyulu anitegyankpa nya asa antebenya ɔɣetɔ kle. ⁴⁷Ɖsulɔ́tɔ-isi Bulu lɔpupwe nyankpusa gyankpapu, ogyi Adam amu. Kristo, amuu obuɔ amu mú otsu ɔsusu. ⁴⁸Nyankpusa okugyikɔ bu ɔsulɔ́su-dyulu fe Adam, tame aní ɔsusu-dyulu mú ibɔ́bwe fe Kristo kle. ⁴⁹Alí amuu angyi fe ɔsulɔ́su Adam amu a, alí ken abɔ́bwe fe Kristo amuu otsu ɔsusu amu ε ekeku ní.

⁵⁰Apio, tɔ́á ndeblí gyi, aní dyulu anfi igyi dyulu múa obugya anfi iméenya ogyikpa *Bulu iwiegyi amutɔ. Tɔ́á iteyinta uméetalí nya ogyikpa tɔ́á utamayintatɔ.

⁵¹Tame mliyaa asu amlunu asun ɣainhe kuá Bulu lale suna mu. Ɖbee, megyi aní féé́ obówu, tame aní féé́ dyulu ibétse. ⁵²Ni ɔkpe trahe ifuli pe a, aní féé́ abétse ɔsawule pe. Bulu ɔbɔ́kusva awupu amu. Amó dyulu uméetra yinta, ɔbétse aní nkpa atsiapu ε féé́. ⁵³Tsufe ilehian ání Bulu ɔbétse aní dyulu anfi itowu plɔ anfi, ha aní dyulɔ́á utamawu, utamaplɔ. ⁵⁴Ni iba mótɔ́á Bulu latse tɔ́á itowu, bwe mú tɔ́á utamawu, tɔ́á itɔplɔ ε labwe tɔ́á utamaplɔ a, unu Bulu asun wanlunhe anfi ibéba mótɔ́ ní. Ɖbee, “Batu lowu así plɔplɔplɔ. Isugyi onuto laba.”

⁵⁵ Bulu asun wanlunhe ku ε leblɛ ɔbɛɛ, “Oo lowu, nkunvɔ fu ɔkpe bu?

Nkunvɔ fu tsugyi bu?”

⁵⁶ Lakpan igyi ɔkpeá itɔmɔ, Mose mbla amu ε iteha lakpan tumi. ⁵⁷ Nkali kɔraa abókukɔ da Bulu ipan? Mɔlaha anulatsun anɔ Wie Yesu Kristosɔ gyi asu.

⁵⁸ Mú sv apio adwɛpɛ, mlilu kinkiinkin, mlimákpunkɛ. Mlusi mli iwɛ fée ha Bulu agyuma bregyibre, tsufe mlyin ánɛ mli gyumagihe mɔɔbwe kpaali.

Itswitswi Ha Yerusalem Ahianfɔ

16 ¹ Itswitswi ha Bulu aha ánɛ bubu Yerusalem asun amu ε a, mlɔbwe mú fe alɛ amuvɔ nebla ɔpasua amuvɔ ububu Galatia ɔmátɔ mbɛɛ, bubwe mú amu. ² ɔhagyiwɔha ɔkɛ mu kɔba alɛ́a otenya ɔnɔ, ɔle ku yaɛ Kwasiɛdagyi-kwasieda. Mlimágyo mlɛaa, mba asa amlɛtswitswi mú. ³ Nɛba a, nɔwanlun nɔwɔbɔ ha aha ánɛ mli onuto mléle mlɛaa, bɔpɔ atɔ amu ya Yerusalemfɔ, pule amú suna amú. ⁴ Nɛ ubu alɛ́a nɔyɔ a, mumu bóbɔuo mi yɔ.

Paulo ɔkpatu Nɛhiɛ

⁵ Nɛ nɔkɔsvɔ tsu Makedonia a, néba mli wa, tsufe ndekleá nɔtsun unvɔ asa neba. ⁶ Fialɛ nétsia mli wa kpalobi. Fialɛ kɔraa nétsia unvɔ nyankpɔ mɔ́a atsali bre amu fée, fówun mlɛlasi mi ɔkpa nayo ɔtungyiwɔtɔneá nɔyɔ. ⁷ Sei mú a, mmedekleá néba beka tsun mli wa keke. Nɛ Bulu lotsula a, nétsia mli wa kpalobi.

⁸ Tame nétsia Efeso nfi kpefɔn Pentekoste eke amu. ⁹ Tsufe ɔkpa kɔnkpɔntɔ lafinki ha muá nɔyɔ agyuma ánɛ ubɔwa labi. Ubu mútɔ́a mi alupu tsɔtsɔɔtsɔ bubu nfi mú.

¹⁰ Nɛ Timoteo owie mli wa a, mlimáha ifu ikuta mu. Tsufe anɛ Wie agyuma amu ken ɔdeyɔ fe mi. ¹¹ Mlimáha ɔhaa ɔkɛ mu ansɔ́tɔ kotikoti. Mlusi mu ɔkpa wanklaan oyinki bɔtvɔ mi, tsufe ntsie ngyo mva anɛ apio atrahe amu.

¹² Anɛ pio Apolo asun amu a, nalu musvɔ mbɛɛ, obuo apio amu ba mli wa, tame omedekleá ɔbéba sei. Nɛ onya ɔkpa a, ɔbéba.

Asun Trahe

¹³ Mlɛda iwɛsvɔ, amlɛlu kinkiinkin mli hogyitɔ. Mlɔwa klɔn, amlɔwa iwɛ ɔwɔnlɔn. ¹⁴ Mlɔpɔ ɔdwe bwe mli togyitɔ.

¹⁵ Mɛ apio, mlyin ánɛ Stefana mva mu woyitɔ aha gyi agyankpapɔ́a bedamli klɔntɔ Akaiia nsaintɔ. Basi iwɛ ha, buɛ Bulu aha amu sum. ¹⁶ Nokokoli mli, mlɔba iwɛasi ha amúa aha ánɛ béba betsia amú́tɔ, bɔpɔ nsi yɔ agyuma amu.

¹⁷ Anɛ lagyi mi ánɛ Stefana mva Fortunato pú Akaike baba mi wa. Tsufe buɛ mli ɔbwɛkpa bwe. ¹⁸ Bawa mi atetɔ-ɔnlɔn wanklaan, fe alɛ amuvɔ bɔwa mli amu. Mlɔbu aha anfi odu.

¹⁹ ɔpasua amuvɔ ubu Asia amu fée buɛ mli tsia ha. Akwila mva Priska pú ɔpasua amuvɔ ubu amú woyitɔ amu ε beha mli tsia wanklaan anɛ Wie idatɔ.

²⁰ Apio aba amu fée beha mli itsia gyagyagya.

Mlɛlata aba puta Kristotɔ.

²¹ Mɛ Paulo onuto lapɔ mi ubi wanlun unvɔ, ndɛpɔha mli tsia.

²² Nɛ ɔkɔ tamadwe anɛ Wie Yesu a, ilwu dɛn musvɔ!

Marana-ta! (Mú asi gyi, “Anɛ Wie, ba!”)

²³ Anɛ Wie Yesu Kristo ogyi mli buale.

²⁴ Anta anɛ Wie Kristo Yesu ukulebwe sv ntehe dwe mli fée. *Amen!

Ɔwulɔ Nyɔsiá Paulo Lɔwanlɔn Sisi

Korintofɔ

1 ¹Mi Pauloá ɔna Bulu apetɔ nabwe Kristo Yesu *sumbi ɔyɔɔɔ pɔ anɔ pio Timoteo de ɔwulɔ anfi wanlɔn.

Anɔde mú wanlɔn sisi Bulu ɔpasua ání tɔ Korinto wulɔtɔ pɔ Bulu aha ání bubu Akaia ɔsulɔsɔ fɛ́é.

²Ant Si Bulu mua ant Wie Yesu Kristo bɔgyi mli boale, abɔha mli iwilwii.

Paulo Bulu ɔpanda

³Mliha akanfɔ Bulu. Mɔgyi anɔ Wie Yesu Kristo mu Si pɔ mu Bulu. Mɔgyi anɔ Siá otowun anɔ nwe, pɔ anɔ Buluá otolwii anɔ klɔn ɔkpagyiɔkpasɔ! ⁴Otolwii anɔ klɔn anɔ asɔn wunhe kugyikɔtɔ, menɔ anɔ ɛ abétalɔ pɔ klɔn lwiihe amɔv anɔlanya tsu mu wa amu lwii anɔ aba klɔn amú asɔn wunhetɔ. ⁵Alɔ amɔv Kristo lehte wun ipian kɔnkpɔnkpɔnti, anɔ ɛ anɔde mú kv wun amu a, alɔ ken Bulu na Kristosɔ ɔhte ɔde anɔ klɔn lwii nɔ. ⁶Mú sv nɔ anɔde ipian wun a, mli iwilwii pɔ mli nkpaɔ sv anɔde mú wun. Tsufe Bulu de anɔ klɔn lwii, menɔ anɔ ɛ abólwii mli klɔn, fówun mlétalɔ nya klɔn, tomi wun anɔ ipian amu odu ken. ⁷Ifu mede anɔ mli sv, tsufe anyin ání anɔ mlɔnyɔ de ipian amu wun. Mú sv Bulu obólwii mli klɔn fe anɔ.

⁸Apio, tɔ aleá mlébi ání iwɔtsɔn amɔv anɔlowun Asia ɔmátsɔ amu ɔnɔ lehte wa ɔnlɔn. Ilekɔ ɔdɔn anɔ. Ifu lekɔta anɔ, anɔkɔ́ abówu kokooko. ⁹Ɔnɔkwali asɔn, ɔlɔbwe anɔ fe baha anɔ lowu ɔpɔn. Tame alɔ́ anɔmɔɔɔv anɔ dɔnka anɔ iwɔsɔ, mboun Buluá ɔtɔkɔsɔ awupɔsv sv ɔleba alɔ. ¹⁰Lele mú a, ɔlele anɔ tsu lowɔtɔ. Anɔlahogyiá obétsia le anɔ bregyibrɛ. ¹¹Ɔbéle anɔ, tsufe mlɔde mpaɔ bɔ anɔ nwunsv. Lɔ sv aha tsɔtsɔtsɔ bédá Bulu ɔpan anɔ nwunsv. Tsufe alawa awɔtɔle ha anɔ, mpaɔ amɔv aha tsɔtsɔtsɔ budebɔ ha anɔ amu sv.

Paulo Nɔhte Tse

¹²Abétalɔ pɔ tɔ si kantɔ anɔaa, anɔ klɔn mɔkuha anɔ pɔn anɔ nkpatɔ, titriu anɔ mlɔnyɔ natɔtɔ. Megyi anɔ ɔsulɔ anfi sv nyansa anɔlɔpɔv anɔde anɔ agyɔma yɔ, mboun Bulu awɔtɔle sv anɔlatalɔ le iwɔtɔ anɔde togyiɔ bwe ɔnɔkwali sv. ¹³⁻¹⁴Tsufe megyi asɔn ání mlɔmétalɔ kla, nu mú asɔ anɔtɔwanlɔn sisi mli. tɔ mótɔ́ mlɔmede mú asɔ nu yi, tame nahogyiá mlóbonu mú asɔ wanklaan ekɛkv. Fówun mli ɛ mlétalɔ pɔ anɔ tsu iwɔ, fe alɔ́ anɔ ɛ abópv mli tsu iwɔ anɔ Wie ɔbake amu.

¹⁵Mi anɔ dɔn asɔn anfi sv. Mú sv nɔbwe agywun ání néba mli wa, menɔ mlénya oyula anyɔ. ¹⁶Múgyi, nótɔsv mli wa yɔ Makedonia. Nɔ neyinki ɛ

nélatsun mli wa; fówun mlétali si mi okpa, néyinki ba Yudea omáto. ¹⁷Mléfite mltaa, ntogyi su nalatse mi agywun. Nte nabwe fe oyuto aha amuv butebli bee, “Ee” latse amú onó bee “O-o” amuto oku? ¹⁸Alí amuv Bulu bu onokwali, otamawa afunu amu a, alí mi “Ee” igyi mi “Ee” ni. ¹⁹Tsufe Bulu mu Bi Yesu Kristo amu tamabli obee “Ee” latse mú obee “O-o.” Mu mú a, “Ee” koun ototsula. Mu iwí asun okan mia Silas pú Timoteo anileda suna mli ni. ²⁰Tsufe mutotsula “Ee” ha Bulu nhíhe kugyiku uteba múto. Mú su akanfo Bulu ta a, antebli aníaa, “*Amen!” ni. ²¹Bulu teha ania mlunyó anitetalí lu kinkiinkin ania Kristonyó ukulebweto. Mogyi oha aní oleda aní ofuli. ²²Mu ken lopu ***Onje Wankthe** amu wa aní klunto, pòhe aní nsu; isuna aní mvbu aní. Obóbwe tóá ohehe ha aní.

²³Bulu obiti mi usu ni megyi onokwali nde mli bla. Alí mméeba bowun tsitsa kuku bli tsu mli iwí su mmetra bótson unu. ²⁴Anumedekleá ibóbwe fe anide mli hee alí mlópu mli hogyi yó agyuma. Mboun alí aní bégyi mli su ania mlunyó anide agyuma yó. Anyin aní mli hogyi su mlilu kinkiinkin dodo.

2 ¹Mú su nabwe agywun aní mméetra ba bowa mli awireho. ²Tsufe ni neba bowa mli awireho a, ma obéha aní bégyi mi dun mli amuv nawa awireho amu? ³Mú su nowanlun owulu gyankpapu amu sisi mli ni. Fówun ni neba a, mli amuv mléha aní bégyi mi amu mlíméela ha awireho mboun ukuta mi. Tsufe mi aní dun mli féésu aní ni aní de mi gyi a, mli é aní bégyi mli. ⁴Megyí ansigyí nópwanlun owulu amu. Asun the de mi han, ndesu asa nowanlun mú! Tame megyí alí néha mlégyi awireho su nowanlun mú. Mboun alí mlébtá ntehe dwe mli su.

Lakpansikie

⁵Oha amuv onopu asun ba opasua amuto amu mókupu olala gyi mi. Ni bee buki mú a, opasua amu féé alapu asun gyi. (Mmedekleá nódun mú bli.) ⁶Isobiti amuv mli odobuó mlébiti mu amu utso mu. ⁷Ulafun aní mlésikie mu, yia mu klun nya. Fowun asun móodun mu, iwí móowu mu. ⁸Mú su nokokoli mli, mlile suna mu aní mlitra mlíbu mu iwí odwe. ⁹Ndekleá nébi ni mlitegyi mi asun amu féésu. Mú su nowanlun owulu amu ni. ¹⁰Ni mlesikie oku a, mi e nasikie mu. Ni nesikie mu é a, mli su nasikie mu Kristo idato, ni ilehian ni. ¹¹Meni Obunsam oméenyá aní iwí okpa, tsufe anyin ikpa aní ototsun múso féé.

Paulo Klun Medí Mu Así

¹²Breá neba Kristo ***asun wanklaan** amu okan odakpa Troa wuluto a, nowun aní aní Wie lafinki okpa ha mi. ¹³Tame mi klun medí mi así, tsufe mmotu mi pio Tito unu. Mú su nekla amú ka tsun yó Makedonia nsainto.

Isogyi Kristo Idato

¹⁴Tame nde Bulu ipan da aní Kristo isogyi su alabwe aní ndoun, alakpa aní buo iwí, anide mu isogyi amu nke gyi. Ni ayó otinegyiótine a, ototsun anísu bla aha amu Kristo asun wanklaan amu, fe alí ofobi fanfan tówa ofan yó tsutsuutsu. ¹⁵Lele mú a, Kristo gyi ato tóhe, anigyí mú ofan aní idekusu ha Bulu, ha aha aní bode nkpa nya pú amóá bodefwi féé. ¹⁶Itobon aha aní bodefwi, kpa amú ya lowuto, utówa aha aní ode amú nkpa ho ofan, kpa amú ya nkpató.

Ma mæe lɔfɔn ha gyɔma anfi odu yɔ? Ɔhaa má inu. ¹⁷Ani mú animegyi fe aha ɔɔɔɔɔɔá buɔe Bulu asun amu fe pɔkle kɔba. Uná Bulu lɔwa ani su a, anitebli mú ɔnɔkwaliɔ, fe Kristo asumbiá bulu Bulu ansitɔ.

Bulu Ntam Pɔpwe Asumpu

3 ¹Asun anfi anitebli anfi utra desuna áni anide iwɔ kanfɔ suna mli loo? Nte ilehian áni abɔpu ani adansie nwɔlɔ ba mli, nte abɔhɔ mú tsu mli wa fe alá aku butɔbwe? ²Ɛkekeke! Mli onuto tsiatɔ gyi adansie nwɔlɔá bawanlɔn dɔnka ani klɔnsɔ, ɔhagyɔɔha de mú wun kla, pɔbi áni anide agyɔma wan- klaan yɔ. ³Mlgyi ɔwɔlɔá Kristo lɔwanlɔn, ɔlɔtsun anisɔ ba. Tame megyi oyipe ɔlɔpuwanlɔn mú, Bulu Ɔkɔankpapɔ amu Ɔɔɔe ɔlɔpuwanlɔn mú. Megyi abwi peteple anyɔsɔ^a ɛ ɔlɔwanlɔn mú dɔnka, mboun anyankpɔsa klɔnsɔ.

⁴Anibɔ ɔkpa bli alɔ, tsufe Kristo su ani ansɔ dɔn Bulusɔ. ⁵Anyin áni anuɔfɔn áni abétali bwe tɔtɔ ani onuto iwɔsɔ. Bulu su anɔlɔfɔn ha togɔyitɔ bwe. ⁶Mulaha anɔlabwe mu ntam pɔpwe amu asumpu. Megyi ibi Bulu lɔpu- wanlɔn mú mú, mboun ***Ɔɔɔe Wankɔhe** amu. Tsufe mbla wanlɔnhe amu ɔlɔpu lowu ba, tame Ɔɔɔe Wankɔhe kle amu mú ɔlɔpu nkpa ba.

⁷Mbla dada amuv Bulu lɔwanlɔn dɔnka abwi anyɔsɔ amu ɔlɔpu lowu ba. Tame mú numnyam leha Mose ansitɔ lehe wankɔ asa ɔlɔpuɔa Israelfɔ. Breá numnyam amu ɔnɔ ide asɔba o a, bumetalɔ kɔ mu ansitɔ. ⁸Uná mbla wanlɔnhe amu lenya numnyam alɔ a, mumu Ɔɔɔe Wankɔhe amu gyumagyihe numnyam ibéhiɔ dɔn mú! ⁹Mbla wanlɔnhe amuv iteha antegyɔ ɔpɔn amu kuraa ibɔ numnyam. Mumu nkali Ɔɔɔe Wankɔhe gyumagyihe amuv ihɔe bɔ numnyam dɔn mú amu ibɔbwe? Tsufe iteha antegyɔ asɔ Bulu ansitɔ! ¹⁰Mumu idesuna áni Bulu mbla dada amu utra ma numnyam kuraa. Pɔpwe anfi numnyam lagyi músu. ¹¹Tsufe ni Mbla dada amuv imetsia wa ɔpá amu ibɔ numnyam alɔ a, mumu pɔpwe anfi ibétsia bre féé anfi kle ibéhiɔ dɔn mú!

¹²Ani ansɔ dɔn ntam pɔpwe anfisɔ. Mú su anibɔ ɔkpa tɔi faan. ¹³Animegyi fe Moseá oletsia pu tati bun nwun, menɔ Israelfɔ bumóowun mu ansitɔ wankɔ breá mú ɔnɔ ide asɔba. ¹⁴Tame mú o a, Bulu leha amú klɔntɔ lɔwa odwin bɔfɔn nde. Mú su ni buɔe Bulu mbla dada amu kla amú ofiakpa a, butamanu mú asɔ, tsufe tati amu letin amú agywun. Tɔtɔ méetalɔ bwii tati amu le amú agywunsɔ, nketɔ amúá Kristo babwe kule. ¹⁵Bótɔ nde kuraa ni buɔe Mose mbla amu kla a, tati amu utra bun amú agywunsɔ. Mú su butamanu mú asɔ. ¹⁶Tame ni ɔha onya damli klɔntɔ ba ani Wie wa pɛ, Kristo labwii tati amu le mu agywunsɔ. ¹⁷Ani Wie amuv asun anfi idetɔi tsu mu iwɔ amu gyi Ɔɔɔe Wankɔhe amu ni. Ɔtinegyiɔtineá Ɔɔɔe amu ibɔ a, iwigyɔ tetsia inu. ¹⁸Ani Wie de tati amu bwii le ani féé ansitɔ. Mú su anide mu numnyam amu le suna ni. Mu Ɔɔɔe amu laha anide mu lian, tsufe mu numnyam amu utra dewankɔ antɔ tsta.

Ɔlɔtɔ Siadie

4 ¹Bulu lawun ani nwe pu agyɔma anfi wa ani ibitɔ. Mú su abatɔ tamawu ani. ²Anɔlakina tɔá ibɔ pɛli pú okluntɔ atɔ féé. Animedɛ aha mle, animedɛ Bulu asun amu ɛ damli bun. Mboun anide ɔnɔkwali amu onuto bli

a 3:3 Abwi peteple anyɔ amuv Bulu lɔwanlɔn mu Mbla Du dɔnka músu ha Mose amu.

pule iwɔ suna aha fɛ́ɛ́, iwankɔ amú alá anigyi Bulu ansɔ́. ³Nɔ tɔ́kɔ ibun asun wanklaan amuv anidebli amuvu kura a, aha amuv budefwi amu nkule ibun ha. ⁴Ɔbunsam gyi ɔyi lalahe anfsu ogyipv. Mvlapv atɔ tin aha anfi butamahɔ Bulu gyi anfi ansibi. Mú sv bumede asun wanklaan amuv igyi wankɔ amv asɔ nu nɔ. Wankɔ amv gyi Kristo. Mulehie lian Bulu numnyam nɔ. ⁵Tsufe anumena anumede anɔ onuto iwɔ asun ɔkan da. Yesu Kristo iwɔ asun ɔkan anideda aniaa, mgyi anɔ Wie. Tɔ́á anitebli tsu anɔ iwɔ gyi, Yesu sv anilabwe mli asumpv. ⁶Tsufe Bulu amuv ɔlebli ɔbee, “Wankɔ idali tsu okluntɔ!” amv ken laha mv wankɔ amv idewankɔ anɔ kluntɔ. Ulaaha anilabi ání mv numnyam amv idewankɔ Yesu Kristo ansɔ́.

⁷Tame angyi fe nɔ pweheá siadie bu mó́tɔ. Siadie amv gyi wankɔ mɔ́a tumi anfi idewankɔ anɔ kluntɔ. Idesuna ání tumi kɔ́nkɔ́nkɔ́ntɔ anfi imotsu anɔ, Bulu wa itsu. ⁸Bude anɔ han ɔkpagyiɔkpasu, tame bumkɔtali sa anɔ tin. Iwɔ de anɔ kɔ́, tame imɔ́kɔ́kɔ́ntɔ anɔ. ⁹Budɔn ansɔ, tame Bulu mɔ́kɔ́sɔ anɔ ha. Botefɔn anɔ da, tame Bulu sv anumɔ́kɔ́wu. ¹⁰Anilatsula ide anɔ ɔyulv anfi ipian bregyibre. Anidewu fe Yesu, menɔ mv nkpa amv ibé́lɔn ɔwan anɔ́tɔ. ¹¹Yesu sum sv anɔ nkpa atsiapv anfi antefia lowu bregyibre. Alá ibɔ́bwe mv nkpa belɔn ɔwan anɔ ɔyulv anfi idewu anfi tɔ́ sv. ¹²Li desuna ání lowu de anɔ lala, mli e mlɔ́de nkpa ání tamata nya.

¹³Tame anbu mó́sv anide Bulu asun amv ɔkan da. Tsufe anɔ́ɔ́hɔ mv gyi fe alá Israel ulv ɔwapv amv lɔ́wanlɔn wa Bulu asun amotɔ ɔbee, “Nɔ́hɔ Bulu gyi. Mólaha sv nde mó́ ɔkan da nɔ.” ¹⁴Anyin ání alɔ amuv Bulu lɔ́kɔ́sva anɔ Wie Yesu tsu afulitɔ amv a, alɔ ken ɔbɔ́kɔ́sva anɔ, ɔbékpa anɔ mlɔ́nyɔ́ fɛ́ɛ́ ba mv iwɔ wa nɔ. ¹⁵Li fɛ́ɛ́ bɔ́wa labi ha mli, menɔ nɔ Bulu hie ɔde awitɔ́le wa, kpa aha ɔdɔ́dɔ́ ba Kristo wa a, bé́hie da mv ipan, wa mv numnyam.

Hogyi Potsia

¹⁶Mú sv abatɔ tamawu anɔ. Ibv mó́tɔ́á anɔ ɔyulv anfi idewu mó́, tame Bulu de anɔ ɔkla ɔwɔnlɔn wa ekekegyieke. ¹⁷Tsufe iwɔ́sɔn kpalobi anfi anidewun sei anfi ibé́ha abénya numnyam kɔ́nkɔ́nkɔ́ntɔ́á tamata, idun iwɔ́sɔn anfi. ¹⁸Mú sv anumede iwɔ́sɔn anfi anidewun anfi bu. Mó́á nyankpusa ansibi tamawun ɔkpa anideki. Tsufe iwɔ́sɔn anfi ibé́ba bɔ́tsun. Ansigyɔ amuv ibv ɔma, ibé́tsia bre fɛ́ɛ́ amv ɔkpa anideki.

5 ¹Anɔ ɔyulv anfi igyi fe kantankpa ání antsie mó́tɔ. Nɔ bobwie mó́ a, Bulu ɔbé́ha anɔ obu bamba ɔsvsv. Mvmv a, megyɔ nyankpusa leyɔ mó́. Mv onuto leyɔ mó́, imó́obwie ekekeke. ²Tsufe sei kura ide anɔ ipian ɔsulsv-ɔyulv anfi tɔ́. Anihie anigyo ekeá ɔbɔ́pv anɔ ɔsvsv-ɔyulv wa anɔ fe atadie. ³Mvmv anumɔ́bwe fe ɔ́heá uma ɔyulv, anina yaya. ⁴Ide anɔ pian, anidekum bre anfi antra anibv anɔ ɔyulv dada anfi tɔ́. Megyɔ bee anidekleá awu, adali ɔyulv anfi tɔ́. Mboun anidekleá Bulu ɔwa anɔ ɔsvsv kle amuv itamawu plɔ amv, menɔ ibé́gyi mó́ anfi itowu plɔ anfi tɔ́. ⁵Bulu onuto lela anɔ yat ha mó́, ɔ́ɔpv Ɔ́he Wankihe amv wa anɔ́tɔ. Mó́gyi ibwiá ɔledinka mó́sv nɔ.

⁶Mú sv antɔ́wa klɔn bregyibre. Ibv mó́tɔ́á bre anfi anbu ɔsulsv-ɔyulv anfi tɔ́ a, anbu ifɔ anɔ Wie wa. ⁷Li sv hogyi anilapv antsie nkpa, megyɔ tɔ́ ansibi dewun. ⁸Ee! Anihie anide klɔn wa, tsufe tɔ́á anihie anidedunka gyi abɔ́wa ifɔ ɔsulsv-ɔyulv anfi wa, ayetsia anɔ Wie wa. ⁹Mú sv nɔ anbu ɔsulsv nfi o, ɔ́tune bamba o, tɔ́á idun anɔ klɔnsv bre fɛ́ɛ́ gyi, abɔ́bwe tɔ́á ibé́gyi anɔ

Wie ansi. ¹⁰Tsufe anɔ fée abéyelu Kristo ansitɔ, obégyi anitɔ okugyiɔku asun, ka mu ɔko anɔ ɔsulɔsu-ɔyɔlu anfi bwehe ɔnɔ. Yile igyi o, lalahe igyi o.

Bulu Onyawiele

¹¹Anuhte anyin ání ilehian ání abénya anɔ Wie ifu. Mú su anidetɔi kpla aha aniaa, amú ε bunya mu ifu. Bulu hie oyin anɔ. Nahogyiá mli ε mlyin anɔ mli klɔntɔ. ¹²Megyɔ iwɔ antra anidetsu suna mli. Mboun anide mli ɔkpa suna, menɔ mlótsu iwɔ anɔ su. Fówun nɔ aha buɔɔ iwɔ tsu tɔá ɔha tɔpu ansibi wun su, imegyi tɔá ɔbu ɔha klɔntɔ su a, mlénya ɔku bla amú. ¹³Tsufe nɔ beɛ anɔ nwun layinta kvraa a, Bulu asun igyi. Tame nɔ beɛ anɔ ansitɔ da mú a, ɔda ha mli. ¹⁴Ɔdwe amvu Kristo bu ha anɔ amv de anɔ kpa, tsufe anlanu iwɔastá mu nkule lowu ha aha fée. Mú su muv aha fée bawu. ¹⁵Olowu ha aha fée lele, menɔ aha ání bénya nkpa pɔpwe amv buméetra tsia nkpa alá buɔɔdekle. Mboun bétsia nkpa ha Kristo amvu olowu, Bulu lɔkɔsva mu ha amú amv.

¹⁶Lnɔ su antra anumedɛ ɔhaa kɔ fe alá ɔyitɔ aha butekɔ mu. ɔbu móɔá bre amv anletsia kɔ Kristo fe alá ɔyitɔ aha butekɔ mu, tame antra anumedɛ mu kɔ alɔ. ¹⁷Mú su nɔ ɔha muv Kristo bɔbwe ɔkule a, alabwe ɔha pɔpwe. Mu tsiatɔ dada amv fée ɔlatsun. Mu tsiatɔ labwe pɔpwe! ¹⁸Nkpa pɔpwe anfi itsu Bulu wa. Múlɔtsun Kristosv bwe anɔ anfi anigyɔ mu alupu anfi mu anyawie. Alapu agyuma anfi wa anɔ ɔbutɔ, ɔbɛɛ ale aha bamba ε anyawie ha mu. ¹⁹Tsufe Bulu lɔtsun Kristosv ɔɔɔɔ ɔyitɔ aha damli bwe mu anyawie. Ɔtra ɔmedɛ amú lakpan iwɔ akunta bu ha amú. Lnɔ ɔɔpɔwa anɔ ɔbutɔ ɔbɛɛ, abla aha nɔ.

²⁰Kristo atsiamɔ anigyɔ, Bulu detɔi tsun anɔsv ha mli. Mú su anulu Kristo ɔlukpa anide mli kokoli aniaa, “Mliha Bulu ɔbwe mli mu anyawie!” ²¹Tsufe Kristo mɔbwe lakpan kɔkɔ! Tame Bulu lɔpu mu bɔ afɔɔɔɔ anɔ lakpan su, menɔ ɔbɔtsun anta munyɔ ɔkulebwe sv tsu anɔ ání anɔ asun da ɔkpa mu ansitɔ.

6 ¹Ania Bulunyɔ de agyuma yɔ. Mú su anide mli kokoli aniaa, mliumáha Bulu awitɔle amvu mliunya amv ɔbwe kpaali. ²Tsufe Bulu lebli mu asun wanlinhe amutɔ ɔbɛɛ,

“Brea mɔ bre lɔfun ání nówun aha nwe a,
nonu mli ɔme.

Mɔ nkpa ɔhɔke amv ɔlɔfun a, negyi mli buale.”

Mlunu! Bre amv lafun a. Nɔɔɔ gyi mli nkpa ɔhɔke amv nɔ!

³Anumedekleá abétin ɔhaa anɔ Wie wa ba ɔkpa, menɔ ɔhaa méenya asvansv bli tsu anɔ agyuma anfi iwɔ. ⁴Mboun anɔ bwehe féétɔ a, antele suna ání Bulu asumbi anigyɔ ɔnɔkwalisv. Anitotomi anɔ iwɔɔsv, anɔ ɔkplan pú anɔ asun wunhe kugyiku etc. ⁵Bepiti anɔ atɔ, wa anɔ obu, bekpá bun anɔsv da anɔ. Anlɔyɔ agyuma ání ɔɔɔn anɔ. Nkekv anutamadiɔ, nkekv ε antetsia akon. ⁶Anlɔtsun anɔ tsiatɔsv le suna ání ifin kɔkɔ má anɔ iwɔ. Anyin asun, antenya ɔkɔn. Anbu awitɔle, Ɔɔɔɔ Wankuhte amv tsie anitɔ. Anutehte dwe aha ε tsu anɔ klɔntɔ. ⁷Anteda Bulu asun amv ɔkan ɔnɔkwalisv pú Bulu tumitɔ. Yilebwe gyi isa-akɔtɔá anidepuɔkɔ aha, anideputin anɔ iwɔ ε. ⁸Akv butobu anɔ, akv ε butɔsva anɔ. Akv butekanfɔ anɔ, akv ε butɔkpɔi anɔ. Anɔ asun da ɔkpa, tame buɔɔɔ anɔ bu afunupu. ⁹Fe anumegyɔ tɔtɔ aha ansitɔ, tame aha anigyɔ. Fowun anɔ fée anidewu nɔ, tame kɔ, anbu nkpa. Butesian anɔ mɔ, tame antedalɔ mútɔ. ¹⁰Anbu iwɔsvntɔ, tame Kristo sv anbu ansigyitɔ. Ahianfɔ anigyɔ, tame anulaha aha bamli iwɔ anyapu. Anumá tɔtɔ, tame anbu togyitɔ Kristo sv.

¹¹ Korintofɔ! Anutehie nya mli wɔi ansigyi, le iwɔto bla mli asun. ¹² Anitama-kula wɔi mlɛsu, tame mli mú mlude wɔi kula anɛsu. ¹³ Nde mli asun bla fe mi onuto abi. Mli e mlumápu aswansu ñain ani.

Ɔmátɔɔ Pɔgyi Mba

¹⁴ Mli ɔmátɔɔ mlumágyi mba. Nkali yile móa lalahe bétali tsia tsukule? Nkali wanki mua oklun e bóbwe kule? ¹⁵ Kristo mua Ɖbunsam^b bétali bwe agywun kule? Ekekeke! Nkali ohogyipu mua zha ání ɔma hogyi bóbwe kule? ¹⁶ Nkali bótswɛ ɔkpu Bulu ɔtswekpa? Tsufe anɔgyi Bulu Ɖkɔtankpapu amu ɔtswekpa ni. Igyi fe alɔ́ bɔwanlun wa Bulu asun amuto beɛ,

“Bulu ɔbeɛ, ‘Nétsia mi ahato,
mia amónyɔ abénati.

Nóbwe amú Bulu,
amú e bóbwe mi aha.’ ”

¹⁷ Bɔwanlun wa Bulu asun amuto e beɛ,

“Ani Wie Bulu ɔbeɛ,
‘Mlɔdali amúto, amlɔman wɔi le amósu.’ ”

Betra wanlun wa Bulu asun amuto beɛ,

“Mlumáwa ibi lalaheto,
mi anho mli.”

¹⁸ Betra wanlun wa Bulu asun amuto beɛ,

“Bulu ɔbeɛ, ‘Nóbwe mli Si,
mli e mlóbwe mi abi.’
Ali ani Wie Otumipu deblu ni.”

7 ¹ Mi apio adwɛpu, Bulu lahie ntobiá igyi alɔ́ yai ani. Mó su mlɔha afwɔ ibi le togyitá ibɔkpa ani ɔyulu pú ani ɔkla féétɔ. Mliha anya Bulu ifu, menɔ ibéha ani wɔi betun, ifin kuku méetra tsia ani wɔi.

Paulo Ansigyi

² Kokoli, mlumákula wɔi anɛsu! Anumákpɔpu lalahe gyi zhaa. Anumákyiinta zhaa, anumáksisi zhaa e. ³ Megyi ipɔn nde mli ha su nde asun anfi blɔ. Tsufe nabli bɔtsun mbeɛ, anitekɛle mli asun. Lowuto o, nkpatɔ o, anuméetan mlɛsu ekekeke. ⁴ Ntetalɔ bla mli mi klɔntɔ asun, nde wɔi e tsu mlɛsu wanklaan. Ani ipian féé ɔma a, mlɔlawa mi atetɔ-ɔnlun. Ansigyi kpɔnkpɔntɔ ku labɔla mi klɔntɔ.

⁵ Tsufe breá anulowie Makedonia a, anumenya ɔkpa da ɔkponu. Atsun nfi asun, ayinki nfi utre. Mó su ifu letsia ani ayetɔ. ⁶ Tame Buluá otolwii aha amɔu wɔi lawu amú uklɔn amu lekpa Tito ba ani, pulwii ani uklɔn. ⁷ Megyi mu iba amu nkule leha uklɔn lolwii ani, mboun asun ání ɔlɔpɔtsua unu ba e. Ɖlebla ani ɔbeɛ, mlɔhie mlɔdekleá mlówun mi. Alɔ́ asun amu ulahan mli, mlɔlanu iwɔasi ání mlɔmebi bwe pú alɔ́ mlɔlahie tsula dinka mi klesu, su anɔ letra gyi mi tsia.

⁸ Tsufe ni mi ɔwulu amuto asun lehan mli kuraa a, mi mú imehan mi. Ibo mútɔ́ uléhan mi bre kutɔ, tsufe nowun ání uléha awireho lekita mli kpalobi. ⁹ Anɔ de mi gyi sei. Megyi alá ulɔwa mli awireho su. Mboun alá awirehɔsu

^b 6:15 Paulo leti Ɖbunsam ɔbeɛ, ‘Belial.’

amu ulaha mliladamli klwnto sv. Tsufe mli awirehɔsu anfi odu Bulu tekle ni. Mú sv mi asvn amv imeyinta tɔtɔ tsu mli iwi. ¹⁰Tsufe awirehɔsuá igyi Bulu ape tɔpu klwntɔdamli ba. lteha anutenya nkpa. Mú odu bv ɔsɩn, tame uma ɔsɩn. ɔyɩtɔ awirehɔsu mú a, lowu ɩtɔpuba. ¹¹Mlɩkɩ tɔá awirehɔsuá igyi Bulu ape lati ha mli! Ulahu mlilatsu ɩkɩ le asvn amvɔtɔ, mlidesuna ání mli asvn da ɔkpa sv ɔblɔ ε de mli. Uatsii mli opuni, ulaha mlɩhɩe mlidekleá mlówun mi. Mlilatsula dɩnka mi klesv. Mlɩhɩe mlidedunka ání mlebitɩ lalahe ɔbwepv amv ɩsv. Lele, mlilale suna ání mlimegyi ɩpɔn asvn anfitɔ.

¹²Nɔwanlɩn ɔwɩsɩ sɩsɩ mli, tame megyi aha anfi sv. Megyi ɔha amv ɔlɔbwe ɩla, nte ɔha amv ɔlɔpu ɩla gyi mv amv sv. Alá néle suna mli Bulu ansɩtɔ ání mlilatsula dɩnka mi klesv mboun sv. ¹³ɩni lahɩe wa anɩ atetɔ-ɔnlɩn.

Móa ɩdɩn kɩraa a, ansɩ legyi anɩ, breá anɩlowun ání mli féé mlilaha anɩ de Tito gyi, tsufe mlilaha ɩklɩn ladu mv asɩ. ¹⁴Nɩ nekanfɔ mli mv ansɩtɔ kɩraa a, mlɩmeha pelɩ mekɩta mi. Alɩ amv asvn amv anɩlebla mli mv féé igyi ɔɔkwali amv a, alɩ kanfɔ amv nekanfɔ mli mv ansɩtɔ amv ε laba móto ni. ¹⁵Nɩ Tito ɔkaun alá mli féé mlɩteyaa asv ha mv, hɔ mv asvn blɩhe, pú alá mlɩtenya ifu kpɩnkɩ mv ansɩtɔ a, ɔtetra nya mli iwi ɔdwe tsɩa. ¹⁶Ansɩ ɩhɩe de mi gyiá nétalɩ pv ansɩ dɩnka mlɩsv ɔkpagyɩkpasu.

Akristofó Atokie

8 ¹Apio, anidekleá mlɩbi awɩtɔleá Bulu lawa ha ɔpasua amv bɩbɩ Make-donia ɔmáto amv. ²ɩníá bɩbɩ ipian móa asvn wunhe tsɔtsɔtsɔtɔ kɩraa a, bɔpu amú ohian fututuutu le amú awɩtɔle kpɔnkɩkpɔnkɩ suna ansigyɩsv tsɩn amú atokiehetɔ. ³Néblɩ mbée, bekie atɔ dɩn alá betali kɩraa, tsu amú klwntɔ. ⁴Betsia kɩlɩ anɩ ɔkpa bée, aha amú ε abɩnya ɔkpa wa awɩtɔle ha Bulu aha ání bɩbɩ Yerusalem. Fowun amú ε amú ɩbi bówie osum agyuma anfitɔ. ⁵Bɔbwe dɩn alá anɩlosusu. Gyankpapu a, besi amú iwi ha anɩ Wie, belasi amú iwi ha anɩ Bulu apetɔ. ⁶Mú sv anɩlaha Tito amv olegyankpa beha mlɩɔwa nsi amv anɩaa, ɔtra yɩnkɩ beha amlɩwa nsi mɔ mli awɩtɔle agyuma amv ɔɔ wanklaan. ⁷Mlɩlafɩn ɔkpagyɩkpasu, tsufe mlɩhɩe mlɩbɩ hogyi, mlɩyin tɔɩ, mlɩletɩn ansɩ. Tɔtɔ tamakpɔn mli, mlɩtehɩe dwe anɩ ε. Ndekleá mlɩbɩ mbɔdɩ awɩtɔle agyuma anfi etɔ dɩn ɔhagyɩɔha.

⁸Mmede mli hɩe mbée, mlɩbwe mó. Mboun ndepv mli ɔdwe kapv akvá bodeprɩá amú ε bóbva. ⁹Tsufe mlɩyin alá anɩ Wie Yesu Kristo ɩɔdwe aha, wa awɩtɔle. Iwi onyapu gyi tɩkɩ, tame anɩ sv ɔlɔbwe iwi ohiani, menɩ abótɩsv mli ohian amv bwe iwi anyapu.

¹⁰Mi agywun gyi, ni mlɩmɔ agyuma amv mlɩlefi asɩ ofiko amv ɔɔ a, ɩbówa labi ha mli. Tsufe mlgyi ɔpasua gyankpapvá mlɩlɔbwe agywun amv, mli ken lefi mó asɩ. ¹¹Mlɩwuna bwe mó ɩmɔ ɔɔ. Mlɩle ɩklwntɔ bwe mó, fé alá mlɩlefi mó asɩ. Mlɩkie mó mli ɔwɩnlɩn ɔɔ, menɩ ɩbékana agywun amv mlɩlɔbwe amv. ¹²Nɩ ɩhɩe igyi mli apeá mléha a, mlɩkie tɔá mlɩbɩ. Mótegyi Bulu ansɩ, megyi móá mlɩmá.

¹³Megyi bée, anidekleá abéha iwi bólwii akv, iwi ɩklɩ mli mó; mboun alá iwi bólwii mlɩa amónyɔ féé keke. ¹⁴Sei mlɩbɩ atɔ tsɔtsɔá mlétalɩ pvba amú. Mɩmɩ ni iwa ale ha amú, iwi leklɩ mli ε a, amú ε bétalɩ bva mli, menɩ mlɩa amónyɔ féé mlénya keke. ¹⁵Mlɩkaun ání Bulu asvn wanlunhe amv leblɩ ɔbee, “ɔha amv ɔlekpa tsɔtsɔtsɔ amv ménya mó dɩbɩ. ɔha amv ɔlekpa kpalobi amv ε kle ɩɔfɩn mv.”

Tito Mva Mu Aba

¹⁶Ada Bulu ipan ání alaha Tito ε latsula dunka mli klesu fe mli. ¹⁷Breá anilowa mu aniaa oba mli wa a, olotsula. Mu onuto o, ibu mu odweá obétra ba unv. ¹⁸Anide mva opio oku wa sisi mli. Opasua amv féé bude mu kanfu, asun wanklaan amv okan da sv. ¹⁹Makedonia opasua amv féé lele mu ání ania munyo anati ki, aho atokiehe amv ya Yerusalem. Anide ato anfi bwe puwa anu Wie numnyam, mení ibósuna ání anu onuto latsu dunka iwísvá abóbwe mó.

²⁰Anide anu iwí ki wanklaan, mení ohaa méele anu ula, tsu alá anilapu anide atokiehe amvsv ki. ²¹Tóá anudesusu gyi, alá abóbwe móá ida okpa Bulu mva anyankpusa féé ansitv.

²²Unu sv anilapu anu apio amvto oku manta Tito anásv. Anulasv mu ki, anilawun ání ohie obv nsi. Alaha mli gyi sei. Mó sv ohie odekleá obétsa anu agyuma amv yv. ²³Ni oku lefite mvsv a, mlubla mu mlíaa, mia munyo de agyuma yv pusum mli. Makedonia opasua lowa apio atrahe amvsv mva amúnvto beba amv. Unu desuna ání Kristo bude numnyam wa. ²⁴Mó sv mlile mli odwe suna amv. Isuna opasua amv féé ání mli sv anibv okpa tsu iwí.

Akristofá Buma Tótó Bua

9 ¹Imehian ání nówanlun mli owobv tsu alá mlide Bulu aha ání bobv Yerusalem bua iwí. ²Tsufe nyin ání mlíhe mlidekleá mlóbua amv. Nagyi mli iwí adansie suna amv mbee, tsu ofiku opá Akristofá bobv Akaia osvsvsv beda iwísv yai ání bóbua. Mli nsiwa laha ogya kv lawie amv odvovvto. Mó sv amv ε bafi mó asi. ³Tame nde apio anfi wa sisi mli, isuna ání megyi kpaali negyi mli iwí adansie suna amv. Mlida iwísv, fe alá nebla mli yai, amlíka mli tswtswi féé. ⁴Tsufe ni Makedonia Akristofv amvto aku bobuo ni ba unv, bowun ání mlumokvda iwísv fe alá nebla amv a, abósvpa amv ansitv, tame mlósvpa dvn mli. ⁵Mó sv nabwe agywun ání néha Tito mva mu aba amv abvgyankpa ba mli wa, tha amlidunka tóá mlílehíeá mléha yai. Tame mlíha mó tsu mli klvntv, megyi ohie igyi.

⁶Mlíkaun ání oha ání odu kpalobi a, kpalobi otokpoti, tame oha ání odu tsotstv otokpoti tsotstv. ⁷Mlitv okugyivokv ohaa móá obétali tsu mu klvntv. Imábwe ohie, tsufe oha ání otovv odwe kie ato asun Bulu tekle. ⁸Bulu teha mli tóá mlídehian bregyibre, dvn alá ilehian mli. Mó sv mlénya tóá ide mli hian bregyibre. Ibófvn mli sian, mlópvbwe yile ha aha bamba. ⁹Fe alá bwanlun wa Bulu asun amvto bee,

“Bulu oha tele iwíto kie ahianfv ato.

Mv yilebwe tamata.”

¹⁰Bulu teha adotovv ato-abi butodu, otéha aha atogyihe. Mlígyi fe amv. Obéha mli ato-abiá mlópv ikv kie aha, atogyihe tsotstvotstv bédali tsu mli yilebwe amvto. ¹¹Obéhe yula mli okpagyivokpasv, mení mlówa awitvle ha aha bregyibre. Unu ibéha aha amv bédala Bulu ipan, ato amvsv mlilapvtsun anísv ha amv amv sv. ¹²Tsufe atoku anyv obédali tsu mli ato hahe anfitv. Megyi ato amvsv mlilapvha Bulu aha amvsv ato de amv hian, bobv Yerusalem amv nkule, mboun ibéha aha tsotstvotstv béhe da Bulu ipan. ¹³Tsufe ni mléha amv a, ibéha békankfu Bulu. Ibósuna ání lele mlide Kristo asun wanklaan amvsv mlílochv amvsv gyi, mlide awitvle ε wa ha amvva aha bamba. ¹⁴Béhe kaun mlísv, bv

mpai ha mli, tsu awitole kponkponti amvu Bulu lapuha mli amv sv. ¹⁵Ada Bulu ipan ha mv atokiehe anfi idvn bli anfi!

Paulo Gyumagyihe Onole

10 ¹Ibu mótoá mlto aku mltebli mltaa, ni mbv mli wa a, mi asvn lolwii, tame ntowanlun mi nwulv tumisv. Tame mi Paulo nde mli kokoli mbee, mlupuki alía Kristo asvn lolwii, oleba iwiasv. ²Mlto aku budebli bee, mi bwehe laltan oyito aha. Mú sv ni netra ba unv a, nawun ání ilehian ání mi ansito bówa onlun. Kokoli, mlmáha ampu tsiato anfi odu ba unv. ³Ibu mótoá oyi anfito anbv, tame megyi oyi anfito agywun anidepuko isa. ⁴⁻⁵Megyi oyito akoto anidepuko. Bulu akotoá ibv tumi anidepubwie okpikplikpa kugyikuá itokusu lu Bulusu. Anitopyinta afunu asvn kugyikuá aha butoputsu iwi, iteha amó butamabi Bulu. Anitopudamli agywun lalahe kugyiku, ha itobu Kristo. ⁶Ni mli aha trahe amv mlilapu iwi ha Kristo, mlide mv asonsv gyi a, abébuti aha amvu bude asvto-onlun wa amv e asv.

⁷Mliki onokwali amvu ida mli ansito amv. Ni mlidekiá Kristo bv mli a, mvmv mliki mó wanklaan, amlibia mbv aní e. ⁸Ni nde iwi tsu tumi amvu aní Wie lapuha aní amv sv dubi a, uma mi peli. Tsufe olpoha aní obee, apubva mli amlidan. Megyi obee, apuyinta mli. ⁹Imáwe mli fe nde nwulv wanlun, puwa mli ifu. ¹⁰Tsufe aku bee, “Mákpla Paulo. Mv asvn wanlunhe bv odwin, otophie aha. Tame ni mv onuto obv aní wa a, ololwii, mv asvn bluhe e uma ibia!” ¹¹Iwanki amóá asvn ání anitowanlun sisi aha ken anitobwe ni anbv amó wa ni.

¹²Lele mó a, amendi anugyiá abópu iwi kapu aha anfi bude iwi kanfu anfi? Amó wulewule depu iwi kapu aba, bude ansi pudinka abasu. Mimla igyi amó. ¹³Ani mó anumóotsu iwi dafa, mboun okpa amvu Bulu lehie ha aní amv onv abótsu iwi fun. Múgyi agyuma ání anilabwe botv mli ni. ¹⁴Anulegyankpa pu Kristo asvn wanklaan amv ba mli. Mú sv ni anide mli asvn bla a, anumokutou dafa. ¹⁵Animedepu ohaa agyuma e tsu iwi. Mboun anide okpa ki ání mli hogyi bédan. Agyuma amvu anideyo mlto amv e ibéklei tsia. ¹⁶Mvmv abétali dafa mlsv yeda asvn wanklaan amv okan omá bamba esv, mení unóobwe fe anilapu otuneá okv lagyankpa yo agyuma tsu iwi.

¹⁷Tame Bulu asvn wanlunhe amv lebli obee, “Ohagyooha ání obee, mótsu iwi a, opu toá aní Wie labwe tsu iwi.” ¹⁸Tsufe ni Bulu okanfu fu gyi asvn, iwi kanfu mó kpaali igyi.

Paulo Mva Sumbi Ayapu Afunupu

11 ¹Mlunya klun, amlnu mi mimlala kpalobi anfi así! Kokoli, mlunya klun ha mi. ²Mmesi mli tswi, fe alía Bulu tamasi mli tswi. Tsufe mlgyi fe obitebiá omeyin oyin, napv mli ha oyin okule, ogyi Kristo. ³Tame alí amvu iwó amv lopv mv alape mle ^{*}Hawa amv a, ifu de miá okv obémle mli, mli ansi bédinki onokwaliwa pú odwe wankihe amvu mlbv ha Kristo amvu. ⁴Tsufe nyin ání ni okv oba beda Yesu bamba okv iwi asvn okan suna mli, imegyi omvamv anileda mv iwi asvn okan suna mli amv a, mlókosi hogyi. Ni mlenya oje bamba kuá una otsan ha mvamv mlulegyankpa nya amv e a, mlóho mó gyi. Alí ken ni mlonu asvn bamba ání una otsan ha mvamv anilebla mli amv e a, mlókosi ho mósv gyi ni!

⁵Mmedehogyiá aha anfi bude iwɔ tɔ “***Sumbi ayɔpu** akpɔnkpɔntɔ” anfi budun mɔ ɔkpa ɔkɔkɔsu. ⁶Nɔ mmeyin tɔ kuraa a, nyin asun ání ndeblɔ. Nahogyiá anulaha asun anfitɔ ulawankɔ mlɔ ɔkpagyiɔkpasu.

⁷Uná nɔpu iwɔasɔba pú obú ha mlɔ breá neda Bulu asun wanklaan amu ɔkan suna mlɔ, mmɔhɔ mlɔ tɔtɔ su ye tsitsa nɔbwe a? ⁸Ɔpasua bamba atɔ nɔswu, puba bɔyɔ agyuma ha mlɔ. Mú su netali sum mlɔ, mmɔhɔ mlɔ tɔtɔ nɔ. ⁹Breá mbu mlɔ wa, iwɔ leklɔ mɔ a, mmesi ipian tswi mlɔtɔ ɔkɔkɔsu. Mboun apio amuv botsu Makedonia ba amu leha mɔ mɔ atohianhe. Inɔ su mmesi ipian dunka mlɔtɔ ɔkɔkɔsu, mméesi dunka ε. ¹⁰Uná ɔnɔkwali nenyá ndeblɔ tsu Kristo iwɔ mú a, ɔhaa méetali ka mɔ itin ɔbee, mmápu asun anfi tsu iwɔ Akaia ɔsulɔsu féé. ¹¹Ntogyi su? Ntamadwe mlɔ loo? Ekekekeke! Bulu yin ání ntɔdwe mlɔ!

¹²Nɔbwe mɔ agyuma fe alɔ́ nde mú bwe dodo. Nɔbwe mú putin amú ɔkpa, nɔ bude iwɔ tsu bee, gyuma kulɔ anɔ amúnɔyɔ anudebwe. ¹³Afunupu bɔgyi. Bapina bwe iwɔ fe Kristo sumbi ayɔpu, buná bude mlɔ mle. ¹⁴Tame uma wanwan! Tsufe Ɔbunsam kuraa tekɔ anɔ bwe iwɔ fe ***Bulu-ɔbɔpu** wankihe! ¹⁵Mú su uma wanwan ání mu asumpu anfi ε bapina bwe iwɔ fe yile abwɛpu. Amú ɔnɔmɔ ibéle amú bwehe kugyiko ɔwan.

Paulo Asun Wunhe

¹⁶Ntra nde mlɔ bla mbée, ɔhaa mábu mɔ ɔha mimlahe. Tame nɔ mlɔde mɔ bu alɔ o a, mlɔtsu mú alɔ, mɔ ε anyá ɔkpa tsu iwɔ kpalobi. ¹⁷Anɔ Wie tamatɔ alɔ, tame nabwe iwɔ fe ɔha mimlahe. ¹⁸Aha tsɔtsɔwɔtsɔ butotsu iwɔ fe ɔyɔtɔ aha, su mɔ ε nɔtsu iwɔ. ¹⁹Ee a, uná mlɔaa atansɔpu mlɔgyi o a, mlɔtotsula ha aha mimlahe. ²⁰Tsufe nɔ ɔkɔ ɔpu mlɔ bwe nkpábi kuraa a, mlɔtotsula. Nɔ ɔpu mlɔ nya iwɔ, ogyi iwie mlɔtsu, obu mlɔ tɔkɔ odu, ɔda mlɔ iswɔtɔ kuraa a, mlɔtotsula ha mu. ²¹Mlɔaa, mma ansɔtɔ-ɔnlɔn. Ee, natsula. Mɔ kle ma unu.

Tame togyitɔ́ ɔkɔ labwe ɔdeputsu iwɔ a, mɔ ε nétalɔ pú mɔ kle tsu iwɔ. (Tame nahogyiá igyi mimlala.) ²²Nɔ bee ***Hebrifɔ** bɔgyi a, mɔ ε Hebriyin ngyi. Nɔ Israelfɔ ε bɔgyi a, Israelyin mɔ ε ngyi. Nɔ bee, botsu ***Abraham** abi-anátɔ a, unu mɔ ε notsu nɔ. ²³Bee Kristo asumpu bɔgyi? Mblɔ mú mimlasu, ndun amú! Nayɔ iwɔ yɔ agyuma dun amú. Nadɔ obu dun amú. Bada mɔ dun amú. Nesian wu bre tsɔtsɔwɔtsɔ. ²⁴Yudafɔ banwen mɔ mplɔ tse advasa-kweba (39) tse nu keke. ²⁵Romafɔ ε bapiti mɔ atɔ tse sa keke. Beda mɔ abwi ɔsawule. Tse sa keke ntsusu-yibi labun mɔ, nasin ntsutso ekewule owitɔ. ²⁶Mɔ ɔkpa tsɔtsɔwɔtsɔ tutɔ a, nafa ntsu akpɔnkpɔntɔ, natsun ogyo atswapu ibitɔ dali. Natsun ɔmá bambasufɔ pú anɔ pi Yudafɔ féé ibitɔ dali. Natsun awulusu pú adimbisɔ, nafa ɔpu. Natsun aha amuv bude amú iwɔ tɔ bee, Akristofɔ amu aná féé ibitɔ dali. ²⁷Nayɔ agyuma kpekple, ulapian mɔ kɔ. Ntamadɔ́ nkɛkɔ. Ntetsia akun mɔ́a ɔmewulɔ. Nteklɔ ɔnɔ, ntɛdi atsali, natɔ yaya aná féé. ²⁸Inɔ féé ɔma a, tɔ́a idun mɔ klɔnsu, ntɔgywun mú iwɔ ekekegyieke gyi ɔpasua amu féé alɛwa. ²⁹Ma lɔpɔn, mmotsu kɔkɔ le mu asuntɔ? Ma bekpa wa lakpatɔ, unɔwa mɔ ɔblɔ.

³⁰Nɔ bee ntsu iwɔ a, ntobiá iteha mɔ hogyi teba asɔ nɔputsu iwɔ. ³¹Bulu, ogyi anɔ Wie Yesu mu St, ɔlekana kanfu bre féétɔ amu yin ání mmede afunu wa. ³²Owie dehen Areta leha mu ɔmásu ɔkɔpu leyete mɔ Damasko wulu ɔnɔ, ɔkɔta mɔ. ³³Tame bɔpu mɔ wa lakpatɔ, le mɔ tsun ikwitɔ, kplɔ mɔ yi buntia bɔpwe wa wulu amu ɔma, nesɔ si mu.

Paulo Atowunhe Pó Mv Ató Lesunahe

12 ¹Ilehian ání nótsu iwí, tame tótótó uma iwítsuto. Tame mbli atóá nowun pú tóá aní Wie lale suna mí. ²Nfi duana (14) ní, bówan mí ya ɔsusu sasto. (Mí nyankpusa-oyi lɔyɔ unv o, mí ɔkla o, mméetali bí. Bulu nkule yin.) ³⁻⁴Fe alíá nakubli a, bówan mí ya *Paradiso. (Mí nyankpusa-oyi lɔyɔ unv o, mí ɔkla o, mméetali bí. Bulu nkule yin.) Nonu asun ání uma blitɔ, ɔhaa é má ɔkpa bli mú. ⁵Nétali pv utɔ amuv nowun amv tsu iwí, tame mmóɔpv mí atɔ bwehe tsu iwí. Ntobiá iteha mí ɔwɔnlɔn ɔnɔ teba así ntɔpɔtsu iwí. ⁶Ní mbee nótsu iwí kuraa a, mmóotsu iwí fe ɔha mimlahe, tsufe nébli ɔnɔkwali. Tame mmóɔbwe. Mmedekleá ɔhaa ɔkí mí dafa alíá mí tsiatɔ gyi, nte asun amuv nɔvba amv.

⁷Alíá mmóɔpv ntobi anfi ibv ifu, ibv wanwan, Bulu lale suna mí anfi tsu iwí sv a, ɔlɔpv owu kv wa mí awutɔ, igyi ɔbunsam-ɔbɔpv. Iteda wɔ mí, mení mmóotsu iwí. ⁸Nakokoli aní Wie Yesu tse sa keke mbee, ɔle utɔ amv mítɔ. ⁹Tame asun ání ɔtebla mí bregyibre gyi, “Mí awutɔle pe gyi tóá fehian. Tsufe ɔha ání mv ɔwɔnlɔn ɔnɔ laba asitɔ mí tumi tehe lun ɔwan.” Lni sv ibv mí ansigyíá nɔpv tóá iteha mí ɔwɔnlɔn ɔnɔ teba así tsu iwí, mení Kristo tumi amv íbéhe bun mísv. ¹⁰Kristo sv aní bégíyí mí bregyibre. Ní mí ɔwɔnlɔn ɔnɔ íba así, bude mí sia, mbv íkplantɔ, budɔn mísv, nte iwí de mí ɔsun. Tsufe ní mí ɔwɔnlɔn ɔnɔ íba así a, mú ntelanya ɔwɔnlɔn ní.

Korinto ɔpasua iwí Asun

¹¹Nabwe iwí fe ɔha mimlahe, tame mlúlahe ílaba alí. Tekí ilehian ání mlébli asun wanklaan tsu mí iwí. Tsufe íbú mútɔá mmegyí tótɔ, tame ndun “sumbi ayɔpv akpɔnkɔntí” anfi mú. ¹²Breá mbv mlí wa a, notomí bwe tóá íbú wanwan pú osuna múa ofula ɔtsan-ɔtsan, pusuna mlí ání lele sumbi ɔyɔpv ngíyí. ¹³Ntɔ de mlí han? Tóá nɔbwe mlítɔ, mmóɔbwe ɔpasua bambatɔ gyi, mmesi iwí tswí mísv. Kokoli, mlísikie mí!

¹⁴Sei a, otse sasi ndebweá néba mlí wa a. Mméeba besi iwí tswí mísv, tsufe mmede tótɔ fite tsu mlí wa. Mlí onuto ndehian. Kebi tamatsu mv sí wa akɔnkɔ, mv sí totsu mv wa akɔnkɔ. ¹⁵Ibú mí ɔdweá néyinta togyítɔá mbv mlí sv, sí mí iwí fíé kuraa ha mlí. Lniá nde mlí dwe dubí alí a, ntogyi sv ɔdweá mlí mú mlísv ha mísv dedɔnkí?

¹⁶Fialí mlílawun ání lele, mmeba besi iwí tswí mísv, tame mlídebli mlíaa, nofwifwí aní. Ndepv atɔ tsun mlí omua wa mlí ɔnɔ. ¹⁷ɔkpa ɔmɔmɔsv? Nɔtsun aha amuv nɔwa mlí wa amutɔ ɔkusu sisi mlí loo? ¹⁸Breá nokokoli Títo, nɔwa mvá aní pio Okristoyin amv mlí wa me, olebesisi mlí? Ekekeke! Tsufe agyiwun kule mía mɔnyɔ anídepvwe toku kule.

¹⁹Fialí mlíde mú tsu bre aníftɔ fíé mlíaa, anídetɔv puka iwí le. Megyí alí igyí. Akristofɔ anígyí, anídetɔv Bulu anítɔ. Mí adwepv, aníde togyítɔ bwe pvwa mlí ɔwɔnlɔn. ²⁰Tsufe ifu de míá néba mlímetsie wanklaan. Mú sv mí asun blíhe bówɔ mlí asutɔ. Fialí nóbɔtv ítre, ɔnsipe, ɔbɔ, olu, ahasia, aha iwí asunbli, iwítsu pú abasɔda mlítɔ. ²¹Nhie nde ifu nya ání ní neba unv a, mí Bulu ɔbétra ba mí así mlí sv. Nósv, tsufe mlítɔ akv mlímɔkusi mlí lakpan dada amv bwe, damlí klɔntɔ sí mbvatɔ, hakpanla pú ɔwɔl lalahe amv.

Ukka Pó Ɔlada

13 ¹Otse sasi neba mli wa a. Bulu asun lebli ɔbee, “Asa mléha ɔku ipɔn a, mlinu adansifo abanyɔ nte abasa ɔnɔ.” ²Breá neba mli wa otse nyɔsi a, neda aha amuu buɔe lakpan bwe amu féé ɔla. Ntra nde amú aha trahe féé ɔla da, tsufe ni neba unv a, néhie buti amú isu. ³Tsufe mludekleá mlébiá lele Kristo detɔi tsun misu. Kristo ɔwɔnlnn ɔnɔ mɔkɔba asi mlitɔ. Mu tumi e thie tsɔ mlitɔ. ⁴Uv mótɔá mu *oyikpalihesu lowu ilosuna ání alapon, tame sei a, otsie nkpa Bulu tumitɔ. Breá ania mɔnyɔ anuɔbwe kole a, anuɔpɔn, tame sei ania mɔnyɔ antsie nkpa Bulu tumitɔ. Mú anuɔpɔkpa mli ni.

⁵Mliɔ mli nwuntɔ ki bee, ahogyipu onuto mligyi? Mlikaɔ mli unv ki bee, lele Kristo Yesu bu mlitɔ? Mliawun ání ɔbu mlitɔ? Ni mliwɔkɔwun mu mlitɔ mú a, mumu megyi ahogyipu onuto mligyi. ⁶Nahogyiá mléba bebi ání Kristo ahogyipu onuto angyi. ⁷Anude Bulu kokoli anaa, mliwátra bwe lalaha kuku. Megyi alíá ibósuna ání angyi Kristo ahogyipu onuto su. Tame ni aha buɔeki bee megyi Kristo ahogyipu onuto angyi o a, ɔha mli mú amlibwe tɔá ida ɔkpa. ⁸Tsufe aní mú anuméetali kusv lu ɔnɔkwali asun amuu, ɔvun ání abéha mú ibyɔ nkpa wule. ⁹Ni aní mú aní ɔwɔnlnn ɔnɔ laba asi, mli kle ulawa ɔnln a, aní bégyi aní. Tɔá anude Bulu kuli gyi, ɔha amlilalu kinkiinkin, amlidan Kristo hogyitɔ. ¹⁰Lní su nagyankpa nde ɔwulv anfi wanln sisi mli, asa amba unv ni. Meni ni neba a, mmóobotsu ibi misu. Tsufe ndekleá nɔpu tumi amuu aní Wie lapuha mi amu bua mli amlidan. Mmóɔpuyinta mli.

¹¹Apio, utrahe a, anst igyi mli. Mliwɔ mbɔɔi amlilu kinkiinkin, amlidan Kristo hogyitɔ. Mliwa aba ɔwɔnlnn. Mli agywun ubwe kole, amlitsia iwilwiitɔ, meni Bulu amuu ɔɔɔwe aní, ɔteha aní iwilwii amu obétsia mlitɔ bre féé. Neha mli itsia gyagyagya.

¹²Mliha aba itsia, amlilata aba puta ɔɔwesv.

Bulu aha amuu buɔv nfi amu féé beha mli itsia gyagyagya.

¹³Aní Wie Yesu Kristo bualegyi, Bulu ɔɔwe pó Ɔɔɔ Wankihe kolebwe itsia mli féésu.

Dwulvá Paulo Lówanlun Sisi

Galatiafó

1 ¹Mi *sumbi ɔyɔpu Paulo de ɔwulv anfi wanlun. Megyi anyankpusa nte ɔhaa lɔwa mi. Yesu Kristo mua aní Sɪ Bulu amuv ɔɔkusua mu tsu afulitɔ amuv lɔwa mi. ²Nde mú wanlun sisi ɔpasua ání ubv Galatia ɔsulvsv féé. Mia Akristofɔá bubv nfi féé anide mli itsia ha aniaa,

³“Aní Sɪ Bulu mua aní Wie Yesu Kristo bɔgyi mli buale, abvha mli iwilwii.”

⁴Yesu anfi lesi iwɪ ha bɔmɔ mu aní lakpan sv, mení ɔbéle aní tsu ɔyi lalaha anfiwɔ; fe alí amuv aní Sɪ Bulu lehie yai amv. ⁵Akanfv Bulu bre féé. *Amen!

Asvɔn Wanklaan Kɔkɔ Má lɔn ɔma

⁶Mli Galatiafɔ, mli iwɪ lawa mi ifu ání mlulawuna yinki Bulu ɔma. Bulu lɔtsɔn Kristo awitɔlesv tɪ mli ɔbee, mli bɔbwe mu aha. Mli kɪ alíá mlulawuna mlide asvɔn bamba hɔ mlíaa, múgyi *asvɔn wanklaan amv. ⁷Tame una ɔtsan ha asvɔn wanklaan amv. Aha aku dekleá béyinta mli agywun, abutse Kristo asvɔn wanklaan amv. ⁸Tame ni aní, nte *Bulu-ɔbɔpu ɔkv kɔraa lɔtsu ɔsusu ba, beda asvɔn wanklaan bamba kv ɔkan suna mli, una ɔtsan ha mú amuv anulebla mli amv a, Bulu ɔlwi mu. ⁹Naku bli asvɔn anfi, tame ntra nde mli bla mbee, ni ɔkv ɔba beda Bulu asvɔn wanklaan bamba kv ɔkan suna mli, una ɔtsan ha mú amuv anulebla mli amv a, Bulu ɔlwi mu.

¹⁰Megyí bee, ndekleá aha budwe mi. O-o! Bulu mboun ndekleá ɔdwe mi. Ni ntra ndekleá aha budwe mi a, teki mmegyí Kristo osumbi.

Paulo Sumbi ɔyɔpu Bwe

¹¹Mi apio, ndekleá iwanki mlíá Bulu asvɔn wanklaan amuv nde mú ɔkan da amv imotsu nyankpusa agywuntɔ. ¹²Megyí ɔhaa wa notsua mú, nte ɔkv losuna mi. Yesu Kristo onuto lele mú suna mi.

¹³Tsufe mlɔlanu mi tsiatɔ asvɔn, alíá ngyi breá mbuo *Yudafɔ-osum amv, pú alíá nehie dinka Bulu ɔpasua amuvsv, nɔbɔ mbɔdɪá néhi amú féé. ¹⁴Nɔhɔ gyankpa mi abatɔ Yudafɔ-osum amutɔ, pú alíá nɔwa nsi gyi mi anain amandie kugyikvsv.

¹⁵Tame Bulu lɔwa awitɔle ha mi. ɔlele mi yai tsu breá mbv mi yin iwitɔ, ɔleti mi ɔbee, nyo mu agyɔma. ¹⁶ɔlele mu Bi amv suna mi, mení néda mu iwɪ asvɔn wanklaan ɔkan aha ání bumegyí Yudafɔtɔ. Mmɔyɔ ɔhaa wa mbee, osuna mi asvɔn alí bre amutɔ. ¹⁷Mmɔyɔ Yerusalem mbee, noyowun Kristo sumbi ayɔpu amuv bubv inu asa neba amv ε. Mboun nenatɪ laa yɔ Arabia ɔsulvsv, neyinki ba Damasko wulutɔ. ¹⁸Yesu lele iwɪ suna mi. Mú ofi-sasitɔ a, nɔyɔ

Yerusalem yowun sumbi ɔyɔɔɔ Kefa ání butetra tí mu Petro, netsia mu wa nke duanu. ¹⁹Mmetra wun sumbi ɔyɔɔɔ ɔkuku dɔn aní Wie Yesu mu gyama Yakobo.

²⁰Ɔnɔkwali asun ndewanlun sɔsɔ mlɛ. Bulu yin ání mmede afunu wa.

²¹Mú ɔma a, nɔyɔ Siria pú Kilikia ɔsulɔsu. ²²Alɛ brɛ amɔtɔ a, Akristofɔ ɔpasua amɔsu ububu Yudea ɔsulɔsu amu bumɔkunya bí mlɛ. ²³Múá budenu tsu mí iwɛ fɛ́é gyi, aha budebli bɛɛ, “Oyin amɔsu ɔdin anɔsu amu na ɔde hogyi amɔsu anɔde mú asun blɛ, ɔde anɔ itin ka amu ken ɔkan da.” ²⁴Una mí su bekanfo Bulu.

Paulo Mɔa Sumbi Ayɔɔɔ Atrahe Amu

2 ¹Nfi duana ɔma a, mía Barnaba anlekpa Tito buo iwɛ, yinki yɔ Yerusalem. ²Bulu lele suna mí ání nyo unu, su nɔyɔ. Alɛ mí agyuma mɔ́bwe kpaali su a, negyankpa le asuntɔ suna ɔpasua ahande amu nkule utsetɔ. Nebla amú ***asun wanklaan** amɔsu nna nde mú ɔkan da aha ání bumegyí ***Yudafɔtɔ** amu. Botsula dɔnka músu. ³Ubu mútɔ́á Grikiyin Tito amɔsu anlekpa buo iwɛ amu gyi, tame bumehie mu bɛɛ, ɔtin ***kete**. ⁴Ubu mútɔ́á Akristofɔ afunupu akúá beki anɔi bowie anɔi bekleá ɔtin kete. Tsufe bodunka ání béyinta iwɔsɔtsia amɔsu Kristo Yesu laha anɔ amu; abubwe anɔi amlɛ nkɔ́bí ha Yudafɔ mbla amu. ⁵Tame anumesi iwɛ ha amú kpalobi kuraa, menɛ ɔnɔkwaliá ubu asun wanklaan amɔtɔ uméetse ha mlɛ.

⁶Ɔpasua ahande amɔsu bubu unu amu bumebli mí asansu bɛɛ, mpɔtsia asun wanklaan amɔsu ndebli amɔtɔ. (Una nde amú tí ahande kuraa a, megyi bɛɛ, amú hande amu ubu mí labi, tsufe Bulu mú tamakɔ ɔhaa ansitɔ.) ⁷Tame ahande amu bowun ání Bulu lɔpu asun wanklaan amu ha mí ɔbɛɛ, nda mú ɔkan aha ání bumegyí Yudafɔtɔ,^a fe alɛ ɔlɔpuha Petro e ɔbɛɛ, ɔda mú ɔkan Yudafɔtɔ. ⁸Tsufe Bulu leha Kefa ání butetra tí mu Petro tumi, ogyi mu ***sumbi ɔyɔɔɔ** Yudafɔtɔ. Mu ken laha mí tumi, ngyi mu sumbi ɔyɔɔɔ aha ání bumegyí Yudafɔtɔ e ní. ⁹Unu a, ulɔwankɔ Yakobo mɔa Petro pú Yohane amɔsu buhie bugyi ɔpasua amu ɔtan amúá Bulu lapu alɛ agyuma anfi kie mí. Mú su bɔwa mía Barnaba ubi, pusuna ání anɔlabwe kule. Botsula ání mía Barnaba ayɔ agyuma aha ání bumegyí Yudafɔtɔ, amú e abuyɔ agyuma Yudafɔtɔ. ¹⁰Múá bodunka tsu anɔi wa gyi, akaun amú́tɔ aha ání buma tɔ́tɔsu. Mú ken gyi tɔ́a ndekléá nɔ́bwe e ní.

Paulo Iyɔnwa Wa Petro

¹¹Tame brɛá Petro leba Antiokia wuluto a, nɔwa iyɔn wa mu aha ansitɔ, tsufe tɔ́á ɔlɔbwe itepi ma ale. ¹²Brɛá leba a, mɔa ahogyipúá bumegyí Yudafɔ butowa ubi gyi atɔ, tame Yudafɔ aku benya tsu Yakobo wa ba pe, ɔlebɛtɛ iwɛ le aha amɔtɔ, tsufe ɔde ahogyipu amɔsu bɛɛ butin kete amu ifu nya. ¹³Una ndebli a, Yudafɔ atrahe amu e bubuo Petro apinabwebi anfi. Barnaba o leyinki yɔ obuo amú. ¹⁴Nowun ání amú bwehe amu imekana ɔnɔkwaliá ubu asun wanklaan amɔtɔ. Mú su nebli Petro aha amu fɛ́é ansitɔ mbɛɛ, “Petro, Yudayin fugyi, tame fumede Yudafɔ amanduesu gyi. Ɔmátɔ́fɔ amanduesu fudegyi. Ntogyi su fude aha amɔsu bumegyí Yudafɔ amu hie fɛɛ, bubwe Yudafɔ amandueá fakina?”

a 2:7 Aha ání bumegyí Yudafɔ tamatin kete. Yudafɔ gyi kete atɔnpu.

Hogyisv Bulu Tɔtsɔn
Hɔ Yudafɔ Pɔ Ɖmá Bambasvɔfɔ Nkpa

¹⁵Yudafɔ lɔkwu mɔa funyɔ. Megyi aha amuv bomegyi Yudafɔ, bomeyin Bulu mbla amvɔtɔ atsu. ¹⁶Tame anɔ Yudafɔ Akristofɔ amv mɔ anyin ánɔ megyi Mose mbla amvsv gyi sv Bulu totsɔ ɔha ánɔ mv asun da ɔkpa mv ansitɔ, nketi Yesu Kristo hogyi. Mɔ sv anɔlahɔ mv gyi, menɔ Bulu ɔbɔtsɔn mv hogyi amvsv ha anɔ asv nɔ. Tsufe nɔ mbla amvsv gyi sv mɔ a, tekɔ ɔhaa méegyi asv Bulu ansitɔ. ¹⁷Anɔdedunka ánɔ Bulu ɔtsɔn anɔ Kristo hogyisv, otsu anɔ anɔ asun da ɔkpa mv ansitɔ. Tame nɔ Yudafɔ akv bɔde anɔ mboun kɔ lakpan abwepv a, mvmv imosuna ánɔ asvɔkpan Kristo de anɔ suna a? Ekekekeke! ¹⁸Nɔ nakina Mose mbla amv, layɔ nde mɔsv gyi a, mvmv ilosuna ánɔ itɔ lalaha nɔyɔ ndebwe a. ¹⁹Tsufe Mose mbla amv ilosuna ánɔ nawu. Uleha negyi iwɔ, menɔ nétsia nkpa pɔpwe ha Bulu. Mɔa Kristonyɔ beda manta *oyikpalihesv ɔɣetɔ. ²⁰Mɔ sv ntsie nkpa sei, tame megyi mɔ onuto tsie nkpa ɔsvlv anftsv. Kristo, ogyi Bulu mv Bi amv tsie mitɔ. Mvlɔdwe mɔ, bowu ha mɔ. Mv hogyi sv ntsie nkpa. ²¹Mɔ sv mmede Bulu awɔtɔle amv kina. Tsufe nɔ Mose mbla amv sv ɔha obégyi asv Bulu ansitɔ a, mvmv kpaali Kristo lowu!

Mbla Amvsv Gyi Nte Kristo Hogyi

3 ¹Oo Galatiafɔ aha mimlahe! Ma lalɔ mɔ anɔ anɔ? Megyi mɔ onuto ansitɔ behɔ le suna mɔ alɔ beda Yesu Kristo manta oyikpalihesv, mɔ mv? ²Nfite mɔ asun kuakule. Mose Mbla amvsv gyi leha mlulɔnya ***Ɖɣe Wankɔhe** amv loo, nte ***asvɔn wanklaan** amv mlolonu, mlɔde mɔ hogyi amv sv? ³Aha mimlahe mlɔlɔkɔv mlɔgyi alɔ a? Inɔ mlɔlɔpɔ Ɖɣe Wankɔhe amv tsua mlɔ Kristotɔtsia asɔ me, mlɔ onuto tumi mlɔaa, mlɔpɔmɔ mɔ ɔnɔ ngya? ⁴Kpaali sv mlɔlowun ipian amv féé asvɔn wanklaan amv sv? Megyi kpaali sv! ⁵Ntra fite mlɔ. Mɔ Mose mbla amvsv gyi sv Bulu lapv Ɖɣe Wankɔhe amv ha mlɔ, ɔde ofula ε bwe mlɔtɔ? Ekekekeke! Alɔ mlɔlonu asvɔn wanklaan amv, hɔ mɔsv gyi sv ɔlɔpɔha mlɔ.

⁶Mlɔpɔkɔ anɔ nain ***Abraham**. Ibv Bulu asvɔn wanlɔnhe amvɔtɔ ánɔ, “Abraham lɔhɔ Bulu gyi. Mɔ sv Bulu lotsu mvá mv asvɔn da ɔkpa.” ⁷Mɔ sv ilehian ánɔ mlébiá aha amvsv bɔhɔ Bulu gyi amv gyi Abraham abi onuto nɔ. ⁸Bulu asvɔn wanlɔnhe amv leblɔ yaɔ ánɔ Bulu ɔbɔtsɔn aha amvsv bomegyi Yudafɔ amv hogyisv, tsu amv́ amv asvɔn da ɔkpa. Inɔ sv Bulu lebla Abraham asvɔn wanklaan amv dodooɔ ɔbɔe, “Fvsv nɔtsɔn yula ɔsvlvsv aha féé.” ⁹Abraham lɔhɔ Bulu gyi. Mɔ sv Bulu loyula mv. Mɔ sv sei anft a, Bulu ɔbɔpɔ oyula amvsv ɔlɔpɔyula Abraham amv yula aha ánɔ bahɔ Kristo gyi.

¹⁰Tame ulwu dun aha ánɔ amv anstɔ dun Mose mbla amvsv gyisv. Tsufe bɔwanlɔn wa Bulu asvɔn amvɔtɔ bɔe, “Bulu lalwu ɔhagyɔha ánɔ omegyi mbla amvsv bɔwanlɔn wa Bulu mbla ɔwvɔlvɔtɔ amv féésu.” ¹¹Sei a, ulwankɔ ánɔ ɔhaa má unv́ mv mbla amvsv gyi sv Bulu obɔtsu mv ánɔ mv asvɔn da ɔkpa. Tsufe Bulu asvɔn wanlɔnhe amv leblɔ ɔbɔe, “ɔha ánɔ mv hogyi sv Bulu latsv mv ánɔ mv asvɔn da ɔkpa obénya nkpa.” ¹²Mbla amvsv gyi mena hogyisv, tame Bulu asvɔn wanlɔnhe amv leblɔ ɔbɔe, “ɔhagyɔha ánɔ otegyi mbla amvsv ɔbɔtsɔn mɔsv nya nkpa.”

¹³Tame anɔ sv Kristo lemli ɔha lwuɔhe breá beda mv manta oyikpalihesv amvsv. Mɔ sv ɔlele anɔ tsu ulwu amvsv mbla amv letɔ ha anɔ amv asɔ. Tsufe

Bulu asun wanlunhe amu lebli ɔbee, “Uwɔ dɔn ɔhagyioha ání beda manta oyisu.” ¹⁴Kristo lowu, mení Bulu ɔbɔpu oyula amuu ɔlehie ha Abraham amu ken yula aha ání bumegyí Yudafo, mení abɔtsun aní Kristo Yesu hogýisu nya ɔɣe Wankihe amuu ɔlehie amu.

Mbla Amu Pɔ Bulu Nɔhɔhe

¹⁵Mɔ apio, mpɔ nde tsiatɔ asun kv flo asun anfi ha mli. Alɔ amuu ɔha ɔdunka ibwi mu asunsu ɔbee, ɔku ogyi mu atɔ, ɔhaa má ɔkpa tse mɔ, nte le tku mɔtɔ amu a, alɔ igyi ntam amuu Bulu leka ha Abraham amu e ni. ¹⁶Aní nain Abraham muv mu nanyɔ Bulu leka ntam ha. Alɔ asun anfi imosuna ání mu aná tsɔtsɔtsɔ, mboun mu na ɔkule pɛ. Mu na amu gyi Kristo a. ¹⁷Asun ání ndeblɔ gyi, Bulu leka ntam ha aní nain Abraham. ɔledunka ibwi mɔsu pusuna ání obégyi mɔsu. Mbla amuu ɔlɔwa ha Mose nfi lafana advasa (430) ɔma amu uméetalt ka ntam amuu ɔledunka ibwi mɔsu amutɔ, nte tse mɔ ekekeke. ¹⁸Tsufe ni mbla amuu gyi su ɔha tbi béda agyapadɛ amuu Bulu lehie yai amu a, mɔmu megýi hie Bulu lehie mɔ yai Abraham. Tame ɔnɔkwali amu gyi, kie ɔlɔpokie mu.

¹⁹Mumu labi mɔmu mbla amu bu? Bulu lɔpu mɔ e manta mɔsu, mení ibɔsuna aha tɔá lakpan gyi. Tame ɔlɔwa mbla amu ání íbɛtsia alu yɔfun bréa Abraham mu na amu ɔbéba. Mugýi mu atɔ ogyipɔ ni. ɔlɔpu mbla amu ha mu abɔpu bɔpu bɔwa Mose tbitɔ. Mɔlɔbwe Bulu muv Israelfo nsine ɔlapɔ ni. ²⁰Nsine ɔlapɔ tamalu ha ɔbakule, tame ɔbakule Bulu gyi.

Labiá Mbla Amu Ibo

²¹Bulu mbla amu ɔlɔkusu lu mu nɔhɔhe amuu ɔlehie yai amuu? Ekekeke! Ni mbla kv tɛtali ha aní nkpa ání utamata a, tekt abɛtali gyi asu Bulu ansutɔ, ni anlegýi mɔsu. ²²Tame Bulu asun wanlunhe amu uleblíá lakpan lagýi ɔyitɔ aha féésu plɔplɔplɔ. Mɔ su atɔ amuu Bulu lehie yai amu igyi Kristo ahogýipɔ kle.

²³Tame asa Yesu Kristo hogýi leba ɔyitɔ a, mbla amu uleklɔ aní fe obu adipɔ. ɔhaa menya mu iwi, bɔfun bréa Bulu lebele Kristo hogýi ɔwan. ²⁴Mɔ su mbla amu lɔbwe anisu ɔkɔpu bɔfun bréa Kristo leba, mení Bulu obɔtsu aní aní aní asun da ɔkpa mu ansutɔ, tsun aní Kristo hogýisu. ²⁵Lníá Kristo hogýi laba su a, imehian ání mbla amu ɔbétra bwe anisu ɔkɔpu.

²⁶Tsufe mli Kristo Yesu hogýi su mli féé mlilabwe Bulu abi. ²⁷Mli aha ání mli Yesu Kristo mlilabwe kule tsun *asubɔsu mlilatsu mu tsiatɔ féé. ²⁸Mɔ su Yudayin nte Grikiyin tra ɔma unu. ɔkpábi nte ɔdɔhie, ɔtsi nte oyin tra ɔma unu. Tsufe mli féé mlilabwe kule mli Kristo Yesunyɔ ikulebwetɔ. ²⁹Lníá mlilabwe Kristo kle su a, mlilabwe Abraham abi-aná onuto, pɔ mu atɔ agýipɔ. Lnɔ su utɔ amuu Bulu lehie yai Abraham amu igyi mli kle.

4 ¹Mlyɔ asun anfitɔ kv. Ni ɔha owu, si mu agyapadɛ yai mu abi bréa bumɔkɔdan a, bugýi fe nkpábi. Ibo mɔtɔá amúbu amú si atɔ féé, ²tame ilehian ání béba iwiasɔ ha amúsu ɔkɔpu alu yɔfun nfi oduá amú si losuna ání buhɔ, asa abupɔ atɔ amu wa amú tbitɔ. ³Alɔ aní e angyi asa Kristo leba ni. Anlɔbwe nkpábi ha ɔɣe, nte tumiá ide ɔyi anfisɔ gyi. ⁴Tame bréa bre amu onuto lɔfun a, Bulu lɔwa mu Bi sɔsi, ɔha tsihe lɔkwu mu wa mbla amu asu. ⁵Bulu lɔwa mu ání ɔba bɔhɔ aní aha amuu angyi nkpábi ha Mose mbla amu tsu nkpábitɔ, mení ɔbɔbwe aní mu abi onuto.

⁶Bulu lodunka ání obósuna ání mlɔlabwe mu abi. Mú su ɔɔpɔ mu Bi amu Ɖɔɛ wa anu ukluntɔ nɛ. Ɖɔɛ amu teha anutokpoli mu anɔaa, “Abba, mi Si!” nɛ. ⁷Mú su opio, fɔtra fomegyi ɔkpábi, mboun Bulu mu bi. Iníá mu bi fɔgyi su a, mu atɔ fɛ́é igyi fu kle.

Galatiafɔ lwi Ipián

⁸Breá mlumɔkunya bi Bulu a, mlɔɔbwe nkpábi ha ɔkpá bomegyi tɔtɔ. ⁹Tame sei mlɔlabi Bulu, nte nébli mbɛɛ, alabi mli. Ntogyi su mlɔdekleá mléyinki yosum tumi anfi uma labi kɔkɔvɔkɔ? Ntogyi su mlétra yinki yɔbwe amú nkpábi fe bre amu? ¹⁰Mlɔde amandɛ kv bwe nke kutɔ, tsra kutɔ, bre kutɔ pú nfi kutɔ. ¹¹Mli bwehe anfi su ifu bu mitɔ. Iɔe mi bwe fe ipian amuv ndewun mli su amu fɛ́é íbɔ́bwe kpaali.

¹²Mi apio, nokokoli mli, nabwe mi wɛ fe mli. Ntra mma mbla kuku asi. Mú su mlɔtsia mi atsiabi. Megyi bɛɛ mbɛɛ, mlɔlapɔ lalaha kuku gyi mi, su nde un bli. ¹³Mlɔlakaun ání wɛ ma mi ɔnlɔn asa neba unu beda Bulu ***asɔn wanklaan** amu ɔkan eke gyankpapɔ? ¹⁴Isɔki kɔɔnkɔntɔ mi ɔɔ amu ɔɔbwe ha mli, tame mú o a, mlɔmobu mi tɔkv. Mboun mlɔɔhɔ mi fe Bulu-ɔɔpɔ, nte Kristo Yesu onuto kɔraa. ¹⁵Ansi lehɛ gyi anu alɔ bre amutɔ! Ntɔ lɛba? Mi onuto nowun ání ni mlétalɔ a, teki mlɔlɔloti mli ansibi wa mi alɔ bre amutɔ. Mú ntɔ de mli sei? ¹⁶Alɔ amuv nde mli ɔɔkwalɔ bla amu su namli mli olupɔ?

¹⁷Aha amuv buɔdekleá mlɔgyi Yudaɔ mblasu amu buma mli wɛ agywun wanklaan kuku. Tɔá buɔdekle gyi béman mli le mɔsu, menɔ mlékle amú asɔn. ¹⁸Ibu alɛá aha bódunka ání mlɔdwe amú, agywun wanklaan ɔkpasu. Megyi breá mbu mli wa wule. ¹⁹Mi abi adwepu! Lwi tra iɔe mi ɔsɔn ha mli, fe ɔtsá ikwu de mu dwiin. Nketi mlɔlanya Kristo tsiatɔ mlɔtɔ asa wɛ bési mi ɔsɔn. ²⁰Lhe de mi han ha mli. Ni mi nkɔle su mú a, teki mbu mli wa sei, menɔ nɛ́tse mi tɔtɔ.

Hagar Mva Sara Nfantɔhun

²¹Nfite mli aha amuv mlɔdekleá mlóbuo Mose mbla amu. Mlɔmonu asɔn ání ɔleɔli asi? ²²Bɔwanlɔn wa Bulu asɔn amutɔ bɛɛ, Abraham lɔkwu abi yinhe anyɔ. Ɔkɔle mu yin gyi ɔkpábi, onyɔsi mu yin gyi ɔɔɔhɛ. ²³Ɔkpábi amu lɔkwu mu bi keke, tame ɔɔɔhɛ amu mú a, Bulu lehɛ mu yai ání méha mu obi asa ɔɔkwu. ²⁴Mliha anu asɔn anfi asi tsɔn ɔkpa anfi su. Atsi abanyɔ anfi bulu ha ntam anyɔ ání Bulu lɛka. ***Hagar** lu ha Sinaibusu kle, tsufe nkpábi mu abi bogyi. ²⁵Sinaibu amu ibu Arabia ɔmátɔ. Ilu ha nde Yerusalem wulu. Yerusalem pú mútɔ aha fɛ́é bogyi nkpábi, Mbla amu su. ²⁶***Sara** mú gyi ɔɔɔhɛ, ɔlu ha ɔsusu Yerusalem. Mbgyi anu yin ni. ²⁷Tsufe Bulu asɔn wanlɔnhe amu leɔli ɔbɛɛ,

“Ɔtsi mákwupɔ, nya ansigyi!

Ɔtsá ikwu mɔkɔdwiiin mu ki, kplɔn, afɔsvra okitikiti ansigyisu.

Tsufe ɔtsi amuv mu klu lesi mu tswi amu obénya abi tsɔtsɔtsɔ,

ɔun ɔmɔamuv mu klu da mu wa ekekegyieke amu.”

²⁸Mi apio, sei a, mlɔlabwe Bulu aha tsɔn mu tɔá ɔlehɛ yaisu; fe alɔ ɔlehɛ yai asa bɔkwu ***Isak**. ²⁹Alɔ bre amutɔ a, obi amuv bɔkwu mu keke, ogyi Ismael amu ledunka Isak amuv bɔkwu mu ***Ɖɔɛ Wankthe** tumitɔ amuvu. Alɔ ken igyi ha anu nde ni. ³⁰Tame nkali Bulu asɔn wanlɔnhe amu leɔli? Ɖbɛɛ,

“Gya ɔkpábi amu mva mu bi, tsufe megyi ɔkpábi mu bi amu mva ɔdhiɛ mu bi amu obégyi amú sɪ atɔ.” ³¹Mú sv apio, megyi ɔkpábi amu abi angyi. Ɔdhiɛ amu abi angyi.

Mluku Mli Iwigiyo

5 ¹Ani iwigiyo sv Kristo laha anlagyi iwí! Mú sv mlulu kinkiinkin. Mlumátra tsula abubwe mli nkpábi ha mbla amv.

²Mlɪnu! Mɪ Paulo de mli bla ání nɪ mlesi iwí ha, betun mli *kete a, ilosuna ání tɔ amvsv Kristo lɔbwe amv uma mli labi kuku. ³Ntra nde mli ɔla da mbɛɛ, ɔhagyiɔha ání ɔleha betun mv kete a, ilehian ání obégyi Mose mbla amv féésu. ⁴Nde mli bla mbɛɛ, mli aha amvsv mlɪde mbla amvsv gyi, menɪ Bulu obótsu mlá mli asv da ɔkpa mv ansɪtɔ amv mlɪlamain iwí le Kristosv. Bulu awɪtɔle amv ilatswí mli pan. ⁵Ani mú anɪ ansɪ dɪn ání Bulu obótsu anɪ ání anɪ asv da ɔkpa mv ansɪtɔ. Lnɪ gyi tɔá anɪde ɔkpa kɪ tsvɪn Ɔɲe Wankuɛ amv ɔde agyvma yɔ anɪtɔ, tsvɪn anɪ hogyi sv amvsv nɪ. ⁶Tsufe nɪ anɪa Kristo Yesu angyi kule a, ketetv nte ketemátv mehian. Mú idehian gyi anɪbv hogyiá iteha anɪtɔdwe Bulu pú anɪ aba.

⁷Teki mlɪde mbɔdɪ bɔ asa. Ma koun latin mli ɔkpa ɔbɛɛ, mlumátra buo ɔnɔkwali amv? ⁸Megyí Bulu bwehe igyi, tsufe mvlele mli. ⁹Mlikaɪn ání bodobodotu-afa kpalobi teha bodobodo amv féé itotu. ¹⁰Ani Wie laha nahogyi ání mluméetra hɔ ɔha bamba atosunahe dvn mɪ nkule klɛ. Bulu ɔbébitɪ ɔha amv ɔde mli agyvwn damli amv tsv.

¹¹Mɪ apio, nɪ ntra nde ɔkan da bli mbɛɛ, ilehian ání aha bétv kete a, mvmv ntogyi sv Yudafo butra budv msv? Mvmv nɪ nde Kristo oyikpalihesv lowu amv ɛ ɔkan da a, ye ɔhaa méedunka msv o. ¹²Mɪ sv mú a, teki aha amv bude mli han bɛɛ, ilehian ání mlétv kete amv bawuna flo amó iwí.

¹³Mɪ apio, Bulu lele mli ɔbɛɛ, mlɪbegyi iwí. Tame mlumátsv nɪ iwigiyo amvsv layotsu mli tsiatɔ dada amv. Mboun mlɪpv ɔdwe sum mli aba, ¹⁴tsufe Mose mbla amv féé ilu mbla kule pɛ amvsv idebli ɔbɛɛ, “Dwe fu ba fe fu iwí.” amvsv. ¹⁵Tame nɪ mlɪlabwe mli iwí fe mbwíkita-atɔ, mlɪde aba funɪ, mlɪde aba lala a, mvmv mlíkɪ wanklaan; nɪ megyi alɪ mléhu aba.

Tsiatɔ Dada Pú Ɔɲetɔ Atsiabi

¹⁶Mú sv nde mli bla mbɛɛ, mlɪha Ɔɲe Wankuɛ amv ɔkpa mli. Mvmv mlum-ɔbwe tɔá mli tsiatɔ dada tekle. ¹⁷Tsufe tɔá anɪ tsiatɔ dada tekle ihɛ na ɔtsan ha tɔá Ɔɲe Wankuɛ amv tekle. Tɔá Ɔɲe Wankuɛ amv tekle ɛ ihɛ na ɔtsan ha tɔá anɪ tsiatɔ dada tekle. Atoku anyɔ anvɪ ulɔkusv lu abasv, menɪ mlum-ɔbwe tɔá mlɪtekle. ¹⁸Nɪ Ɔɲe Wankuɛ amv de mli kpa a, mvmv mlumá Mose mbla amv astɪ.

¹⁹Tsiatɔ dada bwehe telv ɔwan. Múgyi; atsv mva ayin asv nwa, agyvwn lalahe bwe, ifintotsia, ²⁰ɪkpɪtswe, afatɔplei, olu, utre, fv nkule klɛ dunka, ɔbɔkpan, ɔnsɪpe, aba-asumanu, iwɪman le fv abasv, ²¹ɔkabagya, ntabv, plei-kpada pú múá ilelian unɪ aná. Mú aná iwí asv nde mli bla, fe alɪá nebɪa mli yal. Mbɛɛ, aha ání butɔbwe unɪ odu bvméenyá *Bulu iwiegyi amv tɔ agyapade kuku.

²²Tame nɪ Ɔɲe Wankuɛ amv de anɪ kpa a, mú abi swieheá íbétsia anɪtɔ gyi, ɔdwe, ansigyí, iwílwí, ɪkɪbnya, awɪtɔle, yilebwe, ɔnɔkwali, ²³ilwí pú

iwɔsugyi. Mbla kukuvuku má unvá iletin alɔ ntobi anfi ɔkpa. ²⁴Aha ání bɔgyi Kristo kle bamɔ amú tsiatɔ dada pú amú ɔwɔli lalahe Kristo Yesu oyikpalihɛ amɔsu. ²⁵Ɖɛ Wankuɛ amu laha anɔ nkpa pɔpwe. Mú su mliha agyi mu asɔnsu. ²⁶Anumátsu iwɔ suna aba, nte wa aba ɔblo, nte pe anɔ aba atɔsu.

Uku Tsu Le Aba Asuntɔ

6 ¹Mɔ apio, nɔ mlɔtɔ ɔku ɔbwe lakpan ku a, mli aha amɔsu Ɖɛ Wankuɛ de mli kpa amu mlunya klɔn tɔi kpla mu putɔ. Tame mlɔki mli iwɔ wanklaan, menɔ mli ε mluméedida ɔsɔki amu odutɔ. ²Mlɔtsu iku le mli aba asuntɔ. Nɔ mlɔde mú bwe alɔ a, mlɔde Kristo mbla amɔsu gyi nɔ. ³Nɔ ɔku de mu iwɔ ki ɔbeɛ mɔfɔn togyitɔtɔ, tame omegyɔ tɔtɔ a, ɔde mu iwɔ mle. ⁴Mlɔkapu mli onuto tsiatɔ ki. Nɔ ibɔ ale a, mɔmɔ mlétalɔ pu ibɔ si kantɔ mli bwehe su, mlumɔɔpu kapu ɔha bamba kle. ⁵Tsufe anɔtɔ okugyiɔku ɔbɔsɔra mu onuto atɔ surahe.

⁶Bulu asɔn amu akasɔpu buye atɔ wanklaan ání bubu iku ha amú asunapu.

⁷Mlumámle mli iwɔ. Ɖhaa tamamle Bulu. Ɖhagyɔɔha ɔbɔkpɔti tɔá olodu. ⁸Nɔ ɔku lodu tsiatɔ lalahe wa mu klɔntɔ a, lowu ɔbɔkpɔti tsu mútɔ. Tame nɔ ɔleha Ɖɛ Wankuɛ amu lodu tsiatɔ wanklaan wa mu klɔntɔ a, ɔbɔkpɔti nkpa ání utamata tsu mútɔ. ⁹Mú su yilebwe mákpɔn anɔ. Tsufe nɔ abatɔ mowu anɔ a, abɔkpɔti nkpa ání utamata mú brɛtɔ. ¹⁰Mú su bregyibɛá anya mú iwɔ ɔkpa a, mliha abwe yile ha ɔhagyɔɔha, titriu anɔ apio ahogyipu.

Itsiaha Pú Olada

¹¹Mlɔki atɔ wanlinhe akpɔnkpɔntiá napu mɔ onuto ibɔ wanlin sɔsi mli!
¹²Aha amɔsu buɔɔdunka ání bégyi asu aha ansitɔ amu lu mlɔtsu beɛ, mliha abɔtɔn mli *kete nɔ. Megyi tɔtɔ su buɔɔɔ unɔ bwe. Alá Yudafɔ buméedunka amúsu beɛ, buɔɔɔbli beɛ Kristo oyikpalihɛsu lowu amu pesu ɔha ɔbɔtsun nya nkpa. ¹³Kete atɔnpu amu onuto o butamagyi Mose mbla amɔsu. Tame buɔɔkleá mlɔtin kete, menɔ bɔpɔtsu iwɔ suna amú aba ání baha mlɔlatɔn kete. ¹⁴Mɔ mú a, umába mútɔá nótɔsu iwɔ ɔyi anfi tɔtɔɔtɔsu, ɔɔn anɔ Wie Yesu Kristo *oyikpalihɛsu lowu amu. Tsufe mu lowu amu su ɔyitɔ tsia utra ma mɔ labi, mɔ ε mma labi kuku ha mú. ¹⁵Ketɛtɛn nte ketemátɔn megyɔ tɔtɔ. Múá idehian gyi ɔha obémli ɔha pɔpwe. ¹⁶Iwilwii múá nwewun utu aha amɔsu buɔɔɔ mbla anfi su gyi amu, pú aha ání buɔɔɔ bɔgyi Bulu aha!^b

¹⁷Asa nékpa mɔ asɔn opulu a, mbla mli. Mlɔtɔ ɔhaa mátra wa mɔ tɔi. Tsufe mɔ iwɔ apɔna anfi idesuna ání Yesu ɔkpábi ngyi.

¹⁸Mɔ apio, anɔ Wie Yesu Kristo ogyi mli buale. *Amen!

Ɖwulvá Paulo Lɔwanlɔn Sɔsɔ

Efesofɔ

Itsiaha

1 ¹Mɔ Pauloá Bulu aɓe sɔ nabwe Kristo Yesu *sumbi ɔyɔɓɔ, de ɔwulɔ anfi wanlɔn sɔsɔ mli Bulu aha ání mlɔlahɔ Kristo Yesu gyi, mlɔ mɔnyɔ mlɔlabwe kule, mlɔbu Efeso wulɔtɔ. Nde mli itsia ha.

²Ani Sɔ Bulu mva anɔ Wie Yesu Kristo bugyi mli buale, abuha mli iwilwii.

Ɖsɔsɔ Oyula Ání Anbu Kristotɔ

³Mliha akanfɔ anɔ Wie Yesu Kristo mɔ Sɔ pɔ mɔ Bulu. Tsufe tsun anɔ Kristonyɔ ukɔlebwetɔ a, alapɔ ɔɣetɔ atɔá ibékpa anɔ féé yula anɔ tsu ɔsɔsɔ. ⁴Asa Bulu lɔbwe ɔyi a, ɔlele anɔ bwe mɔ kle tsun anɔ Kristonyɔ kɔlebwesɔ, ání abwe aha ání amú iwɔ letin, ifin kuku ma anɔ iwɔ mɔ ansitɔ.

⁵Intá Bulu tɔdwe anɔ sɔ a, ɔlɔbwe agywun yai ɔbee, mɔpɔ anɔ bwe mɔ abi tsun Yesu Kristosɔ. Inɔ gyi tɔá olekle, igyi mɔ aɓe ni. ⁶Mliha akanfɔ Bulu, mɔ awitɔle anfi ibɔ numnyam, ɔlɔwa tsun mɔ Bi ɔdweɓɔsɔ ha anɔ faan anfi sɔ. ⁷Ɖlɔpɔ mɔ Bi amɔ obugya ka anɔ nwunsv ukɔ, si anɔ lakpan kie anɔ. Awitɔle anfi Bulu lehɛ wa ha anɔ anfi ibɔ ifu dɔbi. ⁸Mɔ nyansa pɔ mɔ asun-asunɔ lale mú féé ɔwan suna anɔ tsun ɔkpa tsɔtsɔtsɔsɔ.

⁹Alaha anulabi mɔ asun ɣainheá ɔlekɔklɔ yai dodoodo ɔbee, mɔbwe tsun Kristosɔ. ¹⁰Mɔ asun ɣainhe amɔ gyi, ni bre amɔ ifun a, mɔbwe mɔ atɔ bweheá ibɔ ɔsɔ mɔa asɔ féé kule, pɔwa anɔ Wie Kristo asɔ.

¹¹Bulu teha mɔ nwuntɔ-asun pɔ mɔ aɓe teba mútɔ bregyibre. Mɔ onuto lele anɔ ɔbee abwe mɔ abi tsun anɔ Kristonyɔ ukɔlebwetɔ. Tsufe alɔ ɔlɔbwe agywun yai dodoodo ni. ¹²Ɖlele anɔ agyankpapɔ amɔv anɔ anɔ dɔn Kristosɔ amɔ ɔbee, abékanfɔ mɔ numnyam.

¹³Alɔ ilegyi ha mli ε ni. Bre amɔv mlɔlonu ɔnɔkwali asun, igyi *asun wan-klaan amɔv ɔlɔhɔ mli nkpa amɔ, hɔ músv gyi ɔpá mlɔa Kristonyɔ mlɔlɔbwe kɔle. Bulu lɔpɔ mɔ Ɖɣe Wankɔhe amɔ hɛ mli nsɔ, pɔsuna ání mɔbu mli, fe alɔ amɔv ɔlehɛ yai ɔbee, mɔbwe amɔ. ¹⁴*Ɖɣe Wankɔhe amɔ gyi ntsɔwɔsɔá idesuna ání anɔ ibɔ béda agyapadɛ amɔv Bulu lela yai ha mɔ abi amɔ ni. Idesuna ání alaka anɔ nwunsv ukɔ, pɔwa mɔ numnyam.

Paulo Mpaɔ

¹⁵Mú alɔ sɔ, tsu breá nonuá mlɔlahɔ anɔ Wie Yesu gyi pɔ alɔá mlɔtɔdwe Bulu aha féé a, ¹⁶mmɔkɔsi Bulu ɔpan da mli nwunsv. Ni nde mpaɔ bɔ a, ntekaun

mlɔv. ¹⁷Ntokokoli anɔ Wie Yesu Kristo Bulu, numnyam Ɖsi amu mbee, ɔha mu Ɖɛɛ amu ɔha mli nyansa. Ue mu ɔwan suna mli, menɔ mlɛbi mu wanklaan. ¹⁸Ntɔkult mu mbee, obwii mli anɔ, amlɔwun atɔ wanklaan amuv ɔbee, mlɛbeki ɔkpa ha amv, menɔ mlɛbiá atɔ amuv ɔlela yai ha mu aha amv ihe bu bia. ¹⁹Ɖha amlɔbi ání mu tumi ɔn tumi kugyiku ha anɔ ahogyipv. Mu tumi anfi ɔma a, kuku má unv. ²⁰Mú ken ɔlele suna breá ɔlɔkɔsva Kristo tsu afulitɔ, pv mu yeyai mu gyɔpisv ɔsvsv unv ni. ²¹Unv Kristo de iwie gyi awie féé, tumi kugyiku ***ɔɛ lalahe** pú ɔmásvgyi tumi féésv ni. Mu dibia ɔn dibia kugyikvá ibv nɔ sei pú ɔyi amuv ibéba amvɔ. ²²Bulu lɔpv togyitɔ wa mu ast, ɔlɔpv mu bwe togyitɔ nwun ha mu ɔpasua. ²³Ɖpasua amu gyi Kristo ɔyulv. Kristo wa ɔpasua amu tenya tumi kugyiku tsu. Muteha togyitɔ tɔwa alɛ yi ɔtɔnegyitɔne.

Tsu Nkpa Dadatɔ Ba Pɔpwetɔ

2 ¹Asa mlɛmli Akristofɔ a, asvɔv-ɔnlun múa lakpanbwe sv mlɔgyi ɔɛtɔ aha wuhe. ²Alɔ bre amvɔ a, mlɛletsia ɔmátɔfɔ atsiabi. Mlɔlobuo ***ɔɛ lalahe** féé owie Ɖbunsam. Mvgyi ɔɛ lalaheá ide agyuma yɔ aha amuv butamabu Bulu amvɔ ni. ³Lele mú a, anɔ féé anɛletsia amú atsiabi, bwe lalaheá anɔ ɔwɔlɔ lekɛ. Anɔlobuo tɔá anɔ ɔyulv pú anɔ agywun letsia suna anɔ. Tsiatɔ anfi sv teki Bulu ɔbébiti anɔ isv fe aha atrahe ni.

⁴⁻⁵Tame uná Bulu nwewun itsɔ, ɔtehe dwe anɔ sv a, ɔlɔtsun ania Kristonyɔ ukɛlbwesv ha anɔ nkpa, bre amuv anigyi aha wuhe mu ansitɔ anɔ lakpan sv amv. Mu awitɔle sv ɔlɔhɔ anɔ nkpa. ⁶Ania Kristo Yesunyɔ ukɛlbwe anfi sv Bulu laksva ania munyɔ tsu lowutɔ, alaha anɔ otsiakpa Kristo wa. Ania munyɔ abégyi iwie ɔsvsv. ⁷Bulu lele mu awitɔle kpɔnkpɔnkpɔnti anfi suna anɔ tsun Kristo Yesusu, menɔ aha ání bétra lin féé bówun ání mu awitɔle lomoni ɔn togyitɔ. ⁸Bulu awitɔle pú mli Kristo hogyisv Bulu lɔtsun hɔ mli nkpa. Unɔ motsu mli, Bulu atokiehe igyi. ⁹Megyi mli bwehe wanklaan kuku sv, menɔ mlitɔ ɔkuku mɔɔpv ibi si kantɔ. ¹⁰Bulu labwe anɔ alɔ anfi anigyi. Alabwe anɔ aha pɔpwe tsun ania Kristo Yesunyɔ ukɛlbwesv, menɔ abɔbwe yileá mu onuto ɔlela yai ha anɔ ɔbee abwe.

Kristotɔ Ukɛlbwe

¹¹Mú sv mlɔkaun ání teki ɔmátɔfɔ mlɔgyi. Bre amu a, Yudafɔ buteti mli bee, “Aha ání bumetun ***kete**,” buteti amú iwɔ kete atɔnpv. (Tame ketetun amu o a, nyankpɔsa ɔyulsvsv pú ibi ɔnɔ atɔ igyi.) ¹²Mlɔkaun ání alɔ bre amvɔ a, mlɛmeyin Kristo. Afɔv mlɔgyi. Mlɛmegyi Yudafɔ ɔkpagyiɔkpasv. Mlɔmá ogyikpa Bulu nhɔhe amuv ɔleka mú iwɔ ntam ha Yudafɔ amvɔ. Múá ɔn kuraa a, mli anɔ meɔn tɔtɔsv, mlɛmeyin mu e. ¹³Tame sei a, mli Kristo Yesunyɔ mlɔlabwe kule. Unɔ sv Kristo latsun mu obugya amuv ɔletsei wulɔ ha ania mlɔnyɔ amvsv, kpa mli aha anfi teki mlɔbu ifɔ anfi ba Bulu wa. ¹⁴Tsufe Kristo onuto lapv iwilwii wa Yudafɔ pú ɔmá bambasvɔ nsune, bwe anɔ afunka anyɔ amv féé kule. Alalɛ olu amuv ɔlɔbwe bunti wa anɔ nsune amv. ¹⁵Ɖleka Yudafɔ mbla pú amú amandtetɔ, menɔ afunka anyɔ amv bɔbwe ɔpasua pɔpwe ukɛle mvtɔ. Fówun mva amúnnyɔ bɔbwe kule, iwilwii bétsia amú nsune. ¹⁶Ɖlɔtsun mu ***oyikpalihesv** lowu amvsv le olu le amú nsune. Oyikpalihesv amvsv ɔlɔtsun tsu amú Bulunyɔ ɔnɔ ntsu. ¹⁷Breá Kristo leba a, ɔlela Bulu iwilwii asun amv ɔkan ha aha féé. Mli ɔmátɔfɔá mli Bulunyɔ nsune bu

ifo pɔ Yudafoá amɔ́a Bulunyo nsine ma ifo féétɔ. ¹⁸Kristo su ɔkpa latii ha ani afunka anyɔ amu féé. ***Ɔɛ Wankihe** amu su abétali ba ani Si Bulu ansitɔ.

¹⁹Ɔni su mlitra mlumegyɔ afɔɔ. Mliha Bulu aha mlilabwe ukule, mligyi Bulu woyi abi. ²⁰Mligyi fe obuá bayi. Yesu sumbi ayɔɔɔ amu pɔ Bulu ɔɔɔsu atɔɔɔ amu gyi mú nkpabi. Kristo Yesu onuto gyi obu amu ɔtan. ²¹Mu su obu amu tsa aba hogiyitɔ. Muteha mú itomoni bwe Bulu ɔtswekpa obu wankihe. ²²Ɔniá mliha Kristonyɔ mlilabwe ukule su a, ɔde mliha Yudafo amu putsa abasu, ɔde obuá Bulu obétsia móto ɔɛtɔ yi.

Paulo Ɔma Bambasofɔ Bulu Asun Bla

3 ¹Mi Paulo nda obu Kristo Yesu ***asun wanklaan** amuv nde ɔkan da mli aha áni mlumegyɔ Yudafoɔ amu su. ²Nyin áni mlilanu awitɔleá Bulu lɔwa ha mi, pu agyɔma anfi wa mi ibito ɔbee, mbwe, iwa labi ha mli. ³Bulu lele mu asun ɛainhe amuv ɔlekukli yai amu ɔwan suna mi. Mú nawanlin kutuklu a. ⁴Ni mlekle ɔwɔlu anfi a, ibɔwanki mliá nanu Kristo iwi asun ɛainhe amu asi. ⁵Tsu ɔyi ɔpá a, Bulu mɔkule asun ɛainhe anfi suna nyankpusa ɔkuku. Tame sei anfi a, alabele mú ɔwan tsun mu Ɔɛ amuv suna aha amuv alale, bgyi mu sumbi ayɔɔɔ pɔ mu ɔɔɔsu atɔɔɔ wankihe amu. ⁶Mu asun ɛainhe amu gyi, Bulu layula ɔma bambasofɔ ε fe Yudafo, tsun mu asun wanklaan amuv. Amɔ́a Yudafo bamli ɔlepe ɔkuletɔ atɔ agyipu. Alabwe amɔ́a Yudafo kule. Mú su babwe ɔyulu kule. Amú ε bénya atɔ amuv Bulu lehie áni ɔbéha Yudafo tsun Kristo Yesusu amu kv.

⁷Ɔna Bulu awitɔle pɔ mu tumisu ɔlobwe mi mu asun wanklaan amu osumpu. ⁸Ibu mótoá kebikusu ngyi Bulu aha féétɔ. Tame Bulu lɔwa awitɔle ha mi ɔbee, nda Kristo oyula amuv idun bli amu iwi ɔkan ha aha áni bumegyɔ Yudafo. ⁹Mulɔwa mi ɔbee, nha anyankpusa féé abubu alá ɔdepu mu asun ɛainhe amu yɔ agyɔma. Mulɔbwe ɔsu móa asi, ɔlɔpu mu asun anfi ɛain tsu ɔyi ɔpá. ¹⁰Ɔlobwe mú ali, menɔ ɔbɔtsun mu ɔpasua amuv le mu nyansa ɔtsan-ɔtsan suna ɔɛ lalaha awie pɔ atumipvá bubu ɔtineá bude iwie gyi féé. ¹¹Ɔni gyi tɔá Bulu lehie yai asa ɔlele ɔyi ni. Alaha mú ilaba móto sei tsun ani Wie Kristo Yesusu. ¹²Ɔniá anilaho mu gyi, ania munyo antlabwe ukule su a, abétali wa klun yɔ mu ansitɔ faan, anumétra nya ifu. ¹³Mú su nde ipa bwii ha mli mbee, mlumáha abato iwu mli, iwɔtsun anfi ndewun ha mli anfi su; tsufe ibɔwa labi ha mli.

Kristo Ɔdwe

¹⁴Ɔni su mi akpawunu iyi asi, nde ani Si amu kokoli. ¹⁵Muto abusuan kugyivá ibu ɔsu móa asi lelin tsu. ¹⁶Mubu oyula akpɔnkpɔnti ha mu abi. Mú su nde mu kokoli mbee, mu Ɔɛ amu ɔhie wa mli ɔkla ɔwɔnlin tsu mu oyula kpɔnkpɔnti atokiehe amuto, ¹⁷Kristo ɔtsun mli hogyisu tsia mli kluntɔ bregyibre. Nde mu kuli mbee, ɔha amlile nlin yɔ ɔtɔɔ, Bulu-dwe pɔ mli abadwetɔ, amlulu kinkiinkin. ¹⁸Fówun mliha Bulu aha atrahe mlétali bíá Kristo ɔdwe lehie moni, ilehie tei, ihie bu iswi, ilehie fua, ilehie wie ɔtɔɔ. ¹⁹Ntra nde mu kokoli mbee, ɔha amlibi Kristo ɔdwe amuv nyankpusa ɔkuku méetali nu mó asi yi amu. Fówun mli tsiatɔ bɔbwe fe Bulu kle.

²⁰Ɔniá Bulu tumi de agyɔma yɔ anitɔ su a, ɔtetali bwe atɔ ha ani dun alá antɔkuli mu, nte antosusu. ²¹Ɔni su mliha akanfu Bulu. Anyankpusa iluntɔ

féeé bukanfu mu ato akponkponti amuu odebwe Kristo Yesu pu opasua amuto amu su, tsu sei yofun breá tamata. *Amen!

Anta Kristonyo Ukoléwé

4 ¹ Lni su mi anfu nda obu aní Wie agyuma yo su anfu nde ipa bwii ha mli mbee, mlitsia tsiato oduá ilekana alá Bulu lele mli obee, mlíbetsia. ² Mlúba iwíast, amlilwii. Mlinya klun ha aba, amlidwe aba. ³ Oje Wankihe amu laha mlilabwe kule. Mú su mlíbo mbodi amlitsia iwilwiito, mení ukulébwe amu íbétsia mlúto yo. ⁴ Oyulu kule iwí ntobi aní féeé angyi. Oje Wankihe kule pe bu unv. Alí ken Bulu lele aní féeé obee, abéki toku kule pe okpa ni. ⁵ Owie okule; hogyi kule; *asubo kule. ⁶ Bulu okule. Mogyi aní féeé Osi. Mude aní féeésu gyi, ode agyuma yo tsun aní féeésu, otsie aní féeéto.

⁷ Kristo lwa awitole ye atokiehe ha aní féeé obee, apuyo mu agyuma, ⁸ fe alá bowanlun wa Bulu asun amuto bee,

“Breá oloyo osusu a,
oklepa ndoun buo iwí,
kie aha ato.”

⁹ Ni bowanlun wa Bulu asun amuto bee, “Oloyo osusu” a, idesuna aní Kristo legyankpa kpli wie osuloto. ¹⁰ Mumu idesuna aní oha amuu oklepli wie osuloto amu ken loyo osusu, otinéá ulofva dun ni, mení obóbula osu móa así féeé, ha mú ifun. ¹¹ Kristo onuto lobwe anto aku mu *sumbi ayapu. Aku Bulu onosu atapu. Aku mu *asun wanklaan amu okan adapu. Aku e akpapu pu asunapu. ¹² Kristo lele amú alí, mení Bulu aha bétali yo mu agyuma, puwa Kristo oyulu kule; igyi mu opasua amu owunlun, ¹³ mení aní féeé abóbwe kule hogyito, bi Bulu mu Bi amu. Fówun abédan, fun okpogyiokpasu fe Kristo. ¹⁴ Lni su aníméetra bwe fe nyebiá aha aní amú onó bu odwe bétali pu amú atosunahe popwe kugyiku bemle, fe alá ntsu teda oklun ya otinegyiottinéá idekle. ¹⁵ Mboun mlíha abla aba onokwali asun amu odwetó, mení abédan togyitoto, bwe fe Kristo, ogyi opasua amu nwun. ¹⁶ Lna musu oyulu, igyi opasua amu otinegyiottine itsa aba, ide aba wanklaan. Ni nyankpusa-oyi iwí ntobi amu féeé ide mú agyuma yo wanklaan a, Kristo teha mú utedan odwetó.

Nkpa Dada Móa Popwe

¹⁷ Mú su nde mli ola da aní Wie idato mbee, mlímátra tsia fe aha aní bumeyin Bulu. Itá móowa labi ha amú iwí butogyiun. ¹⁸ Amú nwunto loklun. Mú su buma nkpa popwe amuu itsu Bulu wa amu, tsufe bumeyin toto. Uklunto bu amú odwin. ¹⁹ Lalahéwé tamawa amú peli, butekle hakpanla kugyiku bwe. Butóbwe lalahé kugyiku, butamatali kuta iwí.

²⁰ Tame mli mú a, megyi tsiato anfu odu mlilekasi tsu Kristo iwí. ²¹ Nyin aní mlílanu Yesu iwí asun, basuna mli onokwaliá ibu mutó e. ²² Mú su mlísi mli tsiato dada amuu mlíletsia amu. Mli owóli lalahé lemle mli alí bre amuto, ileha mli tsiato leyinta. ²³ Mlúha Bulu obwe mli klun pu mli agyiwun popwe. ²⁴ Mlitsia tsiato popweá igyi Bulu atsiabi, mú iwí letun, una dinka onokwali okpa amusu.

²⁵ Mú su mlúto okugyiko omátra wa afunu. Ohagyioha obla mu ba Okristoyin onokwali. Tsufe aní féeé angyi nyankpusa-oyi okule amu iwí ato. ²⁶ Oblo ukita mli a, umáha mli amlíwé lakpan. Imátsia mlúto yofun owi tahe.

²⁷Mlumátepi ha Ɖbonsam ɔkpa ɔmle mli, amlubwe lakpan. ²⁸Owikplu mátra wi atɔ. Ɖpu mu ibi yɔ agyuma, menɔ obénya tɔku kpa mu iwɪ, nya ɪku ε ha aha ání buma kuku. ²⁹Mlumáha asun lalahe kuku idali tsu mli ɔnɔ. Mboun múá íbóbua ɔha, íbóbwe yile, wa labi, wa mú anupu ɔwunlun. ³⁰Mlumábwe tɔá íbéhan Ɖɲe Wankihe amv. Tsufe mú Bulu lɔpuhie mli nsu, pusuna ání mubv mli, mɔ́hɔ mli nkpa eke amv ni. ³¹Mlile ɔnsipekpan, olu pú ɔblɔkpan, itre, isia pú lakpan kugyiku agywun le mliɔ. ³²Mboun mliwa awitɔle ha aba. Mliwun aba nwe, amlisi lakpan kie aba fe alɔ amuv Kristo sv Bulu lesi mli kle kie mli amv.

Akristofɔ Atsiabi

5 ¹Ínɔ́á Bulu abíá ɔtehie dwe mlɔgyi sv a, mlɔtsia mu atsiabi. ²Mludwe aba ɔkpagyiɔkpasu, fe alɔ́á Kristo lɔdwe anɔ, tsula bɔmɔ mu anɔ sv. Ɖlɔpu mu iwɪ bwe atɔ hahe pú afɔdɔie-abɔtɔ́á íbv ɔfan fanfaanfan ha Bulu, ilegyi mu ansv.

³Bulu latin mli iwɪ. Mú sv mlumáwa atsi mva ayin asun, wa hakpan, nte ɔnsipe. ⁴Mú ɔma a, uma aleá mléblɔ asun ání íbv peli pú múá uma anule, nte wa ɔplɔkpan. Mboun mlɔda Bulu ípan bregyibre. ⁵Íwanki mlɔ́á mbua ɔtɔpu, ɔhakpan nte ɔnsipe ɔwapu ɔkuku méenya ogyikpa Kristo mva ***Bulu iwiegyi** amvɔ. (Tsufe ɔnsipe ɔwapu gyi fe ɔkpi ɔtswepu).

⁶Mlumáha ɔkpa ɔhaa ɔpu asun ání uma labi kuku mle mli. Tsufe tsiatɔ lalahe anfi odu sv Bulu tenya ɔblɔ bitɔ aha ání bvbv asvɔ-ɔnlun ísv ni. ⁷Mú sv mlumápu amú gyi mba. ⁸Bre amv a, okluntɔ mlɔtsie mlɔde lakpan bwe. Tame sei a, mlɔ́a anɔ Wienyɔ mlɔlabwe ukule. Mú sv mlɔtsie wankiɔ. Ínɔ sv mli tsiatɔ isuna ání mlɔtsie wankiɔ. ⁹Tsufe ɔha ání ɔbv wankiɔ tɔbwe yile. Mu asun da ɔkpa, ɔbv ɔnɔkwali. ¹⁰Mú sv mlɔbɔ mbɔdɔ amlikasɔ tɔ́á Bulu tekle. ¹¹Mlumágyi mba. Labi kuku uma mótɔ. Mboun mlile amú bwehe ɔwan. ¹²Íhie bv pelɔ́á béblɔ ntobiá aha bvtɔbwe ɲaintɔ iwɪ asun kɔraa. ¹³Tame ni itɔ wankihe iwanki wuli tɔ́á íbv okluntɔsv a, itemli itowunhe. ¹⁴Tsufe atɔ wankihe tele togyitɔ ɔwan. Mú sv beblɔ beɛ,

“Ɖdidɔpu, tsinki.

Kusu tsu afulitɔ,

Kristo ɔwanki wuli fusu.” ni.

¹⁵Ínɔ sv mlɔki mli tsiatɔ wanklaan. Mlumátsia nkpa fe aha mimlahe, mboun mlɔtsia fe atiansɔpu. ¹⁶Nɔ mlenya breá mlɔpɔbwe itɔ wanklaan a, mlumáyinta mú. Tsufe lalahebwe lamoni alɔ bre anfitɔ. ¹⁷Mú sv mlumábwe mimlala. Mboun mlɔbɔ mbɔdɔ amlibi tɔ́á anɔ Wie tekle, amlubwe mú.

¹⁸Mlumánun nta bv, tsufe iteyinta ɔha. Mboun mlɔha Ɖɲe Wankihe amv ɔbɔla mli bregyibre. ¹⁹Mlɔpu Bulu asun wa ílv, amlɔwa ílvá Ɖɲe Wankihe lɔpɔwa mli klɔntɔ putɔ́ kpla aba; amlɔwa ílv ε tsu mli klɔntɔ kanfɔ anɔ Wie. ²⁰Mlɔda anɔ Sɪ Bulu ípan togyitɔ́ bregyibre, anɔ Wie Yesu Kristo ídatɔ.

Akristofɔ Aklɔ Múá Aka Tsiatɔ

²¹Mlɔba íwiasɔ ha aba fe alɔ́á mlɔteba íwiasɔ ha Kristo.

²²Ɖtsɔ, ba íwiasɔ ha fu klu fe alɔ́á fvtɔ́ba íwiasɔ ha Kristo. ²³Tsufe oklu bv tumi mu kasu, fe alɔ́á Kristo bv tumi ɔpasua amuv. Ɖpasua amv gyi mu ɔyɔlv, Kristo amv onuto gyi mú Ɖlepu. ²⁴Alɔ amuv ɔpasua amv teba íwiasɔ ha Kristo amv a, alɔ ken ɔka ε ɔba íwiasɔ ha mu klu togyitɔ́ ni.

²⁵ Aklɔ, mlɔdwe mli aka fe ali amɔv Kristo lɔdwe ɔpasua amɔ, tsula bɔmɔ mu mɔ su amɔ. ²⁶ Kristo lotsula bɔmɔ mu pɔtɔn ɔpasua amɔ iwɔ ha Bulu. Obleie ɔpasua amɔ ntsu, pɔ mu asɔn amɔ gyɔra mɔ iwɔ. ²⁷ Omekleá ifin pɔ asvansɔ bétsia ɔpasua amɔ iwɔ, nte mɔ ɔtɔneku ibɔkpukpɔ tia, menɔ ibɔwa mu onuto amɔ akile fe obitebi, ɔbékpa mu ba mu iwɔ wa. ²⁸ Ali ken lehian ání oyin ɔbɔdwe mu ka fe mu iwɔ ni. Oyin ání ɔtɔdwe mu ka tɔdwe mu onuto iwɔ. ²⁹ Tsufe ɔhaa tamalu mu iwɔ, bula ɔtebula mu iwɔ, ki mu iwɔsu wanklaan fe alá Kristo e tɔbwe ha ɔpasua amɔ. ³⁰ Tsufe anɔ fée anɔgyi Kristo ɔyulu iwɔ ntobi. ³¹ Fe alá bɔwanlɔn wa Bulu asɔn amɔtɔ beɛ, “lɔ su oyin ɔbénatɔ si mu si mua mu yin, yemanta mu ɔasɔ. Fówun amɔ abanyɔ amɔ bɔbwe ɔyulu kule” ni. ³² Ɖɔɔkwalt, Bulu asɔn ɔainhe anfitɔ bu odwin. Ndeki mbeɛ, Kristo mua ɔpasua amɔ iwɔ asɔn igyi. ³³ Mli e mli asɔn igyi. Mɔ su ntra nde mli bla mbeɛ, oyingiyoyin ɔdwe mu ka fe mu onuto iwɔ, ɔtsi e obu mu klu.

Abi Mɔ́a Akwɔpɔ

6 ¹ Abi, mli anɔ Wienyɔ mliɔlabwe kule. Mɔ su mliɔ mli akwɔpɔ. Tsufe mɔgyi tɔá ida ɔkpa ání mlɔbwe ni. ² lɔ gyi mbla amɔtɔ gyankpapɔá ɔlehie oyula manta mɔsu ni. “Bu fu si mua fu yin, ³ menɔ ibɔwa ale ha fu. Fówun fédan fuli nwun fu nkpa anfitɔ.”

⁴ Abi ast, mliɔmátsia wa mli abi ɔblɔ. Mboun mliyat amɔ, amliɔsuna amɔ atɔ alá anɔ Wie tekle.

Nkpábi Pɔ́ Amɔ Awie

⁵ Nkpábi, mliɔ mli awie. Mliɔna amɔ ifu, amliɔ mli tsu mli klɔntɔ fe alá mliɔtobu Kristo. ⁶ Mliɔmábwe yile amɔ ansitɔ alá békanfu mli su. Tame fe Kristo nkpábi a, mliɔbwe atɔ tsu mli klɔntɔ fe alá Bulu tekle. ⁷ Mliɔ iwɔtɔ yɔ agyɔma ansigyisɔ ha amɔ, fe Kristo mliɔde mɔ yɔ ha, megyi nyankpɔsa. ⁸ Mliɔdinka anstá anɔ Wie ɔbéka ɔhagyɔɔha ukɔ, itɔ wanklaan kugyikɔá ɔlɔbwe su. Ni ɔkpábi fɔgyi o, futsie fu iwɔsu o.

⁹ Awie, mli e mliɔkita mli nkpábi wanklaan, fe alá nablɔ bɔtsɔn. Mliɔmábwe amɔ kpounkpoun. Mliɔkaun ání mli amɔnyɔ fée owie amɔ bu ɔsusu. Mu mɔ ɔtamaki ɔha ansitɔ.

Bulu Akɔtɔ

¹⁰ Mli asɔn trahe-trahe gyi, apio, mliɔtsɔn anɔ anɔ Wienyɔ ukɔlebwesɔ amliɔha mu ɔwa mli ɔwɔnlɔn tsu mu tumi kpɔnkpɔntɔ amɔtɔ. ¹¹ Mliɔdida isa-akɔtɔ féeá Bulu laha mli ɔbeɛ, mliɔpɔkɔ Ɖbunsam, menɔ mlétali lu mu ɔmlen amɔ ɔkɔ. ¹² Tsufe megyi anɔ anyankpɔsa deɔ. Mboun anɔ ɔɔtɔ tumi lalahe, atumipɔ pɔ ***ɔɔe lalaheá** bɔbɔ ɔyi klunhe anfitɔ pɔ ɔtɔnegyitɔne deɔ. ¹³ Mɔ su mliɔdida Bulu akɔtɔ amɔ fée, menɔ ekeá lalahe ku ifwie mliɔtɔ a, mliɔméesri, mlétali lu mɔ ɔkɔ, tra nya ɔɔe wa ɔwɔnlɔn lu kinkiinkin.

¹⁴ Mɔ su mliɔkɔsɔ, amliɔda iwɔsu. Ɖɔɔkwaluwa ibwe ɔféá uklɔ mli osiesɔ. Yilebwe ibwe mli kantɔ-atintɔ. ¹⁵ lɔwɔsuda ha iwilwii asɔn wanklaan amɔtɔ kɔta pɔ mɔ bli ibwe mli isatɔ ntukɔta. ¹⁶ lɔ fée ɔma a, mliɔkita Kristo hogyi amɔtɔ bregyibre. Ibwe mli atintɔá mlɔpɔtin mli iwɔ, menɔ Ɖbunsam mbun pɔkɔpɔkɔn amɔv idetsɔn amɔtɔ kɔkɔ imɔɔwɔ mli. ¹⁷ Mliɔpɔ Bulu nkpahɔ amɔ bwe mli kutɔpa. Mliɔkita Bulu asɔn amɔtɔ, ibwe mli isatɔ ɔdayiá ***ɔɔe**

Wankɩhe amɩ teha mlɩ. ¹⁸Mliha Bulu ɔŋe amɩ ɔkpa mlɩ, amlɩbɔ mpaɩ bre-gyibre. Mlɩkɩli Bulu, ɔtsa mlɩ ɔkpagyɩɔkpasɩ. Mú sɩ mlɩdɩnka anɩ ɩwɩsɩ. Mlɩmási mpaɩ bɔ ha Bulu aha féé. ¹⁹Mlɩbɔ mpaɩ ha mlɩ. Nɩ nobwii ɔnɔ a, Bulu ɔpɩ mɩ asɩn amɩ wa mlɩ ɔnɔ; ɔha mlɩ antalɩ wa klɩn blɩ asɩn ŋainhe amɩ ɩbɩ mɩ asɩn wanklaan amɩtɔ amɩ féé. ²⁰Asɩn amɩ ɩwɩ sumbi ɔyɔpɩ ngɩ. Mú ɔkanda sɩ nda obu nɩ. Mlɩbɔ mpaɩ mliaa, Bulu ɔha mlɩ antalɩ wa klɩn blɩ mú alɩ́ ilehian.

Ukɩa

²¹Osumbi ɔnɔkwaliɩpɩ anɩ pio ɔdwepɩ Tihiko gyi anɩ Wie agyɩma amɩtɔ. ɔbɛ́bla mlɩ mlɩ ɩwɩ asɩn féé, menɩ mlɛ́bɩ alɩ́ ngɩ pú tɔ́a ndebwe. ²²ɩnɩ koun sɩ nde mɩ wa mlɩ wa nɩ. Ndekle mbee, ɔbɛ́bla mlɩ alɩ́ togyitɔ ide mɩsɩ yɔ nfi. ɔtɔɩ kpla mlɩ pɩwa mlɩ ɔwɩnɩn.

²³ɔsɩ Bulu mua anɩ Wie Yesu Kristo buha mlɩ ahogyipɩ amɩ féé iwɩlwii. Buha amlɩtsia dwe aba, mlɩ anɩ ɩdɩnka Bulusu bre féé. ²⁴Ogyi aha anɩ buta-masi anɩ Wie Yesu Kristo dwe féé buale.

Dwulvá Paulo Lówanlun Sísti

Filipifó

Itsiaha

1 ¹Mí Paulo pú aní pio Timoteoá anígyi Kristo Yesu asumpu de ɔwɔlɔ anfi wanlun sísti mli Bulu aha ání mlíbu Filipi wulutɔ, mlta Yesu Kristo mlílabwé kulé. Mlta mli ɔpasua ahande pú amú abvapu fée aníde mú wanlun sísti.

²Aní Sí Bulu mua aní Wie Yesu Kristo bgyi mli buale, abuha mli iwílwii.

Paulo Atɔkɔlú Pó Ipanda

³Ntɛda mí Bulu ipan ní nekain mltsu bregyibre. ⁴Bregyibreá nde mpai bó ha mli fée a, aní tegyi mí. ⁵Tsufe tsu ekeá mlúɔtɔ ***asun wanklaan** amu nu a, mlíde aní tsa aníde mú ɔkan da bótu nde. ⁶Nyin ání Bulu amuv olefi agyuma wanklaan amu así mlíto amu ken ɔbóyo músu alu yɔfun Kristo Yesu ɔbake amu. ⁷Ulekana ání nósusu mí fée iwí alí, tsufe ntehié dwe mli. Iná nda obu, nte ndeko asun wanklaan amu nwunsv, mlílu mí ɔma a, aní fée Bulu de buale gyi. ⁸Bulu yin ání ntosusu mí iwí, ntehié dwe mí fe alá Kristo Yesu tɔdwe mí.

⁹Nde Bulu kokoli mbée, ɔha amlídwé aba dvn alí, amlítin aní, nu asun amu é así wanklaan, ¹⁰mení mlébu tɔá ihie íbu alé. Amlítisia nkpa ání mú iwí letn, ɔlala uma mú iwí alu yɔfun ekeá Kristo ɔbélaba. ¹¹Yesu Kristo ɔha mu yilebwe íbula mlíto, fe alá oyi toswie abi; ípu numnyam múa kanfu ha Bulu.

Paulo Ukantɔdú Leha Bulu Asun Leklé

¹²Mí apio, ilehian ání mlébiá ukplan anfi ílatu mí anfi laha asun wanklaan amu laklé tsu. ¹³Tsufe ɔhagyíɔha ání ɔbu nfi, pú isa akɔpá bútoogyo owie woyi aná fée babí ání Kristo-buo sv nda íkantɔ. ¹⁴Mí ukantɔdú sv apio tsɔtsɔ-ɔtsɔ bapv aní dúnka aní Wiesu. Buhie búde klvn wa da asun wanklaan amu ɔkan, ífu mede amú.

¹⁵Íbu móɔá mí iwí olu pú mí iwí ahin sv aku búde Kristo iwí asun amu ɔkan da. Tame amú aku é bale klvntɔ búde mú bwe. ¹⁶Alí aha anfi búdepv mí iwí ɔdwe da asun wanklaan amu ɔkan. Tsufe buyin ání Bulu lɔpv mí ba nfiá mbepri mu asun amu nwun. ¹⁷Aha amuv búmede Kristo iwí asun amu ɔkan da tsu amú klvntɔ amu mú a, amú nkule inya sv búde mú bwe. Nda íkantɔ, sv búdekléá béyinta mí iwí tsu.

¹⁸Tame umede mí han, ní yile sv búde mú bwe o, lalahe sv o. Múá íde mí hian gyi, banya búde Kristo asun amu ɔkan da ní. Iní sv aní ihie de mí gyi ní. ¹⁹Tsufe

nyin ání mli mpaí pú Yesu Kristo Ɖḡe amu ɔbékpa mi, nédalí ukplan anfitɔ. ²⁰Nhíe nyin, mbu hogyiá mmɔɔbwe tɔá íbéha peli békuta mi. Mboun nétra wa íwí ɔwɔnlun, mení ní lowu igyi o, nkpa igyi o, mi tsiatɔ fée íbɔ́wa Kristo numnyam. ²¹Tsufe ní ntsie nkpa a, ntsie ha Kristo. Ní nowu ε a, íbɔ́wa mi labi dɔn. ²²Tame ní ntra ntsie ɔyítɔ a, négyi gyuma ání íbɔ́wa labi ha mi. Lní sv mmowun múá nle. ²³Nagyigya, tame íbu mi alá néyetsia Kristo wa mboun. Múbu alá dɔn. ²⁴Tame mli sv íbu alá nétsia nkpa. ²⁵Nyin alí. Mú sv nétsia mli wa abɔ́yɔ agyuma amu, mení mlédan, nya ansigyi mli Kristo hogyi sv. ²⁶Mumu breá neyinki ba mli wa a, mlénya ɔkpa kanfu Kristo Yesu, itɔ amuv alabwe ha mi amu sv.

²⁷Tɔ́á idehian sei gyi, mliha mli tsiatɔ ikana Kristo asun wanklaan amu. Mumu ní neba mli wa o, mmeba o, nónuá mlilu kinkiinkin uklebwetɔ; mlide hogyi amuv íbu asun wanklaan amutɔ amu ε nwun pri. ²⁸Mlumánya aha ání bókusu lí mli sv ífu ɔkpa ɔkukusu. Mli uklunwa íbɔ́bwe osuna ha amúá Bulu onuto ɔbéhi amó fée, tame ɔbɔ́hɔ mli mú nkpa. ²⁹Tsufe megyi Kristo hogyi nkole sv Bulu lɔpɔ́ha mli. Mboun alíá mlówun ipian ha mu ε. ³⁰Ísa amuv mlilowun ání ndekɔ amu ken mlidekɔ a. Mú kentɔ ntra mbu ní.

Kristo lwiasiba Kasi

2 ¹Mliá Kristonyɔ mlilabwe kule. Mú sv alawa mli atetɔ-ɔnlun. Mu ɔdwe lalwii mli klun. Mliá mu Ɖḡe amu uklebwe sv alaha mliá mli aba mlilabwe kule, mlide íku tsu le mli aba asuntɔ, mlide aba nwe wun. ²Mú sv mlíbwe kule, amlítsula dwe aba tsu mli kluntɔ. Mlíbwe agywun kule, amlítyɔ agyuma wa abatɔ pɔ́ha mi ansigyi ífun. ³Mlumábwe awunsípu. Mlumátsu íwí. Mboun mlíba lwiasi, amlítsu múá mli aba budɔn mli. ⁴Mlumádunka mli nkole kle. Mludunka mli aba ε kle. ⁵Mliha mli agywun íbwe fe Kristo Yesu kle.

⁶Ínǎ ɔlélan Bulu ɔkpagyíokpasu o a,
ɔmɔ́bwe agywun ání obótsu mu íwǎ́ mu Bulu bugyi keke.

⁷Mboun olesi mu togyitɔ ɔmagya,
bwe mu íwí osumpu.
Bókwi mu fe alíá bókwi ɔhagyíɔha.

⁸Mu nyankpusabwetɔ a, ɔleba lwiasi.
Olobu atɔ alu wu *oyikpalihesu,
fe lalaha ɔbwepu.

⁹Lní sv Bulu lotsu mu fua ya ɔsvsvsvsv,
ha mu ída ání ídun ada fée,

¹⁰mení ntobiá bubu ɔsv múa asi
pú ɔsvlu ayasi béda akpawunu ha mu.

¹¹Ɖhagyíɔha ɔbéle blí ání “Yesu Kristo gyi Owie!”
pɔ́wa aní Sí Bulu numnyam.

Mlitwanki Fe Ntsrakpabi

¹²Lní sv apio adwepu, alí amuv mlitobu mi bre amuv mbu mli wa amu a, íwǎ́ mma mli wa o a, mlíbɔ́ mbɔ́dɔ amlíbwe mú alí. Mlípu ífu múa kpunkí yɔ mli nkpaɔ agyuma amu mɔ ɔnɔ. ¹³Tsufe Bulu onuto de agyuma yɔ mlitɔ. Alaha mlilatsula mlide mu ape múa tɔ́á otekle bwe.

¹⁴Mlumátɔ nte gyi togyitɔá mlóbwe íwí nwen, ¹⁵mení ɔlala méetsia mli íwí; mli íwí bétun, fe Bulu aha bre anfi mlitsie lakpan kugyiku abwepu ɔyí

anfító. Mliwanku fe ntsrakpabi amú ansító. ¹⁶Mliyo músu amlíbla aha asun amvu iteha nkpa amu, mení mli sv nétali pv ibi si kantó ekeá aní Wie Kristo obélabá, ání m mbódi nte mi gyumagyihe móbwe kpaali.

¹⁷Tame ni ubéba mútáá bópu mi obugya wuli así fe nta, mli hogyi iwí afódié pú Bulu agyuma ání mlúdeyósv kuraa a, íbówa mi ódwe. Ansi bégyi ma mlínyo fféé. ¹⁸Mú sv iwa mli ódwe, ansi igyi aní fféé.

Timoteo Mva Epafrodito

¹⁹Ni aní Wie Yesu lotsula a, umówa ópá nówa Timoteo mli wa. Ni oyinkí bebla miá mlútsie wanklaan a, ansi bégyi mi. ²⁰Mma óha ání olotsu tku le mli asuntó dvn mv. ²¹Tsufe atrahe amu fféé bude amú onuto kle kí, megyi Yesu Kristo kle. ²²Tame mliyin alíá Timoteo lagyi mv iwí adansie wanklaan. Alatsa mi anilada ***asvn wanklaan** amu ókan fe obi móa ósv. ²³Mú sv nde ókpa kíá ni nenyá wun tóá íbéba mísv nfi pe a, nówa mv mli wa. ²⁴Nahogyiá aní Wie óbékpa mi, umówa ópá mi onuto néba mli wa.

²⁵Tame nóbwe agywun ání nélayinkia Epafrodito svsi mli. Aní pioá ma munyo aníde agyuma yo, anídeko asvn wanklaan amu nwunsv. Mvgyi mli biá mlúowa mltaa, óba beki mísv ni. ²⁶Tsufe óde mlísv kaun dvti. Lhie de mv han, tsufe mlílonu mv íl. ²⁷Lele mú a, alaló sian wu, tame Bulu lowun mv nwe. Megyi mv nkule, ma munyo fféé, mení awirehó móódn mi kta. ²⁸Mú sv nhie ndekleá nókosi wa mv mli wa, mení ni mlélawun mv a, ansi bégyi mli. Mí é mi asvn susuhesv békala kuka. ²⁹Mlihie pv ansigyi hó mv, fe mli ba Okristoyin, amlípv obú ha mva aha ání bugyi fe mv. ³⁰Tsufe olesi mv nkpa ha Kristo agyuma amv. Olekle owu mútó breá ólu mli ídató, mv nkule óde togyitá tekí ni mlíbv nfi mlóbwe ha mi bwe.

Yesu Lowu Hó Aní Nkpa

3 ¹Utrahe a, mi apio, aní Wie sv mlúnya ansigyi. Imókukpón miá nétra wanlín asvn kuakule anfi svsi mli. Igyi asvn ání íbékpa mli é. ²Mlíki aha lalahe anfi bugyi fe aktai anfi wanklaan. Lalahe abwepv bugyi, bude aha han beé, butn ***kete** kpaali. ³Tsufe aní aha amvu anítópv ***Óje Wankhe** sum Bulu amv gyi kete atunpv onuto ni. Mú sv abétali tsu iwí itó amvu Kristo Yesu labwe ha aní amv sv. Antamapv ansi dúnka tóá nyankpúsa lapv íbv bwesv. ⁴Mí onuto o mbv ókpa pv ansi dúnka mú anásv. Ni ókv óbee, mbv ókpa pv ansi dúnka músv a, mi mboun bv ókpa pv ansi dúnka músv dvn. ⁵Tsufe bókwi mi, tún mi kete eke kwesi. Israelyin ngyi. Benyamin abusuanto notsu. Mú sv ***Hebriyin** onutonuto ngyi. Mose mbla amúsv gyi ókpasv é a, Farisiyin ngyi. ⁶Nehie wa nsi, dúnka Kristo ópasua amúsv. Negyi Mose mbla amúsv wanklaan, ólala metsia mi iwí. ⁷Tame ntobi anfi bre amv ntekiá íbv mi labi anfi fféé a, Kristo sv nde tra megyi mi tótó. ⁸Múá ídvn mú kuraa gyi, ni nópukí alíá nópvti mi Wie Kristo Yesu a, nawun ání íbv labi dvn togyitó. Nawun ání nahvli ntobi anfi ntekiá íbv mi labi anfi fféé, alíá Kristo óbéda mi íbv sv. ⁹Íni sv uníá mbv mv wa sv a, megyi Mose mbla amúsv gyi óbéha négyi asv Bulu ansító. Kristo hogyi mboun óbéha négyi asv Bulu ansító. ¹⁰Mí agywun gyi, ndekleá nébv Kristo pú tumi amvu Bulu lópukúsva mv tsu afulító amv tsia. Ndekleá nówun ípian fe alíá Kristo lowun ípian wu, ¹¹mení ókpagyiókpasv a, mi é Bulu óbókúsva mi tsu afulító!

Sri Buo Kristo

¹²Mmedeblt mbee, mi ibi lada ntobi anfi fée nte Bulu labwe mi nafun. Ntra nde nsi wa alá ubówe mi ibi béda tó amu sv amuv Kristo Yesu ibi lada mi amu. ¹³⁻¹⁴Mi apio, mmedeblt mbee, mi ibi lada mú. Nde mú amuv idetsun amuv tan. Múá ida mi ansitó okpa ngya. Mi ansí lape, mení nénya siadie amuv Bulu óbótun Kristo Yesusu tí mi nýóhó mu wa ósusu amu. ¹⁵Ilehan ání aní aha amuv anuladan hogiyitó amu fée abóhó alí asun anfi. Ní tku mowanki mli a, Bulu óbówanki mútó suna mli. ¹⁶Tame mliha akita ónókwalí amuv Bulu lasuna aní amutó.

¹⁷Mi apio, mlíkasi mi tsiató. Mlíkasí ató tsu aha amuv bakasí aní tsiató amu wa. ¹⁸Tsufe ntetsia bla mlí asun anfi. Napu ntsú ntra nde mlí bla mbee, aha tsótsótsó tsiató losuna ání Kristo oyikpalihesu lowu amu alupu bugyi. ¹⁹Aha anfi béhi. Amó apu gyi amó Bulu. Amó numnyam é gyi pelt. Ósulusu ató iwí pè butosusu. ²⁰Tame aní mú a, ósusu gyi aní otsiakpa. Ótine amuv ande aní Óhópú, ogyi aní Wie Yesu Kristo okpa kíá obótsu ba amu. ²¹Mubu tumi, otegyi togyitósv. Mu óbéba betse aní óyulu wuhe anfi, bwe mú fé mu numnyam óyulu amu.

4 ¹Iwí sv apio adwepu, ntódwé mli. Iduwí mi ówólá nówun mli, tsufe mli sv ansí de mi gyi, nénya upanda é! Mi adwepu, alí ilehan ání mlélu kinkin mli Kristo hogiyitó n.

Táá Bobwe

²Nde mi apio tsihe Euodia mva Sintike kokoliá bunu aba asi, tsufe aní Wie abuopu bugyi. ³Mi agyomayóba onuto, nde fu é kokoli mbee, futó kpla amó abubwe kule. Tsufe bawa nsi tsa mia Klement pú atrahe amu anulada ***asun wanklaan** amu okan. Bulu lawanlun amó ada wa nkpa ání utamata atsiapu ówólutó.

⁴Mlihe nya ansigyí aní Wie sv bregyibre! Ntra nde mlí bla mbee, mlihe nya ansigyí!

⁵Mliha óhagyíóha owun ání mlílolwii. Aní Wie íbabí lafun. ⁶Tótó umáhan mli. Mboun kugyikvá igyi a, mlíto mpaí kokoli Bulu dúnka músu, amlída mu upan. ⁷Mení Bulu óbéha mli iwílwííá idun bli, íbékpa mli klun pú mli agywun, mlíá Kristo Yesu ukólebwetó.

⁸Utrahe a, mi apio, mlípu mli agywun dúnka táá igyi ónókwalí, táá íbéti obú, táá ida okpa, táá mú iwí letun, táá itegyí aha ansí pú táá aha békánfusu. Mlígywun táá íbu ale, aha butekánfu aná iwí. ⁹Mlyó músu amlípu ntobi anfi nasuna mli anfi, múá mlílonu tsu mi wa pú múa mlílowun mi nóbwe fée wa mli tsiató, mení Bulu amuv óteha iwílwíí amu óbékpa mli.

Upanda

¹⁰Bulu laha ansí íhe de mi gyi, tsufe mlílatra kaun músu. Nawun ání mlímú-kusi mi iwí gywun, tame talí mlímétalí le mú suna. ¹¹Mmede asun anfi bli pusuna ání mbu íkplantó. Tsufe nakasi, nabí alá táá mbu íbófún mi, ní mbu o, mma o! ¹²Nasuan alá nópútsia ní mbu o, mma o. Nabí alá tsiató kugyíkútóá mbu íbégyi mi ansí. Ní ntsie akun o, namwe o, mbu o, mma o. ¹³Ntetalí bwe togyitó, tsufe Kristo tówa mi ówunlun.

¹⁴Mú alí o a, íbú aláá mlútsu íkú le mí íkplán anfító. ¹⁵Mú óma a, Filipifó, mlíyín ání bréá nótó mlí Yesu Kristo íwí ason wanklaan amú bla, nedalí Makedonia ómátó a, mlí ópasua anft nkúle de mí búa, mlíde mí ató sísí ní. ¹⁶Bréá ntra mbú Tesalonika wulutó kóraa, íwí lekplán mí a, mlíletsia sísí mí. ¹⁷Megyí bée nde tóku kúli tsu mlí wa. Mboun ndekléá mlínya tóku dínka awítóle amúv mlídewa ha mí amúv. ¹⁸Mí íbú lada togyitóá mlílópóha Epafrodito mlíaa, ópóba mí. Ítsó kóraa dúbí. Mú sv nanya togyitóá íbéhian mí. Ító anft mlílabwe anft ígyí fe mlíaha Bulu ígyiá íbú ófan fanfaanfan, ílagyí mv aní. ¹⁹Mí Bulu óbéha mlí togyitóá íde mlí hian tsu mv numnyam ató tsótsótsóá íbú aní Kristo Yesunyó íkúlebwetó. ²⁰Numnyam íbwe aní Sí Bulu klé bré fée. *Amen!

Íkla

²¹Néha Bulu aha ání búgyí Kristo Yesu klé fée ítsia. Apioá búbú mí wa nft é béha mlí ítsia. ²²Bulu aha atraheá búbú mí wa nft fée búde mlí ítsia ha. Titríu amúá bótsu Roma owie dehen woyitó.

²³Aní Wíe Yesu Kristo ógyí mlí búale.

Ɔwulvá Paulo Lɔwanlɔn Sɔsɔ

Kolosefɔ

Itsiaha

1 ¹⁻²Mɔ Pauloá Bulu aɓe sɔ nabwe Yesu Kristo sumbi ɔyɔɔɔ pɔ anɔ pio Timoteo de ɔwulɔ anfi wanlɔn.

Anɔdeɔɔsɔsɔ anɔ apioá bɔgyi Bulu aha, bubu Kolose wulɔtɔ, bubu ɔnɔkwali ha Kristo Yesu, mva amónyɔ ε babwe kule.

Anɔ Sɔ Bulu mva anɔ Wie Yesu Kristo bɔgyi mli buale, abuha mli iwilwii.

Ɔpanda Mpaɔ

³Anɔteda anɔ Wie Yesu Kristo mu Sɔ Bulu ɔpan bregyibreá anɔde mpaɔ bɔ mli nwunsv. ⁴Tsufe anlanuá mlɔlɔhɔ Kristo Yesu gyi, mliɔɔ ɔdwe ε ha Bulu aha féé. ⁵Mliɔde ɔkpa ki ha tɔá bapɔɔyɔ ha mli ɔsɔsv, fe alɔá mliyin tsu breá mliɔle-gyankpa nu ɔnɔkwali asɔn amsv igyi Bulu asɔn wanklaan amv. ⁶***Aɔn wanklaan** amv ken deklei wa ɔyɔtɔ, ide aha tsiatɔ tse ɔtinegyiɔtine; fe alɔá ɔletse mli tsu ekeá mlɔlonu mú, mliɔlebiá lele Bulu tegyi aha buale. ⁷Anɔ osumba ɔdwepu Epafra gyi ɔha ání ɔlɔɔɔ asɔn wanklaan amv ba mli. Yesu Kristo osumbi ɔnɔkwaliɔɔv ogyi, ɔde mli bua anɔ ɔfansv.^a ⁸Muleba bebla anɔ ɔdweá ***Ɔɔhe Wankthe** amv lapɔwa mliɔtɔ.

⁹Mú sɔ anɔmɔkɔsi mpaɔ bɔ mli nwunsv tsu ekeá anlonu mli iwɔ asɔn anfi. Anɔde Bulu kokoli anɔaa, ɔha amlɔbi mu aɓe kugyiku wanklaan. Ɔha mu Ɔɔhe Wankthe amv ɔha mli nyansa múa asɔn-asɔn féé, ¹⁰menɔ mlétali tsia tsiatɔá ɔbɔwa anɔ Wie numnyam, amlɔgyi mu anɔ ɔkɔɔɔɔkɔpasv. Ɔha amlɔbwe yile bregyibre, tra bi Bulu tsia. ¹¹⁻¹²Anɔaa, ɔha mu tumiá mú ɔnɔ bu ɔnlɔn iwa mli ɔwɔnlɔn, amlɔtali tomi, nya klɔn, pɔ ansigyi da anɔ Sɔ Bulu ɔpan. Múaha mlɔlafɔn ání mli mu aha mlénya agyapadi amsv alala yai mu iwiegyi wankhetɔ amv iku. ¹³Tsufe mlale anɔ tsu ɔha amsv ɔde oklunsv gyi amv tumi ast, pɔ anɔ ba mu Bi ɔdwepu amv iwiegyi amɔtɔ. ¹⁴Mv Bi anɔfsv ɔlɔtsɔn hɔ anɔ, alasi anɔ lakpan kie anɔ nɔ.

Kristo Dɔn Togyitɔ

¹⁵Ɔhaa tamawun Bulu, Kristotɔ ɔlelɔn ɔwan. Ɔbu unv asa Bulu lɔbwe togyitɔ, ɔdɔn Bulu itɔ bwehe kugyiku. ¹⁶Msv Bulu lɔtsɔn bwe togyitɔá ɔbu ɔsv múa ast. Múá butowun pɔ múá butamawun féé, ɔɔetɔ awie, ɔmásvgyi

a 1:7 Mli ɔfansv bu nwulɔ dada amv akɔtɔ.

tumi, atumipw, pw isu agyipw féé. Musu Bulu lɔtsɔn bwe ɔyi féé, pɔwa mu numnyam. ¹⁷Ɔbu unv asa togyitɔ lefi asɩ. Musu atɔ amu féé ide agyuma yɔ wa abatɔ. ¹⁸Mɔgyi nwun ha mu nyankpɔsa-oyi, igyi ɔpasua amu, ɔde mú nkpa ha. Mulegyankpa kusv tsu afulitɔ, ogyi togyitɔ nkpa ogyapw. ¹⁹Tsufe ibv Bulu ɔdwe ání mu tsiatɔ féé bétsia mu Bi amutɔ. ²⁰Musu Bulu lɔtsɔn yinkia togyitɔ ba mu iwɩ wa. Ɔlɔtsɔn mu obugya amuv ulɔwulɩ asɩ breá beda mu manta ^{*}oyi-kpalihe amusu pw iwilwii wa mua togyitɔ nsune. Múá ibv ɔsusv pú múá ibv ɔsulusu féé.

²¹Teki mli ε mlɩledamli ɔma ha Bulu, mlɩgyi mu alupw mli asvɔn susuhe pú mli bwehe lalahe sv. ²²Tame sei a, ɩtra megyi alɩ. Kristo lɔbwe nyankpɔsa, olowu. Bulu lɔtsɔn mu oyikpalihesv lowu amusu la mlɩa munyɔ nsune. Mú sv ifin pú asvansv ma mli iwɩ, ɔbékpa mli ba mu ansitɔ. ²³Tame ilehian ání mlɩhɔ asvɔn anfisv gyi, lu kinkiinkin. Mlumáha abutse mli agywun le ɩtɔ amuv mlɩde mú ɔkpa kɩ, asvɔn wanklaan amu lapɔba mli amv. Asvɔn wanklaan anfi osumpv mɩ Paulo ngyi nɩ. Asvɔn anfi ɔkan budeda ɔyitɔ féé ε nɩ.

²⁴Ibv mɩ ansigyi ání nde ipian wun mli sv. Tsufe nde ɩwɩɔsv amuv Kristo lowun sian amv kv wun ha mu ɔpasua, igyi mu nyankpɔsa-oyi amv. ²⁵Bulu lɔpv mu asvɔn wanklaan amv wa mɩ ɩbitɔ, ání nda mú féé ɔkan suna mli, ampɔsum ɔpasua amv. ²⁶Ɔlɔpv asvɔn anfi ɩgain bumbɩ ɔpá, tame alale mú ɔwan suna mu aha sei. ²⁷Ibv Bulu ɔdweá ɔbéle mú ɔwan suna mlɩá mlɩmegyi Yudafo. Asvɔn ɩgainhe amv gyi, Kristo tsie mlɩtɔ. Ibv ibia, ibv numnyam ε. Múdesuna ání abénya mu numnyam amv ɩkv nɩ. ²⁸Mv ɩwɩ asvɔn anɩde aha féé bla, anɩde amú ɔla da, pv nyansa amuv Bulu laha anɩ amv suna amú atɔ; menɩ bɔfvɔn, abékpa amú ba Bulu, amúá Kristo ukulebwetɔ. ²⁹ɩnɩ sv nahɩe ndepri, pv Kristo tumi amuv ɩbv mitɔ amv yɔ agyuma nɩ.

2 ¹Ndekleá mlɩbɩ ɩprá ndepri ɔwɔnlɩnsv, mlɩa ɔpasua amuv ɩbv Laodikea pú aha amuv bumɔkwun mɩ kɩ amv féé nwunsu. ²Nde mú bwe pɔwa amú ɔwɔnlɩn, abubwe kule, dwe aba, nu asvɔn asɩ wanklaan, menɩ bónu Bulu asvɔn ɩgainhe amuv igyi Kristo amv féé asɩ. ³Kristotɔ Bulu lɔpv mu atonyaheá igyi mu nyansa pú mu asvɔnbɩ féé wa.

⁴Nde mli asvɔn anfi bla, menɩ ɔhaa mɔɔpv asvɔn ání ɩbv anule kvkv bemle mli. ⁵Ibv mútá mbv ɩfo mli wa, tame ntosusu mli ɩwɩ bregyibre. Anɩ ε ide mɩ gyi ání mlɩtsie wanklaan, mlɩlu kinkiinkin Kristosv hogyitɔ. ⁶ɩnɩá mlɩlahɔ Kristo Yesu gyi ání mɩgyi mli Wie sv a, mliyɔ músv mlɩa munyɔ amlɩbwe kule. ⁷Mli ε mlɩhɩe lu kinkiinkin Kristo hogyitɔ, amlɩnya ɔwɔnlɩn tsu mlɩa munyɔ ukulebwetɔ. Mliyɔ músv amlɩhɔ mu ɩwɩ asvɔn amuv bode mli suna, igyi ɔnɔkwali amv, fe alɩá oyi nlin tɔyɔ ɔtɔtɔtɔ, yodunka ntsu ha mú ɩtedan, amlɩda Bulu ɩpan ε bregyibre.

⁸Mlumáha ɔkpa ɔhaa ɔmlɩe mli, pv mu ansitɩn múá afunu asvɔn ání igyi amandɩeá anyankpɔsa bɔwa kvkv, ɩtsu ɔɩe nte tumiá ide ɔyi anfisv gyi, imotsu Kristo wa beha amlɩmli mu nkpábi. ⁹Tsufe Kristotɔ Bulu tsiatɔ onuto-nuto amv féé ɩbv nyankpɔsa ɔkpasv. ¹⁰ɩnɩá mlɩa Kristonyɔ mlɩlabwe kule sv mlɩlafɔn. Mɩgyi ɔha ání ɔbv tumi ɔɩetɔ atumipw pú ɩsv agyipw féésu.

¹¹Mlɩa munyɔ ukulebwe sv aladɩnkɩ mli tsiatɔ dada amv le mlɩsv fe alɩ amuv butetɩn ^{*}kete, dɩnkɩ awulɩ le músv amv. ¹²Breá bɔbɔ mli asu a, bopula mli tsiatɔ dada amv fe alɩá bopula Kristo; Bulu lɔkɔsva mli ba nkpatɔ fe alɩá ɔlɔkɔsva Kristo, tsufe mlɩlohogyi ání Bulu bv tumi kusva mu tsu afulitɔ.

¹³ Teki mli lakpan pú mli tsiatɔ dada amuv bumɔkudinki le mliɔv amu su mliowu fe zha ání ɔmɔkvtun kete. Tame sei a, Bulu lakusva anta Kristonyɔ ba nkpa pɔpwetɔ, alasi anu lakpan fée kie anu. ¹⁴ Ɖledunki asun amuv bɔwanlun wa Mose mblatɔ, ide anu ula le amu le anisv, yeda mú manta Kristo *oyikpalihe amuv. ¹⁵ Bulu lɔswu ŋetɔ atumipv pú isv agyipv tumi, ɔlekita amú ndoun, le amú ɔwan, wa amú peltɔ, breá olegyi amúsv Kristo oyikpalihe amuv.

¹⁶ Mú sv mli máha zhaa ɔle mli ula mli atogyihe, mli atonunhe, nkegyi, ɔtsra pɔpwe nke, nte Yudafo *ɔkpɔvɔ ɔdake aná sv. ¹⁷ Yiyi keke unu fée igyi ha ato amuv ibéba amu onuto. Mú onutonuto amu lelun ɔwan Kristotɔ. ¹⁸ Mli máha ɔkpa zhaa ɔmle mli amliba iwiasu sum Bulu-abɔpɔ, amlihuli ipan ání Bulu lehie ya mli. Ni ɔkv ɔbee alawun tɔkv tsu mú iwí kuraa po a, ɔyitɔ ansitun laha mu ɔde iwí tsu. ¹⁹ Zha anfi odu laman iwí le Kristo amuv ogyi ɔpasua amu nwun amuv. Tsufe ɔpasua amutɔ anu fée aniletsa abasv, Kristo amuv ogyi nwun amu de anu ɔwunlun wa, ment abédan alá Bulu dekle.

²⁰ Mli Kristonyɔ lowu. Mú sv mli tra mli má ɔyitɔ tumi kuku asi. Ntogyi sv mli tra mli de mbla anfi anásv gyi? ²¹ Bee, “Mágyi unu. Mápv ibi da unu, mátsu unu e!” ²² Ni bɔpv ntobi anfi fée bwe ato ta a, iteyinta. Anyankpɔsa onuto mbla pú amú atosunahe igyi. ²³ Anide mbla anfi kú fe tɔá nyansa bu mútɔ, ibéha abɔwa ale Bulu ansitɔ. Abéba iwiasu ha mu, wa iwí ɔsun antaa ibéha abébi gyi iwísv. Tame unu aná fée iméetali ha anumégyi iwísv.

Nkpa Pɔpwe Tsia

3 ¹ Mú sv nu Bulu lakusva mli Kristonyɔ ba nkpa pɔpwetɔ a, mli dunka atá ibv ɔsvsv, ɔtine amuv Kristo tsie Bulu gyɔpísv amu. ² Mli ha agywun unu ato iwí, megyi ɔsvsvsv kle. ³ Tsufe mli lawu, Bulu lapu mli Kristonyɔ nkpa onuto ŋain mutɔ. ⁴ Ekeá ɔbéle Kristo amuv ogyi mli nkpa onuto amu ɔwan suna ɔyi a, eke amu ken ɔbéle mli mɔnyɔ ɔwan mu numnyamtɔ nu.

Tsiatɔ Dada Mú Pɔpwe

⁵ Mú sv mli mɔ tsiatɔ dada amuv ibv mli tɔ amu. Múgyi; atsi muv ayin asunwa, ifintotsia, ɔwɔli lalaha múa pelula. Ɖyi anfitɔ ato wanklaan imápe mli anst, tsufe ɔnsipe igyi fe ɔkpisum. ⁶ Ntobi anfi odu abwepɔsv Bulu tɔhiev nya ɔblɔ nu. ⁷ Mú aná mli tɔbwe breá mli gyi ɔmátɔfɔ nu.

⁸ Sei gyi breá mléle ɔblɔ, ɔblɔkpan, olu, abakpɔi, asukpan bli aná le mli tɔ nu. ⁹ Mli máwa afunu suna aba, tsufe mli lasi mli tsiatɔ dada amu pú mú bwehe fée. ¹⁰ Mli lalatsv tsiatɔ pɔpwe. Bulu gyi mú Ɖbwepv, ɔde mú bwe pɔpwe lian mu iwí bre anfi mli de mu bi anfi. ¹¹ Tsiatɔ pɔpwe anfi mú a, umefahun ání Grikiyin nte Yudayin fɔgyi. Fetun *kete nte fɔmetun, ɔkpɔtɔpɔ nte okudasíyin, ɔkpábi nte ɔdihiev fɔgyi. Kristo gyi togyitɔ, ɔbv amú féétɔ.

¹² Mú sv uná Bulu lale mli pɔbwe mu aha ání amú iwí latin pú mu adwepu a, mli ha nwewun, awitɔlewa, iwiasiba, ilwii pv klɔnya itsia mli tɔ. ¹³ Mli nya uklun ha aba. Ni ɔkv muv mu ba benya a, mli sikie aba fe alá Kristo lesi mli kle kie mli. ¹⁴ Múá idun a, ɔdwe tɔbwe anu fée ukule. Ibwe mli tati dídahe. ¹⁵ Mli ha Kristo iwilwii igyi mli klɔsv, tsufe mútɔ Bulu lati mli bɔwa; mli mu nyankpɔsa-oyi amu mli labwe kule nu. Mli da mu ipan e bregyibre. ¹⁶ Mli ha Kristo asun amu ihiev bula mli kluntɔ, iha mli nyansa. Mli pɔtɔ kpla aba, suna

aba atɔ. Mliwa *Israelfɔ ulu, ɔsankuosu ulu pɔ ɔɛtɔ ulu mli kluntɔ potsu Bulu fva, puda anɔ Si Bulu ipan. ¹⁷Mli atɔ bwehe pɔ mli asun blithe fɛ́é ibwe anɔ Wie Yesu idatɔ, amlɔpu ipan ha anɔ Si Bulu tsun musu.

Akristofɔ Tsiatɔ

¹⁸Aka, mliba iwiasɔ ha mli aklu alɔ́ ilekana ha aha ání bogyi Kristo kle.

¹⁹Aklu, mli ε mlidwe mli aka. Mlumábwe amú kpounkpoun.

²⁰Abi, mlibu mli akwɔpu, tsufe mú Bulu tekle ni.

²¹Akwɔpu, mlumáwa mli abi ɔ́blɔ, menɔ iwi móowu amú.

²²Nkpábi, mlibu mli ɔ́sulusu awie togyitɔ́á mlɔ́bwetɔ. Mliha amú ansɔ igyi mli iwi bregyibre, megyi amú ansitɔ wulɛ. Mlibwe mú tsu kluntɔ, tsufe mlitobu anɔ Wie. ²³Mlibwe togyitɔ́ tsu mli kluntɔ, fe anɔ Wie mlidɛ mú bwe ha, megyi anyankpusa. ²⁴Mlikan ání anɔ Wie ibitɔ mlénya mli ikɔka ání alala yai mu abi. Tsufe Kristo gyi Owieá mlidesum. ²⁵Tame ni fɔ́bwe tɔ́á uma ale a, ɔ́bɛka fu ikɔ, tsufe ɔ́tamaki ɔ́haa ansitɔ.

4 ¹Nkpábi awie, mliɔpu tɔ́á ibɔ ale, igyi ɔ́nkwalɔ kpa mli nkpábi, tsufe mli ε mlibu Owie ɔ́susu.

²Mlikita mpaɔbɔ́. Mlidinka ansɔ iwɔsu, ipanda ε itsia mli kluntɔ. ³Mlibɔ mpaɔ ha anɔ ε. Bulu ofinki ɔ́kpa ha anɔ atalɔ da Kristo iwi asun ɛainhe amu ɔ́kan. Mú su nda obu ni. ⁴Mlibɔ mpaɔ mliaa, nda mú ɔ́kan wanklaan, alɔ́ ilehian.

⁵Mliki mli natitɔ ɔ́mátɔfɔ́. Ni ɔ́kpa ifinki ha mli a, mlumáyinta mú. ⁶Mli itɔ́ iwa anule, iwa labi, menɔ mlétalɔ le ɔ́hagyɔ́ha asun fitɛhe ɔ́nɔ wanklaan.

Ukla

⁷Ania opio ɔ́dwepu Tihiko de anɔ Wie agyuma yɔ. Osumpu ɔ́nkwalɔpu ogyi. ɔ́bɛbla mli alɔ́ mɔ́ iwi gyi fɛ́é. ⁸Nawa mu mli wa mbeɛ, ɔ́bebla mli alɔ́ anɔ iwi gyi, ɔ́wa mli atetɔ-ɔ́nlun. ⁹Mva anɔ pio ɔ́dwepu ɔ́nkwalɔpu Onesimo, ogyi mli pu amu ɔ́bɛba bebla mli asun ání ilaba nfi fɛ́é.

¹⁰Aristarko, mɔ́ ba ání mɔ́a mɔ́nyɔ anɔda obu ɔ́ha mli itsia. Alɔ́ ken Marko, ogyi Barnaba mu pio amu ε ɔ́ha mli itsia ni. Mliɔ́ Marko ɔ́fɔ́ wanklaan, ni ɔ́lotson ba mli wa fe alɔ́ nebla mli yai. ¹¹Opio Yesu, butetra tɔ́ mu Yusto ε ɔ́ha mli itsia. Aha abasa anfi pe gyi Yudafɔ́á mɔ́a amónyɔ anɔde *Bulu iwiegyi amu iwi agyuma yɔ ni. Amú tekita klun wa mɔ́ iwitɔ ni.

¹²Epaфра, otsu mli wa, ogyi Kristo Yesu osumbi amu ε ɔ́ha mli itsia. ɔ́tɛhe bɔ́ mpaɔ ha mli ání Bulu ɔ́wa mli ɔ́wɔnlun, ɔ́ha amlifun, amlitalɔ́ bwe Bulu ape kugyiku. ¹³Nétalɔ gyi mu iwi adansɛ ání ɔ́hɛ ɔ́de agyuma yɔ mli Akristofɔ́á bubu Laodikea pɔ́ Hierapoli idatɔ. ¹⁴Anɔ ɔ́dwepu Luka, ogyi ulɔ ɔ́sapu mva Dema beha mli itsia.

¹⁵Neha anɔ apio Laodikeafɔ́ amu itsia. Neha Nunfa mva ɔ́pasua amusu ibɔ́ mu woyitɔ amu ε itsia. ¹⁶Nɔ́ mlekla ɔ́wulɔ anfi suna ɔ́pasua amu ta a, mliɔ́pusu Laodikeafɔ́ ε. Mlikla amú kle amusu nɔ́pusu amú amu ε. ¹⁷Mlibla Arkipo mliaa, ɔ́mɔ́ agyuma amusu Bulu lɔ́pɔ́wa mu ibitɔ amu ɔ́nɔ wanklaan.

¹⁸Mɔ́ Paulo, onutonuto lawa ibɔ́ ɔ́wulɔ anfi asu. Mlumátan ání nda obu.

Bulu ogyi mli buale.

Ɔwɔlɔ Gyankpapuá Paulo Lɔwanlɔn Sɔsɔ

Tesalonikafɔ

1 ¹Mɔ Paulo, mɔa Silwano pú Timoteo de ɔwɔlɔ anɔtɔ wanlɔn sɔsɔ ɔpasua ání igyi anɔ Sɔ Bulu mɔa anɔ Wie Yesu Kristo kle, ɔbu Tesalonika wuluto. Anɔ Sɔ Bulu mɔa anɔ Wie Yesu Kristo bɔgyi mɔlɔ bɔale, abɔha mɔlɔ iwɔlwi.

Tesalonikafɔ Hogyi

²Nɔ anɔde mɔpat bɔ ha mɔlɔ bregyibre a, anɔteda Bulu ipan mɔlɔ féé nwunsv. ³Anɔtetsia kain anɔ Sɔ Bulu mɔlɔ hogyi gymagyihe. Altá mlɔde mbɔdɔ bɔ dwe aba, pú altá mlɔlatomi ha mɔlɔ anɔtɔ dɔn anɔ Wie Yesu Kristosɔ kinkiiinkin. ⁴Apio, anyin ání Bulu tɔdwe mɔlɔ, alale mɔlɔ pɔbwe mu kle. ⁵Tsufe megyi ɔɔ keke anɔlɔpɔ bebla mɔlɔ ***asɔn wanklaan** amv. Mboun mlɔlowun Ɔɔhe Wankiɔhe amv tumi ε. Lɔn leha mlɔleɔ wanklaan ání asɔn amv igyi ɔɔkwalt. Mlɔlowun tsiatɔ oduá anɔlɔpɔtsia mlɔtɔ ε, altá ɔbɔbɔa mɔlɔ sv. ⁶Mlɔlekasɔ anɔa anɔ Wie tsiatɔ. Tsufe asɔn amv sv mlɔlowun iwɔwɔn tsɔtsɔtsɔ, tame mlɔlɔpɔ ansigyiá itsu ***Ɔɔhe Wankiɔhe** wa hɔ mɔ. ⁷Mú sv ɔleha ahogyipɔá bubu Makedonia ɔsɔlɔsv pú Akaia ɔmátɔ féé beki mɔlɔ bwehe, buo mú. ⁸Tsufe megyi Makedonia pú Akaia wule anɔ Wie asɔn amv lekɔlɔ tsu mɔlɔ wa yɔ. Mboun mɔlɔ Bulu hogyi asɔn ε lakɔlɔ yɔ ɔtɔnegyɔtɔne. Mú sv asɔnsv má ɔnvá abétra bli tsu mú iwɔ. ⁹Tsufe amú onuto bude altá mlɔlɔpɔkɔta anɔ breá anɔleba mɔlɔ wa bli. Altá mlɔlesi ɔkɔtɔ sum ba mlɔde Bulu Ɔkɔankpapu Ɔɔɔkwaltɔ amv mboun sum. ¹⁰Pú altá mlɔgyo breá Bulu mu Bi Yesu amsv ɔlɔkusɔa tsu afulitɔ amv ɔbélatsɔ ɔsɔsv ba. Mbgyi ɔha ání ɔde anɔ le tsu Bulu ɔblɔ amsv ɔba amvɔtɔ nɔ.

Paulo Tsiatɔ Tesalonika Wuluto

2 ¹Apio, mɔlɔ onuto mlɔyin ání anɔ mɔlɔ wa ba mɔbwe kpaalt. ²Mlɔyin altá bɔwa anɔ amumvɔ, supa anɔ Filipi wuluto asa anɔleba mɔlɔ wa. Mlɔyin ání aku bumotsula, behɔ kusɔ lu ansv; tame anɔ Bulu lɔwa anɔ ɔwɔnlɔn, anɔleba mɔlɔ ***asɔn wanklaan** amv. ³Tsufe megyi afunu asɔn anɔdeɔbli. Mú sv nde mɔlɔ kokoli. Megyi agywun lalahe kɔkɔ igyi, anɔmede mɔlɔ mlɔ ε. ⁴Bulu lɔhɔ ansv gyi, ɔlɔpɔ mu asɔn wanklaan amv wa anɔ ɔbitɔ. Mú anɔdeɔbli nɔ! Megyi anyankpɔsa ansɔtɔ anɔdeki bli mú, Bulu yin anɔ klɔntɔ. ⁵Mlɔhe mlɔyin ání megyi ɔɔ dede anɔlɔpɔ ba mɔlɔ. Anɔmeda bɔwa afunu kɔkɔ ε suna mɔlɔ, pɔnya tɔkɔ tsu mɔlɔ wa. Bulu gyi anɔ ɔdansyin. ⁶Anɔmodunka kanfɔ tsu nyankpɔsa ɔkɔkɔ, mɔlɔ, nte ɔha bamba wa. Kristo ***sumbi ayɔpɔ** angyi. Mú sv tektɔ anɔbu ɔkpa si iwɔ tsɔwɔ mlɔsv, ⁷tame anɔlɔlɔwii ha mɔlɔ, kɔ mɔlɔ fé altá abi-oyin tektɔ mu onuto abisv. ⁸Anɔteɔhe kle mɔlɔ asɔn. Mú sv megyi Bulu asɔn wanklaan

amu nkule anilɔpu ba mli, mboun anulesi anɩ iwɩ ε ha mli, tsufe mlɩlamli anɩ adwepu. ⁹ Apio, ye mlɛkaun agyuma ání anilɔɔɔ ɔpa mɔ́a onye punya tɔ́a ilehian anɩ? Alá anuméesi ipian tswɩ mlɩsv breá anɩde Bulu asun wanklaan amu okan da suna mli sv anulɔbwe mú alɩ.

¹⁰ Mli ahogyipu amu pú Bulu gyi anɩ adansɩfɔ alá anulɔpɩtsia mlɩtɔ. Anɩ iwɩ letɩn, anɩ asun da okpa, ɔlala ε metsia anɩ iwɩ. ¹¹ Mliyin ání anilekpa mlɩtɔ okugyiɔku fe alá abi-ɔsi tekpa mu abi. ¹² Anulɔwa mli atetɔ-ɔnlɩn, lwii mli klɩn, tɔ́i kpla mli aniaa, mlɩtsia tsiatɔ́a ilegyi Bulu ansi. Muletɩ mli ɔbee, mlɩbenya mu iwiegyi pú mu numnyam amu ɩku.

¹³ Tɔ́a svá anuteda mu ipan bregyibre ε gyi, breá anulɔpu mu asun amu ba mli a, mli motsu mɔ́a nyankpusa wa itsu. Mboun mlɩlɔhɔ mú ání lele, itsu Bulu wa; tsufe mú Bulu depuyɔ agyuma mli ahogyipu amutɔ ni. ¹⁴ Apio, mlɩlamli fe Bulu ɔpasua ání ibubu Yudea ɔmáɩ, bugyi Kristo Yesu kle amu. Mli lowun ipian mli pi ibutɔ, fe alɩ amuv amú ε bowun ipian amú pi Yudaɩ ibutɔ amu. ¹⁵ Yudaɩ lɔmɔ Bulu ɔnɔsv atɔpu pú anɩ Wie Yesu. Amú ken lagya anɩ le ɔmá amutɔ. Butamakle aha asun, butamagyi Bulu ansi. ¹⁶ Bɔkɔsv lu ansv ka anɩ itin bee, anumábla aha ání bomegyi Yudaɩ nkpaɩ asun amu, Bulu ɔhɔ amú nkpa. Lɩ bwe laha amú lakpan labiayi. Mú sv ilaha Bulu lanyá ɔblɔ, ɔbébutɩ amú isv.

Paulo Lekleá ɔbélayekɩ Tesalonikafɔ

¹⁷ Apio, anilenatɩ mli wa ɔpá anumɔkɩsv mlɩsv kaun. Mú sv anihɩ anɩde okpa dunka ání abéla bowun mli ansɩtɔ, tsufe anɩde mlɩsv kaun dɩbi. ¹⁸ Anulekleá abélaba mli wa. Mɩ Paulo onuto o nabwe agywun ání néyinki ba unv ita tsefinɩ, tame ɔbunsam meha okpa. ¹⁹ Ma sv anɩ ansi dɩn? Megyi mli sv ansi de anɩ gyiá abénya okpa tsu iwɩ anɩ Wie Yesu ansɩtɔ breá ɔbéba? ²⁰ Lele mú a, mlɩgyi anɩ numnyam pú anɩ ansɩgyi.

Timoteo Tesalonika Yo

3 ¹ Mú sv breá anumébi alá mli tsiatɔ igyi, ɩde anɩ han a, anulɔbwe agywun aniaa, anɩ mú abétsia Atene wulutɔ, ² awa anɩ pio Timoteo, ogyi anɩ Bulu agyomayɔba Kristo ***asun wanklaan** amu okandatɔ sɩsv mli. ɔbɔwa mli ɔwunlɩn, ɔtɔ́i kpla mli amlɩlu kinkiinkin hogyiɩtɔ, ³ menɩ mlɩtɔ ɔkɔku méeyinki ɔma asun wunhe anfi sv. Mli onuto mliyin ání igyi tɔ́a ida yaɩ ha anɩ Akristofɔ dodo. ⁴ Tsufe breá anɩbu mli wa a, anlebla mliá bédunka mlɩsv. Lele bédunka mlɩsv fe alá mliyin. ⁵ Lɩ sv breá netsia mmetsia a, nɔwa Timoteo mli wa mbee, ɔbéki alá mlɩde hogyi amutɔ. Tsufe ibétalɩ ba ání ɔbunsam lasɔ mli ki, ha anɩ gymagyihe labwe kpaalu.

⁶ Timoteo layinki pu asun wanklaan tsua mli wa ba anɩ sei, tsu mli hogyi pú mli abadwe iwɩ. Alabla anɩ ɔbee, mli ε mlɩde ansv kaun dɩbi. Mli dekleá mlɩwun anɩ, fe alɩ amuv anɩ ε anidekleá abówun mli amu. ⁷ Mú sv apio, mli hogyi lawa anɩ atetɔ-ɔnlɩn, anɩ ipian pú anɩ asun wunhe féétɔ; ⁸ tsufe mlɩlu anɩ Wie hogyiɩtɔ kinkiinkin. Mú sv anɩ klɩn ladɩ anɩ asɩ. ⁹ Ipan mɔ́mɔ abɔkɔku da Bulu mli sv, ansɩá ɩde anɩ gyi mu ansɩtɔ sv? ¹⁰ Antehɩe bɔ mpaɩ kokoli Bulu ɔpa mɔ́a onye aniaa, ɔha ayinki bowun mli, menɩ abósuna mli tɔ́a ibéha mli hogyi bɔfɩn.

¹¹ Anɩ Sv Bulu onuto mva anɩ Wie Yesu bufinki okpa ha anɩ aba mli wa. ¹² Anɩ Wie ɔha mli apio aba pú aha féé dwe ɔnɔ iwa ɔnlɩn, fe alɩ amuv

anɔɔdwe mli amu. ¹³Ɔwa mli ɔwunlun, menɔ anɔ Si Bulu omɔowun ɔlala mli iwɔ, ifin kuku ε mɛetsia mli iwɔ mu ansitɔ, anɔ Wie Yesu mua mu aha fɛɛ ɔbake amu.

Tsiatɔ́ Ilegyi Bulu Ansi

4 ¹ Apio, utrahe a, anilosuna mli tsiatɔ, menɔ Bulu ansi bɛgyi mli iwɔ. Lele mú a, alɔ mli tsiatɔ gyi ni. Sei a, anihie anide mli kokoli anɔ Wie Yesu idatɔ anɔaa, mlɔbwe mú dɔn alɔ. ² Tsufe mliyin mbla amuv anɔlɔwa ha mli anɔ Wie Yesu idatɔ amu. ³ Bulu dekleá mliha mli iwɔ itun. Mú sv mlumáwa atsi múa ayin asun. ⁴ Mlɔtɔ okugyiɔku ɔbi alɔ ɔbékita iwɔ, iwɔtun pú obú ɔkpasu. ⁵ Imábwe ɔwɔli lalahe ɔkpasu, fe alɔ aha ání bumeyin Bulu butɔbwe. ⁶ Mlɔtɔ ɔkuku másisɔ mu ba, swu mu mu ka. Tsufe anɔ Wie ɔbɛbiti aha ání butɔbwe mú odu isu. Anide mli ɔla da, fe alɔ anɔlɔku bla mli ya. ⁷ Tsufe Bulu meti anɔ ɔbɛɛ, aba bɔtɔ mbua; mboun ɔbɛɛ, ifin kuku mátsia anɔ iwɔ. ⁸ Mú sv ɔhagyi-ɔha ání omegyi atosunahe anfisv a, megyi nyankpusa omedebu. Mboun Bulu amuv ɔlɔpv mu Ɖɔɛ Wankɔhe ha mli amu.

⁹ Imehian ání abówanlun asvansv tsu mli aba akristofɔ-dwe iwɔ sɔsɔ mli. Tsufe Bulu onuto lasuna mli alɔ mlɔdwe mli aba dodoodo. ¹⁰ Ɖnɔkwali a, mlɔde apio ahogyipvá bubu Makedonia ɔmátɔ fɛɛ dwe dodo. Mú sv apio, anide ipa bwii ha mli anɔaa, mlɔtra dwe aba dɔn alɔ. ¹¹ Mlɔpudunka iwɔsvá mlɛtsia tsiatɔ wanklaan. Mlɔpv mli ibi yɔ agyɔma pvki mli iwɔsv, fe alɔ anɔlebla mli, ¹² menɔ mli aha ání bumegyi ahogyipv mlɛtsia wanklaan, mluméetra pv ansi dunka ɔhaasv.

Anɔ Wie Yesu Yinki Ba

¹³ Apio, anidekle anɔaa, mlɔbi ɔnɔkwaliá ibv Akristofɔ́a bawu iwɔ, menɔ mluméetsia gyi awɔrehɔ fe aha ání amú ansi medun tɔtɔsv. ¹⁴ Anɔlohogyiá Yesu lowu kusv tsu afulitɔ. Alɔ ken anɔlohogyiá Bulu ɔbékpa aha amuv bɔhɔ mu gyi asa bowu amv ba ni.

¹⁵ Anɔ Wie onuto atosunahe anide mli suna sei a. Anɔ aha ání anitra anɔtsie nkpa asa anɔ Wie ɔbake ibɔfun a, anuméegya awupv amv nkpa yefia mu. ¹⁶ Tsufe anɔ Wie ɔbɔkplun tumisv, **Bulu-ɔbɔpv** dehen ɔbɛɛ ɔnɔ, bɔfulɔ Bulu ɔkpe ε breá anɔ Wie onuto dekplɔ tsu ɔsvsv ɔba. Ahogyipvá bawu bɛgyankpa kusv. ¹⁷ Mv ɔma a, anɔ akɔankpav ε fɛɛ abóyɔtv amú nwɔlvɔtɔtɔ, anɔ fɛɛ abéyefia anɔ Wie afutɔ. Tsu eke amv a, abétsia anɔ Wie wa bre fɛɛ. ¹⁸ Mú sv mlɔpv asun anfi kita uklɔn wa aba iwɔtɔ.

Iwɔsvda Gyo Anɔ Wie Iba

5 ¹ Apio, imehian ání abówanlun bre pú ekeá asun anfi ibéba sɔsɔ mli. ² Tsufe mli onuto mliyin ání anɔ Wie ɔbake amv ibéba bofwie anɔtɔ, fe alɔ owikplu teba onye. ³ Breá aha bɛɛ, “Owi lata; asun lata.” a, alɔ bre amvɔ béhi ni. Ibófwie amútv fe alɔ ukwu tekan ɔtsi ɔsawvle pɛ. Ɖhaa mɛédalɔ mútv. ⁴ Tame apio, mli mú mliyin asun anfi. Mú sv mlumétsie okluntɔ, menɔ eke amv mɛéba bofwie mlɔtɔ fe owikplu. ⁵ Wankɔ múa ɔyikehetɔ abi mli fɛɛ mlɔgyi. Megyi onye nte okluntɔ abi anɔgyi. ⁶ Mú sv mliha agyo, anumádɔdɔ fe aha bamba. Mliha adunka ansi iwɔsv, akɔ iwɔsv wanklaan. ⁷ Onye adɔdɔpv butedɔdɔ. Onye nta abupv ε butɔbv nta. ⁸ Tame anɔ mú a, wankitɔ abi anɔgyi.

Mú sv mliha agyi iwísw. Mliha Kristo hogyi pú aní abadwe ibwe kanto-atinto tin aní kanto. Mv ɔkpakíá ɔbɔ́hɔ aní nkpa ibwe kutupa ání ibun aní nwun. ⁹Megyí alá Bulu obénya ɔblɔ wa aní, bití aní usv sv ɔ́lele aní. Mboun alá ɔbɔ́tsun aní Wie Yesu Kristosv hɔ aní nkpa sv. ¹⁰Kristo lowu ha aní, mení mv babí a, ní anílawu o, aníbv nkpa o, anía munyɔ abétsia. ¹¹Mlípú asv aní kíta klɔn wa aba iwíw, puwa aba ɔwunlín, fé alá mlíde mú bwe dodo.

Ukía

¹²Apío, abwii tpa ha mlí, mlíbu mlí ɔ́nɔ alupá bɔ́hɛ bɔ́de agyuma yɔ mlíw, bɔ́de mlí aní Wie tsiatɔ suna. ¹³Gyuma amsv bɔ́degyí amv sv mlíhɛ bu amó, amlíde amó. Iwilwii itsia mlía mlí aba nsɔne.

¹⁴Apío, aníde mlí ɔ́la da aníaa, mlíw kpla awólyɔpɔ. Mlíwa afupú atetɔ-ɔnlín. Mlíbva amóá bapɔn, amlínya klɔn ha ɔhagyíɔha. ¹⁵Mlíkíá ɔ́ha mɔ́pɔ lalahe ka mv ba ɔ́kɔ. Mboun mlíbwe yile ha aba pú aha féé.

¹⁶Aní igyi mlí, ¹⁷amlíw mpaí bregyibre. ¹⁸Mlída Bulu ípan togyítɔ. Múgyí tɔ́a Bulu dedunka tsu mlí wa mlí nkpatɔ, bre aní mlía Kristo Yesunyɔ mlílabwe ɔ́kɔle aní ní.

¹⁹Mlíamákina tɔ́a Ɔ́hɛ Wankíhe amv tekle bwe.^a ²⁰Mlíamábu Bulu ɔ́nɔsv atɔpɔ asv aní tɔ́kɔ odu. ²¹Mlíw togyítɔ kí, amlíkíta mɔ́a íbv aletɔ kinkíin-kín. ²²Mlíkina lalahe kugyíku.

²³Bulu teha aní iwílwii. Ɔ́tún mlí íwí ɔ́kpagyíɔkpasv. Ɔ́kí mlí nyankpɔsa-oyí, mlí ɔ́hɛ pú mlí ɔ́klasv tsu lalahe kugyíkwɔ, mení ɔ́lala méetsia mlí íwí aní Wie Yesu Kristo ɔ́bake amv. ²⁴Bulu letí mlí. Ɔ́nɔkwálípú ogyí, ɔ́bɔ́bwe mú.

²⁵Apío, mlíw mpaí ha aní é.

²⁶Aha ahogyípú amv féé itsia gyagyagya. Mlílata aba putá ɔ́dwesv.

²⁷Nde mlí bla aní Wie ídatɔ mbeé, mlíkía ɔ́wólú aní suna ahogyípú amv féé.

²⁸Aní Wie Yesu Kristo ogyí mlí bɔ́ale.

^a 5:19 Nte Mlíámádu Ɔ́hɛ Wankíhe ogya amv.

Ɖwulɔ Nyɔsiá Paulo Lɔwanlɔn Sisi

Tesalonikafɔ

1 ¹Mɩ Paulo pɔ Silwano mua Timoteo de ɔwulɔ anfi wanlɔn sisi ɔpasua ání ɩbu Tesalonika wulutɔ, mlɩgyi anɩ Sɩ Bulu mua anɩ Wie Yesu Kristo kle. ²Anɩ Sɩ Bulu mua anɩ Wie Yesu Kristo bugyi mli buale, abuha mli iwilwii.

Ɔpanda

³Apio, ilehian ání abéda Bulu ɩpan mli nwnusu bregyibre. Tsufe mlɩdedan hogyiɔ tsia. Ɖdweá mlɩbu ha aba e idemoni tsia. ⁴Mú sv anitɔpu mli tsu ɩwi Bulu ɔpasua kugyiku ansitɔ; mli nsiwa pɔ hogyiá ɩbu mlɩtɔ, budɩn mlɩsu, ɩsɔki de mli tv, mlɩlatomi sv.

⁵Ɔni dele suna ání Bulu asungyi da ɔkpa. Tsufe obótsu mlɩá mlɩlafun ha mu iwiegyi amuv mlɩde ipian wun mú sv amutɔ ya. ⁶Ɖɔkwaliɩpu Bulu gyi. Ɖbéka aha amuv bude mli ɩwɔsɩntɔ wa amu ako. ⁷Ɖbéha ɩwi bólwii ania mli ání mlɩde ɩwɔsun wun, eke amuv anɩ Wie Yesu ɔbékplɩ tsu ɔsusu bele ɩwi ɔwan mua mu abɔpu atumipu amu. ⁸Ogya plenplentɔ ɔbéba bebɩti aha amuv bomeyin Bulu^a amu ɩsu. Tsufe butamapu anɩ Wie Yesu ɩwi ***asɩn wan-klan** amu bwe tɔtɔ. ⁹Amú ɩsɔbiti gyi, amú anɩ Wie nsune bówa ɩɔ. Mu tumi mɔɔwankɩ wulɩ amúsv, obéyinta amú bre fféétɔ. ¹⁰ɩsɔbiti anfi ɩbéba eke amuv ɔbéba, Bulu ɔbówa mu numnyam aha wankɩhe ansitɔ amu. Ifu békɩta ahogyipu. Mli e mlétsia amóɔtɔ, tsufe mlɩlɔhɔ mu ɩwi adansɩe amuv anulegyi suna mli amuv gyi.

¹¹Mú sv anitɔbɔ mpaɩ ha mli aniaa, Bulu ɔha amlɩfun nkpa amuv ɔletɩ mli ɔbee, mlɩbetsia amutɔ. Mu tumi ɩha amlɩtalɩ bwe yileá mlɩdekleá mlɔbwe, puɩɔ mli hogyi agyuma ɔɩɔ. ¹²Nɩ mletalɩ bwe ɩnɩ a, mli sv aha bópu numnyam ha anɩ Wie Yesu. Mu e ɔbówa mli numnyam; fe alɩ amuv anɩ Sɩ Bulu mua anɩ Wie Yesu Kristo awitɔle gyi amu.

Yesu Mua Mblasɩ Mágypɩ Amu

2 ¹⁻²Mɩ apio, nobwii ɩpa ha mli. Anɩ Wie Yesu Kristo ɩba, pɔ alɩá abóbwe kule yefia mu asɩn ání mlɩlanu umáɔsɩ kpɩnkɩ mli klɩn, nte ɩha opuni itsii mli. Nɩ aku bee, Ɖɩe Wankɩhe lalɩ suna amú loo, nte ɩbu anɩ asɩn blihe nte anɩ ɔwulɩ ɩkɩtɔ ání anɩ Wie ɔbake amu laba dodo kuraa a, mlumáhogyi. ³Mlumáha ɔhaa ɔmlɩ mli ɔkpagyiɔkpasu. Eke kpɩnkɩntɩ anfi uméeba, nkɩti aha bakusu ɩu Bulusu, ɔha amuv ɔtamagyɩ Bulu mblasɩ, ɔbéhi amu lalɩ ɔwan

a 1:8 Bomeyin Bulu, tsufe bomebi mu.

asa. ⁴Obótsu iwɔ fwa, kusu lu Bulu, ikpi pú togyitɔ́a anyankpɔsa butosumsv, blítá ɔ́ɔvɔn amú féé. Obéyetsia Bulu ɔ́tswekpa unv kura, blí ɔ́bɛɛ mugyi Bulu.

⁵Mlumɔ́kɔkɔkaun ání ntebla mlí asun anfi breá mbv mlí wa? ⁶Mlyin tɔ́a ide mv ɔ́kpa tin dodo. Nketi mv ɔ́wanlebi lafun. ⁷Tsufe Bulu mblasumágyi tumi anfi ide agyuma yɔ́ ɔ́aintɔ́ dodo, tame ɔ́ku de mú ɔ́kpa tin. Mú sv nketi ɔ́ha amv ladali unv. ⁸Ínu mblasu mágyipv amv ɔ́bélun ɔ́wan ní. Tame aní Wie Yesu oyinki ba a, mv ɔ́ntɔ́ afu keke íbómɔ́ mv. Mv numnyam ɛ́ íbówankí wulu msvs yinta mv. ⁹Ní mblasu mágyipv anfi ɔ́lun ɔ́wan a, ɔ́bópu *Satan afunu tumi kpɔ́nkpɔ́ntí bwe osuna pú ofula. ¹⁰Obótsun owuntɔ́lun ɔ́kpa ɔ́tsan-ɔ́tsansv mle aha amsv Bulu ɔ́béhi amú amv. Bulu ɔ́béhi amú, tsufe bumekle ɔ́nkɔkwali amv asun, mení Bulu ɔ́bóhɔ́ amú nkpa. ¹¹Ínu sv Bulu ɔ́bópu afunu ɔ́jeá mú ɔ́ntɔ́ bv ɔ́nlun wa amú́tɔ́, mení bóhɔ́ afunu asvnsv gyi. ¹²Obéha aha anfi bumɔ́hɔ́ ɔ́nkɔkwali amsv gyi, butekle lakpan bwe anfi féé ipɔ́n.

Mlí Nkpahɔ́ Sv Bulu Lele Mlí

¹³Apioá aní Wie tɔ́dwe, ilehian ání abéda Bulu ipan mlí nwunsv bregyibre. Tsufe tsu breá ɔ́yi lelun ɔ́pá Bulu lele mlí ání ɔ́bótsun mv ɔ́je amv pú mv ɔ́nkɔkwali asun amsv mlílahogyi amsvs tun mlí iwɔ, pɔ́hɔ́ mlí nkpa. ¹⁴Ínu sv ɔ́lɔ́tsun *asun wanklaan amsv anilebla mlí amsvs tí mlí ɔ́bɛɛ, mlíbetsia aní Wie Yesu Kristo numnyam amvɔ́tɔ́ ní. ¹⁵Mú sv apio, mlílu kinkiinkin, amlíkita ɔ́nkɔkwali amsv anilosuna mlí amvɔ́tɔ́, móá anilebla mlí pú móá anúɔ́wanlun svsv mlí féé.

¹⁶⁻¹⁷Antí Wie Yesu Kristo onuto mva aní Sv Buluá ɔ́tɔ́dwe aní, alawa awitɔ́le wa aní atetɔ́-ɔ́nlun ání ímɔ́wɔ́mɔ́ ɔ́ntɔ́ ekekekeke. Anúde itɔ́ wanklaan ɔ́kpa kí. Mú sv ɔ́wa mlí ɔ́wunlun mlí asun blíhe pú mlí bwehe kugyikutɔ́.

Mpaibɔ́

3 ¹Utrahe-trahe a, apio, mlíbɔ́ mpaí ha aní, aní Wie asun amv íkɔ́sí kletí. Aha abvpu obú hɔ́ mú fe alí amsv mlí ɛ́ mlíbɔ́hɔ́ mú amv. ²Mlíbɔ́ mpaí, Bulu ɔ́le aní tsu awuntɔ́lunpú pú aha lalahe íbítɔ́. Tsufe megyi aha féé lɔ́hɔ́ aní Wie gyi.

³Tame aní Wie bv ɔ́nkɔkwali. ɔ́bówa mlí ɔ́wunlun, hɔ́ mlí le Lalahe ɔ́bwepu amv íbítɔ́. ⁴Aní Wie laha anílahogyiá mlíde ntobi amsv anilosuna mlí amv féé bwe, mlíméesi bwe ɛ́.

⁵ɔ́kpa mlí, amlunu ɔ́dweá Bulu bv así yɔ́ ɔ́tɔ́ɔ́tɔ́; ɔ́ha amlítomi fe Kristo.

Tsiatɔ́ Wanklaan

⁶Apio, anúde mlí ɔ́la da aní Wie Yesu Kristo ídatɔ́ aníaa, mlímápu Akristofɔ́ amsv buna budetsun, butamakle agyuma, bumede atosunahe amsv anilosuna mlí amsvs gyi wa mba. ⁷Mlí onuto mlyin ání ilehian ání mlétsia aní atsiabi. Tsufe anumɔ́wa ɔ́wvlyɔ́, natí tsvntsvn breá aníbv mlí wa. ⁸Anumegyí atɔ́ ɔ́haa wa, kina mú íkɔ́ ka. Mboun anúɔ́yɔ́ agyuma ɔ́pa móá onye kinkiinkin, mení anuméesi ipian tsví mlítɔ́ ɔ́kɔ́kɔ́kɔ́kɔ́. ⁹Megyí bɛɛ, anumá ɔ́kpa bla mlí aníaa, mlíkí anísv, sv anúɔ́bwe mú alí. Mboun anúɔ́bwe mú suna mlí, mení mlí ɛ́ mlíbwe mú odu. ¹⁰Breá aníbv mlí wa kura a, anúɔ́wa mbíla ha mlí aníaa, “ɔ́ha ání ɔ́mɔ́yɔ́ agyuma mágyí atɔ́.”

¹¹Anílanuá mlítɔ́ akú butsie kpaalí, bumede agyuma kúkúvɔ́kú yɔ́. Okengye buna budewa tsun. ¹²Anúde amú ɔ́la da aní Wie Yesu Kristo ídatɔ́ aníaa, bvsv natí tsun, abvɔ́yɔ́ agyuma nya amú atogyihe.

¹³Tame apio, mli mú a, yilebwe imáta mli ɔɣe. ¹⁴Ni ɔku megyi asun anfi anlawanlin sisi mli anfisv a, mlíkí mv wanklaan. Mliá mɔnyɔ mlumágyi mba, menú peli békita mv. ¹⁵Tame mlumálu mv, mboun mlitɔi kpla mv fe mli pio.

Ukɩa

¹⁶Iwilwii Owie amv onuto ɔha mli iwilwii bre fféɛɔ ɔkpagyiɔkpasv. Aní Wie otsia mli fféé wa.

¹⁷Mí Paulo onuto lapv mli ubi wanlin un. Mí ida anfi ntɔwanlin wa mli nwɔlv fféé así, posuna ání itsu mli onuto wa nɩ.

¹⁸Aní Wie Yesu Kristo ogyi mli fféé bɩale.

Ɔwulɔ Gyankpapuá Paulo Lɔwanlɔn Sɔsɔ

Timoteo

Itsiaha

1 ¹⁻²Mɔ Paulo ání anɔ Nkpa Ɖɔɔpɔ Bulu mɔa Kristo Yesuá anɔ anɔɔ dun mɔsu lɔbwe mi ***sumbi ɔyɔpɔ**, de ɔwulɔ anɔ wanlɔn sɔsɔ fu Timoteoá fɔgyi mi bi onuto Yesu hogyi amuto.

Anɔ Sɔ Bulu mɔa anɔ Wie Kristo Yesu bɔgyi fu buale, abuwun fu nwe ha fu iwilwii.

Afunu Atosunahe

³Breá ndenatɔ nɔyɔ Makedonia nsaintɔ a, nebla fu mbɛɛ, futɔsia Efeso ɔmáto, afuka aha amɔv bude afunu atɔ suna amɔv itin. ⁴Mó ɔma a, da amó ɔla abusi bre yinta ha ɔtewa pú anain ulɔntɔ kla tuntuntun. Nwengyi keke ɔtɔpɔba. ltamaha aha abɔtsia nkpa Bulu hogyiɔ. ⁵Tɔá sɔá anɔaa, fuka amó itin gyi, alía Okristoyin okugyiɔku ɔbɔdwe mu ba. Mu klɔn méeha mu ipɔn, obénya agywun wanklaan móa hogyi onuto. ⁶Aku bumobuo alɔ ɔkpa anɔ. Mó sɔ bafwɔ yɔ bude asɔn ání uma asɔ blɔ. ⁷Budekleá bɔbwe ***Mose mbla asunapɔ**, tame bumede ɔto amɔv buɔdesuna amɔv asɔ nu. lde amó bwe fe buyin mó, tame bumeyin mó.

⁸Anɔyin ání mbla amɔv bu ale, nɔ bɔpɔsuna atɔ ɔkpa wanklaansɔ. ⁹Tame iwankɔ anɔ ání megyi yile abwepɔ sɔ Bulu lɔwa mbla amɔv. Mboun aha ání butamagyi mósu, aha ání amó asɔto bu amó ɔnlɔn, aha ání butamanya mu ifu, lakpan abwepɔ, aha ání amó iwɔ metun, aha ání butɔkpɔ Bulu, aha ání butɔmɔ amó akwɔpɔ pú aha bamba, ¹⁰mbɔa atɔpɔ, ayin ání butekle amó aba ayin pú atɔá butekle amó aba atɔ, anyankpɔsa ibia agyipu, afunupu, aha ání beka nɔam butamagyi mósu pú tɔiatɔá umekana atosunahe wanklaan amɔv ¹¹Bulu Onumnyampɔ, ɔkanfu gyi mu kle amɔv lɔpɔha mi ɔbɛɛ, nda mó ɔkan amɔv.

Bulu Paulo Bualegyi

¹²Neda anɔ Wie Kristo Yesu ipan ání alawa mi ɔwɔnlɔn, bu mi ɔnɔkwaliɔpɔ ɔbɛɛ, nɔyɔ agyuma anɔ pɔsum mu. ¹³Teki muteblɔ mu iwɔ asɔn lalahe, ntedɔnka mu ahasɔ, sɔpa amó nu. Tame olowun mi nwe, tsufe mmɔhɔ mu gyi alɔ bre amuto, mmeyin tɔá ndebwe ɛ. ¹⁴Oo, hɔɛ kɔ alɔá ɔhɔɛ ɔbɔ awɔtɔɛ! Ɖleha mi nɔnya mu hogyi móa mi abadweá ɔbu anɔa Kristonyɔ ɔkɔlebwetɔ. ¹⁵Asɔn anɔ ɔbu móto, ilehian ání ɔhagyiɔha ɔbɔhɔ mósu gyi. Mógyi, Kristo Yesu leba

oyito bele lakpan abwepu. Mıgyi amúto olalaha ni. ¹⁶Tame inı su Bulu lowun mı nwe, ha Kristo Yesu lele mı anftı ngıyı lakpan obwepu kponkponkponftı anftı ni. Menı ohagyioha obébiá Bulu tehıe nya klvn ha oha ání obéba bõhõ mu gyı, nya nkpa ání utamata. ¹⁷Mlıha awa Bulu numnyam, akanfu mu anıaa, “Fugyi Owıeá fu iwıegyi tamamõ õõõ. Bulu Okokõõõ õkule, butamapv ansıbi wun fu. Fubv unv bre féé, futamawu! *Amen.”

¹⁸Mı bi Timoteo, atõ amuv Bulu lele suna tsu fu iwı amv su nde mbla anftı wa ha fu. Pv asvn anftı yõ agyuma, afupokõ atosunahıe wanklaan amv nwunsv. ¹⁹Kıta fu hogyiõõ. Bwe tãá fuyin fu kluntãá ıbu ale, tsufe akv babwe tãá buyin ání uma ale. Mú sv ulaha amú hogyi lawu. ²⁰Amúto akv gyı Himeneo mva Aleksandro. Napv amú wa Obvnsam ıbutõ. Obıtu amú ısv, menı bébiá imehian ání fébli Bulu iwı abususu.

Bulusum Mbla

2 ¹ıtoá ndedunka ání mlıgyankpa bwe gyı, mlıkokoli Bulu aha féé nwunsv, amlıbõ mpaı ha amú. Mlıkvlı Bulu atõ ha amú, amlıda mv ıpan ohagyioha nwunsv. ²Ilehian ání mlõbwe mú alı ha awıe pú ahandı ε, menı asutõ bõlwıı anı, abétsia iwılwııto, atalı sum Bulu okpagyiokpasu. ³ıni bv ale, anı Nkpa Ohõpv Bulu tekle ni. ⁴Tsufe odekleá obõhõ aha féé nkpa, menı bébi õõkwalı amv. ⁵Bulu okokõõõ õkule bv unv. Nsvne õlapv õkule pe ε bv Bulu mva anyankpusa nsune. Mvgyı Kristo Yesu, ogyı nyankpusa amv. ⁶Mvlesı mv nkpa ha pvhõ aha féé nkpa. Asvn anftı Bulu lõpvõha õyı féé mú bre wanklaantõ ni. ⁷Õõkwalı nde mlı bla, mmedı afunu wa. ıni sv Bulu lele mı obıe, mbwe mv asvn õkan õdapv, mv sumbi õyõpv pú osunapv ha aha ání bumegyı Yudafo, mı ambla amú õõkwalı asvn tsu Yesu hogyi iwı ni.

⁸Ndekleá õpasua kugyıkutõ a, ayın ání amú iwı letın butsv ıbı fva bõ mpaı. Obıõ nte nwengyi mátsia amúto. ⁹Atsv amv ε budıda tati okpa wanklaansv. Amú atõ dıdahıe máwõ ansıbi. Bumádvn imı bwe, wa sika atõ, dıda atatıá ıbu ıbia dõbı. ¹⁰Atsıá bıe butenya Bulu ifu bubwe yile. Mú obéha bõwa akule ni. ¹¹Ilehian ání bétsia ası diın, ba iwıası suan atõ. ¹²Mmõkvõha atsı okpa mbıe, busuna ayın atõ, nte bvgıyı ayınsv. Mboun butsvıa diın. ¹³Tsufe *Adam Bulu legyankpa bwe asa õlobwe *Hawa. ¹⁴Megyı Adam ε *Satan lemle, mboun Hawa õlemle, õkõkõsv ıı Bulu mblasv. ¹⁵Tame Bulu obõhõ õtsı nkpa tsun ukwusv.^a Nı õletalı kıta mv hogyi pú mv abadwetõ, õleha mv iwı letın, oletsia nkpa ε wanklaan.

Opasua Ohandı Bwe

3 ¹Asvn anftı bv múto. Nı oha obwe agywıun ání mõbwe õpasua ohandı a, alakle agyuma wanklaan. ²Imehian ání olala bétsia õpasua ohandı iwı. Obwe okpa õkule otsıapv, mv agywıuntõ da, otegyı iwısv, obú bv mvsv, õõhõ afõõ, otosuna atõ ε wanklaan. ³Omábwe nta obvõv nte oha ání obv ıyın. Obwe oha ání õleba iwıası, mv asvn lolwıı. Omábwe õtrepv, omábwe kõba õdwepv. ⁴Obwe oha ání õteki mv woyısv wanklaan, mv abı beba iwıası, butõbu mv okpagyiokpasu. ⁵Tsufe ni oha meyin mv woyısv kı wanklaan a, nkalı obétalı

a 2:15 Tsvn ukwusv, nte Tsvn mv abı kwıhesv. ıdesuna ání Tsvn obıá õtsı amv obõkwusv, nte tsun Yesu ukwusv.

ku Bulu ɔpasua amusu? ⁶Ɔmábwe ɔha ání ɔledamli klɔntɔ umɔkɔwa ɔpá. Ní megyi alɔ a, ubéha mu obótsu iwɔ, Bulu ɔbébiti mu usɔ fe Ɖbunsam. ⁷Ní fɛ́é ɔma a, ilehian ání aha ání buma ɔpasua amutɔ kɔraa bétí mu ɔdayile. Ní megyi alɔ a, ɔbékpa wie Ɖbunsam yibitɔ supa.

Ɖpasua Ɖhande Ɖbuapu

⁸Ɖpasua ɔhande ɔbuapu ɛ ɔbwe ɔha ání obú bu musu. Ɖma nnonyɔ, ɔtamabu nta, ɔma sika ɔnsupe. ⁹Ilehian ání ɔbékita hogyi asun amusu ulalɔ ɔwan amutɔ wanklaan, mu klɔn ɛ méetra ha mu ipɔn. ¹⁰Mligyankpa pu agyuma iku wa mu ɔbitɔ, pusɔ mu kɔ bɛɛ, ɔlala ma mu iwɔ, asa amluha mu ɔbwe ɔpasua ɔhande ɔbuapu. ¹¹Alɔ ken mu ka^b ɛ ɔbwe ɔtsɔ́á obú bu musu, ɔtamablɔ aha iwɔ asun lalahe, otegyi iwɔsu, ɔbu ɔnɔkwali togyitɔtɔ ní. ¹²Ɖpasua ɔhande ɔbuapu ɔbwe ɔka ɔkɔle ɔtsiapɔ, ɔtetali kɔ mu abi pú mu woyisu wanklaan. ¹³Aha butobu ɔpasua ɔhande ɔbuapɔ́á ɔtɔyɔ mu agyuma wanklaan. Iteha mu ɔtetali tɔi tsu mu hogyiá ɔbu Kristo Yesutɔ.

Asun Ɖjainhe Kpɔnkpɔnkpɔntɔ

¹⁴Nde ɔwɔlɔ anfi wanlɔn sɔsi fu, tame ndɔn anstá nɔ́kɔsi ba inu. ¹⁵Mumu ní nde ɔpá wa kura a, ɔwɔlɔ anfi ubéha fɛ́bɔ tsiatɔ oduá ilehian ání ɔha obétsia Bulu woyi, igyi Bulu Ɖkɔnkpapɔ ɔpasua amutɔ. Ɖpasua amu gyi ɔtan pú ntsɔwɔsi kpekplekpe ha ɔnɔkwali asun amu ní. ¹⁶Ɖnɔkwali, anɔ Bulusum iwɔ asun amusu ulalɔ ɔwan amu lomoni. Múgyi,

Kristo^c lele mu iwɔ suna fe nyankpɔsa.

Ɖɔɔe Wankihe lele mu suna ání yile ɔbwepu ogyi.

Bulu-abɔpu bowun mu,

aha beda mu asun ɔkan suna ɔmá fɛ́é.

Ɖyitɔ aha bɔhɔ mu gyi,

Bulu lotsu mu ya ɔsusu numnyamtɔ.

Afunu Atɔ Asunapu

4 ¹Ɖɔɔe Wankihe amu lahe le bli ɔbɛɛ, brɛ trahe amutɔ a, aku bési Kristo hogyi. Beyaa asu nu afunu ɔɔe asun pú ^{*}**ɔɔe lalahe** atosunahe. ²Api-nabwebi abwepu afunu atɔ asunapu anfi bugyi. Amú klɔn tamatra ha amú ipɔn. ^d ³Amúde aha hɛ bɛɛ, bukisi atogyihe ku, bumátsia aka múa aklu ɛ ní. Tame Bulu onuto ɔbwe atogyihe amu, ání ahogyipɔ́á babɔ ɔnɔkwali amu buda mu ipan, abugyi. ⁴Togyitɔ́á Bulu lele bu ale. Mú su ima aleá abékisi kuku. Ilehian ání abɔ́hɔ kugyiku, da mu ipan. ⁵Tsufe Bulu asun pú mpaɔ amusu anɔlabɔ wɔlɔ atogyihe amusu amu laha mú ɔlamli Bulu kle.

Kristo Osumpu Wanklaan

⁶Ní fɔpu asun anfi tswɔ apio amu anstɔ a, fɔbwe Kristo Yesu osumbi wanklaan ání bapu hogyi amutɔ asun, pú atosunahe wanklaan amu bula fu, fude mútɔ. ⁷Máyaa asu nu atsi dehen ɔte pú múá imotsu Bulu iwɔ. Mboun hɛ fu iwɔ, afusum Bulu wanklaan. ⁸Tsufe ní fude nyankpɔsa ɔyɔlɔ anfi hɛ a, labi

b 3:11 Mu ka nte ɔpasua ɔhande ɔbuapu tsihe **c 3:16** Bulu bu nwɔlɔ dada amu akutɔ.

d 4:2 Amú klɔn labwe fe tɔ́á bapu ɔdatɔ wa ogya, le tɔ mú.

kpalobi ku bu mútɔ. Tame ni fɔpu Bulusum hie fu wɔi a, ɔbu ale dun. Tsufe oyula bu mútɔ ha anɔ sei anfi anutsie nkpa, pɔ nkpa amuu ɔbéba amutɔ. ⁹Asun anfi bu mútɔ, ilehian ání abóhɔ mú. ¹⁰(Nkpa anfi su anɔde wɔi lala yɔ agyuma ɔwɔnlɔnsu), anɔ anɔi dun Bulu Ɔkɔankpapu, ogyi aha féé Ɖɛɛpu, titriu ahogyipu anɔtsu ni.

¹¹Suna amú atɔ anfi, afuha amú abugyi músu. ¹²Máha ɔhaa obu fu kebi. Mboun fu tɔtɔ, fu nkpatɔiatɔ, fu ahadwe, fu Bulu hogyi pɔ fu iwɔtɔn ɔbwe atosuanhe ha amú. ¹³Ni mlefia a, bɔ mbɔdɔ afutsia kla Bulu asun suna amú. Da asun amu ɔkan, afusuna amú atɔ alu yɔfɔn breá néba. ¹⁴Mákina Bulu atokiehe amuu ɔɔpɔvha fu tsun mu ɔnɔsu atɔɔpɔsu, breá ɔpasua ahande bɔpu ɔbu dɔnka fusu amu. ¹⁵Tsia bwe unɔ aná, afusi wɔi ha mú, menɔ aha bówun ání fɔde nkpa yɔ. ¹⁶Tsia ki fu tɔiatɔ pɔ atosunahe amu. Tomi bwe mú alɔ, menɔ fɔhɔ fua asun amu anupu nkpa.

Tɔá Abóbwe Ha Ahogyipu

5 ¹Mákplun wa oyin dehen. Mboun tɔi bla mu asun fe fu su. Kuta nyasubi amu fe alá fékɔta fu apio yinhe. ²Kuta atɔi dehen amu fe fu yin, afokɔta mbitebi amu e fe fu apio tsuhe. Máwa amú mba.

³Ɖpasua amu buki asurapvá buhie buma ɔbuapusu. ⁴Tame ni ɔsurapu ɔku bu abi nte aná a, ha amú abubi tɔá ilehian ání bégyankpa bwe ha amú akwupu nte amú aná Bulusum ɔkpasu, pɔka amú ako. Mógyi amúsu ki, tsufe mútegyi Bulu anɔi ni. ⁵Ɖsurapvá ɔhie ɔma ɔhaa tɔpu anɔi dɔnka Bulusu, tsia bɔ mpaɔ ɔpa onye, kɔlɔ Bulu tɔá ide mu hian. ⁶Ɖsurapvá mu kle gyi nkpagyi kotoo mú lawu asa ɔna ɔyitɔ. ⁷Bla ɔpasua amu asun anfi, menɔ ɔhaa méebli ɔsurapu ɔkɔku wɔi asun lalahe. ⁸Ni ɔku meki mu abusuanfɔsu, titriu mu woyitɔ ahasu a, mɔmɔ aladamli ɔma ha hogyi amu. Inɔ su mu lakpan dun ɔha ání ɔmɔhɔ Bulu gyi.

⁹Ɖsurapu oduá mu ida bétsia asurapu ada ɔwɔlɔtɔ gyi, ɔsurapvá alahɔ tsu nfi aduesie pɔya, ɔlɔwa ɔnɔkwali ha mu klu.^e ¹⁰Ɖbwe ɔha ání aha buyin ání ɔlɔbwe yile, fe abisuki, afɔhɔ, olosum Bulu aha,^f ɔtɔbua aha ání bɔde iwɔɔsun wun, ɔlɔbwe agyuma wanklaan kugyiku.

¹¹Máwanlun asurapvá bumɔkɔdan ada wa ɔwɔlɔ amutɔ, tsufe ni amú ɔwɔlɔ ɔha amú bɔbwe agywun ání belatsia aklu a, buméetra tali sum Kristo ɔnɔkwali. ¹²Inɔ ɔbéha bégyi pɔn, tsufe batɔn amú nta áni beka ha Bulu. ¹³Ɖma a, butebli ɔwɔlɔyɔ wa, yinta bre nati ki aha woyitɔ. Megyi ɔwɔlɔyɔ wile, butemli aha wɔi asun ablipu, nati wa ɔnɔ aha asuntɔ, bli asun ání imehian ání bébli. ¹⁴Inɔ su ndekléá asurapu amuu bumɔkɔdan amu buwuna tsia aklu kwu abi, abuki amú woyisu, menɔ bumééha anɔ alupu^g ɔkpa abubli anɔ wɔi asun lalahe kuku. ¹⁵Nde asun anfi bli, tsufe asurapu ako badamli yɔ bubuo Ɖbunsam dodo. ¹⁶Ni Okristoyintse ɔku bu asurapu mu abusuantɔ a, ɔki amúsu. Ɖmási amú tsɔi ɔpasua amusu, menɔ ɔpasua amu bénya ɔkpa ki amúá buma ɔhaasu.

¹⁷Ilehian ání ɔpasua amu béka ɔpasua ahandeá bɔde amú kpa ako wan-
klaan, wa amú numnyam. Titriu amúá butɔbɔ mbɔdɔ Bulu asun amu ɔkanda

e 5:9 Ɖsurapvá ɔmɔkɔkina oklu ki. f 5:10 olosum Bulu aha nte ɔtɔfwi ahogyipu ayabiasi.

g 5:14 Nte olupu

pó mú suna iwí. ¹⁸Tsufe Bulu asun wanlinhe amu ɔleblɔ ɔbee, “Butamawa ɔnantswieá ɔde ayo da ɔno ikan.”^h Uetra bli ɔbee, “Agyuma ɔyɔpu buteka ɔko.” ¹⁹Ni ɔku ɔda ɔpasua ɔhande asun suna fu a, máho mú, nketi fanu mú tsu aha abanyɔ-abasa ɔno asa. ²⁰Wa iyin wa ɔhande amuu ɔde lalaha bwe amu ɔpasua amu ansitɔ, menɔ atrahe bénya ifu.

²¹Nlu Bulu mua Kristo Yesu pó Bulu-abɔpuá alale ansitɔ, nde fu hie mbée, fugyi asun anfisv wanklaan. Máki ɔhaa ansitɔ nte futi fitatɔ ki. ²²Mákɔsi tsia yai ɔha ɔpasua ɔhande. Máwa ibi ɔha bamba lalahaebwetɔ. Ha fu iwí utn bregyibre.

²³Fu ɔmetɔ ɔlɔ amu sv mátsia nun ntsu wɔle, tsia nun nta kpalobi-kpalobi.

²⁴Aku lakpan meɔain. Mú sv butɔkɔsi wun mú buti amú ɔsu. Aku kle ɛ leɔain, ɔma asa itelun ɔwan. ²⁵Alɔ ken yilebwe tamaɔain ni. Ni umáɔsi lun ɔwan kuraa a, itebelun ɔwan ɔma.

6 ¹Ilehian ání nkpábiá bubu ɔpasua amutɔ béhie bu amú awie, menɔ ɔhaa mɔɔkpɔi Bulu mua anɔ atosunahe amu. ²Ilehian ání amúá amú awie bubu ɔpasua amutɔ bóbu amú awie amu dun. Sei kuraa ilehian ání bóbu amú dun ni. Tsufe ahogyipu bugyi, butɔdwe amú ɛ.

Afunu Atosunahe Pó Atonyahe Onuto

Ini aná gyi tɔá fusuna amú, afɔwa amú atetɔ-ɔnlun abubwe ni. ³Ni ɔku losuna atɔ lalaha kv, múa anɔ Wie Yesu Kristo asun blihe pó Bulusum atosunahe amu umena a, ⁴idesuna ání ɔha amu de iwí tsu. Omeyin tɔtɔ, nwenkpanyi labula mutɔ. Múá itedali tsu mútɔ gyi ɔnsipe, utre, isia pó agywun lalaha. ⁵Asun ání imedehian iwí nwen aha anfi odu butenati gyi. Amú agywun lawu, butamabli ɔnokwalɔ. Amú odu butosusúá Bulusum igyi ɔkpa kvá fɔtsun músu nya iwí.

⁶Labi kɔɔnkɔnti bu Bulusumtɔ ni tɔá anɔbu yai legyi anɔ anɔ. ⁷Tsufe anumɔpu tɔtɔ ba ɔyitɔ, anuméetali pu tɔtɔtɔ ɛ nati. ⁸Mú sv ni anɔbu atogyihe pó atɔ didahe a, mliha mú kpan igyi anɔ anɔ. ⁹Aha ání butekleá bunya atɔ a, ibwebwebwe butekpa wie ɔɔki pó ayibitɔ. Amú mimlala tekpa amú yowie iwɔɔsin múa lalahetɔ, hi amú. ¹⁰Tsufe kɔbadwe tɔpu lalaha kugyiku ba. Mú ɔma aku bagya alu, bafwi dali hogyi amutɔ, ulaha amú bude awireho tsɔtsɔ-tɔtɔ gyi ni.

Paulo Asun Trahe

¹¹Timoteo, fu mú a, Bulu ɔha fugyi. Mú sv ha ini aná iwa tɔ fu wa. Hie fu iwí, afubwe tɔá ida ɔkpa. Bɔ mbɔdi afuha yilebwe, Bulusum, hogyi, ɔdwe, klɔnya pó iwiasiba itsia futɔ. ¹²Kɔ hogyi ɔko wanklaan amu. Fu ibi béda nkpa amuu itamata, Bulu obékie anɔ mú ɔma amu. Nkpa anfi sv Bulu leti fu ni. Mú sv fobwii ɔno aha tsɔtsɔtɔtɔ anstɔ, gyi fu hogyi iwí adansie ni. ¹³Nlu Bulu, ogyi togyitɔ nkpa ɔhapu mua Kristo Yesuá olegyi iwí adansie wanklaan Pontio Pilato ansitɔ. Nde fu hie ¹⁴mbée, fukita mbla anfi féétɔ wanklaan. Mási mútɔ kpefun ekeá anɔ Wie Yesu Kristo ɔbéle iwí ɔwan. ¹⁵Bulu ɔkɔkonu ɔkɔle amu ilehian ání abékanfu. Mu nkɔle pe gyi Otumipu, awie féétɔ Owie. Mu ɔbéle Kristo suna bre wanklaan amuu mu onuto ɔlehie yai amutɔ. ¹⁶Mu

h 5:18 Deut. 25:4. Mú ast gyi, “Butamale ɔkwen, pu ibi tsitsi ɔsulɔtɔ.”

nkole pe tamawu, otsie ɔwankikpa ání ɔhaa tamatali kpɔkpe manta mu. ɔhaa mɔkɔwun mu kí, ɔhaa mɔ́owun mu ɛ ekekekeke. Mu kle gyi obu mɔ́a tumi bre fɛ́é! ***Amen!**

¹⁷Bla ɔyi anftɔ ɪwɪ anyapɔ fɛɛ, bumátsu ɪwɪ. Bumápv ansɪ dɪnka kɔba anftɪ iméetsia yɔ anftsv. Mboun bɔpv ansɪ dɪnka Bulusv. Mutɛha anɪ togyitɔ́a abɔ́pɔnya ansigyɪ ɔyi anftɔ. ¹⁸Bla amó fɛɛ, bɔpv amó kɔba bwe yile, amó yilebwe imoni. Busankɪ ɪbɪtɔ abukie atɔ. ¹⁹Nɪ bude ɪnɪ bwe a, bude atonyahe yaɪ ha bre amsv ɪba amv. Amó ɪbɪ béda nkpa onuto amv.

²⁰Timoteo, kɪta ɪtɔ amsv Bulu laha fv amv wanklaan. Asv́n ání uma asɪ, imosuna Bulusum mádalɪ fv ɔkɔ. Máwa ɪwɪ mimla nwengyíá ɪtamasuna Bulusumtɔ. Aku bɪtɔwa afunu bɛɛ, asv́nbɪ igyi. ²¹Tsufe aku batsv́n músv si Kristo hogyi.

Bulu ogyi mlɪ buale.

Ɔwulɔ Nyɔsiá Paulo Lɔwanlɔn Sɔsɔ

Timoteo

1 ¹ Mɔ Paulo mɔ a, Bulu aɓe sɔ ngɔi Kristo Yesu sumbi ɔyɔɔɔ. Ɖɔɔwa mɔ ɔɓee, nyɛda nkpa amɔɔ ɔlehɛ tson Kristo Yesusu amɔ ɔkan.

² Mɔde ɔwulɔ anfi wanlɔn sɔsɔ fɔ, mɔ bi ɔdwɛɔ Timoteo. Anɔ Sɔ Bulu mɔa anɔ Wie Kristo Yesu bɔwun fɔ nwe, aɓɔgyi fɔ buale ha fɔ iwɔlwiɔ.

Ɔpanda Pɔ Atɛtɔ-ɔnlɔn Wa

³ Neda Bulu ɔpan. Mɔ ndeɔɔ uklɔn ání imede mɔ ɔɔn ha sum, fe mɔ anain. Timoteo, nɔ nde mɔpaɔ bɔ ɔpa mɔa onye a, ntekaɔn fɔsɔ bregyibre. ⁴ Nɔ nekaɔn ntsúá felun breá ndenatɔ si fɔsɔ a, ntekleá nɔwun fɔ, menɔ ansɔgyi bɔɔbɔla mɔtɔ. ⁵ Ntekaɔn hogyiá fɔbɔ ɔnɔkwaliɔsɔ. Hogyi anfi odu legyankpa tsia fɔ na Loitɔ nɔ. Uletra tsia fɔ yin Eunike ɛtɔ. Nahogyiá mɔ odu bɔ fɔtɔ nɔ. ⁶ Lɔn sɔ nde fɔ kaɔn ání fɔha Bulu atokiehe amɔɔ ɔleha fɔ bre amɔɔ nɔɔɔ ɔbi dinka fɔsɔ amɔ ɔnɔ iwa ogya tsia mɔtɔ. ⁷ Tsufe Bulu meha anɔ ɔɔeá abɔɔɔnyɔa ifu, mboun mɔá iteha anɔ tumi, ɔdwe pɔ iwɔsɔgyi.

⁸ Mɔ sɔ máha anɔ Wie asɔn amɔ bli iwa fɔ peli. Máha mɔ obudɔ ɛ iwa fɔ peli. Mboun wa klɔn Bulu tumitɔ, afutsula wun iwɔɔsɔn ání ilehian ***asɔn wan-klan** amɔ sɔ. ⁹ Bulu lɔhɔ anɔ nkpa. Ɖleti anɔ ɔɓee, abémli mɔ aha wankthe. Megyi tɔtɔ anɔlɔbwe sɔ. Mboun igyi tɔá mɔ onuto ɔlɔbwe agyɔwun ání ɔbɔbwe asa ɔyi lebelin. Ɖɓee, ɔbɔwa awɔtɔle ha anɔ, dwe anɔ tson anɔa Kristo Yesunɔ ɔkulɛbwe sɔ. ¹⁰ Tame sei a, Bulu lalɛ mɔ awɔtɔle amɔ ɔwan tson anɔ Ɖhɔɔɔ Kristo Yesu ɔbasɔ. Mɔleyinta lowu tumi, ɔlele nkpa ání itamata ɔwan suna anɔ tson asɔn wanklaan amɔ sɔ.

¹¹ Bulu layaɔ mɔ mɔ asɔn wanklaan amɔ ɔkan ɔdapɔ, mɔ sumbi ɔyɔɔɔ pɔ mɔ osunapɔ. ¹² Mɔ sɔ nde iwɔɔsɔn anfi odu wun nɔ. Tame mmede peli nya, tsufe nyin ɔha ání nahogyi. Nyin ání ɔbétalɔ gyo ɔtɔ amɔɔ ɔlɔpɔwa mɔ ɔbitɔ amɔ iwɔ alu yɔfɔn mɔ ɔbake. ¹³ Kɔta ɔnɔkwali asɔn amɔɔ nosuna fɔ amɔtɔ. Yɔ mɔsɔ afɔhɔ Kristo gyi tsia. Dwe fɔ aba, tsufe fɔa Kristo Yesunɔ mɔlɔlabwe kule. ¹⁴ Ɖɔe Wankthe amɔɔ ɔbɔ anɔtɔ amɔ ɔtsa fɔ, afɔtalɔ gyo ɔtɔ wanklaan amɔɔ ɔleha fɔ amɔ iwɔ.

¹⁵ Fuyin ání aha amɔɔ bubu Asia, Figelo mɔa Hermogene bubu amɔtɔ amɔ féé banatɔ si mɔ. ¹⁶ Anɔ Wie owun Onesiforo woyitɔ aha nwe, tsufe muletsia wa mɔ ansɔgyi. Omenya mɔ obudɔ peli. ¹⁷ Breá ɔleha Roma wulutɔ a, olodunka mɔ kpɛfɔn breá olowun mɔ. ¹⁸ Anɔ Wie owun mɔ nwe mɔ ɔbake amɔ! Fuyin alá ɔlɔbɔa mɔ ɔkpa tsɔtsɔɔtsɔɔ Efeso wulutɔ.

Lsa Ɔkɔpu Wanklaan

2 ¹Ɔni su mi bi, ha Bulu awitɔle amuu ɔkɔpɔtsun Kristo Yesusu amu iwa fu ɔwunlun. ²Pu asun amuu nebli, fonu aha tsɔtsɔtsɔ anstɔ amu wa aha ání bubu ɔkɔkwali ibitɔ, mení amú ε bétali suna aha bamba.

³Tomi afuwun iwɔtsun amuu anidewun amu, fe Kristo Yesu isa ɔkɔpu wanklaan. ⁴Lsa ɔkɔpu ɔkuku tamatra kí ɔma, tsufe odekleá obégyi mu ɔhande ansi. ⁵Alí ken ɔsrí otsiipu ɔkuku tamanya usugyi atokiehe, nketi alagyi ɔsrí amu mblasu ni. ⁶Ɔdɔtɔpá ɔbu nsi tegyankpa da atɔ pɔpwe ɔɔ. ⁷Gywun asun anfi nabla fu anfi iwi. Aní Wie ε obéha fónu mú féé asi.

⁸Kain Yesu Kristo, Owie ***Dawid** mu na amusu. Mu Bulu lɔkusva tsu afulitɔ. Múgyi asun wanklaan amuu ndeblí amu ni. ⁹Asun anfi su nde iwɔtsun wun, bawa mi ikan fe lalahe ɔbwepu ni. Tame bumɔkɔwa Bulu asun amu mú ikan. ¹⁰Aha amuu Bulu lale amu su natomi ɔkpagyiɔkpasu nde iwɔtsun wun, mení Bulu ɔbɔtsun Kristo Yesusu hɔ amú nkpa, amú ibi bédá numnyam amuu itamata amu. ¹¹Asun anfi bu mútɔ.

“Ní ania munyɔ awu a,
ania munyɔ obétsia nkpa.

¹² Ní atomi wun iwɔtsun a,
ania munyɔ abégyi iwie.

Ní akina mu a,
mu ε obékina ani.

¹³ Ní anumá ɔkɔkwali a,
mu mú a, ɔkɔkwali pu ogyi.

Tsufe ɔtamatu atsuno tswi, lapu mu ɔdandu tsu mú ekekekeke.”

Agyuma Ɔyɔpá Olegyi Bulu Ansi

¹⁴Tsia kain amú asun anfi. Tɔi kpla amú Bulu anstɔ féε, bumátsia tre asunsu. Labi kuku uma mútɔ, tsufe mú odu abwepu butehi. ¹⁵Bɔ mbɔdi afɔhɔ ida Bulu anstɔ, fe agyuma ɔyɔpá mu agyuma ma mu peli, otosuna ɔkɔkwali asun amu wanklaan. ¹⁶Asun ání uma asi, imosuna Bulusum imádalí fu ɔɔ, tsufe iteha ɔha mba Bulunyo nsine tɔwa ífɔ. ¹⁷Alí amuu ɔkɔ teklei amu a, alí asun anfi ablípu asun ε teklei ni. Amú aku gyi Himeneo mu Fileto. ¹⁸Bafwi dalí ɔkɔkwali ɔkpa amusu yo budeblí bée, kusu tsu afulitɔ laba bɔtsun, bude aku hogyi yinta. ¹⁹Tame ntswiasi amuu Bulu lɔwa ha hogyi amu ulu kinkiinkin. Asun ání bɔwanlun dínka ntswiasi amusu gyi, “Aní Wie yin aha ání bɔgyi mu kle.” Nyɔsi ε gyi, “Ɔhagyiɔha ání ɔteti mu iwi ɔbée Okristoyin a, osi lalahe bwe.”

²⁰Megyí sika pepe móa sika fututu atɔ pɔ tetsia woyi yiletɔ. Oyi móa ísi atɔ ε tetsia unu. Butobu íku dun ku. ²¹Ní ɔku ɔle mu iwi le lalahebweɔ a, Bulu tele mu yat. Alabwe ɔha ání alasi iwi ha, ɔbu labi. Mu Wie Bulu ɔbɔpu mu gyi gyuma wanklaan kugyiku. ²²Ɔni su le fu iwi tsu nyasubi móa mbitebi mbagyitɔ. Fówun fua aha amuu butɔpu íklɔn wankihe kpoli Bulu amu ansi bédínka yilebwe, hogyi, ɔdwe pú iwilwiisu. ²³Le fu iwi tsu nwengyiá uma labi, itɔ wanklaan kuku méedalí tsu mútɔ, tsufe fuyin ání itre pɔ iteti. ²⁴Uma aleá aní Wie osumpu ɔbɔbwe ɔtrepu. Mboun ilehian ání ɔbɔwa awitɔle ha ɔhagyi-ɔha, ɔbɔbwe osunapu wanklaan, otenya klun ha aha ání amú asun bu ɔnlun.

²⁵Ilehian ání obénya klun tɔ́ kpla aha ání butɔ́kusv lu Bulu asvn amvsv. Fial Bulu obówun amú nwe, ha amú bédamli kluntɔ́, bɪ ɔ́nkwalɪ amv, ²⁶ɪha amú anstɪ ɪba astɪ. Fialɪ ɪbéha amú bédalɪ tsu Ɖbunsam amvsv ɔ́bee bugyi mv asvsv, abubwe mv ape amv ayibitɔ́.

Nke Trahe Amvɔ́ Asvn

3 ¹Tame mɪ bi Timoteo, bíá ɔ́yɪtɔ́ ɪbɔ́wa ɔ́nlun nke trahe amvɔ́. ²Tsufe aha bɔ́bwe awunsvp, bɔ́bwe kɔ́ba adwepv. Bɔ́hɔ́ amú ɪwɪsv gyi, bótsu ɪwɪ, bésia aha, bumóonu amú akwɪpɪv asvn, buméeyi aha aye, amú ɪwɪ méetɪn, ³bumɔ́ɔ́dwe aha, buméesi asvn kie, bɔ́bwe aha ɪwɪ asvn ablɪpɪv, buméetalɪ gyi ɪwɪsv, bɔ́bwe awuntɔ́lɪnpv, bumɔ́ɔ́dwe ɪtɔ́ wanklaan kuku. ⁴Béle aha ha, bumóosusu asvn ɪwɪ, békɪ amú ɪwɪá budvɔ́n ɔ́hagyɪɔ́ha, bɔ́dwe ɔ́yɪtɔ́ ansigyɪ sí Bulu. ⁵Bɔ́bwe ɪwɪ fé Bulu budesum, tame békina mv tumi. Le ɪwɪ le aha anfi odutɔ́. ⁶Amú odu butebitiwíe aha woyitɔ́, damli atsiá amú anstɔ́ ma ɔ́nlun agywun. Atsɪ amv odu a, lakpan lamli amú atɔ́ sɪrahe, ɔ́wɔ́lɪ lalahe labɔ́la amvɔ́. ⁷Butekleá bónu ɔ́hagyɪɔ́ha atosunahe, tame buméetalɪ bɪ ɔ́nkwalɪ amv ekekeeke. ⁸Alɪ amvsv Yane mvá Yambre bɔ́kusv lu anɪ nain Mosesv amv a, alɪ aha anfi e bakusv lu ɔ́nkwalɪ asvn amvsv nɪ. Amú agywun lawu. Hogyitɔ́ e a, buma ɔ́lukpa. ⁹Tame bumɔ́ɔ́yɔ́ nkpa dvn alɪ, tsufe amú mimla bélɪn ɔ́wan, ɔ́hagyɪɔ́ha obówun. Alɪ ɪleba Yane mvá Yambresv nɪ.

Paulo Asvn Trahe

¹⁰Timoteo, fɪ mú fuyin mɪ atosunahe féé, mɪ tsiatɔ́, tɔ́á ɔ́kpa ngya, mɪ hogyi, mɪ ɪklvnya, mɪ aha ɪwɪ ɔ́dwe pú alɪá notomi wun ipian, ¹¹alɪá aha bedunka msv pú mɪ asvn wunhe. Múá ɪleba msv Antiokia, Ikonion pú Listra ɔ́máɔ́. Notomi, anɪ Wie lele mɪ tsu mú féétɔ́. ¹²Lele mú a, ɔ́hagyɪɔ́ha ání odekleá obóbuo anɪ Wie Kristo Yesu, ɔ́bwe Bulu ape a, aha butedunka msv. ¹³Tame aha lalahe pú aha asisipv mú a, bóyɔ́ amú lalahebwesv dvn alɪ. Bénatɪ mle aha, aha e bémle amú. ¹⁴Tame fɪ mú a, kɪta fɪ ɔ́nkwalɪ amvsv fakastɪ, fɪ onuto fahɔ́ mvs gyi amvɔ́ kinkiinkin, tsufe fuyin aha amvsv bosuna fɪ atɔ́ amv wanklaan. ¹⁵Tsu fɪ nyebitɔ́ ɔ́pá febɪ Bulu asvn wanlunhe amv. Mú ɔ́bétalɪ ha fɪ nyansa fɔ́pvhɔ́ Kristo Yesu gyi nɪ. Mú sv Bulu ɔ́bɔ́hɔ́ fɪ nkpa e nɪ. ¹⁶Bulu asvn wanlunhe amv féé ɪtsu Bulu onuto wa. ɪbv aleá bópusuna ɔ́ha, pvkina asvn ha ɔ́ha, pvtswii ɔ́ha, pvbɔ́la ɔ́ha, ɪbéha yilebwe bémanta mv, ¹⁷menɪ ɪbéla Bulu ɔ́ha bwe wanklaan, ɔ́bɔ́fvn ha gyumagiye wanklaan kugyikv.

4 ¹Nlu Bulu mvá Kristo Yesuá ɔ́béba begyi aktankpapv pú awupv asvn. Ɖbéba begyi ɪwie anstɔ́, ndé fɪ ɔ́la da mbee, ²fuda Bulu asvn amv ɔ́kan. Nɪ fvbv ɔ́kpa o, fuma ɔ́kpa o, mási mú blɪ. Nya klun afutswii amú. Kina asvn ha amú. Wa amú atetɔ́-ɔ́nlɪn, afvsuna amú atosunahe wanklaan amv. ³Tsufe bre kv ɪba, aha buméetra yaa asv nu atosunahe wanklaan amv. Bɔ́bwe tɔ́á ɪletsia amú, natɪ dunka atɔ́ asunapv oduá bósvna amú tɔ́á budekleá bónu. ⁴Békina ɔ́nkwalɪ asvn amv yobuo ɔ́te. ⁵Tame fɪ mú a, ha fɪ anstɪ ɪba astɪ ɔ́kpagyɪɔ́kpasv. Tomi afvwun ɪwɪɔ́svn. Blɪ asvn wanklaan amv wanklaan, afubwe agyuma amvsv Bulu leha fɪ amv mɔ́ ɔ́nɔ́.

⁶Mɪ mú a, bre lafvn ání bópv mɪ obugya wvɪlɪ astɪ fé nta ha Bulu fé afɔ́dte-abɔ́tɔ́. Mɪ lowu lafvn. ⁷Nakɔ́ ɪkɔ́ wanklaan amv ta. Natsii ɔ́svɪ amv e ta. Nakɪta hogyi amvɔ́ kinkiinkin. ⁸Sei a, tɔ́á ɪda gyo mɪ gyi ɪsvgyi atokiehéá Bulu

tɔpɔha aha ání babwɛ yile. Aní Wie Yesu, ogyi asɔn ogyipɔ Ɖnɔkwaliɔ amɔ ɔbɔpɔha mí eke yile amɔv obéyinki ba amɔ. Tame megyi mí nkɔle ɔbɔbwe uní ha. Ɖbéha aha amɔv bɔde mɔ yinki ba ɔkpa kí amɔ e fée.

Paulo Onuto lwi Asɔn

⁹Bɔ mbɔdɔ afɔkɔsɔ ba mí wa, ¹⁰tsufe ɔyɔtɔ atɔ de Dema ansigyí wa. Mú sɔ alayinki mí ɔma, natɔ ɔyɔ Tesalonika wulutɔ. Kreske ɔyɔ Galatia, Tito e ɔyɔ Dalmatia. ¹¹Luka nkɔle bu mí wa nfi. Mú sɔ ní fɛba a, kpa Marko buo lwi, tsufe ɔtetsa mí agyɔma yɔ. ¹²Nawa Tihiko sɔsɔ Efeso. ¹³Tsu mí liga pú mí nwɔlɔ amɔv nesi tswí Karpɔ wa Troa wulutɔ amɔ ba mí. Mátan nwɔlɔ amɔv idɔn nwɔlɔ-kpakpasɔ amɔ esɔ.

¹⁴Kɔbrɔ atɔ ɔbwepɔ Aleksandro lɔpɔ lalahe kɔ gyi mí. Ulehan mí wanklaan. Aní Wie ɔbéka mɔ ɔkɔ. ¹⁵Kí fɔ lwi wanklaan mɔvɔ, tsufe ɔlɔkɔsɔ lu aní asɔn blɔhe féeɔsɔ.

¹⁶Bréá ahande beha bɛɛ, nle mí ɔnɔ a, ɔhaa melu mí ɔma. Amú fée besɔ si mí. Bulu osikie amú. ¹⁷Tame aní Wie lelu mí ɔma, ɔlɔwa mí ɔwɔnlɔn. Mú sɔ netalɔ bla amú asɔn ání nde fée, menɔ aha ání bɔmegyi Yudafo fée bónu. Alɔ Bulu lɔpɔle mí tsu lowutɔ ní. ¹⁸Aní Wie ɔbéle mí tsu lalahe kugyikɔtɔ. Ɖbékpa mí pɔtɔɔ alu yowie mɔ ɔsɔsɔ iwiegyi amɔtɔ. Numnyam tɔwe mɔ kle brɛ féeɔtɔ. *Amen.

Ukla

¹⁹Neha Priska mua mɔ klu Akwila pú Onesiforo woyitɔ aha fée itsia. ²⁰Erasto lesin Korinto wulutɔ, Trofimo e delɔ. Mú sɔ nesi mɔ yai Mileto wulutɔ. ²¹Bɔ mbɔdɔ afɔba asa atsalɔbí ifɔn. Eyubulo mua Pude, Lino mua Klaudia pú apio amɔ fée beha fɔ itsia.

²²Aní Wie ɔkpa mlɔ, ogyi mlɔ buale.

Dwulvá Paulo Lówanlun Sisi

Tito

Itsiaha

1 ¹Mi Bulu osumbi Paulo, ngyi Yesu Kristo sumbi ɔyɔpu de ɔwulv anfi wanlun.

Bulu lele mi ɔbee, mbeha aha amuv alale amv abutra nya hogyi tsia. Mi ansuna amú abubi ɔnɔkwaltá íbéha amú bétsia tsiatá ílegyi mv ansv. ²Fówun íha amú abudinka ansv nkpa ání ítamatasv. Bulu tamawa afunu! Múlehie mú yat asa ɔyi lebelun. ³Ani Nkpa Ɖhɔpu Bulu lele mv asun anfi ɔwan mv onuto bretɔ, ɔlɔpuwa mi íbutɔ ɔbee, nda mú ɔkan.

⁴Nde ɔwulv anfi wanlun sisi fv Tito, ání fvgyi mi bi onuto Kristo hogyi amvɔ.

Ani Si Bulu mua aní Ɖhɔpu Kristo Yesu bugyi fv buale, abuha fv iwílwii!

Tito Gyumagihe Kreta

⁵Tá svá nesi fv yat Kreta ɔmátɔ gyi alíá fómɔ aní agyuma ɔnɔ unv, yat ɔpasua ahande wulugyiwulusv fe alíá nebula fv. ⁶Imehian ání ɔlala bétsia ɔpasua ɔhande íwí. Ɖbwe ɔka ɔkule otsiapv, mv abi bugyi ahogyipv. Bubu atɔ; bumábwe nyebi lalaha. ⁷Íníá Bulu agyumasv ɔpasua ɔhande amv deki sv a, ɔlala mátsia mv íwí. Ɖmábwe ɔha ání ɔtamahɔ aha asun, nte ɔtɔkɔsv nya ɔblɔ, nte ɔtɔbv nta, nte otekle íkɔ nte ɔbv sika ɔnsipe. ⁸Mboun ɔbwe ɔha ání ɔtɔhɔ afɔ, ɔtɔbwe yile, ɔbv nyansa, mv asun da ɔkpa, mv íwí letun, otegyi íwísv. ⁹Ɖbwe ɔha ání asun amuv bosuna mv amv íbv mɔtɔ. Ílehian ání ɔbékuta mótɔ kinkiinkin, mení ɔbétalí ha aha bóbuo atosunahe wanklaan amv, talí gyi aha ání bégyi atosunahe amv nwen esv.

¹⁰Tá svá nde íní blí gyi, aha tsɔtsɔtsɔ bakusv lu atosunahe wanklaan amuv, bude asun ání íma labi pumle aha. Titriú ketetun mblasv agyipv amv de íní bwe ní. ¹¹Ílehian ání mléka amú ítin, tsufe bude atá ímehian ání bosunatɔ. Íní laha abusuan tsɔtsɔtsɔ bafwí ɔkpa. Bude mú bwe é pɔdunka sika ɔkpa lalahesv tsu aha wa. ¹²Kretafɔ amv onuto yebi ɔhapv ɔkɔ kúraa leblí ɔbee, “Afunupu, mbwíkuta-atɔ, apotsuapv pú awulvɔpu Kretafɔ bugyi.” ¹³Ɖnɔkwali asun anfi gyi. Mú sv kina ha amú kinkiinkin, mení amú Kristo hogyi ɔnɔ bówa ɔnlun. ¹⁴Abusi Yudafɔ ɔte nu, sí aha amuv bakina ɔnɔkwali amv atosunahe esv gyi. ¹⁵Ɖha ání mv íwí letun Bulu ansv a, togyitɔ íwí letun ha mv. Tame tɔtɔ íwí metun ha lalaha ɔbwepvá ɔtamahɔ Yesu gyi. Lele mú a, mv agywun layinta, mv klɔn é ulasi mv upɔn ha sv ɔtamabí yile nte lalaha.

¹⁶Butɔpu ɔnɔ bli bɛɛ buyin Bulu, tame amɔ bwehe losuna ání bumeyin mu. Bubu Bulu nyanya, butamabu mu, butamatali bwe itɔ wanklaan kukubuku ɛ.

Atosunahe Wanklaan

2 ¹Tame fu mú a, suna amú tɔ́á ilekana atosunahe wanklaan amu. ²Suna ayin dehen amu abugyi iwɔsu, abubwe aha ání obú bu amúsu, butegyí iwɔsu. Buhie kuta amú hogyitɔ kinkiinkin. Búdwe aha wanklaan, abuhie tomi. ³Suna atsi dehen ɛ abutsia tsiatɔ́á ilekana Bulu osumpu. Bumábwe aha iwi asun abliɔpu, nte ntakpan anunpu. Mboun busuna tɔ́á ibu ale. ⁴Amú atosunahe uha mbitebi amu abúdwe amú aklu pú amú abi. ⁵Bugyi iwɔsu, abuha amú iwi utin. Bubwe atsiá buteki amú woyisu wanklaan, butɔ́bwe yile, butobu amú aklu, mení ɔ́haa mɔ́ɔkpɔ́i Bulu asun amu.

⁶Tɔ́i kpla nyasubi ɛ abugyi iwɔsu togyitɔ́á bɔ́bwetɔ. ⁷Fu onuto ɛ bɔ mbɔdi afule tsiatɔ wanklaan suna, fu bwehe kugyikutɔ. Ha fu ansi ipe, afusuna ɔ́nɔkwali asun amu tsu fu kluntɔ. ⁸Suna ɔ́nɔkwali amu, mení ɔ́haa méetali kusɔ lu fu atosunahesu. Fówun peli békita fu alupu, ni bumenya ɔ́lala bli tsu aní iwi.

⁹Suna nkpábi ɛ abubu amú awie ɔ́kpagyíɔ́kpasu. Bubwe togyitɔ igyi amú awie amu ansi. Bumátsia le amú asun ɔ́nɔ. ¹⁰Bumáwi amú awie, mboun buwa ɔ́nɔkwali ha amú togyitɔ́tɔ, mení amú bwehe béha aha ansi bégyi aní nkpa ɔ́hɔpu Bulu atosunahe amu iwi.

¹¹Tsufe Bulu lalɛ mu awitɔ́le ɔ́wan. Múgyi, odekleá ɔ́bɔ́hɔ anyankpɔ́sa féé nkpa. ¹²Mu awitɔ́le amu ulasuna ání ilehian ání abési lalahe bwe, si aní ɔ́wɔli lalahe ɔ́magya, gyi iwɔsu, bwe yile, aní asun igyi mu ansi ɔ́yi anfitɔ. ¹³Bre anfi anide ɔ́kpa ki ha eke yile amu Bulu ɔ́kponkpɔ́nti, ogyi aní ɔ́hɔpu Yesu Kristo ɔ́béle mu numnyam ɔ́wan anfi. ¹⁴Mulotsula bɔ́mɔ mu aní su, mení ɔ́béle aní tsu lakpan kugyikutɔ. ɔ́tin aní iwi, pu aní bwe mu onuto aha, aní ansi ipe yilebweɔ.

¹⁵Suna uní aná, afutɔ́i kpla amú abugyi músu. Fubu ɔ́kpa wa iyin wa amú, ni bumedeɔ́i bwe. Máha ɔ́haa ɔ́ki fu ansitɔ́ kotikoti.

Okristoyin Tsiatɔ

3 ¹Tsia kain amú abuba iwiasɔ́ ha ɔ́má akpapu, abugyi ahande mbiasu, abubu amú. Bukiá bɔ́bwe tɔ́á igyi yile bregyibre. ²Bumábli ɔ́haa iwi asun lalahe, bumágyi nwen ɛ. Mboun bubwe aha ání bolwii, abuba iwiasɔ́ ha ɔ́hagyíɔ́ha. ³Tsufe bre amu a, aha mimlahe aní ɛ anigyi. Asutɔ́ lɔ́wa aní ɔ́nlun. Anilɔ́fwi, mli nkpábi ha ɔ́wɔli lalahe pú atɔ́á itɔ́wa ɔ́ha ansigyi. Anleyinta bre susu lalahe mɔ́a tɔ́á ide aní ansi pe iwi. Aha bolu aní, aní ɛ anilolu amú. ⁴Tame aní nkpa ɔ́hɔpu Bulu lele mu awitɔ́le pú ɔ́dweá ɔ́bu ha aní ɔ́wan. ⁵ɔ́lele aní, tame megyi yile kuku anilɔ́bwe su, mboun mu nwewun su. ɔ́lɔ́tsun ɔ́ɔ́je Wankihe amusu fwi aní lakpan le anisu, ɔ́lelakwu aní, ha aní nkpa pɔ́pwe. ⁶ɔ́lɔ́tsun aní ɔ́hɔpu Yesu Kristosu, tsei ɔ́ɔ́je Wankihe amu wuli anisu. ⁷ɔ́lɔ́bwe aní alí, mení ɔ́bɔ́wa awitɔ́le ha aní, tsu múá aní asun da ɔ́kpa. Fówun aní ibi béda nkpa ání itamata amu anide mú ɔ́kpa ki amu. ⁸Asun anfi bu mútɔ.

Yiri iwi afusuna mú wanklaan, mení aha amu amú ansi dun Bulusu amu bétsia bwe yile bregyibre. Múgyi tɔ́á ibu ale, ubɔ́wa labi ha ɔ́hagyíɔ́ha ni. ⁹Mápu iwi wa mimla nwegyi, anain uluntɔ́ kla pu mbala amu iwi utretɔ. Labi

ma móto kugyikoto. ¹⁰Tɔi kpla zha ání oteti utre wa aha nsine tse nyo pe. Mú zma a, si mu ason. ¹¹Bí zha amu odu nwunto bu oklun. Oyin ání lalahe modebwe. Alaha mu iwɔ pɔn dodo.

Paulo Asɔn Trahe

¹²Nenya wa Artema nte Tihiko fu wa pe, bɔ mbɔdi afɔbɔtu mi Nikopoli wuluto, tsufe nabwe agywun ání nétsia unv atsalibi. ¹³Bɔ mbɔdi afusi mbla osunapu Sena mua Apolo zka wanklaan. Tɔto umáhian amú zkatɔ. ¹⁴Ha anɔ pi amu e abubi alía butɔbua aba agyuma yo wanklaan, menɔ bétalɔ kɔ aha ání buma tɔtɔsɔ. Fówun bumɔɔbwe aha ání amú iwɔ mɔwa labi.

¹⁵Aha amuv bubu mi wa nfu amu féé beha fu itsia. Aha ahogyipu amuv butɔdwe anɔ amu itsia.

Bulu ogyi mli féé buale.

Ɖwulvá Paulo Lɔwanlɔn Sɔsɔ

Filemon

Itsiaha

¹⁻²Mɔ Pauloá nda obu Kristo Yesu su pú anɔ pio Timoteo de ɔwulv anfi wanlɔn. Anɔde mú wanlɔn sɔsɔ fu anɔ pio ɔdweɔ, fuɔgi anɔ agyɔmayɔba Filemon. Fuɔ anɔ pio tsɔhe Apia mva anɔ agyɔmayɔba ání ogyi isa ɔkɔɔ Arkipo mva Kristo ɔpasua amɔv butefia fu woyitɔ amɔ féé. ³Anɔ Sɔ Bulu mva anɔ Wie Yesu Kristo bugyi mlɔ buale, abuha mlɔ iwɔlwii.

Filemon Ɖdwe Pú Mv Hogyi

⁴Opio Filemon, ntɛda Bulu tpan fu nwunsv bregyibreá nde mpat bɔ. ⁵Tsufe ndenu alá fɔde Bulu aha féé dwe, fɔde anɔ Wie Yesu hogyitɔ kinkiinkin. ⁶Nde Bulu kokoli mbée, ɔha afɔtalɔ bla aha fu hogyi iwɔ asɔn, menɔ ibéha fónu itɔ wanklaan ání anɔlanya Kristo-buotɔ asɔ. ⁷Mɔ pio, ɔdweá fɔbv laha anɔ de mɔ onuto o gyi. Uawa mɔ atetɔ-ɔnlɔn, tsufe fu awitɔle laha Bulu aha klɔn ladɔ amú asɔ.

Paulo ɔpabwii Onesimo Nwunsv

⁸⁻⁹ɔnɔ su nétalɔ wa klɔn kɔlɔ fu atɔ. Tekɔ mbv ɔkpa hɔe fu mbée, fɔbwe tɔá ilehian Kristo sv. Tame ɔdwe amɔv mbv ha fu amv sv ndekleá nɔkɔlɔ fu mboun. Mú sv tsu múá mɔ oyin dehen Paulo, ngyi fu nyawie Yesu sv, sei nda obu de fu kɔlɔ. ¹⁰Nde fu kokoli mbée, fɔwun mɔ biá nda obu asa nakwu mv, ogyi Onesimo nwe. ¹¹Mv ida amv asɔ gyi ɔbv labi. Tekɔ ɔmɔwa labi ha fu breá ɔlesɔ si fu, tame sei mú ɔbv labi ha mva funyɔ.

¹²Ntɔdwe mv tsu mɔ klɔntɔ, tame nde mv yinkia sɔsɔ fu. ¹³Tekɔ ndekleá néha mv otsia fu otsiakpa mɔ wa nfi. Ɖtsa mɔ bre anfi nda obu Bulu *asɔn wanklaan amv ɔkan da sv anfi. ¹⁴Tame mmedekleá nóbwe tɔtɔ tsun fu ɔma. Mmedekleá néhɔe fu e. Ndekleá itsu fu klɔntɔ.

¹⁵Tsu mú féé, Onesimo lesɔ si fu bre itinbitɔ, menɔ ɔbéla betsia fu wa bre féé. ¹⁶Ɖtra omegyɔ ɔkpábi. Alamli opio ɔdweɔ onutonuto ha mɔ. Múá idɔn a, falanya ɔkpábi pú opio dɔn mɔ sei.

¹⁷Mú sv nɔ fuyin ání fu ba gyi mɔ a, mumv kpla mv wa iwitɔ fé alá fɔbwe mɔ. ¹⁸Nɔ ɔkɔɔ ɔla kv gyi fu, nte ɔde fu ɔkɔ kv a, bu mú tsɔwɔ mɔ. ¹⁹Mɔ Paulo onuto lapv mɔ ɔbɔ wanlɔn un, “Néka fu.” (ɔma alá néblɔ mbée, fu onuto amv o a, mlɔɔhɔ fu nkpa.) ²⁰ɔnɔ sv mɔ pio ɔdweɔ, anɔ Wie sv wa labi ha mɔ. Ha klɔn ɔdɔ mɔ asɔ Kristo sv.

²¹ Nyin ání fónu mi ɔme bwe duka tɔ́á nawanlinsu. Nyin ání fɔ́bwe mú dun alɪ kɔ́raa. ²² Mú ɔ́ma a, bɔ́ mbɔ́dɪ afɔ́la ɔ́dɪkpa yaɪ mi, tsufe nde ɔ́kpa kíá Bulu ɔ́bɔ́sɔ́ fu ɔ́nɔ́, néba mɪlɪ wa.

Ikla

²³ Epafra ání mia mɔ́nyɔ́ anɪda obu Kristo Yesu su ɔ́ha fu itsia. ²⁴ Alɪ ken mi agyɔ́mayɔ́ba Marko mua Aristarko pɔ́ Dema mua Luka e beha fu itsia ni.

²⁵ Anɪ Wie Yesu ogyi mɪlɪ buale.

“Mú Wie, fulówa ósuló ntswíasi breá fefi óyi asi.
Fu onuto ibi fópúbwe ósusu.

¹¹ Mú féé íbófwi, tame fu mú fétsia bre féé.
Mú féé íbóbwe dada fe tatida.

¹² Fókunta mú fe tati.
Fétse mú fe atadié.

Tame fu mú futamatse.
Fu nkpa mómów ówó ekekeéke.”

¹³ Bulu mebla mu óbópu ókuku óbee,

“Tsia mú gyópisu,
yófún breá nópú fu alupu bwe fu ayabi oyikpa.” fe alítá ólebla mu Bi
amu.

¹⁴ Ntó mée Bulu-abópu búgyi? Megyi óje búgyi, Bulu tówa bútóbu aha ání
óbóhó amú nkpa?

Nkpahó Kpónkpónkpónti

2 ¹ Lú su ilehian ání abékíta ónókwalí asun amuv anulanu amutó kinkiiin-
kin, mení uméedali aní íbú. ² Tsufe mbla amuv Bulu lówa ha aní anain
tsun mu abópusu amu igyi ónókwalí. Lú su aha amuv bowa asutó-ónlín,
bumegyí mósú amu benya ísubútá ída ókpa. ³ Nkalí aní mú abétalí srí sí
ísubúti amu, ní akina nkpahó kpónkpónkpónti anfí? Aní Wie onuto legyankpa
bli mú asun. Aha amuv bonu mú amu é begyi mú íwí adansíe suna aní bee, íbú
múto. ⁴ Bulu onuto é lóbwe ofula pú osuna ótsan-ótsan mu tumító, óleha aha mu
”**Óje Wankúhe** atokíehe breá íletsia mu, pudunka íbwi mósú ání ónókwalí igyi.

Nkpahó Ókpa Osunapu

⁵ Bulu mápú óyi amuv íba, aníde mú íwí asun bli amu wa mu abópu íbúto
óbee, búgyi mósú. ⁶ Mboun fe alítá óku lówanlín wa Bulu asun amutó ótneku
óbee,

“Óo Bulu, ntó nyankpúsa gyí, su fu ansí ídín músú alí?
Ntó nyankpúsa gyí, su fúteki músú?”

⁷ Bre ítinbí kútó pé feba mu así dún fu abópu.
Fópú numnyam pú obú dúnka músú.

⁸ Feha mu óde ató féésú gyí.”

Ní Bulu asun anfí debli óbee, “Ató féé” a, ídesuna ání tótó mesían ání ómede
mósú gyí. Sei anfí a, anumókunya wun ání óde ató féésú gyí. ⁹ Tame anílawun
Yesu. Bulu leba mu así dún mu abópu bre ítinbí kútó. Awítóle Bulu lówa bwe
mú alí, tsufe óleha Yesu lowu óhagyíóha nwunsú. Anílabiá sei a, Bulu lapu
numnyam pú obú dúnka músú, íwíósin amuv olowun, wu amu su. ¹⁰ Bulu, ató
féé Ólepu pú músú Ókípu amu óbékpa mu abí tsótsótsó ba mu numnyamtó.
Mú su íbú aléá ólútsun Yesu amuv ogyí amú Nkpa Óhópu amu lowusu ha mu
ólófún, mení óbóhó amú nkpa.

¹¹ Yesu amuv ótogyúra aha le amú lakpantó amu mva aha amuv alagyúra
amu féé babwe Ósú ókúle abí. Mú su uma mu pelítá óbétí amú óbee mu apío.

¹² Ólebla Bulu óbee,

“Nékla fu bwehe suna mi apio.

Nékanfu fu aní ofiakpa.”

¹³Ɖlebli bre bambato e ɔbee, “Nópu ansí dúnka Bulusu.” Ɖletra bli ɔbee, “Kí, ma abi amuv Bulu lapuha mi amu lu a.”

¹⁴Lná anyankpusa abi amuv Bulu lapuha mu amu bugyi su a, ɔbɔwe mu wí nyankpusa fe amú, mení ɔbɔtsun mu lowusu swu Ɖbunsam tumi, yinta mu. ¹⁵Ɖkpa anfi pesu ɔbétali tsun ha aha amuv benya lowu ifu, su ɔbɔwe nkpábi amú nkpato fée amu bégyi wí ni. ¹⁶Tsufe ida yaí aní megyi Bulu-abɔpu nkpa ɔhɔkpa ɔleba, mboun Abraham abi-aná. ¹⁷Lní su ilehian aní ɔbélian mu apio togyitɔ, mení ɔbɔbwe amú ***igyí** ɔhapu dehen aní obówun aha nwe, wa ɔnɔkwali Bulu ansitɔ. Fówun ɔbétali bɔ amú lakpan wí afɔɔie ha Bulu, obésikie amú. ¹⁸Bɔsɔ mu kí, mu onuto e ɔlɔtsun iwɔtsintɔ. Mú su ɔbétali gyi aha aní butɔsɔ amú kí e buale.

Yesu Dɔn Mose

3 ¹Lní su apio aba aní Bulu latí mlí wa ɔsusu ayɔpuɔ, mlɔpu ansí dúnka Yesusu. Múgyi Bulu sumbi ɔyɔpu pú mu ***igyí** ɔhapu dehen amuv aníde mu wí asun bli amu ni. ²Ɖlɔwa ɔnɔkwali ha Bulu, Bulu lele mu ɔbee, ɔbɔyɔ mu agyuma fe alí amuv Mose lɔwa ɔnɔkwali ha Bulu, Bulu lapu mu woyi fée wa mu ibitɔ amu. ³Tame obú bu Yesusu dɔn Mose, fe alíá butobu woyi oyipu dɔn woyi amu. ⁴Woyigyíwoyi a, ɔha leyi mú, tame atɔ fée ɔbwepu gyi Bulu. ⁵Mose ɔbwe osumpu ɔnɔkwaliɔvɔ ɔde Bulu woyisu kí. Ɖlebla amú asun aní Bulu ɔbébli ekeku. ⁶Tame Kristo ɔbwe obi ɔnɔkwaliɔvɔ ɔde Bulu woyisu kí. Bulu woyitɔ abi anigyí, ní anilɔwa klɔn kíta mu ɔkpakitɔ kinkiinkin yɔfun mú ɔnɔmɔke.

Bulu Aha Ɖkpɔnɔda

⁷Mú su ibu Bulu asun amutɔá ***Ɖhe Wankhe** lebli ɔbee,

“Nde, ní mlonu Bulu ɔme a,

⁸ mlmáwa asutɔ-ɔnlɔn, fe alíá mlí anain Israelfɔ

ɔbɔwe breá bɔkusɔ lu Bulusu,

sɔ mu kí dimbi amusu.

⁹ Lnɔ mlí anain bɔsɔ mi kí ni.

Ibu mútɔá bowun mi bwehe nfi advana (40) keke.

¹⁰ Lní su nanya ɔblɔ wa amú, bli mbee,

‘Butedali mi ɔma bregyibre,

kina mi asunsu gyi.’

¹¹ Mú su nanya ɔblɔ ka ntam mbee,

‘Ní bówie mi ɔkpɔnu ɔdakpa unv fiin! Neka nɔton!’ ”

¹² Mi apio, mlíki wanklaan aní mlítɔ ɔkuku méenya klɔn lalaheá utamaha Bulu gyi, mení uméha mu ɔdali Bulu Ɖkiankpapu amu ɔma. ¹³Mboun mlítɔ kpla aba ekekegyiekeá ɔyi leke, beti mú “Nde,” fe alíá Bulu asun wanlunhe anfi idebli. Fówun lakpan méemle mlítɔ ɔkuku, ha mu ɔwa asutɔ-ɔnlɔn. ¹⁴Tsufe ní akuta aní hogyitɔ kinkiinkin, fe bre amuv anilɔtsɔ hogyi amu yɔfun mú ɔnɔmɔ a, ana Kristonyɔ abékan, bwe toku kule.

¹⁵ Fe alíá Bulu asun wanlunhe amu lebli. Ɖbee,

“Nde, ní mlonu Bulu ɔme a,

mlumáwa asutɔ-ɔnlɔn, fe alá mli anain Israelfɔ
bɔkusu lu Bulusu.”

¹⁶ Amendi lonu Bulu asun blihe, tame bɔkusu lu musu? Megyi aha amuv Mose lekpa tsu Egyipte ɔsulusu amu féé? ¹⁷ Amendi Bulu lenya ɔblo wa nfi advana (40) keke? Megyi amú ken lɔbwe lakpan, bowu sin ***dimbisu** unv nɔ? ¹⁸ Amendi Bulu leka ntam ha ɔbee, “Ni bówie mi ɔkɔnɔv ɔdakpa unv fiin! Neka nɔton?” Megyi aha amuv bɔkusu lu musu amu? ¹⁹ Mumu ilawanki ání amú Bulu mahógyi sv bumɔɔɔ ɔsulv amuvsv yeda ɔkɔnɔv.

4 ¹ Nnihie amuv Bulu lɔbwe ɔbee, mɔpu mu ɔkɔnɔv ɔdakpa ha anɔ amu itra da. Mú sv mliha aki wanklaan, menɔ uméeba ání mlɔɔ ɔkv oméenyɔ unv yɔ. ² Tsufe beda ***asun wanklaan** amu ɔkan suna anɔ, fe amú, tame bumɔɔɔ asun amuvsv gyi. Mú sv umɔwa labi ha amú. ³ Tsufe anɔ aha amuv anɔlahɔ músv gyi amu obówie mu ɔkɔnɔv ɔdakpa unv. Aha amuv bumɔɔɔ músv gyi amu mú a, Bulu lebli tswi ɔbee,

“Nenya ɔblo, ka ntam mbée,

“Ni bówie mi ɔkɔnɔv ɔdakpa unv fiin! Neka nɔton!”

Uv mótɔá Bulu lehuhe ɔkɔnɔv ɔdakpa unv yai tsu breá ɔlele ɔyi ɔpá. ⁴ Tsufe bɔwanlɔn eke sienɔsi amu iwɔ asun wa Bulu asun amutɔ bee, “Eke sienɔsi a, Bulu leda ɔkɔnɔv tsu mu gyumagyihe féétɔ.” ⁵ Fe alá anɔlanu bɔtsun a, Bulu ɔbee, “Ni bówie mi ɔkɔnɔv ɔdakpa unv fiin! Neka nɔton!” ⁶ Lɔ desuna ání aku mú bówie unv. Tame aha amuv begyankpa nu asun wanklaan amu bumenyɔ unv yɔ, tsufe bumobu mu. ⁷ Lɔ sv Bulu letra hie eke bamba, ɔleti mú “Nde.” Nfi tsɔtsɔtsɔ ɔma a, ɔlɔtsun Owie ***Dawidsu** tɔi tsu alɔ eke anfi iwɔ, fe alá uv Bulu asun amutɔ ɔbee,

“Nde, ni mlonu Bulu ɔme a,

mlumáwa asutɔ-ɔnlɔn.”

⁸ Ni amú ɔkɔpɔv ***Yosua** leha beda ɔkɔnɔv a, teki Bulu metra hie eke bamba. ⁹ Lɔ sv ***ɔkɔnɔv ɔdake** kvá ina ɔtsan ɔda gyo Bulu aha, fe alá Bulu leda ɔkɔnɔv eke sienɔsi amu. ¹⁰ Tsufe ɔha ání olowie ɔkɔnɔv ɔdakpa unv e lada ɔkɔnɔv tsu mu e mu gyumagyihe kugyikɔtɔ, fe alɔ amuv Bulu leda ɔkɔnɔv tsu mu kle kugyikɔtɔ amu. ¹¹ Mú sv mliha abɔ mbɔdi awie ɔkɔnɔv ɔdakpa unv, menɔ anɔtɔ ɔkɔkv méesin ɔkɔpatɔ fe alɔ amuv Israelfɔ bɔwa asutɔ-ɔnlɔn, besin ɔkɔpatɔ amu.

¹² Tsufe Bulu asun amu uv nkpa, itɔɔv agyuma. Uv ogya dun ɔdayi ɔya anyɔ kugyikv. Iteka ɔha alu yowie mu ɔkla pú mú ɔɔe ofiakpa, mu ntsakpa pú mu awu nfɔtɔ. Itegyi anɔ agywun pú tɔá anitekɔle tsu anɔ klɔntɔ asun. ¹³ Tɔtɔtɔ tamanjain Bulu! Togyitɔ da yaya mu ansitɔ. Mu abóyobu anɔ tsiatɔ akunta kugyiku suna ni.

Anɔ Bulu Igyi ɔhapv Dehen

¹⁴ Anɔv ***igyi** ɔhapv dehen kɔnɔkɔntɔtá alada fa ɔsvsv yɔ ɔbv Bulu wa. Mvgyi mu Bi Yesu. Lɔ sv mliha akita Yesu anfi anɔde mu iwɔ adanɔte gyi anfiɔ kinkiinkin. Anumádunkɔ anɔ musu. ¹⁵ Tsufe mu mú omegyɔ ɔha ání omóonu anɔ asɔ ni anumetalu gyi iwɔsv. Ogyi ɔha ání bɔsv mu kɔ ɔkɔpagyikɔpasv fe anɔ, tame ɔmɔbwe lakpan ekekekeke. ¹⁶ Lɔ sv mliha awa klɔn, ayɔ Awitɔlepv Bulu obia asɔ. Fówun obówun anɔ nwe, wa awitɔle, kpa anɔ anɔ ohianke.

5 ¹Le butele igyi chapu dehen okugyiokvu tsu mu aba anyankpusato, otelu amó nwun Bulu ansito. Otcho ato hahe pú lakpan afodíe-aboto tsu amó wa, poha Bulu igyi. ²Mu onuto e otamatali gyi iwisu bre tsotsotsoto. Mó su otenya klun ha aha ání bumeyin olala pú amóá bafwi okpa. ³Mó su ilehian ání obóbó afodíe ha mu onuto lakpan, fe alá otobo ha mu aha. ⁴Ohaa tamawa mu iwi numnyam obee, Bulu igyi chapu dehen mugyi. Mboun Bulu teti cha, bwe mu mu igyi chapu dehen, fe alá olbwe ^a**Aaron**.

⁵Ali ken Kristo onuto e mowa iwi numnyam ání Bulu igyi chapu dehen mugyi ni. Mboun Bulu lebla mu obee,

“Mú Bi gyi fu.

Nde nabwe fu Si.”

⁶Bowanlun wa Bulu asun amu otineku e bee, Bulu obee,

“Bulu igyi chapu fugyi bre féétó,
fe ^a**Melkisedek**.”

⁷Breá Yesu tsie nkpa osulu anfitu a, olpu kokoli móa isu bo mpat, kplun koklokuv, pu mu ato kulhe tswi Buluá obétali ho mu nkpa ansito. Mu iwiasiba sum Bulu su Bulu lonu mu mpat. ⁸Lbu mótoá Bulu mu Bi ogyi mó, tame olotsun iwosinto asa oletali bi alá Bulu-bu ihie igyi. ⁹Iniá olbwe togoyitoá Bulu lwa mu bwe su a, olemli okpa ání aha ání butobu mu féé bótson mósu nya nkpahá utamata. ¹⁰Bulu lele mu suna ání ogyi mu igyi chapu dehen, fe alá oleyai Melkisedek.

Mlumási Hogyi Amuto

¹¹Mbu asun tsotsotsotó abébli tsu Melkisedek asun anfi iwi. Tame mó astle suna mli ibówa onlun. Tsufe sei a, mlutra mlumede asun asi nu osasu. ¹²Teki bofun ali bre anfito a, mlulamli asunapu, tame mliletra hian cha ání obósuna mli ato gyankpapuá ibu Bulu asun amuto. Mógyi, mlulehian atosuanheá ulpon fe nyopu-ntsu. Megyi móá ibu onlun fe ato wihe nte atogyihe onuto. ¹³Tame kebi bobwe tonyopu. Omeyin toá gyi yilebwe. ¹⁴Ohande tegyi toá ibu onlun, tsufe alatsuntson ntobito ki, alakasi bi yile móa lalahe.

6 ¹Mó su mlumátra buta aní ayabi ya oma. Mliha akasi móá ibéha aní abóyo nkpa, asi Kristo iwi atosunahe gyankpapu amuto pla lapla. Mehian ání abétra suna ato tsu Bulu-hogyi pú kluntodamli tsu bweheá uteti lowu iwi, ²atosunahe tsu ^a**asubó**, ibi pudinka chasu,^b Afulikusu pú Bulu asungyi eke trahe amu iwi. ³Ni Bulu lotsula a, mumu móá ibéha abóyo nkpa soun abósuna mli nya.

⁴Ni aha ání bawun Bulu wanki amu ki, bada osusu atokiehe onó ki, banya Dje Wankihe amu e ki, ⁵bada Bulu asun amuvu ibu ale amu pú bre amuvu ibéba amuto tumi onó ki, ⁶mó oma bedida hogyito a, butamatali tra damli kluntó. Tsufe amó onuto amu tra bude Bulu mu Bi amu da manta ^a**oyikpalihesu**, tsu mó lu bee, aha bubwe mu ahinla ni.

⁷Anyankpusa aku bugyi fe osulvá itonun ntsuá nyankpu detswie wuli mósu. Mósu ato towa ale, wa labi ha aha amu su amuvu bódó mó amu. Bulu toyula ali aha anfi odu. ⁸Tame aku e bugyi fe osulvá tunkpa móa awu aná tokwe mósu, butamawa labi. Ni bumekí wanklaan a, Bulu obólwu amó, wa amó ogya.

b 6:2 *Ibi pudinka chasu* igyi amandéá opasua ahande butóbwe púwa aha ání bale ha gyuma ku gyi opasua amuto owonlun, nte putsa aha ilo, nte pukoli Bulu Dje Wankihe ha amó.

⁹Tame apio adwepu, ni nde unu bli o a, opuni mede mu tsii. Tsufe nyin ání mlúde ató wanklaan bwe, idesuna ání Bulu laho mli nkpa. ¹⁰Tsufe tóá ida okpa Bulu tóbwe. Oméetan mli gymagyihe pú odwéá mlilale suna mu tsu mu aha-tsato, mlitra mlubu músu. ¹¹Nhíe ndekle mbée, mlitá okugyiáku óbówa iwí ówónlun, bwe mú yófun mú ówómó, fówun itó amuu mli anu dín músu amu íbéba móto ha mli. ¹²Mmedekléá mli mli óheto awólyákpú. Mboun mlíkast aha amuu amó hogyi pú amó uklunya su amó íbì bédá itó amuu Bulu lehie yai amu.

Bulu Ledinka Ibwi Tóá Ólehie Yatsu

¹³Breá Bulu leka ntam ha ***Abraham** a, óhaa má unvá ódón mu Bulu. Mú su mu onuto iwí ólópka ntam. ¹⁴Óbée, “Nekase, néhie yula fu. Néha fu abi-aná békleti tsótsótsó!” ¹⁵Abraham lenya klun. Mú su olenya itó amuu Bulu leka ntam óbée, méha mu amu. ¹⁶Ni óku óbéka ntam a, óha ání ódón mu ida ótópka ntam amu. Isuna ání nwengyi kuku ma mu ntam amu iwí. ¹⁷Unu su breá Bulu dekléá obósuna aha amuu ólehie tó amu ha amu ání óméetse mu agywun ekekeke a, óletanu mu iwí. ¹⁸Bulu tamawa afunu! Mu tó amuu ólehie yai amu, pú ntam amu igyi atoku anyóá íméetse ekekeke. Unu su aní aha amuu anlasri tanu mu amu anubu tóá abópuwa iwí ówónlun, akita tó amuu anide okpa kí amutó kinkiinkin. ¹⁹Ani okpakí aní lakita aní yai, fe alá ótan tákuta obu lu. Aní okpakí aní tekpa aní, anitótson tati amuu isian ósusú Ówankúpató Ówankúpa obu-óhó amutó wie móto. ²⁰Ani su Yesu lagyankpa yó óbu obu amutó unu dodo. Alamli ***igyí** óhapu dehen ání óbu unu bre féétó ha aní, fe Melkisedek.

Bulu Igyi Óhapu Melkisedek

7 ¹***Melkisedek** aní a, Salem owie ogyi. Ólóbwe ósusúsú Bulu amu igyi óhapu. Eke óku Abraham lóyóko awie abana aku isa, gyi amósu. Breá oleyinki óba a, olefia Melkisedek. Melkisedek loyula mu. ²Abraham leye atóá olenya tsu isa amutó idu, ólópú idusi ha Melkisedek. Ida aní así gyi, “Yilebwe Owie.” Mu ida kule é gyi “Iwilwii Owie”, tsufe Salem así gyi, “Iwilwii.” ³Bulu asun mebli asvansu tsu Melkisedek akwupú nte mu uluntó, mu kwu nte mu lowu iwí. Óletan Bulu mu Bi amu. Bulu igyi óhapu ogyi bre féétó.

⁴Mlíki alá Melkisedek gyi óha kponkponkponnti óku. Aní nain Abraham kuraa leye mu atóá olenya tsu usato idu, pu iku kule ha mu. ⁵Mose Mbla leha Lewi abi-aná, bugyi igyi ahapu amu okpa ání buho atóye ***idutó** kule tsu amó aha Israelfó wa. Ubu mótoá Abraham abi-aná amó é bugyi. ⁶Melkisedek aní motsu Lewi abi-anátó, tame ólóhó Abraham atóye idutó kule, yula Abraham mboun amuu Bulu leka ntam ha amu. ⁷Nwengyi ma mú iwí ání óha ání otoyula dón ómá bódeyula. ⁸***Yudafó** igyi ahapu amuu butóhó Israelfó ató idutó kule amu butowu, tame ólóhó Abraham atóyeto idusi aní mú tra otsie nkpa, fe alá Bulu asun wanlunhe amu deblí. ⁹Ni anumóowa afunu a, abétali bli aniaa, bre amuu Abraham lópú mu ató idutó kule ha mu amu a, Lewi abusuan amuu butóhó Israelfó ató idutó kule amu é beka mú tsun ***Abrahamsu**. ¹⁰Tsufe Lewi bu mu nain Abraham iwitó, bumókunya kwu mu asa mu nain lópú mu ató idutó kule ha Melkisedek.

¹¹Ubu mótoá Mose mbla amu leblá Bulu igyi ahapu butsu Lewi abusuantó. Ni bétali ha óha óbófun a, tékí Bulu metra le mu igyi óhapu bamba ání ogyi fe

Melkisedek, omotsu *Aaron abusuantɔ. ¹²Ni betse igyi ahapule mbla amu a, mumu ilehian ání bétse Mose mbla amu e. ¹³Tsufe aní Wie anft aníde mu wí asun bli anft otsu abusuan bambatɔ. Abusuan anftɔ ɔhaa mɔkɔsum *afɔdie-ɔswi amɔsu kɪ. ¹⁴ɔhagyioha yin ání Yuda abusuantɔ aní Wie anft otsu. Mose meti abusuan anft ɪda breá ɔde abusuan oduá bɔbwe Bulu igyi ahapu wí asun bli.

Bulu Igyi ɔhapu Bamba Ání Ogyi Fe Melkisedek

¹⁵Bulu mbla anft tse latra wankɪ aní tsɪa, tsufe igyi ɔhapu bamba labele wí ɔwan fe Melkisedek. ¹⁶Mbla dada amu ilosuna ání Lewifo nkule ɔbwe igyi ahapu, tame megyi beɛ mu anain bɔtsu Lewifoɔ su ɔbɔbwe igyi ɔhapu. Mboun mu nkpa ání umɔmɔ ɔnɔ ekekeɛke tumitɔ ɔna ɔbɔbwe igyi ɔhapu. ¹⁷Tsufe bɔwanlɪn wa Bulu asun amutɔ beɛ, “Bulu igyi ɔhapu fɔgyi bre féétɔ, fe Melkisedek.” ¹⁸Idesuna ání bale igyiha mbla dada amu ibwí, tsufe umɔwa ogya, umɔwa labi e. ¹⁹Tsufe Mose mbla amu metalɪ bwe tɔtɔtɔ ifun. Sei a, Bulu lapu aní ɔkpakɪ wanklaan ání ɪdun mbla dada amu yai mú otsiakpa. Múá ɪbékpa aní manta Bulu.

²⁰Bulu leka Yesu wí ntam ání ɔbɔbwe mu igyi ɔhapu bre féétɔ. ɔmeka igyi ɔhapu bamba ɔkɔkɔkɔ wí ntam. ²¹Yesu wí ntam ání ɔleka breá ɔbɔbwe mu igyi ɔhapu gyi,

“Mí Bulu, naka mí wí ntam ání
igyi ɔhapu fɔgyi bre féétɔ.
Mméelatse mí agywun!”

²²ɪna ntam anft su Yesu labɔbwe ɔma ɔlupu ha Bulu nhɪhɪéá ɪhɪe bu ale dun nhɪhɪe dada amu.

²³Bulu igyi ahapu amɔsu betsia nhɪhɪe dada amu ɔnɔ amu buhɪe butɔ, tsufe butowu si agyuma amu tswi. ²⁴Yesu mú bu unv bre féétɔ. Mú su mu Bulu igyiha mɔmɔ ɔnɔ ekekeɛke. ²⁵Mú su ɔtetali hɔ aha ání butɔtsun musu ba Bulu wa féé nkpa plɪplɪ. Tsufe otsie Bulu wa, ɔde mu kokoli amú nwunsu bre féétɔ.

²⁶Yesu gyi Bulu igyi ɔhapu dehen onutoá anidehian ní. Mu wí letɪn, tsitsa kuku uma mu wí. Lalahe kɔkɔkɔ e uma mutɔ. Bulu lele mu le lakpan abwepu ɔkpasu, ha mu otsiakpa fuahe ɔsusɔsu. ²⁷Imehian ání mu mú obégyankpa bɔ mu lakpan wí afɔdie, fe igyi ahapu dehen atrahe amu. Amú mú betsia bɔ ha amú onuto lakpan ekekegyieke, asa bɔtɔbɔ ha aha. ɔtsawule pe mu mú ɔbɔbɔ afɔdie ha aha féé lakpan, breá ɔlɔpu mu wí bɔ afɔdie aha féé nwunsu. ²⁸Mose mbla leha aha ání bapɔn bɔbwe Bulu igyi ahapu dehen. Tame mbla amu ɔma a, Bulu leka ntam le mu Bi. Alaha mu Bi amu labwe mu igyi ɔhapu dehen ání ɔlɔfun bre féétɔ.

Aní Igyi ɔhapu Dehen

8 ¹Asun ání ndeblɪ féé gyi, anɪbu Bulu *igyí ɔhapu dehen ání ogyi alɪ, otsie Bulu Otumipɪ amu obia gyɔpɪsu ɔsusɔ. ²ɔde Bulu igyi ha ɔwankɪkpatɔ ɔwankɪkpa onuto ání ɪbu ɔsusɔ unv. Mú mú a, Bulu onuto leyí mú, megyi nyankpɔsa.

³Bulu igyi ɔhapu dehen okugyiɔkɔ mu agyuma gyi, ɔbɔpu aha amu atɔ hahe pú amú afɔdie-abɔtɔ ha Bulu. ɪnɪ su ilehian ání aní Bulu igyi ɔhapu dehen

Kristo ε obénya tǎá obǒpυha Bulu. ⁴Ni ɔsulv anftsv ɔbu a, tekɪ ɔmǎɔbwe Bulu igyi ɔhapv ekekekeke. Tsufe Bulu igyi ahapv onuto bubv unvá buteha Bulu igyi Mose mbla ɔnɔ. ⁵Igyi ahapv amv butɔtswe Bulu igyi ɔhakpa ání ulelian ɔsulv ***tati-obu** amv. Iní sv Bulu leða Mose ɔla breá ɔbǒbwe tati-obu amv ɔbee, “Kíá fǒbwe togyitɔ fe obu amsv nele suna fv ɪbʊsv unv amv odu pepepe.” ⁶Tame Yesu igyiha agyuma amsv Bulu leha mv amv lehie fva dvn ɔsulsv igyi ahapv dehen amv kle. Ntam ɔɔpwe amsv ɪbʊ ania Bulu nsine, Yesu gyi mú ɔma ɔlɔpv amv ε ɪhie bv ale dvn ntam dada amv. Tsufe ɔlehie atoyileá mǎbwe ha aní wa mútɔ.

⁷Ntam gyankpapv amv unɔfun. Ní ulɔfun a, tekɪ nyɔsv metra hian. ⁸Tame Bulu lowun ání anyankpυsa bumebɪ bwe. Mú sv ɔleblɪ ɔbee,

“Èke ɔkv ɪba. Mɪ mlɪ Wie deblɪ.

Mɪa Israelfɔ pú Yudafɔ abéka ntam ɔɔpwe.

⁹Imǎbwe fe mú amsv ɪletsia mɪa amú anain nsine,

bre amsv nekuta amú ɪbɪ, kpa amú dalɪ Egiypte ɔsulsv amv.

Tsufe bume gyi mɪ ntam amsv.

Iní sv nesi amú ɪwɪ ha amú.

¹⁰Ntam anfi obétsia mɪa Israelfɔ nsine

εke amv nɪ. Mɪ mlɪ Wie deblɪ.

Nǒpv mɪ mbla wa amú nwuntɔ.

Nǒwanlɪn mú dɪnka amú klɪnsv.

Nǒbwe amú Bulu,

amú ε bǒbwe mɪ aha.

¹¹Amútɔ ɔkvkv méetra suna mv pio,

nɪe mv ba ɔbee,

ɔbɪ Bulu.

Tsufe amú féé bébɪ mɪ.

Tsv nyebisv yɔfun ahandesv.

¹²Nési amú lakpan kie amú.

Mméetra kain lalaheá babwesv.”

¹³Ní aní Wie de ntam ɔɔpwe ɪwɪ asvn blɪ a, mvmv ɪlosuna ání dada amv ɪtra ma labɪ mv ansitɔ. Tǎá uladan bwe dada a, wu ɪtowu.

Ɔsulsv Mǎa Ɔsulsv Bulusum

9 ¹Bulusum mbla letsia Bulu ntam dada amútɔ. Bǒbwe ***tati-obu** ání bǒsum Bulu mútɔ ɔsulsv nfi. ²Bǒpv tati tin ***tati-obu** amv ɔnɔ, bǒpv ɪkvlɪ ε ka mútɔ. Betɪ obu gyankpapv amútɔ bee, Ɔwankɪkpa. Ɔkandɪe-oyiá butonywe nkandɪe bian músv pú ɔpunvá bodobodoá bapυha Bulu igyi dun músv bv unv. ³Obu nyɔsv amsv ɪbʊ tati nyɔsv amv ɔma amútɔ butetɪ Ɔwankɪkpatɔ Ɔwankɪkpa nɪ. ⁴Sika pepe ***afɔdɪe-ɔswɪ** bv unv. Bulu ***Ntam-daka** ání bǒpv sika pepe piata mú ɪwɪ féé ε ɪtsie unv. Butɔwa ***ɔhɪen** ogya afɔdɪe-ɔswɪ amsv. Atoku asa bv Bulu Ntam-daka amútɔ. Múgyi, sika pepe ɔlankabiá atogyihe kvá betɪ mú ***mana** bv mútɔ, ***Aaron** oyi yiahe amsv ɪlɔpv amv pú abwi peteple anyɔ amsv Bulu lwanlɪn mv mbla dɪnka músv amv ε bv mútɔ. ⁵Bǒbwe Kerubim anyɔá bubv numnyam, bvgyi ntobi kvá bubv abamba dɪnka Ntam-daka amv obuasvsv. Amú féé betɪnkɪ amú abamba fia aba, ɪlobun daka amsv. Amú nsine unv Bulu tesi aha lakpan kie amú nɪ. Tame megyi sei abéle asvn anfi asɪ.

⁶Alí bela ntobi amu yai unv ní. Bulu igyi ahapu amu butowie obu gyankpapu, igyi Ðwankíkpa amutó ekekegyieke yoyó amú agyuma. ⁷Bulu igyi ðhapu dehen pe towie obu nyost, igyi Ðwankíkpató Ðwankíkpa amutó. Ðtsawule pe otowie unv ofitó. Ilehian ání ðbópu ðbwí obugya ání ðbópubó afódié ha Bulu mu onuto nwunsu pú aha lakpan ání bóbwe, bumeyin sv ya unv. ⁸Tóá Ðje Wankihe amu desuna tsu ntobi anfi iwí gyi, Ðwankíkpató Ðwankíkpa unv ðkpa lefin wa amú breá *tati-obu amu gyi amú Bulu ðtswekpa. ⁹Ini igyi atosuanhe ha nde cytkehe. Idesuna ání ibu mútóá butópu ató hahe pú afódié-abótó ha Bulu igyi. Tame iméetalí ha mú ðhapu amu klón isi mu tpon ha ání mu iwí latun tsu mu lakpantó. ¹⁰Tsufe ntobiá igyi atogyihe, atonunhe pú amandíé nyankpusa tópuvyura iwí keke mbla amu losuna. Bulu lóbwe mbla amu féé ha nyankpusa, ání ðkita mútó bófun bre anfi alabwe ðkpa pópweá bópubwe mú anfi, anuméetra bwe dada amu.

¹¹Kristo labóbwe Bulu igyi ðhapu dehen ha ató wanklaan amuv ulaba amu. Mu *tati-obu ání ðbu mútó bv ósusu. Inu tati-obu amu ðun ósulusu kle, ulófun ðun mú é. Megyi nyankpusa lóbwe mú mú, imotsu cyi anfitó é. ¹²Megyí atókpa pú nnantswie yinhe obugya Kristo lópuya Ðwankíkpató Ðwankíkpa unv. Mu onuto obugya ðlópuya unv, ðlópuka aní nwunsu íkó ðtsawule pe, anlenya nkpa ání utamata. ¹³Mose mbla amu ðnó a, akpala pú nnantswie obugya pú ðnantswiebíá bawa mu ogya, alahó nsuo butowunya wuli aha ání ifin lada amú, púgyura amú. ¹⁴Ní betali búde mbwí obugya kuraa putun aha iwí a, ntogyi sv Kristo obugya méetalí tun aha iwí ðun? Kristo lótsun Ðje amuv ibu unv bre féé amuv, pu mu iwí le mbusuo ání ulófun ha Bulu. Mu obugya amu íbétun ání klvntó tsu bweheá íbékpa ání wa lowutó iwí, mení abétali sum Bulu Ðkankpapu amu.

¹⁵Ini sv Kristo gyi ntam pópwe ání ðbu Bulu mu anyankpusa nsune óma ðlupu, mení aha amuv Bulu lati amu bénya ató amuv itamayinta, ólehie yai ha amú amu. Tsufe Kristo lowu amu ulaha amú bagyi iwí tsu lakpan amuv bóbwe bre amuv bubu ntam gyankpapu amu así amutó.

¹⁶Ní ðku ówanlin nhuhie ha mu atótye tswí a, otowu asa itóyo agyuma. ¹⁷Tsufe nhuhie amu ima labi breá ðha amu onuto tsie nkpa. Mu lowu óma itówa labi. ¹⁸Ini sv bópu obugya sí Bulu ntam gyankpapu amu esv asa ulóyo agyuma ní. ¹⁹Tsufe breá Mose lekla mbla amu féé suna Israelfó ta a, ðlóp ntsu fra nnantswie pú akpala obugyató, pú kufa iwí imi pepe múa ayó wunya obugya frahe amu wuli mbla ówulu amu pú aha amu féésv. ²⁰Muv óleblí óbee, “Obugya ání ndepusi ntam ání Bulu laka ha mlísv ní.” ²¹Alí ken ðlóp obugya amu ku wunya *tati-obu pú ntobi amuv butóptswe Bulu amu féésv ní. ²²Lele mú Bulu mbla amu ðnó a, abétali blí antaa, obugya butópuvyura togyitó. Ní bumópu obugya le mbusuo a, lakpansikie tamaba.

Kristo Afódié Tele Aní Tsu Lakpantó

²³Alí ilehian ání bóbwe amandíé anfi púgyura ntobi anfi igyi fe ósusu kle amu ní. Tame ósusu kle amu ilehian afódié ání ihie ðun ósulusu kle anfi. ²⁴Ini sv Kristo mowie *tati-obuá nyankpusa lópu mu íbí bwe, igyi fe ósusu kle amu odutó ní. Ósusu ðlóyo yelu Bulu ansutó, óde mu kokoli ha aní. ²⁵Ómópu mu iwí yóbó afódié tsenyó-tsesa, fe alí amuv Bulu igyi ahapu dehen amu butópu mbwí obugya ya ósulusu Ðwankíkpató Ðwankíkpa unv ofifigyiófi amu. ²⁶Ní alí igyi a, tékí ilehian

ání Kristo obétsia wun iwɔsun wu tse du tse lafa, tsu breá ɔyi lefi así ɔpá. Mboun alale iwi ɔwan ɔyi ɔnɔmɔbu anfi, pu mu iwi bɔbɔ afɔdie ɔtsawule pe pule aha tsu amú lakpantɔ. ²⁷Igyi fe alá ida yai ání ɔtsawule pe ɔha obówu. Mú ɔma a, Bulu obégyi mu asun. ²⁸Alí ken Kristo lɔpu mu iwi bɔ afɔdie ɔtsawule pe, pule aha tsɔtsɔ-ɔtsɔ tsu amú lakpantɔ ní. Mú sv ní ɔle iwi ɔwan otse nyɔsi a, imehian ání ɔbétra bwe tɔtɔ tsu lakpan iwi. Mboun aha ání buhie butsie bugyo mu nkpa ɔba bɔhɔ.

10 ¹Alí amuv Mose mbla lele suna ání bupuha Bulu igyi amu ɔletan mú amuv íbéba amu kéke. Mú onuto amu Kristo labɔbwe a. Afɔdie oloku ɔkule amu betsia bɔ ha Bulu ofifigyiofi. Tame imetalí ha aha amuv butebeha igyi amu abufɔn Bulu ansitɔ. ²Ní ɔletalí tun amú iwi Bulu ansitɔ ɔtsawule pe a, teki besi afɔdie amu bɔ, amú klɔn é ilesi amú ipɔn ha ání babwe lakpan. ³⁻⁴Tsufe nnantswie yinhe pú atrukpa obugya méetalí le nyankpusa tsu mu lakpantɔ ekekeke. Mboun ha iteha mu ɔtekain mu lakpansu ofifigyiofi. ⁵Íni sv breá Kristo ɔba ɔyitɔ a, ɔlebla Bulu ɔbée,

“Megyi atɔ hahe múa afɔdie fudedunka.

Mboun ɔyulu fela yai mí.

⁶Fu ansí megyi ogya-afɔdie pú lakpan-afɔdie iwi.

⁷Muv nebli mbée, ‘Mí Bulu, mí ní.

Néba bɔbwe fu ape,

fe alá bɔwanlín mí iwi asun wa fu asun wanlínhe amutɔ.’”

⁸Olegyankpa bli ɔbée, “Megyi afɔdie múa afɔdiɔtɔ, mbwí tɔhe pú lakpan-afɔdie fudedunka. Fu ansí megyi mú iwi.” ɔlebli alí, tame mbla ɔkpasu ilehian ání bɔbwe mú. ⁹Muv ɔletra bli ɔbée, “Mí Bulu, mí ní. Néba bɔbwe fu ape.” Mú sv Bulu lalé afɔdie dada amu íbwi, pu Kristo afɔdie amu wa mú otsiakpa. ¹⁰Yesu Kristo lɔbwe Bulu ape, pu mu iwi bɔ afɔdie aní nwunsu ɔtsawule pe, ha bre féé. Mú sv aní iwi latn.

¹¹Igyi ɔhapu okugyiɔku telu bɔ afɔdie oloku ɔkule amu ekekegyieke. Afɔdie-abɔtɔ amuv otenya pubɔ mú tse du tse lafa amu ken ɔtɔpɔbɔ mú ní. Tame afɔdie anfi méetalí le aha tsu amú lakpantɔ ekekeke. ¹²Kristo mú lenya bɔ lakpan iwi afɔdie ɔtsawule pe amu a, ɔleta féé, oleyetsia Bulu gyɔpɔsu. ¹³Tsu alí bre amutɔ ɔpá otsie unv ogyo breá Bulu ɔbɔpu mu alupu bwe mu ayabi oyikpa. ¹⁴Mu afɔdie kule pe amu ulaha aha amuv Bulu lapu amú bwe mu kle amu bafɔn ha bre féé, ɔlala kukuvuku utra ma amú iwi.

¹⁵ɔhe Wankhe é legyi mú iwi adansté suna aní. Olegyankpa bli ɔbée,

¹⁶Aní Wie ɔbée,

“Ntam anfi obétsia mia amúnɔyɔ nsune, bre amuv iba amutɔ ní.

Nópu mí mbla wa amú klɔntɔ, wanlín mú wa amú nwuntɔ.”

¹⁷ɔletra bli ɔbée, “Mméetra kain amú lakpan pú amú lalahesu ekekeke.”

¹⁸Mú sv ní Bulu lasi lakpan kie a, mómú mú iwi afɔdie kuku utra medehian é.

Mítha Akpɔkpe Manta Bulu

¹⁹Íni sv mí apio, Yesu obugya amu sv antbu ɔkpa wie ɔsusu ɔwankɔkpatɔ ɔwankɔkpa unv faan. ²⁰Mu lowu amu sv alafinki tati amuv bɔpuka obu amutɔ

amu ha ani. Mógyi okpa epeweá iteha ani nkpa ni. ²¹Anbu Bulu *igyí chapu dehen kpónkpónkpónnti okwá ode Bulu ahasu ki. ²²Mú sv mliha apu uklon ání ibu onokwali, pú hogyiá mú onok bu onlun kpokpe manta Bulu. Tsufe alapu Kristo obugya gyvra ani. Ani klun méetra ha ani pón, alapu ntsu wanki e fwi ani iwi. ²³Mliha akita to amuv anude mú iwi adansi gi, anude mú okpa ki amuto kinkin, tsufe Onokwalupu Bulu gi. Obóbwe toá ohe ání móbwe ha ani. ²⁴Mliha aki alá ibóbwe abówa aba owonlun, oduwe múa yilebweto. ²⁵Mlumáha asi ani ofiakpa ya, fe alá aku bodebwe. Mboun mliha atra wa aba owonlun tsia. Tsufe mlidewun ání ani Wie obake amu idekpokpe ba.

²⁶Mi apio, lakpan iwi afodite kuku utra ma unu ha ani, ni aki ansu bwe lakpan breá anlabi onokwali amu. ²⁷Mboun toá ilasi gi, abétsia ifusu gyo Bulu asun ogyike pú ogya kpónkpónkpónnti amuv ibóh Bulu alupu amu. ²⁸Ni aha abanyo-abasa begyi oku iwi adansi, ání alakina Mose mbala amuv gi a, butomú mu. Butamawun mu nwe. ²⁹Mumu ni oku oku Bulu mu Bi amu ansu kotikoti, omobuá mu obugya amuv Bulu lopusi mu ntamsu, ulogyvra mu iwi amu bu ibia, olesia Bulu awitole Ohe amu mú a, mu isubitiá obéhe nya méeba ki. ³⁰Tsufe anyin ání Bulu lebli obee, “Mi, mli Wie teka lalahe ukó. Mi obéka aha lalahe akó amú lakpan su.” Oetra bli obee, “Mi, mli Wie obégyi mi aha asun.” ³¹Ibu ifuá fékpa wie Bulu Okiankpanu amu agblato.

³²Mlumáhan bre amuv Bulu wanki lowanki wuli mlisu amuv. Mlikan ání ali bre amuto a, mlilotsun iwatsun tsotsotsotsó, tame mlilelu kinkiinkin. ³³Betsia sia mli, wa mli iwatsun aha ansu. Bre kuto e a, mliletsa aha ání bode iwatsun amu odu wun. ³⁴Mlilosu ha obu adupu. Breá aha bapu owonlun swu mli ato a, mlilesi ha amú ansigyis. Tsufe mlyin ání mlibu atoá ibu ale dun mú, ibétsia bre féeto. ³⁵Mú sv umákpón mli. Mlikita iwi, amlulu kinkin, tsufe mlibu ukóka kpónkpónkpónnti Bulu wa. ³⁶Ilehian ání mlótomi, menu mlétali bwe Bulu ape, fówun mlénya ito amuv Bulu lehe ya ha mli amu. ³⁷Tsufe bowanlun wa Bulu asun wanlunhe amuto bee,

“Iméegyí nke kuku Bulu obówtii.

Omwáwa opa.

³⁸Aha ání amú hogyi sv Bulu latsu amú ání amú asun da okpa obétsia nkpa.

Tame ni amuto oku mwáwa klun kita iwi mu hogyito, oleyinki oma mú a, Bulu ansu méegyí mu iwi.”

³⁹Tame animegyi fe aha ání badamli oma ha Bulu, bafwi. Mboun anigyí aha ání amú hogyi laho amú nkpa.

Hogyi

11 ¹Hogyi gyi ansu podunka toá fómokuwun, tame fode mú okpa kisu. ²Aha amuv betsia bumbi amu hogyi sv Bulu ansu legyi amú iwi.

³Ani hogyi sv anlebiá asun Bulu lebli pule oyi. Mú sv toá ansibi towun ledali tsu toá ansibi tamawunto.

⁴Hogyito *Habel lópu mu ato haheá ibu ale dun mu dehen *Kain kle ha Bulu igyi. Mu hogyi sv Bulu ansu legyi muva mu ato hahe amu iwi, olotsu muá mu asun da okpa. Ibu mutoá olowu dodoodo, tame mu hogyi amu sv otra odetu bofun nde.

⁵Hogyi sv Enok mowu asa Bulu lotsu mu, chaa mowun mu. Bulu asun wan-linhe legyi mu iwí adansíeá olegyi Bulu anst asa olotsu mu natí. ⁶Mlíki, chaa méetalí gyi Bulu anst ní òmòhò mu gyi. Tsufe ilehian ání chh ání òbéba Bulu wa obóhogyiá Bulu bv unv, òteka aha ání butodunka mu íkò.

⁷Hogyitò ***Noa** lonu asun ání Bulu lebla mu tsu tóá imòkunya ba iwí. Olobu Bulu, sre daka kpònkpònkpòntí, pùhò mva mu woyitò aha nkpa, bréá ntsu lóbula. Mu hogyi amv sv òyitò aha begyi pòn, òlòbwe chh ání mu asun da òkpa Bulu anstò.

⁸Hogyi leha ***Abraham** lobu Bulu bréá Bulu lebla mu òbée, òdalí mu òmátò, òyò òsòlvá mu Bulu lehie ha mvsu. Òlenatí dalí mu òmátò, omeyin òtíneá òyò. ⁹Hogyi leha òlòyòbwe òfò òsòlv amsv Bulu lehie yai ha mu amvsu. Tati-obuto oletsia unv. Alí kèn ***Isak** mva ***Yakob** ání Bulu lehie òsòlv amv yai ha e betsia tati-mbutò òsòlv amvsu ní. ¹⁰Tsufe Abraham letsia tati-obuto, ogyo wulu kpònkpònkpòntí Bulu leda, imóobwie ekekeeke.

¹¹Hogyi leha Abraham mva mu ka ***Sara** benya obi kwu. Ibv mótóá badan tsun ukwusu, Sara e menya ukwu. Abraham lohogyiá Bulu obégyi tóá alahie yaisv. ¹²Iv sv òmá kèvn ání buma íklatò, butò fe ntsrakpabi nte òpv òhò ísv beln tsu Abraham ání aladan tsun ukwusòtò.

¹³Hogyitò aha anfí féeé bowu. Ibv mótóá amú ibí meda atóá Bulu lehie yai ha amú asa bowu. Tame bowun mú sísv, amú anst legyi mú iwí. Botsu múá afò pù òkpa atupu bugyi òyi anfitò. ¹⁴Aha ání botsu mú alí budele suna ání bude òmá ání íbòbwe amú onuto kle dunka. ¹⁵Ní bude òmá amsv bedalí tsu mótò amv iwí susu a, tekí bodunka òkpa yinki yò unv. ¹⁶Tame òsòsv òmá ání íbv akile òvn mú amsv bedalí mótò amvsu amú anst òvn. Mú sv ima Bulu pelá béti mu bée, amú Bulu. Tsufe alala wulu kpònkpònkpòntí kv yai ha amú.

¹⁷Hogyi leha Abraham lekita mu bí ***Isak** òyòbò afòdié ha Bulu bréá Bulu lóò mu kí. Ibv mótóá obi anfi Bulu lehie mu ání òbòkwu ní, tame òmòtswe mú kpòkpò. Òlòkusu pv mu bí òkòkòsv òkòle amv òyòbò afòdié amv. ¹⁸Ibv mótóá alí bre amòtò a, Bulu labla mu òbée, “Fv bí Isak abi-aná òbòbwe fv abi-aná ní.” ¹⁹Tame Abraham lotsu múá Bulu òbétalí tsinki Isak. Lele mú òkpa òkusu a, òlèlanya Isak fe chh ání Bulu lakusva tsu afulitò.

²⁰Hogyi leha Isak loyula mu atabi Yakob mva ***Esau**. Mu anst òvn ání Bulu òbòbwe tóá òlehie ha amú ekekv.

²¹Hogyitò bréá Yakob òba bowu a, oloyula ***Yosef** abi anyò amv, olobun mu oyi yiahesu sum Bulu.

²²Hogyitò bréá Yosef òba bowu a, òleblí òbée, Bulu òbéle Israelfò tsu Egyipte òmátò. Mú sv òleda amú òla òbée, bumási mu awu tswí unv.

²³Hogyi leha bréá bòkwu Mose a, bòpv mu ñain tsra asa. Tsufe bowun ání òbv akile. Mú sv bumenya owie amv mbla ání òlòwa tswí ífu.

²⁴Hogyi leha Mose lekina ání bumátí mu Egyipte owie mu bí tsuhe mu bí bréá òledan. ²⁵Olotsula ání bowa mva Bulu aha iwíòsuntò, òvn ání obénya lakpanbwe iwí ansigyí bre ítinbí. ²⁶Olotsula ání busupa mu ***Kristo** sv. Tsufe íbéhie wa labí ha mu òvn ání obénya Egyipte atonyahe féeé. Mu anst òvn íkòá Bulu òbéka mu ekekusu.

²⁷Hogyi leha Mose lenatí Egyipte òmátò, omenya owie amv òblò ífu. Mu anst òvn Buluá chh tamapu ansibi wunsu. Mú sv olotomí, omeyínkí òma.

²⁸Hogyi leha mu ɔleha Israelfɔ befi *Katsvn Nke gyi asi. ɔleha amɔ bɔpu obugya kpa amɔ obu-ɔnɔ, menɔ *Bulu-ɔbɔpɔ́á ɔtɔmɔ aha ɔmɔ́ɔpu ibi da amɔ biti.

²⁹Hogyi leha Israelfɔ bɔtsvn ɔpu Pepe amutɔ fe ɔsulɔ wulhesu buna. Tame breá Egyptefɔ ɛ beɛ abutsvn a, ɔpu amu lekuta amɔ.

³⁰Hogyi leha Israelfɔ benatɔ bomli abuntiá bɔpɔgyi uban wa Yeriko wulu nkensienɔ, ilobwie bun gbloo. ³¹Hogyi leha obu-ɔnɔ otsiapu Rahab mowu tsia aha ání bɔmɔhɔ Bulu gyitɔ. Tsufe ɔlɔhɔ Israelfɔ anɔ awakupɔ afɔwɔ wanklaan.

³²Ilehian ání nɛtra wanlun iku ɛ? Bre mɔtsɔ́á nɔwanlun Gideon muv Barak pú Samson, Yefta muv *Dawid, Samuel muv Bulu ɔnɔsv atɔɔpu amu hogyi iwɔ asvn. ³³Hogyi leha amɔ bɔkɔ ɔmá-ɔmá gyi amúsv, bɔbwe tɔ́á ida ɔkpa. Benya atɔ́á Bulu lehie ha amɔ, beha agyata ndatɔ lekli. ³⁴Bodun ogya kpɔn-kpɔnti, bumesin isa. Hogyi leha amɔ́á bɔpɔn benya ɔwonlun, amɔ aku benya iku tumi, gyi amɔ anyabasv. ³⁵Bulu letsinki atsv aku afuli ha amɔ. Aha bepiti amɔ aku atɔ alu mɔ amɔ. Mú o a, bɔmotsula kina Bulu. Uɔwa amɔ ɔdweá bɔmɔ amɔ dvn ání béyinki Bulu ɔma, menɔ Bulu ɔbɔkúsva amɔ, bénya nkpa ání ibv ale dvn.

³⁶Bɔbwe amɔ́tɔ aku ahinla, pitɔ amɔ mpli. Bɔwa amɔ aku ikan, pu amɔ tswi obu. ³⁷Beda amɔ́tɔ aku abwi mɔ, pu saa bɔi akutɔ, aku ɛ besin ɔdayi ɔnɔ. Amɔ aku ɛ bedɔ akufa múa akpala nwsulɔ-kpakpatɔ natɔ ki, aku bedɔ akvn. Bedunka akusv, wa amɔ aku ɛ iwɔɔsvntɔ. ³⁸Teki megyi ɔyi anfi odutɔ aha anfi bétsia asa. Adimbitɔ múa abusv benatɔ ki fe ɔkun abɔpu, tsia di abwi alatɔ múa mbɔtɔ.

³⁹Amɔ hogyi sv Bulu anɔ legyi amɔ féé iwɔ. ɔkoku ibi meda tɔ́á Bulu lehie yai. ⁴⁰Tsufe atɔ́á ibv ale, ibɔ́wa labi iwɔ Bulu lɔbwe agywun yai ha ania amúnɔyɔ féé. Mú sv amɔ nkule bɔmɛ́etali nya mú, yɔ́fvn breá Bulu labwe ania amúnɔyɔ féé anlafvn mu ansitɔ.

Antɔ Sv Bulu

12 ¹Anɔbv ɔɔm anfi bɔpu hogyi tsia anfi odu bomli anɔ. Mú sv mlha anɔ ɛ atswi togyitɔ́á ide anɔ butta ya ɔma pú lakpan ání ilaklkl anɔ kinkiinkin tsalifwɔ, atomi tsii ɔsv amsv ida anɔ ansitɔ amv. ²Mlha apv anɔ dunka Yesusv. Mvgyi anɔ hogyi nfiasɔ pú mú ɔnɔmɔ. Lná oyin ansigyɔ oduá ida gyo mu sv a, olotomi wun ipian *oyikpalihesv wu. Omobu kpɔ́á bɔkpɔ mu tɔ́tɔ, alayɔ otsie Bulu owie obia amv gyɔpɔsv.

³Mlɔpukɔ ipian ání olotomi wun lakpan abwepv ibitɔ, breá bolu mu, wa mu iwɔsvntɔ, menɔ ɔɛ méeta mli, mli méesi mu hogyi. ⁴Iwɔ́á mli depri le iwɔ lakpantɔ a, mli mɔkvtali pri yɔ́fvn breá mlési mli nkpa ha. ⁵Mli mátan itɔ́á Bulu lɔtɔ kpla mli anfi mli gyi mu abisv. ɔbeɛ,

“Mɔ bi, nɔ nebitɔ fv isv a, máhɔ mú lalahe sv.

Nɔ nɔwa iyɔn wa fv a, máha mú ukpɔn fv.

⁶ Tsufe ɔha ání ntɔ́dwe a, mu ntɔ́wa iyɔn wa.

ɔha ání nɔpɔ́bwe mɔ bi a, mu ntebitɔ isv.”

⁷Tomi wun ipian, fe isv bɔde fv bitɔ. Bulu de mli isv bitɔ fe mu abi. Tsufe obi ɔmɔmɔ bv uná mu sv tamabitɔ mu isv? ⁸Nɔ ɔmɛbitɔ fv isv fe alá ɔtɔ́bwe mu abi féé a, idesuna ání megyi mu bi onuto fvgyi, kletobi fvgyi mu. ⁹Anɔ ɔsulɔ anfisv asɔ butebitɔ anɔ isv, anitobu amɔ ɛ. Ntogyi sv anumóotsula ba iwɔasi ha anɔ Sv

Bulu dun amú, anya nkpa ání ítamata? ¹⁰Bre itinbi pe aní ɔsulɔsu así butɔpɔbuti aní ɪsu alá budekke. Bulu mú a, alá abɔwa ale su ɔtebuti aní ɪsu, mení aní e aní iwí bétun fe mu. ¹¹Ní bude aní ɪsu butí a, itehan aní alí bre amutɔ. Ansi tamagyi aní. Tame ɪsubutí amu ɔma a, antɔbwe yile, tsia iwílwíiti.

Atosunahe Pó Ọlada

¹²Mú su mlumáha abato iwu mli, akpawunutɔ ikpinkí mli. Mliwa iwí ɔwɔnlin! ¹³Mliha mli tsiatɔ iwa ale, mení abubupu amu buméesin tsukule, mboun bénya ulɔtsa.

¹⁴Mliɔ mbɔdɔ amlíha iwílwíi itsia mli ɔhagyiɔha nsune. Mlitsia nkpa ání mú iwí letun, tsufe ɔha ání mu iwí metun móowun aní Wie. ¹⁵Mlíktá mliɔ ɔkukukú mɔ́ɔhuli Bulu awitɔle amu. Mliɔ ɔkukú e mási asun wa mu klɔntɔ, mení ɔmɔ́ɔpu asun wa mli nsune, iyinta mliɔ aku. ¹⁶Mlíktá mliɔ ɔkukú e mɔ́ɔbwe mu iwí mbua ɔtɔpu, nte ɔha ání ɔtamabu Bulu fe *Esau. Mlɔpu mu hande tse ɔsawule atogyihe. ¹⁷Fe alá mliyin yai a, ɔma a, olobodunka obidehen-oyula tsu mu sí wa, tame mu sí lekina mu ha. Ibu mútɔ́á ɔlehie su kokoli mu sí, tame omenya mútɔ ɔkpa.

¹⁸Me gyi íbúá mletali pu íbɔ da así mlilaba. ɔtuneá oklun tuun pú afu kɔnkɔnkɔnkɔntɔ bu, ogya e idetsii fe Sinaibu amuv Israelfɔ bɔyɔ mú así breá Bulu depu mu mbala ha amú amu así mlilaba. ¹⁹Ibu bonu ɔkpe lɔfuli kuklukuv, bonu ɔme kɔnkɔnkɔnkɔntɔ ku lelun bla amú asun, su bokokoli bee itsia alí, bumedekleá bétɔra nu asvansu. ²⁰Tsufe bumetali gyi mbala amuv Bulu lɔwa ha amú ɔbee, “Ní ɔbwi ɔku kɔraa iwí ida íbu amu a, buda mu abwi mɔ” amuv. ²¹Tɔ́á bowun unu lɔwa amú ifu. Mú su Mose o leblí ɔbee, “Ifu laha mí ndekpunkú!”

²²Mli mú a, *Sionbu así mlilaba. Bulu ɔkiankpapu amu wulu yile, igyi ɔsusu Yerusalem pú Bulu-abɔpu mpum-mpum ansi ogyikpa mlilaba. ²³Bulu bití amu abí, bugyi aha amuv bawanlin amú ada ɔsusu amu ofiakpa mlilaba. Bulu, ogyi aha fféé asun ogyipu amu wa mlilaba. Mlilaba aha amuv Bulu latsú amúá bafun amu akla wa. ²⁴Yesu wa mlilaba. Mgyi Bulu muv anyankpɔsa nsune ntam ɔma ɔlupu ní. Yesu obugya wunyahe amuv ulɔpu yile ba dun *Habel obugya amu wa mlilaba.

²⁵Mú su mlíkú wanklaan, mení mluméekina Bulu amuv ɔde mli asun bla amu. Tsufe Israelfɔ amuv bekina asun ání ɔlɔwa Mose blí Sinaibu así nu amu bumetali sɔ́ sí ɪsubutí amu. Ní aní e akina ɔha anfi ɔdetɔ́ tsu ɔsusu anfi ɔme nu a, aní ɪsubutí bɔ́dɔn amú kle. ²⁶Breá Bulu lɔtɔ́ Sinaibusu a, mu ɔme leha ɔsulɔ lekpunkú. Tame sei a, alahie ɔbee, “Nétra kpinkí ɔsulɔ ɔsawule, kpinkí ɔsulɔ e tsia mútɔ.” ²⁷“Nétra kpinkí mú ɔsawule” anfi idesuna ání ɔbékpunkú atɔ bewe amu, le mú unu. Tɔ́á uméekpunkú ekekeke pe obésian.

²⁸Mú su mliha ada Bulu ípan. Tsufe iwíegyiá uméekpunkú abénya tsu mu wa. Mliha abu mu, anya mu ifu, mení abégyi mu ansi. ²⁹Tsufe lele mú a, ogya aní Bulu amu gyi, ɔtɔ́hɔ atɔ plíplíplí.

Alá Abégyi Bulu Ansi

13 ¹Mlíktá mli aba Akristofɔ dwetɔ kinkiinkin. ²Mlumátan afɔ́ɔhɔsu. Tsufe múleha aku bɔ́hɔ Bulu-abɔpu afɔ́ɔ, umɔ́wankí amú ní. ³Mlíkaun obu adípusu, fe mli amúnyɔ da obu. Mlíkaun aha ání bude iwíɔsun wunsu, fe mli amúnyɔ de iwíɔsun amu wun.

⁴Aklu mva aka bubu aba amú abatsiató. Okuku mádalu mu ba óma, tsufe Bulu óbétúti aha ání boda aha ání bumegyí amú aklu nte amú aka wa, pú mbva atópu féé ísu.

⁵Kóba asun umádun mli ódwe wa. Tóá mlibu igyi mli ansi, tsufe Bulu labli óbée, “Mméenati si mli, nte kina mli ekekeéke.” ⁶Mú sv abétali wa klun bli aniaa, “Mí Wie Bulu gyi mí óbóapu.

Mú sv tótó mótówa mí ifu.

Ntó nyankpusa óbétali bwe mí?”

⁷Mlikan mli nkpa agyapu amuv begyankpa bla mli Bulu asun amúsv. Mliki alá bóputsia, amlinya hogyi fé amó. ⁸Alí amuv Yesu Kristo gyi igye amv a, alí ogyi nde, alí ken obétsia bre féé é ní. ⁹Mú sv mli máha atosunahe ótsan-ótsan igyi mli ansi, íbitia mli le ókpa wanklaan amúsv. Ibv alá mléha Bulu óbówa awítóle ha mli ójeto ówunlín, megyi atogyihe mbli ání ítamawa labi kuku ha músv agyipúsv gyi.

¹⁰Aníbu *afódié-óswí kvá igyi ahapu amuv beha Bulu igyi ósvlúsv nífti amv búma ókpa gyi músv ató. ¹¹Bulu igyi óhapu dehen tópu mbwí obugya wie Ówankíkpató Ówankíkpa unv yóbó amú lakpan íwí afódié, bútópu aye amv mú ya mmuatse, yówa mú ogya. ¹²Íní sv Yesu é lowu mmuatse, mení óbópu mu onuto obugya gyura mu aha, amú lakpan sv ní. ¹³Mú sv mliha adali yó mu wa mmuatse unv, abókpaí anta múnyc. ¹⁴Tsufe anímá wulúá íbétsia yó ósvlúsv nífti. Anígyo wulu amuv íba amv. ¹⁵Mú sv mliha atsun Yesusu akanfv Bulu, íbwe afódiéá andepuha mu ekekegyieke. Mógyi ótótó asun ání andepúwa aní Wie numnyam ní. ¹⁶Mlí mátan awítólewasv. Mlíye mli atótó ha aba, tsufe mú aná gyi afódiéá itegyí Bulu ansi ní.

¹⁷Mlibu mli nkpa agyapu, amlíba íwíasi ha amó. Tsufe bútamada ókpúsv mli óklasúkí sv. Búyin ání béyele alá bókpaí aní óklasú ónó Bulu anstó. Mlíha amú abúbwe amú agyúma ansigyísv, megyi nwesv. Ní megyi alí a, umótówa labi kuku ha mli.

¹⁸Mlítsia bó mpaí ha aní. Nýin ání aní klun mede aní pón ha, tame andekleá abétsia tsiató wanklaan bregyíbre. ¹⁹Nhíe ndekleá mlibó mpaí, Bulu óha mí ansankí ba mli wa nkenyc anfító kotoo.

Mpaí Trahe

²⁰⁻²¹Íwílwíí Óhapu Bulu, ókúsva aní Wie Yesu Kristo tsu afulító amv óha amlítali bwe yile kugyíkúá odekle. Nde mu kokolí mbée, ótsun Yesu Kristosv óbwe tóá odekle anító. Yesu gyi akufa Ókpaí kponkponítá Bulu lópu mu obugya ka ntam amuv íbv unv bre féé, mva mu akufa, bugyi mu aha amv nsune ní. Numnyam íbwe mu kle yófun breá ítamata! *Amen.

Ukla

²²Mí apíó, íbv mótóá ówólú kutuklu nawanlín sísv mli. Tame nobwíí úpa, mliyaa asv amlínú mótó asun ání ndepúwa mli ówunlín. ²³Nde mli íbí ha ání balé aní píó Timoteo obu. Ní ólówá ósa bótú mí nífti mú a, nékpa mu abéba beki mli.

²⁴Neha mli nkpa agyapu pú Bulu aha atrahe féé ítsia. Akristofó amuv búbu Ítalia ómátó amv é beha mli ítsia.

²⁵Nde Bulu kokolí mbée, ówa awítóle ha mli féé! *Amen!

Yakobo

Ɔwɔlɔ

Itsiaha

1 ¹Mi Yakoboá ngyi Bulu mva anɔ Wie Yesu Kristo osumbi de ɔwɔlɔ anɔ wanlɔn sɔsɔ mli Bulu aha^a ání mlɔladasan wa ɔyɔtɔ féé. Nde mli itsia ha.

Ansigyinya Uklantɔ

²Apio aba, ni mlowie uklan mɔa asɔn wunhetɔ a, anɔ ihɛ gyi mli. ³Tsufe mlyin ání ni bɔsɔ mli hogyi ki a, uteha mlɔtotomi talɔ lu mli asɔn wunhe féé ɔnɔ. ⁴Ni mlɛtalɔ tomi lu mɔ ɔnɔ a, ubéha mlédan, wa alɛ, fun togyitɔ. ⁵Ni mlɔtɔ ɔku lehan nyansa a, ɔkɔli Bulu. Ɖbéha mu faan. Ɖmɔɔwa mu pelɔtɔ, tsufe Bulu tɔpɔ awɔtɔle ha aha féé nyansa. ⁶Tame ni fókɔli mu a, pɔ hogyi kɔli mu. Másusu fɛɛ ɔméha fu. Tsufe ni fɔmohogyiá ɔbéha fu a, fɔgyi fe ɔpɔá ida yɔ nkpa, ilada yɔ ɔma. ⁷⁻⁸Ɖha ání ogyi alɔ, mu agywun tamalu tsukɔle a, ɔmádinka anɔ ɔbɛɛ, ménya tɔtɔtɔ tsu anɔ Wie Bulu wa, tsufe mu agywun igyi anyɔ.

Ohian Pó Iwɔnya

⁹Anɔ igyi Okristoyin ání ɔma tɔtɔ, tsufe Bulu latsu mu fɔa. ¹⁰Ni Bulu ɔba iwɔ onyapɔ ɛ asɔ a, anɔ igyi mu. Tsufe mu nkpa bɔtsɔn fe oyi ntswɔtswɔ. ¹¹Alɔ amɔ owi ɔnɔ iwa ɔnlɔn, itɔ ifa, mɔ ntswɔtswɔ tɔbɔ kpakpa; ifa amɔ alɛ teta amɔ a, alɔ ken iwɔ onyapɔ deɔ ɔdeba alɔ obówu ni.

Isɔki

¹²Bulu toyula ɔha ání ototomi uklantɔ. Tsufe ni ɔledalɔ mɔtɔ a, Bulu ɔbéda mu ipan, ha mu nkpa ání itamata, igyi usɔgyi-ipa amɔv ɔlehɛ ɔbɛɛ, mɔpɔha aha amɔv bɔtɔdwe mu amɔ. ¹³Ni bɔsɔ ɔku ki a, ɔmáblɔ ɔbɛɛ Bulu lasɔ mu ki, tsufe ɔhaa méetalɔ sɔ Bulu ki ɔbɛɛ, ɔbwe lakpan. Bulu ɛ tamasɔ ɔhaa ki ɔbɛɛ, ɔbwe lakpan. ¹⁴Nyankpɔsa onuto ɔwɔlɔ lalaha temle mu, bita mu wa isɔkɔtɔ. ¹⁵Ɖwɔlɔ lalaha tɔkwu lakpan. Lakpan ɛ igyi ɔhasɔ a, itɔpɔ lowu ba.

¹⁶Mɔ sɔ apio adwɛpɔ, mlumáha ɔhaa ɔmlɛ mli. ¹⁷Atɔ wanklaan pɔ atokiehe yile kugyiku itsu ɔsɔsɔ. Itsu anɔ Si Bulu, ɔsɔsɔ atɔ wankɔlɛ Ɖbwepɔ amɔ wa. Ɖamatɛ fe ɔpa mɔa onye. ¹⁸Mu apɛtɔ ɔlɔpɔ mu ɔnɔkwali asɔn kwu anɔ, menɔ abɔbwe agyankpɔ mu atɔ bwehe féétɔ.

a 1:1 Yakobo letɔ Bulu aha ɔbɛɛ, *abusuan duanyɔ* amɔ

Asun-nu Pó Mósugyi

¹⁹ Apio adwepu, mlinu. Mlikosi nu asun asi. Mli ɔno máwa ɔsa. Mlimákosi nya ɔblo ε. ²⁰ Tsufe ɔblo tamabwe tɔá Bulu tekle. ²¹ Mú sv mlile tsiatɔ lalahe kugyiku le mli nkpatɔ, amlisi lakpan bwe. Mboun mliba iwiasɔ, amlithɔ Bulu asun amuv aladu wa mlitɔ amv. Mú ɔbéha mli ɔkla obénya nkpa ni.

²² Mlibwe dinka Bulu asun amusu. Mlimábwe mú anupu keke. Ni mlɔbwe mú anupu keke a, iwɔ mlideme. ²³ ɔha ání onu Bulu asun omegyí mósu, gyi fe ɔha ání alakɔ mu iwɔ ahvhwetɔ. ²⁴ Onya natɔ mú asɔ pe a, alatan alá olowun mu iwɔ. ²⁵ Tame ɔha ání ɔleyaa asv nu Kristo mbla amuv ilɔfun, iteha antegyí iwɔ amv, ɔmetan mósu, ɔde mósu gyi a, Bulu obóyula mu ɔkpagyiɔkpasu.

²⁶ ɔhagyiɔha ání ɔbee mude Bulu sum, tame ɔtamakɔta iwɔ mu tɔtɔ a, ɔde iwɔ mle. Mu Bulusum igyi kpaalu. ²⁷ Bulusum oduá mú iwɔ letɔn, asvansu ma mú iwɔ, anɔ Si Bulu tekle gyi, mléki awumbi mua asvrapusu amú ukplantɔ. Mléki ání ɔyi anfitɔ lakpanbwe ε imégyi mlisu.

Fɔtato Futi Kɔ

2 ¹ Mú apio, ni mlilahɔ numnyam Owie Yesu Kristo gyi a, mlimáfuti fɔtato kɔ. ²⁻³ Ni iwɔ onyapɔá ɔdɔdɔ tatiá ibv ibia, ɔlɔwa sika atɔ pú ohianiá ɔdɔdɔ tatida beba mli Bulu osumkpa a, mlimáha iwɔ onyapu amv otsiakpa, bla mu mltaa, obétsia oyilekpa nfi; bla ohiani amv mú mltaa, otsia asɔ ɔtunekv unv, nte odunka ɔtunekv lu. ⁴ Ni mlobu aha amú iwinya sv a, mlimɔkɔpu agywun lalahe gyi asun ni?

⁵ Apio adwepu, mlyaa asv amlinu. Bulu lele ɔyi anfitɔ ahianfɔ ɔbee, bunya hogyiá mú ɔno bv ɔnlɔn, abutsia mu iwiegyi amvɔ; fe alɔ amuv ɔlehie yai ɔbee, mɔpɔha aha amuv butɔdwe mu amv. ⁶ Tame mli mú a, mliɔkɔpɔ ahianfɔ. Nfite mli, megyi iwɔ anyapu anfi tesis mli, tswɔ mli mansu, sama mli wulu ahande wa ni? ⁷ Megyi amú de Kristo idayile amuv idun mlisu amv kpɔ ni?

⁸ Bulu mbla amv féé nwun ání bɔwanlɔn wa Bulu asun wanlɔnhe amvɔ gyi, “Dwe fu ba fe fu iwɔ.” Ni mlide mósu gyi lele a, mumv mlide itɔ wanklaan bwe. ⁹ Tame ni mlofuti fɔtato kɔ a, mliabwe lakpan. Bulu mbla amv laha mli upɔn. ¹⁰ Tsufe fuá fegyí mbla amv féésu, tame fepan kule pe a, fagyí pɔn ání fatun mbla amv féé. ¹¹ Tsufe Bulu lebli ɔbee, “Mátɔ mbva.” Mu ken lebli ɔbee, “Mámɔ ɔha” ε ni. Mú sv ni fumɔkɔtɔ mbva, tame famɔ ɔha a, fumɔkɔkina Bulu mblasv gyi ni? ¹² Bulu ɔbɔpv mbla anfi iteha antegyí iwɔ anfi gyi aha asun. Mú sv mlíkɔ wanklaan mli asun blihe pú mli bwehetɔ. ¹³ Tsufe ɔha ání ɔtamawun aha nwe a, Bulu omóowun mu nwe. Tame ni fotowun aha nwe a, Bulu obówun fu nwe mu asun ogyike.

Hogyi Pó Bwehe

¹⁴ Apio aba, ni ɔkv ɔbee, mɔhɔ Bulu gyi, tame mu bwehe mosuna alɔ a, labi mɔmu mu hogyi amv bv? Mú odu ibétalɔ ha mu ɔkla obénya nkpa? ¹⁵⁻¹⁶ Ni fowun fu aba akv buma atɔ didahe pú ɔyikehetɔ atogyihe, tame fumeha amú, febla amú fee, “Neha mli itsia. Mlitsia wanklaan. Bulu ɔkpa mli, ɔha mli tɔá ide mli hian” a, labi mɔmu fu asun blihe amv ilowa? ¹⁷ Alɔ hogyi igyi ni. Hogyi oduá yilebwe ha fu ba uma mútɔ a, igyi hogyi wuhe.

¹⁸ ɔkv ɔbétalɔ bli ɔbee “Fubv hogyi. Mú ε ntɔbwe yile.” Néle bla mu mbée, “Suna mu fu hogyi amuv yilebwe uma mútɔ amv. Mú ε nósuna fu mu hogyi tsu

mi yilebweto.” ¹⁹Fu hogyi desuna ání Bulu okule pe bu unu? Ibo ale! Tame biá ***ɔɛ lalahe** féé bohogyi alí. Mú su butenya mu ifu, kpunkí kpakpakpa-kpa. ²⁰Fu oha mimlahe, fudekleá fówun ání hogyiá utamabwe yile igyi hogyi kpaalí? ²¹Ani nain Abraham lobwe yile Bulu ansitɔ, tsufe olotsula kpa mu bi ***Isak** ya pututɔ, teki ɔyɔmɔ mu bɔ afɔdie ha Bulu. ²²Milawun alíá nanain Abraham hogyi pú mu bwehe lenatí? Mu bwehe su mu hogyi lɔfɔn. ²³Alí Bulu asun wanlunhe anfi uleba mútɔ ni. ɔbɛɛ, “Abraham lohɔ Bulu gyi. Mú su Bulu lobu mu yile ɔbwepu” ti mu mu nyawie ni. ²⁴Ini su sei a, mlubiá yilebwe teha Bulu totsɔ oha ání mu asun da okpa mu ansitɔ, megyi mu hogyi pe.

²⁵Alí uleba ha obu-ɔnɔ otsiapu Rahab ɛ ni. Bulu lotsu muá mu asun da okpa, tsu tɔá ɔlobwe su. ɔlɔpu ***Yudafɔ** akvá beba bude ansu wa kí mu ɔmátɔ nain, oleha amú betse okpa sru.

²⁶Alí amvu ɔɛ uma ohatɔ ogyi itowuhe amu a, alí ni yilebwe memá hogyisu ɛ igyi hogyi wuhe ni.

ɔdandu

3 ¹Mí apio, mli féé mlímábwe iwí atɔ asunapu. Tsufe Bulu obégyi aní atɔ asunapu anfi asun kinkiinkin. ²Aní féé antepan bregyibre, tame ni oku tamapan mu tɔtɔ a, mumu ɔlɔfɔn. ɔbétalí gyi mu iwísu okpacyiokpasu. ³Apuki, datɔbi ku pe butɔpuwa ɔpɔnko ɔnɔ, pudamli mu, suna mu okpa pú tɔá ɔbwe. Uteha otobu aní. ⁴Mlíki ntsusu-yibiá idun ntsu ansitɔ. Ilomoni, afu kɔnkpɔnti tɔpu mú natí. Tame ɔtabu pataplabi ku tedamli mú, suna ɔtunéá iyɔ. ⁵Alí aní ɔdandu ɛ igyi ni. Igyi aní iwí utɔ tukuriibi ku. Tame itetalí bli asun akɔnkpɔnti pɔtsu iwí.

Igyi fe ogya plenplenbiá itowa ipu yile ogya. ⁶Igyi utɔ lalaheá iteyinta atɔ féé aní iwí. Itɔkpɔ nyankpusa, yinta mu nkɔpatsiatɔ féé. Isubuti ogya ání itamaduntɔ ɔdandu ogya anfi tetsanki tsu. ⁷Nyankpusa tetali bwe pututɔ-mbwí, mbubwí, awɔ pú ntsutso mbwí akugyiaku butemanta. ⁸Tame ohaa mɔkɔtalí bwe ɔdandu ɔmanta kí. Itɔ lalahe ɔdandu gyi. ɔtamatsia diin. Elin ání utɔmɔ sɔɔn bɔ mú. ⁹Anitɔpu aní ɔdandu kanfu aní Wie pú aní Sɪ Bulu. Mú ken anitɔpulwu aha ni. Tame Bulu onuto lobwe nyankpusa fe mu iwí. ¹⁰ɔnɔ kule pe amutɔ ikanfu mba ulwu tedali tsu. Mí apio, uma aleá ibéba alí. ¹¹Ntsuá ibu anunle pú ntsuá uma anunle bétalí lun tsu ɔbun kuleto? ¹²Mango oyi bétalí swie kankaba? Nte bafle oyi bétalí swie mango? Ekekeke! Alí ntsuá ibu anunle méetalí lun tsu ɔbun ání mútɔ ntsu ma anunletɔ ni.

Nyansa Ání Itsu Bulu Wa

¹³Ni oku bu nyansa mba asun-asunu mlitɔ a, mumu ɔpu mu tsiatɔ wan-klaan le mú suna tsun mu bwehe pú mu iwiasiba ání itsu mu nyansatɔ. ¹⁴Tame ni olu pú ɔnsipe tsiatɔ bu mutɔ a, mumu ɔmápu ibi si kantɔ, bli ɔbɛɛ mubu nyansa. Ni ɔbli alí a, alawa afunu dinka ɔnɔkwali amusu. ¹⁵Nyansa anfi odu motsu ɔsusu. Itsu ɔyitɔ atɔ ɔmagya, tsiatɔ lalahe pú ɔɛ lalahe wa. ¹⁶Tsufe ɔtunegyitɔtunéá olu pú ɔnsipe bu a, aba-asumanu pú lalahebwe tetsia unu. ¹⁷Tame oha ání mu nyansa itsu ɔsusu a, gyankpawu, mu iwí letun. Ololwii, ɔtɔdwe aha, ɔteba iwiasi. Otowun aha nwe, ɔtɔbwe yile. ɔtamafuti fitatɔ kí, ɔtɔbwe atɔ tsu mu kluntɔ. ¹⁸Aha nsune ɔlapu todú iwilwiiá tɔpu yilebwe ba.

Ɔyito Ato Dwe

4 ¹Nto teti ɔko mba utre wa mli nsine? Megyi ɔwɔli lalaheá idekle igyi mliɔ tɔpɔba? ²Mlilapɔ ɔnsɔpe mlide ato kle, mlumede mú nya. Inu su mlide aha mɔ. Mli ansɔ depe aha atɔsu. Mú su mlidetre ko nu, tame mli ibi méeda mú ki. Tɔá svá mlumenya gyi, mlitamakvli Bulu ɔha mli. ³Ni mlɔkɔli kuraa a, ɔtamaha mli, tsufe agywun lalahe mlitɔpɔkɔli mu. Alá mlɔpɔwa iwɔ ansɔgyi su mlide mu kɔli. ⁴Mliladamli ɔma ha Bulu. Mlumeyin ání nu mlide ɔyito ato dwe a, mlide Bulu lu? Ni fudekle fee fɔdwe ɔyito ato a, fɔtɔbwe Bulu olupu. ⁵Nte mlideki mliaa, kpaali Bulu asun wanlinhe amu ɔlebl ɔbee, “Bulu tamatsula Ɖɔɔ amuɔ ɔɔpɔwa anito amuɔ?” ⁶Inu su ɔtɔpɔ awitɔle tsɔtsɔtsɔ kpa anɔ, fe alá Bulu asun wanlinhe amu ɔlebl ni. Ɖbee,

“Ɖtɔkɔsu lu iwɔ atsupɔsu,
tame ɔtɔpɔ awitɔle kpa iwɔasi abapɔ.”

⁷Mú su nde mli bla mbee, mlɔba iwɔasi ha Bulu. Mlikɔsu lu Ɖbunsamsu, ɔbɛsrɔ natɔ mli wa. ⁸Mlikpɔkpe manta Bulu, Bulu e ɔbɔkɔkpe manta mli. Lakpan abwepu, mlɔfwɔ ibi le lakpanbwetɔ. Aha ání mli agywun igyi anyɔ, mliha mli klɔntɔ utn. ⁹Mliɔ, amlɔha mli iwɔ iwa mli nwe mli lakpan su. Mli mɔsi idamli isu, mli ansɔgyi imli peli. ¹⁰Mlɔba iwɔasi Bulu ansɔtɔ, menɔ obɔtsu mli fua.

Aba Iwɔ Asun Blɔ

¹¹Apio adwepu, mlumátra bli mli aba iwɔ asun. Mlumátra tsii aba, kpɔi aba. Ɖhagyɔɔha ání ɔlele mu ba ɔla nte gyi mu asun a, ilosuna ání ɔdeblɔ ɔbee, Bulu mbla amu uma ale. Inu desuna ání alatsu mu iwɔtá ɔɔɔn mbla amu. Ni ɔɔɔn mbla amu a, muɔmɔ ɔmede Bulu mbla amu bu. ¹²Bulu lɔwa mbla amu. Mu pe ɔbétali pu mú gyi anɔ asun. Mu pe ɔbétali hɔ anɔ nkpa, nte mɔ anɔ. Ni igyi alɔ mú a, fɔgyi ma ání fégyi fu ba asun?

Ansi Pudunka Ɖkeso

¹³Mliyaa asu amlinu. Mli aha amu mlitebli mliaa, “Nde nte ɔke abɔyɔ wulu yile kɔsu, yetsia unv ofi ɔkɔle gyi ibia nya iwɔ” amu. ¹⁴Mbee, mliyin ɔketɔ? Mliyin alá mli nkpatiatsɔ bɔbwe? Mli gyi fe agyinde, utedali dunka, tame itamawa ɔpá kɔku, itɔfwɔ. ¹⁵Mú su tɔá ilehian ání mléblɔ gyi, “Ni Bulu lotsula ha anɔ nkpa a, abɔbwe unɔ nte unɔ.” ¹⁶Ni imegyi alɔ a, ilosuna ání mlide iwɔ tsu, pu ibi si kantɔ. Lakpan iwɔtsu anɔ odu gyi.

¹⁷Mú su ɔha ání oyin itɔ wanklaan, tame ɔtamabwe a, ɔde lakpan bwe.

Iwɔ Anyapɔ Asun

5 ¹Iwɔ anyapɔ, mliɔ amlɔsvra okitikiti, tsufe ipian kpɔnkpɔntɔ iba mliɔ. ²Sei anɔ a, mli atonyahé féé lapɔ. Ateple bawɔ mli atati. ³Mli sika ato e ɔlakpɔ, wɔ nkanv. Mú nkanv amu obégyi mli iwɔ adansɔ, yinta mli ɔyɔlu fe alá ogya teyinta ato. Mlilakle ato tsɔtsɔtsɔ yat kpaali, bre anɔ ɔyɔ iba bɔmɔ ɔmɔ anɔ. ⁴Mlikaun ání aha amu mlilɔkɔ ipa, bɔyɔ agyuma mli ndɔtɔ, tame mlilekina amɔ ɔko ka amu isu latv Bulu, tumi féé Owie amu. ⁵Mlilatsia ɔsvlu anɔtsu, gyi nkpa mba ɔdwe pɔwa nfo fe nnantswie ha mli ɔmɔke. ⁶Mlilaha ɔha ání mu asun da ɔkpa ipɔn, mɔ mu, ɔmepɔ iwɔ.

Uklonya Múa Mpaibɔ

⁷Apio aba, mɔnya klɔn tsia gyo anɔ Wie Yesu Kristo iba. Mluki alɔ́ ɔdɔtɔpu tenya klɔn tsia gyo nyankpu gyankpapu múa trahe, pú alɔ́ otetsia gyo bréá ɔsulɔ amu íbéha atɔ pɔpwe bówie woyi. ⁸⁻⁹Mlɔ́ ɛ mɔnya klɔn amlilu kinkin, tsufe anɔ Wie, ogyi asun ogyipu amu iba lafun. Mú su mɔmátsia tɔ́ mɔ́ abasu, menɔ ɔméha mɔ́ ɔpɔn.

¹⁰Apio, mɔ́pu Bulu ɔnɔsu atɔpu amɔv bebli Bulu asun amu bwe mɔ́ ato-suanhe. Bowun asun tsɔtsɔtsɔ, tame benya klɔn. ¹¹Mluki alɔ́ antobu amó. Itsu alɔ́ botomi amó asun wunhetɔ su. Mlɔ́kain Hiob ɛ iwɔ asunsu. Alɔ́ olotomi mu asun wunhetɔ. Lnɔ́ su Bulu loyula mu mú ɔma. Lele, Bulu bu awítɔle, otowun aha nwe.

¹²Mɔ́ apio, ndekle mbéé mɔ́bɔ́ wanklaan ání mɔ́mátanɔ ɔsusu nte ɔsulɔ, nte ka tɔ́tɔ́tɔ́. Mɔ́ “Ee!” íbwe “Ee!” mɔ́ “O-o!” ɛ íbwe “O-o!” menɔ Bulu mééha mɔ́ ɔpɔn.

¹³Nɔ́ ɔku de ipian wun mɔ́tɔ́ a, okokoli Bulu. Nɔ́ anɔ́ de ɔku gyi ɛ a, ɔwa ílɔ́ kanfɔ Bulu. ¹⁴Nɔ́ ɔku delɔ́ mɔ́tɔ́ a, ɔtɔ́ ɔpasua ahandé abuba bokokoli Bulu, abukpa mu ofobi anɔ Wie ídatɔ́. ¹⁵Nɔ́ bokokoli anɔ Wie hogyitɔ́ a, ɔbétsa mu ílɔ́, ɔbókusu. Nɔ́ alabwe lakpan ku a, Bulu obési mú féé kie mu. ¹⁶Mú alɔ́ su mɔ́lɔ́ mɔ́ lakpan blɔ́, amlɔ́kokoli Bulu ha aba, menɔ ɔbétsa mɔ́ ílɔ́. ɔha ání mu asun da ɔkpa mpaɔ́ tɔ́wa ogya, ítɔ́yɔ́ agyuma wanklaan. ¹⁷Nyankpɔ́sa *Elia ɛ gyi fe mɔ́a funyɔ́. Olokokoli Bulu kinkiinkin ání nyankpu mátswie. Lele imotswie nfinsa múa ífun. ¹⁸ɔ́lelakɔ́li mu ání itswie. Lele nyankpu letii, íleha atɔ́ lelawá ale ɔsulɔsu.

¹⁹Mɔ́ apio, nɔ́ mɔ́tɔ́ ɔku ɔdida hogyitɔ́ a, ɔku ɔsankia mu ba. ²⁰Mɔ́bɔ́a ɔha amu lale ɔkla tsu lowuá teki obówutɔ́. Mú su Bulu obési mu lakpan tsɔtsɔtsɔ kie mu.

Petro

Ɔwɔlɔ Gyankpapo

Itsiaha

1 ¹Ɔwɔlɔ anfi itsu mɛ Petroá ngyi Yesu Kristo *sumbi ɔyɔpɔ wa. Nde mú wanlɛn sɛsɛ mli aha ání Bulu lale bwe mu abi, mlɛladasaun yɔbwe afɔɔ Ponto, Galatia, Kapadokia, Asia yedali Bitinia ɔmátɔ fée. ²Ɔsɛ Bulu lale mli fe alɛ amɔv ɔlehuhie mú yat ání iba mútɔ amɔ. Bulu latsɔn *Ɔɣe **Wankthe** amɔvɔ bwe mli mu aha, menɛ mlóbu Yesu Kristo, mu obugya e ibɔg-yura mli.

Bulu ɔhe gyi mli buale, ɔha mli iwilwii tsɔtsɔɔtsɔ!

Ɔkpaktá Imɔɔbwe Kpaali

³Mliha akanfɔ Bulu. Mgyi anɛ Wie Yesu Kristo mu Si pɔ mu Bulu nɛ. Mu nwewun kpɔnkpɔnkpɔntɛ amɔ sv alakɔsva anɛ Wie Yesu Kristo tsu afulitɔ puha anɛ nkpa pɔpwe. Lnɛ laha anɛlanu iwiasɛ́á anɛ ɔkpaktɛ mɔɔbwe kpaali. ⁴Mú sv anɛ ansɛdɛn ání anɛ ibu béda siadte yile amɔv Bulu lehiéá ɔbɔpuha mu abi amɔ. Alala mú yat ɔsvsɔ wanklaan ha mli, Igyi tɔá utamayinta, utamaplɔ, utamakpa e. ⁵Siadte yile anfi igyi mli aha amɔv mlɛlahogyi amɔ kle. Mli hogyi sv Bulu tumi bun mlɛsv, ide mlɛsv kɛ alu yɔfɔn atɔ fée nkpa ɔhɔke amɔv Bulu lala yat ání ɔbéle mú ɔwan ɔyi ɔnɔmɔke amɔ.

⁶Ibu mútɔá isɔkɛ ɔtsan-ɔtsan ide mli tv, mlɛde asɔn wun, tame itɔ anfi mli ansɛdɛn músv anfi sv ansɛ mɔkɔsi mli gyi. ⁷Tɔá svá mlɛde asɔn wun gyi, mú obósvna ání mlɛlahɔ Yesu gyi lele nɛ. Tɔ butɔtɔ sika pepeá utetalɛ yinta kuraa kɛ beɛ, wanklaan igyi. Alɛ ken bɔpu asɔn wunhe sɔ mli hogyiá ibu labi dun sika pepe kɛ beɛ, lele mlɛlahɔ Yesu gyi, menɛ mlétalɛ lu kinkin nɛ. Iba alɛ a, békanfɔ mli, wa mli numnyam, ha mli idayile eke amɔv Yesu Kristo ɔbéle iwɛ ɔwan amɔ. ⁸Ibu mútɔá mlɛmɔkɔwun Yesu kɛ, tame mlɛtɔdwe mu. Mlɛmede mu wun mú, tame mlɛde mu hogyi. Lnɛ sv ansɛgyi kpɔnkpɔnkpɔntɛá ɔnɔ méétalɛ bli labɔla mlɛtɔ. ⁹Tsufe mlɛde mli nkpaɔ amɔv mlénya tsu mu hogyitɔ amɔ nya.

¹⁰Bulu ɔnɔsv atɔɔpɔ amɔ bebli nkpa anfi Bulu ɔbɔhɔ mli anfi asɔn tsɔwɛ. Betete mu awɛtɔle asɔn anfitɔ wanklaan, menɛ bónu mú asɛ. ¹¹Kristo Ɔɣe letsia Bulu ɔnɔsv atɔɔpɔ anfitɔ, tsia suna amú, bebli yat alɛá Kristo obóvwun ipian. Mú ɔma a, numnyam kpɔnkpɔnkpɔntɛ béba. Mú sv besen ansɛtɔ ání bebi breá nkpaɔ anfi ibéba pɔ ɔha oduá ibótsɔn mɔsv ba. ¹²Bulu lele suna amú ání megyi amú sv bude asɔn amɔ ɔkan da, mboun mli sv bude mú ɔkan

da. Sei mó mlánu asun amv. Tsufe Bulu lówa mu Ɖɛ Wankthe tsu ɔsusu bebla *asun wanklaan amv ɔkan adapv alí asun anfti, amó ε beda mó ɔkan suna mli. Bulu-abɔpv kúraa anstí tepeá bónu alí asun anfti astí.

Iwtintɔ Tsia

¹³ Iní sv mláda iwísv amlíkita iwí. Mlípυ mli anstí féé dúnka awítɔle amuv Bulu ɔbówa ha mli ekeá aní Wie Yesu Kristo ɔbékplí tsu ɔsusu bele iwí ɔwan amuv. ¹⁴ Mlibu Bulu fe alí amuv nyebi butobu amó akwupv amv. Mlumáha tsiatɔ lalahe amuv iletsia mlítɔ bre amuv mlumeyin tɔtɔ tsu Yesu iwí amv igyi mlísv. ¹⁵ Mboun mliha mli iwí utin mli bwehe féétɔ, fe alí amuv Bulu amuv ɔletí mli amv iwí letin amv. ¹⁶ Tsufe bɔwanlín wa Bulu asun amutɔ beε, “Bulu ɔbeε, ‘Mliha mli iwí utin, tsufe mli iwí letin.’ ”

¹⁷ Múgyi ɔha ání mlíteti mlíaa mli Sí, ní mlíde mpatí bɔ ní. Ɖtamakí ɔha anstí ní ɔde aha asun gyí. Mboun ɔhagyíɔha bwehe ɔtɔpυgyí mu asun. Mó sv mlípυ Bulu-ifunya bwe mli bwehe kugyikv nke trahe anftí ulasi mli ɔyi anftí. ¹⁸ Tsufe mlíyin tɔá ɔlɔpuka mli nwunsv ɔkɔ, ha mlílágyi iwí tsu mli anain amandíe lalahe amuv iletin mli ɔkpa amutɔ. Itɔ amuv ɔlɔpuka mli nwunsv ɔkɔ amv megyí fe sika pepe móa sika fututu ání itetalí yinta. ¹⁹ Kristo obugya ání ithe bu íbia ɔlɔpuka mli nwunsv ɔkɔ amv. Kristo gyí fe *okufabiá ɔlɔfun ha mbusuo kugyikv le, pína kúku uma mu iwí. ²⁰ Asa Bulu lɔbwe ɔyi a, ɔlɛhíe tɔá íbéba Kristosv yat. Mli sv Bulu lalé mu suna bre trahe anftí. ²¹ Kristo laha mlíláhɔ Bulu gyí. Bulu lɔkúsva mu tsu afulítɔ, wa mu numnyam. Mó sv mli anstí dín Bulusv, mlíde tɔá alahíe ɔkpa kí ní.

²² Mlílágyi dúnka ɔnɔkwali amuv íbu Kristotɔ amuv. Mó sv mlílatín mli iwí ha Bulu, mlíde aba dwe fe apio. Megyi anstí-ɔdwe mlídepuha aba. Mlíyɔ mósv amíldwe aba wanklaan tsu mli klíntɔ. ²³ Bulu lakwí mli pɔpwe. Megyi nyankpúsa ání oméetsia nkpa wa ɔpásv ɔlɔtsv kwu mli. Mboun Bulu asun amuv íbu nkpa, íbu ínv bre féétɔ amuv ɔlɔtsv kwu mli. ²⁴ Bɔwanlín wa Bulu asun amutɔ beε, “Anyankpúsa bυgyí fe ífa. Amó numnyam ε igyi fe ífa ntswítswí. ífa towu, mó ntswítswí tɔbv kpakpa, ²⁵ tame aní Wie asun amv mó bu ínv bre féétɔ.”

Asun anftí gyí asun wanklaan amuv mó ɔkan adapv beda suna mli amv ní.

2 ¹ Mó sv mlíle agywún lalahe kugyikv le mlítɔ. Mlumátra mlé aba, nte bwe apinabwebí. Mlumátra pe anstí abasv, nte tsii aba. ² Mlibwe mli iwí fe nyebi ɔbɔwe, amlíha Bulu asun amuv íletín, tɔtɔ mefra mótv amv ídúnka mli ɔwólí bregyíbre, fe alí amuv nyɔpv-ntsv tedúnka nyebi ɔwólí amv. Mení íbéha mlédán, nya nkpahɔ tsu Bulu wa. ³ Mlílakapv aní Wie amv kí, mlílawún ání ɔbv awítɔle.

Akristofɔ Aha Pɔpwe Bwe Ha Bulu

⁴ Mó sv mlíkpvkpe ba aní Wie Yesu Kristo wa. Múgyi nkpa Owíe ní. Ogyí fe íbwiá aha bekina mó ání uma labí, tame Bulu lele móa íbv labí mu anstí. ⁵ Ɖɛtɔ asun néba beblí a. Mliba Bulu wa bre anftí mlibv nkpa anftí, ɔbwe mli fe abwiá ɔdepví obuá bótswe mu mótv. Ɖbwe mli mu igyi ahapvá amó iwí letín, amlítsvn Yesu Kristosv ha Bulu igyi amuv mu Ɖɛ losusu suna mli, ítegyí mu anstí amv. ⁶ Tsufe bɔwanlín wa Bulu asun amutɔ beε,

“Bulu ɔbeε, mlíkí, nale íbwiá íbv labí,

pubwe okonkisubwi yat *Sion wuluto.
 Ohagyiɔha ání ɔlɔhɔ aní Wie, ogyi okonkisubwi amusu gyi a,
 peli méekita mu ekekeeke.”

⁷Ibwi anfti hie ibv labi ha mli aha ání mlɔ́hɔ Kristo gyi. Tame ha aha ání bómɔ́hɔ mu gyi mú a, Bulu asun amu ɔleblɔ ɔbee,

“Ibwi anfti obu ayipu bekina ni.

Tame múlebemli ibwiá ihie bu labi dɔn mú féé ni.”

⁸Asa ε a,

“lɔ́ gyi ibwiá aha bósutin músu dida ni.”

Bósutin músu, tsufe bomegyi Bulu asun amusu. Alí Bulu lehie yat ání tba ha amú ni.

⁹Tame mli mú a, mligyi ɔmá ání Bulu lale. Owie amu igyi ahapu. ɔmá wankiheá alapu mli bwe mu onuto aha ni. Mulale mli tsu okluntɔ, pu mli ba mu ɔkandie wankihe amu asi ɔbee, mlíbédá ofula amuv alabwe amu iwɔ ɔkan. ¹⁰Teki bre amu a, megyi Bulu aha mligyi, tame sei mú a, mlɔ́labwe mu aha. Bre amu a, teki Bulu nwewun uma mlɔ́su, tame sei mú a, mu nwewun laba mlɔ́su.

Bulu Nkpábi

¹¹Apio adwepu, nhie nde mli ɔla da. Afɔw mligyi, mlíméetsia ɔsulɔ anftu wa ɔpá. Mú sv mlile iwɔ tsu nyankpɔsa ɔwɔli lalahe amuv itɔkɔ mli ɔkla isa amutɔ. ¹²lɔ́á mli ɔmáɔfɔ tsie sv a, mlɔ́tsia tsiatɔ wanklaan, menɔ ni budeblɔ bee mli tsiatɔ uma ale a, bówun mli yilebwe. Fówun békanfu Bulu eke amuv ɔbéba beki amú gyumagyihe amu.

¹³Aní Wie Yesu sv mlibu aban mba ohagyiɔha ání bapu tumi wa mu ibitɔ. Mlibu ɔmá ɔkparúá ɔde ɔmá amu féésu gyi. ¹⁴Mlibu ɔmásv akɔpu amuv ɔmá ɔkparú lale ɔbee, bubiti lakpan abwepu isv, abukanfu yile abwepu amu. ¹⁵Mlibwe yile pɔka asun lalahe amuv aha mimlahe buteblɔ mábtsu, tsu mli iwɔ amu itin. Tsufe ɔkpa anftu Bulu dekle ɔbee, mlibwe mú ni. ¹⁶Mlɔ́tsia nkpa fe aha ání butsie iwɔsv, tame mlímápu mli iwɔsvtsia amu tin ansibi bwe lalahe. Mboun mlɔ́tsia nkpa fe Bulu asumpu. ¹⁷Mlibu ohagyiɔha, amlɔ́dwe mli aba ahogyipu. Mlɔ́nya Bulu ifu, amlɔ́bu mli ɔmá ɔkparú.

Asumpu lwiasɔba

¹⁸Nkpábi, mlɔ́nya mli awie ifu, amlɔ́pu obú ha amú. Megyi amúá bolwii, bubu awitɔle ha mli nkule. Mlibu amúá bubu owuntɔlin mlɔ́su ε. ¹⁹Ni ɔleba múɔɔá beha mlɔ́lowun iwɔɔsvn kuku kpaalu, tame Bulu sv mlɔ́tomi hɔ mú faan a, Bulu ansɔ bégyi mli iwɔ. ²⁰Labi mɔ́mu ibv ni fatomi, bada fu fu lakpan sv? Labi kuku uma múɔ. Tame ni fɔ́bwe yile asa fotomi beda fu a, Bulu ansɔ tegyi fu iwɔ. ²¹Asun wunhe anfti aná sv Bulu leti mli ni. Tsufe mli sv Kristo onuto ε lotomi tsun asun wunhetɔ pubwe nfantɔhun ha mli, menɔ mli ε mlɔ́tsun músv. ²²Bówanlɔn wa Bulu asun wanlɔnhie amutɔ bee, “ɔmɔ́bwe lakpan kuku. ɔmemle ohaa ε.” ²³Besia mu, mu mú omesia ohaa. Breá ɔde ipian wun a, ɔmeká ohaa sv, tame ɔlɔpu mu ansɔ dɔ́nka Bulu, asun ogyipu ɔnɔkwálɔpu amusu. ²⁴Yesu Kristo onuto lɔ́hɔ aní lakpan féé sɔra, beda mu manta *oyi-kpalihe amusu, menɔ abégyi iwɔ tsu aní lakpantɔ, tsia nkpa ha yilebwe. Tsufe bówanlɔn wa Bulu asun amutɔ bee, “Mu iwɔ nɔ́ amutɔ mlɔ́lenya mli ɔlɔ́sa.”

²⁵ Tsufe mligyi fe akufa fwihe, fe alí amuv bōwanlun wa Bulu asuntō amv. Tame sei mó a, mllayinki ba mlibuo Yesu, mli oklasu okupu pú mv okpapu amv.

Aklu Móa Aka

3 ¹ Atsi, mlibu mli aklu alí ken, mení nì amótō akv bumōho Bulu asunsu gyi kuraa, bowun mli tsiatō a, íbétse amó, megyi mli obétepi tra bla amó asvansu. ² Tsufe bōwun mli tsiatō wanklaan pú alíá mlutehie bu atō. ³ Mli ale umátsu mli imi bwe, atati yile dūda nte sika atóá íbv íbia watō. ⁴ Mboun mliha mli ale itsu mli kluntō. Aleá tamayinta gyi móá íbv ale, ílolwii. Mótēhie gyi Bulu ansí nì. ⁵ Tsufe alí ken bumbi amv atsiá bōpu amó íwí ha Bulu, pu ansí dunka musv bobu amó aklu, sv bōwa akile nì. ⁶ Alí ken *Sara lobu mv klu, oletsia tí mv obee, “Mí wie” nì. Mv abi mligyi, nì mlóbwe yile, mluменя tótó ífu.

⁷ Alí ken mli ayin ε, nì mlia mli aka mlibu ínv a, mlibiá buma awutō-owonlun fe mli. Mliwun amó nwe, amlípu obú ha amó. Tsufe mlia amónyo obénya Bulu atokiehe amuv igyi nkpa amv. Mlíkita mli aka tsun okpa anfsu, mení nì mlíde mpaí bō a, tótó méetin mli okpa.

Ipiánwun Yilebwe Sv

⁸ Utrahe-trahe a, mli féé mliha mli agywun íbwe kule. Mlísu ha aba, amlídwē mli aba Akristofō. Mliwun aba nwe, amlíba íwíasi ha aba. ⁹ Mlímapu lalahe ka lalahe íkō. Nte nì aha besia mli a, mli másia amó ka íkō. Mboun mli yula amó, tsufe Bulu letí mli ání mli boyula aha, mení obóyula mli. ¹⁰ Bōwanlun wa Bulu asv amutō bee,

“Ní okv dekle obee, mv tsiatō íwa ale,
otsia ansigyitō a,
mómuv osi aha íwí asv lalahe blí,
osi afunu wa.

¹¹ Osi lalahe bwe, obwe yile.

Odunka íwilwii, ogya mó okpa.

¹² Tsufe Bulu ansí bv yile abwepusv.

Ọteyaa asv nu amó atō kulíhe.

Tame otokusu lu lalahe abwepusv.”

¹³ Ma obópu lalahe gyi mli, nì mli ansí ípe yilebwesv? ¹⁴ Tame nì íleba ání mlíde ípiánwun yilebwe sv kuraa a, nwun lawa mli olu. Opuni mátsii mli, mli mánya ohaa ε ífu. ¹⁵ Mboun mlibi tsu mli kluntóá Kristo gyi mli Wie. Mv íwí letn. Mlída íwísv, mení bregyibre nì okv íefite hogyi amuv íbv mlitō amv íwí asv a, mlébi íe mó okv wanklaan. Tame mlunya klun, amlíba íwíasi íe mó okv. ¹⁶ Mli klun máha mli pōn tótó íwí, mení nì bōde asv lalahe blí tsu mli tsiatō wanklaan amuv mlíokpu mlibuo Kristo amv íwí a, pelí békita amó. ¹⁷ Ní igyi Bulu apeá fūwun ípián kuraa a, íbv aleá fōwun ípián yilebwe sv, dūn ání fōwun ípián lalahebwe sv. ¹⁸ Tsufe Kristo ε lowu aha lakpan sv ọtsawule pe. Mv asv da okpa, tame olowu ha lakpan abwepu féé, mení obékpa mli ba Bulu wa. Bōmō mv nyankpusa-oyi, tame Bulu íokusva mv Ọjetō. ¹⁹ Ọlōtsun Ọje amutō yeda asv amv okan ha afuli amuv bōda obu amv. ²⁰ Afuli amv gyi, aha amuv bumobu Bulu asv, Bulu lenya klun ha amó bre amuv aní nain

***Noa** de daka kpɔnkpɔnkpɔnti sre amv. Aha ikwe pɛ lɔtsun ntsubula amvɔ nya nkpa. ²¹Ntsu anfti lelu ha ***asubɔ**. Alɔ amvɔ aha amv bɔtsun ntsubula amvɔ nya nkpa amv a, alɔ ken asubɔ anfti de mli nkpa hɔ ni. Megyi mli wɔ ifin asubɔ tɔfwɔ. Mboun igyi ipabwii ha Bulu ání mli klɔn ɔdɔ mli asɔ, umátra ha mli pɔn. Asubɔ anfti lahɔ mli nkpa tsun Yesu Kristo kɔsv tsu afulitɔ amvɔ. ²²Alayɔ ɔsvɔ yetsia Bulu gyɔpɔsv sei. Bulu-abɔpɔ, ɔɣɛtɔ awie pɔ tumi kugyiku bubu mv asɔ.

Nkpatsia Ha Bulu

4 ¹Kristo lowun iwɔtsun. Mú sv mlɔda iwɔsv mli ɛ, amlɔpɔ mv ɔkpa amv alɔ ken. Tsufe ɔha ání owun iwɔtsun lale mv wɔ le lakpantɔ. ²Ɔni sv ɔmátra ha ɔwɔlɔ lalaha igyi mvsv. Mboun ɔha Bulu apɛbwe itsia mv klɔntɔ mv nkpa ání ulasi ɔyi anftɔ fɛé. ³Asa mlɛbɛmli Akristofɔ a, mlɛleyinta bre tsɔtsɔtsɔ tsia bwe tɔá aha ání bɔmeyin Bulu bɔtekle bwe. Mú aná gyi; atsv mɔa ayin asunwa, ntabv, pleikpada mɔa ntakpan onunkpa yɔ pɔ ɔkpɔtsweá igyi mli akisɔtɔ. ⁴Itobwie ɔmátɔfɔ amv ɔnɔá sei mlɔtra mlɛmedɛsv buo amú ɔbwe lalaha. Mú sv bɔtesia mli ni. ⁵Tame béle amú bwehe fɛé ɔnɔ Bulu ansɔtɔ. Mv ɔba begyi akɔankpav pɔ awupv fɛé asun ni. ⁶Mú sv beyeda Bulu asun wanklaan amv ɔkan ha awupv ni. Amú lowu amv igyi tsɔá Bulu labɔtɔ amú ɔyɔlv, fɛ alɔ ɔtebutɔ ɔhagyɔha ɔsv. Beyeda Bulu asun amv ɔkan ha amú, menɔ amú ɔkla obénya nkpa fe alɔá Bulu bv nkpa.

Bulu Atokiehe Kɔta Wanklaan

⁷Togyitɔ ɔnɔmɔ lafun ta. Mú sv mlɔkɔta iwɔ, amlɔha mli agyiwuntɔ ɔdɔ, menɔ mlɛtalɔ bɔ mpaɔ. ⁸Múá ɔɔn mú fɛé gyi, mlɔdwe aba tsu mli klɔntɔ. Tsufe ɔdwe anfti odu ɔbéha mlɛtalɔ si aha lakpan kie amú ni. ⁹Mlɔpɔ ansigyɔ hɔ mli aba Akristofɔ afɔ. Mlɔmáblɔ mlɔaa, ɔlakpɔn mli. ¹⁰Bulu lakie ɔhagyɔha atɔ ɔtsan-ɔtsan. Mú sv ɔhagyɔha ɔkɔta mv kletɔ wanklaan, amlɔpɔkpa aba. ¹¹Ni ɔkɔ kle gyi Bulu asunblɔ a, ɔblɔ asun ání itsu Bulu wa. Ni ɔkɔ kle gyi aha sum a, ɔpɔ ɔwɔnɔln amv Bulu laha mv amv fɛé sum mv aba. Ɔni ɔbéha aha békanfɔ Bulu tsun Yesu Kristosv togyitɔ. Numnyam mɔa tumi igyi Bulu kle bre fɛé. ***Amen.**

Akristofɔ Ipianwun

¹²Mɔ apɔ adwepv, mlɔmáha asun wunhe kpɔnkpɔnkpɔnti anfti bɔdɛpɔsv mli kɔ anfti ibwie mli ɔnɔ. Mlɔmáktɔ mú ání asun pɔpwe de mli tv. ¹³Mlɔha ansv mboun igyi mlɔá mlɔde Kristo asun wunhe amv kv wun, menɔ ansv bétra hie gyi mli eke amv mv numnyam béln ɔwan amv. ¹⁴Ni aha bɔde mli sia Kristo buo sv a, idesuna ání nwun lawa mli olu. Bulu Numnyam Ɔɣe Wankɔhe amv bv mlɔtɔ. ¹⁵Mlɔtɔ ɔkɔkv ɔmáwun asun ahamɔ, owi, lakpanbwe, nte okengyewa sv. ¹⁶Tame ni mlɔgyi Akristofɔ sv mlɔde asun wun a, umáwa mli pelɔ. Mboun mlɔkanfɔ Bulu ání Kristo ɔda dɔn mlɔsv.

¹⁷Tsufe bre lafun ání Bulu obégyi ɔhagyɔha asun. Obégyankpa gyi mv onuto aha asun. Ni Bulu obéfi mú asɔ tsu anɔsv a, mvsv nkali aha amv bɔmɔhɔ mv ***asun wanklaan** amvsv gyi amv kle bɔbwe? Ɔbéhe wa ifu. ¹⁸Bɔwanɔln wa Bulu asuntɔ bɛɛ,

“Ni ɔbɔwa ɔnɔln asa Bulu ɔbɔhɔ yile abwepv nkpa a,

mumu nkali ibégyi ha lakpan abwepu pú aha ání butamabu Bulu é?

Iméetepi wa ale ha amú.”

¹⁹Mú sv aha amuv igyi Bulu apeá bwun asun amu bupu amú iwí fée wa amú
Dlepú amu ibuto, abokuta yilebweto kinkiinkin. Otegyi mu asunsu bregyibre.

Bulu Akufasu Ki

5 ¹Sei a, ndekle mbee, nótú kpla mla mlgyi ahande Kristo opasuato. Opasua chande mi é ngyi. Ntra ngyi ipian amuv Yesu lowun amu iwí adanse ogyipu. Mi é nénya mu numnyam amuv ibéln owan amu iku. ²Nde mli kokoli mbee, mlíkí aha amuv Bulu lapwa mli ibto amuvu wanklaan fe akufa okpapu. Imábwe mli fe bude mli hie, mboun mlibwe mú tsu mli klvnto alíá Bulu dekle. Megyi sika onspe sv, mboun odweá mlibu ha osum amu sv. ³Mlimábwe aha amuv Bulu lapwa mli ibto amu kpounkpoun. Mboun mltsia tsiato wanklaan ání tóbwe nfantvhn ha amú, ⁴meni ekeá Kristo, ogyi akufa akpapu Owie amu oha a, obéha mli usvgyi-ípa ání tbo numnyam, uméekpa ekekekeke.

⁵Nyasubi múa mbitebi, mli é mlibu obú ha mli ahande. Mli fée mlibu iwiasba kpa aba. Tsufe bwwanlun wa Bulu asun amuto bee, “Bulu tókusu lu iwí atsupusu, tame otwa awitole ha aha ání beba iwiasu.” ⁶Mú sv mliba iwiasu, amlipu mli iwí wa Bulu tumi kponkponkponnti amu asu, fówun obótsu mli fva mu bre wanklaanto. ⁷Mlipu mli asun wunhe fée wa Bulu ibto, tsufe otgywun mli iwí.

⁸Mlíkita iwí, amlidnka anst iwísv, tsufe mli olupu, ogyi Obunsam na odekpoun, odeki fe gyata, ode oku dunka okuta wí. ⁹lni sv mlíkita mli hogyito kinkiinkin, amlitin mu okpa. Mlibíá mli aba Akristofóá bubu oytó fée bude ipian anfti odu wun. ¹⁰Tame Bulu hie obv awitole ha mli togyitoto. Mvlati mli ba mu numnyamto tsun mla Kristonyo ikulebweto. Mu numnyam amu bu unv bre féétó. Ni mlowun ipian kpalobi a, umówa opá mu onuto obótsu mli kusv, ha mléyinki lu. Obówa mli owunlun, ha mléle nlin Kristoto. ¹¹Mubv iwiegyi bre féétó. *Amen!

Ikla

¹²Silwano letsa mu nowanlun owulv kutuklu anfti sivi mli. Nyin ání opio Okristoyin ogyi, obv onkwali. Ndekleá nówa mli owunlun, mi angyi adanse suna mlá asun anfti nabra mli owulv anftito fée idesuna ání unv gyi Bulu awitole onutonuto amu ni. Mlíkita móto kinkiinkin.

¹³Mli apio ahogyipvá bubu ***Babilon** opasuato beha mli itsia. Mli bi Marko é oha mli itsia. ¹⁴Mlipu aba-odwe amuv tbo Akristofoto amu ha aba itsia bregyibre. Nde Bulu kuli mbee, oha mli aha amuv mlgyi Akristofoto amu fée iwilwii.

Petro

Ɔwulu Nyɔsi

Itsiaha

1 ¹Mi Yesu Kristo osumbi pú mu sumbi ɔyɔpu Simon Petro de ɔwulu anfi wanln.

Nde mú wanln sɔsi mli fɛ́éá mɔlanya hogyiá ɔbu labi fe anɔ kle, Bulu mua anɔ Ɔlepu Yesu Kristo yilebwe laha anɔlanya amu.

²Bulu ɔhie gyi mli buale, ɔha mli iwilwii, tsufe mɔlɔabi mua anɔ Wie Yesu Kristo tsia.

Bulu Aha Ti Pó Tɔ́á Odedunka

³Uná anɔlɔabi Yesu wanklaan su a, Bulu laha anɔ togyitɔ́á abóptsia nkpa ání itegyí mu anɔ. Ɔletɔ anɔ mu onuto tumitɔ ɔbee, abénya mu numnyam pú mu yilebwe. ⁴Mu tumi kpɔnkpɔnkpɔnti amu ken ɔlɔpɔkie anɔ atɔ yileá ɔbu bia. Mú ɔlehie yatá ɔbɔpuha anɔ ni. Ɔlehiéá ɔbéle anɔ tsu ɔyitɔ ɔwɔli lalaha amɔv iteyinta nyankpɔsa amɔv. Atsun músu tsia mu atsiabi. ⁵Uná Bulu labwe unɔ ha mli su a, mlitsun mli hogyisv amlɔbwe yile ɔkpagyɔkpasu. Mlitsun mli yilebwe amɔsv amlɔbi asun. ⁶Mlitsun mli asunbi amɔsv amligyí iwɔsv. Mlitsun mli iwɔsvgyi amɔsv amlɔwa nsi. Mlitsun mli nsiwa amɔsv amlɔsum Bulu. ⁷Mlitsun mli Bulusum amɔsv amlɔwa awitɔle. Mlitsun mli awitɔlewa amɔsv amlɔdwe mli aba Akristofɔ. ⁸Ni unɔ aná dedan mlɔtɔ a, ibósuna ání mɔlɔabi anɔ Wie Yesu Kristo. Mu bi amu desuna ání mɔlɔawa labi, swie abi ni. ⁹Tame ni tsiatɔ anfi aná ɔma akɔtɔ a, butamawun yɔ tsutsu. Amú ansibi labwie. Batan ání Bulu ɔlɔfwɔ amú lakpan dada amu le amú iwɔ.

¹⁰Mú su mi apio adwepu, mlɔsen ansitɔ. Bulu letɔ aha, ɔlele aku ha mu iwɔ. Mliha mli bwehe isuna ání lele mliɔv amɔv. Ni mlidɔ unɔ bwe a, mliúmédida ekekeke. ¹¹Lba alɔ a, Bulu obéfinki ɔkpa gbagya ha mlówie anɔ Wie pú anɔ Ɔlepu Yesu Kristo iwiegyi amɔv itamamɔ ɔnɔ amɔv.

¹²Mméesi mli asun anfi kaun. Ubu mótɔ́á mlyin mú dodo. Mlilu mli ɔnɔkwah amɔsv kinkiinkin. ¹³Ee, nawun ání uná nanya mbu nkpa anfi mú a, ɔbu aleá nétsia kaun mli asun anfi bregyibre. ¹⁴Tsufe anɔ Wie Yesu Kristo laha mi nabíá mi nke itra mɔtɔv ɔsulv anfi. ¹⁵Mú su nɔtsun ɔkpagyɔkpasu ha mlétsia kaun músu mi ɔma.

Kristo Numnyam

¹⁶Megyí nyansa anɔlɔpsre ɔte bɔwa suna mli tsu anɔ Wie Yesu Kristo tumi pú mu yinki ba amu iwɔ. Mboun anɔlehie pu anɔ ansibi wun mu numnyam.

***Bileam** bwehe lalahe. Ɖɔɔdwe sika ání obénya tsu lalahaɓweto. ¹⁶Mó su Bulu leha mu afrimu ɔtɔɔi wa mu, uleha olesi mu gbedela amu bwe.

¹⁷Afunu atɔ asunapu anfi buma labi kuku. Bugyi fe ntsuá ulakpi nte nyankpúá ulabila tuun, afu latsvan mú nati. Inu su amú otsiakpa ání Bulu lala yaí amú gyi oklun tuuntu. ¹⁸Butotsu iwi, ka ɔntɔɔ, pu amú ɔwɔli lalahe tun ɔntɔ, mle aha butelabwe lakpan ání besi bwe umɔkuwa ɔpá. ¹⁹Butehie aha bee, ni begyi amú atosunahesu a, bégyi iwi. Tame amú onuto bugyi nkpábi ha tsiatɔ lalahe. Tsufe nyankpúsa gyi ɔkpábi ha tɔá ude musu gyi. ²⁰Aha ání babí aní Wie pú aní Ɖlepu Yesu Kristo, si ɔyito ɔwɔli lalahaé iteyinta nyankpúsa bwe, beyinki yebitiwie mútɔ, igyi amúsu a, amú tsiatɔ telayinta dun alá igyi yaí. ²¹Ni bumetepi wun ɔkpa wanklaan amu kúraa a, tekti ibu ale ha amú dun ání bówun mú yinki ɔma, si mbla wankihe amuv bópuha amú amúsu gyi. ²²Amú bwehe anfi laha yebi anfi laba mútɔ. “Kíai tekplai, lapu mu ɔdandu tsu” pú “Febie ɔprakuo ntsu altagyialtá a, ɔtelayebie ɔdiba.”

Ani Wie Ɖbake

3 ¹Mi apio adwepu, iní gyi ɔwɔlu nyɔstá ndewanlin sɔsi mli ni. Ndepu nɔwɔlu anyɔ anfi kaun mli, mení mlɔgywun mú iwi wanklaan. ²Ndekleá mlikain asun amuv Bulu ɔntɔsu atɔɔpu wankihe amu bebli yaí amúsu. Mlikain aní Wie, ogyi aní Ɖlepu Yesu Kristo mbla amuv ɔɔtsun mu sumbi ayɔpúsu wa ha mli amúsu. ³⁻⁴Gyankpapu a, ndekleá nékaun mliá nke trahe amútu a, ahinla abwepu aku bóbuo amú onuto ɔwɔli lalahe. Bómɔsi mli, fite mli bee, “Ye Yesu lebli yaí ɔbee, mélayinki ba a? Mú nki mu me? Tsu aní anain lowu bresu ɔpá a, tɔtɔɔtu umɔkutse. Ali amuv ilenya igyi amu ni.” ⁵Baki ansí tan ání ɔntɔ Bulu ɔɔpubli asun bumbi amu, ɔsu múa así lelin, ɔwɔli ledali tsu ntsutso. Ntsu e ɔɔpubwe mú. ⁶Ntsu ken aleha ulobula yinta bumbi ɔyi amu. ⁷Ɖntɔ amu ken ɔletra publiá ɔsu múa así anfi mú ibétsia yɔfun ekeá obégyi aha amuv butamanya mu ifu amu asun, pu ogya hi togyito.

⁸Tame apio adwepu, mlimátan iní músu. Ekewule igyi fe nfi-ɔpum, nfi-ɔpum e igyi fe ekewule aní Wie ansitɔ. ⁹Aha buki bee, Bulu tesi tsia tɔá alahieá ɔbɔbwesu. Megyi alí igyi, mboun klun otenya ha mli; mení ɔhagyioha ɔbédamli kluntɔ si lakpan bwe, tsufe omedekleá ɔhaa ɔbɔfwí.

¹⁰Tame aní Wie ɔbake amu ibófwie ahato, fe alá owikpulu tofwie ɔhato. Eke amu a, ɔwɔsu bósuɔra okitikiti kuklukuvu ŋa. Ogya béŋlain ntobiá ɔɔpubwe ɔsu múa así féé. Ɖwɔli múa músu atɔ e féé bóho pluplupli. ¹¹Iná lele Bulu obéyinta ɔyito atɔ féé alí a, tsiatɔ mɔmɔ ilehian ání mlɔpútsia, ibégyi mu ansí? Ilehian ání mli iwi bétun, mlósum mu. ¹²Mlitsia tsiatɔ anfi puki ɔkpa ha Kristo ɔbake amu, amlíha mú ukɔsi ba. Bulu ɔbɔpu ogya hi togyito ɔwɔli eke amu. Mú okunku e ibéŋlain unu atɔ féé. ¹³Tame Bulu lehieá ɔbɔbwe ɔsu múa así papwe ha aní. Ɖtuneá aha ání amú asun da ɔkpa bétsia. Mú anigyo ni.

¹⁴Mú su apio adwepu, iná mlɔgyo iní su a, mlityiri iwi amlitsia tsiatɔá mú iwi letun, ɔlala méetsia mli iwi Bulu ansitɔ, mení iwílwii bétsia mli munyo nsune. ¹⁵Mlimátan ání aha nkpahɔ su aní Wie de uklun nya, fe alá aní pio ɔdwepu Paulo ɔɔpu nyansa ání Bulu leha mu wanlin asun anfi ken sɔsi mli. ¹⁶Asun anfi aná iwi ɔɔtɔɔi tsu mu nɔwɔlu fééto ni. Tame mu asun amu iku asunu bu ɔnlun. Mú su aha ání butamakasi tɔtɔ pú aha ání amú hogyi melu

tsukole botédamli Paulo asun amv, fe alí amv botédamli Bulu asun wanlunhe bun amv. Mú obéha Bulu obéhi amú ni.

¹⁷Tame apio adwepv, uná mlyin mú alí sv a, nde mli óla da yaí. Mludunka ansí iwtsv, mení aha anfi botamagyi mblasv anfi bumóopv amú atosunahe lalahe amv bemle mli, amlídida. ¹⁸Mboun mlyó músv, mení aní Wie pú aní Ólepυ Yesu Kristo awítóle pú mv bí bómoni mlitv. Numnyam íbwe mv kle tsu sei puya bre féeťv! ***Amen.**

Yohane

Ɔwɔlɔ Gyankpapo

Nkpa Ason

1 ¹Anide ɔwɔlɔ anfi wanlin sisi mli tsu Ason amuu iteha nkpa, ibu unu asa ɔyi lebelin amu iwi. Ani onuto anilonu mu iwi asun, pu ansibi wun mu, ki mu, pu ibi da mu. ²Bulu lele Nkpa Ɔhapu anfi ɔwan suna ani, anilowun mu. Anide adansie gyi, bla mli aniaa, mutaha nkpa ání itamata ni. Mva Ɔsi amu nyo bu unu yai, asa alale mu ɔwan suna ani. ³Asun ání anilonu pú tɔ́á anilowun anide mli bla, mení ania mlinyo abɔ́bwe kole. Tsufe ania Ɔsi amu pú mu Bi Yesu Kristonyo gyi kole. ⁴Anide mú wanlin sisi mli, mení ania mlinyo ansigyí bɔ́fun.

Bulu Wanki

⁵Asun ání anilonu tsu mu Bi amu wa, anide mli bla gyi, Bulu lɔwanki. Oklun kukuvuku uma mutɔ. ⁶Mú su ni anidebli aniaa, ania munyo anide mbagyi, tame antra anuna okluntɔ a, anide afunu wa. Animedebwe dinka ɔɔkwali asun amuu. ⁷Tame ni anuna wanki amutɔ, fe alá mu onuto ɔna a, ukulebwe bu ania ani aba nsine. Mú su mu Bi Yesu Kristo obugya amu tetun ani iwi tsu ani lakpantɔ.

⁸Ni abli aniaa, lakpan uma ani iwi a, anide iwi mle. Anumá ɔɔkwali. ⁹Tame ni ale ani lakpan bla Bulu a, obésikie ani, tin ani iwi tsu lalahe fɛ́éto; tsufe yile ɔbwepu pú ɔɔkwali pu ogyi. ¹⁰Ni abli aniaa, animegyi lakpan abwepu a, anilawa mu afunuto. Idesuna ání anumɔho mu asun amu.

Ani Bvale Ogyipu

2 ¹Mi abi adwepu, nde asun anfi wanlin sisi mli, mení mliméetra bwe lakpan. Tame ni mlitɔ ɔku ɔbwe lakpan a, anibu ɔha ání otokokoli ani Si amu ha ani. Mvgyi yile ɔbwepu Yesu Kristo. ²Tsufe mulowu, pu mu obugya le ani nwunso mbusuo. Megyi ani nkule pe lakpan, tame ɔyitɔ aha fɛ́é kle.

³Ni anide Bulu mblasu gyi a, mú ɔbéha abébiá anilabi mu ni. ⁴Ni ɔku ɔbli ɔbee, “Nyin Bulu,” tame ɔtamagyi mu mblasu a, ofunupu ogyi. Ɔma ɔɔkwali. ⁵⁻⁶Tame ni ɔku tegyi Bulu mblasu a, idesuna ání mu Bulu-dwe lɔfun. Tɔ́á ibéha abébiá ukulebwe bu ania Bulu nsine gyi, anitsie nkpa fe Yesu Kristo.

Mbla Pɔpwe Amu

⁷Apio adwepu, megyi mbla pɔpwe kuku ndewanlin sisi mli. Mbla dada amuu mlyin tsu bre amuu mlitɔtsɔ hogyi amu ni. Mbla dada anfi igyi asun

ání mlilanu dodo. ⁸Tame mbla pɔpwe igyi. Tsufe Kristo tsiato pú mli kle lale mú suna ání mbla pɔpwe igyi. Oklun amv idetsvɔn. Wanki amv onuto idewanki dodo.

⁹Mú sv ɔha ání ɔbee, ɔna wanki amvɔɔ, tame ɔde mu ba Okristoyin lu a, idesuna ání ɔtra ɔbv okluntɔ. ¹⁰ɔha ání ɔɔdwe mu ba Okristoyin na wanki amvɔɔ. Mú sv ɔtɔɔɔtɔ uméeha mu ɔbwe lakpan. ¹¹Tame ɔha ání otolu mu ba Okristoyin mú tsie okluntɔ. ɔna okluntɔ, sv omeyin ɔtineá ɔyɔ; tsufe oklun amv ulatin mu ansɔ.

¹²Mi abi adwepv, nde ɔwvɔl anfi wanlɔn sɔsɔ mli, tsufe Yesu Kristo sv Bulu lasi mli lakpan kie mli. ¹³Mi asɔ, nde ɔwvɔl anfi wanlɔn sɔsɔ mli, tsufe mlɔlabi ɔha amvɔ ɔbv unv tsu ɔyi nfiastɔ amv. Nyasubi, nde ɔwvɔl anfi wanlɔn sɔsɔ mli, tsufe mlɔlagyi ɔbvnsamsv.

¹⁴Mi abi adwepv, nde ɔwvɔl anfi wanlɔn sɔsɔ mli, tsufe mlɔlabi ɔsɔ amv. Mi astɔ, nde ɔwvɔl anfi wanlɔn sɔsɔ mli, tsufe mlɔlabi ɔha amvɔ ɔbv unv asa Bulu lɔbwe ɔyi amv. Nyasubi, nde ɔwvɔl anfi wanlɔn sɔsɔ mli, tsufe mli hogyi ɔɔv bv ɔnlɔn, Bulu asvɔn bv mlɔɔ. Mlɔlagyi ɔbvnsamsv.

¹⁵Mú sv nde mli fée bla mbee, mlumápv mli klvɔn dɔnka ɔyi pú mútɔ atɔsv. Nɔ ɔkv de ɔyi anfi dwe a, ɔméetalɔ tra dwe anɔ St Bulu ε. ¹⁶ɔyɔtɔ atɔ amv ukv gyi, atɔ lalaheá itedɔnka ɔha ɔwvɔl; atɔá ɔha towun, itedɔnka mu ɔwvɔl pú ntobiá ɔha tɔpɔtsu twɔ. Lɔn anfi odu kukvɔkv imotsu anɔ St Bulu wa. ɔyi anfi tɔ itsu. ¹⁷ɔyi anfi pv mútɔ atɔá itedɔnka ɔha ɔwvɔl fée detsvɔn. Tame ɔha ání ɔɔbwe tɔá Bulu tekle obétsia nkpa ání utamata.

Kristo Alupu

¹⁸Mi abi adwepv, bre trahe nɔ. Mlukaun ání bebla mli bee, Kristo olupv amv ɔbéba. Sei anfi a, Kristo alupu tɔsɔsɔtɔɔ baba. Lɔn desuna ání lele bre trahe nɔ. ¹⁹Kristo alupu anfi betsia anɔtɔ asa bedalɔ. Nɔ lele anɔ kle bvgyi a, tekɔ besi tsia anɔtɔ. Amv anɔtɔdalɔ losuna ání bvme gyi anɔ apio Kristotɔ. Mú sv bedalɔ anɔtɔ nɔ.

²⁰Tame mli mú a, Kristo lapv mu **ɔɔhe Wankthe** amv wa mlɔɔ. Mú sv mli fée mlɔlabi ɔɔkwaltɔ amv. ²¹Megyɔ bee, mlumeyin ɔɔkwaltɔ amv, sv nde asvɔn anfi wanlɔn sɔsɔ mli. Mboun alɔá mlyin ɔɔkwaltɔ amv, pú alɔ amv mlyin wanklaan ání ɔtineá ɔɔkwaltɔ amv bv a, afunu kukvɔkv ma unv amv sv.

²²Ma gyi ofunupu kpɔnkpɔntɔ anfi? Mvgyi ɔha ání olekina ɔbee, “Megyi Yesu gyi Kristo, (ɔha amvɔ Bulu lada mu ofuli amv).” Idesuna ání alakina ɔsɔ Bulu mva mu Bi Yesu Kristo amv. Mú sv mvgyi Kristo olupv amv nɔ. ²³Tsufe ɔha ání okina Bulu mu Bi amv lakina mu St Bulu ε nɔ. Tame ɔha ání ɔlɔhɔ mu Bi amv lahɔ mu St amv ε.

²⁴Mú sv mliha asvɔn amv mlɔlonu tsu bre amv mlɔlɔtɔ hogyi amv isin mlɔɔ. Tsufe nɔ isin mlɔɔ a, mvmv ukvlebwe bétsia mlɔa Yesu pú ɔsɔ Bulu nsune. ²⁵Lɔn gyi tɔá Kristo lehɔe ɔbee, méha anɔ, igyi nkpa ání utamata amv nɔ.

²⁶Aha amvɔ budekleá bémlɔ mli amv, sv nde asvɔn anfi wanlɔn sɔsɔ mli. ²⁷Mli mú a, ɔhe Wankthe amvɔ Kristo lɔpvwa mlɔɔ amv bv mlɔɔ. Mú sv imehian ání ɔhaa ɔbétra suna mli atɔ. Tsufe ɔhe Wankthe amvɔ tosuna mli togyi tɔ. Mu atosunahe ε igyi ɔɔkwaltɔ onuto. Lɔn sv mlɔkɔta tɔá olosuna mlɔɔ, amlɔtsia Kristotɔ.

²⁸Lɔn sv mi abi adwepv, mlɔtsia Kristotɔ. Fówun nɔ ɔba a, peli méékɔta anɔ, abétalɔ fia mu. ²⁹Nɔ mlyin ání yile ɔbwepv Yesu gyi a, mvmv mlɔbíá yile ɔbwepv Bulu mu bi okugyiɔkv gyi.

Bulu Abi

3 ¹Mliki alá aní Si Bulu tehe dwe aní, su buteti aní mu abi. Lele a, mu abi angyi. Tame tóá svá òyi anfito aha bumeyin aní gyi, bumeyin aní Si Bulu. ²Mi apio adwepu, sei a, Bulu aha angyi. Alá abébemli wule òmòkunya le suna aní. Tame anyin aní Kristo óba a, abéltan mu, tsufe abówun alá ogyi. ³Óhagyioha aní ódin anstá melian mu teha mu iwí tetin, fe alá mu iwí letin.

⁴Óhagyioha aní ótóbwe lakpan a, ódekusu lu Bulu mblasu. Tsufe lakpan gyi Bulu mblasumágyi. ⁵Mlyin aní Kristo leba óyito bele aní tsu aní lakpantó, tame mu mú ómóbwe lakpan kuku. ⁶Ini su óha aní muva Kristo bude mbagyi tamatra bwe lakpan. Mú sv óhagyioha aní ótra óde lakpan bwe ómòkunun Kristo, ómòkubi mu é.

⁷Mi abi adwepu, mlumáha óhaa ómle mli. Óhagyioha aní ótóbwe yile a, mu asun da ókpa Bulu ansitó fe Yesu. ⁸Tame Óbunsam mu bi óha aní ótra óde lakpan bwe gyi. Tsufe Óbunsam de lakpan bwe tsu breá óyi lefi así ópá. Bulu mu Bi Yesu Kristo leba óyito beyinta Óbunsam gyumagyihe kugyiku.

⁹Aha aní babwe Bulu aha butamatra bwe lakpan, tsufe Bulu tsiató bu amótó. Mú sv buméetali tra bwe lakpan. ¹⁰Tóá abópu Bulu-abi pó Óbunsam-abi gyi, óhagyioha aní ótamabwe yile, nte dwe mu ba megyi Bulu mu bi.

Abadwe

¹¹Asun aní mliónu tsu breá mliemli Akristofó gyi, adwe aba. ¹²Mlumábwe mli iwí fe ***Kain**. Ólóbwe Óbunsam mu bi, mò mu gyama. Ntó leha sv ólómò mu? Ólóbwe itó lalahe, mu gyama mú lóbwe itó wanklaan sv ólómò mu.

¹³Mi apio Akristofó, umáwa mli wanwan ni óyi anfito aha butolu mli. ¹⁴Ani mú anyin aní anuladali lowu así yó nkpa aní utamatató, tsufe anide aní aba dwe. Óha aní ótamadwe mu aba lasin lowutó. ¹⁵Óha aní otolu mu ba gyi aha ómòpu. Mlyin aní aha ómòpu ókuku má nkpa aní utamata. ¹⁶Alí amuv Kristo lotsula wu ha aní amu ílasuna aní alá ódwe gyi. Mú sv ilehian aní aní é abówu ha aní aba alí ken. ¹⁷Ni óku bu ató, alawun aní íku de mu ba hian, tame omowun mu nwe ha mu a, mumu óméetali bli óbee, mutódwe Bulu. ¹⁸Mi abi adwepu, ni igyi alí a, mliumápu ónókpan dwe aba. Mboun mliha apu aní bwehe pó ónókwali dwe aba.

Uklónwa Bulu Ansitó

¹⁹Ni anutódwe aba alí a, mú abébiá anubuo ónókwali amu ni. Mú sv ni anulu Bulu ansitó a, tótó méehan aní. ²⁰Ni aní klón íha aní pón kuraa a, Bulu yin asun òn aní klón, oyin aní bwehe kugyiku. ²¹Apio adwepu, ni aní klón meha aní pón breá anulu mu ansitó a, ifu méékita aní. ²²Bulu óbéha aní tóá anide mu kuli, tsufe anide mu mblasu gyi, aní tsiató é legyi mu ansí. ²³Mbla aní Bulu lówa ha aní gyi, ahó mu Bi Yesu Kristo gyi, adwe aba fe alá Yesu lebla aní. ²⁴Óha aní óde Bulu mblasu gyi muva Bulu babwe kule. Bulu bu mu klóntó. Tóá itosuna aná óbu aní klóntó gyi ***Óje Wankthe** amuv ólópaha aní amu.

Óje Wankthe Pó Óje Lalahe

4 ¹Apio adwepu, mliumáho aha fééá bee, bubu Óje Wankthe amu asunsu gyi. Mboun mliho óje amuv bodepusuna ató amu kí. Tsufe Bulu ónósu

atɔɔpu afunupu tsɔtsɔtsɔ babula ɔyi anfitɔ. ² Lɔ apubiá ɔɔɛ amu itsu Bulu wa ni. Ni ɔku de ato suna, ɔleblɔ ɔɔɛɛ, Yesu Kristo lelin fe nyankpɔsa a, mumu mu atosunahe amu itsu Bulu wa. ³ Tame ni ɔku leblɔ ɔɔɛɛ, Yesu melin fe nyankpɔsa a, mumu ɔɔɛ Wankihe amu má mutɔ. Kristo olupu ɔɔɛ amvu mlilonuá ɔɔɛ, ibéba amu ni. Uaba ɔyitɔ dodo.

⁴ Mɔ abi adwepu, Bulu aha mligyi. Mlɔlagyi Bulu ɔɔɔsv atɔɔpu afunupu amvu. Tsufe ɔɔɛ amvu ibu mlitɔ amv bu ɔnlun dun muamvu ide ɔyi anfitɔ ahasu gyi amv. ⁵ Yesu alupu amv bɔmeyin Bulu. Lɔ sv amú atosunahe féé igyi aha ání bɔmeyin Bulu atosunahe. Mú sv aha ání bɔmeyin Bulu tɔhɔ amú asvnsu gyi. ⁶ Anɔ mú a, Bulu aha angyi. Mú sv ɔhagyioha ání oyin Bulu tɔhɔ anɔ asvnsu gyi. Tame ɔha ání omeyin Bulu tamahɔ anɔ asv. Lɔ anitɔpɔbi ɔɔɔkwali ɔɔɛ amv pú afunu kle ni.

Bulu Gyi ɔdwe

⁷ Mɔ adwepu, mlɔha adwe aba, tsufe ɔdwe itsu Bulu wa. ɔhagyioha ání ɔtɔdwe aha a, Bulu mu bi ogyi, oyin Bulu. ⁸ ɔhagyioha ání ɔtamadwe aha meyin Bulu, tsufe Bulu gyi ɔdwe.^a ⁹ Alá Bulu lele mu ɔdwe suna anɔ gyi, ɔlɔpu mu Bi ɔɔkɔɔv ɔkule amv sɔsɔ ɔyitɔ, menɔ abɔtsɔn muvu nya nkpa ání itamata. ¹⁰ Megyi alá anitɔdwe Bulu gyi Bulu-dwe ɔɔɔkwalsv. Mboun alá ɔlɔdwe anɔ, pu mu Bi sɔsɔ aná ɔɔɔpu mu obugya le anɔ wɔ mbusuo gyi ɔdwe.

¹¹ Apio adwepu, uná Bulu lehie dwe anɔ alɔ sv a, ilehian ání anɔ e abɔdwe aba. ¹² ɔhaa mɔkɔhie wun Bulu ki. Ni anide aba dwe a, idesuna ání Bulu bu anɔ klɔntɔ. Mú sv mu ɔdwe lɔfvn anitɔ.

¹³ Bulu lapu ɔɔɛ Wankihe amv ha anɔ. Mú sv anɔlabiá anɔ munyɔ anɔlabwe kule, ɔvu anɔ klɔntɔ. ¹⁴ Anɔlawun mú alɔ. Mú sv anide adansɛ gyi anɔaa, anɔ Sɔ Bulu lɔwa mu Bi Yesu Kristo ɔɔɛɛ, ɔbélé anyankpɔsa féé tsu amú lakpantɔ. ¹⁵ ɔhagyioha ání olohogyi, ɔleblɔ ɔɔɛɛ Yesu gyi Bulu mu Bi amv a, Bulu bu mutɔ, mu e ɔvu Bulutɔ. ¹⁶ Mú sv anɔyin ɔdweá Bulu bu ha anɔ, anɔlɔhɔ músv gyi.

Bulu gyi ɔdwe. Mú sv ni ɔku tɔdwe Bulu pú mu aba a, ɔvu Bulutɔ, Bulu e bu mutɔ. ¹⁷ Lɔ desuna ání Bulu ɔdwe lɔfvn anitɔ ni. Mú sv anɔméenya peli mu asv ogyike, tsufe anɔlatsia nkpa ɔyi anfitɔ fe Yesu. ¹⁸ ɔha ání Bulu ɔdwe bu mutɔ tamanya ifu. Mú sv ni anide Bulu pú anɔ aba dwe a, anɔméenya Bulu ifu. Tsufe aha ání buyin ání Bulu ɔbébɔtɔ amú isv tenya ifu. Lɔ sv ni ɔku de Bulu ifu nya a, ilosuna ání Bulu ɔdwe mɔfvn mutɔ.

¹⁹ Anitɔdwe Bulu pú anɔ aba, tsufe Bulu legyankpa dwe anɔ. ²⁰ Ni ɔku leblɔ ɔɔɛɛ “Ntɔdwe Bulu,” tame otolu mu ba a, ofunupu ogyi. Tsufe ɔha ání otolu mu ba ání otowun, méetali dwe Buluá ɔmɔkwun ki. ²¹ Mbla ání Yesu Kristo lɔwa ha anɔ gyi, “ɔha ání ɔtɔdwe Bulu ɔdwe mu ba e.”

Tsiatɔ Lalahesugyi

5 ¹ ɔhagyioha ání olohogyi ɔɔɛɛ, Yesu gyi ***Kristo**, (ɔha ání Bulu lada mu ofuli amv) a, Bulu mu Bi ogyi. Ni futɔdwe ɔkwɔpu a, fɔdwe mu bi e. ² Mú sv ni anide Bulu dwe, anide mu mblasv gyi a, mú abɔpɔbiá anide mu abi dwe ni. ³ Ni anide Bulu dwe a, abégyi mu mblasv. Mu mbla amvu sv gyi e ima ɔnlɔn.

a 4:8 Bulu gyi ɔdwe ast gyi, ɔdwe itsu Bulu wa.

⁴Tsufe Bulu mu bi okugyiwo tetalu gyi tsiato lalahesu. Anu hogyi anutoogyi musu. ⁵Ma obetalu gyi tsiato lalahesu? Oha anu olohogyia Yesu gyi Bulu mu Bi amu nkule obetalu gyi musu.

Yesu Kristo lwi Adansiegyi

⁶Yesu Kristo gyi oha anu olotsun ntsu mua obugyato ba. Megyi ntsu nkuleto olotsun. Olotsun obugyato e. Oge Wankihe amu legyi asun anu lwi adansiea igyi onkwali. Otamawa afunu. ⁷Ata asa legyi Yesu lwi adansie. ⁸Mogyi, Oge Wankihe, ntsu pu obugya. Ata asa anu fee leblu toku kule. ⁹Nu aha begyi adansie suna anu, antohogyi a, mumu ilehian anu aboha Bulu kle dun. Tsufe mu onuto legyi mu Bi amu lwi adansie. ¹⁰Ohagyioha anu oloho Bulu mu Bi amu gyi laho Bulu adansie anfusu gyi mu klonto. Ali ken ohagyioha anu omoho Bulu adansie anfusu gyi de mu afunuto wa nu. Tsufe omoho adansie amu Bulu legyi tsu mu Bi lwi amusu gyi. ¹¹Adansie amu gyi, Bulu lapu nkpa anu utamata ha anu tsun mu Bi amusu. ¹²Ohagyioha anu obo Bulu mu Bi amu bu nkpa anu utamata. Ali ken ohagyioha anu oma Bulu mu Bi amu ma nkpa anu utamata nu.

Asun Trahe

¹³Mulahu Bulu mu Bi amu gyi. Mu su nde owulu anu wanlu sasu ml, menu mlebua mlubu nkpa anu utamata. ¹⁴Ta uteha anutowa klun ya Bulu ansuto gyi, akulu mu togyitoa igyi mu ape a, otonu anu ome. ¹⁵Nu anyin anu otonu anu ome a, mumu akulu mu togyito a, anyin anu obeha anu.

¹⁶Mu su nu owo owun mu ba Okristoyin de lakpan bwe a, obo mpa ha mu. Bulu obeha mu nkpa. Aha anu amu lakpan meekpa amu wa lowuto asun ndeblu. Lakpan ku bu unu utekpa oha wa lowuto. Megyi oha anu obwe lakpan amu odu mbee, mlubu mpa ha. ¹⁷Lalaha kugyiku igyi lakpan, tame lakpan ku bu unu utamakpa oha wa lowuto.

¹⁸Anyin anu oha anu alabwe Bulu mu bi okuku tamatsia bwe lakpan, tsufe Bulu mu Bi amu togyo mu lwi. Lu su Obunsam tamatalu bwe mu toto.

¹⁹Anyin anu Bulu aha anyi, tame Obunsam de oyo aha feesu gyi.

²⁰Anyin anu Bulu mu Bi amu laba. Alaha anlanu asun asi, menu abebu Bulu Onkwali pu amu. Anu munyo anlabwe kule, anu mu Bi Yesu Kristo e anlabwe kule. Lele a, mu nkule pe gyi Bulu Onkwali pu pu nkpa anu utamata amu nu.

²¹Mu su mu abi adwepu, mluku ml lwi wanklaan ukpumsu.

Yohane

Ɔwulu Nyɔsi

¹ Anɔ yɔn ɔnɔ Bulu lale, mɔ ɔpasua ɔhande Yohane de ɔwulu anfi wanlɔn sɔsi fua fu abi. Ntɔdwe mli fɛɛ ɔnɔkwalt amɔtɔ. Megyi mɔ nkule pe tɔdwe mli, tame ɔhagyɔcha ɔnɔ oyin ɔnɔkwalt amu e. ² Tsufe ɔnɔkwalt amu bu anɔtɔ, ibɛtsia anɔtɔ bregyibre.

³ Anɔ Sɔ Bulu mva mu Bi Yesu Kristo bɔgyi anɔ buale. Bɔwun anɔ nwe, abuha anɔ iwilwii. Anɔ aha amɔv anɔtɔdwe aba ɔnɔkwaltɔv amu.

Ɔnɔkwalt Mɔa Ɔdwe

⁴ Anɔ lehte gyi mɔ breá nowun ɔnɔ fu abi amu aku buna ɔnɔkwalt ɔkpa amɔv, fe alá anɔ Sɔ Bulu lebla anɔ. ⁵ Anɔ yɔn ɔdwepe, mliha adwe aba. Megyi mbla ɔɔpwe ndɛwanlɔn sɔsi fu. Mbla amɔv anɔlebi tsu bre amɔv anɔlɔtsɔ hogyi amu ni. ⁶ Ni futɔdwe Bulu a, fɛgyi mu mblasɔ. Mbla ɔnɔ anɔlebi tsu breá anɔlɔtsɔ hogyi gyi, adwe aba.

⁷ Aha amlepu tsɔtsɔtsɔ baba ɔyi anɔfɔtɔ. Budebli bee, Yesu Kristo melin fe nyankpɔsa. Aha anɔfɔ gyi aha amlepu ɔ́ Kristo alupu amu ni. ⁸ Mú sv mlɔku wanklaan, menɔ mli gyumagyihe mɔɔbwe kpaali, feki mlɛnya mli ɔkɔka fɛɛ.

⁹ Ɔhagyɔcha ɔnɔ ɔmede Kristo atosunahe amɔtɔ, ɔlɔtsɔn mú ɔma yɔ ɔde tɔ bamba suna a, mva Bulu bɔmegyi kule. Tame ɔha ɔnɔ ɔde Kristo atosunahe amɔtɔ a, mva anɔ Sɔ ɔ́ Mu Bi amu fɛɛ bɔgyi kule. ¹⁰ Ni ɔku ɔba mli wa, ɔmede Kristo atosunahe anɔfɔ suna a, mli máhɔ mu wa mli woyitɔ, mli mátsula mu itsia. ¹¹ Ɔhagyɔcha ɔnɔ ɔtsula mu itsia latsa mu lakpan amɔv ɔdebwe amu bwe.

¹² Asɔn tsɔtsɔtsɔ bu unvá teki nébla mli, tame mmedekleá nɔwanlɔn mú sɔsi mli. Mboun nde ɔkpa kiá néba mli wa, menɔ mta mli nyɔ abɛtsia asɔ, atɔ nya ansigyɔ wanklaan.

¹³ Fu pio tshe amɔv Bulu lale amu abi beha fu itsia.

Yohane

Ɔwulu Sasi

¹Mi ɔdwepu Gaio, ntɔdwe fu ɔɔkwali amuto. Mi ɔpasua ɔhande Yohane de ɔwulu anfi wanlun sisi fu.

²Mi ɔdwepu, ndehogyiá iwi bu fu ɔnlun, togyito ε una wanklaan fe alía fude fu Bulu sum. ³Ansi lehie gyi mi breá apio aku beba bebla aní alía fude Bulu mbla amusu gyi, pú alía fona ɔɔkwali ɔkpa amusu. ⁴Bregyibreá nonu alía mi abi Akristofɔ buna ɔɔkwali ɔkpa amusu a, utehie wa mi ansigyí.

Gaio Kanfu

⁵Mi ɔdwepu, ito wanklaan fudebwe. Fude aní apiosu ki, titriu afɔɔ amu. ⁶Amuto aku baba bebla aní ɔpasua amu alía feki amósu fée. Bɔ mbɔdi afusi amú ɔkpa alía ibégyi Bulu ansí ε. ⁷Tsufe Kristo su buna. Bumede tɔto hɔ tsu aha aní bumegyí Akristofɔ wa. ⁸Ilehian aní abéki aha anfi odusu alí, feki ania amónyɔ abóbwe kule yɔ ɔɔkwali agyoma amu.

Diotrefe Mva Demetrio

⁹Nawanlun ɔwulu ku sisi mli dodo, tame Diotrefe dekleá ɔbóbwe mu iwi ɔpasua ɔhande. Mú su ɔmede aní pubwe tɔto. ¹⁰Ni neba mli wa a, nébla mli mu asun lalahaé ɔdebli tsu aní iwi. Múá uma ale kuraa gyi ɔbee, mumóɔho apio amu afɔɔ. Ɔde aha ε itin ka ɔbee, bumáki amósu. Ɔde aha aní beki amósu ε gya le ɔpasua amuto.

¹¹Mi adwepu, mluákasi mu bwehe lalaha anfi. Mboun mlíkasi yile abwepu amu bwehe. Ɔhagyioha aní ɔtɔbwe yile a, Bulu mu bi ogyi, tame ɔha aní ɔtɔbwe lalaha mú meyin Bulu.

¹²Demetrio mú a, ɔhagyioha teti mu idayile. Mu tsiato ε idesuna aní ɔha wanklaan ogyi. Mi ε nteti mu idayile. Mliyin aní mi asun blihe igyi ɔɔkwali.

Ukka

¹³Teki asun tsɔtsɔtsɔ bu unvá nébla fu, tame mmedekleá nówanlun mú sisi fu. ¹⁴Nde ɔkpa kiá móɔwa ɔpá kuraa néba mli wa, abétsia así tɔ.

¹⁵Bulu ɔha fu iwílwii.

Fu anyawie fée beha fu itsia. Neha aní anyawie amuto okugyioku ε itsia.

Yuda

Ɔwɔlɔ

Itsiaha

¹Mɩ Yesu Kristo osumbi Yuda, Yakobo mu pio de ɔwɔlɔ anfi wanlɩn sɩsɩ aha ɔnɩ anɩ Sɩ Bulu letɩ, ɔtɔdwe amɔ, Yesu Kristo de amɔsu kɩ.^a

²Nde Bulu kokoli mbɛɛ, ɔhiɛ wun mli nwe, ɔha mli iwɩlwii pɔ ɔdwe.

Afunu Atɔ Asunapɔ

³Apio adwɛpɔ, tɛkɩ nahɩɛ bwe agywun ɔnɩ nɔwanlɩn mli ɔwɔlɔ tsu nkpa amɔ Bulu laho mia mɩnyɔ amɔ iwi. Tame ilehian ɔnɩ nɔwanlɩn kokoli mli, amɩprɩ hogyi amɔ Bulu lapɔha mu aha ɔtsawɔle pe amɔ nwan. ⁴Tsufe aha aku baɔɔain bowie mlɩtɔ. Aha anfi ada ida ɔwɔlɔtɔ dodo ha usɔbtɩ, tsufe butamanya Bulu ifu. Budebli bɛɛ, unɩ Bulu tesi anɩ lakpan kie anɩ su a, abɛtalɩ tsia tsiatɔ lalaha. Bakɔsu lu anɩ Wie pɔ anɩ Ɔkpaɔ Yesu Kristo ɔkɔle pe amɔsu.

⁵Mɩyin asun anfi fɛɛ dodo, tame ntra kaun mli anɩ Wie Bulu^b lekpa mu aha dalɩ Egipte ɔsɔlɔsɔ, tame ɔma a, ɔlɔmɔ amɔá bɔmɔho mu gyi fɛɛ tsalɩfwɩ. ⁶Mɩkaun ɔnɩ ***Bulu-abɔpɔ** aku bɔmetsia ɔtɩnɛá ɔleha amɔ tumi ɔbɛɛ butsia. Mɔ su Bulu leha bɔwa amɔ ikan, butsie okluntɔ bugyo mu asun ogyike kɔnkpɔntɩ amɔ. ⁷Sodom mɔa Gomorafo pɔ nkuda ɔnɩ ilekafia amɔ ɛ betsia wa atɩ mɔa ayin asun. Alɩ ken Bulu leha ogya ɔnɩ itamadun lɔho amɔ awulu fɛɛ, puda aha fɛɛ ɔla nɩ.

⁸Alɩ nkude akunpɔ anfi ɛ butokun nkude nɩ. Iteha butɔbwe lakpan pɔkpɔ amɔ iwi, butamanya Bulu tumi ifu. Butɛbli abusɔsɔ pɔkpɔ ɔɔɛá ibɔ numnyam ɛ. ⁹Bulu-ɔbɔpɔ dehen Mikael kuraa mebli asun lalaha breá mua Ɔbunsam beprɩ Mose fuli. Tɔá ɔlebli gyi, “Bulu ɔwa iyun wa fu!” ¹⁰Tame aha anfi mɔ butɛbli asun lalaha tsu tɔá bɔmonu mɔ asɩ iwi. Amɔ bwehe lehian mbwɩá buma agywun. Múgyi tɔá itɛhɩ amɔ ɛ nɩ. ¹¹Alɩ aha amɔ bugyɔwɩ! Tsufe bapɔ ***Kain** amɔ ɔlɔmɔ mu gyama amɔ ɔkpa. Bakɔla sika ɔbwe tɔá ***Bileam** ɔbwe, bakɔsu lu Bulusɔ fe Kora.^c Mɔ su Bulu ɔbɛhɩ amɔ. ¹²Aha anfi butɔpɔ ifin da ɩkɔlebwe atogyiɛ amɔ. Nɩ mli amɔnyɔ mlɩde atogyi a, pelɩ tamakita amɔ. Akpaɔ bugyi, tame amɔ nkɔle kle butɛkɩ. Bugyi fe agyindeá itamatswie, afu tɔtsuan mɔ natɩ. Bugyi fe nyiá itamaswie nte bapuli mɔ, tu mɔ asɩ, ilawu plɩplɩplɩ. ¹³Amɔ pelɩ bu nyanya fe ntsusu-afuá itɛda bobun

a 1:1 Nte Bulu de amɔsu kɩ ha Kristo. b 1:5 Anɩ Wie Yesu nte Yosua bu nwɔlɔ dada amɔ akɔtɔ. c 1:11 Kora lɔkɔsu lu Mose mua mu dehen Aaronsɔ.

ogbemgbesu. Bɔgyi fɛ ntsrakpabiá una detsun nwlutasu keke. Amó otsiakpa gyi oklun tuun ání Bulu lelaya ha amó brɛ fɛ́é.

¹⁴ *Adam ɔma ɪlɪntɔ sienɔsɪtɔ obi Enok lebli amó ɪwɪ asun tswɪ. Ɖbɛɛ, “Mlɪkɪ, anɪ Wie mva mu abɔpu wankɪhe mpum afɪnɪ-afɪnɪ beba. ¹⁵Ɖba begyi ɔyɪtɔ aha fɛ́é asun, ɔbɪtɪ aha ání butamanya mu ifu ɪsu. Amó lalaheá babwe pɔkusɔ lu musu, pɔ mu ɪwɪ asun lalaheá babɪ su!”

¹⁶Aha anɪ butɔtɔɪ ahasu, le aha ɪla, bwe lalahe kugyikvá bɔdekle. Butotsu ɪwɪ, bun aha kpantsapa, menɪ bénya tɔá bɔdekle.

Ɖlada Pó Tɔ Kpla

¹⁷Tame apio adwepu, mlɪkaɪn asun ání anɪ Wie Yesu Kristo *sumbi ayɔpu amu bebla mlɪsu. ¹⁸Bebɪa mlɪ bɛɛ, “Nke trahe amɔtɔ a, ahinla abwepu béba. Bóbuo amó ɔwɔli lalahe.” ¹⁹Bubɔ mlɪtɔ dodo. Amó de mlɪ nsɪne yinta nɪ. Amó onuto agywun de amó kpa, tsufe Ɖɣe Wankɪhe amu má amóɔtɔ. ²⁰Tame apio adwepu, mlɪ mó a, mlɪpuwe mlɪ tsiatɔ dunka mlɪ hogyi wankɪhe amusu. Mlɪbɔ mpai Ɖɣe Wankɪhe amu tumitɔ. ²¹Mlɪtsia tsiatɔá Bulu-ɔdwe lasuna mlɪ, brɛ anɪ mlɪgyo anɪ Wie Yesu Kristoá ɔbéba bowun mlɪ nwe, ha mlɪ nkpa ání ɪtamata anɪ.

²²Mlɪwun aha ání asun amu ɪmede amó wankɪ nwe. ²³Mlɪpɪrɪ aku le ogya amɔtɔ, puho amó nkpa. Mlɪwun aku nwe ifusu. Mlɪkɪ wanklaan ání amó lalahe amu ɪméetsankɪ mlɪ.

Bulu Kanfo Mpai

²⁴Muteha anɪtamadɪda, ɔtele lalahe le anɪ ɪwɪ, kpa anɪ ba numnyam amusu ɪbu bomlɪ mu amu asi ansigyitɔ. ²⁵Mu nkɔle gyi Bulu pó anɪ Ɖhɔpu. Numnyam, obú, ɔwɔnlɪn pó tumɪ ɪtsun anɪ Wie Yesu Kristosu ɪtu mu. Tsu brɛá ɔyɪ mɔkɪtsua asi, bɔtu nde puya brɛ fɛ́é. *Amen.

Atɔ́á Bɛlɛ Suna

Yohane

1 ¹ Inɔ gyi atɔ́á Bulu leha Yesu Kristo lele suna mu asumpu tsu tɔ́á ibéba nke anfitɔ iwɔ ni. Yesu lɔwa ***Bulu-ɔbɔpu** leba bɛlɛ mú suna mu osumbi Yohane. ² Yohane legyi togyitɔ́á olowun iwɔ adanstɛ. Olegyi Bulu asun amu pú asun ání Yesu Kristo lebla mu féé iwɔ adanstɛ ɔ́nɔkwaltɔ. ³ Bulu obóyula ɔ́ha ání ɔ́tekla mu ɔ́nɔsu ɔ́tɔɔpu asun wanlinhe anfti suna Kristo ɔ́pasua amu. Obóyula aha ání butonu asun amu, gyi dinka músu ε, tsufe mú féé babɔ lafun ta.

Kristo ɔ́pasua Asienɔ Amu Itsiaha

⁴⁻⁵ Mɔ́ Yohane de ɔ́wɔlɔ anfti wanlin sɔ́sɔ́ Kristo ɔ́pasua asienɔ́a mlɔ́bu Asia ɔ́mátɔ.

ɔ́ha amuv oletsia, ɔ́bu unu, ɔ́bélaba amu muv ɔ́he asienɔ́a bulu mu owie obia ansɔ́tɔ́ pú Yesu Kristo bugyi mli buale, abuha mli iwilwii. Mɔ́gyi ɔ́dansyiɔ́n ɔ́nɔkwalɔpu, ogyankpapɔ́a ɔ́lɔkusu tsu afulitɔ, ɔ́yɔ́tɔ awie féésu ogyipu.

Mutɔ́dwe anɔ, ɔ́lɔpu mu obugya ka anɔ nwunsv ukɔ, si anɔ lakpan kie anɔ. ⁶ Alabwe anɔ mu iwie ogyikpa pú mu igyi ahapɔ́a abósum mu Sɔ́ Bulu. Numnyam múa tumi ubwe mu kle bre féé! ***Amen**.

⁷ Ki! ɔ́na nwɔlɔtasu ɔ́ba! ɔ́hagyɔ́ha obówun mu. Aha amuv bɔ́wɔ mu pia amu kuraa bówun mu. Mu sv ɔ́yɔ́tɔ́ aha féé bósu kuklɔkɔv. Alɔ́ ibéba nɔ!

⁸ Anɔ Wie Bulu leblɔ ɔ́bɛɛ, “Mɔ́gyi ***Alfa múa Omega**. Otumipu amuv oletsia, ɔ́bu unu, ɔ́bélaba amu nɔ.”

Kristo Le Suna

⁹ Mɔ́, mli pio Yohane nɔ. Mɔ́a mlɔ́nyɔ́ de ipian wun Yesu pú ***Bulu iwiegyi** amu sv, anɔde uklɔn nya lu kinkin. Bulu asun ɔ́kanda pú Kristo iwɔ asunbli sv bale mɔ́ ya Patmo ɔ́pu nsɔne ɔ́sulɔsv. ¹⁰ Eke ɔ́kɔ́a igyi anɔ Wie eke a, Bulu ɔ́he leba mɔ́sv. Nonu ɔ́me kv, ilɛlin kuklɔkɔv fe ɔ́kpe ɔ́tsawule pe mɔ́ ɔ́ma. ¹¹ ɔ́me amu ɔ́bɛɛ, “Wanlin tɔ́á fudewun wa ɔ́wɔlɔtɔ, afɔ́pɔ́ya Kristo ɔ́pasua asienɔ, bugyi Efeso, Smirna, Pergamo, Tiatira, Sardis, Filadelfia pú Laodikea.”

¹² Breá nedamli mbɛɛ, anktɔ́ ɔ́ha ání ɔ́de mɔ́ asun bla a, nowun sika pepe ɔ́kandɛ-oyiá ubv abambi asienɔ. ¹³ ɔ́ha ɔ́kɔ́a ɔ́lɛlian Nyankpɔ́sa-Mu-Bi amu lu ɔ́kandɛ-oyi amu nsɔne. ɔ́lɔwa liga, ɔ́lɔpu sika pepe ɔ́fe tsan mu kantɔ. ¹⁴ Mɔ́ nwun pú mu imi féé lofuli fe opuli mputɔ nte ɔ́hrada. Mu ansibi aklambi ε lɔ́wanki fe ogya mpumpi. ¹⁵ Mɔ́ ayabi de ogya kpa fe kɔ́bríá bafwɔ́ mú le ogyatɔ unuv. Mu ɔ́me idetsula fe ntsuá idekpa yi. ¹⁶ ɔ́de ntsrakpabi asienɔ mu

gyɔpɪtɔ. Ɔdayi iya anyɔ klakla ledalu tsu mu ɔnɔtɔ. Mu ansɪtɔ ihɛ dɛwankɪ fɛ ɔpawɪ. ¹⁷Breá nowun mu a, nemli bun mu ayabiasɪ fɛ ɔha wuhɛ, tame ɔɔpɔ mu gyɔpɪ ibɪ dunka mɪsɪ, blɪ ɔbɛɛ, “Mánya ifu! Mɪgyɪ Ogyankpapɔ mɔ́a Ɖtrahe amu nɪ. ¹⁸Mɪgyɪ ɔkɪankpapɔ amuvv nowu amu nɪ. Kɪ, mbv nkpa bre féé! Mbv tumi lowu mɔ́a afulɪtɔsɪ.

¹⁹“Wanlɪn tɔ́a fawun bɔtsɪn, mɔ́a ɪdɛba sei pɔ́ mɔ́a ɪbɛ́ba ɔma wa ɔwulɪ amutɔ. ²⁰Ntsrakpabi asiɛnɔ amuvv fowun mɪ gyɔpɪtɔ pɔ́ sika pɛpɛ ɔkandɛ-oyi abambi asiɛnɔ amu asɪ nɪ. Ntsrakpabi asiɛnɔ amu igyi ɔpasua asiɛnɔ amu abɔpɪ. Ɖkandɛ-oyi abambi asiɛnɔ amu ɛ gyɪ ɔpasua asiɛnɔ amu.

Efeso Ɖpasua Nkla

2 ¹“Wanlɪn asɪn anfi sɪsɪ Akristofɔ ɔpasua ání ɪbɪ Efeso wulutɔ ɔbɔpɪ fɛɛ,^a

“Ɖha amuvv ɔdɛ ntsrakpabi asiɛnɔ mu gyɔpɪtɔ, ɔna sika pɛpɛ ɔkandɛ-oyi abambi asiɛnɔ amu nsɪnɛ amu ɔbɛɛ: ²Nyin tɔ́a fɔdɛbwe féé. Nawun altá fuhɛ fɔdɛ agyɔma yɔ, pɔ́ altá fɔdɛ nsi wa lu kinkin. Nyin ání futamakle aha lalahe asɪn. Fakapɪ aha amuvv bɔdɛ amú ɪwɪ tɪ Kristo *sumbi ayɔpɪ amu, wun ání afunupɪ bugyi. ³Fotomi wun ipian mɪ sɪ, fɔmɛyinkɪ ɔma. ⁴Tame asɪn kule pɛá mbv fɔ ɪwɪ gyɪ, ɔdwe ɪtra ma mɪa fɔnyɔ nte fɔa fɔ aba nsɪnɛ fɛ gyankpapɪ amu. ⁵Mú sɔ kaun altá tɛkɪ fugyi asa fadɪda. Damli klɪntɔ, afulatsia fɔ atsiabi. Nɪ megyi alɪ a, néba bele fɔ ɔkandɛ-oyi amu le mú aba ɔpasua atrahe amutɔ. ⁶Tame toku kulɛá ɪbɪ alɛ fɔ ɪwɪ gyɪ, futamakle Nikolai abuopɪ bwɛhe lalahe amu, fɛ altá mɪ ɛ ntamakle mú.

⁷“Ɖha ání ɔbɪ asɪ onu asɪn ání *Ɖɔɔe Wankɪhe amu dɛ ɔpasua amu bla asɪ. Néha ɔha ání olegyi ɪsɪ obégyi *Paradiso ndobitɔ oyi-abi amuvv ɪteha nkpa amu.”

Smirna Ɖpasua Nkla

⁸Ɖletra bla mɪ ɔbɛɛ, “Wanlɪn asɪn anfi sɪsɪ Akristofɔ ɔpasua ání ɪbɪ Smirna wulutɔ ɔbɔpɪ fɛɛ,

“Ɖha amuvv ogyɪ Ogyankpapɪ mɔ́a Ɖtrahe, olowu lakɪsɪ tsu afulɪtɔ amu ɔbɛɛ: ⁹Nyin fɔ ipian wunhɛ pɔ́ ohian ání fɔdɛgyɪ, tame fɔbɪ atɔ! Nyin altá ɔpasua amuvv bɔdɛ ɪwɪ kɪ bɛɛ, *Yudafɔ bugyi amu bɔdɛ afunu wa dunka fɪsɪ. Megyi Yudafɔ bugyi, Ɖbɪnsam abuopɪ ɔpasua bugyi. ¹⁰Máha ipian ání ɪbɛ́ba fɪsɪ ɪwa fɔ ifu. Nde fɔ bla, Ɖbɪnsam ɔbɛ́ha békɪta mlɪtɔ akɪ tswɪ obu. Ɖbɔ́sɔ mlɪ kɪ. Bédɪnka fɪsɪ nke du. Nɪ lowutɔ igyi o a, fɔ mú wa ɔnɔkwali. Néha fɔ ɪsugyi-ɪpa, igyi nkpa ání ɪtamata.

¹¹“Ɖha ání ɔbɪ asɪ onu asɪn ání Ɖɔɔe Wankɪhe amu dɛ ɔpasua amu bla asɪ. Ɖhagyɪɔha ání olegyi ɪsɪ a, lowu nyɔ́sɪ amu ɪmɛ́ɛda mu.”

Pergamo Ɖpasua Nkla

¹²Ɖletra bla mɪ ɔbɛɛ, “Wanlɪn asɪn anfi sɪsɪ Akristofɔ ɔpasua ání ɪbɪ Pergamo wulutɔ ɔbɔpɪ fɛɛ,

“Ɖha amuvv ɔbɪ ɔdayi iya anyɔ klakla amu ɔbɛɛ: ¹³Nyin ání fɪtsɪɛ ɔtɪnɛá Ɖbɪnsam owie obia tsie, tame fɔdɛ fɔ hogyiɔ kinkiinkin. Breá bɔmɔ mɪ

a 2:1 Ɖbɔpɪ anfi gyɪ Bulu-ɔbɔpɔ́a ɔlɪ ha ɔpasua amu nɪ. ɪbɪ nfi mɔ́a 2:8, 12, 18; 3:1, 7, 14 ɛtɔ.

adanste ogyipu ɔnɔkwaliɔv Antipa mli wa unv koraa a, fumeɓpa mi ɔma. ¹⁴Tame mú o a, mbu fu iwɔ asun kpalobi kv. Mlɔtɔ akv bobuo ^aBalaam amuv olosuna Balak^b alɔ́ ɔbɔ́bwe Israelfɔ bɔ́bwe lakpan, ɔleha amú betsia wa atsi mɔ́a ayin asun, tsia gyi ɔkɔtɔ-atɔ amu. ¹⁵Alɔ ken akv bobu mlɔtɔá bobuo Nikolai atosunahe ni. ¹⁶Mlɔdamli klɔntɔ. Ni megyi alɔ nɔ́bofwie mlɔtɔ, pu mi ɔntɔ ɔdayi amu kɔ amú.

¹⁷“ɔha ání ɔbv asu onu asun ání ɔɓe Wankihe amu de ɔpasua amu bla asu.

“ɔhagyiɔha ání olegyi isv obégyi atogyihe amuv bɔɔvɓain amu kv. Nétra ha okugyiɔkv ibwi fututuá bɔwanlɔn ida ɔɔpwe dinka músv. Mu nkɔle ɔbébi ida amu. ɔhaa méébi mú tsia mɔtɔ.”

Tiatira ɔpasua Nkla

¹⁸ɔletra bla mi ɔbee, “Wanlɔn asun anfi sɔsɔ Akristofɔ ɔpasua ání ibv Tiatira wuluto ɔbɔɔv féé,

“Bulu mu Bi amuv mu ansibi igyi fe ogya ɔdandv, mu ayabiasɔ igyi fe kɔbrɔ́a bapɔwa ogya, pli mú iwɔ amu ɔbee: ¹⁹Nyin fu bwehe féé. Nyin fu ahadwe, fu hogyi, fu osum agyuma pú fu nsiwa lu kinkin. Nyin ání fɔdebi bwe dɔn gyankpapv amu. ²⁰Tame asun ání mbu ha fu gyi, faha ɔtsi amuv buteti mu Yesebel, ɔde mu iwɔ ti ɔbee, Bulu ɔnɔsv ɔtɔɔɔv amu depv mu atosunahe mle mi asumpv, buɔde atsi mva ayin asun wa, buɔde ɔkɔtɔ-atɔ ε gyi. ²¹Naki mu ansitɔ ání ɔbédamli klɔntɔ bobuo Bulu, tame omedekleá obési mbvatɔ. ²²Mú sv néda mu, wa mu ulɔ. Obówun ipian. Ni mva aha amuv buɔde mbva tɔ amu ε bumesi, le iwɔ le mútɔ a, néha amú behie wun ipian. ²³Nómvɔ mu abuɔɔv amu. Akristofɔ ɔpasua féé bébiá migyi ɔha amuv otowun aha klɔntɔ pú amú nwuntɔ asun amu ni. Néka okugyiɔkv ɔkv mu bwehe ɔnɔ.

²⁴“Tame mli aha trahe ání mlɔlasi mlɔbv Tiatira wuluto, mlɔmobuo ɔtsi amu atosunahe amuv buɔde mú ti ‘ɔbvnsam asun ɓainhe’ amu mú a, mmɔɔɔɔv atɔ sɔrahe kvkv sɔra mli. ²⁵Tame mlɔkɔta mi atosunahe amuv mlɔbv amɔtɔ kinkiinkin yɔfɔn breá néba. ²⁶Néha ɔha ání olegyi togyitɔsv, ɔletali bwe mi ape yɔfɔn ɔyi ɔnɔmɔke tumi, obégyi ɔmá féésu. ²⁷⁻²⁸ɔbékpa amú owuntɔlɔnsv, bwiebwie amú blublublɔ fe abva. Obénya tumi amuv mi Si lɔɔvha mi amu odu. Nɔɔɔv mu bake ɔtsɔrakpabi ha mu, pɔsvuna ání alagyi isv.”

²⁹“ɔha ání ɔbv asu onu asun ání ɔɓe Wankihe amu de ɔpasua amu bla asu.”

Sardis ɔpasua Nkla

3 ¹ɔletra bla mi ɔbee, “Wanlɔn asun anfi sɔsɔ Akristofɔ ɔpasua ání ibv Sardis wuluto ɔbɔɔv feé,

“ɔha amuv ɔbv Bulu ɔɓe asienɔ pú ntsɔrakpabi asienɔ amu ɔbee: Nyin fu bwehe féé. Fɔbv ida ání fɔkɔ nkpa, tame fawu fona. ²Mú sv tsinki, afuwa fu atɔ trahe amu ɔwɔnlɔn, tsufe idekle iwu. Nawun ání fu bwehe lesian mi Bulu ansitɔ. ³Mú sv kaun tɔ́a bosuna fu pú múa fonusu. Gyi músv, afudamli klɔntɔ. Tame ni fumetsinki a, nɔ́bofwie futɔ fe owikplu, fuméébi breá néba. ⁴Tame aha akv bobu wulu amɔtɔá bumɔkvkɔv amú atadie.^d Bówa atadie fututu, ma amónyɔ abénati, tsufe bafun. ⁵Néha ɔha ání olegyi isv ɔbɔ́wa atadie fututu.

b 2:14 lɔni bu Numeri 22--24tɔ c 2:27-28 Israelfɔ lɔv 2:8-9 d 3:4 Bumɔkvkɔv amú atadie asi gyi bumɔkvbwe lalahe.

Mméetsitsi mu ida le nkpa ɔwulu amuto. Nébli mi Si muva mu abɔpu ansito mbee, mbu mu.

⁶“Oha ání ɔbu asu onu asun ání Oɲe Wankihe amu de ɔpasua amu bla ast.”

Filadelfia Ɔpasua Nkla

⁷Oletra bla mi ɔbee, “Wanlun asun anfi sɪsɪ Akristofɔ ɔpasua ání ibu Filadelfia wuluto ɔɔɔpu fee,

“Oha amuu ɔlowanki, ɔtamawa afunu, ɔde Owie *Dawid saafi, ofinki ɔhaa tamatali fin, ofin ε ɔhaa tamatali finki amu ɔbee: ⁸Nyin fu bwehe féé. Kɪ, nafinki obu ya ha fu. Ohaa méetalɪ fin mú. Nyin ání fuma ɔwunlun, tame fagyi mi atosunahesu, fumeɲpa mi ɔma. ⁹Ɔbunsam abupɔ amuu buɔe afunu wa bee, *Yudafɔ bɔgyi amu a, néka amú hɛ béba beda akpawunu fu aya-biasi. Amú féé bébiá ntɔdwe fu. ¹⁰Fagyi mi asunsu, fanya klun lu kinkiinkin. Mú su néle fu le ipian amuu nɔpusɔ ɔyɪtɔ aha féé kɪ amuto. ¹¹Kɪ, neba ni. Mú su kita itɔ amuu fubu amuto kinkiinkin, menɪ ɔhaa móɔhɔ fu usɔgyi-ɪpa le fu ubɪtɔ. ¹²Oha ání olegyi isɪ a, nɔpu mu bwe mi Bulu ɔswɛɲpa obu amu ɔtan. Ɔméetra dalɪ unɪ ekekeeke. Nɔwanlun mi Bulu ida dɪnka musu. Nɔwanlun mi Bulu wulu, igyi Yerusalem pɔpwe amu ida dɪnka musu. Wulu amuu ibéɲkli tsu ɔsusɪ mi wa ba amu, nɔwanlun mi onuto ida pɔpwe amu ε dɪnka musu.

¹³“Oha ání ɔbu asu onu asun ání Oɲe Wankihe amu de ɔpasua amu bla ast.”

Laodikea Ɔpasua Nkla

¹⁴Oletra bla mi ɔbee, “Wanlun asun anfi sɪsɪ Akristofɔ ɔpasua ání ibu Laodikea wuluto ɔɔɔpu fee,

“Oha amuu buteti mu *Amen, mu su Bulu asun féé iteba mútɔ, ogyi ɔdansɪ-yin ɔnɔkwaluɔ, ɔtamawa afunu, ogyi Bulu ato bwehe féé nwun amu ɔbee: ¹⁵Nyin fu bwehe féé. Fumeɲli ogya, fumulwii ε. Nɪ feɲli ogya nte folwii a, teɲti ibu ale. ¹⁶Tame fɔgyi bwɪanbwɪan, fumeɲli ogya, fumulwii ε. Mú alɪ su nótu fu tsitsa. ¹⁷Fee, ato onyapu fɔgyi, fubu ato. Tɔtɔ mede fu hian, tame fuma tɔtɔ. Fumeyin ání ohiani fɔgyi. Fubu nwe, fu ansibi labwie, funa yaya. ¹⁸Mú su ndetɔ kpla fu mbee, pu koba bóhɔ sika pepeá bafwɪ mú ogyatɔ mi wa. Mú ɔbéha fénya ato onutonuto ni. Ntra nde fu bla mbee, fubɔhɔ atadie fututu, afupɪtin fu pelɪ múa fu yaya amu. Bɔhɔ afa da fu ansibisu, menɪ fówun ato. ¹⁹Aha ání ntɔdwe a, amú ntɔwa ɪyɪn wa, bitɪ amú isɪ. Mú su wa nsi, afudamli klɔntɔ. ²⁰Kɪ, nlu obu-ɔnɔ, nde agoo tswɪ. Nɪ ɔku lonu mi ɔme, olefinki ha mi a, nébitiwie mu wa, mia munyɔ abɔwa ibɪ gyi ato. ²¹Oha ání olegyi isɪ a, néha mu obétsia mi wa, mi owie obia amusu. Alɪ ken mi ε negyi isɪ, ntsie mi Si wa mu owie obia amusu ni.

²²“Oha ání ɔbu asu onu asun ání Oɲe Wankihe amu de ɔpasua amu bla ast.”

Ɔsusɪ Bulusum

4 ¹lnɪ ɔma a, nelawun ato bamba. Nowun ání obu lafinki ɔsusɪ. Nelanu ɔme amuu ilegyankpa bla mi asun amu. Ɔme amu igyi fe ɔkpe. Olebla mi ɔbee, “Du ba nfi, mi ansuna fu tɔá ilehian ání ibéba unɪ ɔma.” ²Bulu Oɲe leba musu ɔtsawule pe. Múá nowun a, owie obia ku tsie ɔsusɪ unɪ, ɔku tsie músu. ³Oha amuu otsie músu amu unɪ de ogya kpa fe abwi wanklaan kvá igyi pepe múa fututu. Mú ɔtneku ε igyi fe nyankputaa, ide ogya kpa bomli owie obia

amu fe ibwi wanklaan kuá igyi futa bobwe.^e ⁴Owie-mbia advanyɔ-na itsie bomli owie obia amu. Ahande advanyɔ-na bɔwa atadɛ fututu butsie mbia amusu, bubun sika pepe ipa. ⁵ɛno nyankpu lɔwa ibi fwi bi. Odekpɛ, ɔprada deputi dalɔ owie obia amutu. Ibia asienu ulu owie obia amu ansitu, idetsii. Múgyi Bulu Ŋɛ asienu amu ni. ⁶Nowun glaasi ɔpu kuá músu ide ogya kpa fe atsufolibi, ida owie obia amu ansitu.

Mbwi akvá buki nkpa ana, ansibi iduadua amó nkpa múa ɔma féé, bobomli owie obia amu ɔbun nsune unu. ⁷Amótu ogyankpapu gyi fe gyata. Onyɔsi gyi fe ɔnantswie yinhe. Ɖsasi ansitu igyi fe nyankpusa, ɔnasi e gyi fe oyitsuá odefuli. ⁸Okugyiɔku bu abamba asie, ansibi iduadua mútu muva mú ɔma féé. Bude ulu wa ɔpa onye beɛ,

“Wanki, wanki, wanki gyi anɔ Wie Bulu Otumipu.

Muletsia, otsie, ɔbélabá.”

⁹Mbwi amu butɔwa ulu amu, pu numnyam, obú múa ipan ha ɔha amuvu otsie owie obia amusu, omóowu ekekeke amu. Ni bobwe mú alɔ a, ¹⁰ahande advanyɔ-na amu e bamli bun ɔha amuvu otsie owie obiasu amu ansitu sum mu. Mubv unu bre féé ni. Fówun babwii amó owiepa amu tsuwi obia amu ansitu bli beɛ,

¹¹“Anɔ Wie pú anɔ Bulu!

Fulehian ání abɔpu obú, numnyam múa tumi ha,

tsufe fulɔbwe atɔ féé. Fɔbwe togyito fu apetu.

Mú féé ulaba mútu.”

Okufabi Amu Ɖwɔlu Amu Tii

5 ¹ɛno ɔma a, nowun ání ɔha amuvu otsie owie obia amusu amu de ɔwɔlu kuntahe mu gyɔputu. Bɔwanlun atɔ dunka mú nkpa múa mú ɔma féé, bɔpu okpin tan mú ɔno tse sienu. ²ɛno nowun ***Bulu-ɔbɔpu** otumipu ɔkuá ɔdeklɔn fute ɔbeɛ, “Ma lɔfun ání ɔbéman atɔ asienu anfi, tii ɔwɔlu amu ɔno?” ³Bumenya ɔhaa ɔsusu nte ɔsulusu nte ɔwɔlu ayasá ɔbétalɔ tii mú ɔno, kla mú. ⁴ɛno su nehie su, tsufe bumanya ɔha ání ɔlɔfun, obétii ɔwɔlu amu nte ɔbékla mú. ⁵ɛno ahande amutu ɔkule lebla mi ɔbeɛ, “Mátra su. Ki, Yuda abusuantu Gyata, ogyi Owie ***Dawid** mu na amu lagyi usu. Ɖlɔfun ání ɔbéman atɔ asienu amu, tii ɔwɔlu amu ɔno.”

⁶ɛno nowun ***Okufabi** ɔku. Ulehan ání bapu mu ha igyi ki. Ɖlu owie obia amu, aktankpapu ana amu pú ahande advanyɔ-na amu nsune. Ɖbu niesibi asienu pú ansibi asienu. Mu ansibi asienu amu gyi ɔɛ asienuá Bulu tɔwa sɔtu ɔwɔlu anfisɔ ɔtinegyiɔtine ni. ⁷Okufabi amu ledali ba nkpa, ɔlɔbɔhɔ ɔwɔlu amu le ɔha amuvu otsie owie obiasu amu gyɔputu. ⁸ɛno mbwi amuvu buki nkpa ana amu pú ahande advanyɔ-na amutu okugyiɔku lemli bun Okufabi amu ansitu. Okugyiɔku de ɔsankuo pú sika pepe blanwebiá ***ɔhɛn** bɔ mú. Bulu aha mpaɔ gyi ***ɔhɛn** anfi. ⁹Aktankpapu ana amu pú ahande advanyɔ-na amu bude ulu ɔpɔwe wa beɛ,

“Fulɔfun ání fótsu ɔwɔlu amu,

man atɔ asienu amuvu bɔputan mú ɔno amu.

Tsufe bɔpu fu ha igyi, fɔpu fu obugya hɔ aha ha Bulu.

Fɔhɔ aha abusuangyiabusuan, obhɔgyiɔbɔlɔ, ɔmágyiɔmá pú ɔsulɔsu aha ɔtsan-ɔtsan fɛ́ɛ́ɔ.

¹⁰ Fayai fu iwie ogyikpa ha amú, fabwe amú fu igyi ahapúá bétsia ha anu Bulu amu igyi.

Bégyi iwie ɔsulɔsu.”

¹¹ Nelaki, nonu Bulu-abɔpu tsɔtsɔɔtsɔ ɔme. Buhɛ butɔɔá buma iklatɔ. Bobomli owie obia amu múa aktankpapu amu pú ahande advanyɔ-na amu.

¹² Bɔpu ɔme kɔɔnkɔɔnkɔɔntɔ wa ulu bɛɛ,

“***Okufabi** amuv bɔpuha igyi amu lɔfɔn

ha tumi, iwɔnya múa

nyansa pú awutɔ ɔwɔnɔnɔ,

idayile múa numnyam pú kanfu.”

¹³ Lɔv nonu atɔá Bulu lobwe fɛ́ɛ́ ɔme. Múa ɔbu ɔsu múa asi, ɔsulɔ ayasi pú ɔputɔ fɛ́ɛ́, bɔde ulu wa bɛɛ,

“Kanfu, idayile, numnyam pú tumi fɛ́ɛ́

iletsia ɔha amuv otsie owie obiasu amu

pú Okufabi amu bre fɛ́ɛ́!”

¹⁴ Muv aktankpapu ana amu bɛblɔ bɛɛ, “***Amen!**” Lɔv ahande advanyɔ-na amu bemli bun sum Bulu muv ***Okufabi** amu.

Okpin Asienɔ Amu Main

6 ¹ Mɔ ansitɔ lɔv a, ***Okufabi** amu lemain atɔ asienɔ amuv bɔputan ɔwulɔ amu ɔhɔ amutɔ kule. Lɔv nonuá aktankpapu ana amutɔ ɔkule lele ɔhɔ. Mv ɔme lelɔn fe ɔprada ɔbɛɛ, “Ba!” ² Neki a, ɔɔnkɔ fututu ɔku nɔ. Muvu ɔdɔnkɔ amu de ita, bobun mu owiepa. ɔlɔpu ɔɔnkɔ amu kplɔ ba ɔsulɔsu fe ɔsu ogyipúá ɔtra ɔba bɔkɔ isa tsɔtsɔɔtsɔ, ɔtra gyi ɔsu.

³ Breá Okufabi amu lemain atɔ nyɔsɔá bɔputan ɔwulɔ amu ɔhɔ a, nonuá aktankpapu amutɔ onyɔsɔ leblɔ ɔbɛɛ, “Ba!” ⁴ ɔɔnkɔ pepe ɔku ledalɔ ba. Beha muvu ɔdɔnkɔ ɔdayi ɔya anyɔ tuntɔn kv. Beha mu tumiá ɔle iwɔlwiwɔ le ɔyɔtɔ. Mú sv isa leda ɔtɔnɛgyiɔtɔne, aha bɔmɔ aba.

⁵ Breá ***Okufabi** amu lemain atɔ sasiá bɔputan ɔwulɔ amu ɔhɔ a, nonuá aktankpapu amutɔ ɔsasi leblɔ ɔbɛɛ, “Ba!” Neki a, ɔɔnkɔ bibi ɔku nɔ. Muvu ɔdɔnkɔ amu de skeeli. ⁶ Lɔv nonu ɔme kv ledalɔ tsu mbwɔ amuv butsie nkpa ana amutɔ ɔbɛɛ, “Ayo olonka kule nte umɔ olonka asa ɔbɔ́bwe ekewule ɔkɔka.” ⁷ Tame máyinta nfo múa wan-nyi mú.”

⁷ Breá Okufabi amu lemain atɔ nasiá bɔputan ɔwulɔ amu ɔhɔ a, nonuá aktankpapu amutɔ ɔnasi leblɔ ɔbɛɛ, “Ba!” ⁸ Lɔv nowun ɔɔnkɔ ɔkúá mu ɔwi igyi fe nsuo. Muvu ɔdɔnkɔ amu ida gyi Lowu. Afulitɔ ɛ buo mu. Beha amú tumiá nɔ beye ɔyɔtɔ aku ana a, bɔmɔ iku kule. Bɔpu ɔdayi ɔya anyɔ múa akun, ɔlɔ múa ɔsulɔsu mbwɔkɔta-atɔ mɔ amú.

⁹ Breá Okufabi amu lemain atɔ nusiá bɔputan mú ɔhɔ a, nowun Bulu asuntɔ akɔtapu amu ɔkla ***afɔdɛ-ɔswɔ** amu ayasi. Bulu asun amu ɔwi adanɛte gyi sv bɔmɔ amú. ¹⁰ Lɔv bɔsura okitikiti kɔklɔkɔv bɛɛ, “Oo! Bulu Otumipu, fu ɔwi lɔwankɔ, fɔbv ɔnɔkwali. ɔmenke fégyi ɔsulɔ anfisv aha asun, fite anu obugya

tsu anı amọpu amu wa?" ¹¹Mú ọma a, beha amú fẹ́ẹ́ liga fututu, bebla amú beẹ, butra tsia kpalobi. Butsia yọfun breá bamọ amú aba asumpu ahogyipu amu ẹ, amú ọdudọ lafun asa.

¹²Breá ndekú a, Okufabi amu lemain atọ siestá bọputan ọwulu amu ọọ. Ọwulu lekpunku kuklọkọ, owi lebi tuun fe tati bibi, ọtsra ẹ lepe kọọ fe obugya. ¹³Muu ntsr akpabi bekpakpa bun ọwulu, fe afu kponkponkponnti latsun kpakpa pọntọ-abiá umọkudan bun. ¹⁴Nwuluta lokunta fe ọwulu, tsu mú nati. Abu múa ọpu nsune ọwulu fẹ́ẹ́ ledalú mú otsiakpa. ¹⁵Unu nowun áńi ọyito awie pú ahande pú isa ọọ alupu, asikafọ, atumipu, nkpábi múa iwtsu atsiapu beyejain abusu abwi alato pú abwi mbọ. ¹⁶Bebła abu múa abuta amu beẹ, "Mlikpa bun anısu, menı owie obiasu otsiapu amu omóowun anı, Okufabi amu ọmẹẹbiti anı tsu! ¹⁷Tsufe amú aha tsu bitı eke amu lafun. Ma ọbétalı lu mú ọọ?"

Bulu Aha Mpım Lafakule Advana-na (144,000)

7 ¹Unu ọma a, nowun Bulu-abọpu ana, bulu ọyi afunka ana amu fẹ́ẹ́su. Bude afu afunka ana amutọ kinkiinkin, menı umẹetra tsun ọwulu, ọpusu nte oyi kuku. ²Unu nowun áńi Bulu-ọbọpu bamba dedalı tsu owi ọdalıkpa. Ọde Bulu Ọkiankpapu atáá ọtọphte mu aha nsu. Muu ọlọsura okitikiti kuklọkọ kpoli abọpu ana amuu Bulu leha amú tumi ọbeẹ, bubeyinta ọwulu múa ọpu amu. ³Bulu-ọbọpu amu lebla Bulu-abọpu ana amu ọbeẹ, "Mlumáyinta ọwulu nte ọpu nte oyi kuku, yọfun breá nọpu atọ hie mı Bulu asumpu ọwukpu nsu asa." ⁴Unu beklı aha amuu bapu Bulu atọ hie amú nsu amu fẹ́ẹ́. Amú ọdudọ bgyi aha mpım lafakule advana-na (144,000). Amú fẹ́ẹ́ botsu Israel abusuan duanyọ amutọ. ⁵⁻⁸Behie aha mpım duanyọ (12,000) nsu abusuan amu kugyi-kutọ. Abusuan amu ada gyi, Yuda, Ruben, Gad, Asa, Naftali, Manase, Simeon, Lewi, Isakar, Sebulon, Yosef pú Benyamin.

Ọdọm Áńi Botsu Ọmá-ọmáto

⁹Unu ọma a, nowun ọdọm kvá ọhaa mẹtalı kla amú. Botsu ọmágyiọmá, abusuangyiabusuan, ọwulu aha ọtsan-ọtsan pú ọbligyiọblıtọ. Bulu owie obia amu pú *Okufabi amu ansıtọ. Bọwa liga fututuutu, bude mbla. ¹⁰Bọsura okitikiti kuklọkọ beẹ, "Anı Bulu amuu otsie owie obiasu pú Okufabi amu tọhọ aha nkpa!" ¹¹Unu a, Bulu-abọpu amu fẹ́ẹ́ belu bomli owie obia amu pú ahande advanyọ-na amu pú akiankpapu ana amu. Bemli bun, pu ansıtọ bun ọwulıtọ owie obia amu ansıtọ, sum Bulu, ¹²blı beẹ, "Amen! lkanfu, numnyam, nyansa, ipan, obú, tumi pú ọwunlun ibwe mu kle bre fẹ́ẹ́! *Amen!"

¹³Unu ahande amutọ ọkule lefite mı beẹ, "Amendi gyi aha anfi bọwa liga fututuutu anfi? Nkunu botsu?"

¹⁴Muu nebla mu mbeẹ, "Ọhände, fu yin."

Muu ọlebla mı beẹ, "Aha anfi gyi aha áńi batsun asun wunhe kponkponnti amutọ dalı nı. Amú lafwı amú atadı Okufabi amu obugyatọ, ulafuli fututuutu nı. ¹⁵Mú sv bulu Bulu owie obia amu ansıtọ, bude mu sum ọpa-onye mu ọswekpa unu nı. Ọha amuu otsie owie obia amuu ẹ obétsia amúto, bun amúsu. ¹⁶Akun múa ọmewulu mẹetra kuta amú, owi nte ọpawı ẹ umẹetra tọ amú. ¹⁷Tsufe Okufabi amuu ọlu Bulu owie obia amu ası amu ọbọbwe amú ọkpapu. Obégya amú nkpa, kpa amú ya nkpa-ntsu amu ọwıkpa, anı Wie Bulu obétsitsi amú anı ntsú fẹ́ẹ́."

Okpin Sienṣi Amu Mau

8 ¹Breá *Okufabi amu leman atọ sienṣiá bọputan ọwọlọ amu ọwọ a, ọsusu lólọ fe dónhwiri-fun. ²Ṣu nowun Bulu-abọpọ asiẹnọ amuu bulu mu ansitọ amu. Beha amúto okugyiọkọ ọkpe.

³Bulu-ọbọpọ bamba leba belu *afọdite-ọswi amu ansitọ. Ọde sika pepe blanwebiá bwtọwa *ọhien ogya múto. Beha mu ọhien tsọtsoṣotso, ọlọpọtisia Bulu aha mpaitọ, puyedunka sika pepe afọdite-ọswi amuu iyi owie obia amu ansitọ amusu. ⁴Mu ọhien amu ogyasi letsia Bulu aha amu mpaitọ, kusu tsu afọdite-ọswi amusu yọ Bulu ansitọ. ⁵Ṣu Bulu-ọbọpọ amu lotsu ọhien blanwebi amu, ọlele ogya afọdite-ọswi amusu wa múto, fun mú da ọsulusu. Ṣu nyankpọ lwa ibi fwi bi. Odekpẹ, ọprada depoti, ọme ọtsan-ọtsan delin kuklọkọ, ọsulọ e dekpinki kpakpakpaka.

Ikpe Asienṣi Amu

⁶Bulu-abọpọ asiẹnọ amuu bude ikpe asiẹnọ amu e beda iwọsu ha mú fọli.

⁷Bulu-ọbọpọ gyankpapọ lófọli mu ọkpe. Muu botsu atsufolibi múa ogya áni obugya lefra mú, tswi mú wuli ọsulusu. Ni beye ọsuluto asa a, múto iku kule múa músu nyi pú músu ifa fẹé lọhọ pluplupli.

⁸Bulu-ọbọpọ nyasi lófọli mu ọkpe. Ṣu bọtswi tọku fe ibu kponkponṣiá ideho wa ọputọ, ọputọye asatọ ukule ledamli obugya. ⁹Ọputọ mbwíá bọki nkpa fẹéto ye asatọ iku kule bowu. Ntsusu ayibitọye asatọ iku kule e lobwiebwie.

¹⁰Ṣu Bulu-ọbọpọ sasi lófọli mu ọkpe. Ọsrakpabi kponkponkponṣiá kúá ide ogya tsii fe obia lekpa tsu ọsusu beda ntsu tsunheá ibu ọyito fẹéto ye asatọ iku kulesu. ¹¹Ọsrakpabi amu ida gyi “Ọkita.” Ṣu ntsu tsunhe amutọye asatọ iku kule lwa ọkita dún ọkpun. Mú ọkita su aha tsọtsoṣotsoá bonu mú bowu.

¹²Ọbọpọ nasi lófọli mu kle. Uwọ owi múa ọtsra pú ntsrakpabitọye asatọ iku kule. Mú fẹé lodun. Ṣu su ọyikehe múa owi tahetọye asatọ iku kule e loklun.

¹³Neki a, oyitsu ọku defuli, odesu kuklọkọ ọbe, “Aha áni bétsia ọsulọ anfisú asa Bulu-abọpọ asa atrahe amu bófọli amú nkpe bogyọwọ tsenyo-tsesa!”

9 ¹Bulu-ọbọpọ nusi lófọli mu ọkpe. Nowun áni ọsrakpabi lekpa tsu ọsusu beda ọsulusu, bọpọ ulan klukluukluá uma ọka saafti ha mu. ²Muu olefinki ulan klukluuklu amu ọwọ, ogyasi ledali múto fe obuntọ. Ogyasi amu ileha nsaintọ fẹé ilebi tuun. ³Ṣu atsantsanku bedali tsu ogyasi amutọ ba ọsulusu. Beha amú tumi be, busura aha fe nyankpukpie. ⁴Bebá atsantsanku amu be, bumápu ọwọ da ifa nte nyi kọkọ, dún aha amuu Bulu nsuhetọ medun amú ọsokpi amu. ⁵Bomeha amú ọkpa áni bumọ amú, tame buhẹ wa amú iwọṣun tsra anu keke. Amú iwọṣun amu ibwe fe alá nyankpukpie-sura tọhọ ọsun. ⁶Aha bódunka lowu nke amutọ, tame buménya. Bọbọ mbọdúá bówu, tame bumóowu.

⁷Atsantsanku amu belian mpónkọá bahuhẹ amú ha isa, tọku dún amú nwunsu fe sika pepe ipa. Bọwa anyankpọsa ansitọ. ⁸Amú nwunsu-imi bu iswi fe ọtsi kle. Amú ayin e igyi fe gyata kle. ⁹Bọwa kanto atintọá bọpọ idatọ bwe. Ni budefuli a, amú ate totsula fe mpónkọ múa akeke tsọtsoṣotsoá busi bọyo isa.

¹⁰Bubu odu, itosura fe nyankpukpie. Beha amú tumi be, bupọ amú odu amu pilan aha tsra anu keke. ¹¹Ulan klukluukluá uma ọka amu ọbọpọ gyi amú owie. Bwteti mu *Hebrifo ọblitọ be, Abadon. Griki ọblitọ e bwteti mu be, Apolion. Mú asi gyi, “Atọ Oyintapọ.”

¹²Asun wunhe gyankpapu lamo ɔno a. Anyo trahe e iba.

¹³Breá Bulu-ɔbɔpu siestu lɔfuli mu ɔkpe a, nonu ɔme ku ledali. Uledali tsu sika pepe *afɔdiɛ-ɔswi amu okonki ana amuto Bulu ansito unu. ¹⁴Ide ɔbɔpu amuu ɔɔfuli ɔkpe amu bla ɔbee, “Sanki abɔpu ana amuu beklɔ manta ntsu yile Efrate ɔno amu.” ¹⁵Bulu lela amú yai ha alɔ bre anfi, ofi anfi, ɔtsra anfi, eke anfi pú dɔnhwuri anfi ɔbee, busanki amú abuyɔmo ɔyito ahatɔye asato iku kule féé. ¹⁶Bebila mía isa akɔpu amu ɔɔɔɔɔɔ bɔbwe bliba lafanyo (200,000,000), budɔn mpɔnkɔsu. ¹⁷Nowun mpɔnko pú amúsu adɔnkapu mi atowunhe amuto, bɔwa kantɔ atintɔ. Aku kle lepe fe ogya, aku kle lebi, aku e kle igyi bate-nfo. Mpɔnko amu nwun igyi fe gyata kle, ogya múa ogyasi pú *atonkodu dedali amú ɔno. ¹⁸Alɔ asun wunhe aku asa, igyi ogya, ogyasi pú atonkodu amu uledali tsu mpɔnko amu ɔno, ulɔmo ɔyito ahatɔye asato iku kule. ¹⁹Megyɔ amú ɔno ɔno nkle asun wunhe tumi tedali tsu. Ibu amú oduto e, tsufe amú odu igyi fe iwɔ, ibu nwun, itepilan aha.

²⁰Anyankpɔsa amuu besian ɔsulusu, bumowu asun wunhe amuto amu féé bekina bumedamli klɔntɔ. Bumesi *ɔhe lalahe múa atunkuá bapu sika pepe, sika fututu, kɔbri, abwi múa nyi aná bwe sum. Alɔ ɔhe lalahe pú atunku anfi butamawun atɔ, butamanu asun, butamanati. ²¹Alɔ ken bumedamli klɔntɔ si amú tsiatɔ lalahe; igyi ahamɔ, ɔkpé, atsi múa ayin asunwa múa owi amu e bwe ni.

Bulu-ɔbɔpu Mɔa ɔwɔlo Tukuriibi

10 ¹Iɔu nelawun Bulu-ɔbɔpu ɔwɔnɔlɔpu bamba ɔkúá otsu ɔsusu. Agyinde lobomli mu, nyankpɔtaa ilan mu awunsu. Mu ansitɔ lɔwanki fe owi, mu ayabi igyi fe ɔsɔtiá ogya bu mútɔ. ²ɔDe ɔwɔlu tukuriibi kúá ɔletei mútɔ. Mu gyɔpi yabi iyi ɔpusu, mu buna yabi e iyi ɔsulusu. ³ɔɔkɔplɔn kɔklɔkɔlu fe gyata dekpoun, ɔprada asienɔ amu lɔputi. ⁴Breá ɔprada asienɔ amu lɔputi, mbee anwanɔn asun amuu ɔleblɔ amu a, nonu ɔme bamba tsu ɔsusu. ɔme amu deblɔ ɔbee, “Máwanɔn asun amuu ɔprada asienɔ amu ɔlablɔ amu. Pɔwa fu kpawunutɔ.”

⁵Muu Bulu-ɔbɔpu amuu nowun, ɔlu ɔpu múa ɔsulusu amu lotsu mu gyɔpi ibi fua yɔ ɔsusu. ⁶Iɔu ɔleka ɔha amuu ɔbu nkpa bre féé amu ntam. Mulɔbwe ɔsu múa asi, ɔpu múa mútɔ atɔ féé, ɔleblɔ ɔbee, “Buméetra si tsia! ⁷Tame breá Bulu-ɔbɔpu sienɔsi amu ɔbɔfuli mu ɔkpe a, alɔ bre amuto Bulu asun ɔnainhe amuu ɔlehɛ yai ɔbee, mɔbwe amu ɔbéba mútɔ ni. ɔbéba mútɔ fe alɔ ɔlebla mu asumpu, bugyi mu ɔno ɔno atɔpu amu.”

⁸Iɔu ɔme amuu ide mi asun bla tsu ɔsusu amu letra bla mi ɔbee, “Yɔho ɔwɔlu amuu ɔlafinki amu le Bulu-ɔbɔpu amuu ɔlu ɔpu múa ɔsulusu amu ɔbitɔ.”

⁹Mú su nɔyɔ Bulu-ɔbɔpu amu wa mbee, ɔpu ɔwɔlubi amu ha ni. Muu ɔlebla mi ɔbee, “Ho, afɔwi mú! ɔbɔwa fu ɔdwe debidebi fe ɔkwen, tame uméekana fu iputɔ.”

¹⁰Iɔu ɔno ɔwɔlubi amu le mu ɔbitɔ, nɔwi mú. ɔbɔwa mi ɔdwe debidebi fe ɔkwen, tame imetepi kana mi iputɔ. ¹¹Muu ɔletra bla mi ɔbee, “Ilehian ání félablɔ asun amuu ɔbéba aha féésu amu. ɔbéba ɔmá féé, ɔbli ɔtsan-ɔtsan ablɔpu pú awie féésu, fe alɔ amuu Bulu lale suna fu amu!”

Adansitɔ Abanyɔ Amu

11 ¹Iɔu ɔma a, beha mi oyiá butɔpususu atɔ. Muu Bulu-ɔbɔpu amu lebla mi ɔbee, “Kusu afuyosusu Bulu ɔswekpa obu amu pú *afɔdiɛ-ɔswi

amu, afukla unv asumpu amu. ²⁻³Tame másusu nwunsinesu amu mó. Si unv tsuwi, tsufe Bulu lasi unv ha aha ání bumegyí Yudafọ. Alı aha anfi bétsatsa wulu wankihe amovs tsra advana-nyo (42), igyi nke ọpum-ọkule lafanyo aduesie (1,260). Néha mı adansıfọ abanyo bédıda akpekpe, ha amú tumi bébli mı asun ání nale suna amú nke amuto.”

⁴Amógyi nfo-nyi anyo pú ọkandıe-nyi anyo amuv ulu Bulu, ogyi ọyi féésu ogyipu amu ansıtọ nı. ⁵Nı ọku ọbwe agywun ání obépilan amú a, ogya bédalı amú ọno, ho mu mo. Alı ọha ání odekleá obépilan amú obówu nı. ⁶Bulu adansıfọ amu bubu tumiá bétalı ha nyankpu omóotswie nkeá bọpıblı Bulu asun amu féé. Bubu tumiá bétalı ha ntsu kugyiku bédamli obugya. Bétalı le asun wunhe kugyiku ε ba ọsulvsu bregyibreá budekle.

⁷Nı adansıfọ anfi bebli amú asun ta a, ọbwıkita-atọ amuv ọtedalı tsu ilan klukluukluá uma ọkatọ amu ọbọko amú isa, gyi amósu, mo amú. ⁸Amú afuli bédı amú wulu yile brónvsu. Butetı wulu yile anfi bée, “Sodom móa Egyipte.”⁸ Lnv beda amú Wie Yesu manta *oyikpalihesu, mo nı. ⁹Aha bótsu abusuan-gyibusuan, ọbligyiọbılı, ọmágyiọmá pú ọsulvsu aha ọtsan-ọtsan fééto ba beki afuli amu nkensa móa ifun. Bumécha ọkpa abopula amú kuraa. ¹⁰Bulu ọno su atọpu abanyo anfi bawu sv ansı bégı ọsulvsu atsiapu. Bégı nke kponkpontı, kie aba atọ, tsufe Bulu ọno su atọpu anfi bawa amú ipian kponkpontıtọ kı. ¹¹Tame nkensa móa ifun amu ọma a, Bulu leha ọje lelawie amúto, belakusu lu ayabisu. Mó sv ifu lehie kita aha ání bowun amú. ¹²Lnv Bulu ọno su atọpu abanyo amu bonu ọme kponkpontı ku tsu ọsulvsu, ılebla amú ọbee, “Mıdu ba nfi!” Amú alupu amu bulu bude amú kı, agyinde lotsu amú ya ọsulvsu. ¹³Ọsulv lekpinkı kpukpukpukpu alı bre amuto ken. Nı beye wulu amuto idu a, iku kule féé lobwie bun ọsulvtọ gbloo. Aha mpım-sieno (7,000) bowu ọsulvkpunkı amuto. Ifu lehie kita atrahı amu. Mó sv bawa ọsulvsu Bulu numnyam.

¹⁴Asun wunhe nyọsı latsun, sası srı ıba a.

Okpe Sienosı

¹⁵Muv Bulu-ọbọpu osienosı lıfulı mu ọkpe. Lnv ọme akponkpontı lelın tsu ọsulvsu bée, “Sei a, ọytı iwiegyi lamli anı Wie Bulu muv *Kristo, (ọha amuv Bulu lada mu ofuli amu) kle. Obégı iwie bre féé!” ¹⁶Lnv ahande advanyo-na amuv butsie amú mbiasu Bulu ansıtọ amu féé bobun, sum mu, ¹⁷blı bée,

“Anı Wie Bulu Otumıpu, ada fu ıpan.

Fọletsia, fubv unv bre féé.

Tsufe fapu fu tumi kponkpontı amu

fi fu iwiegyi ası!

¹⁸Ọmá-ọmá benya ọblo,

bre lafun ání fu ε fénya ọblo.

Bre lafun ání fégyi awupu asun.

Bre lafun ání fıbwe yile ha fu asumbi, bugyi fu ọno su atọpu amu,

pú Bulu aha ání butenya fu ifu,

nyebi ahande féé.

Bre lafun ání féhu aha ání bamo aha ọytı féé.”

¹⁹ ɛnu befinki Bulu ɔtswɛkpa kpɔnkpɔnti amɔv ɛbu ɔsusu amɔ, bowun mu ***Ntam-daka** obu amɔtɔ. ɛnu nyankpu lɔwa ɛbu fwɛ bi. Odekpɛ, ɔprada deputi, ɔmɛ ɔtsan-ɔtsan lɛɛn kuklukuv, ɔsɛlɛ lekpunkɛ; atsufolibɛɛ igyi fɛ akwebi lɛhɛ kpa.

Ɖtsi Amɔ Mɔa Buti Amɔ

12 ¹ ɛnu osuna kpɔnkpɔnti ku ledalɛ ɔsusu. Nowun ɔtsi ɔkɔá ɔdidɛ owi, mu ayabi yi ɔtsrasu. Obun owiepa, ntsrakpabi duanyɔ ɛpan mɔsu. ²Ɖtsi amɔ de ɔmɛ, ukwu de mu dwiin, odekikini, ɔde okitikiti ogyo obi amɔ kwu.

³ ɛnu osuna bamba letra dalɛ ɔsusu. Nowun ***buti** kpɔnkpɔnkpɔnti ɔkɔá ɔlepe, ɔbu nwun asienɔ pɔ nsiebi du. Owiepa asienɔ bun nwun asienɔ amusu. ⁴ ɛnu beye ntsrakpabi fɛfɛtɔ aku asa a, buti amɔ lɔpu mu odu kiki mla iku kule, ɔlebuta mɔ kpa beda ɔsɛlɛsu. Ɖɛɛ ɔtsi amɔv ɔmɛ de mu dwiin amɔ ansitɔ, menɛ ɔtsi amɔ onya kwu pe a, obɔtsu mu bi amɔ mɛ. ⁵ Ɖtsi amɔ lɔkwu obiyimbɛɛ ɔbɛkpa ɔmá fɛfɛ owuntɔlɛnsu. Botsu kebi amɔ ya Bulu wa, yeyai mu obiasu. ⁶ ɛnu ɔtsi amɔ lɛsrɛ yɔ ***dimbisɔ** ɔtunɛá Bulu lɛla yaɛ ha mu. Bɛkɛ musu nke ɔpum-ɔkule lafanyɔ aduesie (1,260).^h

⁷ ɛnu isa leda ɔsusu. Bulu-ɔbɔpu dehen Mikael mɔa mu aba abɔpu bɔkɔ buti amɔ mɔa mu aba abɔpu. ⁸ Tame buti amɔ mɔa mu abuoɔpu bumetalɛ lu amɔ ɔnɔ, begya amɔ le ɔsusu ɛnu. ⁹ ɛnu bekpa buti amɔv buteti mu ɛwɔ dada amɔ mɔa mu abɔpu beda ɔsɛlɛsu. Mu butetra ti Bulu olupu nte ***Satan** pɔ ɔyitɔ aha fɛfɛ ɔmlepu ni.

¹⁰ ɛnu nonu ɔmɛ kuklukuv ku lɛɛn ɔsusu. Uleblɛ ɔbɛɛ,

“Sei gyi brɛá Bulu ɔbɔhɔ mu aha nkpa ni!

Bulu ɔbɔpu mu tumi gyi iwie.

Mu ***Kristo**, (ɔha amɔv Bulu lada mu ofuli amɔ) ɛ ɔbɛle mu tumi ɔwan.

Tsufe bakpa ɔha amɔv oletsia le anɛ Akristofɔ ɛla amɔ da ɔsɛlɛsu.

Ɖbunsam mɛetra ka asɛn dɛnka anɛ apiosu,

anɛ Bulu ansitɔ ɛ.

¹¹ Bapu ***Okufabi** amɔ obugya pɔ mu ɛwɛ adansɛ amɔv

begyi amɔ gyi musu.

Bumɔdwe amɔ ɛwɛ dɛbidɛbi,

su bumɛnya amɔ lowu kuraa ifu.

¹² ɛnu su ɔsusu pɔ mla mlɛbu ɛnu fɛfɛ,

mlɛnya ansigyɛ.

Tame ɔsɛlɛ mɔa ɔpu,

mligyɔwɛ ni.

Ɖbunsam laba mlɛ wa ɔblɔsu,

tsufe alawun ánɛ mu nke ɛtra mɔtsɔ.”

¹³ Brɛá buti amɔ lowun ánɛ bafun mu da ɔsɛlɛsu a, ɔlɔkusu kpɛla gya ɔtsi amɔv ɔlɔkwu obi amɔ. ¹⁴ Tame beha ɔtsi amɔv oyitsu kpɔnkpɔnkpɔnti abamba anyɔ, menɛ ɔbɛtalɛ fulɛ si buti amɔv yɔ mu otsiakpa dimbisɔ ɛnu. Bulu ɔbɛkɛ musu ɛnu nfinɛa mɔa ɛfun.ⁱ ¹⁵ ɛnu buti amɔv lɛfen ntsu tsunhe dalɛ mu ɔnɔtɔ wulɛ ɔtsi amɔ

^h 12:6 Nke ɔpum ɔkule lafanyɔ aduesie (1,260) anɛ igyi nfinɛa mɔa ɛfun. ⁱ 12:14 Nfinɛa mɔa ɛfun igyi nke ɔpum ɔkule lafanyɔ aduesie (1,260).

ɔma, menɩ ɩbékɩta mu nati. ¹⁶Tame ɔsulɩ legyi ɔtsɩ amu buale. Ntsu amuv butɩ amu lefen tsu mu ɔnɔɔ amu féé leme wie ɔsulɩta. ¹⁷ɩnu butɩ amu lenya ɔblɩ ɔtsɩ amusu, pu mu ɔblɩ gya mu abi atrahesu. Amógyi aha ání butegyi Bulu mblasu, bude Yesu ɩwɩ adansie gyi a. ¹⁸ɩnu butɩ amu lesi ɔda ɔpu amu ɔnɔ.^j

Mbwikita-atɔ Anyɔ Aku

13 ¹ɩnu ɔma a, nowun ání ɔbwikita-atɔ kpɔnkpɔntɩ ɔku dedalɩ tsu ɔpu amutɔ ɔba. ɔbu nwun asienɔ pú nsiebi du. Owiepa bun nsiebi amu kugyikusu. Bɔwanɩn ɩda ání ɩlɔkusu lu Bulusu dinka nwun amu kugyikusu. ²ɔbwi amu gyi fé dundu, tame mu ayabi lomoni, mu akuti bu ɩswɩ fé osisre ayabi, mu ɔnɔ ε igyi fé gyata ɔnɔ. ***Butɩ** amu lɔpu mu tumi, iwiegyi pú ɔwɔnɩn ku ha ɔbwi anfɩ. ³Nowun ání ɔlɩ kpɔnkpɔntɩ ku ɩdɩn ɔbwi amu nwun asienɔ amutɔ kulesu. ɔlɩ amu lomoni, ɩbétalɩ mɔ mu, tame ɩleta, omowu. ɩlɔwa ɔyɩtɔ aha féé wanwan, bekpla buo mu. ⁴Bosum butɩ amu, tsufe alapɩ mu tumi ha ɔbwi amu. Bosum ɔbwi amu ε, fite bee, “Ma lɔfun ɔbwi anfɩ? Ma ɔbétalɩ lu kɔ mu?”

⁵Bulu leha ɔbwi amu ɔkpa ání ɔbli abususu akpɔnkpɔntɩ pukusu lu musu. ɔleha mu ɔkpa ání ɔbwe tumila kugyikvá odekle tsra advana-nyɔ (42), igyi nfinsa múa ɩfun amutɔ. ⁶ɔbwi amu lobwii ɔnɔ, bli abususu pukpɔ Bulu muv mu ɩda pú aha amuv bubu ɔsusu, igyi mu otsiakpa amu. ⁷Bulu leha mu ɔkpa ání ɔkɔ Bulu aha, ogyi amósu. ɔleha mu ɔkpa ání ogyi iwie abusuangyiabusuan, ɔbligyiɔbli, ɔmágyimá pú ɔsulusu aha ɔtsan-ɔtsan féésu. ⁸ɔyɩtɔ aha féé bosome ɔbwi amu. Aha ání bumóosum mu gyi aha ání ɔbwanɩn amú ada wa ***Okufabi** amuv bɔpuha igyi asa ɔyɩ lebelɩn amu nkpa ɔwulɩtɔ.

⁹ɔha ání ɔbu asu onu. ¹⁰ɔha ání ɩda yai ání békɩta mu ndoun ɩsatɔ a, békɩta mu ɩsatɔ, kpa mu nati. Nɩ ɩda yai ání ɔku obésin ɔdayi ɔnɔ ε a, ɔdayi ɔnɔ obésin. ɩnu sv Bulu aha butomi, abulu kinkin amú hogyɩtɔ.

¹¹ɩnu netra wun ɔbwi ɔku ε lɔwɔ dalɩ ɔsulɩtɔ. ɔbu nsiebi anyɔ fé okufabi, tame ɔlɔtɔ fé ***butɩ**. ¹²ɔbwi anfɩ lu ɔbwi gyankpapu amu ansɩtɔ, ɔlɔyɔ mu agyuma kugyiku ɔbwi gyankpapu amu tumɩtɔ. ɩnu leha ɔsulusu atsiapɩ féé bosum ɔbwi gyankpapu amuv ɔlɩ ledɩnka mu, ɩleta, omowu amu. ¹³ɔbwi nyɔsɩ amu lobwe osuna akpɔnkpɔntɩ. ɔleha ogya lekpa tsu ɔsusu beda, aha féé bowun. ¹⁴ɔlɔpu osuna amuv ɔlbwe ɔbwi gyankpapu amu ansɩtɔ amu mlɩ ɔyɩtɔ aha ɔbee, buɩwe ɔkpi, ogyi fé ɔbwi gyankpapu amuv bɔwɔ mu ɔdayi ɩya anyɔ, omowu, ɔtra otsie nkpa amu. ¹⁵Bulu leha ɔbwi nyɔsɩ anfɩ ɔkpa ání ɔwa ɔkpi amu ɔɩfé, fówun ɩbétalɩ tɔ. ɩnu ɔkpi amu leha ɔbee, bumɔ aha ání bumóosum mu. ¹⁶ɔleha ání buhue aha féé nsu, amú gyɔpi ɩbusu nte amú ɔvɔkpi; nyebi ahande, ahianfɔ múa asikafɔ, nkpábi múa ɩwɩ agyipu. ¹⁷ɔha méetalɩ fé tɔtɔ nte hɔ tɔtɔ, nkɩtɩ ɔha ání ɔbwi amu nsuhɩtɔ, igyi mu ɩda nte ibiá ɩlu ha mu ɩda dɩn musu.

¹⁸ɩnu lehan nyansa, menɩ féfalɩ nu ibi amu asi. Ibi amu ɩlu ha ɔbwi gyankpapu amu, igyi oyin ɔku ɩda. Ibi amu gyi lafasie aduesie-sie (666).

Okufabi Amu Mva Mu Aha

14 ¹ɩnu nelawun ***Okufabi** amu lu ***Sionbusu**. Aha mpɩm lafakule advana-na (144,000) bɔlu mu wa. Okufabi amu mva mu Sɩ ɩda dɩn

amú ɔsukpi. ² ɛnu nonu ɔme ku tsu ɔsusu fe ntsu labula, idekpa yi, nte ɔprada deputi, nte fe nsankuo tsɔtsɔtsɔ bɔdeda. ³ Bude ulɔ pɔpwe ku wa owie obia amu, akiankpapu ana amu pú ahande advanyɔ-na amu ansitɔ. Dhaa má uná ɔbétali suan ulɔ amu ɔsulɔ anfisɔ, nketi aha mpum lafakule advana-na (144,000) amuu Bulu laho amú nkpa tsu ɔsulɔsu amu nkule pe. ⁴ Alɔ aha anfi gyi aha ání amú iwɔ letun, bumeyin ɔtsi, butobuo Okufabi amu ɔtinegyiɔtineá ɔɔ ni. Amú nwunsu ɔko ɔleka anyankpusa féétɔ, fe atɔ-abi gyankpapu ha Bulu mua Okufabi amu ni. ⁵ Butamawa afunu, ɔlala kuku e uma amú iwɔ.

Bulu-abɔpu Abasa Asun Blɛhe

⁶ ɛnu nelawun Bulu-abɔpu ɔkúvá ɔna afutɔ, ɔde ***asun wanklaan** amuu ibu nu bre féé amu. ɔba bebla ɔyitɔ aha, abusuangyiabusuan, ɔbligyiɔbli abliɔpu, ɔmágyiɔmátɔ aha pú aha ɔtsan-ɔtsan. ⁷ Bulu-abɔpu amu ɔkplɔn bli ɔbee, “Mlɔnya Bulu ifu, amlɔwa mu numnyam, tsufe mu asungyiɔbi lafun. Mlɔsum mu. Mɔlɔbwe ɔsu móa asti, ɔpu móa ntsu féé!”

⁸ Bulu-abɔpu onyɔsi e lobuo mu, bebli ɔbee, “***Babilon** labwie. Wulu yile Babilon labwie. Tsufe Babilon laha ɔmá-ɔmá banu mu mbuatɔ-nta ání iteha Bulu ɔblo ɔkusu!”

⁹ Bulu-abɔpu sasi e buo amú, ɔdebli ɔbee, “Ni ɔku losum ɔbwi amu mua mu ɔkpi amu, ha bɔpu amú nsuhetɔ hie mu ɔsukpi nte mu ibi nsu a, ¹⁰ alɔ dha amu obónun Bulu ɔblo-nta, bumefra mú asa betsei mú wa Bulu ɔblo-ewetɔ ni. Bulu ɔbɔpu ogya móa ***atonkodu** bitɔ mu usɔ, mu abɔpu wankthe pú ***Okufabi** amu ansitɔ. ¹¹ Amú usubti ogya amu ogyasi bɔkusu ɔɔ ɔsusu bre féé. Alɔ aha amu gyi aha amuu bosum ɔbwi amu pú mu ɔkpi, ɔbwi amu nsuhetɔ din amúsu amu ni. Iwɔ mólwii amú ekekeke.”

¹² ɛnu su ilehian ání Bulu aha bótomi lu kinkin, gyi Bulu mbilasɔ, wa ɔɔkwali ha Yesu ni.

¹³ ɛnu nonu ɔme ku lotsu ɔsusu ɔbee, “Wanlɔn tswi fee, ‘Ansi bégyi aha ání bówu anɔ Wie agyumatɔ tsu sei pɔya!’ ”

Bulu Dɔje amu ɔbee, “Ee, ibu mútɔ. Ansi bégyi amú lele. Béda ɔkpuɔu tsu amú ipian féétɔ, tsufe amú bwehe wanklaan bóbuo amú.”

Bulu Asungyi Iwɔ Atowunhe

¹⁴ ɛnu nelakɔ a, agyinde fututu ku ni. Dha ɔkúvá ogyi fe Nyankpusa-Mu-Bi amu tsie agyinde amusu. Obun sika pepe owiepa, ɔde tsini klakla ku. ¹⁵ ɛnu Bulu-abɔpu ɔku e ledali tsu ɔsusu Bulu ɔtswekpa unɔ ba. Muu ɔkɔkplɔn bla dha amu ɔtsie agyindesu amu ɔbee, “Pu fu tsini amu tun atɔ-abi, tsufe ɔsulɔsu atɔ-abi lape yɔi. Mú tunbi lafun!” ¹⁶ Mú su dha amuu ɔtsie agyindesu amu letnki mu tsini amu, tun ɔsulɔsu atɔ-abi amu féé.

¹⁷ Bulu-abɔpu ɔku e ledali tsu ɔsusu Bulu ɔtswekpa obuto unɔ. Mu e ɔde tsini klakla ku.

¹⁸ Muu Bulu-abɔpu ɔkúvá ɔbu tumi ogya amusu e ledali tsu ***afɔdie-ɔswi** amu asi ba. ɔkɔkplɔn bla Bulu-abɔpu amuu ɔde tsini amu ɔbee, “Pu fu tsini amu ka ***wain-abi** amu ɔkpitsa, tsufe abi amu ulape.” ¹⁹ Mú su Bulu-abɔpu amu lotswi mu tsini amu kaka ɔsulɔsu wain-abi ɔkpitsa féé, kpa wain-abi amu wa ɔtineá butenyime ntsu le mútɔ. ɛnu ulu ha Bulu ɔblo. ²⁰ Wulu amu mmuatse benyime wain-abi amu. Obugya ledali mútɔ, ɔdetsun waa fe ntsu

tsunhe. Mú iswito bóbwe maui lafakule adukwe (180). Mú oklu e bóbwe ayabi anu.

Bulu-abɔpu Pú Asun Wunhe Asienɔ Trahe

15 ¹ Lnu nowun osuna bamba kuá ibu ifu, ibu wanwan ɔsusu. Nowun ání Bulu-abɔpu asienɔ buɔe asun wunhe asienɔá Bulu ɔbɔpuɔti aha isu asa ukluntɔ bólwii mu.

² Lnu nowun ɔpu kuá igyi fe ahvhwɛ, ɔlepe fe ogya. Nowun ání aha bulu mú ɔɔ, buɔe Bulu nsankuo. Alu aha anfu gyi aha ání bako gyi ɔbwi gyankpau amu muva mu ɔkpi amu pú nsvhɛ-ibi amvu ulu ha mu ida amusu ni. ³ Buɔe Bulu osumbi Mose muva ***Okufabi** amu ulu wa bɛɛ,

“Ani Wie Otumipu,

fu bwehe bu ifu, ibu wanwan.

Fu bwehe féé igyi ɔɔkwali, ida ɔkpa.

Owieá mu iwiegyi tamamo ɔɔ.

⁴ Ani Wie, ma oménya fu ifu, wa fu numnyam?

Tsufe fu nkule lɔwanki.

ɔma féé béba bosum fu,

tsufe fale fu yilebwe ɔwan.”

⁵ Lnu ɔma a, neki ɔsusu, nowun ání Bulu ɔswɛkpa obu, igyi ***tati-obu** amvu itosuna ání Bulu bu amú wa amu ɔɔ ɔyaa. Nowun mútɔ ɔwankɔkpa amu.

⁶ Nowun Bulu-abɔpu asienɔ amvu bɔpu asun wunhe kpɔnkpɔnti asienɔ ba amu. Bedali tsu ɔwankɔkpa unv. Bɔwa ɔhrada atadiá ulɔwanki, ide ogya kpa, bɔpu sika pepe ɔfe tsan. ⁷ Aktankpau ana amutɔ ɔkule leha Bulu-abɔpu asienɔ amutɔ okugyiɔku sika blanwebiá Buluá ɔbu unv bre féé ɔblɔ ɔbo mú dededede.

⁸ Bulu numnyam pú mu tumi leha ogyasi lɔbula Bulu ɔwankɔkpa unv féé. ɔhaa metalu bitiwie mútɔ, yɔfun breá Bulu-abɔpu asienɔ amu batsei asun wunhe asienɔ amu féé wuli ɔsulusu.

Bulu ɔblɔ Ablanwebi

16 ¹ Lnu nonu ɔme kpɔnkpɔnti kuá ɔledali tsu Bulu ɔwankɔkpa unv. Ide abɔpu asienɔ amu bla ɔbɛɛ, “Mlyɔ, amlyetsei Bulu ɔblɔ ablanwebi asienɔ amu wuli ɔsulusu.”

² Mú su ɔbɔpu gyankpau ledali tsu Bulu ɔswɛkpa unv yetsei mu kle wuli ɔsulusu. Lnu aha amvu ɔbwi amu nsvhɛtɔ idun amúsu, buɔe ɔkpi amu sum amu ulu letsitsi nlu akpɔnkpɔnti, ide amú dwiin.

³ ɔbɔpu nyɔsi letsei mu kle wa ɔputɔ. ɔpu amu lemli fe fuli obugya. Togyitɔá ɔbu ɔpu amutɔ lowu.

⁴ ɔbɔpu sasi letsei mu kle wa ntsu tsunhe pú abvɔkpabi féétɔ. Mú féé ilemli obugya. ⁵ Lnu nonuá ***Bulu-ɔbɔpuá|Bulu-ɔbɔpu** ɔtɛki ntsusu lebla Bulu ɔbɛɛ, “Oo ɔwankɔpuá fubv unv bre féé. Fu asun da ɔkpa ání fabiti amú isu alu. ⁶ Tsufe bamɔ fu ɔɔɔsu atɔpu pú fu aha, tsei amú obugya wuli ɔsulusu. Mú su faha bapu obugya ha amú fɛɛ, bunun ni. Lnu lekana ha amú ni.” ⁷ Lnu nonu ɔme kuá ɔledali tsu ***afɔɔtɛ-ɔswi** amu asti ɔbɛɛ, “Ee, ani Wie Bulu Otumipu, fu isvbiti igyi ɔɔkwali, ida ɔkpa.”

⁸ Mvu ɔbɔpu nasu letsei mu kle wuli owi. Mú su owi ɔɔ lɔwa ɔnlun, ɔleha mú ide aha tɔ fe ogya. ⁹ Owi amu ulɔɔ okugyiɔku. Bulu bu tumi asun wunhe

anfi féeɣu, tame bekina bumedamli kluntɔ; pɔwa mu numnyam, mboun lwu bɔlwu mu.

¹⁰ Onusi letsei mu kle wɔli ɔbwi amu owie obiasu. ɔbwi amu iwie ogyikpa fée loklun. lwɔɔsun su mu abuoɔpɔ amu ɔbwi amɔ ɔdandu. ¹¹ Tame bekina bumedamli kluntɔ si amɔ lalahe amu fée bwe. Mboun bɔlwu ɔsusu Bulu, lwɔɔsun amuɔ budewun amu su.

¹² Osiesi letsei mu kle wa ntsu yile Efratetɔ. Ntsu amu fée lekpi le mɔ ɔbuntɔ. lɔn lela ɔkpa ha awieá bɔtsu owi ɔdalikpa pɔ amɔ isa akɔɔpɔ betalu tsun ba unu. ¹³ lɔn nowun *ɔɔhe lalahe asa akvá bugyi fe agyongyo, bedalu tsu *bɔtu amu ɔntɔ, ɔbwi amu ɔntɔ pɔ ɔntɔsu ɔtɔɔpɔ ofunupɔ amu ɔntɔ. ¹⁴ ɔɔhe lalahe anfi bubu tumi bwe osuna akpɔnkpɔnti. Bɔtsun ɔsulusu awie féeɣu, menɔ békpa amɔ fée wa abato, béba bɔko anɔ Wie Bulu Otumipɔ isa eke yile amu igyi mu asun ogyike amu.

¹⁵ Anɔ Wie ɔbee, “Kɔ, néba fe owikplu. Bulu obóyula ɔha ání ɔleda iwɔsu, alala mu atadie yay, menɔ ɔméenatu yaya, pelu méekita mu.”

¹⁶ Muɔ ɔɔhe lalahe amu bekpa awie amu yefia ɔtunekvá butetu unu *Hebrifo oblitɔ bee, “Harmagedon.”^k

¹⁷ lɔn Bulu-ɔbɔɔpɔ sienɔsi letsei mu kle wa afuto. ɔme kuklukɔv ku ledalu tsu Bulu ɔtswekpa unu owie obia amutɔ ɔbee, “lata!” ¹⁸ lɔn nyankpɔ lɔwa ibi fwi bu. Odekpie, ɔprada depɔti. ɔme ɔtsan-ɔtsan lelun kuklukɔv, ɔsulɔ lekpinɔ kpinɔ kvá mɔ odu mɔkɔba kɔ tsu breá aha belun ɔyitɔ ɔpá. ¹⁹ Wulu yile *Babilontɔ leye asa. Awulu yileá ibu ɔyitɔ fée ilobwiebwie. lɔn Bulu lekɔan Babilon lakpan féeɣu, ɔɔpɔ mu ɔblɔ kpɔnkpɔnti ewetɔ-nta amu ha mu olonun. ²⁰ ɔpɔ nsune ɔsulɔ kugyiku lɔfwi, abu e fée leɔa. ²¹ Atsufolibi akpɔnkpɔntá mɔ odwintɔ bɔbwe fe kilo aduenu (50) lekpa tsu nɔwɔlɔtasu beda ahasu. Atsufolibi amu ɔntɔ ɔnlɔn su bɔlwu Bulu.

Obu-ɔntɔ Otsiapu Kpɔnkpɔnti Amu

17 ¹ lɔn Bulu-abɔɔpɔ abasienu amuɔ bekita ablanwebi amutɔ ɔkɔle leba bebla mi ɔbee, “Ba, ansuna fu alá breá Bulu ɔbébiti obu-ɔntɔ otsiapu kpɔnkpɔnti amuɔ otsie ntsu tsɔtsɔɔtsɔsu amu isu. ² Mɔa ɔyitɔ awie fée batɔ mbua. ɔyitɔ aha fée banun mu mbuatɔ-nta bu.”

³ lɔn ɔɔhe amu leba mɔsu, Bulu-ɔbɔɔpɔ amu lotsu mi ya *dimbisu. Nowun ɔtsi ɔku tsie ɔbɔwikita-atɔ pepe ɔkusɔ unu. ɔbwi amu bu nwun asienu pɔ nsiebi idu. Bɔwanlun ada ání ulɔkusɔ lu Bulusu dɔnka mu iwɔ fée. ⁴ ɔtsi amu lɔwa atadieá igyi faasi-ntsu mɔa pepe. ɔlɔwa abuto wulhe ɔtsan-ɔtsan, ɔde sika pepe owebi mu gyɔɔpɔtɔ. Akisitɔ mɔ mu obu-ɔntɔsia ifin lɔbula mɔ dedeade. ⁵ Bɔwanlun ida kvá mɔ asɔ leɔain dɔnka mu ɔsɔkpi bee, “Wulu yile *Babilon, obu-ɔntɔ atsiapu fée oyin. ɔsulɔsu akisitɔ fée owie.” ⁶ Nowun ání ɔtsi amu lanun Bulu aha obugya bu. Aha anfi ɔntɔ Yesu iwɔ adansiɔgyi su ni.

Breá nowun mu a, ɔntɔ lobwie mi. ⁷ Muɔ Bulu-ɔbɔɔpɔ amu lefite mi ɔbee, “Ntogyi ɔntɔ labwie fu alɔ? Néle asun ɔainheá ibu ɔtsi amu mɔa ɔbɔwikita-atɔ amuɔ ɔbu nwun asienu mɔa nsiebi du amu asɔ suna fu. ⁸ ɔbwi amuɔ fowun amu latsia kɔ. ɔtra ɔma unu sei, ɔbéleba. Tame unɔɔwa ɔpá ɔbédalɔ tsu ulan klukluuklu amuɔ uma ɔka amutɔ yɔ ɔhɔkpa. ɔsulɔsu atsiapu amuɔ

k 16:16 Harmagedon asɔ gyi, Megidobo. Bɔko isa tsɔtsɔɔtsɔ ibu anfisɔ.

Bulu mɔwanlin amú ada wa nkpa ɔwulu amuto tsu breá ɔyi lefi asi amu ɔno bóbwie amú, tsufe bowun ání ɔbwi amuv oletsia, ɔtra ɔma unv amu lala ba.

⁹“Lnu lehian nyansa ání bóɔɔnu mú asi. Nwun asienɔ amu igyi abu asienɔá’ ɔtsu amu de iwie gyi músv. ¹⁰Nwun asienɔ amu ulu ha awie asienɔ ε. Abanu bawu bótsun, osiesi tsie obiasu sei a. Osienɔsi mɔkunya ba. ɔba a, bre kpalobi ku pe obétsia. ¹¹Owie okwesi gyi ɔbwi amuv oletsia, ɔtra ɔma unv sei amu. Abasienɔ amuto ɔkule ogyi. Mu ε ɔbéhu fe mu aba amu.

¹²“Nsiebi du amuv fowun amu igyi awie iduá bumɔkunya tsia obiasu. Tame béyai amú mbiasu amú iwie ogyikpa. Amúa ɔbwi amu bégyi iwie bre itinbi. ¹³Amú féé bóbwie agywun kule, pu amú tumi ha ɔbwi amu. ¹⁴Amúa ɔbwi amu bóko ***Okufabi** amu, tame Okufabi amu obégyi amúsv, tsufe mugyi asito ɔsi pú awieto Owie ni. Mu abuoɔv gyi aha amuv Bulu lati amú, le amú, bubu ɔnokwali ha mu amu.”

¹⁵Lnu Bulu-ɔbɔv amu lebla mi ɔbeε, “Ntsu tsɔtsɔtsɔ amuv fowun ání obu-ɔno ɔtsiapv amu tsie músv amu ulu ha ɔmá-ɔmá pú ɔbli ɔtsan-ɔtsanto aha. ¹⁶Nsiebi du amuv fowun ɔbwi amu nwunsv amu ε ulu ha awie iduá mu amúnyɔ bégyi iwie. Amú féé bólu obu-ɔno ɔtsiapv amu, swu mu ato féé, le mu yaya, wi mu aye, wa trahe ogya, ibɔho plɔplɔplɔ. ¹⁷Tsufe Bulu ɔɔv agywun anfi wa amú féé nwuntɔ, menɔ bóbwie mu ape. Amú féé bóɔv amú tumi ha ɔbwi amu, yɔfun breá Bulu asun amu féé ibéba mútɔ.”

¹⁸Lnu Bulu-ɔbɔv amu letra bla mi ɔbeε, “ɔtsu amuv fowun atowunhe amuto amu gyi wulu yileá ide ɔsvlsv awie féésv gyi ni.”

Babilon Bwie

18 ¹Lnu ɔma a, netra wun Bulu-ɔbɔv ɔku ε dekplɔ tsu ɔsvsv ɔba. ɔbu tumi kpɔnkɔntɔ. Mu numnyam dewankɔ wult ɔsvlsv. ²ɔɔkplɔn kɔkɔkɔv ɔbeε, “***Babilon** labwie! Wulu yile Babilon labwie! Ulamli ***ɔhe lalahe** ɔtsan-ɔtsan féé ɔɔainkpa. Ulabwe isia ha mbubwi lalahe pú mbwɔkɔta-ato lalahe féé. ³Tsufe alapv mu mbuatɔ-nta amu da ɔmá-ɔmá féé ɔno. Mu ɔyɔtɔ awie féé batɔ mbua. Ibia agyipu féé banya iwɔ tsu nkpa amuv olegyi amuto.”

⁴Lnu nelanu ɔme ku tsu ɔsvsv ɔbeε,

“Mɔ abi, mlile iwɔ le mútɔ!

Mlumáwa ibi mu lakpan amuto,

menɔ mu asun wunhe amu ku méeba mlisv.

⁵Tsufe mu lakpan lawɔ nwulɔta.

Mú sv Bulu lakain músv.

⁶Pv mu lalaheá alapvgyi fv aha ka mu ɔko.

Pv mu bwehe ka mu ɔko tsenyɔ-tsesa.

ɔɔv nta kpekple ha aha bonun.

Mú sv pv múá ibv ɔnlɔn ɔn mú aku anyɔ ha mu onun.

⁷Alagyi ɔdwe lalahe, tsu iwɔ ɔbɔ.

Mú sv pv iwɔsvn múa asun wunhe ka mu ɔko sei.

ɔtebla mu iwɔ ɔbeε,

‘Owie tsihe ngyi, ntsie mi obiasu.

Megyi ɔsrapu ngyi, mmɔɔwa nwe ekekekeke!

⁸ Mú su asun wunheá igyi akun, isu pú lowu bótu mu ekewule pe.

Bówa mu ogya, ɔbóho plipliplipli,

tsufe Otumipu anti Wie Bulu gyi. Mude mu isu bitu.”

⁹ Ɔsɔlsu awie amuu mva amúnyɔ bóto mbva, begyi ɔdwe lalahe amu bówun mu ogyasi, su kpisi. ¹⁰ Mu ipian amuu odewun amu ibówa amú ifu. Mú su bélu tsutsuutsu bli bee, “Gyɔwi n! ***Babilon** gyɔwi n! Wulu kpɔnkpɔnkpɔnti, nkali su Bulu labiti fu isu ɔsawule pe al?”

¹¹ Ɔyito bia agyipu bósu, gyi awireho, tsufe ɔhaa tra ɔma unvá ɔbóho amú ato fehe. ¹² Mɔletsia ho sika pepe pú sika fututu ato, abwi wanklaan pú abuto wulthe, ɔhrada, ago, sruki atati pú kogyan, nyiá ibu ɔfan, atá bópu srufɔ-ise bwe, mɔá bópu nyiá ibu ibia sre, pú mɔá bópu kɔbri mɔa idato pú abwiá the bu akule aná féé bwe tsɔtsɔtsɔ tsu amú wa. ¹³ Oletsia ho amú pipri, ***ɔhien**, ***ohuam**, apuse, nta, olif-nfo, nfuo wanklaan, ayo, nnantswie, akufa, mpɔnko, akeke, tsia ho aha nkɔ́bí kuraa.” ¹⁴ Bósu bli bee, “Ntobi amuu futekle amu féé ladali fu ibi. Ato amuu futɔpuwa bite amu féé lahuli fu. Fuméetra wun mú ekekekeke!” ¹⁵ Bia agyipu amuu batsun musu nya iwí amu féé belu ifuntu, tsufe bude ifu nya aní bówun mu iwɔsun amu odu. Béki mu ipian amu, su gyi awireho! ¹⁶ Bébli bee, “Gyɔwi n! Wulu yile, gyɔwi n! Teki fuhie fubu akile. Atati fututu mɔa pepe pú ago futedida. Sika pepe ato mɔa abutoá ide ogya kpa srasrasra futɔwa. ¹⁷ Atonyahe tsɔtsɔtsɔ anfi féé lahuli fu ɔsawule pe!”

Ntsusu-yibi akanpu, mú ahande pú múto agyuma ayɔpu pú ibia agyipu féé bówa ifo mu wa. ¹⁸ Ni bowun mu ogyasi amu a, bósvra okitikiti bee, “Wulu mɔmu lɔfun wulu anfi ɔyito féé?” ¹⁹ Békpá isi wa nwuntu, gyi awireho, bli bee, “Gyɔwi n. Wulu yile, gyɔwi n! Fu nyato aní ntsusu ayibi awie féé anilanya iwí tsu. Fu iwɔsu ato féé lahi ɔsawule pe!”

²⁰ Ɔsusu atsiapu féé, mlɔnya ansigyí. Bulu aha, mu ***sumbi ayɔpu** pú mu ***ɔnɔsu atɔpu** féé, mlɔnya ansigyí. Tsufe Bulu lagyi mu asun, bitu mu isu, ito amuu alapɔgyi mli amu su.

²¹ Iwu Bulu-ɔbɔpu ɔwɔnlɔpu ɔku lotsu ibwi kpɔnkpɔnti ku, tswi wa ɔputo. Muv ɔlebli ɔbee, “Alí Bulu ɔbɔpu ɔblo bwie wulu yile ***Babilon**, ɔhaa méetra wun mú ekekekeke ni. ²² Ɔhaa méetra nu ɔsankuo adapu, lu awapu, ɔtente afɔlɔpu pú ukpe afɔlɔpu nka wulu amuto ekekekeke. Ibi ɔnɔ agyuma kukubuku e uméetra tsia unv. Buméetra kwe nfuo unv ekekekeke. ²³ Ɔkandie kuku méetra wanki wuli unv, ɔhaa e méetra nu oklu mva ɔka ɔpɔwe ɔme unv ekekekeke. Tsufe teki mu ibia agyipu gyi aha kpɔnkpɔnti ɔyito ni. Alapu mu atɔla mle ɔyito aha féé, ha bafwi!”

²⁴ ***Babilon** brɔnusu Bulu ɔnɔsu atɔpu amu obugya ibun. Mvlɔmɔ Bulu aha ɔyito féé ni.”

19 ¹ Iwu féé ɔma a, nonu ɔme kvá igyi fe ɔdɔm aní budekplɔn kuklɔkuv ɔsusu. Budebli bee, “Haleluia!” Aní Bulu tɔho aha nkpa. Mu nkule bu tumi mɔa numnyam, ² tsufe mu isubiti igyi ɔnɔkwali, ida ɔkpa. Alabiti okipu kpɔnkpɔnkpɔnti amuu ɔlɔpu mu obu-ɔnɔtsia yinta ɔyito amu isu, alafite mu asumpu obugya tsu mu wa.” ³ Butra budekplɔn kuklɔkuv bee, “Haleluia! Wulu

amu ogyasi lakusu yo osusu bre féé!”⁴ Lnu ahande advanyo-na amu pú aktan-
krapu ana amu bemli bun sum Bulu amvu otsie owie obia amvu, bli bæ,
“**Amen!** Haleluia!”

Okufabi Amu Oka Otsiake

⁵Lnu ome ku lelun tsu owie obia amuto obæ, “Mli Bulu asumpuá mlitenya
mu ifu, nyebi ahande féé, mlukanfu aní Bulu amu!”⁶ Mú oma a, ome tsotsotsos
lelun, fe ntsu bulahæ detsun waa, nte oprada deputi koklukus obæ, “Haleluia!
Ant Wie Bulu Otumipu amu de iwie gyi. ⁷Mliha anya ansigyí, iwí tsanki aní,
awa mu numnyam! Tsufe ***Okufabi** amu oka otsiake lafun. Mu ka amu lahihe
iwí ta.”⁸ Beha mu okpa bæ, owa ohrada atadieá ulowanki, ide ogya kpa.
(Ohrada atadie anfi ulu ha Bulu aha yilebwe.)

⁹Mvu Bulu-óbopu amu lebla mi obæ, “Wanlun féé, ‘Bulu layula aha aní alati
Okufabi amu okatsia nke amu asi.’ ” Mvu olera bla mi obæ, “Asun anfi igyi
onokwalu, Bulu wa itsu.”

¹⁰Lnu nemli bun mu ayabito, mbæ ansum mu, tame olebla mi obæ, “Mábwe!
Tsufe Bulu osumbi ngyi fe fua fu apio amvu mlide Yesu iwí adansie gyi amu.
Sum Bulu nkole pe!

“Tsufe aha amvu bude Yesu iwí adansie gyi amu bubu Bulu onosu asvnbli
oje.”^o

Oponko Fututusu Odinkapu

¹¹Lnu mva nówun a, osusu lafinki. Nelaki a, oponko fututu oku lu a! Mvu
odinkapu amu ida gyi, “Yile Obwepu pú Onokwalipu.” Otegyi asun, otoko isa
e onokwalisu. ¹²Mu ansibi aklambi igyi fe ogya plenplen. Owiepa tsotsotsos
ibun mu nwun. Obu ida kuá bowanlun duka mvu, ohaa meyin mú tsia muts.
¹³Olowa liga aní bowa mú obugyato. Mu ida gyi, “Bulu Asun.”¹⁴Osusu isa akapu
budun mpokonko fututusu. Bowa ohrada atadieá ulowanki, ide ogya kpa bubuo mu.
¹⁵Odayi iya anyo klaklaakla ku ledali tsu mu oko. Mú obópusan omá-omá bun
ni. Obópu owuntolun kpa amú. Bulu Otumipu amu oblo kponkponnti amu obó-
ponyime amú, fe alá butenyime waun-abi. ¹⁶Ida aní bowanlun duka oha amvu
odun oponko fututu amu atadiesu pú mu obiansu gyi, “Asito Osi, Awieto Owie.”

¹⁷Lnu nowun Bulu-óbopu oku lu owito. Okoplun kpoli mbubwiá buna afuto
féé obæ, “Mluba! Mlubefia Bulu opusu kponkponnti amvu alatswi ha mli amu
asu!”¹⁸Meni mlégyi awie, isa oko alupu, isa akapu akinkin, mpokonkosu adin-
kapu pú amú mpokonko, oyito aha, iwí agyipu, nkpábi, nyebi ahande féé aye.”

¹⁹Lnu nowun aní obwikita-ato amu mva osulusu awie pú amú isa akapu féé
bekpa aba boyooko oponko fututusu odinkapu amu mva mu isa akapu. ²⁰Tame
begyi obwikita-ato amvu, bekita mva mu onosu otapu amvu otobwe osuna
akponkponnti mu idato amu. Ofula amu olpumlæ aha amvu obwikita-ato amu
nsohieto dun amúsu, butosum okpi amvu bokwe lian obwi amu ni. Botswi
obwi amu mva mu onosu otapu amu wa ogya pati kponkponntiá ogya mva
***atonkodu** ihie detsii móto. ²¹Oponkosu odinkapu amu lopu odayi iya anyo
amvu ledali tsu mu oko amu mo isa akapu atrahe amu féé. Mbubwi amu
begyi amú aye pliplipli.

Bɔwa Ɖbɔnsam Ukan Nfi Ɖpum

20 ¹ Ɔnu nowun ́nfi Bulu-ɔbɔpu ɔku lekpli tsu ɔsusu. Ɖde ilan klukluukluá uma ɔka saafi pú ukan kpɔnkpɔnti kv. ²Ɖlekita *buti, ogyi iwɔ dada amuu bɔteti mu Ɖbɔnsam nte *Satan amu, ɔɔwa mu ukan nfi ɔpum-ɔkule. ³Ɖɔtswi mu wa ilan klukluuklu amuto, fin mú, wa mú ɔno saafi, menɔ Ɖbɔnsam méetra tali mle ɔmá-ɔmá amu. Nfi ɔpum amu ɔma asa béle mu kpalobi.

⁴ Mú ɔma a, nowun awie-mbia kv. Aha amuu baha amú ɔkpa ́nfi bégyi asun amu butsie músu. Nowun aha aku ɔkla. Amúgyi aha ́nfi betun amú Yesu iwɔ adansuegyi pú Bulu asun ɔkanda su ni. Amú ken gyi aha amuu bumotsula sum ɔbwikita-atɔ amu nte mu ɔkpi amu, bumotsula abupu mu nsuhieto dinka amú ɔsukpi nte amú ibasu ni. Bulu leha amú betsinki, amú Kristo begyi iwie nfi ɔpum-ɔkule amuto. ⁵ Amú Bulu legyankpa kusua tsu afulito ni. (Awupu atrahe buméetsinki, nketi nfi ɔpum amu ulatsun.) ⁶ Bulu loyula mu aha agyankpapu amuu ɔɔkusua tsu afulito amu. Amú mú a, lowu nyɔsi amu uma amúsu tumi. Bɔbwe igyi ahapu ha Bulu mua Kristo, mua amúnɔɔ bégyi iwie nfi ɔpum-ɔkule amu.

Satansu Gyi

⁷ Nfi ɔpum amu ɔma a, béle Satan obu. ⁸ Ɖbédalɔ yemle ɔmá-ɔmá ́nfi bubu ɔyi afunka ana, igyi Gog mua Magog amu, menɔ ɔbékpa aha tsɔtsɔɔtsɔá buma uklato buo iwɔ ya isa. ⁹ Nowun ́nfi benati tsun ɔyito féé, kafia Bulu aha pú amú wulu yileá Bulu tekle, tame ogya lekpa tsu ɔsusu behi amú akɔpu féé plɔplɔplɔ. ¹⁰ Ɔnu bɔtswi Ɖbɔnsam amuu ɔlemle amú amu wa obun ́nfi ogya múa *atonkodu detsii múto plenplenlento. Mwa ɔbwikita-atɔ amu pú mu ɔnoɔ atɔpu afunupu amu bétsia iwɔsunto ɔpa onye bre féé.

Asungyi Trahe

¹¹ Ɔnu nowun owie obia fututu kpɔnkpɔnti kuá ɔku tsie músu. Nwulota múa ɔsulu besɔ si mu, tame bumanya ɔɔainkpa. ¹² Nowun awupu, nyebi ahande bulu owie obia amu ansuto. Bobwii nwuluto tswi. Bobwii nkpa ɔwulu amu eto tswi. Ɔnu bɔpu tɔá nwulu amu ilebli tsu awupu amu bwehe iwɔ gyi amú asun. ¹³ Ɖpu lele awupúá bubu mutɔ ba. Lowu mua afulito e bele amúá bubu amúto ba. Bulu legyi okugyiɔku asun mu bwehe ɔno. ¹⁴ Ɔnu bɔtswi lowu mua afulito féé wa ogya ́nfi itamaduntɔ. Ɔni gyi lowu nyɔsi ni. ¹⁵ Bɔtswi ɔhagyicha ́nfi bumowun mu ida nkpa ɔwulu amuto e wa ogya amuto.

Ɖsusu Múá Ɖsulu Pɔpwe

21 ¹ Ɔnu nowun ɔsusu múá ɔsulu pɔpwe, tsufe ɔsusu múá ɔsulu gyan-kpapu amu itra ma inu. Ɖpu e tra ma inu. ² Múu nowun wulu wankthe, igyi Yerusalem pɔpwe amu, idekpli tsu Bulu wa ɔsusu iba. Bulu lehihie mú fe ɔtsiá bawa mu atɔ wanklaan, oyefia mu klu. ³ Nonu ɔme kpɔnkpɔnti kuá ulɛln tsu owie obia amu asɔ ɔbee, “K! Sei mú a, Bulu otsiakpa laba anyankpusato. Obétsia amúto, bɔbwe mu aha. Mu onuto obétsia amúto, ɔbɔbwe amú Bulu. ⁴ Obétsitsi amú ntsú féé. Lowu nte isu nte ipian nte asun wunhe kuku e uméetra tsia, tsufe atɔ dada amu féé ulatsun.”

⁵Muu owie obiasu otsiapu amu lebli ɔbee, “Ki, nde togyitɔ bwe pɔpwe.” Muu ɔlelabla mi ɔbee, “Wanlin asun anfi tswi, tsufe mú fée ibu móto, igyi ɔnokwali.” ⁶Muu ɔletra bla mi ɔbee “Nabwe mú fée ta. Migyi *Alfa móa **Omega**, Ogyankpapu móa ɔtrahe. Néha ɔha ání ɔmewulu de mu nkpa-ntsu, ɔméeka mú iko. ⁷Nópu oyula anfi ha ɔha ání olegyi isu. Nóbwe mu Bulu, mu ɛ ɔbóbwe mi bi. ⁸Tame afupúá beyinki mi ɔma, aha ání bumɔho mi gyi, mbusuo abɔpu, aha amɔpu, mbua atɔpu, atɔ alapu, ikpi atswepu pú afunupu fée otsiakpa gyi ogya patí kɔnkɔnti, ogya móa *atonkodu ihe detsii móto. Lni gyi lowu nyɔsi amu ni.”

Yerusalem Pɔpwe

⁹Lnu Bulu-abɔpu abasienu amuu buɔde ablanwe asienu amuu asun wunhe asienu trahe ibɔ mú amuto ɔkule leba bebla mi ɔbee, “Ba, ansuna fu ɔtsiá *Okufabi amu ɔba betsia.” ¹⁰Lnu ɔlekpa mi ɔɔgetɔ ya ibu fuahe kɔnkɔnti kɔnti kusu, olosuna mi Yerusalem wulu wankihea idekpli tsu ɔsusu Bulu wa uba. ¹¹Bulu numnyam dewanki wuli wulu amusu. Ihe dewanki hunanana fe atsufolibi, ide ogya kpa fe ahuhweá mú ansitɔ lɔwanki. ¹²Bɔpwe bunti trihe fuahe kv bomli mú, ibu aklun akɔnkɔnti duanyɔ. Bulu-abɔpu duanyɔ buɔde aklun amu ɔno gyo. Bɔwanlin Israel abusuan duanyɔ amu ada dinka aklun amusu ukule-kule. ¹³Aklun asa bu owi ɔdalukpa. Asa bu owi ɔkpliwiekpa, asa bu ɔsusu, asa ɛ bu ayasi. ¹⁴Beyi bunti amu dinka abwi yileyile duanyɔsu. Bɔwanlin Okufabi amu *sumbi ayɔpu amu ada dinka abwi amusu ukule-kule. ¹⁵Bulu-ɔbɔpu amuu ɔde mi asun bla amu de sika pepe oyiá buɔɔpususu atɔ. ɔbɔpususu wulu amu, mú abunti pú aklun ání ilobomli mú fée. ¹⁶Wulu amu iswitɔ pú mú teitɔ fée igyi keke. Breá olosusu mú a, mú iswitɔ, mú teitɔ pú mú fuatɔ fée igyi mali ɔpum-ɔkule lafana (1,400). ¹⁷Lnu olosusu bunti amu tritɔ ɛ. Igyi ayabi lafanyɔ móa duasie (216), nyankpasa atosusuhe ɔno. ¹⁸Abwiá igyi fe ahuhwe bɔpupwe abunti amu. Bɔpu sika pepeá tɔto mefra mú, igyi fe glaasi pwe wulu amu. ¹⁹Bɔpu abwiá ibu bia ɔtsan-ɔtsan duanyɔ wa abunti amu ntswiasi. Abwi amu ada gyi, yaspa, safiri, agate, emerald. ²⁰Oniks, kanelia, krisolit, beril, topas, krisopas, yasint pú ametiste. ²¹Abuto wulhe fututu wan-klan duanyɔ bɔpubwe aklun amu. Lklun amu kugyiku igyi butobi fututu kule. Sika pepeá tɔto mefra mú, igyi fe glaasi bɔpowa abrɔnu wulu amuto. Fétali ki tsun móto.

²²Mmowun Bulu ɔswekpa kuku wulu amuto, tsufe Bulu Otumipu amu mva *Okufabi amu gyi Bulu ɔswekpa unu. ²³Wulu amu imehian owi nte ɔtsra wanki móto, tsufe Bulu numnyam tɔwanki ha mú, Okufabi amu ɛ gyi mú ɔkandɛ. ²⁴ɔmá-ɔmá bɛnati wulu amu wankitɔ. ɔyitɔ awie ɛ bɔpu amó numnyam ba móto. ²⁵Buméefin mú ɔno aklun, tsufe oklun ma unu. ²⁶ɔmá fée bɔpu amó numnyam pú amó obú ba mú. ²⁷Togyitɔá mú iwí metun, mbusuo abɔpu nte afunupu bumóowie wulu amuto, nketi aha amuu bɔwanlin amó ada wa Okufabi amu nkpa ɔwulɔto amu nkule.

Nkpa-ntsu Tsɔnhe

22 ¹Lnu Bulu-ɔbɔpu amu losuna mi nkpa-ntsu amuu ulɔwanki fe ahuhwe amu. Idetsun tsu Bulu mva *Okufabi amu owie obia amuto. ²Ntsu amu una brɔnu yileá ida wulu amu nsune. Nkpa-oyi ulu ntsu amu agbemgbe

anyɔ amɔsu, itoswie abi ɔtsan-ɔtsan ɔtsragyiɔtsra. Itoswie tse duanyɔ ofi ɔkuleɔ. Mú afita ε igyi afa ha ɔmá fféɛɔ aha. ³Togyitɔá Bulu lalwu mú méetsia wulu amɔɔ.

Mboun Bulu mua Okufabi amu owie obia obétsia unu, mu asumpu bósum mu. ⁴Bówun mu ansitɔ, mu ida ε bédunka amú ɔsɔkpi. ⁵Owi méetra ta unu ekekeke. Buméetra hian ɔkandɛ nte owi, tsufe anɔ Wie Bulu ɔbówankɔ wulu amúsu. Bégyi iwie bre ffé.

Yesu Iba

⁶Unu Bulu-ɔbɔpu amu lebla mi ɔbee, “Asun anfi bu múɔɔ, igyi ɔnɔkwali. Anɔ Wie Bulu tele tɔá ibéba suna mu ɔnɔsu atɔpu. Mulawa mu ɔbɔpu ɔbee, ɔbéle tɔá ibéba nke anfitɔ suna mu asumpu.”

⁷“Kú! Imówa ɔpá néba! ɔwulu anfitɔ asun béba múɔɔ. Mú su Bulu obóyula ɔha ání olegyi mú ffésu!”

⁸Mi Yohane lonu asun anfi, nowun mú ffé. Breá nonu asun anfi, nowun atɔ amu ε a, nemli bun Bulu-ɔbɔpu amɔsu ɔlele mú suna mi amu ayabitɔ, mbee ansum mu. ⁹Tame ɔletra bla mi ɔbee, “Mábwe! Tsufe Bulu osumbi ngyi fe fua fu apio Bulu ɔnɔsu atɔpu, pú aha amɔsu bégyi asun amɔsu bɔwanlin wa ɔwulu anfitɔ amɔsu. Sum Bulu nkule!” ¹⁰Mus ɔlebla mi ɔbee, “Mápu atɔ lesunahe anfi nain, tsufe mú babɔ lafun ta. ¹¹Ha lalahe ɔbwepu ɔyɔ mu lalahebweɔ. Ifintɔ otsiapu otsia mu ifintɔ, yile ɔbwepu ε ɔkita mu yilebwetɔ. ɔha ání ɔbee, mɔpu mu iwɔ ha Bulu osi mu iwɔ ha Bulu.”

¹²Unu Yesu lebla mi ɔbee, “Kí, imówa ɔpá néba! Neba ɔko ɔkakpa. Néka ɔhagyioha ɔko mu bwehe ɔko. ¹³Mgyi *Alfa múa Omega. Ogyankpapu múa ɔtrahe, asɔ Otsuapu pú ɔko ɔmɔpu.

¹⁴“Bulu obóyula aha ání bɔde amú atadɛ fwi, menɔ bétali nya ɔkpa tsun wulu yile amɔsu iba amu ɔko wie múɔɔ yegyɔ nkpa-oyi amu abi. ¹⁵Akɔai obésin iban amu ɔma. Amú gyi; atɔ alapu, mbua atɔpu, aha amɔpu, ɔkpi atswepu pú aha ání bɔtekle afunu, bɔtɔwa mú ε ffé.

¹⁶“Mi Yesu lawa mi ɔbɔpu mbee, ɔba bebla fu asun anfi, afɔpubla Akristofɔ ɔpasua amu ffé. Mgyi Owie *Dawid mu na, mu atɔ ogyipu pú Bake ɔtsrapabi wankiɛ amu ni.”

¹⁷Unu Bulu ɔɛɛ amu pú ɔka ɔpɔwe amu bebli bee, “Ba!”

ɔhagyioha ání onu asun anfi ɔbli ɔbee, “Ba!”

ɔhagyioha ání ɔmewuli de mu ɔba. ɔhagyioha ání odekle ɔba, Bulu okie mu nkpa-ntsu amu.

Itrahe

¹⁸Mi Yohane, nde ɔhagyioha ɔla da kpakpaakpa. Mbee, ni ɔku lonu atɔ lesunahe ɔwulu anfitɔ asun, ɔbɔpu ku tsia múɔɔ a, Bulu ε ɔbéha asun wunhéá ibu ɔwulu anfitɔ ibéba musu. ¹⁹Ni ɔku ε lele tɔku tsu ɔwulu anfitɔ a, mɔmu Bulu ε ɔbéle mu ogyikpa ání ibu nkpa-oyi amu pú wulu wankiɛ amɔsu nɔwanlin mú iwɔ asun wa ɔwulu anfitɔ amɔɔ.

²⁰ɔha amɔsu ɔde ntobi anfi iwɔ adansɛ gyi ɔnɔkwalisu amu ɔbee, “Ee! Imówa ɔpá néba!”

*Amen! Owie Yesu, ba!

²¹Anɔ Wie Yesu ogyi Bulu aha buale!

Asun Hianhe Ası Suna

A

Aaron *Aaron* Otsu Lewi abusuantɔ. Yakob abi duanyɔ amutɔ ɔkule gyi Lewi. Aaron anfi gyi ɔha gyankpapuá Bulu leyai mu igyi ɔhapu dehen ni. Bulu lebli ɔbee, Lewi abusuantɔ pe bule Bulu igyi ahapu.

Aaron anfi mu gyama gyi Mose. Bɔkwu amú breá Israelfɔ bugyi nkpábi Egyipte ɔsulusu. Múletsa Mose bekpa Israelfɔ sɔɔ dalɔ Egyipte nkpábitɔ.

Breá kutɔ Israelfɔ aku bɔkusu lu Mose mua Aaronso. Bulu lele suna amú ɔbee, buɔvɔ Israelfɔ abusuan duanyɔ amu akpapu nyi yiahe wa Bulu tati-obu amutɔ. Ɖlebla amú ɔbee, ɔha ání mu oyi yiahe lɔpɔ a, mu maleá ɔbwe amú ɔkpapɔ ni. Ɖyikehe a, Aaron oyi yiahe lɔpɔ, dan, wa ntswitswi, swie abi. Ɖletra bla amú ɔbee, buɔvɔ oyi amu wa Ntam-daka amutɔ, abɔpuyai Bulu tati-obu amutɔ, ibwe osuna ha amú. (Luk. 1:5; Gyu. 7:40; Heb. 5:7; 9:4; 11:9).

Abraham *Abraham* Mɔgyi ahogyipu féé ɔnain. (Mɔgyi aha titriuá Bulu leletɔ ogyankpapu. Aha anfi gyi Yudafo ni.) Bumbi amu a, Bulu lebla mu ɔbee, méha mu ɔmá pɔpwe ukvá mua mu abi-aná féé bétsia mútɔ, ibɔbwe amú ɔmá. Lu su Bulu lebla mu ɔbee, otu dalu mu ɔmátɔ, oyodunka ɔmá pɔpwe anfi. Olegyi Bulu asun blhesu dalu mu ɔmátɔ, nati nfi tsɔtsɔtsɔ yɔ tsutsuutsu, asa oloyowie ɔmá amutɔ. Ɖmá anfi nde budetu beé Israel ni.

Bulu leka ntam ha mu ɔbee, ni olobu mu, gyi mu mblasu a, mɔbwe mua mu abi-aná aha titriu, méku amúsu.

Oletsia Sara, tame mua munyɔ bumɔkwu. Behie dan asa Bulu lɔbwe ofula, ɔleha Sara lɔkwu. Bedunka kebi amu ida Isak.

Breá Isak ledan a, oletsia ɔtsi ɔkvá butetu mu Rebeka. Rebeka lɔkwu atabi ayin anyɔ, bedunka amú ada Esau pú Yakob. Ɖma a, Bulu leha Yakob ida Israel. Mu abi-aná butetu Israelfɔ ni.

Yakob letsia oyin ɔkule abi abanyɔ, bugyi Lea mua Rahel. Ɖletra tsia amú asumpɔ abanyɔ e, ɔlɔkwu abi duanyɔ. Amúgyi; Ruben, Simeon, Lewi, Yuda, Isakar, Sebulon, Dan, Naftali, Gad, Aser, Yosef pú Benyamin. Mu abi duanyɔ amu féé bɔkwu tsɔtsɔtsɔ, yɔfun breá Israelfɔ behie klei. Amúgyi Abraham abi-aná ni.

Adam *Adam* Adam gyi nyankpɔsa gyankpapuá Bulu lɔbwe. Lu Bulu lɔpɔpwe mu. Hawa lɔbwe mu ka. Mua Hawanyɔ gyi aha gyankpapuá bumegyɔ Bulu mblasu, bɔbwe lakpan ni. Tsu eke amu a, anyankpɔsa féé bemli lakpan abwepu.

Yesu Kristo gyi Adam ɔtrahe. Adam gyankpapu amu gyi aha féé ɔnain, ɔhagyɔɔha tenya nkpa tsu mutɔ ɔsulɔ anfisɔ. Yesu Kristo gyi Adam nyɔsi, ɔteha ɔhagyɔɔha ání ɔlɔhɔ mu gyi ɔɔetɔ nkpa.

Afɔɔɔɔ-ɔswɔ *Altar* Bɔmbɔ amu a, Israelfɔ betsia tɔ mbwɔ ha Bulu igyi. Betsia mɔ akufa, akpala, nnantswie aná fɛ́é, pubɔ afɔɔɔɔ ha Bulu. Abwi betre, butɔtɔ mbwɔ mɔ́sɔ. Tsu Mose bresu a, igyi ahapu tɔbɔ afɔɔɔɔ anfu Bulu tati-obu amu wunsɔnesu afɔɔɔɔ-ɔswɔ amusu. Mú ɔma asa buɔɔɔɔɔ Bulu ɔtswekpa afɔɔɔɔ-ɔswɔ kuá bɔɔɔ kɔɔbrɔ bwe mɔ́sɔ. Afɔɔɔɔ-ɔswɔ tukuriibiá beɔlaun sika pɛpɛ wulɔ mɔ́sɔ ɛ iletisia Bulu ɔtswekpa inu. Mú́sɔ igyi ahapu amu betsia wa *ɔhuɛn* ogya ni.

Akasɔpu *Disciple* Amúgyi Yesu abuoɔ, bɔhɔ Yesu gyi, bonu mu asun. Gyumagyihe ɔwulɔ amutɔ a, bɔɔɔ asun bamba le Yesu abuoɔ suna. Múgyi, “Yesu ahogyipu pú apio.” Mateo, Marko, Luka pú Yohane nwulɔ amutɔ a, beti amú “akasɔpu duanyɔ” ntineku. Amúgyi abuoɔ duanyɔ amuu Yesu lele ɔbɛɛ, butsia mu wa amu ni. Amú ken beti sumbi ayɔɔɔ ni (Mat. 10:1-4). Yeki *Sumbi Ayɔɔɔ*.

Alfa Mwa Omega *Alpha and Omega* Fe alá ‘A’ igyi asunbi gyankpapu a, Alfa gyi asunbi gyankpapu Griki ɔblitɔ. Mú su ni bɔwanlun bɛɛ, aní Wie Yesu gyi Alfa a, ilosuna ání mvgyi togyitɔ asɔ otsukpa. Butetra tɔ mu bɛɛ ‘Omega’ ání igyi Griki ɔblitɔ asunbi trahe. Fe alá ogyi togyitɔ asɔ otsuakpa a, alɔ ken ogyi togyitɔ ɔnɔmɔ ni. (Atɔle. 1:8; 21:6; 22:13).

Amen *Amen* Hebri ɔbli igyi. Mú asɔ gyi “lba mútɔ.” Nɔ ɔku ɔbɔ mpat ta a, mu ba totsula mɔ́sɔ ɔbɛɛ, “Amen.” Beti Yesu “Amen” (Atɔle. 3:14), tsufe mvgyi ɔnɔkwaliɔ.

Asubɔ *Baptism* Nɔ ɔha ɔbɔ asu a, ilosuna ání aladamli kluntɔ, si lakpan bwe. Alahɔ Yesu gyiá obési mu lakpan kie mu. Yesu mɔbwe lakpan, tame Asu ɔbɔɔ Yohane lɔbɔ mu asu Yordan ɔbuntɔ asa olotsua mu agyuma asɔ.

Asun Wanklaan *Gospel* Bulu asun ání ɔlɔɔɔɔɔ mu aha. Asun amu gyi, “ɔlɔɔ mu Bi Yesu Kristo sɔs, ɔlebeka aha ání bɔhɔ mu gyi nwunsu tku, le amú tsu lakpan nkɔ́bɔ́bɔwɔtɔ.”

Atonkodu *Sulphur* Igyi afa ání butɔɔɔbwe otua adu. Mú ogya ɔnɔ thɛ bu ɔnlun dɔn ogya kugyiku. Mú ntsu igyi fe bate-nfɔ, tame itobon kpitii.

B

Babilon *Babylon* Igyi ɔmá kuá iletisia bumbɔ amu. Bɔkɔ Israelfɔ, kuta amú ndoun. Betsia ɔmá amutɔ nfi aduesienɔ. Igyi ɔmá kuá butamasum Bulu. Babilon bu Atɔ Lesunahe ɔwulɔ amutɔ.

lná inuɔ bumbu Bulu su a, ilemli ida ha aha ání butamabu Bulu. Fialɔ Roma wulu beti alɔ, nte ɔyitɔ aha ání butamabu Bulu tsiatɔ beti alɔ. Babilon ibɔ 1 Pe. 5:13tɔ ɛ, fialɔ Roma buɔɔ.

Beelsebul *Beelzebub* ɔɔe lalahe fɛ́é owie ida ni. Mu ada bamba tku ɛ gyi ɔbunsam nte Satan.

Bileam *Balaam* Bulu ɔnɔsu ɔtɔɔɔɔ ogyi. Mu owie Barak lɔwa ɔbɛɛ, ɔyelwu Israelfɔ, menɔ obégyi amúsu ni. Bileam sika ɔnsupe su, olotsula ɔyɔ, mu afrimu lɔtɔ wa mu ɔkpatɔ.

Bodobodo *Matuhe Nke* *Feast of Unleavened Bread* Israelfɔ nke igyi. Butegyi mú nkensienɔ, tsu ekeá bɔmɔ Katsun nke ɔnɔ. Alɔ nke anfuɔ butamagyi atɔá ɔlatu. Mú butɔɔɔkɔan alá Yudaɔ amu bedalɔ tsu Egipte ni. Alá buɔɔkɔ su bumbɔwa bodobodotu-afa amú bodobodotɔ, tsia gyo mú itu asa abutɔ mú.

- Bulu Ason Wanlanhe Scripture/Old Testament** Igyi nwols advasa-kweba (39) ání Bulu leha mu aha bɔwanlun tswi nfi lafana (400) ɔma asa bakwu Yesu Kristo. Begyankpa wanlun mú Hebri ɔblitɔ, ɔma asa bele mú así wa Griki ɔblitɔ. Bulu Ntam Pɔpwe anfitɔ beti Bulu Ntam Dada nwols amu “Bulu Ason Wanlanhe.”
- Bulu Iwiegyi Kingdom of God** Bulu iwie ogyikpa ulu ha ɔtnegyiɔtneá Bulu nkule pe tegyi iwie. Bulu iwie ogyikpa bu ɔtnegyiɔtneá aha bebi mu ání mɔgyi amú owie. Breá Yesu leba a, Bulu iwiegyi amu leba anitɔ nfi, tsufe aha babíá Bulu gyi amú wie. Ni Yesu oyinki ba a, Bulu iwiegyi amu ibɔfɔn yi, ibéle mú ɔwan suna aha féé.
- Bulu Mbla The Law** Múgyi mbla ání Bulu lɔwa ání mu aha bugyi músu abunya nkpa. Mosesu Bulu lɔtsɔn pu mbla anfi ha amú. Mú su buteti mú “Mose Mbla” ni.
- Bulu Okufabi Lamb of God** Asu ɔbɔpu Yohane leti Yesu Kristo ɔbeɛ, Bulu Okufabi. Yudafɔ butɔmɔ okufabi pɔgyura ɔha, mu iwí tetin. Kristo lotsula bɔmɔ mu, pu mu obugya gyura ani. Mú su beti mu “Bulu Okufabi” ni. (Yoh. 1:29, 36; Atɔle. 5:1; 5:6, aná).
- Bulu ɔnɔsu ɔtɔpu Prophet** Músu Bulu tetsia tsɔn bla mu aha ason, otosuna aha Bulu ɔkpa, ɔtebla aha tɔá íbéba. Amúto aku gyi; Elia, Yona pú atrahe.
- Bulu ɔtswekpa The Temple** Igyi ɔtneá Yudafɔ butosum Bulu Yerusalem wuluto. Beye obu amuto anyɔ, ukule igyi ɔwankikpa. Nyɔsi ɛ igyi ɔwankikpatɔ ɔwankikpa. Nwunsinesu ɛ íbu móto. Inu gyi Yudafɔ Bulu ɔtswekpa nwun, beha amú ɔkpa ání buɔɔ afɔdie kugyiku ni. Tame Yesu Kristo lowu ɔma a, Romafɔ bobwie mú. Kí maapuá íbu ífɔn 546tɔ.
- Bulu ɔtswekpa Tati-obu The Tabernacle** Bumbi amu breá Israelfɔ amu buna dimbi amusu bɔyɔ Kanaan ɔsulusu a, Bulu lebla Mose ɔbeɛ, ɔbwe tati-obu titriu iku. ɔlebla mu alá ɔpu tati pú mbwi ɔwulu bwe mú, mení bétali kpa mú puya ɔtneá bɔyɔ, bélatali si mú ɛ ni bowie ɔtneá bɔswu.
- Tati-obu anfitɔ ɔtnekuá buteti inu ɔwankikpatɔ ɔwankikpa butɔpu Bulu Ntam Daka amu yat ni. Abwi peteple anyɔ amusu Bulu lɔwanlun mu mbla-du dinka músu amu, Aaron oyi yiahe pú Mana amusu Bulu leha amú betsia gyi dimbisu inu amu iku letsia daka amuto.
- Yudafɔ atutufɔ amu bɔtswe Bulu Tati-obu anfitɔ. Betsia ha Bulu igyi, bɔ afɔdie aná féé inu, kpɛfun breá Salomo leyi Bulu ɔtswekpa obu amu. Kí atɔ taanheá íbu ífɔn 546tɔ, Heb. 8:5.
- Bulu-ɔbɔpu Angel** Sumbi ayɔpu bugyi ha Bulu. ɔɓe bugyi, megyi anyankpusa. Butamapu ansibi wun amú, nketi bale iwí ɔwan suna ɔha. Bulu tɔwa amú butɔyɔ agyuma ha mu. Amú agyuma gyi Bulu abisuki. Bre kv Bulu tɔwa amú ɔbeɛ, buyebla ɔha asunbogyia iku. Amú ɔnɔ ɔlupu gyi ɔbɔpu Mikael. Otitriu ɔku ɛ ida gyi Gabriel. (Gyu. 12:6-11; 27:23; Heb. 1:14, aná).
- Buti The Dragon** Ogyi ɔbwi ɔkuá buteblí mu ason. Ogyi fe lenke kpɔnkpɔnkpɔnti ɔhie ɔbu ɔwɔnlun, beti mu iwɔ. Atɔ Lesunahe ɔwulu amuto a, beblí beɛ Satan gyi buti.

D

Dawid David ɔlɔbwe Israelfɔ owieá ɔɔɔn amú awie atrahe. Múgyi Yísai abitɔ ɔtrahe. Akufa ɔkpaɔpu ogyi asa beya mu owie. ɔlɔkɔ Filistifɔ isa akɔpu ɔhande Goliat mu nyebitɔ, mɔ mu.

Dawid anfi lehɛ dwe Bulu. Mú sv ɔlɔwanlɔn ɔlɔá butɔpukanfo Bulu tsɔtsɔɔtsɔ. Mú butɛti “Israelfɔ ɔlɔ” nɛ.

Yesu otsu Dawid abusuantɔ. Dodoodo, asa bɔkwu Yesu a, Bulu ɔnɔsv atɔɔpɔ bɔwanlɔn tswi bee, “Kristo, nkpa ɔhɔpɔ amsv Bulu ɔbɔpɔsɔsɔ amv obɔtsu Dawid abusuantɔ.” (Rom. 1:3; Atɔle. 22:16).

Dimbisu Wilderness Igyi ɔsulvɔ tɔtɔ tamawa ale mɔsv. Tsufe nyankpɔ tamatswie unv, unv uma ale ha nyankpɔsa tsia.

E

Elia Elijah Bulu ɔnɔsv ɔtɔɔpɔ kpɔnkpɔɔnkpɔntɔ ɔkv ogyi. Mɔlɔwa klɔn ka awie lalahe pú aha ání butosum ɔkpi ansitɔ Israel ɔmátɔ nɛ. Yudafɔ botosusu bee, Elia obéyinki ba bela aha yai asa Kristo amv ɔbéba. Asu ɔbɔpɔ Yohane leltan Elia anfi ɔkpa tsɔtsɔɔtsɔsv. Mú sv befite mu bee, “Fɔgyi Elia nɛ?” (Mat. 17:10-13; Mar. 9:4; Rom. 11:2-5; Yak. 5:17).

Esau Esau Abraham mu bi Isak ɔkwu atabi ayin anyɔ. Beti amú Esau muv Yakob. Esau gyi ɔhande, tame eke ɔkvá akvɔn lekita mu a, ɔlefe mu ɔkwu-dehen ha mu gyama Yakob. Olotsula ání Yakob otsu mu hande oyula, ɔha mu mpv-wudɔ ogyi. Yakob abi-aná Bulu ɔpɔbwe mu aha, megyi Esau kle. Yekɔ *Abraham*. (Rom. 9:10-13; Heb. 11:20; 12:16-17).

F

Farisifo Pharisees Igyi Yudafɔ Bulusum ɔpasua ɔkvá iletisia Yesu bresv. ɔpasua anfi begyi Mose mbɔa pú mbɔa bambasv wanklaan. Amú hogyi kinkiinkin ɔkole gyi, awupv bɔkɔsv tsu afulitɔ ekekv. Betsia kɔ ɔwɔ ání ɔhaa ɔwɔ métn dɔn amú. Bedunka Yesusu, bwe agywun ání bɔmɔ mu.

G

Griki Greek/Greece Griki ɔmá maapu ɔbɔ ɔwɔlɔv anfi ɔma, butɛti unv Grisi. Atene mɔva Korinto awulu igyi awulu yile Grisi ɔmátɔ unv. Grikiɔ bɔgyi aha ání buyin ɔwɔlɔv, aha butobu amú amú nyansa sv. Amú ɔblɔ ɔda gyi Griki. Aha ání basuan ɔwɔlɔv yɔ nkpa féé butɛblɔ ɔblɔ anfi, megyi Grikiɔ amv wule. ɔbɔ yɔ tsutsuutsu, ɔtnegyɔtɔneá Grikiɔ isa akɔpɔ bɔbɔ féé. Aha amsv begyankpa wanlɔn Bulu Ntam Pɔpwe amv féé bɔwanlɔn mú Griki ɔblɔtɔ.

H

Habel Abel Mɔgyi Adam muv mu ka Hawa obi nyɔsv. Mu dehen Kain ɔmɔ mu, tsufe Bulu ɔhɔ Habel afɔɔɛ si mu kle. (Mat. 23:35; Luk. 11:51; Heb. 11:4; 12:24).

Hagar Hagar Sara ɔkpábi ogyi, Abraham woyitɔ. Breá Sara mɔkunya obi kwu a, ɔleha Abraham lekle mu, ɔlɔkwu obiyimbi, beti mu Ismael. Tame megyi Ismael Bulu lehɛá méha Abraham. Mú sv Ismael abi-aná bumenya tɔá Bulu leblɔ ha Abraham abi-aná.

ɔma-ɔma a, Sara ɔlɔkwu obiyimbi, Abraham ledunka mu ɔda Isak. Mɔgyi obiá Bulu lehɛ Abraham nɛ. Sara Isak kwu ɔma a, ɔlebenya ɔblɔ wa Hagar, gya mu. Hagar leyetsia ɔtɔnekvɔá ɔbɔ manta Sinaibv.

Alɔ ɔbɔ anfsv nfi tsɔtsɔɔtsɔ ɔma a, Bulu lebla Mose asv, pv mu Mbɔa idu amv ε ha mu nɛ.

Mú sv beblu Galatiafɔ ɔwɔlv, nwun anatɔ beɛ, Hagar gyi ɔkpábiá ɔlu ha Yudafo; bugyi fe nkpábi ha Mose Mbla amv, tsufe bohogyiá ni bóho mbla amvsv gyi a, Bulu obótsu amú ání amú asv da ɔkpa, ɔbóho amú nkpa. Bvɔmɔho Bulu asvsv gyi ání aha ání bóho Yesu Kristo gyi gyi aha ání amú asv da ɔkpa, Bulu ɔbóho amú nkpa. Yeki Sara mva Abraham.

Hawa Eve Adam mv ka ni. Breá Bulu lɔbwe ɔyi a, mva Adam gyi anyankpusa gyankpapvá ɔlobwe. Ɔlele Adam abinto-iwu, ɔlobwe Hawa. Ɔma a, Ɔbunsam lebemle mv, olegyi oyi-abiá Bulu lebla amú ɔbeɛ bvmágyi. Tsu eke amv bekina Bulu mbla amvsv gyi a, anyankpusa bemli lakpan abwɛpv. Mva Adam abi gyi, Kain, Habel pv Set. (1 Ko. 11:3; 1 Ti. 2:13-14).

Hebri Hebrew Igyi ida ání butɔpvti Yudafo, utra igyi amú ɔblu.

Herode Herod Awie abana beti Herode Ntam Pɔpwe anfitɔ.

- (1) Herode: Owie Herode, betra ti mv beɛ, Otumipv Herode, mutsie obiasv Yudea ɔmáto asa bɔkwu Yesu. Ɔlɔbo mbɔdiá ɔbómɔ Yesu breá ogyi kebi bɔbwe. (Mat. 2:1-2; Luk. 1:5).
- (2) Herode Antipar: Mutsie obiasv Galilea ɔmáto breá Yesu na ɔde Bulu asv ɔkan da, ɔde ofula akpɔnkpɔnti bwe ni. Mvletsia Herodia amv ɔleha ɔbeɛ, buka Yohane nwun duka ulvsv ha mv amv ni. Yudafo bɔpv Yesu ba Herode anv anstɔ, ání ogyi mv asv asa abuda mv manta oyikpalihesv. (Mar. 6:14-29; Luk. 23:6-12).
- (3) Herode Agripa I: Ɔledunka aha amvsv bóho Yesu gyi pv ɔpasua gyankpapv amvsv. Mvɔmɔ Yohane mv pio Yakobo. (Gyu. 12:1-23).
- (4) Owie Herode II: Mv Paulo legyankpa da mv asv suna asa ɔmásv ogyipv lɔpv mv svsv Roma, ɔbeɛ Kaesare ogyi mv asv ni. (Gyu. 25:13-26; 26:19, 27-32).

Hosiana Hosanna Igyi asv ání butɔkplɔn bli pvfuafua ɔha. Mú asv gyi Bulu oyula ɔha ání ɔba mv idatɔ, nte bɔkanfv mv. (Mat. 21:9, 15; Mar. 11:9-10; Yoh. 12:13).

I

Idutɔ Kɔle *Tithe* Yudafo betv amú ndɔto atɔ a, buteye mótɔ idu pv ukule ha Bulu. Igyi ntam ání Yudafo butegyiv músv asa betakwu Yesu. Nde ulamli Kristofɔ féé amandte.

Igyi Ɔhapv Dehen *High Priest* Mvteha Bulu igyi, bɔ afɔdte mv onuto lakpan pv Israelfɔ féé lakpansv Bulu ɔsvwɛkpa unv ni. Mv pe towie Ɔwankkpatɔ Ɔwankkpa unv yɔbo afɔdte. Ɔtsawule pe ɔtɔyɔ unv ofito.

Isak Isaac Mvgyi obiá Bulu lehie Abraham mva mv ka Sara yat ání méha amú ni. Mv abi gyi Esau mva Jakob. Bulu lɔpv atɔ wanklaan ání ɔlehie ha Abraham ken bla Isak mva mv bi Jakob ε.

Israel *Israel* Bulu lɔpv ida anv ha Isak mv bi Jakob ání ogyi Abraham mv na. Utra igyi ida ání butɔpvti Jakob abi-aná féé. Amógyi Israel abusvan duanyɔ amv ni. Amú ken buteti Yudafo nte Hebrifɔ ni.

Israelfɔ *Ulv Psalms* Igyi Bulu asv wanlvnhe amvto ifv kvá bɔwanlvn ulv lafakule-aduenu (150) wa mótɔ, butɔpukanfv Bulu. Owie Dawid lɔwanlvn ɔdɔdɔ. Ulv Bulu Ntam Dada amvto.

I

- Ulo Pepe** *Leprosy* Igyi ulo kva igyi mbusuo. lna otsan ha mu anft anideti ulo pepe nde anft. Butele olupu amu wuluto, ohaa tamapu mu gyi mba. Tsufe fapu ibi da mu kpan a, ifin lada fu, nketi fayogyura iwi.
- Lwitin** *Purity* Yudafu amandie ono a, fapu ibi da fuli pu atogyihe iku ana, nte ulo pepe olupu a, ifin lada fu Mose mbala amu okpasu. Alu ken igyi ni otu okwu, nte odali omua mu iwi metun amandie amu ono ni. Oha anu mu iwi letin gyi oha anu mbusuo kuku ma mu iwi. Mubu okpa bwe osum agyuma otswekpa iwu. Tame Bulu Ntam Papewe amu okpasu a, alu amandie anft meki otua alakwu nte aladali omua. (2 Ko. 6:6; Efe. 5:3).

K

- Kain** *Cain* Mvgyi Adam mva Hawa obi gyankpawu. Olu su olomo mu pio Habel.
- Kanaan** *Canaan* Beti osulu amuv Bulu lopuha Yudafu amu "Kanaan". Nde iwu budeti Palestinia ni.
- Kantakatotsia** *Nke Festival of Booths* Igyi nke kva Israelfu bele ya, butokan amu nati benati dimbisu nfi advana (40) keke pu ala bentsia tsia tati-mbuto asa bowie osulu amuv Bulu lehie anu obopuha amu amuvu.
- Katsun** *Nke Passover* Igyi Israelfu atogyihe nkea butoputsua Bodobodo Matuhe nke amu asti. Butokan ala Bulu lele amu Egyipte osuluv brea butsie nkpabito. Onye amuv olele amu amu a, oleha bomo akufa, pu amu obugya kpa amu obu-ono nyisu. Mu su lowu-obopu leka tsun amu woyisu yomo Egyiptefu woyitu abi yinhe gyankpawu fee si amu kle. Mu su buteti mu Katsun Nke ni.
- Kerubim** *Cherubim* Kerubim bugyi fe Bulu-abopu, bubu numnyam. Bugyi ntobi akva bubu abamba.
- Ketetin** *Circumcision* Bulu lebla Yudafu obee, butin amu abi-ana fee kete, menu ibosuna anu mu aha gyi amu. Moloowe mva amonyo nsune nta ni.
- Kpaso** *Camel* Awate obwi ogyi. Olekle olan onko, tame ifu yi mu oha. Butetsia musu, otehe sira ato. Mu imi igyi sasasa, butopulu tati. Ku ato taanhea iwu ifun 231 to, Mar. 10:25.
- Kristo** *Christ* Igyi Griki obli, Hebrifu buteti mu *Mesia*. Mu asti gyi "Oha anu Bulu lada mu ofuli." Yudafu beki okpa anu Bulu obopu oha anu sasu, obeba bho amu nkpa. Buteti Yesu bee; "Kristo", tsufe olele mu iwi owan anu mvgyi oha anu Bulu lada mu ofuli ni. Idu anft asti anulele wa Nkonyato ania, "Nkpa Ohopu", Bulu lele mu ya anu obeba amu ni.

L

- Lampoo** *Ahopu Tax Collector* Bugyi Yudafu Roma omasu ogyipu lele Yesu bresu anu buho amu aba lampoo ma tswutswi. Ohaa tamakle amu asun, butamabu amu okpagyiookpasu e, tsufe aha asisipu pu awikplu bugyi.
- Lewifu** *Levites* Yakob mu bi gyi Lewi. Mu woyi Bulu lele ya anu bubwe osum agyuma. Igyi ahapu fee botsu Lewi woyito.

Lot *Lot* Abraham mu gyama Haran lɔkwu Lot. Mú sv Abraham mú mu bi ni. Breá Abraham lenati ɔɔɔ ɔsulv amuv Bulu leka ntam ɔbee, mɔpɔha mu amu amuv a, Lot lobuo mu. Boyowie ɔsulv amuv a, Lot leyetsia Sodom wuluto, ɔtunéá aha betsia bwe lakpan. Mú sv Bulu lebli ɔbee, méhi wulu amv. Bulu lɔwa mu abɔpv ɔbee buyebla Lot ání mua mu abusuanfɔ budali unv, asa amvhi unv. Bulu-abɔpv amv bebla Lot bee, amúto ɔkuku mádamli kí ɔma breá budedali wulu amuto. Mu ka ledamli kí ɔma, unuv ɔledamli nfɔlt-sin yi ɔkpatɔ unv.

M

Mana *Manna* Múgyi atogyiheá Israelfɔ begyi breá bvna dimbi amuv nfi advana (40) amv ni. ltekpa tsu ɔsuv nyankigyinyanki, butɔkusu kpa mú, pubwe atogyihe ɔtsan-ɔtsan. Tame megyi atogyiheá butɔpuyai ɔyi teke músv igyi.

Maria *Mary* Beti aha ɔtsan-ɔtsan Maria Ntam Pɔpwe anfito:

- (1) Yesu mu yin Maria;
- (2) Magdalayintse amuv Yesu legya ɔɔɔ lalahe tsɔtsɔtsɔ le mutɔ amv;
- (3) Maria, otsu Betania. Mu apio gyi Marta mua Lasaro.
- (4) Maria ání ɔlɔkwu Yakobo mua Yosef. Fialu Kleopa mu ka ogyi.
- (5) Yohane Marko mu yin ání oletsia Yerusalem. Mu woyito akasipv amv betsia fia ni.

Melkisedek *Melchizedek* Asun ání anɔyin tsu Melkisedek ɔwɔ fée gyi múá bɔwanlɔn wa Hebrifɔ ɔwulvto pú Gyenesistɔ (14:17-20). luv bebli bee, Bulu leyai Melkisedek igyi ɔhapv. Bre ikuto a, ɔɔm bekuta Abraham mu bi Lot, kpa mua mu atɔ fée nati. Abraham lesri gya ɔɔm amv yɔko amú, hɔ mu bi, mu abusuanfɔ pú amú atɔ fée le amú ibi. Abraham lesanki ɔba a, ɔlɔv Melkisedek ɔkpatɔ. Melkisedek leha mu bodobodo pú waun nta, ɔlɔvɔ mpai ha mu ɔbee, Bulu oyula mu bre fééto. Abraham ε leha mu atɔá olenya tsu isa amuto kugyiku iduto ikule. (Heb. 7:1-3).

Mesia *Messiah* Mesia igyi Hebrifɔ ɔbli, *Kristo* ε igyi Griki ɔbli. Yeki *Kristo*.

Mose *Moses* Mulegya Israelfɔ nkpa breá Bulu lele amú tsu Egyipte ɔsulsvu pɔ amú ba ɔsulv amuv ɔlebli yay ání ɔbɔpɔha amú amuv ni. lniá bɔmɔhɔ mu gyi sv a, benati kí adimbisv nfi advana (40) keke. Muv Bulu lɔtsɔn pɔ mu Mbla Idu amv ha Israelfɔ ni.

Mose Mbla *Moses' Law/Pentateuch* Bulu Ntam Dada ɔwulv amuto ɔwulv gyankpapv yɔfɔn nusi amv buteti alɔ. Butelati mú Ntam nte Bulu Ntam. ltelali lu ha Bulu asun amv ε ɔtinekv.

Mose Mbla Asunapv *Scribes* Bogyi aha ání buyin Mose mbla amv, butosuna mú peperepe. Amúgyi aha ání bubu labi ɔmá amuto ni.

N

Nkegyi *Festival* Israelfɔ betsia gyi nke tsɔtsɔtsɔ pɔkain Bulusu. Nkéá betsia gyi, bɔwanlɔn wa Bulu Ntam Pɔpwe amuto gyi:

- (1) Bulu ɔswekpa pɔwa Bulu ibuto. Israelfɔ buteti mú Hanuka nte Nkandɔ nke.
- (2) Katsɔn Nke; Yeki *Katsɔn Nke*.
- (3) Bodobodo Mátuhe Nke; Yeki *Bodobodo Mátuhe Nke*.

(4) Kantankpatɔtsia Nke; Yekɩ *Kantankpatɔtsia Nke*.

(5) Pentekoste Nke; Yekɩ *Pentekoste Nke*.

Nkpa Ání Utamata *Eternal Life* Igyi nkpa ání ní ɔha ɔho Kristo gyi obénya. Ilosuna ání ama Bulu anígyi anyawie bre fééto.

Nkpahɔ *Salvation* Itosuna Bulu-ɔdwe pú mu nwewun, tsufe ɔleha mu Bi leba ɔsulɔsu fe nyankpɔsa. Asun amu ɔlebi alá Yesu legyi mu asun wunhe féésu, pú alá ɔlɔpu mu nkpa ka nyankpɔsa nwunsu ɔko, ho mu le ɔbunsam ibuto, pú alá ɔlɔyo ɔsulɔ. ɔlɔtsun ɔɔje Wankihesu ɔbu aní wa alu yɔfun ekeá ɔbélayinki ba.

Noa *Noah* ɔlɔbwe Bulu ɔha. Oletsia nfi tsɔtsɔtsɔ ɔma asa Abraham leba. ɔlehe ho Bulu gyi, otonu mu asun. Breá Bulu lebla mu ɔbe, osre daka kpɔnkpɔnkpɔnti amu a, olegyi dinka músu. Múbu Bulu leha nyankpu lotswie, ntsu lɔbula dinka ɔsulɔsu féé. Mú su aha féé bowu, tame Noa mu mu aha pú mbwíá bowie daka amuto féé benya nkpa.

Ntam-daka *Ark of the Covenant* Israelfɔ betsia sɔra daka anfi natí breá buna dimbi amusu féé, tsufe ulu ha ntam ání iletisia amúa Bulu nsune. Oyi ɔɔpusre mú, ɔɔpu sika pepe piata mú. Abwi peteple anyɔá Bulu lɔwanlun mu mbala-du dinka músu ε ɔbu múto. Tati-obuto daka anfi tetsia. Múa ntobiá ɔbu múto féé ɔwɩ letin. Breá beyi Bulu ɔtswekpa amu ta a, ɔɔpyai ɔwankukpatɔ ɔwankukpa ɔnu koun. Kɩ atɔ taanheá ɔbu ifun to. Heb. 9:4.

O

Ofiakpa *Synagogue* Obu nte ɔtineá Yudafɔ butefia ɔkpɔnu ɔdake sum Bulu, kla Bulu asun wanlunhe amu, kasi mú. Inu igyi atɔ ɔkasikpa ha amú. Inu butɔpu amú Bulu asun nwɔlu yayi ni. Kɩ atɔ taanheá ɔbu ifun 199 múa 200 nsune.

Ogya *ɔɔɔdake Day of Preparation* Yudafɔ ndawɔtswito eke siesi, igyi Fieda. Alɩ eke amu butela amú ɔwɩ pú amú ntobi yayi ha ɔyikeheá igyi ɔkpɔnu ɔdake Mumluda amu ni.

Ohuam *Myrrh* Oyi ɔku ntsu wulhe igyi, ɔbu ɔfan. Yudafɔ butɔpuwa tatito pukli fuli asa butopula mu.

Okufabi *Lamb* Yekɩ Bulu *Okufabi*.

Oyikpalihe *Cross* Romafɔ awie amandɩ igyiá béda lakpan abwepu manta oyikpalihesu, má amú. Aha amɔpu pú ogyo atswapu butebiti ɔsu alɩ. Igyi oyiá bapukpali aba. Bre ɔkusu a, buteha lakpan abwepu amu butɔsura mú ya ɔtineá isa akɔpu amu bópu ndatobi da amú manta, nte pu ɔfe kɩ amú manta músu. Mú ɔma a, butotsu oyikpalihe amu lu, lakpan abwepu amu busian músu kpefun breá bawu. ɔha ání beda manta oyikpalihesu tehe wun ɔwɩɔsun asa otowu. Nsupa kpɔnkpɔnti ε igyi ni beda fu manta oyikpalihesu, igyi Bulu ulwu ε. Kristo lɔho alɩ ɔsubiti anfi ha aní, mení ɔbéha Bulu ɔbéɔdinkɩ ulwuá ɔletiti aní mɔnyɔ nsune le anisu. Kɩ atɔ taanheá ɔbu ifun 428 múa 429 nsune.

ɔ

ɔbunsam *Devil/Satan* ɔbunsam gyi ɔɔje lalahe owie pú Bulu olupu. ɔtemle aha, ha amú butɔbwe lalahe. Otetsia kaun Yesu Kristo ahogyipu amú

lalaheá babwe bótson, menı bósusúá Bulu mǎkusikie amó. Mu ida gyi “Satan,” nte ɔyi anfisv ogyipv.

Dhände Elder Ntam Pɔpwe anftv a, buteti oha ɔhande tsun nkpa asasu:

- (1) Bulu Asun Wanklaan nwulv gyankpavv aná amvɔv a, ɔhande gyi Yudafo Bulu osumpv dehen.
- (2) Gyumagyihe ɔwulv amvɔv a, amógyi aha ání butekı ɔpasuasv.
- (3) Ibv Atv Lesunahe ɔwulv amvɔv e ání “Ahande advanyv-na budev Bulu sum ɔsvsv.” (Atole. 4:4). Fétalı tsu mó e ání igyi osuna ha Bulu aha ifia.

Dhien Incense Ihe bu ofan. Oyi ukv ɔma pv mu nlintv ntsvɔv butenya mó tsu. Butɔwa mó ogya.

Ɔkpvnv Ɔdake Sabbath Bulu lɔpv nkensie bwe ɔyıtı, ɔleda ɔkpvnv eke sienɔsı. Mose mbla meha ɔkpa ání Yudafo buyv agyuma ɔkpvnv ɔdake. Bulu ɔbee, ayv agyuma yi abasv nkensie, apv eke sienɔsı da ɔkpvnv. Mó sv Yesu letsa oha ılv ɔkpvnv ɔdake, bele mv ıla nı. Tsufe butobv ılvtsa ání igyi agyuma.

Ɔnɔkıl Fasting Yudafo amandıe igyi ání bétsia nke kv, buméegyı atv alu kpefvn ibre kv. Ilosuna iwiasıba, awırehɔsv pv obú pvha Bulu.

Ɔɔe Lalahe Evil Spirit/Demon Bvgyı Bulu olupv Satan abɔpv. Tekı Bulu-abɔpv bvgyı, tame breá Bulu olupv lɔkvsv lu Bulusv a, bobuo mv. Alıá Ɔbvnsvm gyı a, alı mv abɔpv e bvgyı nı. Butemle aha, yinta amó, butetin aha ɔkpa ání bumáhv Bulu gyı. Butɔbwe mv alı, menı Bulu ɔbébıtv amó ısv ogya ání itamaduntv.

Ɔɔe Wankıhe Holy Spirit Ogyı Bulu Ɔɔe. Ogyı Bulu fe Ɔsv móa Obı amv. Bulu lɔpv mv sısv, otebetsia ahogyıpvɔv, wa amó ɔwvnln. Ɔteha ɔpasua amv tedan. Bulu tɔpv mv ha mv asun anupv.

P

Paradiso Paradise Griki ɔblıtv a, Paradiso igyi ndobiá ıbv akıle. Bre ukv a, buteti mó Eden ndobi. Bulu lɔpv Adam mva Hawa yayı mótv ɔyi asıtsuabı amv. Ntam Pɔpwe ɔwulv amvɔv a, betı Bulu woyı bee Paradiso; igyi ɔtınv wanklaan ání Kristo ahogyıpv bıyv amó lowu ɔma amv. (Luk. 23:43; 2 Ko. 12:3; Atole. 2:7).

Pentekoste Eke Pentecost Pentekoste ası gyı “Aduenu (50).” Ekeá befi Katsvn Nke gyı ası ɔma eke aduenusı butegyı Pentekoste Nke anftı, igyi Israelfv ayotın nke. Ɔsvra nısv, igyi “Otimbɔtv (May)” butegyı mó. Alı eke anftı Ɔɔe Wankıhe legyankpa kplı ba Yesu Kristo ahogyıpv amısv Yerusalem nı.

S

Sadukıfı Saducees Yudafo igyi ahapv ɔpasua tukuriıbi kvá bubv atv, bubv tumı e igyi. Butɔhv Bulu Mbla amısv gyı, tame butamahv Yudafo amandıe amısv budev mótv kinkıinkıısv gyı. Butamahogyıá kısv-tsv afulıtv e ıbv ıbv. Inı sv amóa Farısıfı amv butehıe gyı aba nwen.

Salomo Solomon Mvgyı Israelfv owıeá oleyı Bulu ɔsvwekpa kpvnkpvntı Yerusalem nı. Owıe Dawıd lɔkwı mv. Mu atonyahıe pv mu nyansa sv mu ida lıyv tsıtsı.

Samariafɔ *Samaritans* Igyi ɔmá ání ɔda Yudea pú Galilea nsɔne. Amúá Yudafo Bulusum, amandɛe pú ɔmákpa asɔn ihɛe igyi ɔtsan ha aba. Mú sv bumetepi kan.

Sara *Sarah* Mv klu gyi Abraham. Ɖledan, bwe ɔtsi-dehen asa Bulu lebla mv ɔbee, méha mv obiyimbi. Lele bre amv ɔlfun a, ɔɔkwu obiyimbi, beti mv Isak. Yekɔ *Abraham*.

Satan *Satan* Ɖbɔnsam ɔda kv ε ni. Yekɔ *Ɖbɔnsam*.

Sion *Zion* Igyi abvá Yerusalem wulu ɔdn músvɔtɔ ɔkplɛ. Bre ɔku butetɔ Yerusalem wulu bee Sion, bre ɔku ε butɔpɔtɔ Bulu woyi. (Mat. 21:22; Yoh. 12:15; Rom. 9:33; 1 Pe. 2:6; Heb. 12:22; Atɔle. 14:1).

Sodom *Sodom* Sodom wulutɔ Lot mva mv abusuan betsia ni. Lnv bumanta Gomora wulu. Amúá Gomorafɔ betsia itsiatɔ lalaha. Mú sv Bulu ɔpɔv ogya hi awulu anyɔ amv. (Mat. 10:15; 11:23-24; Luk. 17:29; Atɔle. 11:8). Yekɔ *Lot*.

Sumbi *Ayɔpɔv* *Apostles* Amúgyi aha duanyɔ amsv Yesu ɔtɔsv le mv abuoɔv amutɔ, betsia mv wa, oletsia suna amú atɔ, tsia wa amú sumbi, betsia yɔ ntine yeda asɔn wanklaan amv ɔkan mv ɔdatɔ amv ni. Amú ansɔtɔ Yesu lowu, lakusu tsu afulitɔ. Ɖlebla amú ɔbee, buyɔ abuyebɛla aha tɔá bawun, abuda mv iwɔ asɔn wanklaan amv ɔkan.

Beba bemli Yesu ahogyipɔv akpapɔv. Ɖma a, Yesu lele iwɔ ɔwan suna Paulo, ɔlebla mv ε ɔbee, ɔbwe mv sumbi ɔyɔpɔv.

Akristofɔ butetɔ Barnaba mva mv aba aku ε akasipɔv, tame megyi Yesu lele amú.

Tati-obu *Tent* Yekɔ *Bulu Ɖtswekpa Tati-obu*.

W

Wan-abi *Grapes/Wine* Wan igyi ifla ání itoswie abi ɔkpɔtsatɔ. Butɔpɔv mú abi ntsu bwe nta. Mú nta butetɔ wan ni. Kɔ atɔ taanheá ɔbu ifun 322 tɔ, Yoh. 15:5.

Y

Yakob *Jacob* Isak mva Rebeka ɔkwu mv. Butetra tɔ mv Israel. Mvɔkwu abi duanyɔá bɔbwe Israel abusuan duanyɔ ni.

Yeremia *Jeremiah* Bulu ɔnɔsv ɔtɔpɔv ogyi. Breá Israelfɔ ɔfan butamapɔv obú ha Bulu a, Yeremia lebla amú ɔbee, budamli klɔntɔ. Olegyankpa bli ntobi tsɔtsɔtsɔá ɔbéba breá Yesu ɔbéba, asa Yesu leta ba.

Yesaia *Isaiah* Bulu ɔnɔsv ɔtɔpɔv ɔkúá ɔlɔhɔ ɔda ogyi. Oletsia ɔsulv anfsu ɔbɔbwe fe nfi lafa-asienɔ (700) asa bɔkwu Yesu Kristo. Tame Bulu ɔtsun msv tɔ tsu Yesu Kristo iwɔ tswɔ bre tsɔtsɔtsɔtɔ.

Yesu *Jesus* ɔda anfi asɔ gyi “Nkpa Ɖhɔpɔv.” Yesu Kristo gyi Bulu mv Biá olemli nyankpɔsa, olowu hɔ anɔ nkpa ni.

Yona *Jonah* Bulu ɔnɔsv ɔtɔpɔv ogyi. Bre ɔkɔtɔ a, Bulu ɔlwa mv Niniwe wuluá bogyi amú alupɔtɔ ɔbee, ɔyeda mv asɔn ɔkan, menɔ bédamli ɔklɔntɔ. Tame Yona mékleá ɔbɔyɔ. Ɖɔkusu ɔv ntsusu-yibi pɔ ɔkpa ɔyɔ wulu bambasv. Breá bɔyɔ a, Bulu lele afu kpɔnkpɔntɔ kv fia amú. Ntsusu-yibi amutɔ atsiapɔv bebɔá Yona sv Bulu de amú ɔsv bitɔ. Mú sv bele Yona wa ɔpɔv amutɔ, menɔ iwɔ bɔlwii amú. Klemetɔ kpɔnkpɔntɔ ɔku leme mv,

oletsia klemeti amu iputo nkensa. Mú oma a, ɔlɔɔ yekplai mu tswi ɔsulu amusu, Yona lɔkusu laa ya Niniwe yeda Bulu asun amu ɔkan unu.

Yosef *Joseph* Beti aha ɔtsan-ɔtsan Yosef Ntam Pɔpwe anfito:

- (1) Yosef, ogyi Yakob abi duanyo amvu bugyi Israel abusuan duanyo amuto ɔkule. Mu gyama gyi Benjamin.
- (2) Yosef, ogyi Maria mu klu. Maria anfi gyi Yesu Kristo mu yin ni.
- (3) Yesu mu yin mu bi Yosef.
- (4) Yakob ɔkusu mu pio Yosef.
- (5) Arimateayin Yosef, mulɔho Yesu fuli pula ni.
- (6) Yosef ání buteti mu Barsaba. (Gyu. 1:23).
- (7) Butetra ti Barnaba Yosef. (Gyu. 4:36).

Yosua *Joshua* Mose lowu oma a, Yosua lekpa Israelfo ya Kanaan ɔsulvá Bulu lebli ya ɔbeɛ, mópɔha amusu. Boko aha amvu butsie unu amu, begyi amusu. Muleye ɔsulu amuto ha Israel abusuan amu féé, ilesi Lewi abusuan áni igyi igyi ahapu abusuan. Yosua lɔbwe ɔkparu kpɔnkpɔnti ɔku. Ɖlekain mu aha ɔbeɛ, “Bupu amú klɔn féé sum Bulu.” Mulebli ɔbeɛ, “Mia mi woyi féé mú abósum Bulu” ni. (Gyu. 7:45; Heb. 4:8).

Yudafɔ *Jews* Amú buteti Israelfo ni. Yuda gyi ɔhande Israel abi duanyo amuto. Yuda abusuanto Yesu lelɔn.

Yudafɔ Ofiakpa *Synagogue* Yeki *Ofiakpa*.

Asun Dunkahe

- Ni fudekleá fěbu Bulu tsia:** Gyu. 14:14-17; 17:22-31; Rom. 1:18-23; 11:33-36; 1 Ko. 8:4-6; Mar. 12:29-30; Yoh. 4:23-24; 1 Ti. 1:17; 6:15-16; Heb. 4:13; 10:30-31; Yak. 1:17; 1 Pe. 1:14-17; 1 Yoh. 1:5; 4:7-12; 4:16; 2 Ko. 1:3; Yuda 24-25; Atɔle. 4:8-11; 15:3-4.
- Ni fudekleá fěbu Bulu mo Bi Yesu Kristo tsia:** Yoh. 1:1-18; Flp. 2:5-11; Kol. 1:15-20; 2:9-10; Heb. 1:1-14; Rom. 1:3-4; 2 Ko. 4:4-6; Luk. 1:26-38; Gal. 4:4-5; Mat. 16:13-17; Yoh. 5:19-29; 6:35-40; 11:25-27; 14:5-11; 17:1-5; 20:26-31; Gyu. 3:13-16; 4:10-12; 1 Yoh. 2:1-2; 5:20; Atɔle. 19:11-16.
- Ni fudesusuá Bulu tamaku fu:** 1 Yoh. 4:9-10; Rom. 5:8; Yoh. 3:16; 1 Ti. 2:3-6; 2 Pe. 3:9.
- Ni fudesusuá fɔmɔkubwe lakpan ku:** Rom. 3:10-12; 3:23-24; 5:12; Gal. 3:22; 1 Yoh. 1:8-10; Yoh. 3:18-20; 3:36; Gyu. 17:30-31; Kol. 3:5-10; Rom. 6:23; Gal. 6:7-8; 2 Te. 1:7-9; 1 Pe. 4:3-5; Atɔle. 20:11-15.
- Ni fudesusu fɛɛ, Bulu mɔkɔsi fu lakpan kie fu:** Gyu. 5:31; 10:43; 26:18; Efe. 1:7; Kol. 1:13-14; 2:13-14; 1 Ti. 1:15-16; Heb. 10:17-18; 1 Yoh. 1:8-10.
- Ni fudekleá Yesu ɔho fu nkpa:** Yoh. 1:12; 3:15-18; 3:36; 14:6; 20:31; Gyu. 4:12; 16:30-31; Rom. 3:20-22; 10:9-10; Gal. 2:16; Efe. 2:8-9.
- Ni umɔkowanku fuá fubu nkpa ání utamata:** Yoh. 3:1-16; 5:19-29; 11:25-26; 14:6; 17:2-3; 20:31; Rom. 8:10-17; 2 Ko. 5:17; Efe. 2:1-6; Kol. 2:13; Tito 3:4-7; 1 Yoh. 5:11-13.
- Ni fudekleá fěbíá ilehian ání fěbɔ mpaɪ:** Mat. 6:5-13; 7:7-11; 14:23; 18:19-20; Mar. 1:35; 11:24-25; Luk. 5:16; 6:12; 18:1-8; 21:36; Yoh. 14:13-14; 15:7; 16:23-24; Rom. 8:26-27; 12:12; Efe. 6:18; Flp. 4:6-7; Kol. 4:2; 1 Te. 5:17; 1 Ti. 2:1-4; 2:8; 4:4-5; Heb. 4:16; 10:19-22; Yak. 1:5-8; 4:2-3; 5:13-18; 1 Pe. 4:7; 1 Yoh. 3:21-22; 5:14-15.
- Ni fudekleá fubu tsá svá fěbɔ mpaɪ a, kla mpaɪ anfu aha anfu bɔbɔ:** Luk. 11:1-4; 22:32; 22:39-45; Yoh. 17:1-26; Gyu. 4:24-31; 16:25; Rom. 1:9-10; 10:1-2; 15:30-33; 2 Ko. 12:7-10; Efe. 1:15-20; 3:14-21; 6:19-20; Flp. 1:3-5; 1:9-11; Kol. 1:9-12; 4:3-4; 1 Te. 3:9-13; 2 Te. 1:11-12; 3:1-2; Heb. 5:7; 7:25.
- Ni ukplan nte asun wunhe ɩtu fu:** Rom. 8:18-25; 8:28; 8:35-37; 12:12; 2 Ko. 1:3-5; 4:16-18; Yak. 1:2-4; 1 Pe. 1:3-9; 2:19-23; 5:8-10.
- Ni fudɛɔ:** Mat. 4:23-25; 9:35; 11:2-5; Gyu. 3:1-6; 8:4-8; 19:11-16; 28:8-9; 1 Ko. 12:9; 12:29-30; 2 Ko. 12:7-10; 1 Ti. 5:23; 2 Ti. 4:20; Yak. 5:14-15.
- Ni fude lowu ifu nya:** Yoh. 6:39-40; 11:17-27; 14:1-4; Rom. 8:38-39; 14:7-9; 1 Ko. 15:12-58; 2 Ko. 5:1-10; Flp. 1:20-24; 1 Te. 4:13-18; Heb. 2:14-15; Atɔle. 14:13; 21:1-4; 22:1-5.


- Ni fudekleá fǽbi Okristoyin tsiatɔ:** Yoh. 13:34-35; Rom. 12:9-13;
Gal. 5:22-26; Efe. 4:25-32; Kol. 3:12-17; 1 Te. 5:12-22; Tito 2:11-14;
Yak. 3:13-18; 2 Pe. 1:3-9.
- Ni fudekleá fǽbtá uma aleá fǽbwe tǽku:** Rom. 1:18-32; 1 Ko. 6:9-11;
Gal. 5:19-21; Efe. 5:3-5; Kol. 3:5-10; Yak. 4:17; 1 Pe. 4:3;
1 Yoh. 2:15-17; 3:4-5.
- Ni fukúá fometsie nkpa alúá Bulu dekle:** Yoh. 14:16-23; 1 Ko. 10:13;
Efe. 3:20-21; Flp. 1:6; 4:13; Kol. 1:11-12; 1 Te. 5:23-24; Heb. 13:5-6;
1 Yoh. 5:3-5.
- Ni fu Okristoyin bwe su aha budun fosu:** Mat. 5:10-12; Mar. 13:9-13;
Luk. 12:4-9; Yoh. 15:18-21; 16:1-4; Gyu. 5:41; Rom. 8:35-37;
12:14, 17-21; 1 Ko. 4:11-13; 2 Ko. 4:8-12; 12:10; Flp. 1:28-29; 2 Te. 1:4-8;
2 Ti. 3:10-13; Heb. 10:32-39; 12:3-4; 1 Pe. 3:13-17; 4:12-19; Atǽle. 2:10.
- Ni fukúá mehian ání fua ahogyipɔ mlǽfia tsukule:** Mat. 18:19-20;
Gyu. 2:41-47; Rom. 12:4-8; Efe. 1:22-23; 4:11-16; Kol. 3:15-17;
1 Ti. 4:13; Heb. 10:24-25.
- Ni ɔku ɔpu lalaha gyi fu:** Mat. 6:12-15; 18:21-35; Mar. 11:25; Luk. 17:3-4;
Rom. 12:17-21; Efe. 4:31-32; Kol. 3:13.
- Ni futsia oklu nte ɔka:** 1 Ko. 7:1-16; Efe. 5:21-33; Kol. 3:18-19; Tito 2:3-5;
Heb. 13:4; 1 Pe. 3:1-7; Mat. 5:31-32; 19:3-9; Luk. 16:18; Rom. 7:2-3.
- Ni ide fu bweá fua ɔtsiá omegyí fu tsiaba mlǽdu:** Mat. 5:27-28;
Yoh. 8:2-11; Rom. 13:8-10; 1 Ko. 6:9-20; Gal. 5:19; Efe. 5:3; Kol. 3:5-6;
1 Te. 4:1-8; Heb. 13:4; Yuda 7.
- Ni fubu abi:** Efe. 6:1-4; Kol. 3:20-21; 1 Ti. 3:4-5.
- Ni fu akwupɔ butsie nkpa:** Mat. 15:3-6; Efe. 6:1-3; Kol. 3:20; 1 Ti. 5:4-8.
- Ni fowun ɔkúá olehian mbva:** Mat. 7:12; 25:31-46; Luk. 3:10-11;
6:38; Gyu. 11:27-30; 1 Ko. 10:24; 2 Ko. 8:1-15; 9:1-15; Gal. 6:9-10;
Flp. 4:14-19; Heb. 10:24; 13:1-3; 13:16; Yak. 1:27; 2:15-16;
1 Yoh. 3:16-18.
- Ni ide fu bwe fe fǽbwe lakpan:** Mat. 6:13; 26:41; 1 Ko. 10:13; Heb. 2:18;
4:14-16; Yak. 1:12-15.
- Ni fabwe lakpan:** Luk. 15:11-24; Rom. 6:1-23; 1 Yoh. 1:9-2:2; Yak. 4:7-10;
Atǽle. 3:19-20; Heb. 12:1-2.
- Ni fude ɔbunsam nte ɔje lalaha ifu nya:** Mat. 4:1-11; 6:13; Luk. 22:31-32;
Yoh. 17:14-19; Rom. 16:19-20; 1 Ko. 16:13; 2 Ko. 12:7-10; Efe. 3:20-21;
6:10-18; 1 Te. 3:5-8; 2 Te. 3:3; Yak. 4:7-8; 1 Pe. 5:8-11; 1 Yoh. 4:4;
Atǽle. 12:7-12.
- Ni ɔku laha ɔblɔ de fu:** Gal. 5:22-23; Efe. 4:26; Kol. 3:8; 3:13; Yak. 1:19-20.
- Ni iwitsu bu futɔ:** Mat. 5:3-12; 18:1-5; Luk. 14:7-11; 18:9-14; Rom. 12:16;
1 Ko. 4:7; 2 Ko. 10:17-18; Efe. 4:2; Kol. 3:12-13; Yak. 4:6; 4:13-16;
1 Pe. 5:5-7.
- Ni fu tɔtɔ uma anule:** Efe. 4:29; 5:4; Flp. 4:8; Kol. 3:8; 1 Ti. 4:12; Yak. 1:26;
3:9-10.
- Ni ide fu bweá fua ofunu:** Efe. 4:25; Kol. 3:9; 1 Pe. 3:10; Yoh. 8:44;
Atǽle. 21:8; 22:15.
- Ni aha budekleá fua amónyɔ mlǽbu nta:** Rom. 13:13; 1 Ko. 5:9-11; 6:9-10;
Gal. 5:19-21; Efe. 5:18; 1 Ti. 3:1-3; Tito 1:7; 1 Pe. 4:3-5.

Ni fu ansi dun fu atonyaheso: Mat. 6:19-21; 6:24-34; Luk. 12:13-21;
12:32-34; Gyu. 20:35; 1 Ti. 6:6-10; 6:17-19; Heb. 13:5-6.


Ni aha bodekleá fúsum ukpu: Mat. 4:10; Gyu. 17:22-31; 1 Ko. 5:11; 6:9-11;
8:1-13; 10:1-22; 2 Ko. 6:14-18; Gal. 5:19-21; 1 Te. 1:9-10; 1 Yoh. 5:21;
Atɔle. 21:8; 22:15.

Ni fudekleá fěbi alíá fěpókuta mlí nkpa agyapu: Mat. 22:15-22;
Rom. 13:1-7; 1 Ti. 2:1-4; Tito 3:1; Heb. 13:17; 1 Pe. 2:13-17.

Bulu Ọtswékpá Yesu Kristo Brésó



Bulu Ọtswékpá Obu Amu Onutó



1. Bulu Igyíha Bodobodo Ọpúnú
2. Ọkandlẹ-oyí
3. Sika Pẹpẹ Afọdẹ-asubwi
4. Tati
5. Bulu Ntam-dáka
6. Kerubim

